


Burum-Mindik Bible



The New Testament and portions of the Old Testament in the
Somba-Siawari language of Papua New Guinea, also called the
Burum Mindik language.

Burum-Mindik Bible
The New Testament and portions of the Old Testament in the
Somba-Siawari language of Papua New Guinea, also called the
Burum Mindik language.
Sampela hap Buk Baibel long tokples Burum Mindik long
Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 11 Nov 2022 from source files dated 9 Oct 2020
c0871260-68cc-5a50-953f-52200e105d1e

Contents

FRT	1
Jenesis	3
Rut	99
Jona	106
Matyu	111
Mak	185
Luk	228
Jon	303
Aposol	360
Rom	434
1 Korint	470
2 Korint	503
Galesia	527
Efesus	540
Filipai	552
Kolosi	561
1 Tesalonaika	570
2 Tesalonaika	577
1 Timoti	581
2 Timoti	592
Taitus	600
Filemon	605
Hibru	607
Jeims	634
1 Pitö	643
2 Pitö	654
1 Jon	661
2 Jon	670
3 Jon	672
Juda	674
Indelindel	678

Urumelenḡö Buḡa Kimbi Jöhöjöhö Dölökḡi

**The New Testament and portions of the Old Testament in
the Burum Mindik (Somba-Siawari) language of Papua New
Guinea**

**Sampela hap Buk Baibel long tokples Burum Mindik long
Niugini**

Urumelenḡö Buḡa Kimbi

Jöhöjöhö Dölökḡi

The New Testament and portions of the Old Testament in the Burum
Mindik (Somba-Siawari) language of Papua New Guinea
[bmu]

Translation by Wycliffe Bible Translators

© 1992, 2002, The Bible Society of Papua New Guinea

Print publisher: 1992, 2002 The Bible Society of Papua New Guinea

Web version
2013, Wycliffe Bible Translators, Inc.
www.Wycliffe.org

<http://pngscriptures.org>

www.ScriptureEarth.org

This translation is made available to you under the terms of the Creative
Commons license (Attribution-Noncommercial-No Derivative Works).
<http://creativecommons.org/licenses/by-nc-nd/3.0>

Your are free to share — to copy, distribute and transmit the text under
the following conditions:

- **Attribution.** You must attribute the work to Wycliffe Inc. (but not in any
way that suggests that they endorse you or your use of the work).
- **Noncommercial.** You may not use this work for commercial purposes.
- **No Derivative Works.** You may not alter, transform, or build upon this
work.
- **In addition,** you have permission to port the text to different file
formats, as long as you don't change any of the text or punctuation of
the Bible.

Notice — For any reuse or distribution, you must make clear to others the
license terms of this work.

Tok Orait

Dispela Buk Baibel i kam wantaim tok orait na lo bilong Creative Commons Attribution-Noncommercial-No Derivative Works license. Em i tok olsem **yu ken givim kopi long narapela manmeri**. Yu ken wokim kopi na givim long husat i laikim. Tasol, yu mas tok klia dispela samting i kam long <http://tokplesbaibel.org>. Yu no ken kisim mani na salim dispela. **Yu mas givim nating**. Na tu, **yu no ken senisim Tok**.

Ol piksa i kam wantim ol Baibel na narapela buk i stap long dispela sait i gat tok orait long usim wantaim dispela samting tasol. Sapos yu laik narapela tok orait, yu mas askim husat i papa bilong copyright long dispela ol piksa. Sapos yu laik stretim samting i nò orait long dispela tok orait, stretim tok, salim Buk Baibel, o tainim Tok bilong God long nupela tok ples, yu ken **askim mipela**. Olgeta tok orait na lo long tok ples English i stap long <http://creativecommons.org/licenses/by-nc-nd/3.0/legalcode>.

Sapos yu gat askim long dispela, **plis askim mipela**.

Jöhöhö Dölökji

Jenesis (Letotletot)

Anutunöŋ jiiga yuai pakpak letotket.

Jim-asa-asari

Buk kianön kösohot kewöŋi jiza: Anutunöŋ suep, gölme, mietkö yuaiŋiri pakpak aka ambazip miwikŋaim enŋiiga siŋgisöndoknöŋ et etkuiga lömböt sihimbölöŋambuk mi gölme dop nenŋö qakŋine öŋgöyök. Mewö et nenŋuiga Anutunöŋ oyaenŋoyaenŋ aka malbingö köna denöwöŋi mi arengöba mi-wikŋaiyök. Letotletot (Jenesis) buk kianŋö uruŋe likepŋi yahöt kewö ahözahot:

1) Boŋ 1-11 Kösohot könakönahiŋi: Anutunöŋ suep aka gölme miwikŋaim etkiiga ambazip yenŋö malmalŋine mutuk miangöreŋ denöwö asuhuyök. Adam aka Iw, Kein aka Abel yenŋö kösohotŋini. Noagö nalöŋe göulu ketaŋan asuhaba gölme turuyök. Babilon miangöreŋ miri köröpŋi kötökŋi meget.

2) Boŋ 12-50 Israel yenŋö bömöŋ jalöurupŋini yenŋö kösohotŋini: Mutuk Abrahamnöŋ Anutu möt nariba keuŋi tem köla maliga keuŋi jim teköiga solaniyök. Yangö andöŋe nahönŋi Aisak, isiŋi Jeikob qetŋi alaŋi Israel aka yangö nahönurupŋi 12 miengö kösohotŋini könaŋi könaŋi. Azi 12 mi Israel könagesögö kambu 12 miengö bem bömöŋŋina aket. Bem bömöŋ Josefkö kösohotŋi mi tandökŋi kun. Denöwö asuhiba Joseföŋ mutuk Ijpt aniga yangö andöŋe iwiŋi Jeikob aka darumunurupŋi pakpak yeŋön mewöyök saiwaurupŋini yembuk Ijpt kantrinöŋ anda kiana malget.

Buk kianön ambazip yenŋö malmalŋinanöŋ kösohotŋi gwötŋuk jizapmö, Anutunöŋ denöwö ak enŋiyöhi, miangön kösohot miengö likepŋi bohönŋi akza. Malmalgö kösohot pakpak miengö ahakmeme azi bohönŋi mi Anutu. Könakönahiŋe suep, gölme aka mietkö yuaiŋiri pakpak miwikŋaim enŋiiga siŋgisöndoknöŋ et etkuiga pöndaŋ Iwiŋini öŋi mala bölöŋamŋini kewöta keuŋini jim teköba likepŋini melenŋ enŋii qakŋine öŋgöi malget. Tosatŋan Anutugö keu bapŋe angeri, i ölöŋŋanök köyan köla enŋuangiri malmalŋinan miangö dop uteköba asuhuyök. Noagö nalöŋe saiwanŋi 8 yeŋön qahöpmö, ambazip tosatŋi pakpak yeŋön kömuget. Könaŋŋep jöhöjöhö keuŋi mi Abraham aka gwölönarökurupŋi könaŋŋep asuhugeri, yeŋöra enŋiyök. Jöhöjöhö keu miengö dop Anutunöŋ könagesöurupŋan oyaenŋoyaenŋ akingöra galöm köŋ enŋiiga mala kota mal öŋgöme. Ambazipnöŋ mönöwök denöwö Anutu möt narim wanŋigeri, kösohot tömbuŋi mienöŋ mönö nalö kewöŋe mewöyök mötnaripninan guliba köhöimapköra bauköm nenŋimakze.

Buk kianöŋ bahönŋi bohönŋi 10 mi kewö:

- 1) Suep, gölme aka yuai pakpak miwikŋaiyök. 1.1-2.25
- 2) Siŋgisöndokö lömböt sihimbölöŋambuk könahiyök. 3.1-24
- 3) Adamgö nalöŋeyök könahiba Noagöreŋ kaŋgorök. 4.1-5.32
- 4) Noagö nalöŋe o göulu ketaŋan asuhuyök. 6.1-10.32
- 5) Babilon miri köröpŋi kötökŋi meget. 11.1-9
- 6) Semgö nalöŋeyök könahiba Abramgöreŋ kaŋgorök. 11.10-32
- 7) Bömöŋ jalö karöbut Abraham, Aisak aka Jeikob 12.1-35.29
- 8) Isogö gwölönarökurupŋi mi kewö: 36.1-43
- 9) Josef aka yangö darumunurupŋi 37.1-45.28
- 10) Israel könagesö yeŋön Ijpt malget. 46.1-50.26

Anutunöj jim kutuiga yuai pakpak letotket.

¹ Könakönahije Anutunöj Suep aka gölme miwikñaim etkiyök. ² Miwikñaim etkiiga gölme mi gwamönñji aka kizik-kazukñambuk ahöyök. Ahöiga o dig-injambuk mi söñapnönj turuiga tarök. Mewö tariga Anutugö Urja Töröñjan o miengö qakñine anda kaba malök. ³ *Mewö maliga Anutunöj kewö jim kutuyök: “Asakñan mönö asuhum tingitma.” Mewö jim kutuiga miri mönö asariyök. ⁴ Asariñ ehi mianñön mönö ölöwahiga asakñi pandamanöhök mendenj etkiyök. ⁵ Asakñanjö qetñi wehön asakñi aka pandamangö qetñi sunjem mewö etkoholök. Mewö etkoholiga wehön mutukñi teköiga miri söñaubu gianjyök.

⁶ Gianjiiga Anutunöj kewö jim kutuyök: “Mönö o sutñine suepkö jabö köhöikñi asuhuba o mendenjiga euke aka emuke ahömahot.” ⁷ Mewö jim kutuba suepkö jabö köhöikñi miwikñai bu mianñön o mendenjiga tingita jabö qakñe euke aka jabö bapñe emuke ahöyohot. Mewö asuhuiga ⁸ suepkö jabö köhöikñi eukeanjö qetñi suep qerök. Mewö qeriga wehön yahötñi teköiga miri kunbuk söñaubu gianjyök.

⁹ Gianjiiga Anutunöj kewö jim kutuyök: “O suep bapñe ahözei, mi mönö qezakögetka kambu mohot aiga gölme örönñi asuhuma.” Mewö jim kutuiga mönö mewö asuhuyök. ¹⁰ Mewö asuhuiga örönñanjö qetñi gölme qeta o kambu tokogeri, miangö qetñi köwet etkoholök. Etkohola etkehiga mianñön mönö ölöwahök. ¹¹ Ölöwahiga kewö jim kutuyök: “Gölme qakñe mönö yuai görökñi (töñgönñi) pakpak kewö asuhuba wahötme: Gwözözak yuai köñjinambuk mi mönö asuhuba wahöta köñjini kuñguba söhömakñe. Ip kösö tandökñini könañi könañi mönö gölmenöñ asuhuba öñjini köñjinambuk kuñguba söhömakñe.” Mewö jim kutuiga mönö kewö asuhuyök: ¹² Gölme qakñe yuai görökñi (töñgönñi) pakpak asuhuba wahötket. Gwözözak yuai köñjinambuk tandökñini könañi könañi mi asuhuget. Ip kösö tandökñini könañi könañi mi gölmenöñ asuhuba öñjini köñjinambuk kuñgum söhöget. Mewö asuhuiga Anutunöj engehiga mianñön mönö ölöwahök. ¹³ Wehön karöbutñi teköiga miri kunbuk söñaubu gianjyök.

¹⁴ Gianjiiga Anutunöj kewö jim kutuyök: “Suepkö jabö köhöikñe mönö asakñi asakñi asuhuba wehön aka sunjem mi mendenj etkiba kindu (yara) yambu, kömunjan kie nalö aka wehön nalö, gwani nalö aka silim mohot mohotkö aiwesökñina ahöme. ¹⁵ Mienñön mönö suepkö jabö köhöikñi miangörej asakñi asakñi aka gölme mem asarime.” Mewö jim kutuiga mönö kewö asuhuget: ¹⁶ Anutunöj asakñi ketanji yahöt miwikñaim etkiyök: Asakñanjö galömnji wehön jeñi kiniga miangö eretñi köñj mi sunjemgö galömnja kindu ahöm öñgömahot. Sengelau mi mewöñanök miwikñaim enjyök. ¹⁷ Anutunöj mi suepkö jabö köhöikñe miangörej gölme mem asarimegöra al enjyök. ¹⁸ Mi gölme mem asariba wehön aka sunjem galömnja kindu asakñi aka pandamanñi mendenj etkimegöra al enjyök. Mewö asuhuiga Anutunöj engehiga mianñön mönö ölöwahök. ¹⁹ Wehön 4:ñi teköiga miri kunbuk söñaubu gianjyök.

²⁰ Gianjiiga Anutunöj kewö jim kutuyök: “O köwet miengö uruñine mönö yuai isikusukñinambuk asuhuba dop köla o qeba ölölanjöba lan anda kaba malme. Mewöñanök neñi neñi gölme qakñe könakemba bölbölgöba kutuba anda kaba malme.” ²¹ Mewö jiba köwetkö sömbupñi ketanji ketanji aka yuai

* 1:3: 2 Kor 4.6; 2 Pitö 3.5

isikusuknjambuk tandökjini könani könani o qeba ölölaᅇgöba qeᅇelanᅇanᅇ anda kamakzei, mi miwikᅇaim enᅇiyök. Mewöyök nei tandökjini könani könani ginginᅇinambuk mi miwikᅇaim enᅇiyök. Miwikᅇaim enᅇiba enᅇehiga mianᅇön mönö ölöwahök. ²² Ölöwahiga kötuetaköm enᅇiba keu kewö jiyök: “Injini mönö köt moröᅇinambuk jul sehiba o köwet dop köla malme aiga nei injini mönö mewöᅇanök gölme qakᅇe ahum sehime.” ²³ Keu mewö jüiga wehön 5:ᅇi teköiga miri kunbuk söᅇauba gianᅇiyök.

²⁴ Gianᅇiiga Anutunöᅇ kewö jim kutuyök: “Gölme qakᅇe mönö yuai pakpak malmalᅇinambuk tandökjini könani könani asuhume. Mirigö sömbupᅇi, yuai bapᅇinan köla ölölöᅇgömakzei aka arökᅇaᅇö sömbupᅇi tandökjini könani könani, mi mönö asuhume.” Mewö jim kutuiga mönö kewö asuhuᅇet: ²⁵ Anutunöᅇ arökᅇaᅇö sömbupᅇi tandökjini könani könani mi miwikᅇaim enᅇiyök. Mirigö sömbupᅇi tandökjini könani könani mi miwikᅇaim enᅇiyök aka yuai pakpak bapᅇini gölmenöᅇ köla ölölöᅇgömakzei, tandökjini könani könani mi miwikᅇaim enᅇiyök. Miwikᅇaim enᅇiba enᅇehiga mianᅇön mönö ölöwahök. Mewö.

Anutunöᅇ azi aka ambi miwikᅇaim etkiyök.

²⁶ *Mianᅇö andöᅇe Anutunöᅇ kewö jiyök: “Ayop, nini mönö azi nanine tandökö dop meinga kaisoᅇgolomni ewö aka yuai pakpak galöm köᅇ enᅇiba malma. Yuai pakpak mi köwetkö söraᅇi, suepkö neiᅇi aka mirigö sömbupᅇi, gölme körek aka yuai pakpak bapᅇini gölmenöᅇ köla ölölöᅇgömakzei, mönö miᅇᅇö galömᅇina aka malma.” ²⁷ *Mewö jiba nanᅇi kaisoᅇgolomᅇaᅇö dop azi miwikᅇaiyök. Anutugö kaisoᅇgolomᅇi ewö malmapköra i miwikᅇaim waᅇiyök. Azi aka ambi malmahotköra i miwikᅇaim etkiyök. ²⁸ Miwikᅇaim etkiᅇa i kötuetaköba kewö jim kutum etkiyök: “Injiri mönö ahum sehiba gwölönarökᅇuk malohotka gölme dop köla malme. Mewö mala gölme tonᅇi akᅇe. Mewö aka köwetkö söraᅇi, könakembagö neiᅇi aka sömbup mokoleᅇ laigisip gölmenöᅇ anda kamakzei, mönö mi pakpak galöm köᅇ enᅇiba malme.” ²⁹ Mewö jiba keu kewö jiyök: “Mötket, nöᅇön yöha könani könani gölme pakpak dop köla asuhuba wahöta köᅇjini kuᅇᅇum söhömakzei aka ip kösö pakpak öᅇ köᅇinambuk kuᅇᅇum söhömakzei, mi numbu neneᅇini akᅇapköra al enᅇizal. ³⁰ Arökᅇaᅇö sömbupᅇi pakpak, könakembagö neiᅇi pakpak aka yuai pakpak gölmenöᅇ anda kamakzei aka tosatiᅇi pakpak söᅇgöro ösumᅇini öromakzei, yeᅇgöra gwözözak görokᅇi (töᅇᅇöᅇi) könani könani mi neneᅇamᅇini akᅇapköra al enᅇizal. “Keu mewö jüiga mönö mewö asuhuyök. ³¹ Asuhuiᅇa Anutunöᅇ yuai pakpak miwikᅇaiyöhi, mi ehiga mönö ölöᅇ kötökᅇi aiga urusösöᅇgai mörök. Wehön 6:ᅇi teköiga miri kunbuk söᅇauba gianᅇiyök. Mewö.

2

Anutunöᅇ kendon tarök.

¹ Gianᅇiiga suepkö jakenᅇi jakenᅇi, gölme aka mietkö yuaiᅇiri aködammunᅇirambuk pakpak mi lök miwikᅇaim enᅇim teköyök. ² *Anutunöᅇ nupᅇi mi mei teköiga wehön 7 mianᅇöᅇeᅇ kendon tarök. Nupᅇi pakpak meyoᅇaᅇgöra wehön 7 mianᅇöᅇeᅇ luhut meyoᅇ. ³ Miwimiwikᅇai nupᅇi

* 1:26: 1 Kor 11.7; Mat 19.4; Mak 10.6 * 1:27: Jen 5.1-2 * 2:2: Hib 4.4, 10; Eks 20.11

pakpak meyöhaᅅgöra aka wehön miangörej luhut meyök. Miangöra wehön 7:nj mi kendon jiba kötuetköba jim kömbuhiyök. Mewö.

Oyaenƙoyaen miri qetji Eden

⁴ Anutunöŋ suep gölme miwikŋaim etkiiga asuhuyohoraᅅgö kösohotŋi mi mewö. Kembu Anutunöŋ suep aka gölme miwikŋaim etkiyöhi, nalö miangörej ⁵⁻⁶ Kembu Anutugö jitsihitköra gölme qakŋe kie qahö yöhöiga nup kölkömötköra azi kun kude malökmö, gölme uruŋeyök bedunöŋ miyök kota gölme qakŋi dop köla mem samuruyök. Miangöra arökŋaᅅgö ip köhö kun me sombengö gwözözak yuai kun mi gölmenöŋ qahö asuhum tŋgita ahöyök.

⁷ *Nalö miangörej Kembu Anutunöŋ gölme sömsöm memba miangön azi mem yaköba malmalgö numbu ösumŋi söŋgöroŋe ui geiga öröba guliba malmalgö uŋaŋambuk ahök. Mewö.

⁸ Mewö aiga Kembu Anutunöŋ wehön kotkotŋe göröken miri qetji Eden miangörej oyaenƙoyaen nup kömöta azi miwikŋaiyöhi, i miangörej al waŋgiyök. ⁹ Al waŋgiba jiiga gölmenöhök ip tandökŋini könaŋi könaŋi asuhuba wahötket. Ip mi eksihimŋinambuk aiga öŋŋini neneni mi nahöŋŋinambuk. Oyaenƙoyaen nup bibiŋe malmal köhöikŋaᅅgö ipŋi aka mötkutukutugö ipŋi mi mohotŋe jim kutuiga asuhuyohot. Mötkutukutugö ipŋaᅅgö könaŋi kewö: Öŋŋi namba miangön ölöŋŋi aka bölöŋŋi mietkö könaŋiri mi möt kutubahotpak.

¹⁰ Ip mewö wahötketka o töwatŋi kun mi Edenök könaŋiba oyaenƙoyaen miri mem kelita miangörejök eta jula o böröŋi töwatŋi ⁴ aka anget. ¹¹ O töwatŋi mutukŋaᅅgö qetŋi Pison, mi Hawila gölme körek liliköba ahöba anja. Gölme miangörej goul ahöza. * ¹² Gölme miangö goulŋi mi ölöŋŋi kötokŋi akza. Sileqösösök umköhöwaŋambuk qetŋi bedelion aka köt öŋŋambuk qetŋi oniks mi mewöyök miangörej ahözahot. ¹³ O böröŋi töwatŋi jaᅅgö ² miangö qetŋi Gihon. Mi (Mesopotemiagö) gölme qetŋi Kus mi körek liliköba ahöba anja. ¹⁴ O böröŋi töwatŋi karöbutŋi qetŋi Tigris. Mi Asiria gölme wösöŋe wehön kotkotŋe göröken geba anja. O böröŋi töwatŋi jaᅅgö ⁴ miangö qetŋi mi Yufreitit.

¹⁵ Mewö aiga Kembu Anutunöŋ azi waŋgita oyaenƙoyaen miri Eden köl kömöta ek galöm akŋapköra jiba al waŋgiyök. ¹⁶ Al waŋgiba kewö jiba jim kutum waŋgiyök: “Oyaenƙoyaen nup uruŋe ip pakpak kin anjei, miengö öŋŋini mi ölöp amqeba mem namba malman. ¹⁷ Mimö, mötkutukutugö ipkö öŋŋi mi mönö kude neman. Mi namba ölöŋŋaᅅgö könaŋi aka bölöŋŋaᅅgö könaŋi möt kutuman ewö, gi mönö wehön miangörejök kömum köhöiman. Miangöra mi mönö kude neman.”

¹⁸ Mewö jiba Kembu Anutunöŋ jiyök: “Azinöŋ nannök maliga ölöp qahö akza. Miangöra nöŋön mönö nannj tandökŋaᅅgö dop alabaukŋi miwikŋaimam.” ¹⁹ Mewö jiba arökŋaᅅgö sömbupŋi pakpak aka könakembagö neiŋi pakpak mi gölmenöŋ miwikŋaim enƣiba azigö kösutŋe enƣuaŋgita azinöŋ qetŋini denöwö qetmawi, mi eka mötmapköra yaᅅgörej al enƣiyök. Al enƣiiga azinöŋ yuai malmalŋinambuk pakpak miengö qetŋini mohok mohok qeriga Anutunöŋ mewö mia ahömapköra jim köhöiyök. ²⁰ Mewö aiga azinöŋ mirigö sömbupŋi pakpak, könakembagö neiŋi pakpak aka arökŋaᅅgö sömbupŋi pakpak mi qetŋini enƣim teköyök. Enƣim teköyökmö, nannj tandökŋaᅅgö dop alabaukŋi malmapköra kun qahö miwikŋaiyök.

* **2:7:** 1 Kor 15.45; Ind 2.7; 22.2, 14; Mat 19.5; Mak 10.7-8; 1 Kor 6.16; Ef 5.31

* **2:11:** Hawila mi

²¹ Qahö miwikñaiiga Kembu Anutunöŋ mi eka azi mem lömböriiga gaun lömbötñi ahöyök. Ahöiga maröm sihitñi kun öröba dumdumñi busunjan mem gwözöŋnök. ²² Gwözöŋnda azinöhök maröm sihitñi meyöhi, mianjôn ambi meyök. I mamba azigörej wanjita kayök. ²³ Wanjita kaiga azinöŋ i eka kewö jiyök:

“Ye! Ki nani tandöha. Yanjö sihit busunji mi nani sihit busunöhök asuhoza. Anutunöŋ i azigö sile kitipneyök mei letota azi tandök ewö maljawanjöra qetñi mönö ambi (azigö alaŋi) qetme.†”

²⁴ Mewö jiiga Anutunöŋ kewö jim kutum etkiyök: “Mewö aiga azinöŋ mönö iwinamñi etkömosöta anömñanjörej qekötahöba silemohot aka malmahot.”

²⁵ Azi mianjôn anömñambuk opo söröŋjiri qahö aukñe malohotmö, töndup nannjranjö gamunñiri qahö möta malohot. Mewö.

3

Adam aka Iw Anutugö keunji qetala et etkiyök.

¹*Kembu Anutunöŋ gölmegö sömbup malmalñinambuk pakpak miwikñaim enjyöhi, miengö sutñine mokoleñnöŋ isimkakalek mötmötnöŋ sömbup pakpak mi enjonyita öngöyök. Mewö öngöba ambigöra kewö jiyök: “Oyaenköyaen mire ip pakpak kin anjei, miengö ölni kun kude nemahotköra Anutunöŋ ölna jim kutum etkiyök me qahö?”

² Mewö jiiga ambinöŋ melenja mokolenjöra kewö jiyök: “Oyaenköyaen mire ip tosatñi kin anjei, miengö ölni mi ölop nembitköra jiyök. ³ Mimö, miri bibiñe ip kun kinjawi, mianjö ölni mi namba kömumbitpuköra mönö kewö jiyök: ‘Mi mönö kude nemahot. Mia kude misirimahot.’ Mewö jim kutum netkii maljit.”

⁴ Mewö melenja jiiga mokolenñnöŋ ambigöra kewö jiyök: “Mi saumban! Injiri kude kömumahot. ⁵ Mimö, ip mianjö ölni mi neyohotka wehön mianjörejök mönö jeñiran tohoiga Anutu ewö aka ölopñanjö könañi aka bölöñanjö könañi möt tekömahot. Anutunöŋ keu mi möta mewö asuhubapuköra keunji mewö jiyök.”

⁶ Mewö jiiga ambinöŋ ip mi uba ehiiga ölni ölopñi nenenanjö dop ahök. “Mi eksihimñambuk kiniga mötkutukutu ketanji awamñanök ningima,” mewö mötmöriba ölni kun meköba neyök. Namba apñi yambuk malöhi, i tok wanjiiga neyök. ⁷ Neiga jeñiran mönö mianjörejök tohoiga sileñiri aukñe malohori, mi anjek kutuyohot. Mewö anjek kutuba kinda fig ipkö sinñi mumberatiba opo söröŋjiri uba lata malohot.

⁸ Malohotka wehön jeñi geiga miri löwöriiga Kembu Anutunöŋ oyaenköyaen mire tiba kaiga köna ötöŋi mörohot. Mi möta awanöm yetköñ Kembu Anutugö jemesoholñeyök mömölaköba oyaenköyaen mirigö ip uruñine anda asambörohöt. ⁹ Asambörohötmö, Kembu Anutunöŋ azigö qeta kewö jiyök, “Gi mönö denike maljane?”

¹⁰ Mewö qeta jiiga kewö melenjök: “Gi oyaenköyaen miri uruñe tiba kanöŋga köna ötöŋi möta sileni aukñe maljalanjöra kenjötni mötzal. Miangöra mömölaköba asamböta maljal.”

† **2:23:** Injilis keu eknöŋ: man aka woman keu yahöt mi öröröŋ tandök akzahot. * **3:1:** Ind 12.9; 20.2; 2 Kor 11.3; 1 Tim 2.14

11 Mewö melenɲiga kewö jiyök: “Gi sile aukɲe maljani, mi mönö daɲon jii mötzan? Nöɲon ip kungö kötni nembanbukö soɲgo al gihiali, göɲon miangörejök kun nezan me?”

12 Mewö jiiga azinöɲ kewö jiyök: “Ambi nömbuk malmapköra niɲginöɲi, yanöɲ mönö ip miangö kötni niɲgiiga nezal.”

13 Mewö jiiga Kembu Anutunöɲ ambi kewö qesim waɲgiyök: “Göɲon wuanöɲgöra mewö akzane?” Qesim waɲgiiga kewö melenɲök: “Mokolenöɲ mönö tilipköm niɲgiiga nezal.”

Anutunöɲ likeɲɲi melenɲda lömböt enɲimapkö jiyök.

14 Mewö melenɲiga Kembu Anutunöɲ mokolenɲgöra kewö jim waɲgiyök: “Mewö akzananɲgöra aka gi mönö mirigö sömbupɲi pakpak aka arökɲaɲgö sömbupɲi pakpak yeɲgö sutɲiɲe kewö jim qesuahöm gihibiga malman: Göɲon mönö gölmenöɲ malmanɲgö dop bapkan köla anda kaba sömsöm uruɲe mala nesak yuai nemakɲan. 15 *Mewö nempa ambibuk sutɲiɲe kerök al etkibiga mi möta malman. Kerök mi göhö gwölönarökurupki aka yaɲgö gwölönarökurupɲi yeɲgö sutɲiɲe toroqeba ahöm öɲgöi kewö asuhuma: Yeɲgörejök azi kunöɲ mönö göhö nöropki tölölahöiga göɲon yaɲgö köna gwakötɲi yöhösulmakɲan.”

16 Toroqeba ambi kewö jim waɲgiyök: “Göɲon gölömgabuk aka malnöɲga sihimbölöɲi ketanɲi al gihibiga masö ahum gihiiga möta morö mem enɲimakɲan. Mi töndup sihimgan mönö apkahöra ahöm gihiiga yaɲon galömgi aka malma.”

17 Toroqeba azi kewö jim waɲgiyök: “Nöɲon ip kungö ölnɲi nembanbuköra ‘Mia kude neman,’ jiba soɲgo al gihialmö, göɲon mi töndup anömgahö keuɲi wuatangöba nezan. Miangöra nöɲon gölme mi göhöra aka saikböiga ahöma. Mewö ahöiga göɲon gölmenöɲ malmanɲgö dop mönö sileqeɲe aka nup gwötɲuk memba sihimbölö möta nenegi miwikɲaiba malman. 18 Nup memba malnöɲga göhö nene nupnöɲ nuɲgakal, koururuk (köwörörök) yuai mi asuhuiga arökɲaɲgö yöha yuai mi nempa malman. 19 Mewö mala mesoholge nöɲgöp ariba nup memba tup yakagi mewö nempa mala gölmenöɲ mem gihiali, gölme miangörej mönö kunbuk lilingöba geman. Silegi gwakömnöɲ mem gihibiga mala öɲgöbagun mönö kunbuk gwaköm akɲan. “Mewö jim waɲgiyök.

20 Azinöɲ anöɲɲi yuai pakpak malmalɲinambuk maljei, miengö namɲini aiga azinöɲ qetɲi Iw (Ewa) qerök. * 21 Kembu Anutunöɲ sömbup silenɲan opo söro memba Adam anöɲɲet lat etkiiga malohot.

Anutunöɲ Adam aka Iw Eden miangörejök közöl etkiyök.

22 *Mewö malohotka Kembu Anutunöɲ kewö jiyök: “Yei! Ambazip mi neɲgörejök kungö dop aka ölpöɲi bölöɲi mietkö könaɲiri lök menden etk-ibitkö mötzahot. Mewö aiga malmal köhöikɲaɲgö ip kötni kude nemahotköra soɲgo alalmö, yetkön nalö kewöɲe toroqeba bööröɲiri böraɲda mi mewöyök mem nempa mewö miangö qahö kömumba teteköɲi qahö köhöikɲanök mal öɲgöbahotɲuk.” 23 Mewö jiba miangöra oyaenɲkoyaeɲ nup Eden miangörejök közöl etkiba gölmenöhök mem etkiyöhi, mönö gölme miangörejök kölkömöt nup memahotköra melaim etkiiga yaigep geba anohot. 24 Ambazip mewö közöl etkiba oyaenɲkoyaeɲ miri Edengö likeɲɲe wehöñ kotkotɲe göröken zeru-bim garata tosateɲi al enɲiiga malmal köhöikɲaɲgö ip miangö könaɲi utuba

* 3:15: Ind 12.17; Hib 6.8 * 3:20: Iw keu miangö könaɲi mi ‘Malmal maljei, miengö namɲini.’

* 3:22: Ind 22.14

galöm kölget. Yengö böröjine bimgö souñi ketanji aliga mianjon könöp bôlam ewö gilikbilikñambuk jeba andöñe wösöñe liliköba biliksikö dop aiga kinda galöm köla malget. Mewö.

4

Keinöñ Abel qei kömuyök.

¹ Azi Adamnöñ anömñambuk mala amiyohotka Iwnöñ (Ewa) gölöm ala Kein (Kain) meyök. Mema Kein qetkörä kewö jiyök: “Anutunöñ baukôm niñgiiga nahöni mezal.” ² Iwnöñ könañgep Adamgö nahönñi Abel, Keingö munñi meyök. Abelnöñ mala qariba lama galömñina aiga Keinöñ kölkömöt azia aka malök. ³ Mewö malohotka nalö kunöñ Keinöñ nupkö nene tosatñi memba kaba Kembugöra jöwöwöl ohom wañgiyök. ⁴ *Abelnöñ mewöyök lama kambunangö mutuk asuasuhunji tosatñi meköba enguba kitipñi kelökñinambuk memba kaba Kembugö jöwöwöl ohoyök. Ohoiga Kembunöñ Abel nanñi aka jöwöwölñi etkeka möri ölöwahök. ⁵ Ölöwahökmö, Kembunöñ Kein aka yangö jöwöwölñi mi ek tököyök. Mewö aiga Keingö irimñi seholiiga kömbuhiba jemesoholñan bosoliyök. ⁶ Bosoliiga Kembunöñ Keingöra kewö jii mörök: “Irimgi mönö wuanöñgöra seholiiga jemesoholñan bosoliza? ⁷ Gi yuai ölöpñi aknönnga möt angön köl gihibiga ölöp jemesoholgi öhal (hak) akñan me qahö? Yuai ölöpñi qahö aknönnga sinjisöndokö Tonjan mönö urugahö nanñunje kinda göhöra ala gihiba mönömakza. Mewö mönömakzapmö, göñön mönö mianjö söngo ala galöm memba luhut alman.”

⁸ Kembunöñ Keingöra mewö jii mörökmö, Keinöñ töndup munñi Abelgöra kewö jiyök: “Mönö nanirök nupnöñ anbit. “Mewö jiiga nupnöñ anda mala Keinöñ luhuba munñi Abel qelanjiba memba qeba qei kömuyök.*

⁹ Kömuiga Kembunöñ Kein kewö qesim wañgiyök: “Mungi Abel mi denike malja?” Qesim wañgiiga kewö melenñök: “Ni qahö mötzal. Ni munangö jegalöma qahö akzal.”

¹⁰ Mewö melenñiga Kembunöñ jiyök: “Gi wani yuaia akzan? Mötnöñ, mungahö sepñan mönö gölmenöhök qeriga mötzal.* ¹¹ Gölme kianjö numbunjan anañjiba mungahö sep börögeyök mezawi, nöñön mönö kiangörenök közöl gihibi anman. Joramörahö mi mönö göhö qake albi öngöza. ¹² Közöl gihibiga kölkömöt nup menönnga gölmenöñ möriamñangö ölnji angön köl gihiiga gölme dop mömölaköba kekelolo aka ölöñ köla lañ anda kaba malman.”

¹³ Mewö jiiga Keinöñ Kembugöra kewö jiyök, “Keunangö likepñi melenñönnga qakne öngözawi, mianjon mönö ösumni onçiri lömböriiga bisimangö osimam. ¹⁴ Mötnöñ, gi merak ni nupqeçe gölmenöhök nuatanjönönnga jemesoholgeyök mömölaköba gölme dop kekelolo aka ölöñ köla lañ anda kaba malmam. Mianjöra kunñan ni neka ölöp nuñgui kömumbilenñbuk.”

¹⁵ Mewö jiyökmö, Kembunöñ kewö jii mörök: “Mewö qahö. Kunñan Kein qei kömuma ewö, mianjö likepñi mönö yangö qakñe öngöiga ambemñi 7 akña. “Mewö jiba kunñan Kein miwikñaiba i qei kömumbapüköra silenje aiwesök kulem kun alök. ¹⁶ Mi aliga Kembugö jemesoholñi mosöta anda anda gölme qetñi Lanlañ lilikqilik (Nod) miangören angota malök. Gölme mi Edenök wehön kotkotñe göröken ahöza. Mewö.

* 4:4: Hib 11.4 * 4:8: Mat 23.35; Luk 11.51; 1 Jon 3.12 * 4:10: Hib 12.24

Keingö gwölönarökurupji

¹⁷ Keinöj anömñambuk mala amiyohotka gölöm ala Henok meyoök. Keinöj taon kun memba nahönñangö qetñi Henok qet wañgiyök. ¹⁸ Henokö nahönñi qetñi Irad. Iradkö nahönñi Mehujael. Mehujaelgö nahönñi Metusael. Metusaelgö nahönñi Lamek. Mewö asuhuget. ¹⁹ Lameknöj ambi yahöt etkömeyök: Kun qetñi Ada, kun qetñi Zila. ²⁰ Adanöj gölöm ala Jabal meyoök. Yañon ambazip opo seri koumñine ahöba mala bau bulmakau galöm köl enjiba maljei, yengö bömönñini ahök. ²¹ Jabalgö munñangö qetñi mi Jubal. Yañon ambazip gita kulele qeba awölop uba maljei, yengö bömönñini ahök. ²² Zilanöj mewöyök nahönñi qetñi Tubal-Kein meyoök. Yañon qariba börögö tulsñi aka bimqeqegö yuaini könañi könañi mi bras aka ainöj ohoi kolkolgoi qekötahöba mezapma. Tubal-Keingö nenñi qetñi Nama.

²³ Lameknöj nalö kunöj anomyahötñi mi kewö jii mörohot, “Ada aka Zila anömyahötñi, injiri mönö kezap ala keuni ki mötmahot: Kunñan nuñgum kuziriga uzinangö kitipñangöra mönö azi kun qebi kömuma. Kunñan nuñgum miziriga gurusep (gulibambam) löpötñangö kitipñangöra mönö azi gwabö kun qebi kömuma.

²⁴ *Kunñan Kein qeiga likepñi yañgö qakñe öngöiga ambemñi 7 akñapmö, kunñan Lamek ni nuñguiga miangö likepñi mönö yañgö qakñe öngöiga ambemñi 77 akñja. “Mewö.

Set aka Enos

²⁵ Azi mutukñi Adam yañon kunbuk anömñambuk mala amiyohotka nahönñiri kun memba kewö jiyök: “Keinöj Abel qei kömuyöhangöra Anu-tunöj Abelgö salupñe nahöni kun niñgiza. “Miangöra qetñi Set (Ningiza) qerök. ²⁶ Setkö nahönñi mewöyök asuhuiga qetñi Enos qerök. Mewö.

Nalö miangöreñ ambazip yañon könahiba Kembangö qetñi köululöba malget. Mewö.

5*Adamgö gwölönarökurup yengö qet areñi**1 Hist 1.1-4*

¹ *Adamgö isimorö aka amböisikurupñi yengö qet areñ papianji ki. Anu-tunöj azi miwikñaiyöhi, yañon mi nanñi kaisongolomñangö dop meyoök.

² Mewö memba azi ambi malmahotköra miwikñaim etkiba nalö miangöreñ qetñiri ambazip * qeta kötuatköm etkiyök.* ³ Adamnöj mala yambuñi 130 aiga nahönñi kun asuhuyök. Mi Adam nanñi kaisongolomñi aka tandökñangö dop maliga qetñi Set qerök. ⁴ Set asuhuiga nalö miangöreñök Adamnöj toroqeba yambu 800 mala mala maliga nalö sutje miangöreñ nahönböratñi tosatñi asuhiba öngöget. ⁵ Adamnöj mewö mala öngöba yambuñi mindiriba 930 meköba kömuyök.

⁶ Kömuiga nahönñi Set yañon yambuñi 105 aiga nahönñi Enos asuhuyök.

⁷ Enos asuhuiga nalö miangöreñök Setnöj toroqeba yambu 807 mala mala maliga nalö sutje miangöreñ nahönböratñi tosatñi asuhiba öngöget.

⁸ Öngögetka Setnöj mala mala öngöba yambuñi mindiriba 912 meköba kömuyök.

* 4:24: Mat 18.22 * 5:1: Jen 1.27-28 * 5:2: Ambazip mi Hibru keunöj adam. * 5:2: Mat 19.4; Mak 10.6

⁹ Kömuiga nahönñi Enos yañon yambuñi 90 aiga nahönñi Kenan asuhuyök. ¹⁰ Kenanöñ asuhuiga nalö miangörejök Enosnöñ toroqeba yambu 815 mala mala mal öngöiga nalö sutñe miangörej nahönböratñi tosatñi asuhuba öngöget. ¹¹ Öngögetka Enosnöñ mala mala öngöba yambuñi mindiriba 905 meköba kömuyök.

¹² Kömuiga nahönñi Kenan yañon yambuñi 70 aiga nahönñi Mahalalel asuhuyök. ¹³ Mahalalel asuhuiga nalö miangörejök Kenanöñ toroqeba yambu 840 mala mala mal öngöiga nalö sutñe miangörej nahönböratñi tosatñi asuhuba öngöget. ¹⁴ Öngögetka Kenanöñ mala mala öngöba yambuñi mindiriba 910 meköba kömuyök.

¹⁵ Kömuiga nahönñi Mahalalel yañon yambuñi 65 aiga nahönñi Jared asuhuyök. ¹⁶ Jared asuhuiga nalö miangörejök Mahalalelnöñ toroqeba yambu 830 mala mala mal öngöiga nalö sutñe miangörej nahönböratñi tosatñi asuhuba öngöget. ¹⁷ Öngögetka Mahalalelnöñ mala mal öngöba yambuñi mindiriba 895 meköba kömuyök.

¹⁸ Kömuiga nahönñi Jared yañon yambuñi 162 aiga nahönñi Enok asuhuyök. ¹⁹ Enok asuhuiga nalö miangörejök Jarednöñ toroqeba yambu 800 mala mala mal öngöiga nalö sutñe miangörej nahönböratñi tosatñi asuhuba öngöget. ²⁰ Öngögetka Jarednöñ mala mala mal öngöba yambuñi mindiriba 962 meköba kömuyök. ²¹ Kömuiga nahönñi Enok yañon yambuñi 65 aiga nahönñi Metusela asuhuyök.

²² Metusela asuhuiga nalö miangörejök Enoknöñ yambu 300:gö dop uruñi Anutubuk jöhöba anda kaba maliga nalö sutñe miangörej nahönböratñi tosatñi asuhuba öngöget. ²³ Öngögetka Enoknöñ mala mal öngöba yambuñi mindiriba 365 meköyök. ²⁴ Meköba uruñi Anutubuk jöhöba anda kaba maliga Anutunöñ öne wañgiriga atator (jiatator) kölöc.*

²⁵ Atator köliga nahönñi Metusela yañon yambuñi 187 aiga nahönñi Lamek asuhuyök. ²⁶ Asuhuiga nalö miangörejök Metuselanöñ toroqeba yambu 782 mala mala mal öngöiga nalö sutñe miangörej nahönböratñi tosatñi asuhuba öngöget. ²⁷ Öngögetka Metuselanöñ mala mala mal öngöba yambuñi mindiriba 969 meköba kömuyök.

²⁸ Kömuiga nahönñi Lameknöñ yambuñi 182 aiga nahönñi kun asuhuyök. ²⁹ Asuhuiga qetñi Noa (kölalep) qeta kewö jiyök: “Anutunöñ gölme saitköiga nini böroninan nup köi kömöta sileqege aka sihimbölö möta malinga morö ki-anön mönö ölop urukölalep nengimakña.” ³⁰ Noa asuhuiga nalö miangörejök Lameknöñ toroqeba yambuñi 595 aiga nalö sutñe miangörej nahönböratñi tosatñi asuhuba öngöget. ³¹ Öngögetka Lameknöñ mala mala mal öngöba yambuñi mindiriba 777 meköba kömuyök.

³² Lameknöñ kömuiga nahönñi Noa yañon yambuñi 500 aiga nahönurupñi karöbut qetñini Sem, Ham aka Jafet asuheet. Mewö.

6

Gölme ambazipnöñ böliba aňgöjörakñinambuk aket.

¹* Ambazip gölme qakñe malgetka qötöñinan könahiba qariiga böraturopñini mi mewöyök asuheet. ² Asuheetka nalö miangörej Anutugö nahönurupñi yeñon ambazip yeňgö böraturopñini engeketa eksihimñinambuk aketka engek

* 5:24: Hib 11.5; Jud 14 * 6:1: Job 1.6; 2.1

sorigeranğo dop mi pakpak engömegetka anömurupñini aket. ³ Mewö aketka nalö mianğorenj Kembunöñ keu kewö jiyök: “Gölme ambazipnönj silebuk nalö teteköñj qahö mal öngömemö, yeñön mönö kömume. Arenjini mewö al enğizal. Nalö kewöñeyök könahiba malmalnñini mönö yambu 120 janğö mi qahö onğita mal öngöme.” ⁴ Anutugö nahönurupñi yeñön gölme ambazip yenğö büraturupñini engömegetka morö mem enğigetka nalö mianğorenj aka könanğep mewöyök azi weliwelipñinambuk mönö asuhuba qariba gölmenönj malget. Möpñanğö möpñeyök bemurup qetbuñanñinambuk malgeri, yeñön mönö mia aket.*

⁵ Gölme ambazip yenğö bölönamñini mi keta bölökñi aiga uruñinanğö mötmöt arenjini pakpak mi nalö dop qösösök (qörörök) bölönanök pakpak aka malgeri, mi Kembunöñ ehök. ⁶ Mi eka ambazip miwikñaim enğiiga gölmenönj malgeri, mianğöra Anutunönj möt bölim anğuga wösöbiriknönj uruñi kokolak qeiga sihimbölo möta malök. ⁷ Mewö möta mala keu kewö jiyök: “Ambazip miwikñaim enğiali, nöñön mönö mi gölmenöhök qeteköm enğimam. Ambazip, mirigö sömbupñi, yuai bapñinan köla ölölöngömakzei aka könakembagö neiñi mi miwikñaim enğialanğöra möt bölim anğuba mi mönö qeköm enğimam.” ⁸ Mewö jiyökmö, azi Noa yanğön Kembugö jeñe ak-kömükömu miwikñaiyök.* ⁹⁻¹⁰ Noagö gwölönarökurupñi miengö kösohotñini mi kewö: Nahönurupñi karöbut qetñini Sem, Ham aka Jafet mi asuhuget. Noanönj ambazip sutñine azi solanñi köpösihitkö keuñi qahö mala uruñi Anutubuk jöhöba anda kaba malök.* ¹¹ Noanönj mewö malökmö, ambazip tosantñi pakpak yeñön Anutugö jeñe gonğiba bölim tekögetka ambazip ayuhum enğienği mi gölme körek dop köla ahöyök. ¹² Ambazip pakpak gölmenönj anda kaba malmalnñini mem bölim tekögetka miri gölme pakpak yenğö ahakmemenñini mi gonğiba anğöjörakñinambuk aiga Anutunönj gölme uba tandökñini mi mewö ehök.

Wanğe memegö arenj

¹³ Mewö eka Anutunönj Noagöra keu kewö jii mörök: “Ambazip yenğöra aka ayuhum enğienği mi gölme körek dop köla ahöza. Mianğöra nöñön ambazip pakpak mem kömum teköm enğimamğöra mönö keuni jöhöyal. Mötnönj, nöñön mönö onönj gölme melenjbi geiga yuai pakpak isikusukñinambuk mi kömum teköme. ¹⁴ Mianğöra göñön mönö suman ip köla mianñön nangahöra wanğe kun meman. Mianğö uruñi kutunönğa uruñi morömorö asuhume. Wanğegö uruñi aka silenñi mi qandöñnönj me gisak marasinönj kösiba ohom teköman. ¹⁵ Wanğe mi kewö meman: köröñamñi 133 mita (450 fit), andipñi 22 mita (75 fit) aka köñgepñi 13 mita (45 fit) mewö meman. ¹⁶ Bonji muhungöba sel aka bo sutñire liliköba jenğenanñi tñi 44 sentimita (18 ins) mi mosöta kötohoman. Wanğegö uruñi mösöñnönğa uruñi qakñi, kemañi aka dutñi karöbut asuhume. Wanğe nanğunñi mi namñe alman. ¹⁷ Mötman! Nöñön mönö jibiga göulu ketanñan kota gölme jömukñi köl turuiga ambazip aka yuai malmalgö ösumñinambuk pakpak suep bapñe maljei, mienñön mönö o nempa nemulahöba kömume. Mewö kömumba gölmeğö yuai pakpak mi mönö qahöwak teköme.

¹⁸ Mewö asuhumapmö, nöñön göbuk jöhöjöhö arenj kewö akal: Gi mönö wanğenönj öngöman. Gi, anömgö aka nahöñiranurupki enñön mönö motñe wanğenönj öngöme. ¹⁹ Öngöba mala yuai malmalnñinambuk pakpak mi qahöwak teköbepuköra yenğorenğök yahöt yahöt aziñi aka ambiñi mi dopñine

* 6:4: Jan 13.33 * 6:8: Mat 24.37; Luk 17.26, 1 Pitö 3.2 * 6:9-10: 2 Pitö 2.5

enġuanġitnõnġa göbuk mohotnje wañgenõn õngõme. ²⁰ Nei tandõkñini kõnanj kõnanj, mirigõ sömbupñj tandõkñini kõnanj kõnanj aka gölmegõ mokolenj, lolohom yuai tandõkñini kõnanj kõnanj körek yengõrenõk yahõt yahõt mi mõnõ kõmumbepukõra enġuanġitnõnġa göhörenj kañgotketka õngõme. ²¹ Mewõyõk nanñjini aka nei, sömbup yuai pakpak yejõn nemeañgõ dop mõnõ numbu nene kõnanj kõnanj miwikñjaiba otoñ qezakõba wañgenõn alnõnġa kahaimõk ahõma.” ²² *Anutunõn Noa mewõ akñapkõ jim kutum wañgiiga miangõ dowõk mõnõ tem kõla mi pakpak ahõk. Mewõ mia aka mem tekõyõk.

7

Ambazip aka sömbup pakpak mi wañgenõn õngõget.

¹ Noanõn wañge mem tekõiga Kembunõn keu kewõ jii mõrõk: “Gi ambazip kambu kienġõ sutñjine solanñj aka maljan. Nõñõn göhö kõnanjami mewõ miwikñajal. Miangõra gi aka saiwaurupki pakpak inñjini mõnõ wañgenõn õngõme. ² Sömbup nenenj, dönqizizinnjini qahõ mi pakpak yengõrenõk sewen sewen, azinj 7 aka ambiñj 7 dopdop enġõmenõnġa göhörenj kañgotme. Mewõyõk sömbup dönqizizinnjambuk pakpak yengõrenõk yahõt yahõt azinj aka ambiñj mewõ enġõmenõnġa göhörenj kañgotme. ³ Toroqeba nei kõnanj kõnanj pakpak yengõrenõk mewõyõk sewen sewen, azinj 7 aka ambiñj 7 mi enġuanġitnõnġa göbuk wañgenõn õngõme. Mewõ aknõnġa sömbup aka nei tandõkñini kõnanj kõnanj pakpak mi kude qahõwakñemõ, toroqeba gölmenõn ahumship aka malme. ⁴ Õngõgetka wehõn 7 tekõiga jim kutubiga kie römbum ketanjan mõnõ gölmenõn eta yõhöiga sunġem silim 40:gõ dop toroqeba yõhöm tekõma. Mewõ yõhöiga yuai isikusukñjambuk pakpak miwikñaim enġiali, mi mõnõ mohotnje jim tekõbiga gölmenõhõk qahõwakñe.” ⁵ Kembunõn Noa mewõ akñapkõ jim kutum wañgiiga miangõ dowõk mõnõ tem kõla mi pakpak ak tekõyõk.

⁶ Mewõ mia aka meiga yambuñj 600 aiga göulu ketanjan gölme qakñe kañgorõk. ⁷ *Kañgotmapkõ aiga Noa anõmñet aka nahõniranurupñjiri yejõn mohotnje gölunõn kõmumbepukõra õlõn kõla wañgenõn õngõget. ⁸ Mewõyõk sömbup nenenj, dönqizizinnjini qahõ aka sömbup dönqizizinnjambuk aka nei aka yuai pakpak bapñinan kõla õlõlõngõmakzei, ⁹ mi yahõt yahõt pakpak azinj aka ambiñj mi dopdopñjine wañgenõn õngõba Noagõrenj kaget. Anutunõn Noa jim kutum wañgiyõhi, mi mõnõ miangõ dop asuhuyõk. Mewõ.

Gõlunõn ambazip turum enġii kõmuget.

¹⁰ Mewõ asuhuiga wehõn 7:gõra jiyõhi, mi tekõiga göulu ketanjan gölme qakñe kañgorõk. ¹¹ *Noanõn yambuñj 600 aiga yambu miangõ kõinj 2 miangõ wehõnñj jañgõ 17 silim miangõrenj o jeñj pakpak, o diginnjambuk miengõ namñjini pakpak mi emuyõk qariba qariba kotket. Mewõyõk eu-yangõrenj kõnakembağõ onj onj miengõ numbuñjini mi añañiget. ¹² Kie römbum ketanj mi gölmenõn eta yõhöba yõhöba sunġem silim 40:gõ dop ahõyõk. ¹³ Kienõn kõnahimapkõra aiga wehõn miangõrenj Noa aka nahõnurupñjiri Sem, Ham aka Jafet, Noagõ anõmñet aka iranurupñjiri karõbut yejõn mohotnje wañgenõn õngõm tekõget. ¹⁴ Toroqeba arõkñañgõ sömbupñjini aka mirigõ sömbupñjini pakpak, yuai pakpak bapñinan kõla õlõlõngõmakzei, nei pakpak aka yuai ginginnjambuk pakpak mi ambazip yembuk mohotnje wañgenõn

* 6:22: Hib 11.7 * 7:7: Mat 24.38-39; Luk 17.27 * 7:11: 2 Pitõ 3.6

öngöm teköget. ¹⁵ Anutunöŋ yuai pakpak malmalgö ösumŋinambuk miwikŋaim enġiyöhi, miengöreŋök yahöt yahöt (2-2) mi Noagöreŋ kaŋgota waŋgenöŋ öngöm teköget. ¹⁶ Anutunöŋ Noa jim kutum waŋġiyöhangö dop yuai isikusukŋinambuk pakpak waŋgenöŋ öngöm tekögeri, mi aziŋi aka ambiŋi ahot. Köreŋan öngöm tekögetka Kembunöŋ nanŋak Noagö andöŋe waŋgegö nanŋuŋi kölöc.

¹⁷ Nanŋuŋi köliga miangöreŋök göulu ketaŋan könahiba suŋgem asak 40:gö dop toroqeba gölmenöŋ kaŋgoriga o yeŋön qariba qariba gölme köl turuba öngöba waŋge gölmenöhök koaŋgetka wahöta öngöyök. ¹⁸ Öngöiga o yeŋön gölme qakŋe qariba qariba öngögetka waŋgenöŋ o qakŋe nanŋök öne laŋ anda kaba ahöyök. ¹⁹ Mewö aiga onöŋ gölme qakŋe kunbuk qariba öngöyök. Mewö kundunŋi köröŋŋi köröŋŋi suepkö baŋŋe kin anjei, mi pakpak mönö musulungöm enġiyök. ²⁰ Musulungöm enġiba öngöba öngöba kundunŋi bohonnŋi bohonnŋi mi köl turuba 8 mita (25 fit) miangö dop enġonġita ahöyök.

²¹ Mewö ahöiga yuai isikusukŋinambuk pakpak gölme qakŋe anda kaba malgeri, mi enöŋ o nempa nemulahöba kömum teköget. Yuai pakpak mi nei me mirigö sömbuŋŋi me arökŋaŋgö sömbuŋŋi me mokoleŋ, gisip aka yuai pakpak kambuŋŋini köla gölmenöŋ qeŋelaŋlaŋ anda kamakzei aka ambazip pakpak mi mohotŋe qahöwak teköget. ²² Yuai pakpak gölme örönŋe mala malmalgö ösumŋi söŋgööröŋne öröba malgeri, mi köreŋanök kömum teköget. ²³ Yuai malmalŋinambuk pakpak gölmenöŋ malgeri, mi Anutunöŋ enġum teköyök. Yuai pakpak mi ambazip, sömbup me yuai baŋŋinan köla ölölöŋgömakzei me könakembagö neiŋi neiŋi mi mönö Anutunöŋ enġum teköyök. Noa aka saiwauruŋŋi waŋge uruŋe malgeri, miyök mönö enġehoriba aŋgön köla gou köl enġiyök. ²⁴ O göulu miänön gölme köl turuba qahö öröba geyökmö, wehön 150:gö dop ahöyök.

8

Göulunöŋ öröba eriga gölmenöŋ örönŋiyök.

¹ Wehön 150 mi teköiga miangöreŋ Anutunöŋ Noagö aka arökŋaŋgö mirigö sömbuŋŋi aka yuai pakpak yambuk waŋgenöŋ malgeri, mi mötmörim enġiba luhut ketaŋi röja aliga gölme qakŋe qeiga onöŋ könahiba öröba erök. ² Anutunöŋ emune o diginŋinambuk yeŋgö jeŋŋini aka euyaŋgöreŋ könakembagö onŋ onŋ miengö numbuŋŋini mi qaliba soŋgo aliga kienöŋ tiŋgita tömböriba suepnöhök kunbuk qahö erök. ³ Qahö eriga o ketaŋan könahiba gölme qakŋe ahöahöŋeyök liliŋgöba öröba eta geyök. Wehön 150:gö dop o miänön öröba eta geba ahöget. ⁴ Mewö ahögetka waŋgenöŋ köiŋ 7 miangö silimŋi 17 miangöreŋ kundunŋi qetŋi Ararat miangö bohonnŋi kundöŋ mekötahöba köhöiba tarök. ⁵ Miangöreŋ tariga o miänön toroqeba öröba eta eta anök. Anda köiŋ 10 miangö silimŋi mutukŋi miangöreŋ kundunŋi miengö bohonnŋini mi aukŋe asuhum tiŋgitket.

⁶ Tiŋgitketka wehön 40 teköiga Noanöŋ waŋgegö jeŋgenanŋi mutuk memenŋi mi metalök. ⁷ Metala koekoe nei kun melaiiga könakemba laŋ bölbölgöba anda kaba qahö liliŋgöba maliga gölmegö onŋ miänön jöpköyök. ⁸ Miangö andöŋe Noanöŋ kembö kun melaiiga anök. Gölme qakŋe onöŋ öröba geyök me qahö, miangö könanŋi mötmamgöra mi melaiiga anök. ⁹ Kembönöŋ anda kaba onöŋ toroqeba gölme köreŋanök turuba ahöyöhangöra luhut memenanŋgö tatatŋi qahö miwikŋaiba waŋgegöreŋ liliŋgöiga Noanöŋ böronŋi böraŋda waŋge

uruje wanjiriga öngöyök. ¹⁰ Öngöiga wehön 7:gö dop toroqeba mamböt mala miangören kembö mi kunbuk wanjenöhök melaiiga anök. ¹¹ Anda mare miangören lilingöba oil ipkö sinji gwölögwölö kun mi meteköba numbuñan yöhösañda Noagören kayök. Mewö kaiga Noanöñ mi eka kewö möt asariyök: Onöñ mönö öröba eriga gölmenöñ asuhum teköza. ¹² Mi möt asariba kunbuk wehön 7:gö dop mamböta kinda kembö mi kunbuk melaiiga bölbölgöba anök. Anökmö, nalö miangören mi yangören kunbuk qahö lilingöba kayök.

¹³ Noagö malmal yambunji 601 miangö köiñ mutukñangö silimñi mutukñi miangören onöñ gölme qakñe jöpköba öröniba ahöyök. Mewö aiga Noanöñ wanjegö bonji mei aniga kewö uba ehök: Gölme qakñan mönö öröniba ahöyök.

¹⁴ Mi ehi kunbuk öröniba köiñ yahötñangö silimñi 27 miangören örönim teköba ahöyök.

¹⁵ Anutunöñ Noagöra keu kewö jiba jii mörök: ¹⁶ “Gi, anömgi aka nahöniranurupki injini mönö wanje mosöta etket. ¹⁷ Eta sömbup yuai malmalñinambuk pakpak göbuk wanjenöñ maljei, mi neiñi neiñi, mirigö sömbupñi aka mokolen yuai pakpak bapñini gölmenöñ köla ölöñgömakzei, mi mönö körek enjuañgita etket. Mewö aknönnga ölöñ gölmenöñ ahum sehiba gwölönarökpuk aka denja gölme dop köla malme.”

¹⁸ Mewö jii möta Noa anömñet aka nahöniranurupñi yeñön mohotñe wange mosöta etket. ¹⁹ Etketka arökñangö sömbupñi pakpak, mokolen yuai pakpak, nei pakpak aka yuai pakpak gölmenöñ anda kamakzei, mienñön mönö mewöñanök isikñinañgö dop wanje mosöta awatanjöba et teköget. Mewö.

Noanöñ Anutugöra jöwöwöl ohoba saiwap jiyök.

²⁰ Et tekögetka Noanöñ Kembangöra jöwöwöl alta kun memba mirigö sömbupñi dönqizizinjini qahö mi pakpak aka nei dönqizizinjini qahö mi pakpak yengörenök tosatñi engömembra alta qakñe ala mianñön Anutugöra jöwöwöl ohoyök. ²¹ Ohoiga Kembangöra wöron umköhökakñi nahömñambuk mi möri dop köliga urujan keu kewö jiyök: “Ambazip yengö urujinañgö mötmöt areñinan mönö moröñineyök könahiba bölöñi akzemö, töndup gölme mi nalö kunöñ ambazipköra aka kunbuk kude qesuahömam. Yuai pakpak malmalñinambuk maljei, nöñön mi lök qahöwak teköm enjialmö, miangö dop nalö kunöñ kunbuk qahö jim teköba ak enjimam. ²² Gölmenöñ ahöm öngömawanjögö dop mönö gölmenöñ köi kömötketka öñji asuhui megetka mianñön mönö kude qahöwak teköma. Miri amöriiga sanjenni mörakñe aka könöpñambuk aiga könöwiba mörakñe. Kömunjan kie nalö aka wehön nalö, sunjem aka asakñi mi nalöñi nalöñi lilikqilik aka awatan ahöba anmahot. Mi pakpak teteköñi qahö ahöm öngöiga malme. Mewöñan mönö mewö toroqeba ahöma. “Mewö”.

9

Anutunöñ Noabuk jöhöjöhö areñ alök.

¹ *Mewö jiba Anutunöñ Noa aka nahönurupñi kewö jiba kötuetaköm enjiyök: “Injini mönö ahum sehiba gwölönarökpuk mala gölme dop köla malme. ² Mewö aketka gölmegegö sömbupñi pakpak, könakembagö neiñi pakpak, yuai pakpak bapñinan gölme köla ölöñgömakzei aka köwetkö sörañi pakpak mi mönö enjö böronjine al enjibi enñön mi galöm köi enjiba malgetka yeñön enjöra kenjöt mötmöt aketka jönömñini unduiga malme. ³ Yuai pakpak isikusukñinambuk anda kaba maljei, mi enjö neneya aka ahöma. Mutuk yöha yuai görökñi

* 9:1 Jen 1.28

(töngönji) nenejina al enjiala merak yuai pakpak ki mewöyök al enjizal. ⁴ Mohok-kun mi mönö kude neme. Mi sömbup sepñambuk. Sep mi malmalgö söpsöpñi akzawangöra aka songo ki al enjizal.* ⁵ Nannejini sepñini mi kunñan kun kude mokoma. Kunñan mi mokomawi, mianğö likepñan mönö nanñi qakñe öngöma. Sömbup kunñan me ambazip kunñan ambazip kun qeiga malmalñanğö söpsöpñi mokomawi, mianğö likepñan mönö nanñi qakñe öngöiga kömuma. ⁶ Anutunöñ ambazip nanñi kaisongolomñi tandök meyöhanğöra aka kun danñon ambazip kun qei kömumawi, kunñan mönö i mewöñanjök qei kömuma.*

⁷ Injini mönö ahum sehiba gwölönarökpuak aka malme. Mewö gölme qakñe ahum sehigetka qötöñinan qarim öngöma.*

⁸ Anutunöñ toroqeba Noa aka nahönurupñi yambuk malgeri, yengöra keu kewö jiyök: ⁹ “Nöñon merak injini aka enğö gwölönarökurupñini könanğep asuhumei, embuk jöhöjöhö areñ akzal. ¹⁰ Mewöñanjök yuai malmalñinambuk pakpak, mi mirigö me arökñanğö nei sömbupñi pakpak göbuk mala wanğenöhök etkeri, mönö gölmeğö öröyuai malmalñinambuk pakpak yembuk jöhöjöhö areñ kewö akzal: ¹¹ Nöñon jöhöjöhö areñni mi embuk kewö al köhöizal: Nöñon o gölunöñ öröyuai isikusukñinambuk pakpak mi kunbuk kude enğubi qahöwakñe. O göulu mi gölme ayuhumapköra kunbuk qahö albi kama.” ¹² Anutunöñ toroqeba keu kewö jiyök: “Nöñon mönö jöhöjöhö areñ ki mi nani aka injini aka öröyuai malmalñinambuk pakpak embuk maljei, nengö sutnine albiga teteköñi qahö köhöiba ahöm öngöma. Jöhöjöhö areñ mianğö aiwesökñi mi kewö:

¹³ Nöñon nani marilonñonni mi kousunöñ albiga ahöma. Nöñon nani aka gölmenöñ maljei, nengö sutnine jöhöjöhö areñ akzali, marilonñon mianñon mönö mianğö aiwesökñi aka ahöma. ¹⁴ Nöñon nalö kunöñ kousunñi kousunñi gölme qakñe öröm enğibi eta tokogetka marilonñon kousunöñ asuhumawi, ¹⁵ nalö mianğoreñ nöñon jöhöjöhö areñni mi mötmörimam. Mi nani aka injini aka öröyuai malmalñinambuk pakpak tandökñini könanñi könanñi nengö sutnine ahali, mönö mia mötmörimam. Mianğöra o mienñon kunbuk mewö kude qariba yuai isikusukñinambuk pakpak ayuhumegöra göulu ketanñi qahö akña.

¹⁶ Nalö kunöñ marilonñon kousunöñ asuhumawi, nöñon mi eka mianğoreñök jöhöjöhö areñni mi mötmörimam. Mi teteköñi qahö nani aka öröyuai malmalñinambuk pakpak tandökñini könanñi könanñi gölme qakñe maljei, nengö sutnine al köhöiba ahöza.” ¹⁷ Anutunöñ Noagöra mewö jiba toroqeba kewö jiyök: “Nöñon jöhöjöhö areñ ki mi nani aka gölmeğö öröyuai malmalñinambuk pakpak nengö sutnine al köhöizal. Jöhöjöhö areñ mianğö aiwesökñi mi mewö.”

Noagö nahönurupñi

¹⁸ Noagö nahönurupñi wanğenöhök etkeri, yengö qetñini mi Sem, Ham aka Jafet.* Ham mi Keinangö iwina. ¹⁹ Yenñon Noagö nahönurupñi karöbut aket. Ambazip pakpak denqenja gölme dop köla maljini, nini yengöreñök asuhuin.

²⁰ Noanöñ kölkömöt azia aka wain kösö nup meutukñi kömörök. ²¹ Mi kömörökmö, nalö kunöñ wain o tosatñi memba neiga urunñi enjololon aiga nanñi opo seri kouw urunñe oponñi qeköba sile aukñe ahöyök. ²² Keinangö

* 9:4: Jen 17.10-14; Lew 19.26; Dut 12.16, 23; 15.23

* 9:6: Jen 1.26; Eks 20.13

* 9:7: Jen 1.28

* 9:18: Jafet sehiza

iwiŋi Ham yaŋön iwiŋan sile aukŋe ahöyöhi, mi eka yaigep geba darumunyahötŋi jii mörohotka iwiŋi mewö gamu qem waŋgiyök. ²³ Sem aka Jafet yetkôn mi mörohotmô, maluku kun memba awötŋire ala andöandö öŋgöba iwiŋiran sile aukŋe ahöyöhi, mi esuhuyohot. Jeniri kungen uyohoraŋgöra aka iwiŋiran aukŋe ahöyöhi, mi qahö ehot. ²⁴ Noanöŋ eŋololon aiga imbiŋi törörök möta wahöta nahönŋi moröŋan silik ak waŋgiyöhi, mi mörök. ²⁵ Mi möta uruŋi öŋgöiga Hamgöra kewö jiyök:

“Keinan mi jim suehöm waŋgizal. Yaŋön mönô darumunyahötŋi yetkö welenqeŋeuruŋiri yeŋgö welenqeŋeŋini omanŋi aka malma.”

²⁶ Toroqeba kewö jiyök:

“Anutu, Semgö Kembuŋi, ia mönô möpöseizal.

Keinanöŋ mönô Semgö welenqeŋeŋi omanŋi aka malma.

²⁷ Anutanöŋ mönô Jafetkö gölmeŋi mem qarüiga Semgö opo seri koumŋine malme.

Keinan yeŋön mönô Sem yeŋgö welenqeŋeuruŋini omanŋi aka malme.”

²⁸ Göulu ketaŋan teköiga Noanöŋ toroqeba (yara) yambu 350:gö dop mal öŋgöyök. ²⁹ Malmalŋaŋgö yambuŋi mi mindiriba 950 miangö dop mala kota kömuyök. Mewö.

10

Noagö nahönurup yeŋgö gwölönarökurup areŋini

1 Hist 1.5-23

¹ Noagö nahönurupŋi Sem, Ham aka Jafet yeŋgö gwölönarökurupŋini göulu teköiga asuhugeri, yeŋgö qet areŋini kewö:

Jafetkö gwölönarökurupŋi

² Jafetkö nahönurupŋi yeŋgö qetŋini mi Gomer, Magog, Madai, Jawan, Tubal, Mesek aka Tiras. ³ Gomergö nahönurupŋi yeŋgö qetŋini mi Askenas, Rifat aka Togarma. ⁴ Jawangö nahönurupŋi yeŋgö qetŋini mi Elisa, Tarsis aka Saiprus könagesö aka Dodan könagesö. ⁵ Yeŋgö isimoröurupŋini mi jula deŋŋeŋda Sutŋire Köwetkö jitŋe aka miangö gölme jöhanŋi jöhanŋi miangöreŋ nanŋini gölmeŋine anda malje. Yeŋön isikŋini dop, kambuŋini dop aka keuŋini dop nanŋini gölmeŋine anda malje. Jafetkö könagesöŋi mewö.

Hamgö gwölönarökurupŋi

⁶ Hamgö nahönurup yeŋgö qetŋini mi Kus, * Ijpt, Libia aka Keinan. ⁷ Kusgö nahönurupŋi yeŋgö qetŋini mi Seba, Hawila, Sabta, Rama aka Sabteka. Ramagö nahönyahötŋi yetkö qetŋiri mi Seba aka Dedan. ⁸ Kusgö nahönŋi kun qetŋi Nimrod asuhuyök. Yaŋön qariba wahöta bimqeŋegö suaöhö azi köhöikŋi kötökŋi aka gölmeŋöŋ malök. ⁹ Yaŋön Kembugö jemesoholŋe böröjaŋ azi köhöikŋi malöhangöra aka keu sainŋi kewö jimakze: “Kunöŋ Nimrod ewö Kembugö jemesoholŋe böröjaŋ azi köhöikŋi akza.” ¹⁰ Nimrodkö bemtohonŋi mi gölme kewöŋe miangöreŋ könahiget: Babel, Ereka, Akad aka Kalne. Taon 4 mi Babilonia (Sinar) gölmeŋöŋ ahöze. ¹¹ Nimrodnöŋ Babilonia gölme mosöta Asiria anda miri ketaŋi ketaŋi qetŋini Niniwe, Rehobotir aka Kala mi mem wahörök. ¹² Mewöyök Resen mi Niniwe aka siti ketaŋi qetŋi Kala yetkö sutŋire mem wahörök.

* **10:6:** Kus mi Sudan kantrigö qetŋi.

¹³ Ijptkō gwölönarōkurupņi yeņön Libia könagesō, Anam könagesō, Lehab könagesō aka Naftu könagesō akze. ¹⁴ Mewöyök Patrus, Kaslu aka Krit. Krit mi Filistia könagesō yeņgō bōmōņņini ahök.

¹⁵ Keinangō nahōņņi mutukņi mi Saidon. Yangō andōņe Keinanōņ könagesō kewōņi yeņgō bōmōņņini ahök: Hit könagesō, ¹⁶ Jebus könagesō, Amor könagesō, Girgas könagesō, ¹⁷ Hiwi könagesō, Arka könagesō, Sini könagesō, ¹⁸ Arwad könagesō, Zemar könagesō aka Hamat könagesō. Keinanōņ körek pakpak yeņgō iwi bōmōņņini aiga yeņön könaņgep jula denqenget.

¹⁹ Mewö denqengetka Keinan könagesō yeņgōreņ gölme gōraņi mi miri qetņi Saidon miangōreņök kōnahiba anda Gerar mire anda Gaza miangōreņ tekōza. Mewöyök Sodom görōken anda Gomora anda Adma aka Zeboim anda Lasa miangōreņ tekōza. ²⁰ Hamgō nahōnurupņi mi isikņini dop, keuņini dop, gōlmeņini dop aka könagesō kambuņini dop mewö malje.

Semgō gwölönarōkurupņi

²¹ Jafetkō datņi Sem yangō nahōnurupņi mewōņanök asuhuget. Semnōņ mewö Ebergō nahōnurup pakpak yeņgō bōmōņņini ahök. ²² Semgō nahōnurupņi yeņgō qetņini mi Elam, Asur, Arfaksad, Lidia (Lud) aka Aram. ²³ Aramgō nahōnurupņi yeņgō qetņini mi Uz, Hul, Geter aka Mas. Mewö malget. ²⁴ Arfaksadkō nahōņņi Sela asuhuiga yangō nahōņņi Eber asuhuyök. ²⁵ Ebergō nahōnyahōtņi yahöt asuhuyohot. Kunōņ asuhiba mala korōhi, nalō miangōreņ gölme ambazipnōņ jula denqenget. Miangōra yangō qetņi Peleg (Denqen) qetket. Munyangō qetņi mi Joktan. ²⁶ Joktangō nahōnurupņi kewö asuhuget: Almodad, Selef, Hazarmawet, Jera, ²⁷ Hadoram, Uzal, Dikla, ²⁸ Obal, Abimael, Seba, ²⁹ Ofir, Hawila aka Jobab. Azi pakpak mi Joktangō nahōnurupņi. ³⁰ Yeņgō tatat malmal gōlmeņini mi miri qetņi Mesa miangōreņök kōnahiba miri qetņi Sefar miangōreņ görōken anda wehōn kotkotņangō gölme kundunambuk miangōreņ tekōza. ³¹ Semgō nahōnurupņi mi isikņini dop, keuņini dop, gōlmeņini dop aka könagesō kambuņini dop mewö malje.

³² Noagō isimorōurupņi mi isikurup areņini, könagesōņini aka gōlmeņini dop mewö aket. Yeņön jul sehiba denqenqda könagesō kambuņi kambuņi aketka göulu ketanān tekōiga anda gölme dop köla malget. Mewö.

11

Anutunōņ ambazip yeņgō keuņini mendenōk.

¹ Mutuk miangōreņ gōlmeņi gōlmeņi pakpak yeņön keu mohot jigetka miāņön mindirim engņi malget. ² Mewö mala mosōta wehōn kotkotņe görōken anda Babilon uruņe gölme körōņi ketanņi kun miwikņai ba miangōreņ miriņini memba tatket. ³ Miangōreņ tata nanninök kewö eraum-mōtket: “Mōnō kaget. Nini mōnō birik mem mözōzmōgōba kōnōpnōņ ohoinga kōhōikņi akņe. “Mewö jiba miri selņi mēmbingōra kōt jamōņņiņ qahōpmō, birik ala sutņine gölme sapōsapō qandōņ ewō algetka miāņön birik mi mekōtahōm engiyök. ⁴ Nup mewö memba kunbuk kewō jiget: “Mōnō kaget. Nini mōnō naninangōra siti kun memba miangōreņ miri körōņi kōtōkņi (taua) meinga boņan suep oseima. Mewö oseiga qahō denqenqda gölme pakpak dop köla laņ anda malbinbukōra mōnō nanini qetbuņaninambuk akın.”

⁵ Mewö jiba nup megetmō, Kembunōņ ambazip siti aka miri körōņņi megeri, mi ekņangōra erök. ⁶ Eta mi eka kewō jiyök: “Yeņön simbisembel

qahöpmö, urumohot könagesö aka keuñini mohot jiba kinda yuai ki könahiba meze ewö, könangep i me wai membingö areñini albeak, mi mönö miangöra qahö osiba qaköme. ⁷ Ayop, nini mönö gölmenöñ geba keuñini mem sohoinga kambu kun yeñon kambu tosatñi yeñgö keuñini qahö möt asariba malme.”

⁸ Kembunöñ mewö jiba ambazip miangöreñ mendenqenden enjiiga gölme körek dop köla anda kaba siti memegö nupñi jöhöba mosötket. ⁹ Kembunöñ ambazip pakpak yeñgö keuñini mem sohojóhi, miangöra miri miangö qetñi Babel (enjololon siksauk) ahök. Miangöreñök Kembunöñ i mendenqenden enjiiga denja gölme pakpak dop köla anget. Mewö.

Qet areñ Sengöreñök könahiba Abramgöreñ anja.

1 Hist 1.24-27

¹⁰ Sengö gwölönarökurup yeñgö qet areñini ki. Gölu andöñe yambu yahöt teköiga Semnöñ yambuñi 100 aiga nalö miangöreñ nahönñi Arfaksad asuhuyök. ¹¹ Arfaksadnöñ asuhuiga miangö andöñe Semnöñ toroqeba yambu 500 maliga nalö sutñe miangöreñ nahönböraturupñi tosatñi asuhuget.

¹² Arfaksadnöñ yambuñi 35 aiga nahönñi Sela asuhuyök. ¹³ Selanöñ asuhuiga miangö andöñe Arfaksadnöñ toroqeba yambu 403 maliga nalö sutñe miangöreñ nahönböraturupñi tosatñi asuhuget.

¹⁴ Selanöñ yambuñi 30 aiga nahönñi Eber asuhuyök. ¹⁵ Ebernöñ asuhuiga miangö andöñe Selanöñ toroqeba yambu 403 maliga nalö sutñe miangöreñ nahönböraturupñi tosatñi asuhuget.

¹⁶ Ebernöñ yambuñi 34 aiga nahönñi Peleg asuhuyök. ¹⁷ Pelegnöñ asuhuiga miangö andöñe Ebernöñ toroqeba yambu 430 maliga nalö sutñe miangöreñ nahönböraturupñi tosatñi asuhuget.

¹⁸ Pelegnöñ yambuñi 30 aiga nahönñi Reu asuhuyök. ¹⁹ Reunöñ asuhuiga miangö andöñe Pelegnöñ toroqeba yambu 209 maliga nalö sutñe miangöreñ nahönböraturupñi tosatñi asuhuget.

²⁰ Reunöñ yambuñi 32 aiga nahönñi Serug asuhuyök. ²¹ Serugnöñ asuhuiga miangö andöñe Reunöñ toroqeba yambu 207 maliga nalö sutñe miangöreñ nahönböraturupñi tosatñi asuhuget.

²² Serugnöñ yambuñi 30 aiga nahönñi Nahor asuhuyök. ²³ Nahornöñ asuhuiga miangö andöñe Serugnöñ toroqeba yambu 200 maliga nalö sutñe miangöreñ nahönböraturupñi tosatñi asuhuget.

²⁴ Nahornöñ yambuñi 29 aiga nahönñi Tera asuhuyök. ²⁵ Teranöñ asuhuiga miangö andöñe Nahornöñ toroqeba yambu 119 maliga nalö sutñe miangöreñ nahönböraturupñi tosatñi asuhuget. ²⁶ Teranöñ yambuñi 70 aiga nahönñi Abram, Nahor aka Haran asuhuget.

Teragö gwölönarökurupñi.

²⁷ Teragö gwölönarökurup yeñgö qet areñini ki. Teragö nahönurupñi Abram, Nahor aka Haran asuhuget. Harangö nahönñi Lot asuhuyök. ²⁸ Haranöñ Kaldia yeñgö gölmenöñ mala nanñi ahuahu mirinñi qetñi Ur miangöreñ kömuiga Harangö iwinñi Teranöñ toroqeba malök.

²⁹ Abram aka Nahor yetkön öröröñ ambi meyohot. Abramgö anömñi qetñi Sarai aiga Nahorgö anömñi qetñi Milka. Milkanöñ Harangö börtatña ahök. Haranöñ Milka aka Iska yetkö iwinñiri ahök. ³⁰ Sarainöñ ambi köpina moröñi qahöpmö, öne malök.

³¹ Teranöñ nahönñi Abram, isinñi Lot Harangö nahönñi aka iranñi Sarai, nahönñi Abramgö anömñi mi enquançiriga mohotñe Kaldia gölmegö miri

qetnji Ur mosöta Keinan gölmenöj anbingöra anget. Mewö angetmö, Haran miri gölmenöj kaba kinda miangörej mirinjini memba tatket. ³² Tatketka Teranöj yambuñi 205 aiga Haran miri miangörej tata kömuyök. Mewö.

12

Anutunöj Abram oholök.

¹ *Kembunöj Abramgöra kewö jiyök: “Gi gölmeği, könagesögi aka iwigahö miri yuaini mosöta gölme kondel gihimami, mönö miangörej anman. ² Nöjön ahumsehip gihibiga gwölönarökurupkan könagesö ketanji akñe. Nöjön kötuetsköba nanğöm gihibiga qetbuñagan qariba ketanji akñe. Mewö aiga Anutunöj göhöra aka könagesö tosatnji kötuetsköm enğiba malma.

³ Denike yejön gi kötuetsköm gihimej, nöjön mönö i kötuetsköm enğiba malmam. Denike yejön gi jim suehöm gihimej, nöjön mönö i mewöyök jim suehöm enğiba malmam.

Göhöra aka nöjögö kötümötuetnan mönö gölmeğö könagesö kambuñi pakpak yejögö qakñine öjgöiga oyaenköyaen akñe.”*

⁴ Mewö jiiga Abramnöj Kembunöj jiyöhanğö dop Haran miri mosöta aniga Lotnöj yambuk anohot. Abramnöj yambuñi 75 aiga miangörej Haran miri mosöta anök. ⁵ Anmam jiba anömñi Sarai, behötñi Lot, sukinapñi pakpak qezakögetka sehivyöhi aka welenqeçe ambazip Haran mirinöj mala enğömegeri, mi memba enğuanğita mosöta Keinan gölmenöj anbingöra anda mala miangörej anğotket.

⁶ Abramnöj gölme miangörej anda mala mala miri qetnji Sekem miangörej kanğota in ip ketanji qetnji More miangö kösutñe kounñi qeba tarök. Nalö miangörej Keinan ambazip yejön lök gölme miangörej malget. ⁷ Mewö malgetka Kembunöj Abramgörej asuhuba kewö jiyök: “Gölme ki mi mönö göhö gwölönarökurupki yejögö buñaya qem enğimam. “Mewö jiiga Abramnöj Kembu yangörej asuhuyöhi, yangöra jöwöwöl ohohogö altanji kun miangörej meyök.*

⁸ Miangörejök mosöta toroqeba Betel mirigö wehön kotkotñe göröken gölme kundunambuk miangörej anda opo seri kounñi mörörengöba kunğui kinök. Mewö kiniga Betel miri mianjön wehön gegeñe göröken tariga Ai taonöj wehön kotkotñe göröken tarök. Mewö tarohotka sutñire kinda Kembuğö jöwöwöl altanji kun miangörej memba Kembuğö qetnji qeta köuluköm wanğiyök. ⁹ Miangö andöñe gölme mi mosöta toroqeba Saut göröken anda distrik qetnji Negew miangörej tata malget. Mewö.

Abramnöj Ijpt kantrinöj anda malök.

¹⁰ Nalö miangörej Keinan gölmenöj bödi (buörö) asuhuiga mianjön köhöiba lömbötñi aiga Abramnöj Ijpt kantrinöj kusukñanök malbingöra anget.

¹¹ Könanöj anda Ijpt dopdowigetka Abramnöj miangörej anömñi Saraigöra keu kewö jiyök: “Mötnöj, göjön ambi eksihimgabuk akzani, mi mötzal.

¹² Mewögöra Ijpt azi yejön gi geke kewö jime: ‘Ki yangö anömña.’ Mewö jiba ni nunğuet kömumam-mö, gi gehorigetka malman. ¹³ *Miangöra göjön mönö kewö jiman: ‘Ni yangö nenna.’ Mewö jinönga göhöra aka ölöñanök ak niñgiba nöjögö malmalni gou kölgetka malmam.”

* 12:1: Apo 7.2-3; Hib 11.8 * 12:3: Gal 3.8 * 12:7: Apo 7.5; Gal 3.16 * 12:13: Jen 20.2; 26.7

¹⁴ Abramnōḡ Ijpt kaiga Ijptkō ambazipḡi yeḡōn Sarai eketka ambi ekshimḡambuk qetpuk ahōk. ¹⁵ Mianḡōreḡōk Farao kiḡ kembugō pom jembonurupḡi yeḡōn i ekeranḡōra Farao kiḡōreḡ anda Saraigō silenḡi mōpōseigetka mōrōk. Mi mōta jiiga Sarai waḡgita kiḡ kembugō jakōmbuak miri uruḡe ḡḡōget. ¹⁶ ḡḡōgetka Farao kiḡnōḡ Saraigōra aka Abram ḡlōpḡanōk ak waḡḡiyōk. Mewō ak waḡḡiiga yuai kewōḡi mi Abramḡō buḡaya ahōk: lama, bulmakau, doḡki azinḡi aka ambinḡi, welenḡeḡe azi aka ambi aka kamel jesōḡḡōḡi mi Abram waḡḡiiga buḡa qem anḡuyōk.

¹⁷ Mi buḡa qem anḡuyōkmō, Kembunōḡ Abramḡō anōmḡi Sarainōḡ Farao kiḡḡō mire malōhanḡōra aka jiiga kawōl bōlōḡi kōtōkḡan Farao kiḡ aka ambazip yanḡō jakōmbuak mire malgeri, yeḡō qakḡine ḡḡōyōk. ¹⁸ Mi ḡḡōḡiga Farao kiḡnōḡ Abram kōl ḡrōi kaiga kewō qesim waḡḡiyōk: “ḡōḡōn mōnō wani kimbua ak niḡḡinōḡ? Wuanōḡḡōra ‘Mi anōmna,’ mewō qahō jinōḡa mōral? ¹⁹ Wuanōḡḡōra ‘I mi nena,’ jinōḡ? Mewō jinōḡa nōḡōn i anōmna akḡapḡkōra waḡḡiral? Anōmḡi ki. Mōnō i waḡḡita anohot.”

²⁰ Mewō jiba aziurupḡi jim kutum enḡiiga Abram waḡḡita kōnanōḡ anda al enḡigetka anōmḡi aka ḡrōyuainḡi pakpak ahōm waḡḡiyōhi, mi mēmba enḡuanḡita anḡet. Mewō.

13

Lot aka Abram yetkōn deḡḡohot.

¹ Abramnōḡ Ijpt ḡōlme mosōta anōmḡi aka bau inap yuainḡi pakpak mēmba enḡuanḡita Lotpuk mohotḡe lilingōba anda Keinan ḡōlmeḡō Saut likeḡḡi qetḡi Negew mianḡōreḡ kaḡḡotket. ² Abramḡōreḡ lama bulmakau aka goul silwō mi lōmbōtpuk ahōm waḡḡiiga azi kindiḡbirik malōk. ³ Mewō mala Negew distrik uruḡe tata mosōta kusukḡanōk rowonḡeḡeḡine ahōba wahōta anda mala Betel mire kaḡḡotket. Opo seri kounḡi mutuk Betel aka Ai miri mietkō sutḡire kuḡḡui kinōhi, mōnō mianḡōreḡ kaḡḡotket. ⁴ Mutuk jōwōwōl alta meyōhi, mōnō mianḡōreḡ kaḡḡota Kembugō qetḡi qeta kōulukōyōk.

⁵ Lotnōḡ Abrambuk tata mosōta malōhi, yanḡōn mewōḡanōk lama bulmakau kambuḡi kambuḡi aka opo seri kounḡi kounḡi mi gwōtpuk mēmba malōk. ⁶ Mewō mala sōmbup sukinap yuainḡiri gwōtpuk ketanḡi ahōm etkiiga ḡōlmenōḡ qahō dop kōlōk. Mi ḡrōrōḡ gumohom enḡienḡigō dop qahō ahōiga mohotḡe tata malmalgō lōmbōriba osiyohot. ⁷ Osiba Abram aka Lot yetkōreḡ sōmbup ḡalōmurupḡiri yeḡō sutḡine ḡōlmeḡō anḡururuk asuhuyōk. Nalō mianḡōreḡ Keinan kōnagesō aka Periz kōnagesō yeḡōn ḡōlme mianḡō tonḡ aketka yembuk mohotḡe malḡet.

⁸ Mewō mala Abramnōḡ Lotkōra kewō jii mōrōk: “Niri mōnō iwi morōya maljit. Mianḡōra ni aka ḡi sutnire me sōmbup ḡalōmurupḡiri yeḡō sutḡine anḡururuk kude ahōma. ⁹ Mianḡōra ḡlōp deḡḡbit. ḡōlme pakpak mōnō ḡōhō jemesoholḡe aukḡe ahōm anjawi, mi ḡlōp ekzan. Mewō aiga ḡōḡōn qaninire ḡōrōken anmam jiman ewō, nōḡōn ḡlōp ḡlnire ḡōrōken anmam. Me ḡōḡōn ḡlnire ḡōrōken anmam jiman ewō, nōḡōn ḡlōp qaninire ḡōrōken anmam.”

¹⁰ *Mewō jiiga Lotnōḡ uba wahōta Jordangō ḡōlme kōrōḡi ketanḡi pakpak ehiga Anutanōḡ mi ḡlōp mem kelōriga Kembugōreḡ oyaenḡkoyaen arō kelōkḡambuk ewō ahōk. Mi Ijpt yeḡō ḡōlme ewō ahōba Zoar miri ḡōrōken anōk. Mutuk Kembunōḡ Sodom aka Gomora qahō ayuhum etkiiga nalō

* 13:10: Jen 2.10

mianğoreŋ gölme mi mewö ahöyök. ¹¹ Mewö ahöiga Lotnöŋ mi ek kewöta Jordangö gölme köröŋi ketanŋi pakpak mi möwölöhöba wehön kotkotŋe göröken anök. Mewö aka denŋohot. ¹² Denŋa Abramnöŋ Keinan gölmenöŋ anda malökmö, Lotnöŋ gölme köröŋi ketanŋaŋgö taonŋi taonŋi yeŋgö sutŋine anda kaba malök. Mewö mala opo seri kounŋi meköba memba kuŋguba anda kinda teteköŋe Sodom kösutŋe aŋgota malök. ¹³ Mianğoreŋ malökmö, Sodom könagesö yeŋön könagesö tandök bölöŋi aka Kembu qetala siŋgisöndok keta bölöknŋi aka memba malget.

Abramnöŋ Hebron gölmenöŋ anda tata malök.

¹⁴ Lotnöŋ Abram umbula aniga nalö mianğoreŋ Kembunöŋ Abramğöra keu kewö jiyök: “Mönö jegi ötök ala mesoholge uba wahöta elenŋa andöge uba mewöyök wehön kotkotŋe aka wehön gegenŋe göröken unöŋ. ¹⁵ *Gölme pakpak ki ekzani, mi mönö gi aka göhö gwölönarökurupki enğö buŋaya qebi nalö teteköŋi qahö buŋaŋina ahöm öŋgöma. ¹⁶ Nöŋön gwölönarökurupki ahumsehŋip gwötpuk enğibiga qötöŋinan qariba gölmegö sakösakŋi (sakösŋi) ewö akŋa. Kun danön sakösŋi kötŋi miengö jaŋğöŋini oyonbawak, yaŋön ölöp gwölönarökurupki yeŋgö jaŋğöŋini mema. ¹⁷ Nöŋön gölme ki mönö göhö buŋaya qem gihizal. Mianğöra ölöp wahöta anda kaba gölme pakpak ki bahöbahö euke emuke ek kutuba malman.”

¹⁸ Mewö jiiga Abramnöŋ wahöta opo seri kounŋi qeköba memba kuŋguba anda Hebron gölmenöŋ kaba Mamre mire in ip ketanŋi kin angeri, miengö kösutŋine tarök. Mianğoreŋ tata Kembugöra jöwöwöl alta kun meyök. Mewö.

14

Abramnöŋ Lot mi kerök yeŋgö böröŋineyök meköyök.

¹ Nalö mianğoreŋ Babilongö (Sinargö) kiŋi qetŋi Amrafel, Elasargö kiŋi qetŋi Ariok, Elamgö kiŋi qetŋi Kedorlaomer aka Goimgö kiŋi qetŋi Tidal malget. ² Yeŋön kiŋ kewö miembuk könahiba bim auget: Sodom taongö kiŋi qetŋi Bera, Gomora taongö kiŋi qetŋi Birsa, Adma taongö kiŋi qetŋi Sinab, Seboim taongö kiŋi qetŋi Semeber aka Bela (qetŋi alaŋi Zoar) taon mianğö kiŋi. ³ Kiŋ pakpak kienön örue (ruerue) qetŋi Sidim mianğoreŋ tokoba kukösunŋini mindiriba jöhöjöhö aket. Sidim öruenöŋ nalö kewöŋe Sihi Köwet Köhömuŋi mi ahöza. ⁴ Yeŋön yambu 12:gö dop Kedorlaomergö jimkutukutu bapŋe mala kota yambu 13 mianğoreŋ yaŋğö keu bapŋe anbingö qetala karim aka yarö gilget.

⁵ Mewö aketka yambu 14 mianğoreŋ Kedorlaomer aka kiŋ tosatŋi yambuk jöhöjöhö aka malgeri, miŋön kaba könagesö kewöŋi yembuk bim qeba luhut alget: Refa könagesö mi Asterot Karnaim mire enğuba luhut alget. Zuzi könagesö mi Ham mire aka Eme könagesö mi Kiriataim miri mianğoreŋ enğuba luhut alget. ⁶ Hor könagesö mi Seir gölme kundunambuk mianğoreŋ enğuba enğuatanağöba anda anda El Paran miri mianğoreŋ aŋgota luhut al enğiget. El Paran mi gölme qararaŋkölköŋaŋgö görane ahöza. ⁷ Luhut al enğiba mianğoreŋök lilingöba En Mispas (qetŋi alaŋi Kades) mianğoreŋ kaba Amalek könagesö luhut al enğiba gölmenŋini pakpak aŋgön kölget. Amor könagesö Hazezon Tamar gölmenöŋ malgeri, mi mewöŋanök enğuba luhut al enğiget.

⁸ Mewö asuhuiga Sodomgö kiŋi, Gomoragö kiŋi, Admagö kiŋi, Seboimgö kiŋi aka Bela (qetŋi alaŋi Zoar) mianğö kiŋi yeŋön wahöta asasaitiba Sidim

* 13:15: Apo 7.5

örüenöj angota kin kewö miembuk bim qebingö jaböni ala arönda kinget: ⁹ Elamgö kinj Kedorlaomer, Goimgö kinj Tidal, Babilongö (Sinargö) kinj Amrafel aka Elasargö kinj Ariok. Kinj 4 mienön kinj 5 yembuk aröngget.

¹⁰ Mewö arönggetmö, Sidim gölme örue miangörej löm dodoho sapösapöngambuk mianön kokolak qeba tarök. Mewö tariga Sodom aka Gomora taon mietkö kinjan yarö aziurupniri yembuk unjurata angaitketka azi tosatnjan löm miangörej tötohoba geba enjuyök. Mewö enjuiga alaurupnini tosatnji pakpak yejön ölöj köla unjurata gölme kundunambuk miangörej öngöget. ¹¹ Öngögetka kinj 4 mienön Sodom aka Gomora anda sukinapnini aka numbu nenenjini pakpak mi kiom köla memba tököba anget. ¹² Abramgö behötji Lot yanön Sodom malöhanğora aka i mewöñanök sukinapnambuk wanğita anget.

¹³ Mewö angetka azi kunjan ölöj köla misingöba kaba miangö buzup keunji mi Hibru (kian) azi Abramğora jii mörök. Nalö miangörej Abramnöj Amor azi qetnji Mamre yangörej in ip ketanji ketanji miengö kösutnjine malök. Mamrenöj munyahötji qetnjiri Eskol aka Aner yetpuk mohotnje Abrambuk jöhöjöhö aka malget. ¹⁴ Abramnöj behötji Lot wanğita angeri, miangö keunji möta aziurupnji 318 nanji mire asuhuba mötmöt möta bimqeçe köl guliba malgeri, mi enğhol tokoba kerök kambu enğuatangöba Not göröken anda mala Dan mire anğotket.

¹⁵ Abramnöj aziurupnji mendenj enjuiga yejön sunğem miangörej közöla kerök kambu qeraköm enğimemba luhut al enğiget. Luhut al enğiba enğuatangöba anda mala Damaskusgö Not likepne miri qetnji Hoba miangörej anğotket. ¹⁶ Miangörej angota sukinap pakpak kiom qeba memba angeri, mi miwiknaiget. Behötji Lot aka yangö öröyuainji mi memba wanğita lilingöba kayök. Sodom aka Gomora yeğö ambimoröurupnini aka ambazip tosatnji mi tok lökñanök enğuanğita kaget.

Melkizedeknöj Abram kötuëtköm wanğiyök.

¹⁷ Abramnöj mewö Kedorlaomer aka kinj tosatnji yambuk jöhöjöhö aka malgeri, mi enğuba luhut al enğiba lilingöba kaiga Sodomgö kinj yanön Sawe örue (qetnji alanj Kingö örue) miangörej miwikñaiba ekñamğora anök.

¹⁸ *Nalö miangörej Melkizedek Salemgö kinj mianön bered aka wain o memba kayök. Yanön Anutu öngöngöñangö jike nup galömñi ahök. ¹⁹ Mewö aka Abram kötuëtköm wanğiba keu kewö jiyök: “Anutu öngöngöñan suep gölme miwikñaim etkiyöhi, yanön mönö Abram gi kötuëtköm gihii malman. ²⁰ Anutu öngöngöñan kerökurupki göhö böröge al enğiyöhi, mönö i möpöseizin. “Mewö jiiga Abramnöj öröyuainji pakpak mendenjiga kambu ten asuhuiga miengörejök mohot mohot (10%) memba naluha wanğiyök.

²¹ Mi wanğiiga Sodomgö kinjan Abramğora kewö jiyök: “Ambazipurupni mia ninğimanmö, sukinap mia mönö nangi bunaya akña.”

²² Mewö jiyökmö, Abramnöj Sodomgö kinjanğora kewö jiyök: “Keuni köhöimapköra nöñön böröni Kembu Anutu öngöngöñi Suep gölme miwikñaim etkiyöhi, yangörej göröken memba wahöta jöjöpan keu kewö jizal: ²³ Nöñön göhörej yuai kun mi qahö kötökñi memam. Möt kösögahö kitipnji me köna esugahö kösöñi mi mewöñanök qahö memam. Mewö akiga göñön könanğep kewö jibanbuk: ‘Nöñön Abram yuai wanğibiga yanön azi pomñi qetbunajambuk aka malja.’ Göñön mönö mewö jimamgö osiba malman.

* 14:18: Hib 7.1-10

24 Nöhön yuai kun qahö toroqeba memam-mö, aziurupnan wani yuaia negeri, mi lök nenjigetka dop köl teköza. Mewöyök azi alaurupni Aner, Eskol aka Mamre nömbuk kageri, yeñön mönö töwa jijinjinañgö dop meme. “Mewö.

15

Anutunöy Abrambuk jöhöjöhö areñ ahök.

1 Mewö asuhuiga Abramgö jeñi melenjiga imut ehiga Kembunöy keu kewö jii kaiga mörök, “Abram, gi kenjötöki kude mötman. Nöhön göhö sumanga akzal. Göhö töwagi mönö keta bölökñi aka ahöma.”

2 Keu mewö kayökmö, Abramnöy kewö jiyök, “O Kembu ketanjamni, ni nahönböratni qahö malbiga töwa ninjinönga miañön mönö denöwö bauköm ninjibawak? Nöhön kömumbiga Damaskus azi Eliezer yañön nöngö sukinapnanñgö tonji akña.” 3 Mewö jiba toroqeba kewö jiyök, “Göhön gwölönarökni kun qahö ninjinöñañgöra nup azini bohonñan nöngö mire maljawi, yañön mönö nöngö öröyuaini pakpak buña qem anjuma.”

4 Mewö jiiga Kembugöreñ keu jit kun mi yañgöreñ kewö kaiga mörök, “Azi miañön sukinapakahö tonji qahö akñañmö, nangi silegeyök morö nahön kun asuhumawi, yañön mönö göhö öröyuaigi pakpak buña qem anjuma.”

5 *Keu mewö kaiga Anutunöy Abram wañgita gumnöy geba keu kewö jii mörök, “Mönö suepnöy unöy öngöiga senjelau oyoñ engimanañgö dop akña ewö, mi mönö ölop oyoñ engiman. “Mewö jiba kewö toroqeba jiyök, “Göhö gwölönarökurupki yeñgö qötöñinan mönö miañgö dop akña.”

6 Mewö jiiga Abramnöy Kembu möt narim wañgiiga mötnariñi ehi dop köliga keuñi jim teköiga solaniyök.*

7 Kembunöy toroqeba keu kewö jii mörök, “Nöhön Kembu akzal. Gi Kaldia gölmegö miri qetñi Ur miañgöreñ malnönga goangita ki kait. Gölime ki gihibi buña qem anjumanñgöra aka gi goangita ki kait.”

8 Mewö jiyökmö, Abramnöy kewö jiyök, “O Kembu ketanjamni, gölime kianñön nöngö buñjaya akñawi, mi mönö wani aiwesöha eka möt kutumam?”

9 Mewö jiiga Kembunöy yañgöra kewö jiyök, “Gi mönö anda bulmakau ambi seramñi yambuñi karöbut, meme (noniñ) ambiñi yambuñi karöbut aka lama aziñi yambuñi karöbut aka kembö kun aka kembö supsup dölökunñi kun mi memba nöngöreñ kaman.”

10 Mewö jiiga Abramnöy anda mi pakpak körek memba kaba sömbup mi bibiñine qesiñ engiba likepñi likepñi mi areñgöiga köna likep likep aröñnöy ahöget. * Mewö ahökmö, nei mi qahö qesiñök. 11 Qahö qesiñda qamötñini likep likep areñgöm enjiiga nei kalñi yeñön kaba qamöt yeñgö qakñine eta kölgetmö, Abramnöy mi közöl enjiiga anget.

12 Wehön jeñi teköba gemangö aiga nalö miañgöreñ Abramnöy jeñi eta meiga gaun lömbötñi ahöyök. Mewö ahöiga pandaman göjiwinañgö kanjamñi miañön kaba turum wañgiyök.* 13 Turum wañgiiga Kembunöy kewö jii mörök, “Keu ki mönö ölna mötman: Göhö gwölönarökurupkan mönö nanjini gölmeñini mosöta kantri kunöy anda kiana mala mal öngöme. Mewö mala

* 15:5: Rom 4.18; Hib 11.12 * 15:6: Rom 4.3; Gal 3.6; Jei 2.23 * 15:10: Nalö miañgöreñ jöhöjöhö areñ aka mi silik mewöñi miañön mem köhöizema. Azinöy sömbup likepñi yahöt mietkö sutñire kinda mindirim etkiba jöhöjöhö mi tönguba galöm köljapma. * 15:12: Job 4.13, 14

yeŋgö welenqeŋeurupŋini omanŋi aketka i yambu 400:gö dop tulungöm enŋgiba malme.*

¹⁴ Mewö malmemö, nöŋön kantri welenqeŋeurupŋini omanŋi aka malmei, yeŋgö keuŋjini mewöyök jim teköba likepŋi melenbiga qakŋine öngöma. Mewö mi öngöiga pösat enŋigetka kantri mi mosöta sukinapŋini gwötpuk memba lilingöba kame.* ¹⁵⁻¹⁶ Nöŋön Amor könagesö mi gölme kiangöreŋ zilaŋ qahö enŋuatangömam. Mutuk siŋgisöndokŋi siŋgisöndokŋi aka bölimqölim tekögetka likepŋi törörök melen enŋimamangö nalöŋan akŋawi, nalö miangöreŋ mönö i enŋuatangömam. Miangöra göhö isiurupki yeŋgö isiurupŋinan asuhuba malmei, † nalö miangöreŋ göhö gwölönarökurupkan mönö lilingöba ki kame. (15) Yeŋön mewö kamemö, nangak mutuk yambugahö nalöŋi ölöm kömuiga luainöŋ iwiasaurupki yeŋgöreŋ anöŋga löm köl gihime.”

¹⁷ Kembunöŋ mewö jiiga wehön jeŋan teköba geiga pandaman meiga yuai kewö asuhuiga ehök: Kimbut kungö uruŋe könöp bölamŋan kököbilikbilikŋambuk jeba asariiga köwak köndumŋambuk pukpuköyök. Yuai mianön asuhuba sömbup qamöt qesinqesinŋi miengö sutjine kinda anda kayök.

¹⁸ Kembunöŋ mewö sömbup likepŋi likepŋi miengö sutjire anda kaba sömaŋ miangöreŋ Abrambuk jöjöhö areŋ aka (kaisöpsöŋŋan mi mem köhöiba) keu kewö jii mörök, “Nöŋön gölme ki mi göhö gwölönarökurupki yeŋgö buŋaya qem enŋimam. Miangö jaböŋi mi Ijptkö o towatŋi (Nail) miangöreŋök könahiba kaba ki onŋita anda o towatŋi ketanŋi qetŋi Yufreitis miangöreŋ teköma.* ¹⁹ Nalö kewöŋe mi könagesö kewö yeŋgö gölmeŋina ahöza: Kin könagesö, Kenas könagesö, Kadmon könagesö,²⁰ Hit könagesö, Periz könagesö aka Refaim könagesö,²¹ Amor könagesö, Keinan könagesö, Girgas könagesö aka Jebus könagesö. Yeŋgöreŋ gölme pakpak mi mönö köreŋanök memba dop köla anme. “Mewö.

16

Hagar aka Ismael

¹ Abramgö anömŋi Sarainöŋ köpin mala morö qahö meyökmö, Saraigö welen ambi qetŋi Hagar malök. Mi Ijpt ambia. ² Yanön malöhanögöra Sarainöŋ Abramgöra kewö jiyök: “Kembunöŋ soŋgo jöhöm niŋgiiga morö qahö mealangöra gi mönö welen ambini menöŋga gölöm ala morö kun meiga nöŋgö buŋaya asuhubawak. “Mewö jiiga Abramnöŋ Saraigöreŋ keugöra urumohot ahök. ³ Abramnöŋ Keinan gölmenöŋ yambu 10 mal teköiga nalö miangöreŋ Sarai Abramgö anömŋan Ijptkö welen ambiŋi Hagar memba apŋangö anömŋi akŋapköra waŋgiyök. ⁴ Mewö waŋgiiga memba maliga gölöm alök. Gölöm ala mi möta galöm ambiŋi Sarai könahiba jijiwilit ak waŋgiyök.

⁵ Mewö ak waŋgiiga Sarainöŋ Abramgöra kewö jiyök: “Urunan böliiga sihimbölö mörakzali, miangö keuŋan mönö göhö qake öngöba ahöma. Nöŋön welen ambini göhö böröge albiga gölöm ala mi möta miangöreŋök könahiba

* **15:13:** Eks 1.1-14; Apo 7.6 * **15:14:** Eks 12.40-41; Apo 7.7 † **15:15-16:** Yambu 430 nalö mi kewö oyonget: Liwainöŋ malmal yambuŋi 137 miangöreŋök yambu 80 mi Ijpt malök. Yangö andöŋe azi kewöŋan yambuŋini kewö Ijpt malget: Kehat 133, Amram 137, Moses 80. (Miangö andöŋe Mosesnöŋ Ijpt mosöta toroqeba yambu 40 malök.) Mi mindiriba yambu 430 ahök. Ex 6.16, 18, 29 Dut 34.7

* **15:18:** Apo 7.5

jiwwilit ak niŋgiba malja. Mianğöra Kembunöŋ mönö ni aka gi netkö sutnire keu kewöta jim teköma.”

⁶ Mewö jiiga Abramnöŋ kewö jiyök: “Welen ambigi mianğön nange böröge maljawanğöra wania mötnönğa dop köljawi, mönö mianğö dop i ak wanğiman. “Mewö jiiga Sarainöŋ Hagar laŋ örömureim ak wanğiiga mosöta tököba ölöŋ köla anök.

⁷ Aniga Kembangöŋ garata kunöŋ gölme qararanğökölöŋe o jeŋi kungö kösutne miwikŋaim wanğiyök. O jeŋi mi Sur mire anangö köna jittje mianğöŋeŋ ahöza. ⁸ Mianğöŋeŋ miwikŋaim wanğiba kewö jiyök: “Hagar, Saraigö welen ambiŋi, gi mönö denikeyök kazana denike anman?” Mewö jiiga kewö meleşnök: “Ni galöm ambini Saraigöŋeŋök asamböta ölöŋ köla kazal.”

⁹ Mewö jiiga Kembangöŋ garatanöŋ Hagar kewö jim kutum wanğiyök: “Gi mönö kunbuk Saraigöŋeŋ anda welenŋi qeba yanğö keu bapŋe malman.” ¹⁰ Keu mi toroqeba kewö jii mörök: “Hagar, nöŋön mönö göhö gwölönarökurupki ahum sehim enğibiga qötöŋini oyoŋoyonğö dop qahö aiga malme.”

¹¹ Kembangöŋ garatanöŋ kunbuk toroqeba Hagargöra kewö jiyök: “Gi moröbuk akzana nahöŋgi meman. Dölki tapötökörök möta sahötnönğa mi mönö Kembangö kezapŋe geiga mötza. Mianğöra morögö qetŋi Ismael qetman. (Ismael Anutunöŋ kezapŋan mötza.) ¹² Yanğön azi dorŋki bau kömböt ewö aka (nanŋi imbi-imbi qakŋe laŋ anda kaba) malma. Yanğön böröŋan ambazip pakpak qetal enğiiga ambazip pakpak yeŋön i qetal wanğiba malme. Yanğön munurupŋi pakpak yembuk kerök-kerök aka nanğök kekelolo malma.”

¹³ Mewö jiiga Hagarnöŋ kewö jiyök: “Nöŋön mönö dölki kunöŋ ni nehazawi, i ekzal. “Mianğöra Kembu yanğöra keu jiyöhi, yanğö qetŋi kewö qet wanğiyök: “Gi Kembu ni nehazanayğön akzan. “Qetŋi mewö qerök. ¹⁴ Könanŋi mianğöra aka o löm mianğö qetŋi mi Ber Lahai Roi (Malmalŋambuk mala nehazawanğö o lömŋi) qetketka ahöza. O löm mi toroqeba miri yahöt qetŋiri Kades aka Bered mietkö sutnjire ahöza.

¹⁵ *Hagarnöŋ Abramgö morö nahöŋŋi meyök. Abramnöŋ nanŋi moröŋi Hagar meyöhi, yanğö qetŋi Ismael qerök. ¹⁶ Abramnöŋ yambuŋi 86 aiga Hagarnöŋ Ismael morö mi Abramgöra meyök. Mewö.

17

Jöhöjöhö areŋgö aiwesökŋi mi sile yandiyandi.

¹ Abramnöŋ yambuŋi 99 aiga Kembunöŋ asuhum wanğiba keu kewö jiyök: “Nöŋön Anutu kukösum pakpakö Toŋi akzal. Mianğöra gi mönö nöŋgö keuni tem köla pöndaŋ ahakmeme diŋdiŋi wuatangöba malman. ² Nöŋön jöhöjöhö areŋ mi gi aka ni netkö sutnire ahali, mi mem köhöiba ahumsehip gihibi gwölönarökurupki yeŋgö janğöŋinan mönö keta bölöŋŋi akŋa.”

³ Mewö jiiga Abramnöŋ simin köla bangöiga Anutunöŋ yanğöra keu kewö jiyök: ⁴ “Mötman, nöŋön jöhöjöhö areŋni göbuk kewö akzal: Göŋön könagesö gwötputk yeŋgö iwi bömönŋina akŋan. Keu mewö jim jöhöbi ahöma. ⁵ *Göhö qetki Abram mi qahö toroqeba qetketka ahömapmög, göŋön könagesö gwötputk yeŋgö iwi bömönŋina akŋangöra kungum gihizali, mianğöra qetki mönö Abraham qetketka ahöma. * ⁶ Nöŋön ahumsehip gihibiga gwölönarökurupki mi

* 16:15: Gal 4.22 * 17:5: Rom 4.17 * 17:5: Abram mi iwi öŋgöŋgöŋi. Abraham mi könagesö gwötputk yeŋgö iwi bömönŋini.

önöñi qahö asuhume. Yeñon jula denja könagesö kambunji kambunji gwötpuk akñe. Göhö gwölönarökurupki yeñgöreñök tosatñan kinj kembunji kembunji akñe.

⁷ Nöñon mönö jöhöjöhö areñni mi nani aka gi, göhö gwölönarökurupki göhö andöge toroqeba asuhum öngömei, neñgö sutnine al köhöibiga teketeköñji qahö ahöm öngöba ahöma. Nöñon göhö Anutuqi aka gwölönarökurupki göhö andöge asuhum öngömei, mönö yeñgö Anutuñina aka malmam.* ⁸ Gi Keinan gölmenöñ kiana maljani, nöñon gölme mi jömukñanök gi aka göhö gwölönarökurupki eñgö buñaya qem eñgibiga buñajini teteköñji qahö ahöm öngöba ahöma. Mewö ahöiga nöñon mönö yeñgö Anutuñina aka malmam.*

⁹ Anutuñonñ Abrahamgöra mewö jiba toroqeba keu kewö jiyök: “Mewö malmam-mö, göñon mönö nöñgö jöhöjöhö areñnañgö keunji mi tem köla wuatangöba malman. Göhö gwölönarökurupki göhö andöge toroqeba asuhum öngömei, yeñon mönö mewöñanök mi tem köla wuatangöba mala mal öngöme. ¹⁰ Gi aka göhö gwölönarökurupki embuk jöhöjöhö areñni aka mi wuatangömegöra jizali, miangö aiwesökñi mi kewö: Eñgö sutñine azi pakpak yeñgö silenine mönö nöñgö aiwesökni yandime.* ¹¹ Nöñgö aiwesökni mönö silenine yandime. Mianñon jöhöjöhö areñ ni aka eñgö sutnine albi ahözawi, miangö aiwesökña ahöm öngöma.

¹² Nalö kewöñeyök könahiba azi pakpak eñgö sutñine toroqeba asuhum öngömei, yeñgö silenine mönö sömañini ⁸ aiga miangöreñ nöñgö aiwesökni yandiba malme. Nanñine miri uruñe nanñini aka welenqegeurupñini yeñgöreñ morönahönurupñini asuhumei, mi mönö öröröñ ak eñgiba malme. Welenqege tosatñi mi kian yeñgöreñök monerñonñ bohonñini megetka yeñgö morö nahönñini asuhume. Yeñon nanñini gwölönarökurupñini qahö akzemö, mi töndup nöñgö aiwesökni mi mönö yeñgö silenine mewöñanök yandiba malme. ¹³ Welenqege tosatñan nanñine miri uruñe asuhugetka welenqege tosatñi mi monerñonñ bohonñini megetka yeñgö morö nahönñini asuhume. Nöñgö aiwesökni mi mönö yeñgö silenine mewöñanök yandiba malme. Nöñgö jöhöjöhö areñnañgö aiwesökñi silenine yandimei, mi mönö jöhöjöhö areñ teteköñji qahö ahöm öngömapköra jim köhöizal. ¹⁴ Azi kun danñon nöñgö aiwesökni silenine qahö yandigetka öne malmawi, yañon mönö nöñgö jöhöjöhö areñni ongita qetalakza. Miangöra azi mewöñi mi mönö nanñi ambazip kambu eñgö sutñineyök yakörim wañgigetka yaigep eta malma.”

¹⁵ Anutuñonñ toroqeba Abrahamgöra kewö jiyök: “Gi anömgañ qetñi Sarai mi kude toroqeba qeta malmanmö, yañgö qetñi mönö Sara (jembon ambi) qeta malman. † ¹⁶ Nöñon Sara kötuetsköm wañgibiga yañon göhöra morö nahön kun mema. Nöñon kötuetsköm wañgibiga yañon ambazip kambunji kambunji gwötpuk yeñgö nam bömönñina akña. Yañgö gwölönarökurupñi yeñgöreñök tosatñan könagesö kambu yeñgöreñ azi kembunji kembunji akñe.”

¹⁷ Kembunöñ mewö jiga Abrahamnöñ mi möta simin köla bangöba uruñan kewö mötmöriba miangöra gön kölök, “Azi yambuni 100 akiga morö nahönan mönö denöwö asuhubawak? Mewöyök Saranöñ yambunji 90 aiga mönö denöwö morö membawak?” ¹⁸ Abrahamnöñ mewö mötmöriba welipköba Anutu kewö qesim wañgiyök: “Göñon ölop Ismael kuñgum wañginönga qetki bisiiqa nöñgö gwölönarökurupni mi yañgöreñök asuhume.”

* **17:7:** Luk 1.55 * **17:8:** Apo 7.5 * **17:10:** Apo 7.8; Rom 4.11 † **17:15:** Qetñi kewögöra uteköyök: Yañon ambazip kambunji kambunji gwötpuk aka kinj kembu tosatñi yeñgö nam bömönñina akña.

19 Mewö qesiiga Anutunöŋ kewö melenök, “Anömgi Saranöŋ mönö göhö morö nahöŋgi mema. Mi meiga qetŋi Aisak (gön kölja) qetman. Nöŋön Aisakpuk aka yangö gwölönarökurupŋi yembuk jöhöjöhö areŋni mi al köhöibiga teteköŋi qahö ahöm öngöma. 20 Ismael kötuetsköm wanġimangö qesim niŋgizani, mi mewöyök ölöŋ möt gihiba kötuetsköm wanġimam. Yanŋön azi kembu 12 miengö iwi bömönŋini akŋa. Nöŋön ahumsehip wanġibiga gwölönarökurupŋi yengö jaŋgönjan mönö keta bölökŋi akŋa. Yenŋön sehiba könaġesö kambu ketanŋi akŋa.

21 Mewö akŋemö, Saranöŋ nahöŋgi Aisak mi yambu euneangö nalö kewöŋe memawi, nöŋön mönö nani jöhöjöhö areŋni mi yambuk al köhöimam.”

22 Anutunöŋ Abrahambuk keu jiyohori, mi teköiga i mosöta wahöta öngöyök.

23 Wehön miangöreŋök Abrahamnöŋ Anutugöreŋ keu tem köla nanŋi nahönŋi Ismaelġo silene Anutugö aiwesökŋi yandiyök. Mewöyöhök welenqequrupŋi nanŋi miri uruŋe asuhugetka tosatŋi moneŋnöhö bohonŋini meiga malġeri, azi pakpak mi yangö miri uruŋe tatkeri, i mönö körek mewöŋanök ak enġiyök. 24 Abrahamnöŋ yambuŋi 99 aiga silene aiwesök mi yandiget. 25 Nahönŋi Ismael mi yambuŋi 13 aiga silene mi yandiget. 26 Abraham aka nahönŋi Ismael yetkö silene aiwesök mi sömaŋ mohot miangöreŋök yandiget. 27 Azi pakpak Abrahamġo miri uruŋe tatkeri, tosatŋan nanŋi miri uruŋe asuhugetka tosatŋi mi kian yengöreŋök bohonŋini meiga malġeri, körek yengö silene aiwesök mi mewöŋanök yandiget. Mewö.

18

Saranöŋ azi morö memawangö keuŋi Anutunöŋ jiyök.

1 Abrahamnöŋ Mamre mire in ip ketanŋi ketanŋi miengö sutŋine maliga Kembunöŋ asuhum wanġiyök. Silim miangöreŋ wehön jitŋi sihitŋi köhöikŋi qeiga Abrahamnöŋ opo seri kounġangö numbuŋe tarök. 2* Tata uba wahöta ehiga azi karöbutŋan wösöŋe kinget. Kingetka enġeka opo seri koun numbuŋeyök wölaŋ wahöta jömjölöŋini jiba enġuanġitmamġora kinġingöba anök. Anda waikŋini memba simin köla gölmenöŋ bamġöba geyök.

3 Geba kewö jiyök: “O Kembu-urupni, nöŋön enġö welenqeqeŋini aka enġö jeŋine kalem möriam miwikŋaiba maljal ewö, inġini mönö ni kude noŋgita anme. 4 Ni enġö welenqeqeŋini aka ölöŋ o moröŋi kun memba kaba enġibiga könaŋini saŋgoŋda ip kianġö aumŋe tata luhut meme. 5 Nöŋön ölöŋ nene moröŋi kun memba kaba enġibiga neme. Mianŋön mem köhöim enġiiga ölöŋ köna kunbuk toroqeba anme. Nöŋön kewöröpni malbiga inġini ni göda qem niŋgiba kazeaŋġora ölöŋ welen qem enġimam. “Mewö jiiga melenġa kewö jiget: “Saiwap, jizanaŋġo dop mewö ölöŋ akin.”

6 Mewö jigetka Abrahamnöŋ ösumŋan kinġingöba seri koun uruŋe anda öngöba Saragöra kewö jiyök: “Mönö ösumok plaua ölöŋ kötökŋi amae (dis) karöbutkö dop memba melenġa yengöra bered ohoman.” 7 Mewö jiba ösumŋan bulmakau kambunöŋ anda bulmakau döŋŋi busuŋi löwötŋi möwölöhöba welenqeqeŋi kun wanġiiga könahiba ösumok qeba möhamġöba ohoyök. 8 Mi möhamġöba ohom teköiga mi, kelök kosökŋi aka juju o tosatŋi memba anda azi tatkeranġö bapŋine alök. Bapŋine aliga memba tatketka nanŋi nalö miangöreŋ kösutŋine ip könaŋe galöŋŋina kinök.

* 18:2: Hib 13.2

9 Kiniga kewö qesim wanğiget: “Anömgı Sara mi denike?” Qesim wanğigetka jiyök: “I opo seri koum uruņe endu tatza.”

10 Mewö jiiga azi yengörejök kunņan kewö jiyök: “Yambu mohotkö dop teköiga nöjön ölna lilingöba ki kabiga anömgı Saranöj mönö morö nahönņambuk aka malma. “Mewö jiyökmö, Saranöj opo seri koumgö num-buņe apņanğö andöņe kinda keu mi kezapņe geiga mörök.*” 11 Abraham aka Sara yetkön lök ambazip namņi ahotka yambuņiran gwötpuk ketanĵi aiga malohot. Saranöj köiņğö anğeka malöhi, mianğö nalöņan lök onğit teköyök. 12 Mianğöra Saranöj mi möta uruņan kewö mötmöriba gön kölök: “Nöjön lök ambi namņi sohosoholiņi akiga apni azi kembunan mewöņanök azi namņi aiga yambuk ahöahögö sihimnan kunbuk asuhubawak me qahöpto?”*

13 Mewö mötmöriiga Kembunöj Abraham qesim wanğiba kewö jiyök: “Saranöj wanigöra gön köla kewö mötmöriiza: ‘Nöjön ambi namņi kötökņi aka ölna morö membilenak me?’ 14 Kembunöj mönö yuai kungöra qahö kötökņi qakömakza. Mianğöra jizali, ‘Yambu mohotkö dop teköiga nöjön ölna lilingöba ki kabiga Saranöj mönö morö nahönņambuk aka malma.’”*

15 Saranöj kenğötņi möta mi köyatiba kewö jiyök: “Ni gön qahö köljal. “Mewö jiyökmö, Kembunöj kewö jiyök: “Qahö, gi gön ölna köljan. “Mewö.

Abrahamnöj Sodom taongöra köuluköyök.

16 Mewö jiiga azi karöbut yehön wahöta etkömosöta Sodom taonöj göröken elenđa anbingö aket. Abrahamnöj mewöņanök i engubulmamğöra yembuk mohotņe anget. 17 Kembunöj nanņanğöra kewö jiyök: “Ni yuai akņamğö mötzali, mi alani Abrahamğöra ölop qahö asambötmam. 18 Kewögöra mi asambötmamğö osizal: Abrahamnöj nöngö alani qainņi kun aka ahumship aiga könagesö ketanĵi kukösumņinambuk aka malme. Nöngö kötümötuetnan mönö yanğöra aka gölmeğö könagesö kambuņi pakpak yengö qakņine öngöiga oyaenköyaeņ akņe. 19 Nöjön i kewögöra möwölöhöm wanğial: Yanğön nahönböratuņurņi aka gwölönarökuruņi yanğö andöņe asuhuba mal öngömei, yengöra Kembugörej köna kondela ahakmeme diņđiņi dop kölakzawi, mi wu-atanğömegöra jim kutum engiba malma. Mewö maliga tem köla wuatangöba malme ewö, Kembu nöjön Abrahamğöra yuai asuhumapkö jim jöhöyali, mianğön mönö ölnambuk pakpak ahakņa.”

20 Kembunöj nanņök mewö jiba toroqeba Abrahamğöra kewö jiyök: “Sodom aka Gomora yehön sinğisöndok lömbötņi lömbötņi aka malgetka kahasililiņ öngöņğöņi ketanĵi asuhuiğa gwötpukņan mianğöra qeta sahörakze. Mianğöra yengö sinğisöndokņinanğö keuņan mönö qariba qariba keta bölöknĵi akza. 21 Mianğöra nöjön mönö yengörej geba könaņamņini ekņam. Ka-hasililiņ akeranğöra aka gwötpukņan nöngö jene qeta sahöta malgeri, mi pakpak ölna aket me qahö, mi nöjön kewöta mötmamğö mötzal.”

22 Mewö jiiga azi yahötņan elenđa Sodom göröken anohotmö, Abrahamnöj toroqeba Kembugö jemesoholņe kinök. 23 Kinda Kembugö kösutņe anda kewö qesim wanğiyök: “Gi ambazip solanņi aka ambazip anğöjörakņinambuk mi mohotņe ayuhum engimamğöra jizan me? 24 Taon mianğörej ambazip solanņi 50 malje ewö, göņön i ölna ayuhum engimamğö jizan me? Taon

* 18:10: Rom 9.9 * 18:12: 1 Pitö 3.6 * 18:14: Luk 1.37

mi yengöra aka engehoriganak me qahö? ²⁵ Göñon mewö akhangö osibanak. Mi yapmakek! (qahöpmahöp!) Göñon ambazip solanji mi ambazip angöjörakjinambuk yembuk mohotje mindiriba engunönga qahö dop kölbapuk. Mewö öröröñ kömumbepuk. Göñon gölme ambazip pakpak yengö keujini jim tekömakzani, mianğöra mönö nanji könagi diñdiñi wuatangönönga dop kölma.”

²⁶ Abrahamnöñ mewö jiiga Kembunöñ melenđa kewö jiyök: “Nöñon Sodom taonöñ ambazip solanji 50 miwikñaim engimam ewö, yengöra aka taon pakpak mi ölop engehorigimam.”

²⁷ Mewö jiiga Abrahamnöñ kunbuk kewö jiyök: “Kembu, ni nesak sömsöm omanji ewö akzalmö, töndup keu köhöikñi Kembunanğöra kuñguba jizal. Mi kude dop köljapmö, mi töndup ölop ni möt niñgiman. ²⁸ Taon mianğoreñ ambazip solanji 50 qahöpmö, 45 miyök malbeak ewö, göñon ambazip 5 yengöra aka taon pakpak mi töndup ayuhum engiman me qahö?” Mewö jiiga Kembunöñ kewö jiyök: “Nöñon ambazip solanji 45 mianğoreñ miwikñaim engimam ewö, taon mi mönö qahö ayuhumam.”

²⁹ Abrahamnöñ dumñe kunbuk keu kewö jiyök: “Ambazip solanji 40 miyök mianğoreñ miwikñaim engiman ewö, mönö denöwö akanak?” Mewö jiiga kewö melennök: “Ambazip 40 yengöra aka taon mi qahö ayuhumam.”

³⁰ Mewö jiiga jiyök: “O Kembu, urugi öngöbapukmö, ni kunbuk keu jimamgö mötzal. Ambazip solanji 30 miyök mianğoreñ miwikñaim engiman ewö, mönö denöwö akanak?” Mewö jiiga kewö melennök: “Ambazip solanji 30 mianğoreñ miwikñaim engimam ewö, nöñon mönö taon mi qahö ayuhumam.”

³¹ Abrahamnöñ toroqeba kewö jiyök: “Kembu, ni keu köhöikñi Kembunanğöra kuñguba jizal. Mi kude dop köljapmö, mi töndup ölop möt niñgiman. Ambazip solanji 20 miyök mianğoreñ miwikñaim engiman ewö, mönö denöwö akanak?” Mewö jiiga kewö melennök, “Ambazip 20 yengöra aka taon mi qahö ayuhumam.”

³² Mewö jiiga Abrahamnöñ kunbuk kewö qesiyök: “O Kembu urugi öngöbapukmö, ni kunbuk sömanji mohot-töp ki keu jimamgö mötzal. Ambazip solanji 10 miyök mianğoreñ miwikñaim engiman ewö, mönö denöwö akanak?” Mewö jiiga kewö melennök, “Ambazip 10 yengöra aka taon mi qahö ayuhumam.” ³³ Mewö eraum-mörohot teköiga Kembunöñ Abraham mosöta aniga yanön kunbuk lilingöba mirinje kayök. Mewö.

19

Sodom aka Gomora yengö angöjörak malmalnini

¹ Suep garata yahöt mi Abraham mosöta anda mare aiga Sodom anğorohot. Anğorohotka Lot azi mianön taon mianğö kiripo nanğune tarök. Tata etkeka wahöta jömjölönjiri jiba enğuanğitmamğöra anda gölmenöñ simin köla bamğöba geyök. ² Geba kewö jiyök: “O kembuyahötni, injiri ölop welenqeçeniri nöngö mire kaba könanjiri sanğonda mohotje suñgem ahöbin. Ahöba wahöta ölop söñanjök köna toroqeba anmahot. “Mewö jiyökmö, yetkөн kewö jiyohot: “Qahö, niri ölop qenjarök sombem kunöñ anda ahöbit.”

³ Mewö jiyohotmö, Lotnöñ kapan köhöikñi köla jiba etkuangita nanji mirinje anda öngöget. Öngöba welenqeçeurupñi jim kutum engiiga bered yistñi qahö ohoget. Mewöyök numbu nene nahöñambuk möhamğöba ohoba etikgetka neyohot.

4 Mi nembra gaun ahöbitkö ahotka mianğoreñök Sodom ambazipnöñ kaba miri mi liliköget. Sodom taongö bahöñi pakpak mianğoreñök ambazip namñi aka sepgwölö mi totnöñ totnöñ lömbötñambuk öröba kanğotket. 5 Kanğota Lotköra kewö qetket: “Azi yahöt mare göhöreñ kazahori, mi denike? Azi nini yetpuk sero akingöra mötzin. Mianğöra mönö i etkuangita neñğöreñ etme.”*

6 Mewö qetketka Lotnöñ nanğu metala yeñğöreñ geba andöñe nanğu kölök. 7 Nanğu kôla kewö jiyök: “Alaurupni, mewö qahö. Silik bölöñi mi kude akñe. 8 Mötket. Nöngö bôratni yahöt seram mala nalö kunöñ azibuk qahö ahöyohot. I ölop eñğöra etkuangita etpiga wanat yuaia akingö mötzei, mi ölop sihimñini meköme. Mewömö, nöngö miri boñan azi yahöt etkualöñda sel jöhöm etkizawi, ia mönö yuai bölöñi kun qahöpmahöp ak etkime.”

9 Mewö jiyökmö, yeñön kewö melenđa teriñda qetket: “Mönö kesalnöñ. Göñön ki kaba kiana mala nangahöra ninja jiba mötnöñ öngöiga ninia pöndañ jim kutum nengimangö mötzan? Yetkôn qahö kamahot ewö, mönö nangak neñğöreñ kanöñga mönö kahasililiñ keta bölökñi nangi ak gihibin. “Mewö jiba Lot utalgetka kökondöt aniga öngöba miri nanğunji qesiñbingö aka kinget.

10 Mewö aka kingetmö, azi yahöt mietkôn böröñjiri bôrañda Lot öröm gilo-hotka miri uruñe öngöiga nanğu kölöhöt. 11 Nanğu kôla kinda azi ketanji moröñi miri nanğunje yaigep kingeri, mi jiyohotka keu jitñiran eñgualöñniga jerñini gömöliiga jipjap kota nanğu miwikñaiñbingö mezañqezan aka jaruba osiget. Mewö.*

Lotnöñ Sodom gölme mosörök.

12 Azi yahöt yetkôn Lotköra kewö jiyohot: “Gi nahönurupki, qingiböraturupki aka tinilosomurupki tosatñi pakpak taon kianğöreñ maljei, i mönö eñguanğitnöñga taon ki mosöta anme. 13 Nini taon ki ayuhuba köñdenjmöñdenjbin. Köñagesö kienğö kahasililiñğöra gwötñpukñan Kembugö jeñe önöñi qahö qeta sahöta malget. Mianğöra yañön melaim netkiiga gölme ki ayuhuba köñdenjmöñdenjbitköra ki kazit.”

14 Mewö jiyohotka möta Lotnöñ anda qingji buña yahöt bôratyahötñi etkömembitkö jiiga malohori, yetköra kewö jiyök: “Injiri mönö ösumok wahörohotka miri ki mosöta anbin. Kembunöñ taon ki ayuhuba köñdenjmöñdenjmangö akza. “Mewö jiiga yetkôn keu mi mörohotka göngönahit tandök ahök.

15 Miri wañğarañ suruiga Sup garata yahöt yetkôn Lot öröm kuñgum wañgiba kewö jiyohot: “Anutunöñ Sodom yeñgö siñgisöndokñinanğö likepñi melenđa taonñini köñdenjmöñdenjma. Göñön yembuk mohotñe ayuhuban-buköra mönö zilañ wahöta anömgî aka bôratyahötñi göbuk tatzahori, mi eñguanğita taon ki mosötket.”

16 * Mewö jiyohotka Lotnöñ toroqeba eksekpeksek aiga azi yahöt yetkôn Lotkö böröñi melanjiba memba anömgî aka bôratyahötñi yeñgö böröñini mewöñanök melanjiba memba eñguanğita taon silene anget. Kembunöñ mewö ak kömum eñgiyök. 17 Taon silene angetka azi yahöt yetkoreñök kunöñ keu kewö jiyök: “Malmalñini añğön kölmegöra mönö ösumok misinğöba angaitme. Andöñine kude lilingöba uba anda gölme köröñe endu añgota mianğöreñ mewöyök dörök kude alme. Ayuhubepuköra mönö kundunje eu öngöba misinğöba angaitme.”

* 19:5: Kemb 19.22-24 * 19:11: 2 Kin 6.18 * 19:16: 2 Pitö 2.7

18 Mewö jiyökmö, Lotnöḡ kewö jii mörohot: “O Kembuni, göḡön mewö akingöra kude jiman. 19 Göḡön malmalnaḡö bohonḡi jöhöba ak-kömukömu ketanḡi kondelnöḡga göhö jege öḡa kalem möriam miwikḡaiba welenqeqegi akzalmö, mötnöḡ, nöḡön kundunḡe eu misiḡöba angaitmamḡö osimam. Köndenḡmöndenḡ kianḡön nöḡḡö qakne öḡḡöiga kömumbilenḡbuköra kenḡötḡni mötza. 20 Mötnöḡ, taon moröni kun endu ahöi ekzani, mianḡön köroḡḡi qahöpmö, ölöḡ anbinanḡö dop akza. Mianḡöra ölöḡ jinöḡga mianḡöḡenḡ misiḡöba angaita ölöwaka malbin. Miri morörökḡi mi eknöḡga dowe ahöiga mianḡöḡenḡ ölöḡ anda malmalninanḡö bohonḡi jöhöbin.”

21 Mewö jii mörohotka kunöḡ kewö meleḡnök: “Mi ölöḡ! Keu jizani, mianḡöra mewöyök ölöḡ imbi köḡ gihimam. Taon moröḡanḡöra jizani, mi qahö ayuhumam. 22 Mi qahö ayuhumam-mö, inḡini mönö ösumok mianḡöḡenḡ misiḡöba angaitme. Mianḡöḡenḡ qahö anḡotketka nalö sutḡi kewöḡe nöḡön yuai kun akḡamḡö osimam. Inḡini mutuk mianḡöḡenḡ anḡotketka mianḡö andöḡe ölöḡ jim kutubiga köndenḡmöndenḡ asuhuma. “Lotnöḡ taonḡöra ‘morodökḡi’ jiyöḡanḡöra aka taon mianḡö qetḡi mi Zoar (morodökḡi) qetketka ahöza.

Kembunöḡ Sodom aka Gomora köndenḡmöndenḡnök.

23 Wehönöḡ lök koriga Lotnöḡ Zoar taonöḡ kanḡorök. 24 *Kanḡoriga Kembunöḡ jiiḡa suepnöhök Kembugö mireyök salfa köḡ könöḡḡambuknöḡ mi kie ewö Sodom aka Gomora yenḡö qakḡine eta turum enḡiyök. 25 Turum enḡiba mianḡön taon yahöt mi aka göḡme köroḡḡi pakpak kösutḡire ahözawi, ambazip körek mianḡöḡenḡ malgeri aka ip kösö yuai görökḡi (töḡḡönḡi) göḡme mianḡöḡenḡ ahögeri, mi ayuhum enḡim teköyök. 26 Lotkö anöḡḡan aḡḡi wuatangöba anda kunbuk eleḡda andöḡe uba mianḡöḡenḡök letota sihi köḡ aka tandö ewö kinök.*

27 Abrahamnöḡ söḡanök wahöta mutuk Kembugö jemesoholḡe kinda keu eraum-mörohoḡi, mianḡöḡenḡ anök. 28 Mianḡöḡenḡ anda kinda Sodom, Gomora aka göḡme köroḡḡi ketanḡi pakpak mianḡöḡenḡ göröken ui aniga göḡme mianḡöḡenḡ köwak inḡanḡi ketanḡan tokoba koriga ehök. Mi könöḡ ketanḡi ohogetka köwak ketanḡi wahörakzawi, mianḡö dop ahök. 29 Anutunöḡ göḡme köroḡḡi mianḡö taonḡi taonḡi ayuhuba köndenḡmöndenḡda nalö mianḡöḡenḡ Abraham mötmörim wanḡiyök. Behötḡi Lotnöḡ taon mianḡöḡenḡ maliga mienḡön meleḡḡi gebinḡö aketka Anutunöḡ nalö mianḡöḡenḡök jim kutuiga Lot köndenḡmöndenḡ mianḡö urunḡeyök wanḡita kaget. Mewö.

Moab aka Amon könagesö yenḡö könaḡini

30 Lotnöḡ Zoar taonöḡ malmamḡö kenḡötḡi mörök. Mianḡöra böratyahötḡi etkuanḡita Zoar mosöta göḡme kundunḡambuk mianḡöḡenḡ anda tatket. Böratyahötḡi yahöt yetpuk baḡet urunḡe ahöm wahöt aka malget. 31 Mianḡöḡenḡ mala böratḡi ketanḡan nalö kunöḡ munḡanḡöra kewö jiyök: “Naniri iwiniran lök azi namḡi akza. Ambazipnöḡ göḡme dop mianḡöḡenḡ amimba nahönbörat miwikḡaim enḡimakzemö, göḡme kianḡöḡenḡ azi kun netkömemapköra qahö malja. 32 Mianḡöra ölöḡ kaba iwiniri wain o wanḡizi namba urunḡi enḡololonḡ aiga yambuk ahöba gölöḡm ala gwölönarök miwikḡaiziga könagesöḡinan toroqeba malme.”

* 19:24: Mat 10.15; 11.23-24; Luk 10.12; 17.29; 2 Pitö 2.6; Jud 7

* 19:26: Luk 17.32

³³ Mewö jiba suŋgem miangörenök iwiŋiri wain o waŋgiyohotka neyök. Nemba uruŋi eŋololoŋ aiga datŋan anda yambuk ahöyök. Wani nalönöŋ qöhöröŋe kayök aka wani nalönöŋ wahöröhi, mi iwiŋan qahö mörök.

³⁴ Ahöba wahöta bōratŋi ketaŋan munŋaŋgōra kewō jiyök: “Nōŋōn uran suŋgem iwinambuk ahōyal. Ölöp merak suŋgem mewōyök wain o kunbuk waŋgizi nemba uruŋi eŋololoŋ aiga gōŋōn mönō anda yambuk ahōmahot. Mewō ahōba iwiniraŋgōrenök gölōm ala gwölōnarök miwikŋaiziga könagesōninan toroqeba malme.”

³⁵ Mewō jiba suŋgem miangōrenj mewōyök iwiŋiri wain o waŋgiyohotka neyök. Nemba uruŋi eŋololoŋ aiga munŋan anda yambuk ahöyök. Wani nalönöŋ qöhöröŋe kayök aka wani nalönöŋ wahöröhi, mi iwiŋan qahö mörök.

³⁶ Mewō ahotka miangōra mohotŋamŋire iwiŋiraŋgōrenök gölōm alohot.
³⁷ Bōratŋi ketaŋan morō azia memba qetŋi Moab (iwiniraŋgōrenök) qerök. Moab yaŋgō gwölōnarōkurupŋan ahumsehip aka kotketka nalō kewōŋe mewōyök qetŋini Moab könagesō qerakzin. ³⁸ Bōratŋi morōŋan mewōŋanök morō azia memba qetŋi Ben Ami (könagesōnaŋgō nahōŋŋi) qerök. Azi miangō gwölōnarōkurupŋan ahumsehip aka kotketka nalō kewōŋe mewōyök qetŋini Amon könagesō qerakzin. Mewō.

20

Abraham aka Abimelek.

¹ Abrahamnōŋ Mamre miri mosōta toroqeba Saut görōken distrik qetŋi Negew miangōrenj anda miri qetŋiri Kades aka Sur mietkö sutŋire malök. Miangō andōŋe toroqeba taon qetŋi Gerar miangōrenj anda kusukŋanök malök. ² *Miangōrenj mala ambazip miengōra kewō jii mötket: “Sara mi nena. “Mewō jüga Gerargō kinj Abimelek yaŋŋōn keu ali aniga Sara waŋgita jakōmbuak miriŋe kaget.

³ Mewō aketmō, Anutunōŋ suŋgem kunōŋ Abimelekōrenj kaba gaunōŋ kewō jiyök: “Ambi buŋa qem aŋguzani, mi azi kungō anōmŋa. Miangōra gi mönō yaŋgōra aka kōmupkō buŋaya akŋan.”

⁴ Mewō jiyökmō, kinj Abimeleknōŋ Sara qahō meyōhaŋgōra aka kewō jiyök: “Kembu, ni siŋgisōndokō keuni qahō. Miangōra gōŋōn ni aka könagesōurupni nini öne töhōn ayuhum nengibanbuk. ⁵ Abrahamnōŋ mönō nanŋak nōŋgōra kewō jiyök: ‘Ambi mi nena.’ Aminōŋ mewōyök kewō jiyök: ‘Abraham mi nena.’ Miangōra urune geŋmoŋ qahō ahōiga ambi mi jibi kaiga bōrōnan yuai tölokŋi kun qahō ahal.”

⁶ Mewō jüga Anutunōŋ gaunōŋ likepŋi kewō jii mörök: “Keu jizani, mi öŋa. Göhö uruge geŋmoŋ kun qahō ahōiga göhörenj kayōhi, mi mötzal. Miangōra gōŋōn ambi mi misiriba nōŋgō jene siŋgisōndok akanbukōra sel jöhōm gihiba malal. ⁷ Mewōgōra ambi mi mönō kunbuk melenċa apŋaŋgōrenj waŋgiman. Azi mi kezapqetok azia aka ölöp göhöra köulukōiga qahō kōmuman. I kunbuk qahō waŋgiman ewō, keu ki mönō öŋa mötman: Gi aka tinitosolomurupki iŋini mönō körek kōmume.”

⁸ Keu mi jii kinōŋ möta söŋanök wahöta pom jembonurupŋi pakpak eŋgohol tokom eŋgiba Kembunōŋ keu pakpak jiyōhi, mi jii möta töwōratiba

* 20:2: Jen 12.13; 26.7

kenğötņini gwötpuk mötket. ⁹ Mewö mötketka kiņ Abimeleknöj Abrahamgöra keu ali öngöiga kewö jiba qesim waņgiyök: “Gi mönö wani kimbia ak neņginöņ? Nöņön wani bölöņi kun ak gihibiga göņön kondotnöņga siņgisöndokö keu lömbötņan mönö ni aka könagesöni nöņgö sel tohoņ uruņe maljei, neņgö qaknine öņgömamgö akza? Göņön yuai qahö ahakņangö dop mia songo walöņda ak niņginöņ. ¹⁰ Göņön mönö könäņi wuanöņgöra silik mi aknöje?” Kiņ Abimeleknöj Abraham mewö qesim waņgiiga

¹¹ kewö melenök: “Nöņön keu mi kewö mötmöriba jial: ‘Gölme kiangö könagesö eņön Anutugö jittji oņgitpinbuköra kenğötņini qahö mötpeak. Mianğöra ni anömmağöra aka nuņguget kömumbileņbuk.’ ¹² Yaņön öļņa neni, iwinangö böratņi akza. Namņangö böratņi qahö akzawangöra i anömma meal. ¹³ Anutunöj Iwinangö miriņi mosöta kungen anmangö jiyöhi, nöņön nalö mianğoreņ Saragöra kewö jial: ‘Niri denike denike anbiri, mianğoreņ nöņgöra nena jiman. Mewö aka mianğön ni urukalem kondel niņgiba malman.’”

¹⁴ Mewö jii möta Abimeleknöj Abrahamgö anömņi Sara melenđa waņgiyök. Mewöņanök lama bulmakau aka welenqeçe azi aka ambi mi mohotņe i waņgiyök. ¹⁵ Waņgiba keu kewö jiyök: “Mötnöj. Nöņgoreņ gölme ki wösöge ahözawi, mianğoreņ mönö nangi sihingahö dop malman.” ¹⁶ Mewö jiba Saragöra kewö jiyök: “Mötnöj. Nöņön moneņ silwö köt 1000:gö dop nengi waņgibiga mianğön töwagi akza. Töwa mianğön könäņangi kondeliga ambazip körek göbuk maljei, yeņön mi eka kewö jiba möt yaköme, ‘Siņgisöndokö keuņi mi Saragöreņ qahö ahöza.’” Mewö jiyök.

¹⁷⁻¹⁸ Abrahamgö anömņi Saragöra aka Kembunöj ambi pakpak kiņ Abimelekö miri uruņe malgeri, yeņgö morö memegö könäņi jöhöyök. Mianğöra Abrahamnöj Anutu köuluköiga Abimelek mem ölöwahök. Mewöyök anömņi aka welenqeçe ambiurupņi mem ölöwak eņgiiga kunbuk moröņinambuk aket. Mewö.

21

Aisak asuhuyök.

¹ Kembunöj Sara kalem möriam waņgimamgö keuņi jim jöhöi ahöyöhi, mianğö dop i ek galöm ak waņgii malök. Keu jiyöhi, mianğö dop i kewö ak waņgiyök: ² Saranöj gölöm aliga Abrahamnöj azi namņi aiga töndup yaņgö morö nahöņņi meyök. Anutunöj morö nahön asuhumapkö keuņi qeljiņe jim jöhöyöhangö dop mi mönö nalö mianğoreņök asuhuyök.* ³ Saranöj Abrahamgö morö nahöņņi meiga qetņi Aisak (gön kölja) qerök. ⁴ Qeriga Aisaknöj wehöņņi 8 aiga nalö mianğoreņ Anutugö aiwesökņi silene yandiyök. Anutunöj keu jim kutui ahöyöhangö dop mi yandiyök.* ⁵ Abrahamnöj yambuņi 100 aiga nahöņņi Aisak asuhuyök. ⁶ Asuhuiga Saranöj keu kewö jiyök: “Anutunöj gönkölköl miwikņaim niņgiyök. Mianğöra denike yeņön nöņgö kösohotni mötmei, yeņön mönö nömbuk gön kölme.” ⁷ Mewö jiba toroqeba kewö jiyök: “Saranöj morö galömkölkölņa akņawi, daņön keu mi qeljiņe möta Abrahamgöra jibawak? Mewö qahöpmö, nalö kewöņe yaņön azi namņi aiga nöņön töndup yaņgö nahöņņi meal. “Mewö. ⁸ Aisaknöj qariba juzu mosöriņa wehöņ mianğoreņök Abrahamnöj nene lömbuaņ ketañi alök.

Saranöj Hagar aka Ismael közöl etkiyök.

* **21:2:** Hib 11.11 * **21:4:** Jen 17.12; Apo 7.8

⁹ Ijpt ambi Hagarnöŋ Abrahamgö morö nahöŋŋi Ismael meyöhi, yaŋön nalö kunöŋ munŋi Aisak ilita mepaiköba gönawöt ak waŋgiiga Saranöŋ mi ehök.

¹⁰ Mewö eka Abrahamgöra kewö jiyök: “Welen ambigö nahöŋŋan mönö nöŋgö nahöni Aisakpuk göhöreŋ öroyuai mi qahö mendenŋa buŋa qem anŋumahot. Welen ambi mi aka nahöŋŋi mi mönö közölnöŋga anmahot.”*

¹¹ Saranöŋ keu mi jiyöhi, mianöŋ Abrahamgö uruŋi qeiga Ismael mi nahöŋŋi ahöhaŋgöra aka urueret möriga uruŋi mötökömbuk ahök.

¹² Mewö ahiga Anutunöŋ yaŋgöra keu kewö jiyök: “Nahöŋgi aka welen ambigi Hagar yetköra mönö urugoro ketanŋi kude mötman. Aisakö gwölönarökurupŋi yeŋönök mönö göhö qetbuŋagi bisiba malme. Miangöra Saranöŋ keu göhöra jizawi, mi pakpak mönö möta tem kölman.* ¹³ Welen ambigahö nahöŋŋan göhö gwölönaröki akzawaŋgöra nöŋön i mewöŋanök ahumsehip waŋgibiga gwölönarökurupŋan könagesö ketanŋi akŋe.”

¹⁴ Mewö jii möta Abrahamnöŋ ahöba söŋan kötökŋe wahöta nene tosatŋi memba o uu (ou huhu) lama silenŋan memenŋi mianöŋ o uba kaba Hagargö qamböŋe ala mindiŋgöba nahöŋŋambuk melaim etkiiga mosöta anohot. Anda Berseba gölme qararaŋkölkölŋe aŋgota liliköba malohot. ¹⁵ Malohotka lama silenŋe o memba anöhi, mianöŋ qahöwahiga nahöŋŋi mi böŋbaŋ ip köhösoŋi kungö bapŋe ali ahöyök. ¹⁶ Ali ahöiga kinda kewö mötmöriyök: “Nahöŋan jeni qakŋe kömumawi, mi ekŋamgö osiba jemörön akzal. “Mewö mötmöriba pokom mulget anakzawaŋgö dop tikep anda tata silata sahöt gigilahöyök.

¹⁷ Morö sahöröhi, mi Anutunöŋ möriga garatanŋan suepnöhök Hagargö qeta kewö jiyök: “Hagar, gi wani lömbötkö uruŋe maljan? Keŋgötki kude mötnöŋ. Moröŋöŋ endu ahöba sahötzawi, Anutunöŋ sahötŋi mi lök mötza.

¹⁸ Mönö wahöta morö nahöŋgi gölmenöhök kököbihinöŋ wahöriga böroŋe memba mökökölim waŋgiman. Nöŋön i könanŋep ahumsehip waŋgibiga gwölönarökurupŋan sehiba könagesö ketanŋi qetbuŋaninambuk akŋe.” ¹⁹ Suep garatanöŋ mewö jiiga Anutunöŋ jeŋi metohoiga uba o lömŋi kun ehök. Mi eka lama silenŋi memba anda mianöŋ o uba kaba nahöŋŋi waŋgiiga neyök.

²⁰ Anutunöŋ Ismaelbuk kiniga qariba gölme qararaŋkölkölŋe mala erim nemi azia ahök. ²¹ Gölme qararaŋkölkölŋi qetŋi Paran miangöreŋ maliga namŋan Ijpt kantrinöhök ambi kun memba anömŋa waŋgiyök. Mewö.

Abraham aka Abimelek yetköŋ urujöhöjöhö ahot.

²²* Nalö miangöreŋ Abimelek aka yaŋgö yarö kambuŋaŋgö suahö galöŋŋi qetŋi Fikol yetköŋ Abrahamgöra kewö jiyohot: “Göŋön öroyuai pakpak aka memakzani, Anutunöŋ mönö miangöreŋ göbuk kinakza. ²³ Miangöra göŋön mönö merak kiangöreŋ Anutugö jeŋe jöjöpaŋ keu kewö jiba jim köhöiman: ‘Nöŋön gi, moröurupki aka gwölönarökurupki embuk isimkakalek kun kude aka malmam.’ Mewö jim köhöiba nöŋön ak kömum gihiba malali, miangö dop göŋön mönö mewöŋanök gölme ki aka ni ak kömum netkiba malman. Gi gölme kiangöreŋ kiana aka maljan.”

²⁴ Mewö jiyohotka Abrahamnöŋ kewö jiyök: “Nöŋön jöjöpaŋ keu mi ölöp jiba jim köhöimam.”

²⁵ Mewö jiyökmö, Abimelekö welenqequeurupŋan o löm kun nanŋinaŋgöra aŋgön kölgeri, Abrahamnöŋ miangöra Abimelek jim waŋgiyök. ²⁶ Jim waŋgiyökmö, Abimeleknöŋ kewö melenŋa jiyök: “Daŋön silik mi ahöhi, mi

* **21:10:** Gal 4.29-30 * **21:12:** Rom 9.7; Hib 11.18 * **21:22:** Jen 26.26

nöñon qahö mötzal. Nangak miangö keunji kun mutuk qahö jinöñ möta mala merak-kun keu mi mötzal.”

²⁷ Mewö melenđa jiiga Abrahamnöñ anda lama aka bulmakau memba kaba Abimelek wanjiiga nalö miangöreñök sutñire jöhöjöhö aka alohot. ²⁸ Mi ala Abrahamnöñ lama kambuñineyöhök lama ambiñi moröñi 7 meköm enggiba al engji nanñinök kinget.

²⁹ Mewö kingetka Abimeleknöñ Abraham kewö qesim wanjiyök: “Lama ambiñi moröñi 7 kewöta endu al enginöñga nanñinök kinjei, mi kónañi wuanöñgöra?”

³⁰ Qesim wanjiiga kewö melenñök: “Nöñon o lömñi ki esiali, keu mi jibiga mi möt narizan ewö, lama moröñi 7 ki mönön nöñgö böröneyök buña qem angunöñga nöñgö keunanğö dangununji akña.” ³¹ Mewö melenđa azi yahöt mi gölme miangöreñ kinda jöjöpaj keunjiri jiba jim jöhöm anğuyohot. Miangöra miri miangö qetñi Berseba qerakze. *

³² Berseba mire jöhöjöhö mewö ahot teköiga Abimelek aka yanğö yarö kambuñanğö suahö galömñi Fikol yetkón wahöta lilinğöba Filistin yenğö gölmenöñ anohot. ³³ Anohotka Abrahamnöñ berem ip kun Berseba miri miangöreñ kömöta Kembu Anutu bem koñkoñ yanğö qetñi qeta köuluköyök. ³⁴ Köuluköba kinda Filistin yenğö gölmenöñ nalö köröpñi kiana aka malök. Mewö.

22

Anutunöñ Abraham esapköm wanjiyök.

¹ Yuai mi asuhuiga nalö tosatñi teköiga Anutunöñ Abraham esapköm wanjiyök. Qetñi “Abraham!” qeriga yanñon “Ni ki kinjal,” jiba melenñök. *

² Mewö melenñiga kewö jiyök: “Aisak nahöñgi nanñi mohotsirik urugan jöpaköm wanjimakzani, i mönön wanğita Moria gölmenöñ anda kundunji kun kondel gihimami, miangöreñ öñgöba i nöñgö jöwöwöla ohoman.” *

³ Mewö jiiga Abrahamnöñ ahöba söñan kötökñe wahöta doñki qakñe dum tatatñi möhamğöba welenqeqeñi yahöt aka nahöññi Aisak enğuanğirök. Jöwöwölgö könöpñi dopñe köl teköba börangöba ala enğuanğita Anutunöñ gölme jiyöhi, miangöreñ anök. ⁴ Anda mala wehön karöbutñi miangöreñ jeñan uba wahöta gölme mi ehiga köröwen ahöyök. ⁵ Mi eka welenqe qe yahötñi yetkora kewö jiyök: “Injiri doñkibuk ki tarohotka ni aka morö nahön netkón endu anda Anutu waikñi memba möpöseiba kunbuk lilinğöba etköreñ kabit.”

⁶ Abrahamnöñ mewö jiba jöwöwöl ohohogö könöp böranñi memba nahöññi Aisakö qamböñe ali öngöiga nanñak könöp jit aka sou meyök. Mewö meiga mohotñamñire anohot. ⁷ Mewö anda Aisaknöñ anğ ala iwiñi Abrahamğöra kewö jiyök: “Iwini!” Mewö jiiga kewö melenñök: “Nahöni, wania?” Mewö melenñiga kewö qesiyök: “Könöp jitñi aka könöp mia ki memba kazitmö, jöwöwöl ohohogö lamanji mi denike?”

⁸ Mewö qesüiga iwiñan kewö melenñök: “Nahöni, Anutu nanñak mönön jöwöwöl ohohogö lamanji kun miwikñaiba netkima. “Mewö melenñiga toroqeba mohotñamñire anohot.

⁹ Anda Anutunöñ gölme jiyöhanğöreñ anğota kinda jöwöwöl ohohogö altanji kun memba könöp miangö qakñe ala areñgöyök. Areñgöba nahöññi Aisak

* **21:31:** Berseba keu miangö kónañi yahöt: sewengö o lömñi aka jöjöpaj keugö o lömñi.

* **22:1:**

Hib 11.17-19 * **22:2:** 2 Kor 3.1

jöhöba altanöy könöp qakne al wanjiyök.* ¹⁰ Al wanjiba nahönji umamgöra böröri böranda sou memba atönnök. ¹¹ Atönniga miangörenök Kembangören garatanöy Suepnöhök Abrahamgöra kewö qerök: “Abraham, Abraham!” Mewö qeriga “Ni ki kinjal,” jiba melenök.

¹² Mewö melenöy kewö jiyök: “Börögan mönö morögö qakne kude alman. Yangö qakne yuai kun kude akjan. Göñön nahöngi mohotsirik mi nöngöra qahö angön köljana ngöra könanamgi merak kewö möt yaközal: Gi Anutugö keu jitni ongitpanbuköra kenjötki mörakzan.”

¹³ Mewö jiiga miangörenök uba wahöta ehiga lama azinj kun ilitjan böñban ip köhösonöy gili geiga kinök. Mi eka anda memba kaba nahönjanjö salupne lama miangön jöwöwöl ohoyök. ¹⁴ Miangöra Abrahamnöy gölme miangö qetni mi ‘Kembunöy miwikñaiba netkima,’ jiba qerök. Nalö kewöne mewöjanök keu kewö jimakze: “Kembunöy mi kundunje miwikñaiba netkima.”

¹⁵ Kembangö garatanan Abrahamgöra Suepnöhök kunbuk kewö qeriga yahöt ahök: ¹⁶ “Kembu nöñön kewö jizal: Nanak nani qetni qeta jöjöpan keu kewö jiba jim köhöizal: Göñön silik ki aka nahöngi mohotsirik mia nöngöra qahö angön köljani, ¹⁷ miangöra nöñön öñja gi kötuetköba ahumship gihibiga gwölönarökurupki yeñön öñöñi qahö sehime. Sehigetka qötöñinan mönö suep könakembagö sengetauñ ewö akña aka köwet jitne sakösiñ ahöm anjei, miangö dop akña. Göhö gwölönarökurupki yeñön mönö köhöiba kerökurupjini enjuba luhut ala siti gölmeñini enjuañgita angön köla malme.* * ¹⁸ Göñön nöngö keuni tem köljani, miangöra göhö gwölönarökurupki yeñörenök kungöra aka nöngö kötumötuettan mönö gölmegö könagesö kambunji pakpak yeñö qakñine öñgöiga oyaenköyaen akne.”*

¹⁹ Kembangö garatanan mewö jiiga Abrahamnöy moröñambuk lilinjöba welenqeqeyahötñi yetkören anda aitöngöba mohotne Berseba mire anget. Abrahamnöy Berseba miri miangören opo seri koumñi mörörenjöba malök. Mewö.

Nahorgö gwölönarökurupji

²⁰ Nalö tosatni teköiga buzup keu kun kewö jigetka Abrahamgören kayök: “Milkanöy mewöñanjök nama akza. Yanön mungi Nahorgö nahönurupñi tosatni enjömeyök.” ²¹ Moröñi mutukñañjö qetni mi Uz, yangö munñi Buz aiga yangö könañe Kemuél, Aramgö iwiñi. ²² Kemuélgö könañe Kesed, Hazo, Pildas, Jidlaf aka Betuel. ²³ Betuelnöy Rebekagö iwiña ahök. Milkanöy Abrahamgö munñi Nahorgö nahönurupñi 8 mi enjömeyök. ²⁴ Nahorgö anömñi bohönñi qahö memeni qetni Reuma yanön mewöñanjök nahönurupñi tosatni enjömeyök. Yeñö qetjini mi Teba, Gaham, Tahas aka Maka. Mewö.

23

Saranöy kömuyök.

¹ Saranöy mala mal öñgöiga yambunji 127 ahök. Saranöy miangö dop malök. ² Mala Keinan gölmenöy miri qetni Kiriát Arba, qetni alanji Hebron qerakzei, miangören kömuyök. Kömuiga Abrahamnöy miangörenök anömñanjöra jinjen köla sahötmangöra anök.

³ Anda sahöt teköba wahöta anömñanjö qamötñi mosöta anda kindá Hit ambazip yeñöra keu kewö jiyök: ⁴ * “Ni enjö sutñine kiana kaba qandak

* **22:9:** Jei 2.21 * **22:17:** Hib 6.13-14 * **22:17:** Hib 11.12 * **22:18:** Apo 3.25 * **23:4:** Hib 11.9, 13; Apo 7.16

(kujuk) maljal. Mianğora inini mönö gölmeninanğö bahöni kun kianğoreñ niñgigetka bohonñi membiga qaksirini aiga alaurupni yeñğö qamötñini mianğoreñ ala löm köl enğimakñam.”

⁵ Keu mewö jüiga Hit yeñön melenğa kewö jiget: ⁶ “O azi kembu, gi ölp nengöreñ keu ki mötnöñ. Gi nengö sutnine Anutugö azi jembonñi maljananğora aka qaksirigi sihimgan denike ek soroköba memangö mötzani, mianğoreñ mönö ölp qamötki löm kölman. Göñön qamötki esim kölmam jinöñğa nengöreñök kunñan mi qahö anğön köl gihima.”

⁷ Mewö jigetka Abrahamnöñ wahöta gölme tourupñi Hit ambazip yeñğö wösöjine geba sipköm enğiyök. ⁸ Sipköm enğiba kinda yeñğora keu kewö jiyök: “Nöñön qamötñi esim kölmamğö ölp jime ewö, mönö nongöreñ keu ki möta Zohargö nahöññi Efron yangöreñ anda keu jitni ki toroqeba jiba kungum wanjime. ⁹ Kungum wanjigetka möta banjet qetñi Makpela yangö buñaya aka nupñanğö imbiñe göröken ahözawi, mönö mia jim teköiga söñğöröñi memam. Mönö qesigetka bohonñi jömuk jim teköiga söñğöröñi membiga nöñğö qaksirini enğö sutñine ahöma.”

¹⁰ Mewö jüiga Efronöñ alapurupñi Hit könagesö pakpak taonñinanğö kiripo nanğunje kaba sombemnöñ tokogeri, yeñğö sutñine tariga keu kezap ala mötketka Efronöñ Abrahamğora kewö melen wanjiyök: ¹¹ “O azi kembuni, mewö qahöpmö, mönö nöñğora kezap alnöñ. Nöñön gölme köröñi mi aka banjet mianğoreñ kinjawi, mi kalema gihizal. Nani könagesourupni yeñğö jeñine kinda mi gihibiga ekze. Qamötki mi ölp mianğoreñ esim löm kölman.”

¹² Mewö jüiga Abrahamnöñ gölme tourupñi yeñğö wösöjine kunbuk geba sipköm enğiyök. ¹³ Sipköm enğiba kinda yeñğö jeñine Efrongöra kewö jüiga mötket: “Nongöreñ keu ki mönö kezap ala mötnöñ. Göñön ölp mewö akanakmö, nöñön mönö gölme köröñi mianğö bohonñi mi gihimam. Mi ölp jiba töwa menöñğa nöñön qamötñi mianğoreñ esim löm kölman.”

¹⁴ Mewö jüiga mötketka Efronöñ Abrahamğora kewö melen wanjiyök: ¹⁵ “O azi kembuni, nongöreñ keu ki mönö kezap ala mötnöñ. Gölme mianğö bohonñi mi 400 silwö kötni (50 kilogram). Ala-ala akziranğora aka mianñön mönö netkö sutnire yuai omanñ akza. Mianğora qamötki ölp esim löm kölman.”

¹⁶ Mewö melen wanjiiga möta Abrahamnöñ gölme bohonñanğö jangöñi Efronöñ Hit könagesö yeñğö jeñine jüiga mötkeri, mianğö urumohot ahök. Jangöñi silwö kötni 400 mi kölköl-öröro ambazipnöñ nalö mianğoreñ bohonñanğö dopñi jiget ahöyöhi, mianğö dop moneñ mi kewöta wanjiyök.

¹⁷ Mewö wanjiiga Efrongöreñ gölme köröñi Mamre kösutñe Makpela mianğoreñ ahöyöhi, banjet mianğoreñ kinöhi aka ip pakpak gölme mianğö jabö uruñe kingeri, mianğö keuñi teköyök. ¹⁸ Keuñi teköiga Abrahamğö buñaya ahök. Hit könagesö pakpak taonñinanğö kiripo nanğunje kaba sombemnöñ tokogeri, yeñön töwanñi mi eketka buñanñi ahök.

¹⁹ Mianğö andöñe Abrahamnöñ anömñi Saragö qamötñi mi Keinan gölmegö banjetñe esim löm kölöc. Banjet mi Mamre qetñi alanñi Hebron mianğö kösutñe gölme köröñi qetñi Makpela mianğoreñ ahöza.

²⁰ Mewö asuhuiga gölme köröñi aka banjet mianğoreñ kinjawi, mi Hit könagesö yeñön Abrahamğö buñaya qem wanjigetka qaksiriniñ ahök. Mewö.

¹ Abrahamnōj azi namņi ahiga Anutunōj yuai pakpak aka meyōhi, mianğoreņ i kōtuetkōm waņgii mala korōk. ² Mewō ahiga nalō kunōj miriņangō welenqeçe jembonņi bohonņi, miriņi uruņe ōrōyuai ahōm waņgyōhi, mianğō galōmņi yaņğōra keu kewō jiyōk, “Gi mōnō keugi jim kōhōimangōra bōrōgi nōņgō tambuni bapņe alman. ³ Mewō ala Kembu, Suep aka gōlme mietkō Anutuniraņgō qetņe jōjōpaņ keu kewō jiman: Nōņōn Keinan kōnagesō yeņgō sutņine ki maljalmō, gōjōn mōnō nahōnaņgō anōmņi mi yeņgō nen bōratņina kun kude memba waņgiman. ⁴ Mewō qahōpmō, gi mōnō nane kantrinōj anda tinitosolomurupni yeņğoreņōk nahōni Aisakō anōmņa waņgita kaman.”

⁵ Mewō jiiga welenqeçe jembonōj kewō qesim waņgyōk: “Anda jibiga ambi mianğōn nōmbuk gōlme kianğoreņ kamamgō tōkōma ewō, nōņōn mōnō denōwō akņam? Nahōņgi waņgita kantri kanōjaņgoreņ kunbuk lilingōba anbit me qahō?”

⁶ Mewō qesim waņgiiga Abrahamnōj kewō meleņņōk: “Qahōpmahōp! Gi nōņgō nahōni waņgita mianğoreņ kunbuk kude anmahot. ⁷ Suepkō Kembunji Anutunōj ni iwinangō miri aka ahياهو kantrineyōk keu kewō jii mōtpiga jōjōpaņ keunōj jōhōba noaņgiri kayal: ‘Nōņōn gōlme ki mōnō gōhō gwōlōnarōkurupki yeņgō buņaya qem eņjimam.’ Mianğōra yaņğōn mōnō Suep garatanj melaiiga mutuk aniga gōjōn ōlōp nahōnaņgō anōmņi mi mianğoreņōk waņgita kaman. ⁸ Anda jinōņga ambi mianğōn gōbuk kamamgō tōkōma ewō, jōjōpaņ keugi kianğōn mōnō qahō toroqeba jōhōm gihima. Nōņgō nahōni mi mōnō qahō kōtōkņi waņgita mianğoreņ lilingōba anmahot.”

⁹ Mewō jiiga welenqeçe jembonņan keu mi jim jōhōm waņgiba jōjōpaņ keunōj jim kōhōimangōra bōrōņi ketaņamņi Abrahamgō tambunji bapņe alōk.

¹⁰ Mewō jim kōhōiba kindā ketaņamjaņgoreņ kamel 10 aka yaņğō kōweņeyōk yuai akōdamunņinambuk kōnaņi kōnaņi mohotņe meyōk. Mi memba mosōta Not Mesopotemia (Aram Naharaim) * kantrinōj anda Nahornōj taon malōhaņgoreņ aņgorōk. ¹¹ Aņgota taon yaigeņņe o lōmņi kinōhaņgō kōsutņe kamelurupņi al eņgiiga siminņini mōsōkōba geba luhut meget. Wehōn jeņi gemamgō aiga taongō ambini yeņğōn o ubingō o lōmņe kaka nalōņini mi ahōk. ¹² Mianğoreņ kindā kewō kōulukōyōk: “O Kembu, ketaņamņi Abrahamgō Anutunji, gi mōnō merak tōhōtmōriam niņgiba ketaņamņi Abrahamgōra keu jim jōhōnōņi, mianğō ōlņi asuhuma. ¹³ Mōtmōj, ni o lōm kōsutņe kianğoreņ kinbiga taongō ambi seramurupņini yeņğōn o ubingō kame.

¹⁴ Kagetka kewō asuhumapkōra kōulukōzal: Nōņōn ambi seram kungōra kewō jimam: ‘Gi ōlōp kōuraņengi mōņgoninōņga (mondokōnōņga) o nem-bilenak.’ Mewō jibiga yaņğōn kewō meleņda jima: ‘Ōlōp nenōņga kamelurupki mewōyōk o gumohom eņjimam.’ Mewō jimawi, ambi seram ia gōjōn welenqeçe azigi Aisakō buņaya qeņōņi, yaņğōn mōnō mia akņa. Mewō asuhuiga gōjōn ketaņamjaņgōra keu jim jōhōnōņi, mianğōn ōlņambuk akza, mewō mōtmam.”

¹⁵ Kōuluk mi qahō kōulukōm tekōiga mianğoreņōk ambi kun qetņi Rebeka yaņğōn kōuraņen qambōņe aņguba mianğoreņ kanğorōk. Yaņğōn Abrahamgō munņi Nahor aka anōmņi Milka, yetkō nahōņņiri qetņi Betuel yaņğō bōratņa ahōk. ¹⁶ Ambi mianğō kaisoņgolomņi mi eksihimņambuk kōtōkņi aiga ambi

* **24:10:** Aram qet mi nalō kewōņe Siria qerakze. Naharaim o tōwatņi yahōt (Yufreitis aka Taigris) mietkō sutņire.

seram jömukni azinöy qahö memenja malök. Yanön eta o lömnöy geba o uba korök. ¹⁷ Koriga miangöreñök welenqege jembonöy ösumñan yangö kösutje anda kewö jiyök: “Gi ölop köurañengeyök o kun niñginönga nembilenjak.”

¹⁸ Mewö jiiga kewö melejnök: “O kembuni, ölop neman. “Mewö jiba ösumok köurañenji böröñan memba eta mongoñgoiiga (mondoköiga) o neyök. ¹⁹ Mi neiga kewö jiyök: “Nöñon kamelurupki yengöra mewöyök o uba engibi memba anda bikjini enguiga mosötme.” ²⁰ Mewö jiba ösumok köurañenji mokoi o körek joutnöy geiga kunbuk diñdingöba o lömnöy o umamgöra geba kamelurupni pakpak yengöra o dopñine uyök. ²¹ Mewö ahiga welenqege jembonöy göröñ kinda i törörök eka kewö möta mötmöriyök: “Ölña, Kembunöy köna köröpni ki kayalanjö möriamni mi mönö kewö kondori asuhuza me denewö?”

²² Mewö mötmöriba kiniga kamel yeñon o nem tekögetka welenqege jembonöy pinjim (möpöñ) goulnöy memeni kun lömbötñi 5 gram mi memba ambi seramgö söñgöronje ala böröñenjen goulnöy memeni yahöt lömbötñiri 110 gram mi böröñe mei öngöyök. ²³ Mei öngöiga kewö qesim wañgiyök: “Gi dagö böratña? Iwigahö miri uruñe neñon sunjem ahöbinakö tiñi kun ahöza me qahö, mi ölop jinöy mötpilenjak.”

²⁴ Mewö qesim wangiiga kewö melen yeñon wañgiyök: “Ni Betuelgö böratña. Abu asani qetñiri Milka aka Nahor.” ²⁵ Mewö jiba toroqeba kewö jiyök: “Nengöreñ luplup aip aka kamel yengö gwözözak nenenji mi gwötupuk ahöza aka sunjem gaun ahömegö tiñi mi mewöyök ölop kinja.”

²⁶ Mewö jiiga welenqege jembonöy gölmenöy geba bamgöba Kembugö waikni memba möpöseiyök. ²⁷ Möpöseiba kewö jiyök: “O Anutu, ketañamni Abrahamgö Kembuni, nöñon gi möpöseim gihizal. Göñon ketañamnanjöra kalem möriamgö keugi jim jöhönöñi, mi törörök wuatangönönga qahö sörauyök. Miangö dop Kemu göñon noañgitnönga köna köröpni ki kaba mala ketañamnanjö tinitosolomurupni yengö mire kangotzal.”

²⁸ Mewö asuhuiga ambi seramnöy ösumñan kinjingöba anda miangö kösohotni mi namñangö saiwaurupni miriñe malgeri, yengöra jiiga mötket. ²⁹ Rebekagö nenñi qetñi Laban malök. Yanön mi möta Abrahamgö welenqege jembonni ekñamgöra ösumñan yaigep o lömñe kinjingöba anök. ³⁰ Nenñangö böröñe goul böröñenjen aka söñgöronje goul pinjim tari ehiga nenñi Rebekanöy welenqege jembonöy keu jiiga möröhi, miangö kösohotni jii möta yangöreñ anök. Anda o lömñe angota azi mi ehiga miangöreñ kamelurupni yengö qöhöröñine kinök. ³¹ Kiniga kewö jiyök: “Kembunöy kötuetsköm gihii maljani, gi mönö kanönga mirinöy anbit. Yaigep kiangöreñ kude kinman. Nöñon nanñini ahömeangö miriñi aka kamelurupki yengö dumñini tok möwölöhözal.”

³² Mewö jiiga welenqege jembonöy mire kaiga kamel qakñine sukinap taröhi, mi Labanöy musula mei eri jiiga kamel yengöra luplup aip aka gwözözak nene memba kaba engiget. Welenqege jembon aka yangö aziurupñan könañini sangoñmeangö onji mi tok mohotje uba kaba engiget.

³³ Miangö andöñe nene welenqege jembongö wösöñe kölgetmö, yanön kewö jiyök: “Mutuk keu memba kazali, mi jibi mötketkun mönö nene ki nemam. “Mewö jiiga Labanöy kewö jiyök: “Mi ölop jinöy mötpin.”

³⁴ Mewö jiiga kewö jiyök: “Nöñon Abrahamgö welenqege asia akzal. ³⁵ Kembunöy ketañamni önöñi qahö kötuetsköm wangiiga azi öngöñgöñi sukina-puk aka malja. Kembunöy lama aka bulmakau, silwö aka goul, welenqege

azi aka ambi aka kamel, donki mi gwötpuk wanğiiga malja. ³⁶ Ketañamnanğö anömñi Sara yañon ambi namñi kötökñi aka nalö mianğoreñ ketañamnanğöra nahönñi kun meyök. Iwiñan sukinapñi pakpak mi nahönñangöra buña qem wanği malja.

³⁷ “Ketañamnan nöhön jöjöpaj keu kewö jimamğö jim kutum niñgiyök: ‘Nöhön Keinan yengö gölmenöh ki maljalmö, göñon mönöh nahönangö anömñi mi Keinan yengö nen bōratñina kun kude mēmba wanğiman. ³⁸ Mewö qahöpmö, gi mönöh iwinangö mire nani tinitosolomurupni yengöreñ anda nahönangö anömñi mi mianğoreñök wanğita kaman.’

³⁹ “Mewö jiiga ketañamni mi kewö qesim wanğial, ‘Nöhön anda jibiga ambi mianğon nōmbuk qahö kama ewö, nöhön mönöh denöwö akñam?’ ⁴⁰ Mewö qesim wanğibiga kewö melenök: ‘Nöhön Kembangö jeñe anda kaba aka mēmba malali, yañon mönöh Suep garatanj melaiiga göbuk aniga kōna anmani, mianğon töhötmōriamñambuk akñja. Mewö nani iwinangö mire anda tinitosolomurupni yengöreñök nahönangö anömñi mi mēmba kaman. ⁴¹ Nöhögö tinitosolomurupni yengöreñ anda jöjöpaj keu nöhögöra jinöhñi, mianğon mönöh mianğö andöhñe qahö toroqeba jöhöm gihima. Ambi kun qahö gihime ewö, göñon töndup jöjöpaj keu mianğö kōsōnöhök lolohoman.’

⁴² “Mewö jiiga merak o lömñe kanğota kinda kewö köuluközal: ‘O Anutu, ketañamni Abrahamğö Kembuñi, ni kōna köröpñi kazali, mi mönöh jitsihitkahö dop mötnöhga töhötmōriamñambuk akñja. ⁴³ Eknöh, nöhön o löm kianğö kōsutñe kinjal. Kewö kinbiga ambi seram kunñan o umamğö kaiga nöhön yañgöra kewö jimam: “Gi ölop köurañengeyök o moröhñi kun niñginöhga nembilenjak?”

⁴⁴ Mewö jibiga yañon kewö melenđa jima: “Ölop nenöhga kamelurupki yengö o mewöñanök uba enğimam. “Mewö melenđa jima ewö, nöhön mianğöra kewö mötmam: Kembu göñon i ketañamnanğö nahönñangö anömñja akñapköra möwölöhözan.’ ⁴⁵ Uruneyök köuluk mi qahö köuluköm teköbiga mianğoreñök Rebeka yañon köurañen qamböhñe añguba mianğoreñ kanğotza. Kanğota o lömñe geba o uiga nöhön yañgöra kewö jizal: ‘Ölop o kun niñginöhga nembilenjak.’

⁴⁶ “Mewö jibiga yañon zilar köurañenñi qamböhñeyök mei eriga kewö jiza: ‘Ölop nenöhga kamelurupki yengö o mewöñanök enğibiga neme.’ Mewö jii nembiga kamelurupni mi mewöyök o gumohom enğiza. ⁴⁷ Gumohom enğiiga kewö qesim wanğizal, ‘Gi dagö bōratña?’ Qesim wanğibiga kewö melenja: ‘Ni Betuelğö bōratña. Abu asani qetñiri Milka aka Nahor.’ Mewö melenñiga nöhön pinjim söñgöröhñe möndöba bōröhñenñi bōröhñe mēmbi öñgöza. ⁴⁸ Nalö mianğoreñök gölmenöh geba bangöba Kembangö waikñi mēmba möpöseizal. Anutu ketañamni Abrahamğö Kembuñan mönöh kōna diñdini noañgiri ketañamnanğö munñangö mire kaba isini nahönñangö anömñja akñapköra mi-wikñizal. Mianğöra Kembu möpöseim wanğizal.

⁴⁹ “Mewö kaba ki kinjal. Mianğöra inñi ketañamni ek soriba sepkitip akzeangö keuñi pōndañ wuatangöba ak kömum wanğize ewö, mi mönöh kon-đela jigetka mötmam. Mewö qahö akñe ewö, keu mi tok jigetka mötmam. Mi möta kungen elenđa anmamğö mötmōrimam.”

⁵⁰ Mewö jim teköiga Laban aka Betuel yetkōn kewö melenđa jiyohot, “Keu ki Kembangöreñök kaza. Mianğöra netkōn keu mewö me mewö jibirangö dop qahö. ⁵¹ Mötnöh, Rebekanöh ki kinja. Kembunöh jimqindiñ akzawangö dop ölop i wanğita anda ketañamnahö nahönñi wanğinöhga anömñi akñja.”

⁵² Mewö jiyohotka keunjiri möta Abrahamgö welenqege jembonnan eta Kembangö jeñe gölmenöñ geba bamgöyök. ⁵³ Bamgöm teköiga wahöta gösöñeyök goul aka silwö aködamunñi eksihimñinambuk aka opo maluku kulemñinambuk ujeta Rebeka wañgiyök. Mewöñanök kalem yuai tosatñi söngöröñini ketanji mi nam nennji etkiyök.

⁵⁴ Etkiba i aka aziurupñi yambuk kageri, yeñön nene kuluj nempa tata mala sungem aiga ahöget. Ahöba söñan wahötketka kewö jiyök: “Ölöp melaim ningigetka ketanjamnanğörej anmam.”

⁵⁵ Mewö jiyökmö, nam nennji yetkön kewö melenñohot, “Ölöp nenböratniri mosötnöñga toroqebe nalö tosatñi silim ten mewö nembuk malma. Mianğö andöñe ölöp i wañgita anme.”

⁵⁶ Mewö melenñohotmö, welenqege jembonöñ kewö melenđa jii mötket, “Welen könani kazali, mi Kembunöñ kötuatköiga töhötmörriamñambuk akka. Mianğöra nalöni mönö kude qekörime. Mönö melaim ningigetka ölöp könani lilingöba anda ketanjamnanğörej angotmam.”

⁵⁷ Mewö jii möta kewö jiyohot, “Ölöp ambi seram mi qetzi kaiga nanñanğöra qesim wañgibin.” ⁵⁸ Mewö jiba Rebeka qerohot kaiga kewö qesim wañgiyohot, “Gi azi kiambuk anmamgö mötzan me qahö?” Qesim wañgiyohotka “Ölöp anmam,” jiyök.

⁵⁹ Mewö jiiga kinda nenböratñiri mi welen ambinambuk melaim etkigetka Abrahamgö welenqege jembon aka yangö aziurupñi yeñön i etkuangita anbingö aket. ⁶⁰ Anbingö aketka mianğörej iwinam nenmunurupñan Rebeka kötuatköm wañgiba kewö jiget, “O nen böratnini, Kembunöñ ölöp ahumsehip gihiiga göñön gwölönarökurupki milyönñi milyönñi yeñgö bömön jalöñjina akñan.

Yeñön mönö köhöiba kerökurupñini enguba luhut ala siti gölmenjini enguangita anğön köla malme.”

⁶¹ Mewö jiget teköiga Rebekanöñ welenqegeambiurupñi yembuk wahöta kamel qakñine öngöba tata welenqege jembonñi wuatangöba anget. Jembon yanñon Rebeka wañgiriga mosöta kóna lilingöba anget. ⁶² Anda kaba mala mala Keinan gölmenöñ kanğotket. Aisaknöñ gölme mianğö Saut likepñe distrik qetñi Negew mianğörej mala nalö mianğörenök o löm qetñi Ber Lahai Roi † mi mosöta gölme qararanğölkölñe kaba malök. ⁶³ Kaba mala miri söñaumamgö aiga mianğörej kounñi mosöta gölme köröñi ketanji mianğörej anda liliköba keu mötmöröba uba wahöta ehiga tosatñan kamel qakñine tata yangö kösutñe kabingö kaget.

⁶⁴ Mewö kagetka Rebekanöñ uba wahöta Aisak eka kamel qakñe taröhi, mianğörenök ösumok luhuba gölmenöñ erök. ⁶⁵ Eta welenqege jembongöra qesiba kewö jiyök, “Azi gölme köröñe endu kinda mesohol köl nenñgiba kazawi, mi danñon?” Mewö jiiga kewö melenñök, “Yanñon mönö ketanjamnanğö nahönñi akka. “Mewö melenñiga möta nööröp kawöseñi (kawasen) öroba jemesoholñi esuhuyök.

⁶⁶ Esuhuiğa aitonğögetka welenqege jembonöñ yuai pakpak aka memba malöhi, mianğö kösohotñi mi Aisaköra jii mörök. ⁶⁷ Möri teköiga Aisaknöñ Rebeka wañgiriga namñi Saragö opo seri kounñe öngöba maliga kónanğep mei anömñi aiga uruñan jöpaköm wañgiba malök. Aisakö namñan kömuğa wösöbirik uruñe malöhanğöra aka urukölalepñi mewö miwikñaiyök. Mewö.

† 24:62: Malmalñambuk mala nehakzawangö o lömñi

25

*Abrahamgö isiamböurup tosatnji**1 Hist 1.32-33*

¹ Aisaknöh ambi meiga iwinji Abrahamnöh anömni kun qetnji Ketura meyök. ² Meiga Keturanöh Abrahamgö moröurupnji kewö enggömeyök: Zimran, Joksan, Medan, Midian, Isbak aka Sua. ³ Joksanöh nahönyahötñi qetnjiri Seba aka Dedan yetkö iwinjira ahök. Dedan yanön Asur könagesö, Letus könagesö aka Leum könagesö yengö bömönjni ahök. ⁴ Midiangö nahönurupnji mi Efa, Efer, Hanok, Abida aka Elda. Mi pakpak Keturagö isiurupnji aka malget. Mewö.

⁵ Abrahamnöh sukinapnji pakpak mi nahönñi Aisak buña qem wanjiyök. ⁶ Mi wanjiyökmö, anömurupnji bohönñini qahö memenji yengö nahönurupñini yengöra kalem yuai toto qeba mendenä engiyök. Menden engiba jebuk mala melaim engiiga datñini Aisak mosöta gölme wehön kotkotnje göröken miangören anget. Mewö.

Abrahamnöh kömuiga löm kölget.

⁷ Abrahamnöh mala koriga yambuñi mindiriba 175 aiga kömuyök. ⁸ Malmal yambuñangö qötöñan öngöñgöñi aka dop köliga öliba azi namñi aka söñgöörö ösum kondikñi öröba nöñ qeba kömuiga Anutunöh wanjiri tinitosolomurupñan kömugeri, yengören anda toroqeyök. ⁹ Kömuiga nahönyahötñi Aisak aka Ismael yetkö iwinjirangö qamötñi memba anda Makpela bañetnöh löm kölohot. Bañet mi Hit azi Efron Zohargö nahönñi yangö gölme köröñe Mamre miri gölmenöhök wehön kotkotnje göröken ahöza. ¹⁰ *Abrahamnöh gölme köröñi mi Hit könagesö yengörenök bohönñi meyöhi, miangören i aka anömni Sara mi löm köl etkiget. ¹¹ Abrahamnöh kömuiga Anutunöh nahönñi Aisak kötuetköm wanjiba malök. Yanön Negew gölmenöh o löm qetnji Ber Lahai Roi (Malmalñambuk mala nehakzawangö o lömñi) miangö kösutnje tata malök. Mewö.

*Ismaelgö könagesöurupnji**1 Hist 1.28-31*

¹² Ijpt ambi Hagar yanön Saragö welen ambia maliga Abrahamnöh meiga gölöm ala nahönñi Ismael meyök. Ismaelgö nahönurupnji yengö qet arenjini kewö: ¹³ Ismaelgö nahönurupnji yengö qetñini aka asuhugerangö arenjini mi kewö: Nahönñi mutukñi qetnji Nebaiot. Yangö könaje Kedar, Adbel, Mibsam, ¹⁴ toroqeba Misma, Duma aka Masa, ¹⁵ Hadad, Tema, Jetur, Nafis aka Kedema. ¹⁶ Ismaelgö nahönurupñan metwö asuhuba kambuñinangö dop pomñini 12 aka mala kotket. Pomñini qetkeri, miangö dop opo koum tamböñini aka jike miriñini mewöyök qeta memba mala kotket.

¹⁷ Ismaelnöh mala koriga yambuñi mindiriba 137 aiga kömuyök. Mewö azi namñi aka söñgöörö ösum kondikñi öröba nöñ qeba kömuiga Anutunöh wanjiri tinitosolomurupñan kömugeri, yengören anda toroqeyök. ¹⁸ Ismaelgö gwölönarökurupnji yenön köröpken köröpken denä anda mala gölme qetñiri Hawila aka Sur metkö sutñire gölme memba malget. Gölmeyini mi Ijpt kantrigö jaböneyök könahiba wehön kotkotnje Asiria göröken angeri, köna miangö kösutnje miangören ahöza. Ismaelgö gwölönarökurupnji yenön Abrahamgö gwölönarökurupnji tosatnji pakpak mi kerök-kerök ak engiba malget. Mewö.

* 25:10: Jen 23.3-16

Iso aka Jeikob yetkön asuhuyohot.

¹⁹ Abrahamgö nahönji Aisak yangö gwölönarökurupji yengö qet arenjini mi kewö: Abrahamgö nahönji Aisak. ²⁰ Aisaknöñ yambuñi 40 aiga Mesopotemia (Padan Aram) kantrigö Aram azi qetñi Betuel yangö bóratiñi Rebeke anómña meyök. Rebekagö nenni mi Aram azi qetñi Laban. ²¹ Aisaknöñ anómñan köpin maliga yangöra aka Kembu köuluköm wangiyök. Köuluköm wangyiiga köulukñi möriga Rebekanöñ gölöm alök. ²² Gölöm aliga moröyahöt yetkön namñirangö körö uruñe utal anguyohot. Mi möta kewö jiyök: “Yuai kewöñi mi mönö wuanöñgöra asuhum niñgiza?” Mewö jiba anda miangöra Kembugö qesim wangiyök.

²³ *Qesim wangyiiga kewö jii mörök:

“Göhö körö uruge kambu yahöt mietkö bömöññiri ahözahot.

Yetköreñök köñagesö yahöt asuhuba denña malme.

Ambazip kambu kunöñ kambu alanji engoñgita ösum köhöiktñi akñe.

Datñan munñi welen qem wanggiba malma.”

²⁴ Morö meme nalöñan kam kuñguiga köröñi uruñe morö nahön siwisiwi yahöt ahöyohot. ²⁵ Mutuk köröñeyök asuhuyöhi, yangö silenjan pisikpisik aiga sile jupñan silenji körek dop köla ahöyök. Miangöra qetñi Iso (jupñambuk) qetket. ²⁶ Miangö köñaje munñan Isogö köna gwakötñe böröñan memba asuhuyök. Miangöra yangö qetñi Jeikob qetket. (Jeikob keu miangö köñaji yahöt: gwaköt aka tilipköza.) Aisaknöñ yambuñi 60 aiga nalö miangöreñ Rebekanöñ moröyahötñi yahöt mi etkömeyök. Mewö.

Isonöñ börösamot memapkö qet keuñi mi qeapköyök.

²⁷ Morö nahön yahöt mietköñ asuhuba qariba ketani ahotka Isonöñ böröñan nupkö köñaji törörök möt yaköba pöñdan jölömnöñ malmamgö mörökmö, munñan azi böñjöñi aka kapan köla mire malök. ²⁸ Aisaknöñ arökñangö sömbupñi nemamgö möta malök. Miangöra uruñan Iso gwötpuk jöpaköm wanggiba malökmö, Rebekanöñ urukönömñan Jeikob gwötpuk jöpaköm wanggiba malök.

²⁹ Nalö kunöñ Jeikobnöñ kozin memba nanñangöra nene kulun ohoi tariga datñan jölömnöhök kaba silenji lömböröi wösöñi gwötpuk alök. ³⁰ Mewö aiga Jeikobköra kewö jii mörök: “Sileni lömböröi wösöñi gwötpuk aljawanğöra mönö zilan kozin kulunji pisikpisik mi niñginöñga nemi. “Miangöra qetñi Edom (pisikpisik) qetket.

³¹ Mewö jii möta Jeikobnöñ jiyök: “Datni, gi mutuk asuhunöñga miangö qetbuñaji mi mönö mutuk tököm niñginöñga nene kulun mi ölöp gihibi neman.”*

³² Mewö jiiga keu kewö melej wangiyök: “Muni mötnöñ, ni mönö kömumamgö akzal. Miangöra mutuk asuhuyalanğö qetbuñanan mönö denöwö bauköm niñgibawak?”

³³ *Mewö melej wangyiiga kewö jiyök: “Miangö keuñi mi mönö mutuk jöjöpan keunöñ jim köhöinöñga mötpi. “Mewö jiiga mi jöjöpan keunöñ jim köhöim wanggiba mutuk asuhuyöhanğö qetbuñaji mi Jeikob tököm wangyiiga nenenöñ bohonñi meyök. ³⁴ Bohonñi memba bered aka kozin kulunji Iso

* **25:23:** Rom 9.12 * **25:31:** Mutuk asuhuyöhi, yanön munurupñi yengö sutñine bohonñini aiga göda qeba qetbuñan wanggiba kalemñi kalemñi wanggiba malget. Iwinamñinan kömuyohotka buñanñiri mendenğeri, nalö miangöreñ mutuk asuhuyöhanğö börösamotñi mi sömñaji yahöt toroqeba wangiget.

* **25:33:** Hib 12.16

wanġiiga nembra wahöta kinda mosöta anök. Isonöŋ mutuk asuhuyöhanġo qetbuŋaŋi mi mianġo dop möriġa eretŋi ahök. Mewö.

26

Aisaknöŋ Gerar taonöŋ malök.

¹ Mutuk Abrahamġo nalöŋe bödi asuhuyök. Mewöyök Aisakö nalöŋe mi kunbuk asuhuba gölme dop köla ahöyök. Mi asuhuiga Aisaknöŋ mosöta Filistin yenġo kin kembu qetŋi Abimelek yangö mirinġi qetŋi Gerar mianġoreŋ anök. ² Anda maliga Kembunöŋ asuhum wanġiba kewö jiyök: “Gi Ijpt gölmenöŋ kude anman. Gölme ki buŋagi akŋapkö jim kutuyali, mönö kianġoreŋ tata malman.

³ Nöŋön iwigi Abrahamġora jöhöjöhö keu wanġiba mi jöjöpaŋ keunöŋ jim köhöiyali, mi mönö galöm kölbiga ölnambuk akŋa. Nöŋön gölme pakpak ki mi gi aka göhö gwölönarökurupki yenġo buŋaya qem enġimam. Mianġora ölöŋ gölme kianġoreŋ tata kian malnöŋga nöŋön göbuk mala kötuetköm gihibiga malmam.* ⁴ Nöŋön gwölönarökurupki ahumsehip enġibiga qötöŋinan suepnöŋ könakembagö senġelau tat anjei, mönö mienġo dop akŋa. Mewö aketka gölme pakpak ki mi yenġo buŋaya qem enġimam. Göhö gwölönarökurupki yenġoreŋök kungöra aka nöŋgö kötumötuetnan mönö gölmegö könagesö kambuŋi pakpak yenġo qakŋine öŋgöiga oyaenġkoyaenġ akŋe. ⁵ Nöŋön kewögöra mewö akŋam: Abrahamnöŋ nöŋgö keuni tem köla malök. Jöjöpaŋ keuni, jimkutukutu keuni aka köna keuni wanġiali, yaŋön mi pakpak wuatangöba malök.”

⁶ Anutunöŋ mewö jiiga Aisaknöŋ toroqeba Gerar taonöŋ tata malök. ⁷ Maliga gölme mianġo aziŋi yeŋön anöŋmjanġo qesim wanġigetka kewö jiyök, “I mi nena. “Mewö jiba uruŋan kewö mötmöriyök: “Rebekagö kaisoŋgolomŋan eksihimŋambuk akzawanġöra azi mienöŋ mönö yangöra aka ni nuŋguet kömumbilenbuk. “Mewö mötmöriba “I anöŋma,” mewö jimangö kenġöŋi möta malök.* ⁸ Aisaknöŋ mianġoreŋ nalö köröŋŋi mala kota nalö kunöŋ anöŋmambuk susuhuba anġum anġuyohotka Filistin yenġo kinjini Abimelek yaŋön jeŋgenanöhök yaigep ui geiga i etkehök. ⁹ Etkeka Aisak oholi kaiga kewö jii mörök: “Mötnöŋ, yaŋön mönö göhö anöŋgi akza. Mönö wuanöŋgöra ‘I mi nena,’ jinöŋ?” Mewö möta kewö melen wanġiyök: “Ni yanġöra aka nuŋguet kömumbilenbuköra mötmöriba mewö jial.”

¹⁰ Melen wanġiiga kin Abimeleknöŋ kewö jiyök: “Göŋön mönö wani kimbria ak neŋginöŋe? Nöŋgö aziurupni yenġoreŋök kunŋan mönö amqeba göhö anöŋgabuk ahöbawak. Mewö asuhuiga göŋön kondotnöŋga sinġisöndokö keu lömbötŋan mönö neŋgö qaknine öŋgöbawak.” ¹¹ Mewö jiba könagesö kambuŋi pakpak yanġöra jimkutukutu kewö al enġiyök: “Kunŋan kun azi ki me yanġo anöŋŋi mem bölim etkimawi, i mönö kömupkö buŋaya jim teköŋga kömuma. “Mewö.

¹² Aisaknöŋ gölme mianġoreŋ nene nup köl kömöriġa Kembunöŋ kötuetköm wanġiiga yambu mianġoreŋ köŋŋi kömöri, mi 100:kö dop sehiba asuhuyök. ¹³ Mewö asuhuiga töhötmöriam ketanġi ketanġi miwikŋaiba maliga sukinapŋan toroqeba qariba öŋgöiga kindinbirik azi qetbuŋanambuk ahök. ¹⁴ Yanġoreŋ lama, meme (nonin) aka bulmakau kambuŋi kambuŋi mi asuhuba sehiget. Mewöŋanök welenġeŋeurupŋi gwötpuk enġömeiga malġet. Mianġora Filistin yeŋön mi eka könahiba körögisigisi aka andöŋeŋe keu jiget. ¹⁵ Andöŋeŋe keu

* 26:3: Jen 22.16-18 * 26:7: Jen 12.13; 20.2

jiba iwiŋi Abrahamgö welenqeŋeuruŋan o löm yaŋgö nalöŋe esigeri, mi pakpak gölmenöŋ qem turum teköget.

16 Mewö asuhuiga kiŋ Abimeleknöŋ Aisaköra kewö jiyök: “Gi kukösungabuk aka gwötpuk neŋgoŋzananögöra mönö kölolohoba neŋgömosöta kungen anman.” 17 Mewö jii möta gölme mi mosöta Gerar örueŋöŋ (ruerueŋöŋ) anda geba opo seri koumŋi möröreŋgöba kuŋguba miangöreŋ tata malget. 18 Tata mala o löm iwiŋi Abrahamgö nalöŋe esigetmö, Abraham kömuiga Filistin yeŋön qem turugeri, mi Aisaknöŋ jiiga kunbuk esim luluŋda möhamgöget. Möhamgögetka iwiŋan o löm qetŋini qeröhi, Aisaknöŋ mi mewö kunbuk qerök.

19 Mewö qeriga welenqeŋeuruŋan örueŋöŋ o löm esiba mala o löm kun onŋ sarakŋi soksököyöhi, mi miwikŋaiget. 20 Mi miwikŋaigetmö, Gerar yeŋgö lama bulmakau galömŋinan Aisakö lama bulmakau galömurupŋi yembuk könahiba aŋgururuk aka keu kewö jiget, “O mi neŋgöreŋal!” Nanŋambuk aŋgururuk keu mewö jigeranögöra aka Aisaknöŋ o löm miangö qetŋi Esek (Aŋgururuk) qerök. 21 Miangö andöŋe o löm kun kunbuk esigetka miangöra mewöyök aŋgururuk aket. Mewö akeranögöra aka o löm miangö qetŋi Sitna (Kerök-kerök) qerök.

22 Mewö qeta gölme mi mosöta anda o löm kun kunbuk jii esiget. O löm miangöra aŋgururuk keu qahö asuhuiga miangöra qetŋi Rehobot (Tiŋi ölöŋŋi) qeta keu kewö jiyök: “Merak Kembunöŋ tiŋi ölöŋŋi neŋgiiga ölöŋ gölme kiaŋgöreŋ mala ahumsehip akin.”

23 Mewö jiba miangöreŋ mala mosöta Berseba mire anök. 24 Berseba aniga suŋgem miangöreŋ Kembunöŋ asuhum waŋgiba kewö jiyök: “Nöŋön iwiŋi Abrahamgö Anutuŋi akzal. Nöŋön göbuk mala kötuetsköm gihiba malmam. Miangöra keŋgötki kude mötman. Nöŋön nup azini Abrahamgöra aka göhö gwölönarökurupki ahumsehip eŋgibiga qötöŋinan öŋgöŋgöŋi akŋa.”

25 Mewö jiiga Aisaknöŋ jöwöwöl alta kun miangöreŋ memba Kembugö qetŋi qeta köuluköyök. Köuluköba opo koumŋi möröreŋgöba kuŋguba tata malget. Mala jiiga welen aziurupŋan o löm kun miangöreŋ esiget. Mewö.

Aisak aka Abimelek yetköŋ sutŋire jöhöjöhö ahot.

26 *Aisaknöŋ Berseba maliga nalö kunöŋ kiŋ Abimelek yaŋön Gerar taon mosöta yaŋgöreŋ kayök. Gorojiŋi alaŋi Ahuzat aka yarö kambuŋaŋgö suahö galömŋi Fikol yetköŋ yambuk mohotŋe kaget. 27 Kagetka Aisaknöŋ kewö qesim eŋgiyök: “Iŋini kerök möt niŋgiba gölmeŋineyök közöl niŋgigetka töndup mönö wuanöŋgöra nöŋgöreŋ ki kaze?”

28 Qesim eŋgiiga kewö melenget: “Kembunöŋ göbuk kinjawi, nini mi aukŋe ek kutuba mötzin. Miangöra kewö mötmörizin: ‘Neŋön göbuk jöhöjöhö akingö sihimmnini mötzin. Ölöŋ gi aka neŋgö sutŋine jöhöjöhö aka mi jöjöpaŋ keunöŋ jim köhöninga kewö ahöma: 29 Nini kahasililiŋ kun qahö ak gihiinmö, nalö dop ölöŋŋi ak gihiba gömosöriŋa luainöŋ mirigi mosöta anda kaba malnöŋ. Miangö dop göŋön mewöŋanök nini yuai bölöŋi kun kude ak neŋgiba malman.’ Nalö kewöŋe Kembunöŋ kötuetsköm gihiiga maljan.” 30 Mewö jigetka Aisaknöŋ közölömbuaŋ mözözömgöba ohoba aliga nene kulur nempa tatket. 31 Tata ahöba söŋan ömandiŋe wahöta jöhöjöhöŋini jöhöm aŋguba mi jöjöpaŋ keunöŋ jim köhöiget. Jim köhöigetka Aisaknöŋ i melaim eŋgiiga luai qakŋe mosöta anget.

* 26:26: Jen 21.22

³² Angetka wehön mianğöreñök Aisakö welen azi yeñön kaba o löm kun esigeri, mianğö kösohotñi i jigetka kewö mörök: ³³ “Nini o miwikñajzin. “Mewö jigetka möta o löm mianğö qetñi Siba qerök. * Mianğöra taon mianğö qetñi mi nalö kewöñe mewöyök toroqeba Berseba qerakzin. Mewö.

Isonöñ kian ambi yahöt etkömeyök.

³⁴ Isonöñ yambunñi 40 aiga Hit ambi yahöt anömyahötña etkömeyök. Qetñiri Judit, iwiñi qetñi Beri aka Basemat, iwiñi qetñi Elon. ³⁵ Ambi mietkön Aisak aka Rebeka urukömbuk aka wösöbirik keta bölökñi miwikñajim etkiba malohot. Mewö.

27

Aisaknöñ Jeikob kötuëköm wañgiyök.

¹ Aisaknöñ mala kota azi namñi aiga jeñi ömun köliga yuai kunbuk ek kutumamğö osiyök. Mewö osiba nahönñi mutukñi Iso köl öröm wañgi kaiga kewö jii mörök: “Nahöni mötnöñ. “Mi möta kewö melen wañgiyök: “Iwini, ni ki kinjal.”

² Melen wañgiiga kewö jii mörök: “Mötnöñ, ni azi namñi aka wani nalönöñ kömumami, mi qahö mötzal. ³ Mianğöra göñön ölop timbi liñgipki aka kesarek gösögi memba jölömnöñ anda sömbupkö böröjañ memba qeba nöñğöreñ kaman. ⁴ Kaba nene nahömñambuk sihimnağö dop ohoba mözözömgöba memba kaba niñginöñga nemam. Mi memba kinda kötumötuet gihimam. Mi mutuk gihibi teköiga nöñön mianğö andöñe ölop kömumam.”

⁵ Aisaknöñ nahönñi Isogöra keuñi mewö jiiga Rebekanöñ mi kezap ala mörök. Möriğa Isonöñ mosöta sömbup böröjañ memba qeba iwiñi wañgimamğöra jölömnöñ anök. ⁶ Aniga Rebekanöñ nahönñi Jeikobköra keu kewö jii mörök: “Nahöni mötnöñ, Iwigan datki Isogöra keu kewö jiga mötzal: ⁷ ‘Gi mönö sömbup memba kaba niñgiba nene nahömñambuk ohoba mözözömgöba niñginöñga nemam. Nembagun Kembugö jemesoholñe kötumötuet gihimam. Mi mutuk gihibi teköiga mianğö andöñe ölop kömumam.’ ⁸ Mianğöra nahöni, kezap ölopñanök ala mötnöñ. Keu döлки jim kutum gihimami, gi mönö mianğö dop akñan. ⁹ Mönö meme kambunöñ anda mianğöreñök meme (noniñ) döññi kelökñambuk yahöt memba kaba niñginöñga nöñön mianğön iwigahö sihimnağö dop numbu nene nahömñambuk ohoba mözözömgömam. ¹⁰ Ohoba mözözömgöbiga memba anda iwiği wañginöñga memba kötumötuet ghibawak. Mianğö andöñe ölop kömuma.”

¹¹ Mewö jii möta namñi Rebekagöra kewö jiyök: “Namni mötnöñ, datni Isonöñ sile jupñambuk akzapmö, nöñğö silenana solanñi akza. ¹² Iwinan ni nömisiriba mötpawak ewö, ni yağö jemesoholñe tilipqilip azi tandök asuhubiga möt niñgibapuk. Mewö möt niñgiiga kötumötuet qahöpmö, jimquesuak öröbi nani qakne öñğöbapuk.”

¹³ Mewö jiiga namñan kewö jii mörök: “Nahöni, jimquesuak ghibawahi, mianğön mönö ölop nöñğö qakne öñğöma. Göñön mönö tondup keu jizali, mi möt tem köla anda yuai mi memba kanöñ.”

¹⁴ Mewö jiiga anda meme (noniñ) yahöt memba kaba namñi wañgiyök. Wañgiiga nene nahömñambuk iwiñan sihimñi möröhi, mianğö dop ohoba mözözömgöyök. ¹⁵ Ohoba nahönñi mutukñi Isogö opo malukunñi ölop kötökñi

* 26:33: Siba keu mianğö könanñi yahöt: jöjopañ keu aka sewen. Jen 21:31

opo köweje galöm kölöhi, mi memba nahönji könangepni Jeikob waŋgiiga löngörök. ¹⁶ Löngöriga meme (noni) silenji mi memba böröni köpeiba jölñi solanji esuhuyök. ¹⁷ Esuba nene nahömñambuk aka bered ohoyöhi, mi memba Jeikobkö böröje alök.

¹⁸ Aliga memba iwiñangörej anda “Iwini!” jiyök. Jiiga kewö meleşnök: “O nahöni, gi danñon?”

¹⁹ Mewö meleşniga iwiñangöra kewö jii mörök: “Ni nahöngi mutukni Iso. Jim kutum niñginöñi, ni mönö mianjö dop ak teközal. Ölop wahöta tata sömbupni memba kazali, mi memba kötuatköm niñgiman.”

²⁰ Mewö jii möta nahönji kewö qesim wañgiyök: “Nahöni, mi mönö denöwö könöpuk miwikñaizal?” Qesim wañgiiga kewö meleşnök: “Anutu, göhö Kembagan mönö bauköm niñgiiga mi zilañ miwikñaizal.”

²¹ Mewö meleşniga Jeikobköra kewö jiyök: “Nahöni, gi ölna nahöni Iso akzan me qahö, mi mötmangöra mönö ölop kösutne ki kanönga gömisirimam.”

²² Mewö jiiga iwiñi Aisakö kösütne aniga misirim möta kewö jiyök: “Imbi jölgañ Jeikobkö imbia akzapmö, börögan Isogö böröñi ewö.” ²³ Böröñi jupñambuk datñi Isogö börö tandök ewö ahöhangöra Aisaknöñi i qahö möt kutum wañgiba kötuatköm wañgimangöra ahök. ²⁴ Töndup kunbuk kewö qesim wañgiyök: “Gi ölna nahöni Isoya me qahö?” Qesim wañgiiga kewö meleşnök: “Ni mönö Isoya.”

²⁵ Mewö meleşniga kewö jiyök: “Nahöni, ölop sömbupki tosatñi niñginöñga memba kötumötuetni gihimam. “Mewö jiiga mi wañgii neyök. Neiga wain o tosatñi mohotñe mokoba wañgii neyök. ²⁶ Memba kinda nahönñangöra kewö jii mörök: “Gi ölop kösutne kaba numbuni yöhötim neman.”

²⁷ Mewö jii möta kösütne anda numbuni yöhötim neyök. Neiga opo malukunjangö wörönñi möta kötuatköm wañgiba kewö jiyök: “Aha nahöni, Kembunöñ urukisigö jölöññi kötuatköi ahözawi, nöngö nahönangö sile qösösökñi ölopñan mönö mi ewö aiga mötzal.” ²⁸ Anutunöñ mönö suepkö umjijilñi aka gölmegö töhötmöriamñi tököm gihiiga yaka yöhagi, sehoñ padigi aka wain o yuaigi mi önöñi qahö asuhum sehime. ²⁹ Kantriñi kantriñi yeñön mönö welen qem gihiba malme. Könagesö kambuñi kambuñi yeñön mönö simin köi gihiba malme. Göñön mönö nani nahönurupni mi kembu ak engiba malman. Namgahö nahönurupñan mönö simin köi gihiba malme. Kunñan qesuahöm gihimawi, qesuaknöñ mönö yangö qakñe öngöma. Kunñan kötuatköm gihimawi, kötumötuetnöñ mönö yangö qakñe öngöma. “Mewö.”

Isonöñ iwiñan kötuatköm wañgimapköra ulerök.

³⁰ Aisaknöñ Jeikob kötuatköm wañgim teköiga iwiñangö miri uruñi mosöta yaigep aniga wölañ mianjörejök datñi Isonöñ böröñan mali teköiga mire kayök. ³¹ Kaba yanñon mewöyök nene nahömñambuk ohoba mözözömgöba memba kaba iwiñi wañgiba kewö jiyök: “Iwini, ölop wahöta tata sömbupni tosatñi memba kötumötuetki niñgiman.”

³² Mewö jiiga iwiñi Aisaknöñ kewö qesim wañgiyök: “Gi danñon?” Qesim wañgiiga kewö meleşniga jiyök: “Ni nahöngi mutukni Iso.” ³³ Mewö jiyöhangöra Aisaknöñ töwöratiba sile jönömñi gwötpuk unduiga kewö jiyök: “Gi qahö kanönga mianjörej böröñan azi kunöñ sömbup memba kaba niñgiyöhi, mi mönö danñon? Yanñon mi niñgiiga memba kötumötuetni lök wañgim teközal. Mi wañgim teközalangöra mianñon mönö ölna yangö qakñe ahöm öngöma.”

* 27:27: Hib 11.20 * 27:29: Jen 12.3

³⁴ Isonõj iwiñangõ keu jitñj mi möta urukömbuk aka amburereñ memba silata sahõta iwiñangõra kewõ ulerök: “Iwini, nia mönõ mewöyök kötuetkõm niñginõj.”

³⁵ Mewõ ulerökmõ, iwiñan melenða jiyök: “Mungan mönõ tilipqilip qakñe kaba göhö kötümõtuetki takõba memba anja.”

³⁶ Mewõ jiiga Isonõj kewõ jiyök: “Munan mönõ indimñj yahõt tilipkõm niñgiiga maljal: Yañõn mutuk asuhuyalangõ qetbuñañj mi mutuk noañgit teköyök aka merak nõngõ kötümõtuetni mi mewöyök takõba noañgita meza. Miangõra qetñj Jeikob (tilipqilip azi) qerakzini, mi mönõ dopñe akza. Kötümõtuet kun mönõ nõngõra ahõm gihiza me qahõ?”*

³⁷ Mewõ jiiga iwiñan Isogõra kewõ melenñök: “Mõtnõj, nõjõn mungi göhö azi kembugi malmapkõra kungum wañgizal. Tinitosolomurupñj pakpak yeñõn i welen qem wangiba malmegõra jim kutum engizal. Yaka yöha, sehoñ padi aka wain o yuai mi lõk jim tekõzalawa Anutunõj mi wañgiba malma. O nahõni, wanat kötümõtuetna kun toroqeba ahõm niñgizawa mia gihibileñjak? Mi mönõ osizal.”

³⁸ Mewõ melenñiga iwiñangõra kewõ jiyök: “O iwini, kötümõtuet mohok-kun miyök mönõ ahõm gihiza me denõwõ? O iwini, mönõ nia kun kötuetkõm niñginõj. “Mewõ jiba kõnahiba silata sahörök.”*

³⁹ Sahõriga iwiñan kewõ melenða jiyök: “Mõtnõj, göjõn mönõ gölme tõhötmõriamñambuk mosõta kõrõwen anda malman.

Miangõreñ suepkõ umjijilñj mi kõnakembayök qahõ erakñe.

⁴⁰ Gi bingõ sou ketañj miñõn ambazip lañ enguba malmalgi angõn kõla mungahõ welenqeqeñj eretñj aka malman.

Mewõ malmanmõ, kekelolo aka qetal wañgiba nalõ miangõreñ karim aka yañgõ galõm kõlkõlñj qekõba yakõriba nangi kinkin malman.”**

⁴¹ Iwiñan Jeikob kötümõtuetñj wañgiyõhi, Isonõj miangõra aka kõnahiba munñj uruõnõn möt wañgiba malõk. Nannñj uruñan mewõ möta alañj kungõra kewõ jiyök: “Iwinirangõ kõmupñangõ nalõn tõriza. Yañõn kõmuiga sahõt jingey nalõne miangõreñ õlõp muni Jeikob qebi kõmuma.”

⁴² Isogõ mötmõtñe mewõ ahuiga kunõj miangõ buzupñj möta Rebekagõreñ anda jii möta nahõnñj kõnañgepñj Jeikobkõra keu ali anda wañgita kaiga kewõ jiyök: “Mõtnõj, datki Isonõj mönõ likepñj melenñi qake õngõiga guhui kõmumangõ mötmõriza. ⁴³ Mewõgõra nahõni, nõjõn keu jimami, mi mönõ tem kõlman. Mönõ dõlki wahõta õlõj kõla Haran mire neni Labangõreñ anman. ⁴⁴ Anda yambuk nalõ tosatñj toroqeba malnõnga datkahõ urupikñan amõrima. ⁴⁵ Uruõnõnñj amõriba eriga yuai ak wañginõj, mi õlum qei-gun nõjõn miangõ andõje göhõra keu albi kaiga goañgita kame. Yañõn guhui kõmunõnga kunñan i qei kõmumbapuk. Mönõ wanigõra nalõ mohok miangõreñõk õrõrõj qahõwahotka etkõmosõtpileñbuk. “Mewõ.

Aisaknõj Jeikob melaiiga Labangõreñ anõk.

⁴⁶ Rebekanõj apñj Aisakõreñ anda kewõ jiyök: “Nõjõn iranyahõtni Hit ambi yetkõra aka toroqeba malmamgõ õlan nõhöi sihimbõlõ mörakzal. Jeikobnõj mewöyök Hit yeñgõ bõraturupñjini yeñgõreñõk kun iranyahõtniri ewõ anõmña membapuk. Gõlme kiangõreñ asuhugeri, yeñgõ silikñjanan mönõ

* 27:36: Jen 25.29-34 * 27:38: Hib 12.17 * 27:40: Hib 11.20 * 27:40: Jen 36.8; 2 Kij 8.20

mewöyök ahöza. Mewöji kun memba kabapuk ewö, nöjñn mönö malmalni wuanöngöra toroqeba malbilenak? Sihimbölonan mönö toroqeba önöji qahö akapuk. “Rebekanöj mewö jiyök.

28

¹ Mewö jiiga Aisaknöj Jeikob köl öroi kaiga kötuatköba kewö jim kutum wanjiyök: “Nahöni, gi Keinan yenjö nenböratnjini yenjörenök kun anömgi kude meman. ² Mewö qahöpmö, mönö wahöta Mesopotemia (Padan Aram) gölmenöj anda namgahö iwinji Betuel yanjö mire angota ehongi Labangö börtaturupji yenjörenök kun anömga meman. ³ Anömgi menöjga Anutu, kukösüm pakpakö Tonjan mönö gi kötuatköba ahum sehup gihiiga gwölönarökurupki yenjö qötöjñnan sehiiga könagesö kambu gwötpuk mienjö iwi bömönjina akñan. ⁴ *Anutunöj mönö gi aka gwölönarökurupki injini Abrahamgö kötümütuatnji mi toroqeba engima. Mewöyök gölme asagi Abraham wanjiiga göjñn miangörej kian aka maljani, mi buja qem angume.”

⁵ Mewö jiba Jeikob melaiiga mosöta Mesopotemia (Padan Aram) gölmenöj Labangörej anmamgöra anök. Laban mi Aram azi Betuelgö nahönja aka Jeikob aka Iso yetkö namñiri Rebeka yanjö nennja malök. Mewö.

Isonöj kakasun ambi kun meyök.

⁶ Aisaknöj Jeikob kötuatköba anömji memamgöra Mesopotemia gölmenöj melaiyöhi, mi Isonöj mörök. Kötuatköm wanjiiba kewö jim kutum wanjiyök: “Gi Keinan yenjö nenböratnjini yenjörenök kun anömgi kude meman.”

⁷ Mewö jim kutuiga iwinamñi yetkö keu jit tem köla mosöta Mesopotemia (Padan Aram) gölmenöj anöhi, Isonöj mi mewöyök mörök. ⁸ Mi möta iwinji Aisaknöj Keinan ambi tököba möt bölim anguba malöhi, Isonöj mi eka möt kutuyök. ⁹ Mi möt kutuba iwinangö jeje dop kölmapköra asañi Abrahamgö nahönji Ismaelnöj kömuiga yanjö mire anda börtatnji Malahat, Nebaiotkö nennji mi meiga anömurupji karöbut aket. Mewö.

Jeikobnöj Suepkö döjñi gaunöj ehök.

¹⁰ Jeikobnöj mewö Berseba miri mosöta Haran mire anmamgö anök. ¹¹ Anda mala gölme kunöj angota wehön jeni geyöhangöra aka miangörej köt tatkeri, miengörenök kun memba nöörp qömböjñi qeba sunjem gaun ahöyök. ¹² Gaun ahöba miangörej imut kun kewö ehök: Döp kungö kitipñi gölmenöj algetka qak kitipñi mi Suepnöj öngöba kunguba kiniga Anutugö garataurupñi yenjö miangörej tiba öngöm et aket.*

¹³ Mewö aketka Kembunöj yanjö kösutñe kinda keu kewö jii mörök: “Nöjñn Kambu, asagi Abrahamgö Anutuñi aka iwigi Aisakö Anutuñi akzal. Gölme ki ahözani, nöjñn mi gi aka göhö gwölönarökurupki engö bujaya qem engimam.* ¹⁴ Göhö gwölönarökurupki yenjö ahumsehup aketka janjöñinan gölmegegö sömsöm ewö akña. Mewö aiga jula denja gölme wehön kotkotñe aka gegene, Saut likep aka Not likep, eu aka emu miangörej göröken dop köla anda malmale. Göhöra aka göhö gwölönarökurupki yenjörenök kungöra aka nöjgö kötümütuatñan mönö gölmegegö kambunji pakpak yanjö qakñine öngöiga oayenköyaen akña.* ¹⁵ Mötnöj, nöjñn göbuk mala denike denike anda kaba malmani, miangö dop mönö sel jöhöm gihiba mal öngöba goanjitpiga

* 28:4: Jen 17.4-8 * 28:12: Jon 1.51 * 28:13: Jen 13.14-15 * 28:14: Jen 12.3; 22.18

gölme kianğoreñ kunbuk lilingöba kaman. Nöñön gi qahö gömosöta keu jim jöhöm gihiali, mianğo dop akiga ölnji asuhum teköma.”

¹⁶ Mewö jiiga Jeikobnön gaun uruneyök imbiñi möta wahöta kewö jiyök: “Kembunön mönö ölnja gölme kianğoreñ maljapmö, nöñön mi mutuk qahö mötzal.” ¹⁷ Mewö jiiga jöñömñi unduiga keu kewö jiyök: “Gölme ki mönö kömbukñi aka kenğötmötmötñambuk akza. Kianñon mönö ölnja Anutugöreñ tatat dundumñi aka Suepkö nanğunji akza.”

¹⁸ Mewö jiba miri gianjiiga söñanök wahöta köt qömböñi qeba ahöyöhi, mi memba wahöta jabö mötök ewö kunguba qakñe kelök o mokoba miriyök.

¹⁹ Miriba gölme mianğo qetñi Betel (Anutugö miriñi) qerök. Mutuk taon mianğo qetñi mi Luz qeta malget. ²⁰ Jeikobnön gölme mianğo qetñi dölökñi Betel qeta keu kewö jim jöhöba jöjopañ keunön jim köhöiyök: “O Anutu, göñön nömbuk mala köna ki anda malmami, mianğoreñ nek galöm ak niñgiba numbu nenenjamni aka silenangö esunji miwikñaim niñginönga ²¹ ölop luai qakñe iwinangö mire kunbuk lilingöba kamam ewö, nöñön mönö göhö jitsihitki tem köla malbiga göñön nöngö Kembu Anutuni aka malman.

²² Köt ki memba wahöta jabö ewö mötök kuñguzali, mianñon mönö göhö tatat dundungi ahöiga yuai pakpak tököm niñgiba malmani, nöñön mi ölnja mendenbiga kambu 10 aketka miengöreñök mohok mohok memba kalema gihiba malmam. “Mewö.

29

Jeikobnön Labangö mire anğorök.

¹ Jeikobnön mewö jiba mosöta könañi toroqeba anda wehön kotkotñangö könagesö yengö gölmenön anğorök. ² Mianğoreñ anğota gölme köröñe o löm kun ehök. Miri tonji yeñön lama kambunji enğuangita mianğoreñ o engiba malget. Nalö mianğoreñ o löm mianğö kösutñe lama kambu karöbut ahögetka o löm numbuñangö kötni ketanji mi qahö metalget. ³ Lama galöm yeñön mutuk lama kambunji pakpak mianğoreñ tokom engiba köt mi o löm numbuñeyök gwililöngöba lamaaurupñini o enğiget negetka köt mi kunbuk dundumñe köla malget.

⁴ Jeikobnön lama galöm mi kewö qesim enğiyök: “Azi alaurupni, inñini denikegöra?” Qesim enğiiga “Nini Harangöra,” mewö melen wañgiget.

⁵ Melen wañgigetka kewö qesim enğiyök: “Inñini Nahorgö isiñi Laban möt wañgize me qahö?” Qesim enğiiga “Ölop möt wañgizin,” jiget.

⁶ Jigetka kewö qesim engiba jiyök: “I ölop malja me qahö?” Mewö jiiga kewö jiget: “I ölop malja. Eknön, yangö böratñi Reizölnön mönö endu lama enğuangita kaza.”

⁷ Mewö jigetka Jeikobnön jiyök: “Eket, wehön ketanji ahöiga lama mi sunğemgöra tokom enğibingö nalöñan qahö töriza. Mianğöra ölop lamarñini o enğiget negetka kunbuk enğuangita malmalñine anda al enğigetka nenenjamñini neme.”

⁸ Mewö jiiga kewö melenget: “Mewö ölop qahö akin. Mutuk lama kambu pakpak tokom engiba köt mi o löm numbuñeyök gwililöngöbagun mönö lamaaurupñini o enğiinga neme.”

⁹ Jeikobnön yembuk keu mewö eraum-möta kingetka mianğoreñök Reizölnön iwinangöreñ lama kambunji enğuangita kayök. Reizöl yanñon lama galöm nup memba malök. ¹⁰ Kaiga Jeikobnön ehonñangö böratñi Reizöl aka ehonñangö lama kambunji enğeka o löm numbuñe anda köt mi metala

ehonji Labangö lamaurupni o enjgiyök. ¹¹ Enjim teköba Reizöl numbu yöhötüm nempa könahiba köhöikni qeta sahörök.

¹² Sahöta Reizölgöra jiyök: “Ni göhö iwighahö tinitosolomni akzal. Ni Rebekagö nahönja. “Mewö jiiga Reizölnöj möta ösumñan kinjingöba iwiñangörej anda buzup mi jii mörök. ¹³ Labanöj nennangö nahönji Jeikobkö buzupni möta i ösumok miwikñajaimangöra anök. Anda miwikñaiba eka angöm wangiba numbuñi yöhötüm nempa wangita miriñe öngyohot. Öngöba yuai pakpak asuhuyöhi, Jeikobnöj miangö kösohotni jii mörök. ¹⁴ Mi möta kewö jiyök: “Ölöp, göñön nani sepkitipni akzan. “Mewö jiiga köin mohotkö dop yambuk tata malök. Mewö.

Jeikobnöj Lea aka Reizöl anömyahötña etkömeyök.

¹⁵ Mewö maliga Labanöj Jeikob kewö jii mörök: “Gi tinitosolomni maljanangöra töwagi qahö öne welen qem niñgibanbuk. Mi qahö dop kölma. Mianğöra töwagi dawik memangö mötzani, mi ölöp jinönga mötman.”

¹⁶ Labangö böratyahötñi yahöt malohot. Ketañangö qetñi Lea. Munñangö qetñi Reizöl. ¹⁷ Leagö jeñan eksihimñambuk ahökmö, Reizölgö silenangö kaisoñolomni aka jemesoholñi mi körek eksihimñambuk kötkñi ahök.

¹⁸ Jeikobkö urusihimni mi Reizölgöreñ ahöyöhanğöra aka keu kewö jiyök: “Nöñön böratki könañepni Reizöl memamğöra ölöp yambu 7 welen qem gihiba malmam.”

¹⁹ Mewö jiiga kewö jiyök: “I azi murutñi kun wañgibiga qahö dop kölbapukmö, gi gihibiga dop kölma. Mianğöra ölöp nömbuk ki malman.”

²⁰ Mewö jiiga Reizöl memamğöra yambu 7 welen qem wangiba malök. Urusihimñan Reizölgöra ahöhanğöra aka yambu miengö möriga wehön awamni tandök ahök. Mewö.

²¹ Yambu 7 teköiga Jeikobnöj ehonji Laban kewö jii mörök: “Nöngö nup meme nalönan lök teközawañğöra ölöp anömni Reizöl niñginönga yambuk ahöba malmam.” ²² Labanöj keu mi möta miri toni pakpak öröm tokom enjiba lömbuañ aliga nem söñgaip aket. ²³ Mi aket teköiga miri söñgaiga Labanöj böratñi Lea wangita anda Jeikob wañgiiga miri uruñe öngöba mohotñe ahöyohot. ²⁴ Labanöj welen ambiñi qetñi Zilpa mi böratñi Leagö welenqeqeña malmapköra wañgiyök. ²⁵ Mohotñe ahöyohotka miri gianjiiga Jeikobnöj anömni eka möri Reizöl qahöpmö, i Lea aiga yöwöhanğöreñ anda kewö jim wañgiyök: “Gi mönö wani kimbia ak niñgizane? Ni Reizöl memamğöra welen qem gihiba malalmö, gi mönö wuanöngöra tilipköm niñgizan?”

²⁶ Mi möta melenja kewö jiyök: “Gölme kianğöreñ datñi öne maliga munñan azi memapkö ahakmemeñi mi nengöreñ qahö ahöza. ²⁷ Mianğöra ölöp maren sösoñgai mi Leabuk sonda mohotkö dop mal söngainöj teköiga munñi mewöyök gihimam. I memangöra mönö mewöyök yambu 7 toroqeba welen qem niñgiba malman.”

²⁸ Mewö jiiga urumohot aka Leabuk maren sösoñgai nalö mi sonda mohotkö dop mali teköiga Labanöj böratñi Reizöl mewöyök anömni akñapköra wañgiyök. ²⁹ Labanöj welen ambiñi qetñi Bilha mi böratñi Reizölgö welenqeqeña malmapköra wañgiyök. ³⁰ Jeikobnöj Reizöl i mewöyök anömña meyök. Urusihimñan Reizölgöra ahöyöhanğöra aka Reizöl mi Lea oñgita jöpaköm wangiba malök. Mianğöra yambu 7 toroqeba Laban welenñi qem wangiba malök. Mewö.

Jeikobkö moröurupni asuhuget.

³¹ Jeikobkö uruñan Leagö gwötpuk qahö ahöiga boromdökni tököiga Kembunöñ ehi qahö dop köliga Lea gölöm almapköra bauköm wañgiyökmö, munñi Reizölnöñ köpinña malök. ³² Leanöñ köröbuk aka mala morö azia memba keu kewö jiyök, “Kembunöñ tapötkokorokni ehiga apnan ölop könahiba jöpaköm niñgiba malma. “Mewö jiba qetñi miangö dop Ruben qerök. (Ruben Tapötkokorokni ehök.) ³³ Könañgep kunbuk körö ala morö azi kun memba keu kewö jiyök: “Apnan boromdökni jöpaköm niñgiiga Kembunöñ mi möta morö ki mewöyök niñgiza. “Mewö jiba qetñi miangö dop Simeon qerök. (Simeon Kezapñan mörök.)

³⁴ Miangö andöñe kunbuk körö ala morö azi kun memba keu kewö jiyök: “Ni nahönurupñi karöbut apnañgöra mealañgöra yañön mönö könahiba uruñi nömbuk jöhöma. “Mewö jiba qetñi miangö dop Liwai qerök. (Liwai Uruñi jöhöma.) ³⁵ Miangö andöñe dumñe kunbuk körö ala morö azi kun memba keu kewö jiyök: “Nöñön nalö kewöñe Kembu möpöseizal. “Miañgöra qetñi miangö dop Juda (möpöseip) qerök. Miangö andöñe morö kunbuk qahö meyök. Mewö.

30

¹ Reizölnöñ köpinñi mala Jeikobköra nahönbörat kun qahö memba nanñi könañi mewö eka datñi Lea andö qeba uruñan mututqutut möta Jeikobköra keu kewö jiyök: “Gi mönö morö qiwikñainöñ. Mi qahö qiwikñainöñga nöñön mönö malmangö osiba kömumam.”

² Mewö jiiga Jeikobnöñ irimñi seholiiga uruönön möt wañgiba kewö jiyök: “Ni mönö morö denöwö qiwikñabileñak? Anutunöñ gi morö memangö jöhöm gihiba malökmö, nöñön Anutuya qahö.”

³ Mewö jiiga Reizölnöñ kewö jiyök: “Nöñgö welen ambini Bilha mi ki. Ölop yambuk ahönöñga nöñgöra morö mema. Yañön nam köliga nöñön mewöyök yañgörenök nahönbörat miwikñaim enñgiba namñini aka malmam.” ⁴ Mewö jiba welen ambini Bilha wañgiiga anömña memba yambuk ahöyök. ⁵ Ahöiga Bilhanöñ gölöm ala Jeikobkö nahönñi meyök. ⁶ Nahönñi meiga Reizölnöñ kewö jiyök: “Anutunöñ kewöt niñgii dop kölbiga köuluk keuni möta morö azia niñgiza. “Miañgöra qetñi Dan qerök. (Dan Kewöt niñgii dop köljäl.) ⁷ Reizölgö welen ambini Bilha yañön kunbuk gölöm ala Jeikobkö nahönñi kun meiga yahöt ahök.

⁸ Mewö meiga Reizölnöñ kewö jiyök: “Datnambuk gwötpuk aum-möriba luhut aljal. “Mewö jiba miangö dop morö qetñi Naftali (Aum-mörial) qerök. ⁹ Leanöñ kunbuk gölöm qahö ala mi eka miangöra nanñi welen ambini qetñi Zilpa memba Jeikob wañgii anömña ahök. ¹⁰ Anömña aka Jeikobkö morö azia meyök. ¹¹ Meiga Leanöñ “Simbawon!” jiba qetñi Gad (simbawon) qerök. ¹² Zilpa, Leagö welen ambini miangön Jeikobkö nahönñi kun kunbuk meiga yahöt ahök.

¹³ Mewö aiga Leanöñ keu kewö jiyök: “Nöñön uruölöwak ketanñi mötzal. Ambi yeñön mönö nöñgöra oyaenñkoyaen qeta malme. “Mewö jiba miangö dop morö qetñi Aser qerök. (Aser Oyaenñkoyaen qetme.) ¹⁴ Witnöñ öliiga yandiyandi nalöñe sömañi kunöñ Rubenöñ yaigep anda gölme köröñe asagwalim amöt * miwikñaiyök. Amöt mi miwikñaiiba memba kaba namñi Lea

* 30:14: Ambi yeñön asagwalim amöt nembra amqeba gölöm albingö akeri, mewö möt nariget.

wanḡiyök. Wanḡiiga Reizölnöḡ datḡanḡöra kewö jiyök: “Göhö nahöngan amöt memba kazawi, miangö tosatḡi mönö niḡinöḡga nembí.”

¹⁵ Mewö jiiga Leanöḡ kewö jiyök: “Göhön apni noanḡitnöḡga dop kölmapakö mötmörialmö, ḡi mönö nahönanḡöreḡ asagwalim amöt ki mewöḡanök noanḡitmamḡö mötzan. Mi qahö dop kölja. “Mewö jiiga Reizölnöḡ kewö jiyök: “Ölö! Nahöngahöreḡ amöt mi niḡiman ewö, mönö ölop Jeikobpuk sunḡem ki ahömahot.”

¹⁶ Mewö jiiga Jeikobnöḡ mare miangöreḡ nup mosöta kaiga Leanöḡ anda miwikḡaim wanḡiba kewö jiyök: “Nöhön nahönanḡöreḡ asagwalim amöt mianḡön lök göhö söḡḡöröḡi mezal. Mianḡöra mönö nömbuk ahöbit. “Mewö jiiga Jeikobnöḡ sunḡemḡi miangöreḡ yambuk ahöyohot.

¹⁷ Yambuk ahöyohotka Anutunöḡ Leagöreḡ keu köulukḡi möriḡa gölöm ala Jeikobkö nahönḡi 5:ḡi meyök. ¹⁸ Mi memba keu kewö jiyök: “Nöhön welen ambini mi apni wanḡialanḡöra Anutunöḡ miangö töwanḡi ki niḡiza. “Mewö jiba miangö dop qetḡi Isakar (töwa) qerök. ¹⁹ Mianḡö andöḡe Leanöḡ kunbuk gölöm ala Jeikobkö nahönḡi 6:ḡi meyök. ²⁰ Mi memba keu kewö jiyök: “Anutunöḡ kalem qetḡuk niḡiza. Apni Jeikobkö nahönurupḡi 6 mealanḡöra yanḡön mönö pöndaḡ nömbuk mala qetḡuḡa niḡiba malma. “Mewö jiba miangö dop morö qetḡi Zebulun qerök. (Zebulun qetḡuḡa) ²¹ Nalö tosatḡi teköḡa Leanöḡ morö börat memba qetḡi Daina qerök.

²² Anutunöḡ dumḡe Reizöl mewöyök mötmörim wanḡiba keu köulukḡi möta gölöm almamḡö bauköm wanḡiyök. ²³ Bauköm wanḡiiga gölöm ala morö nahön kun memba keu kewö jiyök: “Anutunöḡ gamuni meköza.”

²⁴ Mewö jiba toroqeba kewö jiyök: “Kembunöḡ mönö nahöni kun toroqeba niḡima. “Mewö jiba miangö dop morö qetḡi Josef (Toroqeba niḡima.) qerök. Mewö.

Jeikobkö lama kambuḡan sehiyök.

²⁵ Reizölnöḡ nahönḡi Josef meiga miangö andöḡe Jeikobnöḡ Labanḡöra kewö jiyök: “Ni nani miri gölmene anmamḡö mötzal. Mianḡöra ölop melaim niḡinöḡga liliḡöba anmam. ²⁶ Anöm moröurupni kiengöra aka göhö welengi qeba malali, mönö i niḡinöḡga möhotḡe köna anbin. Nöhön nup ḡwötḡuk ketanḡi memba malali, mi nangak ölop mötzan.”

²⁷ Mewö jiiga Labanöḡ kewö jiyök: “ḡi möt ölöwak niḡizan ewö, mönö ölop ki malman. Kembunöḡ göhöra aka ni kötuatköm niḡiba malöhi, nöḡön unḡu qebiga keu mewö asuhui mötzal.”

²⁸ Mewö jiba toroqeba kewö jiyök: “Möno nupkahö töwanḡanḡö janḡöḡi jinöḡga söḡöröḡi mi ölop gihimam.” ²⁹ Mewö jiiga Jeikobnöḡ kewö jiyök: “Nöhön göhö welengi denöwö qeba mala göhö miriḡö sömbup kambuḡi kambuḡi ḡalöm köl enḡibiga qarigeri, mi nangak ölop mötzan. ³⁰ Mutuk ni ki qahö kabiga miangöreḡ sömbup yuaigi ḡwötḡuk qahö ahöm gihiyökmö, mianḡön mönö ni kabiga nalö miangöreḡ sehiba jesöḡö akze. Ni denike denike anda kayali, miangöreḡ Kembunöḡ kötuatköm gihiiga malnöḡ. Mewö malnöḡmö, ni mönö wani nalönöḡ ölop nani könagesöurupni nanḡöm enḡimamḡöra aka nup yuai könahiba membilenak?”

³¹ Mewö jiiga Labanöḡ kewö qesiyök: “Ni mönö wania gihibilenak?” Mewö qesiiga Jeikobnöḡ melenḡa kewö jiyök: “Yuai kun kude niḡimanmö, yuai möhot ki nöḡöra akḡan ewö, ni ölop toroqeba göhöreḡ lama kambuḡi kambuḡi mi köyan köla jegalöm ak enḡiba malmam. ³² Ni ölop göhöreḡ lama aka meme

kambugi pakpak mi merak engek kewötmmam. Mi kewöta lama moröñji baröm pakpak aka meme (noniñ) dömjñi tiktokñinambuk aka kulemjñini diriweñ, soño me korombonñi mi pakpak mendenja nanñini tokom enñiman. Mienñon ölop nup memba malalanjö töwani akñe. ³³ Könanñep nupnanñö töwani, lama aka meme mi engek kewötmmangöra kabanak, nalö miangörej uruni diñdiñanjö könanñi mi amqeba kewö miwikñaiman: Meme (noniñ) tiktokñini qahö aka diriweñ, soño me korombonñi qahö mi pakpak aka lama baröm qahö pakpak nöñgö kambunöñ kinmei, mi nöñon yonñorö meal, mewö möt kutuman.”

³⁴ Mewö jiiga Labanöñ kewö melenñök: “Ni ölop urumohot akzal. Keu jizan ewö köna mi ahöma.” ³⁵ Mewö melenja silim miangörejök Labanöñ meme (noniñ) aziñi kulemjñini jinjalalan aka diriweñ soño me korombonñi aka meme ambiñi pakpak kulemjñini tiktokñinambuk aka diriweñ soño me korombonñi me sile jupñine yuai tuatñi taröhi, mi pakpak aka lama moröñji baröm pakpak mi kewöta meköm enñiba nanñi nahönurupñi yenñgö böröñine al enñiyök. ³⁶ Labanöñ mi al enñiba yembuk Jeikobkörej lama aka meme kambu mi enñuanñita silim karöbut anangö dop anda miangörej malget. Körowen mewö malgetka Jeikobnöñ toroqeba Labangörej lama aka meme kambunñi kambunñi mi galöm köl enñiba malök.

³⁷ Mewö mala sau, kömin aka kuñgam ip miengö böröñini gwölögwölö kutuba memba silenñini jölanjölän (jöranjörän) köndölatiiga sutñe sutñe tuariiga jinjalalan ahök. †

³⁸ Mewö aiga ip böröñini köndököndölatiñi mi memba sömbup yenñgö o joutñini pakpak miangörej aliga o nembangöra kagetka wösöñineyök ahöyök. Mewö ahöiga lama aka meme kambu yenñon aziñan enñualöñmegö sihim könöññi möta o nembangöra kaba miwikñaiaba eket. ³⁹ Mewö eka meme aziñi yenñon ip böröñi miengö kösutñine ambiñi enñualöñget. Mewö enñualöñgetka gölöm ala malgeranjöra moröurupñini jinjalalan, tiktokñinambuk aka diriweñ, soño me korombonñi mi enñömemba malget.

⁴⁰ Mewö malgetka Jeikobnöñ lama aka meme (noniñ) moröñji mewöñji mi kewöta menden enñiba nanñök nanñök kambu köl enñiyökmö, sömbup ketanñi mi areñgöm enñiiga jenñini Labangörej sömbup baröm aka kimbiñini tiktokñinambuk yenñgörej göröken uba kinget. Mewö aka nanñanjöra lama aka meme (noniñ) kambunñi kambunñi meköba miwikñaim enñiyök. Mi miwikñaiaba jöhöm enñiiga Labangö lama kambunöñ qahö anda toroqem enñiget.

⁴¹ Sömbup ambiñi köhöikñi yenñon aziñan enñualöñmegö sihim könöññi mötketka Jeikobnöñ nalö dop miangörej ip böröñi mi o joutnöñ alök. Miangöra sömbup aziñi yenñon kaba mi wösöñine miwikñaiaba eka kösutñe miangörej ambiñi mi enñualöñda malget.

⁴² Mewö malgetmö, sömbup ambiñan ösumñini eretñi aket ewö, yanñon ip böröñi mi yenñgö wösöñine qahö ala malök. Mewö aka maliga sömbup ösumñini eretñi mienñon Labangörej kambunöñ toroqetka ösumñini köhöikñi yenñon Jeikobkö kambunöñ anda toroqet. ⁴³ Jeikobnöñ mewö aka kindiñbirik azi qetbunñambuk aka töhötmöriam miwikñaiyök. Lama aka meme kambu gwötpuk bunja qem anñguba welenqeqe ambazip enñuanñiriga kamel aka donñki kambunñi kambunñi asuhum sehigetka tonñini ahök. Mewö.

† **30:37:** Ip böröñi mi selgöra qahö alök. Mewöyök tiripqözölqözöl me jinan akñangöra qahö. Anutunöñ yauenñi aka suñja jinan akingöra qahö jiyökmö. Jeikobkö urunan diñjiiga tem köla malöhangöra töhötmöriamgö könanñi mewö kusum wanñiyök.

31

Jeikobnōj Laban mosōta ölöj köla anök.

¹ Labangö nahönurupñan keu kewö jigetka Jeikobkö kezapñe geiga mörök: “Iwininan yuai buña qeba malöhi, Jeikobnōj mi pakpak kalöpköba könjörata anğön kölök. Iwininangö sukinapñi galöm köla miangörenök inapñi pakpak mi nanñangöra miwikñai ba kindiñbirik akza.” ² Keu mi mörök aka yöwōñangö jemesoholñi eka kewö möt asariyök: “Labanōj mutuk ala ölöpñi ak niñgiba mala korökmö, mewö qahö toroqeba aka malja.”

³ Mewö möt asariiga Kembunōj Jeikob kewö jii mörök: “Gōñön mönö lilingöba iwiasaurupki yeñgö gölmenōj anda tinitosolomurupki yembuk malman. Anda malnōnga nōñön göbuk kindi malmam.”

⁴ Jeikobnōj keu mi möta Reizöl aka Lea yetköra keu ali aniga gölme köröje lama kambuñi kambuñi galöm köl enğiyöhi, miangören kayohot. ⁵ Kayohot kewö jii mörohöt: “Nōñön iwinirangö jemesoholñi eka kewö möt asarizal: Yanñön mutuk ala ölöpñi ak niñgiba mala korökmö, mewö kunbuk qahö aka malja. Iwinangö Anutunjan mönö tōndup nōmbuk kindi mala korök. ⁶ Ni ösumni pakpak qezaköba miangö dop iwinjiri welen qem wañgiba mala koral, injiri mi ölöp mötzahot.

⁷ “Mewö malalmö, yanñön isimkakalek qakñe ak niñgiba mala nupnangö töwaji mi sömañi 10:gö dop utekutek ala malök. Mewö ak niñgiba malökmö, Kembunōj anğön köl wañgiiga geñmororoñ kun qahö ak niñgiiga malal. ⁸ Nalö kunōj kewö jiyök, ‘Lama aka meme (noniñ) tiktokñinambuk asuhumei, mi mönö göhö nup töwagi akñe.’ Mewö jüiga sömbup kambu jömukñi yeññön morōñini tiktokñinambuk enğömeget. Nalö kunōj kewö jiyök, ‘Lama aka meme (noniñ) jinjalalan asuhumei, mi mönö göhö nup töwagi akñe.’ Mewö jüiga sömbup kambu jömukñi yeññön morōñini jinjalalan enğömeget. ⁹ Anutunōj mewö aiga asuhuiga iwinirangö kambuñeyök sömbup könjörata enğuanğita niñgiiga sehiyök.

¹⁰ “Sömbup aziñan ambiñi enğualōñda malgeri, nalö kun miangören gaun kunōj jeni uba wahöta ekiga meme (noniñ) aziñan ambiñi enğualōñda kingeri, yeñgö silenini mi jinjalalan, tiktokñinambuk aka diriweñ, soño me korombōñgi pakpak aket. ¹¹ Nōñön gaun ekiga miangören Anutugö garata kunñan nōngöra ‘Jeikob!’ qerök. Mewö qeriga ‘Ki kinjal,’ jiba melenjal. ¹² Melenjiga kewö toroqeba jiyök: ‘Labanōj yuai pakpak ak gihimakzawi, nōñön mi eka mötzal. Miangöra ölöp jegi uba wahöta eknōj: Meme (noniñ) aziñi pakpak ambiñi enğualōñda kinjei, yeñgö sileninan jinjalalan, tiktokñinambuk aka diriweñ, soño me korombōñgi akza. ¹³ *Nōñön Betel miangören asuhum gihibiga köt dangunu kun kuñguba miriba nōngöra keu jöhöba jöjōpan keunōj jim köhöinōj. Nōñön Anutu mi aka göhöra keu kewö jizal: Gi mönö döliki wahöta kantri ki mosöta nangi ahuahü gölmege kunbuk lilingöba anman.’”

¹⁴ Jeikobnōj keuñi mewö jüiga Reizöl aka Lea yetköñ kewö melen wañgiba jiyohot: “Iwinirangö mire börösamotkö bahōñi kun mi nengören qahö toroqeba tatza. ¹⁵ Yanñön azi netkiiga söngörōniran kaiga mi nanñangörök memba gil teköyök. Miangöra niri mönö kian tandök ak netkiiga mala korit. ¹⁶ Miangöra Anutunōj iwinirangö kambuñeyök sukinap öröyui könjörata wañgiri sehiyöhi, mi pakpak mönö ölna nanine aka nahönböraturopñini nengö

* 31:13: Jen 28.18-22

buñaya akza. Mianğöra Anutunöñ jim kutum gihiyöhi, göñön mönö mi pakpak tem köla wuatangöman.”

¹⁷ Mewö jiyohotka wahöta mem mözözöm aka anöm-moröurupñi kököbihim enğiiga kamel qakñine öñgöget.

¹⁸ Mirigö sömbup kambuñi pakpak közöl enğiiga mutuk anget. Sukinap yuaini (merömbuñi) pakpak Mesopotemia (Padan Aram) gölmenöñ mala miwikñaim seh iyöhi, mi körek börek kölolohoba iwiñi Aisaköreñ anbingöra Keinan gölmenöñ göröken anget. ¹⁹ Nalö mianğöreñ Labanöñ lama juñjini mitimangö aniga Reizölnöñ iwiñangöreñ miri domlopion morörökñi yonğorö meyök. ²⁰ Yonğorö meiga Jeikobnöñ toroqeba yöwöñi Aram azi Laban i kewö tilipköm wangiyök: Anbingö keuñi mi qahö jii mörökmö, mönö ölöñ mosöta anget. ²¹ Mewö ölöñ angetka kamel yeñön öroyuaini pakpak mem bisiget. Anda Yufreitis o kutuba Gilead gölme kundunambuk mianğöreñ göröken anget. Mewö.

Labanöñ Jeikob wuatangöba anök.

²² Angetmö, silim karöbut aiga mianğöreñ keu kewö jigetka Labanöñ mörök, “Jeikobnöñ mönö tököba ölöñ köla anök.” ²³ Mi möta wahöta tinitosolom aziurupñi engömembra wehön 7:gö dop enğuatanğöba anda mala Gilead gölme kundunambuk mianğöreñ miwikñaiiba enğömeget. ²⁴ Enğömembra sunğem mianğöreñök Anutunöñ Aram azi Labangöra gaunöñ asuhuba keu kewö jii mörök: “Göñön Jeikobköra kötümötuet me qesuak keu kun jibanbuköra mönö möt kutuba galöm mem anğuman.” ²⁵ Enğömegetka Jeikobnöñ opo seri kounñi Gilead gölme kundunambuknöñ möröngöba kunğuga Laban aka aziurupñi yeñön mewöyök opo seri kounñini mianğöreñ kunğuba ahöget.

²⁶ Ahöba wahöta qingñi Jeikobköreñ anda kewö jii mörök: “Gi mönö wani kimbia ak niñginöñe? Gi tilipköm niñgizan. Kerök yeñön yarö gila ambi yonğorö örömakzei, mönö mianğö tandök nöñgö börtayahötñi ölöñ etkuangita kanöñ. ²⁷ Gi wuanöñgöra isimkakalek ak niñgiba ösumok ölöñ köla nömosöta kanöñ? Gi mönö wuanöñgöra keu kun qahö jinöñ mötpi lan kanöñ? Mi mötpileñak ewö, nöñön ölöñ liñet gwawet albi kömam köla gita kulele qegetka söşöñgai qakñe gumbulbi könanöñ kabeak.

²⁸ “Mi mötpileñak ewö, mönö ölöñ isiurupni aka börtayahötñi numbuñjini yöhötim nempa yaizökökñini jibileñak. Gi mönö uruqahö kimbia aknöñ. ²⁹ Nöñön kukösumnambuk kaba ölöñ ayuhum gihibileñakmö, sunğem ahöbiga iwighahö Anutuñan keu kewö jii mötza: ‘Göñön Jeikobköra kötümötuet me qesuak keu kun jibanbuköra mönö möt kutuba galöm mem anğuman.’ ³⁰ Mianğöra muat, nangi iwighahö miri gölmeñe lilingömamgö urusihimgi ketanj möta malagun lök mosöta könanöñ kaba maljan. Mianğöra ölöñ anmanmö, nöñgö domlopionurupni mi mönö wuanöñgöra yonğorö memba kanöñ?”

³¹ Labanöñ mewö juiga Jeikobnöñ kewö melen wangiyök: “Göñön börtayahötñi yarö ösum qakñe noanğitpanbukö mötmöröba keñgötñi möta ölöñ köla kain. ³² Kainmö, kunñan domlopionurupki meiga miwikñaimani, i ölöñ qenöñga kömuma. Öroyuai pakpak memba maljali, mi ölöñ tinitosolomurupñiri yengö jeñine ek kewöta kinda göhöreñ yuaigi kun miwikñaiiba eka mi ölöñ meman. “Jeikobnöñ mewö jiyökmö, anömñi Reizölnöñ domlopion mi yonğorö meyöhi, apñan mi qahö möröhanğöra mi töñpin jiyök.

³³ Mewö jiiga qinqiñi Jeikobkö opo seri kounmje öngöba qezanja jaruba Leagö opo seri kounmje öngöba toroqeba welen ambiyahöt mietkö opo seri kounmjire öngöba qezanja jaruba yuai kun qahö miwikñaiyök. Leagö kounmji mosöta miangö andöñe Reizölgö kounmñöñ öñgöyök. ³⁴ Öñgöyökmö, Reizölnöñ domlopionurup mi memba gösönöñ löñgöta kamel qakñe tatatkö dum uruñe ala qakñe öngöba qelanjim engiba tarök. Mewö tariga iwiñan opo kounmñangö uruñi körek qezanjök, mi qahö miwikñaiyök. ³⁵ Reizölnöñ iwiñi kewö jii mörök: “Ketanjamni, ni köiñnöñ nehiga tatzalangöra aka göhö jemesoholge ölöp qahö wahötmam. Miangöra uruönön kude möt niñgiman. “Mewö jiiga miriñangö domlopionurupñi miengöra jaruyökmö, mi qahö miwikñaiyök.

³⁶ Qahö miwikñaiiga kinda Jeikobnöñ irimñi seholiiga tembula Laban kewö jim wañgiba qesim wañgiyök: “Nöñön wani könaya ak singial? Mönö wani silik bölöñi ak gihialangöra kahasililinöñ böröjan suhum niñgizan? ³⁷ Nöñgö sukinapni pakpak qezanj teköbagun mönö wanat yuaia kun miwikñainöñga nangi mirigahö buñaya akawak? Mi ölöp memba yuhu kaba tinitosolomurupñiri yeñgö jeñine alnöñ eketka sutnire keu lömböt ahöiga mi kewöta jim teköba mindingöm netkime.

³⁸ “Nöñön göbuk lök yambu 20 mala koral. Nalö miangö uruñe nupki membiga göhöreñ lama aka meme (nonin) yeñön morö membingö pömsöm qahö qegetmö, ölöpñanök ahumsehup aka malget. Mewöyök lama azinji kun göhö sömbup kambunöhök qahö qem neal. ³⁹ Nalö tosatñe sömbup kalñan lama qeba yöhöqöhötiyöhi, mi qahö memba kaba gihiba malalmö, miangö kitipñi mi nani kambunöhök memba salupñe ala malal. Lamagi sunjemñe me asakñe yongorö memba malbeahi, mi töndup miangö salupñi almamgö jimkutukutu alnöñga mi wuatangöba malal.

⁴⁰ “Silimnöñ miri könöpñan nohotiriiga sunjemnöñ amötñan nuñguiga sanjennji möta malal. Nalö gwötpuk gaun guli mem niñgiiga malal. ⁴¹ Yambu 20:gö dop mewö göhö mire mala kotpi teköza. Yambu 14 mi böratyahötki etkömemangöra welen qem gihiba malal. Miangö andöñe yambu 6 mi lama bulmakau miwikñaimangöra göhöreñ nup memba malal. Mewö malalmö, göñön nup memegö töwani mi sömañi 10:gö dop utekutek ala malnöñ.

⁴² “Asani Abrahamgö Anutuñi iwini Aisaknöñ waikñi memba möpöseimakzawi, yañön andöne awörök qahö aka kötöngöm niñgibawak ewö, göñön mönö böröbörak melaim niñginöñga köna anbilanjak. Mewö ak niñgibanakmö, Anutunöñ nöñgöreñ sihimbölö kahasililin möriga nup börönan sileqeqe aka memba malali, mi eka merak sunjem nöñgö keuni kewöta jim teköiga mötzan. “Mewö.

Jeikob aka Laban yetköñ jöhöjöhö ahot.

⁴³ Jeikobnöñ mewö jiiga Labanöñ kewö meley wañgiyök: “Ambi yahöt ki mönö nöñgö böratyahötña. Yetkö nahönböraturupñiri mi nöñgöreña. Lama bulmakau kambuñi kambuñi ki mi nöñgöreña. Yuai pakpak ki ekzani, mi körek nöñgö buñayök akza. Mewömö, muat nöñön merak böratyahötñi ki aka nahönböraturupñiri engömeyohori, yeñön anmegö keuñini jigetka mi qeapkömamgö lömbörizal. ⁴⁴ Miangöra ölöp kaba gou köl anguba sutnire jöhöjöhö akit. Mi qendenbitpuköra mötmörim netkiba dangunu ewö sutnire ahöma.”

⁴⁵ Mewö jiiga Jeikobnöñ köt kun memba kuñguiga timbetuat ewö dangunu jaböñiri aka kinök. ⁴⁶ Mianñön kiniga Jeikobnöñ tinitosolomurupñi yeñgöra köt memba tokomegöra jiyök. Mewö jiiga köt memba qaknöñ qaknöñ ala

tokoget öngöiga miangö kösutnje nene lömbuan ohoba neget. ⁴⁷ Labanöj köt kambu miangö qetnji Jegar Sahaduta qeri Jeikobnöj qetnji Galed qerök. *

⁴⁸ Mewö qerohotka yowöjan qingini Jeikob kewö jii mörök: “Köt kambu ki mönö merak netkö sutnire dangununira ahöma. “Miangöra Jeikobnöj miangö qetnji Galed qerök. ⁴⁹ Labanöj keu toroqeba kewö jiyök: “Kembunöj mönö denja malbiri, nalö miangörej sutnire jenjan netkek tiba galöm mem netkiba malma. “Miangö dop gölme miangö qetnji kun Mizpa qerök. (Mizpa Galöm meme miri köröpji.)

⁵⁰ Labanöj keu mi toroqeba kewö jiyök: “Göjön böratyahötni öröm ureim ak etkiman me toroqeba kakasun ambi tosatnji engömeman ewö, mönö keu ki möta malman: Gölme azi kunjan kösutnire qahö mala netkehiga Anutunöj mönö töndup ölop netkeka sutnire jöhöjöhö ahözawangö keunji mi nangöba jiba malma.”

⁵¹ Mewö jiba kunbuk toroqeba kewö jiyök: “Qingini mötnöj, köt kambu ki aka mötök ki kunguzali, mietkön mönö netkö sutnire dangunu ewö tat öngömahot. ⁵² Köt kambu ki mönö dangununira aka tat öngöma aka mötök ki mi mewöyök dangununira aka tat öngöma. Mietkön jöhöjöhöniranöjora kewö mötmörim netkiba tat öngömahot: Nöjön mem bölim gihimangö möta köt kambu ki qahö ongita göhörej kamam. Göjön mewöjanök mem bölim ningimangöra möta köt kambu aka mötök ki qahö etkonngita nöngörej kaman. ⁵³ Abraham, Nahor aka yetkö iwinjiri yenjö bennjini Anutu yanön mönö keu sutnire asuhuiga mi kewöta jim teköm netkima. “Labanöj mewö jüga Jeikobnöj keu mi jöhöba Anutugö qetnje jöjöpan keunöj jim köhöiyök. Iwinji Aisaknöj Anutu miangö waiknji memba möpöseiba malök.

⁵⁴ Jeikobnöj mewö aka gölme kunduje sömbup qeba mianön jöwöwöl ohoba tinitosolomurupji öröm engiiga lömbuanöj kaget. Kaba nene nempa sungem linet unduba kunduje miangörej ahöget. ⁵⁵ Ahögetka miri asariiga Labanöj söjanök wahöta isiurupji aka böratyahötji numbuini yöhötim nempa kötuatköm engiba yaizökzökjini jiyök. Mi jiba engömosöta lilingöba mirine anök. Mewö.

32

Jeikobnöj Isobuk aitonjöbitkö jörömqöröm ahök.

¹ Yowöjan aniga Jeikobnöj mewöyök könanöj aniga Anutugö garataurupji tosatjan miwiknjaim wangiget. ² Miwiknjaim wangigetka engeka kewö jiyök: “I Anutugörej yarö kambuya akze. “Miangö dop gölme miangö qetnji Mahanaim (yarö kambu yahöt) qerök.

³ Jeikobnöj könanöj anda mala kolek aziurupji tosatnji mutuk melaim engii Edom kantrigö gölme qetji Seir miangörej datnji Iso ekingöra anget. ⁴ Melaim engiba kewö jim kutum engiyök: “Injini mönö anda dat kembuni Iso kewö jigetka mötma: ‘Ketanjamni mötnöj, ni welen azigi Jeikob. Ni ehoniri Labanbuk mala kota mal teköba nalö kewöje i mosöta kazal. ⁵ Miangörej mala bulmakau, donki, lama, meme (noninj) kambunji kambunji aka welenqege ambazip miwiknjaiba engömemba könanöj kazal. O azi kembuni, nöjön göhö jege ak-kömükömu miwiknjaimangöra möta keu buzupni ki mutuk albi göhörej kaza.’”

* 31:47: Dangunu köt kambu mi Hibru keunöj Galed aka Arameik keunöj Jegar Sahaduta.

⁶ Mewö jim kutum enğiiga anda lilingöba kaba kewö jigetka mörök: “Nini datki Isogörej anin. Yanön mönö aziurupñi 400 engömemba könanöñ kaba göbuk aitonögöbingö jöjöröba malje.” ⁷ Mewö jigetka möta awöwölöba köñjilinj ketanj mörök. Mewö möta kinda könagesöurupñi yambuk kageri, mi aka lama meme kambunji kambunji, bulmakau kambunji kambunji aka kamelurupñi mi menden enğiiga kambu yahöt aket. ⁸ Kewö mötmöröba mewö ahök: “Isonöñ kaba yarö gila kambu kun engum ayuhuma ewö, kambu kun yenön mönö ölop ölöñ köla anbeak.”

⁹ Mewö mötmöröba kewö jiba köuluköyök: “O Anutu, asani Abrahamgö aka iwini Aisakö bennjiri, göñön ölop möt ninjiman. Kembu, gi nangok keu kewö jinöñ möral: ‘Gi mönö wahöta nangi gölmenöñ lilingöba nangi tinitosolomurupki yengörej anman. Endu anöñga nöñön töhötmöröria gihibiga malman.’ Mewö jinöñ möral. ¹⁰ Mönöwök nani öröpnanök memba Jordan o töwatñi ki kutuba analmö, ölop ahum sehiba merak lilingöba kambu yahöt aka ki kazal. Ni welen azigi etqeqeñi aka malalmö, göñön töndup keugi pöndañ wuatangöba ak-kömükömugi pakpak kondel ninjiba malnöñ. Ni eretñi aka urukalemgi mi buña qem angumamanjö dop qahö aka malal.

¹¹ “Datni Isonöñ könanöñ kaba nani, nam aka moröurupñini nini nenguba ayuhum nengibapüköra nöñön kenjötni mötzal. Miangöra göñön mönö bauköm nengiba yangö böröñeyök meköm nengiman. ¹² *Gi nangok keu kewö jinöñ möral: ‘Nöñön töhötmöröria gihiba gwölönarökurupki ahumsehip engibiga qötöñinan qariba köwetkö sakösiñi ahözawanjö dop akña. Mi gwötpuk ketanj ahömawanjöra aka oyoñoyonjö dop qahö. Keu mi ölna.’ ”

¹³ Mewö köuluköba sunjemñi mi gölme miangörej ahöyök. Ahöbagun sömbup kambunji kambunji miengörejök datñi Iso kalem wangimangöra sömbup kewö kewöt menden engiba nanñinök al engiyök: ¹⁴ Meme (noninj) ambiñi 200, aziñi 20, lama ambiñi 200, aziñi 20, ¹⁵ kamel 30 moröurupñini juzunöñ, bulmakau ambiñi 40, aziñi 10, donki ambiñi 20, aziñi 10.

¹⁶ Kambu mewö mewö kewöt mendenä kambu nanñök nanñök mi welenqeqeurupñi yengö böröñjine al engiba kewö jii mötket: “Injini ölop mutuk anda sömbup kambunji kambunji kienjö sutñjine tirinj kutuba enguangita awatan anme.”

¹⁷ Mewö jiba kambu mutukñi anmeanjö galömñi kewö jim kutum wangiyök: “Könanöñ angetka datni Isonöñ miwikñaim engiba kewö qesim gihima: ‘Gi dagö welenqeqe azia akzan? Gi denike anmam jiba kazan? Sömbup wösöge anjei, mi dagöreña?’ ¹⁸ Mewö qesim ghiiga kewö jiman: ‘Mi welen azigi Jeikobköreña. Mi ketanjamñi Iso kalem wangimangöra al engii kaze. Nanñak mönö andöñine könanöñ kaza.’ ”

¹⁹ Mewö jim kutum wangiba sömbup kambu 2:ñi, kambu 3:ñi aka sömbup kambu tosatñi pakpak yengö galömñini andöñjine kageri, i mewöyök jim kutum enğiiga kewö mötket: “Injini datni Iso miwikñaimi, mönö keu tandökñi miyök jigetka mötma.” ²⁰ Mewö jim kutum engiba kewö mötmöröyök: “Nöñön esapköba urunji memba eta ala kalem wangimangöra sömbup kambunji kambunji melaim engibi mutuk anme. Datnan mi enjeka urunji böñjöh köliga amöribawak. Urunji amöriiga ölop nanak yangö jemesoholje ösöh angotpi siñgisöndokni mosöta ala ak ninjibawak. “Mewö mötmöröba toroqeba kewö jiget mötmapkö jiyök: “Göhö welen azigi Jeikobnöñ mönö andöñine ösöh kaza.”

* 32:12: Jen 22.17

²¹ Mewö jiba kalemñi al enñii mutuk kōnanōñ angetmō, nanñak sunğem mi opo koumnōñ tatmam jiba miangōreñ tarök. Mewō.

Jeikobnōñ Suep garatabuk aum-mōriyohot.

²² Sunğem miangōreñ Jeikobnōñ wahōta anōmyahōtñi, welen ambiyahōtñi aka morōnahōnurupñi 11 mi enğuanğiriga anda Jabok o sakñi qōleqōleleñi kutubingō aket. ²³ Enğuanğiri o kutuba anda sukinap yuaini pakpak bunjanı ahōyōhi, mi mewōyök memba an tekōget.

²⁴ An tekōgetmō, Jeikobnōñ nanñök o likepñe miangōreñ kunbuk tarök. Nanñök tariga azi kunñan kaiga yambuk sunğem aum-mōriiba malohotka miri gianjiyök.* ²⁵ Azi mianñon luhut al wañgimangō osiba eka miangōra Jeikob mi ikinñe qeyök. Qeiga mohotñe aum-mōriiba malohotka miangōreñ Jeikobkö ikin sihitñan sulök. ²⁶ Sihitñan suliga azi mianñon kewō jiyök: “Miri gianjimangō akzawañğōra mōnō ölöp nōmosōtnōñga anmam. “Mewō jiyök mō, Jeikobnōñ kewō melen wañjiyök: “Ni qahō kötuetkōm niñgiman ewō, nōñon mōnō gi qahō gömosōtpi anman.”

²⁷ Mewō melen wañjiiga “Gi qetki niñi?” jiba qesim wañjiiga “Jeikob,” jiyök.

²⁸ Mewō jiiga keu kewō jiyök: “Gi Anutu aka ambazip yembuk aum-mōriiba mala luhut al enñinōñ. Miangōra göhō qetki mōnō kunbuk Jeikob qahōpmō, Israel qetme. “(Israel Anutubuk aum-mōriyök.)”*

²⁹ Mewō jiiga kewō jiyök: “Gi ölöp qetki qetnōñga mötmam. “Mewō jiyök mō, garatanōñ mianñon kewō melen wañjiyök: “Gi denōwōğōra nōñğō qetnangōra qesizan?” Mewō melen wañgiba miangōreñ kinda kötuetkōm wañjiyök.*

³⁰ Kötuetkōm wañjiiga Jeikobnōñ kewō jiyök: “Ni Anutubuk mesohol köl anguba jeni törörök ekzalmō, tōndup nehoriiga jebuk maljal. “Mewō jiba miangōra gölme miangō qetñi Penuel qerök. (Penuel Anutugō jemesoholñi) ³¹ Wehōn jeñan lök koriga Jeikobnōñ Penuel gölme mi mosōta onğita kaba ikinñi sulōhangōra aka timkorik anök. ³² Azi mianñon Jeikobkö ikin sihit toro-qeqeñangō ginimuramñe (bidororo) qeyōhangōra aka Israel kōnagesō yeñon nalō kewōñe mewōyök sömbup namba miangōreñ ikin sihit toroqeqeñangō ginimuramñi mi tökōba qahō nemakze. Mewō.

33

Jeikobnōñ Isobuk aitorñğöyohot.

¹ Jeikobnōñ jeni uba wahōta Isonōñ aziurupñi 400 yembuk mohotñe kōnanōñ kageri, mi enğehök. Miangōra nahōnbōraturupñi menden enğiba Lea, Reizöl aka welen ambiyahōtñi yeñğō bōrōñine al enjiyök.

² Mewō al enğiba kewō areñğōm enjiyök: Welen ambiyahōtñi yetkōn nahōnbōraturupñiri enğuanğita mutuk anget. Yeñğō andōñine Leanōñ nahōnbōraturupñi yembuk angetka Reizöl aka nahōññi Josef yetkōn qōndōkñi anohot.

³ Saiwanı mewō areñğōm enğiba nanñak yeñğō wōsōñine mutuk anda simin kölā gölmenōñ bamğōba wahōriga indimñi 7 aiga anda datñangō jemesoholñe anğorök. ⁴ Anğorökmō, Isonōñ munñi ekñamğōra ösumñan kiñkiñğōba kaba suhumğōm wañgiba bōrōñan imbiñe gili geiga nambuñi yōhōtim neiga urusahōt auyohot. ⁵ Isonōñ jeni uba wahōta Jeikobkö anōm-morōurupñi

* 32:24: Hos 12.3-4

* 32:28: Jen 35.10

* 32:29: Kemb 13.17-18

enḡeka munḡi qesim waḡgiyök: “Ki denike yeḡön göbuk kaze?” Qesim waḡgiiga kewö melenḡök: “Anutunöḡ kalem möriamḡi qakḡe nahönbörat ki welen azigi ni niḡgiyök.”

⁶ Mewö melenḡiga welen ambiyahöḡḡi yetköḡ nahönböratuḡḡiri yembuk dowe kaḡgota simin köla gölmenöḡ bamgöget. ⁷ Mianḡö andöḡe Lea aka nahönböratuḡḡi yeḡön mewöḡanök dowe kaḡgota simin köla gölmenöḡ bamgöget. Teteköḡe Josef aka Reizöl yetköḡ dowe kaḡgota simin köla gölmenöḡ bamgöyohot.

⁸ Mewö aketka Isonöḡ kewö qesim waḡgiyök: “Azi aka sömbup kambu pakpak könanöḡ miwikḡaim enḡizali, mi könaḡi denöwögöra melaim enḡinöḡga kaze?” Mewö qesim waḡgiiga kewö jiyök: “O azi kembuni, nöḡön mi göhö jege ak-kömükömu miwikḡaimangöra aka melaim enḡial.”

⁹ Mewö jiyökmö, Isonöḡ keu kewö jiyök: “O muni, mi nöḡöḡeḡ gwötpuk lök dopne ahöze. Mianḡöra mi ölop toroqeba nangi buḡaya aka ahöma.”

¹⁰ Mewö jiiga Jeikobnöḡ kewö jiyök: “Mewö qahö. Göḡön neksihim aka ala ölopḡi ak niḡḡinöḡga göhö jemesoholḡi ekiga Anutugö jemesoholḡi ewö akza. Mianḡöra nöḡön göhö jege ak-kömükömu miwikḡaizal ewö, mönö kalemni ki ölop buḡa qem aḡḡuman. ¹¹ Anutunöḡ kalem möriam kondel niḡgiiga mala kotpiga yuai pakpak osimakzali, mi pakpak ölop ahöm niḡgiza. Mewögöra uruölöwak kalemni mamba kageri, mi ölop meman. “Mewö jiba kapan köla malöḡangöra Isonöḡ uruölöwak kalemḡi mi buḡa qem aḡḡuyök.”

¹² Buḡa qem aḡḡuba kewö jiyök: “Mönö ölop mosöta köna anbin. Nöḡön köipḡḡini akiga enḡön ölop nömbuk kagetka anbin.”

¹³ Mewö jiyökmö, Jeikobnöḡ kewö jiyök: “Azi kembuni, möḡnöḡ. Nahönböratuḡḡi yeḡön ösumḡini eretḡi akze aka lama namḡi aka bulmakau namḡi moröḡini juzu enḡimakzei, nöḡön mi köyan köl enḡimakzal. Mewö aiga i köna anmegöra wehöḡ mohotkö dop könöḡuk enḡuatangöbinak ewö, yeḡön mönö ösumḡini eriga kambu körek pakpak kömumbleak. ¹⁴ Mewögöra azi kembuni, ḡi ölop mutuk anöḡga welen azigi nöḡön ösöḡösöḡ andöḡe guatangöba kamam. Sömbup enḡuatangöbi wösöne mutuk anmei aka nahönböratuḡḡi ösumḡinanḡö dop ösöḡösöḡ kaba mala mala bian Seir mire ketanḡamni göhöḡeḡ kaḡgotpin.”

¹⁵ Mewö jiiga Isonöḡ kewö jiyök: “Mewö aiga nöḡön ölop aziuruḡḡi tosatḡi enḡömosötpiga göbuk ösöḡ kame. “Mewö jiiga Jeikobnöḡ kewö qesiyök: “Gi mönö wuanöḡgöra mewö akanak? O azi kembuni, ni göhö jege ak-kömükömu miwikḡaibiga lök dop köl niḡḡim teköza.”

¹⁶ Mewö jiiga Isonöḡ wehöḡ mianḡöḡeḡök lilingöba anda Seir miriḡe aḡḡorök. ¹⁷ Jeikobnöḡ Sukot mire anda mianḡöḡeḡ nanḡi miriḡi esiba sömbupuḡḡi yeḡgöra koumḡi koumḡi qeyök. Mewögöra miri gölme mianḡöḡeḡ qetḡi Sukot (Koumkoum) qerakze. Mewö.

¹⁸ Jeikobnöḡ mewö Mesopotemia (Padan Aram) gölme mosörök. Mosöta kaba Keinan gölmeḡö taon qetḡi Sekem mianḡöḡeḡ ölopḡanök öllulup kaḡgorök. Kaḡgota opo seri koumḡi taon kösutḡe gölme köroḡe möroḡeḡgöba kuḡguba tatket. ¹⁹* Opo seri koumḡi gölme köroḡe kuḡḡuyöhi, yanḡön gölme kitipḡi mi Sekemḡö iwiḡi Hamor yanḡö nahönuḡḡi yeḡgöḡeḡök silwö köḡi 100 mianḡöḡeḡ bohoniḡ meyök. ²⁰ Bohoniḡ mamba mianḡöḡeḡ jöwöwöl alta kun mamba qetḡi “El, Israelgö bem Anutuḡi,” mewö qerök. (El bem)

* 33:19: Jos 24.32; Jon 4.5

34

Sekem yeñon Daina mem bölim wañgiget.

¹ Leanon Jeikobko boratni Daina meyoñi, yanon nalö kunon Keinan ambi seram engekjamgöra anök. ² Aniga gölme miangö azi kembunji Hamor yanon Hiwi könagesögö azia malök. Yangö nahonni Sekem yanon Daina eka miangörenök eksihim möta öröba mem bölim wañgiyök. ³ Sekemnön wölbötñi Jeikobko boratni Dainagöra pöröraköiga jöhöba urukalemñan jöpaköm wañgiba kelök keunjan jiba tutuhum wañgiba malök. ⁴ Tutuhum wañgiba mala iwinji Hamor kewö jii mörök: "Iwini, gi ölop ambi seram ki nöngö anömna akñapköra keu nup meman."

⁵ Nalö miangören Jeikobko nahönurupni yeñon gölme köröñe anda mirigö sömbupurupñini galöm köl engiba malgetka Sekemnön Daina mem bölüiga iwinji Jeikobnön boratñangö keu buzupni mi mewö mörök. Mi mörökmö, mi mösamböta nahönurupñan mire kañgotmegöra keu bök mamböta tarök. ⁶ Mamböta tariga Sekemgö iwinji Hamor yanon keu nup memamgöra Jeikobkoren kayök. ⁷ Kaba tariga Jeikobko nahönurupñan gölme köröñeyök kañgotket. Kañgota miangörenök yuai asuhuyöhangö kösohotni mi kewö mötket: Sekemnön Jeikobko boratni mem bölüba Israel könagesö sutñine silik gamuñambuk ahök. Silik mi kude ahakñangö dop ahök. Mi möta uruñinan kömbuhiiga wösöbirik möta urupik aket.

⁸ Urupik aketmö, Hamornön kewö jii mötket: "Nahöni Sekemgö uruwölbötñangö sihimni mi engö nenboratñinañgören mösölatiba tatzä. Miangöra ölop jim tekögetka Dainanön yanö anömni akawak. ⁹ Ölop nembuk nenboraturupñini utekutek aka anñuin anda kaiga malbin. Mewö ölop qenaqena aka malbin. ¹⁰ Mewö aka ölop nengö sutñine tata malme. Nini gölmenini ki mi qahö anñön kölbinnö, inñini ölop miangören lañ anda kaba sihimñinañgö dop gölme kitipni kitipni bunja qem anñuba mirinñini memba nembuk anñumnep-qanñumnep aka malbin."

¹¹ Mewö jiiga Sekemnön Dainagö iwinenurupni yeñgöra kewö jiyök: "Nöñon engö jeñine ak-kömükömu miwikñaimangö möta qesim enñizal. Miangöra i me waigö qesim niñgime, nöñon mi ölop enñimam. ¹² Ambi bohonñi aka kalem memba kaba enñimami, miangö qötöñi mi ölop sihimñinañgö dop memba öngöme. I me waigö qesim niñgime, nöñon mi ölop enñimam. Keuni kötni ki: Enñon mönö jim teköba nenboratñini niñgigetka nöngö anömna akña."

¹³ Sekemnön nenñini Daina mem bölüyöhangöra aka Jeikobko nahönurupni yeñon isinkakalek qakñe Sekem aka iwinji Hamor melen etkiba ¹⁴ keu kewö jigetka mötket: "Azi kungö silenñe Anutugö aiwesökñi qahö yandigeri, nini nenboratñini azi mewöñi ölop qahö wañgibin. Mewö ahinga gamumamumnön qakñine öngöbapuk. Miangöra nini i wañgibingö osizin. ¹⁵ Inñini silik mohok-kun kewö aketka neñon urumohot akin: Mutuk Anutugö aiwesökñi mi aziurupñini pakpak engö silenñine yandiget teköiga nini maljin ewö akñe ewö, mönö nenboratñini ölop enñibin. ¹⁶ Mewö aketka ölop embuk nenboraturupñini utekutek aka anñuin anda kaiga malbin. Mewö ölop engö sutñine tata könagesö kambu mohok aka malbin. ¹⁷ Mewö malbinmö, Anutugö aiwesökñi silenñine yandibingö urumohot qahö akñe ewö, nini mönö nenboratñini wañgita kungen anbin."

¹⁸ Keu mewö jigetka Hamor aka nahonni Sekem yetkön keu mewöñi miangöra mörohötka dop kölöc.

19 Mewö mörohotka azi gwabö Sekemnöy iwiñangö saiwaurupñi yengö sutñine tosatiñi engongita qetbuña ketani memba malök. Yangö urusi-himñan Jeikobkö bōratñangōra gwōtpuk ahōyōhangōra aka keu jigeri, mi wuatangōmamgō eksekpeksek qahō aka nalō qahō qem körīi öngōyök.

20 Mewö aiga Hamor aka nahōññi Sekem yetkōn Sekem taongö azi alaurupñi yembuk keu jibingōra taongö nangū kōsutñe totoko sombemñine anda kewō jiyohot: 21 “Azi kienñon nembuk ala ölöpnji ak angumakze. Miangōra nini ölöp jim tekōinga yeñon neñgö gölmenōñ tata lañ anda kaba miriñini memba nembuk angumnep-qangumnep aka malbin. Yeñon gölme kitipñi memegōra tiñi gwōtpuk ahōza. Nini ölöp yembuk nenbōraturupñini utekutek aka anguin anda kaiga malbin. 22 Nini silik mohok-kun kewō ahinga azi mienñon nembuk malbingō urumohot akñe: Anutugō aiwesōkñi mi azi miengō silenine yandiñget ahōzawi, miangō dop mi mutuk körek neñgö silenine mewōyök yandiñ tekōiga nini ölöp yembuk könagesō kambu mohot aka malbin.

23 “Mewö ahinga yeñgōreñ mirigō sömbup kambuñini aka sukinap yuainini pakpak mi mönō nanini buñaya akñe. Miangōra keu jigeri, mi ölöp möta imbi kölinga yeñon neñgö sutñine tatat dundumñini miwikñaiaba malme.”

24 Mewö jiyohotka taongö kiripo nangūñe kaba tokogeri, yeñon körek Hamor aka nahōññi Sekem yetkō keugōra urumohot aka jigetka Anutugō aiwesōkñi mi Sekem taongö azi pakpak yeñgō silenine yandim tekōget.

25 Yandim tekōgetka wehōn 3:ñi aiga miangōreñ uziñinangō sihimböloñi mi tok toroqeba möta tatketka Jeikobkö nahōññi yahōt Simeon aka Liwai, Dainagō nenyahōtñi yetkōn bingō souñiri ketani memba taon miangōreñ sangabañga anda tihitñini qahō möta tatketka wōlañ bim qeba azi pakpak qaurapan enguyohotka kōmum tekōget. 26 Hamor aka nahōññi Sekem mi mewōñanōk bingō sou ketañan etkuyohotka kōmuyohot. Kōmuyohotka Sekemgō mireyök nenñiri Daina mi örōba eta wañgita anohot.

27 Mewö ahotka Jeikobkö nahōñurupñan Sekemnöy nenñini mem bölim wañgiyōhangōra aka taonōñ kiñkiñgōba anda azi qamōtñini engeka taongö sukinap yuaini kiom qeba yongorō meget. 28 Lama, meme, bulmakau aka doñki kambuñi kambuñi aka örōyuainini pakpak taon uruñe aka gölme körōñe ahōgeri, mi pakpak kalōpkōba mem tekōget. 29 Sukinap yuainini pakpak otonda ambimōrōrupñini körek enguañgita miriñine yuainini tosatiñi ahōyōhi, mi mönō kölolohoba kiom qeba yongorō memba tökōba anget.

30 Mewö aketka Jeikobnōñ Simeon aka Liwai kewō jii mörohot: “Injiri mewö ahotka kahasililij ketanangō keuñan mönō nōngö qakne öngōiga malmam. Gölime kiangō tonji Keinan könagesō aka Periz könagesō yeñon mönō kazik möt niñgiba malme. Nōngö könagesōni nini awamdōkñi maljin. Miangōra yeñon yarō aziurupñini tokom enjiba qetala bim yarō gil niñgime ewō, yeñon mönō ölöp qaurapan nunguba ni aka könagesōni ayuhum neñgime.”

31 Jeikobnōñ mewö jii mörohotmō, yetkōn keu kewō jiyohot: “Kunōñ neñgō nenini kōna ketani ambi tandök ak wañgiyōhi, nini mönō miangō likepñi melej enjingga dop kölja. “Mewö.

35

Jeikobnōñ Betel ani Anutunōñ kötuetkōm wañgiyök.

1 Anutunōñ Jeikob keu kewō jii mörök: “Gi mönō wahōta Betel mire anda tatat dundumgi miwikñaiaba miangōreñ Anutugōra jōwōwōl alta kun meman.

Datki Isogöra ölöŋ köla anöŋga Anutunöŋ nalö miangöŋeŋ asuhum gihiyöhi, mönö yaŋgöra alta mi meman.”*

² Mewö jii möta Jeikobnöŋ saiwanji aka ambazip pakpak yambuk malgeri, i kewö jim kutum enŋiyök: “Lopion bem yuai tömbuŋi sutŋine ahözei, mi mönö qeköba gilget geiga köl könjöŋat mem aŋguba silenini saŋgoŋda opo malukunŋini uteköme. ³ Ni könjiliŋ uruŋe mala Anutu köuluköbige meŋeŋ niŋŋiyök aka denike denike anda kaba malali, yaŋön miangöŋeŋ nömbuk mala korök. Miangöra inŋini mönö kagetka Betel mire anbin. Nöŋön miangöŋeŋ Anutugöra jöwöwöl alta kun memam.” ⁴ Mewö jim kutum enŋiiga böröŋine lopion yuai tömbuŋi pakpak ahögeri aka kezapŋine jenŋen möndögeri, mi qeköba kölolohoba Jeikob waŋgiget. Waŋgigetka anda in ip kun Sekem mire kinöhi, miangö könaŋe gölmenöŋ esim löm kölökö.

⁵ Mewö aka wahöta angetka taonŋi taonŋi liliköba tatkeri, Anutunöŋ könagesöŋini miengö uruŋini kuŋguiga waekanjam möta elemŋini eri Jeikob aka nahöŋurupŋi mi qahö enŋuatangöget. ⁶ Mewö anda mala Jeikobnöŋ könagesöŋi pakpak yambuk malgeri, mi enŋuangita Luz mire aŋgotket. Luz qetŋi alaŋi Betel mi Keinan gölmenöŋ ahöza. ⁷ Miangöŋeŋ aŋgota Jeikobnöŋ jöwöwöl alta kun meyök. Datŋaŋgöra ölöŋ köla anöhi, nalö miangöŋeŋ Anutunöŋ gölme miangöŋeŋ asuhum waŋŋiyök. Miangöra Jeikobnöŋ miri gölme miangö qetŋi El-Betel qerök. (El-Betel Betelgö Bemŋi.) ⁸ Betel miangöŋeŋ malgetka Rebekagö welen ambinŋi Debora yaŋön kömuyök. Kömuiga Betel miri bapŋe qerema ip kungö könaŋe löm kölget. Jiŋŋen qeta sahötkeraŋgöra aka qerema ip miangö qetŋi Jiŋŋen sahötkö qeremaŋi mewö qetket.

⁹ Jeikobnöŋ Mesopotemia (Padan Aram) gölmenöhök lilingöba kaiga Anutunöŋ kunbuk asuhum waŋgiba kötuetköm waŋŋiyök. ¹⁰ Kötuetköm waŋgiba kewö jii mörök: “Göhö qetki Jeikob (tilipqilip azi) qerakzemö, mewö toroqeba kude qeta malme. Merak könahiba öŋgöba qetki mi Israel ahöma. “Kembunöŋ mewö jiba qetŋi Israel qerök. (Israel Anutubuk aum-möriyohot).”*

¹¹ Qetŋi mewö qeta toroqeba Jeikob kewö jii mörök: “Nöŋön Anutu kukösum pakpakö Toŋi akzal. Gi ölöp ahumsehŋi aknöŋga gwölönarökurupki yeŋgö qötöŋinan mönö qarim öŋgöma. Göhöreŋök könagesö gwötpuk aka könagesö kambuŋi kambuŋi asuhume. Gi kiŋi kiŋi yeŋgö bömön jalöŋina akŋan. ¹² Nöŋön gölme Abraham aka Aisak buŋa qem etkiali, mi mönö göhö buŋaya qemam aka göhö andöge gwölönarökurupki yeŋgö buŋaya mewöyök akŋapköra mi qemam.”*

¹³ Anutunöŋ keu mewö jii möriŋa Jeikob mosöta miri miangöŋeŋök öŋgöyök. ¹⁴ Anutunöŋ keuŋi jii möröhi, Jeikobnöŋ gölme miangöŋeŋ mötök köt kun memba wahöta kuŋguba mi wain o nalukŋan miriba miangö qakŋe oil ipkö kelökŋi mokoi geyök. ¹⁵ Anutunöŋ yambuk keu jiyöhi, Jeikobnöŋ miri gölme miangö qetŋi Betel (Anutugö miriŋi) qerök. Mewö.*

Reizölnöŋ kömuyök.

¹⁶ Miangö andöŋe Jeikobnöŋ saiwaurupŋi enŋuangita Betel miri mosöta anda mala Efrata miri dopdowigetka Reizölgö morö meme nalöŋan kam kuŋguiga masö keta bölökŋi qeyök. ¹⁷ Masö qönsihimŋambuk ketaŋan qeyöhi, nalö miangöŋeŋ anjö meme ambinöŋ keu kewö jii mörök: “O Reizöl, kengötki

* 35:1: Jen 28.11-17

* 35:10: Jen 32.28

* 35:12: Jen 17.4-8

* 35:15: Jen 28.18-19

kude mötnöŋ. Gi mönö nalö kewöŋe mewöyök morö azia kun kunbuk meman.”

¹⁸ Mewö jiiga morö memba kömumangö aka timotŋi mem kuŋgui ahöba qetŋi miangöra Benoni qerök. (Benoni sihimbölönaŋö nahöni) Mewö qerökmö, iwiŋan qetŋi Benjamin qerök. (Benjamin Simbawoŋ nahöni)

¹⁹ Reizölnöŋ mewö kömuiga Efrata köna töwokŋe Betlehem miangöreŋ löm kölget. ²⁰ Löm kölgetka Jeikobnöŋ mötök köt kun memba Reizölgö qaksirinöŋ kuŋguyök. Reizölgöreŋ mötök köt mi nalö kewöŋe mewöyök toroqeba kinja.

²¹ Mewö asuhuiga Israelnöŋ miri mi mosöta toroqeba anda mala Eder miri * köröŋaŋgö likeŋe aŋgota opo seri kounŋi miangöreŋ möröreŋöba kuŋguyök. Mewö. ²² *Jeikobkö saiwaurupŋi yeŋön gölme miangöreŋ tata mala nahönŋi mutukŋi Ruben yaŋön iwiŋaŋgö anömŋi bohönŋi qahö buzemenŋi Bilha yaŋöreŋ anda mohotŋe ahöyohotka iwiŋi Israelnöŋ miangö buzupŋi mörök.

Jeikobkö nahönurupŋi

1 Hist 2.1-2

²³ Jeikobkö nahönurupŋi 12 mi kewö: Leagö nahönurupŋi Ruben mi Jeikobkö nahönŋi mutukŋi. Yaŋgö andöŋe Simeon, Liwai, Juda, Isakar aka Sebulun. ²⁴ Reizölgö nahönyahötŋi qetŋiri Josef aka Benjamin. ²⁵ Bilha Reizölgö welen ambigö nahönyahötŋi mi Dan aka Naftali. ²⁶ Zilpa Leagö welen ambigö nahönyahötŋi mi Gad aka Aser. Jeikobkö nahönurupŋi mewö mi Mesopotemia (Padan Aram) gölmenöŋ asuhuget. Mewö.

Aisaknöŋ kömuyök.

²⁷ *Jeikobnöŋ anda mala Kiriati Arba (qetŋi alaŋi Hebron) miangö kösutŋe Mamre mire iwiŋi Aisaköreŋ aŋgorök. Asaŋi Abraham aka iwiŋi Aisak yetköŋ mutuk gölme miangöreŋ kian aka malohot. ²⁸ Iwiŋi Aisakö malmal nalöŋi mi yambu 180 aiga kömuyök. ²⁹ Azi namŋi aiga yambuŋan öliiga nöŋ qeba kömumba ambösakonurupŋi yeŋgöreŋ toroqeyök. Nahönyahötŋi Iso (Esau) aka Jeikob yetköŋ qamötŋi mi löm kölohot. Mewö.

36

Isogö gwölönarökurupŋi

1 Hist 1.34-36

¹ Iso qetŋi alaŋi Edom yaŋgö gwölönarökurupŋi yeŋgö qet areŋini kewö: ² Isonöŋ Keinan ambi karöbut engimeyöhi, miengö qetŋini kewö: Ada mi Hit azi Elon yaŋgö böratŋa, Oholibama mi Hiwi azi Zibeongö nahönŋi Ana yaŋgö böratŋa.* ³ Basemat mi Ismaelgö böratŋi Nebaiotkö nenni.* ⁴ Adanöŋ Isogö nahönŋi Elifaz meiga Basematnöŋ yaŋgö nahönŋi Reuel meyök. ⁵ Oholibamanöŋ Jeus, Jalam aka Kora engömeyök. Isogö nahönurupŋi mewö mi Keinan gölmenöŋ asuhuget.

⁶⁻⁷ Jeikob aka Iso yetköreŋ mirigö sömbup kambuŋi kambuŋi gwötpuk ahögeraŋgöra gölme kiana malohori, miyaŋön qahö dop kölök. Sukinapŋiran keta bölöŋki aiga mohotŋe tata malbingö osiget. (6) Miangöra Isonöŋ anömurupŋi, nahönböratupŋi aka könagesöurupŋi pakpak yaŋgö mire malgeri, mi enŋuaŋgirök. Mi enŋuaŋgita lama bulmakau kambuŋi kambuŋi,

* 35:21: der lama kambugö jegalöm meme miri köröŋŋi * 35:22: Jen 49.4 * 35:27: Jen 13.18

* 36:2: Jen 26.34 * 36:3: Jen 28.9

donki kamelurupni aka sukinap yuaini pakpak Keinan gölmenöŋ mala mi-wiknaiyöhi, mi memba munni Jeikob mosöta gölme kunöŋ anök. ⁸ Iso qetnji alanj Edom yanön mewö aka Seir gölme kundunambuk miangöŋ anda malget.

⁹ Isonöŋ Seir gölme kundunambuk miangöŋ mala Edom könagesö yengö bömön jalöŋini ahöhi, yangö gwölönarökurupni yengö qet arenjini kewö: ¹⁰ Isogö nahönurupni yengö qetjni kewö: Anömni Ada yangö nahönni qetnji Elifaz. Anömni Basemat yangö nahönni qetnji Reuel. ¹¹ Elifazkö nahönurupni 5 mi Teman, Omar, Zefo, Gatam aka Kenaz. ¹² Isogö nahönni Elifaz yangö anömni bohönni qahö memeni qetnji Timna yanön Elifazkö nahönni Amalek meyök. Isogö anömni Ada yangö isi aziurupni mi mewö. ¹³ Reuelgö nahönurupni 4 mi Nahat, Zera, Sama aka Miza. Isogö anömni Basematkö isi aziurupni mi mewö.

¹⁴ Isogö anömni Oholibama yanön Isogö nahönurupni karöbut engömeiga qetjni Jeus, Jalam aka Kora qetket. Oholibama mi Zibeongö nahönni Ana yangö böratni ahök.

¹⁵ Isogö gwölönarökurup kambuŋi kambuŋi yengö azi kembuŋini mi kewö: Isogö nahönni mutukni Elifaz yangö nahönurupni mi azi kembu qetjni Teman, Omar, Zefo, Kenaz, ¹⁶ Kora, Gatam aka Amalek. Elifazkö gwölönarökurupni azi kembu Edom gölmenöŋ asuhugeri, mi mewö. Mi Isogö anömni Ada yangö isiurupni aket.

¹⁷ Isogö nahönni Reuel yangö nahönurupni mi azi kembu qetjni kewö: Nahat, Zera, Sama aka Miza. Reuelgö gwölönarökurupni azi kembu Edom gölmenöŋ asuhugeri, mi mewö. Mi Isogö anömni Basemat yangö isiurupni aket.

¹⁸ Isogö anömni Oholibama yangö nahönurupni mi azi kembu qetjni kewö: Jeus, Jalam aka Kora. Azi kembu mi Isogö anömni Oholibama, Anagö böratni yangö nahönurupni aket. ¹⁹ Iso (Esau) qetnji alanj Edom yangö nahönurupni mewö aka yengö könagesöŋurup miengö azi kembuŋini mi mewö.

Seir könagesögö qet arenj

1 Hist 1.38-42

²⁰ Hor könagesögö azi Seir yangö nahönurupni mutuk Edom gölmenöŋ malgeri, yengö qetjni kewö: Lotan, Sobal, Zibeon, Ana, ²¹ Dison, Ezer aka Disan. Seirgö nahönurupni mi mutuk Edom gölmenöŋ Hor könagesö yengö azi kembuŋina malgetka Isonöŋ könagep kayök.

²² Lotangö nahönyahötŋi yahöt mi qetjiri Hori aka Heman. Lotangö nenni qetnji Timna.

²³ Sobalgö nahönurupni qetjni kewö: Alwan, Manahat, Ebal, Sefo aka Onam.

²⁴ Zibeon yangö nahönyahötŋi yahöt qetjiri Aia aka Ana. Anagö kösohotŋi kewö: Yanön iwiŋi Zibeongö donkiŋi gölme qararanökölkölŋe galöm köi engii nene jaruba negetka miangöŋeŋ o jeni jeni könöŋinambuk miwiknaiyök.

²⁵ Anagö nahönböratyahötŋi yahöt mi nahönni Dison aka böratni Oholibama.

²⁶ Disongö nahönurupni qetjni kewö: Hemdan, Esban, Itran aka Keran.

²⁷ Ezergö nahönurupni qetjni kewö: Bilhan, Zawan aka Akan.

²⁸ Disangö nahönyahötŋi yahöt qetjiri Uz aka Aran.

²⁹ Hor könagesöŋi könagesöŋi yengö azi kembu-urupni yengö qetjni mi Lotan, Sobal, Zibeon, Ana, ³⁰ Dison, Ezer aka Disan. Hor könagesöŋi

könagesöni yengö azi kembu-urupnini mi arenjanängö dop Seir gölmenöni mewö malget. Mewö.

Edom yengöreni kin kembu areni

1 Hist 1.43-54

³¹ Israel könagesö yengöreni kin kembu kun qahö galöm köi enjiiga qeljine nalö miangöreni kin kembu kewönan lök Edom gölme miangöreni galöm köi enjiba malget: ³² Beorgö nahönni Bela yanön Edom yengö kin kembunini ahök. Yangö sitinjangö qetji Dinhaba.

³³ Belanöni kömuiga Bozra mirigö azi qetji Jobab, Zeragö nahönni yanön Belagö salupne kin aka malök. ³⁴ Jobabnöni kömuiga Teman gölmegö azi qetji Husam yanön salupne kin aka malök. ³⁵ Husamnöni kömuiga Hadad, Bedadkö nahönni yanön salupne kin aka malök. Hadadnöni Moab gölmenöni anda Midian azi yembuk yarö gila enjuba luhut alök. Yangö sitinjangö qetji mi Awit. ³⁶ Hadadnöni kömuiga Masreka mirigö azi qetji Samla yanön salupne kin aka malök.

³⁷ Samlanöni kömuiga Saul yanön salupne kin aka malök. Yangö mirini Rehobot mi Yufreitis o töwatnjangö kösutne ahöyök. ³⁸ Saulnöni kömuiga Balhanan, Akborgö nahönni yanön Saulgö salupne kin aka malök. ³⁹ Akborgö nahönni Balhanan kömuiga Hadarnöni salupne kin aka malök. Yangö sitinjangö qetji mi Pau. Anömjangö qetji Mehetabel. I Matredgö bōratni aka Mezahabgö isini malök.

⁴⁰ Isogö gwölönarökurupni yengö azi kembu qet areni mi isikninanängö dop aka miri gölmeninjangö dop kewö ahök: Timna, Alwa, Jetet, ⁴¹ Oholibama, Ela, Pinon, ⁴² Kenaz, Teman, Mibzar, ⁴³ Magdiel aka Iram. Azi mi Edom könagesögö azi kembu-urupnina malgetka qetninanängö dop miri gölmeninjangö qetjini qetket. Edom qetni alani Iso yanön mutuk gölme memba tata mala Edom könagesögö bömön jalöni ahök. Mewö.

37

Josef aka darumunurupni

¹ Aisaknöni Keinan gölmenöni kian aka maliga nahönni Jeikobnöni miangöreni toroqeba malök. ² Jeikobkö gwölönarökurupni miengö kösohotjini kewö: Joseföni azi gwabö yambuni 17 aiga darumunurupni, iwinjangö anömyahötjini bohönjiri qahö memenji Bilha aka Zilpa yetkö nahönurupni yembuk lama aka meme (nonin) kambuni kambuni galöm köi enjiba malget. Mewö mala darumunurupnan silik akeri, miangö kösohotjini bölöni bölöni mi iwinjangö jii möta malök.

³ Jeikobnöni azi namni aiga nahönni Joseföni asuhuyöhi, miangöra iwinan i nahönurupni tosatni pakpak enjongita urunan jōpaköm wanjiba malök. Nalö kunöni maluku köröpnjini ekjeritnambuk böroni köröpnjini mi memba Josef wanjiyök. ⁴ Iwinan i darumunurupni pakpak enjongita urunan jōpaköm wanjiba malöhi, yangö darumunurupnan mi eka könahiba kazik ak wanjiba yambuk ala-alagö keunji kun qahö eraum-möta malget.

⁵ Sunjem kunöni Joseföni gaun kun eka miangö kösohotjini mi darumunurupni jiiga mötket. Mi mötketka uruninan öngöiga kazik gwötpuk ak wanjiba malget. ⁶ Kösohotjini mi kewö jiiga mötket: “Mötket, ni gaun kun ekzali, mi kewö: ⁷ Nini nupnöni mala wit padi böranini jöhöbingö tandök akzin.

Mewö ahinga nõngörej wit padi börani mianjõn wahöta kõnjep kiniga engörej böran mienjõn mõnõ nõngörej böran liliköba sököba kinje.”

⁸ Mewö jiiga möta darumunurupnan Josefköra kewö jiget: “Gi nengörej kin kembuya akanak me? Gi ölña galöm köl nenjimangöra mötzan me?” Josefñõj gaunji eka mianjõ kösohotnji jiyõhi, mianjõra yengjö urujinan kunbuk toroqeba õngõiga kazik keta bölökñi möt wangiba malget.

⁹ Mianjõ andõje gaun kun kunbuk eka mianjõ kösohotnji darumunurupni kewö jiiga mötket: “Nõjõn gaun kun ekiga mianjõrej wehõn, kõinj aka senjelau 11 mienjõn nõngöra sipköget.”

¹⁰ Kösohotnji mi iwinji aka darumunurupni jii mötketka iwinjan tembula kewö jim wangiyök: “Gi gaun tandökñi mewõnji mi denõwögöra ekzane? Ni, namgi aka darumunurupki nejõn mõnõ denõwõ aka göhörej kaba jemesoholge simin köla gölmenõj bamgöbinak?” ¹¹ *Mewö asuhuiga darumunurupnan urujinan mututqutut (jelõs) möt wangiba malgetmõ, iwinjan keu mi uru kõnõmje ali ahõiga mötmõriba malök. Mewö.

Josef bohõnji memba wangita Ijpt gölmenõj anget.

¹² Nalõ kunõj Josefkö darumunurupni yejõn iwinjanngörej lama kamburupni galöm köl engibingöra Sekem miri kösutje anda malget. ¹³ Mianjõrej malgetka Israelnõj Josef kewö jii mörök: “Nahõni, göhö darumunurupkan Sekem kösutje lama kambunini galöm köl engiba maljei, mi mötzan. Ölöp kanõnga melaim gihibi yengörej anman. “Mewö jiiga möta “Ölöp anmam,” jiyök.

¹⁴ Jiiga kewö jii mörök: “Gi mõnõ anda darumunurupki aka lama kambunini engeka denõwõ maljei, mianjõ keu kösohotnji mi memba lilingõba kaba jinõnga mötmam. “Mewö jii möri Hebron õruneyök (ruerueyök) melaim wanggiiga anda mala Sekem gölmenõj angorök.

¹⁵ Sekem gölmenõj angota gölme kõrõje kõna jaruba lañ anda maliga azi kunjan miwikñaiba eka kewö qesim wangiyök: “Gi wani yuaia jaruba maljan?”

¹⁶ Qesim wanggiiga kewö melenjök: “Ni darumunurupni yengöra jaruzal. Yejõn denikeangörej mala lamaurupni galöm köl engizei, mi ölöp jinõnga mötmam.”

¹⁷ Mewö melenjiga kewö jiyök: “Yejõn lõk gölme ki mosõta anget. Dotan mire anbingöra jigetka möral. “Mewö jiiga möta darumunurupni yengö kõnanjine enquatangõba mala Dotan miri kösutje anda miwikñaim engiyök.

¹⁸ Miwikñaim engiba kösutjine qahõ angorõkmõ, tikep endu kaiga darumunjan i eka tokoba Josef qebingõ angõnan alget. ¹⁹ Angõnan ala nanjinök kewö eraum-mötket: “Eket, gaun ehok azi mianjõn mõnõ endu kaza. ²⁰ Ayop, mõnõ kagetka anda qein kõmuiga qamõtñi o lõmñi kunõj gilin geiga kewö jibin: ‘Sõmbup kalñan mõnõ i qei kõmuyök.’ Gaunjanjõ ölñan denõwõ asuhumawi, mi mõnõ mianjõ andõje ekin.”

²¹ Mewö eraum-mötketka Rubenõj mi möta Josef börõjneyök meköba malmalñi jöhõmangöra möta kewö jiyök: “I mõnõ kude qeinga kõmuma.”

²² Toroqeba kewö jii mötket: “Sepñi mõnõ kude mokome. Gölme qararankõlõlje o lõm ki kinjawi, i ölöp mianjõrej gilgetka gemapmõ, börõjnan mõnõ yanjõ silerje kude misiriba geme. “Rubenõj Josef

* 37:11: Apo 7.9

böröñneyök meköba angön köla waŋgita iwiŋaŋgöreŋ liliŋgöba anbitköra möta keu mewö jiyök.

²³ Mewö jii möta kingetka Josefnöŋ darumunurupñi yengöreŋ kaŋgorök. Kaŋgoriga malukuñi köröpñi ekjeritŋambuk böröñi köröpñi wöta kayöhi, mi laŋ öröba munjurata qeköget. ²⁴ Mi qeköba munñini qeraköba memba anda o lömnöŋ gilgetka geyök. O löm mi onji qahöpmö, gwamönña kinök.

²⁵ Mewö aka nene nemingö eta tatket. Eta tata jenini uget aniga Ismael könagesögö kölköl-örörö azi tosatŋan Gilead miri mosöta kamelñini totnöŋ totnöŋ al engiba awataŋ kagetka engeket. Yeñön kamel qakñine gipmi bakötök, sile mirimirigö kelökñi aka marasin ip tokuñi qetñi mör gipit mi algetka bisiba Ijpt kantrinöŋ anbingöra kaget.

²⁶ Mewö engeka Judanöŋ darumunurupñi kewö jii mötket: “Nini munini qein kömuiga sepŋaŋgö keuñi köyataba asambötpin ewö, mianjön mönö denöwö bauköm neŋgibawak? ²⁷ Yanjön nanini munini aka nanini sepkitipnini akzawaŋgöra mönö böröñinan silenje kude misiriba qebinmö, ölop kagetka anda Ismael azi mienjön i söŋgöröŋi memegöra engibin. “Mewö jiuga darumunurupñan mi möta urumohot aka imbi kölget.

²⁸ *Mewö aketka Midian gölmege Ismael könagesögö kölköl-örörö azi mienjön kaba kaŋgota engoŋgitpingö aket. Mewö aketka munñini Josef mi o lömnöhök öröget koriga silwö kötñi 20:nöŋ söŋgöröŋi memegöra al waŋgiget. Al waŋgigetka Ismael azi mienjön i bohonñi memba waŋgita Ijpt kantrinöŋ anget.

²⁹ Angetka Rubenöŋ kungenök liliŋgöba o lömnöŋ kaiga Josefnöŋ mianjöreŋ kunbuk qahö kiniga eka wösöñi juliga wösöbirikñi kondela malukuñi munjararök. ³⁰ Malukuñi munjurata munurupñi yengöreŋ liliŋgöba kaba kewö jiyök: “Morö gwabönöŋ mönö denike ayapköba sohoza? Ye! Mianjögö keuñan nöŋgö qakne öŋgöiga mönö denöwö akilenjak?”

³¹ Mewö jiuga meme (noniŋ) aziñi kun memba qeget kömuiga Josefköreŋ malukuñi memba meme mianjögö sepŋan kundungöba membiliget. ³² Membiliba malukuñi köröpñi ekjeritŋambuk böröñi köröpñi mi memba mire anda iwiñi kondela kewö jiget: “Nini ki miwikñaizin. Mi nahöŋgi Josefköreŋa me qahö, mi ölop ek kewötman.”

³³ Mewö jigetka ek kewöta kewö jiyök: “Ki mi nahönaŋgöreŋ malukuya. Sömbup kalñi kunñan mönö yaijapaleleŋ qei kömuiga gwahörök. Ölna, Josef mi yöhöqöhötiiga boromborom ahök.” ³⁴ Mewö jiba amburereŋ aka wösöbirikñi kondela malukuñi munjurata silenji gölmenöŋ membiliba nahönŋaŋgö nalö köröpñi jinjeŋ köla sahöta malök. ³⁵ Mewö maliga nahönbörataturupñi pakpak yeñön kaba urukölalep mem waŋgibingö aketmö, yanjön mi qetala tököba urukondumök möta kewö jiyök: “Qahö! Nöñön mönö jinjeŋ köla sahöta mala kömumba ujem mire nahönaŋgöreŋ gemam. “Mewö jiba Josefköra sahöta malök.

³⁶ Mewö maliga nalö mianjöreŋ Midian gölmege kölköl-örörö azi yeñön Josef waŋgita Ijpt kantrinöŋ angota bohonñi memegöra algetka Farao kinjögö jembonñi kun qetñi Potifar, kinjögö malmalŋaŋgö sikiriti yengö suahö galömnina malöhi, yanjön i söŋgöröŋi meiga welenqeŋeñi omani ahök. Mewö.

¹ Nalö mianğörej Judanöj darumunurupji engömosöta yagömanje Adulam mire geba azi kun qetji Hira yambuk tata malök. ² Mianğörej mala Judanöj Keinan azi kun qetji Sua yangö bōratji eka anömña meiga mohotje ahöyohot. ³ Mohotje ahöyohotka anömñan gölöm ala morö nahön memba qetji Er qerök. ⁴ Mewö qeta kunbuk gölöm ala morö nahön kun memba qetji Onan qerök. ⁵ Mianğö bapne dumje kunbuk morö nahön kun memba yangö qetji Sela qerök. Morö nahön mi Kezib mire mala mianğörej meyo.

⁶ Mewö malgetka Judanöj nahönji mutukji Er yangöra ambi kun qetji Tamar wanjiiga anömña ahök. ⁷ Anömña ahökmö, Judagö nahönji mutukji Er yanön Kembugö jeje bölöni aka memba malöhi, mianğöra Kembunöj jim teköm wanjiiga kömuyök. ⁸ Kömuiga Judanöj nahönji Onangöra kewö jiyök: “Gi ölop datkahö malöni memba qambötji akzanangö köna keunji wuatangöba yambuk ahöba datkahöra gwölönarök qiwikñaiman.”

⁹ Mewö jiyökmö, Onanöj gwölönarök mi yangö bujaya qahö akñawi, mewö möta silik kewö aka malök: Datñangöra gwölönarök qiwikñaiabapüköra yangö anöm malöñambuk ahöba malöhi, nalö mianğörej nalö dop morö qiwiqiwikñaiğö sile onji mi öne gölmenöj qokoba malök. ¹⁰ Silik mewö aka malöhi, mi Kembugö jeje bölöni ahök. Mianğöra Kembunöj i mewöyök jim teköm wanjiiga kömuyök. ¹¹ Kömuiga Judanöj iranji Tamargöra kewö jiyök: “Gi mönö iwigahö mire lilingöba anda malöya mala malnonga nahöni Selanöj qariba ketanji akagun gi gömima. “Kenğötji kewö mötmöriba mewö jiyök: Selagö datyahötñan kömuyohotka yanön mianğö dop mala mewöyök kömumbapuk. Mewö mötmöriba Tamargöra jiiga iwinangö mire lilingöba anda mianğörej tata malök.

¹² Mianğörej tata maliga nalö köröpji teköiga Suagö bōratji, Judagö anömñi yanön kömuyök. Kömuiga jingen köla sahöta mali teköiga Judanöj miri gölme qetji Timna mianğörej azi tosatñan nanji lamaaurupji yengö jupñini mitigeri, i engekñangöra öngöyök. Adulam mirigö azi alañi Hira yambuk mohotje mianğörej öngöyohot. ¹³ Öngöyohotka Tamargöra buzup kewö jigetka mörök: “Mötnöj, göhö azi irangan mönö lamaaurupji yengö jupñini mitimangöra aka Timna miri gölmenöj anja.”

¹⁴ Mewö jigetka mörök. Judagö nahönji Selanöj lök qariba ketanji aiga tōndup i anömñi akñapköra qahö wanjiyök. Mianğöra Tamarnöj malö malmangö malukuñi qeköba nörop kawöseñöñ nörop jeñi esuhuba turum anğuyök. Mewö aka Timna anangö könanöj anda taon qetji Enaim mianğörej angota kiripo nanju kösutje tarök.

¹⁵ Tariga Judanöj kaba eka jemesoholji esuhuyöhangöra i qahö ek kutuba mi köna ketanji ambia mewö mötmörüyök. ¹⁶ Iranña taröhi, mi qahö möt kutuyöhangöra aka köna jitje yangörej anda kewö jiyök: “Ölop kanönga nöñon göbuk ahöbit. “Mewö jiiga möta kewö qesiyök: “Nömbuk ahömanağö töwanji mönö wani yuaia ninğiman?”

¹⁷ Mewö qesiiga kewö jiyök: “Ni nani kambunöhök meme moröñi gwaböñi kun albi göhörej kama. “Mewö jiiga kewö qesiyök: “Mi mutuk qahö kaba kanğoriga keugahö ölni akñawangö yuai kun mi ninğiman me qahö?”

¹⁸ Mewö qesiiga kewö jiyök: “Nöngö keunangö ölni akñawangö yuai kun mi mönö wani yuaia gihibileñak?” Mewö jiiga kewö meleşnök: “Köpep supapkan qetki mekötahömakzani, mi, mianğö kösö wötñi aka öröpki böroğan memba kinjani, mönö mia ninğiman. “Mewö meleşniga yuai mi wanğiba yambuk ahöiga gölöm alök. ¹⁹ Yambuk ahöba wahöta mirine anda nörop

kawöseñj lulunja qeköba malö malmamgö malukunji mi kunbuk löngöta malök.

²⁰ Mewö maliga Judanöñ nalö kunöñ Adulam mirigö azi alanji Hira melaiba kewö jiyök: “Gi mönö meme (noniñ) moröñj gwaböñji memba anda ambi mi wanjinöñga nöngö keuanjö ölnji akñawanjö yuainji mi melenji gihijiga memba kaman. “Nup mewö memapköra Hira melaiba anökmö, Hiranöñ ambi mi qahö miwikñaiyök. ²¹ Qahö miwikñaiba Enaim azi tosatñji kewö qesim enggiba jiyök: “Jöwöwöl jikegö köna ketanji ambinöñ Enaim kianjöreñ köna görañje taröhi, mi denike?” Mewö jiiga kewö melenja jiget: “Ambi mewöñji kun mi kianjöreñ qahö malök.”

²² Mewö jigetka Hiranöñ öne lilingöba Judagöreñ kaba jiyök: “Nöñön anda ambi mi qahö ehal. Miri mianjö toñji yeñön mewöyök keu kewö jigetka möral: ‘Jöwöwöl jikegö köna ketanji ambinji kun mi kianjöreñ qahö malök.’”

²³ Mewö jiiga Judanöñ kewö jiyök: “O alani, muat! Yanñon yuai mi ölop memba malma. Yuai kun akirak, mönö gön köl netkigetka gamunöñ turum netkibapuk. Nöñön meme moröñji gwaböñji ki mi ölop albiga anökmö, göñön ambi mi qahö miwikñainöñ.”

²⁴ Mewö jiiga köinj karöbutkö dop teköiga tosatñjan Judagöra buzup keu kewö jigetka mörök: “Göhö irangi Tamarnöñ mönö serowilin aka gölöm ala malja. “Mewö jigetka Judanöñ mi möta Mosesgö köna keugö dop jimkutukutu kewö alök: “I mönö wanjita örörahöba könöpnöñ gilgetka geba jema.”

²⁵ I wanjita örörahöba angetka iranñan Judagöra keu kewö aliga anök: “O irani, yuai kiengö toñjan mönö nömeiga gölöm ala maljal. Mianjöra köpöp supap ki, mianjö kösö wötnji aka öröp ki mönö ek kewöta toñji miwikñaiman.”

²⁶ Keu mewö ali aniga möta nanñi yuainji mi ek kewöta kewö jiyök: “Yanñon keu mi ölnja jiza. Nöñön i nahöni Selagö anömñji akñapköra qahö wanjal. Mianjöra yanñon mönö ni noñgita ambi dinqinji aka keu mi jiza. “Mewö jiba ambi miambuk kunbuk qahö ahöyök.

²⁷ Könanjep morö memamgö nalöñan kam kunjuiga morö gösöñanjö uruñje siwisiwi azi moröñji yahöt tarohot. ²⁸ Tarohotka morö memamgö aiga kunöñ böröñji suluiga erök. Eriga anjö meme ambinöñ mi eka möt kösö pisikñji pötpöt memba böröñje jöhöba kewö jiyök: “Yanñon mutuk asuhuza.”

²⁹ Mewö jiyökmö, morö mianñon böröñji kunbuk öröi öngöiga alañan mutuk asuhuyök. Yanñon asuhuiga anjö meme ambinöñ kewö jiyök: “O mönö mewö aka könagi munjurata asuhuzan. “Mewö jiiga qetñji Perez qetket. (Perez Könanji munjurata.) ³⁰ Mianjö andöñje alañanjö böröñje möt kösö pisikñji pötpöt ahöyöhi, yanñon asuhuiga qetñji Zera qetket. (Zera pisikñji pötpöt) Mewö.

39

Josef aka Potifargö anömñji

¹ Nalö sutñje mianjöreñ Ismael könagesögö kölköl-örörö azi yeñön Josef wanjita Ijpt kantrinöñ anjota bohonñi memegöra alget. Algetka Ijpt azi kun qetñji Potifar, Faraö kingö jembonñji kun aka malmalñanjö sikiriti yeñjö suahö galömñina malöhi, yanñon i söngöröñji meiga welenqeqeñji omanji ahök.

² Mewö aka maliga Kembunöñ Josefpuuk kiniga yuai pakpak aka memba malöhi, mianjöreñ mönö töhötmöriam miwikñaiyök. Yanñon toñji Ijpt azi yanjö mire malök.* ³ Mewö maliga Kembunöñ Josefpuuk kinda kondot wanjiiga

* 39:2: Apo 7.9

yuai pakpak böröŋan memba malöhi, mianön mönö töhötmöriamŋambuk ahök. Mewö aiga toŋan mi ehök. ⁴ Toŋan mi ehi ölop dop köliga yaŋgö jeŋe eksihim miwikŋaiiga jiiga nanŋi malmalŋaŋgö galömŋi ahök. Potifarnöŋ Josef kuŋgum waŋgiiga miriŋaŋgö yuai pakpak galöm köliga sukinaŋ buŋaŋi pakpak yaŋgö böröŋe aliga köyan köla malök. ⁵ Miriŋaŋgö yuaiŋi aka sukinaŋ buŋaŋi mi pakpak Josefŋöŋ galöm kölmapaköra böröŋe ala malöhi, Kembunöŋ nalö mianŋgörenök könahiba Ijpt azi mianŋgö miri yuaiŋi mi Josefköra aka kötuetsköba malök. Potifargö miriŋe aka nupŋe öröyuaiŋi pakpak ahöyöhi, mi mönö kötümötuet qakŋe ahöyök. ⁶ Mewö ahöiga Potifarnöŋ öröyuaiŋi ahöm waŋgiyöhi, mi pakpak Josefkö böröŋe al teköba kinda nanŋak i me wai mianŋgö waimanŋatŋi kun qahö mörök. Yaŋön nene nemangöra mohot mötkurumkurum aka malök. Josefkö silenŋi öndölböndöl qariiga kaisoŋgoloŋan eksihimŋambuk ahöiga malök.

⁷ Mewö maliga nalö tosatŋi teköiga Potifargö anömŋan Josef eka eksihimŋi möta kewö jiyök: “Gi mönö kanöŋga nömbuk ahöbit.”

⁸ Mewö jiyökmö, yaŋön mi tököba toŋaŋgö anömŋi kewö jii mörök: “Qahö! Mötnöŋ, toni nanŋak miriŋe öröyuai ahözawaŋgö waimanŋatŋi qahö ahakzapmö, sukinaŋ buŋaŋi pakpak mi mönö nöŋön galöm köla malmangöra nöŋgö böröŋe al teköiga ahöza.

⁹ Mewö ahöiga miri kianaŋgö uruŋe i aka ni netkö kukösumniran mönö öröröŋ ahöza. Göŋön anömŋi akzanaŋgöra gi aŋgön kölmö nŋiyökmö, yuai tosatŋi kun mi nöŋgöra qahö aŋgön kölmö. Mianŋgöra nöŋön denöwögöra aka ahakmeŋe bölöŋi kötökŋi mewöŋi mi aka mianön Anutu qetala singisöndok akilenak?”

¹⁰ Mewö jii möta keu mewöŋi mi wehön dop Josefköra jiba malökmö, yaŋön töndup mi qetala mala yaŋgö ahöahö dumnöŋ anda yambuk ahöbitkö imbi qahö kölmö. Mewö yambuk mohotŋe malbitkö mewöyök tököyök.

¹¹ Mewö tököba maliga wehön kunöŋ mirigö welenqeŋeurupŋi yeŋgörenök kunŋan miri uruŋe qahö maliga Josefŋöŋ nupŋi jijiŋi memangöra miri uruŋe öŋgöyök. ¹² Öŋgöiga ambi mianön Josefkö malukuŋe qelanjiba memba kewö jiyök: “Gi mönö kanöŋga nömbuk ahöbit. “Mewö jiyökmö, Josefŋöŋ malukuŋi mi yaŋgö böröŋe mosöta ölöŋ köla diŋdiŋgöba sombemnöŋ silenŋe erök. ¹³ Malukuŋi yaŋgö böröŋe mosöta ölöŋ köla sombemnöŋ eröhi, ambi mianön mi ehök.

¹⁴ Mi eka mirigö welenqeŋeurupŋi eŋgoholi kagetka yeŋgöra kewö jiyök: “Mötket, apnan Hibru azi mi waŋgita mirinine kayöhi, yaŋön mönö göngönahit ak neŋgiba malja. Yaŋön nömbuk ahöbitköra nöŋgören kotzapmö, nöŋön qet gigilahözal. ¹⁵ Qet gigilahöbiga möta malukuŋi nöŋgö wösöne mosöta ölöŋ köla diŋdiŋgöba silenŋe geza.”

¹⁶ Mewö jiba Josefkö malukuŋi kösutŋe ali ahöi Josefkö toŋan liliŋgöba kamapkö mamböta tari kayök. ¹⁷ Kaiga kösohotŋi mewöyöhök jii möriŋa kewö jiyök: “Hibru welenqeŋe azi mi waŋgitnöŋga neŋgören kayöhi, yaŋön mönö nömbuk göngönahit akŋamgöra nöŋgören kotza. ¹⁸ Kotzapmö, nöŋön qet gigilahöbiga möta malukuŋi nöŋgö wösöne mosöta ölöŋ köla diŋdiŋgöba silenŋe geza.”

¹⁹ Mewö jiiga Josefkö toŋan anömŋan kösohot mewö jii möriŋa kewö jiyök: “Göhö welenqeŋegan mönö mewö ak nŋigiza. “Mewö jii möta irimŋi sehohiiga uruŋi könöp jeyök. ²⁰ Uruŋi könöp jeiga jiiga Josef memba Farao kiŋgö kösö mirinöŋ azi galöm kölmö eŋgiba malgeri, mönö kösö miri mianŋgören

alget geba ahöba malök. ²¹ Josefnöj kösö miri miangörej malökmö, Kembunöj Josefpuk kinda kötuetköba ak kömum wanjiba mali kösö mirigö galöm bohonjan mi eka yangöra eksihim mörök.* ²² Eksihim möröhanjöra azi pakpak kösö mire tatkeri, mi Josefnöj galöm köl engimapköra yangö böröje al enjyök. Yuai pakpak miangörej aka memba malgeri, mi Josefnöj jim kutum enjyöhanjögö dop aka memba malget.

²³ Kembunöj Josefpuk kinda kötuetköm wanjiba kondoriga yuai pakpak aka memba malöhi, mi töhötmöriamnjambuk asuhuba ahöyök. Miangöra kösö mirigö galöm bohonjan Josefnöj yuai pakpak denöwö galöm köla jim kutum enjiba malöhi, miangö waimanjatnji kun qahöpmahöp möta malök. Mewö.

40

Josefnöj azi yahöt yetkö gaunjirañgö könanji jiyök.

¹ Nalö tosatnji teköiga Ijiptkö kin kembunanjög wain o qambigö galömni aka bered ohohogö galömni yetkön ketanjamjiri Ijiptkö kinj qetala köna singiyohot.

² Mewö ahotka Farao kinñöj jembonji yahöt, wain o qambigö galömni bohonji aka bered ohohogö galömni bohonji yetköra aka irimni seholiyök.

³ Irimni seholiiga jiiga etkuangita kinjög malmalñangö sikiriti yengö suahö galömniñangö kösö mire yangö böröje al etkigetka geyohot. Josefnöj kösö miri miangörejök malök. ⁴ Sikiriti yengö suahö galömniñan Josef jim kutum wanjiiga i welen qem etkiba malök. Mewö maliga nalö tosatnji toroqeba kösö mire malget.

⁵ Mewö mala malgetka Ijipt kinjög wain o qambigö galömni aka bered ohohogö galömni yetkön sunjem mohot miangörejök gaunjiri inanjök inanjök ehot. Gaunjirañgö könanji mi inanjök inanjök. ⁶ Mi ehotka Josefnöj sönanöhök yetkörej öngöba etkehi urueret aka bosoliba tarohot.

⁷ Mewö tarohotka Farao kinjög jembon yahötñi yetkön Josefkö ketanjamñangö kösö mire yambuk mohotñe tarohori, i kewö qesim etkiyök: “Injiri merak denöwögöra jemesoholñiri wösöbirikjeje uba tatzahot?”

⁸ Qesim etkiiga kewö melenja jiyohot: “Niri nanjök nanjök gauniri ekzitmö, mietkö könanjiri mi danjön jii mötpirak?” Mewö jiyohotka Josefnöj kewö jiyök: “Anutunöj mönö gaungö könanjini jiji Tonj akzapmö, ölop töndup gaunjiri jiyohotka mötmam.”

⁹ Mewö jiiga wain o qambigö galöm bohonjan gaunji ehöhi, miangö kösohotñi mi Josef kewö jii mörök: “Nöjön gauni urunje wain ip kun mi nöngö wösöne kiniga ekzal. ¹⁰ Wain ipkö böröñi karöbut kingetka könahiba sötni jula kota kunjuzawi, nalö miangörejök juranji kota tuliga kanjenji kanjenji asuhuba öligetka ölnanjög kötni pisihize. ¹¹ Pisihigetka ni Farao kinjög qambinji mi börönan memba kinda ölnanjög kötni memba mözöhölbiga onji Farao kinjög qambinöj geiga kinjög böröje aljal.”

¹² Mewö jii möta Josefnöj kewö jii mörök: “Gaungahö könanji mi kewö: Ip böröñi karöbut mi wehön karöbutkö söpsöpñi akza. ¹³ Wehön karöbut teköiga Farao kinñöj göhö nöörpki mem wahöta pösat gihiba kunbuk nupke al gihima. Gi mutuk yangö wain o qambigö galömña mala qambi Farao kinjög böröje ala malnöñi, miangö dop mönö kunbuk aka malman.

¹⁴ Mewö malmanmö, sösoñgai qakñe malmani, nalö miangörej mönö ni mötmöriba ak kömum niñgiba nöngö kösohotni Farao kinjögöra jinönga mötma.

* 39:21: Apo 7.9

Mewö aka baukôm ninginöŋga kôsö miri ki mosöta etpilenak. ¹⁵ Mötnöŋ, ni Hibru könagesögö gölmenöhök ösum-mumu qakŋe yonŋorö noaŋgitketka kaba kiaŋgöreŋ mewöyök yuai bölöŋi kun kôsö miri kiaŋgö dutŋe al ningigeranŋö dop mi qahö ahal.”

¹⁶ Joseföŋ mewö jii möriga bered ohohogö galöm bohonnaŋ alanaŋgö gaunŋanŋö könäŋi ölöŋŋi jim asariyöhi, mi eka kewö jii mörök: “Nöŋön mewöyök gauni ekiga mianŋöreŋ bered künde karöbut nöŋgö nööröŋne kunduta kazal. ¹⁷ Kaba künde qakŋe eu tatzawi, mianŋöreŋ bered yuai nahömninambuk könäŋi könäŋi Farao kiŋgöra ahözapmö, neiŋi neiŋi yeŋön kaŋgota künde kunduta kazali, mianŋöreŋök mi nem teköze.”

¹⁸ Mewö jii möta Joseföŋ kewö melenŋa jiyök: “Gaungahö könäŋi mi kewö: Künde karöbut mi wehön karöbutkö söpsöpŋi akza. ¹⁹ Wehön karöbut teköiga Farao kiŋnöhöŋ jiiŋa lingipnöhöŋ geriba qetohom gihiba nööröpki aka qamötki mem wahöta ipnöhöŋ möndögetka neiŋi neiŋi yeŋön kaŋgota busugi nem teköme.”

²⁰ Mewö melenŋa jiiŋa wehön karöbut teköiga Farao kiŋgö ahuahü nalöŋan kam kuŋguiga jembonurupŋi pakpak i nene lömbuan ohoba enŋiyök. Mi ohoba enŋiba wain o qambigö galöm bohonnaŋi aka bered ohohogö galöm bohonnaŋi yetkö nööröpŋiri mi jembonurupŋi yeŋgö jeŋine memba wahörök. ²¹ Wain o qambigö galömnian mutuk nupŋi memba malöhi, mi toroŋeba memapköra kuŋgum wanŋiiga dumŋe kunbuk qambi mi Farao kiŋgö bööröŋe ala malök.

²² Mewö malökmö, kiŋnöhöŋ bered ohohogö galöm bohonnaŋgö keuŋi jim teköiga Joseföŋ gaunŋiranŋö könäŋi jii mörohoranŋö dop i lingipnöhöŋ eriba qetohoba nööröpŋi aka qamötki mi mem wahöta möndöget. ²³ Mianŋö andöŋe wain o qambigö galöm bohonnaŋ Josef qahö mötmörim wanŋiyökmö, i ölum qeiga laŋ malök. Mewö.

41

Kiŋnöhöŋ gaunŋi ehiga Joseföŋ könäŋiri jim asariyök.

¹ Yambu yahöt teköiga Farao kiŋnöhöŋ gaun kun kewö ehök: Yaŋön Nail o töwatŋanŋö göraŋe kiniga ² bulmakau döŋŋi 7 ölöŋ sorokŋi kelök busuŋinambuk mi o töwatŋi mianŋöreŋök kota jejepözan sutŋine kinda tembam keuqan neget. ³ Mienŋö andöŋine bulmakau tosatŋi 7 sihitqarambuŋinanök kaisongolomŋini piromŋi mi o töwatŋi mianŋöreŋök kota bulmakau mutukŋi mienŋö kösutŋine anda o töwatŋanŋö göraŋe kinget. ⁴ Bulmakau piromŋi sihitqarambuŋinanök mienŋön bulmakau döŋŋi ölöŋ sorokŋi kelök busuŋinambuk 7 mi gwahöt enŋiget. Farao kiŋnöhöŋ gaun mi eka mianŋöreŋök imbiŋi möta wahörök. ⁵ Wahöta gaunŋanŋö kunbuk möta gem anda ahöba gaun kun kewö ehök: Wit padi ip mohotkö kembraŋe ölni kötni ketanŋi ketanŋi kaŋŋenambuk 7 ölöŋ kötökŋi mi loŋkam gili eta kinget.

⁶ Mienŋö andöŋine ölni kaŋŋenambuk 7 mi kunbuk loŋkam gili eta kingetka gölme qararaŋkölkölnanŋö luhut könöpŋan mi enŋohotiriiga soholiba gilipitŋi (ambetakŋi) aket. ⁷ Ölni morömorö kaŋŋenambuk mi ölni kaŋŋenambuk kötni ketanŋi ketanŋi kuŋgukuŋguŋi mi gwahöt enŋiget. Farao kiŋnöhöŋ mianŋöreŋök imbiŋi möta wahöriŋa ölni qahöpmö, mi gauna ahök.

⁸*Miri asariŋa Farao kiŋnöhöŋ gaunŋanŋö mötkurumkurum möta Ijpt kantrigö tiripqözölqözöl aka mötkutukutu azi pakpak öröm enŋii yanŋö jemesoholŋe

* 41:8: Dan 2.2

kanġotket. Kanġotketka gaun ehöhanġo kösohotni mi jii mötketmö, körek yejñon gaunjanġo könanjiri mi Farao kinġöra jim asaribingö osiget.

⁹ Osigetka wain o qambigö galöm bohonjan kinda Farao kin kewö jii mörök: “O kin, nöñon köna sinġiali, mianġo keujan döлки urune kanġoriga mötmörizal. ¹⁰ Nalö kunöñ Farao kinñonñ jembonurupñi neñġöra aka irimñi sehohliiga nömemba malmaljanġo sikiriti yeñġo suahö galömjjanġo kösö mire al ningiyök. Ni aka bered ohohogö galöm bohonñi mi nömbuk nanñi kösö miriñe al netkiiga tarit.

¹¹ “Mianġoreñ tata mala netkön sunġem mohot mianġoreñök gauniri inanñök inanñök ehit. Gauniranġo könanji mi inanñök inanñök. ¹² Gauniri ekziga Hibru azi gwabö kunöñ mianġoreñ netpuk malök. Yanñon sikiriti yeñġo suahö galömjjanġo welenqeqeñi maliga niri gauniri yanġöra jizi mörök. Yanñon gauniranġo könanjiri mi inanñök inanñök jim asarim netkiyök. ¹³ Könanjiri jii möriranġo dop ölni mönö törörök kewö asuhuyök: Nöñon nupni mutuk memba malali, Farao kinñonñ ni nup mianġoreñ kunbuk al ningiyökmö, alani bered ohohogö galömjjanġo keunji jim teköiga linġipnöñ eriba qetohoba nöörpñi aka qamötki mi mem wahöta möndöget.”

¹⁴ Mewö jiiga Farao kinñonñ möta Josefnöñ jemesoholñe kanġotmapköra jim kutuba tosatñi melaim enġiiga anda kösö mirigö dutneyök zilan wanġita kaget. Kagetka jiiga nöörp jupñi mitigetka opo malukuñi uteköba Farao kinġo jemesoholñe kanġorök. ¹⁵ Kanġoriga Farao kinñonñ Josefköra kewö jiyök: “Nöñon gaun kun ekiga körekan mianġo könanji jibingö osizemö, kunöñ göhö könagi kewö jiiga mötzal: ‘Kunjan göhöra gaunñi jii möta göñon mianġo könanji ölop jim asarimakzan.’ ”

¹⁶ Mewö jiiga Josefnöñ Farao kinġöra kewö melen wanġiyök: “O Farao kin, nöñon qahöpmö, Anutunöñ mönö gaungahö könanji jim asariba keu ölopnji gihüiga urugan ölowakña.”

¹⁷ Mewö melen wanġiiga Farao kinñonñ kewö jiyök: “Nöñon gauni ekzali, mianġo urune nanak Nail o töwatjanġo görañe kinjal. ¹⁸ Mianġoreñ kinbiga bulmakau dömnji 7 ölop sorokñi busuñini kelökñinambuk mi o töwatñi mianġoreñök kota jöjöpözaj sutñine kinda temban keuqan zeze. ¹⁹ Mienġo andöñine bulmakau tosatñi 7 sihitqarambuñinanök kaisoñgolomñini piromñi kötökñi mi o töwatñi mianġoreñök kotze. Nöñon bulmakau bölöñi kötökñi mewöñi mi nalö kunöñ Ijpt gölme pakpak kianġoreñ qahö enġehal. ²⁰ Bulmakau sihitqarambuñinanök kaisoñgolomñini piromñi mierñon bulmakau dömnji busuñini kelökñinambuk 7 mutuk kotzei, mi gwahöt enġize.

²¹ “Mi gwahöt enġizemö, mi töndup kaisoñgolomñinan gwahöt enġizeanġo dop utekutek qahö aiga enġezalmö, mutuk kaisoñgolomñinan piromñi kötökñi kota kinjei, yeñon mewöñanök tok kinje. Ni gaun mewö eka imbini möta wahötzal. ²² Wahöta kunbuk ahöba gaun kun kewö ekzal: Wit padi ip mohotkö kembane ölni kötnji ketanji ketanji kanġenjinambuk 7 ölop kötökñi mi lonkam gili eta kinje.

²³ “Mienġo andöñine ölni kanġenjinambuk tosatñi 7 mi sötnji jula kota lonkam gili eta kinġetka gölme qararanġölkölnjanġo luhut köñopñan mi enġohotiriiga sohohiba moröñi aka gilipitñi (ambetakñi) akze. ²⁴ Ölni morömorö gilipitñi kanġenjinambuk mi ölni kanġenjinambuk ölop sorokñi mi gwahöt enġize. Nöñon gaun yahöt mi eka tiripqözöloqözöl aziurupni jibi mötzemö, yeñon körek mietkö könanjiri jim asarim ninġibingö osize.”

²⁵ Farao kiñnõj mewõ jiiga Josefñõj keu kewõ jiyõk: “O Farao kiñ, gõhö gaunyahõtki mietkõ kõnanjiri mi mohok akza. Anutunõj yuai kõnanjep akñamgõ mötzawi, yanõn mi Farao kiñ gõhöra indelja. ²⁶ Bulmakau dömjõ 7 ölop sorokñi mi yambu 7:gõ söpsõpñi akze. Wit padi öljõ kanjeninambuk ölop kötõkñi 7 mi mewõyõhök yambu 7:gõ söpsõpñi akze. Kõnanjiri mi örõrõj aka mohok akzahot.

²⁷ “Bulmakau sihitqarambuñinanõk kaisõngolomñini piromñi 7 kõnanjep kotzei, mi yambu 7:gõ söpsõpñi akze. Wit padi öljõ kanjeninambuk 7 gölme qararanjõlkõlñanõgõ luhut kõnõpñan enjohotiriiga soholiba gilipitñi (ambetakñi) akzei, mi bödi (buörõ) malmalgõ yambu 7 miangõ söpsõpñi akze. ²⁸ Anutunõj yuai kõnanjep akñamgõ mötzawi, yanõn mi gõhöra indela kon-delja. Farao kiñgõra keu dölkõ mewõ jizali, mi mönõ mewõgõra aka jizal. ²⁹ O kiñ, yambu 7:gõ dop nene möriam keta bölõkñi asuhuba Ijpt gölme pakpak dop kõla ahõma.

³⁰ “Mi ahõmapmõ, yambu 7 miengõ andõjine bödigõ yambu 7 asuhuba ayuayuhu ketanji kondoriga Ijpt kantrinõj bölõma. Mianjõn asuhuiga nene möriam mutuk Ijpt gölmenõj ahõyõhi, mi gölme dop yejõn ölum enjum tekõma. ³¹ Bödi mi kõhöikñi kötõkñi ahõmawangõra aka gölme dop ambazip yejõn nene möriamgõ yambuñi 7 mutuk Ijpt gölmenõj ahõyõhi, miangõ keunji mi kunbuk qahõ möta malme. ³² Anutunõj gaun kõnanji mohot mi indimñi yahõt gihii ekzani, mi kõnanji kewõgõra: Anutunõj keu mi lõk jõhöba jim kõhöiba alõk. Mi jim kõhöiba alõhi, miangõra mianjõn mönõ zilanj asuhuma.

³³ “Miangõra Farao kiñ gõjõn ölop mötkutukutu azi kun keu törörõk kewõrakzawi, mi möwölõhöba kuñgunõnga Ijpt kantri ki galõm kõla malma. ³⁴ Mewõjanõk kiap bohõnñi bohõnñi kuñgum enjinõnga gölme dop kõla galõmjina malme. Yejõn nene möriamgõ yambuñi 7 miengõ urujine nene öljõnambuk Ijpt gölmenõj asuhumei, miangõra jiiga mendengetka bahõjini 5 asuhugetka miengõrenjõk mohot mohot memba gawmangõ köwenõj tokoba malme.

³⁵ “Yejõn mönõ kinda jimkutukutu algetka yambu ölopñi 7 asuhumei, miengõ urujine nene öljõni kõrek pakpak tokoba kewõta malme. Mewõ aka wit padi mi Farao kiñgõ kõwe mirinjõ mirinjõ miangõrenjõ qezakõba malme. Mi taon dop gawmangõ kõwe mirinjõ mirinjõ miangõrenjõ qezakõba galõm kõla malgetka kõnanjepkõ nenenja ahõma. ³⁶ Nene mewõ tokoba malmei, mi mönõ gawmangõ kõwe miri dop galõm kõlgetka kahaimõk ahõiga kõnanjep bödigõ yambu 7 Ijpt gölme dop asuhumawi, nalõ miangõrenjõ mi ölop memba mendenja memba malme. Mewõ aketka kantrigõ kõnagesõ nejõn bödi miangõ nalõje nenegõ qahõ kõmumba gororõngõbin. “Mewõ.

Farao kiñnõj Josef Ijptkõ azi kembuya kuñguyõk.

³⁷ Josefñõj keu mewõ jiiga Farao kiñ aka jembonurupñi pakpak yejõn areñ miangõra mötket dop kõliga sihimñi mötket.

³⁸ Mewõ mötketka Farao kiñnõj jembonurupñi kewõ jii mötket: “Azi kiangõ urujõ bem yejõgõ unjan kini maljawi, nini i ewõ azi kun ölop qahõ miwikñaibin.”

³⁹ Mewõ jii mötketka Josefõra kewõ jiyõk: “Anutunõj keu areñ pakpak ki indel gihizawi, miangõra gi ewõ mötkutukutu azi keu törörõk kewõtpawak, mi kun qahõ malja. ⁴⁰ Miangõra gõjõn mönõ jakõmbuak mirinangõ galõmjõ bohõnñi aka malman. Gõjõn nõngõ kõnagesõurupni pakpak jim kutum

enjinönga yenön mönö göhöreŋ keu tem köla keugi bapŋe malme. Nöŋön jakömbuak dum tatatnön tarakzali, miyök mötmöriba miangöra aka gi goŋgita ketanŋangi aka malmam.*

⁴¹ Mewö jiba toroqeba kewö jiyök: “Mötnön, nöŋön gi Ijpt kantri pakpak kiangö azi kembuya malmangöra kuŋgum gihizal.” ⁴² Mewö jiba börö kesötŋaŋgö jenjenji miangön supap köpöp ewö qetŋi mekötahöba malöhi, mi qetöba Josefkö börö kesötŋe löngörök. Opo maluku eksihimŋambuk opo tuatŋan memenji mi löngöt waŋgiba sorom goulnön memenji kun mi memba Josefkö imbiŋe kölok.*

⁴³ Mewö aka hos kare qetpuk sorokŋi nanŋi kareŋaŋgö qorembiŋi mi yangöra jim teköiga miangöreŋ öngöiga hosnön örogetka anda kaba malök. Mewö anda maliga kiŋgö sikiriti yarö azi kunön mutuk anda göda qem waŋgibingöra kewö qeri qetketka malök: “Kezap! Mönö kesalget!” Mewö ak waŋgiba Ijpt kantri pakpakö azi kembuya kuŋgum waŋgiyök. ⁴⁴ Farao kiŋnön Josefköra kewö jiyök: “Nöŋön Farao kiŋ akzalmö, Ijpt kantri pakpak kiangöreŋ kunŋan kun mönö göhö jitki qetala böröŋi me könaŋi mi kude mem wahötma.”

⁴⁵ Mewö jiba Josefkö qetŋi dölokŋi (Ijpt keunön) Zafenat-Panea qerök. Mewö qeta Heliopolis taongö jike nup galöm qetŋi Potifera yangö böratŋi Asenat mi anömŋa akŋapköra waŋgiyök. Mewö kantrigö azi kembuya aka Ijpt kantri ekŋangöra anda liliköyök. ⁴⁶ Josefnön yambuŋi 30 aiga miangöreŋ Farao Ijptkö kiŋ yangö jakömbuak nupŋi könahiba meyök. Mi memba Farao kiŋgö sitiŋi mosöta Ijpt uruŋe dop köla liliköba malök.

⁴⁷ Nene möriangö yambuŋi 7 miangö nalöŋe gölmeŋine nene önöŋi qahö asuhum enŋiyök. ⁴⁸ Nene möriangö yambuŋi 7 kam kuŋgugeri, miangö nalöŋe Josefnön jüga nene könaŋi könaŋi Ijpt gölme asuhugeri, mi tokoba taonŋine dop anda gawmangöra alget. Gölme köröŋi taon dop liliköba tat angeri, miangöreŋ nene ölni asuhugetka mi memba taonŋine dop anda qenjarök köwe miriŋine alget. ⁴⁹ Josefnön jüga wit padiŋi padiŋi mi qenjarök köwe miriŋine önöŋi qahö tokoba alget. Mi sakösiŋ köwet jitŋe ahözawaŋgö dop öngöba kinök. Nene möriam sesegilgil asuhuba toroqeba ahöyöhangöra nene toruŋini mi toroqeba oyoŋ bibihigetka lömböriiga osiba mosötket.

⁵⁰ Bödi nalöŋan qahö kam kuŋguiga qeljiŋe miangöreŋ anömŋi Asenatnön Josefkö nahönyahötŋi yahöt etkömeyök. Asenat mi Heliopolis taongö jike nup galöm qetŋi Potifera yangö böratŋa. ⁵¹ Nahönŋi mutukŋi asuhuiga Josefnön keu kewö jiyök: “Anutunön bauköm niŋgiiga kahasililiŋ waimanjatni pakpak aka iwinangö mirigö yuaiŋi pakpak mi lök ölum nuŋgui maljali, miangöra. “Mewö jiba nahönŋaŋgö qetŋi Manase (Ölum nuŋguza,) qerök. ⁵² Nahönŋi könaŋeŋŋi asuhuiga Josefnön keu kewö jiyök: “Ni sihimbölönaŋgö gölmeŋe malbiga Anutunön ahumsehip niŋgizawi, miangöra. “Mewö jiba qetŋi Efraim qerök. (Efraim Ahumsehip niŋgiza.)

⁵³ Nene möriam ketanŋangö yambuŋi 7 Ijpt gölme dop köla kam kuŋgugeri, mi ahöm kota teköget. ⁵⁴ Yambu mi tekögetka Josefnön keu jiyöhangö dop bödigö yambuŋi 7 mi könahiba kam kuŋguget. Bödi mi gölme tosatŋi pakpak dop köla asuhuba ahöyökmö, Ijpt gölmeŋön nene mi miri dop köweŋine ahöyök.* ⁵⁵ Ijpt könaŋesö körek pakpak yenön könahiba bödi möta Farao kiŋgö qeta nene engimapköra uletket. Uletketka möta Farao kiŋnön körek yenöra

* 41:40: Apo 7.10 * 41:42: Dan 5.29 * 41:54: Apo 7.11

kewö jiyök: “Inini mönö Josefkörej angetka yuai mi me mi aknegö jim kutum enjgimawi, mi mönö tem köla ahakne.”*

⁵⁶ Bödinöj kantri jömukni dop köla ahöba Ijptkö mirinji mirinji pakpak miengörenj toroqeba gwötpuk lömböriyök. Mewö asuhuiga Josefnöj jiiga qenjarök köwe mirinji mirinji miengö nangunini öröba nene mi Ijpt yejön söngöröjji memegöra alget. ⁵⁷ Bödi mi gölme pakpak dop köla lömböriba ahöyöhanjöra ambazipnöj gölme dop miangörenöj Ijpt kaba Josefkörej kangota nene söngöröjji memba malget. Mewö.

42

Josefkö daturupñan Ijpt gölmenöj anget.

¹ Ijpt miangörenj nene ahöyöhi, keu mi Keinan gölme miangörenj jigetka Jeikobnöj möta nahönurupñi kewö jii mötket: “Inini mönö wuanönggöra silek-malek aka kuruk je angetka malje? ² Ijpt miangörenj wit padi ahözawi, nöjön keu mewö möral. Nini qahö kömumba malmal toroqeba malbingöra injini mönö wahöta Ijpt geba miangörenj nene tosatñi bohönñi memba kagetka memba malbin.”*

³ Mewö jii möta Josefkö daturupñi 10 yejön mirinjinini mosöta nene bohönñi memingöra Ijpt gölmenöj anbingö aket. ⁴ Iwinini Jeikobnöj Josefkö munñi Benjamingö qakne ayuayuhu kun öngöbapuköra kenjötni möröhanjöra i daturupñi yembuk qahö melaim wanjiiga anget.

⁵ Keinan gölmenöj bödi mi mewöñanök ahöyöhanjöra Israelgö nahönurupñi yejön Keinan azi tosatñan angeri, yejög sutyine wit padi bohönñi memingöra mohotne anget. ⁶ Angetmö, Josefnöj Ijpt kantrigö azi kembunini tata malök. Yanjön wit padi mi könagesöñi pakpak yejön bohönñi memegöra aliga yangörenj kangota malget. Miangöra daturupñan kageri, yejön kangota miangörenöj yangö wösöñe simin köla gölmenöj bamgöget. ⁷ Mewö bamgögetka Josefnöj daturupñi engetka möt kutum enjyökmö, könajamñi köyatim enjgiba kian azigö tandök ak enjgiba örömeureim keu könöñjambuk jiba kewö qesim enjyök: “Inini mönö denikepköra kazeye?” Qesim enjiiga kewö melenget: “Nini Keinan gölmenöhök nene söngöröjji memingöra kazin.”

⁸ Mewö melengetka Josefnöj daturupñi möt kutum enjyökmö, yejön i qahö möt kutum wanjiget. ⁹ Qahö möt kutum wanjigetka Josefnöj mönöwök gaunñi yejögöra ehöhi, mi mötmötne kanjoriga mötmöriba jihip je sunjini mitiba kewö jii mötket: “Ye! Inini mönö kegwek azia akze. Nini kantrinini denikeangörenj göröken awörök aka yarö gilbingö lömbörizini, injini mi ek kewöta mötpingöra ki kaze.”*

¹⁰ Mi möta kewö melenj wanjiget: “Azi kembunini, mewö qahö. Welenqe-geurupki nini mönö nene söngöröjji memingöra kazin. ¹¹ Nini körekñanök azi mohotkö nahönurupñi akzin. Nini azi diñdiñi mala munen qahö jimakzin. Göhö welenqegeurupki nenön mönö gölme ek-kewötkö yarö azia qahö aka maljin.”

¹² Melenj wanjigetka “Qahö!” töhörej qeta kewö toroqeyök: “Nini kantrinini denikeangörenj göröken awörök aka yarö gilbingö lömbörizini, injini mi ek kewöta mötpingöra ki kaze.”

* 41:55: Jon 2.5 * 42:2: Apo 7.12 * 42:9: Jen 37.5-10

¹³ Mi möta kewö melen wangiget: “Welenqegeurupki nini Keinan gölmegö aziñi mohotkö nahönurupña, darumun 12 akzin. Munini qöndökñan nalö kewöñe iwininambuk mire tariga kunñan qahö toroqeba malja.”

¹⁴ Mewö melen wangigetka kewö jim enjgiyök: “Mewö aiga inñini ölna gölme ek-kewötkö yarö azia akzei, mi lök jibi mötze.

¹⁵ Mewö maljeangöra nöñon kewö esapköm engimam: Farao kiññon jebuk maljawı, nöñon keu ö! töhöññi miangö dop jöjöpañ keu kewö jim köhöizal: Munñini qöndökñan ki qahö kama ewö, inñini mönö gölme ki qahö mosöta anme. ¹⁶ Inñini keu ölni jize me qahö, nöñon mi esapkömamgöra kewö jizal: Inñini mönö sutñineyök kun melaigetka anda munñini qöndökñi wangita ki kamahot. Tosatñi inñini mönö ki mamböta kösö mire tata malme. Mewö qahö akñe ewö, inñini mönö ölna gölme ek-kewötkö yarö azia akze. Farao kiññon jebuk malja ewö, nöñon keu ö! töhöññi miangö dop jöjöpañ keu mi jim köhöizal.”

¹⁷ Mewö jim enjgiba jiiga kösö miriñe al enjigetka wehön karöbutkö dop tatket. ¹⁸ Wehön karöbut aiga Josefñon kaba keu kewö jii mötket: “Jeñinambuk toroqeba malbingö mötze ewö, inñini mönö yuai jimami, mi aketka nöñon ölop malmalñini jöhömam. Nöñon mewöyök inñini ewö Anutugö jitñi ongitpilenbuköra kenjötni mörakzal. Miangöra inñini mönö kewö akñe: ¹⁹ Inñini azi diñdiñi munenñini qahö malje ewö, darumun engöreñök mönö kunñan kösö miri kiangöreñ toroqeba tariga tosatñi inñini ölop wit padi memba miriñine lilingöba anme. Miangöreñ anda miriñine könagesöurupñinan bödi aka maljei, mi nene enjgime. ²⁰ Inñini mönö mewö anda munñini qöndökñi wangita nöngöreñ kame. Gagetka keurinañgö ölnan mewö asuhuiga eka möt kutuba qahö enjgubi kömume. “Keuñi mewö jiiga mönö miangö dop aket.

²¹ Yeñon nanñini Hibru keunöñ sutñine keu kewö eraum-mötket: “Nini munini silik ak wangiiñi, miangö likepñi bölöñan mönö ölna qaknine öñgöza. Yañon malmalñi jöhöba ak kömum wangibingöra uleta kungum nenñiiga kahasililijñi ketañi ehinmö, yanğö keuñi möta mi qahö wuatangöin. Miangöra kahasililijñi lömbötñambuk kianñon nenğö qaknine öñgöza.”

²² Mewö eraum-mötketka Rubenöñ kewö jiyök: “Nöñon kewö jibi mötket: ‘Inñini azi gwabö mi silik bölöñi kude ak wangime.’ Mewö jialmö, inñini nöngö keuni mi möta silekmalek aket. Mötket, nalö kewöñe yanğö sepñangö keugö likepñan mönö qaknine öñgöiga kahasililijñi mötzin.”*

²³ Mewö eraum-mötketka Josefñon yembuk Ijipt keunöñ keu jiiga kunöñ mi melenñök. Miangöra yeñon keuñi jigetka ölop möt asariyöhi, mi daturupñan qahö möt kutuget. ²⁴ Josefñon keuñi möt asariba lilingöba sahörök. Sahöta kunbuk lilingöba engeka yembuk keu jiyök. Yembuk keu jiba Simeon sutñineyök memba jiiga yanğö jeñine jöhöget. Mewö.

Josefko daturupñan Keinan gölmenöñ lilingöget.

²⁵ Josefñon jimkutukutu kewö alök: “Welenqege inñini mönö azi miengö toru gösöñine wit padi löngötketka numbuñe kotketka mohot mohot yanğö moner esuñini mi totonine inanñik inanñik toruñine alme aka köna anangö nene semöññi mi tok enjgime. “Mewö jim kutum enñiiga miangö dop ak enjiget. ²⁶ Mewö ak enjigetka wit padi toruñini mi donki qakñine ala mosöta anget. ²⁷ Anda mala gaun ahöbingöra miri kunöñ angota darumun yanğöreñök kunñan donkiñi gumohomangöra aka toru kösöñi pösata moner esuñi mi toru numbuñe nene qakñe kiniga ehök. ²⁸ Mi eka darumunñi kewö

* 42:22: Jen 37.21-22

jii mötket: “Eket, nōngōreŋ monerŋ mi mōnō melenḁa torune utketka kinja. “Mewō mōta wōsōŋini juliga aurum tililingōba aŋgeka kewō jiget: “Anutunōŋ mōnō wani yuaia ki ak neŋgizawe?”

²⁹ Anda mala Keinan gölmenōŋ iwiŋini Jeikobköreŋ aŋgota yuai asuhum eŋgiyōhi, miangō kōsohotŋi mi körek kewō jigetka mōrōk: ³⁰ “Kantri miangō azi kembuŋi yaŋōn örōmureim keu kōnōpuk jiba gölme ek-kewōtkō yarō azia akinak, miangō tandōk ewō ak neŋgiyōk.

³¹ “Mewō ak neŋgiyōkmō, nini yaŋgōra kewō jiin: ‘Nini azi diŋdiŋi munerŋnini qahō mala gölme ek kewōtpingōra aka qahō kazin. Qahōpmahōp! ³² Nini azi mohotkō nahōnurupŋa, darumun 12 aka maljin. Kunŋan qahō toroqeba maliga munini qōndōkŋan nalō kewōŋe Keinan gölmenōŋ iwiinambuk mire tatza.’

³³ “Mewō jiinga gölme miangō azi kembuŋan neŋgōra keu kewō jiyōk: ‘Iŋini azi diŋdiŋi me munerŋ maljei, mi kewō kewōt eŋgiba mötmam: Eŋgōreŋhōk darumunŋini kun i mōnō mosōtketka nōmbuk ki tariga tosatŋi iŋini ölöp wit padi memba lilingōba anme. Anda miriŋine kōnagesōurupŋinan bödi aka maljei, mi nene eŋgime. ³⁴ Iŋini gölme ek-kewōtkō yarō azia qahōpmō, azi diŋdiŋi munerŋnini qahō maljei, mi kewō kewōt eŋgiba mötmam: Iŋini mōnō anda munŋini qōndōkŋi mi waŋgita nōngōreŋ kame. Mewō kagetka darumunŋini melenḁ eŋgibiga ölöp gölme kiangōreŋ aŋgumnep-qanŋumnep aka malme.’”

³⁵ Mewō jiba toru gösōŋineyōk nene köwenje mokogetka monerŋ esuŋini monerŋnambuk mi toruŋine mohot mohot totoŋine kini miwikŋaiget. Monerŋ esuŋini miwikŋaiba eka i aka iwiŋini mohotŋe auruba keŋgōtkotkot mötket. ³⁶ Mewō mötketka iwiŋini Jeikobnōŋ kewō jii mötket: “Iŋini nahōnurupŋi körek pakpak noaŋgitpingō mötze: Josefŋi qahō malja. Simeon nembuk qahō malja. Benjamin mi mewōŋanōk noaŋgita waŋgita anbingō jize. Sihimbōlö pakpak miangōn mōnō nōngō qakne öngōza.”

³⁷ Mewō jii mōta Rubenōŋ iwiŋaŋgōra keu kewō jiyōk: “Ni Benjamin qahō waŋgita lilingōba kaba gihimam ewō, gi ölöp nani nahōnyahōtni yahōt mi etkunōŋga kōmumahot. Benjamin mi ölöp nōngō bōrōne alnōŋga i mōnō galōm köla anda mala waŋgita lilingōba kaba gihimam.”

³⁸ Mewō jiyōkmō, Jeikobnōŋ melenḁa jiyōk: “Nahōnyahōtni qōndōkŋi yahōt yetköreŋōk datŋan kōmuiga munŋan mohot malja. Iŋini kōnanōŋ anbingō mötzei, miangōreŋ ayuayuhu kunŋan yaŋgō qakŋe öngōma ewō, iŋini mōnō kondotketka wōsōbirik öngōngōŋan nōngō qakne öngōiga kōmumba nōrōp jupŋi yaŋgonambuknōŋ unjem mire gemam. Miangōra nōngō nahōnan mōnō nōmosōta embuk qahō anma. “Mewō.

43

Josefkō darumunurupŋan lilingōba Ijpt anget.

¹ Keinan gölmenōŋ bödi lömbōtŋambuk mi toroqeba ahōyōk. ² Jeikobkö kōnagesōurupŋan wit padi Ijpt kantrinōhōk memba kageri, mi körek nem tekōgetka qahōwahiga iwiŋinan nahōnurupŋi mi kewō jii mötket: “Iŋini mōnō kunbuk lilingōba anda nenenamŋini tosatŋi sōngōrōŋi meme.”

³ Mewō jii mötketka Judanōŋ kewō jiyōk: “Azi miangōn mōnō kapan köla neŋgōra galōm meme keu köhöikŋi kewō jiyōk: ‘Munŋinan embuk qahō kama ewō, iŋini mōnō nōngō jemesoholne kunbuk kaŋgotpingō osime.’ ⁴ Miangōra göŋōn munini melainōŋga nembuk kama ewō, neŋōn ölöp

gömosöta nenenamnini söngöröni mendingöra anbin. ⁵ Azi mianön keu kewö jii mörin: ‘Munninan embuk qahö kama ewö, injini mönö nongö jemesoholne kunbuk kangotpingö osime.’ Miangöra göjön Benjamin angön kölman ewö, nini qahö anbin.”

⁶ Mewö jiuga Israelnöj kewö jiyök: “Injini mönö wanigöra munnini kun maljawi, keu mi azi miangö jiget mörohangöra ni urulömböt ketanji ningize?”

⁷ Mewö jiuga kewö melenđa jiget: “Azi mianön nini aka könagesöurupnini engöra törörök qeqesi könanji könanji nenjiba kewö jiyök, ‘Iwininan jebuk malja me qahö? Darumunnini kun malja me qahö?’ Mewö jiyöhangöra qeqesinji mi nenön öljanök jiba melenjin. Yanön könanjep munini wangita kamegöra jibawak, mi mönö qeljinje nalö miangörej denöwö mötpinak?”

⁸ Mewö jigetka Judanöj iwinji Israeligöra kewö jiyök: “Miangöra azi gwabö mi nongö böröne ala melainönga mohotje anbin. Mewö aknönga amqeba zilaj gömosöta könanöj aninga nini, gi aka anöm-moröurupnini nenön qahö kömum gororongöbin. ⁹ Benjamingö malmaljangö sohopnji miangö keujan mönö nongö böröne ahöiga lilingöba kaba gihimangö jim köhöizal. Nöjön i qahö wangita lilingöba ki kaba göhö jemesoholge qahö almam ewö, miangö keu lömbötjan mönö nongö qakne öngöiga göhö jege bisiba malbiga gölmenöj malmalnan teköma. ¹⁰ Nalö köröpnji eksekpeksek aka qahö mambötpinak ewö, nenön lök endu anda lilingöba ki kainga ambemnji yahöt akawak.”

¹¹ Mewö jiuga iwinjini Israelnöj kewö jii mötket: “Mewö akza ewö, injini mönö kewö akne: Gölme kiangö töhötmöriamnji ölop kötökni tosatnji kewöni mi memba toru gösöjine löngöta anda azi mi kalema wangime: Sile mirimirigö kelökni tosatnji, moron onji tosatnji, gipmi bakötök, marasin ip tokunji qetnji mör gipit, kömin, kungam aka saugö alanj almond miengö öljini. ¹² Silwö monen walji toru gösöjinangö numbuñine algetka memba kageri, mi aka miangö dop qakne toroqeba ala mindirigetka jangöjan qariba 2:kö dop aiga mi memba lilingöba anda wangime. Tosatjan köpösihira aka mi gösöjine alget me denöwö? ¹³ Munnini mewöyök wangita zilaj wahöta azi miangörej kunbuk lilingöba anget. ¹⁴ Anutu kukösum pakpakö Tonjan mönö azi miangö jeje ak-kömukömunji engiiga yanön darumunnini kun aka Benjamin mi embuk mire lilingöba kamegöra imbi kölma. Nongö moröurupnan tönbirin akne ewö, nöjön mönö öne töhön malmam.”

¹⁵ Mewö jiuga kalem yuai mi memba silwö monen memba kageri, miangö dop qakne toroqeba ala mindirigetka jangöjan qariba 2:kö dop ahök. Mi memba Benjamin mohotje wangita wahöta ösumjinan Ijpt anda Josefko jeje angotket. ¹⁶ Angotketka Josefön Benjamin mi yengö sutjine eka miangörejök mirinangö galömni kewö jim kutum wangiyök: “Gi mönö azi ki enguangita nani mire anda al enginönga tatme. Tatketka anda sömbuk kun qeba ohoba silimgö nenenji mözözömgönönga yenön ölop nömbuk mohotje nene nembin.” ¹⁷ Josefko mirinangö galömnan jim kutum wangiyöhangö dop azi mi enguangiriga Josefko mire anget.

¹⁸ Enguangiriga Josefko mire anda jönömjini unduiga kengetjini möta kewö mötmöriba sutjine jiget: “Mutuk kainga monenjini melenđa toru gösöjine algetka memba anini, miangöra yenön mönö nenguangita kaba ki al nengigetka tatzin. Yenön mönö qeraköba nenjum ureiba luhut al nenjiba nengömegetka welenqeqeurupnji omanji ahinga donkiurupnini kalöpköba angön köl engibepuk.” ¹⁹ Mewö jiba kinda Josefko mirigö galömni yangörej öngöba angetka miri nanunje kiniga yangöra keu kewö jiget:

20 “O ketañamnini, nini nalö mutukña nene bohonñi mbingöra ki kain.
 21 Kaba nene bohonñi memba kunbuk lilingöba anda könanöñ miri kunöñ anda ahöbingöra tata toru gösöninañgö kösöñi pösata moneñnini totonine mi köreñanök gösönini nanñök nanñök numbuñine nene qakñe ahöiga ehin. Mianğöra moneñ mia merak kunbuk melenđa memba kazin. 22 Silwö moneñ mi danñon toru gösöñine melenđa kunbuk alöhi, mi neñon qahö mötzin. Neñon mi aka silwö moneñ tosatñi mi qakñe juhuköba nene söñgöroñi kunbuk mbingöra gösöñine ala memba kazin.”

23 Mewö jigetka miri galömnjan kewö jiyök: “Waimanjat kude mötme. Nanñini aka iwininañgö Anutuñan mönö kungö uruñi kuñguiga silwö moneñ mi toru gösöñine aliga miwikñaiget. Nöñon engöreñ silwö moneñ mi lök meal. Mianğöra kengöñnini kude möta urubönjöñ tatme. “Mewö jiba Simeon wañgita yengöreñ kayohot.

24 Kayohotka mohotñe enguañgita Josefkö mire öñgögetka könanñini sañgoñmegöra o engiyök aka doñkiñini gwözözak neneñini mianñon gumohom engiyök. 25 Yeñon silingö neneñi Josefkö mire mohotñe nemeañgö keuñi mötket. Mianğöra Josefnöñ silimnöñ miriñe kañgotmapköra mamböta kalem yuañini mi aukñe areñgöba tatket. 26 Tatketka Josefnöñ mire kaiga kalem yuañini memba kaba miriñe öñgögeri, mi wañgiba wösöñe simin köla gölmenöñ bamgöget. 27 Bamgöba wahötketka jölöñini jiba denöwö maljei, qesim engiba kewö jiyök: “Iwinini azi namñañgö jigeri, yañon denöwö malja? Toroqeba jebuk malja me qahö?”

28 Mewö jiiga kewö melenget: “Göhö welenqegegi, nengö iwininan mönö ölop malja. Mönö toroqeba jebuk malja. “Mewö melenđa göda qem wañgiba simin köla gölmenöñ bamgöget.

29 Mewö aketka jeñan ui anda kaiga munñi Benjamin, nanñi namñañgö nahöñni mi eka kewö qesim engiyök: “Munñini qöndökñañgö jigetka mörali, yañon mönö ki akza me denöwö?” Qesim engiba toroqeba kewö jiyök: “Nahöni, Anutunöñ mönö ak kömum gihuiga malman.”

30 Mewö jiba munñi eka wösöñi pöröraköiga jeñi asöliiga sahötмамгö möta mianğöreñök wölañ lilingöba engömosöta ösumñan miri uruñi ölöñi kunöñ öñgöba nanñök mala sahörök. 31 Sahöt teköba je imbilñi sañgoñda miri uruñi ölöñi mi mosöta kaba törörök mökösoñda kinda nanñi galöm köla anguba numbu nene kölmegöra jiyök. 32 Ijpt yeñon Hibu ambazip yembuk mohotñe nene nemingö mötketka imbilonñambuk akzawañgöra mi osimakze. Mianğöra Josefkö neneñi mi inanñök köla wañgigetka tari darumunurupñi yengö mi inanñök köla engiget tatketka Ijpt ambazip yambuk nene nemingö kaba tatkeri, yengö neneñini mi inanñök kölgetka tatket. 33 Josefnöñ jiiga darumunurupñi mi ahugeranğö dop areñgöm engigetka mutukñan qaikñe tariga bezupñinan qöndökñe tariga Josefnöñ mesohol köla engiba tarök. Mewö tata nanñini anğek kutuba welipköba tatket.

34 Mewö tatketka Josefnöñ jiiga nanñi teibolnöhök nene tosatñi mendenđa memba kaba köla engigetka munñi Benjamingöra ambemñi 5:ğö dop toroqeba kölgetka neyök. Mewö nempa Josefpuk közölömbuañ ala awamñanök o köhöikñi nempa sösoñgai qakñe tatket. Mewö.

1 Miangö andöje Josefnoḡ mirinangö galömnḡ jim kutum wangiba kewö jiyök: “Gi mönö azi mienḡö toru gösöḡine wit padi mi sirimeangö dop löngötnöḡga numbuḡine kotme. Mewöḡanök mohot mohot yeḡḡö monen esuḡini mi nanḡök nanḡök toto qeba toru gösöḡinangö numbuḡine alman. 2 Munḡini qöndökḡi yanḡö toru gösöḡangö numbuḡe mianḡöreḡ nane qambi silwönöḡ memeni mi wit padigö monenḡ memba kayöhi, miambuk alman. “Mewö jim kutum wangḡiga mianḡö dop ahök.

3 Miri asariiga söḡanök azi mi melaim enḡigetka donḡinḡini enḡuangita könanöḡ anget. 4 Anda siti mosöta köröwen qahö angetka Josefnoḡ mirinangö galömnḡ kewö jim kutum wangiyök: “Gi mönö zilaḡ wahöta azi mi enḡuatangöba anda miwikḡaim enḡiba enḡeka kewö qesim enḡiman: ‘Azi kembunöḡ ölöḡḡi ak enḡiiga inḡini mönö wuanöḡgöra mianḡö kitḡḡi bölöḡi melenḡ wangiba kaze? 5 Nöḡḡö ketanḡaman qambineyök kuluḡ nemakzawi aka qambinḡ mianḡön unḡi aka keu asa-asambötḡangö könanḡ miwikḡaimakzawi, inḡini qambi mi mönö wuanöḡgöra yonḡorö memba kaze? Inḡini mönö silik mi bölöḡi kötökḡa akze.’ ”

6 Josefnoḡ mirinangö galömnḡ mewö jim kutum wangḡiga anda miwikḡaim enḡiba keunḡi mi jiyöhanḡö dop jii mötket. 7 Jii mötketka kewö melenḡ wangiget: “Ketanḡaminan keu tandökḡi mewöḡi mi mönö wuanöḡgöra jiza? Göhö welenḡeḡeurupki neḡön silik bölöḡi mewöḡi mi qahöpmaḡöḡ akzin. Mi yapmakek! 8 Mötnöḡ, nini toru gösöninangö numbuḡine silwö monen esu miwikḡainini, mi mewöyök Keinan gölmenöhök memba kaba gihiḡ. Nini mönö wuanöḡgöra silwö me goul mi ketanḡamgahö mireyök yonḡorö membinak? 9 Welenḡeḡeurupki neḡöreḡök kungö toru gösöḡe silwö qambi mi miwikḡaiman ewö, yanḡön mönö kömupkö bunḡaya aiga tosatḡi neḡön ketanḡaminini, göhö welenḡeḡe omanḡi aka malbin.”

10 Mewö melenḡ wangigetka kewö jiyök: “Mewö mianḡön ölöḡ. Jizeangö dop mi ölöḡ akin. Kungö toru gösönöhök silwö qambi mi miwikḡaimami, yanḡön mönö nöḡḡö welenḡeḡeni omanḡi akḡapmö, tosatḡi enḡö silenḡe keu qahö ahöiga ölöḡ nanḡinök mirinḡine anme.” 11 Mewö jii möta köreḡḡan gösöḡini nanḡök nanḡök ösumok qeköba memba eta gölmenöḡ ala numbuḡinangö kösöḡi pösatket. 12 Pösatketka Josefkö mirinangö galömnḡam datḡini mutukḡangö toru gösöḡeyök könahiba qezanḡa jaruba anda anda munḡini qöndökḡi Benjamingö toru gösöḡe teteköḡe eka qambi mi mianḡöreḡ miwikḡaiyök. 13 Mi miwikḡaiiga yanḡön uruḡini kot gwözöḡniga wösöbirikḡini kondela malukuḡini munḡukunḡuraket. Mewö aka sukinaḡḡini donḡi qakḡine ala kunbuk lilingöba sitinöḡ anget.

14 Juda aka darumunurupḡi yeḡön lilingöba Josefkö mire angetka yanḡön tok mirineyök tarök. Tariga wösöḡe anḡota simin köla gölmenöḡ bamḡöget. 15 Bamḡögetka Josefnoḡ kewö jiyök: “Inḡini mönö wani siliha mi akzeḡe? Azi ni ewöḡan mönö ölöḡ unḡi memba yuai yonḡorö megetka mi miwikḡaimakzali, inḡini mi qahö mötze me?”

16 Mewö jiḡa Judanöḡ kewö melenḡök: “O ketanḡamni, nini mönö wani keuya göhöra jibinak? Nini keugö jaruzin. Neḡön yuai bölöḡi qahö ahini, mi kondel gihibinangö dop qahö. Anutunöḡ mönö welenḡeḡeurupki, neḡö pinḡitkö keunḡi indeli aukḡe ahöza. Mianḡöra kungö toru gösöḡeyök qambi mi miwikḡaizawi aka tosatḡi neḡön mewöyök mönö azi kembunangö welenḡeḡeurupḡi omanḡi aka malbin.”

17 Mewö melenñökmö, Josefñöñ kewö jiyök: “Nöñön yuai mewöñi mi qahö ak ençimam. Mi saumban! Azi dagö toru gösöñe qambi mi miwikñajazawi, yanñönök mönö nongö welenqeçeni aka malmapmö, tosatñi inñini ölop luai qakñe lilingöba iwiñinañgörej mire anme.”

Judanöñ Benjamingöra Josefulet wañgiyök.

18 Mewö jiuga Judanöñ Josefko wösöñe anda keu kewö jiyök: “O azi kembuni, ölop imbi kölnöñga welenqeçegi nöñön keu tosatñi azi kembuni göhöra jibileñak. Göñön Farao kiñ nanñambuk öröröñ akzanmö, töndup welenqeçegi nömbuk kazik kude ak niñçiman. 19 Azi kembuni göñön welenqeçeurupki nini mutuk kainga kewö qesim neñginöñ: ‘Ençö iwiñini aka darumunñini kun maljahot me qahö?’

20 “Mewö qesim neñginöñga neñön azi kembuni göhöra kewö melenñin: ‘Neñgö iwinini azi namñi aka munini azi gwaböya kun mire tatzahot. Munini mianñön iwininan lök azi namñi aiga nalö mianñgöreñ asuhuyök. Namñan azi morö yahöt etkimeiga datñan kömuiga nanñök töhön malja. Yanñön mönö iwiñangö wölböt (jojopan) nahöññi akza.’ 21 Mewö melenñinga göñön welenqeçeurupki neñgöra keu kewö jinöñ, ‘Inñini mönö munñini mi wañgita nöngöreñ ki kagetka i ölop nani jenan uba ekñam.’

22 “Mewö jinöñga neñön azi kembunini göhöra kewö melenñin: ‘Azi gwabö mi iwiñi mosötmangö osima. Iwiñi mosötpawak ewö, iwiñan mönö kömumbawak.’ 23 Mewö melenñinmö, göñön welenqeçeurupki neñgöra keu kewö jim kutunöñ: ‘Munñini qöndökñan embuk ki qahö kama ewö, inñini mönö nöngö jemesoholne kunbuk kude asuhume.’

24 “Mewö jim kutunöñga mirinine lilingöba anda nöngö iwini, göhö welenqeçegi yanñgöra azi kembuni göhö keugi mi jiinga mörök. 25 Mi jiinga möta iwininan könañgep kewö jiyök: ‘Inñini mönö kunbuk anda neñgöra nene tosatñi söñgöröñi memba kame.’

26 “Mewö jiyökmö, nini kewö jiin, ‘Neñön naninök anbingö osibin. Munini qöndökñan nembuk mohotñe anmapkö jiman ewö, mönö ölop anbin. Munini bezupñi qahö wañgita anbin ewö, neñön mönö azi miangö jemesoholne asuhubingö osibin.’

27 “Mewö jiinga nöngö iwini göhö welenqeçegi yanñön kewö jiyök: ‘Anömmi Reizölnöñ nahönyahötñi yahöt etkimeyök. Mi nanñini ölop mötze. 28 Datñan nömosöta anda sohoiga kewö jial, “Sömbup kalñan mönö yöhöqöhöi kömumbawak me denöwö?” Nalö mianñgöreñök könahiba i qahö ehal. 29 Merak munñi ki mewöyök noañgita angetka könanöñ ayuayuhu kunñan yanñgö qakñe öngöma ewö, inñini mönö kondotketka wösöbirik öngöñgöñan nöngö qakne öngögiga köñjilij möta kömumba nörop jupni yanñgonambukñöñ unjem mire gemam.’”

30 Judanöñ toroçeba keu kewö jiyök: “O azi kembuni, nöñön munini azi gwabö mi qahö wañgita anda iwini, göhö welenqeçegi yanñgö mire ançotpileñak ewö, iwininan mönö ayuhubapuk. Yanñön mönö uruñi pakpak nahöññi bezupñi yanñgöreñ jöhöiga malmaljiri mohot maljahot. 31 Mianñgöra azi gwabö mi qahö wañgita aninga iwininan mi eka mönö kömup miwikñaiabapuk. Göhö welenqeçeurupki neñgöreñ mewö asuhuiğa nini mönö kondoringa wösöbirik öngöñgöñan iwinini göhö welenqeçegi yanñgö qakñe öngögiga kömumba nörop jupñi yanñgonambukñöñ unjem mire gema. 32 Göhö welenqeçegi nöñön azi gwabönöñ qahö ayuhumapkö keuñi mi iwiñangöra jim jöhöba kewö jial: ‘I qahö wañgita göhörej lilingöba kamam ewö, miangö keu

lömbötñan mönô göhö jege nõngö qakne õngöba ahöiga gölmenõñ malmalni mewö mal õngöm tekömam.’³³ Mianğöra göñõn ölop jim tekõnõnga nõñõn azi gwabö yanğö salupñe azi kembuni göhö welenqeçegi omanñi aka ki malbiga yanñõn daturupñi yembuk lilingöba mirinñe anme.

³⁴ “Azi gwabö mianñõn nõmbuk qahö kama ewö, nõñõn mönô denöwö aka iwinañğoreñ anbilenaçak? Wösöbirik õngõngõñan iwinañğö qakñe õngöbawak, nõñõn mönô mi eknjamgö tököm köhöizal. Mianğöra i mönô kude jöhöman.”

45

Josefnõñ nanñi kõnanñi indelök.

¹ Judanõñ mewö jiiga ambazip liliköm enğiba kinda enğekeri, Josefnõñ körek yenğö jenñe toroqeba kõnanñi kõyatiba nanñi galöm köl anğumamgö lömböriba osiyök. Mianğöra Josefnõñ kewö silata qerök: “Enñõn mönô köreknanök nõmosöta denget. “Mewö jiiga dengetka Ijpt azi kunñan kösutñine qahö kiniga Josefnõñ nanñi kõnanñi mi darumunurupñi yenğöra kewö indelök.”² Yanñõn amburereñ aka ötömbepuk qei sahöriga Ijpt ambazip gumnõñ malgeri, yenñõn mi möta Farao kinğö jakömbuak mire anda buzup keunñi mi jigetka mötket.

³ Josefnõñ sahöta kinda darumunurupñi mi kewö jii mötket: “Ni Josef! Iwinan tok jebuk malja me qahö?” Mewö jii mötketmô, darumunñan urunñan kot gwözõñniga aurum tililingöba jenñe õne kinda keu kun qahö mötmöriba melen wangbingö osiget.⁴ Osiba kingetka Josefnõñ yenğöra kewö jiyök: “Enñõn mönô nõngö kösutne ki kaget. “Mewö jii kagetka kewö jiyök: “Ni Josef, darumunñini bohoni memegöra algetka Ijpt kayali, mönô mia.

⁵ “Mönô urukõñjilinj kude mötme. Anutunõñ enñõn kõmumbepüköra ni mutuk melaim ninğiiga qeljñe ki kabiga injini kaze. Ni bohoni memegöra al ninğigetka ki kayali, mianğöra mönô nanñinañğöra irimsesewöl kude möt anğume.⁶ Bödi kianñõn lõk yambu yahötkö dop gölme dop kõla ahöza. Mi toroqeba kunbuk yambu 5:gö dop ahöiga nalö miangö urunñe gölme qem kõmöt qahö aka nene ölnñi qahö miwikñaiba tokoba malbin.

⁷ “Anutunõñ mönô kõna wewelipkõñambuk wuatangöba enğö malmalninañğö bohonñi jöhöiga toroqeba jebuk mala gwölönarök miwikñaaim enğiba gölme qakñe malmegöra mötza. Mianğöra aka ni mutuk melaim ninğiiga qeljñe ki kabiga injini kaze.⁸ Mianğöra enñõn qahö melaim ninğiget tandök akzapmô, Anutunõñ mönô ölnña melaim ninğiiga ki kayal. Yanñõn kunğum ninğiiga Farao kinğö jembonñi mutukñi aka jakömbuak mirinñe wanat nup memakzei, körek yenğö ketanñamñina akzal. Mewö akiga Anutunõñ Ijpt kantri jömukñanök mi nõngö börõne aliga azi kembunñina akzal.

⁹ “Injini mönô dölkî wahöta ösumñinan iwinañğoreñ lilingöba anda keu kewö jigetka mötma: ‘Göhö nahõngi Josef yanñõn keu kewö jiza: Anutunõñ ni kunğum ninğiba Ijpt kantri jömukñanök nõngö börõne aliga azi kembunñina akzal. Mianğöra göñõn mönô nalö kude qem körimanmô, zilañ nõngõreñ kaman.¹⁰ Ki kaba ölop tatat dumdungñi Gosen gölmenõñ möhamgöba nane kösutne malman. Gi aka isimoröurupki, göhöreñ lama bulmakau kambunñi kambunñi aka öroyuai pakpak bunğagi ahözawi, mi mönô memba kõlolohoba kame.

¹¹ “Bödi kianñõn mönô kunbuk toroqeba yambu 5:gö dop ahöm õngöma. Nalö miangö urunñe gi, mirigahö saiwaurupki me tinitosolomurupki tosatiñ

* 45:1: Apo 7.13

yenğoreñök kunñan bödi mala nenegö mözöqözöröm aka kömum goro-roñgöbapuk. Mianğöra mönö Gosen gölmenöñ kaba mala wani yuaigöra osimei, nönjön mi enğiba malmam.’ Iwininağöra keu mi mönö mewö jigetka mötma.*

12 “Ni nanak ölña ki kinda enğöra keu jizali, mi ölop nanñini jeñinan nek kutuze aka muni Benjaminöñ mewöyök ni nek kutuza. 13 Mianğöra inñini mönö iwinanğoreñ anda Ijpt kantrinöñ qetbuña ketanñi pakpak niñgigetka maljali aka yuai pakpak ekeri, mianğö kösohotñi mi iwini jigetka mötma. Mi möriga mönö ösumok wañgita eta ki kame.”

14 Mewö jiba böröñi munñi Benjamingö imbiñe gili geiga sahöriga Benjaminöñ mewöñañök angöm wañgiba sahörök. 15 Toroqeba böröñi daturupñi körek yenğö imbiñine gili geiga sahöta numbuñini yöhötim neyök. Mianğö andöñe darumunurupñan yambuk keu eraum-mötket. 16 Josefö darumunurupñan kageri, mianğö buzupñan Farao kiñğö jakömbuak mire aniga Farao kiñ aka jembonurupñi pakpak yenjön mi möta uruölöwak mötket.

17 Mewö möta Farao kiñnönñ Josefköra kewö jiyök: “Darumunurupki mönö jinöñga kewö akñe: ‘Sukinapñini mönö donki qakñine ala kunbuk liliñgöba miriñine Keinan gölme anme. 18 Anda iwiñini aka saiwaurupñini enğuanğita liliñgöba nönğoreñ kame. Ki kagetka nönjön gölme ölop kötökñi Ijpt kantri uruñeyök möwölöhöba enğibiga ölop mianğö kelökñi miwikñaiba nem söñgaip aka malme.’

19 “Mewöyök kewö jim kutum enğinöñga akñe: ‘Ijpt kianğoreñök mönö hosgö karenñi tosatñi memba anda anöm-moröurupñini mianğoreñ al enğiba iwiñini wañgita mohotñe ki kame. 20 Miriñinağö yuaiñi tosatñi Keinan gölmenöñ mosötmei, mianğö waimanjatñi kude akñe. Nönjön mianğö salupñe Ijpt kantri jömuk kianğö yuaiñi ölop kötökñi mi enğibiga buñanñini akña.’”

21 Farao kiñnönñ mewö jiiga Israelgö nahönurupñan mianğö dop aket. Josefnöñ Farao kiñğö jimkutukutu keuñi wuatangöba hosgö karenñi tosatñi enğiyök. Mewöyök köna anangö nene semön tosatñi enğiyök. 22 Mi enğibagun daturupñi mohot mohot yenğö opo malukuñini dölökñi totonine enğiyökmö, munñi Benjamingöra opo maluku dölökñi börö kun wañgiba monen silwö köt 300 wañgiyök. 23 Iwinanğöra Ijpt kantrigö yuai ölop sorokñi jesöngö memba donki ten miengö qakñine aliga anget. Mewöñañök donki ambiñi ten miengö qakñine wit padi, bered aka nene tosatñi iwinanğö köna semöna aliga bisiba anget. 24 Angetka Josefnöñ darumunurupñi melaim enğii anbingö aketka keu kewö jii mötket: “Inñini könanöñ anda anğururuk kude akñe.”

25 Mewö jiiga Ijpt mosöta anda Keinan gölmenöñ iwiñini Jeikobkören anğotket. 26 Anğota iwiñinalğöra keu kösohot kewö jiget: “Josefnöñ mönö toroqeba jebuk malja. Ijpt kantri jömukñañök mi yanğö böröñe ahöiga azi kembuñina aka malja. “Mewö jigetka keu mi qahö möt nariyöhangöra uruñi toroqeba amöriiga tarök.

27 Mewö tarökmö, Josefnöñ keu pakpak jiyöhi, mi jiget mörök aka hosgö karenñi tosatñi i wañgita Ijpt anmapköra ali kayöhi, iwiñini Jeikobnöñ mi eka kinda uru silenjan köleñi könöpkönöp ahök. 28 Könöpkönöp aka kewö jiyök: “O mi alakña! Mi möt köhöizal. Nahöni Josefnöñ mönö toroqeba jebuk malja. Nönjön mönö anda i ekagun könañgep ölop kömumam. “Mewö.

* 45:11: Apo 7.14

46

Jeikobnõj kõnagesõurupñi yembuk Ijpt anget.

¹ Israelnõj sukinap yuainji pakpak kõlolohoba memba wahõta kõna anõk. Anda Berseba mire angota kinda mianğõreñ iwinji Aisakõ Anutuñangõra umjõwõwõl ohoyõk. ² Mi ohoba sunğem ahõiga jeñi melenğniga imut eka mianğõreñ Anutunõj Israelğõra keu jiba qetñi “Jeikob, Jeikob!” qeriga “Ni ki,” jiba melenğnõk.

³ Melenğniga kewõ jiyõk: “Ni Anutu, gõhõ iwigahõ bemñi. Gi Ijpt gemangõ kenğõtki kude mõtman. Nõñõn mianğõreñ kõtuetkõm gihibiga kõnagesõ kambu ketanji akñe. ⁴ Nõñõn mõnõ gõbuk Ijpt gemam aka mewõyõk gwõlõnarõkurupki mianğõreñğok enğuanğitpiga kunbuk lilingõba kame. Gõñõn kõmunõnğa Josef nanñi bõrõñan mõnõ gõhõ je jupki kusui etma.”

⁵ Mianğõ andõñe Jeikobnõj Berseba miri mosõtpin jiiga Israelğõ nahõnurupñan iwinjini aka anõm-morõurupñini mi kõtõzohom enğigetka hosgõ karenõj õñğõget. Farao kiñnõj hosgõ kare mianğõn enğõmemba kameğõra jiba ali memba anget. ⁶ Sukinapñini aka miri sõmbupñini pakpak Keinan gõlmenõj mala buñja qeba memba malğeri, mi tok mohotñe memba anget. Jeikob aka gwõlõnarõkurupñi pakpak mienğõn mewõ Ijpt anget.* ⁷ Gwõlõnarõkurupñi pakpak, isimorõurupñi azi aka ambi mi kõrek enğuanğita Ijpt anget.

⁸ Israel qetñi alañi Jeikob aka yanğõ gwõlõnarõkurupñi Ijpt angeri, yenğõ qetñini kewõ: Jeikobkõ nahõnñi mutukñi Ruben. ⁹ Rubenğõ nahõnurupñi qetñini Hanok, Palu, Hezron aka Karmi. ¹⁰ Simeongõ nahõnurupñi qetñini Jemuel, Jamin, Ohad, Jakin, Zohar aka Saul. Saultğõ nanñi mi Keinan ambi kun. ¹¹ Liwaigõ nahõnurupñi qetñini Gerson, Kohat aka Merari.

¹² Judagõ nahõnurupñi qetñini Er, Onan, Sela, Perez aka Zera. (Er aka Onan yetkõn lõk Keinan gõlmenõj kõmuyohot.) Perezkõ nahõnyahõtñi mi Hezron aka Hamul. ¹³ Isakargõ nahõnurupñi qetñini Tola, Puwa, Jasub aka Simron. ¹⁴ Zebulungõ nahõnurupñi qetñini Sered, Elon aka Jalel. ¹⁵ Jeikobkõ nahõnurupñi anõmñi Leanõj Mesopotemia (Padan Aram) gõlmenõj enğõmeyõhi, yenğõ qetñini mewõ. Bõratñiri Daina mi mewõyõk meyõk. Jeikob aka Lea yetkõ isimorõurupñiri mi mewõ oyonğda mindirigetka 33 ahõk.

¹⁶ Gadkõ nahõnurupñi qetñini Zefon, Hagi, Suni, Ezbon, Eri, Arodi aka Areli. ¹⁷ Asergõ nahõnurupñi qetñini Imna, Iswa, Iswi aka Beria. Nenninağğõ qetñi Sera. Beriagõ nahõnyahõtñi qetñiri Heber aka Malkiel. ¹⁸ Labanõj ambi qetñi Zilpa bõratñi Leagõ welen ambia malmapkõra wanğiyõhi, yanğõn Jeikobkõ nahõnurupñi mewõ enğõmeyõk. Jeikob aka Zilpa yetkõ isimorõurupñiri mi mewõ oyonğda mindirigetka 16 ahõk.

¹⁹ Jeikobkõ anõmñi Reizõlgõ nahõnyahõtñi mi Josef aka Benjamin. ²⁰ Josefõ nahõnyahõtñi Ijpt kantrinõj asuhuyohori, mi qetñiri Manase aka Efraim. Namñiri qetñi Asenat mi Heliopolis (On) taongõ jike nup galõm qetñi Potifera yanğõ bõratñe.* ²¹ Benjamingõ nahõnurupñi qetñini Bela, Beker, Asbel, Gera, Naman, Ehi, Ros, Mupim, Hupim aka Ard. ²² Jeikobkõ nahõnyahõtñi Reizõlnõj etkõmeyõhi, yetkõ qetñiri mewõ. Jeikob aka Reizõl yetkõ isimorõurupñiri mewõ oyonğda mindirigetka kõrekmakõrek 14 ahõk.

* 46:6: Apo 7.15 * 46:20: Jen 41.50-52

²³ Dangö nahönñi qetñi Husim. ²⁴ Naftaligö nahönurupñi qetñini Jaziel, Guni, Jezer aka Silem. ²⁵ Labanöñ ambi qetñi Bilha bōratñi Reizölgö welen ambia malmapkōra wañgiyōhi, yañōn Jeikobkō nahönurupñi mewō engōmeyōk. Jeikob aka Bilha yetkō isimorōurupñiri mi mewō oyoñda mindirigetka körekmaök 7 ahök.

²⁶ Jeikobkō isimorōurupñi diñdini töhōn yambuk Ijpt angeri, miengö jañgōñini oyoñda mindirigetka körekñanök könagesō 66 aket. Nahönurupñi yengö anōmñini mi jañgō miangōreñ qahō toroqgeet. ²⁷ Josefko nahōnyahōtñi Ijpt kantrinōñ asuhuyohori, mi yahōt. Jeikobkō könagesōurupñi Ijpt angeri, miengö jañgōñini mi mewō oyoñda mindirigetka 70 ahök. Mewō.*

Jeikob könagesōurupñi yembuk Ijpt angotket.

²⁸ Kōnanōñ anda mala Jeikobnōñ Juda mutuk melaiba kewō jiyōk: “Gi mönō Josefkoñ anda Gosen gölmenōñ anangō kōnanangōra qesim wañgiman. “Mewō jii möta anda kaiga Gosen prowinsnōñ angotket. ²⁹ Josefñōñ angotkerangō buzupñi möta jiiga hos karenōñ jōhōba mözōzōmgōgetka qakñe öngōba iwiñi Israelbuk aitonğōbitkō Gosen gölmenōñ anök. Anda eka yañgō jeñe angota bōrōñi imbiñe gili geiga angum wañgiba nalō körōpñi titipepeni memba urusahōt qeyōk. ³⁰ Israelnōñ Josef kewō jii mörök: “Gōñōn toroqeba jebuk maljani, mi nanak gekzala nalō kewōñe ölöp jōjōrōba kömumam.”

³¹ Mewō jiiga Josefñōñ darumunurupñi aka iwiñangō könagesōñi kewō jii mötket: “Nōñōn mönō Farao kiñgōreñ öngōba keu kewō jibi mötma: ‘Darumunurupni aka iwiñangō könagesōñi Keinan gölmenōñ malgeri, yēñōn lök nōñgōreñ kaze. ³² Darumunurupni miēñōn lama bulmakau galōmñini aka mi galōm köl engiba maljeangōra kabingō aka lama kambuñini, bulmakau kambuñini aka sukinap öroyuaiñini pakpak mi enguañgita kaze.’ ³³ Mianğōra Farao kiññōñ engoholi jemesoholñe angotketka kewō qesim engima: ‘Injini wani nuwa memakze?’

³⁴ “Mewō qesim enğiiga injini kewō melen wañgime: ‘Welenqeçeurupki neññōn mönō abu asaurupni mutuk memba malgerangō dop morörōpnineyök lama bulmakau galōm kölköl nupñi memba mala maljin.’ Mewō melen wañgigetka yañōn ölöp Gosen prowinsnōñ tatat dumdumñini möhamğōmegōra oñ jiiga malme. Ijpt ambazip yēñōn lama bulmakau galōm kölköl ambazip pakpak yēñgōra mötketka imbilonlonjambuk ahakze. “Josefñōñ keuñi mewō jii mötket.

47

Josefñōñ kiñgō jeñe korök.

¹ Josefñōñ anda Farao kiñgōra kewō jiyōk: “Nōngō iwi darumunurupni yēñōn lama bulmakau kambuñini aka sukinap öroyuaiñini pakpak memba Keinan gölme mosōta kaba mala dölki Gosen gölmenōñ kañgota malje.”

² Yañōn darumunurupñi yēñgōreñök azi 5 enguañgita Farao kiñgō jeñe öngōba kingetka engehök.

³ Engeka kewō qesim enğiyoök: “Injini wani nuwa memakze?” Mewō qesim enğiiga kewō melen wañgiget: “Welenqeçeurupki neññōn iwiurupni mutuk malgerangō dop lama bulmakau galōm kölköl nupñi memba mala maljin.”

* 46:27: Apo 7.14

4 Mewö jiba toroqeba kewö jiget: “Keinan gölmenöy bödi lömbötñambuk ahözawañgöra welenqeçeurupki neñön lama bulmakau kambunini yeñgöra nene qahö miwikñainin. Mianğöra neñön gölme kianğoreñ kusuk malbingöra kain. Mewö aiga welenqeçeurupki ölop oñ jiba jim teköm neñginöñga nini Gosen prowins mianğoreñ tatat dumdumnini möhamgöbin.”

5 Mewö jigetka Farao kiñnöy Josef kewö jii mörök: “Iwi darumunurupkan göhöreñ kaget. 6 Ijpt kantri ki aukñe göhö jege ahözawañgöra ölop iwi darumunurupki gölme bahöñi kelökñi ölopñi mianğoreñ al enñginöñga malme. Ölop Gosen prowinsnöy malme. Sutñine nup qetpuk meme azi tosatñi maljei, mi möt enñiman ewö, ölop nöngö mirigö sömbup kambuni mi yeñgö böröñine al enñginöñga galöm köl enñgiba malme.”

7 Mewö jii möta Josefnöy iwiñi Jeikob Farao kingö jeñe wañgita kaiga ehi Farao kiñ mi kötuatköm wañgiyök. 8 Kötuatköm wañgiiga kewö qesim wañgiyök: “Göhö yambuği dawik akza?”

9 Qesim wañgiiga kewö melenök: “Nöñön yambu 130:gö dop gölmenöy liliköba mala kota maljal. Nöngö malmalnañgö yambuñi pakpak mi awamdökñi aka osikosiñinambuk aket. Iwiurupnan yambu sehisehiñi gölmenöy liliköba malgeri, nöngö yambu qötönan yeñgöreñambuk dop mohot qahö akza.”

10 Mewö jiba Farao kiñ mi kunbuk kötuatköm wañgiba jemesoholñeyök eta anök. 11 Josefnöy iwi darumunñi mi Farao kiñnöy jim kutuyöhañgö dop Ijpt kantrinöy al enñgiba Ijptkö gölme bahöñi kelökñi ölopñi kun mi Rameses prowins (Gosen) mianğoreñ enñgiyök. 12 Josefnöy mewöyök iwi darumunurupñi aka iwiñañgö könagesöurupñi pakpak mi nenenjini anöm-moröurupñini malgeri, qötö mianğö dop dopñine enñgiba malök.

Bödi nalöñi lömbötñambuk.

13 Bödi ketanji mi lömbötñambuk ahöiga nenenöy gölme dop qahöwahiga Ijpt aka Keinan kantri mietkö könagesöñiran mönö nenegö kömum soholip aka malget.

14 Mewö mala Josefköreñ kaba wit padi söngöröñi megetka yañön moner pakpak Ijpt aka Keinan kantri uruñe ahöyöhi, mi tokoba memba Farao kingö jakömbuak mirigö köweñe alök. 15 Ijpt könagesö aka Keinan könagesö yeñgöreñ moner qahöwak teköiga Ijpt körek yeñön Josefköreñ kaba kewö jiget: “Moneñninan qahöwak teközawañgöra göñön mönö nene neñgiman. Nene qahö neñgiman ewö, neñön mönö göhö jemesoholge kömumbin.”

16 Mewö jigetka Josefnöy kewö jiyök: “Moneñninan qahöwazawañgöra enğoreñ lama aka bulmakau ahözei, mönö mi memba kaba niñgigetka nöñön nene enñgiman.”

17 Mewö jiiga anda lama bulmakaunini enñguañgita kaba Josef wañgiget. Yeñön hosñini, lamanjini, memenjini, bulmakaunini aka donkiñini mi enñguañgita kaba nenegö söngöröña Josef wañgiba nene memba malget. Lama bulmakaunini pakpak mi Josef wañgigetka yañön nene enñgiba mewö mianñön yambu mohotkö uruñe malmalñini nañgöiga qahö kömuget.

18 Qahö kömugetka yambu mianñön teköyök. Teköiga yambu dölokñe dumñe kunbuk yañgöreñ kaba kewö jiget: “Azi kembunini, moneñnini qahöwazawañgöra kónañamnini öñi mi göhö jege ölop qahö köyatibin. Neñgöreñ lama bulmakaunini mi mewöyök gihiinga göhö buñaya ak teköza. Nini mi pakpak azi kembunini gi giñim teköinañgöra nanini aka

gölmenini miyök ahöm nenjiza. Mianğöra mönö wania kun gihibinak? ¹⁹ Nini mönö kōnaŋi wuanōngōra gōhō jege tōndup kōmumbinak? Nanini kōmuinga gölmeninan mönö wuanōngōra öne ahōba apopam kōla bölibawak? Mianğöra mönö nanini aka gölmenini bohonini memba mianjōn numbu nene nenjingoŋga nini ölöp Farao kingō welenqeŋe omanj ahiŋga gölmeninan mewōyök yangō buŋaya akŋa. Nenjōn toroqeba jebuk mala kōmumbinbukōra mönö nene kōtŋi nenjiman. Nenjingoŋga gölme nup wanjingoŋga öne qahō ahōba gönjaŋ akŋa.”

²⁰ Bödi kōhöikŋi kōtökŋi mianjōn Ijpt kōnagesō yembuk ahöyōhanğöra yejōn kōrek mohot mohot nup gölmeŋini kōrōŋi mi bohonjinağöra algetka Josefnōj Ijpt gölme pakpak mi söngörōŋi meiga Farao kingō buŋaya ak tekōyök. ²¹ Josefnōj Ijpt kōnagesō miri dop kantrigō jabō tetekōŋi uruŋe malgeri, mi pakpak engōmeiga gawmangō welenqeŋe omanj aka alget. ²² Farao kiŋnōj jike nup galōm yejgō fotnait töwanjini enjgiiga memba mianjōn malmalŋini nanğöba malget. Mewō aiga nenenjinağöra qahō lömbōriiga gölmeŋini Josefnōj söngörōŋi memapkōra qahō alget. Mianğöra jike nup galōm yejgōreŋj gölme mienjōn mohot kiŋ Faraogō buŋaŋi qahō aket.

²³ Josefnōj kōnagesō yejgōra kewō jiyök: “Mōtket, nōjōn nanjini aka gölmeŋini söngörōŋini mem tekōbiga Farao kingō buŋaya akze. Mianğöra nōjōn nene kōtŋi enjgibiga mi ölöp memba gölmenōj kōmōtme. ²⁴ Kōmōtketka öljŋi asuhuiga mi mönö kewōtketka kambu 5 asuhugetka miengōreŋök mohot mohot mi Farao kingōra ala wanjiba malmemō, kambu 4 mi kunbuk gölmenōj kōmōtmeanğöra aka nenenjinağöra ahōma. Mi nanjini, anōm-morōurupjini aka tosatŋi miriŋine maljei, mönō engō nenenjina ahōma.”

²⁵ Mewō jiiga kewō jiget: “Gōjōn nenjō malmalnini bödinöhök mekönōj. Mianğöra azi kembuninağgō jeŋe ak-kōmukōmu miwikŋaibin ewō, nenjōn ölöp Farao kingō welenqeŋe omanj aka malbin.” ²⁶ Josefnōj Ijpt yejgō gölmeğōra jimkutukutu ali ahōba kota ki ohozali, nalō kewōje mewōyök toroqeba ahōza. Jimkutukutu mi kewō: Nene nupkō öljŋini mi mönō mendengetka kambu 5 aiga miengōreŋök mohot mohot mi Farao kingō buŋaya akŋapčkōra ala malme. Jike nup galōm yejgōreŋj gölme mienjōn mohot Farao kingō buŋaŋi qahō aket.

Jeikobnōj qamōtŋağöra Josef qesiiga oŋ jiyök.

²⁷ Israel yejōn Ijpt gölmeğō prowins qetŋi Gosen mianğoreŋ tatat dun-dumjini memba gölme anğōn kōla malget. Mianğoreŋ mala ahumsehip aketka qōtōjnan gwōtpuk qariyök. ²⁸ Jeikobnōj malmalŋi yambu 17 mi Ijpt gölmenōj malök. Malmalŋi jōmukŋağgō yambuŋi mi mindiriba 147 ahök.

²⁹ *Israelgō kōmup nalōjan dopdowiiga nahōnŋi Josef jii kaiga kewō jii mörök: “Nōjōn gōhō jege ak-kōmukōmu miwikŋaizal ewō, gōjōn mönō dōlki urukalem kondela keu kewō pōndaŋ wuatangōba mem yakōmamgō jiba börōgi nōngō tambuni bapŋe ala kewō jim jōhōman: Nōjōn kōmumbiga qamōtni mi mönō Ijpt gölme kianğoreŋ kude lōm kōlman. ³⁰ Nōjōn kōmumba iwi asani yembuk luhut memba ahōmami, nalō mianğoreŋ nōngō qamōtni mi mönō Ijpt kantrinöhök memba anda iwi asani lōm kōl enjgigeri, yejgō qaksiriŋine nesim kōlman. “Mewō jiiga kewō jiyök: “Jizanangō dop mi ölöp akŋam.”

* 47:29: Jen 49.29-32; 50.6

³¹ Mewö jiiga iwiñan kewö jiyök: “Keu mi mönö jöjöpañ keunöñ jim köhöim niñgiman. “Mewö jiiga Josefnöñ mi jöjöpañ keunöñ jim köhöiiga Jeikobnöñ mi möta bilipköba nööröñi memba geba öröpñangö kitipñe ala nariba Anutugö waikñi memba möpöseyök. Mewö.

48

Jeikobnöñ Manase aka Efraim kötuatköm etkiyök.

¹ Nalö tosatñi teköiga Jeikobnöñ kawöl miwikñaiiga keu mi Josefköra jigetka mörök. Mi möta nahönyahötñi yahöt Manase aka Efraim mi etkuangita iwiñangörej anök. ² Aniga tosatñan Jeikobköra kewö jigetka mörök, “Nahöñgi Josefnöñ mönö gi gekñangöra kaza. “Israelnöñ keu mi möta ösumñi ahöyöhi, mi qezaköba ahöahö dumñeyök wahöta tarök. ³ Wahöta tata Josefköra kewö jiyök: “Anutu kukösüm pakpakö Tonji yanön Keinan gölmegö Luz miri miañgörej nöñgörej asuhuba kötuatköm niñgiba

⁴ kewö jiyök: ‘Nöñön ahumsehip gihibiga gwölönarökurupki yengö qötöñinan mönö qariba qariba öngöiga göñön könagesö kambuñi kambuñi gwötük yengö bömön jalöñina akñan. Gwölönarökurupki könage asuhum öngömei, nöñön gölme ki mi i buña qem engibiga yengö buñanjina teteköñi qahö ahöm öngöma.’*

⁵ Anutunöñ mewö jiyök. Mutuk nöñön Ijpt gölmenöñ göhörej qahö kayalängörej anömgan nahönyahötñi yahöt Ijpt kiangörej etkömeyöhi, yetköñ mönö nöñgö buñaya akñahot. Manase aka Efraim yetköñ mönö Ruben aka Simeon ewö nöñgö buñaya akñahot. ⁶ Mewö ahotka köñangep gölme mesinđa yetköra distrik yahöt etkime. Efraim aka Manase yetkö bapñire nahönböaturupki tosatñi asuhuger, mienön mönö nange buñaya akñe. Yenön gölme bahöñini buña qem angumei, mi mönö Efraim aka Manase yetkö distrik yahötñiri mietkö uruñe ahögetka bohon tonjiri ahotka datyahötñiri yetkö nembö bapñire malme. ⁷ Nöñön Mesopotemia (Padan Aram) mosöta lilingöba Keinan gölmenöñ kaba Efrata taon dopdowibiga anömni Reizölnöñ kömuiga wösöbirik ketanji ahum niñgiyök. Kömuiga qamötñi mi Efrat anangö köna töwokñe löm kölal. Efrat mirigö qetñi alanji mi Betlehem.”*

⁸ Israelnöñ mewö jiba Josefkö nahönyahötñi etkeka kewö qesim wanjiyök: “Azi moröñi yahöt ki danön danön?”

⁹ Qesim wanjiiga Josefnöñ iwiñangöra kewö jiyök: “Nöñgö nahönyahötñi Anutunöñ Ijpt kiangörej niñgiyöhi, i mönö mia. “Mewö jiiga Israelnöñ jiyök: “Nöñön kötuatköm etkimamangöra i ölop etkuangitnöñga nöñgö kösutne kamahot.” ¹⁰ Mewö jiiga Josefnöñ nahönyahötñi etkuangita kösutñe kagetka böröñi giliga imbinjire geiga numbuñiri yöhötim neyök. Israelnöñ azi namñi aiga jeñi ömuñ köliga yuai kun ek kutumangö töñpin aka osiyök. ¹¹ Numbuñiri yöhötim nembra Josefköra kewö jiyök: “Nöñön mutuk göhö jemesoholgi kumbuk gekñangöra qahö al mamböta malalmö, Anutunöñ köna mesariga döki nangi aka nahönyahötñi mewöyök engekzal.”

¹² Mewö jiiga Josefnöñ nahönyahötñi iwiñangö tambuñeyök etkömemba simin köla bamgöba geyök.

¹³ Bamgöba geba wahöta nahönyahötñi böröñire memba etkuangiriga nanñi iwiñangö wösöñe kayohot. Efraim mi böröñi öñan memba Israelgö böröñi qaniñe ala Manase mi böröñi qaniñan memba Israelgö böröñi öñe alök.

* 48:4: Jen 28.13-14 * 48:7: Jen 35.16-19

¹⁴ Mewö al etkiyökmö, Efraim munji aiga asañan töndup böröñi öljän böranđa yangö nöröpñe alök. Manasenöñ Josefko nahöññi mutukñi ahökmö, asañan töndup böröñi qanıñan yangö nöröpñe alök. Mewö aka böröñi maripom ewö al kutuba nöröpñire alök. ¹⁵ Mewö ala tata Josef kötuetsköm wanjgiba kewö jiyök: “Asani Abraham aka iwini Aisak yetkön Anutugö jeñe anda kaba aka memba malohot. Nöñön asuhaba mala korali,

Anutunöñ mönö nalö میانگören pöndañ köyan köñ nıñgiba mala korök.

¹⁶ Suep garatanöñ ni bölöñi pakpak میانگörenök meköba angön köñ nıñgiba malöhi, yanön mönö azi gwabö yahöt ki kötuetsköm etkiba malma.

Ambazipnöñ yetkö qetñiri qetketka میانön mönö ni aka iwi asani Aisak aka Abraham nenğö qetbuñanini bisiba malmahot.

Yetkö könagesöñiran mönö gölme qakñe önöñi qahö sehiba malme.”

¹⁷ Mewö jiyökmö, Josefñöñ iwiñan böröñi öljän Efraimgö nöröpñe ali mi ehi dop qahö köliga میانğöra möt böliba iwiñangö böröñi öñje memba Efraimgö nöröpñeyök meköba Manaseğö nöröpñe almangö ahök. ¹⁸ Mewö aka iwiñangöra kewö jiyök: “Iwini, mewö kude akñöñ. Morö kianön nahöni mutukñi akza. Mianğöra börögi öljän mönö yangö nöröpñe alnöñ.”

¹⁹ Mewö jiyökmö, iwiñan mi akñangö qetala Josef kewö jii mörök: “Nahöni, mi ölop mötzal. Nöñön mi mötzal. Manasenöñ mewöyök qetbuñanjambuk aiga yangö gwölönarökurupñan mewöyök ahumsehip aka könagesö ketanjı akñemö, Efraimgö qetbuñanjan mönö Manaseğören qetbuña onğita ahöma. Yangö gwölönarökurupñan mönö ahumsehip ketanjı aka könagesö kambunji kambunji gwötpuk aka malme.”

²⁰ Mewö jii möriğa silim میانگörenök kötuetsköm etkiba kewö jiyök: “Israel yeñön mönö etkö qetñiri qeta könagesöñini kötuetsköm enğiba kewö jime: Anutunöñ mönö oyaenköyaen ak enğiğa enön Efraim aka Manase ewö akñe. “Mewö jiba Manase mi Efraimgö nembö bapñe alök.*

²¹ Israelnöñ kötuetsköm enğii teköiga Josefköra keu kewö jiyök: “Mötnöñ, nöñön kömumangö akzalmö, Anutunöñ embuk mal öñğöma. Yanön mönö enğuanğiriga iwi asaurupñini yeñğö gölmenöñ lilingöba anme. ²² Mianğören anda sutñine gölme mesinğetka nöñön göhö gölmeği toroqeba Sekem gölme kelökñambuk mi gihizal. Nöñön kukundu gölme mi Amor könagesö yembuk bim qeba nani timbi aka bingö sou ketanjı میانön yeñğörenök meal. Josef gi darumunurupki yeñğö bohonñini akzanangöra mi darumunurupki yeñğöra qahöpmö, göhö buñaya jim teköbi ahöma. “Mewö.

49

Jeikobnöñ nahönurupñi kötuetsköm enğiyök.

¹ Mianğö andöñe Jeikobnöñ nahönurupñi enğoholi kagetka keu kewö jiyök: “İñini mönö öröm tokogetka nöñön malmalñine könanğep denöwö asuhumawi, میانğö kezapqetok keunji indela jibi mötme.

² Jeikobkö nahönurupñi, inñini mönö kaba tokoba iwiñini Israelğören keu kezap ala mötket.

³ O Ruben, göñön nani nahöni mutukñi akzan.

Göñön nöñğö ösum-mumuni aka ambi membıga ösumnanğö öñji mutukñi asuhunöñ.

* 48:20: Hib 11.21

Qetbuñagahö aködämunñi aka kukösumñi mianñön mönö munurupki yengörej enğonğitza.

⁴ Luhutnönj köwet siri kunduriga kalöpmalöp anda kamakzawi, göhö urugan mönö mianğö dop wahöri kalöpköba lañ anda kamakzan.

Göñön iwigi nönğö ahöahö dumne öngöba qömböñne qeba anömnambuk ahönönğa dum mianñön mönö anğöjörakñambuk aka tölohoyök.

Mianğöra göhö qetbuñagahö aködämunñan mönö munurupki qahö toroqeba enğonğita ahöma.

⁵ Simeon aka Liwai yetkön darumuna akzahot.

Yetkö timbi lingip nupñiran mönö kegwek kahasililin kondorakza.

⁶ Yetkön irimesewöl qakñe azi enğuyohot kömugetka öne töhön sihimñanğöra bulmakau azinñi miengö köna börö yuainñini lañ enğum yandiyohotka porinñi aket.

Mianğöra yetkön keu goro jöhömakzahori, nönñön miambuk urumohot qahö ahakzal.

Totoko almahori, nönñön mianğoreñ yetpuk qahö toroqeba tatmam.

⁷ Urukazikñiran könöññambuk akzawangöra i jim qesuahöm etkizal.

Urusingokñiran kanjamñambuk akzawangöra i jim jörahöm etkizal.

Nönñön könagesöñiri köndenñ enğibiga yeñön Jeikobkö gölme dop köla anme.

Nönñön mendenñ enğibiga yeñön Israel sutñine lañ lalöpköba malme.

⁸ O Juda, göhö darumunurupkan gi möpöseim gihiba malme.

Göhö börögan mönö kerökurupki yeñğö imbi jölñine tatma.

Iwighö nahönurupñi yeñön mönö göhöra geba simin köla malme.

⁹ O Juda, göñön laion gwaböñi ewö maljan.

O nahöni, gi böröñan suhuba sömbup qem nemala mianğoreñök lilingöba kazan.

Yañön laion ewö silenñi al kötöteiba laion ambiñi ewö eta köla ahömakza.

Köreknan i suahö aka utuba möndöbingö kenğötñini mörakze.

¹⁰ Kukösumğö aiwesökñi mi kunnjan Juda yeñğö böröñineyök qahö enğuanğitma.

Azi kembugö öröññan könanñi sutñire kiniga kunnjan mi qahö qeköma.

Nanñi aka gwölönarökurupñan jakömbuak dumñe tata mal öngögetka könanğep kunöñ asuhuiga könagesö kambunñi kambunñi yeñön yanğö jitñi tem köla malme.

¹¹ Yañön donñi wain ip kemañe jöhöi kinma.

Donñi moröñi mi wain kösö sutñire gwaröhöiga ahöma.

Yañön oponñi mi wain oñan sanğonñma.

Malukunñi mi wain kötñanğö sepñe kusahöla közöhölmä.

¹² Wain o neiga jeñan wain oñi ewö pisihiba injan kölma.

Juzu oñi neiga jitñan juzu oñi ewö tuarima.

¹³ Zebulun könagesö yeñön köwet jitñe malme.

Yeñğö gölmenöñ wanğenñi wanğenñi surumakñe.

Gölmeninangö jaböñi mianñön mönö Saidon taonöñ göröken anda ahöma.

¹⁴ Isakar mi donñi sihitñi kotkotñi mianğö dop akza.

Donñi qakñe dum tatatkö gösöñi yahöt mietkö sutñire al kötöteiba lokaliba sölonđa ahömakza.

¹⁵ Lokoliba sölonđa lahut memba ahöiga dum mirinñi mi ölop dop köliga gölmenñan sihim kötökñi akña.

* 49:9: Jan 24.9; Ind 5.5

Mi eka andõñji yuai lömbõtñji angumangõra sipkõba geiga tosatñjan welenqeqe nup memapkõra kuñguba jõhõm wañgime.

16 Tosatñjan Dangõ kõnagesourupñji mulungõm enjigetka Dan yañõn mõnõ awörök aka keu diñdiñangõra bim qeba malma.

Dan kambu yeñõn Israelgõ kambu tosatñji i ewõ aka malme.

17 Dan yañõn qatõ mokoleñ ewõ kõnanõñ ahõba hosgõ gwakõtñje yõhöiga tõwõtata giligã qakñje tatmawanõñ mõnõ tala andõandõ gölmenõñ gema.

18 O Kembu, gõñõn ni kõsõ gwarõnõhõk mekõba angõn kõl niñgimangõra uba mambõrakzal.

19 Kegwek kahasilililñ kambu yeñõn Gad kõnagesõ enjum ohoba malmemõ,

Gad yeñõn mõnõ melenãda kõnanjine enjuatanãgõba nanñjini enjum ohoba malme.

20 Asergõ gölmenõñ nene mõriam gwõtputk asuhumakña.

Kiñ yeñõn nene nahõmñinambuk nemakzei, yañõn mõnõ nene mewõñji mi gölmeñje kõmõt sehiba mianõñ tosatñji baukõm enjigiba malma.

21 Teunõñ sihimñangõ dop õsumñjan lan lalõpkõmakzawi,

Naftalinõñ mõnõ mianãgõ dop aka morõurupñji enjeksihimñinambuk enjõmemba malma.

22 Wain ip o jeñangõ kõsutñje kõmõtketka kõtñji gwõtputk kuñguba bõrõñji giliga anda sel qõsõkõba yaigep anakzawi,

Josefnõñ mõnõ mianãgõ dop akza.

23 Yangõ kerõkurupñjan timbi jaugemñjini memba urukõnõp qakñje Josefkõ kambu mi enjuatanãgõba enjeriba enjum ohoba malme.

24 Mewõ malmemõ, Jeikobkõ bemñji Anutu kukõsumñambuk yangõ bõrõñjan mõnõ mem kõhöim wañgiiga

yañõn timbi tõhõtñji qahõ mosõta bõrõ sihitñji kakñji qahõ qeiga malma.

Anutu yañõn mõnõ urugõ lama galõmñji aka Israelgõ angõnkõlkõl Tonji akza.

25 Iwigahõ Anutuñjan mõnõ baukõm gihiba malma.

Bem kukõsum pakpakõ Toñjan mõnõ kewõ kõtuetkõm gihiiiga malman: Kiegõ kõtumõtuetñjan mõnõ kõnakembayõk gõhöreñ eriga gölme dutñji emuyangõ oñjan gõhöreñ koriga nahõnbõrat aka sõmbup gwõtputk miwikñaim enjigiba malman.

26 Kunduñji kundunji mienãgõ kõtumõtuetñjan nalõñji nalõñji ambazip dop kõl enjii mala kotket.

Kunduñangõ sõrõkñje yambu dop nene nupñjini memba malgetka nene mõriam asuhui mala kotketmõ,

gõhö iwigahõ kõtumõtuetñjan mõnõ mi pakpak õngitza.

Kõtumõtuet mienõñ mõnõ Josefkõ nõrõp qakñje õngõme.

Darumun sutñjine pom jembon tõk-kutukutuñji akzawanãgõ malmalñje mi pakpak mõnõ ahõm õngõme.

27 Benjamin mi kiam kalñji ewõ akza.

Sõñjan dop bõrõñjan suhuba sõmbup enjuba nem gwahõt enjimakza.

Silinnõñ yuai kiom qemakzawi, mi sunjem dop mendenmakza. "Mewõ.

28 Israelgõ kambu pakpak jangõñjini 12 mi mewõ. Iwiñjan kõtuetkõm enjigiba keu mewõ mewõ jiiga mõtket. Kõtumõtuetñjini murutñji murutñji mi nanñjõk nanñjõk mendenãda korek kõtuetkõm enjyõk. Mewõ.

Jeikobnōj kōmuyōk.

²⁹ Kōtuetkōm enjiba kinda keu kewō jim kutum enjyōk: “Anutunōj mōnō noaŋgiri nōjōn isik alaurupnan kōmugeri, yembuk toroqemamgō akzal. Nōjgō qamōtni mi mōnō iwiurupni yejgō qōhōrōjine baŋet Hit azi Efrongō gōlme kōrōje ahōzawi, mianjōreŋ lōm kōl niŋgime. ³⁰ Baŋet mi Keinan gōlmenōj Makpela gōlme kōrōje Mamre kōsutŋe ahōza. Abrahamnōj gōlme kōrōjē baŋetŋambuk mi isikninanōj qaksiriŋi ahōmapkōra Hit azi qetŋi Efron yaŋgōreŋōk sōjgōrōjē meyōk.*

³¹ Abraham aka anōmŋi Sara mi baŋet mianjōreŋ lōm kōl etkiget. Mewōyōk Aisak aka anōmŋi Rebeka mi mianjōreŋ lōm kōl etkiget. Nōjōn toroqeba Lea mianjōreŋ lōm kōl waŋgial.* ³² Abrahamnōj gōlme kōrōjē baŋetŋambuk mi mutuk Hit yejgōreŋōk bohōnŋi meiga ahōza.” ³³ Jeikobnōj nahōnurupŋi keu mewō jim kutum enjim tekōba kōnayahōtŋi örōi ahōahō dumnōj ōjgōiga nōj qeba kōmuiga Anutunōj waŋgiri isik alaurupŋi yejgōreŋ toroqeyōk. Mewō.*

50*Jeikob lōm kōlget.*

¹ Jeikobnōj kōmuiga Josefnōj luhuba iwiŋi kepōlakōm waŋgiba lipkōba anda imbiŋi gili geiga numbuŋi yōhōtim neyōk. ² Mianjō andōje Josefnōj doktaurupŋi jimkutukutuŋaŋgō baŋje malgeri, mi iwiŋaŋgō qamōtŋi sile mem kōhōkōhōi kelōknōj mirimegōra jim kutum enjyōk. Jim kutum enjyōga yejōn Israelgō qamōtŋi mewō ak waŋgiget. ³ Nup mi memba malgetka wehōn 40 jōmuk tekōyōk. Qamōtŋini kelōknōj mirizema, mianjō nupŋi mi nalō kōrōjŋi mewō memba maljema. Ijpt kōnagesō yejōn Jeikobkōra wehōn 70:gō dop jingēŋ kōla sahōta malget.

⁴ Sahōta jingēŋ kōla wōsōbirik malgeraŋgō nalōjē mianjōn tekōiga Josefnōj Farao kiŋgō jakōmbuak mire nup memba malgeri, yejgōra keu kewō jiyōk: “Nōjōn enjō jeŋjine ak-kōmukōmu miwikŋaial ewō, iŋjini mōnō nōjgō jitne memba Farao kiŋgōra keu kewō jigetka mōtma: ⁵ *Twinan jebuk mala keu kewō jōhōba jōjōpaŋ keunōj jim kōhōimamgōra jim kutum niŋgyōk: ‘Nōjōn kōmumamgō akzal. Ni nanajgōra kōt kōteŋ Keinan gōlmenōj esibi kinjawi, nōjgō qamōtni mi mōnō mianjōreŋ anda lōm kōlman.’ Mianjōra ōlōp merak jinōjga nōjōn mianjōreŋ anda iwiŋaŋgō qamōtŋi lōm kōlagun kunbuk liliŋgōba kamam.”

⁶ Mewō jii jigetka Farao kiŋnōj mi mōta kewō jiyōk, “Gi iwigahōra keu jōhōba jōjōpaŋ keunōj jim kōhōinōjē, mianjō dop ōlōp anda iwigahō qamōtŋi lōm kōlman.”

⁷ Mewō jiiiga Josefnōj iwiŋaŋgō qamōtŋi lōm kōlmamgōra ōjgōyōk. Farao kiŋgō jembonurupŋi qetbuŋaŋinambuk pakpak, jakōmbuak miriŋaŋgō aka Ijpt kantrigō jitŋe memeurupŋi qetbuŋaŋinambuk mi kōrek yambuk mo-hotŋe anget. ⁸ Josefkō mirigō saiwaurupŋi kōrek pakpak, yaŋgō darumunurupŋi aka iwiŋaŋgō kōnagesōurupŋi yejōn mewōyōk mohotŋe anget. Anōm-morōurupŋini, lama, meme aka bulmakau kambuŋi kambuŋi miyōk mōnō enjōmosōtketka Gosen gōlmenōj tatket. ⁹ Hosgō karenjē karenjē aka azi hos qakŋjine tatkeri, mi mewōyōk anget. Mewō mindiriba kambu keta bōlōkŋi anget.

* **49:30:** Jen 23.3-20 * **49:31:** Jen 25.9-10 * **49:33:** Apo 7.15 * **50:5:** Jen 47.29-31

¹⁰ Anda mala Jordan o kutuba likepñe toroqeba anda Atad mire wit padigö ölni aka kamböñi mendenða kewötkeri, miri gölme miangörej angota köhöikñanök jinñeñ köla silata sahöt böliba malget. Josefñöñ iwiñangöra wehön 7:gö dop jinñeñ köla sahöta malök. ¹¹ Atad mire jinñeñ köla sahötketka gölme toni Keinan könagesö yeñön mi eka möta kewö jiget, “Ijpt yeñön jinñeñ sahötök arenji öngögöñji alje. “Mewö jigetka miri gölme miangö qetñi mi könahiba Abel Mizraim * qetket. Mi Jordan ogö wehön kotkotñe ahöza.

¹² Jeikobnöñ nahönurupñi jim kutum engiyöhi, yeñön miangö dop mewö ak wangiget. ¹³ *Yeñön qamötñi anguba Keinan gölmenöñ anda Mamre kösutñe Makpela gölme köröñe banjet ahözawi, miangörej anda löm kölget. Abrahamnöñ mutuhök gölme köröñi banjetñambuk mi qaksirinñini ahömapköra Hit azi Efron yangörejök söngöröñi meyök. ¹⁴ Josefñöñ iwiñangö qamötñi löm köli teköiga nanñi, darumunurupñi aka tosatñi pakpak yambuk iwiñangö qamötñi löm kölbिंगö angeri, mienñön kunbuk Ijpt gölmenöñ lilingöba kaget. Mewö.

Josefnöñ likepñi qahö melenmamgö kunbuk jiyök.

¹⁵ Josefkö darumunurupñan iwiñinan kömuiga mi eka tata kewö mötmöröba jiget: “Josefköra silik bölöñi pakpak ak wangiiini, yanñön miangöra urukondum möt nenñiba nalö kewöñe könahiba likepñi melenñ nenñibapak.” ¹⁶ Mewö jiba Josefköra keu jit kewö algetka anök, “Iwigan kömumamgö aka nenñöra keu kewö jim kutuyök: ¹⁷ ‘Inini mönö Josefköra keu kewö jigetka mötma: Darumunurupkan silik bölöñi aka ayuhum gihibingö akeri, göñön mönö yeñgö siñgisöndokñini aka kahasilinñini mi mosötman. Miangöra göñön ölöñ iwigahö Anutunangö welenqeçeurupñi nenñgö siñgisöndokñini mosötman. “Yeñön keu jit mi algetka Josefköreñ kaiga möta mönö qeta sahörök.

¹⁸ Miangö andöñe Josefkö darumunurupñan nanñinak kaba gölmenöñ tala wösöñe sipköba eta kewö jiget: “Mötnöñ, nini göhö welenqeçeurupki omanñ akzin.”

¹⁹ Mewö jigetmö, Josefñöñ melenða kewö jiyök: “Mönö kenñgötñini kude mötme. Nöñön Anutugö salupñe qahö kinjal. ²⁰ Ölna, enñön silik bölöñan ayuhum niñgibingöra kapan köla aketmö, Anutunöñ mi möñaiiga salupñe yuai ölöñji asuhumapköra kapan köla ahök. Mewö aka kondota kuñgum niñgiiga könagesö gwötpuk enñgö malmalñini jöhöbiga miangö ölnan nalö kewöñe aukñe asuhuiga ek kutuzin. ²¹ Miangöra mönö kenñgötñini kude mötket. Nöñön mönö nanñini aka anöm-moröurupñini enñgö malmalñini körek nangöm enñgiba malmam. “Mewö jiba bölöñamñinanangö likepñi qahö melenmamgö kunbuk jim köhöiba gunböñönjöñ ak engiyök. Mewö.

Josefnöñ kömuyök.

²² Josefñöñ iwiñangö könagesöurupñi yembuk toroqeba Ijpt gölmenöñ malget. Josefñöñ mal öngöiga yambuñi 110 aiga kömuyök. ²³ Josefñöñ isi amböurupñi Efraimgöreñök asuhugetka mi enñgehök. Mewöyök Manasegö nahönñi Makir yangö nahönböraturupñi asuhugetka Josefkö tambuñe al enñgigetka dohongöm engiyök.

²⁴ Miangö andöñe Josefñöñ darumunurupñi yeñgöra keu kewö jii mötket, “Nöñön kömumamgö akzalmö, Anutunöñ mönö köyan köl enñgiiga malme. Yanñön inini gölme kiangöreñök enñguangita gölme Abraham, Aisak aka Jeikob

* 50:11: Abel jinñeñ sahötök arenji. Mizraim Ijpt. Hibru keu mewö.

* 50:13: Apo 7.16

yeŋgö buŋaŋina akŋapköra jim teköba jöjöpäŋ keunöŋ jim köhöiyöhi, mönö miangöreŋ anda malme.”

²⁵ *Mewö jii mötketka Israelgö nahönurupŋan keu jim jöhöba jöjöpäŋ keunöŋ kewö jim köhöimegöra jim kutum enŋiyök: “Anutunöŋ köyan köl enŋii malgetka nöŋön kömumbiga nöŋgö sihitni mi mönö gölme kiangöreŋök aŋguba Keinan gölmenöŋ anme.” ²⁶ Mewö jiba yambuŋi 110 aiga kömuyök. Kömuiga Ijipt miangöreŋ qamötŋi mi sile mem köhököhöigö kelökŋan miriba qamöt bokisnöŋ algetka ahöyök. Mewö.

* **50:25:** Eks 13.19; Jos 24.32; Hib 11.22

RUT

Rutkö sundutji, Jöjöhö Walakñangö Buk jañgö 8

Zöm-asa-asari

Aiwi kembu yengö nalöñe Israel yengö malmalñini mihi öngöwa hetañjuk. Uruñini melengetka oyaenköyaen malgetnöñ, miangö andöñe silekmalek malgetka heta heta sohoiga lömböt uruñe simbisembel malget. Mala miangö andöñe uruñini melenget. Mewö mewö hala malget. Rutnöñ nalö miangörenñ luaiök könañi kundelök. Moab anbi yañgön Israel aiwia meyök. Aiwi mianñon komuiga Rutnöñ iranñi Israel anbi yañjuk põndañ örörönñ jöhöwa Israelkö Anutuñi törörök qekötahöwa malök. Mewö mala kantriñi Moab mosota Israel uruñe kamba teteköñe apñi mutukñangö tintosolomuruñi yengö sutñineyök aiwi dölöknji kun miwikñaiwa meyök. Yetkö gulinarökñiri kunönñ kiñ Deiwidkö amböñi halök. Deiwid yañgön Israel yengö kiñini qetbuñañi öngöñgöñi malök. Deiwidkö gulinarökñi kun mihi jisös. Rutnöñ yambu 1110-1100 bifo Kraist malök.

Aiwi kembu buk miangö sundutji mienñon malmalkö könañi miewö kundelget: Anbazipnöñ Anutu andö qegetka nalö miangörenñ kahasilililñ köndenñmendenñ ketañan qakñine öngöget. Rutkö sundutñan köna miewö kundelja: Kian anbi yañgön uruñi Israelkö Anutukörenñ melenja mötnarip könagesönönñ toroqeiga kötumötuetnöñ qakñe öngögiga oyaenköyaen halök.

Buk muyañgö bahöñi bohonñi 3 miñgi miewö:

- 1) Naominönñ Rutkuk Betlehem lilingöyöwöt. 1.1-22
- 2) Rutnöñ Boazkuk aitonñgöyöwöt. 2.1-3.18
- 3) Boaznöñ Rut mihi anömñja meyök. 4.1-22

Elimelek hala saiwauruñi yengön Moab anget.

¹ Walahok Israel uruñe kiñ kun qahö maliga aiwi kembu yengön könagesö galim köl engiwa malget. Nalö miangörenñ bödi hikñaiwa balön patpat söp köla ahöyök. Bödi nalö miangörenñ Juda aiwi kunönñ anömñi hala nahönweitñi engañgita taonñini Betlehem mosota kantri qetñi Moab miangörenñ anda dum tatatñini möhangöwa kiána malget. ² Aiwi qetñi Elimelek, anömñi qetñi Naomi hala nahönweitñiri qetñiri Malon hala Kilion. Balöñini qetñi Efrata. Yengön taonñini Betlehem mosota Moab balöñnönñ anda miangörenñ malget. *

³ Miangörenñ malgetka Naomikö apñi Elimeleknönñ komuyök. Komuiga Naominönñ anbi malöya hala nahönweitñe malget. 4Nahönweitñi yetkön mala qariwa Moabkö anbi weit qetñiri Orpa hala Rut [†] ⁴ miewö malget: Tamar, Rahab, Rut hala Batseba. Mat 1,3-6 etkömeyöwöt. Etkömeyöwötka toroqemba Moab balöñnönñ yambu 10:gö söp mala kutket. ⁵ Mala kuta nahönweitñi weit Malon [‡] hala Kilion yetkön mewöyök komuyöwöt. Komuyöwötka namönñiri Naomi yañgön apmeröñi qahö nanñök malök. Mewö.

Naomi hala Rut yetkön Betlehem lilingöyöwöt.

* **1:2:** Efrata mihi balöñ Betlehem liliköwa ahözawi, miangö qetñi. Rut 4:11; Jen 35:19; 1 Sml 16:18; Mai 5:2 [†] **1:3:** Rut keu miangö könañi mihi 'ala-ala'. Jisöskö ambösakonuruñi yengö sutñine anbi [‡] **1:5:** Malon keu miangö könañi mihi 'osumeret aiwi'

⁶ Naominöj nanjok Moab kantrinöj mala nalö kunöj buzup keu muewö zöget mörök: ‘Kembunöj könagesöj bauköm engiwa Israel miangörej numbu nene ölip miwikñaim engimamja.’ Mewö möta Moab mosota Israel balöje lilingöwa anmamgöra mem mözözöm hali iranweitnji yetkuk wahötket. ⁷ Wahöta köhöm balöj malöhi, mihi mosota Juda balöjnöj lilingöwa anmamgöra haliga iranweitnji yetkuk mohotje könanöj anget.

⁸ Könanöj andaga Naominöj iranweitnji muewö etkezöyök: “Anbiweit, etkön mönö lilingöwa namönweitnjiri yetkö köhömnöj anda malmawöt. Etkön nöngö apmeröni komugeri hala ni nengöra ölipñanök ala hal nengiwa malöwötka Kembunöj mönö miangö söp likepñi melenja ölipñanök hal komum etkiiga malme. ⁹ Kembunöj ölip köna meiga injiri aiwi kunduk etkömimba malmal tatatjiri yetkö köhömnöj miwikñaiwa urusöñgai qakñe malmawöt.” Mewö zömba numbuñiri etköhötim neyöknöj, yetkön amburereñ hala silata sahöröwöt.

¹⁰ Sahöta muewö zöyöwöt: “Qahöwi! Niri mönö gowuk lilingöwa göhö könagesö kiripki yengöreñ anbin.”

¹¹ Mewö zöyöwötka melenja muewö etkezöyök: “O iranweitni, mönö nöpaköra nonjuk kambitkö halzawöt? Nöngön kunduk merö nahönweit membega qariyöwötka etkömembawörak me? Mewö römöngöwawörak ewö, miangön qahö söpköza. Qahöpmahöp! Mönö dölmuhu lilingöwa anmawöt. ¹² Ni anbi namönñi halzalanjöra aiwi kunñan qahö nömima. O iranweitni, etkön mönö lilingöwa köhömjire anöwöt. Ni kunduk aiwi memangö römöngöwa erap sunjem aiwi kunguk ahöwa köriguk hala nahönweitni etkömembilenjak ewö, tondup mihi lömböriza.

¹³ Merö mietköñ qariyöwötka apweitnjira etkimamgö mamböta malmawörak me qahöpto? Yetköra hala aiwi memekö könanjiri jöhöm anjuwa nalö köripñi sutñi mihi mönö in malmawötkuk. Mingi qahö söpköza. O iranweitni, mewö qahö. Kembunöj birinj borañda qeköm niñgiiga apñan komuiga miangöra malmalninan lömböriga nöngön etköra wösöjñijñi mötzal.”

¹⁴ Mewö zöiga dumje kunduk silata sahöröwöt. Sahöröwöt teköiga Orpanöj iranñanjö yaizözöknj zömba numbuñi yöhötim nempa elenja köhömjne anök. Orpanöj anöknöj, Rutnöj kapañ köla sele köpañe mösölatiyök. ¹⁵ Mewö mösölatiiga Naominöj muewö ezöyök: “Mötnöj, kasungan anja. Yangön nanñi bemñi hala nanñi anbazip kiripñi yengöreñ anja. Gi mönö mewöñanök elenja köhömjne anöj.”

¹⁶ *Mewö zöyöknöj, Rutnöj tondup muewö melenjök: “Ni gi gomosotmamgö de kapañ köla zöman. Ölip zönönga gowuk anbit. Gi denike denike anmani, nöngön mönö mewöyök gowuk miangöreñ anmam. Gi denike denike malmami, nöngön mönö mewöyök miangöreñ malmam. Göhö anbazip kiripki mingi mönö nöngö anbazip kiripna halgetka göhörej Anutu mihi mönö nöngöreñ Anutuya hali malmam.

¹⁷ Gi denikeanjöreñ komumani, nöngön mönö mewöyök miangöreñ mohok komumbi löm köl niñgimeköra mötzal. Keu mihi muewö zöm köhöimam: Komup mohotnöj mönö menden netkima. Iwai mörötñi kunöj menden netkima ewö, Kembunöj ölip miangö likepñi melenjiga nöngö qakne öngöma.”

¹⁸ Mewö zömba yangjuk anmamgö köhöikñanök kapañ köliga ekta möt qitiwa miangö keunji kunduk qahö zöyöknöj,

* 1:16: Rut 2.11-12; 2 Kin 2.2-6

19 mohotɲamɲire anda mala Betlehem taonöŋ kauröwöt. Kauröwötka taongö anbazip patpat yengön i etkeкта sösöŋgai ketanji möta tokoget. Anbi yengön qeta Naomikö yaizözökŋi miewö zöget: “Hei! I halakɲa Naomiya me denöwö? Oe oe oe!”

20 Mewö zögetka Naominöŋ miewö zöyök: “Nöŋgö qetni Naomi miŋgi in de qetme. Ni urusösöŋgai anbia qahö. Anutu kukosum Touŋan mönö kondot niŋgiiga urukombuk möta malzal. Mianğöra nöŋgö qetni Mara qetketka söpköma. § 21 Nöŋgöreŋ iwai kombunji ahöiga mutuk taon muhu mosota analnöŋ, erap Kembunöŋ nanğiriga biribörak lilingöwa omanje kazal. Kembu kukosum Touŋan keuni kewöta mem kirehöm niŋgiiga könjilij qakɲe malzal. Mianğöra qetni Naomi mihi in de qetme.” Mewö.

22 Naomi hala iranŋi Rut, Moab anbi mianjön Moab mosota Betlehem taonöŋ kayöwöri, nalö mianğöreŋ anbazipnöŋ könahiwa padikö alanji bali miŋgi nupɲine koholget.

2

Rutnöŋ Boazkö nupnöŋ bali qendanök.

1 Naomikö apɲi Elimelekö isik uruŋe tinitosolomɲi aiwi qetbuŋaŋguk kun qetɲi Boaz malök.

2* Nalö kunöŋ Moab anbi Rut yaŋgön iranŋi Naomikö miewö ezöyök: “Ölip zöm tekönöŋga nöŋgön nup kunöŋ anda anbazip bali ipɲi kohola iriremönɲi mosoramjei, mihi qendaŋda tokomam. Ni ölip aiwi kungö jeŋe eksihim miwikɲaiwiğa ‘Oŋ!’ zöiga ölip yaŋgö andöŋe anda mihi tokomam.” Mewö zöiga Naominöŋ zöyök: “O böratni, ölip anman.”

3 Mewö zöiga mosota nup kun dahöreŋ nuwa, mihi qahö mötaga tondup laŋ anda kinda bali koholgetka yengö andöŋine anda ipɲi mohok mohok qeqelanlaŋ heta ahögeri, mihi qendaŋda qendaŋda anök. Nup köriŋe anöhi, mihi Boaz, iranŋi Elimelekö isiknöhök kun yaŋgöreŋ nuwa ahöyök.

4 Yaŋgön dölmuhu Betlehemök kauta nup anbazipɲi engeikta yaizözökɲini miewö zöyök: “Bönjöŋ! Kembunöŋ enguk malma.” Mewö zöiga melenɲa miewö qetket: “Kembunöŋ mönö kötuetsköm gihima.”

5 Mewö qetketka Boaznöŋ nup galimɲi miewö qesiyök: “Anbi mihi dahön?”

6 Mewö qesiiga miewö melenök: “Anbi mihi köriwengöra. I Naomiguk Moab kantrinöhök kayöwöt. 7 Yaŋgön söŋan hömandiŋe kamba qesim niŋgiiga ölip zömbiga nup anbazip yengö könanɲine engohorata bali ipɲi qendaŋda tokoza. Nup pöndaŋ memba malzawa döldimuhu koumnöŋ endu anda luhut memba tatza.”

8 Mewö melenɲiga Boaznöŋ Rutköra miewö zöyök: “Böratni mötnöŋ, nöŋgön keu goroya kun gihimam: Gi nup muhu de mosota tosatiŋ yengö nupɲine qahö anda bali memba tokoman. Mönö nöŋgö welenqeŋe anbiurupni yenguk mohotɲe muyaŋgöreŋ qendaŋda malman. 9 Ni nup aiwiurupnan gömisiriwekuköra soŋgo halzal. Nup denike denike anda padi koholmei, gi mönö mianğö jegalim hala yengö andöŋine anda anbi yenguk malman. Ougaŋgö mötman ewö, welenqeŋe yengön ou köwöraŋgenöŋ huzei, ölip mianğöreŋ anda ou neman.”

§ 1:20: Qet weit mihi Hibru keu könanɲiraŋguk. Naomi urusösöŋgai. Mara urukombuk.
Lew 19.9-10; Dut 24.19

* 2:2:

10 Mewö zöiga Rutnōj mihi möta balōjnōj gewa bamgōwa Boazkōra miewō zōyōk: “Ni denōwōkōra kian mala tondup gōhō jege halkomukomu miwiknjaiwiga mewō kōyan köl niņgizan?”

11 Mewō zōiga miewō melejñōk: “Nōņgōn gōhō ambamemeganō sundutji mihi kōrek zōgetka mötzal. Gōhōn apkan komuiga irangi ölip galim kōla mala kutnōj. Gōhōn namōnmangi hala hiknjaihikjai kantrigi mihi mosota anbazip walak qahō möt nenginōji, nengō sutjine kamba malzan. 12 Gōhōn saiwaurupki ölipņi hal enginōņga Anutu Israel nengō Kembuninan mōnō miangō tōwanji gihima. Kuruknōj ginginņan merōurupņi kōlkōzizip hal engimamjawi, miangō sōp gōhōn Anutukō aumņe malmamgōra muhu kanōj.”

13 Mewō zōiga Rutnōj miewō melejñōk: “Ketanamni, ni gōhō nup meme anbiurupki yengō sōp qahōpnōj, gōhōn tondup ölipņi hal niņgizan. Gōhōn keu nuņgunōņga seleni pōsatza.” Mewō melejñōk.

14 Numbu nene nalōņan kaiga Boaznōj Rutkōra miewō zōyōk: “Ölip muhu kamba bered muņgu memba kasaknōj kundungōwa neman.” Mewō haliga nup anbazip yenguk tariga Boaznōj bali ohomqitiqitij mihi wanņiyōk. Mihi wanņiiga neiga tomenji juliga nene tosatji mosota tarōk. 15 Tata wahōta anda toroqemba bali ipņi qendaņniga Boaznōj nup aiwiurupņi miewō zōm qitim engiyōk: “Yaņgōn bali ipņi mihi bōran miengō sutjine miangōreņ mewōyōk qendaņa tokoma ewō, iņini mōnō keu tōhōreņ de zōm wanņime. 16 Mewō qahōpnōj, bali ipņi tosatji mihi bōranņineyōk mewōyōk hōrōwa halget heriga kamba nanņanğōra mem tokoma. Iņini i de zōm wanņime.”

17 Mewō zōm qitim engiiga Rutnōj bali ipņi qendaņa tokoi öņgōiga hōlņi hala kambōji mendenj etkimamgō sapak kerinņanğuknōj humba qōrōreņgōwa gōsiiga hōlņi gōsō karōmbōtkō sōp (36 lita) haliga kōhōm siņsiņgōwa kayōk. 18 Mewō haliga bali hōlņi mihi memba taonōj lilingōwa kamba dawik qendaņa malōhi, mihi iranņi kundel wanņiyōk. Miangō andōņe nene sōpņe memba tosatji mosorōhi, mihi mewōyōk ujeta wanņiyōk.

19 Mihi wanņiiga miewō qesim wanņiyōk: “Gi erap denike anda bali qendaņa memba malzan? Dahō nup uruņe nup memba malzan? Aiwi galim köl gihizawi, Anutunōj mōnō i kōtuetkōm wanņima.” Mewō zōiga dahō nupnōj nup memba malōhi, yaņgō sundutji Naomikōra zōmba miewō zōyōk: “Ni erap aiwi kunguk nup memba malzali, yaņgō qetņi mihi Boaz.”

20 *Mewō zōiga Naomikō elemņi heriga miewō zōi mōrōk: “Kembunōj mōnō Boaz kōtuetkōm wanņima. Kembunōj hal komum nengimamgō keu jōhōyōhi, miangō sōp mōnō pōndaņ apmerōurupņan komugeri hala nini erap muhu malzini, nengōra halkomukomuņi qahō jōhōwa malza.” Toroqemba keu miewō zōyōk: “Aiwi mihi nanini tinitosolomnina hala isikninanğō sohopņi meme aiwia. Miangōra yaņgōn mōnō ölip galim köl nengima.”

21 Mewō zōi möta Moab anbi Rutnōj miewō zōyōk: “Keu kun toroqeba miewō zōi mötzal: ‘Gi mōnō nōņgō nup meme anbazip yenguk nōmtik malnōņga nōņgōreņ bali patpat mihi kohol tekōme.’”

22 Mewō zōiga Naominōj miewō zōyōk: “O bōratni, mihi ölip. Gi tosatji yengō nup kōriņine anōņga silik kirekņi hal gihiwekuj. Miangōra gi ölip Boazkō nup meme anbi yenguk anda nup memba malman.” 23 Mewō zōiga Rutnōj Boazkō nup meme anbi yengō kōsutjine nōmtik mala hōlņi qendaņa tokowa maliga bali hala wit mietkō koholkohol nalōņiran tekōyōk. Tekōiga toroqemba iranņi Naomiguk malōwōt. Mewō.

* 2:20: Lew 25.25

meköwa memba kiniga bali kötni 25 kilogramgö söp kewöta mokoï geyök. Geïga memba köbibihüwa Rutkö hawötñe haliga hanjuwa lilingöwa taonöñ anök.

¹⁶ Rutnöñ mewö taonöñ anda irangangörej angoriga miewö qesiyök: “O böratni, denöwö mala kazan?” Mewö qesiiga Boaznöñ yangö iwai patpat halöhi, miangö sundutñi zöi mörök.

¹⁷ Möriga miewö toroqemba zöyök: “‘Gi irangangörej biribörak de anan,’ zömba bali munju ningiza.”

¹⁸ Mewö zöiga Naominöñ miewö zöyök: “O böratni, aiwi miangön erap in luhut qahö memapnöñ, keugi galim köla maliga mihi mindingöget teköiga miangö andöñe ölip tata luhut mema. Miangöra gi mönö ösöñ mamböta tata keugi denöwö zögetka hikñaimawi, mihi mötman.” Mewö.

4

Boaznöñ Rut anömña meyök.

¹ Boaznöñ taongö kiripo nanjuje anda qenjarök sombemnöñ heta tarök. Tariga isikñangö sohop meme aiwiköra keu zöyöhi, yangön kamba ongitmangö haliga yangöra miewö qerök: “O alani, gi ölip muhu kamba heta tatman.” Mewö qeriga kamba miangörej heta tarök. ² Tariga Boaznöñ taonöhok jötñe meme aiwi 10 engömiiga kagetka tatmeköra zöiga mohotñe heta tatket.

³ Tatketka Boaznöñ isikñangö sohop meme aiwiköra miewö zöyök: “Nalö miewöñe Naominöñ Moab kantri mosota lilingöwa kayöhi, yangön datnini Elimelekörej balöñ kitipñi mihi bohonñi memeköra halza. ⁴ Miangöra nöngön miewö römöngözal: Göhön keu mihi mötmangöra göhöra zözal. Göhön isikñirangö sohop meme aiwia halnönga nöngön göhö qerembengi halzal. Sohop meme aiwi mörötñi kun qahö malja. Miangöra göhön mihi bohonñi memangöra kungum gihizal. Göhön miñgi bohonñi memangö sihimñi mötman ewö, mihi ölip bohonñi memanöñ, mihi tököman ewö, ölip mihi mewöyök zönönga mötman. Mihi ölip aiwi muhu tatzei, yengö jeñine zöman. Mihi könagesö kiripñangö jötñe meme munju yengö jeñine zöman.” Boaznöñ mewö zöiga aiwi alañan miewö zöyök: “Nöngön mihi ölip bohonñi memam.”

⁵ Mewö zöiga Boaznöñ zöyök: “Göhön Naomikörej balöñ köriñi miñgi söngöröñi memani, nalö miangörej mönö Moab anbi Rut, aiwi komuyöhangö malöñi miñgi mohok bohonñi meman. Mewö hala aiwi komuyöhangö qetñan mönö birisamot balöñ miangörej ahömapköra mihi galim köla malman.”

⁶ Mewö zöiga sohop meme aiwi bohonñan miewö meleñnök: “Mewö haliga nöngön mihi bohonñi memangö osizal. Rutnöñ nani nahönböratni yenguk mohotñe birisamotni mendengetka mohot mohot yengön balöñ kitipñi merömerö miyök buña qem anjuwekuk. Nöngön mewö halmangö osizal. Miangöra göhön ölip mihi söngöröñi menönga nangi buñaya halma.” Mewö meleñnök.

⁷ *Walahok Israel uruñe kunñan balöñ iwai bohonñi meiga buñaji haliga miangö keuñan köhömapköra yengön silik miewö hala malget: Keu zöm teköwa jöjöhö halget teköiga yetkörejök kunöñ köna esunji qeköwa alanji wangizapna. Israel yengön iwai bohonñi memekö keuñan teköyöhi, mihi silik mewö miangön kundelzema.

* 4:7: Dut 25.9

⁸ Mianğöra aiwi mianjön Boazköra muewö zöyök: “Göhön mihi ölip söngöröñi menöñga bunjagi halma.” Mewö zömba köna esunji qeköwa Boaz wanğiyök. ⁹ Mihi wanğiiga Boaznönj jötñe meme aiwi hala könagösö patpat yengöra muewö engezöyök: “Nöñgön Elimelek, Kilion hala Malon yengörenj iwai patpat miñgi Naomikörenjök söngöröñi mezal. Injini mihi erap jeqawa suluwa ölip nanğöwa zömeanğö söp halze. ¹⁰ *Nöñgön Moab anbi Rut, Malongören malöya i mewöñanök bohönñi membi nöñgö anömna halma. Mewö hala aiwi komuyöhanğö qetñan birisamot balöñ mianğörenj ahömapköra mihi galim köla malmam. Qetñan mewö qahö ayapkömapnönj, gulinarökurupñan Elimelekö qetñi ölum enguwakuköra mihi ölip taon ofiskö bukñönj ahöm öñgöma. Injini mihi erap jeqawa suluwa ölip nanğöwa zömeanğö söp halze.”

¹¹ *Boaznönj mewö zöiga jötñe meme aiwi hala könagesö taongö kiripo nanğunje sombemñönj tatkeri, yengön körek muewö zöget: “Nini mihi jeqawa suluwa nanğöwin. Kembunönj ölip anömgi göhö köhöñge kamawi, i kötüetköm wanğiiga yanğön Reizöl hala Lea yetkö söp halma. Yetkön Jeikobkö nahönböraturupñi kombunji engömeyöwötka Israel könagesöninan hikñaiyök. Göhön ölip Efrata balöñnönj jötñe meme aiwi pomñi hala Betlehem taonönj qetbunjanğuk malman. ¹² *Kembunönj anbi malö ramikñi mianğörenjök gulinarök gihimawi, göhörenj könagesö yengön mönö juda hala Tamar yetkö nahönñiri Perez yanğö saiwakö söp hala malme.” Mewö.

Boazkö gulinarökurupñi yanğö qet arenj

¹³ Mewö hala Boaznönj Rut wanğita köhöñje anda anömña meiga Kembunönj kötüetköm wanğiiga köri hala nahönña meyök. ¹⁴ Nahönña meiga anbi yengön Naomiköra muewö zöget: “Nini Kembu möpöseizin. Yanğön erap isikanğö sohöp meme aiwia gihizawa yanğön ölip galim köl gihiwa malma. Merö mianjön mönö Israel urunje qetbunjanğuk halma.

¹⁵ Göhö irangan jöpaköm gihimamja. Göhö nahönurupki 7 malweak ewö, yanğön mönö i patpat engonğita bauköm gihiwa malök. Yanğön erap isiga gihiiga yanğön mönö malmalgi kölönjaiwa uruöliwam qem gihiwa malma. Könanğep anbi namönñi halnönğa yanğön ölip galim köl gihiiga malman.”

¹⁶ Mewö zögetka Naominönj merö mihi memba dohönğöwa galim köl wanğiwa malök.

¹⁷ Anbi kösutñe malgeri, yengön muewö zöget: “Naomikörenjök isi nahönña hikñaiza.” Mewö zömba qetñi Obed qetket. Obedkö nahönñi Jesi, isinj kin Deiwid.

¹⁸ Qet arenj muhu mei Perezkörenjök könahiwa kinda Deiwidkörenj öñgöza: Perezkö nahönñi Hezron, ¹⁹ Hezrongö nahönñi Ram. Ramgö nahönñi Aminadab. ²⁰ Aminadabkö nahönñi Nason. Nasongö nahönñi Salmon. ²¹ Salmongö nahönñi Boaz. Boazkö nahönñi Obed. ²² Obedkö nahönñi Jesi. Jesikö nahönñi kin Deiwid. Mewö.

* 4:10: Dut 25.5-6 * 4:11: Jen 29.31 * 4:12: Jen 38.27-30

Jona Jonagörej kezapqetok keu Jim-asa-asahi

Buk kianjön kezapqetok keu murutnji akzap. Mi Jonagörap denöwe asuhuyöhi, miangöt kösohotnji akzap. Anutunöj keu kewö jim kutum wanjiyök: Gi mönö Asiria kantrigöt siti bohonji qetnji Niniwe miangörej anda urukunḡukunḡu nup meman. Asiria yejön kahasililinjini ketaunji ahöiga Israel yejön kerök miengörap kömumbepukörap kenḡötjni möta malget. Anutunöj Jona mewö jim kutum wanjiyökmö, yanjön mi esapköba qetala Anutugöt koleknöj miangörej anmamgöt tököyök. Mi kewögörap tököyök: Anutunöj siti mi ayuhumangöt galöm meme keu jiyökmö, yanjön miangöt dop ölnja aknjapkö qahöp möt köhöiyök.

Jonanöj tököba qetaliga lömböt öngöngöj qakne öngögetka miangöt andöje nanji imbi-imbinji memba et ala tem köla anök. Anda urukunḡukunḡu nup meiga Niniwe sehisehiji yejön urujini ölnjaap melenget. Miangörap Anutugöt urujan amöriiga qahöp ayuhum engiyök. Miangörap Jonagöt urujan böliba kömbuhiba nanjak kömumamgöt mörök. Kin kunöj yambu 782-753 bifo Kraist galömñina maliga Jonanöj nalö miangörej nupnji meyök. Mirinji Gat Hefer mi Nazaret kösutnje, 5 kilomita anangö dop. Niniwe mi köröwen, 500-600 kilomita anangö dop.

Könanḡep Israel yejön nanjinak kezapqetok ambazip yengörej keu möta kude tem kölgetka Anutunöj jiiga Asiria yejön kaba enguba enguanḡötketka mewö nanjini kinkinjini mi mosötket. Buk kianjön Anutugöt könanji yahöt kewö kondelḡap: Körek nejön Anutugöt jitsihitnji törörök tem kölbinaḡöt dop akzin. Mewö qahöp akzin ewö, lömbötnöj mönö ölnjaap qaknine öngömap. Könanji bohonji kun mi ak-kömukömu aka urujepak. Yanjön nanji kerök kambunji Asiria yengöt singisöndoknjini mewöyök mosöta ayuayuhunöhök meköm engimapköt kapan kölakzap. Likepnji bölöj qaknine öngöbapuköt möt köhöiba urunini melenḡingöt kunḡum nenḡimakzap.

Buk kianḡöt bahöjji bohonji 4 mi kewö:

- 1) Anutunöj Jona oholiga yanḡisen ahök. 1.1-17
- 2) Jonanöj urujni melenḡa söranöhök lolohoyök. 2.1-10
- 3) Jonanöj Niniwe könaḡesö urujini kunḡuyök. 3.1-10
- 4) Urujini melenḡetka Anutunöj ak kömum engiyök. 4.1-11

Jonanöj Kembu qetala mömölaköyök.

¹* Israel miangörej Kembugörej keu mi Amitaigöt nahönji Jona yanḡörej kewö asuhuyök: ² “Asiria kantrigöt siti ketaunji Niniwe mi wehön kotkotnje ahöza. Yejön bau jegömöl aka bölöñamñini memba malakze. Miangöt keu mi nöngöt jemesoholne öngöiga mötzal. Miangörap göñön möp wahöta eu anda nöngöt buña keuni jiba mianjön urujini kunḡuman.”

³ Mewö jiyökmö, Jonanöj möp Kembugöt jemesoholneyök ölöñ köla wehön gegenje göröken anmamgörap wahörök. Wahöta miri qetnji Jopa (Jaffa) miangörej geba wanḡe kun miwikñaiba “Ölöp yembuk Tarsis mire Spein

* 1:1: 2 Kin 14.25

kantrinöy anmam,” jiba köna söngöröjji memba wanjenöy öngöyök. Mewö öngöba Kembugöt jemesoholneyök mömölaköba anök.

⁴ Mewö anökmö, Kembunöy möp luhut köhöikni melaii köwetnöy anda qeiga siridimbom ketaunji asuhuiga wanjenöy miangörap jömgömangöt ahök.

⁵ Mewö aiga wanje böro azi yenön kenğötjini möta nanjini bemurupjinangöt dop nanjök nanjök köuluköm enğiget. Mewö aka wanjenöy amğömapkörp miangöt inap yuaini mi körek gilgetka köwetnöy gem teköyökmö, Jonanöy wanje dutjanğöt uruñe geba miangörej öl köla gaun lömbötñi ahöyök.

⁶ Miangörej ahöiga wanje galömnjan yangörej kaba kewö jiyök: “Gi möp wuanöngörap ki gaun ahözane? Möp wahöta nangi bemgi qeta köulukönönga yanön mötmörim nenğiiga kude ayuhubinak.” Mewö jiyök.

⁷ Mewö jiiga sutñine kewö jiget: “Ayop möp kaget! Nini möp unju geba azi dagöt singisöndokörp ayuayuhu ki nenğöt qaknine öngözawi, miangöt könanji mewö miwikñaibin.” Mewö jiba unju qegetka Jonanöy asuhuyök. ⁸ Asuhuiga jiget kaiga kewö qesim wanğiget: “Ayuayuhu ki mi dagöt singisöndokörp aka nenğöt qaknine öngözawi, gi möp miangöt könanji jinönga mörin. Gi wanat nuwa memakzan? Gi waniñeyök kazan? Göhörej kantri mi waniñe aiga göhörej könagesöurupki mi waniñe malje?”

⁹ Mewö qesim wanğigetka kewö melenjök: “Ni Israelgöt Hibru azia akzal. Ni Kembu, Suepkö Anutunji waikni memba möpöseimakzal. Yanön köwet aka gölme örönñi miwikñaaim etkiyök. ¹⁰ Yanön böro osikosibuk niñgiiga nöñön mi tököba Kembugöt jemesoholneyök ölöñ köla kazal.”

Mewö melenñiga azi yenön mi möt yaköba gwötpuk awöwöliba kewö jiba jim wanğiget: “Yei! Gi möp wuanöngörap mewö akzane?” ¹¹ Köwet mi toroqeba bölim köhöiba ahöyök. Miangörap yenön kewö qesim wanğiget: “Nini möp denöwewö ak gihiinga köwetnöy giñ qebawak?”

¹² Mewö qesim wanğigetka yengörap kewö melenjök: “Siridimbom ketaunji kianön möp nöngörap aka enğöt qakñine öngöba qezawi, nöñön mi ölöp mötzal. Miangörap injini möp nömimba köwetnöy gilgetka gemam. Gilget gebiga köwetnöy ölöp giñ qemap. Mewö jizal.”

¹³ Mewö jiiga böro azi yenön töndup wanje kunbuk gölme oronñe anğotmapkörp lökuatnöy nanğöbingöt qeba qegetmö, köwetnöy bölim teköyöhanğörap aka mi osiget. ¹⁴ Osiba Israelgöt Kembunji yangöt qeta köuluköba kewö jiget: “O Kembu, gi nangak keu jitkahöt dop mi wuatangöba yuai ki akzan. Mewögörap Kembu, azi kianön kömumapkörp aiga miangörap nini kude ayuhum nenğiman. Sepñangöt keunji mi nenğöt qaknine kude alnönga öngömap. Keu mi öljap.”

¹⁵ Mewö köuluköba anda Jona memba gilgetka köwetnöy geyök. Geiga köwetkö kukñan ösumok bököiga giñ qeyök. ¹⁶ Giñ qeiga azi yenön Kembugörap euam awöwöliba naluk ketaunji ala Kembu jöwöwöl ohom wanğiba keunjini kewö jöhöget: “Nini möp Kembugöt keunji tem köla kude qetalbin.”

¹⁷ *Jonanöy köwetnöy geiga Kembunöy söra ketaunji kun melaiiga anda Jona gwahörök. Gwahöriga söra miangöt uruñe sunğem silim karöbut ahöba malök. Mewö.

2

Jonanöy gajugaju kömgokñe ahöba köuluköyök.

* 1:17: Mat 1 2.40

¹ Jonanöj söra uruñe ahöba Kembu Anutuñi köuluköm wanjiba kewö jiyök:
² “Nöñön wahöjalij uruñe Kembu köuluköm gihibiga göñön ölop keuni mötzan. Ni unjem senjom kömgokñe ahöba uleralga göñön ölop uletni mötzan. ³ Göñön köwet röndum ketauñe tötal niñginöñga gezal.

Göñön köwet söñsöñauñangöt dutñe tuapkönöñ eralga göulu ketauñan esuhum niñgizap.

Göhöreñ qöloqöl-söutsöt pakpak mi musulungöm niñgizap.

Göhöreñ siri pakpak mi qeba turuba nem ulahöm niñgizap. ⁴ Mia möta kewö mötmörizal: Göñön ni göhöt jemesoholgeyök közöl niñginöñga maljal. Mi töndup nöñön möp kunbuk göhöreñ jöwöwöl jike kömbukñe göröken jenan ubi anma. Mi kunbuk kude ekilenahak kun. ⁵ O aka omanjaret mi nöñgöt qakne öñgöba turum niñgim teközap.

Röndumnöhök möp liliköm niñgim teközap.

Köwetköt kumburereñ mianñön möp nööröp jupni köpeiba esuhuzap. ⁶ Ni kundunangöt röndañ kónañangöt dop yuhuyangöreñ eral. Röndañgöt botñi mianñön möp nöñgöt qakne jöhöm qözöñda jöhöm qözöñ köhöizap.

Yuhu maljalmö, o Kembu Anutuni, göñön möp neka röndañ dutñeyök kunbuk öröm niñginöñga malmalnöñ kotmam. ⁷ Nöñgöt malmalman qahöwakñangöt aiga nöñön nalö mianğöreñ Kembu, gi mötmörin gihibiga köuluknan öñgöba göhöt Suep jike kömbukñe euyangöreñ öñgöba göhöreñ angotmap. ⁸ Ambazip kopa-bemlopion omani göda qem engimakzei, yeñön mewö aka kalem möriam Tonji gi andö guhumakze.

⁹ Andö mewö guhumakzemö, nöñön möp möpömöpösei löñet omsa köla naluk ala jöwöwöl ohom gi himamgöt mötzal.

Nöñön yuaigöt keuñi jim jöhözali, miangöt dop möp ak sorokömaktam.

O Kembu, gi mohotnöñ nöñgöt malmalnangöt bohoni jöhömamgöt köhöizan. Keu mi öñap.”

¹⁰ Mewö köuluköm teköiga Kembunöñ möp söra mi jim kutum wanjiiga kaba kota Jona loñniga gölme oronñe erök. Mewö.

3

Jonanöj Anutugöt nup mi Niniwe uruñe meyök.

¹ Gölme oronñe eriga Kembugöreñ keu ki mi kunbuk Jonagöreñ asuhuyök:

² “Göñön möp wahöta siti ketauñi Niniwe miangöreñ anda buña keu gihi-mami, mi jiba uruñini kuñguman.” ³ Keu mewö asuhuiga Jonanöñ wahöta Kembugöt keu jit tem köla Niniwe anök. Niniwegöt dopñi mi kewö: Gi gorañeyök kónahiba anda malnöñga wehön karöbut teköiga likepñe endu angotman. ⁴ *Jonanöñ kónahiba siti uruñe anda maliga wehön mohot teköiga buña keu qeta kewö jiyök:

“Wehön 40 kun ahözap. Mi teköiga Niniwe siti kianñön möp melenñi gemap.”

⁵ Keu mewö qeta jiiga Niniwe kónagesö yeñön Anutugöreñ keu möt nariba uruñini melenña nene sinji malbingöt nalö ala jim köhöiget. Mi jim köhöiba ambazip ketauñi moröñi yeñön lökñanök imbi melenñöt samot meget silenjine öñgöiga kau ariget.

⁶ Mewö aketka miangöt buzup keuñi mi Niniwegöt kin (praim minista) yangöreñ angorök. Angoriga möta jakömbuak dum tatatñeyök eta malukuñi köteköba samot memba at-turuba kau utuba ariba tarök. ⁷ Tata jim kutukutu kewö aliga Niniwe siti dop köl teköba anök: “Injini möp kin aka jembonurupñi

* 3:4: Mat 1 2.41; Luk 1 1.32

yenğoren jim kutukutu ki mötme: Kunjan kun möp nene kulun kude nemap. Ambazip me bau kuruk-lama bulmakau-injini nene kulun kun nemegöt kude möt engime. ⁸ Nene sinji mewö mala samöt mem teköba Anutu köhöikjanök sahöt köuluköm wanğiba nanjök nanjök kónanjanjini bölöñi aka ambazip ayuayuhu böröñini töwötpuk meget ahözawi, mi möp andö qem teköba mosötme.

⁹ Mewö ahinga Anutugöt urunan kunbuk eriga wösöñi möt nenğiba kuknanğöt könöpñi qeraköba sinğisöndoknini mosötpawak. Mi mosöriğa kude ayuhubinak. Mewö jizin.”

¹⁰ Mi möt asahiba kónanjanjini bölöñi andö qeba urunini melengetka Anutunöñ ahakmemenini mi eka wösöñi möt enğiba mötmötñi lilingöiga sinğisöndokñinanğöt likepñi melen enğimapkö ahöhi, mi mosörök. Urunan mewö eriga kude mem bölim enğiyök. Mewö.

4

Jonanöñ tembula irimñi seholyök.

¹ Mewö asuhuyökmö, Jonanöñ mianğörap urubölö ketaunji möta irimñi seholyök. ² *Irimñi seholiiga Kembu ulet wanğiba kewö jiyök: “Aek Kembu, gi ak-kömükömugöt bemñi mala ölop nenğehorimakzan. Göhören kuki mi öñsöñ aiga kalem möriangi mi öññi qahöp ahöza. Mewö urugi zölan amöröiga wösögi möta könagesö kun mem bölöm enğimamgöt kude mörakzan. Mia nane gölmenöñ mala lök möt yaköba jiali, mia ölum guhuza me qahöp? Kónanji mewöğörap aka nalö mianğörenj Tarsis anmam jiba ösumok mömölaköba anda malal. ³ *Merak malmalgöt tököba kömupköt möralga ölöwakzap. Mianğörap Kembu, göñön möp malmalni dölk noanğötnöñ. Keu mi ölnap.”

⁴ Mewö ulerökmö, Kembunöñ kewö melen wanğiyök: “Jona, gi ak-kömükömugörap irimesewöl mötzani, mi dop köljap me qahöp?”

⁵ Mewö jiiga Jonanöñ siti mosöta eta wehön kotkotñe göröken anda köna töwokñe endu koum qeba mianğöt aumñe tarök. Tata sitigörap mewö me mewö asuhumawi, mi ekñamgörap uba tarök.

⁶ Mewö tarökmö, Kembu Anutunöñ Jona uruölöwak ak wanğimamgörap jiiga ölnölnun kun asuhuba köriba kota Jonagöt nöörpñi aum köl wanğiyök. Aum köl wanğiiga ölnölungörap uruölöwak ketaunji möta tarök. ⁷ Tata sunğem kun ahöiga miri gianjiiga mianğörenj Anutunöñ taröñ kun melaiiga kaba ölnölnun mi yöhöronğöiga sinñi seholyök. ⁸ Wehönöñ koriga Anutunöñ jiiga luhut könöpñambuk kötökñi mi miri jeñi kotkotñeyök qeiga wehön jeñan nöörpñe qei qei urunji öngöba duhuiga kömumamgöt möt teköba köuluköba kewö jiyök: “Nöñön malmalgöt tököba kömupköt möralga ölöwakzap. Keu mi ölna.”

⁹ Mewö jiyökmö, Anutunöñ Jonagörap kewö jiyök: “Gi ölnölungörap irimñi seholyawawi, mi dop köljap me qahöp?” Mewö jiiga kewö melen wanğiyök: “Irimni seholyawawi, mi möp dop köljawa. Nöngöt irimesewölmi mi ketaunji aiga urunan kude amörimap. Mianğörap ölop kömumam. Keu mi ölnap.”

¹⁰ Jonanöñ mewö jiiga Kembunöñ kewö jiyök: “Gi ölnölungöt böröñi kun kude memba mi kunde galöm kölnönga köriyök. Mi sunğem mohotkö urunje asuhuyök aka sunğem mohotkö urunje sohomba kömuyök. Töndup göñön nangak yuai omanji mewöñi mianğörap sahöta waimanjat mötzan.

* 4:2: Eks 34.6 * 4:3: 1 Kij 1 9.4

¹¹ Mewö aiga nöñön möp denöwögörap siti ketauñi kiangöt könagesöñi yengörap waimanjat kude mötpileñak? Miangöt uruñe morö namande 1 20.000 (handöt twenti tausen) jañgö mi oñgöta maljei, mi ölöpñangöt aka bölöñangöt kōnañiri kude möt kewöt etkimakzei aka bau kuruk yuai mi tok gwötpuk malje. Mi ambazip ketauñi yembuk mohok mem bölim enjibileñbukörap nöñön möp sihimnan Niniwe enjehorizal.” Mewö.

Matyu

Ölöwak Buja Matyunöŋ ohoyök. Jim-asa-asari

Matyu qet miangö könaŋi mi Kembugöreŋ kalem. Qetŋi alaŋi Liwai. Rom gawmangö takis meme azia malök. Nup mi memba maliga Jisösnöŋ kaba oholiga uruŋi melenŋa gwarek 12 yeŋgö sutŋine malök.

Ölöwak Buja ki Jisösgö könaŋi nanŋe Juda könagesö yeŋgöra jim asarim engimangöra aka ohoyök. Keu kötŋi bohönŋi kewö, “Jisös Kraistnöŋ Amötqeqe Tonini aka Kiŋnini akza.” Juda ambazip yeŋgöra keu mi qahö dop köli uruŋinan bölii qaköget. Miangöra Matyunöŋ Jisös nupŋangö könaŋi mi aukŋe jim asariba törörök kusum engiyök. Jöhöjöhö Walŋe amötqeqegö jöhöjöhö keu (promis) ahözawi, mi pakpak mönö Jisösgöra aka aukŋe ahum kuwuleiba öljambuk ahök. Amötqeqe Tonŋi mi Hibru keunöŋ Mesaia aka Grik keunöŋ Kraist.

Jisösnöŋ urugö nup bahöŋi karöbut memba malök: Yaŋön Ölöwak Buja ambazip kusum engiba uruŋini mianŋön kuŋguba kawölnŋini mem ölöwaka malök. Mewö memba aniga angöletot asuhugetka mala maripom ipnöŋ öngöba kömuiga löm kölgetka kunbuk wahörök. Mewö mianŋön Anutu bemtohoŋangö könaŋi kondel nenŋiyök. Mewö aiga nini letota Anutugö nahönböraturupŋi akingö könaŋi asuhuyök. Jisösgö lesön bohönŋi 5 mi kewö: 1) Boŋ 5-7, 2) Boŋ 10, 3) Boŋ 13, 4) Boŋ 18 aka 5) Boŋ 24-25

Buk kiangö bahöŋi bohönŋi 7 mi kewö:

Jisösgö ambösakonurupŋi aka ahuahuŋi 1.1–2.23

Jon O-melun azinöŋ urugö nup meyök 3.1-12

Jisös o melun meiga Satanöŋ esapköyök 3.13–4.11

Jisösnöŋ Galili uruŋe qenjarök nup meyök 4.12–18.35

Jisösnöŋ Galili mosöta Jerusalem anök 19.1–20.34

Sonda qöndökŋi Jerusalem mala kömuyök 21.1–27.66

Kömuŋnöhök wahöta mala Suepnöŋ öngöyök 28.1-20

Jisös Kraistkö ambösakon yeŋgö qet aren

Luk 3.23-38

¹ Jisös Kraistkö ambösakon yeŋgö qet arenŋini kewö: Abrahamgö gwölönarökŋi kun Deiwid. Deiwidkö gwölönarökŋi kun Jisös.

² Abrahamgö nahönŋi Aisak. Aisakö nahönŋi Jeikob. Jeikobkö nahönurupŋi Juda aka yaŋgö darumunurupŋi. ³ Judagö nahönyahötŋi Perez aka Zera, namŋiri Tamar. Perezgö nahönŋi Hezron. Hezrongö nahönŋi Ram. ⁴ Ramgö nahönŋi Aminadab. Aminadabkö nahönŋi Nason. Nasongö nahönŋi Salmon. ⁵ Salmongö nahönŋi Boaz, namŋi kantri kungö ambiŋi Rahab. Boazgö nahönŋi Obed, namŋi kantri kungö ambiŋi Rut. Obedkö nahönŋi Jesi. ⁶ Jesigö nahönŋi kiŋ Deiwid. Deiwidkö nahönŋi Solomon, namŋi mutuk Uriagö anömŋa malök. Juda kiŋ pakpak mi Deiwidkö gwölönarökurupŋi aka malget.

⁷ Solomongö nahönŋi Rehoboam. Rehoboamgö nahönŋi Abiya. Abiyagö nahönŋi Asa. ⁸ Asagö nahönŋi Jehosafat. Jehosafatkö nahönŋi Jehoram. Jehoramgö nahönŋi Usia. ⁹ Usiagö nahönŋi Jotam. Jotamgö nahönŋi

Ahaz. Ahazgö nahönñi Hezekia. ¹⁰ Hezekiagö nahönñi Manase. Manasegö nahönñi Amon. Amongö nahönñi Josia. ¹¹ *Josiagö nahönurupñi Jekonia aka yangö darumunurupñi. Nalö miangörej Babilon yeñon Israel könagesö enġuanġitketka Babilon anda köso mire malmal ewö tandök welenqeqeqejina malget.

¹² Babilon köso mire malmal ewö tandök mala miangörej Jekoniagö nahönñi Sealtiel asuhuyök. Sealtielgö nahönñi Jerubabel. ¹³ Jerubabelgö nahönñi Abiud. Abiudkö nahönñi Eliakim. Eliakimgö nahönñi Azor. ¹⁴ Azorgö nahönñi Jadok. Jadokö nahönñi Akim. Akimgö nahönñi Eliud. ¹⁵ Eliudkö nahönñi Eleazar. Eleazargö nahönñi Matan. Matangö nahönñi Jeikob. ¹⁶ Jeikobkö nahönñi Josef, Mariagö apñi. Marianöñ Jisös meiga qetñi Kraist Amötqeqe Tonj qerakzin.

¹⁷ Nalö Abrahamgörejök könahiba mala kotketka Deiwid asuhuyöhi, isik miengö jañgö arenj mi ¹⁴. Kunbuk kiñ Deiwidkörejök könahiba mala kotketka Israel könagesö enġuanġitketka Babilon anda köso mire malmal ewö tandök malgeri, isik miengö jañgö arenj mi mewöyök ¹⁴. Babilon köso mire malmal ewö tandök malgeri, nalö miangörejök könahiba mala kotketka Kraist asuhuyöhi, isik miengö jañgö arenj mi mewöyök ¹⁴.

Jisös Kraist mi kewö asuhuyök:

Luk 2.1-7

¹⁸ *Jisös Kraist asuhuyöhangö kösohotñi kewö: Yangö namñi Maria mi Josefbuk buñabuñu mala mindimindiri qahö aka malohotka nalö miangörej Uña Töröñan mem letot wañgiiga köröbuk mali könajñi mewö miwikñajiget. ¹⁹ Mewö miwikñajigetka azi buñajñi Josef yañon malmal diñdiñi malöhangöra Mariagö könajñi aukñe asuhui gamuñambuk akapuköra tököyök. Mewö tököba uruñan i ölöñ mosötmangö mötmöt arenj alök.

²⁰ Mewö mötmöröiba ahöiga Kembangö garata kunñan gaunöñ asuhum wañgiba kewö jiyök, “Josef Deiwidkö gwölönarökñi, Uña Töröñan mönö Maria letot wañgiiga köröñambuk malja. Miangöra gi mönö i örönöñ mirige kaba anömgi akñapakö keñgötki kude mötman. ²¹ *Marianöñ mönö morö nahön mema. Azi miangöñ könagesöñi siñgisöndokñineyök amöt qem enġiiga solanime. Miangöra göñon qetñi Jisös qetman.” Mewö jiyök.

²² Kembunöñ kezapqetok azi kun sölölohöiga keu kun jiyöhi, miangöñ öñambuk akñapaköra yuai pakpak mi asuhuyök. Kezapqetok keu mi kewö, ²³ * “Ambi seram jömukñi kunöñ gölöñambuk aka morö asia meiga qetñi Imanuel qetme.” Qet miangö könajñi kewö, “Anutunöñ nembuk malja.”

²⁴ Josefnöñ imbiñi möta wahöta Kembangö garatanöñ jim kutum wañgiyöhi, mönö miangö dop aka Maria anömñi akñapaköra wañgita miriñe anök. ²⁵ * Anda malohotmö, nalö sutñe miangörej mohotñe qahö ahöyohot anda nahönñi meiga Josefnöñ qetñi Jisös qerök. Morö meiga miangö andöñe awanöm malohot. Mewö.

2

Mötkutukutu azi wehön kotkotñeyök kaget.

¹ Jisösnöñ kiñ kembu Herodkö nalöñe Judia prowinsgö taon qetñi Betlehem asuhuyök. Asuhuyöhi, nalö miangörej señgelaugö mötmöt azi wehön

* **1:11:** 2 Kiñ 24.14-15; 2 Hist 36.10; Jer 27.20

* **1:18:** Luk 1.27

* **1:21:** Luk 1.31

* **1:23:**

Ais 7.14 * **1:25:** Luk 2.21

kotkotneyök Jerusalem sitinöy kaget. ² Kaba kewö qesiget, “Juda engören kin kembu akjaw, morö mi asuhuba denike ahöza? Nini wehön kotkotne mala yangören undi asuhui eka könani mewö möta waikni memba möpöseibingöra kazin.”

³ Mewö qesigetka kin kembu Herod aka Jerusalem könagesö yambuk malgeri, yeñön körek pakpak keu mi möta auruget. ⁴ Aurugetka kin Herodnön keu ala könagesögö jike nup galöm bohonji aka Köna keugö böhi pakpak köl öröm engii kaget. Kaba tokogetka kewö qesim engiyök, “Amötqeqe Tonj Kraistnön mönö denike asuhumapköra jigetka ahöza?”

⁵ Qesim engiiga kewö melen wangiget, “Yañön mönö Judia prowinsgö taon qetji Betlehem miangören asuhuma. Miangö keunji mi kezapqetok azi Maikanön kewö ohoi ahöza,

⁶ *O Betlehem könagesö Juda gölmenön maljei, engö sutjineyök kembu ketanji asuhuba nani Israel könagesö mindingöba köyan köl nengima. Miangöra injini Juda gölmegö jitmeme yeñgö sutjine malgetka qetbuñaninan eretji qahöpmahöp akza.’ ”

⁷ Mewö melen wangigetka mötkutukutu azi mi ölöy engoholi kagetka kewö qesim engiyök, “Undinji mönö wani nalönön asuhui könahiba eket?” Miangö könani törörök mötmangö möta mewö qesim engiyök. ⁸ Miangö keunji möta melaiba kewö jim kutum engiyök, “Injini mönö Betlehem anda morö mi törörök qesiba miwikjaiba miangörenök buzup keu algetka nongören kama. Nöjön mi möta mewöñanök anda i waikni memba möpöseim wangimam.”

⁹ Kinön mewö munej jiba jim kutum engiiga möta könanön anget. Anda undi wehön kotkotne mala ekeri, mianön nöroñjine mutukmutuk ani mötötei-get Betlehem anda miri morö nahön ahöyöhi, mönö miangören kinök. ¹⁰ Undi mi kini eka sösongai keta bölökni aket. ¹¹ Sösongai aka miri uruñ öngöba morö aka namni Maria etkeket. I etkeka simin köla sipköba waikni memba möpöseim wangiget. Möpöseim wangiba bayangösöñini qeanda miangörenök goul, jiniñ paura aka sanda qetji mör mi uzeta kalem wangiget.

¹² Sunjem kun ahöget-ka Anutunön gaun kondela kin Herodkören kunbuk anbepukö qetal engiyök. Miangöra köna kungenök nanjini miri gölmenjine lilingöba anget. Mewö.

Herodköra asamböta Josef anöm-moröni Ijpt anget.

¹³ Mötkutukutu azi mienön angetka Josefnön gaun ehiga Kembangören garata kunjan asuhum wangiba kewö jii mörök, “Herodnön morö qei kömumapkö jarum wangima. Miangöra mönö wahöta morö aka namni etkuangita ölöy köla Ijpt kantrinön anme. Miangören anda malgetka bian anak kamegö nalö jimami, miangören mönö lilingöba kame.”

¹⁴ Mewö jii möta wahöta sunjem miangörenök morö nahön aka namni etkuangita Ijpt anget. ¹⁵ *Ijpt anda malgetka kin Herodnön kömuiga nalö miangörenök lilingöba kaget. Mutuk Kembunön kezapqetok azi Hosea sölölohöiga keu kewö jii ahöza, “Nöjön nahöni oholbiga Ijpt gölme mosöta kayök.” Kezapqetok keu mianön mönö mewö asuhuiiga öljambuk ahök. Mewö.

Morö azi Betlehem gölmenön enguget kömuget.

* 2:6: Mai 5.2 * 2:15: Hos 11.1

16 Mötikutukutu azi mienjön Juda gölme ölöj mosöta angetka Herodnön miangö könanji eka “Tilipkôm ningiget,” jiba irimnji gwötpuk sehohiiga jimkutukutu kewö alök, “Yarö azi, injini Betlehem aka gölme pakpak mi liliköba ahözawi, mönö miangören anda azi morö (yara) yambuñini yahöt aka miangö bapne akzei, mi körek enjuget kömume.” Mötikutukutu azi undi asuhuyöhangö nalögöra törörök qesim engüga jiget möröhi, miangö dop morö azi yambuñinangöra jimkutukutu mi alök.

17 Kezapqetok azi Jeremaianöj keu kun jii ahözawi, mianjön mönö mewö asuhuiğa öljambuk ahök. Keu mi kewö,

18 **“Silat mi Betlehem kösutneyök miri qetji Rama miangörenök mötketka sahöt gigilahöze. Reizöl ambigö gwölönarökurup yejön moröurupñini qahöwaketka ururen meze. Miangöra sahötketka urukölälep mem engibingö aketka urukundumök mörakze.”* Mewö.

Ijpt mosöta Josef anöm-moröni Nazaret lilingöget.

19 Josefön Ijpt maliga kiñ Herodnön kömuiga miangörenök Kembugören garata kunñan gaunöj asuhum wanğiba 20 kewö jiyök, “Morö qeget kömumapkö mönögeri, yejön lök kömuget. Miangöra mönö wahöta morö aka namñi etkuangita lilingöba Israel gölmenöj anme.” 21 Mewö jüga Josefnöj wahöta morö aka namñi etkuangita lilingöba Israel gölmenöj anget.

22 Könanöj anda keu kewö mörök, “Herodkö nahönñi Arkelausnön iwinangö salupñe Judia prowins galöm köla malja.” Mewö möta miangören anmamgö kenğötñi mörök. Möta mali Anutunöj gaunöj Galili prowinsnön anmegö jim kutum wanğüga wahöta miangören anget. 23 *Galili prowinsnön anğota taon qetji Nazaret miangören malget. Mewö malgetka kezapqetok azi yejön Amötqeqe Toñangöra keu jigeri, mianjön öljambuk ahök. Keu mi kewö, “Yangö qetji mi Nazaret azi qeta malme.” Mewö.

3

Jon O-melun azinöj jisösgö köna mesarök.

Mak 1.1-8; Luk 3.1-18; Jon 1.19-28

1 Yambu tosatñi teköiga Jon O-melun azinöj kaba Judia prowinsgö gölme qararanğölkölñe liliköba ambazip uruñini Buña keunöj kuñguba kewö jiba malök, 2 **“Suep Toñan bemtohonji almawangö nalöjan lök kam kuñguza. Miangöra mönö uruñini melenđa miangören anğotket.”* 3 *Jongöra kezapqetok azi Aisaianöj keu kun kewö jiba ohoyök, “Kolek garata kunöj gölme qararanğölkölñe qeta maliga anda jölñi kewö mötme, ‘Kembunöj kamawo! Miangöra mönö jöjöröba könanji mesatket. Mönö uruñini mindingöba könanji köl dıngiba qölöleiget.’”

4 *Jongören maluku mi kamel jupñan memenji aiga kembañe örigit sömbup silejan memenji mi jöhöba malök. Nenenamñi mi gawöt jinam aka arökñangö moron onji. Mi pakpak kezapqetok azi Elaija (Elia) yangö dowa. 5 Jonöj nupñi meiga ambazip kambuleleme yejön Jerusalem siti aka Judia prowinsgö miri tosatñi pakpak miengörenök yangören öröba kaget. Mewöñanök Jordan o likeplikep miri pakpak tat angeri, miengörenök kaget. 6 Kaba kanğota siñgisöndokñini jim miwikñaigetka Jonöj i Jordan o töwatñe o melun mem enğiyök.

* 2:18: Jer 31.15 * 2:23: Mak 1.24; Luk 2.39; Jon 1.45 * 3:2: Mat 4.17; Mak 1.15 * 3:3: Ais

⁷ *Mem enġiyökmö, Farisi (Köna keugö kapañkölköl) aka Sadyusi (Jike nupkö kapañkölköl) ambazip gwötpukñan o melun mem enġimapköra kagetka enġeka yengöra kewö jiyök, “O qatö moröñi, injini uruñini qahö melenġetka Anutugö irimñan seholiiga likepñi melenġ enġimamgö akza. Mi ölöñ kölbिंगö goro keuñi mi mönö danñon jii möta sömbuñini möta ki kaze?” ⁸ Mianġöra mönö ölnanök uruñini melenġme. Bölöñamñineyök lilingögetka ölni asuhuñi mi mönö ahakmemeñinan aukñe kondela malme.

⁹ * “Uruñine möndömöndö keu kewö jibingö kude mötmörime, ‘Neñon mönö Abrahamgö gwölöñarökña malinga Anutunöñ qahö ayuhum neñgima.’ Mewö jiba töptöpñine qemakzemö, ölni mi qahö ahakze. Nöñon mianġöra kewö jibi mötket, Anutunöñ köt ki ölöp jim kutum enġiiga letota Abrahamgö gwölöñarökurupñi aka Anutu möpöseimakñemö, injini denöwö?”

¹⁰ * “Uruñini qahö melenġme ewö, Anutunöñ mönö injini ip ewö tenġöri etpingö akze. Ip pakpak kötni ölöpñi qahö kuñgumakzei, mi mönö köli etket köñöpñnöñ glii geme. Ip mewöñi kölmamgö kesinji lök jitñi sanje ala ip könañe ali jöjöröba ahöza. Anutunöñ mönö bölöñamñinañgö likepñi melenġ enġima.

¹¹ “Nöñon injini uruñini melenġmeañgöra o töhöñnöñ melun mem enġizalmö, nöñgö andöne azi kukösümñi köhöikñi kun kama. Yanġö kukösümñi öñgöñgöñan mönö nöñgören oñġitma. Yanñon azi öñgöñgöñi akñawanġöra nöñon yanġö köna esuñi bauköba gösönöñ löñgöta tenġömamgö qötötanġömam. Yanñon mönö Uña Töröñi uruñine ali köñöp bölamñan köl köñjorat enġiiga mewö mianñon melun mem enġima.

¹² “Yanñon ölni aka kamböñi mendenġ etkimamgö sapakñi memba kanġota uba qörörenġöba kewötma. Kewöta wit kötni tokoba köweñe almapmö, kamböñi aka gwaugulapñi mi mönö usuñniga köñöpñnöñ geba teteköñi qahö jema.” Mewö.

Jonöñ Jisös o melun mem wanġiyök.

Mak 1.9-11; Luk 3.21-22

¹³ Nalö mianġören Jisösñöñ Galili prowins mosöta Jordan o töwatñe Jongören kaba o melun mem wanġimapköra qesiyök. ¹⁴ Qesiyökmö, Jonöñ qetal wanġiba kewö jiyök, “Göñon ölöp ni o melun mem niñgibanakmö, göñon siñgisöndok qahö aka mönö denöwögöra nöñgören kazan?”

¹⁵ Mewö jiiga Jisösñöñ kewö melenñök, “Nalö kewöñe mi ölöp akñan. Mewö akziga mianñon Anutunöñ ahakmeme dindini wuatañgöbingö keu jiyöhi, mianġö ölni asuhuiga dop kölma.” Mewö jiiga Jonöñ möri dop köliga urumohot ahök.

¹⁶ Urumohot aka o melun mem wanġii teköiga mianġörenök onöhök koriga kewö asuhuyök: Suepnöñ anañjiiga Jisösñöñ uba ehiga Anutugö Uña Töröñan melenġda kembö nei ewö aka Jisösñgö qakñe eta meyök. ¹⁷ *Eta meiga Suepnöhök qet kun kewö asuhuyök, “Yanñon mönö nani wölböt nahöna aiga köroni ölöwahiga eknahöm ak wanġizal.” Mewö.

4

Satanöñ Jisös esapköba malök.

Mak 1.12-13; Luk 4.1-13

* **3:7:** Mat 12.34; 23.33 * **3:9:** Jon 8.33 * **3:10:** Mat 7.19 * **3:17:** Jen 22.2; Sum 2.7; Ais 42.1; Mat 12.18; 17.5; Mak 1.11; Luk 9.35

1 *Miangö andöŋe Uŋa Töröŋan Jisös kuŋgum waŋgiiga gölme qararaŋkölkölŋe Bölöŋaŋgö Toŋan esaŋköm waŋgimapköra aka anök. 2 Miangöŋeŋ anda suŋgem asaŋ 40 Anutugöra nene siŋgi mala nenegö kömuyök. 3 Nenegö kömuiga öme bohoniŋi qetŋi esapesaŋ Toŋi yaŋön asuhuba kewö jiyök, “Gi Anutu Nahöŋŋa akzan ewö, mi mönö kondela köt ki jim kutunöŋga letota beret aketka neman.”

4 *Mewö jiyökmö, Jisösnöŋ keu kewö melenök, “Qahö! Buŋa Kimbinöŋ keu kun kewö ohoget ahöza, ‘Nenenöhök ambazip malmal qahö neŋgimakzapmö, Anutugö jitŋeyök keu kamakzawi, mi pakpak tem kölinga mianöŋ mönö gumohom neŋgiiga köhöiba maljin’.”

5 Mewö jiiga Bölöŋaŋgö Toŋan Jisös waŋgita Jerusalem siti töröŋe anda jöwöwöl ikegö boŋe euyaŋgöŋe öngöba ali kinök. 6 *Mewö kiniga kewö jii mörök, “Gi Anutugö Nahöŋŋa akzan ewö, mönö kiangöŋeŋök luhuba emu geman. Buŋa Kimbinöŋ keu kun kewö ohoget ahöza, ‘Anutunöŋ göhöra aka garataurupŋi jim kutum eŋgiiga ölop kököbihigetka geba kötnöŋ könage qahö guhum qizit akŋa.’

Miangöra geba kude ayuhuman.”

7 *Mewö jiiga kewö melenök, “Qahö! Buŋa Kimbinöŋ keu kun mewöyök kewö ahöza, ‘Gi mönö Kembugi Anutu kude esaŋköm waŋgiman.’ ”

8 Mewö jiiga Bölöŋaŋgö Toŋan kunbuk waŋgita kundunŋi köröp tiŋtiŋi kunöŋ öngöba gölme pakpak yeŋgö kantri tohoŋi tohoŋi aka miengö inap yuaiŋiŋi aködamuŋinambuk pakpak kondel waŋgiyök. 9 Kondel waŋgiba kewö jiyök, “Göŋön simin köl niŋgiba waikni memba möpöseim niŋgiman ewö, nöŋön öroyuai pakpak ki mönö tököm gihibi buŋa qem aŋguba galöm köl eŋgiman.”

10 *Mewö jiiga Jisösnöŋ kewö jii mörök, “Qahö! Satan gi mönö kesalnöŋ. Buŋa Kimbinöŋ keu kun kewö ohoget ahöza, ‘Gi mönö Kembugi Anutu, ia mohot simin köl waŋgiba waikŋi memba möpöseiman’.”

11 Mewö jiiga Bölöŋaŋgö Toŋan miangöŋeŋök Jisös mosöta kesalök. Mewö aiga garata yeŋön kaba Jisös bauköm waŋgiget. Mewö.

Jisösnöŋ könahiba Galili uruŋe urugö nup meyök.

Mak 1.14-15; Luk 4.14-15

12 *Miangö andöŋe Jon O-melun azi kösö mire * alget tari Jisösnöŋ mi möta Judia prowins mosöta Galili anök. 13 *Anda prowins miangöŋeŋ miriŋi Nazaret mosöta Kaperneam anda malök. Kaperneam siti mi Zebulun aka Naftali gölmenöŋ Galili o aŋgö qöhöröŋe ahöza. 14 Miangöŋeŋ mala nupŋi meiga Anutunöŋ keu kun kezapqetok azi Aisaia sölölohöiga jiyöhi, mianöŋ ölnambuk ahök. Keu mi kewö,

15 * “Ambazip Zebulun gölmenöŋ aka Naftali gölmenöŋ Jordan likepŋe malgetka sutŋine köna namŋi köwetnöŋ göröken anda kinjawi aka Juda qahöpmö, kambu tosaŋŋa Galili prowinsnöŋ maljei,

16 könagesö mienöŋ söŋaupnöŋ mala asaŋŋi ketanŋi ekŋe. Kömupnöŋ ambazip aum köl eŋgiiga pandaman gölmenöŋ maljei, yeŋgöra mönö miri waŋgaraŋ suruma.”

* 4:1: Hib 2.18; 4.15 * 4:4: Dut 8.3 * 4:6: Sum 91.11-12 * 4:7: Dut 6.16 * 4:10: Dut 6.13 * 4:12: Mat 14.3; Mak 6.17; Luk 3.19-20 * 4:12: Kiŋ Herodnöŋ ambi kun ölöŋ meiga Jon O-melun azinöŋ i miangöra jim waŋgiiga irimŋi sehölii jiiga opotöröp yeŋön Jon jöhöba kösö mire alget tarök. * 4:13: Jon 2.12 * 4:15: Ais 9.1-2

17 *Jisösnöŋ Kaperneam mala nalö miangörenjök könahiba Buŋa keunji jim asariba ambazip urunjini kuŋguba kewö jiba malök, “Suep Toŋan bemtohoŋi almawangö nalöŋan mönö kam kuŋguza. Miangöra mönö singisöndok malmalŋini mosöta urunjini melenget.” Mewö.

Jisösnöŋ gwarekurupŋi mutukŋi enggohölök.

Mak 1.16-20; Luk 5.1-11

18 Mewö jiba liliköba mala Galili o angögö göraŋe mötöteiba anda darumun yahöt Saimon qetŋi alaŋi Pitö aka munŋi Andru etkehök. Yetköŋ söra örörö azia mala mösakŋiri o angönöŋ söra öröbitköra gila malohot. 19 Jisösnöŋ etkeka kewö jiyök, “Aziyahöt, iŋiri mönö ni nuatangöba kayohotka kusum etkibi ambazip söra ewö öröm engimakŋahot.” 20 Mewö jiiga miangörenjök mösakŋiri mosöta könahiba Jisös wuatangöba anohot.

21 Jisösnöŋ yetpuk borom kun toroqeba anda kunbuk darumun yahöt Zebedigö nahönyahötŋi Jeims aka Jon etkehök. Yetköŋ iwiŋiri Zebedibuk wanŋenöŋ tata mösakŋini möhamgöba jöhöba malgetka engeka etkoholök. 22 Mewö engeka etkoholiga miangörenjök wahöta wanŋe aka iwiŋiri mosöta könahiba Jisös wuatangöba andöŋe anohot. Mewö.

Jisösnöŋ ambazip kusum enggiba mem ölöwak enggiyök.

Luk 6.17-19

23 *Jisösnöŋ anda Galili prowins uruŋe lökŋanök liliköba köuluk miriŋine öngöba bemtohongö Ölöwak Buŋaŋi jim asariba uruŋini kuŋguba kusum enggiba malök. Mewö aka sutŋine ambazip kawöl aka jepajerepe könaŋi könaŋi engöhöi malgeri, mi mem ölöwak enggiba malök.

24 Mewö memba maliga Jisösgö qetbuŋaŋan sehiba Siria kantri dop köl teköba anök. Mewö ani mi möta kawöl ambazip pakpak enguangita yangörenŋ kaget. Tosatŋan uzi kawöl aka jepajerepe könaŋi könaŋi engöhöi malget. Tosatŋan ömewörömenöŋ uruŋine geiga töŋöt me kölköljinjibuk malget. Tosatŋan tala eta enguiga bözok mitiba semben auba malget. Tosatŋan sileninaŋgö likepŋi kömukömuŋi malget. Mewö mewöŋi mienöŋ Jisösgörenŋ kagetka mem ölöwak enggiyök.

25 Mewö ak enggiiga ekerangöra ambazip könagesö ketanji yeŋön Jisösgö andöŋe wuatangöba kaget. Kambu ketanji ketanji mi Galili prowins aka Ten Taon distriknöhök kaget. Kambu tosatŋan Jerusalem siti aka Judia prowinsgö miri tosatŋeyök kaget. Kambu tosatŋan Jordan o likepŋeyök kaget. Mewö.

5

Jisösnöŋ kundunŋe kinda kusum enggiyök.

1 Jisösnöŋ ambazip kambu ketanji engeka kundunŋe öngöba tariga gwarekurupŋan kaŋgota liliköm wanŋiget. 2 Liliköm wanŋigetka könahiba ambazip kambuŋi kambuŋi kusum enggiba kewö jiyök.

Denike yeŋön simbawoŋ akze?

3 “Denike yeŋön Anutugö jeŋe etqeqeŋi tandök mötzei, yeŋön Suepkö bemtohoŋi buŋa qem anŋumeangöra mönö simbawoŋ akze.

4 *Denike yeŋön jinŋeŋ köla sahötzei, Anutunöŋ i urukölalep enggimapköra mönö simbawoŋ akze.

* 4:17: Mat 3.2 * 4:23: Mat 9.35; Mak 1.39 * 5:4: Ais 61.2

5 *Denike yeñon gurjbonjñonjñon malakzei, Anutunonj gölme ki mi yeñgöra enjii bunanina aknapköra yeñon mönön simbawonj akze.

6 *Denike yeñon Anutugö jeñe solanibingöra kapanj köla mi nene aka ogö ewö kömumba qemjeñ qeba maljei, Anutunonj mönön sihimjini mi gumohom enjima. Miangöra yeñon mönön simbawonj akze.

7 Denike yeñon tosatñi ak kömum enjimakzei, Anutunonj i ak kömum enjimapköra yeñon mönön simbawonj akze.

8 *Denike yeñgö urunjan sarakñi akzawi, yeñon ölop Anutu ekñe. Miangöra yeñon mönön simbawonj akze.

9 Denike yeñon luai qemakzei, yeñgö qetñini mi Anutugö nahönböraturupñi qetme. Miangöra yeñon mönön simbawonj akze.

10 *Anutunonj keunjini jim teköi solanizeangöra sesewerowero ak enjimakzei, yeñon Suepkö bemtohonj buña qem angume. Miangöra yeñon mönön simbawonj akze.

11 *Ambazipnönj injini nöngöra aka uruqeçe keu töhöreñ jim enjiba sesewerowero aka keu bölöñj könañj könañj silenjine ala munenmunenj jimakzei, enñon mönön simbawonj akze.

12 *Mötket, Anutunonj töwanjini öngöngöñj Suep mire ali ahözawanjgöra mönön gönköirañj ala sösoñgai aka malme. Mi kewögöra: Kezapqetok ambazip mutuk malgeri, mi sesewerowero tandökñj mewöñanök ak enjigetka enñon yeñgö andönjine asuhuba yembuk örörönj malje.” Mewö.

Injini gölmeğö sihi aka kiwa ewö akze.

Mak 9.50; Luk 14.34-35

13 Jisösnönj jiyök, “Injini gölme ambazip yeñgö howe tandök akzemö, howe nahömñan piahima ewö, mi mönön denöwö möhangöinga kunbuk nahömñambuk akawak? Miangö könañj kun qahö. Toroqeba yuai kungöra qahö dop kölmampö, mi nesak ewö gilget geiga ambazipnönj mi könañjan tiahöme.

14 *Injini gölmeñj gölmeñj yeñgö kiwa tandök ewö aka malje. Siti kun kundunje öngöba meget tatzawi, mianñon tölapñe tatmamgö osimakza. 15 *Kunñan kiwa ohotiriba kumbut bapñe qahö almampö, kiwagö dum tatatñe ali tatma. Mewö tata asariiga ambazip miri urunje maljei, mönön körek yeñgö jenjini kunjuiga asakñj ehakñe.

16 *Mewöñanök mönön enjgö asakñjini kondelgetka ambazip sutñjine asariiga ehakñe. Amba-zipnönj ahakmemeñjini ölopñj eka miangöra Iwiñjini Suep mire maljawi, mönön i möpöseiba malme.” Mewö.

Jisösnönj Köna keugö könañj kusum enjijyök.

17 “Nöñon Mosesgöreñ Köna Keu aka kezapqetok ambazip yeñgö Buzup Kimbiñjini mi qeapkömangöra aka qahö kaba maljal. Mewö lanj kude mötmörime. Nöñon qeapkömangöra qahöpmö, keu mi tem köi teköbi miengö ölnjan pöñdanj asuhumapköra aka kaba maljal. 18 *Nöñon keu ölnj kun kewö jibi mötket, Mosesgö Köna keunöhök kulem moröñj morö közömñj kun me kirifi ohohogö jönbölanñj mohok-kun mi qahö kötökñj ayapkömampö, keu pakpak mi mutuk ölnjanbubuk asuhugetka Suep gölme yetkön görönj qemahot.

* 5:5: Sum 37.11 * 5:6: Ais 55.1-2 * 5:8: Sum 24.3-4 * 5:10: 1 Pitö 3.14 * 5:11: 1 Pitö 4.14 * 5:12: 2 Hist 36.16; Apo 7.52 * 5:14: Jon 8.12; 9.5 * 5:15: Mak 4.21; Luk 8.16; 11.33 * 5:16: 1 Pitö 2.12 * 5:18: Luk 16.17

19 “Mianğöra kunñan Köna keugö jimkutukutu morörökñi mienğöreñök keu kun koyonhiba ambazip mewö kusum engimakzawi, yañon Suepkö bemtohoñe angoriga qetñi morörökñi bezup qetme. Mewö qetmemö, kunñan mi tem köla wuatangöba ambazip mewö kusum engimakzawi, yañon Suepkö bemtohoñ uruñe angoriga qetñi ketañamnini qetme.

20 “Nöñon mianğö dop kewö jibi mötket: Engö ahakmemerñini solanñi mianğon mönö Köna keugö böhi aka Farisi (Köna keugö kapankölköl) yeñgö silikñini tandök ewö öröröñ akapuk. Silikñinan yeñgö silikñini gwötpuk qahö ongitma ewö, eñon mönö Suepkö bemtohoñ uruñe qahö angotme.” Mewö.

Yom kazik aka enğuget kömukömugö könañi.

21 *Jisösnöñ toroqeba jiyök, “Eñon möpñeyök keu kun kewö jiget mötzema, ‘Ambazip kun kude qeget kömuma aka kunñan kazikñi qei kömumawi, i mönö distrikö keu jakeñe algetka keuñi jim teköme.’

22 “Mewö jiget mötketmö, nöñon keu mi kewö jim tuaribi mötme: Kunñan alañambuk angururuk aka irimñan sehooli yom kazik akzawi, i mönö mewöyök distrikö keu jakeñe al wañgiget keuñi jim tekömeañgö dop akza. Mewöñanök kunñan alañi jijiwilit keunöñ jim böliba ‘Gi uruqahö akzan,’ jizawi, i mönö kantrigö jike kaunsöl yeñgö jeñine al wañgiget keuñi jim tekömeañgö dop akza. Kunñan alañi lösö keunöñ jim böliba ‘Gi angöjörakabuk akzan,’ jizawi, yañon mönö könöp sianöñ gemawañgö dop akawak.

23 “Mianğöra göñon kalem naluki memba kaba altanöñ almamgö aknöñga mianğoreñ keu kewöñan mötmötki kañgotpapak: Alagahö uruñe keu ahöi yañon kazik ak gihimamgö mötza. Keu mewöñi mötmöriman ewö, 24 kalemgi mi mönö alta wösöñe ala mutuk alagahöreñ anda yambuk keuñiri jim solaniba urumohot aka mianğö andöñe kunbuk kaba kalem naluki Anutğöra alman.

25 “Kerökan silege ala keu jakeñe öröm gihimamgö aiga komitigöreñ anda köna namñe mianğöreñ mönö kapan köla imbi mohot aka keuñiri jim solanimahot. Mewö qahö akñahot ewö, kerökan ölop örörahöm gihiiga (jas, majistreit) jimtekötekö toñangö jeñe angotnöñga möta jii opotöröpkö böröñe genöñga kösö mire al gihibapuk. 26 Nöñon keu ölni kewö jibi mötnöñ, Gi mianğöreñ töwagi pakpak almanañgö dop qaköba tatman. Toiyagi kondikñi mewöyök al teköbagun mönö töwagi memba etman.” Mewö.

Sero yoñgorögö könañi

27 * “Keu kun kewö jiget mötzema, ‘Sero yoñgorö kude akñan.’ 28 Mewö jiget mötketmö, nöñon keu mi kewö jim tuaribi mötme: Kunñan serogö sihim kömbönañi qakñe ambi uba ekzawi, yañon lök uruñan yambuk sero yoñgorö akza.

29 * “Jegi ölnan siñgisöndok akñangö kölgorom ak gihima ewö, mi mönö qözöla gilnöñ anma. Sile kitipki kunñan ayuhui mewö Suepnöñ öngönöñga dop kölmampö, silegi jömukñi malnöñga gil gihigetka könöp sianöñ geba ayuhubanbuk. 30 *Börögi ölnan siñgisöndok akñangö kölgorom ak gihima ewö, mi mönö yandiba gilnöñ anma. Sile kitipki kunñan ayuhui Suepnöñ öngönöñga dop kölmampö, silegi jömukñi mala könöp sianöñ geba ayuhubanbuk.” Mewö.

Awanöm anğömosötmosötkö könañi

* 5:21: Eks 20.13; Dut 5.17 * 5:27: Eks 20.14; Dut 5.18 * 5:29: Mat 18.9; Mak 9.47 * 5:30: Mat 18.8; Mak 9.43

31 * “Keu kun kewö jiget ahöza, ‘Kunñan anömñi mosöt-mawi, yañön mönö aňgömosötmosöt papia ohoba anömñi wañgima.’ 32 * Mewö jiget ahözapmō, nōñön kewö jibi mötme: Kunñan anömñi qesabulum aiga mosötpawakmō, kōnañi kungōra anömñi mosöt-mawi, mewö mianñön mönö anömñan qesabulum akñapkō kondota siñgisōndokō keuñambuk akña. Mewö aiga azi kunbuk meiga azi dōlōkñi mianñön mönö mewöyök qesabulum akña.” Mewö.

Keuñini jōjōpañ keunōñ kude jim kōhöime.

33 * “Keu kun mi mewöyök möpñeyök kewö jiget mötzema, ‘Keuñini jōjōpañ keunōñ jim kōhöigeri, mi mönö kude oñgitme. Kembugōra yuai akingō keuñini jōjōpañ keunōñ jim jōhögeri, mi mönö wuatañgōgetka öljambuk akña.’

34 * “Mewö jiget mötketmō, nōñön keu mi kewö jim tuaribi mötme: Keuñini mönö jōjōpañ keunōñ qahōpmahōp jim kōhöime. Suep mi Anutugō jakōmbuak dumñi akzawañgōra aka keu kewö kude jime, ‘Keu öññi qahō jimam ewö, Suep Toñan ölöp likepñi melenñi qakne öñgōma.’

35 * “Gölme mi Anutugō kōnañangō döppñi akzawañgōra aka keu kewö kude jime, ‘Keu öññi qahō jimam ewö, gölmenōñ ölöp tiñgita turum niñgima.’ Jerusalem mi Kiñ Tök-kutukutuñangō sitiñi akzawañgōra aka keu kewōñ mi mewöyök kude jime, ‘Keu öññi qahō jimam ewö, Kiñ Ketañi yañön ölöp qemasolokepñangō likepñi melenñi qakne öñgōma.’ 36 Gi nöröp jupki injañi menōñ tuatñi akñapkō osiman aka nöröp jupki tuatñi menōñ injañi akñapkō osiman. Mianñgōra keu kewö kude jiman, ‘Keu öññi qahō jimam ewö, Anutunōñ ölöp nöröppi qeiga jupñangō mundañan utekōma.’ 37 Jōjōpañ keu kude jimemō, oñ-keugōra mönö ‘Oñ!’ jime aka qahō-keugōra ‘Qahō!’ jime. Keu diñdiñi mianñgōreñ keu yuai toroqemei, mi mönö Bölöñangō Toñan sölölöhöm eñgii asuhuma.” Mewö.

Jinōñ jibi akñōñ aki mi kude akñe.

Luk 6.29-30

38 * “Keu kun kewö jiget mötzema, ‘Kunñan jegi qösökōmawi, gi mönö kitipñi melenña yangō jeñi qösökōman. Kunñan jitki kumburatimawi, gi mönö kitipñi melenña yangō jitiñi kumburatiman.’

39 “Mewö jiget mötketmō, nōñön keu mi kewö jim tuaribi mötme: Kunñan bölöñi ak eñgimawi, i mönö kude qetala tuarenjon ak wañgime. Mewö qahōpmō, nuñgulungi öññi qekōtahōma ewö, mönö nuñgulungi likepñi mewöyök qekōtahōmapkōra melenñan. 40 Kunñan ‘Sileōtañgi memam,’ jiba keunōñ al gihimangō mötza ewö, mönö mosōta malukugi qakñi mewöyök wañginōñga buña qem aňguma.

41 “Mewöyök kunñan gösōñi kilomita (mail) mohotkō dop siriba anmangō kuñgum gihima ewö, mönö ölöp tem köla kilomita (mail) yahōtkō dop siriba yambuk anman. 42 Kunñan göhöreñ yuai kungōra qesim gihimawi, mi mönö wañgiman. Kunñan ‘Yuai niñginōñga kitipñi bian melenñmam,’ jiba qesim gihimawi, i mönö andō kude qeman.” Mewö.

Kazikurupki mönö urugan jōpakōm eñgiman.

Luk 6.27-28, 32-36

* 5:31: Dut 24.1-4; Mat 19.7; Mak 10.4 * 5:32: Mat 19.9; Mak 10.11-12; Luk 16.18; 1 Kor 7.10-11

* 5:33: Lew 19.12; Jañ 30.2; Dut 23.21 * 5:34: Jei 5.12; Ais 66.1; Mat 23.22 * 5:35: Ais 66.1;

Sum 48.2 * 5:38: Eks 21.24; Lew 24.20; Dut 19.21

43 * “Keu kun kewö jiget mötzema, ‘Ambazip kösutñine mala alaurupñini akzei, mi jöpaköm engimакjemö, kazikurupñini mönö melenđa kazik ak engiba malme.’

44 “Mewö jiget mötketmö, nöñön keu mi kewö jim tuaribi mötme: Injini mönö kazikurupñini jöpaköm engiba kinda sesewerowero ak engimakzei, yengöra mönö köuluköba malme. 45 Mewö ahakñe ewö, mewö mianñon Iwiñinan Suep mire maljawi, mönö yanğö könañi kondela nahönböraturopñi aka malme. Yanğö könañi kewö: Yanñon wehönñi qahö angön köliga kota ambazip ölöpnji aka bölöñi mewöyök mem asarim engiba kie aliga ambazip diñdiñi aka gonğonji yengö nupñini mewöyök mem kelörakza.

46 “Enñon mönö niñginöñ gihibigö tandökñi onğita Anutugö könañi kondela ahakñe. Takis tilipqilipñinambuk megetka sisitñini memakzei, yenñon alaurupñinan jöpaköm engigetka i melenđa jöpaköm engimakze. Mi urumelenğö silikñi qahö. Injini yengö silik miyök wuatangöba ahakñe ewö, Anutugöreñ tosa kun qahö ahuiğa yanñon mönö silikñinanğö likepñi qahö enğiğa töwa kun qahö buña qem angume. Mianğöra mönö ambazip körek pakpak jöpaköm engiba malme.

47 “Urumelenğö kopa ambazipnöñ mewöyök sutñine jölöñini jim anguba maljemö, mi urumelenğö aiwesökñi qahö. Injini yengö dop alaurupñini enğö sutñineyök jölöñini jim angumakñe ewö, mewö mönö kopa ambazip ewö akze. Kopa ambazip yengö silikñini mönö onğita qetpuk sorokñi aka malme?

48 * Enğö Suep Iwiñinan aködamun sorokñi akzawi, enñon mönö mianğö dop aködamun sorokñinambuk aka malme.” Mewö.

6

Mözöqözöröñ ambazip mi kalem enğimakñe.

1 * Jisösnöñ kewö kusum enğiyök, “Mönö kewögöra galöm mem anguba malme: Ahakmemenñini solanñi diñdiñi mi ambazipnöñ eka engöra mötket öngömapköra aka kude ahakñe. Mewö ahakñe ewö, enğö Iwiñini Suepnöñ maljawanñon mönö silikñinanğö likepñi qahö enğiğa töwa qahö buña qem angume.

2 “Mianğöra ‘Mözöqözöröñ ambazip kalem enğimam,’ jiba mi qenjaröknöñ kömam tömunbuk uba kolek almegöra kude akñan. Urumelenğö silesile ambazip yenñon ambazipnöñ miwidimgöm (mem biwim) enğimegöra möta köuluk mire aka köna namñe anda ambazip enğeka mewö ahakze. Nöñön keu öi töhöññi kun kewö jibi mötme, Yenñon mönö silikñinanğö töwanji pakpak lök buña qem angugetka Suep Tonjan mi qahö toroqema.

3 “Göñon mewö kude akñanmö, ‘Mözöqözöröñ ambazip kalem enğimam,’ jiba börögi ölñan denöwö akzawi, börögi qanıñan mi kude mötma. * 4 Kalemgi mianñon tölapñe ahöiğa Iwigan ahakmeme tölapñi ehakzawi, yanñon mönö töwa gihima.” Mewö.

Köuluk nupkö könañi kewö:

Luk 11.2-4

5 * “Mianğöra Anutugö köulukömei, mi mönö urumelenğö silesile ambazip yengö dop kude akñe. Yenñon ambazipnöñ enğekñegöra möta sihimñinan

* 5:43: Lew 19.18 * 5:48: Lew 19.2; Dut 18.13 * 6:1: Mat 23.5 * 6:3: Börögi qanıñan mi kude mötma, keu mianğö könañi kewö: Mi mönö tölapñe aknöñğa wölböt alagan mewöyök mi kude mötma. Anutanöñ sölölöhöm gihiğa nup ölöpnji amqeba memakzani, mi mönö nangak ölum guhumakza.

* 6:5: Luk 18.10-14

köuluk mire aka köna sojanöŋ kinda köulukömakze. Nöŋön keu öl töhönnŋi kun kewö jibi mötme, Yeŋön mönö silikŋinanŋö töwanŋi pakpak lök buŋa qem anŋugetka Suep Toŋan mi qahö toroqema.

⁶ “Göŋön mewö kude akŋanmö, ‘Anutugö köulukömam,’ jiba mönö nangi miri uruŋi moröŋe öŋgöba nanŋu köla Iwigi tölapŋe maljawi, i köuluköm wanŋiman. Mewö aknöŋga Iwigan ahakmeme tölapŋi ehakzawi, yanŋön mönö töwa gihima.

⁷ “Köulukömei, miangöŋeŋ mönö urumelenŋö kopa ambazip yeŋö tandök ewö † keu oyoŋdewetdewet mi kude jiba malme. Yeŋön keu jit sehisehiŋi jigetka Anutunöŋ miangöra aka kezap ala möt enŋimapkö mötmörimakze.

⁸ Mönö kewögöra yeŋö dop kude aka malme: Inŋini wani yuaigöra osiba mözöqözöröŋ akzei, Iwiŋinan mi qahö köulukögetka qelŋiŋe lök mötza. ⁹ Mönö kewö köulukömakŋe:

“Neŋgö Iwinini, gi Suepnöŋ maljan. Göhö qetki mönö töröŋi ahöma.

¹⁰ Mönö galöm köl neŋginöŋga bemtohoŋgahö ölnŋi asuhuma.

Göhö jitsihitki Suepnöŋ tem kölakzei, mewöŋanök mönö gölmenöŋ asuhuma.

¹¹ Merakö nenenŋi mönö dopnine neŋgiman.

¹² Tosatŋi yeŋgöŋeŋ tosa neŋgöŋeŋ ahözawi, nini mi mosöt enŋizin ewö, gi mönö miangö dop neŋgö tosanini sanŋonŋman.

¹³ Esapesapnöŋ gi neŋgubapuköra mönö anŋön köl neŋgiba Bölöŋi Toŋanŋö böröŋeyök ‡ meköm neŋgiman. (Gi nangak bemtohoŋ Toŋi, kukösum Toŋi aka asakmararaŋ Toŋi mi nalöŋi nalöŋi mala kota malnöŋ aka teteköŋi qahö mal öŋgöman. Mi ölnŋa.)

¹⁴ *Inŋini ambazip yeŋö ŋiŋgisöndokŋini mosötme ewö, enŋö Suep Iwiŋinan mönö mewöyök enŋö ŋiŋgisöndokŋini mosötma. ¹⁵ Mosötmapmö, ambazip yeŋö ŋiŋgisöndokŋini qahö mosötme ewö, enŋö Iwiŋinan mönö mewöyök enŋö ŋiŋgisöndokŋini qahö mosötma.” Mewö.

Nenegö ŋiŋgi malmal mi kewö ahakŋe:

¹⁶ “Nenegö ŋiŋgi malmei, miangöŋeŋ mönö urumelenŋö silesile ambazip ewö kukbosole kude aka malme. Yeŋön Anutugöra nene ŋiŋgi malakzei, ambazipnöŋ mi ekŋegöra aka zoloŋ örögetka jemesoholŋinan mölmölimakza. Nöŋön keu öl töhönnŋi kun kewö jibi mötme, Yeŋön mönö silikŋinanŋö töwanŋi pakpak lök buŋa qem anŋugetka Suep Toŋan mi qahö toroqema.

¹⁷ “Göŋön mewö kude akŋanmö, Anutugöra nenegö ŋiŋgi mala miangöŋeŋ mönö sinim jupuknöŋ me saipenöŋ jemesoholgi sanŋonŋa nöŋöp jupki qeba malman. ¹⁸ Mewö aka nenegö ŋiŋgi malnöŋga ambazipnöŋ qahöpmö, Iwigi tölapŋe maljawanŋön mi ekŋa. Mewö aknöŋga Iwigan ahakmeme tölapŋi ehakzawi, yanŋön mönö töwa gihima.” Mewö.

Söŋgöŋöŋi ketanŋi yuai mi mönö Suepnöŋ tokome.

Luk 12.33-34

¹⁹ * “Moneŋ inap yuai mi mönö gölmenöŋ ahöm enŋimapköra kude tokome. Mewö tokogetka miangöŋeŋ jijilukut kezaploŋloŋnöŋ mi yöhötigetka kahawet

† **6:7:** Kian kantri yeŋön Anutu qahö möt wanŋiba bemŋini murutŋi murutŋi köuluköba keu omanŋi oyoŋdewetdewet mi lanŋ jiba malje. ‡ **6:13:** “Bölöŋi Toŋanŋö böröŋeyök meköm neŋgiman,” tosatŋan keu mi kewö melenŋe: bölöŋeyök meköm neŋgiman. * **6:14:** Mak 11.25-26 * **6:19:** Jei 5.2-3

töromnöy (ros, ufen) mem böliiga kegwek-kahasiliñ yeñön miri qesinđa öngöba yoñgorö memakze.

²⁰ “Gölmenöy qahöpmö, Anutugö jitsihitñi tem kölgetka qetbuñanjan qarimapköra mönö kapan kölme. Mewö aketka guli dötnamñini qainñi kun mi Suep mire ahöiga gurem jijilukutnöy mi qahö yöhötigetka kahawet töromnöy (ros, ufen) mi qahö mem bölime. Kegwek-kahasiliñ yeñön eu qahö öngöba miri qesinđa qahö yoñgorö meme. ²¹ Yuaigöra aködammunñi memba mötnöy öngözawi, mianñön miri kungen ahöiga göñön mönö urugi mewöyök miangören qekötahöba malman.” Mewö.

Silegö asakñi mi kewö:

Luk 11.34-36

²² “Göhö jegi mi uru silegahö kiwanñi akza. Mianğöra kawöl kunöy jegi qahö mem böliza ewö, mianñön mönö unöy asarim teköi Anutugö asakñan ölop uruge mem asariiga malmalgi pakpak asakñe malman.

²³ “Asakñe malmanmö, sihim kömbönañi bölöñan me yuai kunñan jegi mem böliba asakñi közambötza ewö, mianñön silegö malmalgi pakpak mewöyök mem söñauiga pandaman uruñe jipjap malman. Mewö aiga söñaupnöy urugahö asakñi közamböri söñauza ewö, nangi pandamanöy mönö Yei! keta bölökñi weweliñambuk akza.” Mewö.

Anutu me moneñ möt nariman?

Luk 16.13; 12.22-31

²⁴ “Kunñan kembu yahöt welen qem etkimamgö osimakza. Kunñan mewö akñamgö mötzawi, yañön mönö kun kazik ak wañgiba kun uruñan jöpaköma. Kungören qekötahöba kun jijiwilit ak wañgima. Mianğöra eñön Anutu aka moneñ inap mi mindiriba welen qem etkibingö osime.” Mewö.

Anutu möt nariba waimanjat kude akñe.

²⁵ “Mewö aiga nöñön kewö jibi mötket: Injini gölmenöy malmeanğö waimanjatñi mi kewö jiba kude akñe, ‘Mönö wani yuainöy gumohom anğubinak aka wanatnöy sileninañgö löñgötpinak?’ Jeñinambuk maljei, mianñön bohonñi aiga nenenöy mönö mianğö nemböñe akza. Sileninambuk maljei, mianñön bohonñi aiga opo söronöy mönö mianğö nemböñe ahöza. Mönö mi mötmörime.

²⁶ “Könakemba neiñi neiñi mönö engekñe. Mienñön nene kötni qahö qesin gilakze. Padi ölni qahö yandiba köwe miriñine qahö tokomakze. Mi qahömahöp aiga engö Suep Iwinjanan mönö töndup i gumohom engimakza. Injini nei yeñgö dop qahöpmö, engö söñgöronjan mönö nei söñgöronjini enğongita öngöñgöñi akza me qahö? Mönö mi mötmöriget anök.

²⁷ “Enğörenök kunñan waimanjat aka mewö mianñön gölmenöy mal-mawañgö nalöñi mi sömañi mohotkö dop mem toroqema me qahö? Mi qahöpmahöp! § ²⁸ Opo söroninañgöra mönö denöwögöra waimanjat akze? Mi qahö dop kölja. Sombemgö jariñ juranñi qarimakzei, mönö mi uba engekñe. Mienñön opo söroninañgöra möt qahö lonğalakze aka nup tosatñi qahö memakze.

²⁹ * “Mi töndup nöñön kewö jibi mötme, Kiñ Solomonöy goul silwöñi qer-aköba asonbilikñambuk malökmö, yañgö malukuñi mi kiteñ soranñiñ me jura kungö dop eksihimñambuk qahö ahöyök. ³⁰ Sombemgö jariñ juranñi töhön merak kösutnine ahöi uran kölgetka eri qezaköba gila ohoget jemapmö, mi

§ **6:27:** Tosatñan jabö 27 mi kewö melenđa jize: Enğörenök kunñan waimanjat aka mewö mianñön silenñ wan fitgö dop toroqeba mem körimamgö osima. * **6:29:** 1 Kiñ 10.4-7; 2 Hist 9.3-6

töndup Anutunöŋ mi ölöŋŋanök meŋölmakza. Mianğöra yaŋön inini mewöyök ölöŋ esuhum enğima. Inini jariŋ juranğö dop qahö. Anutunöŋ köyan köl enğimangö möta mianğöra sihimŋi öŋgöŋöŋi mörakza. O ambazip, mötnariŋŋinan mönö wuanöŋğöra öne töhöŋ morörökŋi akza?

³¹ “Mewö aiga inini mönö malmalŋinanğö waimanjat aka mötkurumkurum kude ahakŋe. Mi aka lömböröba kewö jibepuk, ‘Nini mönö wani nene aka wani oya neminak?’ aka ‘Wani yuainöŋ silenini esuhubinak?’

³² “Mi kewögöra: Urumelenğö kopa yaŋön yuai pakpak mi buŋa qem anğubingö kapaŋ köla urukönöp ahakze. Inini yuai pakpaköra mözöröŋğöba osimakzei, enğö Suep Iwiŋinan mönö mi möt teköza. ³³ Mianğö urukönöp kude akŋemö, mutuk mönö Anutugö bemtohoŋöŋi anğota yaŋğö jeŋe solanibingö kapaŋ kölme. Uruŋini mianğöreŋ alget ahöŋga yaŋön mönö galöm köl enğiba yuai mewöŋi pakpak mi mewöŋanök enğima.

³⁴ “Mewö aiga inini mönö uran malmeanğö waimanjatŋi kude ahakŋe. Urangö waimanjatŋi mi urangöra. Silim mohot mohotkö waimanjatŋini mönö nanğök nanğök bisiinga dopŋine akŋa.” Mewö.

7

Jimtekötekö toŋi ewö kude akŋe.

Luk 6.37-38, 41-42

¹ Jiśösnöŋ toroqeba kewö jiyök, “Anutunöŋ keuŋini kewöta jim teköi et-pepuköra mönö tosatŋi yaŋğö keuŋini kude kewöta jim teköme. ² *Mianğö könaŋi kewö: Inini tosatŋi yaŋğö keuŋini kewöta jim tekömei, Anutunöŋ mönö dop mohot mianğönök nanŋini keuŋini kewöta jim teköma. Inini tosatŋi yaŋğöra jimkutukutu ala memba öŋğöba eta kewöt enğimakzei, Anutunöŋ mönö mianğö dop nanŋini ak enğii öŋğöba erakŋe.

³ “Gi alagahö jeŋe gödöwöröt morörökŋi ekzanmö, nangi jege ip sahöŋŋi ketanŋi ahözawi, mia mönö wuanöŋğöra kude ek kutuzan? ⁴ Me denöwögöra aka amqeba alagahöra kewö jizan, ‘Alani mötnöŋ, ni ölöŋ jegeyök gödöwöröt itaköbi etma?’ Mewö amqeba jizannö, ip sahöŋŋi ketanŋi mi nange jege ahöza.

⁵ “O gi urumelenğö silesile azia, gi mönö mutuk nange jegeyök ip sahöŋŋi (tametŋi) ketanŋi memba gilman. Mi mem gilagun törörök ek kutuba alagahö jeŋeyök gödöwöröt morörökŋi mi ölöŋ itakönöŋga etma. ⁶ Yuaigöra mötketka tök-kutukutunŋi qainŋi kun akzawi, mi mönö kiam kude enğime. Guli damandan qeçenŋi mi mönö bau wösöŋine kude gilget anma. Mewö akŋe ewö, yaŋön mönö mi könaŋinan tiahöm enğiba dumŋe melenğda nanŋini enğöhöba yöhöqöhötüm enğibepuk.” Mewö.

Mönö qesiba jaruba Anutugö nanğunje qeba malme.

Luk 11.9-13

⁷ “Mönö Anutu köuluköme. Köulukögetka kewöta enğima. Urugö yuaigö Anutugöreŋ böröjaŋ memba jarume. Mi jarugetka kondeliga miwikŋaime. Kinda nanğunöŋ qeme. Qegetka nanğunŋi öröm enğima. ⁸ Kunŋan Anutu köulukömakzawi, yaŋön mönö likepŋi buŋa qem anğuma. Yuaigö jarumakza-yaŋön mönö mi miwikŋaime. Nanğunöŋ qemakzawaŋğöra mönö nanğunğö öröm waŋgima.

⁹ “Mötket, ambazip enğöreŋök danğön kewö akawak: Nahönŋan bisketköra qesiiga köt waŋgima? ¹⁰ Me nahönŋan söragöra qesiiga qatö waŋgima?

* 7:2: Mak 4.24

11 “Mewö aiga injini ambazip bölöŋi aka tündup kalem ölöŋŋi ölöŋŋi nahönböraturupŋini engibingö dop akze ewö, engö Iwiŋini Suep mire mal-jawaŋön mönö kalemŋi denöwö angön kölbawak? Yangö uruŋangö ahak-memenŋi mi neŋgoŋgita tandökŋi kun akza. Mianğora injini yuai ölöŋŋangöra köuluköba qesim waŋgime ewö, yaŋön mönö sihimŋan mi engima.

12 **“Mianğora ambazipnöh yuai pakpak nanŋinaŋgö ak engimegö mörakzei, mianğö dop mönö nanŋini mewöyök i ak engimakŋe. Mewö aketka Mosesgö Köna Keu aka kezapqetok ambazip Buzup Kimbi keuŋini mianğön mönö öljinaŋbuk aketka mindimindiri könaŋan aukŋe asuhuma.”* Mewö.

Mönö kiripo nanŋu giwikŋi kutuba anme.

Luk 13.24

13 “Könöp sianöh gebingö könaŋi mi amqeqeŋi aka numbuŋangö nanŋuŋi mi ketanŋi. Ambazip sehisehiŋan nanŋu mi kutuba köna mi mötöteiba anme. Mianğora injini mönö kiripo nanŋu giwikŋi kutuba mianğö uruŋe anme.

14 “Malmal köhöikŋe aŋgotpingö könaŋi mi pökpökŋi (pipitŋi) osukosubuk aiga numbuŋangö nanŋuŋi mi giwikŋi. Ambazip awamdökŋan nanŋu mi miwikŋaime.” Mewö.

Ipkö könaŋi mi öljŋi eka möt kutume.

Luk 6.43-44

15 “Kezapqetok ambazip takapulakanŋi yeŋön lamagö sile ewö esuŋini löŋgöta engöŋe kamakzemö, uruŋinan ubibi kiam kalŋi ewö akze. Mianğora injini mönö yeŋgöra aka tihitŋini möta galöm mem aŋguba malme.

16 Nupuŋinaŋgö öljŋi eketka könaŋini kondeli ölöŋ möt kutume. Nejoŋ kötŋi mi jömnöh asuhumakza me qahö? Warun kötŋi mi koururuknöh (köwörörök) asuhui tokomakzin me qahö? Qahö.

17 “Mianğö dop ip ölöŋŋi pakpak mienğön öljŋi ölöŋŋi kuŋgumakzemö, ip bölöŋan mönö kötŋi bölöŋi kuŋgumakza. 18 Ip ölöŋŋan öljŋi bölöŋi kuŋgumamgö osiza aiga ip bölöŋan kötŋi ölöŋŋi kuŋgumamgö osiza.

19 **“Ip pakpak öljŋi ölöŋŋi qahö kuŋgumakzei, mi mönö galömŋan kutuba memba könöpnöh giliga geme. 20 *Mianğö dop ambazip mienğö nupuŋinaŋgö öljŋi eketka könaŋini kondeli ölöŋ möt kutume.”* Mewö.

Gwarek öljangö könaŋi

Luk 13.25-27

21 “Nöŋgö Suep Iwiŋangö jitsihitŋi tem kölakzawaŋön mönö yangö bem-tohoŋnöh aŋgotma. Gwötpuk yeŋön nöŋgöra ‘Kembuni, Kembuni!’ qeta jimakzemö, körek yeŋön Suepkö bemtohoŋnöh qahö aŋgotme.

22 “Jimtekötekögö nalö ketanŋi mianğöreŋ gwötpuk yeŋön kaba nöŋgöra kewö jime, ‘O Kambu Kambu, neŋön mönö göhö qetke yuai asuhumapkö kezapqetok keu qeljiŋe jiba malin. Neŋön mönö göhö qetkahö ösumnöh ömewöröme enŋuataŋgöba malin. Göhö qetkan mönö nam köl neŋgiiga aŋgöletot ösum-mumuŋinaŋbuk gwötpuk memba malin. Mi ölum guhuza me?’

23 **“Mewö jigetka nalö mianğöreŋ könaŋini aukŋe kewö jibi mötme, ‘Nöŋön injini nalö kunöh qahö möt enŋial. Iwilele ahak ambazip, injini mönö nömosöta kesalget.’”* Mewö.

Miri memegö mötkutukutu ölöŋŋi aka piromŋi

Luk 6.47-49

24 “Mewö aiga denike yeñon keu jitni jizali, mi möta miangö dop tem köla memakzei, nõñon körek yeñgö kõnañamñini kondela mötkutukutu azigö dop ala kewö jimam, Yañon mirinji jamõnjij köt qakñe meyök. 25 Mewö meiga kie uru nalõñe kie römbum yõhõba eriga göulu luhuiga luhut ketanji qeiga o göulu kõhöikñi gila miri selñe kuñguyökmö, miri mi jamõnjij köt qakñe mei kinõhañgõra aka qahö kusuyök.

26 “Denike yeñon keu jitni jizali, mi möta miangö dop qahö tem köla memakzei, nõñon körek yeñgö kõnañamñini kondela azi mötkutukutuñi piromñangö dop ala kewö jimam, Yañon mirinji sak kõsahet qakñe meyök. 27 Mewö meiga kie uru nalõñe kie römbum yõhõba eriga o luhuiga luhut ketanji qeiga o göulu kõhöikñi gila miri selñe kuñgui kusuiga goromororõngõba erök.” Mewö.

Ambazipnõñ Jisösgö kukösumñangõra welipköget.

28 *Jisösnõñ keu mi jim tekõiga ambazip kambuñi yeñon mötketka kusum eñgiyõhi, tandök miangõra auruba welipköget. 29 Yañon yeñgö Kõna keugö böhiurupñinangö tandök qahö kusum eñgiyökmö, kukösum Tonji akzawangö dop ambazip kusum eñgiiga möta tandök miangõra welipkögetka nembõñini teköyök. Mewö.

8

Jisösnõñ uzikuku azi kun mem solaniyök.

Mak 1.40-45; Luk 5.12-16

1 Jisösnõñ kundunji mi mosöta eri kõnagesö kambuleleme ketanjan andõñe wuatangöget. 2 Mewö kagetka miangõreñ uzikuku azi kunõñ kaba simin köla Jisösgö wösõñe geba kewö jiyök, “O Kumbu, gõñon sihimgan mem ölöwak niñgimangö mötzan ewö, mönõ ni ölop mem solanim niñgiman.”

3 Mewö jiiga börõñi böranña silenji misiriba jiyök, “Nõñon mi akñamgö mötzal. Gi mönõ solaniman.” Mewö jiiga uzikukuñi mi miangõreñök solani ölöwahök. 4 *Solaniiga kewö jim kutum wañgiyök, “Mötnõñ, kiangö buzup keunji mi kun kude jinõñ mötme. Qahöpmö, mönõ jike nup galömgõreñ anda silegi kondel wañgiman aka Mosesgõreñ jimkutukutuñi wuatangõba solanizaningö saiwap nalukñi ala jöwöwöl ohoman. Mi ohonõñ ehiga ambazipnõñ kõnañamgi möt kutume.” Mewö.

Jisösnõñ suahö galöm kungö nup azinji mem ölöwahök.

Luk 7.1-10

5 Jisösnõñ Kaperneam taonõñ kañgoriga Rom suahö galöm kunñan yangõreñ kaba köulukõba kewö jiyök, 6 “O Kumbu, nõngö nup azinangö silenji likepñan kömukõmunji aiga sihimbölo kanjamñambuk möta mire ahõza.”

7 Mewö jiiga kewö jii mörök, “Nõñon mönõ anda i mem ölöwakñam.” 8 Mi möta kewö melenña jiyök, “O Kumbu, ni mewörõpñan malbiga nõngö miri boñan goalõñmapkö gamuni mötzal. Miangõra keu jitkanök jinõñga welen azinan ölöwakña.

9 “Mi kewögõra: Ni nanak mewöyök galömnangö kukösum bapñe al niñgigetka maljal. Nõngö bapñe yarö azi malgetka mi jim kutum eñgimakzal. Yeñgõreñök kungõra ‘Anman,’ jim kutubi yañon anma. Kungõra ‘Kanõñ,’ jim kutubi yañon kama aka welen azini kungõra ‘Nup ki meman,’ jibiga yañon mi mema.”

* 7:28: Mak 1.22; Luk 4.32 * 8:4: Lew 14.1-32

10 Jisösnöy keu mi möta welipköba ambazip wuatangöba kageri, yengören lilingöba kewö jiyök, “Nöñon keu ölni kun kewö jibi mötme: Israel könagesö sutjine mewöyök mötnarip ketanji mewöyji mi kungö uruñe qahö miwikñajal.

11* “Nöñon keu kewö jibi mötme: Ambazip kambulelembenöy mönö wehön kotkotñeyök aka wehön gegeneyök kaba Suepkö bemtohonj uruñe kañgota Abraham, Aisak aka Jeikob yembuk nene sösonggai aka malme. 12* Yeñön mewö malmemö, bemtohonjö nahönböraturup mi mönö engömosöta aköm engigetka pandamanöy yaigep geme. Miangörenj malmei, yeñön mönö sahöt gigilahöba irimjini yöhözömgögetka qetñi qeri malme.”

13 Mewö jiba suahö galömgöra kewö jiyök, “Gi mönö mirige anman. Mötnaripkahö dop mönö asuhum gihima.” Mewö jiiga welen aziñan mönö aua miangörenjö ölöwahök. Mewö.

Jisösnöy kawöl ambazip gwötpuk meiga ölöwaket.

Mak 1.29-34; Luk 4.38-41

14 Jisösnöy Pitögö mire anda Pitögö suhunñan silekönöp kawöl yöhöi ahöiga ehök. 15 I eka böröy misiriiga silekönöpñan mosöri wahöta könahiba Jisös nene ohoba gumohom wanjiyök.

16 Mewö malgetka miri söñauiga miangörenj ambazipnöy alaurupñini ömenjinambuk mi gwötpuk enñuanñita yangörenj kaget. Kagetka ömewöröme mi keunjan jiba közöl enñiiga kota anget aka kawöl ambazip pakpak mi mem ölöwak enñiyök. 17* Mewö mianjön Anutunöy keunji kezapqetok azi Aisaiagö uruñe ali jii ahözawi, mianjön ölnambuk ahök. Keu mi kewö, “Yañön mönö neñgö uzi kawölnini meiga qakñe öngöiga bisiyök.” Mewö.

Jisös wuatangöbingö möndömöndö keunji

Luk 9.57-62

18 Jisösnöy ambazip kambu ketanji liliköm wanjiyök enñe nalo miangörenj gwarekurupñi yembuk o angö kutuba likep angotpöngö jim kutuyök. 19 Köna keugö böhi kunñan Jisösgörenj kaba kewö jii mörök, “Böhi, gi denike denike anmani, nöñön mönö miangörenj gi guatangöba kamam.”

20 Mi möta Jisösnöy kewö jii mörök, “Arökñangö kiam yeñön köteñine ahögetka könakemba nei yeñön öngot jajöñini memba malakzemö, Suep gölmegö azi ölnan mönö denike anda nööröpñi wani qömböñnöy nariba luhut membawak?”

21 Mewö jii gwarek yengörenjö kunöy kewö jii mörök, “Mi ölöpmö, iwinan kömumangö aiga mutuk jinönga anda galöm kölbi kömui löm kölbigun.”

22 Mewö jiyökmö, Jisösnöy melenja jiyök, “Mosötnöy, köhömuñi yeñön qamötñini köhömuñi mi ölop löm kölmemö, göñön mönö kaba ni nuatängöman.” Mewö.

Jisösnöy jiiga raidimbom göröy qeyök.

Mak 4.35-41; Luk 8.22-25

23 Jisösnöy anda wanje uruñe öngöiga gwarekurupñan wuatangöba yambuk möhotñe anget. 24 Angetka raidimbom ketanjan ömtöröp (töröpñanök) o angönöy asuhuba gilök. Giliga sirinöy wanje uruñe geiga numbuñe qemangö ahökmö, Jisösnöy gaun ahöyök. 25 Gaun ahöiga gwarekurupñan anda möndöba jiget, “Hei Kembu, mönö bauköm neñginöy. Nini angönöy ayuhubingö akzin.”

* 8:11: Luk 13.29 * 8:12: Mat 22.13; 25.30; Luk 13.28 * 8:17: Ais 53.4

²⁶ Mewö jigetka melenḡa kewö jim enḡiyök, “O inḡini mötnaripḡini morörökḡi, mönö wuanöḡöra keḡöt mötmöt azia akze?” Mewö jiba wahöta luhut aka siri jim qetal etkiḡa sirinöḡ nöḡ qeba ahöyök. ²⁷ Mewö aiga awöwöliba qesiba jiget, “Yei! Azi kia mönö denöwöḡan malja. Yaḡön mönö luhut aka köwet jim kutum etkiḡa jitḡi tem köl waḡgizahot.” Mewö.

Ömenöḡ bau uruḡine gegetka azinöḡ ölöwahot.

Mak 5.1-20; Luk 8.26-39

²⁸ Mewö asuhuiga o aḡö kutuba likepḡe Gadara yeḡö gölmenöḡ aḡorök. Mianḡoreḡ aḡota azi ömenḡirambuk yahöt yetköḡ qaksirinöhök kaba Jisös miwikḡaiyohot. Yetköḡ irimsesewöl azi urukönöpḡirambuk ahotka kunḡan köna mianḡoreḡ anmamḡo osiyök. ²⁹ Yetköḡ Jisös miwikḡaiba silata kewö qet gigilahöyohot, “Aek! Gi Anutugö Nahönḡi akzan. Gi mönö denöwö ak neḡgimamḡora kazan? Sihimbölö mötmöt nalöḡan qahö kam kuḡguiga qelḡiḡe mi könöḡḡambuk ak neḡgimamḡo ki kazan me?”

³⁰ Mianḡoreḡök köröwen qahöpmö, kösutḡine mianḡoreḡ bau kambu ketanḡi kun gwözözak uruḡe kulunḡa malget. ³¹ Mianḡöra ömenöḡ kewö jiba Jisös ulet waḡgiget, “Göḡön nini közöl neḡgiman ewö, mönö melaim neḡginöḡa ölöḡ bau kambu miḡḡö uruḡine gebin.”

³² Ulet waḡgigetka Jisösḡöḡ “Mönö anda geget,” jiba jim kutuyök. Mewö jim kutuiga mianḡoreḡök azi uruḡireyök kota anda bau uruḡine geget. Gegetka bau kambu körek yeḡön mönö luhuba nembönembönöḡ anda jororongöba o aḡönöḡ geba nemulahöba kömuget.

³³ Kömugetka bau galöm yeḡön ölöḡ unjurata taonöḡ anda keu buzupḡini pakpak jiget. Azi ömenḡirambuk yetköreḡ yuai asuhuyöhi, mianḡö buzupḡi mewöyök jiget mötket. ³⁴ Jiget möta taon ambazip pakpak yeḡön mosöta Jisös miwikḡaiba ekingö kaget. Kaba eka Jisösḡöḡ yeḡö mindimindiri sel gölme mosöta anmapkö ulet waḡgiget. Mewö.

9

Jisösḡöḡ azi sile likepḡi kömukömuḡi möhamḡöyök.

Mak 2.1-12; Luk 5.17-26

¹ Jisösḡöḡ waḡe uruḡe öḡgöba kunbuk o aḡö kutuba likepḡe aḡota nanḡe taonöḡ kayök. ² Nalö mianḡoreḡ azi tosatḡan alaḡini sile likepḡi kömukömuḡi tumbulahöpnöḡ ahöyöhi, mi kululunöḡ ala aḡuba kaget. Mewö kaba Anutu möt narim waḡgigeri, Jisösḡöḡ yeḡö tandökḡini mi ehi dop köliga kawöl azigöra kewö jiyök, “Nahöni, nöḡön siḡgisöndoki mosötzal. Mönö köhöiba ewebibigabuk saitingit malman.”

³ Mewö jiiga Köna keugö böhi tosatḡan kinda uruḡinan kewö mötmöriget, “Azi kianḡön mönö Anutu ilita mepaqepaik akza.”

⁴ Mewö mötmörigetmö, Jisösḡöḡ mötmötḡini mi möt kutuba kewö jiyök, “Inḡini mönö wuanöḡöra keu bölöḡi uruḡinan mötmörize? ⁵ Nöḡön ‘Siḡgisöndoki mosötzal,’ jizali, keu mianḡön mönö awamḡanök jijiḡa. Kunḡan mewö jiiga tosatḡan keu mianḡö ölnḡi qahö ekḡe. Mianḡöra mi keu awamḡaḡö dop. Nöḡön keu kun kewö jimamḡö mötzal, ‘Mönö wahöta anöḡ.’ Keu mi mönö lömbötḡambuk jijiḡa akza. Mewö jibiga ölnḡi ahuma me qahöwi, mianḡön mönö aukḡe asuhui ekḡe.

⁶ “Mötket, gölmenöḡ siḡgisöndok mosötmosötkö kukösümüḡi mi Suep gölmegö azi ölnḡaḡoreḡ ahözawi, inḡini mianḡö könaḡaḡöra janḡuḡ malbepuk. Mianḡöra

keu lömbötñi mi azi kianğöra jibi ölni eket.” Mewö jiba azi sile likepñi kömukömuñangö jeñe eka jiyök, “Gi mönö wahöta tumbulahöpki memba mirige anöñ. Keu lömbötñi mi ölnambuk akña ewö, keu awamñi mi mönö mewöyök denöwögöra omanñi akawak?”

⁷ Mewö juğa miangöörenök wahöta miriñe anök. ⁸ Mewö asuhuiga ambazip kambu yeñon mi eka welipköba Anutu möpöseim wanğiget. Göłme azigöra kukösum mewöñi wanğiyöhanğöra Anutu möpöseiget. Mewö.

Jisösnöñ Matyu (Liwai) oholök

Mak 2.13-17; Luk 5.27-32

⁹ Jisösnöñ miangöörenök anda takis ofis onğitmamgö aiga miangöören azi qetñi Matyu tariga eka jii mörök, “Gi mönö nöñgö andöne kanöñ.” Mewö jii möta wahöta takis nup mosöta Jisösgö andöñe anök.

¹⁰ * Anda Matyugö mire anda nene namba tatkeri, nalö miangöören takis meme azi tilipqilipñinambuk aka siñgisöndok azi gwötpukñan kaba Jisös aka yangö gwarekurupñi yembuk tata nene mohotje neget. ¹¹ Mewö negetka Farisi (Köna keugö kapañkölköl) yeñon mi eka Jisösgö gwarekurupñi kewö jim enğiget, “Aek! Enğö böhiñinan mönö wuanöñgöra takis meme tilipqilipñinambuk aka siñgisöndok ambazip yembuk tata nene neza? Mi qahö dop kölja.”

¹² Mewö jim enğigetka Jisösnöñ likepñi kewö jii mötket, “Sile unditundit ambazipnöñ doktagöra qahö ak enğimakzapmö, kawöl ambazipnöñ mönö doktagöören anakze. ¹³ * Nöñon siñgisöndok ambazip enğoholmamgöra kaba maljalmo, ambazip nanñinanğö mötketka solanñi akzei, i qahö. Mianğöra keu kianğö könanñi mönö anda kusum anğuba mötme, ‘Nöñon jöwöwöl ohobingö qahöpmö, ak kömum anğubingö sihimñi mötzal.’” Mewö.

Nene siñgi malmalgö keurñi

Mak 2.18-22; Luk 5.33-39

¹⁴ Nalö miangöören Jon O-melun azigö gwarekurupñi yeñon Jisösgöören kaba kewö qesiget, “Neñon aka Farisi (Köna keugö kapañkölköl) yeñon Anutugöra nene siñgi gwötpuk malahakzin. Nangi gwarekurupkan mönö wuanöñgöra nene siñgi qahö malje?”

¹⁵ Mewö qesigetka kewö melenñök, “Ölña, nini wani nalönöñ nene siñgi malakzin? Ambi meme nalöñe azigö andöurupñan könöpñi algetka ambigö sepkitipurupñan yuai mi tökömakze me qahö? Nöñon nani gwarekurupñi yeñö azi bunaya aka yeñö sutñine köisirik tatzal. Tatpiga yeñon miangöra aijölön söngai ba tata siñgi malbingö osimakze. Osimakzemö, Anutunöñ noanğiri kömumbiga yeñon mönö nalö miangöören ölop siñgi malakje.

¹⁶ (“Inini malmal walñi aka sösongai Buña dölöknji mi mindirim etkibingö osime. Mianğö keu pasetñi mi kewö jibi mötket.) Löngölöngöt walñi jurariga kunöñ opo dölöknji qahö sanğon sanğonñi mitiba mianñon opo su jöhanñi qahö ala umğoreñğomakza. Opo su jöhanñi dölöknji mewöñan mönö waziba löngölöngöt walñi öröiga kunbuk tiñgiriga kinimñan qariba böliqölibapuk.

¹⁷ “Mewöñanök kunöñ wain o dölöknji mi jobö me toru walñi lama silenjan memenñi miangöören qahö kusuiga gemakza. Mewö akawak ewö, wain o dölöknjan mönö qariba toru qesinñiga jula mokoiga gölmenöñ eta sohoiga toruñan böliqölibepuk. Mianğöra wain o dölöknji mi toru dölöknje yök mokoïn geiga dop köłma. Möwö ahinga mietkön öłowakñahot. (Mewöñanök o ölopñi

* 9:10: Luk 15.1-2 * 9:13: Mat 12.7; Hos 6.6

mi gina gisagisahöŋe qahö umakzin. Mewö ubinak ewö, mianjön mönö jula kisipisirik eriga nemba kawöl neŋgöhöbapuk. Mewö akapuköra o ölöŋŋi mi gina ölöŋŋe umakzin. Injini mewöyök malmal walŋi aka Ölöwak Buŋa döläkŋi mi mindirim etkibingö osime.) Mewö.”

Jairusnöh böratŋaŋgöra Jisös köuluköyök.

Mak 5.21-43; Luk 8.40-56

¹⁸ Jisösnöh keu mi jii mötketka keu galöm kunŋan kaŋgota Jisösgö wösöŋe geba simin köla kewö köuluköm waŋgiyök, “Nöhgö böratnan mönö döki kömuzapmö, mönö kaba böroŋan silenŋe misirinöhga guliba toroqeba malma.”

¹⁹ Köuluköm waŋgiiga wahöta gwarekurupŋi yembuk i wuatangöba anget.

Kawöl ambi kunöh Jisösgö malukuŋi misiriyök.

²⁰ Angetka miangöŋe sutŋine ambi kun malök. Yaŋön (yara) yambu 12 miangö dop köiŋnöh ehiga nalö dop kawöl yöhöiga malök. Ambi mianjön Jisösgö andöŋe kaba malukuŋaŋgö kitip suŋi misiriyök. ²¹ Mi misiriba nanŋaŋgöra kewö jiyök, “Nöhön i oseimangö möt lömböriba malukuŋeyök borom kun misiribilenak ewö, mönö ölöŋ ölöwakŋam.”

²² Mewö jiba misiriiga Jisösnöh miangöŋeŋök liliŋgöba i eka kewö jii mörök, “Böratni, mötnaripkan mönö mem ölöwak gihiza. Mönö köhöiba ewebibigabuk saitŋitgit malman.” Mewö jii möta aua miangöŋeŋök ölöwahök.

Jisösnöh Jairusgö böratŋi mem guliyök.

²³ Toroqeba angetka Jisösnöh keu galömŋaŋgö mire öŋgöba ambazip jinŋen köla awölop ugeri aka ambazip kambu göju gilgeri, mi engeka kewö jim kutum enŋiyök, ²⁴ “Mönö yaigep anget. Ambi moröŋan qahö kömuzapmö, gaunök ahöza.” Mewö jim kutum enŋiiga mötketka gönahit ewö aiga gön köl waŋgiget.

²⁵ Gön köl waŋgigetmö, ambazip kambu ketanŋi mi jiiga yaigep angetka ambi moröŋaŋgö ahöahö miri uruŋe öŋgöba böroŋe meiga wahörök. ²⁶ Wahöriiga miangö buzup keuŋan sehiba mindimindiri sel mi körek dop köla anök. Mewö.

Jisösnöh jegömöl azi yahöt mem ölöwak etkiyök.

²⁷ Jisösnöh miri gölme mi mosöta anmamgö ani jegömöl azi yahötŋan wuatangöba andöŋe kaba kewö qerohot, “Deiwidkö gwölönarökŋi, gi mönö ak kömum netkiman.”

²⁸ Mewö qerohotka miri kungö uruŋe öŋgöiga jegömöl azi yetkön Jisösgöŋeŋ kayohotka kewö qesim etkiyök, “Jeniri mem tohomamgö kukösunŋi nöŋgöŋeŋ ahözawi, mi möt narizahot me qahö?” Qesim etkiiga kewö melen waŋgiyohot, “Kembuniri, mi ölöŋ möt narizit.” ²⁹ Mewö melen waŋgiyohotka je dapötŋire misiriba jiyök, “Mötnaripŋiraŋgö dop mönö asuhuma.”

³⁰ Mewö jiiga jeniran tohoyök. Mewö asuhiiga galöm meme keu köhöikŋi al etkiba kewö jiyök, “Mörohöt, kianaŋgö buzupŋi mi kun kude jiyohot mötme.” ³¹ Mewö jiyökmö, yetkön mosöta anda miangö buzupŋi jim sehilyohotka mindimindiri sel mi körek dop köläk. Mewö.

Jisösnöh mötök azi kungö keuŋi möhamgöyök.

³² Jeniri tohoi anohotka töŋöt azi keu jijiŋi qahö mi wangita Jisösgöŋeŋ kaget.

³³ Kagetka Jisösnöh ömeŋi közöli mötök azinöh keu jiiga ambazip kambu yeŋön mi eka welipköba jiget, “Tandök kewöŋi mi Israel uruŋe mönöwök nalö kungen qahö ehin. Qahö. Döki je murutŋa ekzin.”

³⁴ *Mewö jigetmö, Farisi (Köna keugö kapanjököl) yeñon jiget, “Yañon mönö öme yeñgö kembuñinanğö ösumnönj ömewöröme enğuataneğomakza.” Mewö.

Jisösnönj könagesö yeñgö wösönji mörök.

³⁵ *Jisösnönj anda miri aka taon dop liliköba ambazip köuluk miriñine kusum enğiba bemtohonğö Ölöwak Buña jim asariba mianjon uruñini kuñguba uzi kawöl aka jepajerepe könanji könanji mem ölöwak enğiba malök. ³⁶ *Mewö mala ambazip kambuñi kambuñi enğehiga lama galömnini qahö tandök simbisembel aka ilingösönj qeñgalanğa malgetka yeñgöra wösönji mörök.

³⁷ *Mewö enğeka gwarekurupñi kewö jii mötket, “Anutugö nupnönj nene ölni gwötpuk öliba ahözapmö, mi tokobingö nup meme ambazipnönj mönö awamdökñi malje. ³⁸ Mianğöra nene öliölinanğö Kembuñan nup meme ambazip melaim enğimapköra mönö köuluköba malme. Köuluköm wañgigetka nup ambazip asuhuba ölni mi mem tokome.” Mewö.

10

Aposol 12 yeñgö qetñini

Mak 3.13-19; Luk 6.12-16

¹ Jisösnönj gwarekurupñi 12 enğoholi yanğoreñ kagetka ömewöröme közöl enğimegö kukösumñi al enğiyök. Mewöyök uzi kawöl qemjem-mamjen könanji könanji mem ölöwakneğö kukösumñi al enğiyök. ² Melaimelai azi aposol 12 mienğö qetñini kewö: mutukñi yanjon Saimon, qetñi kun Pitö qetket aka yanğö munñi Andru. Mianğö andönje Jeims aka munñi Jon, iwñiri qetñi Zebedi.

³ Filip aka Bartolomyu, Tomas aka Matyu takis meme azi, Jeims Alfusgö nahönñi aka Lebeus qetñi kun Tadius, ⁴ Saimon Zelot-politik azia * aka Judas Iskariot. Kariot azi mianjon könanjen Jisös mamalolo mem wañgiyök.

Jisösnönj gwarekurupñi 12 melaim enğiyök.

Mak 6.7-13; Luk 9.1-6

⁵ Jisösnönj azi 12 mi melaim enğiba kewö jim kutum enğiba jiyök, “Inini kian kantrigö ambazip yeñgoreñ kude anme. Mewöyök Samaria prowins yeñgö taonñini kunönj kude anme. ⁶ Mianğoreñ kude anmemö, Israel könagesögö lama sohogeri, mönö yeñgoreñ anme. Mi nup mutukñi. ⁷ *Denike denike anme, mianğoreñ mönö Buña keu kewö jiba jim asarime, “Suepkö bemtohoñan mönö dowe kazawa mianğö uruñe anğotme.”

⁸ “Ambazip kawölñinambuk mönö mem ölöwak enğiba kömukömunji mi mem gulim enğiba malme. Uzikuku ambazip mönö mem solanim enğigetka öme wöröme közöl enğiba malme. Anutunönj yuai kalema enğiyöhi, mi mönö toroqeba kalema enğiba malme.

⁹ “Köna anmeanğöra soujenji goul me silwö me ain kopönönj memenji mi mönö irimunganjine kude jöhöme. ¹⁰ *Ambazipnönj nup meme ambazip malmalñini nanğömeanğö dop akze. Mianğöra köna anmeanğö yuainji ki mi

* **9:34:** Mat 10.25; 12.24; Mak 3.22; Luk 11.15 * **9:35:** Mat 4.23; Mak 1.39; Luk 4.44 * **9:36:** Jan 27.17; 1 Kinj 22.17; 2 Hist 18.16; Eze 34.5; Mak 6.34 * **9:37:** Luk 10.2 * **10:4:** Nesönöl pati Zelot yeñon Rom gawman tuarenjon aka nanñine kinkin mbingöra tuaköpek memba malget. * **10:7:** Luk 10.4-12 * **10:10:** 1 Kor 9.14; 1 Tim 5.18

kude memba anme: gösö qahö, maluku semönñi qahöpmö, mohot meme, köna esu qahö, öröp qahö.

11 “Anda taon me miri denike denike angotmei, miangörej mönö danjön azi ipñi qetbunjangbuk akzawi, miangöra qesigetka miri engimei, mönö miangörejök mala nup memba taon mi mosöta köna anme. 12 Miri kunöñ öngöba luainöñ yembuk ahömapkö jime. 13 Mi jigetka luaini anjön kölmeanjö dop akze ewö, luaininan mönö yengö qakñine öngömawimö, mi anjön kölmeanjö dop qahö akze ewö, luaininan mönö lilingöba nanjine kama.

14 * “Anda mala miri kunöñ angotketka qahö köl öröm engiba keunjini qahö mötketka nesampurekñini mönö kewö jiba kondel engime, ‘Nini engö gölmenöñ kaininga sölbuham köna tambönine mekötahözawi, mi mönö tim tönjöraringa nanjine lilingöba gema.’ Mewö jiba ölop miri me taon mi mosöta toroqeba anme. 15 * Nöñön keu ölni kun kewö jibi mötme: Anutunöñ nalö ketanje qemasolokepnjangö likepñi melenjñi taon miangö qakñe öngömawi, dop miangön mönö Sodom aka Gomora gölme yengö dop ongita toroqem engima.” (Sodom Gomora yeñön bölöñi kanjamngambuk memba urunjini qahö melengetka Anutunöñ könöpnöñ köndej engiyök.) Mewö.

Anda nup megetka sesewerowero asuhuma.

Mak 13.9-13; Luk 21.12-17

16 * “Mötket, lama yeñön arökñangö kiam kalñi yengö sutñine gegetka luhuba engöhöbepuk, nöñön injini miangö tandök ewö melaim engibi anme. Miangöra mönö mokoleñ † ewö mötkutukutu qakñe galöm mem anguba mala kembö ewö ambazip böñjñi köpösihitkö keunjini qahö malme. 17 * Ambazipnöñ injini öröba keu jakenine al engiba köuluk mirinjine keu nupñini memba ihilek wahinjambuknöñ tauköm engime. Miangöra ambazip mewöñi yengöra mönö galöm mem anguba malme.

18 “Tosatñan nöngöra aka enguangetketka kantrinji kantrinji yengö kin kembu aka premiö yengö jemesoholñine kinme. Mewö kinda nöngö könanjamni nanngöba jigetka azi ipñi mi aka kian kantri könagesö yeñön mi mötme. 19 Mi mötmemö, keu jakene al engigetka kinmei, nalö miangörej wani keuya denöwö jibinak, miangö waimanjatñi kude mötme. Keu jime, mi Uña Töröñan aua miangörejök engima. 20 Nanjine urunjineyök keu kude jimemö, Iwinjangö Uña Töröñan mönö urunjini sölölohöiga keu jime.

21 * “Urumelengö kopa kunöñ darumunjan urunji melenjñi-hangöra aka i mamalolo meiga keu jakene algetka qeget kömuma. Mewöyök iwi kunöñ nahönböratñi mamalolo meiga kömuma aka nahönbörat yeñön iwinamurupñini qetal engiba jigetka enguget kömume. 22 * Nöngö qetnanngöra aka kantrinji kantrinji yeñön körek kazik al engigetka malmemö, kunjan kapan köla nalö tekömawanjö dop köhöiba böñ qeba kinmawi, yanñön mönö oy-aenköyaen bunja qem anguma.

23 “Taon kunöñ sesewerowero ak engimei, mi mönö kök ala taon kunjan anme. Nöñön keu ölni kun kewö jibi mötme: Injini Israel taonñi taonñi qahö

* 10:14: Apo 13.51 * 10:15: Mat 11.24; Jen 19.24-28 * 10:16: Luk 10.3 † 10:16: Mokolenja aka raskol yeñön aukne bim qegetka zilan miwikñaiba jöhöm engibeak. Miangö dop lömböribapaköra gwarek neñön maslim, komyunist aka tosatñi yengö sutñine qetnini misinari mi aukne qahö jimakzin. Mötkutukutu mi ölopñi. * 10:17: Mak 13.9-11; Luk 12.11-12; 21.12-15 * 10:21: Mak 13.12; Luk 21.16 * 10:22: Mat 24.9, 13; Mak 13.13; Luk 21.17

liliköm tekögetka Suep gölmeğö azi ölnan mönö lilingöba kama. ²⁴ *Gwarek kunjan böhiniŋ onğita mötmötŋambuk qahö akza aka welenqeçe kunjan ketanjanŋi onğita nupkö mötmöt qahö memba malja.

²⁵ * “Gwareknöŋ böhiniŋ ewö mötmötŋambuk aiga dop kölma aka welenqeqenöŋ ketanjanŋi ewö nupkö mötmöt memba maliga dop kölma. Miri uruŋi kungö saiwa galömŋi jim böliba qetŋi Katakömulat † qetket ewö, yaŋgö saiwauruŋi yengö qetŋini mönö anqeba awamjanök mewö qerakŋe.” Mewö.

Dağora keŋgötŋini mötketka dop kölma?

Luk 12.2-7

²⁶ * “Ambazipnöŋ yuai önun meget ahözawi, mi pakpak mönö lulungetka aukŋe ahuma. Mewöjanök keu asambötket ahözawi, mi pakpak mönö indelgetka möt kutume. Mianğöra ambazip yengöra keŋgötŋini kude möta malme. ²⁷ Nöŋön keu söŋaupnöŋ ölöŋ jimami, mi mönö asakŋe jime. Keu saŋep algetka kezapŋine gei mötmei, mi mönö sombemnöŋ aukŋe jime. Mianğöra mönö keunjanğö galöm memba malme.”

Dağora keŋgötŋini möringa dop kölma.

²⁸ “Tosatŋan silenŋi qem kömumbekmö, uŋanŋi qem kömumbingö osimei, yengöra keŋgötŋini kude möta malme. Mi qahöpmö, yuai mutukŋi ki: Kunjan kukösüm memba ura aka sile mohot ayuhum etküga könöp sianöŋ gemahori, yaŋgöra mönö keŋgötŋini möta malme. ²⁹ Tosatŋan bekösöm (jöröröm, ulisit) yahöt monen köŋi mohot-töpnöŋ söŋgörüŋi memegöra alakzemö, etkerigetka Iwiŋinan oŋ qahö jüga yetköreŋök mohotnöŋ gölmenöŋ qahö etma.

³⁰ “Anutunöŋ köyan köl enğiba nööröp juŋŋini pakpak mewöyök oyoŋ teköba jaŋgöŋini mötza. ³¹ Ambazip enğö söŋgörüŋini mi bekösöm ulisit gwötŋuk enğöŋita öŋgöŋgöŋi akza. Mianğöra keŋgötŋini mönö kude möta malme.” Mewö.

Kraist jim miwikŋaime me qan kölme?

Luk 12.8-9

³² “Mewö aiga kunjan ni ambazip jeŋine jim miwikŋaim niŋgimawi, nöŋön mönö mewöjanök i Iwini Suep mire maljawaŋgö jeŋe jim miwikŋaimam.

³³ * “Mewömö, kunjan ni ambazip jeŋine qan köl niŋgimawi, nöŋön mönö mewöjanök Iwini Suep mire maljawaŋgö jeŋe qan kölmam.” Mewö.

Jisösgöra luai qahöpmö, kazik asuhuma.

Luk 12.51-53; Luk 14.26-27

³⁴ Jisösnöŋ toroqeba kewö jiyök, “Kewö kude mötmörime: Jisösnöŋ luai qemamğöra aka gölmenöŋ erök. Nöŋön luai qemamğöra qahöpmö, nöŋgöra aka jula deŋgetka bimgö sou ketanjan aume.

³⁵ * “Mi kewögöra jizal: Nöŋgö Buŋa keunan ambazip uruŋini kuŋgui melenğeraŋgöra kewö asuhuma, ‘Iwi morö yetköŋ jula kerök-kerök ahotka nam morö yetköŋ tötal anğuyohotka iranŋan iranŋi qetala julmahot. ³⁶ Ambazip nanŋini saiwauruŋinan mönö kerökurupŋini akŋe.’

³⁷ “Kunjan ni göragöra al niŋgiba iwiŋi me namŋi jegep ala jöpakömawi, yaŋön mönö nöŋgöreŋ qahö dop kölma. Kunjan ni göragöra al niŋgiba nahöŋŋi

* **10:24:** Luk 6.40; Jon 13.16; 15.20 * **10:25:** Mat 9.34; 12.24; Mak 3.22; Luk 11.15 † **10:25:** Juda yengöreŋ Katakömulat qetŋi Belzebul. Mi ömewöröme yengö ketanjanŋini. Matyu 9.34 mianğöreŋ Jisösgöra qet bölöŋi mi qetket. Mianğö dop Jisösgö alauruŋi neŋgöra qet bölöŋi könaŋi könaŋi qerakŋe.

* **10:26:** Mak 4.22; Luk 8.17 * **10:33:** 2 Tim 2.12 * **10:35:** Mai 7.6

me bōratnji jegepne ala jōpakōmawi, yañōn mōnō nōngōreñ qahō dop kōlma. ³⁸ *Sisitnji megetka kunñan ni nuatanğōba sihimbōlō mōta maripomnōñ kōmumangō qahō jōjōrōmawi, yañōn mōnō nōngōreñ qahō dop kōlma.

³⁹ * “Kunñan nannji malmal siyoñsayoñji qahō mi miwikñaimawi, yañğō mal-malñan mōnō sohoma. Kunñan nōngōra aka malmalñi kōleñniga sohomawi, yañōn mōnō oyaenkyoaeñ malmal miwikñaima.” Mewō.

Anutunōñ nupñinañğō tōwanji eñgima.

Mak 9.41

⁴⁰ * Jisōsnōñ jiyōk, “Kunñan inñi miriñe kōl örōba kōyan kōl eñgimawi, yañōn mōnō ni kōl örōm niñgima. Kunñan ni kōl örōm niñgimawi, yañōn melañm niñgiyōhi, mōnō i miriñe kōl örōm wañgima. ⁴¹ Kunñan kezapqetok ambazip kun kezapqetok nupñanğōra aka miriñe kōl örōba kōyan kōlmawi, yañōn mōnō kezapqetok ambazipkō tōwanji buña qem añguma. Kunñan ambazip solanñi kun solanñi akzawañğōra aka miriñe kōl örōba kōyan kōlmawi, yañōn mōnō ambazip solanñanğō tōwanji buña qem añguma.

⁴² “Kunñan morō kienğōreñok kungōra nōngō gwarekni akzawañğōra aka o amōtñi qambiñambuk nemapkōra wañgimawi, Anutunōñ mōnō miangō tōwanji melenđa wañgima. Nōñōn keu ōñji kun kewō jibi mōtme: Nangōm eñgimei, mienğōn mōnō tōwa meme.” Mewō.

11

Jongō gwarekyahōtñi Jisōsgōreñ kayohot.

Luk 7.18-35

¹ Jisōsnōñ gwarekurupñi 12 keu mewō kusum eñgii tekōiga miri mi mosōta toroqeba Galili prowinsğō taon tosatñe anda Buña keu kusum eñgiba mianğōn uruñi kunğuba malōk.

² Nalō miangōreñ Jon O-melun azinōñ kōsō mire tata Kraistnōñ nup mewō meyōhi, mi mōta gwarekyahōtñi melañm etkii Jisōsgōreñ anohot.

³ Kewō qesim wañgimahotkōra melañm etkii anda jiyohot, “Mem ōlōwak azi kamapkōra mambōrakzini, gōñōn mia akzan me azi kun bian kamapkōra mambōtpin?”

⁴ Mewō qesim wañgiyohotka kewō melenñōk, “Yuai eka mōtzahori, miangō kōsohotñi mōnō anda Jon kewō jiyohot mōtma: ⁵ *Jegōmōl yeñōn jeñini uba eketka lokon yeñōn kōna anda kagetka uzikuku yeñōn solanigetka kezapduhup yeñōn keu mōtketka kōmuget yeñōn guliba wahōtketka etqeqeñi yeñğōra Ōlōwak Buña jim asaribiga mōrakze. ⁶ Mewō asuhui eketka kungō uruñan qahō hōlii andō nuñgumawi, yañōn mōnō simbawoñ akza.”

⁷ Mewō jiiga Jongō gwarek yetkōn anohotka Jisōsnōñ kōnahiba Jongō kōnanñ ambazip kambu yeñğōra kewō jim asariyōk, “Inñi gōlme qararanğōkōlñe miangōreñ wania ekingōra anget? Luhutnōñ jehot uwutapkōba metali an-jañbanjañ ahakzawi, inñi azi mewōñi ekingōra anget me? ⁸ Me wanat yuaia ekingōra anget? Azi malukuñi akōdamunñambuk lōngōta malōhi, mi ekingōra me? Mōtket, ambazip malukuñi eksihimñinambuk lōngōrakzei, mienğōn mōnō kiñ yeñğō jakōmbuak miriñine malje. Mi gōlme qararanğōkōlñe qahō.

* **10:38:** Mat 16.24; Mak 8.34; Luk 9.23 * **10:39:** Mat 16.25; Mak 8.35; Luk 9.24; 17.33; Jon 12.25

* **10:40:** Mak 9.37; Luk 9.48; 10.16; Jon 13.20 * **11:5:** Ais 35.5-6; 61.1

9 “Me wanat yuaia ekingöra anget? Kezapqetok azi kun ekingöra me? Ölña, nöñön kewö jibi mötket: Azi ekeri, yanñön mönö kezapqetok ambazip pakpak enğonğita tandökñi kun akza. 10 *Yanğö könani mi mönöwök kewö ohoget ahöza, ‘Mötnöñ, nöñön kolekni garata kun melaibiga qeljiñe anda ambazip urujini mindingöba göhö könagi mesariga göyön mönö yanğö andöñe gölmenöñ emu geman.’

11 “Keu mewö ahözapmö, nöñön keu ölñi kun kewö jibi mötket: Ambinöhök morö pakpak asuhugeri, yanğö sutñine Jonöñ mönö körek enğonğita qetbuñambuk kinja. Kinjapmö, Suepkö bemtohoñ uruñe anğota Anutugö qetbuñani miwikñaimakzei, yanğö sutñine eretñi kondikñi yanñön mönö Jon onğitza.

12 * “Jon O-melun azinöñ Buña keu jiiga nalö miangöreñök könahiba Suepkö bemtohoñi könöñambuk tuarenñon aka yarö gilakzemö, töndup ösumñan anda qarimakza. Könöñjinambuk yarö gilakzeañön mönö bemtohoñ mi nanñinangöra öröba buña qem anğumakze. 13 Bemtohoñgö könani mi Mosesgöreñ Köna keunöñ aka kezapqetok ambazip körek yanğö Buzup Kimbiñine ohogetka oyonđa mala koringa Jonöñ asuhuba ölñi aukñe indelök. 14 *Keu ki möt anğön kölbingö mötze ewö, Elaija (Elia) asuhumawanğö dop ahöhi, Jonöñ mönö mia akza. 15 Kunñan urukezapñambuk maljawi, yanñön mönö keu mi kezap ala möt kutuma.

16 “Ambazip merak gölmenöñ maljei, mi mönö wanatpuk dop al engibileñak? Yenñön namande ewö akze. Mienñön maket sombemñöñ tata keu gön gila lañ qeta kewö jimakze,

17 ‘Nini awölop uinga inñi liñet gwawet qahö unduget. Nini jinğen kölinga inñi qahö toroqeba sahötket.’

18 “Miangö könani kewö: Jon O-melun azinöñ kaba nene sinği mala wain o qahö neiga yanğöra jimakze, ‘Öme kunöñ uruñe geiga malja.’

19 “Suep gölmeğö azi ölñan kaba nene nem söñgaip aiga yanğöra kewö jimakze, ‘Mötket, yanñön bau numbu tandök közöjeriba wain o gwötpuk namba takis tilipqilipñinambuk aka bölöñi meme yanğö alanina malja!’ Anutugö mötkutukutu köi gulimakzei, yanğö ahakmemenñanğö ölñan mönö mötkutukutu-ñinan dop köljawi, mi kondelakza.” Mewö.

Jisösnöñ taon 3 yanğöra Yei wösöbirik! jiyök.

Luk 10.12-15

20 Miangö andöñe Jisösnöñ könahiba taon tosatñi tembul engiyök. Taon tosatñi miengöreñ anğöletotñi kukösumñinambuk sehisehiñi meiga asuhugetmö, töndup urujini qahö melenğet. Miangöra i tembula kewö jim engiyök, 21 * “O Korazin toñi, nöñön enğöra Yei! jiba sahötzal aka Betsaida toñi, enğöra mewöyök Yei! jiba sahötzal. Nöñön yanğöreñ anbiga keuni jibi sösonihii anğöletotni kukösumñinambuk asuhugetmö, urujini töndup qahö melenğet. Anğöletot mi kian gölmenöñ Taiö aka Saidon sitinöñ asuhubeak ewö, yanñön mönö nalö köröñi urujini melenğingö kaisöpsöpñi kondela dodohonöñ anğömiriba kau ariba sahötpeak.

22 “Sahötpeakmö, nöñön kewö jibi mötme: Anutunöñ könanğep Korazin aka Betsaida yanğö keunñi jim teköba likepñi melenğni sihimbölö mötmei, nalö

* **11:10:** Mal 3.1 * **11:12:** Luk 16.16 * **11:14:** Mal 4.5; Mat 17.10-13; Mak 9.11-13 * **11:21:** Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4

ketañi mianğoreñ mi mönö Taiö aka Saidon yeñgö sihimbölö dopñi oñgita mötme.

23 **“Aka Kaperneam tonji, Anutunöñ injini ölop mem wahöt eñgii Suep mire öñgöbeak me qahöpto? Qahöpmahöp! Injini mönö kömupkö senjom mire kölölohoba game. Nöñön yeñgörej anbiga keuni jibi sösonii angöletotni kukösumñinambuk asuhugetmö, uruñjini töndup qahö melenget. Angöletot mi Sodom taonöñ asuhubeak ewö, taon mianñön mönö nalö kewöñe mewöyök toroqeba kinbawak.*

24 **“Kinbawakmö, nöñön kewö jibi mötme: Anutunöñ könañgep Kaperneam eñgö keuñjini jim teköba likepñi melenjini sihimbölö mötmei, nalö ketañi mianğoreñ mi mönö Sodom gölme yeñgö sihimbölö dopñi oñgita mötme.” Mewö.*

Lömbötñinambuk eññön mönö nöñgörej kaba luhut meget.

Luk 10.21-22

25 Nalö mianğoreñ Jisösnöñ keu kewö jiyök, “O Iwini, göñön Buña keugi mötkutukutu ambazip mötmöt ketañi megeri, yeñgörej asambötnöñmö, ambazip nahönbörat ewö nanñinañgöra mötketka gukmaulem akzei, mi mönö yeñgörej indelnöñga möt asarize. Mianğöra nöñön Suep gölmegö Kembuñi gi möpösem gihizal. 26 O Iwini, gi nangak mewö asuhumapköra mötnöñ dop köli ölöwahök.

27 **“Iwinan mönö yuai pakpak jim kutuiga nöñgö buñaya ahök. Iwinan Nahöññañgö könañi nanñök möt yaköiga kunöñ mi qahö mötza. Mewöyök Nahöññan Iwiñañgö könañi möt yaköiga kunñan mi qahö mötza. Mewöyök kunñan Iwiñañgö könañi qahö möt yaköiga Nahöññanök mi mötza aka ambazip möwölöhöm eñgiba yeñgöra mi indelmawi, yeññön mönö Iwi möt wañgime.*

28 “Nup memba urulömbötñinambuk maljei, injini mönö körek nöñgörej kagetka uruawam eñgibi luhut meme. 29 **Nöñgö temni mönö awötñine ala anğugetka Buñani kusum eñgibi mi möt soroköba malme. Nöñön uruni memba et ala guñböñjönjön azia akzalañgöra ölop uruawam eñgibi luhut miwikñaima. 30 Nöñgö temni meget anğuinga dopñine akza aiga lömböt eñgibi bisimei, mianñön mönö awamñi akza.” Mewö.*

12

Jisösnöñ Sabat kendongö Kembuñi akza.

Mak 2.23-28; Luk 6.1-5

1 **Mianğö andöñe Sabat kendon kunöñ Jisösnöñ wit padi nup köroñi ketañi kutuba anök. Aniga gwarekrupñan wösöñjini eñguiga wit ölnji mohot mohot könahiba böroñjan misiba neget. 2 Negetmö, Farisi (Köna keugö kapañkölköl) tosatñan mi eka Jisös kewö jiget mörök, “Mötnöñ, göhö gwarekurupkan mönö Sabat kendongö nup meme soñgoñi oñgitze?”*

3 **Mewö jigetka kewö melenñök, “Kin Deiwidnöñ yarö aziurupñi yembuk liliköba wösöñjini eñguiga yuai akeri, mi lök oyonget me qahö? 4 *Yaññön mönö Anutugö opo seri jikenöñ öñgöba beret kömbukñi Anutugö jemesoholne altanöñ alget tariga ösumñan walöñniga qekögeri, mi mönö meiga neget. Beret*

* 11:23: Ais 14.13-15; Jen 19.24-28 * 11:24: Mat 10.15; Luk 10.12 * 11:27: Jon 3.35; 1.18; 10.15

* 11:29: Jer 6.16 * 12:1: Dut 23.25 * 12:3: 1 Sml 21.1-6 * 12:4: Lew 24.9

kömbukni mosötmosötñi mi jike nup galöm yeñönök nezema. Yanön aka yangö sunğurumurupñan mi nembepuköra sonğo ahöyökmö, mi töndup neget. ⁵*Mewöñanök jike nup galöm yeñön Sabat kendonöñ jöwöwöl jikenöñ kinda nup memba nup memegö sonğonñ oñgita töndup keunjinambuk qahö ahakze. Keu mi Köna keunöñ oyonğet me qahö?

⁶“Mi oyonğet, mewö mötzalmö, nöñön kewö jibi mötme: Ki kinjawi, yanön mönö jöwöwöl jike oñgita öngöñgöñi akza. ⁷*Buña Kimbigö keu kun kewö ahöza, ‘Nöñön jöwöwöl ohomegöra qahöpö, sutñine ak kömum angumegöra mötzal.’ İñini keu mianğö könañi mötpeak ewö, ambazip pinjitkö keunini qahö neñğö keunini mönö lañ qahö jim teköbeak.

⁸“Mi kewögöra jizal: Suep gölmegö azi öñan mönö Sabat kendongö Kem-bunñi akza.” Mewö.

Jisösnöñ azi böröñi sösröngöñi mem ölöwahök.

Mak 3.1-6; Luk 6.6-11

⁹Jisösnöñ miri mi mosöta köuluk miriñine öngöyök. ¹⁰Mianğoreñ azi böröñi sosoholiñ kun tarök. Ambazipnöñ Jisös keu jakene al wañgibingöra kewö qesim wañğiget, “Azi Sabat kendonöñ möhamgöba Köna keu oñgitpin me qahö?”

¹¹*Qesim wañğigetka kewö melenök, “Eñğoreñök dañön kewö akza: Azi kungö lamanñi mohok-kunñan Sabat kendonöñ lömnöñ gema ewö, yanön mi qahö memba öröiga kotma? ¹²Azigö bohonñan mönö lamagö bohonñi gwötputk oñgitzawi, mönö mi mötmörime. Mianğöra Sabat kendonöñ nup ölöññi memba mewö Köna keu qahö oñgitpin.”

¹³Mewö melenđa azi mianğö jiyök, “Gi mönö börögi qötöteinöñ.” Mewö jüga qötöteiga mutuk ahöhi, mianğö dop ölöwaka böröñi alañğö dop ahök. ¹⁴Mewö asuhuiga Farisi (Köna keugö kapañkölköl) yeñön yaiğep anda totoko ala Jisös denöwö aka qein kömumapkö keu jim jaruget. Mewö.

Anutugö nup meme azi tök-kutukutuñi kewö:

¹⁵Jisösnöñ keunini mi ek kutuba mianğoreñök miri mi mosöta kungen anök. Aniga gwötputkñan yangö andöñe wuatangöba angetka yeñğö sutñine kawöl ambazip pakpak mem ölöwak eñgiyök. ¹⁶Mi mem ölöwak eñgiba könañi aukñe jibepuköra köhöikñanök qetal eñgiyök. ¹⁷Mewö aiga Anutunöñ kezapqetok azi Aisaia sölölohöiga keu kun jiyöhi, mianön mönö mewö öñambuk ahök. Keu mi kewö jii ahöza,

¹⁸*“Eket, kö mönö nöñğö nup azini aiga i möwölöhöm wañgial. Nöñön wölböt alani yangöra mötpi ölöwahiga urunan yangöra söñgaimakzal. Nöñön Uñani Töröñi yangö uruñi dop kölmaköra melaiibi geiga yanön keu diñdiñanök jim tekömakzalañğö Buñanñi indela jim sehiiga kantrinñi kantrinñi yeñğoreñ anma.

¹⁹Yanön anğururuk qahö aka keu töhöreñ qahö qerakña. Ambazip kunñan yangö qet kourukñi mi rowoñqeqe könanöñ qahö mötma.

²⁰Jehot qölökögeri, yanön mi qahö qesiñma. * Lambegö wikñan jem kutuba sanjöp aiga bölamñan jem bökbök ahakzawi, yanön mönö mi

* **12:5:** Jan 28.9-10 * **12:7:** Mat 9.13; Hos 6.6 * **12:11:** Luk 14.5 * **12:18:** Ais 42.1-4

* **12:20:** Jehot aka lambegö wikñi mi ambazipköra jiza. Ambazipnöñ kun qeba jañğauranga ak wañğigetka mötnariñan pömsöm qemapkö akzawi, Jisösnöñ i mem ölöwakña.

qahö qömbököma. Mewö nupñi memba ambazipnöh keu diñdini wuatangömegöra bim qeba maliga keu mianñon luhut aliga köirañ alme.

21 Kantrinji kantrinji yeñon mönöh yanñon baukóm enjimapköra mamböta jörömçörömñini yanñö qetñe ala malme.” Mewö.

Jisösnöh öme yeñgö ösumñini onñgita qei etza.

Mak 3.20-30; Luk 11.14-23

22 Ömenöh azi kun töñöt aka numbuñi jöhöiga jeñan gömölii mötök malöhi, mi wanñgita Jisösgörej kaget. Jisösnöh i mem ölöwahiga ömenan kota mosöri nesilamñan lolohoiga kunbuk keu jiba uba ehök. 23 Uba ehiga ambazip kambu pakpak yeñon mi eka auruba Jisösgöra jiget, “Azi kianñon mönöh Deiwidkö gwölönarökñi akza me?”

24 *Mewö jigetmö, Farisi (Köna keugö kapankölköl) yeñon mi möta kewö jiget, “Azi kianñon kungö ösumnöh qahöpmö, öme yeñgö Kembunñini Katakömulat yanñö ösumnöh ömewöröme enñuatangömakza.”

25 Mewö jigetmö, Jisösnöh urumötmötñini möt teköba kewö jii mötket, “Kantri denike yeñgö galömurupñinan sutñine anñururuk aka julmei, yeñon mönöh ayuhum anñugetka kantrinñinan böliba sahoññanök aka qeqelanñan ahöma. Mewöyök siti me miri kungö könagesö yeñon sutñine anñururuk aka julmei, yeñon mönöh galömkölköl nupñini memba kinbingö osime.

26 “Mötket, Satanöh mönöh alañi Satan kun wuatangöbawak ewö, yeñon mönöh sutñine anñururuk aka julbeak. Mewö aiga gawman nupñini membingö osigetka ömetohoñinan mönöh denöwö kinbawak?”

27 “Mötket, nöñon Katakömulatkö ösumnöh ömewöröme közöl enñibileñak ewö, enñö alaurupñinan mönöh dagö ösumnöh mi közöl enñibeak? Mianñgöra yeñon mönöh keuñini öñji me qahö, mi kewöta jim teköme. † 28 Mi jim tekömemö, Anutugö ösumñan nöñgö böro kesötñi sölölohöi öme enñuatangömakzal ewö, Anutugö bem-tohoñan mönöh enñgöreñ kam kunñuza. 29 Kunñan azi köhöikñanñgö köna böroñi mutuk qahö jöhöma ewö, yanñon mönöh denöwö miriñe öngöba qezanña sukinapñi membawak? Mutuk i jöhöi tarigun mönöh ölop miriñeyök öroyuaiñi pakpak wanñgita memba anma. (Mianñgö dop nöñon mewöyök Satan jöhöba andöñe ömeñi enñuatangömakzal.)

30 *Kunñan nömbuk qahö maljawí, yanñon mönöh qetal niññimakza. Kunñan ambazip nöñgö qetne tokomegöra qahö örom enñimakzawi, yanñon mönöh menden enñimakza. 31 Mianñgöra nöñon keu kun kewö jibi mötme: Ambazip sinñisöndok aka mepaqepaik pakpak ahakzei, mi Anutunöh ölop mosörakzapmö, kunñan Uña Töröñi ilita mepaikömawi, mianñgö sinñisöndokñi Anutunöh mönöh nalö kunöh qahö mosötma. Saumbanñ!

32 *Kunñan Suep gölmegö azi öñji qetala keu jima ewö, Anutunöh mi ölop mosötmapmö, kunñan Uña Töröñi qetala keu yuai jimawi, yanñö sinñisöndokñi mi Anutunöh gölmenöh malmawanñgö dop me kömup andöñe mianñgöreñ qahö mosötma.”

Ipkö könañi mi öñji eka kewöta möt kutume.

Luk 6.43-45

* 12:24: Mat 9.34; 10.25 † 12:27: Nanñini silegalömurupñinan Anutugö qetñi öme mi Katakömulatkö kukösumnöh közöl enñigetka nöñon mi Anutugö ösumnöh közöl enñimakzal. Öroröh qahö kinñinanñgöra danñon keu muneñi wuatangömakza? Yeñon me nöñon? * 12:30: Mak 9.40 * 12:32: Luk 12.10

33 *⁴⁴“Ipkö kónaŋi mi ölni eka kewöta mötzin. Mianğöra mönö ip galöm kölgetka ölöwaka ölni ölöpnji kuŋgumakŋa me ip mem böligetka ölni bölöŋi kuŋgumakŋa. 34 *⁴⁵Azi uruŋan yuai kokolak qei ahözawi, mia mönö numbuŋan aukŋe jimakza. Mianğöra qatögö moröŋi inini, nanŋinak bölöŋi aka mönö denöwö keu ölöpnji jibeak? 35 *⁴⁶Azi ölöpnjaŋgö uru köweŋe ölöpnjaŋgö möriamŋi ahözawi, yaŋön mönö ölöpnji mi aukŋeyök jimakza. Azi bölöŋjaŋgö uru köweŋe bölöŋjaŋgö möriamŋi ahözawi, yaŋön mönö bölöŋi mi aukŋe jimakza.

36 *⁴⁷Mewö jimakzapmö, nöŋön keu ölni kun kewö jibi mötme: Ambazipnöŋi soŋgo walöŋda keu jit omanji omanji jimei, yeŋön mönö keu pakpak mianğö kónaŋi mi jimteköketekögö nalö ketaje Anutugöra jim asarigetka kewötma. 37 *⁴⁸Mianğö kónaŋi kewö: Anutunöŋ mönö keu jitki kewöta mianğö dopkeugi jim teköi solaniman me keugabuk aka lömböt miwikŋaiman.” Mewö.

Böhi tosatŋan aŋğöletoköra kapaŋ köla uletket.

Mak 8.11-12; Luk 11.29-32

38 *⁴⁹Nalö mianğöreŋi Farisi (Köna keugö kapaŋkölköl) aka Köna keugö böhi tosatŋan Jisösgöra kewö jiget, “Böhi, gi ölöp aŋğöletok kun menöŋga mi ekingö mötzin.”

39 *⁵⁰Mewö jigetka kewö melenj enjiyök, “Ambazip merak gölmenöŋ maljei, mi kambu bölöŋi aka serowilin ahakze. Yeŋön Anutugö aiwesökŋaŋgöra kapaŋ kölakzemö, aiwesök kun kezapqetok azi Jonagöra lök asuhuyök. Anutunöŋ aiwesök murutŋi kun qahö al enjima. 40 *⁵¹Jonanöŋi sunğem silimŋi karöbut köwet sömbupkö (gajugaju) gölömŋe malöhi, mianğö dop Suep gölmegö azi ölnjan mewöyök sunğem asak karöbutkö dop gölme uruŋe ahöma.

41 *⁵²Jonanöŋi Niniwe ambazip sutŋine anda Anutugö keunöŋi uruŋini kuŋgui möta mianğöreŋök uruŋini melengetmö, mötket, nöŋön sutŋine asuhuba kinda Jonagö ahakmemeŋi oŋgita ahakzal. Mewö ahakzalmö, inini tondup nesampurek ak niŋgimakze. Mianğöra Niniwe ambazipnöŋi jimteköketekögö nalö ketaje ambazip kambu ki kinjei, embuk öröröŋi kömupnöhök wahöta enğö qöhöröŋine mohotŋe kinme. Mohotŋe kinda Niniwe yeŋön keu kewö enğö sileŋine alme, Inini Suep gölmegö azi ölni nesampurek ak waŋgigetka Anutunöŋi likepŋi melenj enji sihimbölö öŋğöŋgöŋi mötme.’ Niniwe yeŋön mewö jigetka ahakmemeŋinan nanŋini kónaŋamŋini indelgetka gamuŋini mötme.

42 *⁵³“Kónaŋamŋinaŋgö kaisöpsöpŋi kun kewö: Anutunöŋ mönöwök mötkutukutu öŋğöŋgöŋi ketani mi kin Solomon waŋgiiga Saut görökenök kantri kuŋgö qin aminöŋi Solomongö mötkutukutuŋi mötmamgö sihimŋi mörök. Sihimŋi möta gölme göraŋeyök wahöta köna köröp tintiŋi kaba mala Solomongö mötmötŋi mörök.

“Mi mörökmö, mötket, nalö kewöŋe nöŋön sutŋine asuhuba kinda Anutugöreŋ mötkutukutu öŋğöŋgöŋi memba kazali, mi Solomongö mötkutukutuŋi oŋgita. Oŋgitzapmö, inini tondup nesampurek ak niŋgiba tönpin kingetka qahö dop kölja. Mianğöra Anutunöŋi kónaŋgep ambazip körek pakpak öröm enji keuŋini jim tekömapköra jeŋe aŋgotmei, nalö mianğöreŋ Saut kantrigö qin ambi mianğön mönö mewöyök aŋgotma. Yaŋön ambazip kambu ki kinjei, embuk öröröŋi kömupnöhök wahöta enğö qöhöröŋine mohotŋe kinma. Mohotŋe

* 12:33: Mat 7.20; Luk 6.44 * 12:34: Mat 3.7; 23.33; 15.18; Luk 3.7; 6.45 * 12:38: Mat 16.1; Mak 8.11; Luk 11.16 * 12:39: Mat 16.4; Mak 8.12 * 12:40: Jon 1.17 * 12:41: Jon 3.5 * 12:42: 1 Kin 10.1-10; 2 Hist 9.1-12

kinda keu kewö engö silenine alme, 'Injini Jisös nesampurek ak wanğigetka Anutunöŷ likepni melen engii sihimbölö öngöŷgöŷni mötme.' Yanön mewö jiğa silikni kewöta nanŷinanğöra gamuŷini mötme." Mewö.

Öme yeŷön azi uruŷe lilingöbingö kapari kölje.

Luk 11.24-26

⁴³ "Ömenöŷ azi uruŷeyök kota gölme qararanğölkölŷe anda laŷ liliköba mala luhut memangö miri jaruba kun qahö miwikŷaima. ⁴⁴ Mi qahö miwikŷaiba osiba kewö jima, 'Mirini mosöta kazali, mianğöreŷ mönö kunbuk lilingömam.' Mewö jiba lilingöba miriŷi usuŷda meŷölöi ahöyöhi, mi gwamönŷi ahöi miwikŷaima.

⁴⁵ "Mewö miwikŷaiba anda öme tosatŷi 7 enğuanğitma. Öme 7 mi nanŷi onğita bölöŷi kötökŷi akze. Yanön mi enğuanğiriga kaba miri mi öngöba mianğö uruŷe malme. Mewö aiga azi mianğö könani mutuk kilenkilen ahökmö, könanğep böliqölim teköma. Ambazip kambu bölöŷi ki merak gölmenöŷ maljei, enğöreŷ mewöyök mewö asuhuma." Mewö.

Jisösğö nam-munurupni

Mak 3.31-35; Luk 8.19-21

⁴⁶ Jisösŷnöŷ toroqeba ambazip kambu yeŷgöra keu jiba maliga nam-munŷan kaba yaigep kinda yambuk keu jibingö mötket. ⁴⁷ Mötketka kunŷan kewö jii mörök, "Mötnöŷ, göhö nam-mungan mönö yaigep kinda göbuk keu jibingö mötze."

⁴⁸ Keu mi jii mörökmö, yeŷgöra melenğa kewö jiyök, "Nöŷgö namni daŷön? Nöŷgö munurupni mi daŷön?" ⁴⁹ Mewö jiba böröŷi gwarekurupŷi yeŷgöreŷ göröken böraŷda jiyök, "Eket, nöŷgö namni aka munurupni öŷŷi mönö ki."

⁵⁰ Denike yeŷön nöŷgö Suep Iwinanğö jitsihitŷi tem kölakzei, körek mienön mönö nöŷgö namni aka nenmunurupni akze." Mewö.

13

Qesinğesin azigö dopkeu.

Mak 4.1-9; Luk 8.4-8

¹ Nalö mianğöreŷök Jisösŷnöŷ miri mi mosöta o anğö jitŷe geba tarök.

² *Tariga ambazip kambulembenöŷ yeŷgöreŷ anda tokogetka wanğenöŷ öngöba tarök. Tariga ambazip kambu pakpak yeŷön anğö goraŷe saknöŷ tokoget.

³ Mewö tokogetka dopkeu gwötpuk jii mötketka kewö jiyök, "Mötket! Azi kunŷan nene kötŷi qesinğilmangöra nupnöŷ anök. ⁴ Anda qesinğiliga kötŷi tosatŷan köna jitŷe geba kölget. Geba kölgetka (warawen) neiŷi neiŷi kanğota mi nem teköget.

⁵ "Kötŷi tosatŷan köt jamönjipnöŷ geba kölget. Geba köla mianğöreŷ gölme gwötpuk qahö miwikŷaiget. Gölme dutŷi qahö ahöyöhanğöra korapŷi zilaŷ kotket. ⁶ Kotketmö, wehönöŷ kota enğuba jem kutum enğıiga jalöŷini qahöpköra soholiba gororonğöget.

⁷ "Kötŷi tosatŷan siriuret wahinambuknöŷ geba kölget. Geba kölgetka mienön kota qem turuba böbölohot mem enğiget. ⁸ Mewö pömsöm qeyökmö, kötŷi tosatŷan gölme ölöppŷe geba kölget. Geba köla tosatŷi mienğö kötŷini 100 asuhuget. Tosatŷan kötŷini 60, tosatŷan 30 mianğö dop ahum sehiget.

* 13:2: Luk 5.1-3

9 Kunñan urukezapñambuk malja ewö, yañön mönö dopkeu ki kezap ala möt kutuma.” Mewö.

Jisösnöñ wanigöra dopkeu jiyök.

Mak 4.10-12; Luk 8.9-10

10 Mewö jiiga gwarekurupñan kaba Jisös kewö qesim wanğiget, “Gi mönö wuanöngöra ambazip yengö ‘Keu jimam,’ jiba dopkeunöñ ala jimakzan?”

11 Qesim wanğigetka kewö melenđa jiyök, “Mi kewögöra: Suepkö bemtohone angota malbingö keu tölapñi mi engöra aukñe jibi möt kutuzemö, yengöra mi mewö qahö.

12* “Miangö könañi kewö: Kunñan mötkutukutuñambuk maljawi, Anutunöñ mönö mi toroqem wanğiiga köl guliba möriamñambuk malmapmö, kunñan mötkutukutuñi qahö maljawi, Anutunöñ mönö mötmötñi moröñi ahözawi, mi mewöyök qeköba wanğitma.

13 “Ambazip yengö keu jimam jiba kewögöra dopkeunöñ ala jimakzal: Nenñon nanñini jeñinan yuai ekagun könañi töndup qahö ek kutume. Nanñini kezapñinan keu törörök mötagun könañi töndup qahö möt asarime.

14* Kezapqetok azi Aisaianöñ qeljiñe keu kun jiba ohoyöhi, miangön ambazip mewöñi yengöreñ öñambuk ahakza. Keu mi kewö, ‘Keu möt bibihibagun könañi töndup kude möt asarime. Yuai ek bibihibagun könañi töndup kude ek kutume.

15 Ambazip kambu kienğö uruñinan mönö köhöikñi gwözöñđa ahöza. Kezapñinan keu möt bibihiba jeñini kömaziliköba (kömazilihiwa) malje. Mewö qahö akeak ewö, mönö jeñinan yuai ek kutuba kezapñinan keu möta uruñinan könañi möt asariba uruñini melenğetka nöñön i ölop mem ölowak engbilenjak.’

16* “Keu mewö ahözapmö, engö jeñinan yuai ek kutuzawangöra mönö simbawoñ akze. Kezapñinan keu möt kutuzawangöra mönö simbawoñ akze.

17 Nöñön keu öl töhöññi kun kewö jibi mötket: Kezapqetok ambazip aka Anutugöreñ ambazip solanñi gwötpukñan inñini yuai ki ekzei, mi ekingö awöweñgöba malgetmö, qahö eket. Inñini keu ki mötzei, yeñön mi mötpingö awöweñgöba malgetmö, qahö mötket.” Mewö.

Jisösnöñ dopkeugö könañi jiyök.

Mak 4.13-20; Luk 8.11-15

18 “Qesiñ gilgil azigö dopkeu jizali, miangö könañi mi kezap ala mötme.

19 Nene kötni qesiñ giliga köna jitre geba kölöhi, mi kewö: Kunñan bemtohongö Buña keuñi möta könañi qahö möt asariiga Bölöñangö Toñan kaba uruñe kötni kömötkeri, mi qeköma. 20 Nene kötni qesiñniga köt jamönjiñnön geba kölöhi, mi ambazip söpsöppñi kun. Yeñön Buña keu möta mi miangöreñök sösoñgai qakñe möt angön kölakze.

21 “Mewö ahakzemö, uruñine jalöñi qahö ahöm engimapmö, nalö töröptökñi miyök kin köhöiba malme. Buña keugöra aka kahasililiñ me sesewerowero asuhuiga nalö miangöreñök mönö tala enguma. 22 Nene kötni qesiñniga siriuret wahinambuknön geba kölgeri, mi kewö: Yeñön Buña keu mötketka uruñine gezapmö, gölmenöñ malmalgö waimanjatñi aka moner inap memegö urukönöññi ahuba lömbörim engimakza. Qetbuñaninambuk akingöra köpösöñgögetka sihim kömbönañi bölöñi tosatan mewöyök uruñine dumgöba

* 13:12: Mat 25.29; Mak 4.25; Luk 8.18; 19.26

* 13:14: Ais 6.9-10

* 13:16: Luk 10.23-24

Burja keu böbölöhöt mem wanğize. Mewö aiga öljini qahö gilipitnji (ambe-taknji) aknje.

²³ “Nene kötrji gölme ölöpnje qesijniga geba kölgeri, mi ambazip kewöñi: Yeñön Burja keu kezap ala möta möt asariba pöndañ kinda öljini mi-wikñajimakze. Tosatñan keu jit mohotnöñök kötrji 30 miwikñajimakze. Tosatñan öljini 60, tosattjan keu köt mohot mohot miengö öljini 100 mem sehiba miwikñajimakze.” Mewö.

Dorowetkö söpsöp keu

²⁴ Jisösnöñ söpsöp keu kun kewö jii mötket, “Suepkö bemtohoñangö könañi mi azi kewöñangö dop ala jimam. Yañön nupñe anda nene kötrji ölöpnji qesij gilök. ²⁵ Qesij gilökmö, sunğem ahögetka miangörej kerök azinjan kaba wit padi sutñine miangörej dorowetkö kötrji qesij gila mosöta anök. ²⁶ Wit padi kötrjan jula wahöta öñgöba öljni asuhuyöhi, nalö miangörej dorowetnöñ mewöyök aukñe asuhuyök.”

²⁷ “Mianñön aukñe asuhuiga welenqeçeurupñan mi eka nup toñangörej kaba kewö jigetka mörök, ‘Ketanamnini, nupke nene köt ölöpnji qesij gilmöñ me qahö? Dorowetkö kötrji mi mönö denikeyök miangörej geba asuhuza?’

²⁸ “Mewö jigetka möta kewö jii mötket, ‘Kerök azinöñ mi qesij gilök.’ Mewö jii möta welenqeçe yeñön kewö jiget, ‘Nini ölöp anda dorowet mi qözöla tokobingö mötzan me qahö?’ ²⁹ Mewö jigetmö, kewö jii mötket, ‘Qahö! İnini dorowet qözöla tokoba miangörej padi tosattñi mi mewöyök qözölbepuk.”

³⁰ “Mönö mosötketka mohotñe qariba wahörohotkun öljni meme nalöñan kam kuñguiga nalö miangörej nöñön padi misimisi ambazip yeñgöra kewö jibi mötme: Mönö mutuk dorowet memba tokoba ohomeğöra börangöba kösönöñ jöhöme. Mi jöhöbagun mönö wit padi öljni mi tokoba memba kaba nöñgö köwe mire alme.’ ” Mewö.

Nejoñ kötrñangö dopkeu

Mak 4.30-32; Luk 13.18-19

³¹ Jisösnöñ dopkeu kun kewö toroqeba jii mötket, “Suepkö bemtohoñi mi kewö: Azi kuñjan nejoñ (nemuya) kötrji memba nanñe nup gölmeñe anda alök. ³² Kötrji mi morö közözömñi. Mi nene köt pakpak miengö eretñini akzapmö, jula wahöta yöha pakpak engongita qariba ip akña. Mewö aka kiniga könakemba neiñi neiñi kañgota aipñini ip miangö böroñe alakze.” Mewö.

Yistkö dopkeu

Luk 13.20-21

³³ Jisösnöñ dumñe kunbuk söpsöpkeu kun kewö jii mötket: “Suepkö bemtohoñi mi yist me flaua mem qariqarigö dop kewö akza: Ambi kunöñ ‘Beret ohomam,’ jiba yist memba flaua amae (dis) karöbut miangörej mindiriba melenqelanj aka anda anda tari körekñanök qariyök.” Mewö.

Jisösnöñ denöwögöra söpsöpkeuñi keuñi jiyök?

Mak 4.33-34

³⁴ Jisösnöñ keu pakpak mi könagesö yeñgöra söpsöp keuñi jiyök. Söpsöpkeu qahö mewö keu kun qahö jii mötket. ³⁵ *Mewö aiga Anutunöñ kezapqetok azi kun sölölöñhögiga keu kun jiyöhi, mianñön öljambuk ahök. Yañön keu mi kewö jii ahöza, “Nöñgö numbunan mönö amqeiga söpsöp keuñi keuñi jimam.

* 13:35: Sum 78.2

Anutunöŋ gölme miwikŋaiiga asuhuyöhi, nalö miangöŋök keu tölapŋe ahöi mala korini, nöŋön mönö keu mi aukŋe jim indelmam.” Mewö.

Dorowetkö söpsöpkeugö könaŋi

³⁶ Jisösnöŋ söpsöp keu mi jim teköba ambazip kambu ketanŋi enŋömosöta miri uruŋe öŋgöyök. Öŋgöiga gwarekurupŋan yaŋgöŋeŋ kaba kewö qesiba jiget, “Dorowet nene nupnöŋ asuhuyöhi, gi mönö söpsöp keu miangö könaŋi jim asarim nenŋiman.”

³⁷ Mewö jigetka kewö melenŋa jiyök, “Suep gölmegö azi ölnan mönö nene kötnŋi ölöpnŋi ölöpnŋi qesin gilakza. ³⁸ Nene nup mi gölmegö kantri pakpak. Nene kötnŋi ölöpnŋi mi bemtohoŋgö nahönböŋat enŋöra jizal aka dorowet mi azi bölöŋaŋgö nahönböŋat yeŋgöra jizal. ³⁹ Keröknoŋ mi qesin gilöhi, mi Bölöŋaŋgö Toŋaŋgöra jizal. Padi misimisi nalöŋi mi gölmegö nalöŋan tekömawaŋgö nalö ketanŋi mi. Padi misimisi ambazip mi Suep garata yeŋgöra jizal.

⁴⁰ “Dorowet tokoba könöpnöŋ ohoget jemawi, miangö dop mönö gölmegö nalöŋan tekömawaŋgö nalö ketanŋe asuhuma. ⁴¹ Suep gölmegö azi ölnan mönö garataurupŋi melaim enŋiiga kaba keu areŋ bölöŋi pakpak Kraistkö bemtohoŋ uruŋe siŋgisöndok akingö kondorakzawi, mi qeapköba mindiŋgöme aka bölöŋi meme ambazip pakpak mi qözöla qezaköm enŋime. *

⁴² “Mewö mindiŋqindŋi aka ambazip mi gil enŋigetka owen imarurubuk jeba ahözawi, miangöŋeŋ geme. Miangöŋeŋ gemeaŋön mönö sahöt gigi-lahöba irimŋini yöhözömgögetka qetŋi qeri malme. ⁴³ Nalö miangöŋeŋ ambazip solanŋi miŋeŋön mönö wehöŋ tandök aka Iwiŋinaŋgö bemtohoŋ uruŋe asariba mal öŋgöme. Kunŋan urukezapŋambuk maljawi, yaŋön mönö keu mi kezap ala möt kutuma.” Mewö.

Guli dötnam mesamesambötŋaŋgö söpsöpkeu

⁴⁴ “Suepkö bemtohoŋi mi guli damandanŋ söŋgöŋöŋi öŋgöŋgöŋi miangö dop kewö akza: Mi nupnöŋ mesambötket ahöiga azi kunŋan mi miwikŋaiba anŋön köla kunbuk gölmenöŋ mesambörök. Mesamböta miangöra söŋgaiba anda sukinapŋi pakpak bohönŋi memegöra ali monenŋ kaiga miangön nup gölme mi bohönŋi meyök.” Mewö.

Sorom kötnaŋgö dopkeu

⁴⁵ “Suepkö bemtohoŋi mi stua azigö dop ala söpsöp keu kun kewö jimam: Yaŋön sorom kötnŋi ekjeritŋambuk jaruba malök. ⁴⁶ Jaruba mala sorom kötnŋi mohot söŋgöŋöŋi ketanŋi miwikŋaiba anda sukinapŋi pakpak bohönŋi memegöra ali monenŋ kaiga miangön sorom kötnŋi mi bohönŋi meyök.” Mewö.

Mösak örörögö söpsöpkeu

⁴⁷ “Suepkö bemtohoŋi mi mösakö dop ala söpsöpkeu kun kewö jimam: Mi o anŋönöŋ gilget geiga söra tandökŋini könaŋi könaŋi gegetka enŋömöm tokoyök. ⁴⁸ Tokoŋi kokolak qeiga ambazipnöŋ mi örögetka körökŋe koriga eta tata söra ölöpnŋi kewöta sakapnöŋ tokogetmö, bölöŋi mi gilgetka anök. ⁴⁹ Keu miangö dop mönö gölmegö nalöŋan tekömawaŋgö nalö ketanŋe asuhuma. Suep garata yeŋön kaba ambazip bölöŋi mi solanŋi miŋeŋöŋök kewöt enŋime. ⁵⁰ Kewöt enŋiba ambazip bölöŋi mi gil enŋigetka owen imarurubuk jeba

* **13:41:** Keu areŋ (ideology) bölöŋi yauerŋ mötmöt, komyunist, maslim aka mötmöt areŋ tosatiŋi mi ambazip yöhöm enŋiget qakögetka malmalŋinan böliba sohomakzawi, garata yeŋön mönö mi pakpak qeapköba mindiŋgöme.

ahözawi, mianğoreñ geme. Mianğoreñ gemeañon mönö sahöt gigilahöba irimñini yöhözömgögetka qetñi qeri malme.” Mewö.

Keu körtji walji aka dölökñi

⁵¹ Jisösnöñ söpsöp keu mi jim teköba kewö qesim engiyök, “Keu pakpak jizali, mi möt asarize me qahö?” Qesim engiiga melenđa “Onj!” jiget. ⁵² “Onj!” jigetka kewö jii mötket, “Miri toñan miriñangö köweñeyök inap yuai walji aka dölökñi uzeta alakza. Mianğö dop Kona keugö böhi pakpak Suep bemtohoñgö gwarekurupñi akeri, yeñon mönö mewöyök uruñinanğö köweñeyök keu aködammunjinambuk dölökñi aka keu ölop sorokñi walji uzeta jimakze.” Mewö.

Nazaret yeñon Jisös andö qeget.

Mak 6.1-6; Luk 4.16-30

⁵³ Jisösnöñ dopkeu mi jim teköba miri gölme mi mosöta anök. ⁵⁴ Anda malqarip taonñe anğota köuluk miriñine öngöba Buña keu kusum engiyök. Kusum engiiga auruba welipköba kewö jiget, “Ye! Kezapjupjup! Yanñon mötkutukutu ki aka anğöletot kukösurnjinambuk mi mönö denikeyök meza? ⁵⁵ Azi ki mönö miri kiangö mitümqeçe azigö nahönña. Namñangö qetñi Maria aka munurupñi Jeims, Josef, Saimon aka Juda. Mi ölop mötzin. ⁵⁶ Nenurupñan mönö körek sutnine ki malje. Mianğöra yuai pakpak ki mönö denikeyök memba kaba akza?”

⁵⁷ *Nazaret yeñon mewö jigetka uruñinan böliiga mianğoreñ qaköget. Qakögetmö, Jisösnöñ kewö jii mötket, “Kezapqetok azi mi nanñi taonñe aka nanñi mire jijiwillit ak wangimakzemö, miri tosatñe mewö qahö.” ⁵⁸ Mewö jiiga mötnariñinan qahö asuhuiga yangisenñangöra aka anğöletot kukösurnjinambuk mi mianğoreñ gwötpuk qahö meyök. Mewö.

14

Jongö jölñi kutugetka kömuyök.

Mak 6.14-29; Luk 9.7-9

¹ Nalö mianğoreñ gölme bahönangö (Galili prowinsgö) kiñ Herod yanñon Jisösgö qetbuñañi mörök. ² Mi möta welen-qeçeurupñi yeñgöra kewö jiyök, “Mi mönö Jon O-melun azia. Yanñon mönö kömupñöhök wahöta nupñi meiga anğöletot kukösurnjinambuk asuhumakze.” Waimanjat möta mewö jiyök.

³ *Mi kewögöra jiyök: Herodnöñ munñi Filipkö anömñi Herodias ölon meiga Jon O-melun azinöñ kiñ jim wanggiiga opotöröp melaim engiiga anda Jon memba jöhöba kösö mire al wangiget. ⁴ *Jonöñ Herodköra keu kewö jiyök, “Gi qambötki memba mala Kona keu onğitzan.” ⁵ Mewö jiiga Herodnöñ Jon qeget kömumapkö mörökmö, könagesö yeñon Jongöra mötketka kezapqetok azia malöhi, mianğöra könagesö yeñgöra kenğötñi mörök.

⁶ Kenğötñi mörökmö, Herodkö ahuahü nalöñan kaiga ketaurupñan tokoba tatketka Herodiasgö bōratñan yeñgö jeñine danis aliga Herodnöñ mianğö eksihimñi gwötpuk mörök. ⁷ Mianğöra ambi seram mianñon wani yuaigöra qesibawak, kiññon mi tököm wangimamgö keu jöhöba keu mi jöjōpañ keunöñ jim köhöiyök. ⁸ Mewö jim köhöiiga namñan ambi seram mi kuñgum wanggiiga kewö jiyök, “Mönö qesinöñga Jon O-melun azigö jölñi yandigetka nöropñi memba ki kaba köndenöñ niñgima.”

* 13:57: Jon 4.44 * 14:3: Luk 3.19-20 * 14:4: Lew 18.16; 20.21

⁹ Mewö jiiga kingö uruñan kömbuhiiga wösöbirik mörökmö, jöjöpañ keuñan jöhöi ketaurupñan mi mötketka yeñgö jemesoholñine etpapuköra möta nööröpñi wañgimegöra jim kutuyök. ¹⁰ Mewö jim kutuba opotöröpñi kun melaiba jiyök, “Gi mönö kösö mire anda Jongö jölñi yandiba nööröpñi memba kaman.” ¹¹ Mewö jiiga Jongö nööröpñi köndenöñ ala memba kaba ambi seram mi wañgiiga memba anda namñi wañgiyök. ¹² Jongö gwarekurupñan miangö buzupñi möta anda qamötñi memba qaksirigö köt kötenñöñ ala löm kölget. Löm köla anda keu mi Jisös jiget mörök. Mewö.

Jisösnöñ azi 5000 nene gumohom enjgiyök.

Mak 6.30-44; Luk 9.10-17; Jon 6.1-14

¹³ Jisösnöñ Jongö kösohotñi möta miri mi mosöta wañgenöñ öñgöba gölme kötikñi kunöñ nanñinök malbingöra anget. Ambazip kambu yeñön miangö buzupñi möta taon aka miriñini mosöta Jisösgö andöñe wuatangöba gölme köna anget. ¹⁴ Angetka Jisösnöñ wañgenöhök eta ambazip kambulelemebengeka yeñgöra wösöñi mörök. Wösöñi möta sutñine kawöl engöhöi malgeri, mi mem ölöwak enjgiyök.

¹⁵ Mewö aka mali mare aiga gwarekurupñan Jisösgöreñ kaba kewö jiget, “Böhi, nini gölme kötikñi kiangöreñ malinga wehön jeñan teköba gemangö akza. Miangöra gi ölop ambazip kambu ki melaim enjinöñga miriñi miriñi miengöreñ anda numbu neneñini söñgöröñi memba neme.”

¹⁶ Mewö jigetmö, Jisösnöñ kewö jii mötket, “Yeñön ölop kiangöreñ tatme. Enön mönö nanñinak i nene gumohom enjgime.” ¹⁷ Mewö jii möta jiget, “Nini beret 5 aka söra yahöt miyök memba maljin.” ¹⁸ Mewö jigetka jiyök, “Mönö mi memba kaba niñgime.”

¹⁹ Mewö jiba ambazip kambu mi kegwañ luplupñöñ eta tatmegöra jim kutum enjiiga tatket. Tatketka beret 5 aka söra yahöt mi memba Suenöñ ui öñgöiga kötuatköba beret mindipköba gwarekurupñi enjiiga ambazip kirip dop mendenña enjiget. ²⁰ Mendenña enjigetka ambazip körekmakörek nembra nem timbireñ aket. Nem timbireñ aka nene kitipñi kitipñi mosötkeri, mi gwarek yeñön qezakögetka sakap 12 miangöreñ geba kokolak qeyök. ²¹ Azi beret negeri, yeñgö jañgöñini mi 5000. Ambi nahönbörat yeñgö jañgöñini mi qahö meget. Mewö.

Jisösnöñ o angö qakñe tiba tiba anök.

Mak 6.45-52; Jon 6.15-21

²² Neget teköiga Jisösnöñ miangöreñök gwarekurupñi jim kutum enjgiba kewö jiyök, “Inini mönö wañgenöñ öñgöba qeljine o angö kutuba likepñe anme. Nöñön ölop nalö sutñe ambazip kambu ki melaim enjgibalan kamam.”

²³ Ambazip melaiba enjubula kundunje öñgöba nanñök mala köuluköyök. Köuluköba mali mare aiga kundunje nanñik kötikñi tarök. ²⁴ Tariga wañgeninan lök o angö bibiñe köröwen aniga luhutñöñ angerangöreñök gila kaiga sirinöñ wañgenöñ giliga kekwilik anda kayök.

²⁵ Mewö ahiga miri aworangöiga (3-6 kilok) miangöreñ Jisösnöñ o angö qakñe tiba tiba gwarekurupñi yeñgöreñ kayök. ²⁶ Kaba o angö qakñe tiba tiba kaiga gwarekurupñan mi eka keñgötporiñ aka “Köwet Songoriññöñ kaza,” jiba sömbuñini möta qeta silatket.

²⁷ Qeta silatketmö, Jisösnöñ miangöreñök keukeu jiba kewö jii mötket, “Alaurupni, mönö ewebibiñinambuk saitñgit malme. Nanak kazal. Keñgötñini kude mötme.” ²⁸ Mewö jii möta Pitönöñ melenña kewö jii mörök,

“Görjön Kembuya akzan ewö, mönö ölop jinönga nöjön o qakne tiba tiba göhöreñ kamam.”

²⁹ Jisösnöñ mi möta “Ölop kanöñ,” jiyök. Mewö jiiga Pitönöñ wanje mosöta o ango qakne tiba tiba könahiba Jisösgöreñ anök. ³⁰ Könahiba anökmö, luhutnöñ gwötpuk gili mi eka kengetporin aka könahiba o uruñe geba kewö qerök, “Kembu, bauköm ninjinöñ.” ³¹ Qeriga Jisösnöñ miangöreñök böröñi böranña Pitögö böröñe memba kewö jiyök, “Mötnaripki morörökñi. Mönö wuanöngöra uruyahöt akzan?”

³² Mewö jiba bauköm wanji wanjenöñ öngöyohotka luhutnöñ nöñ qeba göröñ alök. ³³ Göröñ aliga azi wanjenöñ tatkeri, yeñon waikñi memba möpösem wanjiba kewö jiget, “Alakña, gi Anutugö nahönña.” Mewö.

Jisösnöñ Genesaret mala mem ölöwak nup meyök.

Mak 6.53-56

³⁴ O ango kutuba likepne Genesaret mire angota wanje mosöta saknöñ geget. ³⁵ Saknöñ gegetka miri miangö ambazipnöñ Jisös möt kutum wanjiget. Möt kutum wanjiba keu algetka miri pakpak kösutne tatkeri, miangöreñ aniga buzupñi möta kawöl ambazip körek enguanñita Jisösgöreñ kaget. ³⁶ Kagetka kinda Jisös malukuñangö suñe misiribingö ulet wanjiba malget. Misirigeri, körek yeñon mönö ölöwak teköget. Mewö.

15

Ambösakon yeñon keu kusum sohoget.

Mak 7.1-13

¹ Miangö andöñe Farisi (Köna keugö kapankölköl) aka Köna keugö böhi tosatan Jerusalem sitiyök Jisösgöreñ kaba kewö qesim wanjiget, ² “Göhö gwarekurupkan wuanöngöra köna walöñda ambösakoninañgö silikñini qeze? Yeñon mönö böröñini sanjonña dom-amöt qahö qeba töndup könahiba nene neze?”

³ Mewö qesim wanjigetka kewö jii mötket, “Nanjinak mönö wuanöngöra ambösakoninañgö silikñini wuatangöbingöra köna walöñda Anutugöreñ jöjöpñ keu qeze? ⁴ *Miangö keuñi kun kewö: Anutunöñ kewö jim kutuyök, ‘Twinangi mönö göda qem etkimakñan,’ aiga ‘Kunñan iwinji me namñi qesuahömawi, i mönö qegetka kömuma.’

⁵ “Mewö jim kutuyökmö, inñi keu mi onñita kewö jimakze, ‘Kunñan iwinñangöra me namñangöra kewö jima: Wösöni mötzal. Nöngö nanñangö yuaini buña qem anñubanak, mi lök Anutugö saiwap naluköra kewöta albi ahöza. Kunñan mewö jiba iwinji me namñi göda qem wanñimawanñgö dop qahö akza.’

⁶ “Mewö jiba silikñini walñangöra aka Anutugö jöjöpñ keuñi utalgetka omanñi aka pömsöm qemakza. Mi qahö dop kölja. ⁷ O urumelengö silesile ambazip, kezapqetok azi Aisaianöñ mönö engö könanamñini törörök qeljinje indela kewö jii ahöza,

⁸ *Ambazip kambu kianñon mönö numbu jitñinan ölopñanök göda qem ninñimakzemö, uruñinan nöñöñgan ak ninñiba kungen algetka köröwen ahöza.

* 15:4: Eks 20.12; 21.17; Dut 5.16; Lew 20.9

* 15:8: Ais 29.13

⁹ Mewö ahöiga nõngö waikni öne töhön memba möpöseim ningim�akze. Kõna keu kusum engibin, jiba salupne ambazip yengö jimkutukutunini mi numbu o alakze.” Mewö melenj engiyök.

Azi uru mi denöwö tölohoba lantiza?

Mak 7.14-23

¹⁰ Jisösnöñ ambazip kambu kunbuk engoholi kagetka kewö jii mötket, “Injini mönö keu ki kezap ala möt asarime. ¹¹ Yuai azigö numbuñeyök uruñe gemakzawi, mianjõn qahö tölohom wanjimakzapmö, nanji numbuñeyök keu erakzawi, mianjõn mönö tölohom wanjimakza.”

¹² Mewö jii mötketka gwarekurupñan kaba kewö qesiget, “Farisi (Kõna keugö kapañkõlkõl) yenjõn keu mi mötket engui urunjan bölizawi, mi mötzan me qahö?” ¹³ Qesigetka kewö melenjök, “Nõñõn warök pakpak nõngö Suep Iwinan qahö kõmörõhi, mi mönö jalõñinambuk qözõlmam. ¹⁴ *Muat, i mönö engömosõtme. Yenjõn ‘Jegömöl ambazip enguanjipin,’ jimakzemö, nanjini jenjan mönö gömõliza. Jegömöl kunjan jegömöl alañi kun bõrõñe memba wanjitma ewö, yetkõn mönö mohotne lömnõñ geba etkuma.”

¹⁵ Mewö melenjiga Pitõnõñ jiyök, “Dopkeu miangö kõnanji mönö jim asarinõñ mörin.” ¹⁶ Mewö jiiga Jisösnõñ jiyök, “O alaurupni, injini mewöyök toroqeba mötmõtñini õlõpñi qahö akze me? ¹⁷ Yuai pakpak azi numbuñeyök uruñe gemakzawi, mi kõmgokñe geba yaigep erakza. Mi möt kutuze me qahö?”

¹⁸ *Mi erakzapmö, keu uru kõnõmñeyök kota numbuñeyök erakzawi, mianjõn mönö tölohom wanjimakza. ¹⁹ Ambazip uru kõnõmñeyök yuai kewõñi asuhuba korakza: Keu bölõñi mötmõriba sunja jinan memba ambazip enguget kõmumegö mörakze. Qesabulum aka serowilin akingö mörakze. Yonjorö membingö mörakze. Jitnõñ alal keu munenji jibingö mörakze. Andõqeqe keu yõhösan jiba Anutu mepaikõbingö mörakze. ²⁰ Yuai mewõñan mönö ambazip tölohom engimakzapmö, bõrõñini qahö sanjõnda nene nemakzei, mianjõn azi kun qahö tölohomakza.” Mewö.

Kenan ambi kunjan kapañ kõla kõuluköyök.

Mak 7.24-30

²¹ Jisösnõñ Genesaret gölme mosöta siti qetñiri Taiö aka Saidon mietkõ distrik qetñi Fonisia miangö uruñe anök. ²² Aniga Kenan ambi, gölme miangö tonji kunjan kaba Jisös uleta kewö qeta jiyök, “Kembu, Deiwidkõ gwõlõnarõkñi, mönö ak kõmum ningiman! Ömenõñ bõratni kõlkõljinjinj ak wanjiiga sihimbõlõ ketanji mörakza.”

²³ Qeta jiyökmö, Jisösnõñ keu kun qahö melenjök. Mewö aiga gwarekurupñan kaba kewö kunjum wanjiba jiget, “Ambi mi sahõta qeta kõnanine kazawanjõra mönö baukõm wanjinõnga anma.” ²⁴ Mewö jigetka melenjök, “Iwinan Israel kõnagesögö lama sohosoñonji miyõhök amõt qem engimangõra aka melaim ningiiga kazal.” ²⁵ Mewö melenjiga ambi mianjõn kõsutne kaba simin kõl wanjiba jiyök, “Kembu, mönö baukõm ninginõñ!”

²⁶ Mewö jiyökmö, Jisösnõñ kewö melenj wanjiyök, “Qahö, morö yengö mirinñeyök beret memba kiam engiinga qahö dop kõlbapuk. Juda nini kianurup engö qetñini kiam qerakzin. Nõñõn mutuk Juda ambazip baukõm engibiga kantri tosatñi enjõn mönö kiamgö dop mambõta malme.”

* 15:14: Luk 6.39 * 15:18: Mat 12.34

²⁷ Melen wanğiyökmö, ambinöy jiyök, “Kembu, mi ölop mötzalmö, kiam moröni yeñön mönö mewöyök tonjanğö tebolnöhök nene boromni eriga nemakze.” ²⁸ Mewö jiiga Jisösnöy kewö jii mörök, “O ambi, göhö mötnaripki mi ketanji. Miangöra ulet ningizanağö ölnji mönö asuhuma.” Mewö jii möta börtatjan aua miangöreñök ölöwahök. Mewö.

Jisösnöy kawöl ambazip sehisehirji meiga ölöwaket.

²⁹ Jisösnöy gölme mi mosöta kaba Galili o aņğögö jitje kaņgota kunduje öņğöba eta tarök. ³⁰ Tariga ambazip kambulembenöy yaņğöreñ kaba ambazip kewöni enğuanğitket: Simalokon aka jegömöl ambazip, tosatnji köna böröñini heramheramğöni, tosatnji keuñini mötökni aka kawöl tosatnji gwötputk enğöhöi malgeri, mi enğuanğita Jisösgö köna kösutnje al enğigetka mem ölöwak enğiyök.

³¹ Mem ölöwak enğiiga ambazip keuñini mötökni yeñön keu jigetka köna böröñini heramheramğöni yeñön ölöwaka diņğigetka simalokon yeñön köna tiba anda kagetka jeñini döndöngöni yeñön je uba eketka ambazip kambu yeñön mi eka welipköba Israel neņğö Anutunini möpöseiget. Mewö.

Jisösnöy azi 4000 nene gumohom enğiyök.

Mak 8.1-10

³² Jisösnöy gwarekurupni enğoholi yaņğöreñ kagetka kewö jii mötket, “Nöñön ambazip kambu kienğöra wösöni mötzal. Yeñön nöngöreñ kaba wehön karöbut lök mala kotketka nenenini qahöwahiga ekzal. Könanöy anda mala kemaņe jeñini gili tirinbirin akepüköra i öne melaim enğimamğö töközal. Miangöra i nene gumohom enğimamğö mötzal.”

³³ Mewö jii gwarekurupñan melenđa kewö jiget mörök, “Gölme qararaņkölkölne kianğöreñ neñön mönö denikeyöhök numbu nene gwötputk miwikñaiba ambazip kambulembe ki gumohom enğibinak?” ³⁴ Mi möta Jisösnöy kewö qesim enğiyök, “Enğöreñ beret dawik ahöza?” Qesim enğiiga “Beret 7 aka söra moröni tosatnji ahöza,” jiget. ³⁵ Jigetka Jisösnöy ambazip kambu mi gölmenöy geba tategöra jim kutum enğiiga geba tatket.

³⁶ Geba tatketka beret 7 aka söra mi mamba Anutugö saiwap jiba mindipköba gwarekurupni enğiiga yeñön mi ambazip kambu dop toto qem enğiget. ³⁷ Toto qem enğigetka namba nem timbireñ-göget. Nem timbireñğöba nene kitipni mosötket geyöhi, mi sakap 7 miangöreñ qezakögetka numbuje qeyök. ³⁸ Azi nene negeri, yeņğö jaņğöñini mi 4000. Ambi nahönbörat yeņğö jaņğöñini mi qahö meget. ³⁹ Jisösnöy ambazip kambu melaim enğiiga angetka nanji wanğenöy öņğöba Magadan gölmenöy anök. Mewö.

16

Böhi tosatñan aņğöletot ekingöra kapaņ kölget.

Mak 8.11-13; Luk 12.54-56

¹ *Farisi (Köna keugö kapaņkölköl) aka Sadyusi (Jike nupkö kapaņkölköl) tosatjan Jisösgöreñ kaba keugö bötaknöy örömap-köra esapkom wanğiba kewö qesiget, “Mönö jinönga Suepnöhök aņğöletot kun asuhuiga ekin.” ² Mewö jigetka kewö melenök, “Wehön gemamğö ahiga miangöreñ kewö jimakze, ‘Suepnöy pisihizawaņğöra uran wehön ölöpni akña.’

³ “Mewöyök soņanök kewö jimakze, ‘Suepnöy pisihiga kousunöy töwizawaņğöra mönö kie luhut gilma.’ Mewö mewö jiba suepkö tandökni

* 16:1: Mat 12.38; Luk 11.16

eka kie wehöngö könəŋi ölop kewörakzemö, nalö maljini, miangö aiwesökŋi kewötpingö qahö mötze. Mi qahö dop kölja. ⁴ *Ambazip kambu bölöŋi gölmenöŋ mala qesabulum ahakzei, yeŋön Anutugö aiwesökŋi asuhumapköra kapaŋ kölakzemö, Anutunöŋ kezapqetok azi Jonagö aiwesökŋi lök enŋiiga aiwesök tosatŋi qahö toroqeba kondel enŋima.” Mewö jiba enŋömosöta kungen anök. Mewö.

Farisi aka Sadyusi yeŋön wösökömbuk ewö akze.

Mak 8.14-21

⁵ Jisösnöŋ gwarekurupŋi yembuk o aŋgö kutuba likepŋe aŋgota semön memingö ölum enŋuyöhi, mi eket. ⁶ *Mi eketka Jisösnöŋ kewö jii mötket, “Inini Farisi aka Sadyusi pati yahöt yeŋgö wösökömbukŋini aka gipŋi kakŋi mietkörä mönö galömŋini meme. Mi ölopŋanök qahö kewöta andö qegetka mietkön mönö yist ewö qariba mem bölim enŋimahot.”

⁷ Jiiga keu pasetŋi mi qahö möt asariba sutŋine kewö eraum mötket, “Nini beret qahö mamba kazin. Miangöra jiza me denöwö?” ⁸ Mi eraum mötket kezapŋe geiga kewö jii mötket, “O inini mötnariŋŋini morörökŋi, wuanöŋgöra ‘Beret qahö mezin,’ jiba nanŋini eraum mötze? ⁹ *Nöŋgö könəŋamni mi wuanöŋgöra qahö möt kutuze? Nöŋön beret 5 mi 5000 yeŋgöra mindipköbiga miangö kitipŋi qezakögetka könde dawiknöŋ geba numbuŋe qeyök? Mi ölum enŋuza me qahö?”

¹⁰ * “Mewöyök beret 7 mi 4000 yeŋgöra mindipköbiga miangö kitipŋi qezakögetka sakap dawiknöŋ geba kokolak qeyök? Mi ölum enŋuza me qahö? ¹¹ Ni beretkörä keu qahö jizali, mi denöwö aka qahö möt kutuze? Nöŋön beretkörä qahöpmö, Farisi aka Sadyusi pati yeŋgö wösökömbukŋini aka gipŋi kakŋi kewöta andö qemegöra jizal.” ¹² Mewö jiiga miangörenök keuŋaŋgö könəŋi kewö möt asariŋet, “Aha! Plaua mem qariqari yistkö galöm mem aŋgubingöra qahö jiyökmö, Farisi pati aka Sadyusi pati yeŋgören keu lolonqaloŋi andö qebingöra jiyök.” Mewö.

Pitönöŋ Jisösgö könəŋi jim miwikŋaiyök.

Mak 8.27-30; Luk 9.18-21

¹³ Jisösnöŋ Sisaria Filipai taongö kösutŋe anda miangören gwarekurupŋi kewö qesim enŋiyök, “Ambazipnöŋ Suep gölmegö azi ölni nöŋgöra denöwö jimakze? Ni ninia akzal?” ¹⁴ *Jiiga melenŋa kewö jiget, “Tosatŋan ‘Gi Jon O-melun azia akzan,’ jimakzemö, tosatŋan ‘Gi Elaija akzan,’ jimakze aka tosatŋan toroqeba kewö jimakze, ‘Gi Jeremaia me kezapqetok azi walŋi yeŋgörenök kun akzan.’”

¹⁵ Mewö jigetka kewö qesim enŋiyök, “Aka nanŋinak nöŋgöra denöwö jize? Ni ninia akzal?” ¹⁶ *Qesim enŋiiga Saimon Pitönöŋ melenŋa jii mörök, “Gi Amötqeqe Tonji Kraist aka malmal Tonji Anutugö Nahönŋi akzan.”

¹⁷ Mewö jiiga Jisösnöŋ melenŋa kewö jii mörök, “O Saimon Jonagö nahönŋi, gölme azi sep busuŋambuk kunŋan qahöpmö, nöŋgö Iwini Suep mire maljawi, yaŋön mönö keu mi göhöreŋ indelök. Miangöra göŋön mönö simbawoŋ akzan. ¹⁸ Nöŋön kewö jibi mötman: Gi Pitö (nanine keunöŋ jamönŋin) aknöŋga nöŋön jamönŋin miangö qakŋe urumelen könagesönangö tandöŋi albi nanŋöm enŋinöŋga uruŋini möhamgöba köhöiba kinme. Göŋön i galöm köl

* **16:4:** Mat 12.39; Luk 11.29 * **16:6:** Luk 12.1 * **16:9:** Mat 14.17-21 * **16:10:** Mat 15.34-38

* **16:14:** Mat 14.1-2; Mak 6.14-15; Luk 9.7-8 * **16:16:** Jon 6.68-69

enjinöŋga kömup Tonjan i senjom mirigö kiripo nanŋuŋe öröm enŋimamgö osima. Ömewöröme tosatŋi yeŋgö kukösümŋinan mewöyök i köndenja luhut al enŋibingö osime.

19* “Nöŋön Suep bemtohoŋaŋgö ki moröŋi yahöt gihimam. Gi gölmenöŋ siŋgisöndok jöhönöŋga mianön mönö Suep mire mewöyök jöhöjöhöŋi ahöma. Gi gölmenöŋ siŋgisöndok mosöta pösatnöŋga mianön mönö Suep mire mewöyök pösatpösatŋi ahöma.” 20 Mewö jiba Amötqeŋe Tonji Kraist ahöhi, mi aukŋe jiget kunŋan mötpepuköra gwarekurupŋi yeŋgöra soŋgo köhöikŋi al enŋiyök. Mewö.

Jisösnöŋ kömumamgö keuŋi jiyök.

Mak 8.31–9.1; Luk 9.22-27

21 Nalö miangöŋeŋök Jisösnöŋ könahiba gwarekurupŋi yeŋgöra keu kewö indelök, “Nöŋön Jerusalem anda sihimbölö gwötpuk mötŋam. Kantrigö jitrjememe, jike nup galöm aka Köna keugö böhi yeŋön nunŋugetka kömumam. Kömumbiga wehön karöbut aiga kömupnöhök wahötŋam.”

22 Jisösnöŋ mewö jüga Pitönöŋ öröm waŋgiba göraŋe anda könahiba qe-tala kewö jim waŋgiyök, “O Kembu, mi nalö kunöŋ asuhum gihibapuköra Anutunöŋ mönö sel jöhöm gihima.” 23 Qetal waŋgiiga liliŋgöba Pitö kewö jim waŋgiyök, “Gi keu mötmörizani, mi Anutugöŋeŋ keuya qahöpö, gölme ambazip aka Satangö sihima. Gi nöŋgö köna utumamgö mötnöŋga urunan böliza. Miangöra Satan, gi mönö dölkö nöŋgö jemesoholneyök kesalnöŋ!” Mewö.

Kraist wuataŋgöbingö söŋgöŋöŋi

24* Nalö miangöŋeŋ Jisösnöŋ gwarekurupŋi keu kewö jii mötket, “Kunŋan nöŋgö andöne kamamgö mötzawi, yaŋön mönö nanŋi urusilenŋaŋgö sihim kömbönaŋi bölöŋi andö qeiga sisitŋi megetka sihimbölö mi bisimakŋa. Mi maripomnöŋ kömumawaŋgö dop mökösoŋda ni nuataŋgöba kama. 25* Kunŋan malmalŋi nanŋaŋgöra aŋgön köla nanŋi imbi-imbi maljawi, yaŋön mönö malmalŋi ölni jöhöi sohoma. Sohomapmö, kunŋan gölmegö malmalŋi nöŋgöra aka kölenja tököm niŋimawi, yaŋön mönö malmal ölnaŋgö könaŋi miwikŋaiba köhöiba malma.

26 “Kunŋan gölmeŋi gölmeŋi miengö öryuaini pakpak köl öŋöiga buŋaŋi an teköiga uruŋaŋgö malmalŋi mem sohoba silebile mala kömuiga Anutunöŋ keuŋi jim teköiga unŋaŋan ayuhuiga qahö dop kölma. Sukinapŋi mianön mönö urusösoŋgai qahö ak waŋgima. Qahöpmaöhöp. Körek neŋön mönö bohonini jöhöm aŋgubingö osibin.

27* “Suep gölmegö azi ölnan könaŋep Suep garata töŋöŋi yembuk ki etiketka Iwiŋaŋgö asakmararaŋi eka aurume. Nalö miangöŋeŋ mohot mohot neŋgö ahakmemenini kewöta likepŋi miangö dop neŋgima. 28 Nöŋön keu ölni kun kewö jibi mötme: Kiangöŋeŋ kinjei, enŋö sutŋineyök tosatŋan Suep gölmegö azi ölnan kinj aka asuhumawi, mi ek kutume. Jebuk mala kömupkö sihimbölöŋi qahö mötketka asuhum tiŋgiriga mi ekŋe.” Mewö.

* 16:19: Mat 18.18; Jon 20.23 * 16:24: Mat 10.38; Luk 14.27 * 16:25: Mat 10.39; Luk 17.33; Jon 12.25 * 16:27: Mat 25.31; Sum 62.12; Rom 2.6

17

Jisösgö sileŋe letotqetot ahök.

Mak 9.2-13; Luk 9.28-36

1 *Wehön 6 teköiga Jisösnöŋ Pitö, Jeims aka Jeimsgö munŋi Jon enġuanġita nanŋinök kundunġi köröpŋi kunöŋ öngöba kötikŋe malget. 2 Malgetka jemesoholŋine kiniga Jisösgö sile tandökŋan letota murutŋi ahök. Jemesoholŋan wehön jeŋi ewö kölköl-bilikbilikŋambuk asariiga malukunŋan tuat lalamŋi aka asakŋambuk ahök.

3 Mewö aiga eketka Moses aka Elaija yetköŋ asuhum enġiba Jisösbuk keukeu jiget. 4 Jigetka Pitönöŋ könahiba keu jiba Jisösgöra kewö jiyök, “Kembu, neŋön kianġoreŋ uruölöwak mötzin. Mianġöra sihimŋan mötzan ewö, nöŋön ölop koun karöbut qemam. Göhö kun, Mosesgö kun aka Elaijagö kun.”

5 *Mewö jiba kiniga unuŋununŋ tuat lalamŋi asakmararaŋambuk kunöŋ eta aumŋan esuhum enġiiga mianġö uruŋeyök qet kun kewö eriga mötket, “Azi ki mi nani wölböt nahöna. Nöŋgö urusihimni ketanŋan mönö yanġoreŋ ahöza. Mönö yanġö keunġi möta malme.” 6 Gwarek yeŋön keu mi möta jönömŋini undui sipköba gölmenöŋ eta keŋgötŋini gwötpuk mötket.

7 Mewö mötketka Jisösnöŋ yeŋgöreŋ kaba sileŋini oseiŋa kewö jii mötket, “Mönö wahötket. Keŋgötŋini kude mötme!” 8 Keu mi möta uba wahöta tosatŋi qahö enġeketmö, Jisösnöŋ nanŋök kiniga eket. Mewö.

Jon O-melun-azi mi Elaijagö salupŋi akza.

9 Kundunġeyök etketka Jisösnöŋ sörokŋi mianġoreŋ kewö jim kutum enġiyök, “Inġini yuai ekzei, mianġö buzupŋi mi ambazip kun kude jiget mötme. Suep gölmeġö azi ölnan kömupnöhök wahöriga mianġö andöŋe mi ölop jim asariba malme.”

10 *Mewö jim kutum enġiiga gwarekurupŋi karöbut yeŋön Jisös kewö qesim wanġiget, “Köna keugö böhi yeŋön keu kewö mi wuanöŋgöra jimakze, ‘Kezapqetok azi Elaijanöŋ mönö mutuk Suepnöhök eriga Amötqeqe Tonŋan mianġö andöŋe asuhuma?’ ”

11 Qesim wanġigetka melenġa kewö jiyök, “Elaijanöŋ mutuk eta asuhuba malmal pakpak möhamġöma. Keu mi ölnapmö, 12 *nöŋön kewö jibi mötme: Elaijanöŋ lök eta asuhuyökmö, i eka könanġi qahö möt kutugetmö, ambazipnöŋ i nanŋini sihimŋini wuatangöba lanŋ ak wanġiget. Mewönanök Suep gölmeġö azi ölnġi mewöyök lanŋ ak wanġigetka Juda yeŋgö böröŋine geba sihimbölö mötme.” 13 Elaijagöra mewö jiba ölnġa Jon O-melun azigöra keu jii mötkeri, gwarek yeŋön mi mewö möt asariget. Mewö.

Jisösnöŋ öme wuatangöi morönöŋ ölöwahök.

Mak 9.14-29; Luk 9.37-43

14 Jisös aka gwarek karöbut yeŋön kundunġeyök eta ambazip kambu yeŋgöreŋ kagetka azi kunöŋ Jisösgö kösutŋe kaba simin köl wanġiba kewö jii mörök, 15 “Kembu, göŋön mönö nahöni ak kömun wanġiman. Kawölnöŋ yöhöiga tala eta qeiga bözok mitiba semben auba sihimbölö gwötpuk mörakza. Nalö gwötpuk tala könöpnöŋ me onöŋ gemakza. 16 Nöŋön i wanġita gwarekurupki yeŋgöreŋ kazalmö, yeŋön i mem ölöwak wanġibingö osize.”

* 17:1: 2 Pitö 1.17-18 * 17:5: Jen 22.2; Dut 18.15; Sum 2.7; Ais 42.1; Mat 3.17; 12.18; Mak 1.11; Luk 3.22 * 17:10: Mal 4.5 * 17:12: Mat 11.14

¹⁷ Mewö jiiga melen wangiba jiyök, “Yei, gölmegö yangisen aka misimkaulup ambazip, mönö nalö dawik embuk mala qatön engubiga Anutu qahö möt narigetka sihimbölö mötmam? I mönö wangita nöngörej ki kaget.” ¹⁸ Wangita kagetka Jisösnöj öme mi jim wangii mosöta ani morönöj nalö miangörejök ölöwahök.

¹⁹ Ölöwahiga gwarekurupñan mi eka nanjinök Jisösgörej kaba tata kewö qesim wangiget, “Nejön mönö wuanöngöra mi naninök wuatangöbingö osizin?”

²⁰ *Qesim wangigetka kewö jii mötket, “Mötnaripñinan morörökñi akza-wangöra mi wuatangöbingö osize. Nöjön keu öljñ kun kewö jibi mötme: Mötnaripñinañgö öljñ mi nejön kötnangö dop ahöbawak ewö, enjön ölpö kundunji kiangö Tonangöra kewö jim kutubeak, ‘Gi mönö kundunji mi meköba wahöta anda likepñe endu alman.’ Mewö jiba möt narigetka miangö dop aiga endu anma. Anutu möt narigetka inahöm engiiga yuai kungöra qahö qaköbeak.” ²¹ (Öme tandökñi mewöñi mi mönö köuluköba nene sinji mala wuatangöbin. Yuai murutñi kun ahinga qahö kota anma. Mewö.)

Jisösnöj kömumangö Buñaji jiiga yahöt ahök.

Mak 9.30-32; Luk 9.43b-45

²² Jisösnöj gwarekurupñi yembuk mohotñe Galili prowins uruñe liliköba könanöñ angetka Jisösnöj keu kötnji kewö jii mötket, “Anutunöj Suep gölmegö azi öljñ mi gölme ambazip yengö böröñine al wangii gema. ²³ Geiga i qegetka kömuma. Kömuiga wehön karöbut aiga mönö kömupnöhök wahötma.” Gwarekurupñan mi möta uruñinan lömböriiga wösöbirik mötket. Mewö.

Jisösnöj jöwöwöl jikegö takisñi alök.

²⁴ *Jisösnöj gwarekurupñi yembuk Kaperneam taonöj kangotketka jöwöwöl jikegö takis meme azi yeñön Pitögörej kaba kewö qesim wangiget, “Engö böhinjanan jöwöwöl jikegö takisñi alma me qahö?”

²⁵ Qesim wangigetka “Oñ!” jiyök. Miangö andöñe Pitönöj miri uruñe öngöiga Jisösnöj keu mutukñi kewö qesim wangiyök, “Saimon, gi denöwö mötmörizan? Denike yeñön kölköl-örörög töwanji aka takis tosattñi mi gölmegö kin azi kembu yengöra alakze? Kantri tonji neñön me kian yeñön mi algetka tokomakze?”

²⁶ Mewö qesim wangiiiga melenja “Kian yeñön,” jiyök. Mewö jiiga Jisösnöj kewö jii mörök, “Mewö aiga kantri tonji neñön mi albinangö dop qahö akzin. ²⁷ Mewö akzinmö, takis qahö alinga azi miengö uruñinan bölibapaköra mönö anda kösö kawiki o angönöñ gilman. Gila söra mutukñi öröba memani, mönö miangö numbuñi mesaköba monen kötnji miangörej miwikñaiman. Monen kötnji mi azi yahöt netkö takisnirangö dop. Mönö mi memba engiba miangön nöngö aka nangi takisniri alman.” Mewö.

18

Gwarek sutñine dañön mutukñi akza?

Mak 9.33-37; Luk 9.46-48

¹ *Nalö miangörej gwarek yeñön Jisösgörej kaba kewö jiget, “Suepkö bemtohon uruñe dañön öngöngöñi akza?” ² Mewö jigetka namande moröñi kun qeri kaiga sutñine ali kinök. ³ *Kiniga kewö jiyök, “Nöjön keu öljñ kun

* 17:20: Mat 21.21; Mak 11.23; 1 Kor 13.2 * 17:24: Eks 30.13; 38.26 * 18:1: Luk 22.24 * 18:3: Mak 10.15; Luk 18.17

kewö jibi mötme: Urunjini qahö melenja nahönbörat ewö qahö akñe ewö, injini mönö nalö kunöñ Suepkö bemtohoññöñ qahö angotme.

⁴ Mianjöra kunjan nanji memba et ala morö kiangö dop akñawi, yanñon mönö Suepkö bemtohoñ uruñe öñgöñgöñji akza. ⁵ Kunjan namande kewöñji kun nönögö qetne köl öröba köyan kölmawi, yanñon mönö ni köl öröm niñgima.” Mewö.

Singisöndokö kölgorom mönö qetal engime.

Mak 9.42-48; Luk 17.1-2

⁶ Jisösnöñ toroqeba kewö jiyök, “Morö kewöñji möt narim niñgize, kunjan yenjörenjök kun kölgorom ak wanjiiga singisöndok akñawi, azi mianñon mönö lömböt öñgöñgöñji miwikñajima. Anutunöñ lömböt mianjö likepñi denöwö wanjiiga dopñe akawak? Kemun jamöññin jölñe jöhöba köwet röndumnöñ gilget mulumgöi gebawak, mianñon mönö awamñi ahum wanji tandök akawak.

⁷ “Singisöndokö supatitkñan mönö awamñanök asuhumakza. Mianjöra gölme ambazip engöra Yei wösöbirik! mötzal. Kunjan supatitik angön kölmangö osimakzapmö, kun danñon tosatñi kölgorom ak enjiiga singisöndok akñe, yanjöra mönö Yei! jiba sahötzal. Sihimbölö öñgöñgöññan mönö yanjö qakñe öñgöma.

⁸* “Börögan me könagan singisöndok akñangö kölgorom ak gihima ewö, mönö yandim gilman. Yandim gilagun börötak me könatohot mala malmal köhöikñi miwikñajiba oyaenköyaen akñanmö, köna börö yahötpuk malnönnga könanpöp köñöp sianöñ gil gihigetka gebanbuk. Sia köñöpñi mi teteköñi qahö jema.

⁹* “Mewöñanök jegan singisöndok akñangö kölgorom ak gihima ewö, mönö qözöla gilman. Qözöla gilagun je-ilik mala malmal köhöikñe angota oyaenköyaen akñanmö, je yahötpuk malnönnga köñöp siagö köñöpñöñ gil gihigetka gebanbuk.” Mewö.

Lamanöñ sohyöhi, mianjö dopkeu

Luk 15.3-7

¹⁰ “Ambazip moröñi kiengörenjök kun memba et al wanjibe-puköra mönö galömnjini meme. Nöñon keu kewö jizal: Yengö kölközizip garataurupñinan mönö Suep miri mianjörenj nönögö Suep Iwinangö kösutñe mala jemesoholñi sundan ehakze. Mianjöra jijiwilit kude ak engime. ¹¹ (Suep gölmegö azi öññan mönö ambazip sohosohöñi mem letot enji oyaenköyaen akñegöra erök.)

¹² “Keu kiangöra denöwö mötmörize? Azi kungö lamaurupñi 100 malgetka miengörenjök kunjan sohoba janjun aniga toñan denöwö akña? Yanñon mönö 99 mi kundunje engömosöta anda mohot janjun anöhi, mianjö jaruba anma. ¹³ Jaruba anda mala miwikñajima ewö, nöñon keu öññi kun kewö jibi mötme: Yanñon 99 janjun qahö angeri, miengöra nalö mianjörenj gwötpuk qahö söñgaimapmö, mohot mianjöra öñöñi qahö söñgaiba malma. ¹⁴ Mianjö dop engö Iwinjini Suep mire maljawanñon mönö ambazip moröñi kiengörenjök kunjan sohoba köñöp sianöñ gebapuköra mörakza.” Mewö.

Alagan singisöndok ak gihüga kewö akñan:

¹⁵* “Urumelenj alagan singisöndok ak gihima ewö, gi mönö yanjörenj anda mesohol köl wanjiba köna singiyöhi, mi kondel wanjiman. Mewö aknönnga keugi möta bapñe anma ewö, göñon mönö alagi luhut al wanjinönnga kunbuk

* 18:8: Mat 5.30 * 18:9: Mat 5.29 * 18:15: Luk 17.3

urumohot aka malmahot. ^{16*} Mewö aknõnga keugi möta miangö bapne qahö anma ewö, göñon mönõ toroqeba ala mohot me yahöt etkuangita yangörej anme. Mewö Buja Kimbigö keu kiangö dop akjan, 'Keu pakpak mi ambazip yahöt karöbutjan nanböba jigetka köhöima.'

¹⁷ "Mewö aketka keujini möta miangö bapne qahö anma ewö, göñon mönõ urumelen könagesögö jitjememe yengöra jinõnga yambuk eram mötme. Eram mötmemö, yengö keu bapne mewöyök qahö anma ewö, mi mönõ aukne jigetka jabö ahui urumelenjö kopa ewö ak wangiba malman. Takis tilipqilip-njambuk megetka sisitjini memakzei, miangö tandök ewö i mönõ mosötnõnga yaigep malma."

Singisöndokö jöhöjöhöni aka pösatpösatji

^{18*} "Nõñon keu öl töhöñni kun kewö jibi mötme: Eñon singisöndok gölmenõñ jöhömei, mi pakpak mönõ Suep mire mewöyök jöhöjöhöni ahöma aka singisöndok gölmenõñ mosöta pösatmei, mi pakpak mönõ Anutunõñ mosöri Suep mire mewöyök pösatpösatji ahöma.

¹⁹ "Toroqeba keu kewö jibi mötme: Gölmenõñ engörejök yahötjan keu mi me mi miangöra urumohok aka köuluköbitkö keu jöhömahori, mi nõngö Iwini Suep mire maljawañon mönõ etkiiga buja qem angumahot. ²⁰ Mi kewögöra: Ambazip yahöt me karöbutjan nõngö qetne igen me waigen tokomei, nõñon mönõ miangörej yengö sutjine malmam."

Welenqege ak-kömukömuji qahöpkö söpsöp keu

^{21*} Nalö miangörej Pitönõñ Jisösgörej kaba keu kewö jii mörök, "Kembu, alanan singisöndok ak ningimakzawi, nõñon mi indimni dawikö dop mosötpiga dop kölma? Indimni 7 mi gwötpuk. Miangö dop mosötpiga dop kölma me qahö?" ²² Jisösnõñ mi möta kewö meleñ wangiyök, "Indimni 7 qahöpmö, 70 taims 7 * mi mosötnõnga dop kölma. Nõñon göhöra mewö jizal. ²³ Miangö könani mi kewö jim tuarimam. Suepkö bemtohoñi mi kin azi kembugö dop albi kewö akza: Kinõñ welenqegeurupni engohola moneñi galöm kölgeri, miangö aren papianji kondelget mindinjömapköra kapan kölök.

²⁴ "Mewö könahiba moneñangö kösohotni kewöta mindinjögetka miangörej azi kun wangita kagetka yangö jeñe kinök. Tosani 10 milyön kina mi yangörej ahöyök. ²⁵ Mi ahöyökmö, tosanji mi mekömamgöra moneñi qahö dop köli osiyöhañgöra aka ketanjanjan kinda kewö jim kutuyök, 'Sukinapni ahözawi, mi pakpak mönõ söñgörohñi memegöra alme. I aka anöm-moröñi i mewöyök mönõ söñgörohñini memegöra algetka moneñ kaiga mianjõn tosanji mi meköme.

²⁶ "Mewö jim kutuiga welenqegeñan wösöñe eta simin köla sipköba kewö ulet wangiyök, 'Gi mönõ urukönöp kude aka mökösoñda mamböt ninginõnga göhörej tosanji pakpak mi ölöp meköm gihimam.' ²⁷ Mewö ulet wangiiiga ketanjanjan welenqegeñangöra wösö mötmöt aka tosanji mi kutuba mosöta pösari erök. ²⁸ Erökmö, yaigep anda miangörej welenqege alani kun mi-wikñaiba ehök. Yangö tosanji mi silim 100:kö töwanji (Kina500,-) miangö dop yangörej ahöyök. I eka memba jölñi köhöikjanök mözöhöla kewö jiyök, 'Nõngörej tosa göhörej ahözawi, mi mönõ meköm ningiman me?'

* **18:16:** Dut 19.15 * **18:18:** Mat 16.19; Jon 20.23 * **18:21:** Luk 17.3-4 * **18:22:** 70 taims 7 = 490. Miangö dop alagahö singisöndokñi mi mönõ qösösök mosötman.

29 “Mewö jiiga welenqege alañan wösörje eta simin köla sipköba kewö ulet wanjiyök, ‘Gi mönö urukönöp kude aka mökösoñda mamböt niñginöñga göhörej tosagi mi ölop meköm gihimam.’

30 “Mewö jiyökmö, yanön mi tököba anda jii memba jöhöba kösö mire alget tari tosanji mekögetka etma. 31 Yuai mi asuhuiga welenqege alaurupñan tandök mi eka uruñinan kömbuhiiga wösöbirik möta anda miangö kösohotñi mi körek ketañamñinañgöra jigetka mörök.

32 “Mi möta ketañamñinan welenqege mutukñi mi qeri jeñe kanjoriga kewö jii mörök, ‘Gi nup meme azi bölöñji! Gi tosagi kutuba mosöt mamgö qesim niñginöñga nöñön mi pakpak mosöt gihizal. 33 Nöñön gehoriba ak kömum gihibiga göñön mewöyök miangö dop welenqege alagi ak kömum wanjiñöñga dop kölbawak.’

34 “Ketañamñan mewö jiiga irimñi seholiiga welenqege miangö keuñi jim teköba kösö mirigö galöm yengö böröñine al wanjiiga sihimbölo gwötpuk möta tatma. Miangörej tata tosanji kinjörej ahöyöhi, mi pakpak meköm teköiga etma. 35 Söpsöp keu kianjö ölnji kewö: Injini mohot mohot alañinañgö sinjisöndokñi uruñinan qahö mosötme ewö, nöñgö Suep Iwinan mönö mewöyök keu miangö dop ak engima.” Mewö.

19

Awanöm angömosötmosötkö keuñi

Mak 10.1-12

1 Jisösnöñ keu mi jim teköbagun Galili prowins mosöta Jordan o kutuba likepñe anda mötöteiba eta kunbuk o mi kutuba Judia prowinsnöñ kayök.

2 Kaiga ambazip kambulelebenöñ wuatangöba kagetka miangörej mem ölöwak engiyök.

3 Mem ölöwak engiiga Farisi (Köna keugö kapañkölköl) tosatñan yangörej kaba keugö bötaknöñ örömapkö esapköm wangiba kewö qesim wangiget, “Azinöñ könañi i me waigöra anömñi mosötmawi, mi Köna keu ongitma me qahö?”

4 *Qesim wangigetka melenja kewö jiyök, “Miwimiwikñai Tonjan lök könakönahineyök i ‘azi aka ambi malmegöra miwikñaim engiyök.’ Buña keu mi oyonget me qahö? 5 *Miwikñaiba kewö jiyök, ‘Miangöra azinöñ mönö iwinamñi etkömosöta anömñangörej anda qekötahöiga yetkón sile mohot aka malmahot.’ Keu mi oyonget me qahö? 6 Mewö aka toroqeba yahöt qahö akzahotmö, sile mohot aka malmahot. Anutunöñ azi aka ambi mindirim etkiyöhi, ambazip kunöñ mönö i kude mendenj etkima.”

7 *Mewö jii möta kewö jiget, “Azinöñ angömosötmosöt papia ohoba anömñi ölop mosötma. Mosesnöñ mönö wuanöñgöra keu mewö jim kutum neñgii ahöza?” 8 Mewö jigetka kewö jim engiyök, “Mosesnöñ mönö uruköhöikñinañgöra aka anömñi mosötmapkö keu mewö jim kutuyökmö, könakönahineyök mewö qahö ahöyök. 9 *Nöñön kewö jibi mötme: Anömñan qesabulum qahö ahiga töndup wuatangöba ambi kun memawi, yanön mönö sero yonjorö akña. Kunñan ambi mosötmosötñi memawi, yanön mönö sero yonjorö akña.”

* 19:4: Jen 1.27; 5.2 * 19:5: Jen 2.24 * 19:7: Dut 24.1-4; Mat 5.31 * 19:9: Mat 5.32; 1 Kor 7.10-11

¹⁰ Jisösnöñ mewö jiiga gwarek yeñön jiget, “Awanöm sutñire angömosötpitkö songo mewö ahöza ewö, mönö awanöm qahö ahinga dop kölma.”

¹¹ Mewö jigetmö, Jisösnöñ kewö meleşnök, “Miangö keuñi kusum engizali, ambazip körekñan mi nanñinañgöra angön köla miangö dop ölöp qahö akñemö, Anutunöñ keu mi ambazip tosatñi yeñgöra engiyöhi, yeñönök mönö miangö dop akñe. ¹² Miangö könañi kewö: Tosatñan nam körö uruñe ahuba miangöreñök könahiba awanöm akingö qahö mötze. Tosatñan ambazipnön silenini yandiba * kondot engigetka awanöm akingö dop qahö akze. Tosatñan Suep bemtohoñangöra aka awanöm qahö akingö keuñi jim jöhöba keuñini mi wuatangömakze. Kunñan keu mia me mia möt angön köla wuatangömamgö dop akzawi, yañön mönö miangö dop akña.” Mewö.

Jisösnöñ nahönbörat kötuetaköm engiyök.

Mak 10.13-16; Luk 18.15-17

¹³ Nalö miangöreñ tosatñan nahönbörat morömorö enguangita Jisösnöñ böröñi nööröñine ala köulukömapköra yangöreñ kagetmö, gwarek yeñön ambazip mi jim qetal ak engiget. ¹⁴ Mewö aketka Jisösnöñ kewö jiyök, “Nahönbörat moröñi mi ölöp engömosötketka nöñgöreñ kame. Suepkö Tonjan ambazip mewö mia bemtohoñi buña qem engima. Miangöra i kude jöhöm engime.” ¹⁵ Mewö jiba böröñi nööröñine ala engömosöta kungen anök. Mewö.

Jisösnöñ azi pomñi kungö qambañ keu jiyök.

Mak 10.17-31; Luk 18.18-30

¹⁶ Nalö kungen azi kunöñ Jisösgöreñ kaba kewö qesim wanñiyök, “Böhi, nöñön ahakmeme ölöpñi denöwö aka malmal köhöikñañgö buña qem angübileñak?” ¹⁷ Qesim wanñiiga kewö jii mörök, “Ahakmeme ölöpñi denöwö, wuanöñgöra mewö qesim niñgizan? Mohot-kunñan mönö ölöpñi akza. Malmal köhöikñe angotmamgö mötman ewö, mönö jöjöpañ keu tem köla malman.”

¹⁸ *Mi möta kewö jii mörök, “Wani jöjöpañ keugöra jizan?” Jisösnöñ mi möta jiyök, “Mönö ki, ‘Ambazip kun kude qenöñ kömuma, Sero yongorö kude akñan, Yongorö kude meman, Jitnöñ alal keu kude jiman, ¹⁹ *Twinamgi mönö göda qem etkimakñan,’ aka ‘Nangi jöpaköm angumakzani, miangö dop mönö ambazip pakpak jöpaköm engimakñan.’ ”

²⁰ Mewö jiiga azi gwabönöñ kewö jiyök, “Mi pakpak mönö tem köla mala kotzal. Wanigöra kunbuk osizal?” ²¹ Mewö jiiga Jisösnöñ jiyök, “Gi aködamungabuk malmamgö mötman ewö, mönö anda sukinapki söñgööröñi memegöra alnöñ moneñ kaiga ambazip wanapñi engiman. Mewö aknöñga sukinapki ketañi (guli masapu, milyön Kina ewö) mi Suep mire ahöm gihima. Mewö aka ni nuatangöba kaman.”

²² Mewö jiyökmö, gwabönöñ keu mi möta sukinapñi gwötpuk ahöyöhangöra aka wösöbirik möta jeñi asöliiga öne mosöta anök. Mewö. ²³ Mosöta aniga Jisösnöñ gwarekurupñi kewö jii mötket, “Nöñön keu öñi kun kewö jibi mötme: Yei! Ambazip pomñi yeñön mönö Suepkö bemtohoñnöñ angotpingö lömböröba kupuk-kapak akñe. ²⁴ Mi kewö jim tuarimam: Sömbup ketañi kamel mi kondi kinimñe ölöp qahö angotma. Miangö dop ambazip pomñi yeñön Anutugö bemtohoñ uruñe angotpingö lömböröba qaköme.”

²⁵ Mewö jii möta gwarek yeñön aurum tililingöba kewö jiget, “Opopon! Ambazip danñön mönö Suepkö buñaya akawak?” ²⁶ Mewö jigetka Jisösnöñ uba

* 19:12: Azi kötñi kölkölgöra jiza.

* 19:18: Eks 20.13-16; Dut 5.17-20

* 19:19: Eks 20.12; Dut

5.16; Lew 19.18

enげka kewö jiyök, “Ambazipnön mi esapköba osiba qakömakzemö, Anutunön mönö yuai pakpak ölop ahakza. Yanön yuai kun aka memangö qahö osiba qakömakza.” Mewö.

Jisösgö nup memegö töwanj

²⁷ Pitönön keu mi möta melenja kewö jiyök, “Mötnön, nenön mönö yuai pakpak mosöta gi guatangöba kain. Miangö likepni mönö wani yuaia membin?” ²⁸ *Mewö jiiga Jisösnön kewö jii mötket, “Nönön keu ölni kun kewö jibi mötme: Yuai pakpak kölöngaiiga Suep gölmege azi ölnan jakömbuak dumje tari asakmararanan asarimawi, nalö qainni kun miangören ni nuatangöba kageri, enön mönö mewöyök jakömbuak dum 12 miangören tata Israel kambu 12 yenjö keunini kewöta jim teköme.

²⁹ “Kunjan nongö qetnanjöra aka yuai kun mosöroh, - mi jike mirin, darumunni, nenbehötji, iwinamni, nahönböratni me nup kisinj - mi engömosöriга Anutunön mönö miangö likepni ongita melenj wanggiiga sehima. Mewö sehiiga malmal köhöikni teteköni qahö buja qem anguma. ³⁰ *Mewö asuhumapmö, mutukni engörenjök gwötpukjan dagibezupni aketka dagibezupni yenjörenjök gwötpukjan mutukni akne.” Mewö.

20

Wain nup meme ambazip yenjö dopkeu

¹ Jisösnön jiyök, “Suepkö bemtohonj mi kewö: Gölmö tonj kunön söjanök wahöta yaigep anda azi tosatni enげka wain nupne monej nup memegöra qesim engiyök. ² Qesim engiiga ‘Ölop,’ jigetka silim mohotkö töwanjini (Kina 5) engimapkö urumohot aketka melaim engiiga wain nupne anget.

³ “Angetka 9 kilok miangö dop aiga kunbuk toroqeba anda azi tosatni maket sombemje önewat kingetka engehök. ⁴ Enげka kewö jii mötket, ‘Injini mönö mewöyök nongö wain nupne anda nup megetka töwanjini dopneyök engiman.’

⁵ “Mewö jiiga wain nupne anget. Angetka 12 kilok aiga kunbuk anök aka mare 3 kilok miangö dop dumje kunbuk yaigep anda mewöjanök ahök. ⁶ Mewö aka mare 5 kilok miangö dop yaigep aniga azi tosatni dumje kunbuk öne laj kingetka engehök. Enげka kewö qesim engiyök, ‘Injini mönö wuanöngöra silim körop ki öne malje?’

⁷ “Mewö qesim engiiga kewö melenget, ‘Kunjan monej nup memingöra qahö qesim nenjiza. Miangöra öne ki kinjin.’ Melengetka kewö jii mötket, ‘Injini mönö mewöyök nongö wain nupne anda nup meget.’ ⁸ *Nup megetka mare aiga wain nup tonjan nup galömni öröba kewö jii mörök, ‘Gi mönö nup meme azi engöhola töwanjini engiman. Mare qöndökni kazei, yenjörenjök könahiba engiba anda söjanök kazei, yenjörenjök teköman.’

⁹ “Mewö jiiga mare 5 kilok nupnön kageri, yenön kanğotketka silim mohotkö töwanj (Kina 5) mi mohot mohot engiiga meget. ¹⁰ Mutuk nupnön kageri, yenön kanğota töwanjini ongita memegöra mötmörigetmö, i mohot mohot mewöyök silim mohotkö töwanj (Kina 5) engiiga meget. ¹¹ Töwa mohot miyök memba könahiba gölmö tonjanjöra urunjan ihururuk möta jimongot ak wangiba kewö jiget, ¹² ‘Nini wehöngöra nongöp ariba nupkö lömbötj

* 19:28: Mat 25.31; Luk 22.30

* 19:30: Mat 20.16; Luk 13.30

* 20:8: Lew 19.13; Dut 24.15

bisizinnmö, azi mi dölök-kun nup memegöra qesim engizan. Yeñön aua mohotkungö dop nup mezemö, göñön töndup yeñgöra mötmörinönga nembuk öröröñ akze. Mi qahö dop kölja.’

¹³ “Mewö jigetmö, yeñgöreñök kungöra kewö melenđa jiyök, ‘Alani, ni göbuk keu jiba silim mohotkö töwa (Kina 5) gihimamgö urumohot akzit. Mianğö dop töwa miyöhök gihibiga dop kölja. Mönö mi mötmöriman. ¹⁴Urugi mianğöra bölipakumö, mönö nangi töwagi memba anman. Azi dölök-kun nup memegöra qesim engizali, yeñgöra mewöyök töwa gihazali, mönö miyök engimamgö mötzal.

¹⁵ “Nani moneñnöñ nani sihimnañgö dop akiga dop kölja me qahö? Nöñön ekbonep qahö akiga urugan auiga jegi bosoleiza me?” ¹⁶ *Jisösnöñ keu mi jim teköba kewö jiyök, “Mianğö dop qöndökñi yeñön mutukñi aketka mutukñi yeñön qöndökñi akñe.” Mewö.

Jisösnöñ kömumamgö keuñi jiiga karöbut ahök.

Mak 10.32-34; Luk 18.31-34

¹⁷ Jisösnöñ Jerusalem sitinöñ öngöbingöra gölme köna angetka gwarekurupñi 12 mi öröm engiba görañe anda kewö jii mötket, ¹⁸ “Mötket, nini Jerusalem öngöbin. Mianğöreñ kunñan Sup gölmegö azi öññi mamalolo mem wangiiga jike nup galöm aka Köna keugö böhi yeñgö böröñine gema. Yeñön kömumapkö keuñi jim teköba ¹⁹ kian gawman yeñgö böröñine al wañgime. Al wañgetka mepaiköba ihilek wahinambuknöñ tauköm wañgime. Tauköm wañgiba maripomnöñ qegetka kömuma. Kömumba wehön karöbut aiga kömupnöñök wahötma.” Mewö.

Jeims Jon namñiran yuaigöra ulerök.

Mak 10.35-45

²⁰ Nalö mianğöreñ Zebedigö nahönyahöt yetkö namñiran nahönyahötñi yetpuk Jisösgöreñ kaba simin köl wañgiba yuai qainñi kungöra uletmamgö jiyök. ²¹ Mewö jiiga qesim wañgiyök, “Gi wani yuai akñamgö mötzan?” Qesim wañgiiga kewö jiyök, “Göñön ölöp jim kutunönga nöngö nahönyahötñi kietköm mönö göhö bemtohoñnöñ eu öngöba kunöñ börögi öñe aka kunñan börögi qaniñe tata yuai pakpak galöm kölbeak.”

²² Mewö jiyökmö, Jisösnöñ melenđa kewö jiyök, “Inini mianğö könañi qahö möt yaköba uletze. Nöñön qambi kakñambuk nemami, inñiri mi ölöp namba sihibölö mötmahot me qahö?” Mi möta “Ölöp nembit,” jiyohot. ²³ Jiyohotka kewö jii mörohot, “Mi öñña! Nöñön qambi kakñambuk nemami, inñiri mi mewöñanök nemahotmö, nöngö böröni öñe me qaniñe danñön tatmahori, nöñön keu mi jim kutumamañgö dop qahö. Nöngö Iwinan dum yahöt mi denike yetköra mözözmögyöhi, mi mönö yetköra etkiiga nömbuk tata galöm kölmahot.” Mewö.

Galöm öññan mönö welenqeqeya akza.

²⁴ Darumun yahöt yetköm mewö ulerohotka alaurupñi 10 yeñön mi möta urubölö aket. ²⁵ *Mewö aketmö, Jisösnöñ engoholi kagetka kewö jii mötket, “Gölmegö kantrñi kantrñi miengö jembonñinan mönö azi kembu tandök ak engimakze. Yeñgö ketañamñinan mönö keu jim kutuba mindingöm engiba kukösurni kondelakze. Inñini könañini mi ölöp mötze. ²⁶ *Engö sutñine

* **20:16:** Mat 19.30; Mak 10.31; Luk 13.30 * **20:25:** Luk 22.25-26 * **20:26:** Mat 23.11; Mak 9.35; Luk 22.26

silik mewö ahöbapukmö, kunjan engö sutnjine ketanjamnjini aknjamgö mötzawi, yanön mönö welen qem engiba malma.

²⁷ “Mewöyök kunjan engö sutnjine mutuknji malmamgö mötzawi, yanön mönö engö nembö bapnjine mala welenqeqenini omanji aknja. ²⁸ Suep gölmegö azi ölnan mönö mewöyök silik mewöni kondela nannji welen qem wangimegöra aka qahö kayök. Qahöpmö, mönö welen qem engiba ambazip sehisehinji yengö sohopnjini memamgöra aka eta malmalnji kölenja mosötma.” Mewö.

Jisösnöj jegömöl azi yahöt mem ölöwak etkiyök.

Mak 10.46-52; Luk 18.35-43

²⁹ Jisösnöj gwarekurupnji yembuk Jeriko siti mosötpingö aketka ambazip kambulembenöj enguatangöba andönjine kaget. ³⁰ Mewö kagetka jegömöl azi yahöt köna jitje tarohot. Tarohotka “Jisösnöj nenjgongitmamgö akza,” jiget möta kewö qerohot, “Kembu Deiwidkö gwölönarökni, mönö ak kömum netkinöj!”

³¹ Mewö qerohotka ambazip kambu yenön keu bök tatmahotköra qetal etkigetmö, yetkön mönö kapan köla kewö qerohot, “Kembu Deiwidkö gwölönarökni, mönö ak kömum netkinöj!” ³² Mewö qerohotka Jisösnöj dörök ala yangören kamahotköra qeri kayohotka kewö qesim etkiyök, “Alayahötmi, nöñön wani yuai ak etkimamgöra mötzahot?”

³³ Mewö qesim etkiiga kewö jiyohot, “Kembu, niri jeniri kunbuk ubitköra mötzit.” ³⁴ Mewö jiyohotka Jisösnöj yetköra wösöni möta jeniri misirii miangörenök tohoiga uba Jisös wuatangöba andöje anohot. Mewö.

21

Jisösgöra köiranj kölgetka Jerusalem öngöyök.

Mak 11.1-11; Luk 19.28-40; Jon 12.12-19

¹ Jisösnöj gwarekurupnji yembuk Jerusalem siti dopdowiba Oil ip kundnje Betfage mirinöj kaget. Kaba gwarekyahötji yahöt melaim etkimamgöra aka ² kewö jii mörohot, “Miri wösöjire tatzawi, mönö miangören anmahot. Anda miangören angota donki ambinji kösönöj jöhöget kinjawi aka donki moröni mi miangörenök miwiknjaim etkimahot. Mi mönö pösat etkiba memba nöngören kamahot.

³ “Pösarohotka kunjan keu kun jüga kewö jimahot, ‘Kembu-niran mönö miangöra osiza.’ Mewö jiyohotka donki mi zilañ al etkiiga ki kamahot.

⁴ Anutunöj keu kun kezapqetok azi kungö uruje ali jiyöhi, miangön ölnambuk aknjapköra mewö asuhuyök. Keu mi kewö,

⁵ * “O Jerusalem ambazip Zaion kundnji liliköba maljei, yengöra mönö kewö jigetka mötme, ‘Mötket, engö kin kembunjan mönö engören asuhuma. Yanön gunböñjönjöj aka donki qaknje tata kama. Donki lömböt bisi-makzawangö moröni miangö qaknje tata kama.’ ”

⁶ Jisösnöj gwarekyahötji melaim etkiiga anda keu jiyöhangö dop ahot.

⁷ Yetkön donki ambinji moröjambuk etkömembra kayohot. Kayohotka malukunji qeköba donki qaknjire algetka Jisösnöj moröjanjö qaknje öngöba tarök.

⁸ Mewö tata aniga ambazip kambulembenjan göda qeba malukunji qeköba köna namje tumbulgetka tosatjan ip uruje anda böronji qezungata köna namje tumbulget. ⁹ * Tumbulgetka ambazip kambu jene köl öröba an-

* 21:5: Zek 9.9 * 21:9: Sum 118.25, 26

geri aka andöŋe wuatangöba kageri, yeŋön kewö jiba qetket, “Hosana! Anutu möpöseizin. Deiwidkö gwölönarökŋi owe owe! Kembugö qetŋe kamawi, Anutunöŋ mönö i kötuetaköma. Hosana! Qetbuŋagi möpöseininga euyangören öŋgöza! Owe owe!”

¹⁰ Mewö qetketka Jerusalem sitinöŋ öŋgöba sitigö ambazip körekŋan auruba göjupmajup aka kewö qesiget, “Azi ki mönö niŋja?”

¹¹ Qesigetka ambazip kambuleleme yeŋön kewö melenget, “Yaŋön mönö kezapqetok azi Jisös, Galili prowinsgö Nazaret mirigöra.” Mewö.

Jisösnöŋ jöwöwöl jike jim kömbuhiyök.

Mak 11.15-19; Luk 19.45-48; Jon 2.13-22

¹² Jisösnöŋ jöwöwöl jikegö tohonŋ uruŋe anök. Miangören ambazip engehiga inap bohonŋi memegöra algetka söŋgöröŋi megeri, yaŋön mi pakpak közöl enŋiiga etket. Moneŋ utekutek ambazip yeŋgö jakeŋini metali anget. Mewöyök kembö bohonŋini memegöra algeri, miŋgö dum tatatŋini mi tok tötaliga anget. ¹³ *Mewö aka kewö jii mötket, “Aisaiänöŋ keu kun kewö ohoi ahöza, ‘Nöŋgö jikenan mönö köulukö miriŋina akŋapkö qetme.’ Keu mi ahözapmö, iŋini mi utekögetka kegwek-kahasiliŋ yeŋgö baŋet ewö akza.”

¹⁴ Mewö aiga jegömöl aka simalokon ambazip jöwöwöl jikenöŋ yangören kagetka mem ölöwak enŋiyök. ¹⁵ Mewö asuhuyökmö, jike nup galöm aka Köna keugö böhi yeŋön aŋgöletot meyoŋi, mi eket aka nahönbörat jöwöwöl jikenöŋ qeta “Hosana! Deiwidkö gwölönarökŋi owe owe!” jigeri, mi engeka urubölö aket.

¹⁶ *Urubölö aka kewö jim waŋgiget, “Morö mi keu qetzei, mi mötzan me qahö?” Jim waŋgigetka kewö melen enŋiyök, “Ölöp mötza. Iŋini nalö kungen Buŋa keu ki oyonget me qahö, ‘Göŋön mönö nahönbörat aka morösepep juzu nemakzei, mi kusum enŋinöŋga nangi törörök möpöseim gihimakze.’”

¹⁷ Mewö jiba enŋömosöta siti mosöta mare aiga Betani anda ahöyök. Mewö.

Jisösnöŋ fig ip kun qesuahöiga ululungöyök.

Mak 11.12-14, 20-24

¹⁸ Ahöba söŋanök wahöta kunbuk sitinöŋ anda nenegö kömuyök. ¹⁹ Nenegö kömumba köna jitŋe fig ip * kun eka miangö könaŋe anök. Anökmö, öŋi qahö miwikŋaiiga sinŋanök kiniga ehök. Mewö eka ip mi kewö jim waŋgiyök, “Göŋön mönö nalö kunöŋ öŋi kunbuk kude kuŋguman.” Mewö jim waŋgiiga fig ip mianöŋ mönö miangörenöŋ ululungöyök.

²⁰ Ululungöiga gwarekurupŋan mi eka auruba kewö jiget, “Fig ipnöŋ mönö denöwö ösumok ululungöza?” ²¹ *Jigetka Jisösnöŋ kewö melenöŋ, “Nöŋön keu öŋi kun kewö jibi mötme: Mötnarip töp memba uruyahöt qahö akeak ewö, fig ipköra yuai asuhuzawi, iŋini miyök qahö akeakmö, ki mewöyök ölöp akeak: Kunduŋi kiangö tonangöra kewö jim kutubeak, ‘Mönö kunduŋi ki qeköba wahöta anda köwetnöŋ alman.’ Mewö jim kutuba Anutu möt nariiga mönö miangö dop ahuma. ²² Wani yuaigöra qesiba köulukömei, mi pakpak buŋa qem aŋgubingö möt narigetka mönö buŋaŋini akŋa.” Mewö.

Jitnememe yeŋön Jisösgö kukösumŋangö qesiget.

Mak 11.27-33; Luk 20.1-8

* **21:13:** Ais 56.7; Jer 7.11 * **21:16:** Sum 8.2 * **21:19:** Fig mi sambu ipkö alaŋi kun. Mi nupŋine kömötketka köŋi nahöŋjinambuk asuhugetka gwötpuk nemakze. * **21:21:** Mat 17.20; 1 Kor 13.2

²³ Jisösnöñ jöwöwöl jikegö tohoñ uruñe anda ambazip kusum engiiga jike nup galöm aka kantrigö jitñememe tosatñi yeñon yangörej kanğotket. Kanğota kewö qesim wanğiget, “Gi kiangörej yuai akzani, mi mönö danñon jim kutum gihiiga ahakzan? Mianğö kukösumñi mi danñon gihiyök?”

²⁴ Qesim wanğigetka kewö melenj engiyök, “Nöñon mewöyök keu kun qesim engimam. Mi melenj niñgime ewö, nöñon mewöyök danñon kukösum niñgiiga yuai ki ahakzali, mi jibi mötme. ²⁵ Jonöñ ambazip o-melun mem engiba malöhi, yanñon mianğö kukösumñi mi denikeyök meyök? Suep Toñan wanğiyök me gölme toñan wanğiget?” Mewö qesim engiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yanñon mönö kewö jima, ‘Inini mönö wuanöngöra Jon qahö möt narim wanğiget?’ Mi qahö dop kölja.

²⁶ “Me ‘Gölme ambazipnöhök asuhuyök,’ jibin ewö, neñon mönö ambazip kambu yeñgöra kenğotnini möta osibin. Könagesö pakpak yeñon mönö Jongöra ‘Kezapqetok azia akza,’ jiba malje.” ²⁷ Keu mewö kewöta Jisösgöra kewö melenjget, “Mi qahö mötzin.” Mewö melenjgetka Jisösnöñ kewö jii mötket, “Mewö aiga nöñon mewöyök yuai ki ahakzalangö kukösumñi danñon niñgiyök, mi qahö jibi mötme.” Mewö.

Kungö nahönyahöt yetkö söpsöpkeu

²⁸ Jisösnöñ söpsöpkeu kun kewö jiyök, “Inini keu kiangöra denöwö mötmörize? Azi kun nahönyahötñi yahöt malget. Nalö kunöñ iwiñjiran nahöññi kungörej anda kewö jiyök, ‘Nahöni, gi ölop merak nöngö wain kösö nupne anda nup meman.’

²⁹ “Mewö jüiga kewö melenjök, ‘Ni töközal.’ Mewö jiyökmö, könangep keuñi mianğö möt böliba elenja anda nup meyök. ³⁰ Mianğö andöñe iwiñjiran nahöññi kungörej anda nahöññi mutukñangö jiyöhi, keu miyök jii mörök. Mi möta keu kewö jiba melenjök, ‘On! Ketanjamni, ölop anmam.’ Mewö jiyökmö, töndup qahö anök.”

³¹ Jisösnöñ mewö jiba qesim engiyök, “Yahöt yetköreñök danñon mönö iwiñjirangö jitñi tem kölökö?” Mewö qesim engiiga kewö melenjget, “Nahöññi mutukñi yanñon.” Mewö melenjgetka kewö jii mörök, “Nöñon keu öi töhöññi kun kewö jibi mötme: Takis meme ambazip tilipqilipñinambuk aka köna ketanj ambi yeñon mönö inini engongita mutuk Anutugö bemtohoñ uruñe öngöme.

³² * “Keu mianğö könañi kewö: Jon O-melun azinöñ engörej kaba Anutugö jeñe solanibingö könañi kondeliga inini yangö keuñi mi qahö möt narigetmö, takis meme ambazip tilipqilipñinambuk aka köna ketanj ambi yeñon mönö i möt narim wanğiget. Yeñon i möt narim wangigeri, inini mi eka töndup könangep mewöyök nanñini qahö möt bölim anguba elenja i qahö möt narim wanğiget.” Mewö.

Wain kösö nup galöm bölöñi mienğö dopkeu

Mak 12.1-12; Luk 20.9-19

³³ * Jisösnöñ jiyök, “Dopkeu kun kewö mötme: Gölme toñi kunöñ wain kösö nup kun köla kömörök. Köla kömöta selñi memba liliköyök. Mem liliköba kötnöñ wain jout ketanj kötnöñ meyök. Mianğoreñ waingö ölni ala könanöñ töñöhölget onan lalanöñ geyök. Wain jout ketanj mi kötnöñ memba wain yongorö membepuköra galöm meme jake köröññi köwerjambuk meyök. Yuai

* 21:32: Luk 3.12; 7.29-30 * 21:33: Ais 5.1-2

pakpak mem teköba wain nup galöm tosatnji miwikñaim engiba kewö jiyök, ‘Mönö nup memba ölnangö bahöni nanñini memba bahöni tonji ni ningime.’ Mewö jiba nup mi böröjine ala engömosöta kantri kunöñ anda malök.

³⁴ “Mala mali ölni öliyöhangö nalöni (yambu 5) töriiga mianğoreñ welenqeçeurupñi kun melaim engiiga galöm yengöreñ anda wain nup ölnangö bahöni wangimeğora jiget. ³⁵ Jigetmö, galöm yeñön i engömembra jöhöba tosatnji kömbinöñ sepgwörörök enguba tosatnji enguget kömugetka tosatnji kötnöñ gila enguget kömuget. ³⁶ Mianğö andöñe welenazi tosatnji toroqeba melaim engiiga gwötpuk aketmö, i mewöñanök öröm ureim mem engiget.

³⁷ “Mewö aketka wain nup toñan keu jaruba jiyök, ‘Nani nahöni mönö göda qem wangime me denöwö?’ Mewö jiba qöndökñi mi nahöñña melaiiga yengöreñ anök. ³⁸ Anökmö, wain nup galöm yeñön nahöññi eka sutñine kewö eram möta jiget, ‘Yeñön mönö börösamotñangö tonji akña. Ayop, mönö memba qein kömuiga wain kösö nupñan mönö nanine buñanina akña.’

³⁹ “Mewö jiba memba jöhöba gilgetka nup yaigepñe geiga qeget kömuyök. ⁴⁰ Wain nup toñan mi möta kaba nup galöm mi mönö denöwö ak engima?”

⁴¹ Jisösnöñ mewö qesiiga kewö jiget mörök, “Galöm bölöni mi mönö könderña yayiapaleñ mem engima aka nup galöm dölöknji miwikñaim engiba wain kösö nupñi yeñö böröjine alma. Yeñön ölni ölimawanğö nalöñe bahöni törörök wangimakñe.” ⁴² *Jisösnöñ mi möta kewö jii mötket, “Buña Kimbigö keu ki nalö kungen oyonget me qahö, ‘Miri meme yeñön köt tandö kun andö qeba öne mosötket taröhi, mianğön mönö tandö kömböñña aiga miwikñaiget. Mianğön tinğiriga mirinöñ gororongöba eta kölma. Kembunöñ tandö mi kuñguiga jeninan ehinga qetbuñabuk aiga welipkömakzin?”

⁴³ “Mianğöra kewö jibi mötme, Anutunöñ mönö bemtohoñi enguanğita ambazip kambu kun engiiga yeñön mianğö ölni ölop kuñgumakñe. ⁴⁴ Kunñan tandö bohoññi mianğoreñ tötöngata eta qemawi, mi mönö silenji kutumutumapmö, ain tandö mianğön jöla tala kungö qakñe eta kölmawi, mi mönö körek qözömözö-zangöma.”

⁴⁵ Jisösnöñ mewö jüiga jike nup galöm aka Farisi (Köna keugö kapañkölköl) yeñön dopkeuñi mi möta köñañi möt asariba kewö jiget, “Mi mönö nenğöra jiza.” ⁴⁶ Mianğöra i memba jöhöbingö mötketmö, ambazip kambu yeñöra kenğötñini möta osiget. Ambazip kambu yeñön Jisösgöra mötketka kezapqetok azia ahök. Mewö.

22

Maren lömbuanğö söpsöp keu

Luk 14.15-24

¹ Jisösnöñ kunbuk könahiba söpsöp keunöñ keu kewö jiyök, ² “Suepkö bemtohoñi mi kianğö dop akza: Kiñ azi kembunöñ nahöññangöra maren lömbuanğ arengöba mözözömgöyök. ³ Mözözömgöba welenqeçeurupñi melaim engiba kewö jiyök, ‘Nöñön ambazip tosatnji maren lömbuanğñöñ kamegö mötza. Injini mönö yengöreñ kolek anda kamegö jiget mötme.’ Mewö jii anda jigetmö, ambazip mienöñ mi möta kabingö tököba tanqañ aket.

⁴ “Mianğö andöñe welenqeçeurup tosatnji kunbuk melaim engiba kewö jiyök, ‘Ambazip kamegöra jiali, mönö yengöreñ anda kewö jime: Mötket, nöñön lömbuanğö nenenamni lök mözözömgöbiga tatza. Nöngö bulmakau aziñi aka bulmakau tosatnji gumohom engiinga kelöknjambuk akeri, mi

* 21:42: Sum 118.22-23

enġuba ohom qeraköinga yuai pakkpak lök jöjöröba ahöza. Inġini mönö maren lömbuaññöñ kaget.’

5 “Mewö jii angetka ambazip mienjön keu mianġö kezap qahö algetmö, nönöngan aka lañ anget. Tosatñan nene nupñine angetka tosatñan kölköl-örörö nupñine anget. 6 Tosatñan kiñgö welen-qequeurupñi qelanjiba enġömembra öröm ureim ak enġiba enġuget kömuget. 7 Kömugetka kiñgö irimñi sehohliiga yarö kambuñi melaim enġiiga anda kinda enġuget kömukömu azi mi köndenġ enġiba taon mirinġini mi ohogetka jeyök.

8 “Mianġö andöñe kiññöñ welenqequeurupñi yengöra kewö jiyök, ‘Maren lömbuañ mözözömgöinga jöjöröba tatzapmö, ambazip kamegöra jiali, yeñön mönö sösöñgainöñ kakagö dop ölöpnji qahö akze. 9 Mianġöra inġini mönö köna soñanöñ aka miri sombemñi sombemñi mianġörenġ anda ambazip mi me mi miwikñaim enġime, i mönö maren lömbuaññöñ kamegöra jiba kapan köla kunġum enġime.’

10 “Mewö jiiga welenqequeurupñan mosöta könanji könanji mianġörenġ anda ambazip mi me mi miwikñaim enġigeri, mi körek pakkpak öröm tokom enġiget. Ambazip ölöpnji aka bölöñi mewöyök mi mewö kagetka maren lömbuañ mirinöñ kokolak qeiga tebol liliköba tatket. 11 Tebol liliköba tatketmö, kiññöñ i enġekñamgöra kaba mianġörenġ azi kun maren lömbuañgö maluku tuatñi qahö köli geiga ehök. 12 Azi mi eka kewö jii mörök, ‘Alani, gi maren lömbuañgö malukuñi qahö löñgöta töndup denöwögöra miri kianġö uruñe kazan?’ Mewö jiiga azi mianjön keuñi bököiga ölöñ tarök.

13* “Mewö tariga kiññöñ welenqequeurupñi kewö jim kutum enġiyök, ‘Mönö azi mi memba köna böröñi jöhöba yaigep gilgetka pandamanöñ gema.’ Mianġörenġ malmeañön mönö sahöt gigilahöba irimñini yöhözömgögetka qetñi qeri malme. 14 Keu mianġö dop Anutunöñ ambazip sehisehiñan kamegöra jiyökmo, awamdökñi yeñön keu mi möt anġön köla kaba Anutunöñ kambu möwölöhöm enġiyöhi, mönö yeñgö sutñine kanġotme.” Mewö.

Takis alalgö Jisös esapköm wanġiget.

Mak 12.13-17; Luk 20.20-26

15 Mianġö andöñe Farisi (Köna keugö kapankölköl) yeñön anda eraum möta Jisös qesiba keugö bötakñöñ öroi gwaröhöm wanġibingö arenji alget. 16 Mewö arenġ ala gwarekurupñi aka premiö Herodkö pati-alaurupñi tosatñi melaim enġigetka Jisösögörenġ kaba kewö qesiba jiget, “Böhi, göñön azi ölnji akzani, nini mi mötzin. Göñön ambazip tosatñi qahö enġek soriba tosatñi qahö qepureim enġimakzanmö, dop mohotñöñ kewöt nenġimakzan. Mianġöra kunġum gihigetka qahö goñgiba ketanji qahö esuhum enġimakzanmö, Anutugörenġ köna mi keu ölnjanġö dop kusum nenġimakzan. Göñön Anutugörenġ keu diñdiñi mianjön öngöñgöñi eretñi mohot pakkpak jim qindiñ ak nenġimakzan. 17 Mianġöra keu kianġöra denöwö mötmörizan, mi jinöñ mötpin. Nini sisanġöra takis ala mianjön Mosesgö Köna keu singibin me qahö?”

18 Mewö qesigetka arenjini munenji möt kutuba kewö jii mötket, “O urumelenġö silesile azi, inġini mönö wuanöñgöra keugö bötakñöñ al niñgibingö esapköm niñgize? 19 Ölöpn takis alalgö monenji kun kondel niñgigetka eki.” Mewö jiiga silwö monenġ (Kina 5) kun memba kaget.

20 Kagetka kewö qesim enġiyök, “Dagörenġ imut aka qet mi ki ohoget ahöza?” 21 “O mi sisanġörenġ,” mewö melenġa jiget. Jigetka kewö jii mötket,

* 22:13: Mat 8.12; 25.30; Luk 13.28

“Mewö aiga yuai sisa-kingö imutṅambuk buṅaṅi akzawi, mi mönö yangöra al waṅgime. Yuai kun Anutugö buṅaya akzawi, mi mönö Anutugö buṅa qeme.”
 22 Mewö jii möta yangöra gwötpuk welipköba mosöta yaiget anget. Mewö.

Kömupnöhök wahötwahötkö Jisös esapköm waṅgiget.

Mak 12.18-27; Luk 20.27-40

23 *Sadyusi (jike nupkö kapaṅkölköl) yeṅön ‘Kömugeri, yeṅön kude wahötmé,’ jiba malget. Nalö mianṅörej yeṅörejök tosatṅan Jisösgörej kaba kewö qesim waṅgiba jiget, 24 *‘Böhi, Mosesnöṅ kewö jim kutum nenṅiyök ahöza, ‘Azi kun ambi meiga nahönbörat qahö ahui kömuiga munṅan ölöp malöni memba mala gwölönarök qiwikṅaim waṅgiiga datṅaṅö qet bisiba malma.’ 25 Mötnöṅ, nalö kulönöṅ darumun 7 malget. Datṅini mutukṅan ambi memba mala gwölönarökṅi qahö öne mala kömuyök. Kömuiga munṅan malöṅi mi meyök.

26 “Memba mala kömuiga munṅi kunṅan malöṅi mi meyök. Meiga mianṅö andöje munṅi kunöṅ ambi miyök meyök. Mewöṅa mewö darumun 7 pakpak yeṅön ambi mohok miyök memba gwölönarök qahö mala kömum teköget. 27 Kömum tekögetka qöndökṅi malöṅini mi mewöyök kömuyök. 28 Göṅön ‘Kömugeri, yeṅön guliba wahötmé,’ jizannö, nini mi qahö möt narizin. Mötnöṅ, azi 7 pakpak mi öröröṅ wahötpök ewö, ambi mohok mi anömṅina meget malöhaṅgöra aka mönö dagö anömṅa akawak?”

29 Mewö qesigetka Jisösnöṅ melenṅa kewö jii mötket, “Inṅini keu jim sohoze. Urumelenṅö Buṅa Kimbiṅi aka Anutugö kukösumṅi qahö möt kutuzeaṅgöra mönö janṅuṅ ahakze. 30 Ölnṅa, kömupnöhök wahöta nalö mianṅörej awanöṅ qahö akṅemö, garata yeṅön Suep mire maljeaṅö tandök aka malme.

31 “Mötket! Kömugeri, yeṅön guliba wahötmegö keuṅi Anutunöṅ enṅöra jiyöhi, inṅini mi lök oyonget me qahö? Keu mi kewö, 32 *‘Nöṅön Anutu Abrahamö Kembu, Aisakö Kembu aka Jeikobkö Kembuya mala kota maljal.’ Anutunöṅ kömukömuṅi yeṅö Kembuṅini qahöpmö, malmal köhöikṅi maljei, mönö yeṅö Kembuṅina malja.” 33 Jisösnöṅ mewö ambazip kambu kusum enṅii möta welipköget. Mewö.

Jöjöpaṅ keu bohonṅi yahöt mi denöwö?

Mak 12.28-34; Luk 10.25-28

34 Sadyusi (jike nupkö kapaṅkölköl) yeṅön Jisös qesim waṅgigetka melenṅa jim soroköiga keu bök akeri, mi Farisi (Köna keugö kapaṅkölköl) yeṅön möta kaba tokoget. 35 *Yeṅörejök böhi kun Köna keu törörök möt kutuyöhi, yaṅön kaba Jisös bötak ala kewö qesim waṅgiyök, 36 “Böhi, Mosesgö Köna keu uruṅe wani jöjöpaṅ keu mi bohonṅi ketaṅi akza?”

37 *Qesim waṅgiiga melenṅök, “Bohonṅi ketaṅi mi kewö, ‘Gi urugi jömukṅi, uṅagi jömukṅi aka mötmötṅi jömukṅi mianṅön mönö Kembu Anutugi jöpaköba malman.’ 38 Mianṅön jöjöpaṅ keu bohonṅi aka mutukṅi akza. 39 *Jöjöpaṅ keu mianṅö alaṅi kewö, ‘Nangi jöpaköm aṅgumakzani, mewöṅanök mönö ambazip pakpak jöpaköm enṅiba malman.’ 40 Jöjöpaṅ keu yahöt mi mönö Mosesgö Köna keu aka kezapqetok ambazip yeṅö Buzup Kimbi pakpak miṅgö bohonṅina akza.” Mewö.

* 22:23: Apo 23.8 * 22:24: Dut 25.5 * 22:32: Eks 3.6 * 22:35: Luk 10.25-28 * 22:37: Dut 6.5 * 22:39: Lew 19.18

Kraist mi kin Deiwidkö Kembuni aka gwölönarökñi.

Mak 12.35-37; Luk 20.41-44

⁴¹ Farisi (Köna keugö kapankölköl) yeñon kaba tokogetka Jisösnöñ kewö qesim enjiyök, ⁴² “Inini Kraistköra denöwö mötze? Yanñon mönö dagö nahöñña akza?” Mewö jiiga melenja jiget, “Mönö kin Deiwidkö gwölönarökña akza.”

⁴³ Jigetka jiyök, “Mewö akzampö, denöwö aka Uña Töröñan Deiwid sölölohöm wanjiiga yanñora ‘Nani Kembuni,’ qeta kewö jiyök,

⁴⁴ *Anutunöñ kinda nöñgö Kembuni kewö jii mörök, Göñon mönö kaba nöñgö böroni öñje tatnöñga nöñon nalö sutje kerökurupki tim tötala luhut al enjiba göhö köna tambö gwaröñje al enjimam. Nalö mi kam kungumawanjö dop mönö asak-marararñöñ ki tatman.’

⁴⁵ Deiwidnöñ nanñak mewö jiba qetñi ‘Nöñgö Kembuni’ jiza. Kembuni jiba mönö denöwö aka yanjö gwölönarökñi mohot akawak?”

⁴⁶ Mewö jiiga miangö kitipñi kunöñ kun melenmamgö osiba keu bökinget. Sömañ miangöreñök körek yeñon Jisös kunbuk keu kungö qesim wanjibingö kölköldömdöm aka mosötket. Mewö.

23

Urumelenjö silesile malmalgö galöm meme keu

Mak 12.38-39; Luk 11.43, 46; 20.45-46

¹ Nalö miangöreñ Jisösnöñ ambazip kambuleleme aka gwarekurupñi yanñora kewö jii mötket, ² “Köna keugö böhi aka Farisi (Köna keugö kapankölköl) yeñon Mosesgö jakömbuaknöñ tata Köna keugö könañi kukösum qakñe kusum enjimakze. ³ Miangöra keu pakpak jim kutum enjimakzei, mi mönö tem kölmemö, ahakmemeñini mi kude wuatangöme. Yeñon keu jitiñinan jim asarimakzemö, nanñinak mi qahö wuatangömakze. Miangöra mönö i ewö kude ahakñe.

⁴ “Yeñon keuñi keuñi jim kutuba miangö könjöñ lömbötñi ambazip awötñine alagun algetka mi tem kölböngö lömböriiga jaranbaran ahakzemö, nanñinak i kesötñini moröñi kunöñ bauköm enjibingö wösömötmötñini kun qahö ahöza.

⁵ * “Yeñon ahakmemeñini pakpak ambazipnöñ engekñegöra aka memakze. Baiböl keu köt (memori wös) irimunga bokisñini mem qariba aukñe kondela Burja mötmötñinanñora aiweliköm anjumakze. Malukunjanangö suñje aködampungö biretñi ketanji ketanji memba möndömakze. * ⁶ Yeñon közölömbuanñöñ dum tatat mutukñe jejep tatpingö mörakze aka köuluk mire qaikñe eu tatpingö sihimñi mörakze. ⁷ Maketnöñ me könanöñ ambazip engeketa jölöñini jimegö möta ‘O ketanjanñini,’ qetñini mewö qetmegöra sihimñini mörakze.

⁸ “Yeñon mewö ahakzemö, mohok-kun yanñon engö Böhiñini aiga inñini körekñan yanjö urumelenj alaurupñi akze. Miangöra engö qetñini böhinini qetmegöra kude mötme. ⁹ Mohok-kun yanñon Iwiñini akza. Yanñon Sup mire maljanangöra gölme azi kungöra nenjö iwinini qet mewö kude qetme. ¹⁰ Kraist mohok-kun nöñon engö ketanjanñini akzal. Miangöra engö qetñini ketanjanñini qetmegöra kude mötme.

* **22:44:** Sum 110.1 * **23:5:** Mat 6.1; Jan 15.38; Dut 6.8 * **23:5:** Baiböl memori wös irimunganji mi (Dut 6.8) koropen me jenjen ewö jöhömalget. Malukunjanangö suñje aködampungö biretñi mötnöñ memba möndömalgeri, mi Anutugö ambazip öi töhönñi akerangö aiwesökñi ahök.

11 **“Mewö qahöpmö, engö sutnjine bohonji akzawanön mönö welen qem engiba malma. 12 *Mewö malmappmö, kunnjan nannji urunji memba öngömawi, Anutunöj mönö i memba et al wanğima. Kunnjan nannji urunji memba etmawi, Anutunöj mönö i memba öngöba al wanğima.”*

Jisösnöj Farisi yengöra wöliköba Yei! jiyök.

Mak 12.40; Luk 11.39-42, 44, 52; 20.47

13 *“O Köna keugö böhi aka miangö kapañkölköl ambazip! Injini urumelengö silesile ambazip aketka lömböt qaknjine öngözawanğöra mönö wöliköba Yei! jizal. Ambazip Suepkö bemtohonj uruñe anğotpepukö nanğunji köla jöhömakze. Nannjinak miangö uruñe qahö anğotze aka tosatñan miangö uruñe anğotpingö akzei, injini i jöhöba anğön köl engimakze. 14 O Köna keugö böhi aka miangö kapañkölköl ambazip! Injini urumelengö silesile ambazip aketka lömböt qaknjine öngözawanğöra mönö wöliköba Yei! jizal. Injini malö yengörej miri yuai bidanđa gagabe köla enğuanğirakze aka qetbuñanjini asuhumapköra aka köuluk kööröñji köuluköba töptöpñine qemakze. Mianğöra Anutunöj keunjini jim teköba likepñi öngöngöñji melenñi engö qaknjine öngöma.*

15 *“O Köna keugö böhi aka miangö kapañkölköl ambazip! Injini urumelengö silesile ambazip aketka lömböt qaknjine öngöza-wanğöra mönö wöliköba Yei! jizal. Injini kunöj Juda ambazip kun akñapköra kapañ köla köwetñi köwetñi kutuba gölmeñi gölmeñi lilikömakze. Mewö aketka kunnjan Juda nenğö ahakmemenöj qekötahömawi, i mönö kusum sohom wanğigetka könöp siagö buñaya kun akña. Nannjini ewö qahöpmö, indimñi yahöt nannjini enğonğita böliqölima.*

16 *“Jeñinan gömöliiga ambazip böröñine memba enğuanğirakzei, lömböt engö qaknjine öngözawanğöra mönö wöliköba Yei! jizal. Injini keu kewö jimakze, ‘Kunnjan jöwöwöl jikegö qetñe keunji jöjöpañ keunöj jim köhöima ewö, mianjön qahö köhöimappmö, kunnjan jöwöwöl jikegö yuai goulñöj memeni miangö qetñe jöjöpañ keunji jima ewö, jöjöpañ keu mianjön mönö jöhöm wanğima.’*

17 *“O jegömöl ambazip mötkutukutuñini piromñi! Yuai goulñöj memeni aka jöwöwöl jike yahöt mietköreñök wani yuainöj öngöngöñi akza? Goulñöj nannjak kömbukñi qahö akzapmö, jöwöwöl jikenöj algetka mianjön mönö mi mem kömbuhiza.*

18 *“Keu kun kewö jimakze, ‘Kunnjan altagö qetñi qeta keunji jöjöpañ keunöj jim köhöima ewö, mianjön qahö köhöimappmö, kunnjan naluk kötin altanöj ahözawi, miangö qetñi qeta jöjöpañ keunji jima ewö, jöjöpañ keu mianjön mönö jöhöm wanğima.’*

19 *“O jegömöl ambazip! Naluk kötin aka alta mietköreñök wani yuainöj öngöngöñi akza? Nalukñöj nannjak eretñi akzapmö, altanöj algetka mianjön mönö naluk mem kömbuhiza. 20 Mianğöra kunnjan altagö qetñe keunji jöjöpañ keunöj jim köhöimawi, yanjön alta aka yuai pakpak altanöj ahözawi, mönö miangö qetñe keunji jim köhöima.*

21 *“Kunnjan jöwöwöl jikegö qetñe keunji jöjöpañ keunöj jim köhöimawi, yanjön mönö jike miangö aka miangöreñ mal köhöizawanğö qetñe keunji jim köhöima. 22 *Mewöyök kunnjan Suepkö qetñe keunji jöjöpañ keunöj jim köhöimawi, yanjön Anutugö jakömbuak dum aka miangöreñ tatzawanğö qetñe keunji jim köhöima.*

* 23:11: Mat 20.26-27; Mak 9.35; 10.43-44; Luk 22.26
66.1; Mat 5.34

* 23:12: Luk 14.11; 18.14

* 23:22: Ais

23 **“O Kōna keugō bōhi aka miangō kapaŋkōlkōl ambazip! Injini urumelengō silesile ambazip aketka lömböt qakŋine öngözawaŋgōra mōnō wōlzikōba Yei! jizal. Injini nene pakpak mendenja bahōŋi 10 miangōreŋōk mohot Anutugō buŋaya qemakze. Giŋŋi, raki aka kiap kōsō kōt mi mewōyōk mendenja tenōhōk mohot mi Anutugō buŋa qemakze. Naluk mi törörök alakzemō, Kōna keugō kōtŋi bohōŋŋi ki mōnō oŋgita mosōrakze: Gi ambazip sutŋine ahakmeme diŋdiŋi wuatangōba ak kōmum aŋguba keu pōndaŋ wuatangōba malman. Keu bohōŋŋi mi mōnō kapaŋ kōla wuatangōba malme aka keu morōmorō mi mewōyōk kude oŋgita mosōtme. 24 Jenjanan gömöliiga ambazip bōrōŋine memba eŋguaŋgirakzei, injini söp obuk nembepukōra oŋŋini saianōŋi kewōrakzemō, sömbup ketanŋi kamel mi laŋ gwahōrakze. 25 O Kōna keugō bōhi aka miangō kapaŋkōlkōl ambazip! Injini urumelengō silesile ambazip aketka lömböt qakŋine öngözawaŋgōra mōnō wōlzikōba Yei! jizal. Injini amōt qem aŋgubingōra qambi aka al nenegō silenŋi saŋgoŋ yakōmakzemō, dogo jimamoŋŋini qahō galōm kōla yuai laŋ görōngōba membagan megetka nepaqepalok mianōn uruŋŋi kokolak qei malje.*

26 *“O jegōmōl azi Kōna keugōra kapaŋ kōlakzani, gi mōnō mutuk qambigō uruŋŋi saŋgoŋnōŋga silenjan mewōyōk sarakŋŋi akŋa. 27 *O Kōna keugō bōhi aka miangō kapaŋkōlkōl ambazip! Injini urumelengō silesile ambazip aketka lömböt qakŋine öngōza-waŋgōra mōnō wōlzikōba Yei! jizal. Injini qaksirigō maripomŋi saŋgoŋgetka tuatŋi akeak, mōnō miangō dop akze. Silenjanan eksihimŋinambuk tandōk akzemō, qaksirigō uruŋe qamōt sihit aka yuai imbilonloŋambuk mianōn kokolak qei ahōza.*

28 *“Miangō dop eŋōn mewōyōk ambazip jeŋine ölna diŋdiŋi tandōk asuhmakzemō, urumelengō silesile tandōk aka qewōloŋnōŋ mōnō uruŋŋi kokolak qei malje.”*

Bōlōŋi memenangō likeŋŋi

Luk 11.47-51

29 *“O Kōna keugō bōhi aka miangō kapaŋkōlkōl ambazip! Injini urumelengō silesile ambazip aketka lömböt qakŋine öngōza-waŋgōra mōnō wōlzikōba Yei! jizal. Injini kezapqetok ambazip yeŋgō qaksirinōŋ simen kōum memakze aka ambazip solanŋi yeŋgō kōt kōteŋŋi meŋōlōmakze. 30 Mewō aka kewō jimakze, ‘Neŋōn ambōsakonini yeŋgō nalōnōŋ malbinak ewō, mōnō yembuk qahō toroqeiŋga kezapqetok ambazip yeŋgō sepŋinan mōnō neŋgō qakŋine qahō öngōbawak.’*

31 *“Mewō jiba mianōn nanŋinak kezapqetok ambazip engugeri, yeŋgō isiurupŋina akzei, mōnō keu mi nanŋōba jiba dangunu ewō kinje. 32 Mianŋōra ambōsakonjanan siŋgisōndok kōnahiba akeri, miangō dop injini mōnō toroqeba kōrek ak tekōme.*

33 **“O soramen, injini mōnō qatō morōŋi ewō akze. Anutunōŋ keuŋŋi jim tekōi kōnōp sianōŋ gebepukōra mōnō denōwō unjuratpeak? Mi mōnō osime. 34 Mianŋōra mōtket, nōŋōn kezapqetok aka mōtkutukutu ambazip aka Kōna keugō bōhi melaim engibi engōreŋ kame. Kagetka yeŋgōreŋōk tosatŋi i enguget kōmume aka tosatŋi maripom qakŋe al engime. Tosatŋi kōuluk miriŋŋine örōrahōm engiba keuŋŋi jim tekōba ihileknōŋ taukōm engiba kōzōl engigetka taonŋi taonŋi miangōreŋ anakŋe.*

35 **“Azi solanŋi Abelgō sepŋan eriga miangōreŋōk kōnahiba enguba kota*

* 23:23: Lew 27.30 * 23:27: Apo 23.3 * 23:33: Mat 3.7; 12.34; Luk 3.7 * 23:35: Jen 4.8; 2 Hist 24.20-21

mala Zekaraia jöwöwöl jike kömbukni aka jöwöwöl alta mietkö sutnjire qeget sepñi eri mianğoreñ teköyök. Ambazip solanñi yeñğö sepñini gölmenöñ mokolmalgeri, sep pakpak mianğö kitipñan mönö eñğö qakñine öñğöma. ³⁶ Nöñön keu öññi kun kewö jibi mötme: Sepñinanğö kitipñi pakpak mi mönö ambazip merak maljei, eñğö qakñine öñğöi Anutunöñ likepñi melenj eñgii mötme.”

Jisösnöñ Jerusalem könagesö jöpaköm eñgiyök.

Luk 13.34-35

³⁷ Jisösnöñ jiyök, “O Jerusalem Jerusalem, injini kezapqetok ambazip eñguget kömugetka Anutunöñ ambazip melaim eñgii eñğoreñ kamakzei, mi kötnöñ kumbuköm eñgimakze. Poi namñan moröurupñi ginginñi bapñe ala köjöhohom eñgimakzawi, nöñön mönö mianğö dop nalöñi nalöñi göhö könagesöurupki kötala tokom eñgimamğö möta malalmö, injini mi tököba mala kotket. ³⁸ *Mötket, Anutunöñ mönö jike mirinñi andö qeiga sahopñanök ahöma.

³⁹ *Mewö ahömapmö, nöñön kewö jibi mötket, injini ni kunbuk qahö nekñe. Köñagep nalö kun kam kunğui mianğoreñ neka kewö jime, ‘Kembugö qetñe kam neñgizawi, Anutunöñ mönö i kötuetsköm wañgima.’ Mewö.”

24

Jöwöwöl jikenöñ könderñmönderñ asuhuma.

Mak 13.1-2; Luk 21.5-6

¹ Jisösnöñ jöwöwöl jike mosöta eriga gwarekurupñan yangöreñ kaba jöwöwöl jikeğö tohon uruñe miri tatkeri, mi Jisös kondel wañgiget. ² Kondel wañgigetka melenjda kewö jii mötket, “Miri pakpak mi ölop eñgekzemö, nöñön keu öññi kewö jibi mötket: Mi mönö könderñgetka mirigö köt kun mi köt kungö qakñe qahö ahömapmö, qeqelanñan aka sahopñanök ahöma.” Mewö.

Kahasiliñ aka sesewerowero asuhuma.

Mak 13.3-13; Luk 21.7-19

³ Jisösnöñ Oil ip kunduje anda tariga gwarekurupñan nanñinöhök yangöreñ kaba kewö qesim wañgiget, “Böhi, keu jizani, mianğö öññi mönö wanat nalönöñ asuhum tiñgitma aka göñön kanöñga gölmeğö nalöñan tekömamğö akñawi, mianğö aiwesökñan mönö denöwö asuhum? Mia ölop jinöñ mörin!”

⁴ Mewö qesim wañgigetka melenjda kewö jiyök: “Kunñan isimkakalek aiga janjuñ anbepeköra mönö galömnñini memba malme. ⁵ ‘Ambazip gwötpukñan asuhuba nöñğö qetne kewö jime, ‘Nöñön Amötqeqe Tonj Kraist akzal’. Mewö jiba ambazip gwötpuk tilipköm eñgime. ⁶ Inñi yarö mienğö buzupñini aka ötöñini asuhugetka mörakñe. Mi möta jönömnñini undubapüköra mönö galömnñini meme. Yuai mewöñi mi mutuhök asuhumapkö jijnñi. Mi asuhumapmö, gölmeğö nalöñan mönö mianğoreñök zilan qahö teköma.

⁷ “Kantri kunñan kantri kun eñgubingöra wahötme. Ambazip kambu kunñan kambu kun yembuk aröñ añgubingöra wahötme. Gölmeñi gölmeñi mianğoreñ bödiñi bödiñi (buöröñi buöröñi) asuhume aka kenöñ ketanñi ketanñi mi qözöla memba gölme melenñi gemakñe. ⁸ Yuai pakpak mi ambi köröbukñöñ masi könahiba eñgumakzawañğö dop. Gölmeğö nalöñan mönö mianğö dop könahiba tekömamğö akñe.

* 23:38: Jer 22.5 * 23:39: Sum 118.26

9* “Mewö akrəpmö, nalö miangören tosatjan injini urunini melenđerangöra aka gawman yengö böröjine al engigetka sihimbölö ak engiba enguget kömume. Kantri pakpak yəjən nöngöra aka kazik ak engimakne. 10 Nalö miangören gwötpukjan mötnaripjini mosöta angönañ memba kazik ak angume. 11 Kezapqetok ambazip takapulakanj gwötpukjan asuhuba ambazip gwötpuk kilik-kaluk ak engigetka janjuñ anakne.

12 “Iwilele Tojan sehiba ambazip galöm köl engimawanğora aka urumelen ambazip sehisehinj yengö urunjan amöriiga urukalemñinan sörörauma.

13* Kunjan kapan köla köhöiba böñ qeba kinda maliga gölmegö nalöñan tekömawi, yañön mönö oyaenköyaen buña qem anguma. 14 Anutugö bem-tohoñangö Ölöwak Buña ki mönö mutuk gölmegö kantrinj kantrinj pakpak miangören jim sehigetka könagesö dop nanğonañğö keunji mötketkun gölmegö nalöñan miangö andöñe teköma.” Mewö

*Jerusalem sitigö köndermönder uru-önönjambuk
Mak 13.14-23; Luk 21.20-24*

15* “Kezapqetok azi Danielnöñ köndermönder uru-önön-jambukö keunji jii ahöza. Keu miangö dop tosatjan kaba köndermönder aka yuai angöjörakñambuk mi jöwöwöl jike töröñe alget kiniga ekñei, - keu ki yorñmawañön mönö ölöp kezap ala möt kutuma- 16 nalö miangören Judia prowinsnöñ malmei, eñön mönö misingöba öröba kundunje anme. 17* Miri kösutñe sombemnöñ malmawañön mönö eta gösö yuainj memangöra miri urunje kude öngöma. 18 Nupnöñ anda malmawañön mönö mewöyök malukuñj memangöra lilingöba mirinöñ kude anma.

19 “Yei! Ambi gölömbuk aka morö juzunöñ yəjən nalö miangören denöwö ösumñinan anbeak? 20 Miangöra yuai mi kie uru me Sabat kendongö nalöñe kude asuhumapköra köuluköme.

21* “Mi kewögöra: Nalö miangören kahasililinj keta bölöknj asuhuma. Kahasililinj dopñj mewönj mi mönöwök nalö kungen kude asuhuba ahöyök. Anutunöñ yuai pakpak miwikñaiyöhi, nalö miangörenök könahiba nalö kianğoren mala kota nalö sutñe kun kude asuhuyök. Mönöwök qahö asuhuyök aka könangep nalö kunöñ kunbuk qahö ahuma. Miangöra mönö köuluköba malme. 22 Kembunöñ wahöjalinj nalö mi qahö mem töröbawak ewö, ambazip köreñan mönö ayuhum teköbeakmö, ambazip nanñangöra möwölöhöm engiyöhi, yengöra aka wehön miengö qötöñini mem töröma.

23 “Nalö miangören kewö jime, ‘Mötket! Kraistnöñ ki malja,’ me ‘Eket! Amötqeqe Tojan endu kinja.’ Kunjan mewö jima ewö, mi mönö kude möt narime. 24 Mi kewögöra: Amötqeqe tonj munenji aka kezapqetok ambazip takapulakanj asuhuba angöletot aka aiwesök ketanj ketanj megetka letotme. Mewö letotketka Anutunöñ ambazip nanñangöra möwölöhöm engiyöhi, i mewöyök enolololj mem engimegö esapköba kapan kölgetka janjuñ akepuk. Eñön ölöpñanök galömmñini memba malgetka mi osibeak. 25 Mötket! Nöñön yuai pakpak mi qahö asuhuiga qeljinje lök jibi mötze.”

*Suep gölmegö azi öljän mönö asuhum tinjitma.
Mak 13.24-27; Luk 21.25-28*

* 24:9: Mat 10.22 * 24:13: Mat 10.22 * 24:15: Dan 9.27; 11.31; 12.11 * 24:17: Luk 17.31

* 24:21: Dan 12.1; Ind 7.14

26*“Miaᅅgöra ‘Amötqeqe Tonjan mönö gölme apopamkölkölᅅe malja,’ mewö jiget mötme ewö, miaᅅgöreᅅ mönö kude anme. Me ‘Mötket! Kraistnöᅅ mönö miri miaᅅgö uruᅅe asuhuba tatzawi,’ mewö jiget möta mi kude möt narime. 27 Mi kewögöra: Suep gölmegö azi öᅅᅅan kunbuk kamawi, nalö mi mönö wölbilikö dop kewö akᅅa: Mi wehön kotkotᅅeyök zilaᅅ biliksik ala likeᅅᅅe wehön geᅅeᅅe dop köla asariba ani ekzini, yaᅅön mönö miaᅅgö dop asuhuma.

28*“Sömbup gisaᅅᅅan kungen ahöiga, manu köraraknöᅅ miaᅅgöreᅅ öroba tokomakzei, miaᅅgö dop asuhuma.” Mewö

Suep gölmegö azi öᅅᅅan asuhuma.

Mak 13.24-27; Luk 21.25-28

29*“Wahöjalinᅅ nalö miaᅅön teköiga miaᅅgöreᅅök wehön jeᅅan injaᅅ köliga köiᅅᅅnöᅅ ömuᅅ köᅅma. Seᅅgelau yeᅅön sueᅅnöᅅök teköba etme aka sueᅅnöᅅ uturuköiga miaᅅgö öroyuaiᅅi mi tatatᅅini mosöta eᅅololoᅅ aketka sohoma.

30*“Nalö miaᅅgöreᅅ Suep gölme azi öᅅᅅaᅅö aiwesökᅅan sueᅅnöᅅ asuhuiᅅa ekᅅe. Nalö miaᅅgöreᅅ gölmegö köᅅagesö pakpak yeᅅön jingey köla sahötme. Sahöta Suep gölmegö azi öᅅᅅi yaᅅön sueᅅkö kousu qakᅅe kaᅅgori ekᅅe. Kukösumᅅi ketanjan saköl-diᅅᅅiᅅambuk aukᅅe asuhuiᅅa asakmararaᅅi ekᅅe.

31 Kaᅅgori eketka tömunᅅi qaiᅅᅅi kun ugetka ötoᅅi köhöikᅅi mötketka Suep garatauruᅅᅅi melaim eᅅᅅiᅅa yeᅅön ambazip Anutunöᅅ nanᅅaᅅgöra möwölöhöm eᅅᅅiyöᅅi, i gölme göraᅅi likeᅅlikeᅅ euke emuke miaᅅgöreᅅök köᅅolohoba eᅅᅅuaᅅᅅitme.” Mewö

Geröp ipkö dopkeu

Mak 13.28-31; Luk 21.29-33

32 “Injini geröp ip eka tandökᅅi mötmöriᅅa dopkeu ki mötme. Böroᅅan lök oᅅambuk aiga sinᅅᅅiᅅi yoᅅgoigetka mi eka möta kewö jimakze, ‘Wehön nalöᅅan mönö dopdowiza.’ 33 Eᅅön mewöᅅanök aiwesök miaᅅgö dop asuhuiᅅa eka möt asariba köᅅanaᅅi kewö jime, ‘Jisösnöᅅ mönö naᅅᅅunöᅅ dopdowiza.’

34 “Nöᅅön keu öᅅᅅi kun kewö jibi mötket: Ambazip ki merak göᅅᅅmenöᅅ maljei, yeᅅön qahö kömugetka yuai pakpak jizali, mi mönö yeᅅgö malmal nalöᅅine asuhuma. 35 Suep göᅅᅅmenöᅅ ayapkömahotmö, nöᅅgö Buᅅa keunan mönö nalö kunöᅅ qahö ayapköma.” Mewö.

Jisös kamawaᅅᅅö nalöᅅi mi kunᅅan qahö mötza.

Mak 13.32-37; Luk 17.26-30, 34-36

36 “Suep gölmegö azi öᅅᅅan kamapmö, dawinöᅅ kam kuᅅᅅumawi, miaᅅgö wehönᅅi me aua nalöᅅi mi kunᅅan kun kude mötza. Suep garatanöᅅ mi qahö mötze. Anutugö Nahönᅅan mewöyök mi qahö mötza. Iwinöᅅ nanᅅök mi mötza. 37*“Mönöwök Noagö nalöᅅe ambazipnöᅅ malmalᅅiᅅi qemasolokeᅅ qakᅅe mala ayuhugeri, miaᅅgö dop mönö Suep gölmegö azi öᅅᅅan kunbuk kamawaᅅᅅö nalöᅅe asuhuma.

38 “O göulu ketanjan qahö kaiga qelᅅiᅅe miaᅅgöreᅅ ambazip nene lömbuaᅅ ala o köhöikᅅi nempa ambi kenam bohönᅅaᅅᅅö alget anda kaiga aᅅᅅömeᅅet. Ahakmeme mewö aka memba qemasolokeᅅ malgetka Noanöᅅ waᅅᅅe uruᅅe öᅅᅅyöyöᅅi, silim miaᅅgöreᅅ teköyök. 39*“Teköiga wanat yuai asuhumawi, mi qahö mötketka o göulu ketanjan kaba jinonᅅi qahö ayuhum eᅅᅅiyök.

* 24:26: Luk 17.23-24 * 24:28: Luk 17.37 * 24:29: Ais 13.10; 34.4; Eze 32.7; Joel 2.10, 31; 3.15; Ind 6.12-13 * 24:30: Dan 7.13; Zek 12.10-14; Ind 1.7 * 24:37: Jen 6.5-8 * 24:39: Jen 7.6-24

Könanjep Suep gölmegö azi ölnan kunbuk kamawi, nalö miangörej ambazipnöj mewöjanök qemasolokep aka mala ayuhume.

⁴⁰ Nalö miangörej azi yahöt nupnöj malohotka yetkörejök kun wangita kun mosötme. ⁴¹ Mewöjanök ambi yahöt tawej urasiba (bunahöba) tatmahori, yetkörejök kun wangita kun mosötme.

⁴² “Kembunöj kamawangö nalöji me auanj qahö mötzeangöra mönö uruguliguli aka malm. ⁴³ *Gwölö malbingö keu ki mönö möt kutume: Sunjem aiga kegwek-kahasililin azinöj wani nalönöj me auanöj kamawi, miri tonjan mi mötpawak ewö, yanön mönö gwölö mala mirinj ölöpnanök galöm meiga qesinda öngömangö osima. ⁴⁴ Injini ‘Suep gölmegö azi ölnan nalö kiangörej qahö kanjotma,’ jiba mötmörigetka yanön mönö nalö miangörejök kanjotma.” Mewö.

Nup azinöj silekmalek mala ayuhuyök.

Luk 12.41-48

⁴⁵ “Mewö aiga nup meme ambazip sutjine danön tij kutuba tosatnj enjoggitza? Tosatnan sörörauba nup mosötketka kunjan mötkutukutu ölöpnangö qakne kapan köla pöndanj memakzawi, yanön mönö simbawon akza. Miri tonjan ahakmemenji kewöta eka kungen anda mirinjangö öroyuaij mi böröje ali galöm aknja. Galöm aka welenqeqeurupj jiyöhangö dop köyan köla nalö diñdije gumohom enjimaknja. ⁴⁶ Mewö köyan köl engiba maliga tonjan liljngöba kaba mewö eka mönö simbawon jima.

⁴⁷ “Nöjön keu ölnj kun kewö jibi mötket: Tonjan simbawon jiba sukinapnj pakpakö galömni kunjum wangima. ⁴⁸ Kunjum wangimapmö, nup meme okonnj yanön urujan mötmöriba kewö jima ewö, ‘Kembunangö kaka nalöjan mönö köröpni ahöza.’ ⁴⁹ Mewö jiba könahiba nup meme ambazipurupnj enjum ureiba közölömbuanj ala söngaiba o köhöiknj nema urunj sohoiga enjololnj silekmalek aka malma.

⁵⁰ “Mewö mala nalö kunöj kembunj kanjotmapköra qahö mambötmawi, mönö miangörej kanjotma. Nalögöra ikmaok injululuj mali mönö aua miangörej kanjotma ⁵¹ qeba yaijapalelej mem wangiba jim kutuiga urumelenjö silesile ambazip ewö könöp sianöj geba sihimbölö mötma. Mewö möta sahöt gigilahöba irimnjini yöhözömgögetka qetnj qeri malme.” Mewö.

25

Ambi seram tengö söpsöp keu

¹ *Jisösnöj jiyök, “Kunbuk kamami, nalö miangörej Suepkö bemtohojan kewö aknja: Maren lömbuanj nalöje ambi seram jömuknj tenjan ‘Azi bujabuk aitonöbin,’ jiba kiwanjini memba könanöj anget. ² Yengörejök 5 mi mötkutukutunambuk aketmö, tosatnj 5 yengö mötkutukutunjini mi piromnj. ³ Mötkutukutunjini piromnj yenjön kiwanjini megetmö, könöp (kuwin) kelökni * qahö memba anget. ⁴ Mötkutukutunambuk yenjön kiwanjini aka kuwin kelök kirinjini mewöyök memba anget. ⁵ Angetka azi bujanöj zilanj qahö kaiga mambötketka nalö köriyöhangöra körek yengö jenjini böjböj meiga nöörpjni eri sipköba gaun ahöget.

* **24:43:** Luk 12.39-40 * **25:1:** Luk 12.35 * **25:3:** Könöp (kuwin, qiwin) kelökni mi Oil ipkö kötnj mözözangögetka kelökni mi asuhuyök. Miri söngaiga ip sunje opo köpeiba kelök miangörej kundungöba kiwa ohotiriba könanöj angetka 15 minitkö dop jeyök.

⁶ “Gaun ahögetmö, sun gem bibiñe kunöñ tömun qeri qet kewö mötket, ‘Mötket, azi buña kazawo! Mönö yangören anda aiton göme.’ ⁷ Qet mi möta ambi seram ten mi körekñan wahöta kiwanjini memba möhangöba ohotiriget. ⁸ Ohotirigetka mötkutu-kutunjini piromñi yeñön mötmöt ambi yeñgören kaba kewö jiget, ‘Neñgö kiwaninan böközawañgöra eñön mönö kuwiñ kelökñi tosatñi neñgime.’

⁹ “Mewö jigetka mötkutukutunjanambuk yeñön melenña kewö jiget, ‘Qahö. Mi injini aka nini dopnine qahö. Mianñgöra mönö stuanöñ anda nanñjini kuwiñ kelökñini söñgöronñi meme.’

¹⁰ “Mewö jigetmö, kuwiñ kelökñi bohonñi memingöba anda könanöñ malgetka azi buñanöñ mönö mianñgörenök kanğorök. Ambi seram jöjöröba kingeri, yeñön anda yambuk aitonñgöba maren lömbuanñ miri uruñe öñgögetka nanñgunj kolget. ¹¹ *Ambi seram stuanöñ angeri, yeñön mewöyök könanñgep kanğota nanñgu qeba kewö qetket, ‘Kembu Kembu, mönö nanñgu metal neñginöñ!’

¹² “Mewö qetketmö, kewö melenña jiyök, ‘Qahö. Ni injini qahö möt engizal. Keu ölnña mi jizal.’” ¹³ Jisösnöñ söpsöp keu mewö jiba gwarekurupñi yeñgöra keu kewö jii mötket, “Injini ni kamamañgö nalöñi me auañi kude mötzeañgöra mönö uruguliguli aka malme.” Mewö.

Moneñ esu galöm kölgerañgö söpsöpkeu.

Luk 19.11-27

¹⁴ * “Mönö dopkeu kianñgö dop asuhuma: Azi kun mirinñi mosöta köröwen kantri kunñan anmamñgö möta welenqeçeurupñi engoholi kagetka moneñ sukinapñi galöm kölmegöra jim kutum engiba böröñjine alök. ¹⁵ Nup memejini kewöta ölnñi dawik asuhumawañgö dop möta nup meme azi kungöra moneñ esu 5 (Kina 5000,-) wangiba kun moneñ esu yahöt (Kina 2000,-) wangiba kun mohok-kun (Kina 1000,-) wangiyök. Mewö galöm kölmegöra mendenñ engiba engömosöta anök.

¹⁶ “Azi Kina 5000,- meyöhanñön mianñgörenök anda kölköl-örörö nup meiga moneñ sehiiga esu 5 kunbuk meyök. ¹⁷ Mewöñanök Kina 2000,- meyöhanñön anda kölköl örörö nup meiga moneñ sehiiga esu yahöt kunbuk meyök.

¹⁸ “Mewö meyohotmö, azi moneñ esu mohok-kun (Kina 1000,-) meyöhanñön mönö mosöta anda gölme esiba azi kembuñañgö moneñi löm köla asambörök. ¹⁹ Nalö köröpñi teköiga welenqeçe yeñgö azi kembuñinan liliñgöba kaba ‘Nup megerañgö kösohotñjini möta kewötman,’ jiba köl öröm engiiga kaget.

²⁰ “Mewö kagetka azi Kina 5000,- meyöhanñön jeñe kanğota esu 5 kunbuk toroqeba memba kaba kewö jiyök, ‘Ketanamni mötnöñ, göñön moneñ esu 5 niñginöñi, nöñön mianñgö kölköl öröröñi membi sehiiga esu 5 kunbuk asuhuga memba kazal.’

²¹ “Mewö jiiga azi kembuñan kewö melenñ wañgiyök, ‘Mi ölop. Gi nup meme azi ölopñi memburik-qemburiki qahö. Gi yuai awamñi memba mi kapañkapañ aka galöm köla malnöñga sehiyök. Mianñgöra nöñön yuai gwötñuk göhö böröge albi mianñgö galömñña malman. Ölop kaba azi kembugi nöñgö miri uruñe kanğota mohotñe sösoñgai aka malbin.’” ²² Azi Kina 2000,- meyöhanñön mewöñanök kanğota kewö jiyök, ‘Ketanamni mötnöñ, göñön moneñ esu yahöt niñginöñi, nöñön mianñgö kölköl-öröröñi membi sehiiga esu yahöt kunbuk asuhuga memba kazal.’

* 25:11: Luk 13.25 * 25:14: Luk 19.11-27

23 “Mewö jiiga azi kembujan kewö melen wanjyök, ‘Mi ölop. Gi nup meme azi ölopni memburiq-qemburiki qahö. Gi yuai awamdökni memba mi kapankapan aka galöm köla malnonga sehiyök. Miangöra nöjön yuai gwötpuk göhö böröge albi miangö galömna malman. Ölop kaba azi kembugi nöngö miri uruje kangota mohotne sösöngai aka malbin.’

24 “Miangö andöne azi moner esu mohok-kun (Kina 1000,-) meyöhanön kangota kewö jiyök, ‘Ketanjamni mötnöj, nöjön könanjamgi kewö möt yaköyal: Azi kembunan mönö azi köhöikni könöpnambuk akza. Nangak nene kötni qahö qesin gilnonga miangöreñ mönö töndup ölni sounöñ yandiba memangö mörakzan. Padi kötni qahö esinöñ geiga miangöreñ mönö töndup ölni qezakömamgö mörakzan.

25 “Mewö möt yaköba kenötni möta anda göhö moner esugi mi gölmenöñ asambötpiga ahöyök. Eknöñ, moner esu ninjinöñ, miyöhök mönö törörök ki.’

26 Mewö jiba mi wanjyökmö, azi kembujan melenä kewö jim wanjyök, ‘Gi injarere aka welenqege bölöñi akzan! Gi könanjamni möt yakönöñ: Nanak nene kötni qahö qesin gilbiga miangöreñ mönö töndup ölni sounöñ yandiba memangö mörakzal. Nanak padi kötni qahö esibi geiga miangöreñ töndup ölni qezakömamgö mörakzal. Nöngö tandökni mewö möt yaköbagun mönö wuanöngöra ak sohoba malnöñ?

27 “Gi nöngö monerñi benknöñ alnonga dop kölbawak. Benknöñ alnonga qariiga lilingöba kayali, nalö kiangöreñ mi ölop sunambuk membilenak.’

28 Toroqeba tosatñi yengöra jiyök, ‘Inini mönö qölmöm injarere azi miangö moner esunji mi wanjita kun esu 10 miwikñajiyöhi, mönö i wanjime.’

29 *²⁹ “Dopkeu kiangö könanji kewö: Denike yengöreñ yuai ahözawi, körek yengöra mönö toroqeba engiget sehiiga kelenmaleñ ahöm engima. Mewö sehimpamö, kungöreñ yuai kun qahö ahözawi, yanöreñ yuai mi mönö mewöyök wanjitetka öne töhöntöhön malma. ³⁰* Ayop, welenqege azi omanji nupnanjö ölni qahö i mönö yaigepñe gilgetka söñaupnöñ gema. Miangöreñ geba sahöt gigilahöba göböñini yöhözömgögetka qetñi qeri malme.” Mewö.

Jimtekötekögö nalö ketanje kewö asuhuma:

31 *³¹ “Suep gölmegö azi ölnan kinda Suep garata pakpak enjunganita mohotne kamei, nalö miangöreñ Suepkö asakmararanan asuhuiga yanön Kinj Kembugö jakömbuak dumnöñ tatma. ³² Tata jiiga gölmegö ambazip kambu pakpak qezaköm engigetka yanjö jeñe asuhume. Asuhugetka lama galömnan lamaurupñi meme (nonin) yengöreñök mender enjizawi, miangö dop i mendeqender ak engima. ³³ Mi ak engiba jiiga lama mi böröñi ölnje aka meme (nonin) mi qanije ak engime.

34 “Mewö al engigetka Kinj Kembunöñ böröñi ölnje kinmei, yengöra kewö jima, ‘Nöngö Iwinan kötuëtköm engii malgeri, inini mönö kaget. Iwi Anutuninan gölme pakpak miwikñaim enjyöhi, nalö miangöreñök lök engöra bemtohon mözözömgöba mei jöjöröba ahöba kotzawi, inini mönö kaba mi buña qem anjuba malme.

35 ‘Mi kewögöra jizal: Nöjön yakanangö kömumba malbiga inini nene ninjiba malget. Nöjön ogöra qemjen qeba malbiga inini o ningiba malget. Nöjön kian aka malbiga inini köl öröm ninjigetka mirinjine öngöba malal.

36 Nöjön sile esunangöra osiba malbiga inini opo kereñ ninjiba malget. Nöjön

* 25:29: Mat 13.12; Mak 4.25; Luk 8.18
16.27; 19.28

* 25:30: Mat 8.12; 22.13; Luk 13.28

* 25:31: Mat

kawöl nöhöi ahöbige injini galöm köl niŋgiba malget. Nöjön kösö mire malbige injini ni nekingöra miangörej kaba malget.'

³⁷ "Mewö jüiga ambazip solanji yejön kewö melenj waŋgiba jime, 'Kembu, gi mönö wani nalönöj yakagahö kömunöj geke gumohom gihiba malin? Mönö wani nalönöj ogöra qemjenj qeba malnönga geke o gihiba malin? ³⁸ Mönö wani nalönöj kiana kanönga geke köl öröm gihiinga mirinine öngönönga malin? Mönö wani nalönöj sile esugahöra osiba malnönga geke opo kerej gihiba malin?"

³⁹ "Mönö wani nalönöj kawöl göhöi ahönönga geke me kösö mire malnönga möta gi gekingöra göhörej kaba malin?" ⁴⁰ Mewö jigetka Kiŋ Kembunöj melenja kewö jii mötme, 'Nöjön keu öljji kun kewö jibi mötme: Injini nani urumelenj alaurupni etqegeŋi kienjörejök kungöra yuai kun akeri, mi pakpak mönö ni ak niŋgiba malget.'

⁴¹ "Mewö jiba miangö andöje böröjji qaniŋe kinmei, yeŋörej melenja kewö jima, 'Iwinan qesuahöm enjii malgeri, injini mönö nömosöta kesalget. Könöp sia teteköjji qahö jem öngömawi, mönö miangörej anda geme. Anutunöj mi Bölöŋanö Tonji aka yanö garataurupji yejögöra mözözömgöba meköiga jöjöröba ahöza. ⁴² Mi kewögöra jizal: Nöjön yakananö kömumba malbige injini nene qahö niŋgiba malget. Nöjön ogöra qemjenj qeba malbige injini o qahö niŋgiba malget.'

⁴³ "Nöjön kian aka kabige injini qahö köl öröm niŋgigetka mirinjine qahö öngöba malal. Nöjön sile esunanöra osiba malbige injini opo kerej qahö niŋgiba malget. Nöjön kawöl nöhöi ahöyal aka kösö mire malalmö, injini ni nekingöra miangörej qahö kaba malget.'

⁴⁴ "Mewö jüiga yejön mewöyök melenj waŋgiba kewö jime, 'Kembu, gi mönö wani nalönöj yakagahö kömunöj me ogöra qemjenj qeba malnöj me kiana malnöj me sile esugahöra osiba malnöj me kawöl göhöi ahönöj me kösö mire malnönga nini gi qahö welen qem gihiba malin?"

⁴⁵ "Mewö jigetka melenja kewö jii mötme, 'Nöjön keu öljji kewö jibi mötme: Injini urumelenj alaurup etqegeŋi kienjörejök kungöra yuai kun qahö akeri, mi pakpak mönö ni qahö ak niŋgiba malget akza.'

⁴⁶ * "Mewö jii mötketka likepji melenj enjii qakjine öngöiga aköm enjii anda sihimbölo nalö teteköjji qahö möta mal öngöme. Mewö mal öngömömö, solanji yejön oyaenjoyaerj malmal mi nalö teteköjji qahö mal öngöba malme." Mewö.

26

Jisös qein kömumapkö anögonaj alget.

Mak 14.1-2; Luk 22.1-2; Jon 11.45-53

¹ Jisösnöj keu pakpak mi jim teköba gwarekurupji kewö jii mötket,
² * "Silim yahöt teköigun Pasowa kendonji kam kuŋguma. * Injini mi ölöp mötze. Kam kuŋguiga Suep gölmegö azi öljji mi kian gawman yejögö böröjine algetka maripomnöj qegetka kömuma."

³ Nalö miangörej jike nup galöm aka kantrigö jitrjememe yejön tokoba jike nup galöm bohönji qetji Kaiafas yanö jakömbuak mirinj tatket. ⁴ Miangörej tata denöwö möndönninga Jisös ölöj memba qeget kömumbawak, miangö

* **25:46:** Dan 12.2 * **26:2:** Eks 12.1-27 * **26:2:** Pasowa mi nanine keunöj Ak-kömukömu kendon. Keu miangö könanji: nenjehoriba nenjengirök. Eksodus 12.15

könanj jaruba kewötket. ⁵ Jaruba kewöta kewö jiget, “Ambazip irimjnini seholiiga karimjni karimjni asuhubepuköra mi sösongai kendon nalöŋe akingö osibin.” Mewö.

Ambi kunöŋ Jisös o umköhöwaktjambuknöŋ miriyök.

Mak 14.3-9; Jon 12.1-8

⁶ Jisösnöŋ Betani mirinöŋ mala Saimon kun uzikukuŋi mem solaniyöhi, yanö mire öngöba tarök. ⁷ *Miangörej nene nempa tariga ambi kunöŋ kötkirin kun memba yanörej kayök. Kirin mi nöluk tuat-tuat qetŋi alabastö mianöŋ memenja. Mia o umköhöwaktjambuk mianöŋ kokolak qeŋenja. Yanöŋ mi bohönŋi ketanjan memba kaba onŋi Jisösgö nööröŋje mimbiliba miriyök.

⁸ Miriiga gwarekurupŋan mi eka urubölö aka kewö jiget, “Mi mönö wuanöngöra mewö ayuhuzawi? ⁹ O kelökŋambuk mi bohönŋi memegöra ali moneŋ öngöngöŋan asuhuiga mi ambazip wanapŋi engiiga dop kölbawak.”

¹⁰ Jisösnöŋ urumötmötŋini mi ek kutuba kewö jii mötket, “Ambi kianöŋ uruŋi mi wuanöngöra mem böliŋe? Yanöŋ silik ölöŋŋi ak soroköm niŋgiiga dop kölja. ¹¹ *Ambazip wanapŋi mi nalöŋi nalöŋi sutŋine malmemö, nöŋön engö sutŋine nalö dop qahö malmam.

¹² “Nöŋön kömumbi löm köl niŋgimeanöŋe aka kelök mianöŋ sileni nömiriza.

¹³ Nöŋön keu ölni kun kewö jibi mötket: Ölöwak Buŋa ki kantri igen waigen jim sehigetka anmawi, miangörej ambi kianöŋ yuai ak niŋgizawi, miangö buŋanŋi mohok jiget sehiiga yanöŋe mötmöriba malme.” Mewö.

Judasnöŋ Jisös mamalolo mem wanŋimangö urumohot ahök.

Mak 14.10-11; Luk 22.3-6

¹⁴ Nalö miangörej gwarekurupŋi 12 yanörejök kun qetŋi Judas Iskariot yanöŋ jike nup galöm yanörej anda ¹⁵ *kewö qesim engiyök, “Nöŋön Jisös mamalolo mem wanŋiba bööröŋine albiga enöŋ töwa wania niŋgibeak?” Qesim engiiga silwö moneŋ kötni 30 oyonŋa bööröŋe alget. ¹⁶ Aua miangörejök könahiba Jisös nalö kungen mamalolo mem wanŋimangö köna möt jaruba köinŋinöba malök. Mewö.

Jisösnöŋ gwarek yembuk Pasowa lama neget.

Mak 14.12-21; Luk 22.7-13, 21-23; Jon 13.21-30

¹⁷ Beret yistŋi qahö miangö kendon silim mutukŋe (Seŋononöŋ) gwarek yetköŋ Jisösgörej kaba kewö qesim wanŋiyohot, “Böhi! Nini miri denikeanöŋe anda pasowa lama mözözömgöm gihiziga neman? Sihimŋi denöwö ahöza?”

¹⁸ Qesim wanŋiyohotka kewö melenök, “Injiri Jerusalem sitinöŋ öngöba azi kun mötzali, i miwiktjaiba kewö jiyohotka mötma, ‘Böhinöŋ jiza: Nöŋö nalönan mönö † dopdowiza. Nöŋön göhö mire kaba gwarekurupni yembuk Pasowa lama membin.’” ¹⁹ Gwarek yetköŋ Jisösnöŋ jim kutum etkiyöhi, miangö dop aka Pasowa lama mözözömgöyohot.

²⁰ Mare aiga miri söŋauiga Jisösnöŋ gwarekurupŋi 12 yembuk miri miangörej kangota öngöba dum kösutŋe tata nene mendenŋa neget. ²¹ Nene negeranöŋe Jisösnöŋ kewö jii mötket, “Nöŋön keu ölni kun kewö jibi mötket: Engörejök kunjan mönö mamalolo mem niŋgiima.” ²² Mewö jii möta

* **26:7:** Luk 7.37-38 * **26:11:** Dut 15.11 * **26:15:** Zek 11.12 † **26:18:** Anutunöŋ Jisös kömumawanöŋe nalöŋi alöhi, miangöra jiza.

mianğoreñök uruñinan wösöbirik ketanji aiga könahiba nanñök nanñök qesim wañgiba jiget, “Kembu, mönö nönğöra jibanbuk?”

²³ *Qesim wañgigetka kewö melenñök, “Nömbuk beret kuluñnönj kundumğozawi, mönö yanñön. ²⁴ Suep gölmegö azi öljän mönö yanğöra keu ohoget ahözawañgö dop öljä gölme mosöta anmapmö, kunñan i mamalolo mem wañgimawi, yanğöra mönö Yei! jiba sahötzal. Mianğö likepñi kanjamnbuknönj mönö yanğö qakñe öñğöma. Azi mi nam körö uruñeyök qahö asuhubawak, mianñön mönö amqem wañgibawak.” Mewö.

²⁵ Mewö jiiga Judas mamalolo mem wañgimawañön kewö melenđa jiyök, “Böhi, mi mönö nönğöra jibanbuk?” Jisösnönj kewö jii mörök, “Jizani, mönö mewö!” Mewö.

Kembubuk semön qöndökñi neget.

Mak 14.22-26; Luk 22.14-20; 1 Kor 11.23-25

²⁶ Nene nema tata Jisösnönj beret memba kötuetsköba mindipköba enğiba kewö jiyök, “Ki nani busuni. Ki memba neget.”

²⁷ Mewö jiba wain qambi memba saiwap jiba enğiba kewö jiyök, “Injini körek qambi kianğoreñök neget. ²⁸ *Ki nani sepní. Mi Anutunönj ambazip yembuk jöhöjöhö areñ aiga köhöimapköra sepní mokoget geiga ambazip gwötpuk yeñgö singisöndokñini mosötma. ²⁹ Nönñön keu kun kewö jibi mötket: Nönñön wain kösögö öljki ki kianğoreñ kunbuk toroqeba qahö nemam. Könañgep Iwinanğö bemtohon uruñe eu taringa közölömbuan almawi, wehön mianğoreñ mönö wain o qainñi kun mia nemam.”

³⁰ Mewö jiiga sösoñgai liñet köla mosöta anda Oil ip kundunje öñğöget.

Pitönönj Jisös qarj kölmapkö jii mörök.

Mak 14.27-31; Luk 22.31-34; Jon 13.36-38

³¹ *Öñğöba Jisösnönj kewö jii mötket, “Kezapqetok azi kunönj keu kun kewö ohoi ahöza, ‘Nönñön galömnjini qebiga lama kambujan denje.’

Mianğö dop enñön körek sunğem kianğoreñ uruñini nönğöra aka böliiga nömosöta buratime. ³² *Buratigetka nuñğumemö, nönñön mönö kömupnöhök wahöta mutuk Galili prowinsnönj anda mianğoreñ asuhum enğimam.”

³³ Mewö jiiga Pitönönj melenđa kewö jii mörök, “Yeñön körek uruñini göhöra aka böliiga gömosöta buratime ewö, nönñön mönö töndup nalö kunönj qahö gömosötman.” ³⁴ Jiiga Jisösnönj jii mörök, “Nönñön keu öljki kun kewö jibi mötnönj: Kuruknönj qahö qeriga göñön merak sunğem qarj köl niñginönğa indimñi karöbut akña.”

³⁵ Mewö jiyökmö, Pitönönj kewö jii mörök, “Böhi! Mewö qahöpmö, ni nuñgugetka göbuk mohotñe kömumbirak, mi töndup nönñön gi qahö qarj köl gihimam.” Gwarek tosatñi pampak mewöyök keu miyöhök jiget. Mewö.

Jisösnönj Gezemane arönönj köuluköyök.

Mak 14.32-42; Luk 22.39-46

³⁶ Mewö eraum möta anda yembuk arö kun qetñi Gezemane mianğoreñ anğotket. Anğota Jisösnönj gwarekurupñi kewö jii mötket, “Nönñön endu anda köuluköbige injini ölöp nalö sutñe ki nanñinök tatme.” ³⁷ Mewö jiba Pitö aka Zebedigö nahönyahötñi yahöt etkuangita angetka Jisösnönj könahiba wösöbirik möriga köñjilijan köna börönji qeköyök. ³⁸ Nalö mianğoreñ kewö jii mötket,

* 26:23: Sum 41.9 * 26:28: Eks 24.8; Jer 31.31-34 * 26:31: Zek 13.7 * 26:32: Mat 28.16

“Nöngö urunan mönö kondum köla kotzawaŋgöra aka wösöbirik mötpiga kömukömuŋi ak niŋgiza. Injini ölop kiangören tata nömbuk guli malbin.”

³⁹ Mewö jiba nanŋök borom kun toroqeba anda simin köla sipköba kewö köuluköba jiyök, “Iwini, gi yuai kun qahö mölölömbizan. Miangöra sihingö ahöza ewö, sihimbölogö qambiŋi kianjön mönö nöngö qakne öngöbapüköra noaŋgitman. Noaŋgitman me qahö, mi mönö nangi jit keugahö dop asuhuma. Mi nöngö sihingö dop qahö.”

⁴⁰ Mewö jiba lilingöiga gwarekurupŋi karöbut yejön gaun ahöget engeka Pitögo kewö jii mörök, “Injini aua mohot-töp nömbuk guli malbingö kude köhöize me? ⁴¹ Uruninan guli malbingö sihimŋi mörakzinmö, sileninan lölöwöröŋi akza. Miangöra esapesapnöŋ et engubapüköra mönö köuluköba guliguli malme.”

⁴² Mewö jii möriga kunbuk engömosöta anda indimŋi yahöt aiga kewö köuluköba jiyök, “Iwini, sihimbölogö qambi kianjön qahö noŋgitma ewö, mi ölop nemam-mö, mi mönö nangi jitkahö dop asuhuma.”

⁴³ Köuluköba lilingöiga jeŋini böŋbön meyoŋgöra kunbuk gaunök ahöget engehök. ⁴⁴ Kunbuk engömosöta likep anda keu miyöhök kunbuk jiba köuluköiga indimŋi karöbut ahök. ⁴⁵ Gwarek yeŋören lilingöba kaba kewö jii mötket, “Injini toroqeba luhut memba gaunök ahöbingö mötze me? Mötket! Kunöŋ Suet gölmegö azi ölni mamalolo mem waŋgiiga bölöŋi meme yeŋö böroŋine öngöma. Miangö aua nalöŋan lök kam kuŋguza. ⁴⁶ Mönö wahötketka anin! Mamalolo mem niŋgimawi, yaŋön mönö dowe ki kaza.” Mewö.

Jisös qeraköba memba jöhöget.

Mak 14.43-50; Luk 22.47-53; Jon 18.3-12

⁴⁷ Jisösnöŋ mewö jiba kiniga miangören gwarekurupŋi 12 yeŋörenök kun qetŋi Judas yaŋön kambu ketani kun jitŋe mem engiiga kaŋgotket. Jike nup galöm aka kantrigö jittjememe yejön i melaim engigetka bimgö sou ketani aka liŋgipŋini memba kaget. ⁴⁸ Mamalolo memangö ahöhi, yaŋön mutuk yembuk aiwesök keu kewö jöhöba jii mötket, “Nöŋön azi numbuŋi yöhötim nemami, yaŋön mönö mia akza. Mönö i memba jöhöme.”

⁴⁹ Mewö jiba kaba miangörenök Jisösgören angota “Böhi, bönjöŋ!” jiba numbuŋi yöhötim neyök. ⁵⁰ Yöhötim neiga Jisösnöŋ kewö jii mörök, “Alani, gi wuanöngöra kazani, mi mönö zilan akjan.” Mewö jiiga azi kambu yejön Jisösgören kaŋgota qelanjiba memba jöhöget. ⁵¹ Jöhögetka Jisösbuk malgeri, yeŋörenök kunnjan böroŋan bimgö sou ketani öröba jike nup galöm bohonnaŋgö welenqeqeŋi qeba kezapŋi köteköi erök.

⁵² Jisösnöŋ mi eka kewö jii mörök, “Mönö mosötnöŋ! Bimgö sou ketani körök memei, i mönö körek bimgö sou ketanan enŋui kömume. Miangöra mönö sougi kupinŋe qenöŋ geyök! ⁵³ Nöŋön Iwini köuluköbiga ölop bauköm niŋgimawi, mi mötzan me qahö? Köuluköm waŋgibileŋahi, yaŋön mönö miangörenök garata yarö kambu † 12 onŋta melaim enŋii kaba bauköm niŋgibeak. ⁵⁴ Bauköm niŋgibeak ewö, Buŋa Kimbigö keuŋan mönö denöwö ölhambuk akawak? Buŋa Kimbi keugö dop yuai kianjön mönö asuhumapkö dop jijiŋa akza.”

⁵⁵ *Nalö miangöŋörenök Jisösnöŋ yarö kambu yeŋöra kewö jii mötket, “Ni kegwek-kahasiliŋ azia qahöpmö, töndup nöngöra mewö möta bimgö sou

† **26:53:** Rom yeŋören lijon me yarö kambu kun mi yarö azi 6000 miangö dop aka maljema. Miangöra yarö kambu 12 miengö jaŋgöŋini mi Suet garata 72.000 miangö dop. * **26:55:** Luk 19.47; 21.37

ketaŋi aka liŋgip memba nömembra jöhöbingöra kaŋgotze. Nöŋön wehön dop jöwöwöl jikenöŋ embuk tata kinda Buŋa keu kusum eŋgiba malbiga qahö nömiget. ⁵⁶ Mewömö, yuai pakpak ki mönö kezapqetok ambazipnöŋ keu ohogeri, mienön ölninambuk akŋapköra asuhuza.” Jisös jöhögetka gwarek yeŋön körek Jisös mosöta buratiba unjurata anget. Mewö.

Jikegö jitjememe yeŋön Jisösgö keu nup meget.

Mak 14.53-65; Luk 22.54-55, 63-71; Jon 18.13-14, 19-24

⁵⁷ Yarö azi Jisös memba jöhögeri, yeŋön i waŋgita jike nup galöm bohonŋi qetŋi Kaiafas yaŋgö mire anget. Angetka Köna keugö böhi aka kantrigö jitjememe yeŋön miangöreŋ kaba tokoget. ⁵⁸ Angetka Pitönöŋ sikepsikep eŋguatanöba miangöreŋ aŋgota jakömbuak mirigö kiripo uruŋe öŋgöyök. Öŋgöba teteköŋe denöwö asuhumawi, mi ekŋamgöra welenqeŋe azi yeŋgö sutŋine tarök.

⁵⁹ Mewö tarökmö, jike nup galöm aka jike kaunsöl kambu yeŋön Jisösgö silenöŋ alal keu denöwö möndöba nanngöinga qeget kömumapkö jim jaruget. ⁶⁰ Jaruba kinda gwötpukŋan wahöta kinda keu muneni Jisösgö silenje ala nanngöba jigetmö, töndup könaŋi kun qahö miwikŋaiget. Qahö miwikŋaigetmö, teteköŋe azi yahöt kaŋgota ⁶¹ *kewö jiyöhot, “Azi kianön kewö jiiga mörit, ‘Ni ölop Anutugö jöwöwöl jikenŋi köndenbiga gölmenöŋ eriga wehön karöbutkö uruŋe mi kunbuk mem wahöta kuŋgumam.’”

⁶² Mewö jiyohotka jike nup galöm bohonŋan wahöta Jisös qesim waŋgiba kewö jiyök, “Yeŋön göhö silege keu ala nanngözei, miangö likepŋi kun jiman me qahö?” ⁶³ Qesim waŋgiiga Jisösnöŋ yuai bölöŋi kun qahö ahökmö, töndup keuŋi bökö kinök. Keuŋi bökö kiniga jike nup galöm bohonŋan kewö jii mörök, “Nöŋön Anutu malmal Toŋaŋgö qetŋe kewö qesiba kuŋgum gihizal: Gi Anutugö Nahönŋi Kraist akzan me qahö, mi törörök jiba jöjöpaŋ keunöŋ jim köhöinöŋga mötpin.”

⁶⁴ *Mewö jiiga kewö jiyök, “Jizani, mönö mia. Miamö, nöŋön körek eŋgöra kewö jibi mötket: Nalö kewöneyök könahiba Suep gölmegö azi ölnan mönö Kukösum Toŋaŋgö böröŋi ölnje tata suepkö kousu qakŋe eri ekŋe.”

⁶⁵ *Keu mi jiiga jike nup galöm bohonŋan malukuŋi munjurata kewö jiyök, “Yei, iwinanöŋ jitŋi! Mönö Anutu mepaiköza. Tosatŋan keuŋi nanngömögöra kunbuk qahö qesim eŋgibin. Anutu mepaiközawi, mi döliki nanŋinak möt teköze. ⁶⁶ Miangöra denöwö mötmörize?” Mewö qesim eŋgiiga kewö jim teköget, “Yaŋön mönö kömupkö buŋaya akŋa.”

⁶⁷ *Mewö jim teköba jeŋe söutkölap söutköm miriba böröŋinan misiba mesoholŋe qekötahöget. Tosatŋan nuŋgulumŋe qekötahöba ⁶⁸ kewö jiget, “Gi kezapqetok azi Kraist akzanangöra danön guhuzawi, mönö yaŋgö qetŋi qetnöŋ mörin.” Mewö.

Pitönöŋ Jisös qaŋ kölökö.

Mak 14.66-72; Luk 22.56-62; Jon 18.15-18, 25-27

⁶⁹ Mewö asuhuiga Pitönöŋ yaigep kiripo uruŋe sombemnöŋ tarök. Tari welenqeŋe ambi kunŋan yaŋgöreŋ kaba kewö jiyök, “Gi mewöyök Galili azi Jisösbuk mohotŋe malnöŋ.” ⁷⁰ Mewö jiyökmö, körek yeŋgö jeŋne qaŋ köla kewö jiyök, “Keu jizani, mi köndatzal.” ⁷¹ Mewö jiba kiripo nanuŋe geiga

* 26:61: Jon 2.19 * 26:64: Dan 7.13 * 26:65: Lew 24.16 * 26:67: Ais 50.6

welenqeçe ambi kunjan i eka azi kösutje kingeri, mi kewö jii mötket, “Azi kianön mönö mewöyök Nazaret azi Jisösbuk malök.”

⁷² Mewö jiiga kunbuk çan köla jöjöpän keunön jim köhöiba kewö jiyök, “Nöñön azi mi qahö möt wañgizal.” ⁷³ Nalö borom kun teköiga azi kösutje kingeri, yeñön Pitögören kota kewö jiget mörök, “Alakña! Göñön mewöyök yeñögörenök kun akzan! Galili keu jöl jizani, mianjön mönö mewöyök mi kondeliga mötzin.” ⁷⁴ Mi möta könahiba nanji qesuahöm anğuba jöjöpän keunön jim köhöiba jiyök, “Ni azi mi qahö möt wañgizal! Munen jibilenjak ewö, Anutunön mönö likepni melenj ningima.” Mewö jiiga mianğörenök kuruk gerök.

⁷⁵ Kuruk çeri möta Jisösnön keu kewö jii möröhi, mi mötmöriyök, “Göñön mutuk indimni karöbut çan köl ninginönğa kuruknön çetma.” Keu mi mötmöriba wösöni julmamgö aiga yaigep geba sahöt böliyök. Mewö.

27

Jisös wañgita Pailötkö böröñe alget.

Mak 15.1; Luk 23.1-2; Jon 18.28-32

¹ Miri gianjiiga amandine jike nup galöm pakpak aka kantrigö jitre meme (70) yeñön tokoba Jisös çeget kömumapkö keunji eraum mötket. ² Eraum mötket teköiga Jisös jöhöba wañgita Rom premiö Pailötkö böröñe alget. Mewö.

Judasnön imbi auyök.

Apo 1.18-19

³ *Jisös çeget kömumawañgö keunji jim tekögetka Judas mamalolo wañgiyöhañön mi möta möt bölim anğuba silwö monen köt 30 wañgigeri, mi memba jike nup galöm aka kantrigö jitre meme yeñögören anda melenja enğiba kewö jiyök, ⁴ “Nöñön singisöndok aka azi köpösihitni qahö mi mamalolo mem wañgibiga çeget kömuma.” Mewö jiyökmö, yeñön jiget, “Mi neñögören yuaia qahö! Mi mönö nangi manjara!” ⁵ Mewö jiget möta silwö monen köt mi memba gil tipköiga jöwöwöl jike urune anök. Aniga nanji mosöta anda imbi auyök.

⁶ Jike nup galöm bohonni yeñön monen köt mi memba kewö jiget, “Monen ki mönö azi sepnangö bohonja. Mianğöra mi jöwöwöl jikegö monen köwenön albingö dopni qahö. Mewö aka Mosesgö Köna keu ongitpinbuk.”

⁷ Mewö jiba eraum möta monen mianjön gwakömnön kimbut meme azi kungören gölme köröni kun bohonni megetka kian ambazip yeñgö çak-sirinina ahök. ⁸ Mianğöra aka gölme köröni mianğö çetni mi nalö kewöñe mewöyök toroqeba ‘Gölme köröni sepnambuk,’ çerakze.

⁹ *Kezapçetok azi Jeremaianön keu çeljine jiyöhi, mianjön mönö öljambuk ahök. Keu mi kewö, “Yeñön Israel könagesögö jitre memeçini aka azi mi söngöröni memegöra kewöta algetka silwö monen köt 30 ahöhi, mi meget. Mi azigö bohonja.

¹⁰ Yeñön mi memba mianjön gwakömnön kimbut meme azi kungören gölme köröni kun bohonni meget. Mi mönö Kembunön jim kutum niñgiyöhañgö dop mewö meget.” Mewö.

Pailötnön Jisös qesim wañgiyök.

Mak 15.2-5; Luk 23.3-5; Jon 18.33-38

* 27:3: Apo 1.18-19 * 27:9: Zek 11.12-13

11 Nalö mianğoreñ Jisösnöñ Pailötkö jeñe kiniga kewö qesim wanğiyök, “Ölña, gi Juda yeñgö kiña akzan me qahö?” Qesim wanğiya Jisösnöñ melenđa jii mörök, “Mönö nangak jizani, mewö.” ¹² Jike nup galöm aka kantrigö jitmeme (70) yeñon keu gwötpuk Jisösgö silenje ala jügetmö, töndup keu kitipji kun qahö melenñök.

¹³ Keu bök kiniga Pailötnöñ Jisös kunbuk qesim wanğiba jiyök, “Mötnöñ! Yeñon keu gwötpuk göhö silege ala nanğöba jizei, mi mötzan me qahö?” ¹⁴ Mewö jiyökmö, Jisösnöñ bölöñi kun qahö ahökmö, töndup keu mienğö likepñji kun qahö melenñök. Keu bök kiniga premiönöñ gwötpuk welipköyök. Mewö.

Pailötnöñ Jisös kömumapkö jim teköyök.

Mak 15.6-15; Luk 23.13-25; Jon 18.39-19.16

¹⁵ Rom premiönöñ yambu (yara) dop pasowa sösöñgai nalöñe kösö mireyök azi mohok sihimñinanğö dop qetji qeta qesigeri, mi pösat engizapma. ¹⁶ Nalö mianğoreñ azi kun qetji Barabas qetkeri, yanñon kösö mire tarök. I bölöñamñanğöra miwidimğögetka malök.

¹⁷ Mewö aiga tokogetka kewö qesim enğiyök, “Barabas me Jisös, qetji Kraist qerakzei, yetköreñök ninja pösat enğibi etmapköra mötze?” ¹⁸ Galöm yeñon Jisösgöra körögisigisi mötkeñanğöra aka i premiögö böröñe al wanğiget. Mi möta sihimñinanğö mewö qesim enğiyök.

¹⁹ Mi mörökmö, jimtekötekögö jakömbuak dum tatatje tariga anömñan buzup keu kun kewö ali kayök, “Ni merak sunğem gaun kun eka mianğoreñ azi mianğöra aka sihimbölö gwötpuk mötzal. Mianğöra azi solanñi mi mönö lömböt kude wanğiman.”

²⁰ Keu mewö kayökmö, jike nup galöm aka kantrigö jitmeme yeñon ambazip kambu uruesiesi mem enğiba kewö jiget, “Mönö Barabas pösata Jisös maripomnöñ qemegöra jiman. Mewö qesim wanğime.”

²¹ Mewö jigetka premiönöñ melenđa qesim enğiyök, “Azi yahöt mietköreñök mönö ninja pösat enğibi etmapköra mötze?” Mewö qesim enğiya “Barabas!” jiget. ²² Mewö jigetka Pailötnöñ kewö qesim enğiyök, “Mewö jizeanğöra Jisös, qetji Kraist qerakzei, nöñon i mönö denöwö ak wanğibileñak?” Mewö qesim enğiya yeñon körek qetket, “Mönö maripomnöñ qeget jiman!”

²³ Mewö qetketka premiönöñ jiyök, “Mi wuanöñgöra? Yanñon mönö wani bölöña ahök?” Mewö jiyökmö, yeñon mi möta kapan kōla toroqeba qet gigi-lahöba kewö qetket, “Mönö maripomnöñ qeget jiman!” ²⁴ *Mewö qetketka kezap-ölök aketka göjupmajupnöñ kunbuk qariiga Pailötnöñ mi eka möta bim karim asuhubapüköra o memba böröñi ambazip kambu jeñine sanğonđa kewö jiyök, “Azi kianğö sepñi mokoget gemawi, mianñon mönö nöñgö qakne qahöpmö, mönö nanñini qakñine öñgöma.”

²⁵ Mewö jiuga ambazip kambu körek pakpak yeñon kewö melenget, “Sepñanğö likepñan mönö nini aka nahönböratnini neñgö qaknine öñgöma!” ²⁶ Mewö melengetka Pailötnöñ Barabas pösat enğii erökmö, Jisösyia jiuga ihilek wahinambuknöñ qeyöyaköba qeget. Mewö qegetka maripomnöñ qemegöra Rom yarö azi yeñgö böröñine alök. Mewö.

Jisös kukulömbuan ak wanğiget.

Mak 15.16-20; Jon 19.2-3

* 27:24: Dut 21.6-9

²⁷ Böröjine aliga Rom premiögö yarö azi yeñon Jisös wañgita premiögö jakömbuak mirigö kiripo uruñe añgotket. Añgota yarö kambu lökñanök öröm enjigetka kaba tokoba Jisös liliköm wañgiget. ²⁸ Liliköm wañgiba nanñi sile esuñi köteköba maluku pisikñi gugakgugak kun löngöt wañgiget. ²⁹ Löngöt wañgiba sötmän kösö limbinja ila ewö nöropñe kölget geyök. Geiga jehot kun böröñi öñje ala simin köl wañgiba göngönahit aka wañgiba kewö jiget, “Owe owe, Juda yengörej kiñ, owe!”

³⁰ Titipepe mewö aka söutkölap qeba jehot öröpñi wañgita mianñon nöropñe qeget. ³¹ Mepaqepaik mewö ak wañgim teköba maluku pisikñi gugakgugak mi qeköba nanñe sile esu kunbuk löngöt wañgiba maripomnöñ qebingöra wañgita anget. Mewö.

Jisös maripomnöñ qeget.

Mak 15.21-32; Luk 23.26-43; Jon 19.17-27

³² Anda köna namñe azi kun qetñi Saimon miwikñajaget. Yanñon Afrika siti qetñi Sairini miangö azinja. Miwikñaiaba kuñgum wañgigetka Jisösgö maripomñi memba añguyök. ³³ Jisös mewö wañgita gölme kun qetñi Golgota mi nanine keunöñ Nöröpsihit, miangörej anda añgotket. ³⁴ *Añgota wain o aka marasin qetñi mör mi mindiriba lolonqalon memba nemapköra wañgigetmö, Jisösnöñ mi esapköba memba möta tököyök.

³⁵ *Tököiga kinda maripomnöñ qeget. Qeget kiniga kiawen meget qötöñi ahuiga miangö dop Jisösgö sile esuñi sutjine mendenja meget. ³⁶ Mi memba tata Jisös jegalöm ak wañgiget. ³⁷ Nöröpñe eu qegeraño könañi kewö ohoba qeget, ‘Juda yengö kiñ kembuñina ki.’ ³⁸ Kegwek-kahasililij azi yahöt mi yambuk maripomnöñ etkuget. Kun böröñi öñje, kun qaniñe likepliklep mewö etkuget.

³⁹ *Ambazip ongita anda kaba kukulömbuaj aka jelikit aka nörop köla kewö jiget, ⁴⁰ *‘Ye! Gi mönö jöwöwöl jike ölop köndenñonga gölmenöñ eriga wehön karöbutkö uruñe kunbuk mem wahöt kuñgumangö jinöñ. O, gi azi qetpuk! Gi Anutugö Nahönña akzan ewö, mönö ölop nangi bauköm añguba maripomnöñök etman.’

⁴¹ Jike nup galöm, Köna keugö böhi aka kantrigö jitñememe yeñon mewöyök mepaqepaik ak wañgiba kewö jiget, ⁴² “Tosatña bauköm enjiba malökmö, nanñi bauköm añgumangö osiza. Yanñon Israelgö kiñ akza ewö, mönö döli maripomnöñök eri eka mi möt naribinak. ⁴³ *Yanñon Anutu möt narim wañgiba ewebibinjambuk mala nanñangöra ‘Anutugö Nahönñi akzal’ jiuga mörin. Ayop, Anutunöñ i nalö kewöñe meköm wangimangö mötza me qahöwi, mi ölop ekin.” Mewö jiget. ⁴⁴ Kegwek-kahasililij azi yambuk maripomnöñ etkugeri, yetkön mewöñanök uruqeqe keu töhörej jim wañgiyohot. Mewö.

Jisösnöñ kömuyök.

Mak 15.33-41; Luk 23.44-49; Jon 19.28-30

⁴⁵ Silim bibinji 12 kilok aiga miangörejök söñaupnöñ eta gölme pakpak dop köla ahöiga anda aua karöbutkö dop ahök. ⁴⁶ *Jisösnöñ 3 kilok miangörej nanñe keunöñ kewö qet ketanji qerök, “Eloi, eloi, lama sabaktani?” Mi nanine keunöñ: Anutuni, Anutuni, mönö wuanöñgöra andö nöbuzant?

* **27:34:** Sum 69.21 * **27:35:** Sum 22.18 * **27:39:** Sum 22.7; 109.25 * **27:40:** Mat 26.61;
Jon 2.19 * **27:43:** Sum 22.8 * **27:46:** Sum 22.1

47 Mewö qeriga azi kösutne kingeri, yenğörenejök tosatnjan mi möta jiget, “Mönö Elaijagöra qetza.” 48 *Mianğörenejök yenğörenejök kunñan ösumñan anda mömön dö kun kahali tandök mi memba wain o asölñambuknöñ kundungöba ip göröm kitipne jöhöba suruba Jisös numbuñe eu ali neyök. 49 Neyökmö, tosatnjan jiget, “Mönö mosötketka nanñök kinök. Elaijanöñ kaba meköi etma me qahöpto, mönö mi ekin.”

50 Mewö aketka Jisösñöñ kunbuk qet ketanji qeta söñğörö ösum kondikñi öröba kömuyök. 51 *Kömuiga mianğörenejök jöwöwöl jikegö uruñe opo *kinöhi, mianñon euyök bibiñe jurata eta yahöt ahök. Mewö eriga gölmenöñ kenöñ ketanjan meiga köt ketanji ketanji mesinñök. 52 Qaksirigö köt köteñi mienğö numbuñinan nanñök anañigetka ambazipñi sarakñi kömugeri, yenğörenejök gwötpukñan guliba wahötket. 53 Wahöta qaksirigö köt köteñini mosöta Jisösñöñ kömupñöhök wahöröhi, mianğö andöñe Jerusalem siti töröñi mianğörenej kaba ambazip gwötpuk asuhum enğigetka engeget.

54 Suahö galöm aka yarö azi yambuk Jisösgö jegalöm memba malgeri, yenñon kenöñ meiga yuai tosatñi pakpak asuhuyöhi, mi eka auruba jönömñini gwötpuk unduiga kenğötporiñ aka kewö jiget, “Yañon mönö ölña Anutugö Nahönña akza.”

55 *Ambi gwötpukñan sikep kinda yuai mi mewöyök eket. Yenñon Jisös wuatangöba Galiliyök kaba welen qem wanğiba malget. 56 Yenğö sutñine Magdalagö Maria aka Maria Jaims aka Joses yetkö namñiri aka Zebedigö nahönyahöt yetkö namñiri. Mewö.

Jisösgö qamötñi löm kölget.

Mak 15.42-47; Luk 23.50-56; Jon 19.38-42

57 Mare aiga Arimatia azi pomñi kun qetñi Josef kayök. Yañon mewöyök Jisösgö gwarekñi kun ahök. 58 Yañon Pailötgöreñ anda Jisösgö qamötñi memangö qesiyök. Qesiiga suahö azinöñ mi Josef wanğimegö jim kutum enğiyök.

59 Jim kutum enğiiga Joseföñ anda Jisösgö qamötñi memba eta opo tuatñan esuhuyök. 60 Esuhuba memba qaksirinöñ anda nanñi köteñ dölökñi kötnöñ urorohogetka kinöhi, qamötñi mi mianğöreñ alök. Mewö ala köt ketanji kun metaliga köteñ numbuñi közipköiga mosöta anök. 61 Magdalagö Maria aka Maria alañi kun yetkö mianğöreñ köt köteñ mesohol köla tarohot.

Yarö azi qaksiri galöm meget.

62 Sabat kendon tatatköra yuai mözözömgöba ahöba wahöta mianğöreñ jike nup galöm aka Farisi (Köna keugö kapañkölköl) yenñon Pailötköreñ anda tokoba kewö jiget. 63 **“Ketanamnini, enololonğö urukungukungu azi mianñon jebuk malöhi, nalö mianğöreñ kewö jii mörin, ‘Nönñon wehön karöbut teköiga kunbuk guliba wahötmam.’ Neñon keu mi mötmörizin.*

64 Mianğöra gönön ölp yarö aziurupki jinöñ möta qaksirinöñ anda mi törörök jegalöm memba malgetka wehön karöbut teköiga mosötme. Mewö qahö galöm membeak ewö, gwarekurupñan mönö anda qamötñi ölöñ memba asamböta ambazip kewö jiget mötpeak, ‘Jisösñöñ mönö kömupñöhök wahörök.’ Mewö jigetka tilipqilip enololon keu kondikñi kianñon mönö

* 27:48: Sum 69.21 * 27:51: Eks 26.31-33 * 27:51: Opo mi jöwöwöl jikegö oleni kömbukñi aka oleni töröñi kötökñi mietkö sutñire kinök. * 27:55: Luk 8.2-3 * 27:63: Mat 16.21; 17.23; 20.19; Mak 8.31; 9.31; 10.33-34; Luk 9.22; 18.31-33

enjololon keu mutukni ongiriga böliqolibapuk.”⁶⁵ Mewö jigetka kewö jii mötket, “Yarö azi ki mönö ölop enjuaŋgita anda al enjigetka qaksiri köten numbuŋi mi törörök galöm köl soroköme.”

⁶⁶ Mewö jii möta qaksirinöŋ anda köt kötenaŋgö numbuŋe köt ketaŋi algetka közipköba kinöhi, mi supapŋi ala yarö azi al enjigetka jegalöm köhöikŋi meget.

28

Jisösnöŋ kömupnöhök wahörök.

Mak 16.1-10; Luk 24.1-12; Jon 20.1-10

¹ Sabat kendon tatket teköiga Sonda söŋanök wahöta miri gianaiga Magdalagö Maria aka alaŋi Maria kun yetköŋ qaksirigö köt köten ekitkö anohot.

² Anohotka miangöreŋök kenöŋ ketaŋi kewögöra meyök: Kembangö garata kunöŋ Suepnöhök eta qaksirinöŋ kaba numbuŋe köt ketaŋi qetali ani qakŋe tarök. ³ Garatagö kaisongolomŋi mi wöl ewö aiga malukunŋi mi kousu ewö tuat lalamŋi ahök.

⁴ Mewö asuhuiga yarö azi qaksiri galöm megeri, yeŋön yangöra awöwöliba jöŋömmŋi undui kömum töriget. ⁵ Mewö aketka garatanöŋ ambi yahöt yetköra keu kewö jiyök, “Jisös maripomnöŋ qegeri, iŋiri yangöra jaruzahot, mi mötzal. Miangöra mönö keŋgötŋiri kude mötmahot. ⁶ Nanŋak jiyöhaŋgö dop mönö kömupnöhök wahötza. Miangöra ki qahö ahöza. Mönö kaba dum ahöyöhi, salupŋi mi ekŋahot.

⁷ “Mi eka ösumok gwarekurupŋi yeŋgöreŋ anda buzup keu ki jiyohot mötme, Jisösnöŋ kömupnöhök wahötza. Mötket, yeŋön mönö qeljiŋe mutuk Galili prowinsnöŋ anma. Iŋini ölop miangöreŋ anda i ekŋe. Mötket, nöŋön mi lök jibi mötze.”

⁸ Mewö jiiga zilaŋök qaksiri mosöta keŋgötŋiri möta töndup önöŋi qahö söŋgaiba buzup mi memba gwarekurupŋi jiyohot mötmegöra ösumŋiran anohot. ⁹ Ösumŋiran anohotka Jisösnöŋ i könanöŋ asuhum etkiba “Söŋanŋiri!” jiyök. Mewö jiiga kösutŋe anda sipköba könaŋe meraköba waikŋi memba möpöseim waŋgiyohot. ¹⁰ Möpöseim waŋgiyohotka kewö jii mörohot, “Keŋgötŋiri kude mötmahot. Mönö anda munurupnan Galili anmegö keu jiyohotka miangöreŋ anda ni nekŋe.” Mewö.

Qaksiri galöm meme yeŋön kösohotŋini jiget.

¹¹ Ambiyahöt yetköŋ köna anohotka qaksirigö köt köten galöm meme yarö azi tosatŋan sitinöŋ kaba jike nup galöm engeka yuai pakpak asuhuyöhi, miangö kösohotŋi jiget mötket. ¹² Yeŋön mi möta Juda yeŋgö jitjememurupŋini öröm enjigetka mohotŋe totoko ala Jisös wahötwahötkö keu asambötŋingö keu areŋ miwikŋaiba monen keta bölöknŋi mi yarö azi enjiget.

¹³ Mi enŋiba kewö jim kutum enjiget, “Iŋini mönö keu kewö jime: Nini sunŋem gaun ahöinga gwarekurupŋan ölöŋ kaba qamötŋi yeŋgorö memba anget. ¹⁴ Keu mewö jigetka keu mianöŋ premiögö kezapŋe gei mötma ewö, lömböt enŋö qakŋine öŋgöbapüköra neŋön mönö uruŋi mölöwöriba memba eta alinga waimanŋat qahö malme.”

¹⁵ Mewö jim kutum enjigetka miangö dop aka monen memba anda nup keuŋini wuatangöget. Mewö aketka Juda yeŋön keu mi sutŋine jim sehigetka

möta malgetka anda nalö kewöŋe mewöyök mi toroqeba jiget mörakzin. Mewö.

Misin nup membingö jimkutukutuŋi

Mak 16.14-18; Luk 24.36-49; Jon 20.19-23; Apo 1.6-8

¹⁶ *Gwarekurup 11 yeŋön Jerusalem mosöta Galili prowinsnöŋ anda Jisösnöŋ kundunje anmegöra jiyöhi, miangörej öŋgöget. ¹⁷ Miangörej öŋgöba Jisös eka waikŋi memba möpöseim wangigetmö, tosatŋan yangöra uruyahöt aket. ¹⁸ Möpöseim wangigetka yeŋörej kaba kewö jiiga mötket, “Suepkö aka gölmegö kukösum pakpak mi Anutunöŋ niŋgiiga nöŋgörej ahöza.

¹⁹ *“Miangöra iŋini mönö gölme dop anda ambazip kambu pakpak kewö enögmegetka nöŋgö gwarekurupni akŋe: I mönö Iwi, Nahön aka Uŋa Töröŋi neŋgö qetnine o melun mem enjime ²⁰ aka nöŋön keu wuatangömegöra jim kutum enjiali, mi pakpak tem kölmegöra mönö kusum enjiba malme. Mötket, nöŋön mönö nalöŋi nalöŋi embuk mala anda malbiga gölmegö nalöŋan teköma.” Mewö.

* 28:16: Mat 26.32; Mak 14.28 * 28:19: Apo 1.8

Mak Ölöwak Buña Maknönj ohoyök. Jim-asa-asari

Mak namñi qetñi Maria, iwiñi qetñi qahö mötzin. Jerusalem siti tonj malget. (Aposöl 12.12) Nanñi kösohotñi kun qetñi qahö qeta boñ 14.51-52 mianğoreñ ohoi ahöza. Pitönönj baukôm wanğiiga urunji melenğniga Buña kusum wanğiyök. Wanğiiga numbutñi Barnabas aka Pol yetpuk liliköba misin nup memba anda Pol mosöta deñnohot. Deñnohotka toroqeba nup memba mala Buña kösohot mohok mohok qezaköba mindiriba kian kantri yengöra Grik keunönj ohoyök. Jisösgö keunji mi Arameik. Mi “Eli eli lama lama sabaktani,” mianğö dop.

Jisösnönj urugö nupñi denöwö memba Anutugö Nahönñi aka ambazip baukôm enğiba malöhi, Maknönj keu mi jim asariba ohoyök. Jisösgö nupñi bohonñi karöbut: Buña kusum enğiyök, ömewöröme közöl enğiyök aka siñgisöndok mosöta kawölñi kawölñi mem ölöwahök.

Buk kianğö bahönji bohonñi 6 mi kewö:

Keu mutukñi: Jon aka Jisös 1.1-13

Qenjarök nup Galili urunje meyök 1.14-9.50

Galili mosöta Jerusalem anök 10.1-52

Jerusalem Sonda mohot mala kömuyök 11.1-15.47

Jisösnönj kömupnöhök wahörök 16.1-8

Wahöta asuhuba Suepnönj öngöyök 16.9-20

1 Amötqeqe Tonj Jisös Kraist mi Anutugö Nahönñi akza. Nöñön yangö Ölöwak Buñañi könahiba ohozal.

Jonönj Jisösgö köna mesarök.

Mat 3.1-12; Luk 3.1-18; Jon 1.19-28

2 *Anutunönj Suep urunje Nahönñangöra keu kun jiiga kezapqetok azi Aisaianönj mi ohoiga yangö Buzup Kimbinönj kewö ahöza,

“Mötnönj. Nöñön kolek garatani kun melaibiga qeljiñe anda ambazip urunji mindiñgöba göhö könagi mesariga göñön yangö andönje gölmenönj geman.”

3 **“Kolek garata kunönj gölme qararanğölkölñe qeta maliga anda qetñi kewö mötme, ‘Kembunönj kamawo! Mianğöra mönö jöjöröba könani mesatket. Mönö urunji mindiñgöba könani qölöleiget’.”*

4 Keu mianğö dop azi kun qetñi Jon asuhuyök. Qetñi alañi O-melun azi. Asuhuba gölme qararanğölkölñe mala kinda Buña keunji kewö jiba malök, “Iñini mönö urunji melengetka nöñön o melun mem enğimam. Mewö aketka Anutunönj siñgisöndokñini sanğonđa mosötma.” 5 Mewö jiba maliga Judia prowinsgö miriñi pakpak aka Jerusalem siti yeñön kambuñi kambuñi köla öröba Jongöreñ kaget. Kaba kanğota siñgisöndokñini jim miwikñaigetka Jonönj i Jordan o töwatñe o-melun mem enğiyök.

6 *Jongöreñ silepöke mi kamel jupñan memeni aiga kembangan örigit sömbup sileñan memeni mi jöhöba malök. Neneñamñi mi gawöt jinam aka arökñangö moron onji, mia nempa malök. Mi pakpak kezapqetok azi Elaija (Elia) yangö

* 1:2: Mal 3.1 * 1:3: Ais 40.3 * 1:6: 2 Kin 1.8

dowa. ⁷ Jonöj keu kewö jim asariba malök, “Nönggö andöne azi kukösumñi köhöikñi kun kama. Yangö kukösumñi öngöngöñan mönö nöngörej ongitma. Yanön azi öngöngöñi akñawanöra nöñon yangö köna esunangö kösöñi bauköba pösatmangö qötötangömam. ⁸ Nöñon o töhöñon melun mem engizalmö, yanön mönö Uña Töröñan melun mem engima.” Mewö.

Jonöj Jisös o melun mem wangiyök.

Mat 3.13-17; Luk 3.21-22; 4.1-13

⁹ Nalö miangörej Jisösnöj Galili prowinsgö miri Nazaret miangörejök Jongörej kaiga Jordan o töwatñe o-melun mem wangiyök. ¹⁰ Mem wangiyöga onöhök koriga miangörejök Suepnöj anañjiiga Jisösnöj uba ehiga Uña Töröñi melenäda kembö nei ewö aka Jisösgö qakñe eta meöyk. ¹¹ *Mi ehiga Suep mireyök keu kun kewö asuhuyök, “Göñon mönö nani wölböt nahöni aknönnga köroni ölöwahiga geknahöm ak gihizal.” Mewö.

Satanöj Jisös esapköba malök.

Mat 4.1-11; Luk 4.1-13

¹² O melun mem wangiyöga miangörejök Uña Töröñan Jisös kuñgum wangiyöga gölme qararankölkölñe anök. ¹³ Anda wehön 40 miangö dop miangörej maliga öme bohonñini Satan yanön esapköm wangiba malök. Sömbup kalñi miengö sutñine maliga Suep garata yeñon bauköm wangiba malget. Mewö.

Jisösnöj gwarekurupñi mutukñi engoholök.

Mat 4.12-22; Luk 4.14-15; 5.1-11

¹⁴ Könanjep Jon kösö mire alget tariga Jisösnöj nalö miangörej Galili prowinsnöj lilingöba anök. Anda Anutugö Ölöwak Buñaji jim asariba malök. ¹⁵ *Jim asariba kewö jiyök, “Anutunöj bemtohoñi almawangö nalöñan mönö dopdowiza. Anutunöj nalö aliga mala malgetka döлки akza miangöra mönö uruñini melenäda Ölöwak Buña möt nariget.” ¹⁶ Jisösnöj mewö jiba liliköba mala Galili o angögö görañe mötöteiba anda söra örörö azi yahöt ekehök. Qetñiri Saimon, munñi qetñi Andru. Yekñon mösakñiri o angönöñ söra öröbitköra gila malohot. ¹⁷ Jisösnöj etkeka kewö jiyök, “Aziyahöt, inñiri mönö ni nuatangöba kayöhotka kusum etkibi ambazip söra ewö öröm engimakñahot.” ¹⁸ Mewö jiiga miangörejök mösakñiri mosöta könahiba Jisös wuatangöba anöhot. ¹⁹ Jisösnöj yetpuk borom kun toroqeba anda Zebedigö nahönñi Jeims aka munñi Jon ekehök. Yetkün mewöñanök wangenöñ tata mösakñiri möhangöba jöhöba malohot. ²⁰ Malohot ekeka miangörejök etkoholök. Etkoholiga iwiñiri Zebedi aka moneñ nup aziurupñi wangenöñ engömosöta könahiba Jisös wuatangöba andöñe anohot. Mewö.

Jisösnöj öme kun wuatangöyök.

Luk 4.31-37

²¹ Mewö mohotñe anda Kaperneam sitinöj angotketka Sabat kendon aiga Jisösnöj miangörejök köuluk mirinñine öngöba Buña kusum engiyök. ²² *Köna keugö böhi ewö qahöpmö, kukösum ahöm wangiyöhangö dop kusum engiba ahakmemeñangö dop akñegöra jiyök. Miangöra könagesö yeñon mi eka auruba welipköget.

²³ Köuluk mirinñine miangörej nalö miangörejök azi kun ömeñambuk tariga öme miangöñ qetñi kewö qerök, ²⁴ “O Jisös, Nazaret asia! Gi wania ak

* 1:11: Jen 22.2; Sum 2.7; Ais 42.1; Mat 3.17; 12.18; Mak 9.7; Luk 3.22 * 1:15: Mat 3.2 * 1:22: Mat 7.28-29

nenjimamgö akzane? Mönö ayuhum nenjimamgöra kazan me? Ni könanjamgi möt kutuzal. Gi Anutugören azi Tök-kutukutuñi mi akzan.”

²⁵ Mewö qeriga Jisösnöñ tembula kewö jim wanjiyök, “Gi mönö keugi bököiga azi ki mosöta kesalnöñ.”

²⁶ Mewö jim wanjiiga ömenöñ azi mi utuköba urepköm wanjiba qet bölöbölö qeta kota mosöta anök. ²⁷ Aniga körekñan nemböñini teköiga welipköba qesim anguba kewö jiget, “Ye! Ki mönö wani yuaia? Ki mötmöt dölöknji kukösumñambuk. Yanön ömewöröme mewöyök jim kutum enjiiga jitñi tem kölje.”

²⁸ Mewö asuhuiga Jisösgö qetbuñan könöpuk sehiba miri kösutñe tat angeri, mianjören anda anda Galili prowins pakpak dop kölök. Mewö.

Jisösnöñ kawöl ambazip gwötpuk meiga ölöwaket.

Mat 8.14-17; Luk 4.38-41

²⁹ Jisösnöñ Kaperneam yengören köuluk miri mosöta mianjörenök Jeims Jon yetpuk Saimon aka Andru yetkö mire öngöget. ³⁰ Mianjören öngögetka Saimongö suhunñan silekönöp kawöl yöhöi ahöyök. Ahöiga buzupñi mi ösumok Jisös jiget mörök. ³¹ Jiget möta yangören anda böröñe memba kököbiiga wahörök. Wahöriga silekönöpñan mosöriga nene ohoba gumohom enjiyök.

³² Gumohom enjiiga mare aiga wehön jeñi geiga mianjören Kaperneam tonji yeñon kinda ambazipñi ambazipñi kawöl ömeninambuk mi körek enguanigita Jisösgören kaget. ³³ Kaperneam taonöhök kambulembenöñ kaba Saimongö miri nanñe tokoget. ³⁴ Tokogetka kinda ambazip kawöl könanji könanji enjöhöyöhi, mi gwötpuk mem ölöwak enjiyök. Mewöyök ömewöröme yeñon Jisösgö könanji mötkerangöra Jisösnöñ numbuñini muhungöba gwötpuk enguatanjöyök. Mewö.

Amöt böröñi Galili körek dop kölök.

Luk 4.42-44

³⁵ Jisösnöñ gaun ahöiga miri wanjaran suruiga wahöta miri yaigepñe geba görañe anda nanñök tiñ kutuba mianjören köuluköyök. ³⁶ Köuluköiga Saimon aka alaurupñi yambuk malgeri, yeñon zilañ könanje anget. ³⁷ Anda miwikñaiba kewö jiget mörök, “Ambazip körekñan mönö göhöra jaruze.”

³⁸ Mewö jigetka möta kewö jiyök, “Miri tosatñi tosatñi liliköba tat anjei, ekze. Nöñon Buña keu miri dop jim sehimangöra eta maljal. Mianjöra mönö miri liliköba anbin.”

³⁹ *Mewö jiba anda Galili prowins körek liliköba köuluk miriñine Buña keu jiba ömenji ömenji mi enguatanjöba malök. Mewö.

Jisösnöñ uzikuku azi kun mem solaniyök.

Mat 8.1-4; Luk 5.12-16

⁴⁰ Jisösnöñ taon kunöñ maliga uzikuku azi kunñan kaba simin köla Jisösgö wösöñe geba kewö köuluköm wanjiyök, “Göñon sihimgan mem ölöwak niñjimamgö mötzan ewö, mönö ni ölöp mem solanim niñgiman.”

⁴¹ Mewö jiiga yangöra wösöñi möta böröñi böranña silenji misiriba jiyök, “Nöñon mi akñamgö mötzal. Gi mönö solaniman.” ⁴² Mewö jiiga uzikukuñi mi mianjörenök solanii ölöwahök. ⁴³ Solaniiga galöm meme keu köhöikñi wanjiba mianjörenök “Ölöp anman,” jiyök. ⁴⁴ *Goro mi kewö jiiga mörök, “Mötnöñ. Kiangö buzup keuñi mi kun kude jinöñ mötme. Qahöpmö, mönö jike nup galömgören anda silegi kondel wanjiman aka Mosesgören jimkutukutu

wuatangöba solanizananjö saiwap nalukni ala jöwöwöl ohoman. Mi ohonöj ehiga ambazipnöj könanjamgi möt kutume.”

⁴⁵ Jisösnöj mewö jiyökmö, yanön anda töndup könahiba keu buzupni mi gwötpuk jiba maliga sehüyük. Sehiiga Jisösnöj taonni taonni mianjörej aukje kunbuk anmamgö osiyök. Osiba taon andöjine miri gwamönni mianjörejök malök. Mianjörej maliga miri dop mianjörejök ambazipni ambazipni mi yanjörej kaget. Mewö.

2

Jisösnöj azi sile likepni kömukömuji möhamjöyök.

Mat 9.1-8; Luk 5.17-26

¹ Mewö liliköiga nalö tosatni teköiga Jisösnöj lilingöba kunbuk mirine Kaperneam kayök. Kaiga “Mire malja,” jiget mötket. ² Ambazip gwötpuknan mi möta tokoba yanjö miri nanju söndakje gwözöjda sombemje kokolak qeget. Kokolak qegetka Jisösnöj kinda Buja keu jiiga mötket. ³ Mötketka mianjörej azi kun sile likepni kömukömuji, mi wanjita yanjörej kaget. Azi 4:nan i kululunöj ala anguba kaget. ⁴ Kagetka gwözöjda kingerangöra aka Jisösgö kösutne anda albingö osiget. Osiba miri qakje öngöba Jisösgö bohonjeyök bo esim lulunget. Lulungetka kinimni ahuiga mianjörej kawöl azi mi kululunambuk kösönöj jöhöba algetka geiyök. ⁵ Mewö geiga Anutu möt narim wanjigeri, Jisösnöj yengö tandökjini mi ehi dop köliga kawöl azigöra kewö jiyök, “Nahöni! Nöhön singisöndoki mosötzal.”

⁶ Mewö jiiga Köna keugö böhi tosatnan sutjine tata urujinan kewö mötmöriget, ⁷ “Azi kianön denöwögöra mewö jiza. Mönö Anutu ilita mepaqepaik akza. Anutu mohotnan singisöndoknini mosörakzpmö, azi kunjan mi qahö.”

⁸ Urujanan mewö mötmörigetka Jisösnöj mianjörejök urujan mi möt kutuba kewö jii mötket, “Inini mönö wuanöngöra keu mewöni urujinan mötmörize? ⁹ Nöhön ‘Singisöndoki mosötzal,’ kawöl azigö mewö jizali, keu mianön mönö awamjanök jijnja. Kunjan mewö jiiga tosatnan keu mianjö ölni qahö ekje. Mianjöra mi keu awamjanjö dop. Nöhön keu kun kewö jimamgö mötzal, ‘Mönö wahöta tumbulahöpki memba anöj.’ Keu mi mönö lömbötjambuk jijnja akza. Mewö jibiga ölni ahuma me qahöwi, mianön mönö aukje asuhui ekje. ¹⁰ Mötket, gölmenöj singisöndok mosötmosötkö kukösumni mi Suep gölmegö azi öljangörej ahözawi, injini mianjö könanangöra janjuj malbepuk. Mianjöra keu lömbötji mi azi kiangöra jibi ölni eket,” Mewö jiba azi sile likepni kömukömujanjö jeje eka jiyök, “Nöhön göhöra jizal: Gi mönö wahöta tumbulahöpki memba mirige anöj. Keu lömbötji mi öljambuk akja ewö, keu awamni mi mönö mewöyök denöwögöra omanj akawak?” ¹¹ Mewö jiba azi sile likepni kömukömuji kewö jii mörök, “Nöhön göhöra jizal: Gi mönö wahöta tumbulahöpki memba mirige anöj.”

¹² Jiiga mönö wahöta mianjörejök tumbulahöpni memba ambazip pakpak yengö jejine yaigepne anök. Mewö aniga köreknan welipköba Anutu möpöseiba kewö jiget, “Ye! Tandök kewöni mi mönöwök nalö kungen qahö ehin. Qahö. Dölki je murutja ekzin.” Mewö.

Jisösnöj Matyu (Liwai) oholök.

Mat 9.9-13; Luk 5.27-32

¹³ Jisösnöj kunbuk Kaperneam mosöta anğönöj geba sak qöhöröje anda malök. Maliga ambazip kambulembenöj yangören kagetka Buja keu kusum enğiyök. ¹⁴ Anda takis ofis onğitmamgö aiga miangören azi qetnji Liwai Alfiusgö nahönji tariga eka jii mörök, “Gi mönö nöngö andöne kanöj.” Mewö jiiga möta wahöta takis nup mosöta Jisösgö andöje anök.

¹⁵ Anda Liwaigö mire anda nene nembra tatkeri, nalö miangören takis meme azi tilipqilipjinambuk aka singisöndok azi gwötpukñan kaba Jisös aka yangö gwarekurupñi yembuk tata nene mohokñe neget. Gwötpukñan mönö Jisös wuatangöba malget. ¹⁶ Jisösnöj takis meme tilipqilipjinambuk aka singisöndok ambazip tosatñi yembuk tata nene negeri, mi Farisi (Köna keugö kapankölköl) aka yeğören böhi tosatñan eka Jisösgö gwarekurupñi kewö jim enğiget, “Aek! Yanön mönö wuanöngöra takis meme tilipqilipjinambuk aka singisöndok ambazip yembuk tata nene neza? Mi qahö dop kölja.”

¹⁷ Mewö jim enğigetka Jisösnöj likepñi kewö jii mötket, “Sile unditundit ambazipnöj doktagöra qahö ak enğimakzampö, kawöl ambazipnöj doktagören anakze. Nöñön singisöndok ambazip enğoholmamgöra kaba maljalmö, ambazip nanñinanğö mötketka solanñi akzei, i qahö.” Mewö.

Nene sinği malmalgö keunji

Mat 9.14-17; Luk 5.33-39

¹⁸ Nalö miangören Jongören gwarekurupñi aka Farisi (Köna keugö kapankölköl) yeñön nene sinği malgetka tosatñan Jisösgören kaba kewö qesiget, “Jon O-melun azigö gwarekurupñi neñön Anutugöra nene sinği malahakzin. Farisi (Köna keugö kapankölköl) yeğö gwarekurupñinan mewöñanök aka malje. Nangi gwarekurupkan mönö wuanöngöra Anutugöra sinği qahö malje?”

¹⁹ Mewö qesigetka kewö melenök, “Öñja! Nini wani nalönöj nene sinği malakzin? Ambi meme nalöje azigö andöurupñan könöpñi algetka ambigö sepkitipurupñan yuai mi tökömakze me qahö? Nöñön nani gwarekurupñi yeğö azi buñaya aka yeğö sutñine köisirik tatzal. Tatpiga yeñön miangöra aijölön söngaiba tata sinği malbingö osimakze. ²⁰ Osimakzemö, Anutunöj noanğiri kömumbiga yeñön mönö nalö miangören ölop sinği malakñe.

²¹ (Injini malmal walñi aka sösongai Buja döläkñi mi mindirim etkibingö osime. Miangö keu pasetñi mi kewö jibi mötket:) Löngölöngöt walñi jurariga kunñan opo döläkñi qahö sanğonşanğonji mitiba miñön opo su jöhanñi qahö uhum memba umgörenğömakza. Mewö akawak ewö, opo su jöhanñi döläkñan mönö waziba löngölöngöt walñi öröiga kunbuk tinğiriga kinimñan qariba böliqölibapuk. ²² Mewöñanök kunñan wain o döläkñi mi jobö me toru walñi lama silenñan memenji miangören qahö kusuiga gemakza. Mewö akawak ewö, wain o döläkñan mönö qariba toru qesinñiga jula mokoiga gölmenöj eta sohoiga toruñan böliqölibepuk. Miangöra wain o döläkñi mi toru döläkñeyök mokoin geiga dop kölma. (Mewöñanök o ölopñi mi gina gisagisahöje qahö umakzin. Mewö ubinak ewö, miñön mönö jula kisipisirik eriga nembra kawöl nengöhöbapuk. Mewö akapuköra o ölopñi mi gina ölopñe umakzin. Injini mewöyök malmal walñi aka Ölöwak Buja döläkñi mi mindirim etkibingö osime.) Mewö.”

Jisösnöj Sabat kendongö Kembunji akza.

Mat 12.1-8; Luk 6.1-5

²³ *Miangö andöŋe Sabat kendon kunöŋ Jisösnöŋ wit padi nup köröŋi ketanĵi kutuba anök. Aniga gwarekurupŋan wösöŋjini enġuiga wit ölnĵi mohot mohot könahiba böröŋinan misiba neget. ²⁴ Mewö negeranġöra Farisi (Köna keugö kapanġölköl) tosatŋan Jisös kewö jiget mörök, “Mötnöŋ, yeŋön mönö wuanöŋgöra Sabat kendongö nup meme soŋgoŋi oŋgitze?”

²⁵ *Mewö jigetka kewö melenök, “Kin Deiwidnöŋ yarö aziurupŋi yembuk liliköba wösöŋjini enġuiga nenegöra osiba yuia akeri, mi lök nalö kunöŋ oyoŋget me qahö? ²⁶ *Yaŋön mönö Anutugö opo seri jikenöŋ öŋgöba beret kömbukŋi Anutugö jemesoholŋe altanöŋ alget tariga ösumŋan walöŋniga qekögeri, mi mönö memba neyök. Beret kömbukŋi mosötmosötŋi mi jike nup galöm yeŋönök nezema. Tosatŋan mi nembepuköra soŋgo ahöiga töndup neyök. Nemba aziurupŋi tok enġuiga mohotŋe neget. Nalö miangörenĵi azi qetŋi Abiatar yaŋön jike nup galöm bohonnaŋgö nup memba malök.”

²⁷ Mewö jiba kewö jii mötket, “Anutunöŋ Sabat kendon mi ambazip ölöwakŋegöra ali ahöza. Mia ambazipnöŋ laŋ jim kutumegöra aka qahö. ²⁸ Mewö aiga Sup gölmegö azi ölnan mönö Sabat kendongö Kembuŋi mewöyök akza.”

3

Jisösnöŋ azi böröŋi sösröŋgöŋi mem ölöwahök.

Mat 12.9-14; Luk 6.6-11

¹ Jisösnöŋ kunbuk köuluk mire öŋgöiga miangörenĵi azi böröŋi sosoholiŋi kun tarök. ² Miangörenĵi azi böröŋi sosoholiŋi kun tarök. Ambazipnöŋ Jisös keu jakeŋe al waŋġibingöra “Azi mi Sabat kendonöŋ möhamgöma me qahö?” jiba Jisös je galöm memba tatket. ³ Megetka Jisösnöŋ azi böröŋi sosoholiŋi mi kewö jii mörök, “Mönö wahöta jenine kinöŋ.” ⁴ Mewö jiba kewö jii mötket, “Köna keu wuatangöba Sabat kendonöŋ yuai ölöpŋi me bölöŋi akin? Ölöp kungö bohonŋi jöhöbin me mosöŋinga kömuma? Wanat kun meinga dop kölma?” Mewö jii möta göröŋ alget.

⁵ Keuŋini göröŋ tatketka lilingöm purik enġehi uruŋinan köhöikŋi gwözöŋnöhangaŋöra wösöbirik aka kukjejenöŋ enġehök. Mewö enġeka azi miangö jiyök, “Gi mönö börögi qötöteinöŋ.” Mewö jiiga böröŋi qötöteiba kunbuk ölöwahök. ⁶ Ölöwahiga Farisi (Köna keugö kapanġölköl) yeŋön yaigep anda miangörenĵök premiö Herodkö pati alaurup yembuk totoko ala “Jisös denöwö qein kömuma?” jiba keu nup meget. Mewö.

Jisösnöŋ kawöl ambazip mem ölöwak enġiyök.

⁷ Mewö megetka Jisösnöŋ gwarekurupŋi enġuangita o anġö jitŋe anget. Angetka Not prowins qetŋi Galili miangörenĵök ambazip kambulelembe yeŋön könaŋe wuatangöba anget. Judia prowins miangörenĵök mewöyök yaŋörenĵi kaget. ⁸ Siti bohonŋi qetŋi Jerusalem, Saut prowins qetŋi Aidumia aka Jordan o likepŋeyök Wehön Kotkotŋe yeŋön aka Wehön Gegeŋe görökenök taon qetŋiri Taiö aka Saidon liliköba malĵei, yeŋön mohok kambulelemenöŋ öröba kaget. Jisösnöŋ anġöletot ketanĵi ketanĵi memba malöhi, miangö buzupŋi möta mindiqindiriba kaŋgotket. ⁹ *Mewö kaŋgota utal waŋġibepuköra Jisösnöŋ gwarekurupŋi kewö jii mötket, “Ölököm niŋġibepuköra inĵi mönö waŋġe kun miwikŋaiba nöŋgöra dowe alget tarök.”

* 2:23: Dut 23.25 * 2:25: 1 Sml 21.1-6 * 2:26: Lew 24.9 * 3:9: Mak 4.1; Luk 5.1-3

¹⁰ Mewö jii möta ambazip sehisehinji mem ölöwak engiba malök. Mianğöra qemjem-mamjen aka sile lölömböröñinambuk pakpak yeñon sileñe misirib-ingöra liliköba gwötpuk aum metala utal wanğiget. ¹¹ Ömenji ömenji yeñon Jisös eka jemesoholñe gölmenöñ geba kewö qetket, “Gi Anutugö Nahöññi akzan!”

¹² Mewö qetketka Jisösñöñ qetal engiba könöñjamñan aukñe asuhubapuköra sonğo köhöikñi al engiyök. Mewö.

Jisösñöñ gwarekurupñi möwölöhöm engiyök.

Mat 10.1-4; Luk 6.12-16

¹³ Könañjep Jisösñöñ kundunje öngöba mianğöreñ nanñi sihimñanğö dop azi engoholiga yanğöreñ kaget. ¹⁴ Kagetka azi 12 mi yambuk malmegöra al engiba Buña keunji jim sehimegöra melaim engiyök. ¹⁵ Melaim engiba ömewöröme közöl engimegö kukösumñi engiyök.

¹⁶ Mewö aka azi 12 ki kewö al engiyök: Pitö, Jisösñöñ qet mi Saimon wanğiyök. ¹⁷ Jeims aka munñi Jon, iwinñiri qetñi Zebedi. Jisösñöñ yetkö qetñiri kun Boanerges qerök. Mi nanine keunöñ Pöndandangö Nahöñyahöññi. ¹⁸ Andru, Filip, Bartolomyu, Matyu, Tomas, Jeims Alfiusgö nahöññi, Tadius, Saimon Zelot-politik azia* ¹⁹ aka Judas Iskariot. Kariot azi mianğon könañgen Jisös mamalolo mem wanğiyök. Mewö.

Jisösñöñ öme yeñgö kukösumñini onğita qei etza.

Mat 12.22-32; Luk 11.14-23; 12.10

²⁰ Jisösñöñ mi al engiba kundunje yök eta nanñi miriñe kayök. Mire kaiga ambazip kambu ketanji kunbuk kanğota tokogetka mönö mianğöra tosolomñi yembuk nene nembangö osiget. ²¹ Osigetka sepkitipurupñan mi möta “Urunji lök sohoza!” jiget. Jiba geba wanğitpingöra anget.

²² *Angetka Köna keugö böhi Jerusalemök kageri, yeñon jiget, “Satangö Katakömulatnöñ mönö urunje geiga malja. Yanğon öme yeñgö kembunjanğö ösumnöñ ömewöröme enğuatangömakza.”

²³ Mewö jigerangöra Jisösñöñ engoholi kagetka dopkeunöñ kewö jii mötket, “Satanöñ mönö denöwö alañi Satan kun wuatangöbawak? ²⁴ Kantri kungö galömurupñjan sutñine anğururuk aka julme ewö yeñon mönö galömkölköl nupñini memba kinbingö osime. ²⁵ Mewöyök miri kungö könagesö yeñon sutñine anğururuk aka julme ewö, mönö galömkölköl nupñini memba kinbingö osime. ²⁶ Mewöyök Satangö könagesö yeñon sutñine anğururuk aka tuarenjon ak anğubeak ewö, galömkölkölnjanğö ösumñan eriga bemtohoñjan mönö qahöwakñangö akza.

²⁷ Kunñan azi köhöikñanğö köna böröñi mutuk qahö jöhöma ewö, yanğon mönö miriñe öngöba qezanđa sukinapñi memamgö osima. Mutuk i jöhöi tariğun mönö ölöp miriñeyök öröyuainji pakpak wanğita memba anma. (Mianğö dop nöñon mewöyök Satan jöhöba andöñe ömenji enğuatangömakzal.) Mewö.

Sinğisöndok mosötmosötñi qahö

²⁸ Nöñon keu ölnji kun kewö jibi mötme, “Ambazip ketanji moröñi sinğisöndok ahakzei, mi Anutunöñ mosörakza. Lömbötñambuk me awamñi mepaqepaik akeak mönö mi Anutunöñ sanğon engima. ²⁹ *Sanğon engimapmö, Kunñan Uña Töröñi ilita mepaikömawi, mianğö sinğisöndokñi Anutunöñ mönö nalö kunöñ qahö mosötma. Saumban! Sinğisöndok mianğon

* **3:18:** Nasönöl pati zelot yeñon Rom gawman tuarenjon aka nanñine kinkin membangöra tuaköpek memba malget. * **3:22:** Mat 9.34; 10.25 * **3:29:** Luk 12.10

mönö qakŋe öngöiga nalö teteköŋi qahö Anutugö jeŋe keuŋambuk malma.” Mewö jiyök. ³⁰ “Ömenöŋ uruŋe geyöhawa malja,” Jigeranğöra aka mewö kusum enğiyök. Mewö.

Jisösgö nam-munurupŋi.
Mat 12.46-50; Luk 8.19-21

³¹ Mewö eraum mötketka nam-munŋan kaba yaigep kinda yeŋğöreŋ etmapkö keu alget yaŋğöreŋ anök. ³² Aniga ambazip kambu yeŋön liliköm waŋgiba tata kewö jiget mörök, “Mötnöŋ! Göhö nam-mungan mönö yaigep kinda göhöra qesize.”

³³ Jigetka melenđa kewö jii mötket, “Nöŋgö namni mi daŋön aka munurupni daŋön?” ³⁴ Jisösnöŋ mewö jiba ambazip liliköm waŋgiba tatkeri, i uba enğeka kewö jiyök, “Eket nöŋgö namni aka munurupni mönö ki. ³⁵ Anutugöreŋ jitsihitŋi tem kölajakzei, mienön mönö nöŋgö namni aka nen-munurupni akze.” Mewö.

4

Qesin gilgil azigö dopkeu
Mat 13.1-9; Luk 8.4-8

¹ *Jisösnöŋ kunbuk o anğö jitŋe geba könahiba kusum enğiyök. Kusum enğiiga ambazip kambulelebenöŋ yaŋğöreŋ anda tokogetka waŋgenöŋ öngöba o anğö qakŋe anda tarök. Tariga ambazip pakpak yeŋön anğö góraŋe saknöŋ tokoget. ² Mewö tokogetka dopkeu gwötpuk jiba kusum enğiyök. Kusum enğiba kewö jiyök.

³ “Mötket! Azi kunŋan nene kötŋi qesin gilmanğöra nupnöŋ anök. ⁴ Anda qesin giliga kötŋi tosatŋan köna jitŋe geba kölget. Geba kölgetka (warawen) neiŋi neiŋi kaŋgota mi nem teköget. ⁵ Kötŋi tosatŋan köt jamönjiŋnöŋ geba kölget. Geba köla miangöreŋ gölme gwötpuk qahö miwikŋaiget. Gölme dutŋi qahö ahöyöhaŋğöra korapŋi zilaŋ kotket. ⁶ Kotketmö, wehönöŋ kota enguba jem kutum enğiiga jalöŋini qahöpköra soholiba gororöŋgöget. ⁷ Kötŋi tosatŋan siriuret wahinambuknöŋ miangöreŋ geba kölget. Geba kölgetka mienön kota qem turugetka böbölohot mem enğiget. Mewö aka ölni qahö kunğuet. ⁸ Kötŋi tosatŋan gölme ölöpnje geba kölget. Geba köla korapŋini jula wahöta ipŋinaŋgö ölni ölöpnji asuhuget. Tosatŋan kötŋini 30, Tosatŋan kötŋini 60, tosatŋan 100 miangö dop ahum sehiget.” ⁹ Mewö jiba jim teköyök, “Kunŋan urukezapŋambuk malja ewö, yaŋön mönö dopkeu ki kezap ala möt kutuma.” Mewö.

Jisösnöŋ wanigöra dopkeu jiyök.
Mat 13.10-17; Luk 8.9-10

¹⁰ Kambu ketanŋi yeŋön denđa angetka Jisösnöŋ nanjök tarök. Nanjök tariga gwarekurupŋi 12 aka tosatŋi liliköm waŋgigeri, mi mohotŋe dopkeu kiengö könaŋinaŋğöra qesim waŋgiget. ¹¹ Qesim waŋgigetka kewö melenđa jiyök, “Anutugö bemtohoŋe anğota malbingö keu tölapŋi mi enğöra aukŋe jibi möt kutuzemö, yaigep maljei, yeŋğöra mi pakpak mönö dopkeunöhök asuhumakza. ¹² *Mewö asuhuiga ‘Nanŋini jeŋinan yuai ekagun könaŋi töndup qahö möt kutume. Nanŋini Kezapŋinan keu törörök mötagun könaŋi töndup qahö möt asarime.

* 4:1: Luk 5.1-3 * 4:12: Ais 6.9-10

Mi möt asaribeak ewö, mönö ölop urunjini melengetka Anutunöy sinqisöndokñini mosötpawak.’ ”

Jisösnöy dopkeugö könañi jiyök.

Mat 13.18-23; Luk 8.11-15

¹³ Jisösnöy toroqeba kewö jii mötket, “Dopkeu miangö könañi kewö. Mi kude möt asarize ewö, dopkeu tosatñi pakpak jimami, mi mönö denöwö möt asaribeak? ¹⁴ Dop Keu miangö könañi kewö: Qesingilgil azinöy Buña keu qesinña gilja. ¹⁵ Nene kötni köna jitje geba kölgeri, mi kewö: Buña keu qesin gilgetka ambazip urujine gezapmö, mi mötketka Satanöy miangöreñök kaba keu urujine qesinget geyöhi, mi qeköba enjgungirakza. ¹⁶ Nene Kötni qesinña köt jamönjinnöy geba kölgeri, mi mewöyök ambazip söpsöpñi kun. Yeñön Buña keu möta miangöreñök sösongai qakñe möt anjgön kölakze. ¹⁷ Mewö ahakzemö, urujine jalöñi qahö ahöm enjgimapmö, nalö töröptökñi miyök kin köhöiba malme. Buña keugöra aka kahasililij me sesewerowero asuhuiga nalö miangöreñök mönö tala enguma. ¹⁸ Nene kötni qesinña siriuret wahinambuknöy geba kölgeri, mi kewö: Yeñön Buña keu mötketka urujine geza. ¹⁹ Gezapmö, gölmenöy malmalgö waimanjatñi aka moneñ inap memegö urukönöpñi ahuba lömbörim enjgimakzal. Qetbuñanambuk akingö köpösöngögetka sihim kömbönañi bölöñi tosatñan mewöyök urujine dungöba Buña keu böbölohot mem wangize. Mewö aiga öljini qahö gilipitñi (ambetakñi) akñe. ²⁰ Nene kötni gölme ölopñe qesinña geba kölgeri, mi ambazip kewöñi: Yeñön Buña keu kezap ala möta möt anjgön köla pöndañ kinda öljini miwikñaimakze. Tosatñan keu jit mohoknöhök kötni 30 miwikñaimakze. Tosatñan öljini 60, tosatñan keu köt mohot mohot miengö öljini 100 mem sehiba miwikñaimakze.” Mewö.

Lampe mi asakñi nenjgimapköra ahöza.

Luk 8.16-18

²¹ *Jisösnöy keu kun kewö jiyök, “Kunñan lambe me kiwa memba ohotiriba kimbut me dum bapñe alma me qahö? Mi waniñe alma? Mi mönö miangö dum tatatnöy aukñe alma. ²² *Mewöñanök yuai kun asambötket ahözawi, mi mönö aukñe asuhum tingitmapköra ahöza. Yuai kun köl turuget ahözawi, mi mönö lulunget kötulmapköra aka ahöza. ²³ Kunñan urukezapñambuk malja ewö, yanön mönö dopkeu ki kezap ala möt kutuma.” Mewö.

Denöwö diwelopmen ahuza?

²⁴ *Jisösnöy keu kewö jii mötket, “Keu mötzei, mi mönö möt anjgön köla urukönimñine ala köl guliba malme! (Mewö malgetka urujini diñgiiga mötmötñinan qariiga möt kömume.) Injini tosatñi yeñgö keunñi kewöta jim tekömei, Anutunöy mönö jimkutukutuñini mohot miangö dop nanñini keunñi kewöta jim teköma. Dop mi mönö onjgita likepñi melej engima. ²⁵ *Miangö könañi kewö: Kunñan mötkutukutuñambuk maljawi, Anutunöy mönö mi toroqem wanggiiga malmapmö, kunñan mötkutukutuñi qahö maljawi, Anutunöy mönö mötmötñi moröñi ahözawi, mi mewöyök qeköba wangitma. Mewö.

Buña keu kötni mi korapñambuk.

* 4:21: Mat 5.15; Luk 11.33
Mat 13.12; 25.29; Luk 19.26

* 4:22: Mat 10.26; Luk 12.2

* 4:24: Mat 7.2; Luk 6.38

* 4:25:

²⁶ Jisösnöy dopkeu kun kewö jiyök, “Anutugörey bemtohoñi mi kiangö dop: Azi kunnan nuwe anda nene kötni qesinda gilma. ²⁷ Qesinda gila anda sunjem silim ahöba wahöta ahöba wahöriga nene kötnangö korapñi jula korakze. Denöwö jula korakzei, mi nanjak qahö möt kutuza. ²⁸ Gölmenöy nannök nam köli ölni asuhumakza: Mutuk ipñi, könangep ölni aka miangö andönye ölnangö kötni mi körek asuhuba qarim teköme. ²⁹ *Ölni qarim teköba öliiga ölni memegö nalöñi aiga welenqeqeurupñi melaim engüiga souñini kapeñkapeñgöñi jitñinambuk memba ölni memingöra nupñe anme.” Mewö.

Nejoñ kötnangö dopkeu

Mat 13.31-32, 34; Luk 13.18-19

³⁰ Jisösnöy dopkeu kun kewö jiyök, “Anutugö bemtohoñi mi wanatpuk dop albinak me wanat söpsöp keu jiba jim asaribinak? ³¹ Mi nejoñ kötnangö dop kewö akza: Kötni mi morö közözömñi. Mi gölmegö nene köt pakpak miengö eretñini akza. Mewö aiga nup gölmenöy esize. ³² Esizemö, jula wahöta yöha pakpak enqonqita qariba böroñi ketanji gili anje. Mewö gili angetka könakembagö neiñi neiñi mienön aipñini miangö aumñe alakze.” Mewö.

Jisösnöy dopkeu gwötpuk jiyök

³³ Jisösnöy dopkeu mewöñi mewöñi mi gwötpuk jiba mala Buña keu jiiga mötket. Möt kutugerangö dop mi jiiga möta malget. ³⁴ Nalö dopkeunji pakpak mi dopkeunöy jiba malök. Keunji kun öne kude jiyökmö, gwarekurupñi yembuk nanjinök malgetka keu pakpak miengö könanji mi jim asarim enqiba malök. Mewö.

Jisösnöy jiiga raidimbom göröy qeyök

Mat 8.23-27; Luk 8.22-25

³⁵ Wehön miangörey mare aiga Jisösnöy gwarekurupñi kewö jii mötket, “Mönö mosöta angö kutuba likepñe angotpin.” ³⁶ Mewö jiiga ambazip kambu enqömosöta Jisös wangigetka wangenöy tari anget. Wanqe tosatñi mi mewöyök yembuk awatan anget. ³⁷ Angetka raidimbom ketanjan ömtöröp (töröppnanök) giliga sirinöy wanqe uruñe gegetka wanqe numbuñe qemangö ahök. ³⁸ Mewö aiga Jisösnöy wanqe teteköñe tata qömböñöñ nariba gaun ahöyök. Gaun ahöiga gwarekurupñan anda möndöba jiget, “Hei böhi! Nini anqönöy ayuhubingöra akzin. Miangö waimanjatñi kun mötzan me qahö?”

³⁹ Mewö jigetka imbinji möta luhut aka siri kewö jim qetal etkiyök, “Mönö bököba öne ahönöñ!” Mewö jiiga luhutnöy döngöiga sirinöy nöñ qeba ahöyök. ⁴⁰ Mewö aka kewö jim enqiyök, “Inini mönö wuanöngöra kenqöt mötmöt azia akze? Denöwögöra aka Anutu qahö möt narize? Sömbuñini mönö öne mötze.”

⁴¹ Jiiga awöwöliba qem sömbuñini möta eraum mötket, “Yei, azi kia mönö denöwöñan malja? Yanön mönö luhut aka köwet jim kutum etkiiga jitñi tem köljahot?” Mewö.

5

Ömenöy bau uruñine gegetka azinöy ölöwahot

Mat 8.28-34; Luk 8.26-39

¹ Mewö asuhuiga angö kutuba likepñe Gerasin yengö gölmenöy angotket. ² Anqota körokñe öngögetka Jisösnöy wanqe mosöriga miangöreyök azi ömenambuk kun mi qaksirinöhök kaba kinda Jisös miwikñiyök. ³ Azi mi qaksirinöy mala qamöt kötenji esiba urorohoget ahögerangörey ahöm malök. Azi

* 4:29: Joel 3.13

köreknön könaböröni tapep (munğamunğa) kösönöñ jöhöbingö osiba malget.

⁴ Indimni gwötpuk könani tapep kösönöñ jöhöba börötakñi qeba malgetmö, börö takñi kusula köna kösöñi titikutuba maliga köreknan i galöm köl osiget.

⁵ Osiba sungem asak dop sundan çaksirigö köt köteñnöñ me kundunçe lanlañ ahöba malök. Mewö mala silata qeta silenji kötnöñ qem kutumutuba malök.

⁶ Jisösnöñ tikep kaiga eka ösumñan kaba gölmenöñ kösutñe geba simin kölök.

⁷⁻⁸ Simin köliga Jisösnöñ ömenji mi kewö jim wañgimamgöra ahök, “Öme bölöñi! Gi mönö azi ki mosöta anöñ!” Mewö jimamgöra aiga qet bölöbölö ketani qeta jiyök, “Aek! Gi Jisös, Anutu öñgöñgöñanğö Nahönñi akzan. Gi denöwö ak niñgimamgöra kazan? Nöñön Anutugö jemesoholñe ulet gihizal: Gi keu jöhöba jöjöpaj keunöñ jim köhöiba mönö sihimbölö könöpñambuk kude ak niñginöñ.”

⁹ Mewö jiiga kewö qesiyök, “Gi qetki niñi?” Qesiiga jiget, “Nini gwötpuk maljinanğöra qetnini Lijön jizin.” Mi nanine keunöñ Kerök kambu ketani.

¹⁰ Mewö jiba kapan köla kewö ulet wañgiget, “Gi neñguatanğöbanak, mewö mönö gölme kianğöreñök kude melaim neñgiman.”

¹¹ Kösutñine kundunji marömñe mianğöreñ bau kambu ketani kun gwözözak urunçe kulunđa malget. ¹² Mianğöra ömenöñ kewö jiba Jisös ulet wañgiget, “Göñön melaim neñginöñga nini ölöp bau miengö urunçine gebin.” ¹³ Jigetka “Mönö anda geget,” jiba jim kutum ençiiga azi urunçeyök kota anda bau urunçine geget. Gegetka mianğöreñök bau kambu 2000 mianğö dop mi mönö luhuba nembönembönöñ anda jororonğöba o anğönöñ geba nemulahöba kömuget.

¹⁴ Kömugetka bau galöm yeñön ölöñ unjurata taon aka miri morömorö mianğöreñ anda keu buzupñi jiget. Jiget mötketka ambazip sesegilgil yeñön yuai asuhuyöhi, mi ekingöra kaget. ¹⁵ Kaba Jisösgöreñ kanğota eketka azi öme kambuñambuknöñ malöhañön mönö opo sileötañi törörök jöhöba tata urunji amöriiga imbi mötmötñi pakpak asuhiğa eka awöwöliget. ¹⁶ Kingetka bau mi denöwö geba kömugeri aka azi ömenjambuk yangöreñ yuai asuhuyöhi, mi ekeranñön kösohot yahöt mi jiget mötket.

¹⁷ Möta kinda Jisösnöñ mindimindiri sel gölmeñini mosöta anmapkö ulet wañgiget.

¹⁸ Ulet wañgigetka mosöta wañgenöñ öñgömamgöra ahiga azi ömenjambuk malöhañön kaba Jisösbuk mohotñe anda malmamgöra qesiyök.”

¹⁹ Qesiyökmö, Jisösnöñ qetal wañgiba kewö jii mörök, “Gi mönö mirige anda tinitosolomurupki enğeka Kembunöñ anğöletot ketani aka ak-kömum gihiyöhi, mianğö kösohotñi jinöñga mötme.”

²⁰ Mewö jiiga mosöta anda Jisösnöñ anğöletot ketani ketani ak wañgiyöhi, mianğö keunji könahiba Ten-taon distrik urunçe jim sehiğa köreknan welipköget. Mewö.

Jairusnöñ böratñanğöra Jisös köuluköyök.

Mat 9.18-26; Luk 8.40-56

²¹ Jisösnöñ wañgenöñ öñgöba lilingöba anğö kutuba likepñe kaiga ambazip kambu gwötpukñan yangöreñ kaba tokogetka anğö jitñe kinget. ²² Kingetka köuluk mirigö keu galöm kun qetñi Jairus yanñön kaba Jisös eka wösöñe geba simin köl wañgiyök. ²³ Simin köl wañgiba kapan köla köuluköba kewö jiyök, “Böratni moröñan mönö kömumamğö akza. Mönö kaba börögi çakñe alnöñga ölöwaka toroqeba malma.”

²⁴ Mewö jiba Jisös waŋgiriga mohotje anohotka ambazip kambulembe yeñon andöñire anda ölöqöloköba liliköm etkiba anget. Mewö.

Kawöl ambi kunöj Jisösgö malukuŋi misiriyök.

²⁵ Angetka miangörej sutñine ambi kun malök. Yañon (yara) yambu 12:gö dop köiñnöh ehiga nalö dop kawöl yöhöiga malök. ²⁶ Mewö mala sihimbölo gwötpuk möriga sile galöm gwötpukñan yañgö nup megetka baukbauk kun kude miwikñaiba malök. Yañon sile galöm ambazip yeñgö töwanjanögöra moner inapñi körek gila malökmö, kawölñi mianñon mönö mem bölim wañgiiga malök. ²⁷⁻²⁸ Mewö mala Jisösgö buzupñi möta kewö jiyök, “Nöhön i oseimamgö möt lömböröba malukuñeyök borom kun misiribilenak ewö, mönö ölop ölöwakñam.” Mewö jiba ambazip kambu sutñine Jisösgö andöje anda malukuñe misiriyök.

²⁹ Misiriiga sepnñi miangörejök jöpköiga qemjem-mamjenñan qahöwahiga silenñan ölöwahiga mörök. ³⁰ Ölöwahiga Jisösnöh miangöreök ösumñi kun kutuba anöhi mi möta ambazip kambu sutñine lilingöba jiyök, “Dañon malukuni misiriza?”

³¹ Mewö jiiga gwarekurupñan kewö jiget mörök, “Ambazip kambunöh ölököba liliköm gihiba goseize. Mi eka denöwö ‘Dañon nömisiriza?’ jizan?”

³² Mewö jigetmö, Jisösnöh kunbuk “Dañon mi akza?” jiba mi miwikñaimamgöra lilingöba uba engehök. ³³ Engehiga ambi silenje angöletot asuhuyöhi, yañon mi möta miangöra kenñgötñi möta jönömñi unduiga kaba Jisösgö wösöñe geba simin köla könañi pakpak jiiga mörök. ³⁴ Jisösnöh mi möta kewö jii mörök, “Böratni, mötnaripkan mönö mem ölöwak gihiza. Qemjem-mamjenñan mönö qahöwahiga ölop urubönjöhñon anman.” Mewö.

Jisösnöh Jairusgö böratñi mem guliyök.

³⁵ Keu mewö jiba kiniga köuluk mirigö keu galömñangö mireyök kunñan welen kaba Jairusgöra jiyök, “Böratki kömuza! Miangöra böhigö qakñe lömböt toroqeba kude alman.”

³⁶ Jiiga Jisösnöh keu miangö nönöñgan aka köuluk mirigö keu galömñi kewö jii mörök, “Kenñgötki kude mötnöh! Mönö ni möt narim niñginöh.”

³⁷ Mewö jiba ambazip tosatñi enñgömosöta Pitö, Jeims aka Jeimsgö munñi Jon miyök enñuanñiri i wuatangöba anget. ³⁸ Anda köuluk mirigö keu galömñangö mire anñgotketka ambazip kambu göju megetka engehök. Gwötpukñan jiiñgen köla köhöikñanök sahöta amburereñ meget. ³⁹ Enñeka mire öñgöba kewö jii mötket, “Inñi mönö wuanöñgöra göju memba sahötze? Morö mianñon qahö kömuzapmö, gaunök ahöza.”

⁴⁰ Mewö jii mötket gönahit ewö aiga gön köl wañgigetmö, yañon i körek enñuatangöba morögö iwinamñi aka tosatñi yambuk malgeri, miyök enñuanñiriga morönöh ahöyöhañgöreñ öñgöget. ⁴¹ Öñgögetka börat mi böroñe memba yañgöra jiyök, “Talita kum.” Mi nanine keunöh Ambi moröñi, ni göhöra jizal: Mönö wahötnöh!

⁴² Mewö jiiga ambi (yara) yambuñi 12 mianñon mönö miangöreñök wahöta kinda anda kayök. Mewö aiga eka kesötñini yöhözömgöba welipköget.

⁴³ Welipkögetka miangö buzupñi kun jiget mötpepukö jiba soñgo köhöikñi al enñiyök. Al enñiba ambi moröñi numbu nene wañgiget nemapkö jiyök. Mewö.

6

*Nazaret yeñon Jisös andö qeget.
Mat 13.53-58; Luk 4.16-30*

¹ Mi asuhuiga Jisösnöñ Jairusgö miri gölme mosöriga gwarekurupñan wu-
atañgöba yambuk anda Jisösgö malqarip taonön angotket. ² Sabat kendonöñ
kaiga köuluk mire öngöba Buña keu kónahiba kusum enjyök. Kusum enjiiga
möta ambazip gwötpukñan auruba welipköba kewö jiget, “Yei, kezapjupjup!
Yuai pakpak ki mönö denikeyök möta jiza? Mötkutukutuñi mi mönö danñon
kusum wañgiiga jiza? Aka anğöletot kukösumñinambuk mewöñi mi mönö
danñon inahöi böröñan meiga asuhuze? ³ Azi ki mönö miri kianğö mitimqece
azia. Mariagö nahöññi aka Jeims, Josef, Juda aka Saimon yeñgö datñina.
Nenurupñan mönö sutnine ki malje.” Nazaret yeñon mewö jigetka uruñinan
böliiga miangöreñ qaköget.

⁴ *Qakögetka Jisösnöñ kewö jii mötket, “Kezapqetok azigö sepkitip aka tini-
tosolomurupñan mönö nanñi taonöñ jijiwilit ak wañgimazemö, miri tosatñi
miangöreñ mewö qahö.

⁵ Mewö akerañgöra Jisösnöñ kawöl ambazip mohot mohot böröñi qakñine
ala mem ölöwak enjyökmö, anğöletot kukösumñinambuk tosatñi memamgö
osiyök. ⁶ Mewö ahiga mötnariññinan qahö asuhuiga yangisenjanangöra aka
auruyök. Auruba Nazaret mosöta kösutñe mirinñi mirinñi liliköba Buña keu
kusum enjiba malök. Mewö.

*Jisösnöñ gwarekurupñi 12 melaim enjyök.
Mat 10.5-15; Luk 9.1-6*

⁷ Jisösnöñ gwarekurupñi 12 mi enğoholi kagetka kónahiba yahöt yahöt pak-
pak melaim enjyök. Melaim enjiba ömewöröme közöl engimegö kukösümñi
enjyök. ⁸ *Mi enjiba kewö jim kutum enjyök, “Köna anmeanğöra öröññini
memba anme. Yuai tosatñi kun kude meme. Köna nalem qahö, gösö qahö
me soujeñi mi irimunganine kude jöhöme. ⁹ Köna esu ölop kónañine jöhöba
maluku semöññi qahöpmö, mohot meme.” ¹⁰ Mewö jiba kewö jii mötket,
“Anda miri denike denike angotmei, mönö miangöreñök mala nup memba
taon mi mosöta köna anme. ¹¹ *Anda mala miri kunöñ angotketka qahö köl
öröm enjiba keuñini qahö mötketka nesampurekñini mönö kewö jiba kondel
enjime, ‘Nini enğö gölmenöñ kainga sölbuham köna tambönine mekotahözawi,
mi mönö tim töñjöraringa nanñine lilingöba gema.’ Mewö jigetka kónañamñini
solanñi möt kutugetka ölop miri me taon mi mosöta toroqeba anme.”

¹² Mewö jiiga mosöta anda ambazip uruñini melenjimegö Buña keuñi jim
sehiba malget. ¹³ *Mala öme gwötpuk enğuatangöba kawöl ambazip gwötpuk
kelöknöñ enğömiriba mem ölöwak enjiget. Mewö.

*Kiñ Herodnöñ keñgötñi mörök.
Mat 14.1-12; Luk 9.7-9*

¹⁴ *Jisösgö qetbuñañan sehiba kiñ Herodkö kezapñe gei mörök. Am-
bazipnöñ kewö jiget, “Jon o melun azinöñ mönö kömupnöhök wahöta nupñi
meiga anğöletot kukösumñinambuk asuhumakze.”

¹⁵ Mewö jigetmö, tosatñan kewö jiget, “Mi mönö Elaija (Elia)” Tosatñan
toroqeba jiget, “Mi kezapqetok azi walñi yeñgöreñök kun.”

* 6:4: Jon 4.44 * 6:8: Luk 10.4-11 * 6:11: Apo 13.51 * 6:13: Kemb 5.14 * 6:14: Mat
16.14; Mak 8.28; Luk 9.19

¹⁶ Mewö jigetmä, kiñ Herodnön mi möta kewö jiyök, “Jon o melun azi nönön jibi jölñi kutugeri, yanön mönö kömupnöhök wahöta malja.” Waimanjat möta Mewö jiyök.

Jongö jölñi kutugetka kömuyök.

¹⁷ *Mi kewögöra jiyök: Herodnön munñi Filipkö anömñi Herodias ölon meiga Jon o melun azinön kiñ jim wanggiiga opotöröp melaim engiiga anda Jon memba jöhöba kösö mire al wangiget. ¹⁸ Jonön Herodköra keu kewö jiyök: Gi gamböt ki memba mala Köna keu ongitzan.”

¹⁹ Mewö jiiga Herodiasnön Jon kazik ak wangiba qeget kömumapkö mörökmö, miangö könañi kun qahö miwikñaiyök. ²⁰ Qahö miwikñaiiba Jonön azi solanñi aka sarakñi töröñi ahöhi, mi möta sel jöhöba kölközizip ak wangiba Jongöra kengetñi möta malök. Mewö mala Jongö jittjeyök keu möröhi, mi urunji kungugetka keu gwötpuköra uruyahöt ahök. Mi töndup töndup Jongö keunji mötmamgö sihim mörök.

²¹ Mewö aiga Herodiasnön Jon qemangö könañi qahö miwikñaiiba maliga miangö nalöñi ölopñi kewö kam kunguyök: Kingö ahuahu nalöñan kaiga közölömbuan ala jembon aka suahö galömurupñi aka Galili prowinsgö jittjememe bohonñi mi köl öröm, engiiga kaba tatket. ²² Kaba tatketka Herodiasgö bōratñan miri miangö urunje kangota danis aliga Herod aka yambuk tebol liliköba tatkeri, yeñön miangö eksihimñi gwötpuk mötket. Mewö mötketka kiñnön ambi seramgöra kewö jiyök, “Bōratni! Wani yuaigöra sihimgi mötzani, mi ölop qesinönga tököm gihimam.” ²³ Mewö jiba keu mi jöjōpañ keunöñ jim köhöiba kewö jii mörök, “Wani yuaigöra qesim niñgimani, mi mönö ölop gihimam. Yuai mi me mi me prowins galöm kölakzali, mi tok ölop endenja likepñi kun gihibiga galömñi akñan.”

²⁴ Mewö jii möta yaigep anda namñi kewö qesim wangiyök, “Namni, ni mönö kiñnön wani yuaiya niñgimapköra qesimam?”

Mewö qesim wanggiiga kewö meleşnök, “Mönö jinönga Jon O-melun azigö jölñi yandigetka nöropñi memba kaba niñgiman.”

²⁵ Mewö meleşniga miangöreñök miri urunje kiñkingöba kiñgöreñ öngöba kewö qesiba jiyök, “Kewöni! Nönön sihimnan kewö mötzal: Göñön mönö jimkutunönga Jon O-melun azigö jölñi yandiba nöropñi memba kaba köndenöñ algetka mia döldöpki niñgiman.”

²⁶ Mewö jiiga kingö uruñan kömbuhiiga wösöbirik mörökmö, jöjōpañ keunjan jöhöi ketaurupñan mi mötketka yenjö jemesoholñine etpapuköra qequesiñi andö qemangö möt lömböriba tököyök. ²⁷ Tököba miangöreñök opotöröpñi kun melaiiba jiyök, “Gi mönö anda Jongö jölñi yandiba nöropñi memba kaman.” ²⁸ Mewö jiba melaiiga kösö miri gwaröñe anda jölñi yandiba nöropñi memba kaba köndenöñ ala ambi seram mi wanggiiga namñi wangiyök. ²⁹ Jongö gwarekurupñan miangö buzupñi möta anda qamötñi memba qaksirigö köt köteñnön ala löm kölget. Mewö asuhuyöhanğöra kiñ Herodnön könanğep Jisösgöra jiyök, “Jonön mönö kömupnöhök guliba wahöta malja.” Mewö.

Jisösnön azi 5000 nene gumohom engiyök.

Mat 14.13-21; Luk 9.10-17; Jon 6.1-14

³⁰ Melai melai azi Aposol yeñön Jisösgöreñ kaba tokoba yuai memba ambazip kusum enğigeri, miangö kösohotñi pakpak jiget mörök. ³¹ Jiget möriga ambazip totnön totnön qösösök kaba anda aketka silenjiñi köñganjiiga

* 6:17: Luk 3.19-20

nene nembangö nalö qahö ahöyök. Mianğöra Jisösnöñ gwarekurupñi kewö jii mötket, “Injini mönö kaba gölme kötikñe naninök malbingöra anda borom kun luhut meme.” ³² Mewö jiiga enğömosöta wañgenöñ öngöba gölme kötikñi kungen nanñinök malbingöra anget.

³³ Angetka ambazipnöñ mi eka gwötpukñan mianğö buzupñi möta taon aka miri dop mienğörenök gölme köna kiñkiñgöba mutuk anda mianğörenj angotket. ³⁴ * Angotketka Jisösnöñ wañgenöhök eta ambazip kambu ketanj engehiga lama galömjini qahö tandök ilingösöñ lañ malgetka yengöra wösöñi mörök. Wösöñi möta könahiba Buñja keu könanj könanj kusum enğiyök. Mewö.

Jisösnöñ azi 5000 nene gumohom enğiyök.

³⁵ Mewö aka maliga miri jeñan teköba gemamgö ahiga gwarekurupñan Jisösgörenj kaba kewö jiget, “Böhi! Nini gölme kötikñi kianğörenj malinga miri lök söñaumamgö akza. ³⁶ Mianğöra gi ölop ambazip ki melaim enğinöñga miri aka koum dowe dowe tat anjei, mianğörenj anda numbu nenenjini söñğöröñi memba neget.

³⁷ Mewö jigetmö, kewö melenđa jii mötket, “Enjön mönö nanñinak i nene gumohom enğime.” Mewö jiiga jiget, “Nejön mönö denöwö akinto? Nup meme nalö 200:kö töwanj (Kina 1000,-) ahöza. Monenj mia memba anda nene beret söñğöröñi memba gumohom enğibingöra jizan me?”

³⁸ Mewö qesim wañgigetka jiyök, “Nanñine nene beret dawik ahöza? Mi anda eket.” Mewö jiiga gösöñjini qeandə jiget, “Beret 5 aka söra yahöt mia memba maljin.”

³⁹ Mewö jigetka Jisösnöñ ambazip kambu kewö jim kutum enğiyök, “Ambazip pakpak, injini mönö denđa nene nembangö kambu morömorö tokoba luplup görökñe geba tatket.” ⁴⁰ Mewö jim kutum enğiiga kambunj kambunj dowe dowe denđa tatket. Kirip tosatñi 100 aka tosatñi 50 mewö mewö tokoba tat anget. ⁴¹ Tat angetka beret 5 aka söra yahöt mi memba Suepnöñ ui öngöiga kötuetaköba beret mindipköba gwarekurupñi enğiiga ambazip kirip dop mendenđa sutñine alget. Söra yahöt mi mewöyöhök kambu pakpak yengöra mendenñök. ⁴² Mendenñiga ambazip körekmakörek nembra nem timbirenj aket. ⁴³ Nem timbirenj aka nene kitipñi kitipñi mosötkeri, mi gwarek yenön qezakögetka sakap 12 mianğörenj geba kokolak qeyök. Mewöyök söra kitipñi mi mem kiripköget. Mewö. ⁴⁴ Azi beret negerj, yengö jangöñjini mi 5000.

Jisösnöñ o angö qakñe tiba tiba anök.

Mat 14.22-33; Jon 6.15-21

⁴⁵ Neget teköiga Jisösnöñ mianğörenök gwarekurupñi jim kutum enğiba kewö jiyök, “Injini mönö wañgenöñ öngöba qeljine o angö kutuba likepñe Betsaida mire anme. Nöjön ölop nalö sutñe ambazip kambu ki melaim enğibagun kamam.” ⁴⁶ Mewö jiba yaizözkök jim enğiba enğubula kundunje öngöba köuluköyök. ⁴⁷ Köuluköba mali mare ahiga nanñik kötikñi kundunje maliga wañgeñinan angö bibiñe anök. ⁴⁸ Ani lökuatnöñ qeba qem bibihiba nangöget aniga luhutnöñ angerangörenök gila kai lömböriiga bömbömgöget. Miri awöranğöiga (3-6 kilok) mianğörenj Jisösnöñ mewö engeka o angö qakñe tiba tiba gwarekurupñi yengörenj Kaba enğonğitmamgö ahök. ⁴⁹ O angö qakñe tiba tiba kaiga eka “Köwet Sonğoriñnöñ kaza!” jiba könahiba qeta silatket.

* 6:34: Jan 27.17; 1 Kiñ 22.17; 2 Hist 18.16; Eze 34.5; Mat 9.36

⁵⁰ Qeta silata körek i eka kenğötporiñ aketmö, Jisösnöñ mianğöreñök keukeu jiba kewö jii mötket,

“Alaurupni! Mönö ewebibiñinambuk saitingit malme. Nanak kazal. Kenğötñini kude mötme.” ⁵¹ Mewö jiba yeñğöreñ wañgenöñ öñğöiga luhutnöñ nöñ qeba göröñ alök. Göröñ aliga jönömñini undui öñöñi qahö auruget. ⁵² Mutuk beret mem sehiba gumohom engiyöhi, mianğö kónañi qahö möt asarigetmö, uruñinan gwözöñniga tok auruba tatket. Mewö.

Jisösnöñ Genesaret mala mem ölöwöwak nup meyök.

Mat 14.34-36

⁵³ O anğö kutuba likepñe Genesaret mire anğota wañge mosöta saknöñ geget. ⁵⁴ Wañge mosöta Saknöñ gegetka ambazipnöñ Jisös mianğöreñök möt kutum wañgiget. ⁵⁵ Möt kutum wañgiba keu algetka kiñkiñgöba mindimindiri sel gölmeñine miri dop liliköget. Lilikögetka möta kónahiba kawöl ambazip kululunöñ anğum engiba Jisösnöñ miri denike malöhangö dop enğuangita kaget. ⁵⁶ Miri dop, taon, miri me koum kungö uruñe anöhangö dop kawöl ambazip enğuangita sombemñine al engiget. Al engiba silene me Jisös malukuñangö suñe misiribingö ulet wañgiba malget. Misirigeri, körek yeñön mönö ölöwak teköget. Mewö.

7

Ambösakon yeñön keu kusum sohoget.

Mat 15.1-9

¹ Köna keugö kapañkölköl aka mianğö böhi tosatñi Jerusalem sitinöhök kageri, yeñön Jisösgöreñ kaba tokoget. ² Nalö mianğöreñ Jisösgö gwarekurup tosatñan böröñini kude sañğonđa dom amöt qahö qeba nene negetka engeka uruñini bölüyök.

³ Farisi (Köna keugö kapañkölköl) aka Juda ambazip tosatñi pakpak yeñön ambösakon yeñgö silikñini wuatangöba malget. Mianğöra böröñini mutuk sañğon soroköbagun nene nemalget. ⁴ Mewöyök nupnööhök me maketnööhök kamei, mutuk o utuba arim tönjöratagun nene misirimalget. Mewöyök kiwi qambi, közökimbut aka jout pakpak mi sañğonđa amöt qemalget. Silik mewöñi mewöñi mi gwötpuk wuatangöba malget.

⁵ Mianğöra Köna keugö kapañkölköl aka mianğö böhi yeñön Jisös kewö qesim wañgiget, “Göhö gwarekurupkan wuanöngöra ambösakoninanğö silikñini qahö wuatangöba böröñini domamöt qahö qeba tondup nene neze.”

⁶ * Mewö qesim wañgigetka kewö jii mötket, “O urumelenğö silesile ambazip, kezapqetok azi Aisaianöñ mönö engö kónañamñini törörök indela Buzup Kimbi kun kewö ohoi ahöza, ‘Ambazip kambu kianön mönö numbu jitñinan ölöpñanök göda qem niñgimazemö, uruñinan nönöñgan ak niñgiba kungen algetka köröwen ahöza.

⁷ Mewö ahöiga nöñğö waikni öne töhön memba möpöseim niñgimakze. Köna keu kusum engibin, jiba salupñe ambazip yeñgö jimkutukutuñini mi numbu o alakze.’

⁸ Aisaianöñ mewö ohoyök. Inini mönö mianğö dop Anutugöreñ jöjöpañ keu andö qeba ambösakonñinanğö silikñi wuatangömakze. Mi qahö dop kölja.”

⁹ Mewö jiba kewö jiyök, “Nanñini silikñini walñi wuatangöbingöra mönö ölöpñanök Anutugöreñ jöjöpañ keu qeapkömakze. ¹⁰ * Mianğö keunji kun kewö:

* 7:6: Ais 29.13 * 7:10: Eks 20.12; 21.17; Lew 20.9; Dut 5.16

Mosesnõj kewõ jim kutuyõk, ‘Iwinamgi mõnõ göda qem etkimakñan,’ aiga ‘Kunñan iwinji me namñi qesuahõmawi, i mõnõ qegetka kõmuma.’ ¹¹ Mewõ jim kutuyõkmõ, injini keu mi ongita kewõ jimakze, ‘Kunñan iwinamñi yetkõra kewõ jima. Wõsõni mõtzal. Nõngõ nanğõnanğõ yuaini bunja qem anğubahorak, mi lõk Anutugõ danje tahaya albi ahõza. Mi saiwap nalukõra kewõta albi ahõza. ¹² Kunñan mewõ jiiga dop kõlma.’ Mewõ jiba jõhõm wanğigetka iwinamñi yetkõra baukbauk kun qahõ toroqeba etkimakña. Mi qahõ dop kõlja. ¹³ Yei! Mewõ aka nanñini ahakmemenjanğõ silikñini jim kutuba mianğõn Anutugõreñ jõiõpañ keu utala omanji aka põmsõm qemakza. Injini yuai mewõñi gwõtputak ahakze.” Mewõ melen enğiyõk. Mewõ.

Azi uru mi denõwõ tõlohoba lantiza?

Mat 15.10-20

¹⁴ Jisõsnõj ambazip kambu kunbuk enğoholi kagetka kewõ jii mõtket, “Injini mõnõ kõrek keu ki kezap ala mõt asarime. ¹⁵ Azi yaigepñeyõk yuai uruñe gemakzawi, mianğõn mõnõ tõlohom wanğimamğõ osimakzapmõ, nanñi urukõnõmñeyõk keu kota erakzawi, mianğõn mõnõ tõlohom wanğimakza. ¹⁶ Kunñan kezapñambuk malja ewõ, yanğõn mõnõ keu ki kezap ala mõt kutuma.” Mewõ.

¹⁷ Jisõsnõj mewõ jiba ambazip kambu enğõmosõta anda miri kunõj õngõyõk. Õngõba tariga gwarekurupñan dopkeu mianğõ kõnananğõra qesiget. ¹⁸ Qesigetka kewõ jii mõtket, “O alaurupni, injini mewõyõk mõtmõtnjini õlõpñi qahõ akze me? Nene yuai azi yaigepñeyõk uruñe gemakzawi, mi tõlohom wanğimamğõ osimakza. Mi mõt kutuze me qahõ? ¹⁹ Mi urukõnõmñe qahõ gemakzapmõ, kõmgokñe geba yaigep erakza.” Jisõsnõj keu mewõ jiba mianğõn “Numbu nene pakpak mem sarahim tekõyõk.”

²⁰ Jisõsnõj toroqeba kewõ jiyõk, “Azi urukõnõmñeyõk keu kota erakzawi, mianğõn mõnõ tõlohom wanğimakza. ²¹ Ambazip uru kõnõmñineyõk yuai kewõñi asuhaba korakza: Keu bõlõñi mõtmõriba serowilin akingõ mõrakze. Yongorõ memba sunja jinan memba ambazip enğugek kõmumegõ mõrakze. ²² Qesabulum akingõ mõrakze. Membagu memingõ nepaqepalok kõpõsõngõmakze. Bidañda gatmisimisi, jiliwitinj aka isimkakalek akingõ mõrakze. Lõsõ jiba urupik akingõ mõrakze. Kezapjupjup aka kõrõgisigisi akingõ mõrakze. Sõngõrõqõk mala andõqeqe keu yõhõsan jiba Anutu mepaikõbingõ mõrakze. Jakbak-orañbõrañ aka uruqahõ ahakze. ²³ Yuai bõlõñi pakpak mianğõn mõnõ ambazip uru kõnõmñineyõk kota ambazip tõlohom enğimakza.” Mewõ.

Kenan ambi kunñan kapan kõla kõulukõyõk.

Mat 15.21-28

²⁴ Jisõsnõj qehõta Genesaret gõlme mosõta siti qetñiri Taiõ aka Saidon mietkõ distrik qetñi Fonisia mianğõ uruñe anõk. Anda miri kunõj õngõba buzupñi kunñan mõtpapukõra numbuñini muhungõyõkmõ, tõndup tõlapñe malmamğõ osiyõk. ²⁵ Osiiga miangõreñõk ambi kun bõratñi morõñan õmenambuk maliga Jisõsgõ buzupñi mõta yanğõreñ kaba kõnañe geba simin kõlõk. ²⁶ Ambi mi Judaya qahõpmõ, Grik keu jiba malõk. Iwinamñan Siria prowingsõ Fonisiagõra. Yanğõn bõratñanğõ uruñeyõk õme kõzõlmapkõra ulet wanğiyõk. ²⁷ Ulet wangiiga kewõ jii mõrõk, “Juda nini mutuk nanine nahõnbõraturupñini gumohom enğiinga bikñi enğuma. Mianğõra morõ yengõ mirinjineyõk beret memba kiam enğiinga qahõ dop kõlbapuk. Juda nini

kianurup engö qetņini kiam qerakzin. Nöņön mutuk Juda ambazip bauköm engibiga kantri tosatņi enjön mönö kiamgö dop mamböta malme.”

²⁸ Mewö jii möta kewö melenņök, “Kembu, mi ölop mötzalmö, kiam moröņi yeņön mönö mewöyök morö yeņgöreņ nene boromņi tebol hapņe eriga nemakze.”

²⁹ Mewö melenņiga Jisösnöņ kewö jii mörök, “Keu mewö jizanaņgöra ölop möt gihizal. Öme mianņön mönö döлки bōratki mosöta anja. Mianņgöra ölop anman.”

³⁰ Mewö jii möta miriņe ani ömenöņ bōratņi mosōriga dumņe ahōiga ehök. Mewö.

Jisösnöņ azi kun möhamgöyök.

³¹ Jisösnöņ kunbuk Taiö siti gölme mosöta Saidon sitinöņ anda oņgita mösököba Ten-taon gölmeğö bibiņi oņgita Galiligö o aņgö kösutņe kayök.

³² Kaiga kezapduhup azi kun keuņi qahöwakaņapkōra ahōhi, mi waņgita Jisösgöreņ kaget. Kaba bōröņi nöropņe almapkōra qesim waņgiget. ³³ Qesim waņgigetka azi mi waņgita ambazip kambu mosöta kungen anohot. Anda Jisösnöņ bōrö suapņi kezapņe ala kinda kunbuk nanņi bōrö suapņe söutköba nesilamņe misiriyök. ³⁴ Misiriba suepnöņ ui öņgōiga osonğombuk köuluköba nanņe keunöņ “Efata,” nanine keunöņ Tohonöņ! mewö jiyök.

³⁵ Mewö jiiga kezapyahötņan tohoyohotka nesilamņan lolohoiga keuņi ölopņanök jiyök. ³⁶ Jiiga Jisösnöņ mianğö buzupņi ambazip jiget mötpepukōra qetal eņgiyök. Qetal eņgiba kapaņ köliga yeņön mi kapaņ köla jim sehiba malget. ³⁷ Jim sehiba malgetka ambazipnöņ kambōņda welipköba kewö jiget, “Yuai pakpak ölopņanök ahakza. Kezapduhup kezapņini metohoiga mötketka ambazip mötökņi yeņgö nesilamņini pōsariga keu jimakze.” Mewö.

8

Jisösnöņ ambazip 4000 nene gumohom eņgiyök.

Mat 15.32-39

¹ Nalö mianğöreņ ambazip kambu ketaņan dumņe kunbuk tokoget. Neneņini qahö malgeraņgöra Jisösnöņ gwarekurupņi eņgoholi yaņgöreņ kagetka kewö jii mötket, ² “Nöņön ambazip kambu kienğöra wösöni mötzal. Yeņön nöņgöreņ kaba wehön karöbut lök mala kotketka neneņini qahöwahiga ekzal. ³ Yeņgöreņök tosatņan köröwenök kaba malgetka nöņön ‘Ölop miriņine anme,’ jibi nene qahö negetka öne melaim eņgibiga könanöņ anda mala kambaņe jeņini gili tirinbirin akepu.”

⁴ Mewö jiiga gwarekurupņan melenđa kewö jiget mörök. “Gölme qararaņkölkölņe kianğöreņ kunņan mönö denikeyöhök numbu nene mewöņi mi mönö miwikņaiiba kambu ki gumohom eņgibawak?”

⁵ Mewö möta kewö qesim eņgiyök, “Eņgöreņ beret dawik ahōza?” Qesim eņgiiga “Beret 7 ahōza,” jiget.

⁶ Jigetka Jisösnöņ ambazip kambu mi gölmenöņ geba tatmegōra jim kutum eņgiiga geba tatket. Geba tatketka beret 7 mi memba Anutugö saiwap jiba mindipköba gwarekurupņi eņgiba ambazip kambu dop sutņine almegōra jiyök. Mewö jiiga mianğö dop alget. ⁷ Yeņgöreņ söra morōmorö tosatņi mewöyök ahöyök. Mi tok memba kötuetakōba ambazip kambu dop sutņine toto qem eņgimeğōra jim kutuyök. ⁸ Jim kutuiga eņgiget memba nem tim-bireņğöget. Nem timbireņğöba nene kitipņi mosötket geyöhi, mi sakap 7

mianğoreñ qezakögetka numbuñe qeyök. ⁹ Azi nene negeri, yengö jangöñi mi 4000. Negetka melaim enğiiga miriñine anget. Mewö.

Böhi tosatñan anğöletot ekingöra kapan kölget.

Mat 16.1-4

¹⁰ Angetka mianğoreñök gwarekurupñi yembuk wañgenöñ öngöba distrik qetñi Dalmanuta mianğoreñ anget. ¹¹ *Farisi (Köna keugö kapankölköl) tosatñan mianğoreñ kaba Jisösbuk könahiba jitnakölik aket. Keu bötakñöñ örömapköra esapköm wañgiba kewö kapan köla qesiget, “Mönö jinöñga Suepnöhök anğöletot kun asuhuiga ekin.” ¹² *Mewö jigetka uruñan lömböriiga osonğombuk qeiga jiyök, “O ambazip nalö kewöñge gölmenöñ maljei, inñi mönö wuanöñgöra Anutugö aiwesök asuhumapköra kapan kölakze? Nöñön keu ölni kun kewö jibi mötme: Anutunöñ aiwesök mewöñi mi qahö memba kondel enğima. Ombañ saumbañ!”

¹³ Mewö jiba enğömosöta kunbuk gwarekurupñi yembuk wañgenöñ öngöba anğö kutuba likepñe anğotket. Mewö.

Farisi aka Herod yehön wösökömbuk ewö akze.

Mat 16.5-12

¹⁴ Mianğoreñ anğota semön memingö ölum enğiiga beret mohot-töp mia wañgenöñ memba tatket. ¹⁵ *Tatketka Jisösnöñ kewö jim kutum enğiyök, “Inñi Köna keugö kapankölköl (Farisi) yengö wösökömbukñini aka Herodkö gipmi kakñi mietköra mönö galömnini meme. Mi ölöpñanök qahö kewöta andö qegetka mietkön mönö yist ewö qariba mem bölim enğimahot.”

¹⁶ Jiiga keu pasetñi mi qahö möt asariba sutñine kewö eraum mötket. “Beretnini qahöpköra jiza me denöwö?”

¹⁷ Mi eraum mötket kezapñe geiga kewö jii mötket, “Wuanöñgöra beretnini qahö jiba eraum mötze? Nöñgö könañamni mi wuanöñgöra qahö möt kutuze? Mi tok qahö möt asarize me? Urukezapñinan gwözöñda tatza me? ¹⁸ *Jeñini ahözapmö, töndup qahö ek kutuze me? Kezapñini ahözapmö, töndup qahö möt asarize me? Yuai asuhuyöhi, mi ölum enğuza me qahö? ¹⁹ Nöñön beret 5 mi 5000 yengöra mindipköbiga mianğö kitipñi qezakögetka könde dawikñöñ geba numbuñine qeyök?” Qesim enğiiga “Könde 12,” jiget.

²⁰ Jigetka toroqeyök, “Nöñön beret 7 mi 4000 yengöra mindipköbiga mianğö kitipñi qezakögetka sakap dawikñöñ geba kokolak qeyök?” Qesim enğiiga sakap 7 jiget.”

²¹ Jigetka jii mötket, “Mianğöra könañamni mi mönö tok qahö möt asarize me?” Mewö

Jegömöl azi kun jeni metohoyök.

²² Jisösnöñ gwarekurupñi yembuk Betsaida taonöñ kaget. Mianğoreñ kaba jegömöl azi kun wañgita Jisösgöreñ kangota böröñan misirimapkö köuluköm wañgiget. ²³ Köuluköm wañgigetka jegömöl azi mi böröñe memba wañgita miri yaigeñe anohot. Anda söutnezit jeñe ala böröñi nöropñe ala qesim wañgiyök, “Yuai kun ekzan me qahö?”

²⁴ Qesim wañgiiga jeni ui öngöiga jiyök, “Ambazip enğekzalmö, mi ip tandöktandök aketka imutumñanök engekiga anda kaba kinje.”

²⁵ Mewö jiiga kunbuk böröñan jeyahötñi misiriiga tohoyohotka törörök uiga asarim sölölöñgöiga yuai pakpak ölöpñanök ek teköyök. ²⁶ Ek teköiga

* 8:11: Mat 12.38; Luk 11.16

* 8:12: Mat 12.39; Luk 11.29

* 8:15: Luk 12.1

* 8:18: Jer

5.21; Eze 12.2; Mak 4.12

melaim waŋgiba kewö jii mörök, “Gi miri kungen kude anmanmö, diŋdiŋanök nangi mirige anman.” Mewö.

Pitönöŋ Jisösgö könaŋi jim miwikŋaiyök.

Mat 16.13-20; Luk 9.18-21

²⁷ Jisösnöŋ Betsaida mosöta gwarekurupŋi yembuk Sisarea Filipai taongö kösutŋe anget. Könanöŋ anda gwarekurupŋi kewö qesim enŋiyök, “Ambazipnöŋ nöŋgöra denöwö jimakze? Ni niŋia akzal?”

²⁸ *Jiiga melenä kewö jiget, “Tosatŋan ‘Gi Jon O-melun azia akzan,’ jimakzemo, tosatŋan ‘Gi Elaija akzan,’ jimakze aka tosatŋan toroqeba kewö jimakze, ‘Gi kezapqetok azi walŋi yeŋgörenök kun akzan.’”

²⁹ *Mewö jigetka kewö qesim enŋiyök, “Aka nanŋinak nöŋgöra denöwö jize? Ni niŋia akzal?” Qesim enŋiiga Pitönöŋ kewö melenöŋ, “Gi Anutugören Amötqeqe Toŋi Kraist akzan.”

³⁰ Mewö jiiga könaŋi aukŋe jiget kunŋan mötpapuköra soŋgo köhöikŋi al enŋiyök.

Jisösnöŋ kömumamgö keuŋi jiyök.

Mat 16.21-28; Luk 9.22-27

³¹ Jisösnöŋ gwarekurupŋi könahiba kewö kusum enŋiyök, “Suep gölmegö azi öŋan mönö sihimbölö gwötpuk mötma. Kantrigö jittjememe, jike nup galöm aka Köna keugö böhi yeŋön mönö andö qeba qegetka kömuma. Kömui wehön karöbut teköiga kömupnöhök wahötma.” ³² Jisösnöŋ keu mi qahö köyatiba aukŋe jiiga Pitönöŋ miangörenök öröm waŋgiba goraŋe anda könahiba qetal waŋgiyök. ³³ Qetal waŋgiga lilingöba gwarekurupŋi uba engeka Pitö qetala kewö jim waŋgiyök, “Gi keu mötmörizani, mi Anutugören keuya qahöpmö, gölme ambazip aka Satangö sihima. Miangöra Satan, gi mönö döŋki nöŋgö jemesoholneyök kesalnöŋ.” Mewö.

Kraist wuatangöbingö söŋgörüŋi.

³⁴ *Jisösnöŋ ambazip kambu aka gwarekurupŋi enŋoholi kagetka keu kewö jii mötket, “Kunŋan nöŋgö andöne kamamgö mötzawi, yaŋön mönö nanŋi urusilenangö sihim kömbönaŋi bölöŋi andö qeiga sisitŋi megetka sihimbölö mi bisimakŋa. Mi maripomnöŋ kömumawangö dop mökösoŋda ni nuatangöba kama. ³⁵ *Kunŋan malmalŋi nanŋangöra angön köla nanŋi imbi-imbi maljawi, yaŋön mönö malmalŋi öŋi jöhöi sohoma. Sohomapmö, kunöŋ gölmegö malmalŋi mi ni aka nöŋgö Ölöwak Buŋanaŋgöra aka köleŋda tököm niŋimawi, yaŋön mönö malmal öŋangö könaŋi miwikŋaiba köhöiba malma. ³⁶ Kunŋan gölmeŋi gölmeŋi miengö öröyuainŋi pakpak köŋ öroi buŋaŋi an teköiga uruŋangö malmalŋi mem sohoba silebile mala kömuiga Anutunöŋ keuŋi jim teköiga unŋan ayuhuiŋa qahö dop kölma. Sukinapŋi mianŋön mönö urusösöŋgai qahö ak waŋgima. Qahöpmahöp! ³⁷ Körek neŋön mönö bohonini jöhöbingö osibin. ³⁸ Ambazip kambuŋi kambuŋi nalo kewöŋe gölmeŋöŋ qesabulum aka siŋgisöndok tosatŋi aka malakze. Kunŋan yeŋgö sutŋine nöŋgö qetni aka Buŋa keuni memba et aljawi, mi Suep gölmegö azi öŋan mewöyök ehöröŋ kölma. Yaŋön könaŋep Suep garata töröŋi yembuk ki etketka Iwiŋangö asakmararaŋi eka aurugetka yaŋön azi me ambi mewöŋi mönö ehöröŋ köŋ waŋgima.” Mewö.

* 8:28: Mak 6.14-15; Luk 9.7-8

* 8:29: Jon 6.68-69

* 8:34: Mat 10.38; Luk 14.27

* 8:35:

Mat 10.39; Luk 17.33; Jon 12.25

9

1 Mewö jiba kewö jii mötket, “Nöñön keu ölni kun kewö jibi mötme: Kiañgöreñ kinjei, engö sutñineyök tosatñan Anutunöñ bemtohoñi kunguiga kukösumñan asuhumawi, mi ek kutume. Jebuk mala kömupkö sihimböñöñi qahö mötketka asuhum tinjiriga ekñe.” Mewö.

Jisösgö sileñe letotqetot ahök.

Mat 17.1-13; Luk 9.28-36

2 *Wehön 6 teköiga Jisösnöñ Pitö, Jeims aka Jon enjuangita ambazip engömosöta nanñinök kundunji köröñji kunöñ öngöba kötikñe malget. Miangöreñ malgetka jemesoholñine kiniga Jisösgö sile tandökñan letota murutñi ahök. 3 Malukunñan tuat lalamñi asakmararañambuk ahök. Gölmenöñ opo tuatñi saipenöñ (omo bliz) sangoñmakzei, mönö mi ongita tuariyök. 4 Mewö aiga Elaija aka Moses yetköñ asuhum engiba Jisösbuk keukeu jiget. 5 Jigetka Pitönöñ könahiba keu jiba Jisösgöra kewö jiyök, “Ketanamñini! Neñön kiangöreñ uruölöwak mötzin. Miangöra neñön ölop koun karöbut qebin: Göhö kun, Mosesgö kun aka Elaijagö kun.” 6 Gwarek yeñön jönömñini gwötpuk unduiga Pitönöñ “Denöwö jimam,” jiba keu jaruyök.

7 *Keu jaruba kiniga ununñunñ tuat lalamñi asakmararañambuk kunöñ eta aumñan esuhum engiiga miangö uruñeyök qet kun kewö eriga mötket, “Azi ki nani wölböt nahöna akza. Mönö yangö keuñi möta malme.” 8 Keu mi möta könöbuk lilingöm purik um jaruba tosatñi kunbuk qahö etkeketka Jisösnöñ nanñök yembuk kinök. Mewö.

Jon O-melun azi mi Elaijagö salupñi akza.

9 Kunduñeyök etketka Jisösnöñ sörokñi miangöreñ kewö jim kutum engiyök, “Injini yuai ekzei, miangö buzupñi mi mönö ambazip kun kude jiget mötme. Suep gölmegö azi ölnan kömupnöñök wahöriga miangö andöñe mi ölop jim asariba malme.”

10 Mewö jim kutum engiiga gwarekurupñi karöbut yeñön keu mi uruñine angön köla “kömupnöñök wahötwahötkö” könanji mi nanñini qesim anguba eraum mötket. 11 *Eraum möta Jisös kewö qesim wanñiget, “Köna keugö böhi yeñön mönö keu kewö jimakze, ‘Kezapqetok azi Elaijanöñ mönö Suepnöhök mutuk eta asuhuma.”

12 Qesim wanñigetka melenða kewö jiyök, “Elaijanöñ mutuk eta asuhuba malmal pakpak möhamgöma. Keu mi ölna akzapmö, keu kun ki mönö wuanöngöra ohoget ahöza: Suep gölmegö azi ölnan mönö sihimböñö gwötpuk möriga jijiwilit ak wangime.” 13 Keu yahöt mi ahözahotmö, nöñön kewö jibi mötme: Elaijanöñ lök eta asuhuyökmö, yangöra Buña keu ohoget ahözawangö dop ambazipnöñ i nanñini sihimñini wuatangöba lan ak wanñiget.” Mewö.

Jisösnöñ öme wuatangöi morönöñ ölöwahök.

Mat 17.14-21; Luk 9.37-43

14 Jisös aka gwarek karöbut yeñön kunduñeyök eta gwarekurupñi tosatñi yengöreñ kaba yuai kewö eket: Köna keugö böhi tosatñan kinda yembuk jitanakölik aka goranora keu jigetka ambazip jesöngöñan liliköba engeka kinget. 15 Mewö kinda ambazip kambu pakpak yeñön Jisös eka miangöreñök auruba kinñingöba kösutñe anda jölöñi jiget. 16 Jölöñi jigetka kewö qesim engiyök, “Injini wanatköra yembuk jitanakölik aka goranora keu jize?”

¹⁷ Qesim enjiiga kambuñineyök azi kunöñ melenđa kewö jii mörök, “Böhi! Nöñgö nahöni ömenöñ numbuñi muhungöba töñöt mem wanjiiga wanjita göhöreñ kazal. ¹⁸ Mi mianjören me mianjören memba mendawöla öröm giliga eta qeba numbuñeyök qölgöl söutsöt eriga irimñi yöhözömgöba silenjan sölöpkömakza. Mewö ahiga kaba göhö gwarekurupki ulet enjiba öme mi wuatängömegö jizalmö, yeñön osize.”

¹⁹ Mewö jiiga melen wanjiba jiyök, “Gölmegö yangiseñ ambazip yei! Mönö nalö dawik embuk mala qatön enjuba Anutu qahö möt narigetka sihimbölä mötmam. I mönö wanjita nöngören kaget.

²⁰ Mewö jiiga wanjita yangören kaget. Kagetka ömenöñ Jisös eka mianjörenök morö utuköba urepköm wanjiiga wölöhariba tala gölmenöñ qeba pöranpöran mitiba semben auba ahöiga numbuñeyök qölgöl söutsöt kota erök. ²¹ Jisösnöñ mi eka iwiñi kewö qesim wanjiyök, “Nalö dawikö dop yuai ki lök asuhum wanjiiga kotza?” Qesim wanjiiga jiyök, “Mi lök morörökneyök asuhum wanjiyök.

²² Mi mem bölim wanjimangöra nalö tosatne könöpnöñ, nalö tosatne onöñ metal wanjiiga nalö gwötpuk geba qebayök kinahakza. Mewömö, mianjögö kukösurnji kun göhöreñ ahöza ewö, mönö ak kömumba bauköm netkiman.”

²³ Mewö jiiga jiyök, “‘Kukösurnji göhöreñ ahöza ewö,’ jizan. Anutugö kukösurnjan mönö yuai kungöra qahö qakömakza. Anutu möt narizawanön mönö yuai pakpak ölöp ahakña.”

²⁴ Mewö jiiga iwiñan mianjörenök qeta jiyök, “Anutu möt narizalmö, mötnaripnan lölöwöröñi akza. Mötnaripni mönö mem köhöiman.”

²⁵ Jiiga ambazip jesöñgöñan ösumñinan kaba kingetka eka mianjögöra öme mi kewö jim wanjiyök, “Gi töñöt aka kezapduhupkö ömeñi, nöñön jim kutum gihizal: Gi mönö azi ki mosöta kota anda kunbuk kude lilingöba kaman.”

²⁶ Jim wanjiiga qeta silata morö mi utuköba könöpuk urepköm wanji wölöhariiga utala kota anök. Kota aniga qeba qamöt tandök aka ahöiga gwötpukñan mi eka “Wösöñi alja!” jiget. ²⁷ Mewö jigetmö, Jisösnöñ böröñe memba köbibiiiga wahöta kinök.

²⁸ Mewö kiniga Jisösnöñ miri uruñe öñgöiga gwarekurupñan nanñinök tata kewö qesim wanjiget, “Nenön mönö wuanöngöra mi naninök wuatängöbingö osizin?”

²⁹ Qesim wanjigetka kewö jii mötket, “Öme tandökñi mewöñi mi mönö köuluköba nene singi mala wuatängöbin. Yuai murutñi kun ahinga qahö kota anma.” Mewö.

Jisösnöñ kömumangö Buñaji jiiga yahöt ahök.

Mat 17.22-23; Luk 9.43b-45

³⁰ Jisösnöñ gwarekurupñi yembuk miri gölme mi mosöta anda Galili prowins uruñe liliköba denike malgeri, mi kunñan mötmapkö tököyök. ³¹ Mia tököba gwarekurupñi kusum enjimangöra ölöñ anget. Könanöñ anda keu kötni kewö jii mötket, “Anutunöñ Suep gölmegö azi öñji mi gölme ambazip yeñgö böröñine al wanji gema. Geiga i qegetka kömuma. I qeget kömui wehön karöbut teköiga mianjören mönö kömupnöhök wahötma.”

³² Keu kötni mewö jii mötketmö, mi qahö möt kutuget aka könanji denöwö, mi qesibingö kölköldömdöm aket. Mewö.

Gwarek sutñine danñon mutukñi akza?

Mat 18.1-5; Luk 9.46-48

³³ Mewö anda Kaperneam taonöŋ kaŋgotket. Mianğöŋ kaŋgota nanŋi miri uruŋe öŋgöba gwarekurupŋi kewö qesim enğiyök, “İŋini Kōnanöŋ kaba wani keuya eraum mötze?”

³⁴ *Yeŋön kōnanöŋ kaba ‘Daŋön öŋgöŋgöŋi akza’ mia nanŋinök eraum möta kaget. Mianğöra qesim enğiiga keu bök tatket. ³⁵ *Keu bök tatketka Jisōsnöŋ geŋa tata gwarekurupŋi 12 enğoholi kagetka kewö jii mötket, “Kunŋan mutukŋi malmamgö mötza ewö, yaŋön mönō körek enğö nembö baŋŋine eta qōndökŋi aka tosatŋi pakpak welen qem enğimaktja.” ³⁶ Mewö jiba namande moröŋi kun memba sutŋine ali kinök. Kiniga böröŋan memba tambuŋe ala kewö jii mötket, ³⁷ *Kunŋan namande kewöŋi kun nöŋgö qetne miriŋe köl öröba köyan kölmawi, yaŋön mönō ni köl öröm niŋgima. Kunŋan mewö ak niŋgizawi, yaŋön niyök qahōpmö, daŋön melaim niŋgiyöhi, mönō i mewöyök köl öröm waŋgima.” Mewö.

Jisōsnöŋ gwarekurupŋi mindiŋgōm enğiyök.

Luk 9.49-50

³⁸ Jonöŋ Jisōs kewö jii mörök, “Bōhi! Nini azi kun neŋgö andōnine qahō kayöhi, yaŋön göhō qetnöŋ ömewörōme közöl enğiiga ehin. Yaŋön nembuk qahō liliköba maljawawğöra nini i qetal waŋgiin.”

³⁹ Mewö jiiğa Jisōsnöŋ jiyök, “I kude qetal waŋgime. Kunŋan nöŋgö qetni qeta aŋgöletot mezawi, yaŋön mönō mianğö andōŋe nöŋgö andōqeŋe keu awamŋanök jimamgö osima. ⁴⁰ *Kunŋan qahō qetal neŋgimamazawi, yaŋön mönō neŋgö areŋnöŋ malja. (Mianğöra nöŋgö alaurupni tosatŋi mi kude qetala aŋgösirip meme.) ⁴¹ *I mönō naŋgōm enğigetka Anutunöŋ tōwaŋjini enğima. Kunŋan Kraistkō qetŋe yaŋgö buŋaŋi akzeawğöra aka o qambi nemegö enğimawi, Anutunöŋ mönō mianğö tōwaŋi melenđa waŋgima. Nöŋön keu öŋi kun kewö jibi mötme: Naŋgōm enğime, mienjōn mönō tōwa meme.” Mewö.

Siŋgisōndokö kölgorom mönō qetal enğime.

Mat 18.6-9; Luk 17.1-2

⁴² Jisōsnöŋ keu kewö jiyök, “Morö kewöŋi möt narim niŋgizei, kunŋan yeŋgöreŋök kun kölgorom ak waŋgiiga siŋgisōndok akŋawi, azi mianjōn mönō lömböt öŋgöŋgöŋi miwikŋajima. Anutunöŋ lömböt mianğö likeŋŋi denöwö waŋgiiga dopŋe akawak? Kemuŋ jamöŋniŋ jölŋe jöhöba köwet rōndumnöŋ gilget mulumgöi gebawak, mianjōn mönō awamŋi ahum waŋgi tandök akawak. ⁴³ *Mianğöra böröŋan siŋgisōndok akŋangö kölgorom ak gihima ewö, mönō yandim gilman. Yandim gilagun börötak mala malmal köhöikŋi miwikŋaiba oyaenköyaen akŋanmō, börö yahötpuk mala kōnaŋep kōnöp sianöŋ geŋanbuk. Sia kōnöpŋi mi nalō kunöŋ qahō bökōma. ⁴⁴ Mianğöreŋ ‘Döhöŋini enğöhōm pilikuta mala qahō kömume aiga kōnöpŋinan nalō kunöŋ kude bökōma.’

⁴⁵ Mewöyök kōnagan siŋgisōndok akŋangö kölgorom ak gihima ewö, mönō yandim gilman. Yandim gilagun kōnatohot mala malmal köhöikŋi miwikŋaiba oyaenköyaen akŋanmō, kōna yahötpuk malnōŋga kōnöp sianöŋ gil gihigetka geŋanbuk. ⁴⁶ Mianğöreŋ ‘Döhöŋini enğöhōm pilikuta mala qahō kömume aiga kōnöpŋinan nalō kunöŋ kude bökōma.’

* 9:34: Luk 22.24 * 9:35: Mat 20.26-27; 23.11; Mak 10.43-44; Luk 22.26 * 9:37: Mat 10.40; Luk 10.16; Jon 13.20 * 9:40: Mat 12.30; Luk 11.23 * 9:41: Mat 10.42 * 9:43: Mat 5.30

⁴⁷ *Mewöñanök jegan sinğisöndok akñangö kölgorom ak gihima ewö, mönö qözöla gilman. Qözöla gilagun je-ilik mala Anutugö bemtohoñnönñ aᅇgota oyaenñkoyaenñ akñanmö, je yahötpuk malnönña könöp sianönñ gil gihigetka gebanbuk. ⁴⁸ *Miangöreyñ 'Döhönjini enğöhöm pilikuta mala qahö kömume aiga könöpñinan nalö kunönñ kude bököma.'

⁴⁹ Könöp sia miangöreyñ ambazip körek mi howe sihi kölköl ewö könöpñönñ enğohögetka sihimbölöñji mötme.

⁵⁰ *Howe mi ölöpnji akzapmö, howegö sihimñji mosötma ewö, mi mönö denöwö möhamgögetka nahömñji kunbuk ahubawak? Injini mewöñanök urumohot malmalgö nahömñji mosötpepuk. Miangöra Suep howenñini mosötpepuköra mönö galömñini memba sutñjine luai qem aᅇguba malme." Mewö.

10

Awanöm aᅇgömosötmosötkö keuñi

Mat 19.1-12; Luk 16.18

¹ Jisösnönñ wahöta Kaperneam miri mosöta Jordan o kutuba likepñje anda mötöteiba eta kunbuk o mi kutuba Judia prowinsnönñ kayök. Kaiga ambazip kambulembenönñ kunbuk yangöreyñ tokogetka akmalöhi, miangö dop kunbuk kusum enğiyök.

² Kusum enğiiga Farisi (Köna keugö kapañkölköl) tosatñjan yangöreyñ kaba keugö bötaknönñ örömapkö esapköm waᅇgiba kewö qesim waᅇgiget, "Azinönñ anömñji mosötmawi, mewö mianönñ Köna keu oᅇgitma me qahö?"

³ Qesim waᅇgigetka melenja kewö jii mötket, "Mosesnönñ miangö keuñi denöwö jim kutum enğiiga ahöza?"

⁴ *Mewö jii möta kewö jiget, "Azinönñ aᅇgömosötmosöt papia ohoba anömñji ölöp mosötma. Mosesnönñ mewö jim kutui ahöza."

⁵ Mewö jigetka kewö jim enğiyök, "Yañön mönö uruköhöikñjanangöra aka jimkutukutu mewö ohom enğiyök. ⁶ *Ohom enğiyökmö, Anutunönñ könäkönahije yuai pakpak miwikñaiyöhi, nalö miangöreyñök 'Azi aka ambi malmegöra miwikñaim enğiyök.' ⁷ *Miangöra azinönñ mönö iwinamñji etkömosöta anömñjanğöreyñ anda qekötahöiga ⁸ yetkön sile mohot aka malmahot. Mewö aka toroqeba yahöt qahö akzahotmö, sile mohot aka malmahot. ⁹ Anutunönñ azi aka ambi mindirim etkiyöhi, ambazip kunñjan mönö i kude mendenñ etkima."

¹⁰ Jisösnönñ mewö jiba miri uruñje öñgöiga gwarekurupñjan keu miangöra kunbuk qesim waᅇgiget. ¹¹ *Qesim waᅇgigetka kewö jii mötket, "Azi kunönñ anömñji wuatangöba ambi kun memawi, yañön mönö qesabulum sero yonğorö akña. ¹² Mewöyök ambi kunönñ aᅇñji wuatangöba azi kun memawi, yañön mönö qesabulum sero yonğorö akña." Mewö.

Jisösnönñ nahönbörat kötuatköm enğiyök.

Mat 19.13-15; Luk 18.15-17

¹³ Ambazip tosatñjan nahönbörat morömorö enğuanğita Jisösnönñ enğömisirimapköra yangöreyñ kagetmö, gwarek yeñön ambazip mi jim qetal enğiget. ¹⁴ Mewö aketmö, Jisösnönñ mi eka uruñji böliiga kewö jii mötket,

* **9:47:** Mat 5.29 * **9:48:** Ais 66.24 * **9:50:** Mat 5.13; Luk 14.34-35 * **10:4:** Dut 24.1-4; Mat 5.31 * **10:6:** Jen 1.27; 5.2 * **10:7:** Jen 2.24 * **10:11:** Mat 5.32; 1 Kor 7.10-11

“Nahönbörat moröñi mönö enğömosötketka nöñğörey kame. Anutunöñ ambazip mewö mia bemtohoñi buña qem enğima. Mianğöra i kude jöhöm enğime. ¹⁵ *Nöñön keu öñji kun kewö jibi mötme, “Kunñan Anutugö bemtohoñi mi nahönbörat ewö buña qahö qem anğumawi, yañön mönö mianğö uruñe anğotmamgö osima. ¹⁶ Mewö jiba tambuñe ala dohongöm enğiba böröñi nööröñine ala kötuetköm enğiyök. Mewö.

Jisösnöñ azi pomñi kungö qambañ keu jiyök.

Mat 19.16-30; Luk 18.18-30

¹⁷ Jisösnöñ könahiba köna anmamgö ahiga azi kunöñ ösumñan yañğörey kayök. Kaba wösöñe geba simin köla kewö qesim wañgiyök, “Böhi ölöñji, nöñön mönö denöwö aka malmal köhöikñanğö buña qem anğubilenak?”

¹⁸ Qesim wañgiiga kewö jii mörök, “Nöñğöra ‘Böhi ölöñji,’ mi wuanöñğöra jizan? Anutu mohotñan ölöñji akza. Azi kunñan i ewö ölöñji qahö akza.

¹⁹ *Gi jöjöpañ keu ki möt teközan,

‘Ambazip kun kude qenöñ kömuma. Sero yoñğorö kude akñan. Yoñğorö kude meman. Jitnöñ alal keu kude jiman. Kalöpköba yoñğorö kude meman.

Iwinamgi mönö göda qem etkimakñan.’ ”

²⁰ Mewö jii möta kewö jiyök, “Böhi, mi pakpak mönö gwaböneyök tem köla mala kotzal.”

²¹ Mewö jiiga Jisösnöñ uba eka urukönömñan jöpaköm wañgiba kewö jii mörök, “Mohot kungöra kewö osizan: Gi mönö anda sukinapki pakpak söñğöröñi memegöra alnöñ moneñ kanga ambazip wanapñi engiman. Mewö aknöñga sukinapki ketanji (guli masapugi milyön kinagi ewö) ketanji mi Suep mire ahöm gihima. Mewö aka ni nuatangöba kaman.” ²² Jisösnöñ mewö jiyökmö, sukinapñi gwötput ahöyöhanğöra aka keu mi möta uruñi bosoleiiga wösöbirik aka jeñi asöliiga öne mosöta anök.

²³ Mosöta aniga Jisösnöñ ui anda kaiga gwarekurupñi kewö jii mötket, “Yei! Ambazip moneñ inapñinambuk yeñön mönö Anutugö bemtohoñnöñ anğotpingö lömböriba kupuk-kapak akñe.”

²⁴ Mewö jiiga gwarek yeñön mi möta welipkögetmö, Jisösnöñ toroqeba kewö jii mötket, “Gupanurupni, ambazip denike yeñön moneñ inapñini möt narimakzei, yeñön mönö Anutugö bemtohoñ uruñe anğotpingö lömböriba kupuk-kapak akñe. ²⁵ Mi kewö jim tuarimam: Sömbup ketanji kamel mi kondi kinimñe ölöp qahö anğotma. Mianğö dop ambazip pomñi yeñön Anutugö bemtohoñ uruñe anğotpingö lömböriba qaköme.”

²⁶ Mewö jii möta aurum tililingöba nanñinangöra kewö jiget, “Oponoñ! Ambazip dañön mönö Suepkö buñaya akawak?”

²⁷ Mewö jigetka Jisösnöñ uba enğeka kewö jiyök, “Ambazipnöñ mi esapköba osiba qakömakzemö, Anutunöñ mewö qahö ahakza. Anutunöñ mönö yuai pakpak ölöp ahakza. Yañön yuai kun aka memamgö qahö osiba qakömakza.” Mewö.

Jisösgö nup memegö töwari

²⁸ Pitönöñ keu mi möta melenđa Jisös kewö jii mörök, “Mötnöñ, neñön mönö yuai pakpak mosöta gi guatangöba kain.”

²⁹ Mi möta Jisösnöñ kewö jiyök, “Nöñön keu öñji kun kewö jibi mötme: Kunñan nöñgö aka Ölöwak Buñagöra aka yuai kun mosöröhi, - mi jike mirinji, darumunñi, nenbehötñi, iwinamñi, nahönböratñi me nup kisinji -

mi engömosöriga Anutunöŋ mönö miangö likepni ongita melen wanŋiiga sehima. ³⁰ Kunŋan yuai mi mosöröhi, Anutunöŋ mönö salupnje mi 100:kö dop toroqeba wanŋiiga nanŋi buŋaya akŋa. Gölmegö malmalnöŋ sesewerowero urunje malmapmö, jike miri, darumun, nenbehöt, iwinam, nahönbörat aka nup kisi mi mönö salupnje ahum wanŋima aka nalö könangepnje malmal köhöikŋi teteköŋi qahö buŋa qem anguma. ³¹ *Mewö asuhumapmö, mutukŋi engörenöŋ gwötŋpukŋan dagibezupŋi aketka dagibezupŋi yengörenöŋ gwötŋpukŋan mutukŋi akŋe.” Mewö.

Kömumangö keuŋi jiiga karöbut ahök.

Mat 20.17-19; Luk 18.31-34

³² Jisösnöŋ gwarekurupŋi yembuk Jerusalem sitinöŋ öngöbingöra gölme köna anget. Jisösnöŋ mutuk aniga gwarekurupŋan andöŋe anda welipköget aiga ambazip andöŋine kageri yeŋön mönö kenŋötŋini mötket. Mewö aketka Jisösnöŋ gwarekurupŋi 12 mi kunbuk öröm engiba könahiba kusum engiyök. Yangörenŋ yuai asuhumawi, keu mi jim asariba kewö jiyök, ³³ “Mötket, nini Jerusalem öngöbin. Miangörenŋ kunŋan Suep gölmegö azi öŋŋi mamalolo mem wanŋiiga jike nup galöm aka Köna keugö böhi yeŋö böröŋine gema. Yeŋön kömumapkö keuŋi jim teköba kian gawman yeŋö böröŋine al wanŋime. ³⁴ Al wanŋigetka mepaiköba söutkölap qeba ihilek wahinambuknöŋ tauköm wanŋime. Tauköm wanŋiba qegetka kömuma. Kömumba wehön karöbut teköiga kömupnöhök wahötma.” Mewö.

Jeims Jon yetköŋ yuaigöra ulerohot.

Mat 20.20-28

³⁵ Jisösnöŋ mewö jiiga Jebedigö nahönyahötŋi Jeims aka Jon yetköŋ yangörenŋ anda kewö jiyohot, “Böhi, niri yuai kungöra ulet gihiziri mi ak netkimangö mötzit.”

³⁶ Jiyohotka qesim etkiyök, “Injiri wani yuai ak etkimangöra mötzahot?”

³⁷ Qesim etkiiga kewö jiyohot, “Göŋön ölöŋ jim kutunöŋga niri göhö asakmararanöŋ eu öngöba kunöŋ böröŋi öŋŋe aka kunŋan böröŋi qaniŋe tata yuai pakpak galöm kölbinaŋ.”

³⁸ *Mewö Jiyohotmö, Jisösnöŋ kewö jii mörohot, “Injiri miangö könanŋi qahö möt yaköba uletzahot. Nöŋön qambi asöŋambuk nemami, injiri mi ölöŋ nempa sihibölö mötmahot me qahö? Jöm nöŋgwambuknöŋ melun mem ninŋime, injiri mi memahot me qahö?”

³⁹ Jii möta jiyohot, “Mi ölöŋ membit.”

Jiyohotka kewö jii mörohot, “Mi öŋŋa! Nöŋön qambi asöŋambuk nemami, injiri mi mewöŋanök nemahot aiga jöm nöŋgwambuknöŋ melun mem ninŋime, mianŋön mönö injiri mewöyök melun mem etkime. ⁴⁰ Mem etkimemö, nöŋgö böröni öŋŋe me qaniŋe danŋön tatmahori, nöŋön keu mi jim kutumamangö dop qahö. Anutunöŋ dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot.” Mewö.

Galöm öŋŋan mönö welenqeqeya akza.

⁴¹ Jeims Jon yetköŋ mewö ulerohotka alaurupŋi 12 yeŋön mi möta könahiba urubölö aket. ⁴² *Mewö aketmö, Jisösnöŋ engoholi kagetka kewö jii mötket, “Gölmegö kantriŋi kantriŋi mienŋö jembonŋinan galöm köŋ engibingö jizei, yeŋön mönö azi kembu tandök ak engimakze. Yeŋö ketanŋamŋinan mönö

* **10:31:** Mat 20.16; Luk 13.30 * **10:38:** Luk 12.50 * **10:42:** Luk 22.25, 26

keu jim kutuba mindingöm engiba kukösumņini kondelakze. Inini könarņini mi ölop mötze. ⁴³ *Engö sutņine silik mewö ahöbapukmö, kunņan engö sutņine ketaņamņini akņamgö mötzawi, yaņön mönö welen qem engiba malma. ⁴⁴ Mewöyök kunņan engö sutņine mutukņi malmamgö mötzawi, yaņön mönö körek engö nembö bapņine mala welenqeqeņini omanņi akņa. ⁴⁵ Suep gölmeğö azi ölnan mönö mewöyök silik mewöņi kondela nanņi welen qem waņgimeğöra aka qahö kayök. Qahöpmö, welen qem engiba ambazip sehise- hiņi yenğö sohoppņini memamğöra aka eta malmalņi kölęda mosötma.

Bartimeus jeņi gömöliiga mem ölöwahök.

Mat 20.29-34; Luk 18.35-43

⁴⁶ Jisösnöņ gwarekurupņi yembuk Jeriko sitinöņ kaget. Kaba siti mi mosötpingö aketka ambazip kambulelemenöņ enğuatangöba andöņine kaget. Mewö kagetka jegömöl azi qetņi Bartimeus, Timeusgö nahönņi yaņön moneņ aka nene waņgimeğö ulet engiba köna jitņe tarök. ⁴⁷ Tariga “Nazaret-azi Jisösnöņ kaza!” jiget möta könahiba kewö qerök, “Jisös Deiwidkö gwölönarökņi, mönö ak-kömum niņgiman!”

⁴⁸ Mewö qeriga gwötpukņan bök tatmapköra qetal waņgigetmö, yaņön mönö kapaņ köla qerök. “Deiwidkö gwölönarökņi, mönö ak-kömum niņginöņ!”

⁴⁹ Qeriga Jisösnöņ dörök ala kewö jiyök, “Ölop qetketka ki kama.” Mewö jiiga jegömöl azi mi qeta kewö jiget mörök, “Göhöra qeza. Mönö mötkurumkurum mosöta wahöta kaman.”

⁵⁰ Mi möta malukunņi qeköba gila pöraņ wahöta kinda Jisösgöreņ anök.

⁵¹ Aniga kewö qesim waņgiyök, “Alani, nöņön wani yuai ak gihimamğöra mötzan?” Mewö qesim waņgiiga jegömöl azinöņ jiyök, “Ketaņamni, ni jeni kunbuk umamğöra mötzal.”

⁵² Mewö jiiga Jisösnöņ kewö jii mörök, “Mötnariņkan mönö mem ölöwak gihiza. Mönö ölop anman.” Mewö jii möta jeņan miangöreņök tohoiga uba andöņine Jisös wuatangöba anök. Mewö.

11

Jisösgöra köiraņ kölgetka Jerusalem öngöyök.

Mat 21.1-11; Luk 19.28-40; Jon 12.12-19

¹ Jisösnöņ gwarekurupņi yembuk Jerusalem siti dopdowiba Betfage aka Betani miri yahöt kösutņire kaba Oil ip kunduje öngöba gwarekyahötni yahöt melaim etkimamğöra aka ² kewö jii mörohot, “Miri wösöņjire tatzawi, mönö miangöreņ anohot. Anda miangöreņ aņgota doņki moröņi kösönöņ jöhöget kinjawi, mi miangreņök miwikņaimahot. Doņki mi dölökņa, azi kunņan qakņe qahö tatatņa. Mi mönö pösata memba ki kamahot. ³ Pösarohotka kunņan “Wuanöņğöra mewö akzahot?” jiba qesim etkiiga kewö jimahot, “Kembuniran mönö miangöra osiba jiiga kazira zilaņ melenņiga kunbuk ki kama.”

⁴ Mewö jiba melaim etkiiga anda doņki moröņi miri towokņe miri kungö nanğuje kösönöņ jöhöget kiniga miwikņaiiba pösarohot. ⁵ Pösarohotka azi tosatņi miangöreņ kingeri yeņön kewö qesim etkiiget, “Hei, wania akitköra doņki moröņi pösatzahot?”

⁶ Mewö qesim etkiigetka Jisösnöņ jiyöhaņğö dop jiyohot möta “Ölop memba anmahot,” jiget. ⁷ Jigetka memba Jisösgöreņ kayohotka malukunņini qeköba

* 10:43: Mat 23.11; Mak 9.35; Luk 22.26

donki moröñangö qakñe algetka öñgöba tarök. ⁸ Mewö tata aniga ambazip jesöñgöñan göda qeba malukuñini qeköba köna namñe tumbulgetka tosatñan gölme köröñe anda ip sinñi mitiba tumbulget. ⁹ *Tumbulgetka ambazip jeñe köl öröba angeri aka andöñe wuatangöba kageri, yeñön kewö jiba qetket, “Hosana, owe owe! Anutu möpöseizin. Kembugö qetñe kamawi, Anutunöñ mönö i kötuetsköm wangima. ¹⁰ Kinj Deiwidnöñ kantri tohoñ kuñguba galöm köl enjiyöhi, nalö mewöñan mönö kunbuk kam nengiza. O Anutu mönö kantri tohoñini kötuetsköman. Hosana! Qetbuñagi möpöseizinga euyangöreñ öñgöza. Owe Owe!”

¹¹ Mewö qetketka Jerusalem sitinöñ öñgöba jöwöwöl jikegö tohoñ uruñe anök. Miangöreñ liliköba yuai pakpak ehi mare ahiga eta gwarekurupñi 12 yembuk jike mosöta Betani mire anda ahöget. Mewö.

Jisösnöñ fig ip kun qesuahöiga ululungöyök.

Mat 21.18-19

¹² Ahöba söñanök wahöta gwarekurupñi yembuk Betani miri mosöta angetka Jisösnöñ nenegö kömuyök. ¹³ Nenegö kömumba ui aniga fig ip kun * sinñambuk kini ehök. Eka “Sinñangö uruñe öññi tari miwikñajiba nembilenak,” jiba fig ipkö könañe anök. Anökmö, öññangö nalöñan qahö töriyöhañgöra sinñanök kini ehök. ¹⁴ Mewö eka ip mi kewö jim wangiyök, “Kunñan öñgi kunbuk kude nema.”

Mewö jim wangiyöga keu mi gwarekurupñan mötket. Mewö.

Jisösnöñ jöwöwöl jike jim kömbuhiyök.

Mat 21.12-17; Luk 19.45-48; Jon 2.13-22

¹⁵ Anda mala Jerusalem sitinöñ öñgögetka Jisösnöñ jöwöwöl jikegö tohoñ uruñe anök. Miangöreñ ambazip engehiga inap bohonñi memegöra algetka söñgöröñi megeri, mi könahiba közöl enjiyöga etket. Moneñ utekutek ambazip yeñgö jakenjini metali anget. Mewöyök kembö bohonñini memegöra algeri, miengö dum tatatñini mi tok tötaliga anget. ¹⁶ Sombem kömbukñi kutuba yuai siriba angotkangotkö könañi jöhöyök. ¹⁷ *Mewö aka kusum enjiba kewö jii mötket, “Aisaianöñ keu kun kewö ohoi ahöza, ‘Nöñgö jikenan mönö gölmeñi gölmeñi pakpak yeñgö köulukö mirinjina akñapkö qetme.’ Keu mi ahözapmö, injini mi utekögetka kegwek-kahasililij yeñgö banjet ewö akza.”

¹⁸ Mewö jii möta ambazip kambu pakpak yeñön miangöra nemböñini teköiga welipköget. Miangöra jike nup galöm aka Köna keugö böhi yeñön mi möta Jisösgöra keñgötñini möta eraum möta kewö jiget, “Mönö denöwö jiinga qegetka kömumbawak?”

¹⁹ Mare ahiga Jisösnöñ gwarekurupñi yembuk siti mosöta yaigep anda ahöget. Mewö.

Fig ipnöñ ululungöiga eket.

Mat 21.20-22

²⁰ Ahöba söñanök wahöta könanöñ anda fig ip mi ongitpingö aketka jalöñambuk ulungöba kini eket. ²¹ Kiniga Pitönöñ Jisösgöreñ keu mötmöriba kewö jii mörök, “Ketanamni eknöñ, fig ip qesuahönöñi, mi mönö ululungöba kinja.”

* **11:9:** Sum 118.25-26 * **11:13:** Fig mi sambu ipkö alañi kun. Mi nupñine kömötketka köññi nahömñinambuk asuhuetka gwötupk nemakzema. * **11:17:** Ais 56.7; Jer 7.11

²² Jii möta Jisösnöŋ kewö melenŋök, “Anutugö mötnarip mönö töp memba malme.” ²³ *Nöŋön keu ölni kun kewö jibi mötme, “Kunŋan keunŋängö ölni ahumapkö uruyahöt qahö aka kundunji kianŋö tonŋängöra kewö jim kutubawak, ‘Mönö kundunji ki qeköba wahöta anda köwetnöŋ alman.’ Mewö jim kutuba Anutu möt nariiga ölni mönö miangö dop ahuma. ²⁴ Mianŋöra nöŋön kewö jibi mötme: Wani yuaigöra qesiba köulukömei, mi pampak lök buŋa qem anŋuzin, mewö möt narigetka mönö buŋanini akŋa. ²⁵ *Inini kinda Anutu köulukögetka kunŋan alanŋängö pinjitköra urubölö akŋa ewö, pinjit mi mönö mosötme. Mewö akŋe ewö, enŋö Iwiŋini Suep mire maljawanŋön mönö mewöŋanök enŋöŋen ŋiŋgisöndok mosötma. ²⁶ (Inini tosatŋi yengöŋen ŋiŋgisöndok qahö mosötme ewö, enŋö Iwiŋini Suep mire maljawanŋön mönö mewöŋanök enŋöŋen ŋiŋgisöndok qahö mosötma.)” Mewö.

Jitŋememe yeŋön Jisösgö kukösumŋängö qesiget.

Mat 21.23-27; Luk 20.1-8

²⁷ Jisösnöŋ gwarekurupŋi yembuk kunbuk Jerusalem sitinöŋ öŋgöget. Öŋgöba jöwöwöl jikegö tohon uruŋe anda kaiga jike nup galöm, Köna keugö böhi aka kantrigö jitŋememe tosatŋi yeŋön yanŋöŋen kaŋgotket. ²⁸ Kaŋgota kewö qesim wanŋiget, “Gi kianŋöŋen yuai akzani, mi mönö danŋön jim kutum gihiiga ahakzan? Mi memamŋö kukösumŋi mi danŋön gihiyök?”

²⁹ Qesim wanŋigetka kewö melen enŋiyök, “Nöŋön mewöyök keu kun qesim enŋimam. Mi melen ŋiŋigetka nöŋön mewöyök danŋön kukösum ŋiŋgiiga yuai ki ahakzali, mi jibi mötme. ³⁰ Jonöŋ ambazip o-melun mem enŋiba malöhi, yanŋön miangö kukösumŋi mi denikeyök meyök? Suep Tonŋan wanŋiyök me gölme tonŋan wanŋiget? Mi jiget mötman.”

³¹ Mewö melen enŋiiga sutŋine eraum möta kewö jiget, “Kukösumŋan Suepnöhök asuhuyök, mewö jibin ewö, yanŋön mönö kewö jima: Inini mönö wuanöŋgöra Jon qahö möt narim wanŋiget? Mi qahö dop kölja. ³² Me ‘Gölme ambazipnöhök asuhuyök,’ jibinak? Mi qahö dop kölja.” Ambazip köreŋŋan Jongöra ‘Ölna kezapqetok azia akza,’ jigeranŋöra aka ambazip kambu yeŋgöra keŋgötŋini möta mi jibingö osiget. ³³ Mianŋöra “Mi qahö mötzin,” melenget. Mewö melengetka Jisösnöŋ kewö jii mötket, “Mewö aiga nöŋön mewöyök yuai ki ahakzalanŋö kukösumŋi danŋön ŋiŋiyök, mi qahö jibi mötme.” Mewö.

12

Wain kösö nup galöm bölöŋi mienŋö dopkeu

Mat 21.33-46; Luk 20.9-19

¹ *Jisösnöŋ könahiba ambazip dopkeunöŋ kewö jii mötket, “Azi kunöŋ wain kösö nup kun köla kömörök. Köla kömöta selŋi memba liliköyök. Mem liliköba wain jout ketanŋi kötnöŋ meyök. Mianŋöŋen waingö ölni ala könanöŋ tözöhölget onan lalanöŋ geyök. Wain jout ketanŋi mi memba wain yonŋorö membepuköra galöm meme jake köröpŋi köweŋambuk meyök. Yuai pampak mem teköba wain nup galöm tosatŋi miwikŋaim enŋiba kewö jiyök, “Mönö nup memba ölnängö bahöŋi nanŋini memba bahöŋi tonŋi ni ŋiŋime.” Mewö jiba nup mi böŋöŋine ala enŋömosöta kantri kunöŋ anda malök. ² Mala mali ölni öliyöhanŋö nalöŋi (yambu 5) töriiga mianŋöŋen welenqeŋenŋi kun melaim

* 11:23: Mat 17.20; 1 Kor 13.2 * 11:25: Mat 6.14-15 * 12:1: Ais 5.1-2

wan̄giiga galöm yengörej anda wain nup öln̄angö bahöni wan̄gimegöra jiyök. ³Jiyökmö, galöm yeñon i memba jöhöba kömbinöñ qeba wuatangögetka böröñi börak lilingöyök. ⁴Miangö andöñe welen azi kun melaii yengörej aniga nöröpñi qesinda gamu qem wan̄giget. ⁵Miangö andöñe welen azi kun kunbuk melaiiga ani qeget kömuyök. Mewöñanök azi tosatñi gwötpuk melaim engiiga tosatñi kömbinöñ sepgwörörök enguba tosatñi enguget kömuget. ⁶Mewö aketka wain nup tonjan keu jaruba jiyök, ‘Nani wölböt nahöni mohok mi tok malja. I mönö göda qem wan̄gime me denöwö?’ Mewö jiba qöndökñi mi nahönña melaiiga yengörej anök. ⁷Anökmö, kaiga eka sutñine kewö jiget, ‘Yañon mönö börösamotñangö tonji akña. Ayop, mönö memba qein kömuiga wain kösö nup kianön mönö nanine buñanina akña.’ ⁸Mewö jiba memba jöhöba qeget kömuiga qamötñi nup yaipeñje gilget geyök.

⁹Wain nup tonjan mi möta mönö denöwö akña? Yañon mönö nanñak kaba nup galöm mi köndej engima aka nup galöm dölökñi miwikñaim engiba wain kösö nupñi yengö böröñine alma. ¹⁰*Buña Kimbigö keu ki lök oyonget me qahö?

‘Miri meme yeñon köt tandö kun andö qeba öne mosötket taröhi, mianñon mönö tandö kömböñani ahiga miwikñaijet. Mianñon tingiriga mirinöñ mönö gororöñgöba eta kölma.

¹¹Kembunöñ tandö mi kuñguiga jeninan ehinga qetbuñabuk ahiga welipkömakzin.’”

¹²Jisösnöñ mewö jiiga galöm yeñon keu miangö köñani möt asariba kewö jiget. “Dopkeu mi mönö nengöra jiza.” Miangöra i memba jöhöbingö mötketmö, ambazip kambu yengöra kenğötñini möta osiba mosöta anget. Mewö.

Takis alalgö jisös esapköm wan̄giget.

Mat 22.15-22; Luk 20.20-26

¹³Juda jittjememe yeñon Farisi aka premiö Herodkö pati alaurup tosatñi melaim engiba kewö jiget, “Inini mönö Jisösgöreñ anda qesiba keugö bötaknöñ öroi gwaröhöm wan̄gime.” Mewö jigetka Jisösgöreñ kaget. ¹⁴Jisösgöreñ kaba kewö jigetka mörök, “Böhi, göñon azi öln̄i akzani, nini mi mötzin. Göñon ambazip tosatñi qahö engek soriba tosatñi qahö qepureim engimakzanmö, dop mohotnöñ kewöt nengimakzan. Miangöra kungum gihigetka qahö gongiba ketanji qahö esuhum engimakzanmö, Anutugöreñ köna mi keu öln̄angö dop kusum nengimakzan. Göñon Anutugöreñ keu diñdijñ mianñon öngöñgöñi eretñi mohot pakpak jim qindijñ ak nengimakzan. Miangöra nini sisa-kingöra takis ala mianñon Mosesgö Köna keu siñgibin me qahö? Mi alinga dop kölja me qahö?”

¹⁵Mewö jiget möta areñini munenji mi möt kutuba kewö jii mötket, “Inini wuanöñgöra keugö bötaknöñ al niñgibingö esapköm niñgize? Ölop silwö monen (Kina 5) kun memba kaget eki.”

¹⁶Mewö jiiga mi memba kagetka kewö qesim engiyök. “Dagöreñ imut aka qet mi ki ohoget ahöza?” “Mi sisa kingöreñ!” Mewö melenja jiget.

¹⁷Jigetka kewö jii mötket, “Mewö ahiga yuai sisa-kingö imutñambuk buñanji ahözawi, mi mönö yanğöra al wan̄gime. Yuai kun Anutugö buñaya ahözawi, mi mönö Anutugö buña qeme.” Mewö jii möta yanğöra gwötpuk welipköget. Mewö.

* **12:10:** Sum 118.22-23

Kömupnöhök wahötwahötkö esapköm wanjigiet.

Mat 22.23-33; Luk 20.27-40

18 *Sadyusi (Jike nupkö kapañkölköl) yeñon “Kömugeri yeñon kude wahötmé,” jiba malget. Yeñgöreñök tosatñan Jisösgöreñ kaba kewö qesim wanjigiet, ¹⁹*“Böhi, Mosesnöñ kewö jim kutum neñgiyök ahöza, ‘Azi kun ambi meiga nahönbörat qahö ahui kömumba malöñi öne mosöriğa munñan ölop malöñi memba gwölöñarök qiwikñaim wanjiiga datñanğö get bisiba malma.’”

20 Mötnöñ! Nalö kunöñ darumun 7 malget. Datñini mutukñan ambi memba mala gwölöñarökñi qahö öne mala kömuyök. ²¹ Kömuiga munñan malöñi mi memba mala mewöyök gwölöñarökñi qahö öne kömuyök. Kömuiga munñi kun yanğö bapñe mianñon ambi miyöhök memba mala öne kömuyök. ²² Mewöña mewö darumun 7 pakpak yeñon ambi mohot miyöhök memba gwölöñarök qahö mala kömum teköget. Körek kömugetka qöndökñi malöñini mi mewöyöhök kömuyök. ²³ Göñon Kömugeri yeñon guliba wahötmé, jizannmö, nini mi qahö möt narizin. Mötnöñ! Azi 7 pakpak mi öröröñ wahötpeak ewö, ambi möhot mi anömqina meget malöhanğöra aka mönö dagö anömqina akawak?”

²⁴ Mewö qesigetka Jisösnöñ melenđa kewö jii mötket, “İñini keu jim sohoze. Urumelenğö Buña Kimbiñi aka Anutugö kukösumñi qahö möt kutuzeanğöra mönö janjuñ ahakze. ²⁵ Öñña, kömupnöhök wahöta nalö mianğöreñ awanöñm qahö akñemö, garata yeñon Suep mire maljeanğö tandök aka malme. ²⁶ *Mötket! Kömugeri, yeñon guliba wahötmegö keuñi mi Mosesgö Buknöñ kewö ahöza: Sötman köhösonöñ könöp bölam ahuba qahö jem kutuyöhi, İñini kösohot mi oyonget me? Anutunöñ mianğöreñ Moses kewö jii mörök, ‘Nöñon Anutu Abrahamğö Kembu, Aisakö Kembu aka Jeikobkö Kembuya mala kota maljal.’”

²⁷ Isik bömöñ karöbut yeñon Anutubuk mala mal köhöiba öngöme. Anutunöñ köhömuñi yeñgö Kembuñini qahöpmö, malmal köhöikñi maljei, mönö yeñgö Kembuñina akza. O Sadyusi (Jike nupkö kapañkölköl pati) İñini mönö keu gwötpuk möt sohomakze.” Mewö meleşnök.

Jöjöpaj keu bohonñi yahöt mi denöwö?

Mat 22.34-40; Luk 10.25-28

²⁸ *Jisösnöñ Sadyusi (Jike nupkö kapañkölköl) yembuk eraum möta jim soroköba melenj enjiyöhi, mi Köna keugö böhi azi kunöñ mörök. Mewö möta jeñe kanğota kewö qesim wanjiyök, “Jöjöpaj keu pakpak miengöreñök bohonñi ketañi mi denöwö?”

²⁹ *Qesim wangiiga melenñök, “Bohonñi ketañi mi kewö, ‘Israel köñagesö mötket! Anutu mi Kembunini. Yanñon Kembu mohot ahiga bem alañi kun qahö.

³⁰ Mianğöra urugi jömmukñi, unğagi jömmukñi, mötmötki jömmukñi aka kuki jömmukñi, mianñon mönö Kembu Anutugi jöpaköba malman.”

³¹ *Jöjöpaj keu mianğö alañi kewö, ‘Nangi jöpaköm anğumakzani, mewöñanök mönö ambazip pakpak jöpaköm enğiba malman.’

* 12:18: Apo 23.8 * 12:19: Dut 25.5 * 12:26: Eks 3.6 * 12:28: Luk 10.25-28 * 12:29: Dut 6.4-5 * 12:31: Lew 19.18

Jöjöpəñ keu kunñan mönö keu yahöt mi qahö etkonğitza.”

³² *Köna keugö böhigöra mewö melerñiga jiyök, “Böhi! Gi törörök keu ölnəñgö dop jizan. Anutunöñ mohot akza. Bem alañi kun qahö. ³³ *Gi urugi jömukñi, mötkutukutugi jömukñi aka kuki jömukñi, mianñön Anutu jöpaköba malman. Aka nangi jöpaköm anğumakzani, mewöñanök mönö ambazip pakpak jöpaköm enğiba malman. Jöjöpəñ keu yahöt mi bohonñi ketanñi akzahot. Mi tem kölməni, mianñön mönö jöwöwöl pakpak aka naluk kötin tosatñi enğonğitza.” ³⁴ Mewö jiiga Jisösnöñ urumötmötñi möri dop köliga kewö jii mörök, “Gi Anutugö bemtohoññön anğotmamğö dopdowizan.” Mewö eraum möröhotka körek yeñön Jisös toroqeba qesim wañgibingö kölköldömdöm aka mosötket. Mewö.

Kraist mi kiñ Deiwidkö kembunñi aka gwölönarökñi.

Mat 22.41-46; Luk 20.41-44

³⁵ Jisösnöñ jöwöwöl jikenöñ kində Buña keu kusum enğiba kewö qesim enğiyök, “Kraistnöñ kiñ Deiwidkö gwölönarökñi akzawi, Köna keugö böhi yeñön keu mi denöwögöra jimakze? ³⁶ *Deiwidnöñ nanñak Uña Töröñan sölölohöm wañgiiga kewö jiyök,

‘Anutunöñ kində nönğö Kembuni kewö jii mörök: Göñön mönö kaba nönğö böroni ölnə tatnönğa nönñön nalö sutñe kerökurupki tim tötöla luhut alenğiba göhö köna tambö gwarönə al enğimam. Nalö mi kam kungumawanğö dop mönö asakmararəññön ki tatman.’

³⁷ Deiwidnöñ nanñak mewö jiba qetñi ‘nönğö Kembuni’ jiza.’ Kembuni jiba mönö denöwö aka yanğö gwölönarökñi mohot akawak?” Mewö jiiga ambazip kambu ketanñi yeñön Jisösgö keuñanğö sihimñi möta kezap alget. Mewö.

Urumelenğö silesile malmalgö galöm meme keu.

Mat 23.1-36; Luk 20.45-47

³⁸ Jisösnöñ kusum enğiba toroqeba kewö jiyök, “Inñini mönö Köna keugö böhi yeñgöra galöm memba malme. Yeñön maluku köröpnñi löngöta anda kaba kondel anğubingö mörakze aka maketnöñ me könanöñ ambazip enğigetka jölönñini jimegö mörakze. ³⁹ Köuluk mire qaikñe eu tatpingö sihimñi mörakze, aka közölömbuaññön dum tatat mutukñe jegep tatpingö mörakze. ⁴⁰ Yeñön malö yeñgöreñ miri yuai bidanđə gagabe köla enğuanğirakze, aka qetbuñanñini asuhunapköra köuluk köröpnñi köuluköba töptöpñine qemakze. Mianğöra Anutunöñ keuñini jim teköba likepnñi öñğönğönñi melerñi qakñine öñğöma.” Mewö.

Ambi malö kunöñ naluk kötin ölnə alök.

Luk 21.1-4

⁴¹ Jisösnöñ jöwöwöl jikenöñ naluk dundum andönə tariga ambazipnöñ monen mianğöreñ alget geiga uba enğehök. Ambazip pomñi sukinapñinambuk gwötpuk yeñön kanğota kina monen lömbötñambuk alget geyök. ⁴² Alget geiga malö wanapñi kunöñ kanğota souje kötnñi yahöt, mi toiya tosatñi mianğö dop ali geyök. ⁴³ Jisösnöñ mi eka gwarekurupñi köl öröm enğiba kewö jii mötket, “Nönğön keu ölnə kun kewö jibi mötme: Malö wanapñi kianñön naluk aljawi, mi mönö tosatñi pakpak yeñön yuai dundumnöñ alget gezawi, mianğö dopñi onğita alja. ⁴⁴ Körek yeñön monen gwötpuk ahöm

* 12:32: Dut 4.35 * 12:33: Hos 6.6 * 12:36: Sum 110.1

enjiiga kitipnanöhök aljemö, ambi kianjon mönö köruebörue maljawangö dop yuaini pakpak al teköba öne töhön malma.” Mewö.

13

Jöwöwöl jikenöŋ köndenŋmöndenŋ asuhuma.

Mat 24.1-2; Luk 21.5-6

¹ Jisösnöŋ jöwöwöl jike mosöta eriga gwarekurupŋi yengörenök kunŋan kewö jii mörök, “Böhi eknöŋ! Jikegö tohonŋ uruŋe mirinŋ mirinŋ mi mönö wewelipŋambuk. Mi kötnöŋ memba meŋölögetka ölöpbölpöŋŋi kinja.”

² Jisösnöŋ mi möta keu kewö meleŋnök, “Jikegö tohonŋ uruŋe miri ketanŋi ki engekzanmö, mi mönö köndenŋgetka mirigö köt kun mi köt kungö qakŋe qahö ahömappmö, qeqelanŋan aka sahopŋanök ahöma.”

Kahasiliŋ aka sesewerowero asuhuma.

Mat 24.3-14; Luk 21.7-19

³ Mewö jiiga Oil ip kundune öngöba likepŋe endu jöwöwöl jikenöŋ kinöhi, mi eka tatket. Miangörenŋ tata Pitö, Jeims, Jon aka Andru yeŋön Jisös nanŋök öröba kewö qesim wangiget, ⁴ “Böhi! Keu jizani, miangö ölnŋ mönö wanat nalönöŋ asuhum tiŋgitma aka yuai pakpak mi könahiba asuhum tekömawi, miangö aiwesökŋan mönö denöwö asuhuma? Mia ölpöŋ jinöŋ mörin.”

⁵ Mewö qesim wangigetka könahiba kewö jii mötket, “Kunŋan isimkakalek aiga janŋun anbepeköra mönö galöŋŋini memba malme. ⁶ “Ambazip gwötpukŋan asuhuba nöŋgö qetne kewö jime, ‘Nöŋön Kraist akzal.’ Mewö jiba ambazip gwötpuk tilipköm enŋime. ⁷ Inŋi yarö miengö buzupŋini aka ötöŋŋini asuhugetka mörakŋe. Mi möta jönöŋŋini kude undumakŋa. Yuai mewöŋi mi mutuhök asuhumapkö jijina. Mi asuhumappmö, gölmegö nalöŋan mönö miangörenök zilaŋ qahö teköma. ⁸ Kantri kunöŋ kantri kun enŋubingöra wahötme. Ambazip kambu kunöŋ kambu kun yembuk aröŋ anŋubingöra wahötme. Gölmeŋi gölmeŋi miangörenŋ kenöŋ ketanŋi ketanŋi qözöla memba gölme meleŋni gemakŋa. Mewöyök bödiŋi bödiŋi (buöröŋi buöröŋi) asuhuba öngöba ahöma. Yuai mewöŋi mi ambi köröbuknöŋ masi könahiba enŋumakzawangö dop. Gölmegö nalöŋan mönö miangö dop könahiba tekömamgö akŋa.

⁹ *Mewö akŋappmö, inŋi ölpöŋ galöŋŋini mem anŋuba malme. Ambazipnöŋ inŋi öröba keu jakeŋe al enŋgiba köuluk mireŋŋini keu nupŋini memba kömbinöŋ enŋume. Tosatŋan nöŋgöra aka enŋuangitketka kantrinŋi kantrinŋi yengö kinŋ kemu aka premiö yengö jemesoholŋine kinme. Mewö kinda nöŋgö könaŋamni nanŋöba jigetka mötme. ¹⁰ Ölöwak Buŋa ki mönö mutuk gölmegö kantrinŋi kantrinŋi pakpak yengöra jim sehim tekögetkun gölmegö nalöŋan miangö andöŋe teköma. ¹¹ Öröba enŋuangita keu jakeŋe al enŋigetka kinmei, nalö miangörenŋ keu denöwö jibinak, miangö waimanŋatŋi qelŋine kude mötme. Uŋa Töröŋan aua miangörenök keu enŋimawi, mönö mia jime. Nanŋine uruŋinanŋöra keu qahö jimemö, Uŋa Töröŋan mönö uruŋini sölölohöiga keu jime. ¹² Urumelenŋö kopa kunöŋ darumunŋan uruŋi meleŋnöhanŋöra aka i mamalolo meiga keu jakeŋe algetka qeget kömuma. Mewöyök iwi kunöŋ nahönböratŋi mamalolo meiga kömuma aka nahönbörat yeŋön iwinamurupŋini qetal enŋgiba jigetka enŋuget kömume. ¹³ *Kantri pakpak yeŋön nöŋgö

* 13:9: Mat 10.17-20; Luk 12.11-12 * 13:13: Mat 10.22

qetnaŋgöra aka kazik ak enŋigetka malmemö, kunnjan kapaŋ köla köhöiba böŋ qeba kinda maliga gölmegö nalöŋjan tekömawi, yaŋön mönö oyaenŋoyaen buŋa qem aŋguma. Mewö.

Jerusalem sitigö köndenmönden uru-önöŋambuk

Mat 24.15-28; Luk 21.20-24

14 *Könaŋgep tosatan kaba köndenmönden aka yuai aŋgöörakŋambuk jikenöŋ qahö alalgö dop mi altanöŋ ala kiniga ekŋei, - keu ki oyoŋmawaŋön mönö ölop kezap ala möt kutuma - nalö mianŋöreŋ Judia prowinsnöŋ malmei, eŋön mönö misiŋgöba öröba kunduje anme. 15 *Miri kösutŋe sombenmöŋ malmawaŋön mönö eta yuaiŋi mamangöra miri uruje kude öŋgöma. 16 Nupnöŋ anda malmawaŋön mönö mewöyök malukuŋi mamangöra liliŋgöba mirinöŋ kude anma. 17 Yei! Ambi gölömbuk aka morö juzunöŋ yeŋön nalö mianŋöreŋ denöwö ösumŋinan anbeak. 18 Mianŋöra yuai mi kie luhut nalöŋe kude asuhumapköra köuluköme. 19 *Nalö mianŋöreŋ kahasililiŋ keta bölöŋki asuhuma. Kahasililiŋ dopŋi mewöŋi mi mönöwök nalö kungen kude asuha aböyök. Anutanöŋ yui pakpak miwikŋaiyöhi, nalö mianŋöreŋök könahiba nalö kianŋöreŋ mala kota nalö sutŋe kun qahö asuhuyök. Mönöwök qahö asuhuyök aka könaŋgep nalö kunöŋ qahö ahuma. Mianŋöra mönö köuluköba malme. 20 Kembunöŋ wahöjalin nalö mi qahö mem töribawak ewö, ambazip körekŋan mönö ayuhum teköbeakmö, ambazip nanŋangöra möwölöhöm enŋiyöhi, yeŋgöra aka wehön mienŋö qötöŋini mi mem törima.

21 Nalö mianŋöreŋ kewö jime, 'Mötket! Kraistnöŋ ki malja.' aka 'Eket! Amötqeŋe Toŋan endu kinja.' Kunŋan mewö jima ewö, mi mönö kude möt narime. 22 Mi kewögöra: Amötqeŋe toŋi munenŋi aka kezapqetok ambazip takapulakanŋi asuha aŋgöletot aka aiwesök jemurutŋi megetka letotme. Mewö letotketka Anutanöŋ ambazip nanŋangöra möwölöhöm enŋiyöhi, i mewöyök eŋololon mem enŋimegö esapköba kapaŋ kölgetka janjur akepuk. Eŋön ölopŋanök galöŋŋini memba malgetka mi osibeak. 23 Nöŋön yuai pakpak mi kude asuhuiŋa qeljiŋe lökŋanök jibi mötze. Mi mutuk jizalangöra mi mönö urujine ala galöŋŋini mem aŋguba malme. Mewö.

Suep gölmegö azi ölnjan mönö asuhum tiŋgitma.

Mat 24.29-31; Luk 21.25-28

24 *Wahöjalin mi teköiga nalö mianŋöreŋök wehön jeŋan injan köliga köiŋnöŋ ömuŋ kölma. 25 *Senŋelau yeŋön suepnöhök teköba etme aka suepnöŋ uturuköiga mianŋö öroyuaiŋi mi tatatŋini mosöta eŋololon aketka sohoma. 26 *Nalö mianŋöreŋ Suep gölmegö azi ölnŋi yaŋön kousu qakŋe kaŋgori ekŋe. Kukösumŋi ketanŋan saköl-diŋdiŋambuk aukŋe asuhuiŋa asakmararanŋi ekŋe. 27 Kaŋgota Suep garataaurupŋi melaim enŋiiga yeŋön ambazip Anutanöŋ nanŋangöra möwölöhöm enŋiyöhi, i gölme göraŋi likeplikep, euke emuke mianŋöreŋök kölolohoba enŋuanŋitme. Mewö.

Geröp ipkö dopkeu

Mat 24.32-35; Luk 21.29-33

28 Ijini geröp ip eka tandökŋi mötmöriba dopkeu ki mötme. Böröŋan lök oŋambuk aiga sinŋan yoŋgoigetka mi eka möta kewö jimakze, 'Wehön nalöŋjan

* 13:14: Dan 9.27; 11.31; 12.11 * 13:15: Luk 17.31 * 13:19: Dan 12.1; Ind 7.14 * 13:24: Ais 13.10; Eze 32.7; Joel 2.10, 31; 3.15; Ind 6.12 * 13:25: Ais 34.4; Joel 2.10; Ind 6.13 * 13:26: Dan 7.13; Ind 1.7

mönö dopdowiza.’ ²⁹ Eñön mewöñanök aiwesök miangö dop asuhuiga eka möt asariba kónañi kewö jime, ‘Jisösnöñ mönö nanñunöñ dopdowiza.’ ³⁰ Nöñön keu ölni kun kewö jibi mötket: Ambazip ki merak gölmenöñ maljei, yeñön qahö kömugetka yuai pakpak jizali, mi mönö yeñgö malmal nalöñine asuhuma ³¹ Suep gölmenöñ göröñ qemahotmö, nöñgö Buña keunan mönö qahö ayapköma.’ Mewö.

Jisös kamawanjö nalöñi mi kunñan qahö mötza.

Mat 24.36-44

³² *Suep gölmegeö azi ölnan dawinöñ kamawi, miangö wehönñi me aua nalöñi mi kunñan kun qahö mötza. Suepnöñ garata yeñön mi qahö mötze. Anutugö Nahönñan mewöñanök mi qahö mötza. Iwinöñ nanñök mi mötza. ³³ Nalö dawinöñ asuhumawi, mi qahö mötzeañgöra eñön mönö alöm memba uruguliguli malme. ³⁴ *Mi dopkeu kianjö dop ahöza: Azi kunöñ mirinji mosöta kantri kungen anök. Anmamgöra aka galömurupñi yuai pakpakñanjöra jim kutum engiba nanñu kinji böröñine ala kukñi engiyök. Kukñi engiba welenqeçeurupñi mohok mohok nup keu engiyök. Engiba mala nanñu galömñi mewöyök uruguliguli malmapköra jim kutum wanñiyök. ³⁵ Miri toñan dawinöñ lilingöba kamawi, mi qahö mötze. Mare me sunjem ömbibiñe kama me? Wanñaran suruiga kama me? Wehön gianjiiga kama me? Mianjö dop inñini mi qahö mötzeañgöra mönö uruguliguli malme. ³⁶ Könöpuk wölan kaiga eñön gaun ahögetka mewö miwikñaim engibapuk. ³⁷ Inñini mönö uruguliguli malme. Keu mi gwarekurupñi engöra jizali, mi mewöyök alaurupni körek pakpak engögöra jizal: Inñini mönö urugwölögwölö malme.” Mewö.

14

Jisös qein kömumapkö anñöñan alget.

Mat 26.1-5; Luk 22.1-2; Jon 11.45-53

¹ *Pasowa kendon * aka beret yistñi qahö mianjö kendonñi töriyohot. Wehön yahöt teköiga miangörej könahibitkö ahotka jike nup galöm aka Köna keugö böhi yeñön tokoget. Tokoba denöwö möndöñninga Jisös ölöñ memba qeget kömumbawak, miangö kónañi jaruba kewötket. ² Jaruba kewöta kewö jiget, “Ambazip irimñini sehöliiga karimñi karimñi asuhubepuköra mi sösongai kendon nalöñe akingö osibin.” Mewö jiget.

Ambi kunñan Jisös o umköhöwaktambuknöñ miriyök.

Mat 26.6-13; Jon 12.1-8

³ *Jisösnöñ Betani mirinöñ mala Saimon kun uzikukunji mem solaniyöhi, yanjö mire öngöba tarök. Mianjörej nene nema tariga ambi kunñan köt kirin kun memba yangörej kayök. Kirin mi nöluk tuat-tuat qetñi alabastö mianñon memañ. Mia o um-köhöwaktambuk ölni qetñi nad mianñon kokolak qeba tarök. Yanñon mi bohonñi ketanñan memba kaba nöluk jölni kutuba onji Jisösgö nöropñe mimbiliba miriyök. ⁴ Miriiga azi tatkeri, yeñgörejök tosatñan urubölö aka nanñinök kewö eraum mötket, “Nad o mi mönö wuanöñgöra mewö ayuhuzawi? ⁵ Nad o kelökñambuk mi bohonñi memegöra albawak

* **13:32:** Mat 24.36 * **13:34:** Luk 12.36-38 * **14:1:** Eks 12.1-27 * **14:1:** Kantri qetñi Ijpt mianjörej Kembugö garatanöñ engehoriaba enñongirök, kendon mianjö qetñi Nei keunöñ Pasowa. Eksodus 12.15 * **14:3:** Luk 7.37-38

ewö, ölop silim 300:kö töwanj (Kina 1500,-) ongitata yöhötibawak. Mi ambazip wanapni engiiga dop kölbawak.” Mewö jiba ambi mi jim wanjiget.

⁶ Jim wanjigetka Jisösnöñ kewö jii mötket, “Ambi ki kude jim wanjime. Wuanöñgöra urunji mem bölizze? Yanjön silik ölopni ak soroköm niñgiiga dop kölja. ⁷ *Ambazip wanapni mi nalöñi nalöñi sutñine malgetka ölopni ak engibingö möta mi ölop nalö dop akñemö, nöñön engö sutñine nalö dop qahö malmam. ⁸ Yanjön mi nanñi akakmemenanjö dop ak niñgiza. Nöñön kömumbi löm köl niñgimeanjöra ölop qeljine sileni kelöknöñ nömüriza. ⁹ Nöñön keu ölni kun kewö jibi mötket: Ölöwak Buña ki kantri igen waigen jim sehigetka anmawi, mianjörej ambi kianjön yuai ak niñgizawi, mianjö buñanj mohok jiget sehiiga yanjöra mötmöriba malme.” Mewö.

Judasnöñ Jisös mamalolo mem wanjigamgö urumohok ahök.

Mat 26.14-16; Luk 22.3-6

¹⁰ Gwarekurupni 12 yengörejök kun qetñi Judas Iskariot yanjön Jisös mamalolo mem wanjigamgöra aka jike nup galöm yengörej anök. ¹¹ Yengörej anda keunji jiiga mi möta urunjan ölöwahiga söngöröñi moner wanjigibgöra keu jöhöget. Keu jöhögetka Jisös nalö kungen mamalolo mem wanjigamgö köna möt jaruba köñbingöba malök. Mewö.

Jisösnöñ gwarekyembuk Pasowa lama neget.

Mat 26.17-25; Luk 22.7-14, 21-23; Jon 13.21-30

¹² Beret yistñi qahö mianjö kendon silim mutukñe (Seqononöñ) pasowa lama kun qeba ohozema. Mianjöra Jisösgö gwarekurupñan jiget, “Böhi, nini miri denikeanjörej anda pasowa lama mözözömgöm gihiba nembin? Sihingi denöwö ahöza?”

¹³ Mewö jigetka gwarekyahötñi yahöt kewö jiba melaim etkiyök, “Inñi Jerusalem sitinöñ öñgöyohotka azi kun o kumbut kunduta kaiga miwikñaimahot. Miwikñaiaba i ölop wuatanjöba anmahot. ¹⁴ Anohotka mire öñgöiga mianjö tonji kewö jiyohot mötma, ‘Böhinöñ kewö jiza: Ölop miri urunji kun niñginöñga mianjörej öñgöba gwarekurupni yembuk pasowa lama nembin.’ ¹⁵ Mewö jiyohotka tonjan möta miri qakñe eu öñgöba urunji ketanj kun kondel etkima. Mianjörej dum tatat yuai mözözömgöget ahöza. Mi kondel etkiiga mianjörej lama qeba ohomahot.”

¹⁶ Mewö jiiga gwarekyahötñan mosöta sitinöñ öñgöba Jisösnöñ keu jiyöhi, mianjö dop miwikñaiaba kinda lama qeba ohom mözözömgöyohot.

¹⁷ Miri söñauiga Jisösnöñ gwarekurupni 12 yembuk miri mianjörej kangotket. ¹⁸ *Kangota öñgöba dumnöñ tata nene negetka Jisösnöñ kewö jii mötket, “Nöñön keu ölni kun kewö jibi mötket: Engörejök kun nömbuk nene namba tatzawanjön mönö mamalolo mem niñgima.”

¹⁹ Mewö jiiga urunjan wösöbirik aiga könahiba nanjöñ qesim wanjiba jiget, “Nöñgöra jibanbuk?”

²⁰ Qesim wanjigetka kewö jii mötket, “12 engörejök kun nömbuk beret kulunöñ kundunjözawi, yanjön. ²¹ Suep gölmegö azi ölnan mönö yangöra keu ohoget ahözawanjö dop gölme mosöta anma. Anmapmö, mamalolo mem wanjigamawi, yanjöra Yei wösöbirik! jizal. Anutunöñ mönö likepni öñgöñgöñ melej wanjima. Azi mi nam köroruneyök qahö ahubawak, mianjön mönö amqem wanjibawak.” Mewö.

* 14:7: Dut 15.11 * 14:18: Sum 41.9

Kembubuk semön qändökñi neget.

Mat 26.26-30; Luk 22.14-20; 1 Kor 11.23-25

22 Nene nempa tata Jisösnöñ beret memba kötuëtköba mindipköba enjiba kewö jiyök, “Ki nani busuni. Ki memba neget.”

23 Mewö jiba wain qambi memba saiwap jiba enjiiga köreñan qambi kiangöreñök neget. 24 *Negetka kewö jii mötket, “Ki nani sepi. Ki Anu-tunöñ ambazip yembuk jöhöhöhö areñ aiga köhöimapköra sepi mokoget geiga ambazip gwötputk amöt qem enjima. 25 Nöñön keu öñji kun kewö jibi mötket: Nöñön wain kösögö öñji kiangöreñ kunbuk toroqeba qahö nemam. Könanjep Anutugö bemtohoñ uruñe eu taringa közölömbuan almawi, wehön miangöreñ mönö wain o qainñi kun mia nemam.”

26 Mewö jiiga sösoñgai liñet köla mosöta anda Oil ip kundunje öngöget. Mewö.

Pitönöñ Jisös qañ kölmapkö jii mörök.

Mat 26.31-35; Luk 22.31-34; Jon 13.36-38

27 *Öngöba Jisösnöñ kewö jii mötket, “Kezapqetok azi kunöñ keu kun kewö ohoi ahöza,

‘Nöñön galömñini qebiga lama kambujan denme.’

Miangö dop enñön körek uruñini böliiga nömosöta buratime.

28 *Buratigetka nunjmemö, nöñön mönö kömupnöhök wahöta mutuk Galili prowinsnöñ anda miangöreñ asuhum enjimam.”

29 Mewö jiiga Pitönöñ kewö jii mörök, “Yeñön körek uruñini böliiga gömosöta buratime ewö, nöñön mönö töndup mewö qahö akñam.”

30 Jiiga Jisösnöñ jii mörök, “Nöñön keu öñji kun kewö jibi mötnöñ: Kuruknöñ indimñi yahöt qahö qeriga göñön merak sunjem qañ köl niñginöñga indimñi karöbut akña.”

31 Mewö jiyökmö, Pitönöñ kapan köla köhöiköhöi ahök, “Böhi! Mewö qahöpmö, ni nunjugetka göbuk mohotñe kömumbirak, mi töndup nöñön gi qahö qañ köl gihimam.” Gwarek tosatñi pakpak mewöyök keu miyöhök jiget. Mewö.

Jisösnöñ Gezemane arönöñ köuluköyök.

Mat 26.36-46; Luk 22.39-46

32 Mewö eraum möta anda arö kun qetñi Gezemane miangöreñ angotket. Angota gwarekurupñi kewö jii mötket, “Nöñön endu anda köuluköbiga inñini ölop nalö sutñe ki tatme.” 33 Mewö jiba Pitö, Jeims aka Jon enjuangita anget. Angetka Jisösnöñ könahiba köñjilij kanjamñambuk möriga köna böronji qeköyök. 34 Mewö aka kewö jii mötket, “Nöngö urunan mönö kondum köla kotzawanjöra aka wösöbirik mötpiga kömukömuñi ak niñgiza. Inñini ölop kiangöreñ tata nömbuk guli malbin.”

35 Mewö jiba nanñök boromkun toroqeba anda simin köla sipköba sihimbölo nalöñi mi Iwinangö jitñangö dop ongitmapköra köuluköyök.

36 Köuluköba jiyök, “Aba Iwini, gi yuai kun qahö mölölömbizan. Miangöra sihimbölogö qamñiñi ki mönö noangitman. Noangitpanak, mi nöngö sihimgö dop qahöpmö, mönö nangi jitkahö dop asuhuma.”

* 14:24: Eks 24.8; Jer 31.31-34 * 14:27: Zek 13.7 * 14:28: Mat 28.16

³⁷ Mewö jiba lilingöiga gwarekurupni karöbut yeñön gaun ahöget engeka Pitögö kewö jii mörök, “Saimon, gi gaun ahözan me? Gi aua mohotöp guli malmangö kude köhöizan me? ³⁸ Uruninan guli malbingö sihimni mörakzinmö, sileninan lölöwöröni akza. Miangöra esapesapnöy et engubapuköra mönö köuluköba guliguli malme.”

³⁹ Mewö jii möriga kunbuk engömosöta anda keu miyöhök kunbuk jiba köuluköyök. ⁴⁰ Köuluköba lilingöiga jenjini böñböñ meyoñangöra kunbuk gaunök ahöget engehök. Gaunöhök wahöta keu melenbingö janjuñ aket.

⁴¹ Jisösnöñ ani indimni karöbut aiga lilingöba kaba kewö jii mötket, “Injini toroqeba luhut memba gaunök ahöbingö mötze me? Mötket! Kunöñ Suep gölmegö azi ölni mamalolo mem wanjiiga bölöñi meme yeñgö böronjine öngöma. Miangö aua nalöñan lök kam kunguza. Engö gaun ahöahö nalöñinan mönö teköza. ⁴² Mönö wahötketka anin. Mötket! Mamalolo mem ningimawi, yañön mönö dowe ki kaza.” Mewö.

Jisös qeraköba memba jöhöget.

Mat 26.47-56; Luk 22.47-53; Jon 18.3-12

⁴³ Jisösnöñ mewö jiba kiniga miangöreñök gwarekurupni 12 yeñgöreñök kun qetni Judas yañön kambu kun jitñe mem enjiiga kangetket. Jike nup galöm, Köna keugö böhi aka kantrigö jitñememe yeñön i melaim engigetka bingö sou ketanj aka lingipñini memba kaget. ⁴⁴ Mamalolo memangö ahöhi, yañön mutuk yembuk aiwesök keu kewö jöhöba jii mötket, “Nöñön azi numbuñi yöhötüm nemami, i eka ‘Mönö mi!’ jiba memba jöhöba törörök galöm köla anme.”

⁴⁵ Mewö jiba kaba miangöreñök Jisösgöreñ angota “O Böhini!” jiba numbuñi yöhötüm neyök. ⁴⁶ Yöhötüm neiga eka Jisös qelanjiba memba jöhöget. ⁴⁷ Jöhögetka kösutñe kingeri, yeñgöreñök kunñan bingö sou ketanj öröba jike nup galöm bohonñangö welenqeqeni qeba kezapni köteköi erök. ⁴⁸ Jisös jöhögetka keu kewö jii mötket, “Ni kegwek-kahasililij azia qahöpmö, töndup nöngöra mewö möta bingö sou ketanj aka lingip memba nömemba jöhöbingöra kangetze. ⁴⁹ *Nöñön wehön dop jöwöwöl jikenöñ embuk kinda Buña keu kusum engiba malbiga qahö nömigetmö, yuai ki mönö Buña Kimbigö keuñan ölnambuk akñapköra asuhuza. ⁵⁰ Jisös jöhögetka gwarek yeñön körek Jisös mosöta buratiba unjurata anget. Mewö.

Segguli kunöñ unjurata anök.

⁵¹ Azi gwabö kunöñ bindonji tuatñanök köpeiba Jisösgö andöñe wuatangöba anök. Oponi tosatni qahö löngöta aniga i esapköba meget. ⁵² Mемbingö osiba bindonji qekögetka aukñamñe unjurata anök. Mewö.

Jikegö jitñememe yeñön Jisösgö keu nup meget.

Mat 26.57-68; Luk 22.54-55, 63-71; Jon 18.13-14, 19-24

⁵³ Jisös jöhöba wanjita jike nup galöm bohonñangö mire anget. Angetka jike nup galöm pakpak, kantrigö jitñememe aka Köna keugö böhi yeñön miangöreñ anda tokoget. ⁵⁴ Angetka Pitönöñ sikepsikep enjuatangöba jike nup galöm bohonñangö mire angota jakömbuak mirigö kiripo uruñe öngöyök. Öngöba welenqeqe azi yeñgö sutñine tata könöp kösutñe jömörök. ⁵⁵ Mewö tarökmö, jike nup galöm aka jike kaunsöl kambu yeñön Jisösgö silenöñ alal keu denöwö nanjöinga qeget kömumapkö jim jarugetmö, könanji kun qahö miwikñajaget.

* 14:49: Luk 19:47; 21:37

56 Jaruba kinda gwötpukñan keu munenji silenje ala nanğöba jigetmö, keunjan kónanji mohok qahö ahök.

57 Mewö aiga tosatñan wahöta kinda keu munenji silenje ala nanğöba kewö jiget, 58 **“Yañön kewö jiiga mörin, ‘Nöñön jöwöwöl jike börönöñ memenji ki kóndenbiga gölmenöñ eriga wehön karöbutkö urunje jike qainñi kun börönöñ memenji qahö mi mem wahöta kunğumam.’”* 59 Mewö jigetmö, töndup keunjan kónanji mohok qahö ahök.

60 Mewö aiga jike nup galöm bohonñan wahöta mesohol köl engiba kinda Jisös qesim wanğiba kewö jiyök, *“Yeñön göhö silege keu ala nanğözei, mianğö likepñi kun jiman me qahö?”*

61 Qesim wanğiiga yuai bölöñi kun qahö ahökmö, töndup likepñi kun qahö melenđa keunji bökö kinök. Keunji bökö kiniga jike nup galöm bohonñan kunbuk kewö qesim wanğiyök, *“Anutu möpöseim wanğimakzini, gi yanğö Nahönñi Kraist akzan me qahö?”*

62 **“Qesim wanğiiga ‘Onj!’ jiba kewö jii mötket, ‘Suep gölmegö azi öñan mönö kukösum Tonanğö böröñi öñje tata suepkö kousu qakñe eri ekñe.”*

63 Keu mi jiiga jike nup galöm bohonñan malukunji munjurata kewö jiyök, *“Yei, iwinanğö jitñi! Tosatñan keunji nanğömegöra kunbuk qahö qesim engibin. 64 *Anutu mepaiközawi, mi mönö nanñinak möt teköze. Mianğöra denöwö mötmörize?”* Mewö qesim engiiga yeñön körek Jisös kömupkö bunjaya akñapköra jim teköget.

65 Mewö jim teköba tosatñan kónahiba söutkölap miriba jemesoholñi es-uhuba böröñinan misiba qeba kewö jiget mörök, *“Danñön guhuzawi, mi ölöp jinöñ mörin.”* Jikegö kiripo galöm (sikiriti) yeñön mewöyök Jisös memba nunğulumñe qekötahöget. Mewö.

Pitönöñ Jisös qan kölök.

Mat 26.69-75; Luk 22.56-62; Jon 18.15-18, 25-27

66 Nalö mianğoreñ Pitönöñ kiripo urunje sombemnöñ malök. Emu maliga jike nup galöm bohonñanğö welenqege ambiñi kunñan mianğoreñ kanğorök.

67 Kanğota Pitönöñ könöp kösutñe jömöri ehiba kewö jiyök, *“Gi mewöyök Nazaret azi Jisös miambuk malnöñ.”*

68 Mewö jiyökmö, Pitönöñ qan kölö keu jizani, mi qahö möta köndatzal.” Mewö jiba kiripo nanğunje geiga kinda kuruk qerök.

69 Nanğunöñ geiga welenqege ambi kunñan i mianğoreñ kunbuk eka azi kösutñe kingeri, i kónahiba kewö jii mötket, *“Azi kianñön mönö yeñğoreñök kun akza.”*

70 Mewö jii mötketmö, yanñön kunbuk qan kölök. Qan kölīga nalö borom kun teköiga azi kösutñe kingeri, yeñön kunbuk Pitögöra kewö jiget, *“Göñön Galili azia kun akzananğöra mönö alakña, yeñğoreñöhök kun akzan.”*

71 Mi möta kónahiba nanñi qesuahöm anğuba jöjöpan keunöñ jim köhöiba jiyök, *“Azi keunji jizei, mi qahö möt wanğizal. Munenji jibilenak ewö, Anutunöñ mönö likepñi melej ningima.”*

72 Mewö jiba kiniga mianğoreñök kuruk qeri yahöt ahök. Kuruk qeriga Jisösgö keu kewnö jii möröhi, Pitönöñ mi mötmöriyök, *“Göñön indimñi karöbut qan köl ninğinonğa kuruknöñ qeri indimñi yahöt akña.”* Keu mi mötmöriba wösöñi julmangö aiga sahöt böliyök. Mewö.

* 14:58: Jon 2.19 * 14:62: Dan 7.13 * 14:64: Lew 24.16

15

Jisösnöj premiö Pailötkö jeje kinök.

Mat 27.1-2, 11-14; Luk 23.1-5; Jon 18.28-38

¹ Miri gianjiiga amandije jike nup galöm, kantrigö jitjememe (70), aka Köna keugö böhi aka jike kaunsöl pakpak yejön kot öngöngöj miangö totoko ala Jisösgö keu jim teköget. Jim tekögetka Jisös jöhöba wanğita premiö Pailötkö böröje alget. ² Rom premiö yanön Jisös kewö qesim wanğiyök, “Ölña, gi Juda yejgö kiña akzan me qahö?” Qesim wanğija Jisösnöj melenđa jii mörök, “Mönö nangak jizani, mewö.”

³ Jike nup galöm yejön keu gwötpuk Jisösgö silenje ala jiget. ⁴ Jigetka Pailötnöj Jisös kunbuk qesim wanğiba jiyök, “Mötnöj! Yejön keu gwötpuk göhö silege ala jizei, göjön miangö likepni kun jiman me qahö?”

⁵ Mewö jiyökmö, Jisösnöj bölöj ni kun qahö ahökmö, tondup keu kitipni kunbuk qahö melenjök. Keu bök kiniga premiönöj welipköyök. Mewö.

Pailötnöj Jisös kömumapkö jim teköyök.

Mat 27.15-26; Luk 23.13-25; Jon 18.39-19.16

⁶ Yambu (yara) dop pasowa sösöngai nalöje premiönöj kösö mireyök azi kun qetji qeta qesigeri, mi pösat engizapma. ⁷ Nalö miangörej azi kun qetji Barabas qetkeri, yanön kösö mire tarök. Yanön kegwek-kahasiliñ azi tosati yembuk karim gila azi kun qeget kömuyöhi, miangöra kösö mire al engiget. ⁸ Mewö aiga könagesö yejön premiögö miri sombemje eu öngöba kinda könahiba akjalöhangö dop akñapkö qesim wanğiget. ⁹ Qesim wanğigetka melenđa kewö jii mötket, “Nöjön Juda engörej kiñ pösatpi etmapkö mötze me?” ¹⁰ Jike nup galöm yejön Jisösgöra körögisigisi mötkerangöra aka i premiögö böröje al wanğiget. Mi möta sihimñinangö mewö qesim engiyök.

¹¹ Qesim engiiga jike nup galöm yejön ambazip kambu uruesiesi mem engiba kewö jiget, “Mönö Jisös mosöta Barabas pösatman! Mewö qesim wanğime.” ¹² Mewö jigetka kunbuk melenđa qesim engiyök, “Mewö jizeangöra Juda engörej kiñ qetji mewö qerakzei, nöjön mönö i denöwö ak wanğibileñak?”

¹³ Mewö qesim engiiga kunbuk qetket, “Mönö maripomnöj qeget jiman!”

¹⁴ Mewö qetketka Pailötnöj kewö jii mötket, “Mi wuanöngöra? Yanön mönö wani bölöña ahök?” Mewö jiyökmö, yejön mi möta kapan köla toroqeba qet gilalahöba kewö qetket, “Mönö maripomnöj qeget jiman!”

¹⁵ Mewö qetketka Pailötnöj ambazip kambu sihimñinangö dop akñangö möta Barabas pösat engii erökmö, Jisösyia jiiga ihilek wahinambuknöj qeyöyaköba qeget. Mewö qegetka maripomnöj qemegöra Rom yarö azi yejgö böröjine alök. Mewö.

Jisös kukulömbuan ak wanğiget.

Mat 27.27-31; Jon 19.2-3

¹⁶ Yarö azi yejön Jisös wanğita premiögö jakömbuak mirigö kiripo uruje angotket. Angota yarö kambu lökñanök öröm engigetka miangörej kaget. ¹⁷ Kaba maluku pisikni gugakgagak mi Jisösgö silenje löngöt wanğiba sötman kösö limbinda ila ewö nöropne kölget geyök. ¹⁸ Mewö geiga könahiba waitni memba jölöj ni jiget, “Owe owe, Juda yejgörej kiñ, owe!” ¹⁹ Titipepe mewö aka jigetka jehotnöj nöropne qeba söutkölap qeba simin köl wanğiba sipköba möpöqöpösei muneni mem wanğiget. ²⁰ Mepaqepaik mewö ak wanğim

teköba maluku pisikni gugakgugak mi qeköba nanne sile esu löngöt waŋgiba maripomnöŋ qebingöra waŋgita anget. Mewö.

Jisös maripomnöŋ qeget.

Mat 27.32-44; Luk 23.26-43; Jon 19.17-27

²¹ * Anda köna namŋe azi kun qetŋi Saimon miwikŋaiget. Yaŋön Afrika siti qetŋi Sairini mianŋö aziŋa aka Aleksander aka Rufus yetkö iwinjira. Yaŋön nupnöhök kaŋgoriga kuŋgum waŋgigetka Jisösgö maripomŋi memba aŋguyök. ²² Jisös mewö waŋgita gölme kun qetŋi Golgota mi nanine keunöŋ nööröp sihit, mianŋöreŋ anda aŋgotket. ²³ Aŋgota wain o aka marasin qetŋi mör mi mindiriba lolonqaloŋ memba waŋgigetmö, Jisösnöŋ mi tököyök. ²⁴ *Tököiga kinda maripomnöŋ qeget. Qeget kiniga kiawen meget qötöŋi ahuiga Jisösgö sile esuŋi mohok mohok sutŋine mianŋö dop mendenŋa meget. ²⁵ Söŋan 9 kilok mianŋöreŋ maripomnöŋ qeget. ²⁶ Maripomnöŋ qeba nööröpŋe eu qegeraŋö könaŋi kewö ohoba qeget, “Juda yeŋgö kiŋ kembuŋina ki.” ²⁷ Kegwek-kahasililiŋ azi yahöt mewöyök yambuk maripomnöŋ etkuget. Kun böroŋi öŋŋe kun qaniŋe likeplikep mewö etkuget. ²⁸ * (Anutugöreŋ Buŋa Kimbinöŋ keu kewö ohoget ahöza, “I kewöta kegwek-kahasililiŋ azi ewö mötmöriba yeŋgö sutŋine alget.” Keu mianŋön mewö öŋŋambuk ahök.)

²⁹ * Ambazip oŋgita anda kaba kukulömbuaŋ aka jelikit aka nööröp köla kewö jiget, “Ye! Gi mönö jöwöwöl jike ölöp köndeŋnöŋga gölmenöŋ eriga wehön karöbutkö uruŋe kunbuk mem wahöt kuŋgumangö jinöŋ. O, gi azi qetpuk! ³⁰ Mönö nangi bauköm aŋguba maripomnöhök etman.”

³¹ Jike nup galöm aka Köna keugö böhi yeŋön mewöyök sutŋine mepaqepaik ak waŋgiba jiget, “Tosatŋa bauköm eŋgiba malökmö, nanŋi bauköm aŋgumangö osiza. ³² Yaŋön Amötqeqe Tonŋ Kraist aka Israelgö kiŋ akza ewö, mönö döŋki maripomnöhök eri eka mi möt naribinak.” Mewö jiget.

Azi yambuk maripomnöŋ etkugeri, yetkön mewöyök uruqeqe keu töhöreŋ jim waŋgiyohot. Mewö.

Jisösnöŋ kömuyök.

Mat 27.45-56; Luk 23.44-49; Jon 19.28-30

³³ Silim bibiŋi 12 kilok aiga mianŋöreŋ söŋaupnöŋ eta gölme pakpak dop köla ahöiga anda aua karöbutkö dop ahök. ³⁴ * Jisösnöŋ 3 kilok mianŋöreŋ nanŋe keunöŋ kewö qet ketanŋi qerök, “Eloi, eloi, lama sabaktani?” Mi nanine keunöŋ: Anutuni, Anutuni mönö wuanöŋgöra andö nunguzan?

³⁵ Mewö qeriga azi kösutŋe kingeri, yeŋöreŋök tosatŋan mi möta jiget, “Mötket! Mönö Elaijaŋöra qetza.” ³⁶ * Yeŋöreŋök kunöŋ ösumŋan anda mömöndö kun kahali tandök mi memba wain o asöŋjambuknöŋ kundumgöba ip göröm kitipŋe jöhöba suruba Jisös numbu susuŋe eu ali neiga jiyök, “Möno mösötketka nanŋök kinök. Elaijanöŋ kaba meköi etma me qahöpto, mönö mi ekin.”

³⁷ Mewö aketka Jisösnöŋ qet ketanŋi qeta wösöŋi nöŋ qeiga kömuyök.

³⁸ * Kömuiga mianŋöreŋök jöwöwöl jikegö uruŋe opo kinöhi, mianŋön mönö euyök bibiŋe jurata eta yahöt ahök. ³⁹ Suahö galömnöŋ maripom mesohol

* 15:21: Rom 16.13 * 15:24: Sum 22.18 * 15:28: Ais 53.12 * 15:29: Sum 22.7; 109.25;
Mak 14.58; Jon 2.19 * 15:34: Sum 22.1 * 15:36: Sum 69.21 * 15:38: Eks 26.31-33

köla kinda Jisösnöj wösöñi nöj qeiga kömuyöhi, mi eka kewö jiyök, “Azi kianön mönö ölna Anutugö nahönña akza.”

⁴⁰ *Ambi tosatñan mewöyök sikep kinda yuai mi eket. Yengö sutñine Magdalagö Maria aka Maria Jeims dubatñi aka Joses yetkö namñiri aka Salome yenön mohotñe kinget. ⁴¹ Yenön Jisösnöj Galili prowinsnöj maliga miangörej i wuatangöba welen qem wangiba malget. Mewöyök ambi tosatñi gwötpuk Jisösbuk Jerusalem sitinöj öngöba kageri, yenön mewöñanök kösutñe kinget. Mewö.

Jisösgö qamötñi löm kölget.

Mat 27.57-61; Luk 23.50-56; Jon 19.38-42

⁴² Sabat kendon tatatköra yuai mözözömgögetka Sabat kendonöj könahimangöra dopdowiiga mare aka kayök. ⁴³ Nevgogie miangörej Arimatia tonji, azi qetbunangambuk qetñi Josef yanön kayök. Yanön mewöyök Anutu bemtohonangö ölni asuhumapköra mamböta malök. Yanön Juda yengö jike kaunsöl kambugö jitñememe kun aka Sabat kendonöj könahimangö ahöranögöra aka kengetñi yaköriba Pailötkörej anda Jisösgö qamötñi memangö qesiyök. ⁴⁴ Qesiiga “Ölna kömuza me qahöpto?” jiba mötmöriba suahe galömñi jii kaiga “Jisösnöj nalö köröpñi me töröpñi kömuza,” jiba qesim wangiyök. ⁴⁵ Qesim wangiiiga buzup keunji möta Jisösgö qamötñi Josef jim teköm wangiyök. ⁴⁶ Jim teköm wangiiiga opo tuatñi söngöröñi memba anda qamötñi maripomnöhök qeköba memba eta oponöj esuhuyök. Eshuba memba qaksirinöj anda kötnöj köteñ urorohogetka dum ahöyöhi, miangörej alök. Ala köt kötanji kun metaliga köteñ numbuñi közipköyök. ⁴⁷ Denike alöhi, mi Magdalagö Maria aka Maria Josesgö namñi yetköñ kinda ehot. Mewö.

16

Jisösnöj kömupnöhök wahörök.

Mat 28.1-8; Luk 24.1-12; Jon 20.1-10

¹ Sabat kendon tatket teköiga miangörej Magdalagö Maria, Maria Jeimsgö namñi aka Salome yenön “Jisösgö qamötñi anda miribin.” jiba jinñ jimoronöj umköhöwawambuk söngöröñi meget. ² Memba ahöba Sonda söñanök wahöta miri gianji wehön jilñbölaj kori qaksirinöj anget. ³ Anda eraum möta jiget, “Qaksirigö numbuñe köt ketanji tatzawi, mi mönö danön qetalma?” ⁴ Mewö jiba ugetka ani kewö eket: Köt keta bölökñi mi lök qetalget anda ahöyök. ⁵ Qaksirigö köt köteñ numbuñi mewö ananjiba kiniga uruñe öngöget. Öngögetka öljine göröken azi gwabö kun malukuñi köröpñi tuatñi tariga eket. Mewö eka gwötpuk awöwöliget.

⁶ Awöwöligetmä, kewö jii mötket, “Mönö kengetñini kude mötme. Injini Nazaret azi Jisösgöra jaruze. I maripomnöj qegetmä, mönö guliba wahörök. Miangöra ki kude ahöza. Eket! Dumñi ki, miangörej suluget ahöyök. ⁷ *Miangöra mönö anda Pitö aka gwarekurupñi pakpak buzup kewö jiget mötme, ‘Yanön mönö qeljñe mutuk Galili prowinsnöj anma. Injini mewöyök miangörej anda keunji jiyöhanögö dop i ekñe.’ ”

⁸ Mewö jiiga auruba jöñomñini unduiga köt köteñök eta ösumñinan anget. Sömbunini mötkerangöra keun kude jigetmä, keunini bököyök. Mewö.

* 15:40: Luk 8.2-3 * 16:7: Mat 26.32; Mak 14.28

Jisösnöŋ Magdalagö Mariagöreŋ asuhuyök.

Mat 28.9-10; Jon 20.11-18

⁹ Jisösnöŋ Magdalagö Maria yaŋgö uruŋeyök öme 7 enġuatangöiga malök. Jisösnöŋ kömupnöhök wahöta Sonda söŋan amandinöŋ mutuk Maria mi asuhum waŋgiyök. ¹⁰ Asuhum waŋgiiga alaurupŋan Jisösbuk mala kota nalö miangöreŋ jinġen köla sahötkeri, Marianöŋ mönö yeŋgöreŋ anda buzupŋi jii mötket. ¹¹ Mötketmö, Jisösnöŋ guliba mali Marianöŋ ehöhi, mi qahö möt nariget. Mewö.

Jisösnöŋ alayahötŋi yetköreŋ asuhuyök.

Luk 24.13-35

¹² Mianġö andöŋe alayahötŋan Jerusalem siti mosöta miri kunöŋ anbitköra könanöŋ anohotka Jisösnöŋ kaisoŋgolomŋan melenġiga asuhum etkiyök. ¹³ Yetköm mewöyök anda buzupŋi mi alaurupŋi jiyohot mötketmö, yeŋön mi mewöyök qahö möt nariget. Mewö.

Jisösnöŋ gwarekurupŋi asuhum enġiyök.

Mat 28.16-20; Luk 24.36-49; Jon 20.19-23; Apo 1.6-8

¹⁴ Könaŋgep gwarekurupŋi 11 mienöŋ tokoba nene nempa tatketka yeŋgöra mewöyök asuhuyök. Asuhuba uruköhöikŋinanġöra tembula kömupnöhök wahöriġa ekeranön buzupŋi jiget möta mi qahö möt narigeri, miangöra i jim enġiyök. ¹⁵ *Jisösnöŋ kewö jii mötket, “Inġini mönö kantri dop anda gölmeŋi gölmeŋi liliköba ambazip mal anjeaŋgö dop Ölöwak Buŋani jim asarigetka mötme. ¹⁶ Kunŋan Anutu möt nariġa o melun mem waŋgigetka uruŋi melenġmawi, yaŋön mönö letota Suepkö buŋaya akŋa. Kunŋan qahö möt nariba yaŋgiseŋ malmawi, Anutunöŋ mönö yaŋgö keuŋi jim teköiga könöp siaġö buŋaya akŋa. ¹⁷ Möt narim niŋġiba malmei, mi aiwesök mem enġigiba könaŋamŋini kewö asuhuma: Yeŋön nöŋgö qetne ömewöröme enġuatangöme. Kantri tosatŋi yeŋgö keuŋini jime. ¹⁸ Mokoleŋ böröŋinan memba wahötme. Möröm warabe o yuai negetka mianön mönö qahö mem bölim enġima. Böröŋini kawöl ambazip qakŋine algetka ölöwakŋe.” Mewö.

Jisösnöŋ Suep mire öŋgöyök.

Luk 24.50-53; Apo 1.9-11

¹⁹ *Kembu Jisösnöŋ keuŋi mewö jii mötketka Anutunöŋ waŋgiriga Suepnöŋ öŋgöba Anutugö böröŋi ölŋe tata malja. ²⁰ Eu maljapmö, gwarekurupŋan mosöta miri gölme dop anda Buŋa keuŋi jim sehiba malget. Mewö malgetka Kembunöŋ yembuk nup memba inahöm enġiiga anġöletot asuhugetka keuŋinan köhöiyök. Mewö.

* 16:15: Apo 1.8 * 16:19: Apo 1.9-11

Luk Ölöwak Buña Luknõj ohoyök. Jim-asa-asari

Urumelen yeñon miti dölökñi qahö memba kazei, dokta Luknõj mi azi õngõngõñi Tiofilusgõra kondelmamgõra aka Ölöwak Buña ki ohoyök. Luk yanõn Jisõsgõ gwarekñi 12 yengõrenjök kun qahõpmõ, Grik azia aka kawöl ambazip mem ölöwak nupnõj malök. Luknõj Jisõsgõ kõnanji yahõt kewõ kondel nenjiza: 1) Anutunõj Amõtqege Tonji melaimamgõ keu jöhõiga Israel yengõra asuhuyök, 2) Yanõn mönõ kantriñi kantriñi mem ölöwak nenjimamgõra kayök. Kembugõ Uñajan Jisõs oholiga “ambazip etqegeñi yengõra Ölöwak Buña” jim asariyök. Ambazip yuai kõnanji kõnanji miangõra osigeri, Jisõsnõj yengõra waimanjat möta baukõm engiba malök. Luknõj kõsohot mewõñi sehisehiñi arengõba ohom teköyök. Luknõj sösõngaigõ kõsohotñi gwõtputuk ohoyök. Jisõsnõj mutuk gölmenõj erök aka tetekõje miangõrenj gölme mosõta Suepnõj õngöyök. Miangõra sösõngai sehisehiñi mi boñ 1-2 aka boñ 24 miangõrenj ahõza. Jisõsnõj Suepnõj õngõiga Buña nup mem sehigetka mötnarij kambunõj qariba qariba anök. Luknõj miangõ kõsohotñi mi buk qetñi “Aposol nup meme” miangõrenj ahõi ahõza.

Luknõj Ölöwak Buña ohoyõhi, miangõ keu bohonñi mi kewõ dop köla ali ahõza: Köuluk nup megetka õlñi asuhuyök, Uña Törõñan ambazip söllõlõhõm engii malget, Ambi yeñon Jisõsbuk nup gwõtputuk nangõba meget, Anutunõj sinjisõndokñini mosõta malök.

Buk kiangõ bahõñi bohonñi 8 mi kewõ:

Buk kiangõ kõnanji Luknõj ohoyök boñ 1.1-4

Jon O-melun azi aka Jisõs asuhuba qariyohot 1.5–2.52

Jon O-melun azinõj Anutugõ nup meyök 3.11-20

Jisõs o melun mem wanjiiga esapesap miwikñaiyök 3.21–4.13

Jisõsnõj qenjarök nupñi Galili prowinsnõj meyök 4.14–9.50

Galili mosõta kõna anda Jerusalem angorök 9.51–19.27

Jerusalem angota sonda qõndökñi malök 19.28–23.56

Wahõta asuhum engiba Suepnõj õngöyök 24.1-53

Matyu Mak Jon yeñon kõsohot tosatñi qahõ ohogeri, mi Luknõj nanjök ohoi bahõñi 2 aka 6 miangõrenj ahõza. Kõsohot tosatñi mi kewõ: Garata yeñon liñet kölget, Lama galõm yeñon Jisõs asuhuiga kaba eket, Jisõsnõj morörõpñje jõwõwõl jikenõj õngöyök, Samaria azinõj gurusep azi ak kõmum wanjiyök aka nanñi imbi-imbi azinõj sinjisõndokñõj geba sohoiyõhi, miangõ dopkeu.

Luknõj kimbi Tiofilusgõ ohoyök.

¹ Kezapqetok ambazipnõj Amõtqege Tonji ahumapkö keu jigetka miangõ õlñi sutnine asuhuyõhi, ambazip gwõtputukñan miangõ kõsohotñi kõnahiba ohoget. ² Yuai õlñi mi sutnine asuhuiga tosatñan mi kõnakõnahiñeyök kõnahiba kota nanñine jeñinan eka möt yakõgeri, yeñon miangõ dop miangõ buzupñi toroqeba jim sehigetka kezapnine geba nanine buñaya ahök. Ambazip mewõñi yeñon Buña mi kõnahiba papianõj ohoba arengõget ahõza.

³ Nõñõn mewöyök yuai pakpak asuhuba korõhi, mi törörök qesim engibi kõnaneyök kõnahiba jigetka möt kutuzal. O Tiofilus nõñõn göhõra mötpi

öngöngöñi akzan. Nöñön göbuk keu eraum mötpitkö mötpi ölöwahiga Jisösgö kösohotñi mi körekñanök arengöba ohozal. ⁴ Buña keu öñi kusum gihigetka mötzani, göñön miangö könañi oyoñda körekñanök möt kömuman. Mewö.

Jon asuhumapkö keunji Geibrielnöñ jiyök.

⁵ *Judia prowinsgö kin qetñi Herod yangö nalöñe azi kun qetñi Zekaraia malök. Yanñon jike nup galöm mala Abaiagö nup areññöñ kinök. Anömñi qetñi Elisabet yanñon mewöyök jike nup galöm Arongö gwölöñarökñi kun ahök. ⁶ Yekñon Anutugö jene malmal diñdiñi mala Kembugö jöjöpañ keu aka jimkutukutuñi pakpak törörök wuatangöba köpösihitkö keunñiri qahö malohot. ⁷ Malohotmö, Elisabetnöñ köpingöra gwölöñarökñiri qahö mala ambazip namñi ahot.

⁸ Nalö kunöñ Abaiagö nup areñ nalöñan kaiga Zekaraianöñ jike nup galöm nup memapköra Anutugö jemesoholñe kanğorök. ⁹ Kanğoriga jike nup galöm yeñon aiakanñi wuatangöba sutñine nup mendeñda Zekaraia mekögetka Kembugö altanöñ öngöba jinij wörönñambuk ohoyök. ¹⁰ Jinij wanafu ohoho nalöñan kam kunğuiğa yanñon yuai wörönñambuk mi ohoiga ambazip kambu pakpak yeñon jöwöwöl jike yaigepñe mamböta Anutu köuluköba malget.

¹¹ Jinij ohoiga wörönñan pukpuköba miri uruñi dop köliga miangöreñ Kembugö garata kunöñ altanöñ eu asuhum wanğiba böronñi öñje göröken kinök. ¹² Kiniga Zekaraianöñ eka auruba kenğötñi mörök. ¹³ Kenğötñi mörökmö, garatanöñ kewö jii mörök, “Zekaraia, gi kenğötki kude mötnöñ. Anutunöñ köuluki lök mötza. Miangöra anömğan gölöm ala morö nahöna mema. Mi meiga göñon qetñi Jon qetman.

¹⁴ Nahönñi asuhuğa urugan yangöra ölöwahiga söñgainöñga ambazip gwötpukñan sösoñgai akñe. ¹⁵ *I nam körö uruñe tariga Uña Töröñan miangöreñök könahiba uruñi kokolak qeiga qariba wain me o köhöikñi mi qahö nembra Kembugö qöhöröñe azi öngöngöñi aka malma.

¹⁶ Mewö mala Israel ambazip gwötpuk urumelen engiğa Kembunñi Anutugöreñ lilinğöme. ¹⁷ *Anutugö Uñañan kezapqetok azi Elaija inahöiga kukösum qakñe nup meyöhi, yanñon mönö miangö dop mutuk qeljinje aniga Kembunöñ andöñe kama. Yanñon anda könagesö uru kunğum engiğa Kembunöñ kamapköra jöjöröba kinme. Iwi aka nahönbörat jula dengetka uru kunğum engiğa kunbuk mindirim anğume aka qegetal ambazip mi diñdiñi yeñö mötmöt areññöñ anğotme.”

¹⁸ Suep garatanöñ mewö jiuga Zekaraianöñ jiyök, “Anömni netkön ambazip namñi akzirangöra keugan mönö dewöwö öñjambuk akawak?”

¹⁹ *Mewö jiuga melenök, “Ni Geibriel. Nöñon Anutugö mesoholñe kinbi melaim ninñii buzup ölöpñi ki memba kaba jibi mötzan. ²⁰ Nöñgöreñ keu jii öñjambuk asuhumawi, göñon mi jibi qahö möt narizangöra keugan mönö qahöwahiga mötök malman. Mewö malnöñga buzup keu kianğö öñji asuhumapkö nalöñan kam kunğuiğa miangöreñ nesilamğan lolohoi keu kunbuk jiman.”

²¹ Nalö sutñe miangöreñ ambazipnöñ mamböt mala Zekaraianöñ jöwöwöl jikenöñ nalö köröp tiñtiñi kinöhanğöra mötkurumkurum aket. ²² Mewö aka tatketka yaigep eta keu jimangö osiğa möt asariba kewö jiget, “Yanñon

* 1:5: 1 Hist 24.10 * 1:15: Jan 6.3 * 1:17: Mal 4.5-6 * 1:19: Dan 8.16; 9.21

jöwöwöl jikenöñ kinda jeñi melenñi Suepnöhök imut kun ekza.” Mewö jigetka böröñanök kaisöpsöp al engiba mötök aka malök.

²³ Mewö mala jike nup meme nalöñan teköiga lilingöba miriñe anök.

²⁴ Wehön tosatñi teköiga Elisabetnöñ gölöm ala köiñ 5 miangö dop mire asamböta kewö jiba tata malök, ²⁵ “Moröni qahöpköra ambazipnöñ memba eta al niñgigetka Kembunöñ mesohol köl niñgiba miangö lömbötñi memba gila ak kömum niñgiza.” Mewö.

Jisös asuhumapkö keuñi Geibrielnöñ jiyök.

²⁶ Elisabetnöñ gölöm alöhañgö köiñ 6 aiga Anutunöñ garatanñi qetñi Geibriel melaiiga Galili prowinsgö miriñi kun qetñi Nazaret miangörej erök.

²⁷ *Eta ambi seram jömuñi qetñi Maria yangörej anök. Yañön azi qetñi Josef yangö ambi buñaya malök. Josefnöñ kiñ Deiwidkö gwölöñarökñi kun ahök. ²⁸ Garatanöñ Mariagörej anda kewö jiyök, “O Maria, silimgi ölöpnji. Kembunöñ kalem möriam gihiba göbuk kinma.”

²⁹ Mewö jiyökmö, Marianöñ jölöñ miangöra gwötpuk auruba könañi jaruba mötkurumkurum ahök. ³⁰ Mötkurumkurum aiga kewö jii mörök, “Maria, Anutunöñ kalem möriam gihiga yangö jeñe dop köljan. Miangöra kenğotki kude mötnöñ. ³¹ *Mötnöñ, göñön gölöm ala morö nahöna meman. Memba qetñi Jisös qetman. ³² *Jisös yañön qariba azi qetbuñambuk aiga qetñi ‘Öngöñgöñi ketanangö Nahönñi,’ qetketka malma. Mewö mali Kembu Anutunöñ amböñi kiñ Deiwidkö jakömbuak dum wañgiiga salupñe ambazip galöm köl engiba malma. ³³ Jeikobkö könagesö yengö kiña aka teteköñi qahö galöm köl engiba malma. Bemtohoñi miangön mönö nalö kunöñ kude qahöwakña.”

³⁴ Garatanöñ mewö jiiga Marianöñ jii mörök, “Ye! Ni azigö könañi qahö mötzał. Miangöra keu jizani, miangö ölnji mönö denöwö asuhuma?”

³⁵ Mewö jii möta melenök, “Uña Töröñan mönö aum köl gihiga Anutu öngöñgöñi ketanangö ösumñan dop köla turum gihima. Miangöra morö memani, yañön töröñi aiga ambazipnöñ qetñi ‘Anutugö Nahönñi,’ jiba qerakñe. ³⁶ Mötnöñ. Tinigi Elisabet yañön mewöyök ‘Köpin mala morö memangö osiza,’ jigetmö, töndup ambi namñi aka nalö kewöñe morö nahöngö gölömjambuk aiga köiñ 6 akza. ³⁷ *Anutunöñ yuai kun akñamgö jiba mi qahö qaköba osimakza.”

³⁸ Mewö jiiga Marianöñ jiyök, “Mötnöñ, nöñön Kembangö welenqeñe ambia akzal. Miangöra keu jizani, miangö dop ölöp ahum niñgima.” Mewö jiiga Suep garatanöñ mosöta anök. Mewö.

Marianöñ Elisabetkörej kusuk anda ehök.

³⁹ Marianöñ mi möri nalö köröpnji qahö aiga wahöta zilañ jöjöröba gölme kundunje öngöba Judia prowinsgö taon kunöñ anök. ⁴⁰ Anda Zekaraiagö mire öngöba anömñi Elisabet eka söñgaiba jölöñi jiyök. ⁴¹ Jölöñi jiiga miangörejök möri morö nahönöñ köro urunje luhuba öngöba eri Uña Töröñan Elisabetkö urunji kokolak qeyök.

⁴² Kokolak qeiga qet ketanñi qeta kewö jiyök, “O alani, Anutunöñ kötumötuettñi öngöñgöñi al gihiga ambi sutnine malman aka morö memani, i mewöñanök kötuettöm wañgima. ⁴³ Denöwögöra Kembunangö namñan kaba neiga mewö asuhum niñgiza? ⁴⁴ Mötnöñ, gi jölöñni jinöñga keu jölgi

* 1:27: Mat 1.18 * 1:31: Mat 1.21 * 1:32: 2 Sml 7.12, 13, 16; Ais 9.7 * 1:37: Jen 18.14

kezapne gei morönöj urune mewöyök sösöngai qakne luhuba öngöba etza.
 45 Kembunöj buzup keuji jiiga möta miangö ölni asuhumawi, mi möt narizanağöra göhö mötpi simbawon akzan.” Mewö.

Marianöj sösöngai linjet kölok.

46 *Marianöj keu mi möta kewö jiyök,
 “I-ia! Nöngö urukönömnan mönö önöni qahö Kembu möpöseiza.
 47 Nöngö uñanan Anutu, Amötqeqe Toni yangöra söngaiba köirañ kölja.
 48 *Nöjön welenqeqe ambi etqeqeni maljalmö, Anutunöj töndup meso-
 hol köla ak kömum niñgiza.
 Mötnöj, ambazip kambuñi kambuñi merak könahiba asuhumei, yeñon mönö
 nöngöra ‘Simbawon!’ jiba möpöseim niñgiba malme.
 49 Kukösum Tonjan mönö angöletot öngöngöñi mem niñgii maljal.
 Yangö qetñi mi Töröñi.

50 Ambazip merak gölmenöj maljei aka könañgep ahum sehime, yeñgö
 sutñine gwöt isik denike yeñon Anutugö jitñi ongitpinbukö keñgötñini
 mötmei, yangö ak-kömukömuñan mönö yembuk pöndañ ahöma.
 51 Anutunöj böröñan angöletot memba mianjon kukñi
 kondel neñgiiga ehin.
 Ambazip nanñini miwidimgöba söngöröqök malgeri, yeñon mönö i könden
 enñgiiga simbisembel aka malget.

52 *Kin kembuñi kembuñi jakömbuak dumñine tata ambazip galöm
 köl enñgiba malgeri, yeñon i miangöreñök qeköba utal enñgiiga etiket.
 Etketmö, etqeqeni ia mönö mem wahöta al enñiyök.

53 Ambazip yuaigö janñötatañ malgeri, miengö uruñini mönö
 yuai ölöpnj ölöpnj mianjon kokolak qeyökmö,
 ambazip pomñi mi melaim enñgiiga böröñini börak öne anget.

54-55 *Yeñon ambösakonurupnini meköba enñgömeiga Israel aketka nini
 toroqeba Anutugö welenqeqeurupñi maljin.
 Anutunöj mönöwök jöjopañ keuji kewö jim jöhöm neñgiyök, ‘Nöjön Abra-
 ham aka yangö gwölönarökurupñi teteköni qahö mal öngöba malmei,
 i ak kömum enñgiba malmam.’

Mewö jiba keuji mi qahö ölum qei mala korök.
 Qahöpmö, yeñon mönö keu jitñi mi wuatangöba mala merak bauköm
 neñgimangöra kaza.”
 Marianöj mewö jiyök.

56 Marianöj köinj karöbut miangö dop Elisabetpuk mala kunbuk miriñe
 lilingöyök. Mewö.

Jon O-melun azinöj asuhuyök.

57 Elisabetkö morö meme nalöñan kam kuñguiga morö nahöna meyök.
 58 Morö nahöna meiga miri kösutñe malgeri aka tinitosolomurupñi yeñon
 Kembunöj ak-kömukömu öngöngöñi kondel wanñiyöhi, mi möt asariba yam-
 buk mohotñe sösöngai aket.

59 *Sösöngai aka wehön 7 teköiga wahöta anda Anutugö aiwesökñi morö
 silene yandimegöra tokoget. Tokoba iwanangö qetñi Zekaraia mi wakan mem
 wanñibingöra jiget. 60 Jigetmö, namñan jiyök, “Mi qahöpmahöpmö, qetñi mönö
 Jon qetpin.”

* 1:46: 1 Sml 2.1-10 * 1:48: 1 Sml 1.11 * 1:52: Job 5.11; 12.19 * 1:54-55: Jen 17.7 * 1:59:

⁶¹ Jiiga kewö jiget mörök, “Jon qetzanmö, göhö tinitosolomgi yengörenök kunñangö qetnji mi qahö ahöza.” ⁶² Mewö jiget möri kinda iwinan yangö qetnji qetmapkö qesiba böröñinan kaisöpsöp alget.

⁶³ Kaisöpsöp algetka tafegöra qesii wanjigetka mianğören kulem kewö ohoyök, “Qetnji mi Jon.” Mewö ohoiga mianğöra körek aurum tililingöget. ⁶⁴ Aurum tililingögetka mianğörenök numbuñi angöiga nesilamñi lolohoiga keu jiba Anutu möpöseiyök. ⁶⁵ Möpöseiga miri alaurupñini pakpak yeñon qemsömbuñini gwötpuk mötket. Mötketka yuai asuhuyöhi, mianğö buzupñi eraum mötketka sehiba Judia kundunji gölme pakpak dop kölök.

⁶⁶ Buzupñi eraum mötketka körekñan mi möta urukönömñine ala angön kölget. Kembunöñ kukösumñi morösepsöp qakñe mokoi malöhi, mianğö könani möt asariba kewö jiget, “Morö kianñon qariba mönö wani yuaia kun denöwö akña?” Mewö.

Zekaraianöñ kezapqetok keu jiyök.

⁶⁷ Mewö jigetka Uña Töröñan iwinji Zekaraiağö urunji kokolak qeiga kezapqetok keu kewö jiyök,

⁶⁸ “Nini Israel nengören Kembu Anutu möpöseibin. I-ia!

Yañon mönö könagesöurupñi mesohol köl nengiba sohoppnini memangöra jöjöröba kama.

⁶⁹ Anutunöñ welen aziñi kin Deiwidkö könagesö nengö sutnineyök azi kukösumñambuk kungui wahöta Amötqeqe Tonina akña.

⁷⁰ Möpñangö möpñeyök kezapqetok ambazipurupñi tök-kutukutunji i sölöhöm engii keu jit kewö jiba malget,

⁷¹ ‘Nöñon mönö kerökurupñini yengö ösumñini qebi eriga bohonnini jöhömam.

Denike yeñon kazik ak engimei, nöñon mönö körek yengö böröñineyök meköba sel jöhöm engimam.’

⁷² Keu mewö jiba bömönurupñini ak kömum engiba yembuk jöhöjöhö areñ qainñi kun jöhöyöhi, mi mötmöriba wuatangöiga amötqeqegö ölni asuhuma.

⁷³ Jöhöjöhö keu mi bömönini Abrahamğöra jiba jöjöpñ keunöñ jim köhöii ahöza.

⁷⁴ Jöhöjöhö keu mianğö ölni kewö:

Yañon nini kerökurupñini yengö böröñineyök meköm nengiiğa yengöra kenğötnini qahö möta welennji qem wanğiba malbin.

⁷⁵ Yañon keunini jim teköi solaniba yangö jeñe sarakñi aka malmalnini ölülap mewö mala kömumbin.

⁷⁶ *O gömokni Jon, göñon qariba mala qeljine mala ambazip urunñini mindiñğöba mewö mianğon Kembangö könani mesatnönğa kama.

Mianğöra qetki ‘Anutu öngöngöñi ketanangö kezapqetok azia,’ mewö qetketka malman.

⁷⁷ Mewö mala amötqeqegö könani mi Anutugö könagesöurupñi kusum enğinönğa mi möt kutuba urunñini melengetka Anutunöñ siñgisöndokñini sanğonja mosötma.

⁷⁸ Anutuninan uruñan jöpaköba ak kömum nengimakza.

Mewö aka mesohol köl nengiba undinji euyangörenök ali gilikbilik akza.

Mewögöra neñon mönö wanğaranj surui aukñe asaribingö akzin.

* 1:76: Mal 3.1

79 *Nini pandamanöŋ jipjap taringa kömupkö kondotkondot Tonjan aum köl neŋgimazapmö, wehön jilinjölan kota qaknine kuŋguba mem asarim neŋgima.

Mem asarim neŋgiiga luaigö könaŋi aukŋe asuhui eka miangöreŋ aŋgota tiba kinbin.” Zekaraianöŋ mewö jiyök.

80 Morö Jon yaŋön qariba wahöriŋa Uŋa Töröŋan inahöm waŋgiiga Anutugö kolek azi köhöikŋi ahök. Mewö aka gölme qararaŋkölkölŋe mala mali nalöŋan kam kuŋguiga Israel könaŋesö yeŋgö jeŋine aukŋe asuhuba qeŋjarök nupŋi könahiba meyök. Mewö.

2

Jisös Betlehem taonöŋ ahuyök.

Mat 1.18-25

1 Jon O-melun azinöŋ ahuiga nalö miangöreŋ sisa kiŋ Ogastus yaŋön Rom sitinöŋ gölmeŋi gölmeŋi galöm köl eŋgiyök. Galöm köl eŋgiba takis könahiba tomegöra gawmangö jimkutukutu aliga gölmeŋi gölmeŋi pakpak yeŋön tokogetka kuskus (sensus azi) yeŋön qetŋini papianöŋ ohoba areŋgöget.

2 Areŋ nup mi nalö mutukŋa meget. Megeri, nalö miangöreŋ azi qetŋi Qirinius yaŋön Siria prowinsgö premiö mala galöm köl eŋgiyök. 3 Ogastusnöŋ jimkutukutu aliga ambazip körek pakpak yeŋön öröba anda qetŋini areŋnöŋ ohomegöra nanŋini ahuahu miri bohonŋini dop anget.

4 Galili prowinsgö taon qetŋi Nazaret miangöreŋ azi qetŋi Josef malök. Yaŋgö amböŋi mi kiŋ Deiwid. Kiŋ Deiwidkö taonŋi qetŋi Betlehem mi Judia prowinsnöŋ ahöyök. Miangöra Josefnöŋ Nazaret mosöta öŋgöba geba Betlehem anök. 5 Anmam jiiga nalö miangöreŋ ambi buŋaŋi qetŋi Marianöŋ gölömŋambuk malök. Maliga i auangita qetŋiri ohomegöra mohotŋe anohot.

6 Anda Betlehem aŋgorohotka Mariagö morö meme nalöŋan kam kuŋguyök.

7 Kam kuŋguiga qeŋjarök ahöahö mire aŋgota miangö uruŋe tiŋi qahö mi-wikŋaiyohot. Miangöra bau bulmakau miriŋe öŋgöba tarohot. Tata miangöreŋ nahöŋŋi mutukŋi memba oponöŋ esuhuba bulmakau joutŋe ali geba ahöyök. Mewö.

Lama galöm yeŋön Suep garata eŋgeket.

8 Betlehem taon gölme miangöreŋ azi tosatŋan suŋgem dop gölme köröŋi miangöreŋ anda lama kambuŋini galöm köl eŋgiba malget. 9 Mewö malgetka suŋgem miangöreŋ Kembangö garata kuŋŋan kösutŋine asuhum eŋgiyök. Asuhum eŋgiiga Kembangö asakmararaŋan liliköm eŋgiba asariiga qem sömbuŋini möta jöŋömŋini unduyök. 10 Jöŋömŋini unduyökmö, Suep garatanöŋ jii mötket, “Mönö kezap alget. Nöŋön sösongai Buŋa ketanŋi ambazip körek pakpak yeŋgöra memba kazal, mi indel eŋgimam. Miangöra jöŋömŋini kude unduma. 11 Buŋa mi kewö: Eŋgö Amötqeqe Tonjanan dölkö ahuza. Yaŋön kiŋ Deiwidkö taonöŋ asuhuba Kambu qetŋi Kraist akza. 12 Keu miangö aiwesökŋi kewö: Inŋini anda morö sepsep oponöŋ esuhuba bulmakau joutŋe alget ahözawä, mi miwikŋaime.”

13 Garatanöŋ mewö jiiga miangöreŋök garata kambu ketanŋan Suepnöhök kaŋgota yambuk aitonöba Anutugö möpömpösei liŋet köla kewö jiget,

14 “Anutugö qetbuŋaŋi möpöseininga Suepnöŋ euyangöreŋ öŋgöza. Yaŋön ambazip nanŋaŋgöra meköm eŋgiyöhi, yeŋgöra körö ölöwak möta gölmeŋöŋ luai al eŋgiza.” Mewö.

* 1:79: Ais 9.2

Lama galöm yeñon anda Jisös eket.

¹⁵ Garata yeñon engömosöta Suepnöñ lilingöba öngögetka lama galöm yeñon naninak kewö jiget, “Ayop, Betlehem miangörej yuai ahuiga Kembunöñ miangö keunji jii mötzini, nini mönö mia anda ekin.”

¹⁶ Mewö jiba ösumñinan anda Maria Josef aka morösepsep bulmakau joutnje ahöyöhi, miwikñaiba eket. ¹⁷ Eka kinda garatanöñ morögöra keu jii möta kageri, mi indela jim asariget. ¹⁸ Jim asarigetka mötkeri, yeñon körek pakpak auruba welipköget.

¹⁹ Welipkögetmö, Marianöñ keu pakpak mi uru könömñe ala dungöba johöba könañi mötmöriba malök. ²⁰ Welipkögetmö, yuai pakpak Suep garatanöñ jiyöhañgö dop asuhuyöhi, mi lama galöm yeñon eka möta miangöra Anutugö sösongai liñet köla möpöseiget. Möpöseiba mosöta lilingöba anget. Mewö.

Morö qetñi Jisös qetket.

²¹ *Jisös ahui Sonda mohot miangö dop teköiga Anutugö aiwesökñi silenje yandibingö nalöñi kaiga qetñi Jisös qetket. Suep garatanöñ qet mi mutuk qeta wañgiigun nalö miangörejök namñangö gölöm uruje ahuyök. Mewö.

Jisös wañgita Anutugö buñaya alget.

²² *Mosesgö Köna keunöñ keu kewö ahöza, “Ambinöñ morö nahönñi mutukñi memba silim 40 kounñe mali teköiga söro gulunji köl köñjorat wañgiba injini mönö jöwöwöl jikenöñ öngöba morö mi Anutugö jeñe algetka yangö buñaya akña.” Miangöra nalö mi kam kuñguiga Josef Maria yetköñ keu mi tem köla Jisös wañgita Kembugö buñaya akñaapköra Jerusalem öngöyohot.

²³ *Kembugö Köna keunöñ keu kewö ohoget ahöza, “Morö nahön pakpak sep mutuk mokozei, mi mönö Kembugö buñaya akñaapköra qem teköba mem sarahime.” Yetköñ keu mi wuatangöyohot. ²⁴ Mewöyök Kembugö Köna keunöñ jimkutukutu keu ahözawañgö dop kembö me kembö supsup nei yahöt mi jöwöwöl ohomahotköra Jerusalem sitinöñ öngöba anohot.

²⁵ Nalö miangörej azi kun qetñi Simeon Jerusalem malök. Yañon urunji jömuk Anutugörej qekötahöba urumelenjö kölguliguli aiga Uña Töröñan yambuk kiniga Amötqeqe Toñan Israel uruje asuhumapköra mamböta malök.

²⁶ Mamböta maliga Uña Töröñan keu kewö indeli mörök, “Gi Kembugö Amötqeqe Toñi Kraist ahui mutuk ekagun kömupkö sihimbölöñi mötman.”

²⁷ Iwinamñan Mosesgö Köna keu wuatangöba Jisös wañgita jöwöwöl jikenöñ öngöyohot. Öngöyohotka Uña Töröñan Simeon sölölohöi nalö miangörejök mewöyök jikenöñ öngöyök. ²⁸ Öngöba morö mi eka memba dohongöba Anutu möpöseiba kewö jiyök,

Simeongö sösongai liñet

²⁹ “O Kambu, merak welen azigan ölöp anda uruluainöñ mala kömuma.

³⁰ Göhö keugahö dop Amötqeqe Toñi melainöñ asuhuiga i nani jenan eka simbawonj mötzal.

Miangöra ölöp anda kömumam.

³¹ Göñon amötqeqegö könañi mözözömgöba kantri pakpak yeñgöra indel enjinöñga mi eka möt kutume.

³² *Göñon Amötqeqe Toñangö asakñi indelnöñga kian kantri yeñgö

* 2:21: Lew 12.3; Luk 1.31 * 2:22: Lew 12.6-8 * 2:23: Eks 13.2, 12 * 2:32: Ais 42.6; 49.6; 52.10

urunjini kunjuiga asarime
aka qetbuñagan nangi könagesögi Israel nenjö sutnine mewöyök qarima.”

Simeongö kezapqetok keu

³³ Simeonöj morögöra keu mewö jiiga iwinamñan möta köñkuñ aka welipköyohot. ³⁴ Welipköyohotka kötuatköm engiba namñi Maria kewö jii mörök,

“Mötnöj, Anutunöj morö ki kunjuba ali Israel ambazip sehisehiñan i andö qeba eta engugetka

gwötpukñan urunjini melenja ölöwakñe.

Anutunöj nanñak i ali aiwesök aiga gwötpukñan i tuaköpek jim wangime.

³⁵ Tuaköpek jim wangigetka urumötmötnjini asa-asambötnjan mewö aukñe asuhuma.

Nangi uragan mewöyök wösöbirik aiga mianjön sou zuluk alalñi ewö urugi kunjuba qesinma.” Mewö.

Ana ambigö kezapqetok keu

³⁶ Jerusalem miangörej kezapqetok ambi namñi kun qetñi Ana malök. Yanjö isikñi qetñi Aser, iwinj qetñi Fanuel. Ambi mianjön seramñe azi memba mali yambu (yara) 7 mohotñe malohot. ³⁷ Malohotka apñi kömui malö aka mala kori nalö miangörej yambuñi 84 ahök. Yanjön nalö dop jöwöwöl jikenöj öngöba mi silim kun qahö mosörökmö, sunjem asak Anutugöra nene singi mala köuluköba waikñi memba möpöseiba malök.

³⁸ Yanjön nalö miangörejök kangota morö mi eka Anutu möpöseiyök. Anutunöj Jerusalem ambazip sohoptjini memapköra mamböta malgeri, körek yengöra morö miangö könanj jim asarii mötket. Mewö.

Jisösbuk Nazaret lilingöget.

³⁹ *Josef Maria yetköñ Kembunöj arenj jim kutuiga Köna keunöj ahözawi, mi körek ahot teköiga Galili prowinsnöj lilingöba taonñiri Nazaret miangörej anohot. ⁴⁰ Morönöj qariba wahöta köhöiba mötkutukutunji ahuba kokolak qeiga Anutugö kalem möriamñan qakñe öngöi kinök.

Jisös yaranj 12 aiga jöwöwöl jikenöj öngöget.

⁴¹ *Jisös iwinamñan yambu (yara) dop ak-kömükömu * kendon nalöñe Jerusalem siti öngöba anjahotma. ⁴² Mewö mala Jisös yambu (yara)ñi 12 aiga silikñini ahakzeangö dop nalöñi kam kunjuiga mewöyök öngöba anget. ⁴³ Anda mala kendon nalö mianjön teköiga lilingöba mirinñe anohot. Anohotmö, morö gwabö Jisösnöj Jerusalem tari iwinamñan mi qahö möt kutuyohot. ⁴⁴ “Yanjön ambazip kambu yembuk anja,” jiba silim mohotkö dop köna anda sepkitip aka alaurupñiri yengö urunjine qeta jaruyohot. ⁴⁵ Qeta jaruyohotmö, qahö miwikñaiiba kunbuk lilingöba Jerusalem anda jaruyohot.

⁴⁶ Jaruba malohotka silim karöbut teköiga jöwöwöl jikenöj öngöba miangörej miwikñaiyohot. Miwikñaiyohotka azi ketanj yengö sutñine tarök. Tari kusun wangigeri, mi möta qesim engiba tarök. ⁴⁷ Tata Buña keugö könanj törörök möt asariba diñdiñanök melenjiga körek pakpak yerjön mi möta welipköget. ⁴⁸ Iwinamñan eka auruba namñan jii mörök, “Nahöni, gi denöwögöra mewö ak netkizan? Mötnöj, niri iwigabuk göhöra waimanjat möta qeta jaruba malit.”

* **2:39:** Mat 2.23 * **2:41:** Eks 12.1-27; Dut 16.1-8 * **2:41:** Anutunöj Ijpt miangörej Israel ambazip engehoriya enjonjiröhi, ak-kömükömu kendon miangö qetñi kun Pasowa.

49 Mewö jiiga kewö melenj etkiyök, “Injiri mönö wuanönggöra ni göraim ningizahot? Ni Iwinangö mire tatpi dop kölja, mi mötzahot me qahö?”⁵⁰ Mewö melenj etkiyökmö, yetkôn keu jiyöhi, mianğö kónanji mi qahö môt asariyohot.

51 Qahö môt asariyohotmô, tondup wahöta yetpuk lilingöba Nazaret taonöŋ anda iwinamŋi tem köl etkiba malök. Jisösnöŋ keu jiyöhi, namŋan mi pakpak möta urukönömŋe ala jöhöba anğön kölök. ⁵² *Jisösnöŋ mala qarui yambu (yara)ŋi öngöiga mötkutukutunji asariba sehiiga Anutunöŋ kalem möriamŋi wanji köhöiba ambazip aka Anutu yeŋgö jenine dop köl enjiyök. Mewö.

3

Jon O-melun azinöŋ Buŋa keu jiyök.

Mat 3.1-12; Mak 1.1-8; Jon 1.19-28

1 Zekaraiağö nahönŋi Jon yaŋön nupŋi kónahiyök. Nalö mianğöreŋ sisa kiŋ qetŋi Taiberius yaŋön Rom sitinöŋ mala gölmeŋi gölmeŋi mindiriba yambu (yara) 15 azi kembu aka toroqeba galöm köl enji malget. Galöm köl enjimangöra gölmeŋi gölmeŋi Israel liliköba ahözei, mi mesinğetka bahöŋi 4 aiga mienğö kiŋini 4 mi kewö kuŋguget:

Pontius Pailöt, Herod, Filip aka Lisantias. Pontius Pailöt mi Judia prowinsğö premiönjina malök. Kiŋ Herodnöŋ Galili prowins galöm köl enjiyök aka datŋi Filipnöŋ Ituria aka Trakonitis prowins yahöt mienğö kembuŋina malök aka Lisantias yaŋön Abilene gölme memba malök.

2 Jike nup galöm bohönŋini yahöt malohot, qetŋiri Anas aka Kaiafas. Nalö mianğöreŋ Zekaraiağö nahönŋi Jon yaŋön gölme qararanğölkölŋe maliga Anutugöreŋ Buŋa keu asuhuiga mörök. ³ Anutugö Buŋa möta anda Jordan o töwatŋağö kösutŋe miri dop liliköba malök. Liliköba mala Buŋa keunöŋ uruŋini kuŋguba kewö jiba malök, “Injini mönö uruŋini melenğetka nöŋön o melun mem enjimam. Mewö aketka Anutunöŋ sinğisöndokŋini sanğonja mosötma.”

4 *Mianğö keuŋi mi kezapqetok azi Aisaianöŋ ohoi yaŋgö Buzup Kimbinöŋ kewö ahöza,

“Kolek garata kunŋan gölme qararanğölkölŋe qeta maliga anda qetŋi kewö mötme,

‘Kembunöŋ kamawo! Mianğöra mönö jöjöröba kónanji mesatket. Mönö uruŋini mindinğöba kónanji qölöleiget.

5 Köna örue pakpak mönö qem tigetka diŋdiŋi akŋa.

Kunduŋi wanjaŋi pakpak mi mönö qeköba köl qölöleigetka köröŋi akŋa.

Köna mösökğösökŋambuk mi mönö möhamğögetka diŋgime.

Luhutnöŋ köna misiiga simbiŋsambaŋ tatzawi, mi mönö kutuba mesatketka solanima.

6 Anutunöŋ oyaenğoyaeŋ Tonji melaii kaiga gölmeŋi gölmeŋi pakpak yeŋön mi eka ek kutume.”

7 *Jonöŋ mianğö dop uruŋini kuŋguiga ambazip kambuŋi kambuŋi yeŋön o melun mem enjimapköra yaŋgöreŋ kagetka enğeka yeŋgöra kewö jiyök, “O qatö moröŋi, injini uruŋini qahö melenğetka Anutugö irimŋan sehöliiga likepŋi melenj enjimangö akza. Mi ölöŋ kölbingö goro keuŋi mi mönö danöŋ jii möta sömbuŋini möta ki kaze?

* 2:52: 1 Sml 2.26; Qam 3.4 * 3:4: Ais 40.3-5 * 3:7: Mat 12.34; 23.33

8 **“Miangöra mönö öljänök uruñini melenje. Bölöñamñineyök lilingögetka öljä asuhui mi mönö ahakmemeñinan aukñe kondela malme. Uruñine möndömöndö keu kewö kude mötmörime, ‘Neñön mönö Abrahamgö gwölönarökña malinga Anutunöñ qahö ayuhum nenñgima.’ Mewö töptöpñine qemakzemö, öljä mi qahö ahakze. Nöñön miangöra kewö jibi mötket: Anutunöñ köt ki ölpö jim kutum enñgiiga letota Abrahamgö gwölönarökuruññi aka Anutu möpöseimaktjemö, inñini denöwö?”*

9 **“Uruñini qahö melenje ewö, Anutunöñ mönö inñini ip ewö tenñgöri etpingö akze. Ip pakpak öljä ölpöññi qahö kuñgumakzei, mi mönö köli etket könöpnöñ glii geme. Ip mewöññi kölmamgö kesinñi lök jitñi sanje ala ip könanñe ali jöjöröba ahöza. Anutunöñ mönö bölöñamñinanñgö likepññi melenñ enñgima.”*

10 Mewö jiiga ambazip kambuññi kambuññi yeññön kewö qesiba jiget, *“Mewögöra nini mönö denöwö ahinga dop kölma?”*

11 Qesiba jigetka kewö melenñök, *“Kunñan maluku yahöt memba maljawi, yanñön mönö mietköreñök kun mi malukuññi qahö i wanñgima aka denike yeññön nenenñinambuk maljei, yeññön mönö mewöyök nenenñini qahö yeññgöra mendenñ enñgime.”*

12 **Takis meme azi tosattjan mewöyök o melun mem enñgimapkö kaba qesim wanñgiget, “Böhi, neññön mönö denöwö ahinga dop kölma?”* 13 Qesim wanñgigetka jii mötket, *“Gawmanöñ takisgö jim kutum enñgi ahözawi, dop mi mönö qahö onñgita meme.”*

14 Yarö azi tosattjan mewöyök qesim wanñgiget, *“Niniato? Neññön denöwö ahinga dop kölma?”* Qesim wanñgigetka kewö jii mötket, *“Kungöreñ monenñgöra kunguba upetkupet aka kiom kude kölmemö, nanñini töwanñini memakzei, miambuk mönö urumohok aka ösöñ malme.”* 15 Ambazip pakpak yeññön *“Jonöñ Amötqege Tonj Kraist akapuk,”* jiba uruñinan mewö mötmöriget. Miangö könanñi mötpingö kezapññini köröpññi aket.

16 Mewö aketka Jonöñ körek yeññgöra kewö jiyök, *“Nöñön o töhöñöñ melun mem enñgizalmö, azi kukösumññi köhöikññi kun kama. Yanñgö kukösumññi öñgöñgöñan mönö nöñgöreñ onñgitma. Yanñön azi öñgöñgöññi akñawanñgöra nöññön yanñgö köna esuñanñgö kösöññi bauköba pösatmamgö qötötanñgömam. Yanñön mönö Uña Töröññi uruñine ali könöp bölamñan köli könjörat enñgiiga mewö miannön melun mem enñgima.* 17 Yanñön öljä aka kamböññi mendenñ etkimamgö sapakññi memba kanñgota uba qöröreñgöba kewötma. Kewöta wit köññi tokoba köweñje almapmö, kamböññi aka gwaugulapññi mi mönö usuñniga könöpnöñ geba teteköññi qahö jema.”

18 Keu mewöññi mewöññi gwötpuk toroqeba jiba uruñini kunguba Ölöwak Buña ambazip kambu yeññgöra jim asariba malök. 19 **Malökmö, gölme bahöñanñgö kin Herod yanñön datñanñgö anömññi qetññi Herodias mi ölöñ meyök aka bölöññi könanñi könanñi aka malöhi, miangö sappñi Jonöñ qeba munñjariga jim wanñgiyök.* 20 Jim wanñgiba bölöñamññi kun toroqeba aka Jongöreñ nupññi tözöpköba suahö galömññi jii Jon memba kösö mire alget. Mewö.

Jonöñ Jisös o melun mem wanñgiyök.

Mat 3.13-17; Mak 1.9-11

21 Jonöñ ambazip pakpak o melun mem enñgiba Jisös mewöyök o melun mem wanñgiyök. Mem wanñgi köuluköiga miangöreñök Suepnöñ anaññiyök.

* 3:8: Jon 8.33 * 3:9: Mat 7.19 * 3:12: Luk 7.29 * 3:19: Mat 14.3-4; Mak 6.17-18

22 *Añañiiga Uña Töröñan melenña kembö nei ewö aka Jisösgö qakñe erök. Mewö eriga Suepnöhök qet kun kewö asuhuyök, “Göñön mönö nani wölböt nahöna akñöñga köröni ölöwahiga geknahöm ak ghizal.” Mewö.

Jisösgö isikurupñi yenjö qet areñi
Mat 1.1-17

23 Jonöñ Jisös o melun mem wañgiiga yambu (yara)ñi 30 miangö dop aiga amötqeçe nupñi könahiba memba malök. Memba maliga Josefgö nahöñña akzawi, ambazipñöñ mewö mötmöriget. Jisös iwiñi Josef, asañi qetñi Heli. 24 Jisös amböñi qetñi Matat, sukumñi qetñi Liwai. Liwai iwiñi Melki, asañi Janai, amböñi Josef, 25 sukumñi Matatias. Matatias iwiñi Amos, asañi Nahum, amböñi Esli, sukumñi Nagai. 26 Nagai iwiñi Mat, asañi Matatias, amböñi Semen, sukumñi Josek. Josek iwiñi Joda, 27 asañi Joanan, amböñi Resa, sukumñi Zerubabel. Zerubabel iwiñi Sealtiel, asañi Neri,

28 amböñi Melki, sukumñi Adi. Adi iwiñi Kosam, asañi Elmadam, amböñi Er, 29 sukumñi Josua. Josua iwiñi Eliezer, asañi Jorim, amböñi Matat, sukumñi Liwai. 30 Liwai iwiñi Simeon, asañi Juda, amböñi Josef, sukumñi Jonam. Jonam iwiñi Eliakim, 31 asañi Melea, amböñi Menna, sukumñi Matata. Matata iwiñi Neitan, asañi Deiwid, 32 amböñi Jesi, sukumñi Obed. Obed iwiñi Boaz, asañi Salmon, amböñi Nason,

33 sukumñi Aminadab. Aminadab iwiñi Admin, asañi Arni, amböñi Hezron, sukumñi Perez. Perez iwiñi Juda, 34 asañi Jeikob, amböñi Aisak, sukumñi Abraham. Abraham iwiñi Tera, asañi Nahor, 35 amböñi Serug, sukumñi Reu. Reu iwiñi Peleg, asañi Eber, amböñi Sela, 36 sukumñi Kainan. Kainan iwiñi Arpaksad, asañi Siem, amböñi Noa, sukumñi Lamek. 37 Lamek iwiñi Metusela, asañi Enok, amböñi Set, sukumñi Adam. Adam mi Anutunöñ mei ahuyök. Mewö. 38 (-)

4

Satanöñ Jisös esapköba malök
Mat 4.1-11; Mak 1.12-13

1 Jonöñ Jisös o melun mem wañgiiga Uña Töröñan uruñi kokolak qei Jordan onöhök liliñgöiga wañgita gölme qararankölkölñe anök. 2 Anda miangöreñ mali Bölöñi Toñan esapköm wañgi wehön 40 teköyök. Nalö 40 miangöreñ nene kun qahö nembra mali teköiga neneñangö kömuyök.

3 Yakanangö kömuiga Bölöñi Toñan jii mörök, “Gi Anutugö nahöñña akzan ewö, mi mönö kondela köt ki jim kutunöñga letota beret aketka neman.”

4 *Jii möta melenñök, “Qahö, Buña Kimbinöñ keu kewö ohoget ahöza, ‘Nenenöhök ambazip malmal qahö neñgimakza.’”

5 Melenñiga wañgita kundunñi köröññi kunöñ öñgöba gölmegegö kantrinñi kantrinñi pakpak mi zilañ kondel wañgiyök. 6 Kondel wañgiba jii mörök, “Nöñön kantri pakpak mi galöm köl eñgimangö kukösumñi aka inap yuainangö aködammunñi mi nöngö böröne alalña ahöza. Miangöra mi nani sihimnangö dop niñña wañgimam jiba ölop wañgimam. Miangöra yuai pakpak ki mönö göhö böröge almam. 7 Miangöra gi waikni memba möpöseim niñgiman ewö, mi pakpak mönö göhö buñaya ak teköma.”

* 3:22: Jen 22.2; Sum 2.7; Ais 42.1; Mat 3.17; Mak 1.11; Luk 9.35

* 4:4: Dut 8.3

8* Mewö jii möta kewö meleşnök, “Qahö, Buña Kimbinöŋ keu kewö ohoget ahöza, ‘Gi mönö Kembugi Anutu waikŋi memba möpöseiba ia mohot welen qem waŋgiba malman.’”

9 Meleşniga Jisös waŋgita Jerusalem sitinöŋ anda jöwöwöl jikegö boŋe euyangöŋeŋ öngöba kewö jii mörök, “Gi Anutugö nahönŋa akzan ewö, mönö kiangöŋeŋök luhuba emu geman. 10* Buña Kimbinöŋ keu kun kewö ohoget ahöza, ‘Anutunöŋ garataurupŋi jim kutum engiiga ölöŋŋanök galöm köla sel jöhöm gihime,’ 11* aka keu kun kewö, ‘Yeŋön böŋöŋine ala nönögölim gihigetka geba kötnöŋ könage qahö guhum qizit akŋa.’” Mianğöŋa geba kude ayuhuman.

12* Mewö jiyökmö, Jisösnöŋ kewö meleş waŋgiyök, “Qahö! Anutunöŋ jiza, ‘Gi mönö Kembugi Anutu kude esapköm waŋgiman.’”

13 Bölöŋi Tonjan esapesap pakpak mi Jisös ak waŋgii teköiga mosöta anök. Mewö.

Jisösnöŋ könahiba amötqeqe nup meyök

Mat 4.12-17; Mak 1.14-15

14 Jisösnöŋ gölme qararaŋkölkölŋi mosöri Uŋa Töröŋangö ösumŋan yambuk kiniga Galili prowinsnöŋ lilingöyök. Lilingöiga keu buzupŋan sehiba miri gölme liliköba tat angeri, mi pakpak dop köla anök. 15 Dop köli miriŋi miriŋi liliköba köuluk miriŋine öngöba Buña keu kusum engiyök. Kusum engiiga mötkeri, körek yeŋön mönö söŋgaiba möpöseim waŋgiŋet. Mewö.

Nazaret yeŋön Jisös andö qeget.

Mat 13.53-58; Mak 6.1-6

16 Jisösnöŋ lilingöba malqarip taonŋi Nazaret mianğöŋeŋ anök. Sonda kendonöŋ kaiga ahakzawaŋgö dop köuluk mire öngöba Buña Kimbi oyoŋ engimangö wahörök. 17 Wahöri kezapqetok azi Aisaiagö Buzup Kimbi waŋgiŋetka kötula keu kemaŋi kewö ohoget ahözawi, mi miwikŋaiyök:

18* “Kembugö Uŋa Töröŋan nöŋgö urune geba nup memegö kelök supapŋi köl niŋgiba ambazip etqeqeŋi yeŋgöŋa Ölöwak Buña jim asarimakzal. Yaŋön melaim niŋgiiga keu kewö jim sehimakzal:

Bölöŋan gwaröhöm engii maljei, Anutunöŋ mönö i pösata meköm engiiga malme.

Anutunöŋ jegömöl ambazip jeŋini mem tohoiga kunbuk uba ekŋe.

Taikpaik memba eta alget maljei, Anutunöŋ mönö i meköm engiiga siyoŋsayoŋi qahö malme.

19 Kembunöŋ amötqeqegö yambu ölöŋŋi ali kam kuŋgumawi, nöŋön mianğö kolekŋa kaba mi jim asarimakzal.”

20 Keu mewö oyoŋda köpep supap mi köpeiba galömŋi waŋgiba eta tarök. Tariga köuluk mire tatkeri, yeŋön körek je qisilmisilŋi qahö döŋötköba ehiget.

21 Ehigetka könahiba kewö jii mötket, “Buzup Kimbigö keu ki oyoŋbi kezapŋine gei mötzei, mianğö öŋŋan mönö merak asuhuza.”

22 Mewö jii mötketka kalem möriam keuŋi numbuŋeyök eriga köreŋan mi möta welipköba jim soroköm waŋgiba keu mianğö jiji-kilik-kilikŋi mi kewö jiget, “Azi ki Josefgö nahönŋa me?”

23 Jigetka kewö jii mötket, “Injini nalöŋi nalöŋi keu kötni ki jimakze, ‘Mem ölöwak azi gi mönö nangi mem ölöwak aŋguman.’ Injini keu kötni mi dölk

* 4:8: Dut 6.13 * 4:10: Sum 91.11 * 4:11: Sum 91.12 * 4:12: Dut 6.16 * 4:18: Ais 61.1-2

nöngöra jibingö mötze, mi mötze. Mi jiba kewö jibeak, ‘Gi Kaperneam taonöŋ anda aŋgöletot öngöŋgöŋi menöŋga buzupŋi mörini, miangö dop mönö nangi miri kiangörej mewöyök meman.’” ²⁴ *Mewö jiba jiyök, “Nöŋön keu ölni kun kewö jibi mötme: Kezapqetok ambazip kunöŋ mönö nanŋi malqarip taonöŋ qahö dop kölja.

²⁵ * “Nöŋön keu ölbölni kun kewö jibi mötme: Elaijagö (Elia) nalöŋe Anu-tunöŋ Suep nanŋuŋi köli yambu (yara) karöbut aka köiŋ 6 miangö uruŋe kie qahö yöhöiga bödi ketanŋi ahuiga gölme pakpak dop kölök. Nalö miangörej ambi malö gwötpuk Israel uruŋe malget. ²⁶ *Gwötpuk malgetmö, Anu-tunöŋ Elaija yengörejök kungörej anmapkö qahö melaiyökmö, kian gölme Saidongö miri qetŋi Sarefat miangörej ambi malö mohot-töp yangörej melaiiga anök. ²⁷ *Kezapqetok azi Elisagö nalöŋe uzikukunöŋ Israel azi gwötpuk turum engiiga malgetmö, yengörejök kunŋan kun qahö solaniyök. Qahöpmö, kian gölme Siriagö azi qetŋi Naman yaŋön mohot-kun mönö Elisagö keuŋi möt nariba solaniba ölöwahök.”

²⁸ Jisösnöŋ mewö jiiga köuluk mire tatkeri, yeŋön körek keu mi möta ir-imŋini sehöliiga urupik aket. ²⁹ Urupik aka wahöta Jisös közöla taon yaigepŋe wuatangöba taon mi kundunangö sem kösutŋe meget kinöhi, miangörej aköget gemapköra anget. ³⁰ Angetmö, sutŋine qendenŋa engömosöta anök. Mewö.

Kaperneam taonöŋ öme kun közölök.

Mak 1.21-28

³¹ Jisösnöŋ Galili prowins uruŋe Kaperneam sitinöŋ eta aŋgota Sabat kendonöŋ ambazip kambu kusum engiyök. ³² *Kusum engiiga keuŋan kukösumŋambuk aiga jiyök. Miangöra könagesö yeŋön mi eka auruba welipköget.

³³ Köuluk miri miangörej azi kun ömeŋambuk tarök. Tariga ömeŋan teriŋgöba silata qetŋi kewö qerök, ³⁴ “Aek! Jisös, Nazaret asia! Gi wania ak nengimangö akzane? Mönö ayuhum nengimangöra kazaŋ me? Ni könaŋangi möt kutuzal. Gi Anutugörej azi Tök-kutukutuŋi akzan.”

³⁵ Mewö qeriga Jisösnöŋ tembula kewö jim waŋgiyök, “Gi mönö keugi bököiga azi ki mosöta kesalnöŋ.” Mewö jim waŋgiiga ömenöŋ azi mi memba gili tala sutŋine gölmenöŋ geiga miziqizikŋi qahöpmahöp aka kota mosöta anök.

³⁶ Aniga körekŋan nemböŋini teköiga welipköba sutŋine eraum möta kewö jiget, “Ye! Keu ki mönö wani keuya? Yaŋön kuk aka ösum-mumu qakŋe ömewöröme jim kutum engiiga tem köla kota anje.” ³⁷ Mewö asuhuiga Jisösgö qetbunangŋan sehiba miri pakpak kösutŋe tat angeri, miangörej anda gölme mi dop kölök. Mewö.

Jisösnöŋ kawöl ambazip gwötpuk meiga ölöwaket.

Mak 8.14-17; Mak 1.29-34

³⁸ Jisösnöŋ wahöta Kaperneam köuluk miri mi mosöta Saimon Pitögö mire öngöyök. Öngöiga Saimongö suhunŋan sile könöp öngöŋgöŋi yöhöi ahöyök. Ahöiga yaŋgöra aka Jisös köuluköm waŋgiŋet. ³⁹ Köuluköm waŋgiŋetka anda sipköba geba sile könöp jim kutum waŋgiiga mosöriiga miangörejök wahöta nene ohoba gumohom engiyök.

* 4:24: Jon 4.44 * 4:25: 1 Kiŋ 17.1 * 4:26: 1 Kiŋ 17.8-16 * 4:27: 2 Kiŋ 5.1-14 * 4:32: Mat 7.28-29

⁴⁰ Wehön jeñi teköba geiga miangörej ambazip denike yeñön alaurupñini kawöl könanji könanji miangön engöhöi ahögeri, mi körek enjguançita Jisösgörej kaget. Kagetka böröñi körek yeñgö qakñine inannjik inannjik aliga ölöwak teköget. ⁴¹ Ömewöröme yeñön mewöyök ambazip gwötpuk yeñgö urunineyök kota silata kewö qetket, “Gi Anutugö nahöññi akzan.”

Jisösnöñ Amötqeçe Tonji Kraist akzawi, yeñön mi mötkerañgöra Jisösnöñ jim engiba numbuñini muhungöba enjuatançöyök. Mewö.

Amötqeçe nupñi Galili dop kölöc.

Mak 1.35-39

⁴² Jisösnöñ gaun ahöiga miri wañgaranj suruiga wahöta nannjik tirin (tin) kutuba geba görañe kunöñ anök. Anökmö, ambazip yeñön göraim wañgiba anda miwikñaiba kude engömosöta anmapköra esapköba angön köl wañgiget.

⁴³ Angön köl wañgigetmö, kewö jii mötket, “Nöñön Anutu bemtohonñangö Ölöwak Buñaji mi taon tosatñi yeñgöra mewöyök jim asarim engibi dop kölma. Anutunöñ mönö miangöra melaim niñgiyök.”

⁴⁴ Mewö jiba anda Galili prowins liliköba köuluk mirinçine Buña keunöñ uru kuñgum engiba malök. Mewö.

5

Jisösnöñ gwarekurupñi mutukñi enjgohöloc.

Mat 4.18-22; Mak 1.16-20

¹ *Nalö kunöñ Jisösnöñ Genesaret o angö jittje kiniga ambazipnöñ kambu köla Anutugö Buña keu mötpingö ölöqöläköba liliköm wañgiget. ² Liliköm wañgigetka kinda wange yahöt köwet görañe tarohotka etkehök. Söra örörö yeñön wange mi mosöta geba mösakñini kusahöla sançonget. ³ Wange kun mi Saimongöreña. Jisösnöñ miangörej öngöba tonji kewö qesim wañgiyök, “Göñön mönö nançönöñga borom kun noangita onöñ göröken anma.” Qesim wañgiiga nançöiga anda wañgenöñ tata ambazip kambu kusum ençiyök.

⁴ Kusum ençim teköba Saimongöra jiyök, “Göñön mönö wange ki nançönöñga o angö bibinje aniga alaurupki yembuk mösakñini söragöra gilgetka gema.”

⁵ *Jiuga Saimonöñ melenñök, “Ketanamni, nini sunçem köröp mösak gil bibi-hiba ölni kun qahö mezin. Qahöp mö, göñön jim kutuzanançöra mönö töndup anda gilin gema.” ⁶ *Mewö melenñi jiyöhangö dop aketka söranöñ awamñi qahö mösakñine gegetka buratibingö aket. ⁷ Mewö aketka alaurupñini wange kunöñ malgeri, yeñgöra kaba bauköm ençimegö börökaek kölgetka kaget. Kagetka wange yahöt mi söranöñ kokolak qegetka nemulahöm taköyohot.

⁸⁻⁹ Söra öngöngöñi mewö memba eka miangöra köreknjan welipköget. Welipköba Saimon Pitönöñ mi eka Jisösgö wösöñe geba simin köla jiyök, “O Kembu, ni siñçisöndok azia akzalançöra mönö nömosöta anöñ.” ¹⁰ Saimongö alayahötñi Jeims aka Jon Zebedigö nahönyahötñi yetköñ mewöyök nemböñjiri teköiga welipköyohot. Saimonöñ keunji jiyökmö, Jisösnöñ kewö melenñök, “Mönö keñçotki kude mötman. Gi kiangö andöñe ambazip mi söra ewö öröba engömembra malman.”

¹¹ Mewö jiuga wañgençini öröba kota saknöñ ala öröyuaiñini pakpak mosöta Jisösgö andöñe wuatançöba anget. Mewö.

* 5:1: Mat 13.1-2; Mak 3.9-10; 4.1

* 5:5: Jon 21.3

* 5:6: Jon 21.6

Jisösnöj uzikuku azi kun mem solaniyök.

Mat 8.1-4; Mak 1.40-45

¹² Jisösnöj taon kunöj maliga mianğorej azi kun silenji uzikukunöj mem bölim teköiga tarök. Tata Jisös eka kösutje simin köla geba kewö köuluköm wanğiyök, “O Kembu, göñön sihimangan mem ölöwak ningimamgö mötzan ewö, mönö ni ölöp mem solanim ningiman.”

¹³ Mewö jiiga böröñi böranđa silenji misiriba jiyök, “Nöñön mi akñamgö mötzal. Gi mönö solaniman.” Mewö jiiga uzikukunji mi mianğorejök solaniyök. ¹⁴ *Solaniiga kewö jim kutum wanğiyök, “Mötnöj kiangö buzup keunji mi kun kude jinöj mötme. Qahöpmö, gi mönö jike nup galömgorej anda silegi kondel wanğiba Mosesgorej jimkutukutunji wuatangöba solanizanangö saiwap nalukñi ala jöwöwöl ohoman. Mi ohonöj ehiga ambazipnöj könangami möt kutume.”

¹⁵ Mewö jiyökmö, mi töndup Jisösgö qetbunañi sehiba miri dop asariba anök. Anöhanğö dop ambazip kambunji kambunji yeyön keunji mötpingö aka kawölñini mem ölöwakñapkö yanğorej kaba tokoget. ¹⁶ Kagetmö, Jisösnöj engömosöta gölme qararanğölkölñe anda mala köuluköyök. Mewö.

Jisösnöj azi sile likepñi kömukömunji möhamğöyök.

Mat 9.1-8; Mak 2.1-12

¹⁷ Jisösnöj wehön kunöj Buña keu kusum engiiga Farisi (Köna keugö kapanğölköl) aka Köna keugö böhi tosatñan Galili aka Judia prowingsö miriñi miriñi aka Jerusalemök kaba ambazip kambu sutñine tatket. Kembugö kukösumñan Jisös nam köl wanğiiga ambazip kawölñini mei ölöwaket.

¹⁸ Nalö mianğorej azi tosatñan alanini sile likepñi kömukömunji mi kululunöj ala anğuba kaget. Kaba kutuba Jisösgö kösutje miri urunje öngöba albingö esapköget. ¹⁹ Esapkögetmö, ambazip kambunöj ölököba kingerangöra pañpanğöba miri urunje öngöbingö köna kun qahö miwikñaiiba memba miri qakñe öngöget. Öngöba bo kötnöj memenji mi esim lulungetka kinimñi ahui kawöl azi kululunambuk kösönöj jöhöba mianğorej algetka ambazip sutñine Jisösgö wösöñe geyök. ²⁰ Mewö geiga Anutu möt narim wanğigeri, Jisösnöj yengö tandökñini mi eh dop köliga kawöl azigöra kewö jiyök, “Alani, nöñön singisöndoki mosötzal.”

²¹ Mewö jiiga Köna keugö böhi aka Farisi yeyön mi möta könahiba kewö jiba mötmöriget, “Azi ki niñia? Yanñön mönö Anutu ilita mepaqepaik akza. Anutu mohotñan singisöndoknini mosörakzapmö, azi kunñan mi qahö.”

²² Mewö mötmörigetmö, Jisösnöj urunñini ek kutuba kewö jii mötket, “Tosatñi inini urunñan wuanöngöra keu jizali, mianğöra gwötpuk mötmörize? Mi qahö dop kölja. ²³ ‘Nöñön singisöndoki mosötzal, jizali, keu mianñön mönö awamñanök jijiña. Kunñan mewö jiiga tosatñan keu mianğö ölni qahö ekñe. Mianğöra mi keu awamñangö dop. Nöñön keu kun kewö jimamamgö mötzal, ‘Mönö wahöta anöñ.’ Keu mi mönö lömbötñambuk jijiña akza. Mewö jibiga ölni asuhuma me qahöwi, mianñön mönö aukñe asuhui ekñe.

²⁴ Mötket, gölmenöj singisöndok mosötmosötkö kukösumñi mi Suep gölmegö azi ölnanğorej ahözawi, inini mianğö könananğöra janjuñ jalbepuk. Mianğöra keu lömbötñi mi azi kiangöra jibi ölni eket.” Mewö jiba azi sile likepñi kömukömunji yanğöra jiyök, “Nöñön göhöra jizal: Gi mönö wahöta tumbulahöpki memba mirige anöñ. Keu lömbötñi mi ölnambuk akña ewö, keu awamñi mi mönö mewöyök denöwögöra omanji akawak?”

* 5:14: Lew 14.1-32

²⁵ Mewö jiiga mianğoreñjök jeñine wahöta tumbulahöpnji ahöyöhi, mi memba Anutu möpöseiba mosöta miriñe anök. ²⁶ Mewö asuhuiga ambazip köreknjan welipköba sömbuñini möta Anutu möpöseiba jiget, “Ye! Merak yuai qetpuk soroha ekzin.” Mewö.

Jisösnöñ Matyu (Liwai) oholök.

Mat 9.9-13; Mak 2.13-17

²⁷ Mianğö andöñe Jisösnöñ Kaperneam mosöta anda takis ofis onğitmamgö aiga mianğoreñ takis meme azi qetñi Liwai tariga eka jii mörök, “Gi mönö nöñgö andöñe kanöñ.” ²⁸ Mewö jii möta nupñi pakpak mosöta wahöta Jisösgö andöñe anök.

²⁹ Anda Jisös miriñe köl öröba yangöra közölömbuanj ketanji mözözömgöyök. Mözözömgöba takis meme tilipqilipñinambuk aka alaurupñi tosatñi öröm enğiiga kambu ketanji köla yembuk tata nene neget. ³⁰ *Mewö negetka Farisi (Köna keugö kapankölköl) aka yengörej böhi yeñön mi eka jimongot aka Jisösgö gwarekurupñi kewö jim enğiget, “Aek! Injini mönö wuanöñgöra takis meme tilipqilipñinambuk aka siñgisöndok ambazip yembuk tata nene aka o neze? Mi qahö dop kölja.”

³¹ Mewö jim enğigetka Jisösnöñ likepñi kewö jii mötket, “Sile unditundit ambazipnöñ doktagöra qahö ak enğimakzapmö, kawöl ambazipnöñ mönö doktagörej anakze. ³² Nöñön siñgisöndok ambazip uruñini melenmegö enğoholmamgöra kaba maljalmo, ambazip nanñinanğö mötketka solanñi akzei, i qahö.”

Nene siñgi malmalgö keuñi

Mat 9.14-17; Mak 2.18-22

³³ Ambazip tosatñan Jisösgörej kaba qesiget, “Jon O-melun azigö gwarekurupñi neñön nalö gwötpuk Anutugöra nene siñgi mala köuluk totoko köroñji alakzin. Farisi (Köna keugö kapankölköl) yengö gwarekurupñinan mewöñanök aka maljemö, nangi gwarekurupkan mönö pöndanj nene aka o nemakze.”

³⁴ Mewö qesigetka kewö melennök, “Ölña! Nini wani nalönöñ nene siñgi malakzin? Ambi meme nalöñe azigö andöurupñan könöñji algetka ambigö sep kitipurupñan yuai mi tökömakze me qahö? Nöñön nani gwarekurupni yengö azi buñaya aka yengö sutñine köisirik tatzal. Tatpiga siñgi malbingö jigetka yeñön aijölön söñgaiba tata siñgi malbingö osimakze. ³⁵ Osimakzemö, Anutunöñ noanğiri kömumbiga yeñön mönö nalö mianğoreñ ölop siñgi malakñe.

³⁶ “Injini malmal walñi aka sösoñgai Buña dölokñi mi mindirim etkibingö osime. Mianğö dopkeu pasetñi kun mi kewö jibi mötket: Löñgölöñgöt walñi jurariga kunöñ löñgölöñgöt dölokñi mitiba opo su jöhanñi mianñön qahö ala uhum göreñgömakza. Mewö akawak ewö, opo su jöhanñi dölokñan mönö walñambuk öröröñ qahö aka mi öröba munjurariga böliqölibapuk.

³⁷ “Mewöñanök kunöñ wain o dölokñi mi jobö me toru walñi lama silenjan memenji mianğoreñ qahö kusuiga gemakza. Mewö akawak ewö, wain o dölokñan mönö qariba toru qesiñniga jula mokoiga gölmenöñ eta sohoiga toruñan böliqölibepuk.

³⁸ “Mianğöra wain o dölokñi mi toru dölokñeyök mokoin geiga dop kölma. (Mewöñanök kunöñ o ölopñi mi gina gisagisahöñe qahö umakzin. Mewö

* 5:30: Luk 15.1-2

ubinak ewö, mianjön mönö jula kisipisirik eriga nempa kawöl nenğöhöbapuk. Mewö akapuköra o ölöpnj mi gina ölöpnje umakzin. Injini mewöyök malmal walji aka Ölöwak Buja döläknj mi mindirim etkibingö osime.)³⁹ Kunjan wain o walji möpöseiba nempa malakzawi, yanjön wain o döläknj nemamgö sihimnj qahö möta ölan alakza.” Mewö.

6

Jisösnöj Sabat kendongö Kembunji akza.

Mat 12.1-8; Mak 2.23-28

¹*Mianğö andöje Sabat kendon kunöj Jisösnöj wit padi nup köröj ketanj kutuba anök. Ani gwarekurupjan wösöjnini enğuiga wit ölj mi mohot mohot böröjninan misiba sömanja neget. ²Mewö negerangöra Farisi (Köna keugö kapañkölköl) tosatjan mi eka kewö jiget, “Injini mönö wuanöngöra Sabat kendongö nup neme soñgonj onğitze?”

³*Mewö jigetmö, Jisösnöj kewö melenök, “Kinj Deiwidnöj yarö aziurupnj yembuk liliköba wösöjnini enğuiga yuai akeri, mi lök oyonget me qahö?”

⁴*Yanjön mönö Anutugö opo seri jikenöj öngöba beret kömbuknj Anutugö jemesoholje altanöj alget tariga ösumjan walöjniga qekögeri, mi mönö meiga neget. Beret kömbuknj mosötmosötj mi jike nup galöm yenönök nezema. Yanjön aka yanğö sunğurumurupjan mi nembepuköra soñgo ahöyök mi töndup neget.”

⁵Mewö jiba kewö jii mötket, “Suep gölmegö azi öljjan mönö Sabat kendongö Kembunji akza.” Mewö.

Jisösnöj azi böröj sösöröngöj mem ölöwahök.

Mat 12.9-14; Mak 3.1-6

⁶Jisösnöj Sabat kendon kunöj köuluk mire öngöba Buja kusum enğiyök. Mianğörej azi kun böröj ölj soholiiga tarök. ⁷Köna keugö böhi aka Farisi (Köna keugö kapañkölköl) yenön Jisös eka keu jakenje al wanğibingö könanj jaruba “Azi mi Sabat kendonöj möhamgöma me qahö?” jiba je galöm mempa tatket. ⁸Tatketmö, Jisösnöj mötmötjnini mi möt kutuba azi böröj sosoholinj mi kewö jii mörök, “Mönö wahöta jenine kinöj.” Mewö jiiga wahöta kinök.

⁹Kini Jisösnöj jii mötket, “Köna keu wuatangöba Sabat kendonöj yuai ölöpnj me bölöj akin? Ölöp kungö bohonnj jöhöbin me mosöringa ayuhuma. Wanat kun meinga dop köлма? Mi qesim enğibi jiget.” ¹⁰Mewö jiba körek pakpak lilingöm purik enğeka azi mianğö jiyök, “Gi mönö börögi qötöteinöj.” Mewö jiiga böröj qötöteiga kunbuk ölöwahök.

¹¹Ölöwahökmö, galöm yenön irimjnini gwötpuk seholiiga “Jisös denöwö ak wanğibin?” jiba nanjnini eram mötket. Mewö.

Gwarekurupnj 12 möwölöhöm enğiyök.

Mat 10.1-4; Mak 3.13-19

¹²Nalö mianğörej Jisösnöj kunduje köulukömamgö öngöba sunğem köröp mi Anutu köuluköm wanğiba mali miri alök. ¹³Miri gianjiga gwarekurupnj enğohola yenğörejök 12 möwölöhöm enğiba melaimelai azi aposol qet mi enğiyök.

¹⁴Qetjnini kewö qerök: Saimon, Jisösnöj qetj Pitö wanğiyök, yanğö munnj Andru aka Jeims, Jon, Filip, Bartolomyu, ¹⁵Matyu, Tomas, Jeims Alfiusgö

* 6:1: Dut 23.25 * 6:3: 1 Sml 21.1-6 * 6:4: Lew 24.9

nahönñi aka Saimon qetñi kun Tuaköpek azi qetket.* 16 Judas Jeimsgö nahönñi aka Judas Iskariot. Kariot azi miangön könanjen mamalolo azia ahök.

Jisösnöñ kawöl ambazip mem ölöwak engiyök.

Mat 4.23-25

17 Jisösnöñ aposolurupñi yembuk kunduneyök eta gölme köröñe anda kinget. Kingetka gwarek kambunji ketanji aka ambazip kambulelembe yeñön yangöra tokoba mambötket. Yeñön “Buñanji jii möringa kawölnini mem ölöwakña,” jiba miangöra Judia prowins pakpak, Jerusalem siti aka köwet jitrneyök Taiö aka Saidon taon miangörenök kaba tokoget. 18 Ömewörömenöñ kölköljinjin mem engiyöhi, yeñön mewöyök kaba ölöwaket. 19 Kukösumñan yangörenök kutuba yeñgören öngöiga körek ölöwak engiyök. Miangöra ambazip körekñan Jisös misiribingö jaram tiget. Mewö.

Simbawon aka kezapjupjup ahakö keunji

Mat 5.1-12

20 Jisösnöñ gwarekurupñi uba wahöta engeka kewö jiyök, “Anutugö bemtohon mi wanapñi engö bunjaya. Miangöra wanapñi injini mönö simbawon akze.

21 Nalö kewöñe nenegö ewö kömumba qemjen qeba maljei, Anutunöñ mönö sihimñini mi gumohom engima. Miangöra injini mönö simbawon akze. Nalö kewöñe sahötzei, enñön mönö sösongai aka gön kölme. Miangöra wösöbirik maljei, injini mönö simbawon akze.

22* “Ambazipnöñ injini Suep gölmegö azi ölnangöra aka kazik aka yaköriba silenje ala urugege keu töhören jim engiba kiam sekbölo ewö qetñini kutumei, injini mönö simbawon akze.

23* “Ambösakonurupñinan miangö dop kezapqetok ambazip yeñgöra ak engiba malget. Mötket! Anutunöñ töwanjini öngöñgöñi Suep mire ali ahöza. Miangöra mewö ak engigetka nalö miangören mönö söngaiba köirañ kölme.

24 Injini simbawon maljemö, pomñi sukinapñinambuk injini malmal siyonşayonji qahö maljei, mi teköma. Miangöra nöñön engöra wöziköba ‘Yei!’ jizal.

25 Nalö kewöñe nem timbiren maljei, injini mönö wösöñini ali (buörö) bödi malme. Miangöra nöñön engöra wöziköba ‘Yei!’ jizal. Nalö kewöñe sösongai aka gön köljei, injini mönö amburereñ aka sahötme. Miangöra nöñön engöra wöziköba ‘Yei!’ jizal.

26 “Ambösakonurupñinan kezapqetok ambazip takapulakanji jim möpöseim engiba malget. Ambazip pakpak miangö dop ak engigetka nöñön engöra wöziköba ‘Yei!’ jizal.” Mewö.

Kerökurupki mönö jöpaköm engiman.

Mat 5.38-48; 7.12a

27 “Bölöñi ak engimemö, injini keuni möta maljei, nöñön engöra kewö jibi mötme: mönö kerökurupñini uruñinan jöpaköm engiba malme. Denike yeñön kazik ak engizei, i mönö ölöpñanök ak engiba malme.

28 “Denike yeñön qesuahöba jinjerereñ ak engizei, i mönö kölö tömbiba kötuatköm engime. Örom ureim ak engizei, yeñgöra mönö Anutugö köuluköme.

* 6:15: Nasönöl pati zelot yeñön Rom gawman tuarenjon aka nanñine kinkin mendingö tuaköpek memba malget. * 6:22: 1 Pitö 4.14 * 6:23: 2 Hist 36.16; Apo 7.52

29 “Kunñan nunğulumgi likepñi qekötahöliiga likepñi mewöyök melen wanğiman. Kunñan qakñanğö malukugi goañgiriga gññon mönö dutñanğö oponi mohokñe memanğö möri mi kude anğon kölman.

30 “Yuaigö ulet gihigetka mi mönö körek yenğöra enğiman. Kunñan gññon inap yuaigi meiga mi mönö melen gihimapkō kude kapan kölā qesiman.

31 *Ambazipnññ yuai nanñinanğö ak enğimegö mörakzei, میانğö dop mönö nanñini mewöyök i ak enğimakñe.

32 “Gölmegö sinğisöndok ambazipnññ alaurupñinan jöpaköm enğigetka kitipñi melenđa jöpaköm enğiba möpöseim anğumakze. İnini میانğö dop gölmegö tandökñi wuatañğomakze ewö, Anutugöreñ tosa qahö ahuiga mönö denöwö inini möpöseim enğibawak? Alaurupñini aka kerökurupñini mi mönö mohotñe jöpaköm enğigetka töwa enğiiga oyaenkyoaen akñe.

33 “Gölmegö sinğisöndok ambazipnññ alaurupñinan yuai ölöpnñ ak enğigetka kitipñi melen enğiba ala ak anğuba möpöseim anğumakze. İnini میانğö dop aka gölmegö tandökñi wuatañğomakze ewö, Anutugöreñ tosa qahö ahuiga inini qahö möpöseim enğima.

34 “Gölmegö sinğisöndok ambazipnññ monen yuai mi sinğisöndok ambazip tosatñi yenğöra enğiba kitipñi miyök melen enğimegöra kapan kölakze. Mi gölmegö ahakmemeya. İnini tosatñan tosanñi melen enğimegö al mambötetka Anutunññ mönö denöwö möpöseim enğibawak? Tosatñan tosanñi qahö melen enğigetka Anutunññ mönö kitipñi mi melenđa töwa enğima.

35 “İnini mönö Suep Toñanğö ahakmemeya aka memba malme. Gölmegö ambazipnññ bölññ aka saiwap qahö jimakzemö, Anutunññ töndup i ölöpnñ ak enğimakza. Mianğöra inini mönö kerökurupñini urunñan jöpaköba ölöpnñanök ak enğiba monen yuai enğiba میانğö likepñi kun melenđa enğimegöra kude al mambötme. Mewö aka malgetka töwanñan sehiba öñğöñğöññ aiga Anutu öñğöñğöñanğö nahönböraturupñi aka malme.

36 “Suep Iwiñinan körek pakpak ak kömum enğimamğö mötzawi, inini mönö میانğö dop ambazip pakpak ak kömum enğiba malme.” Mewö.

Jimtekötekö toñ ewö kude akñe.

Mat 7.1-5

37 “Ambazip tosatñi yenğö keunñini mi kude kewöta jim teköme. Mi qahö jim teköm enğigetka Anutunññ mönö nanñini mewöyök qahö jim teköm enğima. İnini tosatñi yenğö sinğisöndokñinanğö likepñi mi qahö melen enğime. Mi qahö melen enğigetka Anutunññ mönö nanñini sinğisöndokñinanğö likepñi mi mewöyök qahö melen enğima. İnini mönö tosatñi yenğö sinğisöndokñini mosötme. Mi mosötetka Anutunññ nanñini sinğisöndokñini mewöyök sanğonda mosötma.

38 “İnini ambazip tosatñi yenğöra yuai ak enğigetka Anutunññ mönö میانğö dop kewöta yuai mi melenđa enğöra ak enğima. Mianğöra inini mönö yuai kalema enğimakñe. Mewö enğigetka Anutunññ mönö mewöñanök kalema enğimakña. Öñña, Anutunññ ekbonen qahö möta bauköm enğimakña. Anutunññ kewöta inini enğigeri, میانğö dopñi jöruk memba kiwinññ mokoi numbuñe kori utuköi qöröran aiga mulumğöi gei toroqeba qakñe mokoi dopñi oñğita qeqlanlan eri, mi mönö gösöññine löñğöt enğima.” Anutugö könanñi mewö.

* 6:31: Mat 7.12

Ambazipnōj nanjini kōnanjini eka mōtme.

³⁹ *Jisōsnōj dopkeu kun kewō jii mōtket, “Jegōmōl ambazip kunōj jegōmōl alaŋi kun ōlōp bōrōje memba waŋgitma me qahō? Mewō anbahorak mōnō mohotje lömnōj geba etkubawak. ⁴⁰ *Gwareknōj bōhiŋi qahō oŋgitza. Bōhiŋinan mōtmōt pakpak törörök kusum eŋgii mōt kōmumei, kōrek yeŋōn mōnō bōhiŋini ewō akje.

⁴¹ “Gi wuanōŋgōra alagahō jeje gödōwōrōt morörōkŋi ekzanmō, nangi jeje ip sahötŋi ketanŋi ahōzawi, mia denōwō kude ek kutuzan? ⁴² Nangi jeje ip sahötŋi ketanŋi ahōzawi, mi qahō ek kutuba denōwōgōra alagahō kewō jibanak, ‘Alani mōtnōj! Jeje euke gödōwōrōt geba tatzawi, mi ōlōp itakōbi etma.’ O urumelenjō silesile azi, gi mōnō mutuk nange jegeyōk ip sahötŋi (tapōtŋi) ketanŋi mi memba gilman. Mi mem gilagun törörök ek kutuba alagahō jeje gödōwōrōt geba tatzawi, mi ōlōp itakōnōŋga etma.” Mewō.

Ipkō kōnanŋi mi ōlŋi eka kewōta mōt kutume.

Mat 7.16-20; 12.33-35

⁴³ “Ip ōlōpŋi kunjan ōlŋi bōlōj qahō kuŋgumakza. Mewōŋanōk ip bōlōj kunjan ōlŋi ōlōpŋi qahō kuŋgumakza. ⁴⁴ *Jau kōtŋi mi jōmnōj asuhuiga mēbingō osimakzin aka muli ōlŋi mi koururuknōj asuhuiga qekōbingō osimakzin. Mianjō dop ipkō ōlŋi eka kewōta kōnanŋi mōt kutume.

⁴⁵ *‘Azi uruŋan yuai kokolak qei ahōzawi, mia mōnō numbuŋan aukje jimakza. Mianjōra azi ōlōpŋanōj uru kōweje ōlōpŋanōj mōriamŋi ahōzawi, yaŋōn mōnō ōlōpŋi mi aukneyōk jimakza. Azi bōlōjanōj uru kōweje bōlōj ahōzawi, yaŋōn mōnō bōlōj mi aukje jimakza.’ Mewō.

Miri tandō kōhöikŋi aka lōlōwōrōj

Mat 7.24-27

⁴⁶ “Iŋini nōŋgōra ‘Kembu Kembu!’ qet mi mōnō wuanōŋgōra qerakzemō, nōŋōn yuai memegō jimakzali, mi qahō tem kōla memakze.

⁴⁷ “Denike yeŋōn nōŋgōreŋ kaba keuni mōta tem kōla mezei, nōŋōn yeŋō kōnanamŋini kondela dopkeunōj jimam. ⁴⁸ Yaŋōn mitim qeje azi kianjō dop akza: Azi mianōn ‘Miri memam,’ jiba lōm kōrōpŋi esiba geba tandōj kōt jamōnjŋi qakje kuŋgum kōhöi kinōk. Mewō kiniga kie uru nalōje o göulu kōhöikŋi gila miri kēbanje kuŋguyōkmō, ōlōpŋanōk mem muhungōi kinōk. Mianjōra kusumamgō qem bibihiga kōhöiba kinōk. ⁴⁹ Qem bibihiyōkmō, kunōj keuni mōta qahō tem kōla mezawi, yaŋōn mōnō mitimqeje azi kianjō dop akza: Yaŋōn ‘Miri memam,’ jiba tandō qahō esim kōmōta gölme qakje kut bim miyōk ala meyōk. Mei kiniga kie uru nalōje o göulu kōhöikŋi gila miri kēbanje kuŋguiga miri mi mianjōreŋōk kusuiga goromororōngōba erōk.” Mewō.

7

Jisōsnōj suahō galōm kungō nup aziŋi mem ōlōwahōk.

Mat 8.5-13

¹ Jisōsnōj ambazip kambu sutŋine mala Buŋa keunŋi pakpak mi jii mōtketka eŋgōmosōta Kaperneam taonōj kaŋgorōk. ² Mianjōreŋ Rom suahō galōm kungō nup aziŋan kawōl yōhöi kōmumamgō ahōk. Galōmŋan yaŋō mōri ōŋgōŋgōj ahōk.

* **6:39:** Mat 15.14 * **6:40:** Mat 10.24-25; Jon 13.16; 15.20 * **6:44:** Mat 12.33 * **6:45:** Mat 12.34

³ Mianğöra Jisösgö buzupņi möta Juda yeņgö jitņememe tosatņi melaim eņgiiga Jisösgöreņ anda kewö qesiget, “Mönö kaba welen aziņi mem ölöwakņan.” ⁴ Anda Jisösgöreņ aņgota kapan kōla kōulukōba jiget, “Ketajamnini, suahö galöm mianğön mönö baukōm waņgimanangö dop ölop sorokņi akza. Mianğöra mönö kanöņ.” ⁵ Mötnöņ, yaņön Juda ambazip kambu neņğöra ak waņgiiga ‘Kōuluk mirinini membin,’ jiinga kian yaņön moner al meget.”

⁶ Mewö jiget möta yembuk anök. Anökmö, suahö galömgö miriņi dopdowii yaņön alaurupņi melaim eņgiba Jisösgöra keu kewö alök, “O Kambu, ni mewörökņi malbiga nöņgö miri boņan gualöņmapkō gamuni mötzal. Mianğöra mönö qahö aum kōmumba kaman.” ⁷ Ni nanangö mötpi eretņi akzawaņğöra göhöreņ kamangö dop kude mötzalmö, keu jitkanök jinöņga welen azinan ölöwakņa. ⁸ Mi kewögöra: Ni nanak mewöyök galömnangö kukösum bapņe al niņgiget maljal. Nöņgö bapņe yarö azi malgetka mi jim kutum eņgimakzal. Yeņgöreņök kungöra ‘Anman’ jim kutubi yaņön anma. Kungöra ‘Kanöņ’ jim kutubi yaņön kama aka welen azini kungöra ‘Nup ki meman,’ jibiga yaņön mi mema.”

⁹ Jisösnöņ keu mi möta suahö galömgöra welipkōba ambazip kambu wuataņgöba kageri, yeņgöreņ liliņgöba kewö jiyök, “Nöņön kewö jibi mötme: Israel kōnagesö sutņine mewöyök mötnarip ketani mewöņi mi kungö uruņe qahö miwikņaial.”

¹⁰ Mewö jiiga suahö galömgö kolekaziurupņan liliņgöba mire aņgota welen azi miwikņaiba eketka ölöwaka tarök. Mewö.

Jisösnöņ malö kungö nahöņņi mem guliyök.

¹¹ Mianğö andöņe Jisösnöņ taon qetņi Nain mianğöreņ aniga gwarekurupņi aka ambazip kambulembenöņ wuatangöba anget. ¹² Mianğöreņ taon kiripo naņguni dopdowiiga qamöt kun aņguba kaget. Malö kungö nahöņņa mohokunņan kōmuiga taongö ambazip kambu ketanjan tokoba löm kōlbingö kaget.

¹³ Kembunöņ malö mi eka wösöņi möta jii mörök, “Kude sahötman.” ¹⁴ Mewö jiba anda bokis aņguba kageri, mi jii dörök algetka bokis misiriba kewö jiyök, “Azi gwabö, mönö wahötnöņ. Nöņön göhöra mewö jizal.” ¹⁵ Mewö jiiga qamöt mianğön guliba wahöta kōnahiba keu jiyök. Keu jiiga Jisösnöņ namņambuk anmapkō waņgiyök.

¹⁶ Ambazip pakpak yeņön mi eka qem sömbuņini möta Anutu möpöseiba jiget, “Kezapqetok azi ketani kunöņ mönö sutņine asuhaba malja.” Tosatņan jiget, “Anutunöņ kōnagesöņi mesohol köl neņgi maljin.”

¹⁷ Yaņgö keu buzupņi mi sehiba Judia prowins pakpak dop kōla gölmeņi gölmeņi likeplikap mianğöreņ an teköyök. Mewö.

Jongö gwarekyahöņi Jisösgöreņ kayohot.

Mat 11.2-19

¹⁸ Jon O-melun azinöņ kösö mire tariga gwarekurupņan yuai pakpak mi asuhuyöhi, mianğö kōsohotņi jiget mörök. ¹⁹ Jiget möta gwarekņi yahöt etkoholi kayohotka Kembugöreņ anda kewö qesim wangimahotkōra melaim etkiyök, “Mem ölöwak azi kamapkōra mamböringa göņön mia akzan me azi kun bian kamapkōra mambötpin.”

²⁰ Melaim etkiiga Jisösgöreņ aņgota jiyohot, “Jon O-melun azinöņ kewö qesim gihibitkōra melaim netkiiga kazit, ‘Mem ölöwak azi kamapkōra mamböringa göņön mia akzan me azi kun bian kamapkōra mambötpin.’ ”

²¹ Jisösnöŋ nalö mianğöreŋök ambazip gwötpuk uzi kawöl izekwaizek (ijenwajen) aka ömenjambuk mi mem ölöwak enğiyök aka jegömöl ambazip gwötpuk jeŋini metohoi uba eket. ²² *Jongö gwarek yahötŋan aŋgota qesim waŋğiyohotka kewö melenök, “Yuai eka mötzahori, mianğö kösohotŋi mönö anda Jon kewö jiyohot mötma: Jegömöl yeŋön uba eketka lokon yeŋön köna anda kagetka uzikuku yeŋön solanigetka kezapduhup yeŋön keu mötketka kömuget yeŋön guliba wahötketka etqeŋeŋi yeŋgöra Ölöwak Buŋa jim asaribiga mörakze. ²³ Mewö asuhui eketka kungö uruŋan qahö bölii andö nuŋgumawi, yeŋön mönö simbawoŋ akza.”

²⁴ Mewö jiiga Jongö gwarek yetkön anohotka Jisösnöŋ könahiba Jongö könaŋi ambazip kambu yeŋgöra kewö jim asariyök, “Injini gölme qararaŋkölkölŋe mianğoreŋ wania ekingöra anget? Luhutnöŋ jehot urawatpököba metali anjaŋbanjaŋ ahakzawi, injini azi mewöŋi ekingöra anget me?

²⁵ “Me wanat yuaia ekingöra anget? Azi malukuŋi aködammunjabuk löŋgöta malöhi, mi ekingöra me? Mötket, ambazip malukuŋini kulemŋi ek sihimjabuk löŋgöta anda kaba siyoŋsayoŋi qahö maljei, mienöŋ mönö kin yeŋö jakömbuak miriŋine malje. Mi gölme qararaŋkölkölŋe qahö.

²⁶ “Me wanat yuaia ekingöra anget? Kezapqetok azi kun ekingöra me? Ölna, nöŋön kewö jibi mötket: Azi ekeri, yeŋön mönö kezapqetok ambazip tosatiŋi enğoŋgita tandökŋi kun akza. ²⁷ *Yaŋgö könaŋi mi mönöwök kewö ohoget ahöza, ‘Mötnöŋ, nöŋön kolekni garata kun melaibiga qeljiŋe anda ambazip uruŋini mindiŋgöba göhö könaŋi mesariga göŋön mönö yaŋgö andöŋe gölmenöŋ emu geman.’ ²⁸ Keu mewö ahözapmö, nöŋön kewö jibi mötket: Ambinöhök morö pakpak enğömegetka asuhugeri, yeŋgö sutŋine Jonöŋ mönö körek enğoŋgita qetbuŋaŋambuk kinja. Kinjapmö, Anutugö bemtohoŋ uruŋe aŋgota Anutugö qetbuŋaŋi miwikŋaimakzei, yeŋgö sutŋine eretŋi kondikŋi yeŋön mönö Jon oŋgita.”

²⁹ *Ambazip könagesö pakpak aka yeŋgö sutŋine takis meme yeŋön mohokŋe Jongö Buŋaŋi mötkeri, yeŋön jim köleŋda “Aha! Anutugö köna diŋdiŋi jim asariza,” jiba uruŋini melengetka Jonöŋ o melun mem enğiyök. ³⁰ Mewö enğiyökmö, Farisi aka Köna keugö böhi yeŋön Anutugö areŋi qahö tem köla Buŋaŋi andö geba silekmalek aketka Jonöŋ o melun qahö mem enğiyök.

³¹ “Ambazip merak gölmenöŋ maljei, mi mönö wanatpuk dop al enğibileŋak? Yeŋgö silikŋini mi denöwö? ³² Yeŋön namande ewö akze. Mienöŋ maket sombemnöŋ tata keu gön gila laŋ qeta kewö jimakze, ‘Nini awöloŋ uinga injini liŋet gwawet qahö unduget. Nini jinğeŋ kölinga injini qahö toroqeba sahötket.’ ³³ Mianğö könaŋi kewö: Jon O-melun azinöŋ kaba nene siŋi mala wain o qahö neiga injini yaŋgöra jimakze, ‘Öme kunöŋ uruŋe geiga malja.’

³⁴ “Suep gölmegeö azi ölnan kaba nene nem söŋgaip aiga eŋön jimakze, ‘Mötket, yeŋön bau numbu tandök közöjeriba wain o gwötpuk nempa takis tilipqilipŋinambuk aka bölöŋi meme yeŋgö alaŋina malja.’ ³⁵ Körek pakpak Anutugö mötkutukutu köl gulimakzei, yeŋgö ahakmemeŋinaŋgö ölnan mönö mötkutukutuŋinan dop köljawi, mi kondelakza.” Mewö.

Sinğisöndok ambinöŋ Jisösgö könaŋi kelök miriyök.

³⁶ Farisi (Köna keugö kapankölköl) azi yengörenök kunjan Jisös mi nanji miriñe kaba nene nemapkö köl öröyök. Köl öröi anda miriñe öngöba nene dumñe tarök. ³⁷ *Taon miangörenj singisöndok ambi kun malök. Yanjon Jisös Farisi azigö mire öngöba tata nene neyöhi, miangö buzupñi möta kelök umköhöwakñambuk mokoï köt kirin kun kokolak qeyöhi, mi memba öngöba kayök. Kirin mi nöluk tuat-tuat qetñi alabastö mianjon memenja.

³⁸ Öngöba kaba Jisösgö könañe geba tata könahiba sahöri imbilñan tinñgita geba könañe miriyök. Miriiga nörop jupñan keren memba kutui öroniiga könañi numbuñan yöhötim nempa kelök umköhöwakñambuknöñ miriyök. ³⁹ Miriyökmö, Farisi azinöñ Jisös köl öröyöhi, yanjon mi eka uruñan kewö mötmöriyök, "Ambi ki singisöndokñambuha. Azi kianjon kezapqetok azia malbawak ewö, yanjon mönö ambi könañe misirizawangö könañi möt kutubawak."

⁴⁰ Jisösnöñ mi möt kutuba kewö melenña jiyök, "Saimon, nöñon keu kun jimamgö mötzal." Jiiga jiyök, "Böhi, ölop jinöñ mötpi."

⁴¹ Jiiga Jisösnöñ kewö jii mörök, "Ambazip yahötñan benknöñ anda tosa albitkö monen galömñangö qesiyohot. Kunöñ silim 500:kö töwañi (Kina 2500,-), kunöñ silim 50:gö töwañi (Kina 250,-) miangö dop tosa albitkö qesiyohot. Qesiyohotka miangö dop etkiyök. ⁴² Etkiba könañep tosanjiri misimahot jiiga monenñiri qahöwahiga osiyohot. Osiyohotka benk galömñan tosanjiri qeköba kutuba mosöt etkiyök. Mosöt etkiiga yetkörenök danjon i uruñan gwötpuk jöpaköm wañgimakza?"

⁴³ Mewö qesiiga Saimonöñ kewö melenñök, "Nöñgö mötmötnöñ tosa ketanji kutuba mosöt wañgyöhi, yanjon." Mewö melenñiga jiyök, "Gi keu törörök kewöta jizan."

⁴⁴ Mewö jiba ambigörenj lilingöba kewö jii mörök, "Ambi ki eknöñ. Nöñon mirige kotpiga göñon könani sanñonmamgö o kun qahö niñgizanmö, ambi kianjon mönö könani imbilñan miriba nörop jupñan keren memba kutui öroniza. ⁴⁵ Göñon numbuni qahö yöhötim nezanmö, ambi kianjon mönö mire kotpiga miangörenök kapan köla könani yöhötim nempa malja. ⁴⁶ Göñon nöropni kelök kude mirizanmö, ambi kianjon mönö kelök umköhöwakñambuknöñ könane nömiriza. ⁴⁷ Miangöra nöñon kewö jibi mötnöñ: Anutunöñ ambi kianjö singisöndokñi gwötpuk mi mosöta sanñonñiga miangöra uruñan ni gwötpuk jöpaköm niñgiza. Kunöñ singisöndok boromdökñi ahiga Anutunöñ singisöndokñi morörökñi mosöriga yanjon uruñan borom kun miyök jöpaköm niñgimakza."

⁴⁸ Mewö jiba ambi mi kewö jii mörök, "Nöñon göhö singisöndoki sanñonña mosötzal."

⁴⁹ Mewö jiiga azi mohotñe nene nempa tatkeri, yanjon könahiba nanñinök kewö jiget, "Singisöndok sanñonña mosötzawi, yanjon mönö niñi azia akñamgö mötza?"

⁵⁰ Mewö jigetmö, Jisösnöñ ambigöra jiyök, "Mötnariplan mönö amöt qem gihiza. Ölop luainöñ anman." Mewö.

8

Ambi tosatñan Jisös nanjöba anget.

* 7:37: Mat 26.7; Mak 14.3; Jon 12.3

1 Mianğö andöŋe Jisösnöŋ liliköba taonŋi taonŋi aka mirinŋi mirinŋi mianğöreŋ anda Anutugö bemtohonğö kónaŋi jim asariba Ölöwak Buŋa keunöŋ ambazip uruŋini kuŋguba malök. Gwarekurupŋi 12 yeŋön yambuk mohotŋe anget. ²*Mewöyök ambi tosatŋan yambuk anget. Ambi mi mutuk kawöl enğöhöi ömenöŋ kölköljinŋin mem enğii malgetka Jisösnöŋ mem ölöwak enğiyök. Ambi mi kewö: Maria qetŋi kun Magdalagö ambia qetket. Jisösnöŋ yaŋğö uruŋeyök öme 7 közöl enğii kota anget. ³ Ambi kun qetŋi Joana. Yaŋğö apŋi qetŋi Kuza yaŋğön kin Herodkö jakömbuak miri mianğöreŋ gawmangö moneŋ galömnŋa malök. Ambi kun qetŋi Susana, Yeŋön aka ambi tosatŋi gwötpuk yeŋön nanŋini moneŋ inapŋinan Jisös aka gwarekurupŋi kónanöŋ galöm köla nanğöm enğiget. Mewö.

Qesinğesin azigö dopkeu

Mat 13.1-9; Mak 4.1-9

⁴ Ambazipnöŋ taon dop mianğöreŋök öröba Jisösgöreŋ kaba kambulembenöŋ tokogetka Jisösnöŋ dopkeu kun kewö jiyök:

⁵ “Azi kunöŋ nene kötŋi qesinğ gilmamğö anök. Anda qesinğiga kötŋi tosatŋan köna jitŋe geba kölget. Geba kölgetka ambazipnöŋ tim tökötahögetka kónakemba (warawen) neiŋi neiŋi kaŋgota mi nem teköget. ⁶ Kötŋi tosatŋan köt jamönjinöŋ geba kölget. Geba köla mianğöreŋ gölme oŋambuk qahö miwikŋaiba korapŋi kota soholiba gororonğöget.

⁷ “Kötŋi tosatŋan siri uret wahinambuknöŋ geba kölget. Geba kölgetka mienöŋ öröröŋ kota enğonğita qem turuba böbölohot mem enğiget. ⁸ Kötŋi tosatŋan gölme ölöpŋe geba kölget. Geba köla jula wahöta ölini ölöpŋi asuhuba handötkö dop ahum sehiget.”

Keu mi jim teköba qet ketanŋi kewö qerök, “Kunŋan urukezapŋambuk malja ewö, yaŋğön mönö dopkeu ki kezap ala möt kutuma.” Mewö.

Jisösnöŋ denöwögöra dopkeugö kónaŋi jiyök.

Mat 13.10-17; Mak 4.10-12

⁹ Mewö jiiga gwarekurupŋan dopkeu kianğö kónanğöra Jisös qesim wanğiget. ¹⁰*Qesim wanğigetka jiyök, “Anutugö bemtohonğe aŋgota malbingö keu tölapŋi mi enğöra aukŋe jibi möt kutuzemö, tosatŋi yeŋöra mia dop keunöŋ jibi mörakze. Mewö möta nanŋini jeŋinan yuai ekagun kónaŋi töndup qahö ek kutume. Nanŋini kezapŋinan keu törörök mötagun kónaŋi töndup qahö möt asarime.”

Jisösnöŋ dopkeugö kónaŋi jiyök.

Mat 13.18-23; Mak 4.13-20

¹¹ “Dopkeu mianğö kónaŋi kewö: Köt qesinğ giljawi, mi Anutugöreŋ Buŋa keu. ¹² Nene kötŋi köna jitŋe geba kölgeri, mi kewö: Ambazip tosatŋan Buŋa keu mötzemö, mi mötketka Bölöŋi Toŋan kaba uruŋini melenđa Suepkö buŋa akepuköra keu kötŋi mi uruŋineyök qeköba enğuanğirakza. ¹³ Nene kötŋi qesinğiga köt jamönjinöŋ geba kölgeri, mi ambazip söpsöpŋi kun. Yeŋön Buŋa keu möta mi sösongai qakŋe möt aŋğön kölakzemö, uruŋine geba jalöŋini qahö megeraŋğöra nalö töröptökŋi miyök möt nariba malgetka esapesapkö nalöŋe mönö tala enğuma.

* 8:2: Mat 27.55-56; Mak 15.40-41; Luk 23.49

* 8:10: Ais 6.9-10

14 “Nene kötji qesiniga siriuret wahiñinambuknõj geba kölgeri, mi kewö: Yeñõn Buña keu mötketka urunine gezapmõ, gölmenõj malmalgõ waiman-jatji aka monej inap memegõ urukõnõpñi ahuba lömbörim enjimakza. Qetbuñaninambuk akingõra köpõsõngõgetka sihim kömbõnanji bölõjji tosatjan mewöyök urunine dumgõba Buña keu böbölohot mem wanjize. Mewö aiga õlñini qahõ gilipitji akñe. 15 Qahõpmõ, nene kötji gölme õlõpñe geba kölgeri, mi ambazip kewõji: Yeñõn Buña keu kezap ala mötketka urunini õlõpñi geñmonji qahõ miangõren geiga sohobapukõ mökõsõñda 8kapanj kõla galõm kõlgetka õlñini õlõpñi õlõpñi miwikñaimakze.” Mewö.

Yuai asa-asambõtji pakpak mi aukñe ahuma.

Mak 4.21-25

16 * “Kunñan lambe me kiwa ohotiriba kimbutnõj kude köl turuma me dum bapñe qahõ alma. Mi qahõpmõ, mi miangõ dum qakñe ali tatma. Tata asariiga tosatjan miri urunje õngõbingõ mötzei, yeñõn miangõ asakñi eka õlõp õngõme.

17 * “Mewõñanõk urunine yuai kun asambõtket tõlapñe ahõzawi, mi mõnõ aukñe asuhum tinjitma. Yuai kun köl turuin ahõzawi, mi mõnõ luluñgetka kõtula ahõma.

18 * “Miangõra Anutugõ keu mötzei, mi mõnõ urukõnõmñine ala mötmõriba köl guliba malme. Kunñan mötkutukutuñambuk maljawi, Anutunõj mõnõ mi toroqem wanji qarimapmõ, kunñan mötkutukutuñi qahõ maljapmõ, ‘Miambuk maljal,’ jizawi, Anutunõj mõnõ mötmõtji morõji mi mewöyök qekõba wanjitma.” Mewö.

Jisõsgõ nam-munurupñi.

Mat 12.46-50; Mak 3.31-35

19 Jisõsnõj mewö jiba maliga nam munñan i ekingõ kagetmõ, ambazip kambu ketanjan õlõkõba gwõzõngerangõra kõsutñe anbingõ osiget. 20 Osiba kingetka kunñan kewõ jii mõrõk, “Gõhõ nam-mungan mõnõ yaigep kinda gi gekingõ mötze.”

21 Jii mõrõkmõ, Jisõsnõj kewõ melenja jii mötket, “Ambazip ki Anutugõ Buña keu mõta tem kõla köl gulimakzei, mienõn mõnõ nõngõ namni aka munurupni akze.” Mewö.

Jisõsnõj jiiga raidimbom görõj qeyõk.

Mat 8.23-27; Mak 4.35-41

22 Wehõn kunõj Jisõsnõj gwarekurupñi kewõ jii mötket, “Mõnõ mosõta o angõ kutuba likepñe angõtpin.” Mewö jiiga wanjenõj mohõtñe õngõba o angõ qakñe anget. 23 Anda opo seri mõrõrengõgetka luhutnõj nanjõiga angetka Jisõsnõj gaun ahõyõk. Ahõiga luhut raidimbom o angõnõj gila siri kunduriga wanje urunje geyõk. Geba numbuñe qemangõ aiga ayuhubingõ aket.

24 Ayuhubingõ aka gwarekurupnan anda mõndõba jiget, “Kembu Ketanjanmi, mõnõ nini angõnõj ayuhubingõ akzin.” Mewö jigetka imbinji mõta luhut aka o angõgõ sirinji kewõ jim qetal etkiiga õsumñiran eriga nõj qeba ahõyõk.

25 Mewö aiga jii mötket, “Engõ mötnaripñini mi denike?” Mewö jiyõkmõ, yeñõn awõwõliba qem sõmbuñini mõta jiget, “Ye, azi kia mõnõ denõwõñan malja? Yanõn mõnõ luhut aka kõwet siri jim kutum etkiiga jitji tem köl wanjizahot.” Mewö.

* 8:16: Mat 5.15; Luk 11.33 * 8:17: Mat 10.26; Luk 12.2 * 8:18: Mat 25.29; Luk 19.26

Ömenöŋ bau uruŋine gegetka azinöŋ ölöwahök.

Mat 8.28-34; Mak 5.1-20

²⁶ Jisösnöŋ gwarekurupŋi yembuk toroqeba opo seri möröreŋgögetka luhutnöŋ nanŋöi anda o aŋgö kutuba Galili prowins likepŋe Gerasa gölmenöŋ aŋgotket. ²⁷ Mianŋöreŋ aŋgota saknöŋ öngöi azi ömeŋambuk kun mi taonöhök kaba Jisös miwikŋaiyök. Azi mi qaksirinöŋ mala qamöt köteŋi esiba uroro-hoget ahögeraŋgöreŋ ahöm malök. Nalö köröpŋi opo maluku qahö löŋgöta miri kungö uruŋe qahö ahömalök.

²⁸⁻²⁹ Ömenöŋ nalö köröpŋi öröm ureim waŋgiiga azi gwötpukŋan böro takŋi qeba könaŋi tapepnöŋ (muŋgamuŋga) jöhöba galöm köla malgetmö, tapepŋi öroi tiŋgitŋiŋiriga ömenöŋ kuŋgiiga gölme qararaŋkölkölŋe anda laŋ malök. Mianŋöra Jisösnöŋ ömeŋi mi kewö jim kutum waŋgimamgöra ahök, “Öme bölöŋi, gi mönö kota azi ki mosöta anöŋ.” Mewö jimamgö aiga Jisös eka silata gölmenöŋ kösutŋe geba qet gihilahöba kewö qerök, “Aek Jisös, gi Anuta öngöŋgöŋaŋgö nahönŋi akzan. Gi mönö denöwö ak niŋgimamgöra ki kazan. Nönön ulet gihizal: Gi sihimbölo könöŋambuk kude ak niŋginöŋ.”

³⁰ Mewö jiiga kewö qesiyök, “Gi qetki niŋi?” Ömewöröme gwötpuk uruŋe geba malgeraŋgöra “Qetnini lijön jizin” jiget. Mi nanine keunöŋ Kerök kambu ketani. ³¹ Mewö jiba Jisös kewö ulet waŋgiget, “Gi neŋguataŋgöba öme löm dutŋi qahö mianŋöreŋ gebingöra kude jim kutum neŋgiman.”

³² Kösutŋine kundupŋi marömŋe mianŋöreŋ bau kambu ketani kun gwözökak uruŋe kulunŋa malget. Mianŋöra ömenöŋ kewö jiba ulet waŋgiget, “Gi ölop jinöŋga nini bau miengö uruŋine gebin.” Ulet waŋgigetka “Mönö anda geget.” Jiba jim kutum eŋgiyök. ³³ Jim kutum eŋgiiga azi uruŋeyök kota anda bau uruŋine geget. Gegetka bau kambu yeŋön mönö luhuba nembönembönöŋ anda jororongöba o aŋgönöŋ geba nemulahöba kömuget.

³⁴ Mi asuhuiga bau galöm yeŋön mi eka taon aka miri morömorö mianŋöreŋ ölöŋ unjurata anda keu buzupŋi mi jiget mötket. ³⁵ Jiget möta ambazip sesegilgil yeŋön yuai asuhuyöhi, mi ekingöra kaget. Kaba Jisösgöreŋ kaŋgota azi uruŋeyök ömenöŋ kotkeri, yaŋön könaŋe tariga miwikŋaiget. Opo sileötaŋi törörök jöhöba uruŋi amöriiga imbi mötmötŋi pakpak asuhuiga eka awöwöliget. ³⁶ Azi ömeŋambuk malohaŋön denöwö ölöwahöhi, mi jeŋinan ekeranöŋ jiget mötket.

³⁷ Möta gwötpuk awöwöliba qem sömbuŋini mötket. Mianŋöra Gerasa gölmeŋö ambazip kambu pakpak yeŋön Jisösnöŋ eŋgömosötmakpöra ulet waŋgiget. Ulet waŋgigetka liliŋgöba anmamgö waŋgenöŋ öngömamgö ahök. ³⁸ Öngömamgö aiga azi uruŋeyök ömenöŋ kotkeri, yaŋön kaba Jisösbuk mo-hotŋe anda malmamgöra qesiyök. Mewö qesiyökmö, Jisösnöŋ qetala melaim waŋgiba kewö jiyök,

³⁹ “Gi mönö liliŋgöba mirige anda Anutunöŋ aŋgöletot ketani ketani ak gi-hiyöhi, mianŋö kösohotŋi jinöŋga mötme.” Mewö jiiga anda Jisösnöŋ aŋgöletot ketani ketani ak waŋgiyöhi, mianŋö keuŋi mi taon uruŋe liliköba miri dop jim sehiyök. Mewö.

Jairusnöŋ böratŋaŋgöra Jisös köuluköyök.

Mat 9.18-26; Mak 5.21-43

⁴⁰ Ambazip pakpak Jisösgö mambötketka liliŋgöba kaiga kambu köla söŋgaiba öröm waŋgiget. ⁴¹ Köuluk mirigö keu galöm kun qetŋi Jairus yaŋön kaba Jisösgö wösöŋe geba simin köla miriŋe kamapköra köuluköm waŋgiyök.

⁴² Moröurupni qahöpmö, bōratni mukmorö mohok yambuŋi (yara) 12:gö dop mala kömumangö ahök. Jisös köl öröm wanŋigetka aniga ambazip kambunöŋ likeplikep ölököba utal wanŋiget. Mewö.

Kawöl ambi kunöŋ Jisösgö malukuŋi misiriyök.

⁴³ Utal wanŋiba angetka miangöreŋ sutŋine ambi kun malök. Yanön yambu (yara) 12 miangö dop köinöŋ ehiga nalö dop kawöl yöhöiga malök. Yanön sile galöm yenö töwanini moneŋ inapni pakpak gil maliga sile galöm körekŋan mem ölöwakingö osiget. ⁴⁴ Ambi miangö Jisösgö andöŋe anda malukuŋangö kitip suni misiriiga miangöreŋök seppi jöpköyök.

⁴⁵ Jisösnöŋ qesiba jiyök, “Danön nömisiriza?” Mewö jiyökmö, ambazip körekŋan mi qan kölgetka Pitönöŋ jiyök, “Ketanamni, ambazip kambunöŋ ölököba utal anŋuba kaba goseize.”

⁴⁶ Jiiga Jisösnöŋ jiyök, “Qahö, kunŋan nömisiriiga ösumni kun ani mötzal.” ⁴⁷ Mewö jiiga ambinöŋ “Könaŋamni lök asuhuza,” jiba jönömni unduiga kaba Jisösgö wösöŋe simin köla kawölŋangö könaŋi aka misiriba miangöreŋök ölöwahöhi, miangö könaŋi aukŋe jiiga ambazip kambu körekŋan mötket.

⁴⁸ Mötketka Jisösnöŋ kewö jii mörök, “Bōratni, mötnaripkan mönö mem ölöwak gihiza. Ölop urubönjöŋnöŋ anman.” Mewö.

Jisösnöŋ Jairusgö bōratni mem guliyök.

⁴⁹ Keu mewö jiba kiniga köuluk mirigö keu galömŋangö mireyök kunŋan welen kaba Jairusgöra jiyök, “Bōratkan kömuza! Miangöra böhigö qakŋe lömböt toroqeba kude alman.”

⁵⁰ Jiyökmö, Jisösnöŋ keu mi möta köuluk mirigö keu galömni kewö jii mörök, “Kenŋötki kude mötman! Mohok-kun akŋan. Mönö ni möt narim ninŋinöŋga bōratkan ölöwakŋa.”

⁵¹ Mewö jiba yanö mire anda ambazip tosatni engömosöta Pitö, Jon, Jeims aka morö bōratkö iwinamni iyök enŋuanŋiri nanŋinök miri uruŋe öŋgöget.

⁵² Öŋgögetka ambazip körekŋan jinŋen köla sahöta amburereŋ megetmö, Jisösnöŋ jiyök, “Yanön qahö kömuzapmö, gaunök ahöza. Miangöra mönö sahöt mosötme.”

⁵³ Mewö jiiga gönahit ewö aiga “Mönö kömuza!” möta gön köl wanŋiget.

⁵⁴ Gön köl wanŋigetmö, bōrat mi böröŋe memba qeta jiyök, “Bōratni, mönö wahötnöŋ.” ⁵⁵ Mewö jiiga unŋan lilingöiga miangöreŋök wahöta kinök. Kiniga numbu nene wanŋiget nemapkö jiyök. ⁵⁶ Iwinamŋan mi eka welipköyohotmö, Jisösnöŋ yuai asuhuyöhi, miangö buzupni kun jiget mötpepukö sonŋo al enŋiyök. Mewö.

9

Jisösnöŋ gwarekurupni 12 melaim enŋiyök.

Mat 10.5-15; Mak 6.7-13

¹ Jisösnöŋ gwarekurupni 12 mi enŋoholi tokogetka ömewöröme pakpak közöl enŋimegöra aka uzi kawöl mem ölöwakŋegöra kukösümni ösum-mumunambuk al enŋiyök. ² Kukösüm enŋiba kewö jiba melaim enŋiyök, “Inini mönö anda Anutugö bemtohoŋangö könaŋi ambazip jim asarim enŋiba kawöl ambazip mem ölöwak enŋiba malme.” ³ *Melaim enŋiba jii mötket, “Inini köna anmeangöra yuaini kun qahö memba anme, öröp qahö, gösö qahö, köna nalem qahö, souŋeni qahö. Maluku semöŋni qahöpmö, mohok meme.

* 9:3: Luk 10.4-11; Apo 13.51

4 “Anda mire denike denike angotmei, mönö miangörenjök mala nup memba taon mi mosöta köna anme ⁵ Anda mala miri kunöñ angotketka qahö köl öröm engiba keuñini qahö mötketka nesampurekñini mönö kewö jiba kondel engime, ‘Nini engö gölmenöñ kainga sölbuham köna tambönine mekotahözawi, mi mönö tim tönjöraringa nannjine lilingöba gema.’ Mewö jigetka könañamñini solanji möt kutugetka ölop taon mi mosöta toroqeba anme.”

⁶ Mewö jiiga mosöta anda mirinji mirinji liliköba miri dop Ölöwak Buña jim asariba kawöl ambazip mem ölöwak engiba malget. Mewö.

Herodnöñ Jisösgöra lalalulu siksauk ahök.

Mat 14.1-12; Mak 6.14-29

⁷ *Yuai pakpak asuhuyöhi, miangö qetbuñan sehiba gölme bahöñangö (Galili prowinsgö) kiñ Herodkö kezapñe geiga mörök. Ambazip tosatñan kewö jiget, “Jon O-melun azinöñ mönö kömupnöhök wahöta malja.” Miangöra kiñnöñ keugö jaruba lalalulu siksauk ahök. ⁸ Ahökmö, tosatñan jiget, “Elaijanöñ kunbuk asuhuba malja.” Tosatñan toroqeba jiget, “Kezapqetok azi walñi yeñgörenjök kunöñ mönö guliba wahöta malja.” ⁹ Mewö jigetmö, kiñ Herodnöñ kewö jiyök, “Jon O-melun azi mi nöñön jibi jölñi kutugetmö, kungö keuñi mewö jiget mötzali, mi mönö danön?” Mewö jiba Jisös ekñamgö kapan köla jörömqröm ahök. Mewö.

Jisösnöñ azi 5000 nene gumohom engiyök.

Mat 14.13-21; Mak 6.30-44; Jon 6.1-14

¹⁰ Melaimelai azi aposol yeñön Jisösgören lilingöba yuai aka megeri, miangö kösohotñi pakpak jiget mörök. Jiget möta enguangita ambazip qenjarökñini mosöta taon qetñi Betsaida miangö kösutñe nannjök kötikñe malbingö anget. ¹¹ Angetmö, ambazip kambu yeñön mi möta Jisös andöñe wuatangöba anget. Anda Jisösgören kagetka köl öröm engiba Anutu bemtohonangö könañi jim asariba kawöl ambazip mem ölöwak engiyök.

¹² Mewö aka mali wehön jeñan teköba gemangö ahök. Mewö aiga gwarek 12 yeñön kaba Jisös kewö jiget mörök, “Nini gölme kötikñi kiangören maljinangöra gi ölop ambazip kambu ki melaim enginöñga miri kouw dowe dowe tat anjei, miangörenj anda ahöahö miri aka nene miwikñaiime.”

¹³ Mewö jigetmö, kewö jii mötket, “Enjön mönö nannjnak i nene gumohom engime.” Mewö jiiga melenget, “Nini beret sahötñi 5 aka söra yahöt miyök memba maljin. Miangöra denöwö akinto? Nini ölop anda ambazip kambu ki pakpak yeñgöra nene söngöröñi membinak me? ¹⁴ (Yeñön azi 5000:gö dop malje.)” Mewö melengetka gwarekurupñan kewö jii mötket, “Enjön mönö ambazip engöra jiba mendenj engigetka kambu dop 50:gö dop nene nembangö tokoba eta tatme.”

¹⁵ Jiiga mewö aka mendenj engigetka ambazip köreknan eta kambunji kambunji tat anget. ¹⁶ Tat angetka beret 5 aka söra yahöt mi memba suepnöñ ui öngöiga kötuatköyök. Kötuatköba beret mindipköba gwarekurupñi engigga ambazip kirip dop mendenja sutñine alget. ¹⁷ Sutñine algetka körekmakörekn namba nem timbireñ aket. Nene kitipñi kitipñi mosötteri, mi gwarek yeñön qezakögetka sakap 12 miangörenj geba kokolak qeyök. Mewö.

Pitönöñ Jisösgö könañi jim miwikñaiyök.

Mat 16.13-20; Mak 8.27-30

* 9:7: Mat 16.14; Mak 8.28; Luk 9.19

18 Nalö kunöŕ Jisösnöŕ nanŕök gölme kungen köuluköiga gwarekurupŕan yambuk malgetka qesim enŕiba kewö jiyök, “Ambazipnöŕ nöŕgöra denöwö jimakze? Ni ninŕia akalza?”

19 *Jiiga melenŕa kewö jiget, “Tosatŕan ‘Gi Jon O-melun azia akzan,’ jimakzemö, tosatŕan ‘Gi Elaija akzan,’ jimakze aka tosatŕan toroqeba kewö jimakze, ‘Gi kezapqetok azi walŕi yenŕöŕenök kunŕan kömupnöhök wahöta maljan.’”

20 *Mewö jigetka kewö qesim enŕiyök, “Aka nanŕinak nöŕgöra denöwö jize? Ni ninŕia akalza?” Qesim enŕiiga Pitönöŕ melenŕa jii mörök, “Gi Anutugöŕen Amötqeqe Tonŕi Kraist akzan.” Mewö.

Jisösnöŕ kömumangö keunŕi jiyök.

Mat 16.20-28; Mak 8.30-9.1

21 Mewö jiiga könanŕi aukŕe jiget kunŕan mötpepuköra soŕgo köhöikŕi al enŕiyök. Mewö. 22 Jisösnöŕ jiyök, “Suep gölmegö azi ölnan mönö sihimbölö gwötpuk mötma. Kantrigö jitmeme, jike nup galöm aka Köna keugö böhi yenön mönö andö qeba qegetka kömuma. Kömumba wehön karöbut aiga kömupnöhök wahötma.” Mewö.

Kraist wuatangöbingö söŕgöŕöŕi

23 *Jisösnöŕ ambazip pakpak yenŕöra keu kewö jii mötket, “Kunŕan nöŕgö andöne nuatangöba kamangö mötzawi, yanön mönö nanŕi urusilenangö sihim kömbönanŕi bölöŕi andö qeiga sisitŕi megetka sihimbölö mi bisimakŕa. Mi maripomnöŕ kömumawangö dop mökösoŕŕa ni nuatangöba kama.

24 *Kunŕan malmalnŕi nanŕanŕöra angön köla nanŕi imbi-imbi maljawi, yanön mönö malmalnŕi ölnŕi jöhöi sohoma. Sohomapmö, kunŕan gölmegö malmalnŕi nöŕgöra aka kölenŕa tököm niŕgimawi, yanön mönö malmal ölnangö könanŕi miwikŕaiba köhöiba malma.

25 “Kunŕan gölmenŕi gölmenŕi miengö öŕöyuainŕi pakpak köl öŕöiga buŕanŕi an teköiga urunangö malmalnŕi mem sohoba silebile mala kömuiga Anutunöŕ keunŕi jim teköiga könöŕ sianöŕi geba unanŕan ayuhuiga qahö dop kölma. Sukinapŕi mianön mönö urusösöŕgai qahö ak wangima. Qahöpmaöhöp!

26 “Kunŕan nöŕgö qetni aka Buŕa keuni memba eta aljawi, i Suep gölmegö azi ölnan mewöyök ehöŕöŕ kölma. Yanön könanŕep Suep garata töŕöŕi yembuk ki etiketka yenŕö, nanŕanŕö aka Iwinangö asakmararanŕi eka aurume. Nalö mianŕöŕen azi me ambi mewöŕi mönö ehöŕöŕ köl wangima. 27 Nöŕhön keu ölnŕi kun kewö jibi mötme: Kianŕöŕen kinŕei, enŕö sutŕineyök tosatŕan Anutugö bemtohanan asuhumawi, mi ek kutume. Jebuk mala kömupkö sihimbölöŕi qahö mötketka asuhum tinŕigira mi ekŕe.” Mewö.

Jisösgö sileŕe letotqetot ahök.

Mat 17.1-8; Mak 9.2-13

28 *Keu mi jiiga wehön 8:kö dop teköiga Jisösnöŕ Pitö, Jon aka Jeims enŕuanŕita kundunŕe öŕgöba Anutu köuluköyök. 29 Köuluköiga mianŕöŕen jemesoholŕangö kaisöŕgolomŕan letota tandökŕi murutŕi ahök. Malukuŕan tuat lalamŕi aka kölköl-bilikbilikŕambuk asariyök. 30 Mianŕöŕenök eketka azi yahötŕan asuhuba Jisösbuk keu keu jiget. Mi Moses aka Elaija. 31 Asakmararanŕi urunŕe asuhuba Jisösbuk keu kewö eram mötket, “Anutunöŕ

* 9:19: Mat 14.1-2; Mak 6.14-15; Luk 9.7-8 * 9:20: Jon 6.68-69 * 9:23: Mat 10.38; Luk 14.27

* 9:24: Mat 10.39; Luk 17.33; Jon 12.25 * 9:28: 2 Pitö 1.17-18

Jisös sihimbölö möta kömumapakö melaiiga eta zilan Jerusalem sitinöy aniga arey mianjön ölḡambuk ak teköma.”

³² Mewö eraum mötketmö, Pitönöy alayahötḡi yetpuk jeḡinan lömböriiga gaun ahöget. Ahögetmö, gaunöhök imbiḡini möta jeḡini uba Jisösgö asakmararanḡi aka azi yahöt yambuk kinohori, mi enḡeket. ³³ Enḡeketka kinda Jisös mösötḡitkö ahotka Pitönöy Jisösgöra jiyök, “Ketanḡamni, neḡjön kianḡoreḡ uru ölöwak mötzin. Mianḡöra neḡjön ölöp kum karöbut qebin: Göhö kun, Mosesgö kun aka Elaijagö kun.” Pitönöy mewö jiyökmö, nanḡi keuḡanḡö könanḡi mi qahö möt kutuyök.

³⁴ Mewö jiba kiniga ununḡunḡ kunöy eta aumḡan esuhum enḡiiga kousu uruḡe mala awöwöliba jönömḡini unduyök. ³⁵ *Jönömḡini undui kingetka kousu uruḡeyök qet kun kewö eriga mötket, “Azi ki mi nani nahöna. I ambazip amöt qem enḡimangöra möwölöhöm waḡial. Mönö yanḡö keuḡi möta malme.”

³⁶ Qet mianjön eri möta gwarek yeḡjön mianḡoreḡök uba Jisösnöy nanḡök kini eket. Kunduḡe yuai ekeri, mianḡö buzupḡi mi nalö mianḡoreḡ kude jiba keu bökö malgetka kunḡan kun qahö mörök. Mewö.

Jisösnöy öme wuatangöi morönöy ölöwahök.

Mat 17.14-21; Mak 9.14-29

³⁷ Ahöba wahötketka Jisösnöy gwarekurupḡi karöbut yembuk kunduyeyök eta sörökḡe ambazip kambulelembe enḡeget. ³⁸ Enḡegetka ambazip kambunöhök azi kunḡan qeta kewö jiyök, “Böhi, nöḡgö nahöni mukmoröya akzawaḡöra mönö kaba i ekḡan. Mianḡöra köuluköm gihizal. ³⁹ Mötnöy, öme kunöy i memba mendawöli mianḡoreḡök qet gigilahöi utuköm waḡii wölöhariiga numbuḡeyök qölqölsöutsöt erakza. Öme mianjön öröm ureim waḡgiba nalö gwöḡpuk qahö mosörakza. ⁴⁰ Mewö aiga göhö gwarekurupki öme mi wuatangömegö ulet enḡizalmö, yeḡjön mi osize.”

⁴¹ Mewö jiiga Jisösnöy melen waḡgiba jiyök, “Yei, gölmegö yanḡiseḡ aka misimkaulup ambazip, nöḡjön mönö nalö dawik embuk mala qatön enḡubiga Anutu qahö möt narigetka sihimbölö mötmam? Nahöḡi mönö waḡgita ki kanöḡ.”

⁴² Morö mi waḡgita kaiga nalö mianḡoreḡ mewöyök ömenöy morö utuköba urepköm waḡgiiga wölöhariyök. Mewö ahökmö, Jisösnöy öme mi jim waḡgii mosöri morö mem ölöwaka iwiḡi waḡgiyök. ⁴³ Anutugö kukösümḡi ketanḡan mewö asuhuiga köreḡan mi eka nemböḡini teköi welipköget. Mewö.

Jisösnöy kömumangö buḡanḡi jiiga yahöt ahök.

Mat 17.22-23; Mak 9.30-32

Jisösnöy yuai pakpak mi meyöhi, mianḡöra ambazip köreḡan welipkögetka Jisösnöy nalö mianḡoreḡ gwarekurupḡi keu köḡḡi kewö jii mötket, ⁴⁴ “Keu ki mönö kezap ala mötme: Anutunöy Suep gölmegö azi öḡi mi gölme ambazip yeḡgö böröḡine al waḡgii gema.” ⁴⁵ Keu köḡḡi mi jii mötketmö, mi qahö möt kutuget. Anutunöy mi köḡ turui tölapḡe ahöiga mi qahö möt asariḡet aka könanḡi denöwö, mi qesibingö kölköldömdöm aket. Mewö.

Gwarek sutḡine danöḡ mutukḡi akza?

Mat 18.1-5; Mak 9.33-37

* 9:35: Ais 42.1; Mat 3.17; 12.18; Mak 1.11; Luk 3.22

⁴⁶ *Gwarek nenjgörejök ‘Dañon öngöngöñi akza?’ jiba keu mi mötmöriget. ⁴⁷ Mi mötmörigetmö, Jisösnöñ urumötmötñini möt kutuba namande moröñi kun memba qöhöröñe ali kinök. ⁴⁸ *Kiniga kewö jii mötket, “Körek engörejök kunñan eretñi kondökñi akzawi, yañon mönö öngöngöñi akza. Mianğora kunñan namande ki nöñgö qetne miriñe köl öröba köyan kölmawi, yañon mönö ni köl öröm niñgima. Kunñan ni köl öröm niñgimawi, yañon melaim niñgiyöhi, mönö i mewöyök köl öröm wañgima.” Mewö.

Kunöñ keröki qahö, yañon mönö lagi akza.

Mak 9.38-40

⁴⁹ Nalö mianğoreñ Jonöñ könahiba keu kewö jiyök, “Ketanamni, azi kunñan göhö qetnöñ öme közöl enjiiga ehin. Yañon nembuk qahö liliköba mal-jawañgöra nini i qetal wañgiin.”

⁵⁰ Mewö jiyökmö, Jisösnöñ kewö jii mörök, “I kude qetal wañgime. Kunñan qahö qetal engimakzawi, yañon mönö engö arenöñ malja. (Mianğora inini mönö nöñgö alaurupni tosatñi mi qetala angösirip mem engibepuk.)” Mewö.

Samaria miri kun yeñon jisös andö qeget.

⁵¹ Jisösnöñ Suepnöñ öngömamgö ahök. Mianğö nalöñ törizawañgöra Jisösnöñ kinda “Jerusalem sitinöñ anmam,” jiba jim köhöiba könahiba könanöñ anök.

⁵² Anda kolek qeljiñe aliga mutuk anget. Könanöñ anda mala Samaria prowinsgö miri kunöñ angota “Jisösgöra mözöqözözöm akingöra kazin,” jiget.

⁵³ Jiba angetka anökmö, “Ni Judia prowinsnöñ Jerusalem jike göröken anmam” jiiga mianğora miri angön köla yaizözkök qahö jiget. ⁵⁴ *Mewö aketka gwarekyahötñi Jeims aka Jon yekñon mi eka jiyohot, “O Kembu, Suepnöhök könöñ eta engohoi qahöwakeak, mewö köuluköbingö mötzan me qahö?”

⁵⁵ Mewö jiyohotmö, Jisösnöñ liliñgöba tembula jim etkiyök. ⁵⁶ Mianğoreñök toroqeba miri kunöñ anget. Mewö.

Jisös wuatangöbingö möndö möndö keuñi

Mat 8.18-22

⁵⁷ Könanöñ angetka azi kunñan kaba Jisösgöra jiyök, “Gi denike denike anmani, nöñon mönö mianğoreñ gi guatangöba kamam.”

⁵⁸ Mi möta Jisösnöñ kewö jii mörök, “Arökñañgö kiam yeñon kötenjine ahögetka könakemba nei yeñon aipñini memba malakzemö, Suep gölmegö azi öñan mönö denike anda nörorñi wani qömböñnöñ nariba luhut membawak.”

⁵⁹ Jisösnöñ azi kungöra jiyök, “Gi kaba ni nuatangöman.” Jiyökmö, kewö melenök, “Kembu, mi ölöpmö, iwinan kömumamgö aiga mutuk jinöñga anda galöm kölbi kömui löm kölbigan.”

⁶⁰ Mewö jiyökmö, Jisösnöñ melenja jiyök, “Mosötnöñ! Köhömuñi yeñon qamötñini köhömuñi mi ölöp löm kölmemö, göñon mönö anda Anutu bemtohoñangö könañi jim asarim engiba malman.”

⁶¹ *Kunbuk azi kunñan kañgota jiyök, “Kembu, nöñon gi guatangömamgö sihimni mötzalmö, mötnöñ, gi ölöp jinöñga mutuk mire anda tinitosolomurupni yaizözkökñini jibigan.”

⁶² Jiyökmö, Jisösnöñ melenök, “Kunöñ gölme mesinmesinğö kinöñ mi hos andöñe jöhöba böröñan kinöñ supñe memba kini aniga dumñe

* 9:46: Luk 22.24 * 9:48: Mat 10.40; Luk 10.16; Jon 13.20 * 9:54: 2 Kiñ 1.9-16 * 9:61: 1 Kiñ 19.20

lilingöba andöje uzawi, yañön mönö Anutugö bemtohoññöñ angota nupñi memawañgö dop qahö akza.” Mewö.

10

Jisösnöñ gwarek 72 melaim enji anget.

Mat 9.37-38; 10.7-16

1 Miangö andöje Kembunöñ gwarek tosatñi 72* mi möwölöhöm enjiyök. Nanjak “Taonñi taonñi mirinji mirinji anmam,” jiba miangöreñ yahöt yahöt meköba mutuk melaim enjiyök. 2*“Melaim enjimam,” jiba kewö jii mötket, “Anutugö nupñöñ nene ölnji gwötpuk öliba ahözapmö, mi tokobingöra nup meme ambazip nini awamdökñi maljin. Miangöra mönö nene öliöliñangö Kembunji köuluköm wançigetka nup meme ambazip melaim enjiiga ölnji mem tokome.

3*“Injini mönö anme. Mötket, lama yeñön arökñangö kiam kalñi yeñgö sutñine gegetka luhuba ençöhöbepuk, nöñön injini miangö tandök ewö melaim enjibi anme. 4*“Injini monerñ irimunça me gösö kun me köna esu mi kude memba anme. Anda könanöñ ambazip engeka jiji-kilik-kilik yaizözkök kude akñe.

5“ Anda miri kunöñ öngöba mutuk kewö jime, ‘Anutunöñ miri kiangöreñ luai ali böñjöñ malme.’ 6 Mewö jigetka kunñan luai angön kölmangö dop akzawa ewö, luainjan mönö yançgö qakñe öngömapmö, kunñan mi qahö angön kölma ewö, luainjan mönö lilingöba nanñini qakñine öngöma. 7*“Miri öngömei, mönö miangöreñök mala nup meme. Ambazipñöñ nup meme ambazip malmalñini nançgömeangö dop akze. Miangöra yeñön nene aka o ençime, mi mönö neme. Miri tosatñe lanlan kude ahöme. Miri suen kude anda kame.

8“ Taon miangöreñ me miangöreñ angotketka köl öröba nene ençime, mia mönö neme. 9 Nemba tosatñan miangöreñ kawöl ençöhöi ahömei, i mönö mem ölöwak ençime. Mewö aka kewö jiget mötme, ‘Anutugö bemtohoñan mönö dowe kaiga miangö uruñe angotme.’ 10*“Mewö akñemö, taon kunöñ angotketka andö ençumei, miangöreñ mönö maketñöñ me sombemñöñ anda kewö jiget mötme,

11“ Nini ençgö taonöñ kainga sölbuham yuai köna tambönine mekötahözawi, mi mönö tim töñjöraringa nanñine lilingöba gema. Gemapmö, keu ki mönö möt yaköme: Anutugö bemtohoñan mönö kösutñine asuhuza.’ 12*“Nöñön kewö jibi mötket: Anutunöñ nalö ketane qemasolokepñinangö likepñi melenñi taon miangö qakñe öngömawi, dop mianñön mönö Sodom yeñgö sihimbölo dopñi onçita toroqem ençima.”†

Jisösnöñ taon 3 yeñgöra ‘Yei wösöbirik’ jiyök.

Mat 11.20-24

13*“O Korazin tonji, nöñön ençgöra ‘Yei!’ jiba sahötzal aka Betsaida tonji, ençgöra mewöyök ‘Yei!’ jiba sahötzal. Nöñön yeñgöreñ anbiga keuni jibi sösonihii angöletotni kukösumñinambuk asuhugetmö, uruñini töndup qahö

* **10:1:** Tosatñan oyonça 70 jize. Tosatñan 72 jize. * **10:2:** Mat 9.37-38 * **10:3:** Mat 10.16

* **10:4:** Mat 10.7-14; Mak 6.8-11; Luk 9.3-5 * **10:7:** 1 Kor 9.14; 1 Tim 5.18 * **10:10:** Apo 13.51

* **10:12:** Jen 19.24-28; Mat 11.24; 10.15 † **10:12:** Sodom yeñön bölöñi kanjamñambuk memba mala uruñini qahö melençgetka Anutunöñ köñöpnöñ könden ençiyök. * **10:13:** Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4

melenget. Anğöletot mi kian gölmenöy Taiö aka Saidon sitinöy asuhubeak ewö, yeñön mönö nalö köröpnji uruñini melenbingö kaisösöpñji kondela dodohonöy anğömiriba kau ariba sahötpeak.

14 “Sahötpeakmö, Anutunöy könanğep Korazin aka Betsaida yeñgö keuñini jim teköba likepnji melenñi sihimbölö mötmei, nalö ketanji miangörey mi mönö Taiö aka Saidon yeñgö sihimbölö dopñji onğta mötme. 15 *Aka Kaperneam tonji, Anutunöy inñini ölop mem wahöt enğii Suep mire öngöbeak me qahöpto? Qahöpmaöp! Inñini mönö kömupkö senjom mire kölölohoba geme.

16 * “Kunñan keuñini mötmawi, yañön mönö nöngö keuni mötma. Kunñan andö enğumawi, yañön mönö ni andö nuñğumapmö, kunñan ni andö nuñğumawi, yañön melaim niñgiyöhi, mönö i andö qema.” Mewö.

Gwarek 72 yeñön lilingöba söñgaiget.

17 Gwarek 72† yeñön mala lilingöba kaba söñgaiba kewö jiget, “Kembu, nini göhö qetke öme wöröme jim kutum enğiinga yeñön mewöyök keunini bapñe anda tököba anget.”

18 Mewö jigetka Jisösnöy melenñök, “Nöñön Satan kakögetka Suepnöhök luhuba wölbilik ewö aköba gei ehal. 19 *Mötket, nöñön kukösum enğibiga inñini ölop kitim soramen, skorpion (nendañ kömbukñi pomemba) aka kerökninañgö ösum-mumuñji jitñambuk pakpak tiget eriga luhut alme. Miangöra yuai kunñan qahö enğum mizit ak enğima.

20 “Miangöra ömewöröme yeñön keuñini bapñe anjemö, töndup enğörey sösongai bohonñi mi miangöra kude söñgaime. Enğö qetñini Suep mire ohoget Anutugö buknöy ahözawi, miangöra mönö öñöñi qahö söñgaime.” Mewö.

Jisösnöy söñgaiba Anutu möpöseyök.

Mat 11.25-27; 13.16-17

21 Nalö miangörey Uña Töröñan Jisös inahöm wanğiiga söñgaiba keu kewö jiyök, “O Iwini, göñön Buña keugi mötkutukutu ambazip mötmöt ketanji megeri, yeñörey asambötnöñmö, ambazip nahönbörat ewö nanñinağöra mötketka gukmaulem akzei, mi mönö yeñörey indelnöñga möt asarize. Miangöra nöñön Suep gölmegö Kembuñi gi möpösem gihizal. O Iwini, gi nangak mewö asuhumapköra mötnöy dop köli ölöwahök.

22 * “Iwinan mönö yuai pakpak jim kutuiga nöngö buñaya ahök. Iwinan Nahönñanğö könanji nanñök möt yaköiga kunñan mi qahö mötza. Mewöyök kunñan Iwinanğö könanji qahö möt yaköiga Nahönñanök mi mötza aka ambazip möwölöhöm enğiba yeñgöra mi indelmawi, yeñön mönö Iwi möt wanğime.”

23 Jisösnöy mewö jiba gwarekurupñi yeñörey lilingöba nanñinök ölöñ kewö jii mötket, “Inñini yuai ek kutuzei, denike yeñön mi ek kutuzei, yeñön mönö yeñinağöra aka simbawon akze. 24 Miangö könanji kewö: Nöñön keu kewö jibi mötket, Kezapqetok ambazip aka kiñ azi kembu gwötpukñan inñini yuai ki ekzei, mi ekingö awöweñgöba malgetmö, mi qahö eket. Inñini keu ki mötzei, yeñön mi mötpingö awöweñgöba malgetmö, mi qahö mötket.” Mewö.

Jöjöpñ keu bohonñi yahöt mi denöwö?

Mat 22.34-40; Mak 12.28-31

* **10:15:** Ais 14.13-15 * **10:16:** Mat 10.40; Mak 9.37; Luk 9.48; Jon 13.20 † **10:17:** Tosatñan onğoda 70 jize. Tosatñan 72 jize. * **10:19:** Sum 91.13 * **10:22:** Jon 3.35; 10.15

25 *Köna keugö böhi kunñan wahöta Jisös bötak ala kewö qesim wañgiba jiyök, “Böhi, nöñön denöwö aka malmal kömbönañi teteköñi qahö buña qem añgubilenak?” 26 Jiiga Jisösnöñ kewö melenña qesiyök, “Mosesgö Köna keunöñ keu denöwö ohoget ahöza? Miangö könañi denöwö?” 27 *Qesiiga melenña jiyök, “Gi urugi jömukñi, uñagi jömukñi, kuki jömukñi aka mötmötki jömukñi mianñon mönö Kembu Anutugi jöpaköba malman,’ aka ‘Nangi jöpaköm añgumakzani, mewöñanök mönö ambazip pakpak jöpaköm enggiba malman.’”

28 *Jiiga Jisösnöñ melenñök, “Törörök melenjan. Mi tem köla malmal kömbönañanñögö buñaya akñan.” 29 Mewö melenñökmö, Köna keugö böhinöñ ‘Mi tem köla solanñi akzal,’ mewö mötmöröba könañanñi kondelmangö möta Jisösgöra jiyök, “Ambazip sutñine mala korali, yengörenñök mönö dagöra jizan? Ninja qahö jöpaköm wañgibilenak?”

Samaria azinöñ gurusep azi ak-kömum wañgiyök.

30 Mewö jiiga Jisösnöñ melenña jiyök, “Azi kunñan Jerusalem siti mesöta Jeriko mire geba könanöñ kegwek-kahasililij yengö böröñine gei meget. Mema inap yuainji wañgita oponji qeköba gurusep qeba gila angetka kömumangö aka ahöyök. 31 Ahöba mamböriga jike nup galöm kunñan köna miyök anda eka ek siriba köna likeñeyök anda oñgita anök. 32 Aniga mamböri jike nup azi (Liwait) kunñan miangörenñ kangota eka mewöñanök ek siriba oñgita anök. 33 *Anökmö, Samaria prowinsgö azi kunñan köna miyök anda ahöyöhi, miangörenñ angota eka wösöñi möta ehoriyök.

34 “Ehoriba kösutñe geba uzinji kelök aka wain oñan miriba esuhuyök. Uzinji esuhuba memba kököbihiba donñiñi qakñe ala wañgita qenjarök ahöahö mire anda ala köyan köl wañgiyök. 35 Köyan köl wañgiba ahöba wahöta söñanök silim yahötkö töwanji (Kina 10,-) uzeta qenjarök mirigö tonji wañgiba jiyök, ‘Azi ki mönö köyan köl wañgiba malnöñga moneñ gihizali, mi kude dop köla oñgitma ewö, mi mönö lilingöba kaba miangörenñ toroqeba gihimam.’ 36 Azi karöbut könañanñini mewö kondelget. Azi kegwek-kahasililij yengö böröñine geyöhi, yañgö alañi danñon ahök? Yengörenñök dagöra mötnöñ, i uru kalem ak wañgiyök?”

37 Qesim wañgiiga melenñök, “Ak kömum wañgiyöhi, yañön.” Mewö melenñiga Jisösnöñ jii mörök, “Gi mönö anda mewöñanök aka malman.” Mewö.

Jisösnöñ Marta Maria yetpuk kusuk tarök.

38 *Jisösnöñ gwarekurupñi yembuk könanöñ angetka Kembunjan miri kunöñ añgorök. Añgoriga ambi kun qetñi Marta yañön köl öröm wañgii miriñe öngöyök. 39 Martagö munñi qetñi Maria malök. Yañön Kembu eka könañi kösutñe eta tata Buña keu jiyöhi, mi kezap ala mörök. 40 Mörökmö, Martanoñ lömbuan nupnöñ öröi anda kaba mökösususu aka Jisösgöra jiyök, “Kembu, munan nömosöri nanök welen nup membi mötnöñ dop kölja me qahö? Miangöra mönö Maria jinöñga kaba bauköm ninñgima.”

41 Jiiga Kembunöñ melenña jii mörök, “Marta Marta, gi yuai könañi könañi miangöra waimanjat möta mötkurumkurum aka könöñpambuk aka kinjan. 42 Mewö kinjanmöh, waimanjat mohok kun memba mem köhöininga dop kölma. Nini yuai sehisehiñi miangöra qahö osizin. Marianöñ kewöta urugö

* 10:25: Mat 22.35-40; Mak 12.28-34 * 10:27: Lew 19.18; Dut 6.5 * 10:28: Lew 18.5 * 10:33: 2 Hist 28.15 § 10:33: Juda yañön Samaria ambazip jijiwilit ak engizema. * 10:38: Jon 11.1

likepñi möhamgöm anğumamgö möwölöhöba simbawon akza. Malmalgö bahöñi ölöñi mi kunñan kun kude wañgitma.” Mewö.

11

*Jisösnöñ köulukö kónañi kusum enğiyök.
Mat 6.9-13; 7.7-11*

¹ Jisösnöñ miri kunöñ köuluköba mali teköiga gwarekurupñi yenğoreñök kunñan kewö jiyök, “Kembu, Jon O-melun azinöñ gwarekurupñi köulukö kónañi kusum enğiyöhi, gi mönö mewöñanök nini kusum nenğiman.”

² Jiiga Jisösnöñ kewö jii mötket, “Injini köuluköbin jiba kewö jime:

Iwi, göhö qetkan mönö töröñi ahöma. Mönö galöm köl nenğinöñga bemtohoñgahö ölni asuhuma. (Göhö jitsihitki Suepnöñ tem kölakzei, gölmenöñ mönö mewöñanök asuhuma.)

³ Gi wehön dop nene dopnine nenğiman.

⁴ Tosatñan bölöñi ak nenğigeri, nini körek yenğö sinğisöndokñini mosötzin ewö, gi mönö nenğoreñ sinğisöndok sanğon nenğiman.

Gi esapesapnöñ eta nenğubapuköra anğon köl nenğiba Bölöñi Tonanğö bölöreñyök meköm nenğiman.”*

⁵ Jisösnöñ toroqeba kewö jii mötket, “Enğoreñök kunñan sunğem bibiñe alañanğö mire anda möndöba kewö jima, ‘Alani, beret karöbut niñginöñga likepñi bian melen gihibi. ⁶ Alani kunñan kónanöñ mala nöñğoreñ kanğoriga neneñamni qahöpköra gumohom wañgimamgö jaruzal.’ ⁷ Mewö jii alañan miri uruneyök kewö melenğa jima, ‘Gi gaun gwölö ak nenğizan. Ni nanğunji lök köl köhöbiba nahönböraturupnan nömbuk tumbulahöpnini tumbula gaun ahözin. Mianğöra wahöta mi gihimamgö osizal.’ ⁸ Mewö jimapmö, nöñon jibi mötket: Miri tonan alañi akzawañgöra aka qahö wahöta wañgimapmö, mi töndup kapan köla jiba kinjawañgöra mi ölop wahöta qesizawañgö dop körek wañgima.

⁹ “Nöñon mianğö likepñi kewö jibi mötket: Mönö Anutu köuluköme. Köulukögetka enğima. Anutugöreñ mönö yuaigö bölöñan mamba jarume. Mi jarugetka kondeliga miwikñaime. Kinda nanğunöñ qeme. Qegetka nanğu tal enğima. ¹⁰ Kunñan Anutu köulukömakzawi, yanğon mönö likepñi buña qem anğuma, yuaigö jarumakzawañon mönö mi miwikñaima. Nanğunöñ qemakzawañgöra mönö nanğu öröm wañgima.

¹¹ “Iwiurup enğoreñök danğon kewö akza: Nahönñan söragöra qesiiga salupñe qatö wañgima. ¹² me kuruk kötnanğö qesiiga skorpion (nendan kömbukñi pomemba) wañgima? ¹³ Mewögöra injini ambazip bölöñi akze aka töndup kalem ölöñi ölöñi mi nahönböraturupñini enğibingö mötze ewö, Suep Iwinöñ mönö kalemñi denöwö anğon kölbawak? Yanğö urunayñöñ ahakmemeñi mi nenğonğita tandökñi kun akza. Mianğöra Unja Töröñanğöra köuluköba qesim wañgime ewö, yanğon mönö sihimñan i melaiiga urunine gema.” Mewö.

*Jisösnöñ öme yenğö ösumñini onğita qei etza.
Mat 12.22-32; Mak 3.20-27*

* **11:4:** Tosatñan keu mi kewö melenğa jimakze: bölöñyök meköm nenğiman.

14 Ömenöñ azi kun töñöt aka numbuñi jöhöiga mötök maliga Jisösnöñ ömenji mi wuatängöiga kota mosöri nesilamñan lolohoiga kunbuk keu jiyök. Keu jiga ambazip kambu yeñon mi eka welipköget. 15 *Welipkögetmö, yeñgöreñök tosatñan kewö jiget, “Yañon mönö öme yeñgö kembuñini Katakömulat yañgö ösumnöñ ömewöröme eñguatängömakza.”

16 *Mewö jigetka tosatñan Jisös keugö bötaknöñ örömapköra esapköm wañgiba kewö qesiget, “Gi mönö jim kutunöñga Suepnöhök aňgöletot kun asuhuiga ekin.” 17 Qesigetmö, yañon uru mötmötñini möt teköba kewö jii mötket, “Kantri denike yeñgö galömurupñinan sutñine aňgururuk aka julmei, yeñon mönö ayuhum aňgugetka kantriñinan böliba sahopñanök ahöma. Mewöyök miri kungö könagesö yeñon julmei, miriñinan mönö qeqelanlan ahöma.

18 “Mötket! Satangö könagesö yeñon mewöyök sutñine aňgururuk aka julbeak ewö, yeñon mönö gawman nupñini mbingö osigetka ömetohonñan mönö denöwö kinbawak? Inini nöñgöra kewö jize: Yañon Katakömulatkö ösumnöñ ömewöröme eñguatängömakza. 19 Mewö jizemö, mötket, nöñon Katakömulatkö ösumnöñ ömewöröme közöl eñgibileñak ewö, eñgö alaurupñinan mönö dagö ösumnöñ mi közöl eñgibeak? Miangöra yeñon mönö keuñini ölni me qahö, mi kewöta jim teköme.† 20 Mi jim tekömemö, Anutugö ösumñan nöñgö böro kesötñi sölölohöi öme eñguatängömakzal ewö, Anutugö bemtohonñan mönö eñgöreñ kam kuñguza.

21 “Azi köhöikñan timbi liñgipñambuk miri gölmenji galöm meiga sukinapñan mönö kahaimök ahöma. 22 Mewö ahömapmö, azi köhöikñi kötökñan luhuba kaba qeba luhut al wañgiba timbi liñgipñi nariyöhi, mi körek wañgita qezanña sukinapñi memba anda alaurupñi menden eñgima.

23 * “Kunñan nömbuk qahö maljawi, yañon mönö qetal niñgimakza. Kunñan ambazip nöñgö qetne tokomegöra qahö öröm eñgimakzawi, yañon mönö menden eñgimakza.” Mewö.

Öme yeñon azi uruñe liliñgöbingö kapan kölje.

Mat 12.43-45

24 “Ömenöñ azi uruñeyök kota gölme qararanj kölkölñe anda lan liliköba mala luhut memamgö miri jaruba kun qahö miwikñaiiba ölan yöhöiga kewö jima, ‘Mirini mosöta kazali, miangöreñ mönö kunbuk liliñgöman.’ 25 Mewö jiba liliñgöba miriñi usuñda meñölöi ahöyöhi, mi mewöñanök ahöi miwikñaima. 26 Mewö miwikñaiiba anda öme tosatñi 7 eñguangitma. Öme 7 mi nanñi ongita bölöñi kötökñi akze. Yañon mi eñguangiriga kaba miri mi öngöba miangö uruñe malme. Mewö aiga azi miangö könani mutuk kilenkilan ahökmö, könangep bölim qölim teköma.” Mewö.

Denike yeñon simbawon akze?

27 Jisösnöñ keu mewö jiba mali ambazip kambu sutñineyök ambi kunñan qeta Jisös kewö jii mörök, “Gömökni, ambinöñ gölöm ala gömimba juzu gumohom gihiyöhi, nöñon yañgö mötpi simbawon akza.” 28 Mewö jiyökmö,

* **11:15:** Mat 9.34; 10.25 * **11:16:** Mat 12.38; 16.1; Mak 8.11 † **11:19:** Nanñini sile galömurupñinan Anutugö qetñi qeta töndup öme mi Katakömulatkö kukösumnöñ közöl eñgigetka nöñon mi Anutugö ösumnöñ közöl eñgimakzal. Öroröñ qahö kinjanangöra danñon ölni aka danñon keu munenji wuatängömakzawi, mi ambazipnöñ kewöta jim teköme. * **11:23:** Mak 9.40

Jisösnöy kewö melenök, “Mi jizänmö, nöyön kewö jimam: Ambazip Anutugö keugöra kezap ala möta tem köla köl gulimakzei, yejön mönö simbawon akze.” Mewö.

Böhi tosatjan aŋgöletoköra kapaj köla uletket.

Mak 8.11-12; Mat 12.38-42

²⁹ *Ambazip kambunöy tokogetka qariiga Jisösnöy toroqeba keu kewö jiyök, “Ambazip merak gölmenöy maljei, mi kambu bölöña. Yejön Anutugö aiwesökñajgöra kapaj kölakzemö, aiwesök kun kezapqetok azi Jonagöra lök asuhuyök. Anutunöy aiwesök murutñi kun qahö al engima. ³⁰ *Keu miangö könañi kewö: Anutunöy mönöwök Jona melaiiga Niniwe yeŋgö sutñine anda Anutugö aiwesökñi ahök. Miangö dop Suep gölmegö azi öljän mewöyök ambazip kambu kiangö sutñine asuhuba uruñini melenmegöra kuñgum engiba aiwesökñina akña.

³¹ * “Könañamñinañgö kaisösöpñi kun kewö: Anutunöy mönöwök mötkutukutu öngöngöñi ketañi mi kin Solomon wanggiiga Saut görökenök kantri kungö qin ambinöy Solomongö mötkutukutuñi mötmangö sihimñi mörök. Sihimñi möta gölme gorañeyök wahöta köna köröp tiñtiñi kaba mala Solomongö mötmötñi mörök. Mi mörökmö, mötket, nalö kewöñe nöyön sutñine asuhuba kinda Anutugöreñ mötkutukutu öngöngöñi memba kazali, mi Solomongö mötkutukutuñi ongitza. Ongitzapmö, inñini töndup nesampurek ak niñgiba tönpin kingetka qahö dop kölja.

“Miangöra Anutunöy könañgep ambazip körek pakpak öröm engii keunini jim tekömapköra jeñe angotmei, nalö miangöreñ Saut kantrigö qin ambi mianjön mönö mewöyök angotma. Yañön ambazip kambu ki kinjei, embuk öröröy kömupnöhök wahöta engö qöhöröñine mohotje kinma. Mohotje kinda keu kewö engö silenine alma, ‘Inñini Jisös nesampurek ak wangigetka Anutunöy likepñi melen engii sihimbölö öngöngöñi mötme.’ Yañön mewö jiiga silikñi kewöta nanñinañgöra gamuñini mötme.

³² * “Jonanöy Niniwe ambazip sutñine anda Anutugö keunöy uruñini kuñgui möta miangöreñök uruñini melengetmö, mötket, nöyön sutñine asuhuba kinda Jonagö ahakmemeñi ongitza ahakzal. Mewö ahakzalmö, inñini töndup nesampurek ak niñgimakze.

Miangöra Niniwe ambazipnöy jimtekötekögö nalö ketañe ambazip kambu ki kinjei, embuk öröröy kömupnöhök wahöta engö qöhöröñine mohotje kinme. Mohotje kinda Niniwe yeñön keu kewö engö silenine alma, ‘Inñini Suep gölmegö azi öljä nesampurek ak wangigetka Anutunöy likepñi melen engii sihimbölö öngöngöñi mötme.’ Niniwe yeñön mewö jigetka ahakmemeñinan nanñini könañamñini indelgetka gamuñini mötme.” Mewö.

Kiwa mi asakñi neñgimapköra ahöza.

Mat 5.15; 6.22-23; Mak 4.21-23

³³ * “Kunñan lambe me kiwa ohotiriba köwe wangömmje me kimbutnöy qahö almappmö, mi mönö miangö dum tatatnöy alma. Mewö ali tosatjan miri uruñe öngöbingö mötzei, yeñön miangö asakñi eka ölop öngöme. ³⁴ Göhö jegi mi uru silegahö kiwanñi akza. Miangöra kawöl kunöy jegi qahö mem böliza ewö, mianjön mönö tohoba asarim teköi Anutugö asakñan ölop uruge

* **11:29:** Mat 16.4; Mak 8.12 * **11:30:** Jona 3.4 * **11:31:** 1 Kin 10.1-10; 2 Hist 9.1-12 * **11:32:** Jona 3.5 * **11:33:** Mat 5.15; Mak 4.21; Luk 8.16

mem asariiga malmalgi pakpak asakɲe malman. Asakɲe malmanmō, sihim kōmbōnaɲi bōlōɲan me yuai kunɲan jegi mem bōliba asakɲi kōzambōtza ewō, mianɲōn silegō malmalgi mewōyōk mem sōɲauiga pandaman uruɲe jipɲap malman.

³⁵ “Mewō aiga mōtnōɲ, sōɲaupnōɲ urugahō asakɲi kōzambōri sōɲaubapukōra mōnō tihitki mōta galōm mem aɲɲuman. ³⁶ Mewō aknōɲga Anutugō asakɲan urugi kōrek dop kōli waɲgōmɲi kun qahō sōɲauza ewō, gōhō silegan mōnō mewōyōk asoɲ-kilik-kilikɲambuk aka jemesoholgan asariza. Kiwa ketaɲan silege kuɲɲuba kōlkōl-bilikbilikɲambuk mem asarim gihizawi, malmalgi mōnō mianɲgō dop Anutugō asakɲe al tekōba malman.” Mewō.

Urumelengō silesile tandōkōra ‘Yei!’ jūga 6 ahōk.

Mat 23.1-36; Mak 12.38-40; Luk 20.45-47

³⁷ Jisōsnōɲ keu mi jim tekōi Farisi (Kōna keugō kapaɲkōlkōl) azi kunōɲ kewō jiba kōl örōm waɲɲiyōk, “Gi ölöɲ nōɲgō mire öɲgōba tata nene nembin.” Mewō jūga anda öɲgōba nene nemamgō tarōk. ³⁸ Mutuk bōrōɲi qahō saɲgoɲda eta tarōkmō, Farisi azinōɲ silik mi eka welipkōyōk. ³⁹ Welipkōiga Kembunōɲ kewō jū mōrōk, “O Farisi inɲini mōnō ölna amōt qem aɲɲubingōra qambi aka al nenegō sileɲi saɲgoɲ yakōmakzemō, nanɲini uruɲinan mōnō tōlohoza. Mi dogo jimamonɲ aka qewōloɲ mianɲōn kokolak qei malje.

⁴⁰ “O inɲini, uruɲini qahō. Kunōɲ sileɲi pakpak miwikɲaiyōhi, yaɲōn mōnō uruɲi mewōyōk miwikɲaiyōk me qahō? Inɲini mōnō wuanōɲgōra uru likeɲɲaɲgōra taɲqaɲ akze? Mi qahō dop kōlja. ⁴¹ Mianɲgōra yuai kiwi al nenenōɲ tatzawi, mi mōnō kalema ambazip wanapɲi eɲɲime. Mewō aketka Anutunōɲ amōt qem eɲɲi eɲɲōreɲ yuai pakpak mōnō sarakɲi ahōma.” Mewō.

⁴² * “O Farisi ambazip, lömböt qakɲine öɲgōzawaɲgōra mōnō wōlzikōba ‘Yei!’ jizal. Inɲini nene pakpak mendenɲa bahōɲi 10 mianɲgōreɲjōk mohot Anutugō buɲaya qemakze. Gipɲi, supe aka yōha kōnaɲi kōnaɲi mi mewōyōk menɲenɲa tenōhōk mohot mi Anutugō buɲa qemakze. Naluk mi törörōk alakzemō, Kōna keugō kōtɲi bohōɲi ki mōnō öɲgita mosōrakze: Gi Anutu uru kōnōmɲan jōpakōm waɲɲiman aka ambazip sutɲine ahakmeme diɲɲiɲi wuatangōba malman. Keu bohōɲi mi mōnō kapaɲ kōla wuatangōba malme aka keu morōmorō mi mewōyōk kude oɲgita mosōtme.

⁴³ “O Farisi, lömböt qakɲine öɲgōzawaɲgōra mōnō wōlzikōba ‘Yei!’ jizal. Inɲini kōuluk mire dum tatat mutukɲe jeɲep tatpingō sihimɲi mōrakze. Maketnōɲ me kōnanōɲ ambazip eɲɲeketka jölōɲini jimegō mōrakze. ⁴⁴ O inɲini, lömböt qakɲine öɲgōzawaɲgōra wōlzikōba ‘Yei!’ jizal. Inɲini qaksiri qetɲini qahō mianɲgō dop akze. Ambazipnōɲ qamōt wōrōɲɲambuk denike ahōzawi, mi qahō mōta qakɲine lanɲaɲ tiba yuai dōɲqizinɲambuk oseiba tōlohōmakze.” Mewō.

⁴⁵ Jisōsnōɲ keu mewō jūga Kōna keugō böhi yeɲgōreɲjōk kunɲan mōta melenɲa kewō jiyōk, “Bōhi, gi keu mewō jiba nini mewōyōk gamu qem neɲɲizan.”

⁴⁶ Mewō jiyōkmō, Jisōsnōɲ keu kewō jiyōk, “O Kōna keugō böhi, eɲɲgō qakɲine mewōyōk lömböt öɲgōzawaɲgōra wōlzikōba ‘Yei!’ jizal. Inɲini keuɲi keuɲi jim kutuba mianɲgō kōɲjōɲ lömbötɲi ambazip qakɲine alagun algetka mi tem kōlbingō lömbōriiga jaraɲbaraɲ ahakzemō, nanɲinak i kesōtɲinan borom kun baukōm eɲɲibingō wōsōmōtmōtɲini kun qahō ahōza.

* 11:42: Lew 27.30

⁴⁷ “O injini, lömböt qakɲine öngözawaŋgöra mönö wöziköba ‘Ye!’ jizal. Injini kezapqetok ambazip yeŋgö qaksirinöŋ simen koum memba meŋölömakzemö, nanɲini ambösakonɲinan mönö i enɲuget kömuget. ⁴⁸ Nanɲini ambösakonɲinan kezapqetok ambazip enɲuget kömugetka injini yeŋgö qaksiriɲine koum memba simen alakze. Mewö aka mianɲön ambösakonɲini yeŋgö ahakmemegöra imbi köla keunɲini nanɲöba jiba dangunu ewö kinje.

⁴⁹ “Miangöra Anutu, mötkutukutu Tonɲi yanɲön kewö jiza, ‘Nöŋön kezapqetok ambazip aka aposol melaim enɲibi enɲören kame. Kagetka yeŋgörenök tosatɲi i enɲuget kömume aka tosatɲi sesewerowero ak enɲime.’

⁵⁰ “Anutunöŋ Suep gölme miwikɲaim etkiyöhi, nalö miangörenök könahiba kezapqetok ambazip enɲugetka sepɲini mokoget eri, miangö sep kitipɲi pakpak mi ambazip merak maljei, mönö enɲö qakɲine öngöi sihimbölä mötme. ⁵¹ *Abelgö sepɲan eri miangörenök könahiba enɲuba kota mala Zekaraia jöwöwöl alta aka jöwöwöl jike kömbukɲi mietkö sutɲire qeget sepɲi eri miangören teköyök. Nöŋön keu kewö jibi mötme: Sepɲinanɲö kitipɲan mönö ambazip merak maljei, enɲö qakɲine öngöiga sihimbölä mötme.

⁵² “O Köna keugö böhi injini, lömböt qakɲine öngözawaŋgöra mönö wöziköba ‘Ye!’ jizal. Injini Anutugö mötmöt membینگö nanɲu ki moröŋi mi ambazip enɲuaŋgita anɲön kölä enɲimakze. Nanɲinak miangö uruŋe qahö anɲotket aka tosatɲan miangö uruŋe anɲotpingö akzei, injini i jöhöba anɲön kölä enɲiba malget.”

⁵³ Jisösnöŋ keu mewö jiba mosöta ani Köna keugö böhi aka Farisi yeŋön könahiba keu könöŋambuk jim waŋgiba keu könaɲi könaɲi jimapkö qeqesi gwötpuk al waŋgiget. ⁵⁴ Al waŋgigetka numbuŋeyök keu kun qiwitipköiga mianɲön köpeiba keugö bötaknöŋ örömapköra mönöget. Mewö.

12

Urumelenɲö silesile malmalgö galöm meme keu

Mat 10.26-27

¹ *Jisösnöŋ keunɲi jiiga nalö sutɲe miangören ambazip tausenni tausenni yanɲören tokoba ölöqölököba utakatal anɲuba kinget. Mewö aka kingetka könahiba gwarekurupɲi kewö jii mötket, “Yuai mutukɲi ki: Injini mönö Farisi (Köna keugö kapaŋkölköl) yeŋgö urumelenɲö silesile ahakmemenjanɲöra galömnɲini meme. Mi wösö kömbukɲi ewö akza. Mi qahö mosötme ewö, mianɲön mönö yist ewö qariba mem bölim enɲima.

² * “Ambazipnöŋ yuai önun meget ahözawi, mi pakpak mönö kötulgetka aukɲe ahuma. Mewöhanök keu asambötket ahözawi, mi pakpak mönö indelgetka möt kutume. ³ Miangöra mönö keunɲinanɲö galöm memba malme. Injini keu söŋaupnöŋ ölöŋ jimei, mi mönö asakɲe jigetka mötme. Injini miri uruŋe waŋgöŋɲi kungen sanɲepnöŋ kezapɲine jimei, mi sobemnöŋ aukɲe jim asarime.” Mewö.

Dagöra keŋgötɲini mörin dop kölma.

Mat 10.28-31

⁴ “Alaurupɲi nöŋön enɲöra kewö jibi mötme: Tosatɲan sileɲini qem kömumba miangö andöŋe yuai kun toroqeba akingö osimei, yeŋgöra mönö keŋgötɲini kude möta malme. ⁵ Mi qahöpmö, dagöra keŋgötɲini mötketka dop kölmawi, nöŋön mi kondel enɲimam. Kun darɲön kukösüm memba enɲui

* **11:51:** Jen 4.8; 2 Hist 24.20-21 * **12:1:** Mat 16.6; Mak 8.15 * **12:2:** Mak 4.22; Luk 8.17

kömugetka tötal enġii könöp sianöŋ gemei, yaŋgöra mönö keŋgötŋini möta malme. Enġöra keu mi kunbuk jizal: yaŋgöra mönö keŋgötŋini möta malme!

6 “Tosatŋan bekösöm (jöröröm, ulisit) 5 mi toiya yahötŋan söŋgöröŋi memegöra alakzemö, Anutunöŋ mienġöŋöŋök mohok-kungö qahö ölum qeyök. 7 Anutunöŋ köyan köl enġiba nöŋöp juŋŋini pakpak mewöyök oyoŋ teköba jaŋgöŋini mötza. Ambazip enġö söŋgöröŋini mi bekösöm ulisit gwötöpuk enġoŋġita öŋgöŋöŋi akza. Mianġöra keŋgötŋini mönö kude möta malme.” Mewö.

Kraist jim miwikŋaime me qaŋ kölme?

Mat 10.32-33; 12.32; 10.19-20

8 “Nöŋön keu kun jibi mötket: Kunŋan ni ambazip jeŋine jim miwikŋaim niŋgimawi, Suep gölmegö azi öŋŋan mönö mewöŋanök i Anutugö garataurup yeŋgö jeŋine jim miwikŋaima. 9 Mewömö, kunŋan ni ambazip jeŋine qaŋ köl niŋgimawi, nöŋön mönö mewöŋanök i Anutugö garataurup yeŋgö jeŋine qaŋ kölmam.

10 * “Kunŋan Suep gölmegö azi öŋŋi qetala keu jimawi, Anutunöŋ mi ölöp mosötmapmö, kunŋan Uŋa Töröŋi ilita mepaqepaik akŋawi, yaŋgö siŋgisöndokŋi mi Anutunöŋ qahö mosötma.

11 * “Ambazipnöŋ iŋini öröba keu jakeŋine al enġigetka köuluk miriŋine me kiap premiö aka kantriŋi kantriŋi mienġö kiŋ kumbu yeŋgö jemesoholŋine kinmei, nalö mianġöŋöŋ keuŋinaŋgö likeŋi wani keuya denöwö jibinak mianġö waimanjatŋi kude mötme. 12 Mi kewögöra: Iŋini keu jimei, mi Uŋa Töröŋan aua mianġöŋöŋök kusum enġiiga jime.” Mewö.

Nepaqepalok azi pomŋaŋgö dopkeu

13 Ambazip kambu sutŋineyök azi kunŋan Jisösgö jiyök, “Böhi, iwiniran kömuiga gi mönö datnaŋgö jinöŋga iwiniraŋgöŋöŋ börösamotŋi mendenä niŋgima.”

14 Mewö jiyökmö, Jisösnöŋ kewö melen yaŋgiyök, “O azi, daŋön etkö jimtekötekö tonŋi akŋamgöra kuŋgum niŋgiyöha gölmeŋiri mendenbilenak?”

15 Mewö jiba keu kewö toroqeyök, “Inap ainemalukuŋinan awamŋanök me keŋemaleŋ ahöbawak, malmalŋinaŋgö könaŋi mi mianġöŋöŋ qahö ahöza. Malmalŋini qahö kewöta monen sukinapnöŋ möndöme ewö, mönö ayuhume. Mianġöra membagan memingö nepaqepalok (gridi) pakpaköra mönö galöŋŋini memba malme.”

16 Mewö jiba dopkeu kun kewö jii mötket, “Azi pomŋi kun malök. Yaŋön gölmeŋe nene nupŋi meiga töhötmöriam ketanŋi asuhuyök. 17 Mi asuhuiga uruŋan kewö mötmöriaba jiyök, ‘Nöŋgö köwe mirini mi morörökŋi. Mianġöra pađi gösöŋi gösöŋi, koŋ kambuŋi kambuŋi, sehoŋ böraŋŋi böraŋŋi mi mönö denikeaŋgöŋöŋ tokobilenak? Mönö denöwö akŋamto?’ 18 Mewö jiba jiyök, ‘Mönö kewö akŋam: Ni köwe mirini köndenä salupŋe köwe miri ketanŋi ketanŋi memam. Mi memba nene töhötmöriamni aka sukinapni pakpak mönö mianġöŋöŋ qezaköbi tatma. 19 Mianġöŋöŋ tariga nanangöra kewö jimam: O gi simbawoŋ! Töhötmöriamgi mönö awamŋi qahö ahöm gihiza. Mianġöra mönö nene nem söŋgaiba yambuŋi yambuŋi siyoŋsayoŋi qahö luhut memba ösöŋ malman.’ 20 Mewö jiyökmö, Anutunöŋ kewö jii mörök, ‘O gi, urugi qahö! Nöŋön nalögi ala jim teköba uragi suŋgem kianġöŋöŋöŋ goaŋġitpiga kömuman.

* 12:10: Mat 12.32; Mak 3.29

* 12:11: Mat 10.19-20; Mak 13.11; Luk 21.14-15

Kömunönga öröyuai pakpak buña qem anguba malnöni, mi mönö dagö buñaya akñapto?

²¹ “Kunñan nanñangöra ainemaluku guli dötnam yuai tokomakzapmö, Anutugö qöhöröne urugö töhötmörämñi qahö ahöm wañgizawi, yanğöra mönö lömböt ketanji mewö asuhuma.” Mewö.

Anutu möt nariba waimanjat kude akñe.

Mat 6.25-34

²² Jisösnöñ gwarekurupñi kewö jii mötket, “Mewö asuhumapmö, nöñön enğöra kewö jibi mötket: Injini gölmenöñ malmeanğö waimanjatñi mi kewö jiba kude akñe: Nini mönö wanat yuainöñ gumohom angubinak aka wanatnöñ sileninanğö löngötpinak? ²³ Silenjinambuk maljei, mianñon bohonñi aiga opo kereñnöñ mönö mianğö nembö bapñe ahöza. Jeñinambuk maljei, mianñon bohonñi aiga nenenöñ mönö mianğö nembö bapñe ahöza.

²⁴ “Möno koekoe nei enğekñe: Mienñon nene kötni qahö qesin gilakze. Padi ölni qahö yandiba köwe mirinñe qahö tokomakze. Yöha sihinñi mi qeköm nembö mirinöñ qahö alakze aka Anutunöñ mi töndup i gumohom enğimakza. Ambazip enğö söñgöroñini mi nei söñgöroñini enğonğita öngöba ahöza. Möno mi mötmöriget anök.

²⁵ “Enğöreñök kunñan waimanjat aka mewö mianñon gölmenöñ mal-mawanğö nalöni mi sömañi mohotkö dop mem toroqema me qahö? Mi qahöpmañhöp!”

²⁶ “Mewö aiga yuai morörökñi mewö akingö osime ewö, yuai tosatñi pakpaköra mönö denöwögöra waimanjat akeak? ²⁷ *Injini mönö jariñ juranji aködamanñinambuk mi enğekñe: Mienñon opo söroñinanğöra möt qahö loñgalakze. Nup yuai tosatñi kun qahö memakze aka mi töndup kewö jibi mötket: Kiñ Solomonöñ goul silwöñi qeraköba malukuñi ason-bilikbilikñambuk löngöta malökmö, yanğö malukuñi mi kiteñ soranjingö dop eksihimñambuk qahö ahöyök.

²⁸ “Jariñ juranji töhöñ mi merak gölmenöñ kösutnime ahöi uran kölgetka eri gila qezaköba ohoget jema. Mi töndup Anutunöñ juranji mewöñi kun mi tok ölopnanök meñölömakza. Mianğöra yanñon injini mewöyök ölopn esuhum enğima. Injini jariñ juranji mianğö dop qahö akze. Anutunöñ köyan köl enğimamğö mötzawi, sihimñi mianñon mönö yuai pakpak enğonğita öngöza. O ambazip, mötnariñinan mönö wuanöngöra morörökñi akza?”

²⁹ “Mewö aiga injini mewöyök malmalñinanğöra mötkurumkurum kude akñe. Mi aka lömböriba kewö jibepuk, ‘Nini mönö wani nene aka wani o nembinak?’ Mewö jiba uruñini mianğöreñ kude ala urueret aka urukönöpu miwikñabepuk. ³⁰ Kantri dop urumelenğö kopa yeñon yuai mewöñi pakpak buña qem angubingö kapan köla urukönöp ahakze. Mi ahakzemö, injini nene opo yuaigöra mözöröngöba osizei, Iwiñinan mönö mi möt teköza. ³¹ Mianğö urukönöp kude akñemö, mönö Anutugö bemtohonñöñ anğotpingö kapan kölme. Uruñini mianğöreñ alget ahöiga yanñon mönö galöm köl enğiba yuai mewöñi mi mewöñanök toroqem enğima.” Mewö.

Buñanini Suepnöñ me gölmenöñ tokoinga dop kölja?

Mat 6.19-21

* **12:25:** Tosatñan kewö melenđa jize: Enğöreñök kunñan waimanjat aka mewö mianñon silenji wan fitkö dop toroqeba mem körimamğö osima. * **12:27:** 1 Kiñ 10.4-7; 2 Hist 9.3-6

³² “O kambuni morörökñi, Iwiñinan bemtohoñ al engimamgö mötzawañgöra mönö kenğötñini kude möta malme. ³³ Gölmegö monerñ inapñi mi kapan köla qeraköbepuk. Mianğöra yuai ahöm engizawi, mi mönö söñğöröñangö ala monerñ öröba bahöñi ambazip wanapñi kalemñinañgöra engime. Mewö aketka qetbuñañini guli dötñam ewö mi Suep mire ahöba sehiba kude qahöwakña. Monerñ gösöñjini qainñi kun mi Suep mianğöreñ qahö bölime. Gurem jililukut aka yoñğorö meme yeñön mönö eu öñğöba yuai mem bölibingö osime.

³⁴ “Yuaigöra aködamunñi memba mötnöñ öñğözawi, mianğön miri kungen ahöiga göñön mönö urugi mewöyök mianğöreñ qekötahöba malman.” Mewö.

Urugwölö mala nup megetka dop kölma.

³⁵ * “Injini mönö Anutugö nupñi memingöra jöjöröba opo söröñjini jöhöm yaköba aködamunñinambuk kinda uruñinañğö kiwanan ohotirigetka jeiga malme. ³⁶ * “Mi kiangö dop: Miri tonji kun mi ambazip amemegö lömbuaññöñ kaba söñgaibingöra öröm wañgigetka anök. Mianğöreñ ani moröurupñan mire tata lilingömapköra jeñinan yaigep uba ‘Kiñsiñ-pañsañ!’ jiba kapan köla mambötze. Mamböta malgetka yañön nalö mianğöreñ me mianğöreñ kanğota nanğunöñ qebawak, yeñön mönö mianğöreñök nanğu örögetka kotma. Injini mönö morö mienğö dop aka jöjöröba malme.

³⁷ “Kembunöñ lilingöba kaiga nup memeurupñi tosatñan urugwölö malgetka mewö miwikñaim engimawi, yeñön mönö simbawoñ akze. Nöñön ölna kewö jibi mötket: Yañön kanğota tokom engiba nene dumnöñ ali tatketka nene gumohom engimamgö jöjöröm anğuba welen qem engima. ³⁸ Yañön ömbibiñe me miri awöranğöiga mianğöreñ lilingöi tosatñan urugwölö malgetka miwikñaim engimawi, yeñön mönö simbawoñ akze.

³⁹ * “Gwölö malbingö keu ki mönö ölop mötmörime: Sunğem aiga kegwek azinöñ wanat nalönöñ me auanöñ kamawi, miri tonjan mi mötpawak ewö, yañön mönö gwölö mala miriñi ölop galöm meiga qesiñda öñğömamgö osima. ⁴⁰ Injini ‘Suep gölmegö azi ölnan nalö kiangöreñ qahö kanğotma,’ jiba mötmörime, yañön mönö nalö mianğöreñök kanğotma. Mianğöra injini mewöyök jöjöröba malme.” Mewö.

Nup azinöñ silekmalek mala ayuhuyök.

Mat 24.45-51

⁴¹ Jisösnöñ keu mewö jii Pitönöñ qesiyök, “Kembu, gi dopkeu ki mi nengöra me ambazip tosatñi pakpak yeñğöra mohok jizan?”

⁴² Mewö qesii Kembunöñ jiyök, “Nup meme ambazip sutñine danñon tin kutuba tosatñi engongitza? Tosatñan söroräuba nup mosötketka kunñan mötkutukutu ölopñangö qakñe kapan köla pöndañ memakzawi, yañön mönö simbawoñ akza. Miri tonjan ahakmemeñi kewöta eka kungen anda miriñangö öröyuainñi mi yangö böröñe ali galöm akña. Galöm aka welenqeqeurupñi jiyöhanğö dop köyan köla nalö diñdiñe gumohom engimakña. ⁴³ Mewö köyan köl engiba maliga tonjan lilingöba kaba mewö eka mönö simbawoñ jima.

⁴⁴ “Nöñön keu ölni kun kewö jibi mötket: Tonjan simbawoñ jiba sukinapñi pakpakö galömñi kunğum wañgima. ⁴⁵ Kunğum wañgimapmö, nup meme okonñi yañön uruñan mötmöriba kewö jima ewö, ‘Kembunangö kaka nalöñan mönö köröpñi ahöza.’ Mewö jiba könahiba nup meme ambazipurupñi engum

* 12:35: Mat 25.1-13 * 12:36: Mak 13.34-36 * 12:39: Mat 24.43-44

ureiba közölömbuanj ala söngaiba o köhöiknji nembra urunji sohoiga enjololonj silekmalak aka malma. ⁴⁶ Mewö mala nalö kunöñ Kembunji kanğotmapköra qahö mambötmawí, mönö mianğoreñ kanğotma. Nalögöra ikmaok injululunj mali mönö aua mianğoreñ kanğota qeba yaijapalelenj mem wanggiba jim kutuiga qegetal ambazip ewö könöp sianöñ geba sihimbölö mötma.

⁴⁷ “Nup meme kunnan Kembunjanğö jitsihitnji möt yaköyökmö, keu arenji jiyöhanğö dop qahö jöjöröm anguba nupnji mamba malöhi, Kembunjan mianğö likepnji jiiga jöhöba ihileknöñ ambemnji gwötpuk qeaköba qeme. ⁴⁸ Mewö qememö, nup meme azi kunnan Kembunjanğö jitsihitnji qahö möt yaköba yuai aka meiga likepnji ölöp jiget ihileknöñ qemeanğö dop akzawí, Kembunöñ mianğö likepnji jiiga amqeqenji qeme. Anutunöñ kungöra yuai gwötpuk wangiyöhi, yanön mönö mi mem sehiiga ölnji gwötpuk ahumapköra al mambötma. Anutunöñ kungöra yuaigö warökñji sehisehinji al wangiyöhi, yanön mönö mi mem sehiiga ölnji sehisehinji ahui melej wangimapköra qesima.” Mewö.

Jisösnöñ könöp bölam mamba eri denjök.

Mat 10.34-36

⁴⁹ “Nöñön gölmenöñ könöp ala ubi jemapköra etpiga urusihimni mianğö bölamnan lök jeyöhanğöra ahöza. ⁵⁰ *Ahözapmö, mi ‘Ala umam,’ jibi sihimbölö gwötpuk mi nöngö qakne öngöba mösölungöm ningimamğö akña. Anutunöñ mewö mianön melun murutnji mem ningima. O ni wahöjalinj ketanji möta malbi mem ningii mianğoreñ teköma. ⁵¹ Kewö mötmöribepuk: Jisösnöñ luai qemamğöra aka gölmenöñ erök. Nöñön kewö jibi mötket: Nöñön luai qemamğöra qahöpmö, nöngöra aka jula dengetka köñ jabö ahuma.

⁵² “Mi kewögöra jizal: Nöngö Buña keunan ambazip urunjinj kungui melenjeranğöra nalö kewöneyök könahiba kewö asuhuma: Miri kungö urunje ambazip 5 yeñön sutñine anğururuk aka julme. Likep karöbut yeñön yahöt yetpuk anğururuk aketka likep yahöt yetkön karöbut yembuk jujul aka malme. ⁵³ *Iwi morö yetkön jula kerök-kerök ahotka nam morö yetkön total anğuyohotka iranñan iranñi qetala julmahot.” Mewö.

Nalö maljini, mi möt kewötme.

Mat 16.2-3

⁵⁴ Jisösnöñ toroqeba ambazip kambu yeñgöra kewö jii mötket, “Wehön gegeje miri böuleiba kousu töwiiga injini mi eka mianğoreñjök ‘Kie kama,’ jimakze. Mewö jigetka kama. ⁵⁵ Saut görökenök luhut giliga eka möta kewö jimakze, ‘Miri könöpñambuk akña.’ Jigetka mianğö dop akña. ⁵⁶ O urumelenğö silesile ambazip, injini suep gölmegö tandökñiri eka kie wehönğö könanjiri ölöp kewörakzemö, nalö ki maljini, mianğö könanji qahö kewöta möt kutugetka qahö dop kölja.” Mewö.

Anğururukñini mindinğögetka solanima.

Mat 5.25-26

⁵⁷ “Injini ‘Yuai diñdiñji mi denöwö akin,’ jiba mianğö könanji mi denöwögöra aka nanñinak qahö kewöta jim tekömakze? Mi qahö dop kölja. ⁵⁸ Kerökan silege ala keu jakeñe öröm gihimamğö aiga jimtekötekö galömgörej anda köna namñe mianğoreñ mönö kapanj köla imbi mohok aka keunji jim solanimahot. Mewö qahö akñahot ewö, kerökan ölöp örörahöm gihiiga (jas, majistreit) jimtekötekö tonjanğö jeñe anğotnöñga möta jii opotöröpkö böröñje

genönga kösö mire al gihibapuk. ⁵⁹ Nöñön kewö jibi mötnöñ, Gi miangörenj töwagi pakpak almanangö dop qaköba tatman. Toiyagi kondikñi mewöyök al teköbagun mönö töwagi memba etman.” Mewö.

13

Uruñini melenjet me kömumba ayuhuget.

¹ Nalö miangörenjök tosatñan kanğota Jisös kösohot kewö jiget mörök, “Galili ambazip tosatñan Jerusalem jikenöñ jöwöwöl ohogetka premiö Pailötnöñ jiiga suahö galömurupñan miangörenj öñgöba enğum kömugetka sepñini eta lama bulmakau sepñinambuk lolonqalon ahök.”

² Mewö jigetka melenja kewö jii mötket, “Injini miangöra kewö mötmöribepuk: Galili ambazip mienön Galili ambazip tosatñi pakpak enğonğita siñgisöndok aka malgerangöra sihimbölo mi mötket. ³ Mewö qahöp mö, nöñön kewö jibi mötket: Injini uruñini qahö melenje ewö, injini körekñan mönö mewöyök ayuhum teköme. ⁴ Me miri qetñi Siloam miangörenj miri köröpñi kunñan eta köla ambazip 18 turum enğii kömugeri, injini yengöra kewö mötmöribepuk: Yeñön Jerusalem könagesö tosatñi pakpak enğonğita siñgisöndok aka keuñinambuk malget. ⁵ Qahöp mö, nöñön kewö jibi mötket: Injini uruñini qahö melenje ewö, injini körekñan mönö mewöyök ayuhum teköme.” Mewö.

Muli ip gorosonñangö dopkeu

⁶ Jisösnöñ dopkeu kun kewö jiyök, “Azi kunñan muli ip kömöri nupñe kota kini miangö öñji jarunamgö anökmö, kun qahö miwikñaiyök. ⁷ Qahö miwikñaiya nup galömnangöra jiyök, ‘Mötnöñ, nöñön muli ip kiangö öñji yambu (yara) karöbutkö dop kaba jaruyalmö, kun qahö miwikñaiyal. Miangöra mi mönö wuanöngöra toroqeba gölmeğö kelöktñi önewat öroi sihitñanök akapuk. Miangöra mi mönö köla gilmöñ anma.’ ⁸ Tonñan mewö jiyökmö, galömnöñ melenja jii mörök, ‘O azi kembuni, mi ölop mosötnöngä yambu (yara) ki kumbuk kinma. Nöñön nalö sutñe kiangörenj kinöññöñ gölme esiba kundupköba isonğasonñ ala liliköbi kelökñambuk akñja. ⁹ Nöñön mewö akiga yambu (yara) andöñe miangö öñji ölop ahubawak. Mi qahö ahuma ewö, mi ölop kölman.’” Mewö.

Jisösnöñ Sabat kendonöñ ambi kun mem ölöwahök.

¹⁰ Jisösnöñ Sabat kendonöñ köuluk miri kunöñ öñgöba Buña keu kusum enğiyök. ¹¹ Miangörenj ambi kun tarök. Ömenöñ yambu (yara) 18 miangö dop mem löwörim wañgiiga könisemñi milipköiga qötöteimangö osiba tata malök. ¹² Jisösnöñ ambi mi eka oholi kaiga kewö jii mörök, “Ambi, eksekpeksek kawölğan mönö gömosöri ölöwakzan.” ¹³ Mewö jiba böronñi nöörpñe ali miangörenjök qötöteiba Anutu möpöseim wañgiyök.

¹⁴ *Möpöseim wañgiyökmö, Jisösnöñ Sabat kendonöñ ambi mi mem ölöwahöhi, köuluk mirigö galömnñan mi eka miangöra möri bölii keu könahiba ambazip kambu yengöra jiyök, “Nup memegö nalö 6 ahözawi, miangörenj mönö kaba mem ölöwak enğimapköra jime. Mi Sabat kendonöñ qahö.”

¹⁵ Mewö jiyökmö, Kembunöñ melenja kewö jiyök, “O urumelenğö silesile ambazip! Injini pakpak bulmakau aziñini me doñkiñini mi Sabat kendonöñ mireyök pösata enğuanğitketka onöñ anda nemakze me qahö? Engörenjök

* 13:14: Eks 20.9-10; Dut 5.13-14

kunöŋ mi qahö anğön köl enğimakza. ¹⁶ Mötket! Ambi kianğön Abrahamgö gwölönaröha aiga Satanöŋ jöhöm wanğii yambu (yara) köröŋŋi 18:gö dop maliga nöñön kösöŋi mi Sabat kendonöŋ pösatpi dop köl enğiza me qahö?" ¹⁷ Mewö jiuga tuarenjoŋurupŋi pakpak yeŋön gamuŋini mötket aka ambazip kambu pakpak yeŋön anğöletot weweliŋambuk meyoŋi, mi pakpak eka möta söŋgaiget. Mewö.

Nejoŋ kötŋangö dopkeu

Mat 13.31-32, 34; Mak 4.30-32

¹⁸ Jisösnöŋ dopkeu kun kewö jiyök, "Anutugö bemtohoŋangö könaŋi mi denöwö? Mi wanatpuk dop albilenak? ¹⁹ Mi nejoŋ kötŋangö dop kewö akza: Azi kunŋan mi memba nupŋe anda esiuga wahöta qariba ip ahök. Ip aiga könakemba neiŋi neiŋi mienöŋ aipŋini ip mianğö böröŋe alget." Mewö.

Yistkö dopkeu

Mat 13.33

²⁰ Jisösnöŋ dumŋe kunbuk dopkeu kun kewö jiyök, "Anutugö bemtohoŋi mi wanat yuaibuk dop albilenak? ²¹ Mi yist me flaua mem qariqarigö dop kewö akza: Ambi kunŋan 'Beret ohomam,' jiba yist memba flaua künde karöbut mianğöreŋ mindiriba melenqeleŋ aka anda anda tari köreŋanök qariyök." Mewö.

Mönö nanğu giwikŋe jaram tiba anğotme.

Mat 7.13-14, 21-23

²² Jisösnöŋ anda taonŋi taonŋi aka miriŋi miriŋi mianğöreŋ Buŋa kusum enğiba anda mala Jerusalem sitinöŋ göröken anök. ²³ Ani kunŋan kewö qesim wanğiyök, "Kembu, uruŋini melenget Anutunöŋ amöt qem enğii letotmei, mi ambazip awamdökŋa me denöwö?" Qesim wanğii kewö jii mötket,

²⁴ "Injini mönö nanğu giwikŋe anğotpingö jaram tiba aum-mörime. Nöŋön kewö jibi mötket: Ambazip gwötpukŋan Anutugö bemtohoŋ uruŋe anğotpingö esapkömömö, mi osime. ²⁵ Könaŋep miri toŋan wahöta nanğu köligun injini nalö mianğöreŋ könahiba yaigep kinda nanğunöŋ qeba kewö jime, 'Kembu, mönö nanğu öröm neŋinöŋ.' Mewö jigetka melenğda kewö jii mötme, 'Ni qahö möt enğizal. Injini denikegöra, mi qahö mötzal.' ²⁶ Mewö jiuga injini mianğöreŋök könahiba kewö jime, 'Neŋön mönö göbuk köisirik tata nene nein. Göŋön mönö liliköba neŋğö sombemnöŋ Buŋa kusum neŋinöŋ.' ²⁷ *Mewö jimemö, yaŋön keu kewö jima, 'Injini denikegöra, ni qahö möt enğizal. Mianğöra kewö jibi mötket: Bölöŋi meme pakpak, injini mönö nömosöta kesalget.'

²⁸ **"Kesalgetka mianğöreŋ Abraham, Aisak, Jeikob aka kezapqetok ambazip pakpak yeŋön Anutugö bemtohoŋ uruŋe kingetka engekŋemö, nanŋini aköm enğigetka yaigep kinme. Könaŋini mewö miwikŋaiba sahöt gigilahöba irimŋini yöhözömğögetka qetŋi qeri malme. ²⁹ Ambazipŋi ambazipŋi mi wehön kotkotŋeyök aka geŋeyök aka likeplikpeŋ Not Saut mianğöreŋök kaba Anutugö bemtohoŋnöŋ anğota dum tatatŋini memba nene nem söŋgaip aka malme. ³⁰ *Mewö malmemö, mötket! Qöndökŋi yeŋğöreŋök tosatŋan mutukŋi akŋe aka mutukŋi yeŋğöreŋök tosatŋan qöndökŋi akŋe." Mewö.

Kiŋ Herodnöŋ kiam soŋ mianğö dop akza.

Mat 23.37-39

* **13:27:** Sum 6.8 * **13:28:** Mat 22.13; 25.30 * **13:28:** Mat 8.11-12 * **13:30:** Mat 19.30; 20.16; Mak 10.31

³¹ Nalö mianğörejök Farisi (Köna keugö kapañkölköl) tosatñan Jisösgörej kaba kewö jiget, “Kiñ Herodnöñ guhui kömumangö mötza. Mianğöra mönö miri ki mosöta anman.”

³² Jigetka kewö melenj engiyök, “Injini mönö arökñanjö kiam soñ mi kewö jiget mötma, ‘Mötnöñ! Nöñön merak aka uran ömewöröme enğuatañgömam aka kawöl ambazip mem ölöwak engiba malman. Anmami, uruwale mönö mianğörej anğota nupni mekömam.’” ³³ “Kezapqetok ambazip sehisehiñi mi Jerusalem sitinöñ enğuetka kömuget. Miri tosatñe qahö toroqeba enğuet kömumakze, mianğö tandöktandök ahöza ekzal. Mianğöra nöñön merak aka uran uruwale köna anda malman. Jerusalem anğotpiga nuñguget kömumam ewö, mönö yeñgörej aiakanjina mi toroqeba akñe.” Mewö.

Jisösnöñ Jerusalem sitigöra sahörök.

Mat 23.37-39

³⁴ Jisösnöñ jiyök, “O Jerusalem Jerusalem, injini kezapqetok ambazip enğuet kömugetka Anutunöñ ambazip melaim engii engörej kamakzei, mi kötnöñ kumbuköm engimakze. Poi namñan moröurupñi ginginñi bapñe ala köjöhohom engimakzawi, nöñön mianğö dop nalöñi nalöñi göhö könagösöurupki suhuba tokom engimangö möta malalmö, injini mi tököba mala kotket. ³⁵ *Mötket! ‘Anutunöñ mönö jike mirinñi andö qeiga sahopñanök ahöma.’ Mewö ahömapmö, nöñön kewö jibi mötket, injini ni kunbuk qahö nekñemö, könanğep nalö kun kam kuñgui mianğörej neka kewö jime, ‘Kembugö qetñe kam neñgizawi, Anutunöñ mönö i kötuatköm wañgima.’ Mewö.”

14

Jisösnöñ kawöl azi kun mem ölöwahök.

¹ Jisösnöñ Sabat kendon kunöñ Farisi (Köna keugö kapañkölköl) yeñgö jittñememe kungö miriñe öngöba nene neyök. Nemba tari tosatñan galöm memba ektiget. ² Mianğörej yeñgö jemesoholñe kawöl azi kun köna böronñi onöñ ölököba qarui tarök. ³ Jisösnöñ i eka könahiba Köna keugö böhi aka Farisi mi qesim engiba kewö jiyök, “Sabat kendonöñ azi mem ölöwak wañgiba mewö mianñön Köna keu onğitpin me qahö?”

⁴ Mewö jiyökmö, yeñön göröñ qeba tatket. Tatketka böronñan azi mi misiriba mem ölöwaka melaii anök. ⁵ *Ani kewö jii mötket, “Engörejök kungörej morö me bulmakau azinñi mi Sabat kendonöñ o lömnöñ gema ewö, mi mönö ösumok örogetka kotma. Dañön mi qahö öroi kotpawak?” ⁶ Mewö qesim engii mianğö likepñi melenbingö lömböriba numbuñini muhungöba bök tatket. Mewö.

Jisösnöñ sile mem-öñgö-öñgö mi qetalök.

⁷ Farisi (Köna keugö kapañkölköl) azinöñ ambazip nenegöra köl öröm engiyöhi, yeñön dum qaiñe eu meköba tatkeri, Jisösnöñ mi eka mianğöra dopkeu kun kewö jii mötket, ⁸ * “Kunñan gi amembitkö lömbuanğörej köl öröm gihii mianğörej anda dum jegenñeyök qahö memba tatman. Mewö akñan ewö, tosatñi köl öröm engiyöhi, yeñgörejök kunñan gi goñgita qetbuñanjambuk akapuk.

⁹ “Yañön kañgoriga lömbuan toñan göhörej kaba kewö jibawak, ‘Gi dum ki mosötnöñga öñgöñgöñi yañön tatma.’ Mewö jima ewö, gi mönö wahöta bapñe emu eta dum memba tata gamugi senjombuk mötpanbuk. ¹⁰ Mewö qahöpmö,

* 13:35: Sum 118.26; Jer 22.5 * 14:5: Mat 12.11 * 14:8: Qam 25.6-7

kunöŋ köl öröm gihimawi, gi ölop dum siminŋe emu anda tatman. Mewö tatnöŋga lömbuanŋ tonŋan kota geŋa jima, ‘Alani, gi ölop kaba dum jegenŋe eu anda tatman’. Mewö jüga göŋön ambazip göbuk tata nene nezei, mönö körek yeŋgö jeŋine qetbuŋagabuk akŋan. ¹¹ *Mi kewögöra: Nanŋini uruŋini memba öŋgömei, Anutunöŋ i körek memba et al eŋgima. Kunŋan nanŋi uruŋi memba etmawi, Anutunöŋ mönö i memba öŋgöba al waŋgima.”

¹² Farisi (Köna keugö kapaŋkölköl) azinöŋ ambazip köl öröm eŋgii lömbuanŋnöŋ tatketka jisösŋöŋ lömbuanŋ tonŋi liliŋgöba eka kewö jii mörök, “Gi silimgö me sunŋemgö lömbuanŋ kun ohoba miangöŋeŋ nanŋi alaurupki me darumunurupki mi kude köl öröm eŋgiman. Tinitosolomurupki me miri kasunŋaŋgö ambazip pomŋi qetbuŋaŋinambuk mi kude köl öröm eŋgiman. Mewöŋi lömbuanŋgöra köl öröm eŋginöŋi, i mewöŋanök köl öröm gihiba tosaŋi mi meköm gihiget teköma. Mewö akŋan ewö, Anutunöŋ mönö miangö töwaŋi qahö gihima.

¹³ “Mewö qahöpmö, lömbuanŋ mözözömgöba ohomani, gi mönö ambazip etqeŋeŋi mia köl öröm eŋgiman. Ambazip wanapŋi, simalokon aka jegömöl akzei, mönö mia eŋgoholnöŋga dop köлма. ¹⁴ Mi köl öröm eŋginöŋga yeŋön tosa meköm gihibingö osigetka gi miangöra simbawoŋ aka malman. Tosaŋini mi öne ahöi malnöŋga solanŋi yeŋön kömupnöhök wahötketka nalö miangöŋeŋ Anutunöŋ nanŋak mi göhöra meköm gihima.” Mewö.

Lömbuanŋ ali möndömöndö keu jiba tököget.

Mat 22.1-10

¹⁵ Jisösŋöŋ mewö jüga nene nempa tatket yeŋgöŋeŋök kunŋan mi möta kewö jii mörök, “Kunöŋ Anutugö bemtohoŋ uruŋe aŋgota nene nempa tatmawi, nöŋön yaŋgöra simbawoŋ jizal.”

¹⁶ Mewö jüga kewö melenöŋök, “Azi kunŋan sunŋemgö lömbuanŋ ke-taŋi mözözömgöba ohoba ambazip gwötpuk öröm eŋgiget kamegöra jiyök. ¹⁷ Lömbuanŋ nalöŋi kam kuŋgui welenqeŋeŋi kun melaii köl öröm eŋgimangö jiyöhi, yeŋgöŋeŋ anda jii mötket, ‘Yuai pampak lök mözözömgöingga ahöza. Miangöra mönö ölop kame.’ ¹⁸ Jii mötketmö, mi möta yeŋön körekmakörek könahiba yuai tosaŋe möndöba tököget. Mutukŋan jiyök, ‘Ni arö kun söŋgöŋeŋi mealanŋgöra miangöŋeŋ anda ekŋangö mötzal. Miangön jöhöm niŋgiza. Miangöra ölop anda jinöŋga möta kude möt bölim niŋgima.’ ¹⁹ Kunŋan jiyök, ‘Ni bulmakau aziŋi 10 söŋgöŋeŋi meali, mi kösönöŋ ilikŋine jöhöbi kinöŋ örogetka anda nup esapköba qeba qindipkömam. Miangön jöhöm niŋgizawaŋgöra ölop jinöŋga möta kude möt bölim niŋgima.’ ²⁰ Kunŋan toroqeba kewö jiyök, ‘Ni ambi urandöpki bohonŋi mealanŋgöra kamangö osizal.’

²¹ “Mewö jügetka welenqeŋeŋöŋ liliŋgöba azi kembuanŋgöra buzup mi jii mörök. Möta uruŋi könöp jeiga welenqeŋeŋi kewö jim kutum waŋgiyök, ‘Gi mönö wölaŋ taongö köna namŋe aka sombemnöŋ anda ambazip etqeŋeŋi, wanapŋi, köna böŋöŋi titingitŋi, jegömöl aka simalokon ambazip mi mönö eŋguaŋgitnöŋga lömbuanŋ miri uruŋe ki kame. ²² Jiyöhaŋgö dop ak teköba kaba kewö jiyök, ‘Kembuni, jim kutum niŋgizanaŋgö dop akzalmö, dum tiŋi tok ahöza.’

²³ “Mewö jüga azi kembunöŋ jiyök, ‘Gi mönö könanöŋ aka rowoŋqeŋeŋine anda ambazip tat anjei, mi kapaŋ köla kuŋgum eŋginöŋga lömbuanŋ miri uruŋe kaŋgota kokolak qeme. ²⁴ Nöŋön kewö jibi mötket: Ambazip mutuk köl öröm

* **14:11:** Mat 23.12; Luk 18.14

engimamgö jiali, yengöreñök kunñan kun nöngö lömbuanñöñ qahö kañgota nembra nahömñi mötma.” Mewö.

Jisösgö gwarek malmalgö könani

Mat 10.37-38

²⁵ Jisösnöñ ani ambazip kambu ketani yeñön wuatangöba angetka lilingöba kewö jii mötket, ²⁶ **“Kunñan nömbuk kaba malmam jiba ni göragöra al niñgiba iwinamñi, anöm-moröñi, darumunñi, nenbehötñi aka nanñi malmalñi mewöyök jegep ala jöpakömakzawi, yañön mönön nöngö gwarekni akñamgö osima. ²⁷ *Sisitñi megetka kunñan ni nuatangöba sihimbölö möta maripomñöñ kömumamgö qahö jöjörömawi, yañön mönön nöngö gwarekni akñamgö osima.*

²⁸ *“Engöreñök kunñan miri köröpñi memamgö mötza ewö, yañön mönön mutuk eta tata moneni miri mem tekömawangö dop akza me qahö, miangö könani kewöta ek kutuma. ²⁹ Mewö qahö aka miri tandöñi kömöta mi mem tekömamgö köhököhöñi qahö ahöm wangüiga mosöri öne kiniga ambazip pakpak mi eka könahiba jiji-ilit jiba mepaik wangibepuk. ³⁰ Mewö ak wangiba kewö jibepuk, ‘Azi mi könahiba miriñi meyökmö, mi mem tekömamgö qahö köhöyök.’ Miangö dop Jisös wuatangöman me qahö, mi törörök kewöta möt kutuman.” Mewö*

³¹ *Jisösnöñ keu mi toroqeba kewö jiyök, “Mewöyök kiñ azi kembu kunñan kiñ kunbuk aröñda ‘Bim qemam,’ jiba denöwö akña? Yañön zilañök kerök qahö al wangimapmö, mutuk jembonurupñi öröm tokom engii tata qambañ keu kewö eraum mötme, ‘Nanine aziurupnini 10.000 maljin aiga likepñe kerökurupnini mi 20.000 malje. Azi kemburinan i enguangita kaget engeka ölop köhöiba engubin me qahöpto?’ ³² ‘Qahö köhöibin,’ jime ewö, yañön kerök kiññöñ köröwen tariga miangöreñök jittjememeurupñi melaim engii yangöreñ anda luai qebingö goro eraum mötme. ³³ Mewöyök engöreñök kunñan yuai pakpak ahöm wangizawi, mi jegep almawanñön mönön nöngö gwarekni akñamgö osima. Miangöra mönön nia jegep al niñgigetka dop kölma.” Mewö.*

Howe nahömñi qahö mi yuaia omani kötökñi.

Mat 5.13; Mak 9.50

³⁴ *“Howe mi ölopñi akzapmö, sihimñi mosötma ewö, mi mönön denöwö möhamgöinga kunbuk sihimñambuk akawak? ³⁵ Nesak omani mi gölme kelökñambuk akñapaköra tokoba isonbasoñ alakzinmö, howe nahömñi qahö mi yuai kungöra qahö dop kölma. Qahö! Mi mönön önewat gölmenöñ gilinga geba öne töhöntöhön ahöma. (Gi mewöñanök nöngö gwarekni aka kambañe kutuba nömosötman ewö, mönön yuai omani akñan.) Kunñan kezapñambukñöñ malja ewö, yañön mönön keu mi möt kutuma.” Mewö.*

15

Lamanöñ sohöyök, miangö dopkeu

Mat 18.12-14

¹ **Takis tilipqilip aka megeri aka siñgisöndok ambazip tosatñi mi jesöngöñan Jisösgö Buñani mötpingö kaget. ² Mewö kagetmö, Farisi aka Köna keugö böhi yeñön Jisösgöra uruñinan böliiga irikuruk keu kewö jiget, “Azi miangö siñgisöndok ambazip engimemba yembuk tata nene neza.” ³ Mewö jigerangöra Jisösnöñ dopkeu kun kewö jii mötket,*

4 “Engöreenök kungö lamaaurupji 100 malgetka miengöreenök kunjan sohoba janjuj aniga tojan denöwö akja? Yanjon mönö 99 mi gölme qararankölkölne engömosöta anda mohot janjuj anöhi, miangö jaruba anda mala miwiknaiiga teköma. 5 Miwiknaiiba urusösöngai aka awötne ala kama. 6 Mire kaba alaurupji aka tosatji kösutje malmei, mi engoholi tokogetka kewö jii mötme, ‘Lamani sohoyöhi, mi lök miwiknaiizalañgöra mönö nömbuk söösöngai akin.’ 7 Nöjön kewö jibi mötme: Miangö dop singisöndok azi mohotjan uruji melenjawi, yanjöra Suep mire söösöngai ketani asuhuma. Ambazip 99 nanjine jenine solanji diñdiji aka urujini melenjingö qahö möta maljei, yanjöra söösöngai mewöni qahö asuhuma.” Mewö.

Monej kötni sohoyök, miangö dopkeu

8 “Mewöyök ambi kunjan silwö monej kötni 10 memba maliga miengöreenök mohokjan geba sohoiga denöwö akja? Yanjon mönö kiwa ohotiriba kapan köla miri usuña jaruma. Jaruba mala miwiknaiiga teköma. 9 Mi miwiknaiiba ambi alaurupji aka ambi tosatji kösutje maljei, mi engoholi tokogetka kewö jii mötme, ‘Nöngöreen soujeni mohotjan sohoyöhi, mi miwiknaiizalañgöra mönö nömbuk söösöngai aki.’ 10 Miangö dop nöjön kewö jibi mötme: Singisöndok ambazip kunjan uruji melenjiga Anutugö garataurupji yanjon miangöra söösöngai öngöngöni akje.” Mewö.

Nanji imbi-imbini azinöy kumkanjam aka imbinji melenjök.

11 Jisösnöj toroqeba kewö jiyök, “Azi kungö nahönyahötñi yahöt malo-hot. 12 Munjan iwinanjöra kewö jiyök, ‘Iwini, gi mönö monej sukinapki mendenä nöngö bahöni ninjiman.’ Mewö jiiga öroyuaini pakpak dopñire mendenä etkiyök. 13 Mi etkiiga nahöñni moröñan sömanji yahöt karöbut mala inap yuaini pakpak mi kölölohoba memba kantri kungen anök. Miangöreen anda nanji imbi-imbini aka köna ketani ambi yembuk kiam bau ewö söñaup malmal mala monej inapji gil teköyök.

14 “Yuai pakpak gil teköiga bödi (buöro) ketani asuhuba gölme pakpak mi dop kölö. Yanjon nalö miangöreen könahiba öngöñji aka osiyök. 15 Osiba kantri miangö toñi kungöreen anda nupköra qesim wanjiiga melaii yanjö bau selje geba bau galömnina malök. 16 Miangöreen mali bau yanjon sokop kötni neget eka ‘Ölöp mi nembini gölömnini dop kölbawak,’ jiyökmö, mi mewöyök kunjan qahö wanjiyök.

17 “Mewö mala uruji ahuiga kewö jiyök, ‘Iwinanjö nup ambazip wanat awamji yanjon nup megetka söngöröñi engii nene nem timbireñ aka maljemö, nöjön kianjöreen uzukörörap aka bödi mala kömumangö akzal. 18 Ni mönö wahöta iwinanjöreen lilingöba anda kewö jibi mötma, ‘Iwini, ni singisöndok memba miangö gi aka Suep Toñi qetal etkiba qetki mem böliäl. 19 Miangöra göñön kunbuk nöngöra ‘Nahöni,’ jimananjö dop qahö akzal. Gi ölöp jinönga welenqeqega kun akjam.’

20 “Mewö jiba wahöta iwinanjöreen anök. Anda mala miri dopdowii iwinan tikep endu kinda ehi kaiga wösöñi pöröraköiga ehoriba ösumjan diñdingöba anda imbinje gili geiga numbuñi yöhötim nembani ‘Nahöni, owe owe!’ jiyök. 21 Mewö ahökmö, nahöñnan jiyök, ‘Iwini, ni singisöndok memba miangö gi aka Suep Toñi qetal etkiba qetki mem böliäl. Miangöra göñön kunbuk nöngöra ‘Nahöni,’ jimananjö dop qahö akzal.’

22 “Mewö jii iwinan miangöreenök welenqeqeurupji kewö jii mötket, ‘Injini mönö ösumok maluku aködamunñambuk kun memba kaba löngöt wanjiget.

Ila jalö imbiñe köla meñölöm wañgiba köna esu könañe löngöt wañgiget. ²³ Mewöyök selnöñ anda bulmakau dömnji kelöknambuk kun memba kaba qeba ohogetka nemba sösöngai albin. ²⁴ Nahöni ki kömum taköyöhañön mönö kunbuk guliba kaza. Yanñön lök sohoigun Anutunöñ kunbuk miwikñaiiga asuhum tinjitza.’ Mewö jiiga könahiba sösöngai alget.

²⁵ “Sösöngai algetmö, datñan nupnöñ mala lilingöba miri dopdowiba miangöreñ linjet gwawet köla unduba söñgaigeri, miangö kourukñi mörök. ²⁶ Mi möta welen morö kun qeri kaiga ‘Mi denöwögöra akze?’ jiba qesim wañgiyök. ²⁷ Qesim wañgiiga kewö jiyök, ‘Mungan lilingöba kaiga iwiñan i kunbuk meiga unditundit aiga miangöra jiiga bulmakau dömnji kelöknambuk qeba ohoba söñgaize.’

²⁸ “Mewö jiiga irimñi seholiiga mire öñgömangö tököyök. Tököyökmö, iwiñan mi möta yaigep eta uruluai keu ösöñ jiba mölöwörim wañgiyök. ²⁹ Mölöwörim wañgiyökmö, yanñön melenña kewö jiyök, ‘Iwini, nöñön yambu gwötpuk welenji qeba mala jimkutukutugi nalö kunöñ qahö ongita malalmö, töndup göñön nalö kunöñ meme (noniñ) moröñji kun alaurupni yembuk sösöngai albingöra qahö niñginöñ. ³⁰ Qahö niñginöñmö, nahöngi kianñön köna ketanji ambi yembuk mala moneñ inapki ayuhuba kanjoriga göñön mönö yanñöra aka jinöñga bulmakau dömnji kelöknambuk qeba ohoze.’

³¹ “Jiiga iwiñan kewö jii mörök, ‘Nahöni, gi nalö dop nanambuk malakzan. Miangöra nani buñanji pakpak mi mönö göhö buñaya mohok akza. ³² Mohok akzapmö, mungi kianñön kömum taköyöhañön kunbuk guliba kaza. Yanñön lök sohoiga Anutunöñ kunbuk miwikñaiiga asuhum tinjitza. Miangöra dölnki nene sösöngai alinga dop kölja.’” Mewö.

16

Sukinap galöm tilipqilipñambukö dopkeu

¹ Jisösnöñ gwarekurupñi keu kun kewö jii mötket, “Azi pomñi kungö sukinap galömñi kun malök. Tosatñan kaba azi pomñi mi luasö keu jiget mörök, ‘Yanñön göhöreñ moneñ inapki köndenña lañ gila malja.’ ² Mi möta galöm mi jii kaiga jim wañgiyök, ‘Ni göhöra buña bölöñji jiget mötzal. Gi nöñgö miri aka sukinapni kunbuk galöm kölmanangö dop qahö akzan. Miangöra mi denöwö galöm köla malnöñ, miangö löpötnji jim asarim niñgiman.’ ³ Mewö jiiga uruñan kewö mötmöriyök, ‘Miri tonjan galömkölköl nupni noangiri denöwö akñamto? Ösumni qahö dop köljawanñöra gölme esimangö osizal aka ulet azi malmangö gamuni mötzal. ⁴ Yanñön galömkölköl nupni noangitmawi, nöñön nalö miangöreñ denöwö akiga tosatñan mirinñine köl öröba köyan kölniñgibeak? Aha! Köna kun mötmörizal.’

⁵ “Mewö jiba ambazup tonjan tosa al enjiyöhi, mi pakpak nannik nannik öröm enjiiga kaget. Mutukñan kaiga yanñöra kewö jiyök, ‘Tonangöreñ tosa göhöreñ dawik ahöza?’ ⁶ Mewö qesiiga jiyök, ‘Oil dram 100 meal.’ Mewö jiiga kewö melenñök, ‘Gi tosa papiagi memba ki tata ösumok uteköba 50 ohonöñga ahöma.’ ⁷ Mewö jiba azi kun qesim wañgiyök, ‘Aka gi? Göhöreñ tosa dawik ahöza?’ Qesiiga kewö jiyök, ‘Wit flaua mi 21.000 kilogram meal.’ Mewö jiiga jiyök, ‘Gi tosa papiagi memba miangöreñ 16.800 kilogram mewö ohonöñga ahöma.’

⁸ “Mewö aiga miri tonjan möta jim-ölöwak keu kewö jiyök, ‘Galömnan tilipqilip qakñe yuai ahöhi, mi mötkutukutu ölöñji kondelja.’” Kembu

Jisösnöŋ kösohot mewö jiba toroqeba jiyök, “Söŋaupkö ahakmeme wu-atanömakzei, yengö mötkutukutuŋini mi ambazip tosatŋi merak maljei, mi tilipqilip ak engimeangö dop ahözapmö, Anutugö asakŋe maljei, yengö mötkutukutuŋini mi mianjö bapŋe akza.

⁹ “Mianjöra kewö jibi mötket: Tosatŋan gölmegö monen inapnöŋ ambazip tilipköm engimakzemö, enön mönö mianön memba alaurup miwikŋaim engime. Mi miwikŋaim engigetka gölmegö yuainöŋ qahöwakŋawi, Anutunöŋ mönö nalö mianjören köl öröm engiiga malmal köhöikŋi mire aŋgota teteköŋi qahö malme.

¹⁰ “Kunŋan yuai morörökŋi memba kapan köla törörök galöm köljawi, yaŋön mönö yuai ketanŋi mewöyök törörök galöm köлма. Kunŋan yuai morörökŋi galöm köla kitik-katuk akzawi, yaŋön mönö yuai ketanŋi mi mewöyök galöm kölmapkö jiinga kitik-katuk akŋa. ¹¹ Gölmegö monen inapŋi böröŋine algetka mi pöndaŋ qahö galöm kölgetka ölnŋi qahö asuhuyök ewö, kunŋan mönö yuai buŋaŋi öŋgöŋgöŋi ölnŋi mi böröŋine qahö alma. ¹² Inŋini tosatŋi yengören yuai mi pöndaŋ qahö galöm kölgetka ölnŋi qahö asuhuyök ewö, nanŋini uruŋinaŋgö buŋa ölnŋi mi daŋön kun engibawak?

¹³ * “Welenqeŋe kunŋan kembu yahöt welen qem etkimangö osimakza. Kunŋan mewö akŋangö mötzawi, yaŋön mönö kun kazik ak wangiba kun uruŋan jöpaköma. Kungören qekötahöba kun jijiwilit ak wangima. Mianjöra enön Anutu aka monen inap mi mindiriba welen qem etkibingö osime.” Mewö.

*Monengö urukönöp akepakö goro keu
Mat 11.12-13; 5.31-32; Mak 10.11-12*

¹⁴ Farisi (Köna keugö kapankölköl) yehön monengö nahöm gwötpuk ahöm engii malgerangöra Jisösnöŋ keu pakpak mi jiyöhi, mi möta je misiba ilit wangiget. ¹⁵ Ilit wangigetka kewö jii mötket, “Farisi enön mönö ambazip jeŋine solanŋi tandök kondel engibingö könöpuk ahakzemö, Anutunöŋ uruŋinaŋgö könaŋi möt kutum teköza. Ambazip jeŋine yuai kungöra mötketka öŋgöŋgöŋi akzawi, mi Anutunöŋ ehi imbilonŋonambuk ahakza.

¹⁶ * “Bemtohoŋgö könaŋi mi Mosesgören Köna keunöŋ aka kezapqetok ambazip yengö Buzup Kimbiŋine ohogetka oyonnda mala koringa Jonöŋ asuha ölnŋi aukŋe indelök. Nalö mianjörenjökö könahiba keu mi jim sehiba Anutugö bemtohoŋe aŋgotmegöra ambazip uruŋini kuŋgumakzin. Ambazip körekŋan mönö jaram tiba kapan köla bemtohoŋ mianjö uruŋe aŋgotpingö ahakze.

¹⁷ * Suep gölmenöŋ göröŋ qemahotkö dop akzahotmö, Köna keugö kulem jönbölanŋi mohok-kun mi nalö kungen qahö kötökŋi ayapköma. Mewö.

¹⁸ * “Azi kunŋan anömnŋi mosöta ambi kun memawi, yaŋön mönö qesabulum akŋa. Azi kunŋan ambi aŋŋan mosöröhi, mi memawaŋön mönö mewöyök qesabulum akŋa.” Mewö.

Azi pomŋi aka Lazarus

¹⁹ “Azi pomŋi kun malök. Yaŋön opo maluku gugakgugak pisikŋi aködamanŋambuk löŋgöta mala nalö dop nene söŋgaip aka siyonŋsayonŋi qahö malök. ²⁰ Mewö malökmö, yaŋgö miri nanŋuŋi kösutŋe azi wanapŋi kun qetŋi Lazarus ahöba malök. Uzi nömböŋnöŋ silenŋi dop köla tarök. ²¹ Wösöŋi aliga gwarönöŋ ahöba azi pomŋangö tebolnöhökö nene irip boromŋi eri mia

* 16:13: Mat 6.24 * 16:16: Mat 11.12-13 * 16:17: Mat 5.18 * 16:18: Mat 5.32; 1 Kor 7.10-11

nemamgö mörök. Mōta ahōiga kiam yeñon kaŋgota uzi nõmbõñi bõzõba malget.

²² “Mewō mala wanapñi yañon kõmuyök. Kõmui Suep garata yeñon wañgita õngõba Abrahamgö qõhõrõñe alget tarök. Azi pomñi yañon mewõñanök kõmuiga lõm kõlget. ²³ Lõm kõlgetka kõmupkõ senjom mire geiga jem sõlõngõi sihimbõlõ ketanji mōta ui õngõiga Lazarus Abrahamgö qõhõrõñe kõrõwen endu tari etkehök. ²⁴ Etkeka silata qeta jiyök, ‘O iwini Abraham, mōnõ wõsõgi mōt niñgiman. Ni kõnõp bõlamnõñ nohoi kiangõreñ wahõjalij õngõñgõñi mōta kinjal. Miangõra mōnõ Lazarus melainõñ anda kesõt suñan onõñ kusahõla kaba nesilamne mirii amõrima.’

²⁵ “Mewō jiyökmõ, Abrahamnõñ melenñök, ‘Nahõni, mōnõ ki mōtmõrinõñ anök. Gõñon gölmenõñ malmal sõsõngainjambuk lõk malnõñ tekõyökmõ, Lazarusnõñ gölmenõñ malmalñi qemjem-mamjenj aka malök. Mewō malökmõ, nalõ kewõñe urukõlalep ak wañgiinga tatzapmõ, gõñon sihimbõlõ mōta wahõjalij qakñe kinjan. ²⁶ Mewō maljin aiga toroqeba kewõ jizal: Anutunõñ nini aka iñini sutnine mendenja jabõ al kõhõii ahõza. Miangõra tosatñan jabõ qõsõkõba neñgõrenjök eñgõreñ kañgotpingõ mõtpeak, mi mōnõ osime. Mewõyök likep endu maljei, eñon mewõyök neñgõreñ yuhu kañgotpingõ qakõme.’ ²⁷ Mewō jiiga kewõ jiyök, ‘Iwini, mewõ aiga kewõ ulet gihizal: Gõñon mōnõ Lazarus melainõñga iwinanõñ mire anma. ²⁸ Miri miangõreñ darumunurupni 5 maljei, yeñon mewõñanök senjom miri kiangõreñ eta sihimbõlõ ketanji mõtpepek. Miangõra mōnõ jinõñga anda kezapqetok keu jii mõtme.’

²⁹ “Mewō ulerökmõ, Abrahamnõñ jiyök, ‘Qahõ! Mosesgõ Kõna keu aka kezapqetok ambazip yeñgõreñ Buzup Kimbi mi yeñgõ buñaya ahõza. Keu mia mōnõ kezap ala mõtme!’ ³⁰ Mewō jiiga kewõ jiyök, ‘O iwi Abraham, mewõ qahõpmõ, kõmukõmuñi neñgõrenjök kunñan yeñgõreñ anbawak, mewõ mōnõ uruñini melenbeak.’ ³¹ Jiiga Abrahamnõñ kewõ jii mörök, ‘Yeñon Moses aka kezapqetok ambazip yeñgõ keugõra kezap qahõ alje ewõ, mewõñanök kõmukõmuñi neñgõrenjök kunñan wahõta keu jibawak, yeñon mōnõ tõndup Anutu qahõ mõt narim wangibeak.’ ” Mewõ.

17

Singisõndokõ kõlgorom mōnõ qetal eñgime.

Mat 18.6-7, 21-22; Mak 9.42

¹ Jisõsnõñ gwarekurupñi keu kewõ jii mõtket, “Bõlõñanõñ supatitikñan mōnõ awamñanök asuhumakza. Kunõñ supatitik anõñ kõlmamgõ osimakzapmõ, kun danõñ tosatñi kõlgorom ak eñgiiga singisõndok akñei, yangõra mōnõ wõlzikõba ‘Ye!’ jizal. Sihimbõlõ õngõñgõñan mōnõ yangõ qakñe õngõma. ² Yañon ambazip morõñi yeñgõrenjök kun kõlgorom ak wañgiiga singisõndok akñawi, azi mianõñ mōnõ lõmbõt õngõñgõñi miwikñaima. Anutunõñ lõmbõt mianõñ likepñi denõwõ wañgiiga dopñe akawak? Kemuñ jamõññij jõlñe jõhõba kõwet rõndumnõñ gilget mulumgõi gebawak, mianõñ mōnõ awamñi ahum wañgi tandõk akawak.

³ * “Miangõra mōnõ nanñini galõmñini mem anõguba malme. Alagi kunñan singisõndok akzawi, i mōnõ jim mindij ak wañgiman. Jim mindij ak wañginõñga mōt bõlim anõguba wõsõñi mõtma ewõ, gi mōnõ singisõndokñi mosõt wañgiman. ⁴ Wehõn kungõ uruñe singisõndok 7 ak bõlim gihiba indimñi

* 17:3: Mat 18.15

7 göhöreŋ lilingöba kewö jima, ‘Alani, ni siŋgisöndok akzalaŋgöra möt bölim aŋguzal.’ Mewö jima ewö, gi mönö siŋgisöndokŋi mosöt waŋgiman.” Mewö.

Mötnaripkö öljŋi mi kukösumŋambuk.

Mat 17.20; 21.21; Mak 11.23

5 Aposol yeŋön Kembugöra jiget, “Mötnaripnini mönö toroqeba mem köhöiman.” 6 Mewö jigetka Kembunöŋ melenök, “Mötnaripŋinaŋgö öljŋi mi nejoŋ kötnaŋgö dop ahöbawak ewö, eŋön ölop nömözup ip* kiaŋgöra kewö jim kutubeak, ‘Gi mönö jöla jalögabuk wahöta luhuba köwetnöŋ geba nangi kömöta kinman.’ Mewö jiba möt narigetka ip mianŋön mönö keunŋini tem kölma.” Mewö.

Welenqeŋe ölopŋi mi denöwö?

7 “Eŋgöreŋök kungö nup azinöŋ bulmakau memba nupnöŋ anda kinon öroi gölme mesiŋma me lama galömnŋina malma. Mala mire kaŋgori miangöreŋ toŋan kewö jii mötma me qahöpto, ‘Gi mönö mire kota tata nenegi neman.’ 8 Mewö qahö! Yaŋön mönö kewö jima: ‘Gi mönö o ariba möhamgöm aŋguba suŋgemgö neneŋamni ohoba ala niŋginöŋ nemam. Miangö andöŋe nangi neneŋamgi ohom neman.’ 9 Mewö jim kutum waŋgiiga nup azinŋan jiyöhaŋgö dop nupŋi mem teköi dop köliga galömnŋan miangöra möpöseim waŋgima me qahö? Qahö! 10 Eŋgö könaŋini mi mewöŋanök ahöza. Galömnŋinan yuai pakpak jim kutum eŋgiyöhi, iŋini mi ak teköba miangöreŋ kewö jime, ‘Nini nup ambazip töhöna maljin. Galömnŋinan yuaigöra jiyöhi, mönö miyök memba kaŋzaŋgöra möpömpöseim jarubingö osizin.’” Mewö.

Jisösnöŋ azi 10 silenŋini mem solaniyök.

11 Jisösnöŋ Jerusalem sitinöŋ anmamgöra Galili aka Samaria prowins yahöt mietkö sutjire köna ahöyöhi, miangöreŋ anök. 12 Könaŋöŋ anda miri kunöŋ aŋgoriga azi 10 silenŋini uzikukunambuk yeŋön miwikŋaiba eka tikep endu kinget. 13 Kinda köhöikŋanök qeta jiget, “Ketaŋamni Jisös, mönö neŋgöra ak kömum gihima!”

14*Qeta jigetka eŋgeka kewö jii mötket, “Iŋini mönö jike nup galöm yeŋgöreŋ anda silenŋini kondel eŋgime.” Mewö jüiga tem köla könaŋöŋ angetka silenŋinan miangöreŋ solaniba ölöwahök. 15 Ölöwahökmö, 10 yeŋgöreŋök kunŋan silenŋi solanii eka lilingöba kaba Anutu köhöikŋanök qeta möpöseiyök. 16 Möpöseiba Jisösgö könaŋe geba sipköba simin köla ‘Saiwap!’ jiyök. Azi mi Samaria azia. Juda yeŋön Samaria prowinsgö ambazip yeŋgöra mötketka eretŋi ahakzapma.

17 Saiwap! jüiga Jisösnöŋ melenŋa jiyök, “Mi ölop akzanmö, azi pakpak 10 eŋgö silenŋinan lök solanim teköyök me? Azi 9 mienöŋ mönö denike malje? 18 Kian azi göŋön nangik lilingöba kaba Anutu möpöseizanmö, azi 9 yeŋön mönö anda nöhöŋgan akze.” 19 Mewö jiba kewö jii mörök, “Mötnaripkan mönö mem ölöwak gihiza. Miangöra ölop wahöta anman.” Mewö.

Anutugö bemtohoŋi mi denöwö asuhuma?

Mat 24.23-28, 37-41

20 Farisi (Köna keugö kapaŋkölköl) yeŋön Jisös kewö qesim waŋgiba jiget, “Anutugö bemtohoŋi mi mönö wanat nalönöŋ asuhuma?” Jiget möta melenŋa kewö jiyök, “Anutugö bemtohoŋan mönö jeninan ekinanŋö dop

* 17:6: Jisösnöŋ mulberi ip kun kondelök. Ip mi nömözup ewöya, kötnŋi köuruk (köwörörök) kötnŋi ewö neneŋa. * 17:14: Lew 14.1-32

qahö asuhuma. ²¹ Mötket! Anutugö bemtohoñi mi sutñine uruñine asuhuba ahöza. Mianğöra mi kianğöreñ me enduyangöreñ ahözawi, mewö jibingö osimakzin.”

²² Jisösnöñ gwarekurupñi kewö jii mötket, “Könañgep nalö kun kam kungumawi, mianğöreñ Suep gölmegö azi ölnağö nup meme wehönñi miengöreñök kun ekingö ak enğimapmö, mi kunbuk ekingö osime. ²³ Nalö mianğöreñ kewö jiget mötme, ‘Mötket! Amötqeçe Toñan mönö endu malja. Mötket! Mönö ki asuhuza.’ Mewö mewö jigetka i ekingöra mianğöreñ ösumok kude luluhuba anme. ²⁴ Mi kewögöra: Suep gölmegö azi ölnañ kunbuk kamawi, nalö mi wölbilikö dop kewö akña: Mi suep likepñeyök zilañ biliksik ala asariba likepñe dop köla anjawi, yañön mönö mianğö dop asuhuma. ²⁵ Könañgep mewö asuhumapmö, mutuk ambazip nalö kewöñe gölmenöñ maljei, yeñön azi mi yaköriba andö qem wañgetka sihimbölö ketañi mötma.

²⁶ * “Mönöwök Noagö nalöñe ambazipnöñ malmalñini qemasolokep qakñe mala ayuhugeri, mianğö dop mönö Suep gölmegö azi ölnañ kunbuk kamawağö nalöñe mewöyök asuhuma. ²⁷ * Noagö nalöñe nene lömbuar ala o köhöikñi namba ambi kenam bohonnağö alget anda kaiga ağıomeget. Ahakmeme mewö aka memba qemasolokep malgetka Noanöñ wañge uruñe öngöyöhi, silim mianğöreñ teköyök. Teköiga o göulu ketañan kaba ambazip jinonñi qahö löm köl enğii o nemulahöba kömuget.

²⁸ * “Lotkö nalöñe mewöyök qemasolokep malgetka mewöñanök asuhuyök. Ambazipnöñ nene lömbuar ala o jawat namba nup köl kömöta jike miriñini memba qeköm nemi ala yuai bohonñi memegöra algetka yuai tosatñi bohonñi memba malget. ²⁹ Mewö aka memba malgetmö, Lotnöñ Sodom miri mosöta aniga wehön mianğöreñök könöp aka köt sömsöm könöpñambuk mi mönö kie ewö suepnöhök eta ambazip jinonñi qahö engohoi kömuget. ³⁰ Könañgep Suep gölmegö azi ölnañ kunbuk asuhumawi, nalö mianğöreñ ambazipnöñ mewöñanök qemasolokep aka mala ayuhume.

³¹ “Silim mianğöreñ sombemnöñ malmawañön mönö inap yuainñi memağöra miri uruñe kude öngöma me nupnöñ anda malmawañön mönö mewöñanök miriñe kude liliğöba kama. ³² Lot anöññan melenđa andöñe uba kömumba köt ahöhi, mönö mi mötmörime. ³³ * Kunñan malmalñi siyonşayonñi qahö nanñağöra ağıön köla nanñi imbi-imbi malmamğö mötzawi, yağö malmalñan mönö sohumapmö, kunñan malmalñi nöngöra aka köleñniga sohumawi, yañön mönö malmal ölnağö könañi miwikñaiba oyaenköyaen malma.

³⁴ “Nöñön kewö jibi mötket: Sunğem mianğöreñ azi yahöt dumnöñ mohotñe ahöyohotka yetköreñök kun wañgita kun mosötme. ³⁵ Mewöyök ambi yahöt mi mohotñe tawerñ urasiba (bunahöba) tatmahori, yetköreñök kun wañgita kun mosötme.” ³⁶ (Azi yahöt nupnöñ malohotka yetköreñök kun wañgita kun mosötme.)

³⁷ Jisösnöñ mewö jiiga gwarekurupñan melenđa jiget, “O Kumbu, mi denikeağöreñ asuhuma?” Mewö jigetka kewö jii mötket, “Sömbup gisakñan kungen göröken ahömawi, manu köraraknöñ mönö mianğöreñ öröba tokomakzei, mönö mianğö dop asuhuma.” Mewö.

* **17:26:** Jen 6.5-8 * **17:27:** Jen 7.6-24 * **17:28:** Jen 18.20–19.25 * **17:33:** Mat 10.39; 16.25; Mak 8.25; Luk 9.24; Jon 12.25

18

Malönöj kapañ köla uleriga azi ketanjan bauköyök.

¹ “Inini mönö nalö dop Anutu köuluköba qemalokolip qahö aka malme.” Jisösnöj mewö jiba miangö dopkeuñi kewö jii mötket, ² “Taon kunöñ keu jimtekötekö azi kun malök. Yanön ambazip yengö keugöra gamuñi qahö möta nanñi imbi-imbi mala Anutugö jitrñi ongitpilenbuköra kenğötñi qahö mörök. ³ Taon miangörej malö ambi kun malök. Yanön sundan dop keu jimtekötekö azi miangörej anda kewö jiba malök, ‘Kunñan nömbuk anğururuk akzawanğöra göñön ölop bauköm niñgibanak.’

⁴ “Mewö jiiga nalö köröpnji mi möta andö qeba malökmö, könanğep uruñan kewö jiyök, ‘Nöñön ambazip yengö keugöra gamuni qahö möta nani imbi-imbi mala Anutugö jitrñi ongitpilenbuköra kenğötñi qahö mötzal. ⁵ Mewö maljalmö, malö kianñon mönö keu söksök pöndañ jim niñgiba kamakzawanğöra ölan nöhöiga ölop bauköm wanğibiga keuñi teköma. Qahö bauköm wanğibileñak ewö, yanön mönö qösösök kaiga qeriqerini mötpilenbuk.’ ”

⁶ Kembunöj kösohot mi mem teköba jiyök, “Jimtekötekö azi goñgoñan keu jiyöhi, mönö miangöra kezap ala könañi mötmöriğet. ⁷ Anutunöñ ambazip nanñanğöra möwölöhöm enğiyöhi, yeñön sunğem asak bauköm enğimapköra köulukögetka Anutunöñ mönö yengö keuñini kewöta jim teköi ölöwakñe. Bauköm enğimamğö jiba tañqañ qahö aka nalö qahö könjörari öngöma. Mi qahöpmañ! ⁸ Nöñön kewö jibi mötket: Anutunöñ mönö nalö kude köriğa keuñini kewöta jim teköi ölöwakñe. Wölan bauköm enğimakzapmö, mi töndup Suep gölmegö azi ölnan lilingöba kaba ambazip kewöt enğimawi, nalö miangörej mötnariñ ölnji miwikñaima me qahöpto?” Mewö.

Farisi aka takis meme yetkö köulukñji

⁹ Ambazip tosatñan nanñinanğö mötket öngöiga solanñi diñdiñi akzin jiba tosatñi mötketka eretñi ahök. Jisösnöñ i enğeka dopkeu kun kewö jii mötket, ¹⁰ “Azi yahötñan jöwöwöl jikenöñ öngöba köuluköyohot. Kunöñ Farisi aka kunñan takis meme azia.

¹¹ “Farisi (Köna keugö kapañkölköl) yanön kinda nanñök kewö köuluköyök, ‘O Anutu, ambazip tosatñan uruñini goñgiğa kalöpmalöp aka sero yoñgorö ahakze, ni yengö dop qahö maljal me takis meme endu kinjawi, ni yangö dop mewöyök qahö maljal. Miangöra saiwap jim gihizal. ¹² Nöñön sonđa dop sömañi yahöt nenegö siñgi malakzal. Nöñön monen inapni pakpak mendenđa 10:nöhök mohok Anutugö buñaya qemakzal.’

¹³ “Mewö köuluköyökmö, takis meme yanön wanğömtñi kunöñ kinda Suepnöñ eu umamğö gamuñi möta böröñan jeni esuhuba kewö köuluköyök, ‘O Anutu, siñgisöndok azi ni mönö ak kömum niñgiman.’ ¹⁴ *Nöñön kewö jibi mötme: Yanön mönö Anutugö jeñe solaniba miriñe lilingöyökmö, Farisi (Köna keugö kapañkölköl) yanön mewö qahö. Denike yeñön nanñini uruñini memba öngömei, Anutunöñ mönö i körek memba et al enğimapmö, kunñan nanñi uruñi memba etmawi, Anutunöñ mönö i memba öngöba al wanğima.” Mewö.

*Jisösnöñ nahönbörat kötuatköm enğiyök.**Mat 19.13-15; Mak 10.13-16*

¹⁵ Ambazip tosatñan nahönbörat morömorö mewöyök enğuanğita Jisösnöñ böröñan enğimisirimapköra yangörej kaget. Kagetmö, gwarek yeñön mi

*

eka jim qetal ak engiget. ¹⁶ Mewö aketmö, Jisösnöy nahönbörat mi köl öröm engii kagetka kewö jiyök, “Nahönbörat moröni mi ölop engömosötketka nöngörej kame. Anutunöy ambazip mewö mia bemtohoñi buña qem engima. Mianğöra i kude jöhöm engime. ¹⁷ Nöñön keu ölni kun kewö jibi mötme: Kunñan Anutugö bemtohoñi mi nahönbörat ewö buña qahö qem anğumawi, yañön mönö mianğö uruñe anğotmamgö osima.” Mewö.

Jisösnöy azi pomñi kungö qambañ keu jiyök.

Mat 19.16-30; Mak 10.17-31

¹⁸ Galömkölköl azi kunñan Jisösgörej kaba kewö qesim wañgiyök, “Böhi ölöpnji, nöñön mönö denöwö aka malmal köhöikñañğö buña qem anğubileñak?”

¹⁹ Qesim wañgiiga kewö jii mörök, “Gi nöngöra ‘Böhi ölöpnji’, mi wuanöñğöra jizan? Anutu mohotñan ölöpnji akza. Azi kunñan i ewö ölöpnji qahö akza.

²⁰ *Gi jöjöpan keu ki möt teközan, ‘Sero yoñğorö kude akñan, Ambazip kun kude qenöy kömuma, Yoñğorö kude meman, Jitnöy alal keu kude jiman, Iwinamgi mönö göda qem etkimakñan.’”

²¹ Mewö jiyökmö, galömkölköl azinöy kewö jiyök, “Mi pakpak mönö gwaböneyök tem köla mala kotzal.” ²² Jii Jisösnöy möta kewö jii mörök, “Mohot-kungöra kewö osizan. Gi mönö anda sukinapki pakpak söngöröñi memegöra alnöy moneñ kaiga meñdenđa ambazip wanapñi engiman. Mewö aknöñga sukinapki ketañi (guli masapu, milyön kina ewö) mi Suep mire ahöm gihima. Mewö aka ni nuatanğöba kaman.” ²³ Mewö jiyökmö, azi mianñön kindiñbirik malöhañğöra aka keu mi möta wösöbirik aka jeñi asöliiga öne mosöta anök.

²⁴ Wösöbirik ahöhi Jisösnöy mi eka kewö jiyök, “Ye! Ambazip moneñ inapñinambuk yeñön mönö Anutugö bemtohoñnöy anğotpingö lömböriba kupuk-kapak akñe. ²⁵ Mi kewö jim tuarimam: Sömbup ketañi kamel mi kondi kinimñe ölop qahö anğotma. Mianğö dop ambazip pomñi yeñön Anutugö bemtohoñ uruñe anğotpingö lömböriba qaköme.”

²⁶ Keu mi jii mötkeri, yeñön kewö jiget, “Opopon! Ambazip dañön mönö Suepkö buñaya akawak?” ²⁷ Mewö jigetka kewö meleñnök, “Ambazipnöy mi esapköba osiba qakömakzemö, Anutunöy mönö yuai pakpak ölop ahakza. Yañön yuai kun aka memamgö qahö osiba qakömakza.”

Jisösgö nup memegö töwari

²⁸ Pitönöy keu mi möta meleñđa kewö jiyök, “Mötnöy, neñön mönö miri gölmenini mosöta gi guatanğöba kain.” ²⁹ Mewö jiiga Jisösnöy kewö jii mötket, “Nöñön keu ölni kun kewö jibi mötme: Kunñan Anutugö bemtohoñanğöra aka yuai kun mosöröhi, - mi miri gölmeñi, anöm-moröñi, darumunñi me iwinamñi - mi engömosöriga ³⁰ Anutunöy mönö salupñe toroqeba oñgita likepñi meleñ wañgiiga mi gölmeğö malmalnöy mema aka malmal könañgepñe malmal köhöikñi teteköñi qahö buña qem anğuma.”

Jisösnöy kömumamgö keuñi jiiga karöbut ahök.

Mat 20.17-19; Mak 10.32-34

³¹ Jisösnöy gwarekurupñi 12 mi öröm engii kagetka kewö jiyök, “Mötket, nini Jerusalem öñgöbin. Kezapqetok ambazipnöy Suep gölmeğö azi ölnañğöra keu pakpak ohogeri, mi mönö ölnambuk ak teköma. ³² Kunöy i mamalolo mem wañgiiga kian gawman yeñö böronñine gema. Yeñön jijiwilit aka

* 18:20: Eks 20.12-16; Dut 5.16-20

mepaiköba keu töhöreñ jim wañgiba söutkölap qeme. ³³ Söutkölap qeba ihilek wahinambuknöñ taukóm wañgiba qeget kömuma. Kömumba wehön karöbut aiga kömupnöhök wahötma.”

³⁴ Mewö jiyökmö, gwarek yeñön keu mi qahöpmañöp möt asariget. Keu jiyöhi, mi asa-asambötñe ahöiga mi qahö möt kutuget. Mewö.

Jisösnöñ jegömöl azi kun mem ölöwahök.

Mat 20.29-34; Mak 10.46-52

³⁵ Jisösnöñ anda Jeriko mire dopdowiiga jegömöl azi kunñan nene monen wañgimegöra uleta köna jitñe tarök. ³⁶ Tariga ambazip kambu könanöñ onñgita angetka kourukñini möta “Wanat yuai asuhuza?” jiba qesim enñgiyök.

³⁷ Qesim enñgiiga kewö jiget, “Jisös, Nazaret azinöñ mönö könanöñ kaba goñgitmamgö akza.”

³⁸ Jigetka kewö qerök, “Jisös, Deiwidkö gwölönarökñi! Gi mönö ak-kömum ninñiman!”

³⁹ Mewö qeriga ambazip mutuk angeri, yeñön böc tatmapköra qetal wañgigetmö, yañön kapan köla qet gigilahöyök, “Deiwidkö gwölönarökñi! Gi mönö ak-kömum ninñiman!”

⁴⁰ Qet gigilahöiga Jisösnöñ döörök ala kewö jim kutuyök, “I mönö böröñe memba nöñgöreñ kame.” Jiiga memba dowe kanñgotketka kewö qesim wañgiyök,

⁴¹ “Alani! Gi mönö wani yuai ak gihimamgöra mötzan?” Qesim wañgiiga jiyök, “Kembu! Ni jeni kunbuk umamgöra mötzal.”

⁴² Jiiga Jisösnöñ kewö jii mörök, “Mönö jegi ünöñ. Mötnariplan mönö mem ölöwak gihiza.”

⁴³ Mewö jiiga miangöreñjök jeñi tohoiga töörök uba Anutu möpöseiba Jisös wuatangöba andöñe anök. Ambazip pakpak yeñön yuai mi eka Anutu möpöseiget. Mewö.

19

Zakiusnöñ uruñi meleñök.

¹ Jisösnöñ Jeriko taonöñ kanñgota kutuba anmamgö ahök. ² Miangöreñ azi kun qetñi Zakius malök. Yañön azi pomñi aka takis meme yeñgö jittjemememina malök. ³ Yañön Jisösgö kaisongolomñi ekñamgö ak wañgiyökmö, azi tööröptökñangöra ambazip kambu sutñine kinda kökörüba osiyök. ⁴ “Jisösnöñ ki kaba neñgoñgitma,” jiget möta ekñamgöra ösumök anda ambazip enñgoñgita sikamore ip* qakñe öñgöba tarök. ⁵ Tari Jisösnöñ miangöreñ anñgota jeñan ui öñgöi eka yañgöra kewö jiyök, “Zakius, gi mönö ösumök etnöñ. Ni merak göhö mire kabi mohotñe tatpit.”

⁶ Mewö jiiga ösumök eta söñgaiba köl öröm wañgiiga miriñe anohot. ⁷ Anohotka ambazip körekan mi eka irikuruk aka kewö jiget, “Mönö wuanöñgöra siñgisöndok azi mewöñangö mire öñgöba tatza?”

⁸ Mewö jigetmö, Zakiusnöñ ambazip sutñine aukñe wahöta kinda Kembugöra kewö jiyök, “Kembu mötnöñ, nöñön ainemalukuni bibiñe mendenña likepñi ambazip wanapñi yeñgöra enñgimam aka denike yeñgöreñ öröyuai kun dop onñgita tilipqilip aka wañgirali, mi mönö ambemñi 4:gö dop toroqeba melenña enñgimam.”

* 19:4: Sikamore mi köwu ewöya, kötñi nenenña.

⁹ Mewö jiiga Jisösnöŋ yangö kōnaŋgōra kewö jiyök, “Anutunöŋ merak miri kiangö tonji amöt qem wanġii letotza. Yanjōn mewöyök Abrahamgö gwölōnarökurupŋi yeŋgö sutŋine malja. ¹⁰ *Suep gölmegö azi öljān mōnō ambazip sohogeri, mi jaruba amöt qem enġimamgōra aka erök.” Mewö.

Moneŋ esu 10 mendenġa enġiyök, miangö dopkeu.

Mat 25.14-30

¹¹ *Jisösnöŋ kaba Jerusalem siti dopdowiba keunji jii ambazip mi mötkeri, yeŋjōn kewö mötmōriġet, “Anutugö bemtohoŋgō öljān zilān asuhuma.” Mewö mötmōriġeraŋgōra Jisösnöŋ dopkeu kun kewö jiyök, ¹² “Azi qet-bunāŋambuk kunġan kewö jiyök, ‘Ni mirini mosōta kantri kunöŋ körōwen anbiga miangōreŋ ni kiŋ kembu kuŋgum niŋġigetka mala lilingōba kamam.’ ¹³ Mewö gölme körōwen anmamgö jiba nup aziurupŋi 10 enġoholi kagetka moneŋ esu 10 mendenġa enġiba kewö jiyök, ‘Nōŋjōn anda mala bian lilingōba kamam. Enjōn nalō sutŋe kiangōreŋ moneŋ kianjōn kölköl-örörō nup memba mem sehime.’ ¹⁴ Mewö jiba anökmō, kōnagesōurupŋan kazik ak wanġiba kewö jiget, ‘Nini azi kianjōn nanine azi kembu aka galōm köl neŋġimapkō töközin.’ Mewö jiba welen azi tosatiŋi melaim enġiget andōŋe anda buzup mi jiget mörök.

¹⁵ “Mewö mörökmō, töndup kantri anök, miangōreŋ yeŋjōn i azi kembu kuŋgum wanġigetka nanŋi prowinsnöŋ kunbuk lilingōba kayök. Kaba nup aziurupŋi moneŋ esu enġiyōhi, mi jiiga yangö jeŋe kaŋgotket. Mohot mohot yeŋjōn kölköl-örörō nup memba moneŋ mem sehigetka dawik asuhuyōhi, mi kondelget ekŋamgōra qesim enġiyök. ¹⁶ Nup azi mutukŋan jeŋe kaŋgota jiyök, ‘Kembu, nōŋjōn moneŋ esugi mem sehibiga toroqeba kunbuk esu 10 miwikŋaijal.’

¹⁷ “Mewö jiiga kewö jii mörök, ‘Mi ölöp. Gi nup meme azi ölöpŋi. Gi yuai morörökŋi memba mi kapaŋkapaŋ aka galōm köla malnōŋga sehuyök. Miangōra nōŋjōn taon gölme 10 mindiriba göhō börōge albi yeŋgö galōmŋina malman.’ ¹⁸ Mewö jiiga nup azi alaŋan jeŋe kaŋgota kewö jiyök, ‘Kembu, nōŋjōn göhō moneŋ esugi mem sehibiga toroqeba kunbuk esu 5 miwikŋaijal.’ ¹⁹ Mewö jiiga yangōra mewöyök kewö jii mörök, ‘Mi ölöp. Nōŋjōn taon gölme 5 mindiriba göhō börōge albi yeŋgö galōmŋina malman.’

²⁰ “Kunbuk kunġan kaŋgota jiyök, ‘Kembu eknöŋ. Göhō moneŋ esugi ki. Mi oponöŋ esuhuba lolongöbi ahöyök. ²¹ Göŋjōn azi kōnöpŋambuk akzanaŋgōra aka göhōra keŋgōtni möta malal. Gi nangak inap yuai kōwenöŋ qahö alnōŋi, mia töndup memamgö mörakzan. Gi nangak nene kötni qahö kōmōtnōŋga asuhuyōhi, miangö öljā mi töndup yandiba memamgö mörakzan.’

²² “Mewö jiiga melenġa kewö jim wanġiyök, ‘Gi nup azi bölöŋi. Nangak keu jizani, nōŋjōn miangö dop kewöt gihiba likepŋi melenġ gihimam. Ni azi kōnöpŋambuk akzal. Nanak yuai kōwenöŋ qahö ala mi memamgö mörakzal. Nanak nene kötni qahö kōmōta miangö öljā mi töndup yandiba memamgö mörakzal. Mi ölöp möta malnōŋ. ²³ Gi kōnani mewö mötagun mōnō wuanōŋgōra moneŋ esuni mi benknöŋ qahö alnōŋga qaruyök. Mi kölköl-örörō nupnōŋi albanak ewö, mianjōn mōnō sehiiga nōŋjōn kaba suŋambuk membilenjak.’

²⁴ “Mewö jiba azi kösutŋe kingeri, mi kewö jii mötket, ‘Inini mōnō yangö börōŋeyök moneŋ esuŋi mi wanġita esu 10 miwikŋaiyōhi, i wanġime.’ ²⁵ Jii

* 19:10: Mat 18.11 * 19:11: Mat 25.14-30

möta kewö jiget, ‘Kembu, yanğoreñ moneñ esu 10 mi lök ahöza!’ ²⁶ *Mewö jigetka melenđa jiyök, ‘Nöñön kewö jibi mötket: Ambazip yuai ahöm enğizawi, yenğöra körek mönö mi toroqem enğigetka sehimapmö, kungörej yuai kun qahö ahözawi, morörökñi mia mönö mewöyök wañgittetka öne töhön malma.’ ²⁷ Mewö jizalmö, kerökurupnan nöñön kin kembu aka galöm köl enğimamgö tökögeri, i mönö enğuañgita kagetka enğeka jim kutubi enğugetka kömume.’” Mewö.

Jisösgöra köirañ kölgetka Jerusalem öngöyök.

Mat 21.1-11; Mak 11.1-11; Jon 12.12-19

²⁸ Jisösnöñ keu mi jim teköba mosöta Jerusalem sitinöñ öngömamgöra mutuk anök. ²⁹ Anda Betfage aka Betani miri yahöt kösutñire kaba kundunji qetñi Oil ip kundunji qerakzei, miangörej öngöba gwarekyahötñi yahöt melaim etkiyök. Melaim etkimamgö aka ³⁰ kewö jiyök, “Miri wösönñire tatzawi, mönö miangörej anmahot. Anda miangörej anğota donki moröñi kösönöñ jöhöget kinjawi, mi miwikñaimahot. Donki mi döläkña, azi kunöñ qakñe qahö tatatña. Mi mönö pösata memba ki kamahot. ³¹ Pösarohotka kunñan ‘Mi wanigöra pösatzahot?’ jiba qesim etkiiga kewö jimahot, ‘Kembuniran miangöra osiza.’”

³² Mewö melaim etkiiga anda jiyöhanğö dop miwikñaiyohot. ³³ Miwikñaiaba donki moröñi pösatpitkö ahotka toñan jiget, “Hei! Donki moröñi mi wanigöra pösatzahot?”

³⁴ Jigetka kewö melenñohot, “Kembuniran miangöra osiza.” ³⁵ Mewö jiba memba Jisösgörej kaba malukunji qeköba donki qakñe tumbula jigetka Jisösnöñ öngöba tarök. ³⁶ Mewö tata aniga ambazip kambu yeñön göda qeba opo malukunji qeköba köna namñe tumbulget.

³⁷ Tumbulgetka anda Jerusalem dopdowiba Oil ip kundunğö sörokñe geiga gwarek kambu pakpak yeñön könahiba söñgaiba anğöletot pakpak kukösum qakñe mei ekeri, miengöra qet ketanji qeta Anutu möpöseim wanğiba ³⁸ *kewö jiba qetket, “Anutu möpöseizin. Kin Kembugö qetñe kamawi, Anutanöñ mönö i kötuetsköma. Luaigi aka qetbuñagi möpöseininga Suepnöñ euyangörej öngöza. Owe owe!”

³⁹ Mewö qetketka Farisi (Köna keugö kapankölköl) tosatñan ambazip kambu sutñine kinda kewö jim wanğiget, “Böhi, mönö gwarekurupki jim enğinöñ.” ⁴⁰ Mewö jim wanğigetka kewö meleñnök, “Nöñön kewö jibi mötme: Yeñön göröñ kinbeak ewö, köt yeñön mönö silata qetpeak.” Mewö.

Jisösnöñ Jerusalem sitigöra sahörök.

⁴¹ Jisösnöñ Jerusalem dopdowiba siti mi eka sahörök. ⁴² Sahöta kewö jiyök, “Enğörej luai denöwö ahubawak! Injini miangö könanji wehön kianğörej möt kutugetka dop kölbawakmö, nalö kewöñe mi jeñini qahö tohozawañgöra aka tölapñe ahöza. ⁴³ Miangö könanji kewö: Nalö kun kam kungumawi, miangörej kerök yeñön kanğota kiripo köhöikñan siti ki kungum liliköba likeplikup eu emu kinda gwan ala kahasililij ak enğime. ⁴⁴ Anutanöñ mesohol köla enğoholiga injini nalö bohonñi mi qahö möt kutuba nesampurek aka Anutu andö qeba lañ mala kotzei, miangöra kerök yeñön köndenmönöñ enğigetka mirigö köt kun mi köt kungö qakñe qahö kinmapmö, siti kianñön mönö qeqlañañ ahöma. Yeñön jike mirinñini köndenđa moröurupñini siti uruñe maljei, mi enğum ureime.” Mewö.

* 19:26: Mat 13.12; Mak 4.25; Luk 8.18 * 19:38: Sum 118.26

Jisösnöj jöwöwöl jike jim kömbuhiyök.

Mat 21.12-17; Mak 11.15-19; Jon 2.13-22

⁴⁵ Jisösnöj keu mi jim teköba jöwöwöl jikegö tohon urunje anda inap bohonji memegöra algeri, mi könahiba közöl enjgiiga etket. ⁴⁶*Közöl enjgiba kewö jii mötket, "Aisaianöj keu kun kewö ohoi ahöza, 'Nöngö jikenan mönö köulukö mirinjina akña.' Keu mi ahözapmö, injini mi utekögetka kegwek-kahasililinj yenjö banjet ewö akza."

⁴⁷*Jisösnöj nalö dop jöwöwöl jikenöj öngöba Buja keu kusum enjgiba malök. Mewö malökmö, jike nup galöm aka Köna keugö böhi yenön tokoba kantri jike kaunsöl yembuk eraum möta kewö jiget, "Mönö denöwö jünga qegetka kömumbawak?" ⁴⁸ Mewö jigetmö, ambazip kambu pakpak mienön yambuk qekötahöba Bujanji kezap ala mötket. Miangöra "Mönö denöwö akinak?" jiba köna kun qahö miwikñaiget. Mewö.

20

Jitnememe yenön Jisösgö kukösumjanjö qesiget.

Mat 21.23-27; Mak 11.27-33

¹ Jisösnöj jöwöwöl jikenöj öngöba ambazip kambu kusum enjgiba Ölowak Buja jim asarim enjgiba malök. Nalö kunöj mewö aiga jike nup galöm aka Köna keugö böhi yenön kantrigö jitnememe tosatnji yembuk Jisösgö jeje kangotket. ² Kanjuta kewö qesim wanjiget, "Gi kiangörenj yuai akzani, mi mönö danön jim kutum gihiiga ahakzan? Miangö kukösumnji mi danön gihiyök? Mi jinönga mötpin."

³ Qesim wanjigetka kewö melenj enjgiyök, "Nöñön mewöyök qesim enjgibi mi jiget mötman. ⁴ Jonöj ambazip o-melun mem enjgiba malöhi, yanön miangö kukösumnji mi denikeyök meyök? Suep Tonjan wanjigiyök me gölme tonjan wanjiget?"

⁵ Mewö melenj enjgiiga sutnjine eraum möta kewö jiget, " 'Kukösumjan Suepnöhök asuhuyök,' mewö jibin ewö, yanön mönö kewö jima, 'Mewö aiga injini i mönö wuanöngöra qahö möt narim wanjiget? Mi qahö dop kölja.'"

⁶ Könagesö pakpak yenön Jongöra 'Kezapqetok azia akza,' jiba mi köhöikñanök möt nariba malje. Miangöra 'Gölme ambazipnöhök asuhuyök,' jibin ewö, yenön mönö irimñini seholiiga kötnöj nengume." ⁷ Keu mewö kewöta kewö melenjet, "Kukösumjan denikeyök ahuyöhi, nini mi qahö mötzin."

⁸ Mewö melenjetka Jisösnöj kewö jii mötket, "Mewö aiga nöñön mewöyök yuai ki ahakzalanjö kukösumnji danön ninjigiyök, mi qahö jibi mötme." Mewö.

Wain kösö nup galöm bölöni, mienjö dopkeu

Mat 21.33-46; Mak 12.1-12

⁹*Jisösnöj könahiba ambazip dopkeunöj kewö jii mötket, "Azi kunjan wain kösö nup köla kömörök. Köl kömöta nup galöm tosatnji miwikñaim enjgiba jüga nupnji memba ölnjanjö bahöni nanñini memba bahöni tonji wanjimegöra böröjine alök. Böröjine ala enjömosöta kantri kunöj anda nalö köröpnji malök.

¹⁰ "Mala mali ölnji öliyöhangö nalöni (yambu 5) töriiga miangörenj welenqeqenji kun melaim wanjiiga galöm yengörenj anda wain nup ölnjanjö bahöni wanjimegöra jiyök. Jiyökmö, nup galöm yenön i kömbinöj qeba wuatanjögetka böröni börak lilingöyök. ¹¹ Miangö andöñe welenazi kun melaim wanjiiga

anökmö, i mewöyök kömbinöŋ qeba gamu qem wanŋiba wuatangögetka böröŋi börak lilingöyök. ¹² Lilingöiga nup tonjan welenazi kun kunbuk melaii aniga ambemŋi karöbut ahökmö, i mewöyök sepgwörörök qeba nup yaigepŋe gilget geŋök.

¹³ “Mewö aketka wain nup tonjan keu jaruba jiyök, ‘Mönö denöwö akŋamto? Nani wölböt nahöni mönö melaibiga ani i eka göda qeme me denöwö?’

¹⁴ Mewö jiba nahönŋi melaiiga anökmö, wain nup galöm yeŋön i eka sutŋine kewö eraum möta jiget, ‘Yaŋön mönö börösamotŋangö tonji akŋa. Ayop, i mönö qein kömuiga wain kösö nup kianön mönö nanine buŋanina akŋa.’ ¹⁵ Mewö jiba gilgetka nup yaigepŋe geiga qeget kömuyök. Wain nup tonjan mi möta mönö denöwö ak enŋima?

¹⁶ Yaŋön mönö nanŋak kaba nup galöm mi köndenŋ enŋima aka nup galöm dölokŋi miwikŋaim enŋiba wain kösö nupŋi yeŋgö böröŋine alma.” Jisösnöŋ dopkeu mewö jii möta jiget, “Mi qahö dop kölja. Yapmakek!” ¹⁷ *Jigetmö, Jisösnöŋ i törörök enŋeka kinda kewö jiyök, “Buŋa Kimbigö keu kun kewö ahöza,

‘Miri meme yeŋön köt tandö kun andö qeba öne mosötket taröhi, mianŋön mönö tandö kömbönaŋi aiga miwikŋaiget.

Mianŋön tiŋgiriga mirinöŋ mönö gororöŋgöba eta kölma.’ Keu mianŋö könaŋi denöwö?

¹⁸ Mianŋöra kewö jibi: Kunŋan tandö bohönŋi mianŋöreŋ tötöŋgata eta qemawi, mi mönö silenŋi kutumutumapmö, ain tandö mianŋön jöla tala kungö qakŋe eta kölmawi, mi mönö körek qözömözözamgöma.”

¹⁹ Jisösnöŋ mewö jiiga Köna keugö böhi aka jike nup galöm yeŋön keu mianŋö könaŋi möt asariba kewö jiget, “Dopkeu mi mönö neŋgöra jiza.” Mianŋöra i nalö mianŋöreŋök memba jöhöbingö mötketmö, ambazip kambu yeŋgöra keŋgötŋini möta osiget. Mewö.

Takis alalgö Jisös esapköm wanŋiget.

Mat 22.15-22; Mak 12.13-17

²⁰ Juda jitŋememe yeŋön Jisösgö jegalöm meget. Mewö memba keuŋi kun qiwitipköi keugö bötaknöŋ öroi gwaröhöm wanŋimegöra aka azi tosatŋi melaim enŋiget yaŋgöreŋ kaget. Opotöröp aka premiö yeŋgö böröŋine al wanŋibingö möta Buŋa keu ölöpŋi jiji tandök aka qesiba keuŋangö kezap alget.

²¹ Arenŋ mewö ala qesiba kewö jiget, “Böhi, nini göhö könaŋi mötzin. Göŋön keu diŋdiŋi jiba kusum neŋgimakzan. Göŋön ambazip tosatŋi qahö enŋek soriba tosatŋi qahö qepureim enŋimakzanmö, dop möhotnöŋ kewöt neŋgimakzan. Mewö aka Anutugöreŋ köna mi keu öŋangö dop kusum neŋgimakzan. ²² Mianŋöra nini sisa-kiŋgöra takis ala mianŋön Mosesgö Köna keu siŋgibin me qahö?”

²³ Mewö jigetmö, Jisösnöŋ isimkakalek arenŋini möt kutuba kewö jii mötket, ²⁴ “Ölöp silwö monenŋ (Kina 5) kun kondel niŋgigetka eki. Dagöreŋ imut aka qet mi mianŋöreŋ ohoget ahöza?” “O, mi sisa-kiŋgöreŋ,” mewö melenŋa jiget.

²⁵ Jigetka kewö jii mötket, “Mewö aiga yuai sisa-kiŋgö imutŋambuk buŋaŋi akzawi, mi mönö yaŋgöra al wanŋime. Yuai kun Anutugö buŋaya akzawi, mi mönö Anutugö buŋa qeme.” ²⁶ Jisösnöŋ mewö jiyöhaŋgöra ambazip kambu yeŋgö jeŋine keugö bötaknöŋ al wanŋibingö osiba keuŋangöra welipköba keu böc kinget. Mewö.

* **20:17:** Sum 118.22

Kömupnöhök wahötwahötkö Jisös esapköm wanjiget.

Mat 22.23-33; Mak 12.18-27

27 *Sadyusi böhi pati yeñon “Kömugeri, yeñon kude wahötme,” jiba malget. Yeñgöreñök tosatñan Jisösgö jeñe kañgota kewö qesim wanjiba 28 *jiget, “Böhi, Mosesnön kewö jim kutum neñgiyök ahöza, ‘Azi kun ambi meiga nahönbörat qahö ahui kömuiga munñan ölöp malöñi memba mala gwölönarök qiwikñajaim wanjiiga datñangö qet bisiba malma.’

29 “Mötnön! Nalö kunön darumun 7 malget. Datñini mutukñan ambi memba mala gwölönarökñi qahö öne mala kömuyök. 30 Kömuiga munñan malöñi mi meyök. 31 Miangö andöñe munñi kunñan ambi miyök meyök. Mewöña mewö darumun 7 pakpak yeñon ambi mohok miyök memba gwölönarök qahö mala kömum teköget. 32 Kömugetka tekögetka qöndökñi malöñini mi mewöyök kömuyök. 33 Göñon ‘Kömugeri yeñon guliba wahötme,’ jizanmö, nini mi qahö möt narizin. Mötnön, azi 7 pakpak mi örörön wahötpeak ewö, ambi mohok mi anömñina meget malöhanjöra aka mönö dagö anömña akawak?”

34 Mewö jigetka Jisösnön kewö melenök, “Nalö kewöñe gölme kiangöreñ ambazip awanöm aka malahakze. 35 Mi malahakzemö, ambazip uruñini melengetka Anutunön eka möri dop köliga kömupnöhök wahöta miri gölme kun euyangöreñ angota malmei, yeñon miangöreñ qahö amime.

36 “Miangö könañi kewö: Mötnarip ambazip guliba kömupnöhök wahötmei, yeñon Anutugö nahönböratuñi akze. Yeñon Suep garata tandök ewö aka kunbuk qahö kömumemö, teteköñi qahö mal öngöme. 37 *Mötket! Kömugeri, yeñon guliba wahötmegö keuñi mi Mosesnön mewöyök nanjöba jiyök. Ip köhösonön köñöp bölam ahuba qahö jem kutuyöhi, yañon mi eka kösohotñi ohoi miangöreñ keu kewö ahöza, ‘Nönön Anutu Abrahamgö Kembu, Aisakö Kembu aka Jeikobkö Kembuya mala kota maljal.’ 38 Isik bömön karöbut yeñon Anutubuk mala mal köhöiba öngöme. Körek köhöiba maljei, yeñon mönö malmalñini Anutugöra malje. Mianjöra Anutunön köhömuñi yeñgö Kembuñini qahöpmö, malmal köhöikñi maljei, mönö yeñgö Kembuñina akza.”

39 Jisösnön mewö melenñiga Köna keugö böhi tosatñan melenja kewö jiget, “Böhi, mi törörök jizan.” 40 Mewö jiba keu kun kunbuk qesim wanjigingö kölköldömdöm aka mosötket. Mewö.

Kraist mi kiñ Deiwidkö Kembuñi aka gwölönarökñi.

Mat 22.41-46; Mak 12.35-37

41 Jisösnön keu kun kewö jii mötket, “Kraistnön Kiñ Deiwidkö gwölönarökñi akzawi, tosatñan keu mi denöwögöra jimakze? 42 *Deiwidnön nanñak keu kewö jiiga Sumbara (Buña liñet, sam) Kimbinön ahöza, ‘Anutunön kinda nöngö Kembuni kewö jii mörök, Göñon mönö kaba nöngö böroni öñje tatnöñga

43 nöñon nalö sutñe kerökurupki tim tötala luhut al enjgiba göhö köna tambö gwaröñe al enjimam.

Nalö mi kam kuñgumawanjö dop mönö asakmararañnön ki tatman.’

44 Deiwidnön mewö jiba qetñi ‘Nöngö Kembuni’ jiza. ‘Kembuni’ jiba mönö denöwö aka yanjö gwölönarökñi mohot akawak?” Mewö.

* 20:27: Apo 23.8 * 20:28: Dut 25.5 * 20:37: Eks 3.6 * 20:42: Sum 110.1

Urumelenjö silesile malmalgö galöm meme keu

Mat 23.1-36; Mak 12.38-40; Luk 11.43

⁴⁵ Jisösnöj gwarekurupnji yengöra keu kewö jiiga ambazip kambu pakpak mi mötket, ⁴⁶ “Köna keugö böhi yengöra mönö galömjini memba malme. Yeñon maluku köröpñi löngöta anda kaba kondel angubingö mörakze. Maketnöj me könanöj ambazip engeketa jölöjini jimegö mörakze. Mewöyök köuluk mire qaikñe eu tatpingö sihimñi mörakze aka közölömbuaññöj dum tatat mutukñe jegep tatpingö mörakze. ⁴⁷ Yeñon malö yengöreñ miri yuai bidanda gagabe köla enguançirakze aka qetbuañjini asuhumapköra köuluk köröpñi köuluköba töptöpñine qemakze. Mianjöra Anutunöj keunji jim teköba likepñi öngöñgöñi meleni qakñine öngöma.” Mewö.

21

Ambi malö kunjan naluk kötin öljü alök.

Mak 12.41-44

¹ Jisösnöj kinda ui ani ambazip pomñi yeñon nalukñini mi naluk dumnye alget geyök. ² Alget geiga ambi malö wanapñi kunjan kaba souje köñj pisikñi yahöt ali geyöhi, mi mewöyök ehök. ³ Mi eka kewö jiyök, “Nöjñon keu öljü kun kewö jibi mötket: Malö wanapñi kianön naluk aljawi, mi mönö tosatñi pakpak engongita alja. ⁴ Mianjö könañi kewö: Körek yeñon moner ketani ahöm ençiiga kitipñanöhök aljemö, ambi kianön köruebörue maljawangö dop yuaini pakpak al teköba öne töhöñ malma.” Mewö.

Jöwöwöl jikenöj könderjmönder asuhuma.

Mat 24.1-2; Mak 13.1-2

⁵ Jerusalem jöwöwöl jike mi köt eksihimñambuk aka kalemñi kalemñi Anutugöra algeri, mianön menjölögetka aködammñambuk ahöyök, gwarek tosatñan mi eka eraum mötketa Jisösnöj keu kewö jii mötket, ⁶ “Miri ki engekzei, mi mönö köndergetka mirigö köt kun mi köt kungö qakñe qahö ahömappmö, qeqelanlan aka sahopñanök ahöma.”

Kahasiliñ aka sesewerowo asuhuma.

Mat 24.3-14; Mak 13.3-13

⁷ Mewö jiiga möta qesim wangiget, “Böhi, keu jizani, mianjö öljü mönö wanat nalönöj asuhum tinçitma aka asuhumangö akñawi, mianjö aiwesökñan mönö denöwö asuhuma?”

⁸ Qesim wangigetka kewö jiyök, “Kunjan isimkakalek aiga janjun anbepeköra mönö galömjini memba malme. Ambazip gwötupkñan asuhuba nöngö qetne kewö jime, ‘Nöjñon Kraist akal,’ aka, ‘Nalönöj mönö töriza.’ Mewö jime, enñon mönö yengö andöjine kude anme. ⁹ Yarö aka karimñi karimñi asuhugetka ötöjini mötmemö, jöñömjini kude unduma. Yuai mi mutuhök asuhumapkö jijnja. Mi asuhumappmö, gölmegö nalöñan mönö mianjöreñök zilan qahö teköma.”

¹⁰ Mewö jiba toroqeba kewö jii mötket, “Kantri kunöj kantri kun engubingöra wahötme. Ambazip kambu kunöj kambu kun yembuk aröñ angubingöra wahötme. ¹¹ Gölmene gölmene mianjöreñ kenöj ketani ketani qözöla memba gölme meleni gemakña. Mewöyök bödiñ bödiñ (buöröñi buöröñi) asuhuba öngöba ahöma. Kawöl köhöikñi köhöikñi mienön asuhugetka sesegilgil kömumakñe. Suepnöj aiwesök ketani jemurutñi murutñi engeka kençöt kotkot akñe.” Mewö.

Ölöwak Buñagöra kerök asuhuma.

Mat 24.9-14; Mak 13.9-13

12 “Yuai pakpak mi asuhumemö, mutuk qeljine tosatjan injini urunjini melenđerangöra aka engömema jöhöba sesewerowero ak engime. Tosatjan öröm engiba köuluk mirinjine keu nupnjini memba jim tekögetka kösö mirinj mirinj miangörenj al engime. Tosatjan nongö qetnangöra aka enguanjgetka kantrinj kantrinj yengö kinj kembu aka premiö yengö jemesoholjine kinme.

13 Mewö kinda nongö könanjamni nangöba jigetka mötme. 14 *Keu jakenje al engigetka kinmei, nalö miangörenj keu denöwö jibinak, miangö waimanjatnj qeljine kude mötme. Keu mi mönö urukönömjine algetka ahöma.

15 “Mi kewögöra: Nöhön embuk kinda mötkutukutu engiba numburjini mem amqemam. Uruwamjanök malgetka tuarenjonurupnjini yengörenjök kunjan mötkutukutu mi qetala keunji qeapköba memba et al engibingö osima.

16 Nanjnini iwinam, darumun, tinitosolom aka alaurupnjini yenjön mewöyök angönanj mem engigetka engörenjök tosatnj engugetka kömume. 17 Kantri pakpak yenjön nongö qetnangöra aka kazik ak engigetka malme.

18 “Mewö malmemö, nöhön köyan köl engibi nöörpjinangö jupnj kunjan qahö sohoma. 19 Injini kapan köla köhöiba bönj qeba kinda miangön mönö luhut ala oyaenkoyaeñ malmal buña qem angume.” Mewö.

Jerusalem sitigö könderjmönderj uru-önönjambuk

Mat 24.15-21; Mak 13.14-19

20 “Könanjep yarö kambu yenjön kangota Jerusalem siti liliköba gwan almei, injini mi eka miangörenj kewö mötmörime, ‘Siti bohonnj könderjmönderj megö nalöjan mönö kam kunguza.’ 21 Nalö miangörenj Judia prowinsnöj malmei, enjön mönö misinjöba öröba kundunje anme. Sitinöhj malmei, enjön mönö siti mosötme. Siti yaigepnje mire malmei, enjön mönö sitinöhj kude anme.

22 * “Mi kewögöra: Buña Kimbinöhj kezapqetok keu ohoget ahözawi, mi pakpak mönö öljambuk aknja. Keu miangö dop Anutunöhj nalö miangörenj sinjisöndokninangö likepni melenjda qaknjine ali öngöma. 23 Anutunöhj Is-rael könagesö sinjisöndokjinangöra irimnj seholiiga kaziknj kondel engiiga gölmenöhj kahasililij keta bölökni asuhuma. Ambi gölömbuk aka morö juzunöhj yenjön mönö nalö miangörenj denöwö ösumnjinan anbeak? Miangöra Yei! jizal.

24 “Könderjmönderj miangörenj ambazip tosatnj mi bimgö sou ketanjan engugetka kömume. Tosatnj kösö gwaröhöm engiba enguanjgetketka kantri pakpak yengö sutnjine angotme. Angotketka kian kantri yenjön kangota Jerusalem tiangöba malme. Mewö malgetka Anutunöhj nalöjnini tohot qei tatzawi, miangön kam kunguiga mosötme.” Mewö.

Suep gölmegö azi öljän mönö asuhum tinjitma.

Mat 24.29-31; Mak 13.24-27

25 * “Wehön aka köinj jenjire aka senjelau miangörenj aiwesök murutnj murutnj asuhume. Köwetnöj siri qegetka ötöhj ketanj ahumakzawangöra gölmegö kantri pakpak yenjön tötbörömjnini kaiga wahöjalij möta malme. 26 Mewö malgetka suepnöhj uturuköiga miangö öröyuainj mi tatatnjini mosöta enjololonj aketka sohoma. Miangöra gölmenj gölmenj miangörenj lömböt bölönj

* 21:14: Luk 12.11-12 * 21:22: Hos 9.7 * 21:25: Ais 13.10; Eze 32.7; Joel 2.31; Ind 6.12-13

kötökni asuhumapköra mamböt-torok mala kenjëötjini möta uruñini duhuiga jegilgil akje.

²⁷ * “Nalö میانگۆرهی Suep gölmegö azi ölni yanön kousu çakje kanğori ekje. Kukösumñi ketanjan saköl-diñdiñambuk aukje asuhuiga asakmararañi ekje. ²⁸ Mewö kanğotmapmö, yuai mi könahiba asuhumei, eñön mönö nalö میانگۆرهی Suepñöñ öngöbingö nalöñinan törimawangöra nöröpñini uba wahöta uruñini qezaköba awösamkakak kinme.” Mewö.

Geröp ipkö dopkeu

Mat 24.32-35; Mak 13.28-31

²⁹ Jisösnöñ dopkeu kun kewö jii mötket, “Inji geröp aka ip tosatñi mi eka tandökñini mötme. ³⁰ Ip mi sinñan yonğoigetka mi eka میانگۆ könañi nanñinak möt asariba kewö jimakze, ‘Wehön nalöñan lök dopdowiza.’ ³¹ Eñön mewöñanök keu jizali, میانگۆ ölnan asuhuiga eka möt asariba könañi kewö jime, ‘Anutugö bemtohoñan mönö dopdowiza.’

³² “Nöñön keu ölni kun kewö jibi mötket: Ambazip merak gölmenöñ maljei, yeñön qahö kömugetka yuai pakpak jizali, mi mönö yengö malmal nalöñine asuhuma. ³³ Suep gölmenöñ göröñ qemahotmö, nöngö Buña keunan mönö qahö ayapköma.” Mewö.

Urugwölö mosöta köhömuñi malbinbuk.

Mat 24.42-44; Mak 13.33-37

³⁴⁻³⁵ “Nalö ketanji میانön ambazip körek gölmenöñ maljei, yengö çakñine mewö asuhuma. Miangöra میانön wölanök kaba simba ewö qeraköm enğibapuk. Miangöra gölmenöñ malmalgö waimanjatñan çakñine öngöiga közölömbuan ala o köhöikni negetka enjololaj aiga uruñinan lömböribapuköra mönö galömjini mem anguba malme.

³⁶ “Miangöra mönö nalö dop urugwölö mala köuluköba malme. Mewö malgetka ösum enğiiga yuai pakpak mi asuhumawi, میانگۆ uruñeyök kök ala mönö Suep gölmegö azi ölnangö jemesoholje awösamkakak kinme.” Mewö.

³⁷ * Nalö میانگۆرهی Jisösnöñ wehön dop jöwöwöl jikenöñ kinda Buña kusum enğiiga miri mare aiga mosöta kundunji çetñi Oil ip kundunji qerakzini, میانگۆرهی öngöba ahömalök. ³⁸ Mewö maliga ambazip kambu pakpak yeñön wehön dop söñanök jöwöwöl jikenöñ öngöba Buñañi jii mötpingöra yangöreh kanğori. Mewö.

22

Jisös qein kömumapkö angöñanaj alget.

Mat 26.1-5; Mak 14.1-2; Jon 11.45-53

¹ * Mewö malgetmö, beret yistñi qahö میانگۆ sösongainji, çetñi kun Pasowa kendon jimakzin, mi törüyök.* ² Törriiga میانگۆرهی jike nup galöm aka Köna keugö böhi yeñön ambazip kambu yengö kenjëötjini mötkerangöra aka nanñinök tokoba “Denöwö ahinga çeget kömumbawak,” jiba köna jaruba mötmöriget.

Judasnöñ Jisös mamalolo mem wanğimangö urumohok ahök.

Mat 26.14-16; Mak 14.10-11

* **21:27:** Dan 7.13; Ind 1.7 * **21:37:** Luk 19.47 * **22:1:** Eks 12.1-27 * **22:1:** Pasowa mi nanine keunöñ nenğehoriba nenğonğirök. Eksodus 12.15

³ Nalö mianğoreñ Satanöñ Judasgö uruñe geyök. Judas mi Jisösgö gwarekurupñi 12 yengörejök kun. Kariot mireyök kayöhanğora qetñi kun Iskariot qetket. ⁴ Yanñon jike nup galöm aka jikegö kiripo galöm bohonñi yengörej anda Jisös mamalolo memba böröñine almamgö keunji jiyök. ⁵ Yerñon mi möta “Ayop!” jiba uruñinan ölöwahiga söngöröñi moneñ wañgingö keu jöhöget. ⁶ Keu jöhögetka Judasñon Jisös ölöñ mamalolo memba böröñine almamgö kõna möt jaruba köinğöba malök. Mewö.

Jisösnöñ gwarek yembuk Pasowa lama neget.

Mat 26.17-25; Mak 14.12-21; Jon 13.21-30

⁷ Beret yistñi qahö mianğö kendon silim kunöñ Pasowa lama qeba ohozema. Nalö mianñon kam kuñguyök. ⁸ Jisösnöñ Pitö aka Jon kewö jiba melaim etkiyök, “Injiri anda Pasowa lama mözözömgöyohotka nembin.”

⁹ Mewö jüga qesim wañgiyohot, “Mi denikeañgöreñ anda mözözömgöbit?”

¹⁰ Qesim wañgiyohotka kewö melenñök, “Mörohöt! Injiri sitinöñ anğorohotka azi kun o kimbut kunduta kaiga miwikñaimahot. Miwikñaiaba i wuatangöba anda mire öngömawi, mianğoreñ öngömahot. ¹¹ Öngöba miri toni kewö jiyohot mötma, ‘Böhinöñ göhöra jiza: Ala mirigi denike? Neñon ölop mianğö uruñe kaba gwarekurupni yembuk Pasowa lama nembin?’ ¹² Mewö jiyohotka möta miri qakñe eu öngöba uruñi ketañi kun kondel etkima. Mianğoreñ dum tatat yuai mözözömgöget ahöza. Mi kondel etkiiga mianğoreñ lama qeba ohomahot.”

¹³ Mewö jii anda Jisösnöñ keu jiyöhi, mianğö dop miwikñaiaba kinda lama qeba ohom mözözömgöyohot. Mewö.

Kembubuk semön qöndökñi neget.

Mat 26.26-30; Mak 14.22-26; Jon 13.21-30; 1 Kor 11.23-25

¹⁴ Nene nalöñan kaiga Jisösnöñ aposolurupñi yembuk nene nembangö eta tatket. ¹⁵ Tatketka kewö jii mötket, “Nöñon Pasowa lama ki embuk nembangö gwötpuk ak niñgiba malök. Nene ki nembagun mönö sihimbölo mötmam. Mianğö nalöñan töriza. ¹⁶ Mi törizawañğora kewö jibi mötket: Nöñon Pasowa lama kianğoreñ kun toroqeba qahö nemam. Könañep nene semön kianğö ölnan aukñe asuhumawi, mi Anutugöreñ bemtohoñ uruñe euyañgöreñ nemam.”

¹⁷ Mewö jiba wain qambi memba kötuetsköba kewö jiyök, “Mönö ki memba nanñinak anguba neme. ¹⁸ Nöñon kewö jibi mötket: Ni wain kösögö ölni kianğoreñ kumbuk toroqeba qahö nemam. Kumbuk nemami, mi Anutugöreñ bemtohoñ asuhum teköiga mianğoreñ nemam.”

¹⁹ Mewö jiba beret memba kötuetsköba mindipköba engiba kewö jiyök, “Ki nani busuni. Ki engöra aka tököm engizal. Nemba ni mötmörim niñgiba malme.” ²⁰ *Mi engii negetka mewöñanök wain qambi memba kewö jiyök, “Qambi ki mi jöhöjöhö areñ dölköñi akza. Nöñon amöt qem engimamğora aka sepi mokoba kömumam. Sep mianñon mönö Anutugöreñ jöhöjöhö areñi mem köhöima.

²¹ * “Mewö akzapmö, mötket, mamalolo mem niñgimawañon mönö mohotñe ki nene memba tatzit. ²² Ölna, Anutunöñ jim kutuyöhi, Suep gölmegö azi ölnan mönö mianğö dop gölme mosöta anma. Anmapmö, mamalolo mem wañgimawi, yañğora mönö wölköba ‘Ye!’ jizal. Anutunöñ mönö likepñi öngöñgöñi melen wañgima.”

²³ Mewö jiiga gwarekurupñan könahiba sutñine eraum qesim anguba jiget, “Nengörenjök mönö danñon mamalolo mem wanğibawak?” Mewö.

Gwarek yeñon sutñine goranora aket.
Mat 20.25-27; Mak 10.42-44

²⁴ * “Gwarek nengörenjök galöm bohonñi mi danñon akza?” mewö jigetka miangöra mewöyök sutñine goranora asuhuyök. ²⁵ * Mi asuhuiga Jisösnöñ kewö jii mötket, “Gölmegö kantrinji kantrinji miengö kinjanan mönö azi kembu tandöka aka galöm köl engimakze. Yenğö pom jembonñinan mönö keu jim kutuba könagesöñini mindingöm engigetka welenñini qeba ‘Azi ölöñji!’ jiba möpöseim engimakze. ²⁶ * Mewö ahakzemö, enñon miangö dop kude akñe. Engö sutñine kunñan ketanamñini akzawanñon mönö eretñangö dop aka malma. Galöm bohonñan mönö welenqeçe ewö aka malma.

²⁷ * “Kunöñ tata nene neiga kunñan nene köl wanğiba anda kamakzawi, yetkörenjök öngöñgöñi mi danñon? Öñña, ‘Tata nene nezawanñon mönö öngöñgöñi akza.’ Mewö jiget mörakzinmö, nöñon engö sutñine welenqeçe ewö aka maljal.

²⁸ “Mewö malbi esapköm niñgigetka wahöjalij wahösömbu uruñe angotpiga inñini töndup kapan köla nömbuk qekötahöba mala kotze. ²⁹ Iwinan jim kutum niñgiiga nöñon yanğö bemtohoñi kukösum qakñe galöm kölakzal. Miangöra nöñon toroqeba jim kutum engibiga inñini mewöyök kukösum qakñe ambazip kin ewö galöm köl engimakñe. ³⁰ * Miangöra inñini ölöñ nöñgö bemtohoñe angota nene dumni liliköba tata o aka nene nempa malme aka azi kembu tatatnöñ tata Israel ambazip kambu 12 yenğö keuñini kewöta jim teköm engime.” Mewö.

Pitönöñ Jisös qarj kölmapkö jii mörök.

Mat 26.31-35; Mak 14.27-31; Jon 13.36-38

³¹ Jisösnöñ jiyök, “O Saimon Saimon! Mötnöñ! Kölkömöt azinöñ wit padi kötni joutnöñ ala uturuköiga kamböñi denđa erakzawi, Satanöñ mönö miangö dop enñon löwöriba yanğö böröñe gemegöra uturuköba esapesap al engimangö kapan köla jöjöröza. ³² Jöjörözapmö, göhö mötnaripkan sörauba pömsöm qebapuköra nöñon göhöra köuluköba malal. Miangöra nalö kungen urugi melenđa nöngören kamani, miangören mönö mötnarip alaurupki nanğöba mem köhöim engiman.”

³³ Mewö jiiga Saimonöñ melenñök, “Kembu, nöñon göbuk kösö mire anbitkö aka mohotñe kömumbitkö jöjöröba maljal.”

³⁴ Mewö jiyökmö, Jisösnöñ jii mörök, “Pitö, nöñon kewö jibi mötnöñ: Kuruknöñ merak qahö qeriga göñon mutuk ni möt niñgimangö qarj kölnöñga indimñi karöbut akña.

Gösö aka bimğö sou ketanji miyök memba anme.

³⁵ * Jisösnöñ gwarekurupñi kewö qesim engiyök, “Nöñon inñini mutuk gösö qahö, monerj gösö qahö, köna esu qahö mewö melaim engibi angeri, miangören yuai kungöra osiget me qahö?” Qesim engiiga “Yuai kungöra qahö osiin,” jiget.

* **22:24:** Mat 18.1; Mak 9.34; Luk 9.46

23.11; Mak 9.35 * **22:27:** Jon 13.12-15
 Luk 9.3; 10.4

* **22:25:** Mat 20.25-27; Mak 10.42-44

* **22:30:** Mat 19.28

* **22:26:** Mat

* **22:35:** Mat 10.9-10; Mak 6.8-9;

³⁶ Jigetka kewö toroqeba jiyök, “Mutuk mewö aketmö, nalö kewöñe kungörey gösö aka monen gösö tunji ahözawi, mi ölop memba tenjöba malma. Bimgö sou ketanji mi kungörey qahö ahöza, yanön mönön malukuñi bohonji memegöra ala monen miwikñaiba sou mi bohonji mema. ³⁷ *Nöñön mianjöra kewö jibi mötket: Anutugö keu nöngöra jigeri, mi körek pakpak köhöim teköma. Mianjö naloñan mönön kam kungumamgö akza. Buña keu kun kewö ohoget ahöza, Yanön bölöñi meme yengö kambunine ahöma, jiget.’ Mianjöra jizal: Keu mianjö ölnji mi nöngörey asuhum teköma.”

³⁸ Mewö jiiga gwarekurupñan jiget, “Kembu eknöñ, bimgö sou ketanji yahöt ki ahözahot.” Mewö jigetka “Mi dop kölja,” jiba melenj engiyök. Mewö.

Jisösnöñ Gezemane arönöñ köuluköyök.

Mat 26.36-46; Mak 14.32-42

³⁹ Jisösnöñ miri mosöta silikñi wuatangöba Oil ip kundune öngöiga gwarekurupñan andöñe anget. ⁴⁰ Öngöba mianjörey angota kewö jii mötket, “Esapesapnöñ et engubapuköra mönön köuluk nup meme.”

⁴¹ Mewö jiba engömosöta köt gilil anakzawi, mianjö dop anda simin köla köuluköyök ⁴² Köuluköba kewö jiyök, “Iwini, göñön urusihingi mötzan ewö, sihimbölgö qambinji kianön mönön nöngö qakne öngöbapuköra noangitman. Noangitman me qahö, mi mönön nangi jit keugahö dop asuhuma. Mi nöngö sihimgö dop qahö.” ⁴³ Mewö köuluköiga garata kunñan Suepnöhök asuhuba mem köhöim wangiyök. ⁴⁴ Mem köhöim wangüiga köñjilin öngöngöñi möta mönön kapan köla urunji qezaköba köuluköyök. Köuluköiga nöngöpñi mi sep jöjöl ewö tünjita gölmenöñ etket.

⁴⁵ Köuluköm teköba wahöta gwarekurupñi yengörey anök. Anda miwikñaiba engehi wösöbiriknöñ mem et engii söörauba gaun ahöget. ⁴⁶ Ahögetka jiyök, “Mönön wuanöngöra gaunök ahöze? Mönön wahöta esapesapnöñ et engubapuköra köuluköget.” Mewö.

Jisös qeraköba memba jöhöget.

Mat 26.47-56; Mak 14.43-50; Jon 18.3-11

⁴⁷ Jisösnöñ mewö jiba kiniga mianjörey azi kambu kangotket. Gwarekurupñi 12 yengöreyök kun qetñi Judas yanön jitñemem engiba Jisösgörey kangota numbuñi yöhötüm neyök. ⁴⁸ Yöhötüm neyökmö, Jisösnöñ kewö jii mörök, “Judas, gi numbuni yöhötüm nembra mewö mianön Suep gölmegö azi ölnji mamalolo mem wangizan me?”

⁴⁹ Mewö aiga tosatñan Jisös liliköm wangiba kingeri yeñön yuai asuhumangö ahi mi eka jiget, “Kembu, nini bimgö sou ketanjan enguin me?”

⁵⁰ Mewö jiba yengöreyök kunñan jike nup galöm bohonnañgö welenqeqeñi qeba kezapñi ölnji köteköi erök.

⁵¹ Erökmö, Jisösnöñ melenja “Mönön mosötket!” jiba welenqeqegö kezapñi yandiyöhi, mi misiriña ölöwahök.

⁵² Ölöwahiga kindi jike nup galömurup, jikegö kiripo galöm bohonji aka kantrigö jitñememe yeñön Jisös membingö kangotkeri, mi kewö jii mötket, “Ni kegwek-kahasilililil azia qahöpmö, töndup nöngöra mewö möta bimgö sou ketanji aka linjip memba kangotze. ⁵³ *Nöñön wehön dop jöwöwöl jikenöñ embuk malbiga inini böronini börañda ni qahö nömiget. Mi qahöpmö, döлки

* 22:37: Ais 53.12 * 22:53: Luk 19.47; 21.37

sörjaupkö ösumñan luhut ala aukñe asuhuiga enğö nalöñinan kam kuñguza.” Mewö.

Pitönöñ Jisös qañ köläk.

Mat 26.57-58, 69-75; Mak 14.53-54, 66-72; Jon 18.12-18, 25-27

⁵⁴ Mewö aiga yarö azi yeñön Jisös memba jöhöba wañgita jike nup galöm bohonñanğö mire anget. Angetka Pitönöñ andöñine sikepsikep enğuatangöba anak. ⁵⁵ Mianğoreñ anda jakömbuak mirigö kiripo uruñe geba sombem bibiñe könöp ohoba mohotñe tatket. Pitönöñ mewöñanök yeñğö sutñine tarök. ⁵⁶ Tari welenqeçe ambi kunñan Pitönöñ könöp kösutñe tari ehiba kewö jiyök, “Azi kianön mönö mewöyök yambuk malök.”

⁵⁷ Mewö jiyökmö, Pitönöñ qañ köla kewö jiyök, “Ambi, ni i qahö möt wañgizal.”

⁵⁸ Mewö jiba tari kude köriiga azi kunñan eka jiyök, “Gi mewöyök yeñğöreñök kun akzan.” Mewö jiyökmö, Pitönöñ melenñök, “Alani, ni qahö.”

⁵⁹ Aua mohotkö dop teköiga kunñan keu mi kunbuk kapan köla jiyök, “Azi kianön mewöyök ölña yambuk malök. Yanñön mönö Galili azia akza.”

⁶⁰ Mewö jiyökmö, Pitönöñ melenñök, “Azi, keu jizani, mi köndatzal.” Mewö jiba kiniga mianğöreñök kuruk qerök.

⁶¹ Qeriga Kembunöñ lilingöba Pitö uba ehiga mianğöreñök keuñi kewö jiyöhi, mi mötmöriyök, ‘Gi merak indimñi karöbut qañ köl niñginöñga kuruññöñ qetma.’ ⁶² Keu mi mötmöriba wösöñi julmamğö aiga yaigep geba sahöt böliyök. Mewö.

Jisös jim gönahit ak wañgiget.

Mat 26.67-68; Mak 14.63-65

⁶³ Yarö azi Jisös memba jöhögeri, yeñön mepaqepaik ak wañgiba kinda qeapköget. ⁶⁴ Qeapköba jemesoholñi esuhuba qesiba jiget, “Gi kezapqetok azia akzananğöra danñön guhuzawi, mönö yanğö qetñi qetnöñ!” ⁶⁵ Mewö jiba gwötpuk terenqerenđa ilita jim qetal wañgiget. Mewö.

Jikeğö jittjememe yeñön Jisösgö keu nup meget.

Mat 26.59-66; Mak 14.55-64; Jon 18.19-24

⁶⁶ Jim qetal wañgiba malgetka miri gianjiiga kantrigö jittjememe aka jike nup galöm aka Köna keugö böhi yeñön tokoba Jisös wañgita Juda yeñğö jike kaunsöl kambu yeñğö jeñjine alget.

⁶⁷ Mianğoreñ algetka jiget, “Göñön Amötqeçe Tonji Kraist akzan ewö, mi mönö aukñe pañ jinöñga mötpin.” Mewö jigetka melenñök, “Mi jibi mötpeaha kun, mi mönö qahö möt narime. ⁶⁸ Me qesim enğibileñaha kun, mi mönö qahö melenñöñ ningsime. ⁶⁹ Mewö mötzalmö, nalö kewöñeyök könahiba Suet gölmegö azi ölñi yanñön mönö Anutu, kukösum Tonanğö böröñi ölñe tata malma.”

⁷⁰ Mewö jiiga mianğöreñök körekñanök kewö jiba qesiget, “Ölña, gi Anutugö nahöñña akzan me qahö?” Mewö qesigetka kewö melenñöñ enğiyök, “Mi akzalanğö keuñi mönö nanñinak jize.” ⁷¹ Melenñöñ enğıiga jiget, “Nanñak uñjemuñem (gunjemgunjem) keuñi mönö nanñi numbuñan jiiga möt teközin. Mianğöra tosatñan keuñi nanğömegöra mönö wuanöñğöra kunbuk qesim enğibinak?” Mewö.

23

Jisösnöñ premiö Pailötkö jeñe kinök.

Mat 27.1-2, 11-14; Mak 15.1-5; Jon 18.28-38

¹ Mewö jiiga kambu körek yeñön wahöta Jisös wañgita premiö Pailötkören anget. ² Yañgören anda könahiba silenje keu ala undenja kewö jiget, “Azi kiangö könani kewö eka mörin: Yañön ambazip kuñgum engiiga enjololon aka karim asuhumakze. Nini Sisa kinjö takis kude almegöra sonjo alakza. Nannañgöra ‘Ni Amötqeqe Tonji Kraist aka kin akzal,’ jimakza.”

³ Mewö jigetka Pailötnöñ kewö qesim wañgiyök, “Ölña, gi Juda yeñgö kiña akzan me qahö?” Qesim wañgiiga Jisösnöñ melenja jiyök, “Mönö nangak jizani, mewö.”

⁴ Pailötnöñ jike nup galöm aka ambazip kambu yeñgöra kewö jii mötket, “Nöñön azi kiangö pinjitni kun qahö miwikñaizal.”

⁵ Mewö jii möta kunbuk kapan köla kuñguba jiget, “Yañön mönö ambazip kambu kuñgum engiba Buñani Galili prowinsnöñ könahiba kusum engiba gölme dop köla kaba Judia prowins kiangören mewöyök mi jim sehimakza.”

⁶ Mewö jiget möta qesim engiba jiyök, “I Galili azia me akza qahö?” ⁷ Mewö jiiga “Mönö mi!” jiget möta Herodnöñ Galili aka prowins tosatni mindiriba galöm köl engiba nalö miangörenök Jerusalem sitinöñ kaba malöhi, miangöra Pailötnöñ Jisös Herodkören wañgita anget. Mewö.

Jisösnöñ kin Herodkö jeñe kinök.

⁸ Herodnöñ Jisösgö kösohotni möta lök nalö köröpnj ekñamgö sihimni möta malöhañgöra i eka uruñan gwötpuk ölöwahök. Jisösnöñ angöletot kun meiga ekñamgö al mamböta malök. ⁹ Miangöra qequesi gwötpuk Jisös qesim wañgiyök. Mi qesim wañgiyökmö, Jisösnöñ likepnj kun qahö jii mörök.

¹⁰ Jike nup galöm aka Köna keugö böhi yeñön kinda silenöñ alal keu könöpnjambuk jim wañgiget. ¹¹ Herodnöñ yarö aziurupni yembuk Jisös memba et ala jijiwilit aka mepaqepaik mem wañgiget. Mewö aka maluku aködamunñambuk kun löngöt wañgiget kini melaiiga kunbuk premiö Pailötkö jeñe anök. ¹² Mutuk Pailöt aka Herod yetkön kerök-kerök ak anjuba malohora nalö miangören ala-ala ahot. Mewö.

Pailötnöñ Jisös kömumapkö jim teköyök.

Mat 27.15-26; Mak 15.6-15; Jon 18.39-19.16

¹³ Jisösnöñ kaiga premiö Pailötnöñ jike nup galöm aka galömkölköl aziurupni aka ambazip kambu öröm engii tokoget. ¹⁴ Tokogetka kewö jii mötket, “Injini azi ki kewö jiba nöngören wañgita kaze, ‘Yañön ambazip kambu kuñgum engiiga enjololon ahakze.’ Mötket! Injini keu silenje aljei, nöñön miangö könani engö jeñine kewöta kewö miwikñaizal: Injini azi kiangö silenje keu aljei pakpak, miangön pinjitni qahö akza. ¹⁵ Herodnöñ keu mewöñanök jiba melaiiga kunbuk nengören kaza. Mötket, yañön yuai pinjitñambuk kun qahö ahök. Miangöra kömupkö buñaya akñapkö osima. ¹⁶ Miangöra nöñön jibi yarö azi yeñön ihileknöhök qegetka pösatpi etma.” ¹⁷ (Pailötnöñ yambu (yara) dop Pasowa sösongai nalöñe kösö mireyök azi mohok pösat engimaljapma.)

¹⁸ Mewö jiiga yeñön körekbörek silata qeta jiget, “Ia mönö yapmakek! Barabas mönö pösat neñginöñ.” ¹⁹ Barabas miangön sitinöñ karim gila malgeri, yeñgö galömñina aka azi kun qei kömuyöhi, miangöra kösö mire alget tarök.

²⁰ Pailötnöñ Jisös pösatmamgö möta keu kunbuk jiyök. ²¹ Jiyökmö, yeñön qetala örañbörañ misiba qet gigilahöget, “Maripomnöñ qeget! Maripomnöñ qeget!”

²² Qet gigilahögetka yañon keu indimñi karöbut kewö jiyök, “Yañon mönö wani bölöña ahök? Nöñon yangören pinjit kun kude miwikñaibiga kömupkö buñaya akñawanjö dop qahö akza. Mewö aiga nöñon jibi yarö azi yeñon ihileknöhök qegetka pösatpi etma.”

²³ Mewö jiyökmö, yeñon jakbak memba kapañ köla toroqeba qet gigilahöba qetket, ‘Jisös maripomnöñ qeget kömuma.’ Mewö qeta Pailötkörej keu mi qeapköget. ²⁴ Qeapkögetka Pailötnöñ keuñini bapñe anda keu kapañ köla jigeri, miangö ölni ahumapkö jim teköyök. ²⁵ Jim teköba Barabas etmapkö kapañ kölgerañgöra i pösari erök. I karim qeba malgeri, yeñgö galömnjina aka azi kun qei kömuyöhi, miangöra kösö mire alget tarök. Mi pösari erökmö, Jisös sihimñinanjö dop jaunğauranğa ak wanğimeğöra böröñine alök. Mewö.

Jisös maripomnöñ qeget.

Mat 27.32-44; Mak 15.21-32; Jon 19.17-27

²⁶ Pailötnöñ Jisös böröñine aliga wanğita köna namñe anda Afrika siti qetñi Sairini miangö azi kun qetñi Saimon miwikñaiget. Yañon nupnöhök kanğoriga jim kutum wanğiba Jisösgö maripomñi wanğita yangö awötñe algetka anğuba wuatangöba anök.

²⁷ Mewö aniga ambazip kambu ketañi yeñon lulunđa andöñe wuatangöba anget. Yeñgö sutñine ambi tosatñan mewöyök jinğen köla sahöta anget.

²⁸ Sahöta angetka Jisösnöñ lilingöba engeka kewö jiyök, “O Jerusalem ambi, injini mönö nöñgöra kude sahötket. Nöñgöra qahöpmö, nanñini aka nahönböraturnjini miengöra mönö sahötme. ²⁹ Mötket! Könanğep nalö kun kai miangören kewö jime, ‘Ambi köpin mi simbawon. Gölöm qahö ala morö kude megeri, mi simbawon akze. Nahönbörat juzu enğiba qahö dohongögeri, mi simbawon.’ ³⁰ *Nalö miangören ambazipnöñ könahiba kundunji Tonji yeñgöra kewö uletme, ‘Injini mönö kundunji mi jigetka teköba qaknine öngöme.’ Aka sem siagö Tonji mi kewö ulet enğime, ‘Injini mönö banjetñine asamböt nenğime.’

³¹ “Nöñon Anutugören ip gwölögwölö akzal aka nöñgöra töndup kewö ak niñgize. Injini ip köhömunji siñgisöndokñinambuk könöp sihit qeba kinje. Miangöra Anutunöñ likepñi melen enğiiga könöpnöñ amqeqeñanök enğohotiriiga sihimbölä öngöñgöñi mötme.”

³² Bölöñi meme yahöt mi mewöyök Jisösbuk mohotñe etkubingöra etkuangita anget. ³³ Anda gölme qetñi Nöröpsihit qetzei, miangören anğota Jisös maripomnöñ qeget. Qeba bölöñi meme yahöt mi mohotñe kun ölnje kun qaniñe likepliket mewö etkuget. ³⁴ *Mewö aketmö, Jisösnöñ jiyök, “Iwini, yeñon yuai akzei, miangö könanji qahö möt kutuzeangöra siñgisöndokñini mönö mosöt enğiman.”

Qeget kiniga Jisösgö sile esunğöra kiawen megetka qötöñi ahui miangö dop mendenđa meget.

³⁵ *Mewö aketka ambazip kambu yeñon kinda mi uba eket. Eketmö, Juda jittjememe yeñon mewöyök mepaqepaik mem wanğiba kewö jiget, “Anutunöñ möwölöhöm wanğii Amötqeqe Tonji Kraist akza ewö, tosatñi bauköm enğiba malöhanöñ mönö nanñi bauköm anğuma.”

* **23:30:** Hos 10.8; Ind 6.16 * **23:34:** Sum 22.18 * **23:35:** Sum 22.7

³⁶ *Yarö azi yeñon mewöyök keu gönahit jiba ilita kösutñe anda wain o asölñambuk kusahöla memba öngöba wañgiba ³⁷ kewö jiget, “Gi Juda yeñgöreñ kinj kembuya akzan ewö, mönö ölop nangi bauköm anğuman.”

³⁸ Nöröpñe eu kulem kun kewö ohoget kinök, “Juda yeñgö kinj kembuñina ki.”

³⁹ Kegwek-kahasililij azi yahöt mohotñe möndögetka kingeri, yetköreñök kunñan uruqeçe keu töhöreñ Jisös jim wañgiba kewö jiyök, “Gi Amötqeçe Tonj Kraist akzan ewö, mönö nangi bauköba niri mewöyök bauköm netkinöñ.”

⁴⁰ Mewö jiyökmö, alañan jim wañgiba kewö jiyök, “Gi gödaqeçe qahö. Gi Anutugöra mewöyök kenğotki qahö mötzan me? Yeñon jim teköba sihimbölo öröröñ neñgetka bisizin. ⁴¹ Niri ölna pinjit ahirañgöra likepñi dopñe melenđa ak netkigetka sihimbölo mötzi. Mi mötzi, azi kianñon bölöñi kun qahö aiga ia töndup ayuhuze.” ⁴² Mewö jiba jiyök, “Jisös, gi bemtohoñgahö uruqe angotmani, miangöreñ mönö ni mötmörim niñgiman.”

⁴³ Jiiga kewö jiyök, “Nöñon keu ölna jibi mötnöñ: Göñon mönö merak nömbuk oyaenköyaer mire öngöba malman.” Mewö.

Jisösnöy kömuyök.

Mat 27.45-56; Mak 15.33-41; Jon 19.28-30

⁴⁴ Silim bibiñi 12 kilok aiga wehön jeñi böuleiiga söñaupñöñ eta gölme pakpak dop köla ahöiga anda aua karöbutkö dop ahök. ⁴⁵ *Nalö miangöreñ jöwöwöl jike uruqe opo kinöhi, miañon mönö euyök bibiñe jurata eta yahöt ahök. ⁴⁶ *Jisösnöy nalö miangöreñ köhöikñanök qeta kewö jiyök, “Iwini, nöñon urañi göhö böroge aljal.” Mewö jiba söngörö ösum kondikñi öröba kömuyök.

⁴⁷ Kömuiga yuai asuhuyöhi, suahö galömmñöñ mi eka Anutu möpöseiba kewö jiyök, “Yañon mönö ölna azi solañna akza.”

⁴⁸ Ambazip kambu pakpak mi ekingö kaba tokogeri, yeñon yuai mi asuhui eka wösöñini juliga nörop gila mohot mohot miriñine anget. ⁴⁹ *Angetmö, ambazip pakpak Jisös möt wañgigeri, yeñon sikep kindi i uba eket. Ambi tosatñan Jisös wuatangöba Galiliyök kageri, yeñon mewöyök kindi mi eket. Mewö.

Jisösgö qamötñi löm kölget.

Mat 27.57-61; Mak 15.42-47; Jon 19.38-42

⁵⁰⁻⁵¹ Juda yeñgöreñ taon qetñi Arimatia miangöreñök azi ölopñi qetbunañambuk qetñi Josef yañon mewöyök kayök. Yañon Anutu bemtohoñgahö ölni asuhumapköra mamböta malök. Yañon Juda yeñgö jike kaunsöl kambugö jitrjememe mala Jisösgö keu jim jöhöba akeri, miangö urumohok qahö ahök.

⁵² Yañon Pailötköreñ anda Jisösgö qamötñi memamgö qesiyök. ⁵³ Qesiba öngöba qamötñi maripomnöhök qeköba memba eta opo tuatñan esuhuyök. Esuhuba memba qaksirinöñ anda köt köteñ kun uroröhoba qamöt kun miangöreñ qahö algeri, Jisösgö qamötñi mi miangöreñ alök. ⁵⁴ Sabat kendon tatatkö yuaiñi mözözömgögeri, miangö wehön jeñi gemamgö ahök.

⁵⁵ Gemamgö aiga ambi Jisösbuk Galiliyök kageri, yeñon Josefgö könañe qaksirinöñ anda yañon Jisösgö qamötñi memba köt köteñnöñ alöhi, mi eket.

⁵⁶ *Miangöreñök liliñgöba mire anda jiniñ suamburup umköhöwaktambuk aka kelök qösösökñambuk Jisösgö qamötñe miribingö mözözömgöget.

* 23:36: Sum 69.21 * 23:45: Eks 26.31-33 * 23:46: Sum 31.5 * 23:49: Luk 8.2-3 * 23:56: Eks 20.10; Dut 5.14

Mözözömgögetmö, Mosesnöj Kona keunöj Sabat kendongöra jim kutui ahöyöhi, mi wuatangöba luhut memba ösöj tatket. Mewö.

24

Jisösnöj kömupnöhök wahörök.

Mat 28.1-10; Mak 16.1-8; Jon 20.1-10

¹ Sabat kendon tatket teköiga Sonda sönanök miri gianjiiga ambi yejön wahöta jinij jimoronj umköhöwakjambuk mözözömgögeri, mi memba qaksirinöj anget. ² Anda kunñan qaksirigö numbuñe köt ketanj qetali ani eket. ³ Mi eka köt köteñ uruñe öngögetmö, Kembu Jisösgö qamötñj qahö miwikñaiget. ⁴ Mianjöra mötkurumkurum möta kingetka azi yahöt malukunjri tuatñj kölkölibilikñjambuk yetköñ wösöjine kinohotka etkeket.

⁵ Mi etkeka awöwöliba gölmenöj geba dapkögetka kewö jiyohot mötket, “Jebuk mal köhöizawi, i mönö denöwögöra kömukömunj yeñgö sutñjine jaruze?”

⁶ *Yañön ki qahö ahözapmö, mönö göliba wahötza. Galili prowinsnöj mala keu jii mötkeri, mi mönö mötmörime: ⁷ Yañön kewö jiyök, “Kunöj Suep gölmegö azi öljñ mamalolo mem wañjiiga bölöñj meme yeñgö böröñjine geiga maripomnöj qeget kömumba wehön karöbut aiga guliba wahötma.”

⁸ Mewö jiyohotka keunji mi mötmötñjine angoriga mötmöriget. ⁹ Mewö mötmöriba qaksirinöhök lilingöba kaba yuai pakpak asuhuyöhi, mianjö bözup keunji mi gwarek 11 aka tosatñj pakpak yeñgöra jiget mötket. ¹⁰ Keu mi jigeri, mi Magdalagöra Maria, Joana aka Maria Jeimsgö namñi aka ambi tosatñj yembuk malgeri, yejön mi kaba aposol yeñgöra jiget mötket.

¹¹ Buzup keu mi jiget mötketmö, keu jigeri, mi keu omanj tandök ahöhi, mewö mötmöriba mi qahö möt nariget. ¹² Qahö möt narigetmö, Pitönöj wahöta ösumñan qaksirinöj anda köt köteñ uruñe ui aniga opo esu miyök mianjörejñ tari ehök. Mi eka yuai asuhuyöhi, mi nanjök mötmöriba welipköba mire lilingöyök. Mewö.

Gwarek yahötñan Emeus könanöj anohot.

Mak 16.12-13

¹³ Wehön mianjörejñök Jisösgö gwarekurupñj yeñgöreñök yahötñan Jerusalem siti mosöta miri qetñj Emeus sewen mail mianjörejñ anbitkö anohot. ¹⁴ Könanöj anda yuai asuhuyöhi, mi pakpak nanjirök eraum mörohot. ¹⁵ Mi eraum möta könanj jim lömböriba anohotka Jisösnöj nanjak kösutñjire angota mohotñe anget. ¹⁶ Angetmö, jenjiri közamböri i qahö ek kutuyohot. ¹⁷ Qahö ek kutuyohotka kewö jiyök, “Injiri nanjirök wani keuya könanöj eraum möta kazahot?” Mewö jiiga dörok mitiba wösöbirik jeje uba eka kinohot.

¹⁸ Eka kinda yetkörejñök kun qetñj Kliopas yañön kewö qesim wañjiyök, “Pasowa kendonöj yuai asuhuyöhi, mi Jerusalem ambazip köreknan mötze. Gi mohotñan kiana aka mi qahö mötzan me?”

¹⁹ Qesim wañjiiga “Mi wania?” jiiga möta kewö jiyohot mörök, “Nazaret azi Jisösgöra yuai asuhuyök mi. Yañön kezapqetok azia mala Anutu aka ambazip pakpak yeñgö jeñjine ahakmeme kukösumñambuk aka keu köhöikñj jiba malök. ²⁰ Mewö maliga nenjö jike nup galömnini aka galömkölköl aziurupninan i wañgita premiögö böröñje algetka kömumapkö jim teköi maripomnöj qeget kömuyök. ²¹ Yañön Israel könagesönini kösönöhök pösata

* 24:6: Mat 16.21; 17.22-23; 20.18-19; Mak 8.31; 9.31; 10.33-34; Luk 9.22; 18.31-33

sohoppnini memapköra al mamböta jörömqöröm aka malinmö, Yei! i mönö qeget kömuyök. Yuai mi asuhuiga mala koringa merak sömañi karöbut lök akza.

²² “Mi qahö dop köliga merak nengöreñök ambi tosatñan keunöñ kuñguba welipköm nengiget maljin. Yeñön söñan amandinje qaksirinöñ anda, ²³ qamötñi qahö miwikñaiba lilingöba kewö jize, “Nini Suep garata yahötkö jemelen imut ehinga yetköñ ‘Jisösnöñ guliba malja,” jiyohotka mötzin. ²⁴ Keu mi möta azi nembuk maljei, yengöreñök tosatñan qaksirinöñ anda ambi yeñön keu jizei, miangö dop ahöiga ekze. Löm gwamönñi ekzemö, nanñi qahö ekze.”

²⁵ Keu mi möta kewö jii mörohot, “Yei! Injini kezapqetok yeñön keu jigeri, mi pakpak mönö wuanönögöra ölanbölan aka ajojohoba gawönjeje mala qahö möt narize?” ²⁶ Amötqeqe Tonji Kraistnöñ sihimbölo mewöñi mötagun nanñi asakmararan uruñe öngöma. Miangö dop ohoget ahöza me qahö?” ²⁷ Mewö jii mörohotka Moses aka kezapqetok ambazip pakpak yeñön keu jigeri, miangöreñök könahiba nanñangöra keunji pakpak ohoget ahözawi, miangö könañi jim asarim etkiyök.

²⁸ Jim asarim etkiba anda miri anbitkö jiba anohori, mi dopdowiba miangöreñ toroqeba anmangö mörök. ²⁹ Mewö mörökmö, yetköñ kapan köl wanñiba kewö jiyohot, “Miri mare aiga wehön jeñan lök gemangö akza. Miangöra ölop netpuk tata ahöman.” Mewö jiyohotka yetpuk mire öngöba tatket. ³⁰ Tata yetpuk nene nembangö aka beret memba kötuetköba mindipköba etkimangö aiga yuai kewö asuhuyök:

³¹ Miangöreñök jenñiran tohoiga ek kutuyohotka at atop (jiatator) köliga kunbuk qahö ehot. ³² Mewö aiga nanñirök kewö eraum mörohot, “Köna namñe Bunja Kimbigö keu jiba könañi jim asarim netkizawi, nalö miangöreñök mönö urunire könöp jezawangö dop mötzit.”

³³ Mewö jiba miangöreñök wahöta Jerusalem sitinöñ lilingöba angota gwarekurupñi 11 aka alaurup yembuk tokoba tatkeri, mi miwikñaim engiyohot. ³⁴ Miwikñaim engiyohotka kewö jigget mörohot, “Kembunöñ mönö ölna wahöta Saimongöreñ asuhum wanñiza.”

³⁵ Mewö jiggetka nanñirak könanöñ yuai asuhuyök aka beret mindipköyöhi, nalö miangöreñ urunñiri tohoiga möt kutuyohot, miangö kösohotñi mem engiyohot. Mewö.

Jisösnöñ gwarek kambuñi asuhum engiyök.

Mat 28.16-20; Mak 16.14-18; Jon 20.19-23; Apo 1.6-8

³⁶ Gwarekurupñi yeñön keu mi eraum möta tatketka miangöreñök Jisösnöñ nanñak sutñine asuha kina kewö jiyök, “Alaurupni, luainöñ embuk ahöma!”

³⁷ Mewö jiiga kengötporin aka jönömñini undui “Öme imura ekzin,” mewö mötmöriget. ³⁸ Mewö mötmörigetmö, kewö jii mötket, “Injini denöwögöra auruba mötmöt mewöñi uruñine ahuza? ³⁹ Ni nanak ki maljal. Mi nanñinak köna böröni uba eka mötme. Öme imut mi bususihitñini qahö. Ni bususihitnambuk kinbi nekke. Mönö nömisiriba nek kömume.”

⁴⁰ Mewö jiba köna böröñi kondel engiyök. ⁴¹ Kondel engiyökmö, mi sösongainñangöra töndup qahö möt nariba welipköba tatketka kewö qesiba jiyök, “Nenñamñini kun ki tatza me qahö?” ⁴² Mewö jiiga söra jeñeñi miangö kitipñi kun wanñiget. ⁴³ Wanñigetka memba neiga eket.

⁴⁴ Neiga eketka kewö jii mötket, “Ni embuk mala nalö mianğörej keu jibi mötkeri, mianğö ölni nalö kianğörej asuhui ekze. Nöñön kewö jiba malal: Nöngö keu mi Mosesgö Köna keu aka kezapqetok azi yengö Buzup Kimbi aka Sumbara (Buja linet) buknoñ ohoget ahözawi, mi pakpak mönö ölnambuk ak teköma.”

⁴⁵ Mewö jii mötketka mianğöreñök Buja Kimbigö könañi möt kutumegöra uruñini metohoyök. ⁴⁶ Metohoba kewö jii mötket, “Keu kewö ohoget ahöza: Kraistnöñ sihimbölo möta kömumba sömañi karöbut aiga kömupnöñök wahötma. ⁴⁷ Mianğöra enñon mönö Jerusalem sitinöñ könahiba Buja keu nöngö getne jim asariba kantri pakpak dop köla anda uru kuñgum enğimakñe. Denike yeñon uruñini meleşmei, Anutunöñ mönö yengö siñgisöndokñini mosöta sanğonma.

⁴⁸ “Keu mi ölnambuk ahök aka akñawi, inñini mi asuhui eka nañgöba jiba dangunu ewö kinme. ⁴⁹ *Mötket! Iwinan kalem enğimapkö keu jöhöyöhi, nöñön i melai biga uruñine gema. Euyangöreñök kukösum albi qakñine öngöma. Inñini siti kianğöreñ mianğöra mamböta tata malme.” Mewö.

*Jisösnöñ Suep mire öngöyök.
Mat 16.19-20; Apo 1.9-11*

⁵⁰ *Jisösnöñ keuñi jim teköba gwarekurupñi enğuangita anda Betani miri kösutñe añgota mianğöreñ böröñi mem wahöta kötuetköm enğiyök. ⁵¹ Kötuetköm enğiiga mianğöreñök Anutunöñ wañgiriga enğömosöta Suepnöñ öngöyök. ⁵² Öngöiga sösongai ketanñi möta sipköba waikñi memba möpöseim wañgiba Jerusalem lilingöget. ⁵³ Lilingöba sundan dop jöwöwöl jikenöñ mala Anutu möpöseim wañgiba malget. Mewö.

* 24:49: Apo 1.4 * 24:50: Apo 1.9-11

Jon

Ölöwak Buña Jonöñ ohoyök. Jim-asa-asari

Jonöñ nanñi qetñi Ölöwak Buña kiangörej aukñe qahö ohoyökmö, nannañgöra kewö jiza, “Gwarek Jisösnöñ uruñan jöpaköm wanñiyök.” (19.26) Jonöñ urujöpak urukalemgö keuñi kapan köla jimakza. Jonöñ Ölöwak Buña ki mi ambazipnöñ keu kewö möt kutumegöra (20.31) ohoyök, “Jisös Kraist mi gölme aziyöhök qahö malökmö, öñña Anutugö Nahönñi aka Amötqeqe Tonji akza. Injini mönö i möt köhöiba mewö mianñon malmal köhöikñi miwikñajime.” Jisösnöñ mutuk Iwigörej mala keu jitña malök. (1.1) Mewö mala gölme azia aka ösum-mumuñi aka mötmötñi mi aiwesök anñöletot memba mianñon kondelök. Mi kondela bemtohoñgö könani jim asariiga tosatñan uruñini melengetka tosatñan töndup yanñisen aket.

Jisösnöñ kewö akza, jiyök: Amötqeqe Tonji (4.26), malmalgö nene wötñi (6.35), miri gölme euyangö buñaya (8.23), bem konkon (8.58), gölme pakpakö asakñi (9.5), nanñu (10.7), lama galöm ölöpnji (10.11), Anutugö Nahönñi (10.36), Kembu aka Böhi (13.13), kömupnöhök wahötwahöt Tonji aka malmal kömbönanji Tonji (11.25), köna, keu öñji aka malmal köhöikñi (14.6), wain ip öñji (15.1), kulem namñi mutukñi aka teteköñi A aka Z (Ind 1.8), Mutukñi aka Qöndökñi (Ind 1.17) aka mewö mewö.

Jisösnöñ gwarekurupñi öñña jöpaköm engiba malöhi, goro keu qöndökñan (Boñ 13-17) mi törörök kondelja. Keu mi nahömñambuk. Kömupnöhök wahötagun Pitö mem köhöimapköra kewö qesiyök: “Ni jöpaköm niñgizan me qahö? Mewö akzan ewö, mönö alaurupni köyan köl engiman.”

Buk kiangö bahöñi bohönñi 6 mi kewö:

Keu mutukñi *1.1-18*

Jon O-melun azi aka gwarekurup mutukñi *1.19-51*

Jisösnöñ qenjarök nup meyök *2.1-12.50*

Teteköñe Jerusalem kaba mala kömuyök *13.1-19.42*

Guliba wahöta alaurupñi asuhum enñiyök *20.1-31*

Galili kaba gwarekurupñi asuhum enñiyök *21.1-25*

Anutugö numbu jitñi malmalñambuk.

¹ Könakönahije möpñangö möpñeyök keu jit malök. Yanñon malmalgö könani nangöba jiba kota malök. Keu jit yanñon Anutugö qöhöröñe mala korök aka nanñak bem Anutuyöhök ahök. ² Keu jit yanñon könakönahije Anutugö qöhöröñe malök. ³ Yangö qöhöröñe mala bauköm wanñiiga yuai pakpak ahuyök. Yuai kun qahö bauköm wangibawak, mi mönö qahö ahubawak. ⁴ Keu jit yanñon malmal bömönñanök ahök. Yangörej malmal köhöikñi mianñon ambazip mem asarim enñiiga eka mala kotket. ⁵ Asakñan panaman uruñe asarimakzapmö, söñaupnöñ malgeri, yeñon asakñangö könani mi qahö möt asariba mala kotket. Mewö.

⁶⁻⁷ * Anutunöñ ambazip körek pakpak asakñi möt narimegöra möta kolek azi qetñi Jon melaiiga asuhuyök. Asuhuba kaba asakñangö könani indela nangöba jiba malök. ⁸ Jonöñ nanñak asakñi mi qahö aka malökmö, yanñon

* **1:6-7:** Mat 3.1; Mak 1.4; Luk 3.1-2

mönö asakñangö könañi mi nanğöba jiba malök. ⁹ Asak ölbölñi yanğon ambazip gölme dop mem asarim nenğimawkawi, yanğon gölmenöñ asuhumangö ahök.

¹⁰ Yanğon könakönahıñe gölmenji gölmenji میانğö öröyuanji pakpak mi nam köl enğiiga ahuget. Ahugetka nanjak sutñine mala korökmö, gölme ambazipnöñ töndup i qahö möt kutum wanğiba tönpin malget. ¹¹ Mewö tönpin malgetka nanji miri gölmenje kaiga könağesöurupñan zikzik tököba nesampurek aka andö qem wanğiget. ¹² Mewö aketmö, denike yeñon köl öröm wanğiba qetbuñanji möta möt narigeri, yanğon mönö körek yeñğöra köna mesari kewö asuhuyök: Nanjak nam köla kukösum enğiiga ahuhahu dölokñi ahuba Anutugö nahönböraturupñi aket. ¹³ Anutugö jitsihitñan mönö nam köl enğiiga asuhuget. Gölme azinöñ jit sihitñi wuatangöba anömñambuk keu jöhöiga gölöm ala morö meiga asuhuzawi, yeñon köna mewö میانğon Anutugö nahönböraturupñi qahö aket. Mewö.

¹⁴ Keu jit yanğon azi silebuk aka sutñine anda kaba malök. Mewö maliga aködamunñi uba eka malin. Iwiñan Nahöññi mohok-kungöra aködamunñi pakpak ala aum köl wanğiiga qainñi kun maljawi, yanğon mönö میانğö dop kalem möriamñan urunji kokolak qeiga aködamunñambuk aka nalö dop keu öl töhöññi jiba malök.

¹⁵ Jonöñ azi میانğö könañi nanğöba kewö qeta jiba malök, “Nöñon kungöra keu jiba malali, yanğon mönö mia akza. Kewö jiba malal: Nöñğö andöne azi kun kamawi, nöñon qahö asuhubiga yanğon mutuk malök. میانğöra yanğö qetbuñanñan mönö ni nonğita öñğöñğöñi akza.” Jon O-melun azinöñ mewö jiba malök.

¹⁶ Kalem möriamñan azi میانğö urunji kokolak qeiga aködamunñambuk malöhi, yanğon mönö میانğö dop kötuetsköm nenğiba malök. Kötumötuetti mi nalöñi nalöñi mokoiga körek nenğö qaknine öñğöi malin. ¹⁷ Mosesnöñ Köna keunini nam köli asuhuyökmö, Jisös Kraistnöñ keu ölni indel teköba Anutugö kalem möriamñi nam köli aukñe asuhuyök. ¹⁸ Gölme azi kunñan Anutu nalö kunöñ qahö ehök. Nahöññi mohok-kunñan Iwigö wösöñe mala kota malöhi, yanğon mönö gölmenöñ eta könañi indel nenği mörin. Mewö.

Jon O-melun azinöñ nanñi könañi jim asariyök.

Mat 3.1-12; Mak 1.1-8; Luk 3.1-18

¹⁹ Juda jitñememe yeñon jike nup galöm aka jöwöwöl jikegö welenqeçe tosattñi Jerusalem sitinöhök melaim enğigetka Jongöreñ kaget. Kaba qesim wanğiba jiget, “Gi wani azia akzan? Könañamgi denöwö?” Mewö jigetka könañamñi indela jii mötket.

²⁰ Könañamñi qahö qañ kölökmö, aukñe kewö jim miwikñaiyök, “Nöñon Amötqeçe Tonji Kraist qahö akzal.”

²¹ *Mewö jiiga kapan köla qesim wanğiget, “Gi mönö azi ninja akzan? Gi Elaija (Elia) akzan me qahö?” Qesim wanğigetka “Qahö!” jiyök. “Gi kezapqetok azi kun akzan me qahö?” Mewö qesigetka “Mewö qahö!” meleşnök.

²² Melenñiga qesiget, “Gi ninja akzan? Melaim nenğigetka kazini, yeñğöra mönö denöwö melenñda jiin mötme? Gi nangi könañi denöwö jim asariman?”

²³ *Qesigetka kewö jii mötket, “Kezapqetok azi Aisaianöñ keu kun kewö jii ahöza, ‘Ni garata aka gölme qararanjökölñe mala kewö qerakzal: Kembunöñ kamawo!

* 1:21: Dut 18.15, 18; Mal 4.5 * 1:23: Ais 40.3

Miangöra injini mönö uruñini mindiñgöba könañi mesata möhamgöget.’ Ni miangö kolek garatanj akzal.”

24 Azi melaim engigetka Jongörej kageri, mi Farisi (Köna keugö kapankölköl) azia aket. 25 Yeñön kunbuk kewö jiba qesim wañgiget, “Gi Amötqeqe Tonj Kraist qahö akzan aka Elaija (Elia) me kezapqetok azi yeñgöreñök kun qahö akzani, miangöra mönö wuanöñgöra ambazip o melun mem engimakzan?”

26 Qesim wañgigetka kewö melenj engiyök, “Nöñön o töhönöñ engömirimakzalmö, azi kun injini qahö möt kutuzei, yañön lök sutñine kinja. 27 Azi kun nöñgö andöne kamapköra jiba malali, yañön mönö mi. Yañön kaiga ketañamni aka malma. Miangöra nöñön yañgö kösutñe anda wayangösöñi teñgöba köna esunañgö kösöñi pösatmamgö qötötangömam.”

28 Jonöñ Jordan o likepñe miri qetñi Betani miangöreñ mala ambazip o melun mem engiba malök. Yuai mi mönö miangöreñ asuhuyök. Mewö.

Jonöñ Jisösgöra “Anutugö lama moröñi,” jiyök.

29 Mi asuhuiga miri gianjiiga Jonöñ Jisös tikep kaiga eka jiyök, “Eket, azi mi Anutugöreñ lama moröñi. Yañön mönö gölmenji gölmenji neñgö siñgisöndoknini köl köñjörari solanibin. 30 Nöñön kungöra keu jiba malali, yañön mönö mia akza. Kewö jiba malal: Nöñgö andöne azi kun kamawi, nöñön qahö asuhubiga yañön lök mutuhök malök. Miangöra yañgö qetbuñañan mönö ni nonñgita öñgöñgöñi akza. 31 Nöñön i mutuk qahö möt kutuyalmö, Anutunöñ könañamñi Israel ambazip neñgöra indeli mötpingöra mötza. Mi möta ni melaim niñgiiga kaba o melun mem engimakzal.”

32 Jonöñ mewö jiba dangunu ewö kinda nanñgöba kewö jiyök, “Uña Töröñan mönö Suepnöhök eta kembö nei ewö yañgö nööröñje eta köla tari ehal. 33 Nöñön i mutuk qahö möt kutuba malalmö, kunöñ ambazip o melun mem engimangöra melaim niñgiyöhi, yañön kewö jii möral, ‘Uña Töröñan kungö nööröñje eta köla tari ekñani, yañön mönö Uña Töröñi ambazip uruñine ala melun mem engima.’ 34 Nöñön mi ehalanñgöra aka könañamñi kewö nanñgöba jizal, ‘Yañön Anutugö Nahöññi akza.’” Mewö.

Jisösnöñ gwarekurupñi mutukñi engöholök.

35 Mewö jiiga miri gianjiiga Jonöñ kunbuk o jitñe miangöreñök aniga gwarekurupñi yeñgöreñök yahötñan yambuk mohotñe kinget. 36 Kingetka Jisösnöñ miangöreñ engöñgita anöhi, i törörök uba ehiba jiyök, “Azi mi ehot. Yañön mönö Anutugöreñ lama moröñi ewö akza.”

37 Mewö jiiga gwarek yahöt yetköñ keu mi möta Jisösgö andöñe anohot. 38 Anohotka Jisösnöñ liliñgöba andöñe kayohori, i etkeka kewö qesim etkiyök, “Injiri niñia jaruba kazahot?” Mi möta jiyohot, “Ketañamñiri! Gi miri denike ahöba maljan?” (Juda yeñön ‘Ketañamñiri’ keu mi böhiñgöra jiget.)

39 Mewö jiyohotka melenñök, “Möno kaba ehot!” Mewö melenñiga wehön möñaiiga 4 kilok miangö dop ahök. Wehön möñaiiga miangöreñ mohotñe anda miri denike ahöba malöhi, mi eket. Mi eka miangöreñ yambuk malohotka miri söñauba sunñgem aiga mosöta kayohot.

40 Jonöñ keu jiiga gwarek yahötñan möta Jisösgö andöñe anohori, yetköreñök kungö qetñi Andru, datñi qetñi Saimon Pitö. 41 Andru yañön mutuk datñi Saimon miwikñaiiba kewö jii mörök, “Niri Amötqeqe Tonj mönö miwikñazit.” Amötqeqe Tonj mi Grik keunöñ Kraist. 42 Mewö jiba datñi wañgita Jisösgöreñ anohot. Anohotka Jisösnöñ Saimon törörök uba ehiba

jiyök, “Gi Saimon, Jongö nahönñi akzanmö, nöñön qetki Sifas qetpi ahöma.”*
Mewö.

Jisösnöñ Filip aka Natanael etkoholök.

⁴³ Miri gianjiiga Jisösnöñ Galili prowinsnöñ anmamgö möta anda könanöñ azi qetñi Filip miwikñaiba kewö jii mörök, “Gi mönö ni nuatangöba kaman!”

⁴⁴ Filipnöñ Andru aka Pitö yetpuk mirinñini mohok. Taonñini qetñi Betsaida.

⁴⁵ Filipnöñ azi qetñi Natanael miwikñaiba kewö jii mörök, “Mosesnöñ azi kungöra Köna keunöñ ohoba kezapqetok yeñön toroqeba ohoget ahözawi, nini mönö azi mia miwikñaizin. Azi mi qetñi Jisös, iwññi qetñi Josef, mirinñi qetñi Nazaret.”

⁴⁶ Natanaelnöñ mi möta welipköba jiyök, “O Nazaret! Mi miri qandakña. Yuai ölöpnji kun mönö mianğöreñök asuhumawangö dop qahö.” Mewö jiiga Filipnöñ jii mörök, “Mönö kaba nangak ek kutuman!”

⁴⁷ Mewö jii möta Jisösgöreñ kaba asuhuiga eka yangöra keu kewö jiyök, “Eket! Azi kianñon mönö Israel azi ölnji akza. Uruñe munenñ geñmonñi kun qahö.”

⁴⁸ Mewö jiiga Natanaelnöñ qesim wangiba jiyök, “Gi mönö denöwö aka ni möt kutum ninğizan?” Mewö jiiga Jisösnöñ melenđa jiyök, “Gi fig ip† könañe tatnöñga gek kutuyal. Mutuk gek kutubiga Filipnöñ mianğö bapñe geka gholök.”

⁴⁹ Mewö jiiga Natanaelnöñ melenđa jii mörök, “O Ketañamni, gi mönö ölnja Anutugö Nahönñi akzan. Gi Israel nenğöreñ azi Kembuya maljan!”

⁵⁰ Mewö jiiga Jisösnöñ melenđa jiyök, “Ni mutuk kewö jizal, ‘Gi fig könañe tatnöñga gek kutuyal.’ Mewö jim miwikñaizalawangöra ölöpn möt narim ninğizan. Anutugöreñ kukösum ki eka mötzani, mi mönö yuai kötonđokñi akza. Ölnji ketañi mi mönö bianñ eka möta malman.”

⁵¹ *Mewö jiba toroqeba jii mörök, “Nöñön keu ö! töhönñi kun kewö jibi mötnöñ: Könañgep nöñgö gwarekurupni aketka kutum enğuasöriga imut kewö ekñe: Suep nanğunöñ taliga Anutugö garataurupñan asuhuba Suep gölmeğö Azi Ölnji yambuk nariba yangöreñ eta öngöba aketka enğekñe.” Mewö.

2

Jisösnöñ o mem letoriga wain ahök.

¹ Jisösnöñ Filip aka Natanael etkoholiga silimñi karöbut teköi malgetka kunöñ ambi memegö maren lömbuanñ ali tokoget. Mi Galili prowinsgö miri qetñi Kana mianğöreñ alget. Jisösgö namñan mianğöreñ mohotñe ani malget.

² Jisös aka yangö gwarekurupñi mi mewöyök öröm enğigetka lömbuanñnöñ mohotñe malget. ³ Mianğöreñ malgetka wain onöñ qahöwahiga Jisös namñan nahönñawangöra jiyök, “Yeñgöreñ wain o qahöwakza.”

⁴ Mewö jiiga kewö jii mörök, “Namni, mi denöwö aktñamgöra jizan? Jim kutum ninğizan me? Nöñgö anğöletot meme nalönan mönö qahö kam kunğuiğa maljal.”

⁵ Mewö jii möta welenqeçe yeñgöra kewö jiyök, “Yañön yuai kungöra jim kutum enğimawi, mi inñini ölöpn akñe.”

* **1:42:** Sifas mi Grik keunöñ Pitö, nanine keunöñ köt jamönñin. † **1:48:** Fig mi sambu ewöya. Mi nupñine kömötketka kötnji nahöññambuk asuhuiga mi nalö gwötñuk nezema. * **1:51:** Jen 28.12

⁶ Juda yeñon amöt qem anġubingöra Köna keunġini wuatangöba böröñjini sanġonmaljema. Mianġo dop miri mianġoreñ köurañen ketanġi 6 tarök. Köurañen mohot mohot mi o gina 8 me 12 mianġon geba kokolak qenahanġo dopñan tatket.

⁷ Jisösnöñ mi eka kewö jii mötket, “Inġini mönö o uba kaba mokogetka köurañen ki kokolak qeget.” Mewö jii möta jiyöhanġo dop aket. ⁸ Köurañen mi kokolak qegetka kewö jim kutum enġiyök, “Mönö o qakñi tosatñi uba anda lömbuan galöm wanġime.” Jim kutum enġiiga memba anget.

⁹ Uba angetmö, galömnöñ o letota wain ahöhi, mi nemba möta denikeyök memba kageri, mi qahö möt asariba auruyök. Auruyökmö, welenqeqenöñ o ugeri, yeñon mi möta jigetka galömnöñ maren tonġi oholi kayök. ¹⁰ Kaiga kewö jii mörök, “Maren nalöñe körek pakpak yeñon wain o ölöñji mi mutuk memba kaba enġimakze aka mi nemba enololonġ aketkun wain o nahömnġi qahö mi könanġep enġimakze. Göñon wain o ölöñji mi mutuk angön köla qahö enġiba dölkki nalö onġita memba kazan. Mi silik murutñi kun akzan.”

¹¹ Jisösnöñ anġoletot mutukñi ki mi Galili prowinsġo miri qetñi Kana mianġoreñ meyök. Mi memba mewö mianġon kukösumñi indeliga asuhuyök. Mi asuhuiga gwarekurupñan möt narim wanġiget.

¹² *Közölömbuanöñ malget teköiga Jisös, yangö nam-munñi aka gwarekurupñi yeñon mirinġine Kaperneam anget. Mianġoreñ anda sömañ tosatñi toroqeba malget. Mewö.

Jisösnöñ jöwöwöl jike jim kömbuhiyök.

Mat 21.12-13; Mak 11.15-17; Luk 19.45-46

¹³ *Nalö mianġoreñ Juda nenġoreñ ak-kömukömu kendon nalöñan dopdowiyök. Anutunöñ mönöwök nenġehoriba nenġonġiröhi, * mianġora söñgaibingö aketka Jisösnöñ mewöyök mirinġi mosöta Jerusalem sitinöñ öñgöyök. ¹⁴ Sitinöñ öñgöba jöwöwöl jikegö tohonġ urunġe anda yuai kewö miwikñaiyök: Ambazip bulmakau azinġi, lama aka kembö nei mi bohonnġi memegöra alget aka tosatñan monen utekutek albingöra tatkeri, mi enġehök.

¹⁵ Mi enġeka kösönöñ tapep (munġamunġa) möñjönġa mianġon enġohotiriba enġuyök. Enġuba ambazip mi körek közöl enġiba lama bulmakaunġinambuk jöwöwöl jikenöhök enġuatangöyök. Utekutek ambazip yeñö souje köñjini metaliga mokoba eriga tebolñini metali anget. ¹⁶ Kembö bohonnġini memegöra algeri, ambazip mi kewö jim enġiyök, “Yuai mi mönö memba ke-sala yaigep anget. Inġini nöñġo Iwinanġo jöwöwöl jikenġi ki mönö wuanöñgöra utekögetka kölköl-örörö miri ewö akza?”

¹⁷ *Mewö jiiga Buña keu kun gwarek yeñö mötmötñine kanġoriga mötmöriget. Keu mi kewö ohoget ahöza, “Nöñġo urunan göhörenġ jike mi kömbukñi ahömapköra kapañ kölbiga mianġon urune newañ köñöp ewö jeiga waimanġat mianġon kawöl miwikñaimakzal.”

¹⁸ Mi közöl enġiiga Juda jitñememe yeñon tembula wahöta Jisösgörenġ kanġota kewö qesim wanġiget, “Gi mönö wani anġoletot kun aknönġa kukösumñi ehinga dop köl nenġiigun kimbi mewöñi akanak?”

* **2:12:** Mat 4.13 * **2:13:** Eks 12.1-27 * **2:13:** Anutunöñ Ijpt mianġoreñ Israel ambazip nenġehoriba nenġonġirök, mianġo sösongainġi mi Nei keunöñ Pasowa. Eksodus, Mekömekö 12.15 * **2:17:** Sum 69.9

19 *Mewö qesim wanğigetka kewö melenğ enğiyök, “İnini jöwöwöl jike ki köndengetka gölmenöğ eriga nöğön mi wehön karöbutkö uruğe memba wahöta kuğğumam.”

20 Melenğ enğiiga kewö jiget, “Yambu (yara) 46:ğö uruğe jöwöwöl jike ki memba mala mem tekögetka asuhuba kinja aiga göğön mi wehön karöbutkö uruğe mönö denöwö aka memba wahöta kuğğubanak?”

21 Mewö jigetmö, Jisösnöğ jikeğö keu mi nanñi sileranğö söpsöpñja ala jiyök. 22 Jisösnöğ könanğep kömupnöğök wahöriğa söpsöp keu jiyöhi, mi nalö میانğörenğ gwarekurupñi yenğö mötmötnine kanğori ölop möt asariget. Mi mötmöriğa Jisösnöğ keu jiyöhi, mi aka Buğa keu ohogeri, mi pakpak möt nariget. Mewö.

Jisösnöğ ambazip könanğamni möt teköza.

23 Jisösnöğ Jerusalem sitinöğ ak-kömükömu kendongö nalöğe mala anğöletot kukösunğambuk meyöhi, mi ambazip gwötpukñan eka qetñi möt nariba yanğörenğ lapinğöget. 24 Lapinğögetmö, Jisösnöğ ambazip pakpak yenğö könanğamni möt kutum teköyök. Mewögöra ambazip pakpak qahö möt narim teköm enğiba keunjanğö bapñe qahö anda malök. 25 Ambazip uruğine keu yuai ahöyöhi, Jisösnöğ kuñjanğ ambazip uruğinanğö könanñi mi indela kondel wanğimawanğö dop qahö ahök. Mönö nanñak mi ölop möt kutum teköyök. Mewö

3

Jisösnöğ Nikodemus urumelenğö könanñi kusum wanğiyök.

1 Juda könağesögö jike kaunsöl sutñine jitñememe azi kun qetñi Nikodemus malök. Yanğön Farisi (Köna keugö kapañkölköl) kambunöğ kinök. 2 Yanğön sunğem kunöğ Jisösgörenğ kanğota kewö jii mörök, “Ketanğamni, gi anğöletot memakzani, mi azi kuñjan Anutu yambuk qahö kiniga nanñök memamğö osimakza. Mianğöra gi Anutunöğ nam köl gihiiga böhi akzan, mewö mötzin.”

3 Mewö jiiga kewö jiba meles wanğiyök, “Nöğön keu öl töhöññi kun kewö jibi mötnöğ: Kuñjan Anutugörenğök ahuahu dölöknji qahö ahuma ewö, yanğön mönö Anutugö bemtohoğe anğota ekñamğö osima.”

4 Melenğ wanğiiga kewö jiyök, “Kuñjan lök ahuba ambazip namñi aka malagun ahuahu dölöknji mönö denöwö ahubawak? Yanğön mönö nam köro uruğe anğori kunbuk gölöm ala memamğö osima.”

5 Mewö jiiga kewö melenñök, “Nöğön keu öl töhöññi kun kewö jibi mötnöğ: Kuñjan o melun mem wanğigetka Uğa Töröğnan uruğe geiga mewöñi میانğön ahuahu dölöknje qahö ahua ewö, mewöñi میانğön mönö Anutugö bemtohoğ uruğe anğotmamğö osima. 6 Gölmegö iwinam enğörenğök morö ahuzawi, mi gölme moröya. Uğa Töröğnan inahöba nam köliğa morö asuhumakzawi, mi mönö Suepkö moröya.

7 “Mewögöra inini ahuahu dölöknji Anutugörenğök qahö ahume, میانğön mönö qahö dop kölja. Keu mi jibiga میانğöra mönö kude auruman. 8 Luhutnöğ nanñi imbi-imbilaj giliga ötoğni mörakzanmö, mi denikeyök kaba gilakza aka denike gila anakzawi, gi میانğö könanñi qahö möt asarizan. Uğa Töröğnan ambazip nam köl enğiiga ahuahu dölöknje ahugeri, körek yenğö könanñinan mönö luhut میانğö dop akza.”

* 2:19: Mat 26.61; 27.40; Mak 14.58; 15.29

⁹ Mewö melenjiga Nikodemusnönj köñkuñ aka kewö jiyök, “Mi ahakö dop qahö.”

¹⁰ Mewö jiiga Jisösnönj jiyök, “Gi Israel könagesö kusum nenjimakzan aka töndup keu miangö könani qahö möt asarizan. Mi kude dop kölja. ¹¹ Nöñön keu öl töhöñni kun kewö jibi mötnönj: Neñön wania möt kutuzini, mi jiba indelakzin aka wania jeninan eka mötzini, mi nangöba jimakzin. Mewö ahakzinmö, eñön töndup Buña keunini mi qahö möt anğön kölakze.

¹² “Gölmegö yuainji jenönj ehekñi miangö keunji jibiga möta qahö möt narim niñgize ewö, nöñön Suepkö yuainji qahö ehekñi miangö könani jibiga mötmei, mi mönö denöwö möt naribeak? ¹³ Gölmegö azi kunñan Suepnönj qahö öñgöyökmö, Suep gölmegö Azi öñjan Suep mire mala eta asuhuyöhi, yañön mönö lilingöba Suepnönj öñgöma.

¹⁴ * “Anutunönj Moses gölme qararankölkölñe jim kutui kopö ainönj mokolen imutñi memba tohotnönj kösököi kinöhi, miangö dop Suep gölmegö Azi Öñji mi kösökögetka öñgöba kinma. ¹⁵ Ambazip i möt narim wangizei, yeñön körek pakpak malmal köhöikñi miwikñaiba malmegöra aka eu öñgöma.

¹⁶ “Miangö könani kewö: Ambazip i möt narim wangizei, yengörenök kunñan ayuhubapuköra Anutunönj gölme dop önönji qahö jöpaköm nenjiyök. Neñön körek letota malmal köhöikñangö buñaya akingöra mönö Nahönñi mohotsirik mi nenjiyök. ¹⁷ Ambazip gölme dop mal anjini, Anutunönj Nahönñi nenjö keunini jim tekömapköra aka qahöpmö, Nahönñan amöt nenjuiga kantri dop letota oyaenköyaen akingöra aka melaiiga gölmenönj erök.

¹⁸ “Ambazip kunñan Nahönñi möt narizawi, Anutunönj yangö keunji jim teköiga qahö ayuhumapmö, kunñan Jisös qahö möt narim wangizawi, Anutunönj yangö keunji lök jim teköiga malja. Anutugö Nahönñi mohotsirikö qetñi qahö möt narizawangöra aka könöp siagö buñaya akña. ¹⁹ Anutunönj gölme ambazip keunini jim tekömakzawi, miangö könani kewö: Asakñan lök gölmenönj eta asuhuyökmö, ambazipnönj ahakmeme bölönji bölönji aka memba malget. Mewö mala Anutugö asakñi tököba uruñini söñaupkö ahakmemenönj lañ jöhöba mala kotket.

²⁰ “Körek pakpak ahakmeme bölönji ahakzei, yeñön Anutugö asakñi tököba andö qemakze. Anutunönj ahakmemenini bölönji bölönji mi indela jim enjiiga gamuñini mötpepuköra kenğötñini mörakze. Mi möta asakñangö uruñe qahö anğorakze. ²¹ Qahö anğorakzemö, kunñan kun keu öñji wuatangöba maljawi, yañön ölop asakñangö uruñe kanğotma. Anutunönj sölölohöm wangiga ahakmemenji aka memba malöhi, miangöra ahakmemenji mianñön aukñe asuhumapköra mötza.” Mewö.

Jon O-melun azinönj Jisösgö könani jim miwikñaiyök.

²² Jisösnönj mewö jim teköba kinda gwarekurupñi enğuangita Jerusalem siti mosöta Judia prowinsgö miri andöñe anget. Miangören anda gwarekurupñi yembuk sonda tosatñi toroqeba yembuk mala ambazip o melun mem enğiba malök. ²³ Jisösnönj mewö malökmö, Jonönj mewöyök miri qetñi Salim miangö kösutñe malök. Miri qetñi Aion miangören o jök ahöyök aka ambazipnönj Jongören kanğota o melun mem enğimapkö qesigetka amqeba mem enğiba malök. ²⁴ * Nalö miangören Jon mi kösö mire qahö algetka tarök.

* 3:14: Jan 21.9 * 3:24: Mat 14.3; Mak 6.17; Luk 3.19-20

²⁵ Juda yenjon amöt qem angingöra börönjini sanjonmaljema. Mewögöra Jongö gwarekurupni yenjon Juda azi kunbuk keu miangö goranora aka könahiba jtnakölik jiget. ²⁶ Mewö jigetka lömböriiga Jongörej kaba kewö jiget mörök, “Ketajamnini mötnöj, azi Jordan o likepne göbuk maliga nangak kónajamni nangöba jinöj, yanjon ambazip o melun mem engiiga jesöngöjan mönö yangören anakze.”

²⁷ Jonöj mi möta kewö melenök, “Anutunöj azi kungöra yuai kun Suepnöhök qahö al wanjibawak ewö, yanjon mönö mi buja qem anjumangö osiza. ²⁸ *Yambuk mala kewö jial, ‘Ni Amötqeqe Tonj Kraist qahö akzalmö, Anutunöj melaim ningiiga mutuk kazala yanjon andöne kama.’ Nöjön keu mi jiali, injini mi ölop nanjinak nangöba jiba malbeahangö dop akze. ²⁹ Miangö keuji dop ala kewö jimam: Azi kunjan ambi bujanambuk aka ambi memangöra sösongai keu jim sehiba malja. Mewö maliga azi alajan kösutje kinda sösongai keujanö jölji möta yangöra önöj qahö söngaimakza. Miangö dop nöjön Jisösgö alanj aka yangöra söngaibiga sösongai mianjon döлки uruni kokolak qeiga maljal. ³⁰ Jisösgö qetbunanjan qarim sehiiga nöngörenjan mönö waziiga dop kölma.” Mewö.

Jisösnöj Suepnöhök eröhanjö kónaji jiyök.

³¹ “Danjon euyangörenök eröhi, yanjon ambazip körek pakpak engongita öngöngöj akza. Kunjan gölmenöj asuhaba gölmegö bujaya akza aka gölmenöj malmalgö keuji jimakza. Suepnöhök eta kayöhanjon mönö körek pakpak engongita öngöngöj akza. ³² Yanjon yuai eka möt kutuba malöhi, miangö kónaji jiba nangöba dangunu ewö kinja. Mewö kinjapmö, nangönanjö keuji mi ambazip kunjan kun qahö möt angön kölja.

³³ “Ambazip kunjan nangönanjö keuji möt angön köljawi, yanjon Anutu ölbölji akzawangö keuji mem köhöiiga pöwöwmji akja. ³⁴ Anutunöj kolek azinj melaiba Unjanj Töröjji musa qakne qahöpmö, kelenmalelej wangimakza. Miangöra kolek azinjan mönö Anutugö keu töhönnji indela jimakza. ³⁵ *Iwinöj Nahönnji urunan jöpaköm wangimakzawangöra aka yuai pakpak buja qem wangiba böröje ali ahöza.

³⁶ “Ambazip kunjan Nahönnji möt nariba uruji melenjawi, yanjon mönö kunbuk letota malmal köhöiknanjö bujaya akza. Kunjan Nahönnjanjö keuji qahö tem kölakzawi, Anutugö irimsesewöljan mönö yangö qakne öngöba pöndanj kini malmal köhöiknanjö kónaji qahö ek kutuba önewat lanj malja.” Mewö

4

Jisösnöj Samaria ambi kunbuk keu eraum mörohot.

¹ Jisösnöj mewö ambazip kusum engiiga gwarekurupni ajetka o melun mem engiba mewö mianjon Jon O-melun azi luhut ala malöhi, keu mi Farisi (Köna keugö kapankölköl) yengö kezapine gei mötket. Yenjon mi mötkeri, buzup mi jiget sehiba Kembangö kezapne gei mörök. ² Jisösnöj nanjak ambazip qahö o melun engiyökmö, yanjon jiiga gwarekurupnan mi ajet. ³ Mi möta Judia prowins mosöta lilingöba kunbuk Galili prowinsnöj göröken anget. ⁴ Köna mewö anda Samaria prowins ongita anget.

* 3:28: Jon 1.20 * 3:35: Mat 11.27; Luk 10.22

5 *Onḡita anda Samaria prowinsḡo taonḡi kun qetḡi Sikar miangḡoreḡ anḡorök. Sikar taon mi Jeikobnḡöḡ gölme bahḡni kun nahḡnḡi Josef waḡḡiyöhi, miangḡo kösutḡe ahöza. 6 Jeikobkö o lömḡi diginḡambuk mi Sikar taonḡöḡ ahöza. Jisösnḡöḡ köna kayöhaḡḡora aka silerḡi lömböriḡa silim bibiḡe o lömḡi miangḡoreḡ anḡota kösutḡe eta tarök.

7 O löm kösutḡe tariga Samaria ambi kunḡö o umamḡo kayök. Kaiga Jisösnḡöḡ eka kewö jii mörök, “Gi ölop o ninḡinḡonga nembilenḡak.” 8 Nalö miangḡoreḡ gwarekurupḡan nene bohḡnḡi membḡḡora i mosöta taonḡöḡ anḡetka nanḡirök kinohot.

9 *Juda ambazipnḡöḡ Samaria prowins qepureim enḡiba yembuk köisirik qahö maljema aka pake mohot miangḡon o qahö uzema. Mewöḡora nanḡirök kinohot miangḡoreḡ ambinḡöḡ kewö jii mörök, “Gi Juda azia aiga ni Samaria ambiapmö, denöwöḡora ‘O ninḡinḡonga nembilenḡak,’ jiba qesim ninḡizan?”

10 Jisösnḡöḡ qeḡesi mi möta kewö melenḡ meḡeḡ waḡḡiyök, “Gi Anutu kalemḡanḡö könaḡi möt kutunḡonga dop kölbawak. Daḡon ‘O ninḡinḡonga nembilenḡak,’ jiba qesim gihizawi, yanḡö könaḡi möt asaribanak ewö, i mönö qesinḡonga malmalgö onḡi gihibawak.”

11 Mewö jiḡa kewö jii mörök, “O ketaḡamni, o umamḡo pakeḡi kun qahö ahöza aka o löm kianḡon mönö diginḡambuk akza. Miangḡora malmalgö oḡora jizani, mi mönö denikeyök miwikḡainḡonga ahubawak? 12 Isik bömöḡnini Jeikob yanḡon o lömḡi ki nenḡiyök. Yanḡon mutuk nanḡak aka yanḡö andḡe nahönurupḡan ki kaba o uba nempa maljema aka bulmakau kambunḡi kambunḡi o enḡigetka nempa maljema. Gi Jeikob onḡita öḡḡöḡḡöḡi aka ambazip o mem sehim enḡimamḡo jizan me?”

13 Mi möta Jisösnḡöḡ kewö melenḡnök, “Ambazip körekḡan o ki nembagun mönö kunbuk oḡo kömumba nembḡḡo mörakḡe. 14 Mewö malmemö, nöḡon kungḡora o waḡḡimami, yanḡon mi nembagun nalö kunḡöḡ oḡo kunbuk qahö kömuma. Mewö qahöpmö, o waḡḡimami, mi mönö yanḡö uruḡe letota malmalgö o jenḡi jöḡjöḡköḡi qahö aiga malma. Mewö mali mönö uzumḡöba malmal köhöikḡi tetekḡöḡi qahö waḡḡimakḡa.”

15 Mewö melenḡniga ambinḡöḡ jiyök, “O ketaḡamni, gi mönö o mia ninḡinḡonga nemi. Mi nembagun nalḡi nalḡi kunbuk oḡo qahö kömumbilenḡak aka o umamḡora ki könasöksök qahö tibilenḡak.”

16 Mi jiḡa kewö jim kutum waḡḡiyök, “Gi mönö anda apki waḡḡita ki kamahot.”

17 Mewö jim kutum waḡḡiḡa “Ni apni qahö,” jiba melenḡnök. Melenḡniga kewö jii mörök, “Gi ‘Apni qahö,’ keu mi törörök jizan. 18 Gi ölna azi 5 enḡömempa malnḡöḡi aka merak kun memba maljani, yanḡon mönö göhö apki qahö akza. Keu jizani, mi öi töhöḡḡa.”

19 Ambinḡöḡ mi möta kewö jii mörök, “Ketaḡamni, gi mönö kezapqetok azi qainḡi kun akzan. Nöḡon tandöki mewö gek kutum gihizal. 20 Nenḡö ambösakonurupḡinan kundunḡi kondela kianḡoreḡ öḡḡöba sipköba köuluköba malgetmö, Juda enḡon kewö jimakze, ‘Samaria enḡon mönö Jerusalem sitinḡöḡ öḡḡöba jöwöwöl jikenḡöḡ sipköba köulukögetka dop kölna.’ ”

21 Mi möta Jisösnḡöḡ kewö jim kutuyök, “O ambi, nalö kun kam kuḡuma. Inḡini nalö miangḡoreḡ Iwi waikḡi memba möpöseibingḡora kundunḡi kianḡoreḡ me Jerusalem miangḡoreḡ qahö öḡḡöba malme. Gi keu mi ölop möt narinḡonga

* 4:5: Jen 33.19; Jos 24.32 * 4:9: Esra 4.1-5; Neh 4.1-2

dop kölma. ²² Samaria injini Anutugö kónaŋi törörök qahö möt kutuba töndup yangö waikŋi laŋ memba möpöseimakze. Amötqeqegö kónaŋi mi Juda nengö sutnine aukŋe asuhuba ahöza. Mianğöra Juda neŋön Anutuninangö kónaŋi möt kutuba waikŋi memba möpöseininga dop kölja.

²³ “Töndup nalö kun kewö asuhuma: Nalö mianğören Uŋa Töröŋan ambazip sölölohöba inahöm enggiiga keu ölni wuatangöba Iwi waikŋi memba ölna möpöseiba malme. Iwininan ambazip mewöŋi jarum enggiba asuhumegöra sihimŋi möta malja. Nalö murutŋi mianğön mönö lök kam kuŋguba dölki ahöza. ²⁴ Anutunöŋ Uŋaya akza. Mianğöra Uŋa mianğö waikŋi memba möpöseimakzei, yeŋön mönö Uŋa Töröŋan sölölohöba inahöm enggiiga keu ölni wuatangöba möpöseiba malme.”

²⁵ Jisösnöŋ mewö jim kutuiga ambinöŋ jii mörök, “Amötqeqe Tonj qetŋi Kraist qetzei, yaŋön kamangö akza, mi mötzal. Yaŋön kamawí, nalö mianğören mönö keu pakpak indel neŋgiiga mötpin.”

²⁶ Jisösnöŋ keu mi möta kónaŋi kewö indelök, “Göbuk ki kinda keu eraum mötziri, nöŋön mönö mia akzal.” Mewö.

Gwarek yeŋön kaba yetpuk toroqeket.

²⁷ Kónaŋamŋi indeliga gwarek yeŋön mianğörenök lilingöba kaget. Kaba ambibuk eraum mörohot, mi eka welipkögetmö, kunöŋ kewö qahö qesiyök, “Gi denöwögöra yambuk keukeu jizahot?” me “Wanigöra ak gihiza?” Mewö qesibingö mötketmö, körekŋan ölöŋ tatket.

²⁸ Ölöŋ tatketka ambinöŋ o pakerŋi mosöta taonöŋ anda ambazip yeŋgöra kewö indela jii mötket, ²⁹ “Mötket! Nöŋön azi kun miwikŋaibiga yuai pakpak aka malali, mianğö kónaŋi indela jii mötzal. Mianğöra yaŋön mönö Amötqeqe Tonj Kraist akapuk. Mönö nanŋinak kaba azi mi ekŋe.” ³⁰ Keu mi möta taon mosöta öröba Jisösgören anget.

³¹ Gwarek yeŋön nalö sutŋe mianğören Jisös qesim waŋgiba kewö jiget, “Ketanjammini, ölöp nene nenöŋ.”

³² Mewö jigetmö, kewö jiyök, “Nöŋön neneŋamni qainŋi kun memba maljali, injini mianğö kónaŋi qahö möt kutuze. Qahö!”

³³ Mi möta nanŋini qesim aŋguba kewö jiget, “Kunŋan nene kun memba kaba waŋgiza me denöwö?”

³⁴ Mewö jigetka kewö jii mötket, “Melaim niŋgiiga kayali, nöŋön yangö jitŋi tem köla nupŋi mem sorokömakzali, mianğön mönö nöŋgö neneŋamni akza. ³⁵ Injini keu kewö jibepuk, ‘Köiŋ 4 kunbuk ahöiga ölöm-izi-izi nalöŋan törima.’ Mötket, nöŋön mianğöra kewö jizala kezap alget: Nup boŋi ketanŋi miengö ölnjan lök öliiga meme nalöŋinan kam kuŋguza. Injini mönö jeŋini uget aniga mi urunje ek kutume. ³⁶ Tosatŋan mutuk keu kötni qesinŋa gila malgetka ölnjan nalö kewöŋe asuhuiga tosatŋan mi lök tokoba töwanjini megetka ambazipŋi ambazipŋi malmal köhöikŋangö buŋaya ahakze. Mewö asuhuiga ölni meme yeŋön qesinŋi gilgil ambazip yembuk mindiriba mohotŋe söŋgaiba simbawoŋ mötze.

³⁷ ‘Kunöŋ kötni qesinŋi giliga kunöŋ ölni mezawí,’ keu mewö jimakzei, mi keu ölna. Mi Anutugö nup memegö kónaŋi indela. ³⁸ Nöŋön injini melaim enggiba nup qainŋi kunöŋ nanŋinak yuai kötni qahö kömötkeri, mönö nup mianğören anda ölni meme. Tosatŋan mutuk silenŋini qeba nup memba malgetka enöŋ yeŋgö kónaŋine anda nup megerangö ölni miwikŋaiba memakŋe. Mewö melaim enggizal.” Mewö

Samaria ambazip gwötpukñan urujini melenget.

³⁹ Samaria ambinöñ keu kewö nanğöba jiyök, “Nöñön azi kun miwikñaibiga yuai pakpak aka malali, yanñon mönö miangö könañi indela jii mötzal.” Mewö jiyöhanğöra Samaria ambazip gwötpukñan Sikar taon miangöreñ urujini melenđa Jisös möt narim wanğiget. ⁴⁰ Möt narim wanğiba yanğöreñ kaba yembuk toroqeba malmapköra kapan köla qesigetka silim yahötkö dop toroqeba miangöreñ malök.

⁴¹ Mewö mala keu jiba malöhanğöra aka gwötpukñan Jisös möt nariba toroqem wanğigetka kambuñini qariyök. ⁴² Toroqem wanğiba ambigöra kewö jiget, “Azi kianñon ölna gölmeñi gölmeñi nenğöreñ Amötqeqe Tonina akza. Nenñon mi göhö keugörök qahö toroqeba möt narizinmö, mi naninak kezap ala möta möt kutuzin.” Mewö.

Jisösnöñ jembon azi kungö nahönñi mem ölöwahök.

⁴³ Jisösnöñ Samaria maliga silim yahöt teköiga enğomosöta Galili prowinsnöñ anök. ⁴⁴ *Jisösnöñ nanñak nalö kunöñ keu kun kewö nanğöba jiyök, “Kezapqetok ambazip kunnan nanñe miri gölmenöñ maliga yanğöra qahö mötket öngöiga göda qahö qem wanğimakze.”

⁴⁵ *Mewö jiyökmö, töndup nalö miangöreñ nanñe Galili prowinsnöñ kanğoriga miangöreñ mewöyök tosatñan jölöñi jiget. Yenñon ak-kömukömu kendongöra Jerusalem sitinöñ öngöba Jisösnöñ kendon nalöñe anğöletot meyöhi, mi pakpak eka mötket. Miangöra nalö miangöreñ ölop köl öröm wanğiget.

⁴⁶ *Galili prowins yenñon köl öröm wanğigetka miri qetñi Kana mutuk o meiga letota wain ahöhi, miangöreñ kunbuk kayök. Taon qetñi Kaperneam miangöreñ kiñ kembugö jembonñi kun malök. Yanğö nahönñan kawöl yöhöiga ahöyök.

⁴⁷ Ahöba kömumangö ahök. Miangöra Jisösnöñ Judia prowins mosöta Galili uruñe kayöhi, yanñon miangö buzupñi möta Jisösgöreñ anda kewö qesim wanğiyök, “Gi ölop kaba nahöni mem ölöwak wanğiman.” ⁴⁸ Qesim wanğiiga kewö jii mörök, “Inñini ni öne qahö möt narim niñgimeangö dop akzei, mi qahö dop kölja. Nöñon anğöletot aiwesök membi ekagun mönö amqeba ni möt narim niñgiba urujini melenbeak.”

⁴⁹ Mewö jii mörökmö, jembonöñ kewö jiyök, “Ketanamni, nahönan kömumbapaköra mönö ösumok kaman.”

⁵⁰ Mewö jiiga melen wanğiyök, “Nahöngan mönö ölöwaka malma. Miangöra mönö ölop lilingöba anman.” Mewö melen wanğiiga yanñon mi möt nariba lilingöba anök. ⁵¹ Anda könanöñ maliga welenqegeurupñan kaba miwikñaiba kewö jiget mörök, “Nahöngan lök ölöwaka malja.”

⁵² Mi möta qesim engiba jiyök, “Wani nalönöñ könahiba ölöwahök?” Mewö jiiga jiget mörök, “Uran mare wan kilok miangöreñ sile könöpñi mosörök.”

⁵³ Mi möta mötmötñi kewö ahuba asariyök: Aha! Jisösnöñ “Nahöngan mönö ölöwaka malma,” jiyöhi, mönö aua miangöreñök ölöwahök. Keu mi möt asariba i aka saiwaurupñi pakpak yenñon urujini melenđa Jisös möt narim wanğiget.

⁵⁴ Jisösnöñ Judia mosöta Galili prowins uruñe kaba anğöletot kun ki meiga yahöt ahök. Mewö.

* 4:44: Mat 13.57; Mak 6.4; Luk 4.24 * 4:45: Jon 2.23 * 4:46: Jon 2.1-11

5

Jisösnöy Betesda o angö jitje azi kun mem ölöwahök.

¹ Könañgep nalö kunöñ Juda yeñgö kendon ketanji kun töriiga Jisösnöy Jerusalem sitinöy öñgöyök. ² Jerusalem sitigö selnöy nañgu kun mi lama yeñgöra ahöyök. Miangö kösutje o angö kun qetñi Hibru keunöy Betesda qetkeri, mi ahöyök. Miangö görañe luhut miri köröpñi ketanji 5 tatket. ³ Luhut miri 5 miangö uruñe kawöl ambazip kambu ketanji ahözema. Tosatñan jeñini gömölii tatket. Tosatñan simalokon aka tatket. Tosatñan likepñini kömökömuña tatket.*

⁴ Nalö tosatñe Kembugöreñ garata kunöñ eta o angönöñ timjaliiga unduzapma. Onöñ unduiga nalö miangöreñök kunñan mutuk angönöñ geiga kawölñi mi me mi mianjön ölöwahakzapma. Miangöra mamböta tatket. ⁵ Miangöreñ azi kun yambu (yara) 38 miangö dop kawöl yöhöiga ahömalök. ⁶ Miangöreñ ahöiga Jisösnöy kañgota eka lök nalö köröp tññtñi kawöl yöhöi ahöba malöhi, mi möta kewö qesim wañgiyök, “Gi ölöwakñangö ak gihiza me qahö?”

⁷ Qesim wañgiiga kewö melen wañgiyök, “O Kembu, onöñ unduba ötöñ geiga alani danön noañgita o angönöñ anda al niñgibawak? Alani mewöñi kun qahö malja. Nanak anmamgö möta esapköba malali, nalö miangöreñök tosatñi yeñgöreñök kunöñ ni noñgita anda gemalget.”

⁸ Melen wañgiiga Jisösnöy jii mörök, “Gi mönö wahöta tumbulahöpki memba anöñ.” ⁹ Mewö jii möta miangöreñök ölöwaka tumbulahöpñi memba anök. Anökmö, yuai mi Sabat kendonöñ asuhuyök. ¹⁰ *Miangöra Juda yeñön azi ölöwahöhi, yañgöra kewö jiget mörök, “Merak Sabat kendon akka. Miangöra tumbulahöpki memba añgunöñga qahö dop kölja.”

¹¹ Mi möta kewö meleni mötket, “Möhämgöm niñgizawañön mönö kewö jim teköm niñgiza, ‘Gi mönö tumbulahöpki memba anöñ.’”

¹² Mi möta kewö qesim wañgiget, “Azi danön göhöra ‘Tumbulahöpki memba anöñ,’ jiza?”

¹³ Qesim wañgigetmö, Jisösnöy mem ölöwahiga ambazip kambu ketanjan ölökögetka yeñgö sutñineyök sömuniba anök. Miangöra danön mi ak wañgiyöhi, mi qahö möta tönpin kinök.

¹⁴ Miangö andöñe jöwöwöl jike tohon uruñe öñgöiga Jisösnöy miangöreñ miwikñaim wañgiba qambañ keu kewö jii mörök, “Mötnöñ, gi lök ölöwakzan. Miangöra ayuayuhu törsait bölöñi kötökñi kun asuhum gihibapuköra mönö siñgisöndok kunbuk kude aka malman.”

¹⁵ Azi ölöwahöhi, yañön Jisös ek kutuba anda Juda jitñememe yeñgöra kewö jii mötket, “Azi mem ölöwak niñgiyöhi, yañgö qetñi Jisös.” ¹⁶ Mi möta Jisösnöy Sabat kendonöñ nup mewöñi meyoñi, Juda jitñememe yeñön miangöra aka sesewerowero ak wañgiba malget. ¹⁷ Mewö malgetmö, Jisösnöy kewö melen eñgiyök, “Nöñgö Iwinan sundan dop nup memakza aiga nöñön mewöñanök mi memakzal.”

¹⁸ Mewö melen eñgiba ambazip Sabat kendongö keu tosatñi toroqeba algetka Jisösnöy mi ahakmemañan qeapköba yeñgö jeñine siñgisöndok ahök.

* **5:3:** Mötmöt ambazip tosatñan kewö mötmörimakze: Könakönañe jabö 3:gö kitipñi teteköñi aka jabö 4 mi kewö ohoget ahöyök: Yeñön o angönöñ gwözöñda undumapkö mamböta tatzema. * **5:10:** Neh 13.19; Jer 17.21

Singisöndok mi toroqeba Anutugöra 'Iwini' jiba Anutu tandök ewö maljawangö dop aka nanji mem öngöyök. Juda ambazip yeñon yuai yahöt miangöra aka möt kömbuhiba kapan köla Jisös qebingö jim köhöiget. Mewö.

Malmal gulimapkö kukösumnji mi Jisösgörej ahöza.

19 Mewö aketmö, Jisösñon keu kewö jii mötket, "Nöñon keu öl töhöñni kun kewö jibi mötket: Nahönñon nanji urunangö yuai kun qahö memakzapmö, Iwinöñon yuai memakzawi, Nahönñan mönö mewöñanök memakza. Mianğöra Iwinöñon yuai meiga ehakzawi, yanñon mönö miyök memakza. 20 Iwinöñon Nahönñi urunöñon jöpaköm wangiba mala nanjak nup memakzawi, mi pakpak kondel wangimakza. Mianğöra angöletot eka maljei, mi yuai eretnji. Mianğö ölnji mi könanğep kondel engiiga eka nemböñini teköi welipköba malme.

21 "Kun kewögöra welipköme: Iwinöñon ambazip kömukömuñi engömindiiğa gulimakze. Nahönñan mönö mianğö dop mewöñanök ambazip köhömuñi niñia gulimegö mötzawi, mi engömindiiğa gulimakze. 22 Mewöñanök Iwinöñon kungö keuñi qahö jim tekömakzapmö, jimtekötekö nupkö kukösumnji pakpak mi kewögöra Nahönñangö böröñe ali ahöza:

23 "Ambazip Iwi göda qem wangimakzei, mianğö dop körekñan Nahönñi göda qem wangimegöra mötza. Iwinöñon Nahönñi melaim wangiyök. Mianğöra kunñan Nahön qahö göda qem wangizawi, yanñon mönö Iwi mewöyök göda qahö qem wangiza.

24 "Mianğöra nöñon keu öl töhöñni kun kewö jibi mötket: Kunñan nöngörej Buña keu möta mötmöröba ni melaim niñgyöhi, i möt narim wangiza ewö, yanñon mönö malmal köhöikñangö buñaya akza. Nöñon keuñi jim teköbiga köñöp siagö buñaya qahö akña. Kömup köhöikñangö likepñi mosöta jabö kutuba malmal köhöikñangö likepñe angota mal öngöma.

25 "Nöñon keu öl töhöñni kun kewö jibi mötket: Nalö kun kama aka nöngöra aka lök kam kunguza. Nalö mianğörej singisöndok aka uru köhömuñi akzei, yeñon Anutugö Nahönñan keu qeri mötme. Mi möta tem kölmeañon mönö guliba köhöiba malme. 26 Mi kewögöra: Iwinöñon nanjak malmal köhöikñi kondorakzawi, mianğö dop malmal gulim köhöimapkö kukösumnji mi Nahönñi wangii yanñon mewöyök ambazip mem gulim engimakza. 27 Yanñon Suep gölmegö Azi Ölnji maljawangöra aka Iwinöñon ambazip keuñini jim tekömapkö kukösumnji mewöyök yangö böröñe ali buñani ahök.

28 "Nöñon keu kötnji jizali, mianğöra mönö kude aurume. Nalö kun kam kungumawi, mianğörej körek pakpak qaksirinöñon ahözei, yeñon mewöyök qet qetmawi, mi mötme. 29* Qetnji mi möta wahöta aukñe asuhugetka ahakmeme ölöpnji aka malgerañon malmal köhöikñe öngömemö, ahakmeme bölöñi aka malgeri, nöñon yeñö keuñini jim teköbiga kömup köhöikñangö buñaya akñe. 30 Nöñon nani urunangö yuai kun nanak aka memangö osizal. Ni Iwigö jittje mörakzali, mönö mianğö dop ambazip keuñini jim teköm engimakzal. Nani imbinangö dop lañ qahö memakzalmö, melaim niñgyöhi, mönö yangö keuñi wuatangömakzal. Mianğöra jimtekötekö keuni jimakzali, mi mönö dopñeyök asuhumakza." Mewö.

Tosatñan Jisösgö könañamni nañgöba jiget.

31 "Nöñon nani könañamni nañgöba jibilenjak ewö, keuni mianñon ölöp qahö köhöibawak. 32 Alani kunöñon nöngö könañamni nañgöba jimakza. Yanñon nöngöra keu jimakzawi, mianñon mönö köhöiba ölnjambuk akza, mi mötzal.

* 5:29: Dan 12.2

33* Injini jitrejememe melaim engigetka Jongörej kagetka keu ölnangö dop nöngö könañamni indela jiba nanğöyök.

34 “Jiba nanğöyökmö, nöñön gölme azigö nanğönanğö keuñi mi möta qahö mötpi öngöza. Qahö öngözapmö, Jongö nanğönanğö keugöra jimakzali, mi mönö injini nalö kewöñe letotketka Anutunöñ bohonnjini jöhömapköra aka jimakzal. 35 Jonöñ kiwa ketanji aka ölöppanök jeba asariyökmö, injini nalö köröpnji qahöpmö, töröptökñanök yanğö asakñe lan sönğaingö sihimñi mötket.

36 “Jonöñ köñani töröptökñanök jiiga mötketmö, kunöñ mi nanğöba jimakzawi, yanğö keuñan mönö Jongörej nanğönanğö keu öngitza. Nani Iwinan nupñi al niñgii membiga ölnji asuhumakza. Ölnji mianñön mönö könañamni kewö nanğöba indelakza: Iwinöñ mönö melaim niñgii jitrejemeñi akzal. 37* Iwinöñ melaim niñgii erali, yanñön könañamni nanğöba jiba malök. Injini nalö kunöñ yanğö keu kourukñi qahö mötket aka kaisonğolomñi qahö eket. 38 Yanñön niñja melaiiga eröhi, injini i qahö möt narim wangize. Mianğöra yanğö keuñan mönö engö uruñine qahö kinja.

39 “Injini malmal köhöikñanğö könañi mi Buña Kimbinöñ ahöm enggiza, mewö mötmöribä mi oyonđa uru könöñjine ala Suepkö buñaya akingö mötze. Mewö mötze, kimbinji kimbinji pakpak mienñön mönö nöngö könañamni nanğöba indelakze. Mi möt yaköze me qahö? 40 Nanğönanğö keu gwötpuk ahözapmö, injini malmal köhöikñi buña qem anğubingöra nöngörej kabingö tökömakze.

41 “Gölme ambazipnöñ qetbuña niñgigetka qarimapköra qahö mamböztal. Mi niñgigetka mötpi qahö öngöi maljal. 42 Mewö maljalmö, engö könañamñini mi kewö ahöza, mi mötzał: Injini uruñini Anutugörej qahöpmahöp jöhöba urukalem qahö ak wangiba malje. 43 Nöñön Iwinanğö qetñi qeta kabiga injini andö qem niñgimakzemö, kunöñ nanñi qetñi qeta kamawi, injini mönö i ölop möt anğön köla köi öröm wangime.

44 “O injini nanñini möpösem anğuba qetbuñanñini qarimapkö mötket öngöza. Öngözapmö, bem mohotñan Anutu ölnji akzawi, yanñön qetbuña engimapköra qahö kapañ kölje. Mewö aködamunñinambuk akñegöra qahö jaram tiba kinje. Mianğöra denöwö ni möt narim niñgibeak? Mi mönö osibeak.

45 “Nöñön injini ‘Iwigö jemesoholñe keu jakene al engimam,’ mewö mötmöribepuk. Injini Mosesgö keugö jörömqöröm al wangiba Suep mire öngöbingö mamböta maljemö, Anutugö jeñe anğotketka Mosesnöñ nanñak Anutugö keu jakene ala jim aum engiiga gamuñjini mötme.

46 “Mi kewögöra: Mosesnöñ nöngö könañamni jim asariba Buña Kimbinöñ ohoi ahöza. Mianğöra Moses möt narim wangibeak ewö, mönö nia möt narim niñgibeak. 47 Mewö, Mosesgörej kimbija qahö möt nariba tem köljeanğöra mönö nöngö keuni mi denöwö möt naribeak? Mi kupuk-kapakñambuk akapuk.” Mewö.

6

Jisösnöñ azi 5000 nene gumohom enğiyök.

Mat 14.13-21; Mak 6.30-44; Luk 9.10-17

1 Mianğö andöñe Jisösnöñ Galili o anğö, qetñi kun Taiberias o anğö qetkeri, mi kutuba likepñe anğorök. 2 Kawöl ambazip möhamgöm enğii anğöletot

* 5:33: Jon 1.19-27; 3.27-30 * 5:37: Mat 3.17; Mak 1.11; Luk 3.22

asuhui ekerangöra aka ambazip kambu jesöngönan Jisösgö andöje wu-
atängöba kaget. ³ Jisösnöj gwarekurupnji engömeiga kundunje öngöba tatket.

⁴ Nalö miangörej Juda nengörej ak-kömukömu kendonöj töriyök.*

⁵ Jisösnöj je ui aniga ambazip kambu jesöngönan yangörej kangotkeri,
i engeka Filipköra jiyök, “Nini nene denikeyök bohonji meinga kambu
mewönan nem timbirej aketka dop kölbawak?” ⁶ Yuai akjamgö ahöhi, mi
nanjak mörökmö, keu mi Filip esapköm wangiba jiyök.

⁷ Mewö jüiga kewö melenök, “Nene beret silim 200:kö töwanj (Kina 1000,-
) miangön bohonji memba mendenjina körek yenjön kitipnanöhök nembeak
aka töndup qahö dop köl engibawak.”

⁸ Mewö jüiga gwarekurupnji yengörejök kun qetnji Andru, Saimon Pitögö
munjan kewö jii mörök, ⁹ “Azi moröjji kun kiangörej malja. Yangörej bali†
beret 5 aka söra yahöt ahözapmö, ambazip sehisehiji kewö kagetka yengöra
mi qahö dop kölma.”

¹⁰ Jisösnöj jiyök, “Inini mönö ambazip kambu ki jiba mendenj engigetka
nene nembangö eta tatme.” Gölme miangörej kegwanj luplup gwötpuk
ahöyök. Miangöra azi jangöjini 5000:gö dop yenjön gölmenöj eta tatket.

¹¹ Eta tatketka Jisösnöj beret mi memba saiwap jiba ambazip tatkeri,
mendenja engiyök aka söra mi mewöyök mendenja sihimjinan jigerangö dop
engiyök. ¹² Mendenja engiiga namba nem timbirej aketka Jisösnöj gwareku-
rupnji kewö jii mötket, “Nene kitipnji ayuhubapuköra mi mönö qezaköget.”

¹³ Mewö jüiga möta bali beret 5 miangörejök namba kitipnji kitipnji mosötket
taröhi, mi qezakögetka sakap 12 miangörej geba kokolak qeyök.

¹⁴ Jisösnöj angöletot mewö mei asuhuiga ambazipnöj eka welipköba
jiget, “Kezapqetok azi gölmenöj asuhumapkö jigeri, yanjön mönö ölja mia
akza.” ¹⁵ Mewö jiba Jisösgöra köiranj ala kinj kembunini aknjapkö mötmöriget.
Mötmöriba kaba liliköm wangiba walimgöba kinj kungum wangibingö aket.
Mewö möt kutuba engkek tököba engömosöta kunbuk kundunje öngöba nanjök
malök. Mewö.

Jisösnöj o angö qakne tiba tiba anök.

Mat 14.22-33; Mak 6.45-52

¹⁶ Neget teköiga mare aiga Jisösgö gwarekurupnji yenjön o angögö jitne
geget. ¹⁷ Geba wangenöj öngöba gölme mi mosöta o angö kutuba likepne
Kaperneam mire göröken anget. Angetka miri sönaum teköiga Jisösnöj töndup
yengörej qahö asuhuyök. ¹⁸ Angetka luhut köhöiknanök giliga o angönöj
könöpk kunduta öngöba erök.

¹⁹ Öngöba eriga lökuatnöj qeba nangöba 5 me 6 kilomita miangö dop
angetka Jisösnöj o angö qakne tiba tiba wange kösutne kaiga eka au-
ruba kenjötporinj aket. ²⁰ Mewö mötketka kewö jii mötket, “Nanak kazal.
Kenjötporinj kude mötme.” ²¹ Mewö jii möta Jisösnöj wangenöj öngömapkö
jigetka öngöyök. Öngöiga wangenjinan miangörejök ösumok enguanjita gölme
göranje anbingö akeri, miangörej anjotket. Mewö.

Ambazip yenjön Jisösgöra um jarum bibihiget.

²² Miangörej anjotketka miri gianjiga ambazip kambu ketanj yenjön o angö
likepne toroqeba mala kewö mötmöriget, “Uran wange mohotnan tari ehinga

* **6:4:** Anutunöj mönöwök nengehoriba nengöngiröhi, Juda yenjön miangöra yambu (yara) dop nalö
ala söngaimakze. Nei keunöj qetnji Pasowa jize. Eksodus 12.15 † **6:9:** Bali mi padi, wit, out aka
sehoj miangö alanjini kun.

Jisösnöñ gwarekurupñi yembuk wañgenöñ qahö öngöba anök. Jisös umbula nanñinök anget. Wañge murutñi kun qahö ehin. Mianğöra Jisösnöñ kunbuk ki malja.”

²³ Mewö mötmöriba tosatñan kewö jiget, “Wañge mohotnöñ angetmö, ölna, Taiberias taonöb wañge tosatñi kağet. Wañge mi Kembunöñ beretkörä saiw wap jüga nembra tarini, mönö gölme mianğö kösutñe kagera Jisösnöñ wañge mienğörejök kunöñ öngöba anök me denöwö?” ²⁴ Ambazip kambu yeñön mewö jiba Jisös aka gwarekurupñi mianğöreñ qahö miwikñaim enğiget. Mewö eka möta mewöñanök wañgenöñ öngöba Kaperneam taonöñ anda Jisös jaruget. Mewö.

Jisösnöñ malmal köhöikñanğö neneñi akza.

²⁵ Ambazipnöñ Jisös jaruba o anğö likepñe yuke göröken miwikñaiba eka kewö jiget mörök, “O Ketanjamni, gi mönö wani nalönöñ ki kazan?”

²⁶ Mewö jigetka kewö meley enğiyök, “Nöñön keu öl töhöññi kun kewö jibi mötket: Injini anğöletot membi ekeranğöra aka ni qahö jarum ningizemö, nene beret kötuetköbi nembra nem timbireñ akeri, mönö mianğöra ni nu-atanğöba ki kaze. ²⁷ Nene ayapkömawi, mi miwikñaibingöra urukönöp kude aka malmemö, urugö neneñan malmal köhöikñi engimakzawi, mönö mia buña qem anğubingöra kapan köla malme. Iwi Anutunöñ muñgem silimbanñi Suep gölmegö Azi Ölni wañgiiga kukösumñan walöñniga ölop urugö nene enğiiga oyaenköyaen akñe. Mewö aka mal köhöiba kömumba toroqeba teteköñi qahö malme.”

²⁸ Mewö meley enğiiga kewö qesim wañgiget, “Anutugö sihimñanğö dop ahakmeme tandökñi mönö denöwö ahinga dop kölbawak?”

²⁹ Qesim wañgigetka kewö meleyñök, “Anutunöñ azi melaim wañgiyöhi, injini i möt narim wañgiba malme. Ahakmeme mianğön mönö Anutu sihimñanğö dop akza.”

³⁰ Mewö meleyñiga kewö qesim wañgiget, “Mewö aiga gi kunbuk wani anğöletot kukñambuk kun menöñga eka möt narim gihibinak? Gi mönö wani yuai kun Mosesnöñ ahök, mianğö dop aka meman? ³¹ *Buña Kimbi kun kewö ohoget ahöza, ‘Yañön Suepnöhök nene beret enğiiga neget.’ Keu mianğö dop nanine ambösakon yeñön gölme qararanğökölkölñe anda mala nene qetñi mana nembra malget aka gi mönö könanjamgi Moses onğita denöwö kondelbanak?” †

³² Qesim wañgigetka Jisösnöñ kewö jii mötket, “Injini mianğö könanñi ölop qahö möt kutuze. Nöñön keu öl töhöññi kun kewö jibi mötket: Mosesnöñ anğöletot Tonji qahö ahök. Yañön nene beret mi Suepnöhök qahö enğii negetmö, nani Iwinan mönö Suepnöhök beret ölbölñi engimakza. ³³ Anutugö nene beret mi mönö Suepnöhök eta asuhuba gölme dop ambazip malmal köhöikñi engimakza.”

³⁴ Mewö jii möta kewö jiget mörök, “O Kembu, gi nalö dop nene beret mi neñginöñga nembra malbin.”

³⁵ Jisösnöñ mi möta juyök, “Nöñön malmal köhöikñanğö neneñi akzal. Kunñan nöñğöreñ kazawi, yañön nem timbireñ aka wösöñi nalö kunöñ qahö alma. Kunñan ni möt narim niñgimakzawi, yañön ogöra qahö kömuma.

³⁶ Mewö aigun injini ni nek teköba töndup qahö möt narim niñgize. Mi mönö

* 6:31: Eks 16.4, 15; Sum 78.24 † 6:31: Gölme qararanğökölkölñe Anutunöñ söñan dop söñanğö yuai amötñi, johanñi tuatñi aka awamñi juzu paura ewö ali gölmenöñ ahöi eka yaigep sombemnöñ anda qezaköba koumñine kaba beret lölöwöröñi memba nezema. Eks 16.13-36

lök jibi mötze. ³⁷ Aka töndup Iwinöñ ambazip tosatñi niñgimakzawi, yeñön mönö körek nöñgöreñ kame. Kunñan nöñgöreñ kamawi, nöñön mönö i qahö yakörimam.

³⁸ “Nöñön Suepnöhök eta nani imbinanğö dop yuai lañ aka memba mal-mamğöra qahö asuhuyal. Mewö qahö. Melaim niñgiyöhi, mönö yanğö jitrök dop nup memba malmamğöra eral.

³⁹ “Melaim niñgiyöhi, yanğö jitsihitñan kewö ahöza: Yanğön ambazip nöñgö böröne al enğıga maljei, nöñön mi pakpak köyan köl enğıba malbiga yeñgöreñök kunñan kun qahö sohoba ayuhuma. Qahö ayuhugetka nöñön i nalö ketançe enğömindiba mem gulim enğımam.

⁴⁰ “Iwinanğö jitsihitñan kewö ahöza: Tosatñan Nahönñi eka möt narim wañğizei, yeñön körek nalö kewöñe letota malmal köhöikñi buña qem anğuba malm. Mewö mal kömugetka nöñön i nalö ketançi mianğöreñ enğömindiba mem gulim enğımam.”

⁴¹ Jisösnöñ mewö jüga keu kötni kun kewö ahök, “Nöñön malmalgö nene ölni aka Suepnöhök eta asuhuyal.” Mewö jiyöhanğöra aka Juda jitrjememe yeñön möt böliba uruñinan ihururuk jiba jim wañğıget. ⁴² Jim wañğiba jiget, “Azi ki Jisös, Josefkö nahönñi. Yanğö iwinamñi mi ölop möt etkizimö, mönö denöwögöra ‘Suepnöhök eta asuhuyal,’ jiza?”

⁴³ Mewö jigetka möta kewö melenök, “Uruñinan mönö kude ihururuk jiba jim niñgime. ⁴⁴ Iwi ni melaim niñgiyöhi, yanğön ambazip qahö öröm enğıza ewö, enğöreñök kunñan nöñgöreñ kamamğö osima. Öroi kabawak ewö, nöñön i mönö nalö ketançe enğömindiba mem gulim wañğımam.

⁴⁵ * “Kezapqetok yeñgöreñ kimbinöñ keu kewö ohoget ahöza, ‘Anutunöñ i körek pakpak kusum enğıi mötme.’ Iwinöñ ambazip kusum enğıi keu möta urukönömñine ala maljei, yeñön mönö körekñanök nöñgöreñ kame.

⁴⁶ Ambazip kunñan Iwi qahö eka malja. ⁴⁷ Nöñön keu öl töhönñi kun kewö jibi mötket: Kunñan ni möt narim niñgizawi, yanğön mönö malmal köhöikñi buña qem anğuba mal öñğöma.

⁴⁸ “Nöñön malmal köhöikñanğö nene ölni akzal. ⁴⁹ Mötket! Enğö amböskonuruñinan gölme qararanğölkölñe anda mala nene qetñi mana memba malgetmö, töndup kömumba gisahöget. ⁵⁰ Yeñön kömugetmö, nene beret nalö kewöñe Suepnöhök eta maljawi, kunñan mi memba mala qahö kömum köhöima.

⁵¹ “Nene beret malmalñambuk Suepnöhök eröhi, mi nöñön akzal. Kunñan nene mi memba malmawi, yanğön mönö teteköñi qahö köhöiba malma. Nene wañğiba malmami, mi nöñgö busuni. Gölmeñi gölmeñi yeñön köhöiba malmegöra mi al enğımam.”

⁵² Jisösnöñ mewö melenñiga Juda jitrjememe yeñön sutñine urukönöpñöñ jim qesim anğuba jiget, “Ye! Azi kianğön mönö denöwö aka busuñi neñğiga nembinak?”

⁵³ Mi möta jigetka kewö jii mötket, “Nöñön keu öl töhönñi kun kewö jibi mötket: İñini Suep gölmegö Azi ölnanğö sepnçi aka busuñi qahö neme ewö, malmal köhöikñi mianğön mönö enğö uruñine qahö ahöma. ⁵⁴⁻⁵⁵ Nöñgö sepnan o ölni akza aka nöñgö busunan nene ölni akza. Mianğöra kunñan nöñgö sep busuni nemakzawi, yanğön mönö letota malmal köhöikñanğö buñaya aka

* 6:45: Ais 54.13

mal öngöma. Mewö mal kömuiga nöjön i nalö ketanje mindiba mem gulim wanjimmam.

⁵⁶ “Kunjan nöngö sep busuni nemakzawi, yanjon mönönömbuk qekötahöba kinakza aka nöjön yambuk kinakzal. ⁵⁷ Iwinöy Malmal Tonji aka melaim ningiba wötni aka nam köl ninjiiga köhöiba maljal. Mewöjanök kunjan ni nem ninjimakzawi, nöjön mönönö mewöjanök yangö wötni aka nam köl wanjibiga ölop köhöiba malma. ⁵⁸ Nene ölnji Suepnöhök eröhi, mi nöjön akzal. Engö ambösakonurupjnan Anutugö nene nempa mala kömugetmö, nalö kewöje engörejök kunjan beret ki nempa malmawi, yanjon mönönö teteköji qahö köhöiba malma.”

⁵⁹ Jisösnöy Kaperneam taongö köuluk mirine kinda keu mi jim kusum engiyök. Mewö.

Gwarek gwötpukjan urujini böliiga Jisös mosötket.

⁶⁰ Jisösgö gwarekurupji yengörejök gwötpukjan keu mi möta jiget, “Keu jit jizawi, mianjon mönönö keu köt ewö lömbötjambuk akza. Mi möringa uruninan lömböriba bölim teköza. Mianjöra mi kunbuk mötpingö ölan nengöhöiga i mönönö mosötpin.”

⁶¹ Gwarek yanjon Jisösgö keugöra möt böliba urujinan ihururuk jiba jim wanjigetka Jisösnöy mi urujan enguangita möta kewö jii mötket, “Keu jizali, mi möt böliize me qahö? ⁶² Keu mianjöra möt böliize ewö, könanjep mönönö denöwö asuhubawak? Suep gölmegö Azi ölnjan mutuk miri mala koröhi, euyangörej kunbuk lilingöba öngöi ekje ewö, nalö mianjörej mönönö denöwö mötme?”

⁶³ “Uña Töröji yanjon ambazip mem gulim engimakza. Injini gölme aminöhök ahuba busunjambruk akzemö, ahuahu dölokje qahö ahuba nanjini ösumjnan öne letota Suepkö buja ahak mi qahöpmaöp. Uña Töröjan malmal köhöikni engizawi, nöjön keu kötni mi jim tuaribi möta malget. ⁶⁴ Mewö möta malgetmö, engörejök tosatan töndup ni qahö möt narim ningiba malje.” Denike yanjon qahö möt narim wanjigeri aka danjon könanjep mamalolo mem wanjimawi, Jisösnöy mi könakönahijeyök möta korök. Mianjöra mewö jiyök.

⁶⁵ Mewö jiba toroqeba jiyök, “Mianjöra nöjön kewö jibi mötme: Nöngö Iwinan ambazip kun qahö inahöm wanjiza ewö, yanjon mönönö nöngörej kamangö osima.”

⁶⁶ Keu mianjöra aka gwarek yengörejök gwötpukjan poraiba zirinjirin aka mosöta yambuk qahö toroqeba anda kaget. ⁶⁷ Mianjöra Jisösnöy gwarek 12 mianjöra kewö jiyök, “Injini mönönö mewöjanök nömosöta anbingö mötze me qahö?”

⁶⁸ *Mewö jiiga Saimon Pitönöy melenök, “O Kambu, nini mönönö dagörej anbinak? Malmal köhöiknanjö gö buja keuji mi mönönö göhörej ahöza. ⁶⁹ Göjön Anutugörej azi sarakni akzani, nini mi möt nariba möt asariba maljin.”

⁷⁰ Mewö melenjiga Jisösnöy möta jiyök, “Nöjön azi 12 injini möwölöhöm engial aka engörejök kunöy mönönö bölönanjö bohönji akza.” ⁷¹ Judas Saimon Iskariotkö nahönji yanjon gwarek 12 yengö sutnjine mala könanjep mamalolo mem wanjijiyök. Jisösnöy keu mi yangöra möta jiyök. Mewö.

7

Jisösnöy munurupji yembuk keu eraum mötket.

* 6:68: Mat 16.16; Mak 8.29; Luk 9.20

1 Juda jitnememe yeñon Jisös qebingö kapan kölgerangöra Judia prowins uruñe anda kamamgö tököyök. Mianğöra Judia mosöta Galili prowins uruñe anda liliköba maliga köiñ tosatñi teköyök. ²*Mi teköiga Juda yeñğoreñ kendon kun qetñi koumkoum mianğö nalöñan töriyök.*

³ Mianğöra Jisösgö munurupñan kewö jiget mörök, “Gi kianğoreñ mala angöletot memakzani, mi gwarekurupkan mewöyök ek kutumegöra gi mönö gölme ki mosöta Judia anöñga dop kölma. ⁴ Kunñan nanñak aukñe asuhumangö mörakzawi, yañon yuai kun tölapñe qahö memakza. Angöletot mewöñi memakzanangöra mönö ambazip kambuñi kambuñi yeñğö jeñine anda asuhaba könañamgi indelman.” ⁵ Munurupñan qahö möt narim wangiba tönpin malgerangöra aka mewö lañ jiget.

⁶ Mewö jigetka kewö jii mötket, “Urugö nup aukñe memamgö nalöñan qahö kam kunğuga maljalmö, engö nalöñinan mönö sundan dop anmeanğö dop ahöza. ⁷ Gölme ambazipnöñ kazik ak engbingö osimakzemö, nöñon yeñğö ahakmemeñini bölöñi indela nangöba jibi mötzeangöra mönö ni kazik ak niñgimakze. ⁸ Anmamamgö nalöñan mönö qahö kam kunğuga. Mianğöra nöñon sösongai kendon kianğoreñ qahö öngömam. Nöñon mire tatpiga iñini ölop endu anda öngöba söngai.” ⁹ Keu mewö jii mötketka Galili prowins uruñe toroqeba malök. Mewö.

Jisösnöñ koumkoum sösongainöñ malök.

¹⁰ Jisösgö munurupñan koumkoum kendongöra angetmö, nanñak mire tata könañgep aukñe qahöpmö, tölapköba anda Jerusalem öngöyök. ¹¹ Juda yeñğö jitnememeurupñinan sösongai nalöñe Jisösgö jeñi jaruba qesiqesi aka kewö jiget, “Azi mi denike?”

¹² Ambazip kambu yeñon sutñine Jisösgöra sañep keu gwötpuk jiget. Tosatñan “Azi mi ölop sorokñi,” jigetmö, tosatñan kewö jiget, “Qahö! Yañon mönö ambazip kambu eñololon ak engiiga kahapmahap ahakze.” ¹³ Mewö mewö lañ jigetmö, Juda jitnememe yeñğöra kenğötñini möta malgerangöra kunñan yañğö keuñi aukñe qahö jiyök. Mewö.

Jisösnöñ nanñi könañi ambazip kusum engiyök.

¹⁴ Kendon sösongai bibiñe malgetka Jisösnöñ jöwöwöl jike tohon uruñe öngöba könahiba ambazip kusum engiyök. ¹⁵ Kusum engiiga Juda yeñon welipköba kewö jiget, “Azi ki mötmöt jake öngöngöñe qahö öngöba töndup Buña Kimbigö könañi denöwö möt soroköza?” Mewö jiba welipköget.

¹⁶ Welipkögetka kewö jii mötket, “Mötmöt Buña jimakzali, nöñon mianğö Tonji qahö akzal. Nanak qahöpmö, melaim niñgiyöhi, nöñon mönö yañğö mötmötñi memba kaba jimakzal. ¹⁷ Ambazip kunñan Anutugö jitsihitñangö dop aka memamgö mötzawi, yañon mötmöt jibiga mianğö Tonji danön akza, mi möt kutuma. Anutonöñ Buñañi nöñğö urune ali asuhuza me nani imbinangö keu lañ jimakzal?

¹⁸ “Kunñan nanñi imbiñe mötmöriba keu jimakzawi, yañon nanñak qet-buñañambuk akñamgö mötza. Mewö mötzapmö, melaimelai azi kun toñan qet-buñañambuk akñapköra kapan kölñi, yañon mönö jitrjememe ölböñi geñmoñi

* **7:2:** Lew 23.34; Dut 16.13 * **7:2:** Juda yeñğoreñ yambu jeñi qeçe sösongai kendonñi mi yambu (yara) dop kewö alget: Wain nupñine anda ip sinñi memba koumkoum qeba mianğoreñ ahöba wehön 8 söngaiba kendon tata malget. Wehön kondikñe sösongai öngöngöñi alget. Mönöwök gölme qararankölköñe yambu (yara) 40 mianğö dop opo koumñine ahöba kaba malgeri, mi mötmöriba söngaiget. Lew 23.33-36,39-43; Dut 16.13-15

qahö akza. ¹⁹ Mosesnõj Kõna keu al engii mi ahöza me qahö? Mi ahözapmõ, engõrenõk kunjan mi qahö tem kõla wuatangõmakza. Injini mõnõ wuanõngõra kapañ kõla ni nuñgubingõ mötmõrize?”

²⁰ Mewõ jii mõta ambazip kambu yeñõn kewõ melenget, “Õmewõrõmenõj mõnõ uruge geba kinja. Dañõn kapañ kõla gi guhumangõ mötmõriza?”

²¹ Mewõ melengetka jii mötket, “Nõñõn angõletot mohot membiga injini kõrek pakpak auruba kõñkuñ akze. ²² *Mosesnõj silenine Anutugõ aivesõk yandibingõra jim kutum engiyõhi, o Mosesnõj mi mutuk qahõ jim kutuyõkmõ, ambõsakonurupninan mi kõnahiba memba malgetka silik mi nengõrenj kaiga Sabat kendonõj mewõyõk azi silenini yandimakze.

²³ * “Nini Mosesgõ Kõna keu walõñnin siñgisõndok ahubapukõra kõhõikñi mötzin. Mi mötzinmõ, keu mi qetala Sabat kendonõj mewõyõk azi silenini yandiba tõndup nanñini qahõ jim anguba silebile malje. Mewõ maljemõ, nõñõn azi jõmukñi Sabat kendonõj mem õlöwak wangiali, mianjõra mõnõ wuanõngõra mi yom jim niñgize? ²⁴ Injini ambazip silenini miyõhõk eka mewõ mianjõn bahõsõhamõk kewõta keu lañ jim tekõmakzei, mi mõnõ mosõtme. Mi mosõta urujini tõrõrõk möt kewõta keu õlñanõk jim tekõme.” Mewõ.

Jisõsnõj Amõtqeqe Tonji akza me qahõ?

²⁵ Jerusalem tonji yeñgõrenõk tosatñan kewõ jiget, “Azi kapañ kõla qebingõ mötmõrizei, yañõn mõnõ mia me? ²⁶ Eket, yañõn ambazip jeñine aukñe keu jiiga qahõ jim wangize. Mewõgõra azi kianjõn Amõtqeqe Tonji Kraist akzawi, keu mi õlña galõmkõlkõlõl azi yeñgõ kezapñine geiga mötze me qahõ? ²⁷ Amõtqeqe Tonji Kraistnõj kamapõra jiba kota malgeri, yañõn ‘Denikeyõk asuhumawi, mi kunõj kun qahõ mötma,’ jizemõ, azi kianjõn denikeyõk asuhuyõhi, mi mõnõ õlõp mötzin.”

²⁸ Mewõ eraum mötketka Jisõsnõj jõwõwõl jikegõ tohon uruñe kinda imbiñi memba wahõta kusum engiba keu kewõ jiyõk, “Injini nõngõra kewõ jize, ‘Azi mi möt wangiba miriñi denikegõ mi õlõp mötzin.’ Nani kukõsum qakñe qahõ asuhuba kinjal. Melaim niñgiyõhi, yañõn melaimelai Tonji õlñi aiga i qahõ möt kutum wangiba malje. ²⁹ Yañõn melaim niñgiiga yañgõrenõk eralangõra i õlõp möt wangizal.”

³⁰ Mewõ jiiga i memba jõhõbingõ mötketmõ, nalõñan qahõ kam kunyuyõhangõra aka kunjan silenje qahõ meyõk. ³¹ Mewõ mötketmõ, ambazip kambu yeñgõrenõk gwõtõpukñan möt narim wangiba kewõ jiget, “Kraistnõj kamawi, yañõn mõnõ azi ki õngita angõletot memba malma me denõwõ? Mewõ tandõk akza.” Mewõ.

Jisõs memba jõhõmegõra nanju galõm melaim engigetka kaget.

³² Ambazip kambu yeñõn Jisõsgõra mewõ goranora jiba jitnakõlik akeri, mi Farisi (Kõna keugõ kapañkõlkõlõ) yeñõn mötket. Mi mõta jike nup galõm yembuk kinda nanju galõm (sikiriti) tosatñi melaim engigetka memba jõhõbingõ kaget. ³³ Kagetka Jisõsnõj kewõ jiyõk, “Nõñõn embuk nalõ tõrõptõkñi toroqeba malmam. Mi malagun engõmosõta melaim niñgiiga erali, mõnõ yañgõrenj lilingõba õngõmam. ³⁴ Õngõbiga gõraim niñgiba malmemõ, ni qahõ miwikñaim niñgime. Nõñõn miri malmami, injini mianjõrenj kabingõ osime.”

³⁵ Mewõ jiiga Juda jitñememe yeñõn sutñine kewõ erauget, “ ‘Nini miwikñaim wangibingõ osibin,’ jiza. Mianjõra mõnõ denikeangõrenj õngõmamgõra jiza? Juda ambazip tosatñan derda kantri tosatñe anda

* 7:22: Jen 17.10; Lew 12.3 * 7:23: Jon 5.9

Grik yeṅgö sutṅine maljei, mönö yeṅgöreṅ anda Grik ambazip kusum eṅgimamgö möta jiza me? ³⁶ Keu kewö jiza, ‘Göraim niṅgiba malmemö, ni qahö miwikṅaim niṅgime,’ aka keu kun kewö jiza, ‘Nöṅön miri malmami, iṅini mianṅöreṅ kabingö osime.’ Keu yahöt mietkö könarijiri denöwö?”

Malmal köhöikṅaṅgö oṅan mönö jeṅi tohoba kaṅgotma.

³⁷ *Mewö eraugetmö, kendon söṅgaigeri, mianṅö wehön qöndökṅi ketanṅi mianṅön kam kuṅguiga Jisösnöṅ kinda köhöikṅanök qeta kewö jiyök, “Kunṅan ogöra kömuzawi, yaṅön mönö nöṅgöreṅ kaba nema. ³⁸ *Buṅa Kimbigö keu kun kewö ohoget ahöza, ‘Kunṅan ni möt narim niṅgizawi, yaṅgö uruṅeyök malmal köhöikṅaṅgö oṅan mönö tohoba saksaköba kaṅgorakṅa.’”

³⁹ Mewö jiyökmö, keu mi Uṅa Töröṅaṅgöra aka kewö jiyök, “Denike eṅön ni möt narim niṅgizei, iṅini mönö Uṅa Töröṅi buṅa qem aṅguba malme.” Anutunöṅ Jisös gölmenöṅ malöhaṅgö dop Suepkö asakmararanṅi qahö al waṅgiiga malök. Mianṅöra Uṅa Töröṅi qahö melaiiga eta uruṅine geiga öne malget. Mewö.

Ambazip sutṅine jujul ahui malget.

⁴⁰ Jisösnöṅ mewö jiiga ambazip kambu yeṅgöreṅök tosatṅan keu mi möta kewö jiget, “Azi kianṅön mönö öṅṅa kezapqetok azi asuhumapkö jigeri, mönö mia akza.”

⁴¹ Tosatṅan jiget, “Yaṅön Amötqeqe Toṅi Kraist akza.” Mewö jigetmö, tosatṅan qetala jiget, “Kraistnöṅ mönö denöwö Galili prowinsnöhök kabawak? Mi qahö dop köṅṅa. ⁴² *Buṅa Kimbinöṅ kewö jiza, ‘Kiṅ Deiwidnöṅ Judia prowinsgö taon moröṅi Betlehem mianṅöreṅ malöhi, Kraistnöṅ mianṅöreṅök asuhuba Deiwidkö gwölönarökurupṅi yeṅgöreṅök kunṅan akṅa.’”

⁴³ Mewö mewö laṅ jigetka ambazip kambu yeṅön Jisösgöra aka jula denget.

⁴⁴ Yeṅgöreṅök tosatṅan memba jöhöbingö mötketmö, kunṅan sileṅe qahö meyök. Mewö.

Juda galöm yeṅön Jisös qahö möt narim waṅgiget.

⁴⁵ Jöwöwöl jikegö kiripo galöm (sikiriti) yeṅön lilingöba jike nup galöm aka Farisi (Köna keugö kapaṅkölköl) yeṅgöreṅ kagetka kewö jim eṅgiget, “Iṅini wuanöṅgöra i qahö memba kaze?”

⁴⁶ Jim eṅgigetka kewö melenṅet, “Azi mianṅön keu jimakzawi, kunṅan nalö kunöṅ keu tandökṅi mewöṅi qahö jiyök.”

⁴⁷ Mewö melenṅetka Farisi (Köna keugö kapaṅkölköl) yeṅön qesiba jim eṅgiget, “Iṅini tok eṅololonṅ ak eṅgii malje me? ⁴⁸ Galömkölköl azi neṅgöreṅök kunṅan mönö i qahö möt narim waṅgiyök. Aka Farisi (Köna keugö kapaṅkölköl) neṅgöreṅök kunöṅ kun uruṅi yaṅgöreṅ göröken melenṅök me qahö? ⁴⁹ Mewö qahöpmahöpmö, ambazip kambu Mosesgö Köna keu qahö möt kutuba Jisösgö keu möta kopa keu laṅ jimakzei, yeṅgöra muat! Anutunöṅ mönö i qesuahöm eṅgiiga ayuhume.”

⁵⁰ *Mewö jim eṅgigetka azi qetṅi Nikodemus mutuk Jisösgöreṅ kaiga qambaṅ waṅgiyöhi, yaṅön mewöyök yeṅgöreṅök kun aka sutṅine tata kewö jii mötket, ⁵¹ “Azi kunöṅ siṅgisöndok ahöhi, mi qahö qesiinga jiiga möta töndup

* 7:37: Lew 23.36

* 7:38: Eze 47.1; Zek 14.8

* 7:42: 2 Sml 7.12; Mai 5.2

* 7:50: Jon 3.1-2

kewöringa dop kölja me qahö? Qahö kewöta keunji öne jim teköbin ewö, mönö naninak Köna keunini qebin me? Mi qahö dop kölma.”

⁵² Mewö jii möta kewö melenj wanjiget, “Gi mewöyök Jisös ewö melenja Galili qandak azia akzan me? Galili prowinsnöhök kezapqetok azi kun qahö asuhumawi, mi mötzin. Mewö mi nangak Buja Kimbi oyonda könanji jaruba möt kutuman.” ⁵³ Mewö jitnakölik aka jula denja mirinjine anget. Mewö.

8

Ambi kunöj serowilin aiga miwiknjaiget.

¹ Mirinjine angetmö, Jisösnöj anda Oil ip kundune öngöyök. ² Öngöba ahöba miri gianjiiga söjanök kunbuk lilingöba jöwöwöl jikenöj öngöiga ambazip kambu pakpak kaba liliköm wanjigetka eta tata kusum enjyiyök.

³ Kusum enjiiga Köna keugö böhi aka Farisi (Köna keugö kapañkölköl) yejön ambi kun wanjita yangörej kaget. Ambi mianjón sero yonjoro ahiga mianjöra memba jöhögeri, mi wanjita kambu jenjine alget. ⁴ Jenjine ala Jisösgöra jiget, “Böhi, ambi kianjón qesabulum ahiga mönö mianjörejök miwiknjaiba memba kazin. ⁵ *Mosesnöj Köna keu ala mianjörej ambi mewöji mi kötnöj gila qeinga kömumapköra jim kutum nenjiyöha ahöza. Mewö ahözapmö, gönjön yangöra denöwö jiman?”

⁶ Mewö jiba mianjörej möndöba Jisös keugö bötaknöj öröi qaköiga qebingö könanji ahui keu jakenje albingöra jiget. Mewö jigetka sipköba eta böröjan kulem kun gölmenöj ohoyök.

⁷ Ohoyökmö, toroqeba kapañ köla qesim wanjigetka hök ala wahöta diñdiji kinda kewö jii mötket, “Enjörejök kunjan singisöndok kun qahö aka maljawi, yanjón mönö ölöp köt mutukji memba gila qema.” ⁸ Mewö jii mötketka kunbuk sipköba eta kulem kunbuk gölmenöj ohoyök.

⁹ Jisösnöj keu jiyöhi, mianjón enjömemba jöhöiga nanjini singisöndokjini gamuñambuk akeri, mi Anutanöj kondeliga nanjini uruñjan nangöba jiiga isikusukjini qahöwahök. Mianjón qahöwahiga keu göröj kingetka bohonjanan mutuk enjömosöta aniga yangö nemböjan andöje aniga tosatji mohot mohot yejön mömölaköba körek an teköget. Qöndökjan aniga Jisösnöj zöj kuñguba tari ambinöj nanjök yambuk kinök. ¹⁰ Jisösnöj hök ala wahöta diñdiji kinda ambi eka kewö jii mörök, “Ambi, keu jakenje al gihibingö jizei, yejön mönö denike gi sök ni sök anjeje? Yengörejök kunöj kinda gi kömumangö keunji qahö jim teköza me?”

¹¹ Jii möta melenjök, “O Kumbu, kunöj qahö jim teköm niñgizal!” Mewö melenjniga jii mörök, “Nöjón mewöyök gi qahö jim teköm gihizal. Gi mönö döli könahiba singisöndok kunbuk kude aka malman.” Mewö.

Gölme dop nenjö asaknini mi Jisös.

¹² *Jisösnöj keu kunbuk suariba kewö jii mötket, “Nöjón ambazip gölmenji gölmenji tat anjei, enjö asakjini akzal. Kunjan ni nuatanjöba kamawi, yanjón mönö söjanpönj jipjap qahö qeba malmapmö, malmal köhöikjanjö asakji mianjö uruje malma.”

¹³ *Mewö jiiga Farisi (Köna keugö kapañkölköl) yejön kewö jiget mörök, “Nanganök könanjami nangöba jim asarimakzani, mianjón mi qahö dop köl köhöiza. Qahö!”

* 8:5: Lew 20.10; Dut 22.22-24 * 8:12: Mat 5.14; Jon 9.5 * 8:13: Jon 5.31

14 Mewö jiget möta kewö jii mötket, “Nöñon denikeyök eta kayali aka denike anda öngömami, mi möt teközal. Mianğöra nanak könañamni nangöba jim asarimakzali, keu mi mönö ölop dop köl köhöiza. Mi köhöizapmö, injini nöngö könani mi ölnja qahö möt kutuze. 15 Eñon ambazip silenjini miyöhök eka mewö mianğon bahösap sap kewöt engiba keunjini lan jim tekömakzemö, nöñon ambazip kungö keunji qahö jim tekömakzal.

16 “Ni nanök qahö maljalmö, Iwi melaim ningiyöhi, yanğon mönö nömbuk kini maljit. Mianğöra kungö keunji jim teköbilenjak ewö, mi mönö diñdiñanök kewöta dopnje jim teköbilenjak. 17 *Yahötñan keu kun urumohot aka nangöba jiyohotka dop köl köhöimakza. Keu mi engö Köna keunjine mewöyök ohoget ahöza.

18 “Nöñon nani könañamni nangöba jimakzal aka Iwi melaim ningiyöhi, yanğon mewöyök nöngö könañamni nangöba jimakza. Mianğöra yahöt akziga mianğon ölop dop köl köhöim teköza.”

19 Jisösnöñ mewö jii möta kewö qesim wanğiget, “Göhö Iwigi mi denike malja?” Qesim wanğigetka melennök, “Injini ni aka Iwini netkö könañamniri qahö möta malje. Injini nöngö könañamni möt kutubeak ewö, mönö nöngö Iwini mewöyök möt wanğibeak.”

20 Jisösnöñ jöwöwöl jikegö naluk dum kösutnje kinda ambazip kusum engiba keu mi jiyök. Mi jiyökmö, nalöñan qahö kam kuñguyöhangöra aka kunñan i qahö memba jöhöyök. Mewö.

“Denike öngömami, injini mianğöreñ öngöbingö osime.”

21 Jisösnöñ keu kun kewö toroqeba jii mötket, “Nöñon engömosöta anda malbiga injini ni göraim ningiba malme aka siñgisöndok akeri, mianğöreñ qekötahöba kinda kömum köhöime. Mianğöra denike öngömami, injini mianğöreñ öngöbingö osime.”

22 Juda jitnememe yeñon mi möta jiget, “Kewö jiza, ‘Denike öngömami, injini mianğöreñ öngöbingö osime.’ Keu mi denöwö? Imbi aumangöra jiza me?”

23 Mewö jigetka jii mötket, “Injini gölme kianğö tonji aka maljemö, nöñon miri gölme euyangö buñaya akzal. Eñon gölmenöñ ahuba gölme kianğö buñaya aka maljemö, nöñon mutuhök gölme kianğöreñ qahö ahuyal. 24 Qahö ahuba malmalgö könañi nalö dop mala korali, nöñon mönö mia akzal. Nöngöra mewö qahö möt narize ewö, mönö siñgisöndok akeri, mi qahö mösöt-piga mianğöreñ qekötahöba kinda kömum köhöime. Könañi mianğöra aka kewö jibi mötze, ‘Injini siñgisöndok akeri, mönö mianğöreñ qekötahöba kinda kömum köhöime’. Keu mi ölnja.”

25 Keu mi möta kewö qesim wanğiget, “Gi mönö ninja akzan?” Qesim wanğigetka melennök, “Könañamni lök indelbiga mötzei, nöñon mönö mia akzal. 26 Nöñon engöra keu gwötpuk ölop toroqeba jibilenjak aka siñgisöndok gwötpuk akeri, mianğö keunji ölop jim teköbilenjakmö, melaim ningiyöhi, yanğon mönö nöngö melaimelai Toni ölnji akza. Yanğon keu jiuga yanğöreñök möta kota maljali, nöñon mönö keu mi auknje jibiga gölmenji gölmenji yeñon möraknje.”

27 Mewö melennök-mö, Iwigöra keu suariba jiyöhi, yeñon mi qahö möt asariget. 28 Jisösnöñ toroqeba kewö jii mötket, “Nöñon malmalgö könañi nalö dop mala korali, mönö mia akzal. Mianğö könañi mi könañep ölop möt asarime. Nöñon yuai kun nani ösumnan me nani imbinangö dop qahö ahakzalmö, Iwinan keu kusum ningiba malöhi, mönö mianğö dop keu jitni

* 8:17: Dut 19.15

ki jimakzal. Keu kötñi yahöt mianğö kónañi mi kónañep môt asarime. Injini Suep gölmegö Azi Ölñi kösökögetka eu öngöba kömumawi, nalö mianğöreñ mi ölop môt asarime.

²⁹ Melaim niñgiyöhi, yanğön mönö nömbuk kini maljit. Ahakmeme möri dop köl wanğimakzawi, nöñön mönö sundan mia ahakzal. Mianğöra yanğön qahö nömosöriga nanök qahö maljal.”

³⁰ Keu mewö jiyöhangöra aka ambazip gwötpukñan uruñini melenđa Jisös môt narim wanğiget. Mewö.

Abrahamğö gwölönarökurup munenji aka Jisös.

³¹ Jisösnöñ Juda ambazip tosatñan môt narim wanğigeri, yenğöra keu kewö jii mötket, “Nöñgö Buña keunan uruñine geiga mianğöreñ qekötahöba kinje ewö, mönö ölña nöñgö gwarekurupni akze. ³² Mewö mala keu ölñanğö kónañi môt kutugetka Buña keu ölñan injini bölönanğö kösönöhök pösat enğiiga solanñi (fri) aka malme.”

³³ *Mewö jii möta melenđa kewö jiget, “Nini Abrahamğö gwölönarökurupñi mala könagesö walñi akzin. Mewögöra azi kunöñ kösö gwarö mem nenğiiga maljinanğö jizani, mi qahö. Nini mönö nalö kunöñ etqeçenji mewö qahö aka malin. Aiga gi denöwögöra aka kewö jizan, ‘Kösönöhök pösat enğiiga solanñi aka malme?’ Keu mi qahö dop kölja.”

³⁴ Mewö jigetka kewö melenğ enğiyoğ, “Nöñön keu öl töhöññi kun kewö jibi mötket: Singisöndok akzei, körek yenğön singisöndok welenqeçe omanñi töwa qahö aketka mianğö kösönñan köpeim enğimakzampö, welenqeçenöñ toñanğö miri uruñe nalö dop qahö mal öngöma. Nanñi Nahönñan ölop miriñe nalö teteköñi qahö malma.

³⁶ “Nahönñan bölönanğö kösönöhök pösat enğiiga solanime ewö, enğön mönö ölña kösö gwarö qahö solanñi (fri) aka malme. ³⁷ Injini Abrahamğö gwölönarökurupñi maljei, mötzalmö, bölönan uruñini gwözönjawanğöra nöñgö Buña keunan mösösönihim enğiba kondondonğöba erakza. Kónañi mianğöra mönö kapan köla ni nuñgubingö mötze. ³⁸ Nöñön Iwinanğö qöhöröñe mala yuai eka mala koralı, mianğö keuña jimakzal. Enğön mewöyoğ iwininan keu jii mötkeri, mianğö dop ahakze.”

³⁹ Jisösnöñ mewö melenğ enğiiga kewö jiget mörök, “Abrahamnöñ mönö nanine iwiambönini akza.” Mewö jiget möta jiyök, “Injini Abrahamğö gwölönarökurupñi akeak ewö, mönö yanğö ahakmemenji wuatangögetka dop kölbawak. ⁴⁰ Mianğö tandökñi kewö akza: Nöñön Anutugö jitneyök keu möta mianğö dop keu ölbölnji mi jibi mörakze. Nalö kewöñe injini kapan köla azi ni nuñgubingö mötzmö, Abrahamnöñ mewö qahö ahök. ⁴¹ Nanñini iwiurupñanğö ahakmeme miyök wuatangöba malje.” Mewö jiuga jiget mörök, “Serowilinöñ qahö ahuba iwi qahö (bastet) mi qahö akzinmö, Iwininambuk maljin. Anutunöñ mohok-kun nanñak iwi ak nenğiza.” Mewö.

“Bölöñi Tonanğö buñaya akze,” jiyök.

⁴² Jisösnöñ mewö jii mötket, “Anutunöñ nanñak iwi ak enğibawak ewö, nöñön yanğöreñök eta asuhuyalangöra mönö ölop ni uru jöpaköm niñgibeak. Nani ösumnöñ nam köliga qahö asuhuyalmö, Anutunöñ melaim niñgiiga eta maljal.

⁴³ Keu jimakzali, mi wuanöngöra môt asaribingö lömbörimakze? Nöñgö keunan uruñini undenjawanğöra mi môt kutubingö ölan qeba zikzik tökömakze. Mewögöra mi môt asaribingö osimakze?

* 8:33: Mat 3.9; Luk 3.8

44 “Mönö iwiñini Bölöñi Tonjañgö buñaya akze. Sihim kömbönañinan mönö iwiñinañgö sihimñi bölöñi wuatangöbingöra ahöza. Yañon könakönahineyök ambazip enjuget kömukömu azia aka kota malja. Keu ölnjan uruje qahö kinjawangöra aka keu ölni ongita lolonqalolon kinja. Muney jiji azia aka muney jijigö iwiñi akzawangöra muney jimakzawi, mi mönö nanñi uruñangöra jimakza.

45 “Yañon muney jimakzapmö, nöñon keu ölni jimakzal aigun inñini ni qahö möt narim niñgimakze. 46 Inñini körekñan nöñgö könani kewö kondelbingö osize: Yañon singisöndok aka keuñambuk malja. Könañamni mewö jaruzemö, nöñon keu ölni jimakzali, mi mönö wuanöñgöra qahö möt narim niñgize?”

47 “Kunñan Anutugö buña akzawi, yañon mönö Anutugöreñ keu kezap ala mörakza. Inñini Anutugö buña qahö akzeangöra aka keu mi qahö möta möt asarimakze.” Mewö.

Jisösnöñ nanñangöra denöwö jim miwikñaiyök?

48 Jisösnöñ Juda ambazip yeñgö könani indeliga likepñi melenña kewö jiget mörök, “Gi Samaria prowinsgö lolonqalon azia aknöñga ömewörömenöñ uruge geiga maljan. Mewö jiba dopñe jizin me qahöwi, mi ölop nangak jinöñ mörin.”

49 Mewö möta kewö melenñök, “Ömenöñ urune qahö geiga maljal. Ni Iwinanök göda qem wangiba maljal aigun töndup enñon gamu qem niñgimakze. 50 Mewö ahakzemö, nanak qetbuñanambuk akñangö jaram qahö timakzal. Mohot kunñan mewö akñangö bimñi qeba malja. Azi yañon mohot kewöt niñgiba ‘Dop köljan,’ jiba jim teköm niñgimakza. 51 Nöñon keu ölni töhöññi kun kewö jibi mötket: Kunñan nöñgö Buña keuni tem köla wuatangömakzawi, yañon mönö nalö kunöñ kömup köhöikñangö buñaya qahö akña.”

52 Mewö melenñiga Juda jitñememe yeñon Jisös kewö jiget mörök, “Abraham aka kezapqetok ambazip yeñon kömuget aigun göñon töndup kewö jinöñga siksauk akza, ‘Kunñan nöñgö Buña keuni tem köla wuatangömakzawi, yañon nalö kunöñ kömup köhöikñangö buñaya qahö akña.’ Mewö jizanañgöra gi öme kunöñ uruge geiga maljan. Mi döлки ölop möt asarizin. 53 Neñgö bömöñini Abraham kömuyöhi, göñon mönö i ongita yañgö ketañamñi akzan me? Kezapqetok yeñon mewöyök kömuget. Gi nangahöra mötnöñ öñgöiga ‘Ketañi niñja akzal?’ jiba mötzan?”

54 Mewö jiget möta kewö melenñök, “Nanañgöra mötpi öñgöiga Anutugö aködamanñi mi nana buña qem angubilenjak ewö, qetbuñani mi mönö nesak akawak. Iwinan nanñi aködamanñi niñgiyöhanñgöra aka qetbuñanambuk aka maljal. Enñon yangöra ‘Neñgö bem Anutunini akza,’ jize. 55 Enñon könani mi ölop qahö möt kutumakzemö, nöñon i ölop möt wangizal. ‘I qahö möt wangizal,’ jibilenjak ewö, mönö inñini ewö tilipqilip azi akilenjak. Ni azi mewöñi qahö akzalmö, i ölop möt wangizal aka yañgö keuñi tem kölakzal. 56 Enñgö bömöñini Abrahamnöñ ni gölmenöñ eta malmangöra mamböta nalö mi ekñangöra uru sösoñgai aka malök. Nalö kewöñe Suepnöñ mal köhöiiga nöñon asuhubiga nöñgö nalöni eka miangöra söñgaiyök.”

57 Mewö melenñiga Juda jitñememe yeñon kewö jiget mörök, “Yambugi (yara) 50 qahö ongita miangö bapñe maljan aka ‘Abraham ehal,’ jinöñga qahö dop kölja.”

58 Mi möta jii mötket, “Nöñon keu ölni töhöññi kun kewö jibi mötket: Abrahamnöñ qahö asuhuiga nöñon lök nalö miangöreñ malal.”

59 Mewö jii möta kötnöŋ gila qebringöra köt umburangöba megetmö, Jisösnöŋ tölapköba jöwöwöl jikegö tohonji mosöta ölöŋ köla anök. Mewö.

9

Jisösnöŋ jegömöl azi kun mem ölöwahök.

1 Jisösnöŋ toroqeba köna anda azi kun nam körö uruŋeyök jegömöl asuhuyöhi, mi ehök. 2 Mi ehiga gwarekurupŋan qesim waŋgiba jiget, “Ketanjamnini, yaŋön mönö dagö siŋgisöndoköra aka jegömöl mewöŋi asuhuyök? Nannji siŋgisöndoköra me iwinamŋi yetkö siŋgisöndoköra?”

3 Jigetka kewö melenöŋ, “Nannjak siŋgisöndok kun qahö ahök aiga iwinamŋan siŋgisöndok qahö ahotmö, Anutugö kukösumŋan yaŋgö malmalŋe aukŋe asuhumapköra mewö ahuyök. 4 Wehönöŋ asariba ahözawaŋgöreŋ mönö melaim niŋgiyöhaŋgö nuwa töp memba malbin. Sungem akŋawi, miangöreŋ körek nup memingö osibin. 5 *Nöŋön gölmenöŋ malmamaŋgö dop gölmeŋi gölmeŋi engö asakŋini aka asariba malmam.”

6 Mewö jiba gölmenöŋ söutköi geiga gwakötak melenja jegömöl azigö jeŋe timbiliyök. 7 Timbiliba kewö jim kutuyök, “Gi mönö Siloam o aŋgönöŋ anda jegi saŋgoŋman.” (Siloam qet mi nanine keunöŋ Melaimelai azi.) Mewö jim kutuiga anda jeŋi saŋgoŋni tohoiga ui asariiga liliŋgöba miriŋe kayök.

8 Mewö kaiga alaurupŋan kösutŋe malgeri aka tosatŋan mutuk nene yuaigöra ulet engiba malí ekeri, yeŋön i eka jiget, “Jegömöl azi nenegö uleta tata malöhi, yaŋön azi mia me?”

9 Tosatŋan jiget, “Yaŋön mönö mia.” Tosatŋan jiget, “Qahö, kaisoŋgolomŋi i ewö akzärmö, yaŋön qahö.” Mewö mewö jigetka nannjak jiyök, “Nöŋön mönö ia akzal.”

10 Mewö jiiga kewö qesiget, “Jegi mönö denöwö aknöŋga tohoza?”

11 Qesigetka kewö melenj engiyök, “Azi qetŋi Jisös qerakzei, yaŋön söutköi gwakötaknöŋ geiga melenja jeŋe timbiliba jim kutuba kewö jiyök, ‘Gi mönö Siloam o aŋgönöŋ anda jegi saŋgoŋman.’ Mewö jiiga o miangöreŋ anda jeni saŋgoŋbi tohoiga ubi asariyök.”

12 Mewö melenj engiiga kewö qesiget, “Azi mi denike malja?” Qesim waŋgigetka “Qahö mötzal,” jiyök. Mewö.

Farisi yeŋön jeŋi tohoyöhaŋgöra qeqesi alget.

13 Azi jegömöl malöhi, yaŋön “Qahö mötzal,” jiiga ambazipnöŋ i waŋgita Farisi (Köna keugö kapaŋkölköl) yeŋgöreŋ anget. 14 Jisösnöŋ söutŋan gwakötakpuk melenja jeŋe timbiliba metohoyöhi, mi mönö Sabat kendon nalöŋe meyök. 15 Miangöra Farisi yeŋön mewöyök kewö qesim waŋgiget, “Jegi mönö denöwö aknöŋga tohoza?” Qesim waŋgigetka kewö melenj engiyök, “Azi miangön mönö söutŋan gwakötakpuk melenja jeŋe timbiliiga anda jemesoholni saŋgoŋda jeni ubi asariza.”

16 Mewö melenj engiiga Farisi yeŋgöreŋök tosatŋan jiget, “Azi miangön Sabat kendon köteközawi, miangöra mönö Anutugöreŋ asia qahö akza.” Tosatŋan jiget, “Mewö qahö! Azi goŋgoŋi kunŋan mönö denöwö aka aŋgöletot mewöŋi memangö köhöibawak?” Mewö mewö jiba nannjini jula denget.

17 Mewö dengetka jegömöl azi miangöreŋ kunbuk liliŋgöba jiget, “Jegi metohoyöhi, yaŋgöra mönö denöwö jiman?” Mewö jigetka “Kezapqetok asia akza,” jiyök.

* 9:5: Mat 5.14; Jon 8.12

¹⁸ Mewö jüga jeñi ölna gömöliyöha tohoiga uyöhi, Juda jitlememe yeñon mi qahö möt nariget. Qahö möt nariba uruyahöt kinda iwinamñi öröm etkigetka kayohot. ¹⁹ Kayohotka kewö qesim etkiget, “Azi ki etkö nahönñira me qahö? ‘Jegömöl asuhuyök,’ jizahotmö, denöwö aka mönö dölki jeñi uba ekza?”

²⁰ Qesim etkigetka kewö melenñohot, “Azi ki netkö nahönira akza aka jegömöla asuhuyök, mi ölop mötzit. ²¹ Mewö mötzitmö, denöwö aka dölki jeñi uba ekzawi, mi qahö mötzit. Dañon jeñi metohoi uzawi, niri mewöyök qahö mötzit. Gömokñi qahö, lök qariba qeswatñi jörak alalña aka mötkutukutuñambuk akza. Mianğöra mönö nanñangö qesigetka könaji ölop jima.”

²² Juda jitlememe yeñöra kenğötnjiri möta mewö jiyohot. Yeñon sutñine keu kewö jöhöba urumohot aka kinget, “Kunñan Jisös Amötqeqe Tonji Kraist akzawi, mewö jim miwikñajima ewö, i mönö köuluk miri kambunöhök közöl wañgibin.” ²³ Keu mianğöra aka kewö jiyohot, “Gömokñi qahö, lök qariza. Mianğöra mönö nanñi qesim wañgime.”

²⁴ Mianğöra azi jegömöl malöhi, mi kunbuk öröget kaiga kewö jiget mörök, “Azi mi sinğisöndok azia akza, mi mötzin. Mianğöra mönö Anutugö qetbuñaji möpöseinöñga aködamunñambuk ahi dop kölma.”

²⁵ Mi möta kewö melenñök, “Sinğisöndok azia akza me qahö, nöñon mi qahö mötzal. Mohot kewöyök mötzal: Nöñon jegömöl malalmö, dölkewöñe kunbuk ölop uba ekzal.”

²⁶ Mewö melenñiga kewö qesim wañgiget, “Wani yuaia ak gihiza? Jegi mönö denöwö metohoza?”

²⁷ Qesim wañgigetka kewö melen engiyök, “Nöñon lök melen engizalmö, eñon keu jizali, mi qahö mötze. Wuanöñgöra mi kosikñi kunbuk jibi mötpingö kapan kölje? Eñon mönö mewöyök yanggö gwarekurupñi akingö mötze me?”

²⁸ Mewö melen engiiga mepaqepaik aka uruqeqe keu töhöreñ kewö jim wañgiget, “Gi mönö yanggö gwarekña akzanmö, neñon Mosesgö gwarekurupña maljin. ²⁹ Anutunöñ Mosesya Buña keu wangii mötzinmö, azi mianñon mönö igen me waigenök asuhuyöhi, mi qahö mötzin.”

³⁰ Mewö jigetka keu kewö jii mötket, “Yañon denikeyök asuhuyöhi, inñini mianğöra tok kök qeba tönpin akzeañgöra mi welipközal. Ölna welipközalmö, töndup nöngö jeni metohoiga ölop uba ekzal. ³¹ Ambazip gonñon yeñon Anutu köulukögetka qahö möt engimakza, mi mötzin. Mi mötzinmö, kunñan Anutu göda qem wañgiba diñgiba keu jitlem tem köla wuatangömakzawi, yanggö köulukñi mönö kezap ala mörakza. ³² Kun jegömöl asuhuiğa kunöñ kaba jeñi metohoyöhi, kösohot mewöñi mi mutuhök qahö möta malin. Suep gölmenöñ asuhuyohot, nalö mianğöreñök könahiba kota mala merak mianğöreñ kösohot mewöñi kun qahö mörin. ³³ Anutugöreñök qahö kabawak ewö, yañon mönö yuai mewöñi memanggö osibawak.”

³⁴ Mewö jii möta kewö jim wañgiget, “Iwinamgan sinğisöndokpuk gölöm alohotka sinğisöndok pakpak miambuk ahuba qarinoñañon merak ninia kusum nengimangö mötzan. Mi qahö dop kölja.” Mewö jim wañgiba közölgetka gumnöñ erök. Mewö.

Urujenöñ gömöliiga ilingösöñ jipjap malmal.

³⁵ Közölgetka gumnöñ eröhi, keu mianñon Jisösgö kezapñe gei möta azi mi miwikñajiba kewö jii mörök, “Gi Anutugö Nahönñi möt narim wañgizan me qahö?”

³⁶ Mi möta kewö qesiba melenṅnök, “O Ketaṅamni, azi mi daṅon? Mi jinon mötagun i ölop möt narim waṅgimam.”

³⁷ Meleṅniga kewö jim kutum waṅgiyök, “Gi kewö uba neknon. Göbuk keu jizali, azi mia mönön nöḡon akzal.”

³⁸ Mi möta jiyök, “O Kembu, ni möt narim gihizal.” Mewö jiba sipköba köuluköm waṅgiyök.

³⁹ Jisösnon jiyök, “Nöḡon ambazip kewöta keunḡini jim tekömamgöra aka eta gölmenon asuhuyal. Nöḡgöra aka tosatṅan jegömöl akzei, yeṅgö jeṅḡini tohoiga ölop uba ek kutume. Tosatṅi jeṅḡini ölopṅi maljei, yeṅon nöḡgöra aka bau jegömöl aka malme.”

⁴⁰ Mewö jiiga Farisi tosatṅan kösutṅe mianḡoreṅ kinda keu mi möta kewö qesiget, “Wae! Nini tok jegömöl azia akzin me? Neṅgöra jizan me?”

⁴¹ Mewö qesigetka kewö jii mötket, “Inḡini ‘Jegömöl akzin,’ jibeak ewö, mönön siṅgisöndok qahö ahöm enḡibawakmö, nalö kewöṅe ‘Ölop ek kutuzin,’ mewö jimakzeṅgöra aka siṅgisöndokḡinan mönön ahöm köhöim enḡima.” Mewö.

10

Lama aka galömḡini ölopṅi.

¹ Jisösnon galöm meme keu kewö jiyök, “Nöḡon keu öl töhöṅḡi kun kewö jibi mötket: Tosatṅan lama tohonḡ uruṅe öḡgöbingöra naṅgunöhök qahöpmö, sel walöḡda gezei, yeṅon mönön kegwek aka yoṅgorö meme ambazip akze.

² Kunḡan naṅgunonḡ gezawi, yaṅon lama miengö galömḡina akza. ³ Yaṅon kaṅgoriga naṅgu galömḡan eka naṅgu öröm waṅgiiga eta qeriga lama yeṅon keu jölḡi ölop möt kutumakze. Galömḡinan nannḡi lamaurupḡi enḡohola qetḡini qeta enḡuaṅḡiriga tohonḡini mosöta ölop yaigepṅe anakze.

⁴ “Nannḡi lamaurupḡi pakpak enḡuaṅḡiriga tohonḡini mosöta yaigepṅe angetka yaṅon jḡṅememenḡini aka mutuk aniga keu jölḡi möt kutuzeṅgöra andöṅe wuatangöba anakze. ⁵ Nannḡini galömḡini ölop wuatangömakzemö, kian kunḡan kaiga i qahöpmahöp wuatangöme. Kian yeṅgö keu jölḡini qahö möt kutuzeṅgöra mönön ziriṅziriṅ aka yaṅgöra kök ala deṅme.”

⁶ Jisösnon keu tölapḡi mi jii mötketmö, keunḡaṅgö könanḡi qahö möt asariba köḡkuṅ qeget. Mewö.

Jisösnon lama galöm ölopḡi akza.

⁷ Köḡkuṅ qegetka toroqeba enḡöra kewö jiyök, “Nöḡon keu öl töhöṅḡi kun kewö jibi mötket: Nöḡon lama tohongö naṅgunḡi akzal. ⁸ Nöḡgö andöne kambu galöm pakpak mutuk kageri, yeṅon kegwek aka yoṅgorö meme ambaziwa aket. Mewö akerangöra lama yeṅon i qahö möt kutum enḡiba malget.

⁹ “Nöḡon mohot lama tohongö naṅgunḡi akzal. Denike enḡon Anutubuk köhöiba malbingö jiba nömbuk qekötahöba maljei, nöḡon mönön amöt qem enḡibiga letotme. Mewö aka lama tohonḡ uruṅe öḡgöba eta yaigep anda nene gölmeṅi möriamḡambuk miwikḡaimakḡe. ¹⁰ Yoṅgorö meme yeṅon wuanöḡgöra kamakze? Yeṅon yoṅgorö memba neṅguba ayuhum neṅgibingöra kamakze. Yuai murutḡi akingöra qahö. Nöḡon mewö qahö akzal. Nöḡon inḡini malmal köhöikḡi miwikḡaiba oyaenḡoyaen aka malmegöra kaba maljal.

¹¹ “Nöḡon lama galöm ölopḡi akzal. Lama galöm ölopḡan mönön lamaurupḡi yeṅgöra aka malmalḡi köleṅda enḡima. ¹² Kunḡan lama tonḡi qahö aka bohon memegörök kaba laṅ galöm köl enḡimakzawi, mi kewö: Kiam kalḡan kaiga eka lamaurup enḡomosöta unjurata aniga kiam kalḡan lama enḡöhöba kiom

enguba menden engima. ¹³ Yañon yaigewök kaba bohon memegörök ‘Lama galöm köl engimam,’ mi jitnön jiba lama engöra waimanjat qahö möta nesampurek qakne mala lan unjurata anma.

¹⁴⁻¹⁵ * “Nöhön lama galöm ölöpnj akzal. Iwinan ni möt ninggiiga nöñon Iwini möt wanjiba maljal. Miangö dop nöñon nani lamaurupni möt engbiga yeñon ni möt ningimakze. Nöhön malmalni lamaurupni engöra aka kölenda mosötmam. ¹⁶ Nöñgöreñ lama kambu tosatni mi mewöyök ahuba malme. Yeñon lama tohoñ kiangö tonj qahö maljemö, töndup nöñgö keu jölni mörakne. Nöhön i mewöyök enguanjitpiga miangö dop anda kamakne. Könañgep kambunji kambunji mienñon mindiriba kambu mohot aketka galöm mohotñan galöm köl enggiiga malme.

¹⁷ “Iwinön kewögöra aka ni urunön jöpaköm ningimakza: Nöhön malmalni mosöta kunbuk guliba mal öñgömam. Mi Iwigö jeñe dop kölja. ¹⁸ Malmalni kunñan qahö noañgitmapmö, mi nanak kölenda mosötmam. Iwinan jim kutum ninggiiga nanak malmalni kölenda mosötmam aka miangö andöñe kunbuk guliba mal öñgömam. Kukösum mewöñi mi nöñgöreñ ahöza.”

¹⁹ Jisösnön keu mi jiyöhañgöra aka Juda jitñememe yeñgö sutñine goranora kunbuk asuhuyök. ²⁰ Yeñgöreñök gwötpukñan kewö jiget, “Ömewörömenön uruñe geyöhawa mala kahapmahap akza. Mönö wuanöñgöra keunji mötpinak? Muat mosötpin.”

²¹ Tosatñan jiget, “Keu mewöñi mi kölköljinjin azigö keu ewö qahö. Ömewörömenön mönö jegömöl ambazip yeñgö jeñini denöwö metohobawak?” Mewö erauget.

Juda jitñememe yeñon jisös andö qeget.

²² Mönöwök jöwöwöl jike köl könjörata nanñunji öröget. Mi yambu (yara) dop mötmöröba kendongö söñgaibingöra* Jerusalem tokoget. Nalö mianñon kam kunñuiga kömunñan kie uru nalö amötñi ahök.

²³ Jisösnön jöwöwöl jikegö tohoñ uruñe kin Solomongö sombem söranñambuk qetkeri, miangöreñ anda liliköyök. ²⁴ Anda liliköiga Juda jitñememe yeñon kaba liliköm wanjiba kewö qesim wanñiget, “Könañamgi köyatinöñga mönö nalö dawik toroqeba mambötpingö mötzan? Gi Amötqece Tonj akzan me qahö, mi mönö aukne jinöñga mötpin.”

²⁵ Mewö jim qesim wanñigetka kewö melen engiyök, “Nöhön lök jibiga mötketmö, inñi nöñgö keuni mi qahö möt narize. Nöhön Iwinangö qetne angöletot ahakzali, mianñon mönö könañamni indela nangöba kondelakze.

²⁶ Mi nanñöba kondelakzemö, inñi nöñgö lama kambu uruñe qahö maljeañgöra aka keuni qahö möt narimakze.

²⁷ “Nöhön mönö lamaurupni möt engbiga yeñon mewöyök nöñgö keu jölni möta ni nuatängömakze. ²⁸ Nöhön malmal köhöikñi engbiga letota nalö kunön qahö kötökñi ayuhume. Kunñan kun i nöñgö böröneyök qahö öröba könden engima. ²⁹ Nöñgö Iwinan i nöñgö böröne al engiyöhi, yañon körek engonñgita öñgöñgöñi ketanji akza. Miangöra köreknan i nöñgö Iwinangö böröneyök öröba könden engibingö osime. ³⁰ Ni aka Iwi netkön mönö mohot aka maljit.”

³¹ Jisösnön mewö jiiga Juda jitñememe yeñon kunbuk gölmenöhök köt umburañgöba memba mianñon gila qebingö aket. ³² Mewö aketmö, kewö jim

* **10:14-15:** Mat 11.27; Luk 10.22 * **10:22:** Kendon qetñi Hanuka mi Disemba 25 könahiba wehön 8 miangö dop tata söñgaiget. Miri pakpak kiwa ohotiriget asariiga ip sinñi tokoba linjet köla söñgöñgai aket.

enjiyök, “Iwinöŋ nam köl niŋgiiga aŋgöletot ketani gwötpuk aka membiga ekeri, mienjörenök mönö wania kun mötmöriba ni kötnöŋ gila nuŋgubingö mötze?”

³³ *Jim enjiiga Juda yeŋön melenđa jiget, “Neŋön aŋgöletot ketani aknönanğöra aka qahö kötnöŋ gila guhubingö akzinmö, Anutu mepaqepaik ak wanğizanaŋğö likepŋi ak gihibin. Gi gölme azia aigun silegi öne mem öŋgöba Anutu tandök akŋamğö jizan.”

³⁴ *Mewö jigetka Jisösnöŋ melenj enjiyök, “Buŋa Kimbinöŋ Köna keu kun kewö ohoget ahöza, ‘Anutu nöŋön jial: Injini mönö nöŋgö bemurupni akze.’

³⁵ Buŋa Kimbigö keu mi mönö pömsöm qahö qemapmö, pöwöwöm ahöma. Mianğöra Anutunöŋ keuŋi ali kaba ambazip buŋanina ahöhi, Anutunöŋ yeŋgö qetŋini ‘bemurup’ mewö qet enjiyök. ³⁶ Ambazip omani mewö qet enjiyökmö, Iwinöŋ azi mem sarahiba melaiiga gölmenöŋ eröhi, eŋön mönö denöwö aka yanğöra kewö jize, ‘Gi Anutu mepaqepaik ak wanğiba maljan.’ Nöŋön ‘Anutugö nahönŋi akzal,’ keu mewö jibiga eŋön mönö wuanönğöra mi mötket qahö dop kölja? Injini Anutugören Buŋa keu mi qeze me?

³⁷ “Nup memakzali, mi eketka Iwinanğö ahakmemegö dop qahö ahakza ewö, mönö kude möt narim niŋgime. ³⁸ Iwinanğö ahakmemegö dop aka memba maljal ewö, könanami mewö eka mönö möt narim niŋgime. Mi keunanğöra aka qahö möt naribeak ewö, mönö aŋgöletotanğöra aka töndup möt narim niŋgime. Iwinöŋ nömbuk qekötahöba kinja aka nöŋön Iwibuk qekötahöba kinjali, injini mianğö könanj möt sölöngöba asarimegöra jizal.”

³⁹ Jisösnöŋ mewö jiiga kunbuk memba jöhöbingö mötketmö, bөрö bapŋineyök unjurata eta anök.

⁴⁰ *Enğömosöta Jordan o töwatŋi kutuba kunbuk likepŋe anda Jonöŋ mutuk o melun mem enğiba malöhi, mianğörenj anğota nalö tosatŋi toroqeba mianğörenj malök. ⁴¹ Mianğörenj maliga ambazip gwötpukŋan yanğörenj kanğota eka kewö jiget, “Jonöŋ aŋgöletot mohot kun qahö meyoökmö, keu pakpak azi kianğöra jiyöhi, mi mönö keu ölnja jiba malök.” ⁴² Kanğotkeri, yeŋgörenjök gwötpukŋan uruŋini melenđa möt narim wanğiget. Mewö.

11

Jisösgö alanj Lazarusnöŋ kömuyök.

¹ *Betani taongö azi kun qetŋi Lazarus mianjön kawöl yöhöi ahöyök. Maria aka Marta darumun yetkön Betani taon mianğörenjök malohot. ² *Maria mianjön Kembu o köhöwakŋambuknöŋ miriba nörop jupŋan könanj kereŋ meyoök. Lazarus kawöl yöhöi ahöyöhi, mi yanğö nenja. ³ Lazarusnöŋ kawöl yöhöi ahöiga nenyahötŋan buzup keu kewö alohotka Jisösgörenj anök, “Kembu mötnöŋ, alagi yanğö ak gihimakzawi, yanjön mönö kawöl yöhöi ahöza.”

⁴ Buzup mi anökmö, Jisösnöŋ mi möta kewö jiyök, “Kawöl mianjön azi alanj kömumapköra aka qahö asuhum wanğii ahöza. Mianğöra qahöpmö, Anutugö Nahönŋan i mem ölöwaka mianğöra Suepkö aködamunğambuk aiga ambazipnöŋ könanj mi ek kutuba Anutu möpöseigetka qetbuŋanjan asarim sehima. Kawöl mi mianğöra aka asuhum wanğiyök.”

* **10:33:** Lew 24.16 * **10:34:** Sum 82.6 * **10:40:** Jon 1.28 * **11:1:** Luk 10.38-39 * **11:2:** Jon 12.3

⁵ Jisösnöj Marta, yanğö munji aka nennjiri Lazarus yengöra ak wanğiiga malök. ⁶ Mewö malökmö, tøndup kawöljanğö buzupni möta miri malöhi, miangörenök söman yahöt toroqeba malök. ⁷ Mi mali nalö mi teköiga gwarekurupni yengöra kewö jii mötket, “Nini mönö Judia prowinsnöj lilingöba anbin!”

⁸ Mewö jiiga melenget, “Ketanamnini, Juda yejön uruwale kapan köla kötnöj gila guhubingö mötket. Mianğöra kunbuk Judia lilingöba anmamğö jizani, mi qahö dop kölja.”

⁹ Mewö melengetka Jisösnöj keu kewö jiyök, “Wehöngö auanı 12 ahözei, kunjan miangö asakne köna anmawi, yanjön mönö yuai kunjan qem mizit qahö ak wanğima. Gölmegö asaknan asarim wanğiiga ölop eka anma. ¹⁰ Ölop anmapmö, kunjan kiwanji qahö ahöm wanğiiga sunğem jipjap anmawi, yanjön mönö qem mizit miwiknaima.” ¹¹ Keu mi jibagun kewö jii mötket, “Alanini Lazarusnöj gaunwaj ahözapmö, nöjön anda gaunöhök möndöbi wahötma.”

¹² Keu mi möta kewö jiget mörök, “Kembu, ölja gaun ahöza ewö, mönö ölop ahöba ölöwakja.”

¹³ Jisösnöj Lazarus kömuyöhanğö keu sainji jiyökmö, gwarek yejön ‘Gauna ahöza,’ jiyöhi, miangö möt bibihiba keu könanji qahö möt kutuget. ¹⁴ Qahö möt kutugeranğöra Jisösnöj aukneyök jim miwiknaima jiyök, “Lazarusnöj kömuyöha ahöza. ¹⁵ Nöjön yambuk qahö malbiga kömuyöhanğöra nöjön anda mem gulibiga wahöri eketka mötnaripninan asuhum köhöima. Mewö aiga enğöra söngaiba ‘Simbawon akne!’ jizal. Mönö wahötketka yanğoren anin.”

¹⁶ Mewö jim miwiknaima Tomas qetnji kun Siwisiwi qetkeri, yanjön gwarek alaurupni yengöra kewö jii mötket, “Nini ölop mohotje miangören anin. Andagun yambuk kömuin.” Mewö.

Malmal Tonjan nenyahötji urunjiri qesawöliyök.

¹⁷ Lazarusnöj kömumba wehön 4 lök qaksirinöj ahöi teköiga Jisösnöj kanğoriga buzupni mewö jiget mörök. ¹⁸ Betani taon mi Jerusalem siti mosöta 3 kilomita anangö dop dowe ahöyök. ¹⁹ Mianğöra Juda ambazip gwötpuknan Marta Maria nennjiri kömuyöhanğöra ‘Songon etkekin,’ jiba kaba tatket.

²⁰ Tatketka Martanoj “Jisös kaza,” jiget möta miri mosöta könanöj anda miwiknayıökmö, Marianöj mire tarök. ²¹ Könanöj miwiknaima kewö jii mörök, “Kembu, gi kianğoren malbanak ewö, nenan mönö qahö kömumbawak. ²² Qahö kömumbawakmö, göjön nalö kewöne mewöjanök Anutugö yuai kungöra köululuköman ewö, mi pakpak ölop miwiknaim gihiiga asuhuma, mewö mötzal.”

²³ Keu mi möta Jisösnöj jii mörök, “Göhö nengan mönö guliba wahötma.”

²⁴ Mi möta Martanoj jiyök, “Gölmegö nalö teteköne kömukömuji yejön wahötmei, yanjön mönö nalö ketanji miangören guliba wahötmawi, mi möt yaközal.”

²⁵ Mewö jiiga Jisösnöj jii mörök, “Kömuynöhök wahötwahötkö Tonji mi nöjön akzal. Nanak Malmal köhöikjanğö Tonji akzal. Mianğöra kunjan ni möt narim ninğizawi, yanjön kömumapmö, tøndup toroqeba mal köhöiba malma. ²⁶ Kunjan kun gölmenöj mala möt narim ninğiza ewö, yanjön mönö nalö kunöj qahö kömum köhöima. Qahö! Keu mi möt narizan me qahö?”

²⁷ Martanoj keu mi möta jiyök, “O Kembu, mi möt narizal. Göjön Anutugö Nahönji akzan. Amötqeje Tonji Kraist gölmenöj asuhumapkö jigeri, göjön mönö mia akzan. Mewö möt narizal.” Mewö.

Jisösnöj sahöri imbilhan erök.

²⁸ Martanöj keu mewö jiba miriñe lilingöba anda munñi Mariagöra keu ölöñ jiiga görañe kaiga jiyök, “Böhinöñ kaba kónanöñ kinda göhöra endu anda ekñangöra jiza.”

²⁹ Mewö jiiga Marianöñ keu mi möta mianğörenök i mosöta Jisösgöreñ anök. ³⁰ Anökmö, Jisösnöj miri sombemnöj qahö kanğoriga endu Martanöñ köna namñe miwikñaiba ehöhi, mianğörenök kinök. ³¹ Juda ambazip yeñön Mari-abuk miri uruñe uru qesawölökö tatketka Marianöñ zilay wahöta gumñöñ eta aniga eka kewö mötmöröba jiget, “Yañön mönö qaksirinöñ anda sahötma.” Mewö jiba yanğö andöñe wuatangöba anget.

³² Marianöñ anda Jisös kinöhanğöreñ anğota eka kónañe sipköba eta kewö jii mörök, “O Kembu, göñön ki malbanak ewö, nenan mönö qahö kömumbawak.”

³³ Mewö jiba silata qeta sahöriga Juda ambazip yambuk kaba nanğöba mohotñe sahötkeri, Jisösnöj mi eka wösöñi pölpölgöiga jeñi asöliiga köna böröñi jönömñambuk unduyök. ³⁴ Jönömñambuk undui qesim enğiyök, “I denike alget ahöza?” Qesim enğüiga jiget mörök, “Kembu, kewö kaba eknöñ!”

³⁵ Mewö jigetka Jisösnöj sahörök. ³⁶ Sahöriga Juda ambazip yeñön eka jiget, “Yei! Mönö alañangöra önöñi qahö ak wanğii malök.”

³⁷ Mewö jigetmö, tosatñan keu mi qeba kewö jiget, “Jegömöl ambazip jeñini metohoba malök ewö, mönö ölöp Lazarus jiiga qahö kömumbawak me?” Mewö.

Jisösnöj Lazarus mem guliiga kömupñöhök wahörök.

³⁸ Mewö lañ jigetka Jisösgö wösöñi kunbuk pölpölgöiga jeñi asöliiga qaksirinöñ anök. Qaksirinöñ anda yuai kewö ehök: Köt köteñ urorohoba qamötñi mianğö uruñe ala nanğuni köt ketañan köl közipkögetka tarök. ³⁹ Mi eka kewö jiyök, “Mönö köt qililingögetka anök.” Mewö jiiga azi kömuyöhanğö nenñi Marta yanğön kewö jii mörök, “O Kembuni, sömaj 4 ahözawangöra lök wörönñambuk akza.”

⁴⁰ Jisösnöj mi möta Martagöra kewö jiyök, “Gi möt narim niñgibanak ewö, Anutugö kukösumñan aködammñambuk asuhuiga ekanak. Mutuk keu mewö jibiga mötnöñ me qahö?”

⁴¹ Mewö jiiga köt qililingöget aniga Jisösnöj eu ui öngöiga kewö jiyök, “Iwi, gi köulukni mötzanağöra aka ‘Pipsaiwap!’ jim gihizal. ⁴² Gi nalö dop köulukni mörakzani, mötzalmö, göñön melaim niñginöñga gölmenöñ erali, ambazip kambu liliköm niñgiba ki kinjei, yeñön mi möta möt narimeğöra aka keu ki jizal.”

⁴³ Mewö jiba imbiñi memba wahöta ketañanök qeta kewö jiyök, “Lazarus, gi mönö wahöta kanğotnöñ!” ⁴⁴ Mewö qeriga azi kömukömuñi yanğön guliba wahöta kayök. Köna böröñi opo kawukñambuknöñ esuhuba jemesoholñi opo johanñan köpeiba jöhöget ahöi dundunñambuk kayök. Mewö kaiga Jisösnöj jiyök, “Mönö dundunñi pösatketka ölöp anma.” Mewö.

Juda galöm yeñön Jisös kömumapkö anğöñan geget.

Mat 26.1-5; Mak 14.1-2; Luk 22.1-2

⁴⁵ Juda ambazip Mariagöreñ kanğota Jisösnöj yuai aiga asuhuiga ekeri, yeñögöreñök gwötpukñan uruñini melenđa Jisös möt narim wanğiget. ⁴⁶ Möt narim wanğigetmö, tosatñan Farisi (Köna keugö kapankölköl) yeñögöreñ anda Jisösnöj yuai ahöhi, mianğö kösohotñi jiget mötket.

⁴⁷ Mi jiget mötketka jike nup galöm aka Farisi yeñon jike kaunsöl jitnememe öröm engiget tokogetka kewö jiget, “Azi miangön angöletot kukösunjabuk sehisehiji memakzawangöra i mönö denöwö ak wanggiinga dop kölbawak? ⁴⁸ Wakosoran aka yuai kun qahö ak wanggiinga toroqeba mewö aka malma ewö, mönö ambazip körek pakpak i möt narim wangibeak. Mewö aketka Rom gawman yeñgö irimjini seholiğa kaba nanini jöwöwöl jikenini aka ambazip kambu ki nenguangetketka öne töhöon malbinbuk.”

⁴⁹ Mewö jiget tatketka yeñgöreñök kun qetji Kaiafas yeñon yambu (yara) miangöreñ jike nup galöm bohonji aka nup mia memba malök. Yeñon wahöta goro keu kewö jii mötket, “Injini uru mötmötjinangö kinimji tok qahö tohoza. ⁵⁰ Injini keu ki ölop qahö kewötze: Nini ambazip kambu körekjanök ayuhuinga lömböt keta bölöknji akapuk. Miangöra azi möhotjan Juda kambu neñgö aip selnini ala sohpnini memba kömuiga dop köлма.”

⁵¹ Yeñon keu mi nanji imbiñe qahö ahuiga jiyökmö, yambu (yara) miangöreñ jike nup galöm bohonji malöhangöra aka nanjak keuñangö könaji qahö möta kezapqetok keu jiyök, “Jisösnöñ ambazip kambu neñgöra aka kömui dop köлма.” Keu mi ölna jiyök. ⁵² Juda ambazip kambu neñgөрöhök qahö kömuyökmö, Anutugöreñ urumelen könagesö gölme dop denqernda mal anjini, nini mewöyök mindirim neñgiiga urumelen kambu mohok aka malbingöra kömuyök. Kömumapkö keuji mi qeljene jiyök.

⁵³ Wehöon miangöreñök könahiba jitnememe yeñon tokoba mewö eraum möta Jisös kömumapkö keuji jim köhöiba arenji alget. ⁵⁴ Miangöra Jisösnöñ toroqeba Juda yeñgö sutjine aukje qahö anda kaba malök. Mewö qahöpmö, engömosöta gölme qararanjökölqanğö görane anök. Miangöreñ anda taon qetji Efraim miangöreñ anğota gwarekurupji yembuk nanjinök malget.

⁵⁵ Juda neñgöreñ ak-kömukömu kendonöñ törüyök.* Miangöra Juda ambazip gwötpukjan miri dop mirinjini mosöta köl könjorat ak anğubingöra möta Jerusalem sitinöñ öngöget. ⁵⁶ Jisös jaruba mala jöwöwöl jikegö tohon uruje kinda eraum möta kewö qesim anğuget, “Jisösnöñ sösonğai kendongöra ki kama me qahöpto? Denöwö mötze?”

⁵⁷ Mewö qesim anğugetmö, jike nup galöm aka Farisi yeñon jimkutukutu keu kewö algetka sehiyök, “Kunjan Jisösgö ahöm tatatnji eka mötmawi, yeñon mönö neñgöreñ kaba buzupji jii möta anda memba jöhöbin.” Mewö.

12

Marianöñ Jisös o köhöwaktambuknöñ miriyök.

Mat 26.6-13; Mak 14.3-9

¹ Anutunöñ mönöwök neñgehoriba neñgoñgiröhi, miangö ak-kömukömu kendonjan* töriba sömañi 6 teköiga miangöreñ kam kuñgumamgö ahök. Jisösnöñ nalö miangöreñ miri qetji Betani miangöreñ anök. Mutuk azi qetji Lazarus mem guli kömupnöhök wahöta malöhi, mönö yeñgö mire anğorök. ² Miangöreñ anğoriga Jisös göda qem wangibingöra miri kunöñ nene ohoba mözömgöget. Martanöñ ohom tönder köl enjyökmö, azi Jisösbuk möhotnje tata nene negeri, Lazarusnöñ yeñgö sutjine tarök.

* **11:55:** Kendon qetji Nei keunöñ Pasowa jize. Anutunöñ mönöwök Israel ambazip neñgehoriba neñgoñgiröhi, miangöra yambu dop nalö ala söngaimakzema. Eksodus 12.15 * **12:1:** Eksodus 12.15

³ *Mewö tatketka Marianöj kelök kirin kun lömbötñi 500 gram mi memba Jisösgöreñ kayök. Kirin mi o umköhöwaktambuk ölni qetñi nad bohonñi öngöngöñi ketanji mianön kokolak qeçeña. Yanön mi memba kaba simin köla Jisös könañe mimbiliba miriba nööröp juññan kereñ meyök. Mewö aiga miri uruñe tatkeri, mi ogö wörönñan pukpuköba dop köla ahöiga mötket.

⁴ Mewö asuhuiga Jisösgö gwarek yengöreñök kun qetñi Judas Iskar-iot, könañep Jisös mamalolo meyöhi, azi mianön qetala kewö jiyök, ⁵ “O köhöwaktambuk mi mönö wuanöngöra bohonñi memegöra qahö alök? Iwinangö jitñi! Mi albawak ewö, mönö silim 300:kö töwanji (Kina 1500,-) miangö dop yöhötibawak. Mia ambazip wanapñi engiinga dop kölbawak.” ⁶ Mewö jiyökmö, keu mi ambazip wanapñi yengöra waimanjat möröhangöra aka qahö jiyök. Yengöra aka qahöpmö, yongorö meme azia mala moner gösö kutukutulanini galöm köli moner alget geiga miangöreñök kitipñi nanñangöra memba malök. Mönö miangöra aka mi jiyök.

⁷ Mewö jiiga Jisösnöj jiyök, “Inini ambi ki mönö kude jim wanjime. Nöñön kömumbiga löm köl niñgimeangö nalöñi törizawangöra ölop sileni o umköhöwaktambuknöj nömiriza. ⁸ *Ambazip wanapñi mi mönö nalö dop sutñine malakzemö, nöñön embuk nalöñi nalöñi qahö malmam.” Mewö.

Lazarus qebingö keu jöhöba anjónañ alget.

⁹ Jisösnöj Betani mire malöhi, mi Juda ambazip kambu gwötpukñan möta miangöreñ kaget. Jisösgöröhök qahö kagetmö, Lazarus kömupnöhök mem gulii wahöröhi, i mohot ekingö likepliket öböba kangetket. ¹⁰ Mewö kangetketmö, jike nup galöm yerön Lazarus mewöyök qein kömumapkö keu jöhöget. ¹¹ Juda ambazip gwötpukñan Lazarusgöra aka Betani anda uruñini melenja Jisös möt nariget. Miangöra keu mewö jöhöget. Mewö.

Jisös köirañ kölgetka Jerusalem öngöyök.

Mat 21.1-11; Mak 11.1-11; Luk 19.28-40

¹² Mewö aketka ahöba wahöta miangöreñ ambazip kambulellemenöñ ak-kömökümü kendongöra Jerusalem sitinöj kangeta malgeri, yerön buzup keu kewö mötket, “Jisösnöj Jerusalem kamangö könanöj kaza.” ¹³ *Keu mewö möta umji böröñi memba könanöj miwikñaibingö anda kewö jiba qetket, “Hosana, owe owe! Anutu möpöseizin. Kembugö qetñe kamawi, Anutunöj mönö kötuetaköma! Israel nenjö Kiñ Kembunini owe owe!”

¹⁴ Jisösnöj donki moröñi kun miwikñaiba miangö qakñe öngöba tarök. Mi kezapqetok keu kun kewö ohoget ahözawangö dop asuhuyök,

¹⁵ * “O Jerusalem ambazip Zaion kundunji liliköba maljei, inini mötket, engö Kiñ Kembuninan mönö kama.

Donki moröñangö qakñe tata kama. Miangöra kenjötnini mönö kude mötme.”

¹⁶ Jisösgö gwarekurupñan yuai asuhuyöhi, miangö könañi mutuk qahö möt kutugetmö, könañep ölop möt asariget. Jisösnöj Suepnöj öngöba asak-mararantambuk malöhi, keu mi nalö miangöreñ mötmöröba kewö jiget, “Aha! Keu mi mönö Jisösgöra ohoget ahöza aka ambazipnöj keu miangö dop ak wanjigetka ölnambuk ahök.”

¹⁷ Ambazip Jisösbuk Betani malgeri, yerön dangunu ewö kinda buzupñi jim sehiget. Jisösnöj Lazarus qeriga kömupnöhök guliba wahöta qak-sirigö köt köterñ mosöta kanjoriga ambazip kambunöj ekeri, yerön Jisösgö

könanj nanğöba jiba jim asariget. ¹⁸ Jisösnöj anğöletot mi meyöhi, keu mi mötkeanğöra aka ambazip kambunöj lulunđa köl öröm wanğibingö anget.

¹⁹ Mewö angetka Farisi (Köna keugö kapanğölköl) yejön nanñinök eraum möta kewö jiget, “Mötket. Gölmeñi gölmeñi ambazip yejön mönö lulunđa öröba yanğö andöñe anakze aka nini keu nup miyök mem bibihiinga öljñ kun qahö asuhuza.” Mewö.

Grik ambazip tosatñan Jisös jaruget.

²⁰ Juda ambazip ak-kömükömu kendongöra Jerusalem sitinöj öngöba Anutu waikñi memba möpöseigeri, yejgö sutñine Grik ambazip tosatñi mohotñe malget. ²¹ Yejön gwarek qetñi Filip yanğoreñ kaget. Filipnöj Galili prowinsgö taon qetñi Betsaida mianğö azia malök. Grik yejön yanğoreñ kaba qesiba kewö jiget mörök, “Ketanamnini, nini sihimninan Jisös ekingö mötzin.”

²² Mewö jiget möta Andrugoreñ anda keu mi jii mörök. Jii möta mohotñe anda Jisös jiyohot mörök. ²³ Keu mi möta melenđa kewö jiyök, “Suepkö asakmararanan Suep gölmegö Azi Öljñ yanğoreñ kunbuk asuhum kutuiga asarimawi, mianğö nalöñan mönö töriza. ²⁴ Nöjñön kömupnanğö söpsöp keu ölj töhöññi kun kewö jibi mötket: Sehoñ kötñi gölmenöj qahö geba julma ewö, mönö öne miyök ahöma. Mewö öne ahömapmö, geba julma ewö, korapñan mönö jula öndölböndöl wahöri öljñ gwötpuk söhöma.

²⁵ * “Mianğö dop denike yejön malmalñini nanñinanğöra anğön köla nanñini imbi-imbi siyonşayonji qahö malbingö ak engimakzawi, yejgö malmalñinan mönö sohoma. Mewö sohomapmö, kunñan kun nanñi malmalñi gorağöra ala nia jegep al ningimawi, yanñon mönö malmal öljñ öndölböndölñambuk miwikñaiba köhöiba teteköñi qahö mal öngöma. ²⁶ Kunñan ni welen qem ningimangö jizawi, yanñon mönö ni nuatangöba mali dop kölma. Weleni qemakzawi, mönö ni anda kaba malmamanğoreñ mewöyök nömbuk malma. Kunñan nömbuk mala weleni qem ningimakzawi, Iwinöj mönö i göda qem wanğii malma.” Mewö.

Jisösnöj kömumba gulimawanğö keu sainji jiyök.

²⁷ Jisösnöj jiyök, “Wösöni dölkö kot gwözöñniga amqam aka maljal. Denöwö jibilenak? Keu jaruzal. O Iwi, gi ölöp aua nalö kewöñangö könjilijnöhök meköm ningiman. Töndup kewögöra mewö qahö köulukömam: Aua kianğö sihimbölöñi mi mököşöñda bisimangöra aka nangak qakne aljan. ²⁸ O Iwi, gi mönö nangi aködamungi al ningiba qetbuñagi mem qariman.” Mewö köuluköiga Suepnöhök keu kewö asuhiba erök, “Nöjñön aködamuni lök al gihiba mewö qetbuñani mem qarial aka toroqeba mem qaribiga sehiba anma.”

²⁹ Keu mi asuhuiga ambazip kambu kinget yejön mi möta jiget, “Wöl pöndañ qetza.” Tosatñan jiget, “Suep garata kunñan yanğöra keu jiiga kourukñi mötzin.”

³⁰ Mewö mewö jigetka kewö jii mötket, “Kouruk mi nöngöra aka qahö asuhuzapmö, mi engöra aka asuhuza. ³¹ Nalö kewöñe gölmeñi gölmeñi ambazip ahakmeme bölöñi wuatangömakzei, yejgö kewötkewöt nalöñinan mönö mesohol köl engiza. Anutunöj yejgö keunini jim teköba likepñi melenj engiiga qakñine öngömapkö akza. Nalö kewöñe Anutunöj Bölöñanğö Kembunji gölme dop galöm köl engimakzawi, mönö i közöliga yaigep etmapkö

* 12:25: Mat 10.39; 16.25; Mak 8.35; Luk 9.24; 17.33

akza. ³² Yarjōn etmapmō, nōngōra kewō asuhuma: Ambazipnōj gōlmenōhōk nōmembra kōnakemba kōsōkōm niŋgigetka ōngōba kinbiga kōna ahuiga ambazip gōlme dop ōrōm enjigibiga lulunja nōngōrenj kaba kambu kōla kinme.” ³³ Mi kōmup denōwōnji kōmumawi, miangō keu sainja mewō jii mōtket.

³⁴ *Ambazip kambu yenjōn mi mōta kewō jiget mōrōk, “Nini Kōna keu oyoŋda kewō mōtzin, ‘Kraistnōj qahō kōmumba tetekōŋi qahō mal ōngōba malma.’ Gōjōn wuanōngōra kewō jizan, ‘Suep gōlmegeō Azi Ōlŋi gōlmenōhōk memba kōsōkōgetka kōnakemba ōngōba kinma.’ Suep gōlmegeō Azi Ōlŋi mi daŋōn?”

³⁵ Mi mōta melenj enjgiyōk, “Asakŋan nalō tōrōptōkŋi kunbuk sutŋine asariba malma. Sōŋaupnōj qakŋine ōngōba turum enjii miangō buŋaŋi akepekōra mōnō asakŋe anda kaba malme. Asakŋan ahōm enjgimawanjgō dop mōnō asakŋe malme. Daŋōn panamanōj jipjap anda kamakzawi, mōnō denike anjotmawi, mi qahō mōtza. ³⁶ Mianjōra asakŋan nalō dawik embuk malmawi, nalō mianjōrenj mi mōnō urunōj mōt anjōn kōla malme. Asakŋanjgō kōnagesō aka malmegōra mōnō asakŋi mi mōt nariba malme.” Jisōsnōj keu mewō jiba enjgōmosōta tōlapkōba anōk. Mewō.

Juda ketanji yenjō urukōhōikŋinan qahō lōwōriyōk.

³⁷ Jisōsnōj anjōletot gwōtpuk memba maliga Juda yenjōn mi jeninan eketmō, tōndup i qahō mōt narim wanjiba silebile malget. ³⁸ *Mewō malgetka kezapqetok azi Aisaiagōrenj keu kun mi ōlŋambuk asuhuyōk. Yarjōn keu mi kewō ohoyōha ahōza, “O Kambu, nenjōn Buŋa keu jim asariba uruŋini kuŋgum enjgimakzinmō, daŋōn mi mōt naribawak?

Kembunōj kukōsumnji mi mōnō dagōra indeli mōt asarima?”

³⁹ Amōtqeqe Tonji mōt narim wanjibingō lōmbōriba osigeri, Aisaianōj mianjō kōnaŋi mōta keu kun qeljinje kewō jiba ohoyōha ahōza,

⁴⁰ * “Nanŋini jeninan yuai eka kōnaŋi ek kutubepuk me uruŋinan keu kōnaŋi mōt asaribepuk. Mi mōt asariba uruŋini melenjbepek. Uruŋini melengetka mem ōlōwak enjgibileŋbuk. Yarjōn mewō asuhubapukōra ambazip jenini mem gōmōliba uruŋini gwōzōŋniga malje.”

⁴¹ Jisōsnōj Suepkō asakmararaŋnōj asariba mali Aisaianōj mewō eka kōnaŋi jim asariba keu mi jiyōk.

⁴² Jitŋememe aka galōmkōlkōl azi yenjōrenjōk gwōtpukŋan mewōyōk Jisōs mōt narigetmō, Farisi (Kōna keugō kapaŋkōlkōl) yenjōn kōluluk miri kambunōhōk kōzōl enjgibepukōra mi aukŋe qahō jim miwikŋaiget. ⁴³ Ambazipnōj mōpōseim enjgimegōra kapaŋ kōlgetmō, Anutunōj mōpōseim enjgimapkōra mi gemasolokep aket. Mewō.

Jisōsgō keuŋan ambazip kewōta keunini jim tekōma.

⁴⁴ Tosatŋan mewō aketmō, Jisōsnōj keu qeta kewō jiyōk, “Kunŋan mōt narim niŋgizawi, yarjōn niyōk qahō mōt narim niŋgizapmō, kunōj melaim niŋgiyōhi, i mewōyōk mōt narim wanjiza. ⁴⁵ Kunŋan ni neka mōnō melaim niŋgiyōhi, i mewōyōk ehakza. ⁴⁶ Ambazip kun ni mōt narim niŋgizawanjōn mōnō sōŋaupnōj qekōtahōba malbapuk. Mianjōra nōjōn eta asuhuba gōlmenji gōlmenji enjgō asakŋina aka maljal.

* 12:34: Sum 110.4; Ais 9.7; Eze 37.25; Dan 7.14

* 12:38: Ais 53.1

* 12:40: Ais 6.10

⁴⁷ “Nöñön eta asuhuba gölmeñi gölmeñi engö keujini jim tekömamgöra aka qahö kayalmö, ambazip gölme dop amöt qem engbiga nalö kewöñe letota Suepkö buñaya aknegöra aka kayala maljal. Miangöra ambazip nöngö Buña keuni möta qahö tem köla wuatangömakzei ewö, nöñön yengö keujini qahö jim tekömam. ⁴⁸ Denike yeñön jijiwilit ak ningbiba Buña keuni qahö möt angön köljei, yengö jim teteköñinan mönö kewö asuhuma: Nöñön Buña keu jibi mötkeri, keu mianñön mönö nalö ketanje keujini jim teköiga sihimbölöñini miangö dop mötme.

⁴⁹ “Könañi kewögöra mewö asuhuma: Nöñön Buña keu jiba malali, mi keu omani qahö. Mi nani imbineyök qahö asuhuiga jiba kota malal. Mewö qahöpmö, Iwi melaim ningyöhanñön nannjak keu jit denöwö jimami, miangö jim kutum ninggiiga jiba kota maljal. ⁵⁰ Iwigören jimkutukutu mianñön mönö inñini malmal köhöikñe al engimakza, mi mötzal. Miangöra Iwinan mi jimamgö jim kutum ningyöhi, mönö miangö dop Buña keu jimakzal.” Mewö.

13

Jisösnöñ gwarek yengö könañini sangoñök.

¹ Ak-kömukömu kendonöñ* töriiga Jisösnöñ könañi kewö möt yaköyök, ‘Gölme mosöta Iwinangören öngömamangö nalöñan mönö töriza.’ Mewö möt yaköba nanñi alaurupñi gölmenöñ malgeri, mi uruñan jöpaköm engiba mala teteköñe miangören mewöyök uru jöjöpañi mi kondel engiyök.

² Kömumawangö nalöñan kam kungumamgö aiga nalö kunöñ sungegö nene nemingö tokoba mohotñe tatketka yuai kewö asuhuyök: Saimon Iskariotkö nahöññi qetñi Judas i Satanöñ lök sölölohöyök. Jisös mamalolo ak wangimapkö keujni mi sanjep ali uruñe geiga möta tarök. ³ Jisösnöñ nanñi könañi mi kewö möt kutuyök, ‘Iwinöñ yuai pakpakö kukösomñi mi nöngö böröne aliga Anutögörenök eta mala kunbuk yangören öngömamgö akzal.’

⁴ Könañi mewö möt kutuba nene nempa tatkerangörenök wahöta malukunji köteköba nupkö opo jöhanñi kun nempa kembrañe köpeiba jöhöyök. ⁵ Mi jöhöba o joutnöñ mokoï geiga könahiba gwarekurupñi yengö könañini sangoñök. Sangoñ teköba opo jöhanñi (tauöl) kembrañe köpeiba jöhöyöhi, mianñön könañini kutuyök. ⁶ Sangoñda anda Saimon Pitögö könañe kançoriga kewö jii mörök, “O Kembu gi welenqeçe etqeçeni qahö. Göñön nöngö könañi sangoñnönga qahö dop kölma.”

⁷ Mewö jii möta kewö melenöñök, “Yuai döli akzali, göñön miangö könañi nalö kewöñe qahö möt kutuzanmö, könañepnöñ mi ölop möt asariba malman.”

⁸ Melenñiga kewö kapan köla jiyök, “Gi mönö nöngö könañi nalö kunöñ qahöpmahöp sangoñman.” Mewö jiiga kewö jiyök, “Nöñön gi qahö sangoñ gihimam ewö, gi mönö nöngö gwarekni toroqeba malmamgö osiman.”

⁹ Mewö jiiga Saimon Pitönöñ pörsöl ala auruba melenñök, “Kembu, mewögöra gi könananök qahöpmö, böröni aka nöropni mi mohotñe sangoñman.”

¹⁰ Mewö melenñiga kewö jii mörök, “Kunñan o ariba kaiga könañi tok sangoñninga töwötñi qahö sarakñi ak teköma. Inñini körek lök sarakñi ak teközemö, mohotnöñök sarakñi qahö akza.” ¹¹ Dañön mamalolo ak

* **13:1** Anutonöñ mönöwök Israel ambazip neñgehoriña neñgöñgiröhi, kendon miangö qetñi Nei keunöñ Pasowa jize. Eksodus 12.15

wanġimamgö ahöhi, Jisösnöj mi möta mianġöra kewö jiyök, “Inġini körek saraknġi qahö akze.”

12 *Könaġini sanġon teköba malukunġi kunbuk löngöta eta tari negetka kewö qesim enġiba jiyök, “Nöġön yuai ak enġizali, inġini mianġö könaġi möt asarize me qahö? 13 Inġini nöġgöra ‘Böhi!’ aka ‘Kembu!’ mewö noholakze aka nöġön mi ölna akzal. Mianġöra mi dopne jimakze. 14 Nöġön enġö Kembu Böhiġini aka welenqeġe eretġanġö silik memba könaġini sanġonġjal ewö, inġini mönö mewöġanök memba et al anġuba weleqeġe aka könaġini sanġon anġuba malgetka dop kölma. Mi mönö nupġina.

15 “Nöġön aka kondel enġizali, inġini mönö mianġö dop nanġöba welen qem anġuba malme. Mewö malmegöra mianġö siliknġi nöġön merak kondel enġibiga ekze. Mi mötmöriba mianġö tandökġi wuatġanġögetka dop kölma.

16 *Nöġön keu ö! töhönnġi kun kewö jibi mötket: Welenqeġenöj eretġi aiga toġan öngöngöġi akza. Gwareknöj böhiġi onġita öngöngöġi akġamgö osima. Mewöyök azi kembu kunöj garatanġi melaiġa kolek anda nup memakzawi, yaġön mönö kembuġanġö bapne malakza. 17 Inġini keu kötni mi merak möt kutuze. Mewögöra silememe mosöta alaurupġini nembö bapġine anda malme ewö, nöġön mönö enġöra ‘I-ia simbawonġ!’ jimam.” Mewö.

Kunöj mamalolo ak wanġimapkö qelġine jiyök.

Mat 26.20-25; Mak 14.17-21; Luk 22.21-23

18 *Keu jizali, mi mönö inġini lökġanök qahö enġömeza. Nöġön niġia möwölöhöba enġömeali, enġö könaġamġini mönö ölöp möt kutuzal. Mewö malġalmö, Buġa Kimbi kun mianġön ölnġambuk aiga dop kölma. Keu mi kewö, ‘Kunöj nöġgöreġ nene mohotne neziri, yaġön mönö kelewele aka gwakötġan tötal niġgiba nuġgumamgö jöjöröza.’†

19 “Ni ölnġi könaġep asuhumawanġö keuġa mutuk jizal. Mianġöra ölnġi asuhumawi, inġini nalö mianġöreġ nöġgö könani möt asariba kewö jime, ‘Aha! Malmalgö könaġi nalö dop mala kota malöhi, yaġön mönö mia akza.’ Mewö jiba möt narim niġgimegöra nöġön keu mi qelġine aukne jibiga mötze.

20 *Nöġön keu ö! töhönnġi kun kewö jibi mötket: Nöġön ambazip kun melaibi nup memamgöra kaiga kunġan i kö! örözawi, yaġön mönö ni tok kö! öröm niġgima. Mewöġanök ni kö! öröm niġgizawanġön mönö melaim niġgiyöhi, mönö i mewöyök kö! öröm wanġgima.”

21 Jisösnöj keu mewö jiba wösöġi kot gwözöġda jul takömamgö ahiga keu indela kewö jiyök, “Nöġön keu ö! töhönnġi kun kewö jibi mötket: Enġöreġök kunġan ni mamalolo mem niġgima.”

22 Mewö jiġa gwarekurupġan nanġini kunġalilġ uba anġehiba nanġök nanġök kewö mötmöriget, ‘Mönö dagöra jizapto?’ Mewö mötmöriba uruyahöt tönpin tatket. 23 Tönpin tata nene negetka Jisösgö wölböt gwarekġan yanġö qöhöröneyök tarök. 24 Yaġön tariga Saimon Pitönöj nööröpġan gwarek mi söpsöp ak wanġgiba kewö jii mörök, “Keu mi dagöra jizawi, mi qesiba jinöj mötpi.”

25 Mewö jii möta lapingöba Jisösgö töptöpne nanġöba kewö qesiyök, “Kembu, azi mi danġon?”

* 13:12: Luk 22.27 * 13:16: Mat 10.24; Luk 6.40; Jon 15.20 * 13:18: Sum 41.9 † 13:18: Gwakötġan tötal niġgiba nuġgumamgö jöjöröza, keu mi Israel yenġöreġ dopkeu kun. Könaġi kewö: Yaġön uruġan qetala utaköm niġgiza. * 13:20: Mat 10.40; Mak 9.37; Luk 9.48; 10.16

²⁶ Mewö qesiiga meleş waŋgiyök, “Beret kitipŋi kuluŋnöh kundumgöba kun waŋgimami, yaŋön mönö mi.” Meleş waŋgiba beret kitipŋi memba kuluŋnöh kundumgöba Judas waŋgiyök. Judasgö iwiŋi qetŋi Saimon Iskar-iot. ²⁷ Beret kitipŋi mi waŋgiiga Satanöh miangöreŋök Judasgö uruŋe geyök. Miangöra Jisösnöh i jim kutum waŋgiba kewö jiyök, “Yuai akŋani, mi mönö zilaŋ akŋan.” ²⁸ Keu mewö jiyökmö, mi wuanöŋgöra jii möhöhi, mi gwarek tosatŋan mohokŋe tata nene negeri, yengöreŋök kunŋan kun qahö möt asariyök. ²⁹ Gwarek tosatŋan miangöra kewö mötmöriget, “Judasnöh moneŋ gösögö galömma malöhi, miangöra kendon nalöŋe yuai osibini, mi bohonŋi memapköra melaiza me ambazip wanapŋi moneŋ yuai kun memba engimapköra jiza.”

³⁰ Judasnöh keu mi ölöp möt asariba beret kitipŋi mi memba miangöreŋök mosöta yaigep aniga sungem ahök. Mewö.

Jisösnöh jöjöpaŋ keu dölökŋi jim kutuyök.

³¹ Judasnöh mosöta yaigep aniga Jisösnöh kewö jiyök, “Dölki Anutunöh aködamunŋi Suep gölmegö Azi Ölni al teköm waŋgiiga yaŋön Anutugö qet-buŋaŋi mem qari i asuħuza. ³² Yaŋön Anutugö qetbuŋaŋi mem qariba Anutubuk qekötahözawaŋgöra Anutunöh mönö mewöŋanök yaŋgö qetbuŋaŋi mem qarima. Mi nalö qahö körii mem qariiga asakmararaŋan asuħum tiŋgiri mal öŋgöma.

³³ *³³ “O gömokurupni, nöŋön nalö töröptökŋi kunbuk embuk malmam. Mi mala engömosöt-piga könaŋgep jarum niŋgiba malme. Juda yengöra kewö jibi mötket, ‘Ni miri anmami, iŋini miangöreŋ kabingö osime.’ Keu miyöhök dölki engöra mewöyök jizal.

³⁴ *³⁴ “Nöŋön jöjöpaŋ keu dölökŋi jim kutum engizal: Iŋini mönö uruŋinan jöpaköm aŋguba malme. Nöŋön urukalem ak engiba malali, iŋini mönö miangö dop jöpaköba urukalem ak aŋguba malme. ³⁵ Sutŋine uruŋinan jöpaköm aŋguba malme ewö, ambazip körek yeŋön engeka könaŋamŋini möt kutuba kewö jiba malme, ‘Aha! Mönö Jisösgö gwarekurupŋi akze.’” Mewö.

Pitönöh Jisös qaŋ kölmapkö keu qeljiŋe jiyök.

Mat 26.31-35; Mak 14.27-31; Luk 22.31-34

³⁶ Saimon Pitönöh Jisös kewö qesim waŋgiyök, “Kembu, gi denike anman?” Qesim waŋgiiga meleşnök, “Ni denike anmami, gi miangöreŋ nuatanögöba kamamgö osiman. Nalö kewöŋe osimanmö, könaŋgep mia ölöp nuatanögöba kaman.”

³⁷ Meleşniga kewö qesiyök, “Kembu, ni mönö wuanöŋgöra nalö kewöŋe gi guatanögöba kamamgö osimam? Nöŋön mönö malmalni göhöra aka köleŋda mosötman.”

³⁸ Qesiiga kewö meleşnök, “Gi ölna malmalgi nöŋgöra aka köleŋda mosötmangö jizan me? Keu mi jitkanök jizan. Nöŋön keu öi töhöŋŋi kun kewö jibi mötnöh; Merak kuruknöh qetmamgö dopdowiiga göŋön nalö miangöreŋ qaŋ köl niŋginöŋga indimŋi karöbut akŋa.” Mewö.

14

Jisösnöh gwarekurupŋi urukölalep mem engiyök.

* 13:33: Jon 7.34 * 13:34: Jon 15.12, 17; 1 Jon 3.23; 2 Jon 5

1 “Uruñinan mönö waimanjat kude möta wösöbirik kude aka malme! Mönö Anutu möt narime aka ni mohok möt narim niñgiba malme! 2 Nönggö Iwinanğö miri bohonçe miri uruñi sehisehiñi ahöze. Mi qahö ahöbeak ewö, mönö enğöra keu kewö jibileñak: Nöñön mönö mianğörej öngöba enğö dum miri mem möhamğömam.

3 “Nöñön mutuk anda öngöba enğö dum miriñini mem möhamğömam-mö, nöñön miri malmani, iñini mewöyök nömbuk mianğörej mohotçe malbingö sihiñi mötzal. Mianğöra nöñön mönö kunbuk lilingöba kaba enğuanğitpiga euyangörej öngöme. 4 Nöñön miri denike anmami, iñini mianğö könañi lök möt kutuze.” Mewö.

Iwigörej ananğö köna mi Jisös.

5 Jisösnöñ mewö jiiga gwarek qetñi Tomas yañön kewö jiyök, “O Kembu, gi miri denike anmani, nini mi qahö mötzin. Mianğöra mianğö könañi mi mönö denöwö möt kutubinak?”

6 Mi möta kewö jii mörök, “Nöñön Köna akzal. Nöñön Keu ölni aka Malmal köhöikñi akzal. Kunñan Iwigörej anğotmamğö möta nöñgörej kama ewö, yañön mönö köna miwikñaima. Köna murutñi kun qahö ahöza. 7 Iñini ni ölna möt kutum niñgibeak ewö, mönö nani Iwini mewöñanök möt kutum wañgibeak. Iñini nalö kianğörejök könahiba nöngö Iwini lök eka möt wañgize.”

8 Mewö jiiga Filipnöñ kewö jii mörök, “O Kembu, gi Iwi kondel neñginöñga neñön i uba ehinga dop köl neñgima.”

9 Mi möta Jisösnöñ jii mörök, “O Filip, ni nalö köröp tiñiñi embuk pöndañ malbigun neka töndup könani qahö möt kutuzan me? Kunñan ni nek kutuyöhi, yañön mönö Iwini mewöyök eka malja. Mianğöra gi mönö denöwögöra Iwi kondel neñginöñga ekingöra jizan?”

10 “Nöñön Iwibuk qekötahöba kinbiga Iwinöñ nömbuk qekötahöba kinjawi, mi möt narizan me qahö? Keu Buña jibiga mörakzei, nöñön keu mi nani uruneyök qahö mamba jimakzal. Qahö! Nup memakzali, mi mewöyök Iwi nömbuk qekötahöba kinjawanöñ nam köl niñgii ölni ahumakza. Mianğöra nup memakzali, mi mönö yañgö nuwa memakzal.

11 “Nöñön Iwibuk qekötahöba kinbiga Iwinöñ nömbuk qekötahöba kinja. Iñini mönö mewö möt narim niñgiget. Keu mi jitnöñ jibi möta qahö möt narim niñgibeak ewö, mi mönö anğöletotni ekzeanğöra aka möt narim niñgime. 12 Nöñön keu öi töhöññi kun kewö jibi mötket: Denike yeñön ni möt narim niñgize, yeñön mewöyök ni anğöletot mamba malali, miyöhök memakñe. Miyöhök memakñe aka nalö tosatçe nöñön meali, mianğö dopñi onğita mi memakñe. Nöñön Iwigörej öngöba malmamanğöra aka anğöletot öngöñgöñi ketañi megetka asuhume.

13 “Iwinan nöngöra aka qetbuñanambuk akñapkö mötzal. Mianğöra aka Iñini nöngö qetne wani yuaigöra köulukömei, nöñön mönö mi akñam. Mewö akigun mianñön Iwinanğö qetbuñanji jigetka qarimakña. 14 Iñini yuai kungöra nöngö qetne köuluköba qesim niñgime ewö, nöñön mönö mi akñam. 15 Iñini uruñinan jöpaköm niñgimakze ewö, mönö nöngö jöjöpñ keuni tem köla wuatangöba malme.” Mewö.

Jisösnöñ Uña Töröñi melaimamğö jim jöhöyök.

16 “Nöñön Iwi köuluköm wañgibiga yañön nam köiput Tonji kun enğiiga eta nöngö salupni aka teteköñi qahö embuk mal öngöma. 17 Nam köiput Tonji mi Uña Töröñi. Yañön keu ölnanğö Tonji akza. Uruñini qahö melenget yeñön i

qahö ek kutuba qahö möt waŋgize. Mianğöra yeŋön i köl öröba möt aŋğön kölbingö osimakzemö, Uŋa yeŋön lök embuk malja aka könaŋgep uruŋine geba embuk kinma. Mianğöra i kiana qahöpmö, i ölop möt kutum waŋgize.

18 “Nöŋön eŋğömosötpiga gwani morö ewö qahö aka malme. Ni mönö eŋğoreŋ lilingöba kamam. 19 Nalö töröptökŋi teköigun gölme ambazip omanj yeŋön ni kunbuk qahö neka malme. Yeŋön qahöpmö, uruŋini melenğeri, eŋön ni ölop nehakŋe. Nöŋön köhöiba maljalangöra iŋini mewöŋanök guliba köhöiba malme. 20 Iwi, nani aka iŋini, nini mohok aka maljin. Nöŋön Iwinambuk qekötahöba kinbiga iŋini nömbuk qekötahöba kingetka nöŋön embuk qekötahöba kinjal. Mianğö könaŋi mi Uŋa Töröŋan uruŋine gemawangö nalöŋe ölop möt asarime.

21 “Kunŋan nani jöjöpaŋ keuni pakpak möt aŋğön köla tem kölakzawi, yeŋön mönö uruŋan ni jöpaköm niŋgimakza. Kunŋan ni jöpaköm niŋgiiga nöŋğö Iwinan mönö i jöpaköm waŋgimakza aka nöŋön i jöpaköm waŋgimakzal. Nöŋön i jöpaköba könaŋamni indel waŋgibiga möt kutuma.”

22 Jisösnöŋ mewö jiiga Judas Iskariotkö wakaŋi Judas yeŋön kewö jiyök, “Kembu, gi denöwögöra könaŋamgi neŋğoreŋök indelman aka ambazip uruŋini qahö melenğeri, yeŋöra mi köyatim eŋgimamgö jizan?”

23 Mewö jiiga kewö meley waŋgiyök, “Kunŋan uruŋan jöpaköm niŋgimakza ewö, yeŋön mönö nöŋğö Buŋa keuni tem köla wuatangöba malma. Mewö maliga Iwinan i jöpaköm waŋgiiga Iwi netkön mönö yangö uruŋe geba pöndaŋ yambuk mohotŋe malbin. 24 Kunŋan ni uruŋan qahö jöpaköm niŋgimakza ewö, i mönö nöŋğö Buŋa keuni qahö tem köla wuatangöba malma. Keu jibi mörakzei, mi nani Buŋaya qahöpmö, Iwi melaim niŋgiyöhi, yeŋön mi niŋgiiga jimakzal.

25 “Nöŋön keu pakpak mi embuk pöndaŋ malali, nalö mianğoreŋ kusum eŋgiba malal. 26 Mewö malalmö, Iwinöŋ Uŋa Töröŋi nöŋğö qetne melaiiga eta nam köiput (aka tinjonŋon) Toŋini akŋa. Yeŋön keu pakpak kusum eŋgiba nöŋön qambaŋ keu pakpak eŋgiali, mi ölum eŋgubapuköra köl gulim eŋgimakŋa.

27 “Nöŋön luai eŋgizal. Nane luai sorokni qainŋi kun mi albi uruŋine ahöma. Gölmönöŋ ambazip yeŋön luai qem aŋgumakzei, nöŋön mianğö tandök ewö kude qem eŋgimakzalmö, mi oŋgita luai qainŋi kun eŋgimakŋam. Mianğöra uruŋinan mönö wösöbirik kude aka keŋğötŋini kude möta malme.

28 “Nöŋön keu kewö jibiga mötket, ‘Nöŋön eŋğömosöta öŋğöba mala kunbuk eŋğoreŋ lilingömam.’ Iŋini uruŋinan ni ölna jöpaköm niŋgibeak ewö, keu jizali, mianğöra ölop söŋgaiibeak. Iwinöŋ nöŋğö ketanaŋmi akza. Mianğöra ni ‘Iwinanğoreŋ öŋğömam,’ jizali, iŋini mi möta ölop urusösöŋgai miwikŋaigetka dop kölbawak. 29 Keu döli jibi mötzei, mianğö ölni bian asuhuma. Ölni asuhumawi, iŋini nalö mianğoreŋ mi ölop mötmöröba möt narime. Mianğöra mi nalö kianğoreŋ qeljiŋe jibi mötze.

30 “Nalöni törizawangöra embuk keu gwötpuk kunbuk jimamgö dop qahö mötzal. Bölöŋaŋğö Kembuŋan gölme dop galöm köl eŋgimakzawi, yeŋön mönö kamamgö jöjöröza. Yangö ösumŋan mönö luhut qahö al niŋgiba kondondöŋgöma. Nöŋğoreŋ köna mi yeŋön jim kutumawangö dop qahö ahöza. 31 Qahö ahözapmö, nöŋön Iwi jöpaköm waŋgimakzalaŋğöra yuai pakpak keu jim kutum niŋgimakzawangö dop ahakzal. Gölme ambazipnöŋ nöŋğö könaŋamni mewö jim kusum eŋgigetka möt asarimegöra mötzal. Mianğöra mönö mosöta wahöta kagetka anbin.” Mewö.

15

Jisösnöj wain ip bömöñji, neyñon böroñji akzin.

¹ Jisösnöj gwarek yengöra kewö jiyök, “Nöñon wain ip öl sorokñi akiga nöñgö Iwinan wain nupkö tonji akza. ² Nöñon ip ewö qak böronambuk akzal. Ip böroni pakpak öñjini qahö miwikñaiba gilipitñi akzei, Iwinan mi kutum gil engima. Ip böroni pakpak nöñgörej tatketka öñjini ahum sirizei, Iwinan mi mönö köl könjörat engima. Ahakmemegö öñji qarim kuwulem sehisehñi miwikñaimegöra mönö mem solanim engima.

³ “Injini Buña keu jibi mötketka mianjón lök mem solaniba köl könjörat engii sarakñi aka malje. ⁴ Miangöra enjón mönö nömbuk qekötahöba kinme. Mewö kingetka nöñon embuk kinmam. Wain böroñji kunñan ip kembangan qahö tata tala etza ewö, mi mönö nanñi nam köl anguba öñji ahum wangimapkö osima. Miangö dop injini mewöñanök nömbuk qahö qekötahöba kinje ewö, mönö nanñinök ahakmemegö öñji öne ahum wangibingö osime.

⁵ “Ni waingö ipñi akiga enjón miangö böroñji akze. Injini nömosöta nanñinök kinda yuai kun akingö osime. Miangöra kunñan nömbuk qekötahöba kiniga nöñon yambuk qekötahöba kinbiga yanjón mönö ahakmemegö öñji öññi qahö miwikñaiba siriba malma. ⁶ Denike yenjón nömbuk qahö qekötahöba kinje ewö, wain ip tonjan mönö i ip böroñji ewö kutum engiba gili yaigep anme. Anda sohohigetka memba tokoba könöpnöñ gili geba jeme.

⁷ “Yenjón jememö, likepñi injini mönö nömbuk qekötahöba kinme. Mewö kingetka nöñgö Buña keunan engö uruñine qekötahöba kinja ewö, injini i me wai buña qem angubingö mötzei, mi mönö Iwi köuluköm wangigetka engima. ⁸ Injini nöñgö gwarekurupni aka kingetka ahakmemenjanngö öñji öññi qahö ahuba eta tatketka malme. Mewö memba malgerangöra Iwinangö qetñan mönö aködamunñambuk aka ahöma. ⁹ Iwinan ni jöpaköm ningiba malöhi, nöñon mönö miangö dop mohot jöpaköm engiba malal. Injini mönö nöñgö urukalem uruñe kinme. ¹⁰ Nöñon Iwinangörej jöjöpañ keu tem köla mala kota yangö urukalem uruñe kinjal. Miangö dop enjón nöñgö jöjöpañ keuni memba tem köla malme ewö, mönö ölop nöñgö urukalem uruñe kingetka jöpaköm engiba malmam.

¹¹ “Nöñon uru sösoñgai al engibi engörej kutuiga uruñini kokolak qei ahöiga öññi qahö söngaim sehiba malmegöra keu mi jibi mötze. ¹² *Nöñgörej Köna keu mi kewö: Nöñon uru jöpaköm engiba malali, injini mönö miangö dop nanñini jöpaköm anguba malme. ¹³ Kunñan alaurupñi yengöra aka nanñi malmalñi tököba mosötmawi, mianjón mönö urukalem öngöñgöñi ketanji akza. Kunñan mi ongita jöpaköm engimangö osima. Urukalem tosatiñi mi miangö eretñi.

¹⁴ “Nöñon yuai akñegöra jim kutum engimazali, injini miangö dop ahakze ewö, mönö nöñgö alaurupni akze. ¹⁵ Welenqepegö könanji kewö: Galömñan nupñi denöwö aka memakzawi, mi welenqepeñan qahö mörakza. Miangöra engö qetñini ‘Welenqepeurupni,’ mewö qahö toroqeba engoholmam-mö, Iwinangörejök Buña keu mörali, mi pakpak mönö engöra indelbiga mötze. Mewögöra qetñini ‘Alaurupni,’ mewö engoholbiga dop kölja.

¹⁶ “O alaurupni, enjón ni qahö möwölöhöm ningigetmö, nöñon injini möwölöhöba kunñam engibiga kinje. Miangöra enjón liliköba anda öñji kewö miwikñaiba pöndaj sirigetka ahöahöñi ahi dop kölma: Nöñgö qetni qeta yuai

* 15:12: Jon 13.34; 15.17; 1 Jon 3.23; 2 Jon 5

mi me mi mianğöra Iwi köulukömei, mi mönö enğii buñañini akña. ¹⁷ İñini mönö sutñine jöpaköm anğuba malme. Nöñön jöjöpən keuni mewö jim kutum enğizal.” Mewö.

Urumelenğö kopañi yeñön inñini kazik ak enğime.

¹⁸ “Gölmenöñ uruñini qahö melenğet yeñön kazik ak enğime ewö, mönö keu kewö mi möt kutume: Yeñön mutuk ni mewöñanök kazik ak niñgiba malget. ¹⁹ İñini urumelenğö kopa kambunöñ malbeak ewö, kambururup mienñön mönö nanñini alaurupñini urukalem ak enğibeak. Mi ak enğibeakmö, nöñön inñini möwölöhöba yeñğö arenñöhök enğömembiga murutñi aka malje. Yeñğöreñ ahakmeme bölöñi mi andö qeba maljeanğöra aka kazik ak enğimakze.

²⁰ * “Nöñön keu kun kewö jibi mötkeri, mi mönö urukönömñine ala mötmörime, ‘Welenqeçenöñ eretñi aiga toñan ketañamñi akza. Gwareknöñ böhiñi oñgita öngöñğöñi akrñamğö osima.’ Mianğö dop tosatñan ni sesewerowo ak niñgiba mala kotket ewö, tosatñi yeñön mönö nöñğö undumurupni inñini mewöñanök sesewerowo ak enğiba malme. Yeñön nöñğöreñ Buña keu möt anğön köla malget ewö, inñini nöñğö keuni jim sehiba malgetka mönö mewöñanök ölöp möt anğön köla malme. ²¹ Mewö malmemö, ni melaim niñgiyöhi, yeñön i qahö möt wañgize. Mianğöra silebile qakñe yuai könañi könañi lañ ak enğime, mi mönö nöñğö qetbuñananğöra aka asuhum enğima.

²² “Nöñön yeñğöreñ qahö eta Buña keu jibi mötpeak ewö, yeñön mönö köpösihitñinañğö gamuñi qahö möta malbeak. Mewö öne malbeakmö, nalö kewöñe siñgisöndokñini möt teköba köl turubingö osize. Möndömöndö keuñini mönö denöwö miwikñibeak? ²³ Kunñan ni kazik ak niñgizawi, yañön mönö İwini mewöñanök kazik ak wañgiza. ²⁴ Anğöletot öngöñğöñi ketañi mealı, mi kunñan kun enğö sutñine qahö memba malök. Nöñön mi qahö membilenak ewö, yeñön mönö köpösihitñinañğö gamuñi mi qahö möta malbeak. Töñpin malbeakmö, nalö kewöñe nöñön mi membiga ek teköbagun töndup ni aka İwini mewöñanök öne töhön kazik ak netkiba malje.

²⁵ * “Mewö ak netkiba malgetka Buña keu kun öljambuk ahök. Mosesnöñ köna keu enğiyöhi, mianğöreñ keu mi kewö ohoget ahöza, ‘Yeñön öne töhön lañ kazik ak niñgiba malget.’ Keu mianñön lök öljambuk ahök.

²⁶ Nöñön İwigöreñ öngöba köiput Toñi melaibiga enğöreñ kaba uruñine geba nanğöm enğima. Uña Töröñi yañön keu öljangö Toñi akza. Yañön İwigöreñök eta nöñğö könañamni nanğöba jim asarim enğiba malma. ²⁷ Yañön mewö malma aka enñön mewöñanök nöñğö könañamni nanğöba jim asariba malme. Nöñön könahiba urugö qenjarök nup memba malali, enñön mönö könakönahineyök nömbuk mala kotket. Mianğöra inñini mönö mi ölöp jim asariba malme. Mewö.

16

Jisösgö gwarekurupñi bim enğöhöi utal enğime.

¹ Jisösnöñ toroqeba kewö jiyök, “İñini tala eta enğui janjuñ akepüköra nöñön keu mi qeljiñe jibi mötze. ² Uruñini qahö melenğet yeñön mönö köuluk miri kambuñineyök utal enğigetka yaigep eta malme. Könanğep nalö kun kam kuñğumawi, mianğöreñ inñini nöñğöra aka enğugetka kömume. Mewö

* 15:20: Mat 10.24; Luk 6.40; Jon 13.16

* 15:25: Sum 35.19; 69.4

enguba kewö jime, ‘Mewö mianjon Anutugö welenni qeinga Anutugö urujan ölöwakza.’ Köreknan mewö möt sohoba jime. ³ Yejjon Iwi aka ni netkö könanjanniri qahö möt asarimakzeangöra aka mewö ak engiba malme.

⁴ “Mewö tönpin malmemö, nöjon keu mi qeljine engöra jibi mötze. Miangöra nalö mi kam kunguiga keu miangö ölni asuhumawi, injini nalö miangörej ölop kewö jime, ‘Kraistnöj kiangö buzup keunji lök qeljine jii mörin.’ Nanak embuk malalangöra aka keu mi nalö köröpni ahöiga mutuk qahö jibi möta kotket.” Mewö.

Uja Töröjan nupji kewö memakza:

⁵ “Nöjon nalö kiangörej melaim ninjii erali, mönö yangörej öngömamgö akzal aigun engörejök kunjan kun kewö qahö qesim ninjiza, ‘Gi denike anman?’ ⁶ Keu mewö jizali, enjon mi möta miangöra wösöbiriknöj urujini kokolak qei malje.

⁷ “Mewö maljemö, töndup nöjon miangö likepni keu ölni kun kewö jibi mötket: Nöjon engömosöta lilingöba öngömami, miangö ölnan asuhuiga mönö kewö mem ölöwak engima: Nöjon öngöba köiput Tonji melaibiga engörej eta urujine gema. Nöjon qahö engömosöta öngöbilenjak ewö, Tonji yanjon mönö engörej etmamgö osima.

⁸ “Köiput Tonji yanjon eta malmalgö könanji kewö kondel engiba malma: Gölmö dop singisöndokjini indela kondeli Anutunöj keunji jim teköiga solanime me urujini qahö melengetka keunji jim teköba likepni melenj engima. Ambazipnöj könanjanniji mewö eka möt kutume. ⁹ Ni qahö möt narim ninjizeangöra singisöndokö könanji indel engiiga möt kutume.

¹⁰ “Anutugö köna solanji möt sohoba nöngöra keu lan jimakze. Miangöra yanjon nöngö könanjanniji indela kondel engiiga kewö möt kutum ninjime: Nöjon solanji mala Iwinangörej lilingöba öngöbiga ni kunbuk qahö neka malme. ¹¹ Bölönanjö Kembunji gölmö dop galöm köl engimakzappmö, Anutunöj yangö keunji lök jim teköyöha könöp siagö Tonji aknja. Miangö dop körek nengö keuniji mewöyök jim teköma.

¹² “Nöjon ölop keu gwötpuk toroqeba jibilenjakmö, mi nalö kewöje jibiga usunbumuraj aka köl gulibingö osibepuk. ¹³ Mi osibepukmö, keu ölnangö Tonji, Uja Töröji yanjon eta urujine geba keu sanep qei mötme. Mi nanji imbinangö dop lan qahö jiba malmappmö, Anutugörej keu kezap ala mötzawi, yanjon mönö miyök jimaknja aka könanjep yuai asuhumawi, mi qeljine indela jima. Miangöra yanjon engömemba keu ölni pakpak miangö o angöje al engiiga keu ölnangö köna tiba anme.

¹⁴ “Yanjon mönö nane köwenöhök keu memba jim asariba uru kungum engiba malma. Miangöra mönö nöngö könanji indeliga nöjon qetbujanambuk ahakjam. ¹⁵ Iwinangörej yuai pakpak ahözawi, mi mönö nöngö böröne ali ahöza. Miangöra jizal, ‘Yanjon mönö nane köwenöhök keu memba jim asariba uru kungum ak engiba malma.’ Keu mi mewö.”

Wösöbirik malgetka melejniga urusösöngai mötme.

¹⁶ “Nalö töröpni kun teköiga injini ni kunbuk qahö nekje. Miangö andöje nalö töröpni kun teköigun mönö asuhum engibi ölop kunbuk nekje.”

¹⁷ Mewö jiiga gwarekurupni yengörejök tosatjan nanjinök kewö eraum mötket, “Keu kewö jiza, ‘Nalö töröpni kun teköiga injini ni qahö nekje. Miangö andöje nalö töröpni kun teköigun mönö asuhum engibi ölop kunbuk nekje,’ aka keu kun kewö jiza, ‘Ni Iwinangörej öngömam.’ Mewö jiiga mötzini,

keu yahöt mianğö kónaŋi mi denöwö?” ¹⁸ Mewö eraum möta uzohola jiget, “Yaŋön ‘Nalö töröpŋi teköigun,’ jizapmö, keu mianğö kónaŋi denöwö? Mi wuanöngöra jizawi, nini mi qahö möt asarizin.”

¹⁹ Mewö jiba qesim waŋgingö mötketka Jisösnöŋ eŋgek kutuba kewö jii mötket, “Keu kewö jizal, ‘Nalö töröpŋi kun teköiga inŋini ni qahö nekŋe. Mianğö andöŋe nalö töröpŋi kun teköigun mönö asuhum eŋgibi ölop kunbuk nekŋe,’ Inŋini mönö keu mianğö kónaŋi jaruba eraum mötze?”

²⁰ “Nöŋön keu öl töhöŋŋi kun kewö jibi mötket: Nöŋön anbiga inŋini jingŋen köla sahötmemö, uruŋini qahö melenget yeŋön laŋ börum memba sösoŋgai aka malme. Inŋini wösöbirik aka malmemö, wösöbirikŋini mianğön mönö nöŋgöra aka melenđa sösoŋgai aka malme. ²¹ Ambinöŋ morö memangö nalöŋi kam kuŋguiga masö qeiga qemŋen qakŋe morö mezapmö, morö dölokŋi memba kindi i eka sösoŋgairiŋgöra mönö sihimbölöŋi mi ölum qemakza. ²² Mianğö dop inŋini mewöyök nalö kewöŋe wösöbirikpuk maljemö, nöŋön kónaŋgep kunbuk asuhuba eŋgekiga inŋini ölop urusösoŋgaibuk malme. Urusösoŋgairiŋini mi kunŋan kun qahö eŋgungitma.

²³ “Nalö mianğöreŋ yuai kungöra ni qahö qesim niŋgimemö, köulukŋini Iwigöreŋ algetka diŋdiŋanök ani amqei malme. Nöŋön keu öl töhöŋŋi kun kewö jibi mötket: Inŋini nöŋgö qetnöŋ yuai kungöra Iwi köuluköm waŋgime ewö, yaŋön mi mönö tököm eŋgima. ²⁴ Nömbuk mala kageri, inŋini nalö mianğöreŋ yuai kungöra nöŋgö qetne qahö köuluköba malget. Mönö Iwi köuluköba malme. Köulukögetka ölop melen eŋgima. Mi eŋgiiga sösoŋgairiŋinan asuhum sehiba uruŋini kokolak qem teköi malme.” Mewö.

Jisösnöŋ gölmeğö ahakme bölöŋi mi luhut alakza.

²⁵ “Keu jibi möta kamakzei, mi keu saiŋambuk jibi möta malget. Kónaŋgep nalö kun kam kuŋgumawi, mianğöreŋ keu saiŋi mi kunbuk qahö qeba jibi mötme. Qahöpmö, Iwinanğö kónaŋi mi aukŋe jim asariba malmam. ²⁶ Nalö mianğöreŋ inŋini nöŋgö qetni qeta Iwi köuluköba malme. Mianğö kónaŋi kewö: Inŋini köulukŋini Iwigöreŋ albingöra nöŋgöreŋ kunbuk qahö kamakŋemö, nanŋinak Iwigöreŋ diŋdiŋi köuluköba malme. Nöŋön eŋgö jit memba Iwigö qahö köuluköbam.

²⁷ “Iwinöŋ nanŋak uruŋan jöpaköm eŋgiba köulukŋini kewögöra möta malma: Nöŋön Anutugöreŋök erali, inŋini nöŋgö kónani mewö möt nariba pöndaŋ uruŋinan jöpaköm niŋgiba mala kotketka köna mewö ahuiga köulukŋini möta malma. ²⁸ Nöŋön Iwi mosöta gölmenöŋ eta mala gölme mosöta kunbuk liliŋgöba Iwinanğöreŋ öŋgömam.”

²⁹ Mewö jiiga gwarekurupŋan jiget, “Mötnöŋ, keu döلكi jizani, mi saiŋi qahö qeba jizan. Mi mönö aukŋeyök jinöŋga ölop möt asarizin. ³⁰ Nini merak kónaŋamgi kewö möt yaközin: Göŋön mönö nanganök yuai pakpak möt tekönöŋga kunŋan kun qesiba kusum giŋhimapköra qahö osizan. Mianğöra gi Anutugöreŋök etnöŋi, nini mi ölop möt narizin.”

³¹ Mewö jigetka Jisösnöŋ melenđa jiyök, “Merak ölop möt narim niŋgizemö, ³² mötket, nalö tandökŋi kun kama aka mianğön lök mesohol köla nanŋunöŋ kinja. Nalö mianğön kam kuŋguiga eŋön keŋgötŋini möta nömosöta denqenđa simbisembel aketka nanök malmam. Töndup nanöhök töhöŋ qahö malmam-mö, Iwinan nömbuk malma. Iwinöŋ nömbuk malmawaŋgöra aka nanöhök töhöŋ qahö malmam. ³³ Eŋön toroqeba gölmenöŋ mala kahasililiŋ qakŋe möta malmemö, nömbuk qekötahöba luainöŋ malmegöra möta keu qöndökŋi

ki jibi môtze. Keuyök qahö jizalmö, nöñön gölmegö ahakmeme bölöñi mi lök luhut ala wahijambannï kusum teköbige erök. Mianğöra mönö ewe-bibiñinambuk köhöiba saitinğit malme.” Mewö.

17

Jisösnöñ nannanğöra Iwi köuluköyök.

¹⁻² Jisösnöñ keu mewö jim teköba Suepnöñ göröken ui öngöiga kewö köuluköyök, “Iwini, göñön gölme dop ambazip pakpak Nahöngi nöñgö bapne al enğinöñga kukösum çakñe Kembu ak enğizal. Ambazipnöñ Nahöngi nöñgö keuni ölop qahö andö çeba onğita malme. Göñön ambazip sutñineyök tosatñi meköba nöñgö böröne al enğiba kewö jim kutum ninginöñ, ‘Gi mönö i körek kusum enğinöñga malmal köhöikñi miwikñaiba malme.’ Nup mi mem teköbige Nahöngan çetbuñagi mem qarimapköra mönö aködamungi ninginöñ. Nöñgö nalöni mi döлки kam kuñguiga kinda mewö köuluközal.

³ “Malmal köhöikñanğö könanñi mi kewö: Göñön mohot Anutu ölnñ akzan aka azi Jisös Kraist ni melaim niñginöñga erali, ambazipnöñ netkö könanñniri mewö möt kutume. Malmal kömbönanñi mewö miwikñaime. ⁴ Nup al niñgiba ‘Meman,’ jiba jim kutum niñginöñi, nöñön mi tem köla memba mala meköyal. Aködamungabuk mala çetbuñagi gölmenöñ indel sehibiga aködamunñambuk ahök.

⁵ “O Iwi, nöñön gölme qahö asuhuiga Suep mire mianğöreñ göhö çöhöröñge asakmararanbuk asariba malal. Asakmararan miyöhök mönö döлки kunbuk al niñginöñga asuhum kutum niñgiiga kunbuk göhö çöhöröñge asakmararanbuk asariba malmam.” Mewö.

Jisösnöñ gwarekurupñi yeñğöra aka köuluköyök.

⁶ “O Iwini, göñön gölme ambazip tosatñi kewöta nöñgö böröne al enğinöñi, nöñön göhö çetbuñagi mi yeñğöra indela kondela malal. Yeñön göhö buñaya aketka göñön i nöñgö böröne al enğinöñga yeñön göhö Buña keugi mi möt anğön köla malje. ⁷ Göñön yuai niñginöñga mi pakpak göhöreñök kamakzawi, yeñön mi nalö kewöñe lök möt kutuze. ⁸ Göñön keu Buña niñginöñi, nöñön mi gwarekurupni kusum enğibige möt anğön köla malje. Ni gömosöta gölmenöñ erali, yeñön mi ölnña möt yaköze. Göñön melaim niñginöñga asuhuyali, yeñön mi mewöyök möt narize.

⁹ “Ni yeñğöra aka köuluköm gihizal. Urumeleñgö kopa ambazip yeñğöra qahö köuluközalmö, könagesö nöñgö böröne al enğinöñga uruñini melença göhö buñaya akzei, mönö yeñğöra aka köuluköm gihizal. ¹⁰ Ambazip pakpak nöñgö buña akzei, yeñön mönö göhö buñaya akzei aka ambazip göhö buñaya akzei, yeñön mönö nöñgö buña mewöyök akze. Nani aködamuni al enğibige mianğö çakñe kinda ahakmemeñi aketka nöñgö çetbuñanan qarim sehimakña. ¹¹ Ni gölmenöñ malmalni teköiga göhöreñ kotmamğö akzalmö, yeñön toroçeba gölmenöñ malme. O Iwi Töröñi, göñön çetki ninginöñga mianğö ösumñan mönö sel jöhöm enğinöñga qahö julme. Netköñ mohot aka maljiri, yeñön mianğö dop mohot aka malmegöra köuluközal.

¹² * “Nöñön yembuk gölmenöñ mala koralı, nalö mianğöreñ çetbuñagi niñginöñga mianğön sel jöhöm enğiba malal. Buña Kimbigö keu kunöñ ölnambuk akñapköra azi mohok-kunñan sohoba könöp siagö buñaya aka si-himbölä möta malma. Nöñön galöm köi enğialanğöra yeñğöreñök tosatñan

* 17:12: Sum 41.9; Jon 13.18

² Jisös aka yanğö gwarekurupni yeñon qösösök mianğoreñ tokoba malget. Mianğöra Judas mamalolo mem wañgimangö ahöhi, yanñon mewöyök arö mi ölop mörök.

³ Jike nup galöm aka Farisi (Köna keugö kapañkölkül) yeñon jöwöwöl jikegö kiripo galöm (sikiriti) tosatni melaim engigetka Judasnöñ i aka gawmangö yarö azi kambu kun engömeiga mohotne kaget. Yeñon kiwa lambe aka timbi liñgipñini memba bisiba arönöñ kaget. ⁴ Kagetka Jisösnöñ yuai pakpak mewö asuhum wañgimawi, mi lök möröhanğöra aka wahöta aukne kaba kewö qesim engiyök, “Injini dagöra jaruze?”

⁵ Qesim engiiga kewö melenget, “Nini Jisös Nazaret tonji mia jaruzin.” Melengetka kewö jiyök, “Mia nöñon.” Judas mamalolo meme azi yanñon mewöyök yembuk kinök.

⁶ “Mia nöñon,” Jisösnöñ keu mewö jiiga möta andöandö anda gölmenöñ tala eta enguyök. ⁷ Mewö aketka kunbuk qesim engiyök, “Injini mönö dagöra jaruze?” Qesim engiiga jiget, “Jisös Nazaret tonji ia jaruzin.”

⁸ Jigetka melenök, “Mia nöñon, mi lök jibi mötze. Injini nia jarum niñgize ewö, mönö azi ki ölop engömosötketka öne anme.” ⁹ Mutuk köuluköba gwarekurupni yengöra keu kun kewö jii mötket, “Ambazip nöñgö böröne al enginöñga maljei, nöñon mi köyan köl engiba malbiga yengöreñök kunöñ kun qahö sohoba ayuhuyök.” Keu mianñon öljambuk akñapaköra Jisösnöñ jitñememe yengöra keu mewö jiyök.

¹⁰ Mewö jiiga Saimon Pitönöñ bimgö sou ketani memba malöhi, yanñon mi kupinneyök öröba jike nup galöm bohonñangö welen aziñi qeba kezapni öljne göröken köteköi erök. Welenqeçe azi mi qetni Malkus. ¹¹ *Mewö asuhuiga Jisösnöñ Pitö kewö jim kutum wañgiyök, “Gi bimgö sou ketani mi mönö kunbuk alnöñga kupinne geyök. Iwinan sihimbölogö qambi o qöljambuk nöñgö bunjaya qeyöhi, mi ölop möta mökösoñda mesohol kölmam.” Mewö.

Jisös wañgitketka Anasgö jeñe kinök.

¹² Suahö galömñinan jiiga yarö azi kambu aka Juda yengö nanju galöm (sikiriti) yeñon Jisös memba jöhöget. ¹³ Jöhöba wañgita mutuk jike nup galöm qetni Anas yanğö mire anget. Anasgö qinğini qetni Kaiafas yanñon jike nup galöm bohonni aka yambu (yara) mianğoreñ nup mi memba malök. ¹⁴ *Kaiafasnöñ mutuk Juda ambazip yengöra qamban keu kewö jiyök, “Ambazip kambu jömuq ayuhum teköbinbuköra azi mohotjan nengöra aka kömuiga dop köлма.” Mewö.

Pitönöñ Jisös könahiba qañ kölok.

Mat 26.69-70; Mak 14.66-68; Luk 22.55-57

¹⁵ Jisös memba angetka Saimon Pitö aka gwarek alañi kun yetkön andöñine anohot. Anohotka alañi mianñon jike nup galöm bohonni möt wañgiyöhanğöra aka ölop amqeba Jisös wuatangöba jakömbuak miri sel urune geyök.

¹⁶ Yanñon geyökmö, Pitönöñ sel yaigepne nanjunöñ kinök. Mewö kiniga gwarek alañan jike nup galöm bohonni möt wañgiyöhi, yanñon yaigepne geba nanju galöm ambi yambuk keu jii möta nanju öröiga Pitö wañgita sel urune geyohot. ¹⁷ Gebitkö ahori, mianğoreñ welenqeçe ambi sel nanjun galöm kölöhi, yanñon Pitö eka kewö qesim wañgiyök, “Gi öljne mewöyök azi mianğö

* 18:11: Mat 26.39; Mak 14.36; Luk 22.42

* 18:14: Jon 11.49-50

gwarek yengörenök kun akzan me?” Mewö qesim wanji möta “Ni qahö!” jiyök.

¹⁸ Welen azi aka nanju galöm (sikiriti) yenön amötñangöra aka könöp jeba ururungöba ahöiga jömöta kinget. Mewö kingetka Pitönön mewöyök yengö sutjine anda könöp jömöta kinök. Mewö.

Jike nup galöm bohonnjan Jisös qeqesi al wanjiyök.

Mat 26.59-66; Mak 14.55-64; Luk 22.66-71

¹⁹ Jike nup galöm bohonnji Anas yanön Jisösgö qeqesi al wanjiba kewö jiyök, “Gi ambazip denöwö kusum engiba gwarekurupki niñi niñi engömembra maljan?”

²⁰ Mewö jiiga kewö melen wanjiyök, “Ni nalö dop aukñe ambazipñi ambazipñi kusum engiba malal. Juda könagesö pakpak neñön jöwöwöl jikenöñ öngöba köuluk mirininangö dop tokomakzini, ni mönö mianğoreñ kinda kusum engiba malal. Buña keu tölapñi kun qahö jial. ²¹ Nöñön keu denöwö ambazip kusum engiba malali, wuanöngöra ni mewö qesim niñgizan? Nöñön keu jibiga ambazip möta malgeri, yenön mönö keunangö köññi möt teköze. Mianğöra i qesim enginöñga dop kölma.”

²² Mewö melen wanjiyökmö, jikegö kiripo galöm (sikiriti) kunöñ kösutñe kinda Jisös nunğulumñe qekötahöba jiyök, “Jike nup galöm bohonnjan qesim gihiiga gi keu silik mewöñi mönö wuanöngöra melen wanjizan? Gödaqeqegi qahö.”

²³ Mewö jiiga kewö melen wanjiyök, “Keu bölöña jibileñak, mi mönö indelnöñga dop kölmapmö, keu ölni jizal ewö, mönö wuanöngöra ni öne nunğuzan?”

²⁴ Mewö melen wanjiiga Anasnöñ Jisös melaiba jiiga tapepñi (munğamuñga) tok böröñe tariga wanjita jike nup galöm bohonnji Kaiafas yanğoreñ anget. Mewö.

Pitönön Jisös qañ köliga yahöt karöbut ahök.

Mat 26.71-75; Mak 14.69-72; Luk 22.58-62

²⁵ Saimon Pitönön könöp jömöta kiniga tosatñan qesiba kewö jiget, “Gi ölna mewöyök yanğö gwarekurupñi yengörenök kun akzan me qahö?” Mewö jigetka qañ köla “Ni qahö,” jiyök.

²⁶ Pitönön jike nup galöm bohonnangö welen azinji qeba kezapñi qeköi eröhi, yanğö tinitosolomñi welenqece alanji kunöñ mi möta qesiba jiyök, “O gi mönö arönöñ yambuk mohokñe malohotka gekzal me denöwö?”

²⁷ Mewö jiiga Pitönön kunbuk qañ köliga nalö mianğoreñök kuruknön könahiba qeriga mörök. Mewö.

Jisösnöñ premiö Pailötkö jeñe kinök.

Mat 27.1-2, 11-14; Mak 15.1-5; Luk 23.1-5

²⁸ Miri gianjiiga söñanök Jisös Kaiafasgö mirinöhök wanjita eta Rom premiögö jakömbuak mire anget. Juda yenön uruñini tölöhoba kölköljinjinj akinbuköra waimanjat möta kewö jiget,* “Ak-kömükömu kendongö lama nemb-ingö osibinbuk.” Mewö jiba möt lömböröba premiögö jakömbuak miri uruñe qahö öngöget. ²⁹ Mianğöra premiö Pailötnöñ yaigep eta engeka kewö qesim engiyök, “Azi kianön mönö wani pinjit aiga keu jim wanjiba wanjita kaze?”

* **18:28:** Rom gawman yengöra Juda yenön kewö möt nariget: Nini Rom yengö jakömbuak mire öngöingä urunini tölöhoi ösumnini eri kölköljinjinjinambuk aka ak-kömükömu kendongö lama töröji nembingö osibin. Mianğöra sombemnöñ yaigep malget.

³⁰ Qesim enjiiga melenget, “Azi mianjon kegwek me bölöni meme azi kun qahö akawak ewö, neñon mönö öne töhön i wanğita göhö böröge qahö albinak.”

³¹ Mewö melengetka Pailötnöñ jii mötket, “Injini mönö nanjinak keu jakenjine al wanğiba Köna keunjanğö dop kewöta keunji jim teköme.” Mewö jii möta jiget, “Neñon azi kun kömumapkö keunji jim teköbingö songo ahöi osizin.”

³² *Juda yeñon mewö jigetka Jisös nanjak kömup denöwöñi kömumawi, keu mi indela jiiga mewö mianjon öljambuk ahök.

³³ Pailötnöñ Juda yeñgö keunjini möta kunbuk jakömbuak miri uruñe öngöba Jisös oholi kaiga kewö qesim wanğiyök, “Gi Juda engöreñ kiñ kembuñina akzan me qahö?”

³⁴ Mewö qesim wanğiiga melenđa kewö qesiyök, “Keu mi mönö nangi urugeyök jizan me tosatñan nöñgöra keu mewö jiba jitke algetka jizan?”

³⁵ Mewö qesiiga Pailötnöñ melennök, “Yei! Ni mönö Juda azia aka Juda engö keunjini nanğömakzal me? Qahöpmahöp! Ni Rom premiö malbiga nangi ambazip kambu-urupki aka jike nup galöm yeñon mönö goanğita nöñgö böröne al gihize. Göñon mönö wanat yuai aknöñ?”

³⁶ Mewö melenñiga jiyök, “Nöñgö kiñtohoñni miangö könañi mi gölme kianğoreñ qahö ahöza. Nöñon gölmeğö kiñtohoñ kungö kiñ kembuya akilenjak ewö, nöñgö sunğurumurupnan mönö ölöp wahöta nöñgöra aka suahö akeak. Suahö aka nöñon Juda jitiñememe yeñgö böröñine gebilenbuköra kapan köla bim qegetka nömembingö osibeak. Mi osibeakmö, nöñgö kiñ tohoñnanğö könañi mi miri kungen ahöza. Ni gölme azi kembuya qahö akzal.”

³⁷ Keu mi jiiga Jisös kewö qesim wanğiyök, “Gi töndup kiñ kembu qainñi kun akzani, mi ölja me qahö?” Mewö qesim wanğii melennök, “Ni kiñ kembu qainñi kun akzali, mi nangak jizan. Nöñon keu öljñ nanğöba jim tuarimangöra aka gölmenöñ eta asuhuyal. Körek yeñon keu öljnanğö likepñe maljei, yeñon mönö nöñgö keuni kezap ala mörakze.”

Jisös kömumapkö jim teköget.

Mat 27.15-31; Mak 15.6-20; Luk 23.13-25

³⁸ Mewö melenñiga Pailötnöñ mepaqepaik aka qesiyök, “Keu öljñ mi mönö wania kun?” Mewö qesiba kunbuk Juda yeñgöreñ geba söndaknöñ kinda kewö jii mötket, “Nöñon azi miangö pinjitñi jaruba kun qahö miwikñazal.”

³⁹ “Kun qahö miwikñazalmö, ahakmemeni kun kewö ahöi mötze: Yambu (yara) dop ak-kömukömu kendon nalöñe kösö mireyök azi mohot engöra pösatpi erakza, mi mötze. Miangöra Juda engö kiñ kembuñini ölöp engöra pösatpi etpawak me qahö? Miangöra injini sihimñinan denöwö mötze?”

⁴⁰ Mewö jii möta melenđa kewö qetket, “Qahö, i qahöpmö, Barabas pösatnonga nengöreñ etmal!” Mewö qetketmö, Barabas yanjon kegwek azia aka bim karim kun megeri, miangö bohonñi ahök. Mewö.

19

Pailötnöñ Jisös maripomnöñ kömumapkö jim teköyök.

¹ Silata qetketka Pailötnöñ Jisös wanğita anda jiiga yarö azi yeñon ihilek wahinambuknöñ tauköba qeget. ² Yarö azi yeñon tauköba mepaqepaik kewö ak wanğiget: Yeñon Jisös qeba kösö wahinambuk memba köpeiba ila möhangöba nöörpñe kölget geiga maluku pisikñi gugakgugakñambuk mi köl

* 18:32: Jon 3.14; 12.32

wanġigetka geyök. ³ Mewö aka kôsutne arengöba kinda jiget, “Owe owe! Juda engö Kiñ Kambuġini, owe!” Mewö jiba nuġgulumne gwötpuk qekötaġoġet.

⁴ Mewö mepaqepaik ak wanġigetka Pailötnöŋ kunbuk yaigepne geba kewö jii mötket, “Mötket! Nöŋön azi mi kewöta pinjiti kun qahö miwikjaizal. Mianġöra i kunbuk wanġitpiga engö jeŋine eriga könaŋi mewö möt kutuba ekne.” ⁵ Mewö jii mötketa Jisösnöŋ eta söndakne kini kewö eket: Tosatŋan kösö wahibuknöŋ ila köpeiba nöŋöŋe köla maluku pisikŋi gugakgugakpuk köl wanġigetka kiniga Pailötnöŋ jii kewö mötket, “Azi ölni ki eket!”

⁶ Mewö jii mötketka jike nup galöm aka naŋgu galöm (sikiriti) yeŋön i eka keu wölwölbuk qeta jiget, “Maripomnöŋ qeget kömuma. Maripomnöŋ qeget kömuma.” Mewö jigetka Pailötnöŋ jitŋine memba kewö jii mötket, “Nöŋön pinjiti kun qahö miwikjaizal. Mianġöra inini mönö nanŋinök i memba maripomnöŋ qeget kömumbawak.”

⁷ Juda jitnememe yeŋön keu mi möta kapaŋ köla kewö jiget, “Nengören Köna keu ahöza. Keu mianġö dop kewöŋinga kömumawanġö dop akza. Nanŋi memba öngöba ‘Anutugö nahönŋi akzal,’ jimakza. Mianġöra mönö kömupkö buŋaya aiga dop kölma.”

⁸ Mewö kapaŋ köla jigetka Pailötnöŋ möta bönni wahöŋiga jönömŋi undui kenġötŋi mörök. ⁹ Mewö möta Jisös wanġita kunbuk jakömbuak miri uruŋe öngöba kewö qesim wanġiyök, “Gi denikegöra?” Qesim wanġiyökmö, yaŋön kitipŋi kun qahö melenġa keu bök kinök. ¹⁰ Keu bök kiniga kewö jii mörök, “Gi nöŋgöra keu kitipŋi kun melenman me qahö? Nöŋön jim teköbiga pösat gihime me maripomnöŋ guhugetka kömuman. Mianġö kukösumŋi mi nöŋgören ahöza. Mianġö könaŋi mötzan me qahö?”

¹¹ Mewö jii möta kewö melen wanġiyök, “Kunöŋ euyangörenök kukösum qahö al gihiyök ewö, gi mönö azi omaŋi mala yuai ak niŋgimangö osibanak. Mianġöra azi kun danön ni göhö böŋöge al niŋgizawi, yaŋö siŋgisöndokŋan mönö göhöŋen pinjit oŋgita ketanŋi akza.”

¹² Mewö melen wanġiyöhanġöra aka Pailötnöŋ Jisös pösari etmapkö kapaŋ kölök. Mewö kapaŋ kölökmö, Juda yeŋön qet gigilahöba kewö jiget, “Pösatnöŋga etma ewö, mönö sisa kiŋgö alaŋi qahö toroqeba aka malman. Kunöŋ nanŋanġö möri öngöiga ‘Kiñ kembuya akzal’ jizawi, yaŋön mönö sisa kiŋ tuarenjoŋ ak wanġiza.”

¹³ Mewö jigetka keu mi möta jim kutuiga Jisös wanġita yaigep etket. Etketka premiö Pailötnöŋ jake kun kötnöŋ ala tömbulget ahöyöhi, mianġören öngöba keu jimtekötekögö dum tatatŋe eta tarök. Jake mianġö qetŋi Hibru keunöŋ Gabata jimalget. Mi nanine keunöŋ Jake Kötnöŋ qet möntömbulŋi. ¹⁴ Eta taröhi, Juda ambazipnöŋ wehön mianġören ak-kömukömu kendon tatpingöra jöjöröget. Wehön mi aiga silim bibiŋi dopdowiiga Pailötnöŋ dum tatatŋe tata Juda yeŋgöra kewö jii mötket, “Eket, engö kiŋ kambuġini ki!”

¹⁵ Mewö jii möta qet gigilahöget, “Yapmakek! Yapmakek! Maripomnöŋ qeget kömuma!” Qet gigilahögetka kewö jiyök, “Engö kiŋ kambuġinanġö keuŋi jim teköbiga maripomnöŋ öngömapköra jize me?” Mewö jiiga jike nup galöm yeŋön melenġa jiget, “Sisa kiŋnöŋ mohok kiŋ kembunina akza. Nengören kiŋ kembu murutŋi kun qahö ahözal!”

¹⁶ Mewö melenġa jigetka Pailötnöŋ Jisösgö keuŋi jim teköba maripomnöŋ qeget kömumapköra böŋöŋine alök. Böŋöŋine aliga yarö azi yeŋön Jisös memba galöm kölget.

*Jisös maripomnöŋ qeget.**Mat 27.32-44; Mak 15.21-32; Luk 23.26-43*

¹⁷ Galöm kölgetka nanŋi maripomŋi nanŋak aŋguba siti kutuba yaigep geba gölme kun qetŋi Nöröpsihit qerakzema, miangören anget. Nöröpsihit qet mi Hibru keunöŋ Golgota qerakze. ¹⁸ Miangören anda maripomnöŋ qeget aka yambuk azi yahöt likeplikep mohotŋe etkuba Jisös sutŋire algetka kinget.

¹⁹ Mewö qegetka Pailötnöŋ kulem ohoba jüiga maripomnöŋ Jisösgö nöröpŋe göröken eu ala qeget. Kulem mi kewö ohoi kinök, “Jisös Nazaret tonŋi, Juda yeŋgö kiŋ kembunŋina ki.” ²⁰ Jisös maripomnöŋ qegeri, gölme mi siti kösutŋe ahöyök aka kulem mi keu karöbut, Hibru, Latin aka Grik keu mianön ohoget kinök. Miangöra Juda ambazip gwötpukŋan onŋta anda kaba eu uba kulem mi oyonget. ²¹ Mewö ohoiga Juda yeŋgö jike nup galöm yeŋön Pailöt kewö jiget mörök, “Juda yeŋgö kiŋ kembunŋina ki, mewö kude ohomanmö, kewö ohoman, ‘Nanŋangöra Juda kiŋ kembunŋina akzal, jiyök.’”

²² Mi möta Pailötnöŋ keu kewö melenök, “Keu lök ohozalangöra mi mönö mewö ahöma.”

²³ Yarö azi yeŋön Jisös maripomnöŋ qebagun opo silepöke öryuainŋi mamba azi 4 sutŋine mendenä 4 aiga totonŋine meget. Mewö megetka malukuŋi ahöi megetmö, mi kewögöra ölöp qahö mendenget: Mi körekŋanök opo johanni mohotŋan memeŋa. Opo kitipŋi kitipŋi qahö mindiriba euyök liliklilik uhum megetka emu gegenŋi ahöyök. Miangöra mi bölibapuköra mendenbingö osiget. ²⁴ *Osiba eraum möta kewö jiget, “Mi mitiinga qahö dop kölma. Miangöra ölöp miangö unŋi qeinga tonŋi ahuma.” Mewö jiba unŋi qegetka Buŋa keu kun öljambuk ahök. Keu mi kewö ohoget ahöza, “Yeŋön opo silepökenni mamba sutŋine mendenä totonŋine mamba maluku-nangö unŋi mönahot algetka kunöŋ luhut alma.”

Yarö azi yeŋön keu miangö dop aket.

²⁵ Jisös maripomnöŋ qeget kiniga ambi kewöŋan könane kinget: Jisösgö nam nasöŋi aka Klopas anömŋi qetŋi Maria aka Magdalagö ambi qetŋi Maria. ²⁶ Jisösönöŋ namŋi aka wölböt gwarekŋi kösutŋe kinohotka etkeka namŋangöra kewö jiyök, “Namni, mönö nahöŋgi ki eka tönjonŋöba malman.”

²⁷ Mewö jiba gwarek mi kewö jii mörök, “Mönö namŋi ki eka tönjonŋöba malman.” Mewö jii möta Jisösgö namŋi nalö miangörenök wanŋiriga miriŋe anda mohotŋe malohot. Mewö.

*Jisösönöŋ maripomnöŋ kindä kömuyök.**Mat 27.45-56; Mak 15.33-41; Luk 23.44-49*

²⁸ *Jisösönöŋ nupŋi pakpak mem teköyöhi, mi möta miangören Buŋa Kimbigö keu kunöŋ öljambuk akŋapköra kewö jiyök, “Ni ogöra ak niŋgiza.”

²⁹ Miangören qem nene kun wain o asöljambuk mianön kokolak qeba tarök. Mi tariga köwet mömöndö kun kahali tandök mi mamba wain onöŋ kundungöba soŋgorep suŋe qesamböta meget öngöiga numbuŋe alget. ³⁰ Algetka wain o asöljambuk mi namba jiyök, “Mönö teköza.” Mewö jiba malmalŋi mosötmangöra nöröpŋi wambelahöi eri imutŋi koriga nöŋ qeyök. Mewö.

Jisösgö marömŋi liŋgipnöŋ utohoget.

³¹ Jisösönöŋ nöŋ qeiga Juda ambazipnöŋ silim miangören ak-kömukömu kendon tatpingöra jöjöröget. Ak-kömukömu Sabat kendon mi kendon nalö ketanŋi ahök. Miangöra Juda jitŋememe yeŋön waimanŋat möta kewö jiget,

* 19:24: Sum 22.18 * 19:28: Sum 69.21; 22.15

“Qamöt mienjon Sabat kendon nalöje maripomnöj kingetka qahö dop kölja.” Mewö jiba premiö Pailötköreñ anda kewö qesim wanğiget, “Gi ölop jinöñga anda maripomnöj engugeri, yeñgö töwat sihitñjini kusugetka qamötñjini meköin etme?” ³² Qesim wanğigetka jim teköiga yarö azinöj kanğotket. Kanğota Jisösbuk maripomnöj etkugeri, mi zilarö kömumahotköra mutuk yetköreñök kungö töwat sihitñjini kusuba likep anda kungöreñ mewöñanök aket.

³³ Mewö aketmö, Jisösgöreñ kanğota eketka lök kömuyök. Mewö eka sihitñjini qahö kusuget. ³⁴ Qahö kusugetmö, yarö azi yeñgöreñök kunñan lingip memba marömñi umburatiiga miangöreñök sep aka o erök.

³⁵ Mewö aketka kunöj yuai mi jeñan ehöhi, yanjon mi nanğöba jiba ki ohoi ahöi dölkü oyonje. Keu nanğöba jiba ohoi ahözawi, mi mönö keu ölna akza. Injini mewöyök mi möt narimegöra möta keu ölna jizawanğö dop mötza. ³⁶ *Yuai mi asuhuyöhi, mi Buña Kimbigö keu kunöj ölnambuk akñapköra asuhuyök. Keu mi kewö,

“Yanğö sihitñjini mönö kude kusume.”

³⁷ *Aka Buña Kimbigö keu kun kewö ahöza, “Azi utohogeri, yeñon mönö yanğöreñ göröken jeñjini uba ekñe.” Injini keu yahöt miangöra aka mi möt narime. Mewö.

Jisösgö qamötñi köt köteñnöj löm kölget.

Mat 27.57-61; Mak 15.42-47; Luk 23.50-56

³⁸ Miangö andöñe Arimatia taon tonji qetñi Josef kayök. Yanjon Jisösgö gwarekñi aka malökmö, Juda jitñememe yeñgöra keñgötñi möta mötnaripñi köyatiba malök. Yanjon kaba premiö Pailötköreñ anda Jisösgö qamötñi mekömangö qesim wanğiyök. Qesim wanğiiga möta jim teköiga kaba meköyök.

³⁹ *Azi qetñi Nikodemus mutuk Jisösgöreñ sunğem kayöhi, yanjon mewöyök kayök. Kaba qamöt mirimangöra kelök köhöwaktambuk qetñi mör mi repa onğambuk meleñgeri, mi esu möhot lömbötñi 30 kilogö dop bohonñi memba kaba Josef bauköm wanğiyök. ⁴⁰ Bauköm wanğiba mohotñe Jisösgö qamötñi meköyohot. Meköba jinij wöronñi ölopñi memba qamöt silenje ala opo tuatñi miangön köpeiyohot. Juda ambazip neñon qamötñini mewö aka mözözömgöba löm köl engizinma.

⁴¹ Jisös maripomnöj qegeri, gölme miangö likepñe arö kun ahöyök. Arö miangöreñ qaksirigö köt köteñ löm dölöknjini kun urorohoget kinök. Miangöreñ qamöt kun qahö algetka gwamönñi ahöyök. ⁴² Gwamönñi aka kösutñe ahöiga Juda ambazipñöñ ak-kömukömu kendon tatpingöra jöjörögetka nalöñjini töriyök. Miangöra Jisösgö qamötñi memba miangöreñ ala löm kölohot. Mewö.

20

Jisösgö löm qaksirinñan gwamönñi ahök.

Mat 28.1-8; Mak 16.1-8; Luk 24.1-12

¹ Sabat kendon tatket teköiga Magdalagö Maria yanjon Sonda söñanök wanğaranj suruiga qaksirinöñ anök. Anda je ui ani köt ketanji ehiga miangön lök köteñ urorohoñi miangö numbuñeyök qetalget kaba ahöyök. ² Mewö eka miangöreñök mosöta ösumok anda Saimon Pitö aka Jisösgö wölböt gwarekñi

* 19:36: Eks 12.46; Jan 9.12; Sum 34.20

* 19:37: Zek 12.10; Ind 1.7

* 19:39: Jon 3.1-2

yetköreñ kaba kewö jii mörohot, “Mönö Kembugö qaksirinöhök memba anda denike alget ahözawi, mi qahö mötzin.”

³ Mewö jii möta mosöta qaksirinöñ anohot. ⁴ Mohotne ösumok anohotmö, gwarek alañan ösumñan anda Pitö ongita mutuk qaksirinöñ angorök. ⁵ Angota köt köteñ urorohonñ miangö uruñe qahö öngöba numbuñe öne kököriba ui aniga oponñ köpeköpeinanök ahöiga ehök. ⁶ Mi ehiga Saimon Pitönöñ mewöyök andöñe kangota köt köteñ uruñe öngöba oponñ köpeköpeinanök ahöi ehök. ⁷ Mi ehök aka nööröñi opo jahönñi kunöñ köpeiba esuhugeri, mi tosatñan kusuba silegö oponñ miambuk qahö mindiriba kungen algetka nanñök tariga ehök.

⁸ Mewö ehiga gwarek alañan mutuk qaksirinöñ kanğoröhi, yañön mewöyök köt köteñ uruñe öngöba yuai mi eka möt nariyök. ⁹ Jisös guliba kömupnöhök wahötmawi, yetköñ Buña Kimbigö keu mewöñi mi qeljine qahö möt asariba tönpin mala korohot. Mewö.

Jisösnöñ Magdalagö ambi Mariagöreñ asuhuyök.

Mat 28.9-10; Mak 16.9-11

¹⁰ Mala kota miangöreñök möt nariba lilingöba mirinire anohot. ¹¹ Yetköñ anohotmö, Marianöñ nanñök qaksirigö köt köteñ numbuñe kinda sahörök. Mewö sahöta köteñ urorohonñ miangö uruñe kököriba ui anök. ¹² Ui aniga Suep garata yahöt malukunñi tuat lalamñi etkehök. Jisösgö qamötñan ahöyöhi, yetköñ mönö miangöreñ tarohot. Kunöñ nööröñi ahöyöhanğöreñ tariga kunöñ könañe tarök.

¹³ Mewö tata kewö jiyohot mörök, “Ambi, gi mönö wuanöngöra sahötzan?” Mi möta jiyök, “Kembunanğö qamötñi memba anda denike alget ahözawi, mi qahö mötzal.”

¹⁴ Mewö jiba lilingöba Jisösnöñ kösutne kiniga ehökmö, kaisongolomñi mi qahö ek kutuba tönpin kinök. ¹⁵ Tönpin kiniga Jisösnöñ kewö qesim wangiyök, “Ambi, gi mönö wuanöngöra sahötzan? Dagöra jaruzan?” Mewö qesim wangüiga arö galömñan kinja me denöwö, mewö mötmöriba kewö jiyök, “O ketañamni, gi qamötñi memba anguba kungen anda alnöh ewö, mönö denike ahöza, mi jinöña möta anda memam.”

¹⁶ Mewö jiiga Jisösnöñ qetñi qeta “Maria!” jiyök. Mi qeta jiiga yangöreñ lilingöba Hibru keunöñ qeta “Raboni!” jiyök. Mi nanine keunöñ “Ketañamni.”

¹⁷ Mewö jiiga kewö jii mörök, “Ni Iwinangöreñ qahö öngöba ki kinjal. Miangöra ni kude nömisirimannö, nöngö munurupni yengöreñ anda buzup kewö jinöh mötme: Nöñön mönö Iwi Anutuni aka engö Iwi Anutunini yangöreñ lilingöba öngömmam.”

¹⁸ Mewö jii möta Magdalagö ambi Maria yañön lilingöba anda gwarekurupñi kewö jii mötket, “Nöñön Kembu ekiga keu mewö mewö jii mötzal.” Mewö.

Jisösnöñ gwarekurupñi asuhum engiyök.

Mat 28.16-20; Mak 16.14-18; Luk 24.36-49

¹⁹ Sonda miangöreñök miri söñauiga gwarek yengön ömbibine tokoba Juda yengöra kenğötñini möta miri nanğunñi köla ki namñi misiget geiga tatket. Mewö tatketka Jisösnöñ asuhuba sutñine kinda kewö jiyök, “Alaurupni, luainöñ embuk ahöma!” ²⁰ Mewö jiba böröyahötñi aka marömñi konderiga Kembu eketka sösongainöñ urunñi kokolak qeyök. ²¹ Kokolak qeiga toroqeba kewö jiyök, “Alaurupni, luainöñ embuk ahöma! Iwinöñ ni melaim ninğiiga nöñön inñi mewöñanök melaim engizal.”

²² Mewö jiba nöröpñine memba ösum engiba uwulamgöba jiyök, “Mönö Uña Töröñi meget. ²³ *Inini ambazip sinğisöndokñini mosöta sanğonje ewö, mi mönö Anutugö jeñe solanim teköza. Ambazip sinğisöndokñini qahö mosöta sanğonje ewö, mi mönö Anutugö jeñe qahö solaniza.” Mewö.

Jisösnöñ Tomas asuhum wanğiyök.

²⁴ Jisösnöñ gwarekurupñi mewö asuhum engiyökmö, gwarek 12 yengöreñök kun qetñi Tomas, qetñi alañi Siwisiwi qetkeri, yanön nalö mianğoreñ sutñine qahö malök. ²⁵ Tomasnöñ kaiga gwarek tosatñan “Mönö Kembu ekzin,” jiget möta kewö jiyök, “Jenan birin löpötñi böröñe eka kesötñan marömñe misirimam ewö, mönö ölop möt narimam. Ni nanak mi qahö eka misiriba oseimam ewö, mönö keuyök jiget möta ölna mi qahö möt narimam.”

²⁶ Mewö jiiga sonda mohot teköiga gwarek yenön Sonda mianğoreñ kunbuk mire qezaköba nanğu köla ki memba Tomasbuk mohotñe tatket. Mohotñe tatketka Jisösnöñ kunbuk asuhuba sutñine kinda kewö jiyök, “Alaurupni, luainöñ embuk ahöma!” ²⁷ Mewö jiba Tomasgöra jiyök, “Gi mönö böröñi böranda böröyahötñi eka kesötkan marömne misiriman. Mewö aka yanğiseñ mosöta uruyahötñi yaköriba ni möt narim ninğiman.”

²⁸ Mewö jiiga kewö melenök, “O, gi nöngö Kembu Anutuna!”

²⁹ Mewö melenñiga kewö jii mörök, “Gi nekzanğöra ni ölop möt narim ninğizanzmö, ambazip qahö neka töndup ni möt narim ninğimakzei, yenön mönö simbawon akze.” Mewö.

Jonöñ Ölöwak Buña ki kewögöra ohoyök:

³⁰ Jisösnöñ nup ösum-mumu qakñe memba maliga anğöletot sehisehiñi tosatñi mi gwarek yengö jeñini qakñe asuhugetmö, mi buk kianğoreñ qahö ohoyal. ³¹ Keu tosatñi ohoyal, mi kewögöra ohoyal: Jisösnöñ Anutugö Nahönñi aka Amötqeçe Tonñ Kraist akzawi, inini keu mi möt nariba mewö mianön Jisösgö qetbuñanğöra aka malmal köhöikñi buña qem anğume. Mewö aka malmegöra nöñön Ölöwak Buña papia ki ohobiga engöreñ kaza. Mewö.

21

Jisösnöñ gwarek 7 yengöreñ asuhuiga söra jök öröget.

¹ Könañgep Jisösnöñ kunbuk gwarek tosatñi yengöreñ asuhuyök. Taiberias o anğö jitñe mianğoreñ kewö asuhum engiyök: ² Gwarek azi kewöñan mohotñe malget: Saimon Pitö, Tomas qetñi kun Siwisiwi qetkeri, Natanael azi mi Galili prowinsgö Kana taonöhök aka Zebedigö nahönyahötñi yahöt aka gwarek tosatñi yengöreñök yahöt.

³ *Mohotñe malgetka Saimon Pitönöñ jii mötket, “Ni mönö söra örömamgöra anmam.” Mewö jiiga tosatñan jiget, “Nini ölop göbuk mohokñe anbin.” Mewö jiba mosöta wanğenöñ öngöba anda sunğem mianğoreñ söra kun qahö öröget. ⁴ Söra qahö öröba öne malgetka miri lök gianjiiga Jisösnöñ saknöñ kinök. Kinökmö, yanğö kaisongolomñi mi qahö ek kutuget. ⁵ Jisösnöñ kinda engohola jiyök, “Alaurupni, söra kun öröze me qahö? Jiiga melennda “Qahö!” jiget.

* 20:23: Mat 16.19; 18.18 * 21:3: Luk 5.5

6 **“Qahöl!” jigetka kewö jim kutum engiyök, “Injini mönö mösakñini wanje ölne göröken gilgetka eri ölöp söra miwikñajime.”* Mi möta mösakñini gilgetka söra sehisehijni geba öläkögerañgöra öröget kotmapkö osiiga öröm suksuköget.

7 Mewö aiga Jisösgö wölböt gwarekñi میانن Saimon Pitö kewö jii mörök, *“Mi mönö Kembuya!”* Mewö jiiga Kembangö qetñi möta opo bindoñanök jöhöba malohañgöra silepökeñi köpeiba miangörenök o añgönöñ luhuba geyök.

8 Yenön sak qöhöröñe 100 mita miangö dop kösutñe anda malget. Miangöra Pitönöñ geba ani gwarek tosatñi yenön wanje lökuatnöñ qem nangöba anda mösak sörañambuk örögetka wanje andöñe kayök.

9 Mewö kaba sak körikñe öngöba miangören yuai kewö eket: Könöp jeiga gapnöñ söra jejenj aka beret soñsoñ ahöyök. 10 Mi eketka Jisösnöñ kewö jii mötket, *“Injini döliki söra örözei, mönö miangörenök tosatñi memba ki kaget.”*

11 Mi jiiga Saimon Pitönöñ möta wanjenöñ öngöba mösak öröiga körikñe öngöyök. Öngöiga ölnj 153 eket. Mösak mi söra ketanñ sehisehijni mienön kokolak qegetmö, mösaknöñ töndup qahö tinjirök. 12 Ölnj mi eketka Jisösnöñ kewö jii mötket, *“Mönö kaba söñangö nenenj neget!”* Mewö jii möta kaba *“Mi Kembunina,”* mewö möt kutugetmö, gwarek yengörenök kunñan *“Gi dañön?”* mewö qesimangö urulömböt aka qahö qesiyök. 13 Qahö qesiyökmö, Jisösnöñ anda beret memba engiba söra mewöyök mendenda engiyök.

14 Jisösnöñ kömupnöñök wahöta gwarekurupñi asuhom engiyöhanjö indimñi karöbut mi ahök. Mewö.

Jisösnöñ Pitö kunbuk kunjuba mem köhöiyök.

15 Söñangö nenenj neget teköiga Jisösnöñ Saimon Pitögöra kewö jii mörök, *“Saimon Jongö nahönñj! Alaurupki kienön ni uruñinan jöpaköm niñgimakzei, gi mönö i enğongita gwötpuk jöpaköm niñgimakzan me qahö?”* Mi möta kewö meleşnök, *“O Kembu, ni göhöra ak niñgimakza. Gi wölböt alani akzan. Mi nangak ölöp mötzan.”* Mewö meleşniga Jisösnöñ jii mörök, *“Gi mönö nöngö lamaurupni moröñi gumohom engiba malman.”*

16 Mewö jii möri indimñi yahöt qesim wanğiyök, *“Saimon Jongö nahönñj! Gi ölna jöpaköm niñgimakzan me qahö?”* Mi möta kewö meleşnök, *“O Kembu, ni göhöra ak niñgimakza. Gi wölböt alani akzan. Mi nangak ölöp mötzan.”* Mewö meleşniga Jisösnöñ jii mörök, *“Gi mönö nöngö lamaurupni galöm köl engiba malman.”*

17 Mewö jii möri indimñi karöbutñi qesim wanğiyök, *“Saimon Jongö nahönñj! Gi mönö ölna wölbötkan (jojopañan) nöngö ak gihimakza me qahö?”* Mewö qesim wanğiiga urujöjöpakö qeqesini mohot miyök qesiiga indimñi karöbut ahöhanğöra Pitönöñ wösöbirik möta meleşda kewö jiyök, *“O Kembu, gi yuai pakpak ölöp möt teközan. Gi wölböt alani akzan. Göñön mönö nangak mi ölöpñanök mötzan.”* Mewö jiiga Jisösnöñ jii mörök, *“Gi mönö nöngö lamaurupni gumohom engiba malman.”*

18 *“Nöñön keu öi töhöññi kun kewö jibi mötnöñ: Gi sepgulia mala nangak sileötanği jöhöba köna igen me waigen ‘anmam,’ jiba ak gihiyöhanğö dop ölöp anda kaba malnöñ. Mewö mala malnöñmö, azi namñi akñani, nalö miangören börögi börañnonga kunñan kaba opo silepökegi jöhöm gihiba köna kungen qahö anmangö mötmani, mönö miangören goañğiriga anman.”*

19 Jisösnöñ kezapqetok keu mewö jiba Pitö kömumawanğö keu sainj indelök. Yanön kömup tandökñi qainñi kun kömuiga Anutugö qetbuñanj qarimapköra

* 21:6: Luk 5.6

mötmöriba mi jiyök. Keu mi jiba yanğöra jii mörök, “Gi mönö kaba ni nuatanğöba malman!” Mewö.

Jisösnöj Pitöbuk gwarek kungö keunji eraum mörohot.

²⁰ Pitönöj Jisösbuk anda lilingöba Jisösgö wölböt gwarekñan andöñire kaiga ehök. Gwarek mianñon ak-kömukömu lama negeri, mianğörej nöröññan Jisösgö töptöññe nariba jiyök, “Kembu, göhörej mamalolo azi mi danñon?”

²¹ Gwarek mianñon könanñire kaiga Pitönöj i eka Jisös kewö qesim wanğiyök, “Kembu, gwarek kianğöra mönö denöwö asuhuma?”

²² Qesim wanğiiga kewö jii mörök, “Nöñon yanğö malmal arenji mewö me mewö albileñak, mi mönö göhörej waimanjara qahö. Nöñon jibiga yanñon qahö kömumba nöñon gölmenöj lilingöba kamamanğö nalöñe toroqeba jebuk mal öngöbawak, keu mi yanğö keuya akawak. Gi mönö yanğö keunji mosöta nangi malmalgi möhamğöba galöm köl anğuba nöñgö andöne kaba ni nuatanğöba malman.”

²³ Keu mewö jiiga tosatñan lan möta jim sehigetka urumelen alaurup yanğö sutñine keu mi kewö jim sohoget, “Gwarek mianñon qahö kömuma.” Mewö jim sohogetmö, Jisösnöj jebuk teteköñi qahö mal öngömapköra qahö jiyökmö, keu kewö jiyök, “Nöñon yanğö malmal arenji mewö me mewö albileñak, mi mönö göhörej waimanjara qahö. Nöñon jibiga yanñon qahö kömumba nöñon gölmenöj lilingöba kamamanğö nalöñe toroqeba jebuk mal öngöbawak, keu mi yanğö keuya akawak. Gi mönö yanğö keunji mosöta nangi malmalgi möhamğöba galöm köl anğuba malman.” Mewö.

Nanak mi pakpak jenan eka nanğöba ohom engizal.

²⁴ Gwarek mianñon yuai mi jeñan eka mala mianğö dop mi nanğöba jim asariba Ölöwak Buña ki ohoyök. Körek pakpak enñon gwarek mianğö könanñi mötzeanğöra aka ölop tönğuba kewö jiba malme, “Yanñon keu nanğöba jiyöhi, mianñon mönö keu öi töhönñi akza.”

²⁵ Jisösnöj nup aka anğöletot tosatñi sehisehñi mi mewöyök aka memba malök. Mienğö kösohotñini mohot mohot mi lökñanök törörök ohobinak ewö, mönö buk papia böranñi böranñi sehisehñi asuhugetka kantri dop papia köwe miri (laibreri) pakpak mianğörej alinga kokolak qeba ölököiga tinji töndup qahö dop kölbawak. Mewö mötmörizal.

Aposol Nup Meme

Aposol yeñon Uña Töröñangö ösumnön nup meget. Jim-asa-asari

Dokta Luknön buk qetji “Kraistkö Ölöwak Buña” ohoba kösohotnji toroqeba buk qetji “Aposol nup meme” ohoyök. Jisösnön gwarekurupnji mutuknji kusum engii Uña Töröñan sölölohöm engiiga Kraistkö keu buzupnji jim sehigeri, Luknön miangö kösohotnji auknje almamgöra möta kewö (1.8) ohoyök, ‘Yeñon mi Jerusalem sitinön könahiba Judia prowins dop köla Samaria prowinsnön anda toroqeba gölme görañe eu emu likeplikep angetka dop köl teköba anök.’ Mutuk Juda könağesö uruñe nup megetka uruñini melenđa guligetka Kraistkö qeburuñ könahiba yöhöba sehiba anda anda kantrinji kantrinji dop köliga urumelen könağesö yeñgö bohonnini ahök. Kösohotnji oyonjei, Luknön yeñgö uruñini böñjön almamgö kapan köla keu kötñi yahöt kewö ohom asariyök,

1) ‘Kraistkö alaurupñan Rom mindimindiri gawman mi tuarenjon qahö ak enğiba malje. Yeñon mi memba et almegöra tuaköpek qahö akze. Tosatñan mewö mötpeak, mi böññi öne wahötpapak.’

2) ‘Juda yeñon jike nup meget korembeni aiga ölnji asuhumapköra mamböta malgeri, Jisösnön mönö ölnji mi memba kaba enğiyök.’ Keu kötñi mi.

Jisösgö Buña keunji kuñguba jim sehiba zioz könahiba mem köhöigetka toroqeba aniga urumelen yeñgö kambuñinan qariyök. Miangö dop “Aposol nup meme,” kösohot mi juliga keu bahöñi bohonnji karöbut kewö akze: 1) Jisösnön Suep mire öngöiga gwarek yeñon Jerusalem malgetka Kraistkö Buña keuñan könahiba qeburuñ yöhöyök. 2) Yöhöba qariba Palestain gölmegö prowins tosatñe anök. 3) Kunbuk qariba kantrinji kantrinji Sutñire Köwet liliköba tat anjei, mi dop köla teteköñe siti bohonnji Rom anök.

“Aposol nup meme” miangö keu bohonnji mi Uña Töröñangö könañi aka nup memeni. Aposol aka mötnarip ambazip yeñon yambu dölöknangö (Pentekost) nalöñe Jerusalem köulukögetka Uña Töröñan ösumñambuk uruñine geyök. Uruñine geba sölölohöba mem köhöim engiiga denđa kantri liliköba nup megetka ölnji könañi könañi asuhuyök. Zioz ambazip aka yeñgö jitnememe yeñon Kraistkö Buña keu mi könakönahije denöwö jiba malgeri, Luknön miangö keunji ohoiga mi ölop buk kiangörej oyonđa mötpin. Ambazip uruñini melenđa mindiriba nañgöm anguba malgeri, yeñon Buña keugö kukösumñi möt kutugetka miri dop auknje asuhuyök. Denöwö asuhuyöhi, Luknön miangö kösohotnji ohoba Uña Töröñangö kukösumñi kondel nenğiza.

Buk kiangö bahöñi bohonnji 4 mi kewö:

1. Buña keu nañgöba jibingöra jöjöröget 1.1-26
 - a) Jisösnön jimkutukutu ala Uña enğimamgö jiyök 1.1-14
 - b) Judas Iskariotkö salupñe Matias meköget 1.15-26
2. Jerusalem sitinön Buña keu nañgöba jiget 2.1-8.3
3. Judia aka Samaria Buña keu nañgöba jiget 8.4-12.25
4. Polnön misin nup memba malök 13.1-28.31
 - a) Misin nup liliköba megetka 1 ahök 13.1-14.28
 - b) Jerusalem totoko ala keu jöhöget 15.1-35
 - c) Misin nup liliköba megetka 2 ahök 15.36-18.22

- d) Misin nup liliköba megetka 3 ahök 18.23–21.16
 e) Pol Jerusalem, Sisaria aka Rom kösö mire tarök 21.17–28.31

Jisösnöy zioz könahiyök.

1*O Tiofilus!

Luk nöñön kösohotni mutukñi ohoyali, miangörej Jisösnöy nup könahiba memba liliköba ambazip kusum engiba malöhi, miangö kösohotñi pakpak arengöba albi eknöy. ² Jisösnöy nup memba melaimelai azi aposolurupñi möwölöhöba kusum engiba mala Uña Töröñangö ösum qakñe nup memegöra jim kutum engiyök. Mi engiiga Anutunöy wañgiri Suepnöy öngöyök. Nöñön kösohotni ohoyali, mi miangörej ohom teköyal. Merak miangörejök kösohot mi toroqeba ohomam.

³ Jisösnöy sihimbölö möta kömumba kömupnöhök wahöta wehön 40 gölmenöy toroqeba malök. Nalö miangö uruñe aposolurupñi sömañi gwötpuk asuhum engiba Anutu bemtohorangö könañi toroqeba jim asarim engiba malök. Mewö mala aiwesök tandök könañi könañi memba kondel engiyök. Yeñön mi eka Jisösnöy guliba maljawi, mi ölöp möt yaköget. Aiwesök ekeri, yeñön mi nangöba jiba dangunu ewö kinje aka kunñan mi qeapkömangö osima.

⁴ Nalö kunöy yembuk mohotñe mala kewö jim kutum engiba jiyök, “Injini Jerusalem siti ki mönö zilañ kude mosötme. Iwinan ‘Kalem uruñine al engimam,’ jiba keuñi jöhöi jibi mötkeri, mi mönö öñjambuk akña aiga enñön mönö miangöra mamböta malme. ⁵ Mutuk Jonöy ambazip o töhöñöy melun mem engiba malökmö, Anutunöy nalö kude köriiga Uña Töröñi uruñine ala mianñön melun mem engima.” Mewö.

Jisösnöy Suep mire öngöyök.

⁶ Aposol yeñön nalö kunöy tokogetka Jisösnöy sutñine asuhuiga kewö qesim wañgiget, “Kembu, göñön mönö nalö kewöñe me wani nalönöy Israel kantrigö tohoñi mi kunbuk kuñguba mem köhöiman?”

⁷ Qesim wañgigetka kewö jii mötket, “Iwinöy nannñi kukösum qakñe yambu gwani aka aua nalö arengöba ali ahözawi, mi mönö enñön mötmeangö dop qahö. ⁸ Mi qahöpmö, Uña Töröñan eta uruñine gemawañön mönö kukösum engiiga letota nöñgö könañi nangöba jiba malme. Mi Jerusalem sitinöy könahiba Judia prowins dop köla Samaria prowinsnöy anda liliköba toroqeba gölme görañe eu emu likeplikep angetka dop köl teköba anma.” ⁹ Jisösnöy keu mi jim teköiga Anutunöy jeñini qakñe wañgita wahöriiga kousunöy eta esuhuiga euyangörej öngöiga ekingö uget öngöba at atop (jiataton) köliga jaruba kinget.

¹⁰ Mewö öngöiga suepnöy eu ehiba kingetka miangörejök azi yahöt malukuñiri tuat lalamñi yetkön kösutñine asuhuba kinohot. ¹¹ Kinda kewö jiyohot, “Galili azi injini mönö denöwögöra suepnöy eu ubayök kinje? Anutunöy Jisös ki engö sutñineyök wañgita Suep mire eu öngöi ekzei, yañön mönö tandök mewöñanök kunbuk lilingöba etma.” Mewö.

Judas Iskariotkö salupñe Matias meget.

* 1:1: Luk 1.1-4 * 1:4: Luk 24.49 * 1:5: Mat 3.11; Mak 1.8; Luk 3.16; Jon 1.33 * 1:8: Mat 28.19; Mak 16.15; Luk 24.47-48 * 1:9: Mak 16.19; Luk 24.50-51

12 Mewö jiyohotka aposol yeñön Jerusalem siti kôsutnje kundunji qetnji Oil ip kundunji miangörenök lilingöba eta 1 kilomitagö dop kaba sitinöñ kañgotket*.

13 *Jerusalem kañgota miri urunji kun qaknje tat malgeri, miangören ande öngöget. Öngögeri, yeñgö qetjni kewö: Pitö, Jon, Jeims aka Andru; Filip, Tomas, Bartolomyu aka Matyu; Jeims Alfiusgö nahöññi, Saimon Zelot politik azia aka Judas Jeimsgö nahöññi†. 14 Azi pakpak mienön urumohot aka ambi yembuk kapan köla köuluköba malget. Yeñgö sutnjine Jisös munurupñi aka namñi Maria yeñön mewöyök malget.

15 Köuluköba mala wehön kunöñ mötnarip ambazip jangöñjini 120 miangö dop tokogetka Pitönöñ sutnjine wahöta keu kewö jiyök, 16 “Azi alaurupni! Jisös memba jöhögeri, Judasnöñ yeñgöra köna kondelök. Uña Töröñan Judasgö keu mi mutuhök kinj Deiwidkö urunje sañep ali numbu jitñan jiiga Sumbara buk (Buña Liñet buk Sam) miangören ohoget ahözawi, miangön mönö öljambuk ahuyök. 17 Jisösnöñ Judas möwölöhöi nanine kambunöñ kun mali nupñi memapakö kuñgui melaimelai azi bohonñi aposol ahök.

18 *Judasnöñ ahakmeme bölöñi aiga söngöröñi wangiget memba miangön gölme köröñi kun bohonñi meyoök. Mi memba miangören imbi auba nööröñan melenja gölmenöñ kuñguiga gölömñi juliga irip kömoñgokñi datñi munñi mi körek usuba erök. 19 Mewö ahiga Jerusalem ambazip pakpak miangö buzupñi möt teköba gölme miangö qetñi nanñine keunöñ Akeldama qetket. Mi nanine keunöñ Sep Gölme köröñi.”

20 *Pitönöñ toroqeba kewö jiyök, “Sumbara (Sam) buk miangören keu kun kewö ohoget ahöza, ‘Miriñi mönö balonji gwamön kinma. Mi kunñan tonji qahö aka maliga miriyök kinma,’ aka keu kun kewö ahöza, ‘Kunöñ ölop yanjö salupñe galöm nup memba kinma.’

21-22 * “Mewögöra aka nini azi kun möwölöhöba kuñguinga nembuk jitñe meme aka dangunu ewö kinda Jisösnöñ kömupnöhök wahöröhi, miangö Buñanjan nangöba jiba mali dop kölma. Jonöñ Jisös o melun mem wangiiga Kambunöñ nalö miangörenök qenjarökñöñ anda nupñi könahiba memba nenjö gölmenöñ liliköba anda kaba mali Anutunöñ sutñineyök wangita öngöyök. Azi nalö pakpak miangören kambunine mohotñe mala korini, mönö yeñgörenök kun möwölöhöinga dop kölma.”

23 Pitönöñ mewö jiiga azigö jaruba azi yahöt qetñiri qetket. Kun qetñi Josef, qetñi alañ Barsabas aka qetñi kun Jastus. Azi kungö qetñi Matias. 24 Qetñiri qeta kewö köuluköba jiget, “O Kembu, gi ambazip urunini körek pakpak möt kutuzan. Miangöra gi azi kietkörenök ninja möwölöhözani, mi mönö kondel nenjiman. 25 Judasnöñ gonjiba genmoñ aka eta aposol nup mosöta bölöñamñangö dop ayuhuba geyöhi, yanjö salupñe azi kunöñ mönö aposol aka kinda melaimelai azigö nup memba malma.”

26 Mewö jiba yetkö kiawen (kas, lot) algetka Matias asuhuyök. Asuhuyga aposol 11 yeñgö sutnjine dum kun wangigetka kambunine toroqeyök. Mewö.

* **1:12:** Juda yeñön 1100 mita mi Sabat kendonöñ qahö ongita anjema. Miangöra Köna keu qahö ongita kaget. * **1:13:** Mat 10.2-4; Mak 3.16-19; Luk 6.14-16 † **1:13:** Zelot pati yeñön nanñini kinkin memböngöra Rom mindimindiri gawmanbuk tuaköpek aka urukönöp aka malget. * **1:18:** Mat 27.3-8 * **1:20:** Sum 69.25; 109.8 * **1:21-22:** Mat 3.16; Mak 1.9; 16.19; Luk 3.21; 24.51

2

Uŋa Töröŋan eta gwarek uruŋine geyök.

1 *Jisösnöŋ kömuyöhi, nalö miangörenök sonda 7 teköiga wehön 50* miangören yambu jeŋi qeŋe nalöŋi kam kuŋguiga urumelen ambazip pakpak yeŋön tokoba kendon tatket. 2 Tatketka miangörenöhök Suepnöhök yuai kun biliksik eri kouruk ketanji asuhui mötket. Dimbomnöŋ köhöikŋanök qemakzawï, mönö miangö tandök ewö asuhuba eta miri tatkeri, mi körek kokolak qeyök. 3 Miri kokolak qeba yuai miänön denqenŋa sehiba könöp bölam tandök ewö nöörpŋini qakŋe öŋgöi eket.

4 Mewö asuhuiga Uŋa Töröŋan körek yeŋgö uruŋini kokolak qeiga gölme tosatŋe keu ahözawï, mi könahiba jiget. Uŋa Töröŋan sölölohöba keu saŋep alöhanöŋ dop aukŋe jiget.

5 Juda ambazip tosatŋan Anutu göda qeba kantri könaŋi könaŋi suep bapŋe tat anjei, miangören denŋa anda mala Jerusalem lilingöba kageri, tosatŋi mewöŋi mewöyök sitinöŋ malget. 6 Mewö mala kouruk ketanji mi möta ambazip kambu gwötpukŋan kaŋgota tokoget. Tokoba kingetka mötnarip ambazipnöŋ keu murutŋi murutŋi jigeri, mi pakpak möta nanŋak nanŋak möt asariba miangöra aurumpurik aka köŋkuŋ aket.

7 Köŋkuŋ aka welipköba jiget, “Mötket! Azi ki keuŋi keuŋi jizei, yeŋön mönö körek Galili ambaziwa akze me? 8 Nini kantri murutŋi murutŋi miangören ahuba kota malinga yeŋön mönö denöwö aka malqarip kantrininangö dop keunini nanŋik nanŋik jigetka mötzin? 9 Nini Partia ambazip, Midia ambazip aka Elam ambazip ki kinjin. Nini tosatŋan Mesopotemia malin. Tosatŋan Judia malje aka tosatŋan Kapadosia gölmenöŋ malget. Ambazip tosatŋan Pontusgöra, tosatŋan Eisia prowinsgöra akzin aka yeŋön nanini keunine keu jigetka mötzin.

10 “Tosatŋan Frigia gölme mosöta ki kaba malje. Tosatŋan Pamfilia taon mosötket. Tosatŋan Ijpt kantrinöŋ malget. Tosatŋan Sairini gölme likepŋe Libia kantrinöŋ malget. Tosatŋi nini Rom sitiyök kusukŋanök ki kaba maljin.

11 Nini tosatŋan Juda ambazip ahuba maljin aka tosatŋan kantri tosatŋe ahuba könaŋep Juda ambazip ahin. Mewö kinjin aka yeŋön keu jigetka nini keunini mohot mohot mi ölöp möt kutuzin. Nengörenök tosatŋan gölme jölanŋi qetŋi Krit mosöta köwet kutuba kaget. Tosatŋan Arebia keu jize. Nini mewöŋan maljinmö, yeŋön söŋgaiba Anutunöŋ angöletot öngöŋgöŋi ahöhi, miengö könaŋi mi nanine keunöŋ nanŋik nanŋik jigetka mötzin.”

12 Mewö jiba körek yeŋön auruba lalalulu siksauk aka nanŋini kewö jim qesim anguget, “Kiangö könaŋi mönö denöwö?” Mewö qesim anguba keu jaruba tönpin kinget.

13 Tönpin kingetmö, tosatŋan mepaqepaik aka kewö jiget, “Yeŋön wain o nahömŋambuk gwötpuk nempa enölolöŋ akze.” Mewö.

Pitönöŋ Uŋa Töröŋanöŋ könaŋi jim asariyök.

14 Mewö jigetka Pitönöŋ aposol 11 yembuk mohotŋe wahöta kinda köhöikŋanök qeta ambazip kambu yeŋgöra kewö jii mötket, “Alaurup, Juda ambazip aka ambazip körek Jerusalem maljei, nöŋön yuai asuhuzawangö könaŋi jibi kezap ala mi mötket. 15 Inini tosatŋan neŋgöra kewö jize, ‘Yeŋön o köhöikŋi negetka uruŋinan enölolöŋ akza.’ Mewö mötmörizemö, neŋön mewö qahö akzin. Ki söŋangö 9 kilokŋi akza. Söŋan mi o nene nalöya qahö.

* 2:1: Lew 23.15-21; Dut 16.9-11 * 2:1: 50 mi Grik keunöŋ Pentekost.

16 Qahöpmö, kezapqetok azi Joelnöy Buña keu kewö jiyöhi, mianjön mönö öljambuk akza,

17 *Anutunöy jiza: Kembugö kaka nalöjan törimawi, nöjön nalö miangörej Uñani Töröni mokobiga ambazip körek yengö qakjine öngöma. Öngöba sölölohöba kutum enguasöriга kewö asuhuma:

Engö nahönböraturupjinan kezapqetok keunji keunji jimaknje.

Engö gwabö seramurupjinan jejini melejni imutnji imutnji ehaknje.

Engö ambazip namnji yenjön gaunji gaunji eknje.

18 Uñani Töröni mokomami, mi azi aka ambi weleni qeba malmei, yengö qakjine mewöyök öngöiga kezapqetok keu jimaknje.

19 Nöjön angöletot suepnöy albiga uget eu öngöiga eknje aka gölmenöy aiwesök mi kewö eknje:

Yuai sepnambuk, könöp öngöngöni aka köwak köndumjambuk mi asuhume.

20 Wehön jejnan pandaman meiga köijnöy pisihiba sep ewö aknja.

Mewö asuhuga miangö andöne Kembugörej nalö ketanja kam kunjuma.

Wehön mi aködamun aka qetbuñajambuk.

21 Denike yengörejök kunñan kun Kembugö qetnji qeta köulukömawi, yanjön mönö amöt qem wanjiiga letotma.' Joelnöy mewö ohoi ahöza.

22 "O Israel ambazip, injini mönö kezap ala keu ki mötket: Anutunöy Jisösgö malmal nalöne sölölohöm wanji mali angöletot, aiwesök aka aiaka ösum-mumunambuk mi engö sutjine gölmenöy auknje asuhuget. Injini mi ölop mötze. Anutunöy yuai mi asuhum wanjiba mewö mianjön Nazaret azi miangö könanji nanjöba jiba kondel engiba malök.

23 *Anutunöy mönöwök Jisösgö keunji qeljine jöhöba möt kutuba kewö jiyöha ahöza, 'Amötqeqe Toñan mönö pinjit azi yengö böröjine etma.'

Keu miangö dop Anutunöy Jisös qahö angön köli engö böröjine erök. Mewö eriga injini kömumapkö qetketka kian kantri gawman yenjön Mosesgörej Köna keu qahö möta töndup jim kutugetka böröjinan Jisös memba maripomnöy qeget kömuyök. Kömuyökmö, sepnjan mönö engö qakjine öngöyöha ahöza.

24 *Jisösnöy kömuyökmö, kömupkö kösö gwaröne eri kömup Toñan i jöhöba nalö köröpñi galöm köl wanjimangö osiyök. Mi Anutugörej qahö dop kölök. Miangöra yanjön i mem guliba kömupkö sihimböloñeyök meköiga wahörök.

25 *Kiñ Deiwidnöy Jisösgöra kewö jiyök ahöza,

'Nöjön garanjuruj aka talbilenbuköra Kembunöy böröni öljne malja.

Yanjön nalö dop qöhöröjne kini imut ewönöy eka maljal.

26-27 Mewö mala kömumam-mö, kömupkö urjem mire gebiga andö qahö nunjuman.

Göjön nangi wölböt azi saraknji tök-kutukutunji ni mönö meköm ninjinönga kömupkö lömnöy ahöba qahö gisahömam.

Miangöra urunan sösongai aiga numbu nesilamnan renduj liñet köla maljal. Silenan mewöyök guliba wahötmawangöra al mamböta jörömqröm aka luhut memba ahöma.

28 Göjön malmal köhöikjanjö könanji kondel ninjinönga möt kutumam.

Nöjön göhö jemesoholge pöndañ malbiga göjön uruni sösongainöy kokolak qeman.' Deiwidnöy Jisösgöra mewö jii ahöza.

* 2:17: Joel 2.28-32 * 2:23: Mat 27.35; Mak 15.24; Luk 23.33; Jon 19.18 * 2:24: Mat 28.5-6; Mak 16.6; Luk 24.5 * 2:25: Sum 16.8-11

²⁹ “O alaurupni! Pitö nöhön bem ambönini kiñ Deiwidkö könañi mi awösamakak qakñe aukñe kewö jim asarimam: Deiwidnöñ kömuiga löm kölgetka qaksirinjan merak sutnine ki ahöza. ³⁰*Deiwidnöñ kezapqetok azia aka malöhañön kewö mörök: Anutunöñ gwölönarökurupñi yengörejök kun möwölöhöba kungui nanñi ewö azi kembangö dum tatatñe tatma. Anutunöñ keu mi jöhöba jöjöpañ keunöñ jim köhöiba malök. ³¹ Kunñan tatmawi, mi qeljiñe eka mörök. Amötqeqe Tonji Kraist yañön kömupnöhök wahötmawi, Deiwidnöñ mi möta kewö jiyök, ‘Kraistnöñ mala kömumapmö, kömupkö uñem mire geiga Anutunöñ i andö kude qei ahöma.

Yangö silenji mi kude mosöri qamötñan kömupkö lömnöñ qahö gisahöma.’
³² Anutunöñ Jisös mem gulii wahöriga mewö mianñön keu mi öljambuk ahök. Nini körek mi je kötninan eka nangöba jiba dangunu ewö kinjin. ³³ Jisösnöñ wahöta mala Anutunöñ wangiri öngöba böröñi öñje tatza. Miangörej tata Iwinöñ Uña Töröñ melaimapkö jim jöhöyöhi, yañön (promis) mi möta i mokoi eriga öñji merak ki asuhui eka mötze. ³⁴*Deiwidnöñ Suepnöñ kude öngöyök. Yañön nanñak keu kewö jii ahöza, ‘Anutunöñ Suep miri uruñe nani Kembunangöra kewö jim kutui mörök: Göñön mönö kaba böröni öñje asakmararanñ kiangörej eta tata malman.

³⁵ Mewö tata malnönga nöñön nalö sutñe kiangörej tuarenjoñurupki tim tötala luhut al engimam.

Luhut al engibiga yehön tala geba sihimbölö möta sahöta köna döp ewö akñe. Mewö aketka göñön ölöp wahöta yengö qakñine tiba söngaiba malman.’

³⁶ “O Israel ambazip, injini Jisös maripomnöñ qegetka kömuyökmö, Anutunöñ Jisös mi kunguiga Kembu aka Amötqeqe Tonji Kraist ak nengiba malja. Israel kambu pakpak injini mönö miangö könañi möt yaköme.”

³⁷ Pitönöñ mewö jiiga ambazip kambunöñ möta uruñini qesinñi Pitö aka aposol tosatñi yengöra kewö jiget, “Azi alaurup, nini mönö dendenöwö ahin dop kölma?”

³⁸ Jigetka Pitönöñ kewö jii mötket, “Injini mönö uruñini melenget. Mohot mohot uruñini melengerangö dop neñön mönö Jisös Kraistkö qetñe o mem melun mem engibin. Mi engiinga Anutunöñ singisöndokñini sanjonða mosöta Uña Töröñ kalemñi mi buña qem engima. ³⁹ Anutunöñ Uña mi engimangö jim jöhöyöhi, keu mi mönö nanñini aka engö gwölönarökurupñini engöra aka jiyök. Engöra aka tosatñi köröwen mal angetka Anutu Kembuninan engoholmawi, yañön jöhöjöhö keu (promis) mi mönö körek engöra aka mewöyök jiba jöhöi ahöza.”

⁴⁰ Pitönöñ mewö jiba toroqeba gambanñ keu tosatñi gwötpuk mianñön uruñini kunguba kewö jiyök, “Ambazip misimkaulup ki gölmenöñ maljei, Anutunöñ mi amöt qem engiiga letotmegö mötza. Yembuk sihimbölö miwikñabepuköra mönö uruñini melenða ambazip gonñonji mi jabö ala engömosötme.” ⁴¹ Pitönöñ mewö jiiga ambazip jesöngöñan keunji möt angön kölgetka o melun mem engiget. Mi mem engigetka könagesöñine toroqetgetka jañgöñinan wehön miangörejök 3000 miangö dop qariyök. Mewö.

Mötnarip yehön uru jöhöm anguba malget.

* 2:30: Sum 132.11; 2 Sml 7.12-13 * 2:34: Sum 110.1

⁴² Urunjini melenjeri, yeñon urumohok aka urunöñ jöhöm anğuba nalö dop anğeka tokogetka aposol yeñon Buña keu kusum enğigetka beret mindipkoba nempa köuluk nup memba malget. Pöndañ malmal mewöñj malget.

⁴³ Mewö kinda Anutuğö qetñan bölipapuköra jönöm undu-undu aka malget. Mewö malgetka Anutunöñ sölölohöm enğiiga aposol yeñon jitje memenjini aka nup megetka anğöletot aiwesök murutñi murutñi asuhuget. ⁴⁴ *Anutu möt narigeri, yeñon körek malmalñini mohotje mala sukinap (ainemaluku) yuainjini pakpak mindiriba mohotje memba malget.

⁴⁵ Mewö memba mala gölme sukinap yuainjini bohonñi memegöra algetka söngöröñi enğiget kayöhi, mi sutñine mözöqözöröñ aka osigeranğö dop menden anğuba malget. ⁴⁶ Mewö mindiriba mala qösösök (qörörök) urumohot aka nalö dop jöwöwöl jikenöñ tokomalget. Beret mi mirinñini dop mindipkoba nempalget aka numbu nenenjini mi geñmoñini qahö sösongai qakñe tata nempalget. ⁴⁷ Aiakanjini mewö aka Anutu möpöseiba malgetka ambazip pakpak yeñon i engek soriba malget. Engek soriba malgetka kamburñinan qarüiga Kembunöñ nalö dop ambazip tosatñi uru melen enğiiga letota mindimindiri areñine toroqetget. Mewö.

3

Pitönöñ lokon azi kun mem ölöwahök.

¹ Juda yeñon mare dop 3 kilok köuluközema. Mare kunöñ Pitö Jon yetkön köuluk nalö miangören jöwöwöl jikenöñ öngöyohot. ² Öngöyohotka miangören azi kun nam körö uruñeyök lokon asuhaba tat malöhi, mi anğuba kaba jöwöwöl jikegö kiripo nanğuje alget. Alaurupñan silim dop kaba kululunöñ anğuba kiripo nanğu qetñi Nanğu Eksihimñambuk qetkeri, miangören alget tarök. Tata ambazip jikenöñ öngögeri, yeñon moner kalem wanğimegöra ulet enğiba malök.

³ Mewö algetka tari Pitö Jon yetkön jöwöwöl jikenöñ öngöbitkö ahotka etkeka i mewöñanök kalemğö ulet etkiyök. ⁴ Ulet etkiiga jemesoholñi uba eka Pitönöñ kewö jii mörök, “Mönö niri netkeknöñ!”

⁵ Mewö jii möta je kumusulñi qahö etkehiba yuai kun böröñjireyök niñgimahotkö mambörök. ⁶ Etkehiga Pitönöñ jiyök, “Nöngören silwö me goul moner qahö ahözapmö, nöngören yuai kun ahözawi, mi ölop gihimam: Gi mönö Nazaret azi Jisös, Amötqeqe Tonji Kraistkö qetñe wahöta anman!”

⁷ Mewö jiba böröñi ölje memba kököbihiiga wahörök. Wahöriga kónañi aka gwaköt sihitñi mönö miangörenök köhöiget. ⁸ Köhöigetka wahöta luhuba yetpuk jöwöwöl jikenöñ öngöba miangören anda kaba serenşeren unduba Anutu möpöseiyök. ⁹ Mewö anda kaba Anutu möpöseim wanğiiga ambazip kambu pakpak yeñon mi eket. ¹⁰ Mi eka kewö jiget, “Azi ki kalem wanğimegöra jikegö kiripo Nanğu Eksihimñambukö kösutñe tata uleta malöhi, mönö mia.” Mewö jiba möt wanğiba “Silenje wani yuaia asuhuzapto?” jiba auruba nemböñini teköi welipköget. Mewö.

Pitönöñ jöwöwöl jikenöñ Buña keu jii mötket.

¹¹ Welipkögetka ulet azi mianjön sundan Pitö Jon yetpuk mohotje anda kaiga ambazip kambu körek pakpak yeñon ösumñinan kösutñine kaba jöwöwöl jikegö tohon uruñe öngöba kin Solomongö sombem söranñambukñöñ tokoba kinda ehiget.

* 2:44: Apo 4.32-35

¹² Mewö ehigetka Pitönöy engeka kónahiba kewö jii mötket, “O Israel alaurupni, injini mönö wanigöra yuai ki eka auruze? Wanigöra niri uba netkehize? Azi kianjón ölöwaka kóna anda kazawî, mi mönö netkö ösumnöy me Anutugö Bujaŋe pitirik maljiraŋgöra aka qahö. Mewö kude mötmörime.

¹³ *Nanine ambösakonini Abraham, Aisak aka Jeikob yengö bem Anutunöy mönö Nahönji Jisös asakmarararŋ wangiiga jitnememenji öngöngöŋi ahiga ölni asuhuiga ekze. Injini Jisös mi memba galöm yengö böröjine algetka premiö Pailötnöy pösatmamgö keuŋji jöhöba jiyökmö, eŋön Jisös mi yangö jeŋe qaŋ köla andö qem waŋgiget.

¹⁴ *Injini azi diŋdiŋi aka sarakŋi mi andö qem waŋgiba azi qeŋe azi kun pösatmapkö kapan köla qeta qesiget. ¹⁵ Mewö qeta qesiba mewö mianjón malmalgö Toŋan kömumapkö keuŋji jigetka kömuyök. Kömuyökmö, Anutunöy i mem guliiga kömupnöhök wahörök. Netkón mi neninan eka nangöba jiba yangö dangunu ewö kinjin. ¹⁶ Mewö kinda Jisösgö qetŋi möt narim waŋgiba maljit. Azi ki eka möt waŋgizei, mi mönö qet miangö ösumŋan mem köhöiiga kinja. Jisösnöy sölölohöm netkii mötnaripniran asuhui miangö qakŋe kinda jim kutuziga kóna gwakötŋan ölöwak teköiga injini körek mi ekze.

¹⁷ “O alaurupni! Jisös kömumamgö kapan kölgeri, eŋön mi mönö gukmaulem qakŋe aket, mi mötza. Nanjini aka galömurupŋinan mewöyök yuai ak waŋgigeri, miangö könaŋi kude möt kutuba laŋ aket. ¹⁸ Mewö aketmö, miangö likepŋi Anutunöy kewö ahök: Anutunöy keuŋji mönöwök kezapqetok ambazipurupŋi pakpak yengö jitŋine aliga qeljiŋe kewö jiba ohoget, ‘Anutugö Amötqeqe Toŋi Kraistnöy mönö sihimbölä mötma.’ Miangöra injini mewö aketka Anutugö keu mianjón mönö mewö ölnambuk ahök. ¹⁹ Miangöra mönö uruŋjini melenŋa Anutugöreŋ liliŋgöba kagetka ŋiŋsiöndokŋjini kutuba ŋaŋoŋma.

²⁰ “Anutunöy oyaenköyaen Toŋi akza. Injini öne laŋ malbepuköra Anutunöy Jisös qeljiŋe möwölöhöyök. Miangöra injini mönö uruŋjini melenŋetka Amötqeqe Toŋi Kraist melaiiga enŋöreŋ kaiga yambuk qekötahögetka malmalŋinan guliiga oyaenköyaen nalöŋinan kam kunguma. ²¹ Anutunöy möpŋaŋö möpŋe kónahiba keuŋji kezapqetok ambazipurupŋi tök-kutukutuŋji pakpak yengö jitŋine aliga qeljiŋe kewö jiba malget,

‘Anutunöy Amötqeqe Toŋi aŋgön köla waŋgii Suep mire tata mali yuai pakpak kunbuk areŋgöba kölöŋjaimawi, mönö nalö miangöreŋök melaiiga Suep mosöta etma.’

Jisösnöy keu miangö dop eta nenŋöreŋ kayök.

²² *Mosesnöy kewö jii mötket,

‘Kembu Anutunöy Juda kambu enŋö sutŋineyök kezapqetok azi kun mem guliiga wahöta Moses ni ewö akŋa.

Yaŋön ipŋjina kinda enŋöra keu jimawi, mönö mi pakpak kezap ala möta tem köla malme!

²³ *Kunŋan kun kezapqetok azi miangö keuŋji qahö tem kölmawi, Anutugö könages eŋön mönö yangö keuŋji jim teköba ayuhum wangime.’

²⁴ Kezapqetok ambazip Samuelgöreŋök kónahiba kota keu jigeri, mienjón mönö körekmakörek mewöyök kezapqetok keu nalö kewöŋe ölnambuk akzawi, mia qeljiŋe jiba malget. ²⁵ *Anutunöy ambösakonurupnini yembuk jöhöjöhö areŋi aka Abrahamgöra kewö jii mörök,

* **3:13:** Eks 3.15 * **3:14:** Mat 27.15-23; Mak 15.6-14; Luk 23.13-23; Jon 19.12-15 * **3:22:** Dut 18.15, 18 * **3:23:** Dut 18.19 * **3:25:** Jen 22.18

‘Göhö gwölönarökurupki yengörenök kunñan ahuba wahötmawi, Anutu nöñön mönö yanğora aka gölmegö ambazip kambunji kambunji pakpak kötuetsköm enğibi oyaenköyaen akne.’

Anutunöñ jöhöjöhö keunji indeli kezapqetok ambazipnöñ mi toroqeba jim köhöiba malgeri, mi mönö enğora aka ali ahöza. ²⁶ Anutunöñ Nahönñji mem gulii wahöri kötuetsköm enğimapköra melaiğa mutuhök enğören erök. Mianğora mönö dölki urunjni melenđa nanñik nanñik malmalnjanğö köna bölönji andö qeme. Mewö aka oyaenköyaen akne.” Mewö jiyök.

4

Pitö Jon yetkön jike kaunsöl kambunöñ kinohot.

¹ Pitö Jon yetkön ambazip kambu yanğora keu mewö jiyohotka jike nup galöm yeñön, jikegö kiripo galöm bohonñan aka Sadyusi (Jike nupkö kapankölköl) yeñön wahöta jeñire kanğotket. ² Gwarekyahötñan ambazip kambu kusum enğiba kewö jiyohot, “Jisösnöñ kömupnöñök wahörök. Mianğö dop kömuger, yeñön mewöñanök guliba wahötme.” Mewö jiyohotka urunjni bölüiga yetkören kanğotket. ³ Kanğota etkömembra miri söñauyöhanğora aka kösö mire al etkiba jiget, “Miri gianjiğun keu jakenje al etkibin.”

⁴ Mewö jigetmö, Buña keunji mötkeri, yengörenök jesöngöñan urunjni melenđa Jisös möt nariget. Möt narigeri, yanğö jangöñinan qariğa 5000:gö dop aka malget.

⁵ Miri gianjiğa galömkölköl aziurupñini, Juda yanğö jitre memeurupñini aka Köna keugö böhi yeñön Jerusalem tokoget. ⁶ Tokoba jike nup galöm bohonñi qetñi Anas yanğön sutñine tarök. Mewöyök Kaiafas, Jon, Aleksander aka jike nup galöm bohonñanğö saiwaurupñi tosatñi pakpak mi mohotje tatket. ⁷ Tatketka Pitö Jon etkuanğita jeñine al etkiget kinohotka kewö qesim etkiget, “Etkön mönö denöwö ahot? Dagö qetñi qerohotka ösumñi etkualöñni letörök?”

⁸ Qesim etkigetka Uña Töröñan Pitögö urunji kokolak qei kindu kewö jii mötket, “Kantrigö galömkölköl azi aka jitre memeurupñini, mötket! ⁹ Niri lokon azi denöwö alabauk ak wanğiziga könañi guliba ölöwahök, merak mewö qesim netkize. ¹⁰ Mianğora mianğö likeñji mi ölop jibiga inñi aka Israel ambazip könağesö pakpak mötme. Eñön Nazaret azi Jisös, Amötqeqe Tonini maripomnöñ qegetmö, Anutunöñ i mem gulii kömupnöñök wahörök. Jisös qetñanğö ösumñan mönö azi ki möhamğöiga enğö jeñine ölöwaka kinja. ¹¹ *Keu kun kewö,

‘Miri meme azinöñ köt tandö kun andö qeba mosötketmö,

Anutunöñ mi aliga ain tandö kömbönañi bohonñi akza.’

Ain tandö bohonñi mi Jisös.

¹² “Jisös mohotnöñ mönö amöt qem nenğiza. Qet kun köuluköinga mi osimemö, Jisösgö qetñan mönö dop kölja. Anutunöñ qet kun Suepkö bapñe qahö nenğiğa ahöza. Qahö! Qet mohot mi qeta letota Suepkö buñaya akin.”

¹³ Mewö jim teköiga tandökñiri eka kewö jiget, “Azi yahöt kietkön mötmöt mire qahö öngöba töndup keu köhöikñi köhöikñi jiba awösamkakak kindu suahö ewö akzahot.” Mewö jiba köñkuñ aka welipköba könañiri möt kutuba jiget, “Alakña! Azi yahöt mietkön mönö Jisösbuk mala letorohot.”

¹⁴ Könañiri möt kutuba jiba lokon azinöñ ölöwaka yetpuk kinöhi, mi eka

* 4:11: Sum 118.22

keunjiri qeapköbingö osiget. ¹⁵ Mi osiba jike kaunsöl kambu engömosöta yaigep gemahotkö jim kutuget geyohotka nanñinök keu jaruba goro aket.

¹⁶ Goro aka jiget, “Nini azi yahöt ki mönö denöwö ak etkibinto? Yetkön jim kutuyohotka angöletot qainñi kun asuhuyöhi, mi Jerusalem körek pakpak yeñön möt teköze aka nini mi mewöyök qaj kölböngö osizin. ¹⁷ Mi osizimmö, miangö keunji ambazip sutñine kunbuk sehiba anbakuköra mönö ölop kewö jim kutum etkiinga dop kölma, ‘Injiri mönö Jisösgö qetnöh keu kunbuk kude jimahot.’ Mewö jiba köhöikñanök jim qetal etkiinga sörauyohotka kunñan kun mi qahö möri teköma.”

¹⁸ Mewö jim jöhöba etkoholget öngöyohotka kewö jim kutum etiket, “Injiri mönö Jisösgö qetnöh keu kun kude toroqeba jiba ambazip kusum engimahot.” Mewö jiba sonjo köhöikñi al etiket. ¹⁹ Mewö jim kutum etiketmö, Pitö Jon yetkön melenja kewö jiyohot, “Netkön engö jimkutukutuñini tem kölbötköra Anutugörej keu memba et aljiga omanji akapuk. Mi Anutugö jemesoholñe dop kölja me qahöwi, mi mönö nanñinak kewöta jiba jöhöme! ²⁰ Mewö me mewö jiba jöhöbeakmö, netkön yuai eka möriri, mi köyatiba keu bök malbirangö dop qahö.”

²¹ Mewö jiyohot mötketka ambazip körekñan angöletot asuhuyöhi, miangöra Anutu möpöseiget. Mewö möpöseigerangöra aka “Likepñi denöwö ak etkibinak?” jiba köna kun qahö miwikñaiget. Qahö miwikñaiaba galöm meme keu köhöiba jim etkiba etkömosötketka erohot. ²² Angöletot asuhuiga lokon azi ölöwahöhi, mi (yara) yambunji 40 lök ongita malök. Miangöra mönö Anutu gwötpuk möpöseiba malget. Mewö.

Mötnarij yeñön köuluköba kin köhöiget.

²³ Jike nup galöm bohonñi aka jitñememe yeñön Pitö Jon galöm meme keu jim etkiba etkömosötketka nanñiri alaurupñiri yeñögörej lilingöba anohot. Anda keu pakpak jigeri, mi jiyohotka mötket. ²⁴ *Mi jiyohotka möta urumohot aka urunñini qezaköba jölnjini memba wahöta Anutu kewö köuluköm wanñiget, “O Kembu öngöngöñi ketanji, göñön Suep, gölme, köwet aka yuai pakpak miengörej ahözawi, mi miwikñaim engiba Tonjina akzan. ²⁵ *Göñön mönöwök nangi Uña Töröñi melainöh eta nup azigi Deiwid, neñgö ambönini yanö numbuñe keugi ali göhö jitki memba kewö jiyök, ‘Urumelengö kopa yeñön mönö wuanöngöra göjunji göjunji memakze? Kantrñi kantrñi yeñön mönö denöwögöra aka mötmöt omanji omanji mötmörimakze?’

²⁶ Gölmegö kin kembunji kembunji yeñön gölmeñinanöngö dop wahörakze. Pom jembonñi jembonñi yeñön mindiriba tokomakze. Mewö qeburunj yöhöhi Kembu aka yanö Amötqeqe Tonji qetal etkimakze.’

²⁷ *Ölja, keu miangö dop siti kiangörej asuhuyök. Gi Nahöngi Töröñi Jisös kungunöñge Amötqeqe Tonina akza. Yanöñ asuhuiga azi kembu yahöt Herod aka Pontius Pailöt yetkön Rom gawman galöm aka nanine Israel isikurupnini yembuk mindiriba totoko ala tuarenjon ak wanñiget. ²⁸ Gi nangak ösumgi aka jitkahö dop yanögöra yuai asuhumapkö keunji jiba qeljine jöhöba arengönöh. Yeñön yuai mi ak wanñigetka keu areñ pakpak mi mewö öljambuk ahök.

²⁹ *O Kembu, nini gi welen qem gihiinga merak galöm meme keu nenjizei, gi mönö mi eka nanöñm nenjinöñga ölop göhö Buja keugi suahö ewö

* 4:24: Eks 20.11; Neh 9.6; Sum 146.6

* 4:25: Sum 2.1-2

* 4:27: Mat 27.1-2; Mak 15.1; Luk

23.1, 7-11; Jon 18.28-29

awösamkakak kinda jiba malbin. ³⁰ Göñön mönö börögi surunönga kawöl ambazip mi Nahöngi Töröñi Jisösgö qet ösumñe ölwakñe aka anğöletot aiwesök murutñi murutñi asuhumakñe. Keu mi ölna.”

³¹ Mewö köulukögetka miri tokoba tatkeri, gölme mi memenjaliba utuköiga Uña Töröñan körek pakpak uruñini kokolak qeiga anda suahö ewö awösamkakak kinda Anutugö Buña keu jiba malget. Mewö.

Mötnarip ambazipnöñ uru jöhöm anğuget.

³² *Urumelen kambu ketanji yeñön urumohot aka mötmöt mohot aka malget. Yuai pakpak ahöm enğiyöhi, mi göhöreñök me nöngöreñök, mewö qahö jigetmö, yuai pakpakñini mi mutulangöba mohot aiga malget. ³³ Mewö malgetka Anutugö ösumñan enğualöñniga köhöigetka aposol yeñön jitñini memba dangunu ewö kinda Kembu Jisösnöñ kömupnöñök guliba wahöröhi, keu mi nanğöba jiba malget. Mewö malgetka Anutunöñ kalem möriamñi ketanji mokom enğiiga ambazipnöñ göda qem enğiget. ³⁴ Mewö malgetka mianğö dop sutñine kunñan yuai kungöra qahö mözöröngöba osiba malök. Körek pakpak nene nupñi nupñi aka mirinji mirinji miengö tonji akeri, yeñön mi bohonñi memegöra alget. Mewö algetka söñgöröñi monen kaiga mi memba kaget. ³⁵ Memba kaba aposol yeñö böröñine algetka körek pakpak mözöröngöba osigeranğö dop mi sutñine mendenđa enğiba malget.

³⁶ Azi kun qetñi Josef, aposol yeñön qetñi Barnabas qetkeri, mi nanine keunöñ: Uru nanğönanğö azi, yañön gölme jölanñi qetñi Sairpus mianğöreñ asuhuba qariba jike nup azia (Liwait) malök. ³⁷ Yañön mewöyök nene nup gölmenji bohonñi memegöra ali monen kaiga söñgöröñi mi memba aposol yeñöreñ kaba böröñine alök. Mewö.

5

Ananias Safaira yetköreñ tilipqilip

¹ Mewö aka malgetmö, azi kun qetñi Ananias anömñi qetñi Safaira yetkön nup gölmenjiranğö bahöñi bohonñi memegöra alohot. ² Alohotka söñgöröñi kaiga azinöñ monen bahöñi nanñanğöra anğön köla asamböri anömñan mi möt teköi bahöñi kun memba kaba aposol yeñö böröñine alök.

³ Böröñine alökmö, Pitönöñ kewö jiyök, “O Ananias, gi mönö wuanöngöra Satan qahö qetalnönga urugi kokolak qeza? Yañön urugi kokolak qeiga göñön esapköba Uña Töröñi isimkakalek ak wanğiba nup gölmegö monen bahöñi anğön köla asambötzan? ⁴ Gi mianğö tonji aknöñi, nalö mianğöreñ mi nangi buñaya ahök me? Aiga nup gölmegi bohonñi megetka söñgöröñi kayöhi, monen mi mönö göhö buñaya ahök me? Gi mönö wuanöngöra urugan keu jöhöba yuai ki akzan? Gi munen jiba mewö mianñon ambazip qahö tilipköm nenğizanmö, Anutu nanñi mönö tilipköm wanğizan!”

⁵ Mewö jüga keu mi möt sasauba tala gölmenöñ geba kömuyök. Mewö kömuiga ambazip pakpak mianğö buzupñi möta sömbu mötmöt ketanji aket. ⁶ Kömuiga azi gwabö yeñön kota qamötñi memba esuhuba anğuba anda löm kölget.

⁷ Aua karöbut teköiga anömñan yuai asuhuyöhi, mi qahö möta kayök.

⁸ Kaiga Pitönöñ anömñi Safaira kewö qesim wanğiyök, “Injiri nup meme gölmenjiri bahöñi bohonñi memegöra alohotka monen kayöhi, mi mianğö dop me qahö? Mi jinönga mötpi!”

* 4:32: Apo 2.44-45

Qesim wanjiiga kewö melenök, “Monej mi ölna miangö dop kayök.”

⁹ Mewö melenniga jim wanjiyök, “Injiri mönö wuanöngöra urumohok aka Kembugö Uña Töröni tilipkôm wanjizahot? Mötnöj, apkan kömuiga azinöj memba anda löm köljei, yejön mönö nanju ki dopdowigetka kouruknj mötzan. Yejön gi mewöyök esuhuba anjum gihiba anme.” ¹⁰ Mewö jiiga miangöreñök tala Pitögö könañe geba kömuyök. Kömuiga azi gwabö yejön kota qamötñi miwikñaiba memba anguba anda apñangö qöhöröñe löm kölget. ¹¹ Löm kölgetka urumelenj kambu jömukñi yejön möta awöwöligetka buzupñi sehiiga körek pakpak mötketka sömbu mötmöt ketanj aket. Mewö.

Aposol yejön ambazip gwötpuk mem ölöwak engiget.

¹² Mewö aketka Anutugö kukösumñan aposol inahöm engiiga nup memba böröñini ambazip qakñine algetka Anütunöj aiwesök angöletot meiga sutñine gwötpuk asuhuget. Ambazip Jisös möt narigeri, körek yejön jöwöwöl jikegö tohoñ uruñe öngöba kin Solomongö sombem söranñambukñöj tokoba kambu mohot aka malget.

¹³ Mewö tokoba malgetka ambazip tosatñan kengetñini möta zirinñirinj aketka kunñan totoköñine qahö öngöyök. Mewö qahöpmö, ambazip kambu yejön göda gwötpuk qem engiba malget. ¹⁴ Mewö tokoba malgetmö, töndup ambazip sehisehiñi yejön kambuñini toroqem engiba malget. Azi aka ambi kambuñi kambuñi yejön Jisös möt nariba uruñini melengetka kambuñinan qariba sehiyök. ¹⁵ Aposol yejön nup mewö megetka ambazip sehisehiñan ölöwaket. Mewö ölöwakerangöra aka tosatñan kawöl ambazip enguangita kululu köla anguba köna göreñe mewöyök dum möhamgöba möki tumbula miangöreñ al engiba kewö jiget, “Pitönöj kaba nenngöñitmawi, imutimutñan mönö nalö miangöreñ yeñgöreñök kungö qakñe öngöi ölöwakawak!”

¹⁶ Mewöyök taon aka miri Jerusalem siti liliköba tat anjei, miengöreñök ambazip kambu gwötpukñan öröba kaget. Mewö kaba ambazip kawöl engöhöyöhi aka ömenöj töñöt memba* kölköljinñij ak engigeri, mi enguangita kaba kangotket. Kangotketka körek yejön ölöwaket. Mewö.

Garatanöj aposol kösö mireyök enguangiri etket.

¹⁷ Mewö aka malgetka jike nup galöm bohonñan aka yangö sungurumurupñi Sadyusi (jike nupkö kapankölköl) pati nangöm wanjigeri, körek yeñgö irimñini seholiiga urupik aket. ¹⁸ Urupik aka aposol engöm memba jöhöba gawmangö kösö mire al engiget. ¹⁹ Al engigetmö, sunjem miangöreñ ahögetka Kembugöreñ garata kunöj kösö miri nanjuñi öröba enguangita yaigep eta kewö jiyök, ²⁰ “Mötket! Injini mönö anda jöwöwöl jikenöj öngöba ambazip jeniñe kinda malmal dölökñangö könañi pakpak aukñe jigetka mötme.”

²¹ Mewö jii möta miri gianjiiga jöwöwöl jikenöj öngöba kinda Buña keu kusum engiget. Mewö kinda kusum engigetka jike nup galöm bohonñi aka alaurupñan nangöm wanjigeri, yejön angota jike kaunsöl kambu aka Israel jitñememurup köi öröm engigetka mohotñe tokoget. Tokoba kinda opotöröp tosatñi aposol enguangitpingö melaim engigetka kösö mire anget. ²² Angetmö, i miangöreñ qahö miwikñaim engiba öne lilingöba kösohotñini kewö alget, ²³ “Nini ölna kösö mire angota nanjuñi köhöikñi kötökñi kölget kini wahip azinöj nanjunöj kingetka ehin. Mi ehinmö, nanjuñi öröba öngöba miangöreñ azi kun qahö miwikñaizin.”

* **5:16:** Töñöt mi kewö: Ömenöj numbuñi möwöngöiga keu böc malja.

24 Mewö jigetka jikegö kiripo galöm bohonji aka jike nup galöm bohonji yeñon keu mi möta urunji lalalulu siksauk aiga jiget, “Oponj! Merak mewö asuhuba kōnanjep kunbuk supapkōiga denöwō akapuk!” 25 Mewö jigetka kunnjan kota kewö jii mötket, “Mötket, azi kösö mire al enggigeri, yeñon mönō jöwöwöl jikenöñ kinda ambazip Buja keu kusum engize!” 26 Mewö jii mötketka jikegö kiripo galöm bohonjan opotöröñ engömeiga anget. Anda “Ambazipnöñ köt gila neñgubepuk!” jiba keñgötñini möta lolonjanök jöwöwöl jikenöñ öñgöba aposol enguanjita kaget.

27 Mewö enguanjita kaba jike kaunsöl kambu yeñgö jeñine alget kingetka jike nup galöm bohonjan kewö qesim engiyök, 28* “Inini Jisösgö qetnje keu kun kude kusum engime! Neñon mewö jiba sonjo köhöikñi al engiinmö, keu miangö öñjan mönō denöwō asuhuyök? Enñon mönō toroqeba kusum engiba mala Jerusalem siti ki Jisösgö keunöñ kokolak qegetka maljin. Aiga azi miangöñ kömumba sepñi mokoiga enñon neñgöra kewö jimakze, ‘Yanö keunjan mönō Juda neñgö qakñine öñgöyöha ahöza.’”

29 Mewö jiyökmö, Pitö aka aposol tosatñan kewö melenget, “Neñon ambazip engö jimkutukutuñini tem kölbingsöra aka Anutugöreñ keu andö qeinga qahö dop köлма. Qahö! 30 Anutunöñ nanine ambösakonurupñinanö bennjina akza. Inini Jisös ip kembangan möndöba qegetka kömuyökmö, Anutunöñ i mem gulli wahörök. 31 Anutunöñ i mem guliba wangita öñgöi nanñi böörñi öñje ali tatza. Euyangöreñ tari Anutunöñ singisöndokñini mosöt neñgimangöra kunñui Pom Kembunini aka Amötqeqe Tonini akza. Mewö aka Israel kōnagesö urumelen ak neñgimangö mötza. 32 Nini yuai mi eka keu pakpak mi nanöba jiba dangununji aka kinjin. Uña Töröñan mewöyök keu mi nanöba jimakza. Anutunöñ Uña Töröñi ambazip jitñi tem kölb wangimakzei, mönō yeñgö urunje ala buja qem engiza.”

33 Pitönöñ keu mewö jiiga jike kaunsöl kambu yeñon mötketka urunji sounöñ qesinqesinq ewö qesinqök. Qesinqiga urunji könöp jeiga aposol enguget kömumegö mötket. Mewö.

Gamalielnöñ alaurupñi jim mölöwörim engiyök.

34 Mewö mötketmö, Farisi (Kōna keugö kapankölköl) azi kun qetñi Gamaliel yanöñ jike kaunsöl kambu yeñgö sutñine tarök. Yanöñ Kōna keugö böhi azia mali ambazip pakpak göda qem wangigetka jitñememenjina ahök. Mewö aka wahöta aposol enguanjitetka yaigepñe geba borom kun mambötmeğöra jim kutuyök.

35 Mewö jim kutui gegetka jitñememe alaurupñi kewö jii mötket, “Israel aziurup, inini azi ki denöwō ak engibeak, miangöra mönō ölöpñanök galöm mem anjume. 36 Mutuk emune azi kun qetñi Teudas yanöñ wahöta ‘Nöñon ketanjamñina akzal,’ jiiga merak (yara) yambu tosatñi teköi maljin. Teudasnöñ mewö jiiga azi 400:gö dop yambuk öröröñ jöhöba mindiriba malgetmö, kunnjan qei kömui tosatñan aziurupñi imbi kölb wangigeri, mi kunjum engigetka buratigetka qeburunjan pömsöm qeba qahöwahök.

37 “Yanöñ andöñe Galili azi kun qetñi Judas asuhuyök. Yanöñ takis memegöra ambazip qetñini ohoba arengögeri, nalö miangöreñ asuhuyök. Asuhuba ambazip mölöwörim engiiga karim akñegöra sunjurum alabaukurupñi aket. Mewö aketmö, i mewöyök qegetka kömuyök aka tosatñan sunjurumurupñi imbi kölb wangigeri, mi kunjum engigetka buratiget. 38 Mewö

* 5:28: Mat 27.25

aiga nõhõn kewõ jibi mõtket: Injini mõnõ azi kiengõ silejine yuai laj kude akne. Yeñõn nup ki megetka qeburun ahuzawi, mi gölme ambazipkõ mötmõt arenjineyök ahuza ewõ, mi mõnõ sohoba pömsöm qeba qahõwakña. Miangõra i mõnõ engõmosõtketka etme. ³⁹ Mi qahõwakña pmõ, Anutugõ mötmõt arenjinhök ahubawak ewõ, eñõn mõnõ qeburun mi jöhõbingõ osime. Injini Anutu nanji qetala tuarenjõ ak wangõba malbepuk. Nanjnini kõnanjini mewõ miwikñaibepukõra mõnõ galõmjini mem angumel!”

⁴⁰ Gamalielnõj mewõ jiiga goro keunji angõn kõla wuatangõget. Mi wuatangõba aposol engoholget kotketka opotõrõpkõra jigetka raukapan (raurapan) mem engiget. Raukapan mem engigetka jike kaunsõl kambu yeñõn aposol mi Jisõsgõ qetne keu kun toroqeba jibepukõ sonjo kõhöikni al engiba “Eta anme,” jiget.

⁴¹ Mewõ jigetka jike kaunsõl kambu mosõta anget. Kõnanõj anda kewõ jiget, “Jisõsgõ qetkõra aka qetbujanini mewõ mem sohozei, mi Anutunõj mötza. Yanõn nini sihibölõ mewõni mötpinangõ dop möta nengehiga ölop dop kõlja.” Mewõ jiba urunjan miangõra ölöwahiga sõngaiget. ⁴² Sõngaiba nup toroqeba memba silim dop jöwõwõl jikenõj õngõget aka mirinj mirinj miangõrenj anda Buja keu kusum engiba malget. Jisõsnõj Amõtqeqe Tonj Kraist akzawi, yeñõn miangõ Ölöwak Bujanj jiba mianjõn ambazip urunjini kunjuba malget. Mewõ.

6

Nupbauk azi (dikon) 7 mekõm engiget.

¹ Gwarek jañgõnjan qariba õngõiga Juda ambazip kambu yahõt aka malget. Tosatjan kantri tosatneyök kaba Grik keu jiget aka tosatjan nanjine gölmenjine mala kota Arameik aka Hibu keu jiget. Mewõ malgetka nalõ miangõrenj goranora (noragora) asuhuyök. Grik keu jigeri, yeñõn kewõ jigetka böliyök, “Aposol yeñõn nalõ dop nene inap mendenj nenjimakzemõ, Grik keu ambi malõ nenjõ nene inap bahõni mi bahõsapsap nenjimakze. Örõrõj qahõ misigetka qahõ dop kõlja.”

² Mewõ jigerangõra aka aposol 12 yeñõn gwarek kambu kõl örõm engiget tokogetka kewõ jiget, “Neñõn silegõ nup memba nene mendenja engiba Anutugõ Buja nupkõra nalõnini ölop qahõ dop kõli urugõ nupninan etpapuk. Mi kude dop kõlja. ³ Mewõgõra alaurupnini, mõtket! Eñõn mõnõ nanjnini sutjnineyök nupbauk miwikñaime engime. Uña Tõrõjan azi urunjini kokolak qeiga Anutunõj mötkutukutuñj qainñj kun al engii qetbuja ölopñj memba kinjei, mõnõ azi mewõni 7 mekõm engime. Mi mekõm engigetka nup mi engiinga mi galõm kõla memba malme. ⁴ Yeñõn mewõ malmemõ, naninak nalõ jõmukñañõk kõlulukõba Anutugõrenj Buja keu jegep kinda jim sehiba malbin. Nup miangõrenj mõnõ põndanj kinbin.”

⁵ Mewõ jigetka kambu pakpak yeñõn “Ölop dop kõlja!” jiget. Mewõ jiba azi qetñj Stiwen meköget. Stiwen mi Anutu kõhöikñañõk möt narim wangjiiga Uña Tõrõjan urunji kokolak qei malõk. Toroqeba azi kewõ meköba möwõlõhõm engiget: Filip, Prokorus, Nikanor, Timon, Parmenas aka Nikolas. Nikolas mi kian kantrigõ siti qetñj Antiokia miangõrenj ahuba kõnanjep Juda azia aka urunji Kraistkõrenj melenjõk. ⁶ Mi meköba möwõlõhõm engigetka aposol yeñõ jemesoholjine õngõm angetka bõrõjnini nõrõpñine ala kõlulukõba kötuetkõm engiget.

⁷ Anutugörej keu jim sehigetka töhötmöriamñambuk aiga gwarek yengö jañgöñinan Jerusalem sitinöñ qariba sehiyök. Jike nup galöm yengö kambunöhök sehisehiñi yeñon mewöyök uruñini melenđa Jisös möt nariget. Mewö.

Stiwen meraköba memba jöhöget.

⁸ Anutugö kalem möriamñi aka kukösumñi mianñon nupbauk azi Stiwegö uruñi kokolak qei kinda aiwesök angöletot ketanji ketanji mi ambazip sutñine mei asuhuget. ⁹ Mi asuhugetmö, Juda tosatñan wahöta Stiwen angötuarenjon ak wañgiget. “Lolohoba kageraño köuluk miri kambu”^{*} yengö sutñine Juda tosatñan Sairini aka Aleksandria Ijpt siti yahöt miangörejök lilingöba kaba kinget. Azi mewöñan mindiriba wahöta Silisia aka Eisia prowinsnöhök kageri, yengö kambunöhök Juda azi tosatñi engömembra mohotñe Stiwenbuk möndönđa goranora aka jitrakölik erauget.

¹⁰ Mewö jigetmö, Uña Töröñan Stiwen sölölohöi mötkutukutu ketanjanğö qakñe keuñi melenđa jiyöhi, mi Juda yeñon qeapköbingö osiba etket. ¹¹ Osiba eta mömölaköba anda azi tosatñi miwikñaiaba kuñgum engiba kaba kewö jiget, “Yañon mepaqepaik keu jiba mianñon Moses aka Anutu qetal etkii mörin.”

¹² Mewö jiba anda ambazip kambu, yengö jitrjememe aka Köna keugö böhi mienğö urugege keu jigetka uruñini könöp jeyök. Könöp jeiga kölölohoba kaba Stiwen öröba meraköba memba jike kaunsöl kambu yengö jenine anget. ¹³ Anda azi tosatñi enğüangitketka kota Stiwegö silençe keu munenji ala kewö nañgöba jiget, “Azi kianñon mönö jöwöwöl jikenini aka Mosesgöreñ Köna keu tuarenjon aka qahö mosörakzampö, mi toroqeba jimahakza. ¹⁴ Tuarenjon aka kewö jii mörin, ‘Jisös, Nazaret azinöñ mönö jöwöwöl jike ki köndejniga qeqelanlan ahöma aka Mosesnöñ Köna keu neñgii ahözawi, mi uteköma.’”

¹⁵ Mewö jigetka jike kaunsöl kambugö totokonöñ tatkeri, yeñon körekñan Stiwen törörök ugetka kaisongolomñan Suep garata tandök ewö ahiga eka mötket. Mewö.

7

Stiwenöñ keu likepñi melenđa jii mötket.

¹ Stiwen keu jakençe al wañgigetka kini jike galöm bohonñan kewö qesim wañgiyök, “Keu mi ölna me munenja?”

Stiwenöñ Abrahamğö kösohotñi jiyök.

² *Qesim wañgiiga likepñi kewö melenñök, “Aziurup, iwi darumuni, nöñon kewö jii mötket: Nanine ambönini Abrahamnöñ Mesopotemia gölmenöñ maliga asakmararan Tonji Anutu yañon asuhum wañgiiga Mesopotemia mosöta Haran mirinöñ anda malök. ³ Anutunöñ kewö jii mörök, ‘Gi nangi miri gölmegi aka tinitosolomurupki engömosöta gölme kun kondel gihimami, mönö miangöreñ anda malman.’”

⁴ *Mewö jii möta Kaldia gölme mosöta Haran gölmenöñ anda malök. Miangöreñ mali iwiñan kömui Anutunöñ melaim wañgiiga inñini nalö kewöñe ki maljei, mönö gölme kianğöreñ kaba könahiba tata malök. ⁵ *Gölme kianğöreñ

* **6:9:** Köuluk miri kambu kungö qetñi mi kewö asuhui qetket: Ambazip pomñi yeñon tosatñi bohonñni engömegetka buñanñi aka tonjanğö welenñini öne qeba mala (sleiw) böröñineyök lolohoba kageri, yeñon mönö nanñini köuluk miri kambuñini ala qetñini mi mewö qetket. * **7:2:** Jen 12.1

* **7:4:** Jen 11.31; 12.4 * **7:5:** Jen 12.7; 13.15; 15.18; 17.8

tata maliga Anutunöy gölme kitipni borom kun köna tamböngö dop mi qahö buja qem wanjiyök. Gölme kianjö toni qahöpmahöp qahöpmö, Abrahamgö gwölönarökni qahö ahuiga Anutunöy nalö miangörenjök yangö keu qeljinje kewö jiba jöhöyök,
 ‘Nöhön gölme ki mi gi aka göhö andöge gwölönarökurupki ahumei, mönö enjöra enjibi miangö toni akne.’

6 *Mewö jiba toroqeba keu kewö jiyök,
 ‘Göhö gwölönarökurupkan gölme kungen anda kian aka malme. Kian aka malgetka gölme miangö toni yejön jöhöm engigetka toninañgö welenjini öne qeba malme. Mewö malgetka tulumgöm engigetka nup lömbötñi lömbötñi öne megetka söngöröni qahö engigetka (yara) yambu 400:gö dop wahöjalij qakne malme.

7 *Mewö malmemö, nöñön könañgep gölme ambazip welenjini qeba malmei, mi keunöy ala jim teköm enjimam.’

Mewö jiba toroqeba jiyök,
 ‘Mewö asuhuiga gwölönarökurupkan gölme mi mosöta gölme kianjören lilingöba kaba waikni memba möpöseim niñgiba malme.’ Mewö.

Aisak, Jeikob aka Josefyengö kösotñini jiyök.

8 *‘Anutunöy Abrahamgöra mewö jiba aiwesök kewö aknejöra jii mörök, ‘Injini nömbuk jöhöjöhö aknejöra mönö nöngö aiwesök esöñini köla azi silenine yandiba malme.’ Miangö dop Abrahamnöh nahönñi Aisak ahuiga silim 8 aiga miangören aiwesök mi silenje yandiyök. Aisaknöh nahönñi Jeikob qiwikñaiba aiwesök mi yandiyök aiga Jeikobnöh nahönurupni qiwikñaim enjiba miangö dop yandim enjiyök. Jeikobkö nahönurupni 12 yejön Israel nenjören amböskonurupnina aket.

9 *‘Amböskonurupninan munñini Josef mi andö qem wanjiba bohönji memegöra algetka tosatjan söngöröni memba wangita Ijpt kantrinöh anda algetka malök. Miangören malökmö, Anutunöy yambuk kinök. 10 *Yambuk kiniga köñjilij könañi könañi qakne öngöi möröhi, körek miengörenjök mönö meköm wanjiyök. Meköm wangiba kalem möriamñi wangii mötkutukutunji ölöpnjan asuhuyök. Mi asuhuiga Ijpt kantrigö farao kin yangö jeñe angori ehi dop köliga azi kembu kuñgum wangii Ijpt kantri aka farao kinjö jakömbuak miri yuaini galöm köl enjiba malök. 11 *Galöm köl enjiiga bödi nalöni kam kuñguiga Ijpt pakpak aka Kenan gölme mi dop kölök. Miangöra ambazipnöh kahasililij ketani möta malget. Mewö mala nanine ambösurupninan nene miwikñaibingö meme yangap meget.

12 *‘Mewö megetka ‘Ijpt gölme miangören padi ahöza,’ mewö jigetka Jeikobnöh mörök. Mewö möta nahönurupni, nanini ambösurupnini mi nalö mutukni melaim enjii miangören anget. 13 *Mewö anda mala lilingöba iwininañgören kaget. Könañgep indimni kun kunbuk angetka Josefnöh könañamñi indeli mötket. Mötketka farao kinñöh mewöñanök tinitosolomni engeka könañini möt kutuyök. 14 *Möt kutuiga Josefnöh keu ala iwinji Jeikob aka tinitosolomurupni pakpak mi köl öröm enjii yangören anget. Ambazip angeri, yengö jañgöñini mi 75 ahök.

* 7:6: Jen 15.13-14 * 7:7: Eks 3.12 * 7:8: Jen 17.10-14; 21.2-4; 25.26; 29.31-35.18 * 7:9: Jen 37.11, 28; 39.2, 21 * 7:10: Jen 41.39-41 * 7:11: Jen 42.1-2 * 7:13: Jen 45.1, 16 * 7:14: Jen 45.9-10, 17-18; 46.27

15 **“Jeikob mewö wanjiktetka Ijpt gölmenöy anök. Anda mala miangörey kömuyök. Amböurupninan mewöyök kömum teköget. 16 *Kömum tekögetka qamötñini memba anjuba Kenan gölmenöy lilingöba Sekem mire kaba löm köl engiget. Mönöwök Abrahamnöy Sekem (Sikem) mala gölme kun azi qetñi Hamor yangö gwölönarökurupñi yengöreyök moneñnöy söñgörüñi meyöhi, mönö miangö qaksirine köt köteñ urorohoba miangörey al engiget.”* Mewö.

Mosesnöy Ijpt kantrinöy ahuba mala korök.

17 **Stiwenöy toroqeba kewö jiyök, “Anutunöy mönöwök jöhöjöhö keu Abraham wanjiyöhi, mi ölnambuk akñapkö nalöñi töriba dopdowiyök. Dopdowiyöhi, miangö dop Israel yeñon Ijpt gölmenöy ahum sehiba malgetka kambuninan qariba öngöyök. 18 Qariba öngöiga farao kin kunöy wahöta könahiba Ijpt galöm köl engiyök. Kin dölokñi miangön Josefgö könañi mi qahö möta malök. 19 *Yangö könañi kude möta nanini könagesö mi isimkakalek qakñe tilipköba amböurupnini mulungöm engii malget. Mewö malgetka kinöy köhöiba Israel kewö jim kutum engiyök, ‘Inini mönö morö azi sepsepñini memba yaigepñe anda onöy gilgetka geba kömume.’*

20 **“wö jiuga nalö miangöreyök morö kun qetñi Moses asuhuyök. Anutunöy i eka möri dop kölok. Mosesnöy ahuiga iwinamñan i köin karöbut miangö dop mirinjire galöm köla malohot. 21 *Köin karöbut mi teköiga namñan wanjita yaigepñe anda köndenöy o qakñe ala mosörök. Mosöta ani farao kingö böratñan miwikñeiba meiga nahöññi aiga galöm köl wanji malök. 22 Mewö maliga Ijpt yengörey mötmöt aka aiaka pakpak mi kusum wanjigetka miangö dop Ijpt yengörey mötkutukutu azi ketañi ahök. Yanön keunji aka ahakmemenji mi ösum-mumu qakñe jiba aka malök.*

23 **“Mosesgö (yara) yambunji 40 teköiga miangörey Israel darumunurupñi yengö prowinsnöy anda engekñamgö mötmöriba keunji jöhöba anök. 24 Anda Ijpt azinöy Israel azi kun yambuk öne töhön anjururuk aka öröm ureim ak wanjiba qeyöhi, mi ehök. Mi eka anda Israel azi mi bauköm wanjiba andöñe anda likepñi melenña Ijpt azi mi qeba qem kömuyök. 25 Qem kömuiga Anutunöy Mosesgörey nariba Israel ambazip farao kingö böroyeyök meköm enjimamgöra kukösum wanji kayök. Yeñon Moses eka könañi mewö ölop möt asarize, mewö mötmöriyökmö, yeñon mi qahö möt asariba öne tönpin malget.*

26 **“Miri gianjiiga kunbuk yengörey ani Israel azi yahötñan auyohotka etkehök. Eteka esapköba sutñire lui ahumapkö möta kewö jiyök, ‘Azi yahöt, injiri darumuna. Nanñiri mohot miangön mönö wuanöngöra mewö ayuhum anjuzahot?’ 27 Mewö jiyökmö, azinöy alañi mem bölim wanjiyöhanön mönö Moses könöpuk utala kewö jim wanjiyök, ‘Gi mönö nengörey galöm aka jimtekötekö azia akzan me? Dañon mewö kungum gihiiga kinjan?’ 28 Gi uran Ijpt azi qenöy kömuyöhi, mönö mewö ni nunjumamgöra jizan me?’*

29 **Mewö qesim wanjiiga keu miangöra aka Ijpt kantri mosöta ölöy köla Midian gölmenöy anda kiana malök. Mewö mala ambi memba nahönyahötñi yahöt qiwikñaim etki malget.”* Mewö.

Mosesnöy gölme qararankölkölñe yambu 40 malök.

* 7:15: Jen 46.1-7; 49.33 * 7:16: Jen 23.3-16; 33.19; 50.7-13; Jos 24.32 * 7:17: Eks 1.7-8

* 7:19: Eks 1.10-11, 22 * 7:20: Eks 2.2 * 7:21: Eks 2.3-10 * 7:23: Eks 2.11-15 * 7:29:

Eks 18.3-4

30 *Stiwenöŋ keu toroqeba kewö jiyök, “Mewö malgetka (yara) yambu 40 teköiga miangörej Mosesnöŋ gölme qararanjkölkölŋe liliköba kundunŋi qetŋi Sainai miangö könaŋe mali Suep garata kunŋan asuhuyök. Mi ip köhöso kembraŋe könöp bölam asuhuba qahö jem kutuyöhi, miangörej asuhum wanŋiyök. 31 Mewö asuhum wanŋiiga tandök miangöra welipköba könaŋi eka mi kutumamgöra kösutŋe ani Anutugöreŋök keu kun kewö kai mörök, 32 ‘Nöŋön göhö ambösakonurupki yenŋö Anutuŋina akzal. Nöŋön Abraham, Aisak, Jeikob yenŋö Kembunŋina mala kota maljal.’ Mewö jii möta jönömŋi könahiba unduiga miangörej göröken uba ekŋamgö kenŋötŋi mörök.

33 “Kenŋötŋi mörökmö, Kembunöŋ kewö jii mörök, ‘Gölme tiba kinjani, mi gölme kömbukŋa. Miangöra gi mönö köna esugi qeköman! 34 Nöŋgö ambazip kambu-urupni Ijpt maljei, mi mulumgöm enŋigetka sihimbölo qakŋe aum-möriba malje. Nöŋön mi eka maljal. Yenŋön osongom enŋui sahöt uletzei, nöŋön mi möt teközal. Nöŋön yenŋö böröŋineyök meköm engimamgöra etzal. Miangöra gi mönö döлки wahöta ki kanöŋga melaim gihibiga Ijpt anman!’ Mewö jiyök.”

Mosesnöŋ Israel enŋuanŋiri yambu 40 könanöŋ malget.

35 *Stiwenöŋ keu toroqeba kewö jiyök, “Yenŋön Moses qan köla köndat wanŋiba kewö jiget, ‘Gi mönö galöm aka jimtekötekö azia akzan me? Daŋön mewö kuŋgum gihiiga kinjan?’ Mewö qan köla jigetmö, Anutunöŋ Moses mi melaim wanŋiiga yenŋö pom kembunŋina ahök. Suep garanatöŋ ip köhösonöŋ bölam jeyöhanŋörej asuhum wanŋiyöhi, yaŋön mönö Anutugöreŋ buzup keu mi mamba kaba uruŋi kuŋgui mekömekö azinŋina ahök. 36 *Israel mekömekö azinŋina aka ambazipurupŋi mi aiwesök anŋöletot könaŋi könaŋi mamba Ijpt kantrinöhök meköba enŋuanŋiriga mosöta Köwet Pisikŋi miangörej kaget. Emu kagetka miangörej aka gölme qararanjkölkölŋe mewöŋanök toroqeba aiwesök anŋöletot murutŋi murutŋi mi (yara) yambu 40 miangö uruŋe mamba kondeli eka malget. 37 *Mosesnöŋ pom kembunŋina mala Israel könagesö yenŋöra kewö jiyök, ‘Anutunöŋ Juda kambu enŋö sutŋineyök kezapqetok azi kun möwölhöba kuŋguiga ni ewö akŋa.’

38 *‘Israel yenŋön gölme qararanjkölkölŋe kaba malgetka pom kembunŋini aka nanine ambösakonurupnini yembuk mala könagesöŋini galöm köl enŋiyök. Galöm köl enŋiba kundunŋi qetŋi Sainai miangörej öngöi Suep garata kunŋan keu jii möta yambuk malök. Mewö mala Anutunöŋ malmal köhöikŋanŋö keunŋi sundan jii möta malöhi, yaŋön keu mi miangö dop jüiga nenŋö Bunŋaya ahök.

39 *Yaŋön pom kembunŋina malökmö, nanine ambösakonini yenŋön keunŋi tem köl wanŋibingö ölan enŋöhöiga andö qeget. Andö qeba utal wanŋiba uruŋini möŋaiiga Ijpt kantrinöŋ kunbuk lilingöbingö sihimŋi mötket. 40 *Mewö möta Mosesgö datŋi Aron yanŋöra kewö jiget, ‘Mosesnöŋ pom kembunŋini aka Ijpt kantrinöhök meköba nenŋuanŋiriga kaini, yaŋön kundunŋe öngöba tandök denöwö akzawi, nini mi qahö mötzin. Mi qahö mötzinanŋöra göŋön ölop tandö lopion menöŋga mienöŋ jitmemenini aketka könaŋine toroqeba anbin.’

41 *‘Mewö jiba miangöreŋök goul mamba miänöŋ lopion kun bulmakau moröŋanŋö tandök meget. Mi mamba jöwöwöl mamba kaba al wanŋiba

* 7:30: Eks 3.1-10 * 7:35: Eks 2.14 * 7:36: Eks 7.5; 14.21; Jan 14.33 * 7:37: Dut 18.15, 18

* 7:38: Eks 19.1-20.17; Dut 5.1-33 * 7:40: Eks 32.1 * 7:41: Eks 32.2-6

lömbuan ohoba yuai böröñinan megeri, miangö sösöñgai aka möpöseiget. ⁴² *Mewö aketmö, Anutunöñ mi eka ölan yöhöiga andö enñui Suepkö senjelau Tonji waikñini memba möpöseim enñimegöra enñemosörök. Kezapqetok azi Amosnöñ keu kun ohoi Buzup Kimbinöñ ahözawi, mönö miangö dop kewö aket,

‘O Israel ambazip, injini gölme qararanökölölñe kaba (yara) yambu 40:gö dop mala nalö miangörej sömbup jöwöwöl ohoba naluk tosati memba kaba niñgiba malget me qahö?’

⁴³ Mi qahöpmö, enñon mönö bem qetñi Molok yangö opo seri koumñi mi anguget aka bem qetñi Refan yangörej senjelau imutñi mi anguba kaba malget.

Enñon imut lopion mi waikñiri memba möpöseim etkibingö meget buñajina ahök.

Miangöra aka nöñon mönö injini közöl enñibi kerökurupñinan kaba enñuangetketka anda mala köröwen Babilon kantrigö andöñe öñgöba malme!’ ” Mewö.

Stiwenöñ opo seri jikegö keuñi jiyök.

⁴⁴ *‘Ambösakonurupnini yeñon gölme qararanökölölñe kaba mala Anutugö dangunuj kuñguba opo seri jike memba anguba malget. Mi memba anguba Anutunöñ jikeñi memegöra Moses jim kutum wañgiba söpsöp imutñi kondel wañgii ehöhi, mönö miangö dop meget kinök. ⁴⁵ *Mosesnöñ ambösakonurupnini galöm köl enñiiga yeñon opo seri jike mi anguba malget. Könanjep Josuanöñ wahöta galöm köl enñii gwölönarökurupñinan jike mi buña qem anguba toroqeba kaba mala kantri ki kangetket. Kantri ki kangetketka Anutunöñ gölme tonji kambunji kambunji enñuangetgöi angetka gölmeñini angön köla meget. Memba tata malgetka kinj Deiwidnöñ asuhuyök.

⁴⁶ *‘Yañon asuhuba Anutu jemesoholñe kalem möriamñi miwikñaiba kewö qesim wañgiyök, ‘Anutu Jeikobkö bemñi, göñon ölop jinöñga nöñon jim kutubi nini göhöra jöwöwöl jike bohonñi membin.’ ⁴⁷ *Mewö qesim wañgiyökmö, Solomonöñ jiiga Anutugöra jöwöwöl jike meget. ⁴⁸ Mi megetmö, Öñgöñgöñi Ketanj yañon azinöñ miri böröñinan megeri, miangörej qahö malja. Miangö keuñi kezapqetok azi kunñan kewö ohoi ahöza,

⁴⁹ *‘Kembunöñ jiza: Nöñgörej jakömbuak dum tatatni mi Suepnöñ ahöiga gölme mi könanangö döpnji aiga miangörej tiba tatzal.

Injini mönö nöñgöra miri tandökñi denöwö megetka dop kölbawak?

Me miri denikeangörej miwikñaim niñgetka miangörej öñgöba luhut memba malbilenjak?

⁵⁰ Yuai pakpak mi mönö nanak nani börönan miwikñaim enñjal mi mötze.’ ” Mewö.

Stiwenöñ kaunsöl yeñgö uruñini kuñguyök.

⁵¹ *‘O qeçetal ambazip, enñö uruñinan mönö duhuiga kopa akze! Kezapñinan köungöba qahö kötökñi tohoza! Mi duhuzawangöra Anutugörej keu qetala kezapjup ahakze. Ambösakonñinan Uña Töröñi tuarenjon ak wañgiba malgetka enñon mönö yeñgö dop toroqeba mewöñanök Uña Töröñi

* **7:42:** Amos 5.25-27 * **7:44:** Eks 25.9, 40 * **7:45:** Jos 3.14-17 * **7:46:** 2 Sml 7.1-16; 1 Hist 17.1-14 * **7:47:** 1 Kinj 6.1-38; 2 Hist 3.1-17 * **7:49:** Ais 66.1-2 * **7:51:** Ais 63.10

sundan dop andö qemakze! ⁵² Engö ambösakonururupñinan kezapqetok ambazip awamñi qahö sesewerowero ak engiba malget. Yenğoreñök danñon mönö kahasililiñ qahö miwikñaiyök? Yenñon Azi Solanñan asuhumapkö kezapqetok keunji jigetka i enğuget kömuget. Yenñon kömugetka Azi Solanñan nannjak asuhuiga inñini i mamalolo ak wanğiba qeget kömuyök. ⁵³ Anutunöñ garataurupñi melaim enğuiga Suepnöhök eta Köna keu engigetka Bunjanini ahökmö, enñon mi qahö tem köla malget.” Mewö.

Stiwen kötnöñ qeget kömuyök.

⁵⁴ Stiwenöñ keu mewö jiiga jike kaunsöl yenñon mötkeri, mi urunini sounöñ qesinqesinji ewö qesinñök. Qesinñiga urunini könöp jeiga ambarik (amdadö) yöhöba wahöta kinget. ⁵⁵ Mewö aketmö, Uña Töröñan Stiwegö urunji kokolak qeiga jeñi Suepnöñ göröken ui öngöiga Jisös Anutugö asakmararañ urunje euyangöreñ Anutugö böröñi ölñe kini ehök. ⁵⁶ Jisös eka jiyök, “Mötket! Suepnöñ anañjiiga Suep gölmegö Azi Ölñan mönö Anutugö böröñi ölñe kiniga ekzal.”

⁵⁷ Mewö jii möta qet gigilahögetka göju ketañi wahöriğa kezapñini böröñinan gwözöñda körekñan luhuba anda qeraköba meget. ⁵⁸ Mewö memba taon göräñe örörahöba anda yaigepñe ala kötnöñ könahiba gila qeget. Mewö qegetka tosatñan mi eka kinda malukunini qeköba mölohoba azi gwabö Solgö kösutñe alget. ⁵⁹ Mewö aka kötnöñ gila qebayök kingetka Stiwenöñ Anutugö köuluköba kewö jiyök, “O Kembu Jisös, gi mönö unani memba anğon kölman!” ⁶⁰ Mewö jiba siminñan geba köla qet gigilahöba jiyök, “Kembu, singisöndok ki akzei, mianğö lömböñti mönö yenğö qakñine kude alman!” Mewö jiba nöñ qeba kömuyök. Mewö.

8

Solnöñ urumelenj kambu sesewerowero ak enğu denget.

¹ Stiwen qeget kömuyöhi, mi Solnöñ mewöyök möri dop kölök. Nalö mianğoreñök sesewerowero ketañi ahuiga Jerusalem sitigö urumelenj kambu kazik ak engiget. Mianğöra yenñon körekñanök siti mosöta denđa Judia aka Samaria prowins yahöt mi dop köla angetka aposol yenñonök kapanj köla sitinöñ malget. ² Ambazip Anutu göda qeba waikñi memba malgeri, yenğoreñök tosatñan Stiwen kömuyöhanğöra jinğen köla gwötpuk sahöta qamötñi memba anda löm kölget.

³* Löm kölgetmö, Solnöñ urumelenj könagesö janğauranğa mem engiba mirinji mirinji liliköba öngöba urumelenj azi aka ambi örörahöba engömembra gili etketka jiiga kösö mire al engeten. Mewö.

Filipnöñ Samaria sitinöñ Buña nup meyök.

⁴ Urumelenj ambazipnöñ denđa miri dop anda kaba liliköba malgeri, yenñon Ölöwak Buña jiba mianğon ambazip urunini kunguba malget. ⁵ Filipnöñ Samaria prowinsgö siti kunöñ geba Amötqeqe Tonji Kraistkö könanji jim asarim enğui mötket. ⁶ Mia jim asarim engiba angöletot meiga letotketka ambazip kambu yenñon mi eka keu jiyöhi, mi urumohot aka kezap ala möta anğon kölget.

⁷ Filipnöñ nup meiga Anutugö ösumñan öme gwötpuk mi ambazip urunineyök enğuatangöyök. Enğuatangöiga qet bölöbölö qeta kota anget.

* 8:3: Apo 22.4-5; 26.9-11

Nup meiga ambazip sehisehiñi likepñini kömukömunji aka lokon malgeri, mi ölöwaket. ⁸ Mewö aiga Samaria sitinöñ sösöñgai öngöñgöñi asuhaba ahöyök. Mewö.

Sile galöm azi Saimonöñ timbiqim bilim ahök.

⁹ Sösöñgai ahöyökmö, Samaria siti mianğöreñ suña jinañ azi kun qetñi Saimon malök. Yanñon (yara) yambu tosatñi qarösoñgo amötqeqe nup memba Samaria ambazip welipköm enğiiga malget. Mewö malgetka “Azi öngöñgöñi akzal,” jiba nanñangöra möri öngöyök. ¹⁰ Ambazip öngöñgöñi eretñi yeñon körek pakpak Saimonğö keugöra kezap ala möta kewö jimalget, “Anutugö ösumñi qetñi ‘Kukösum ketañi,’ qetzei, mianñon mönö azi mianğö uruñe geiga ahöza.” ¹¹ Saimonöñ qarösoñgo amötqeqe nup mi nalö köröpñi memba ambazip welipköm enğiiga malget. Mewö ak enğiyoñhangöra aka yanğöreñ qekötahöba malget.

¹² Mewö malgetmö, Filipnöñ kaba Anutugö bemtohoñe angotpingö Ölöwak Buñaji aka Jisös Kraist qetñangö könanji mi jim asarim enğiyoök. Mi jim asarim enğiiga ambazip gwötpukñan Buña keu möt nariba uruñini melengetka o melun mem enğiyoök. ¹³ Mewö aketka Saimonöñ mewöyök keu mi möt nariiga o melun mem wanğigetka Filipkö kösutñe kaba mala wuatangöyök. Mewö aiga Filipnöñ angöletot aiwesök ketañi ketañi mei asuhetgetka mi eka welipköba malök. Mewö.

Uña Töröñan Samaria yeñğö uruñine geyök.

¹⁴ Samaria ambazipnöñ Anutugöreñ Buña keu mewö möt angön kölgeri, mianğö buzupñan sehiba Jerusalem sitinöñ ani aposol yeñon mötket. Yeñon mi möta Pitö aka Jon meköba melaim etkigetka yeñğöreñ anohot. ¹⁵ Anda angota yeñğöra aka köulüköba Uña Töröñan uruñine gemapköra Kembu qesiyohot. ¹⁶ Könanji kewögöra qesiba köulüköyohot: Yeñon Kembu Jisösgö qetñe o melun mem enğigetmö, Uña Töröñan yeñğöreñök kungö uruñe qahö gei öne malget. ¹⁷ Mianğöra köulüköba böröñiri nööröpñine alohotka Uña Töröñan uruñine geiga meget. Mewö.

Saimonöñ Uña Töröñi söñğöröñi memamğö jiyök.

¹⁸ Aposol yetköñ böröñiri ambazip nööröpñine alohotka Anutunöñ mianğö dop Uña Töröñi yeñğö uruñine aliga Saimonöñ mi eka moneñ memba kaba kewö jiyök, ¹⁹ “Injiri mönö kukösum mewöñi mi nia kun niñgiyohotka memba böröni denike yeñğö nööröpñine almami, Uña Töröñan mönö yeñğö uruñine gema.”

²⁰ Mewö jiyökmö, Pitönöñ kewö jim wanğiyök, “Aek! Yapmakek! Göñon Anutugö kalemñi mi moneñnöñ söñğöröñi memamğöra jizan. Mianğöra gi mönö moneñgabuk könöp sianöñ geman. ²¹ Göhö urugan mönö Anutugö jeñe qahö diñgiza. Mianğöra gi Buña keu kianğö ölni kun qahöpmahöp me-man. ²² Bölöñamgeyök mönö urugi melenđa Kembu köulükönöñga yanñon uru mötmötkahö siñgisöndokñi mi mosötpawak. ²³ Göhö urugan mönö kömbuhiiga wösökömbuk ewö jula kokolak qem gihiza. Siñgisöndokan mönö kösö ewö köpeim gihiiga qaközan.”

²⁴ Pitönöñ mewö jiiga suña jinañ azi Saimonöñ kewö meñeñ etkiyoök, “Mönö nöñğöra aka Kembangö köulüköyohotka keu jizahori, mianğö ölni kun qahö asuhum niñgibawak.”

²⁵ Aposol yetköñ Kembangö Buña keu mi siti mianğöreñ nanğöba jiba jim asariba engömosöta anohot. Könanöñ anda Samaria prowinsgö miriñi miriñi

liliköba ambazip urunini Ölöwak Buña keunöy kunjum enġiba mala Jerusalem sitinöy lilingöba anohot. Mewö.

Filipnöy Afrika azi kungöra Buña keu jii mörök.

²⁶ Kembugörej garata kunjan Filipköra keu kewö jii mörök, “Gi mönö Jerusalem siti mosöta Saut göröken anman. Gölme qararañkölkölñe köna isikñi (walñi) Gaza taonöy gemakzei, mönö miangörej anman.” ²⁷ Mewö jii möta Filipnöy amqeba mosöta anök. Anda Afrika azi kunjan miriñe lilingöba ani könanöy miwikñajiyök. Yañön Etiopia kantrigö kandasi qingö jembonñi öngöñgöñi aka ambi kembugö jakömbuak miriñe moner aka inap yuaini galöm köla malök. Sileñañgö yuaigöra aka Juda azi akñamgö osiyökmö, töndup Anutugö waikñi memba möpöseimamgöra Jerusalem sitinöy kayök.

²⁸ Kaba miriñe lilingömamgöra hos karenöy öngögiga hosnöy örögetka könanöy anök. Miangörej anda kezapqetok azi Aisaigö buk kötula oyoñda tarök. ²⁹ Mewö aiga Uña Töröñan Filipköra sañep ala keu kewö jiyök, “Gi mönö hos kare miangö qöhöröñe anda mötöteiba anman.” ³⁰ Uña Töröñan mewö jiiga miangörejök ösumñan kösutñe anök. Anda azinöy kezapqetok azi Aisaigö buk miangö Buña keunji oyoñni mörök. Möta kewö qesim wañgiyök, “Keu oyoñjani, mi ölöp möt asarizan me qahö?”

³¹ Qesim wañgiiga jiyök, “Kunjan qahö jim asariiga nanak mi denöwö möt asaribileñak?” Mewö jiiga hos karenöy öngögiga mohotñe tarohot. ³² *Buña Kimbi oyoñnöhi, mi kewö,

“Azinöy lama qem yandibingöra memba wañgitzei, yañön mönö miangö dop ösöñ sororöñgöba ahöyök.

Galömnjan lama möröñangö jupñi fitanöy mitiiga qöhöröñe göröñ qeba tim gwiriñi qahö kinjawi, yañgö numbuñangö dop mönö qahö waumgöba añañjiyök.

³³ Memba et al wañgigetka kunjan keu jakeñe keuñangö likepñi qahö nañgöba jiiga öne jim teköget. Gölmenöy malmalñi mewö wañgitket. Gwölöñarökurupñi qahö mewö kömuyök. Miangöra kunjan qet areñi köñañjep qahö oyoñda jima.”

³⁴ Jembonöy mi oyoñda Filip kewö qesim wañgiyök, “Kezapqetok azinöy keu mi dagöra jiza? Mi nanñañgöra me azi kungöra jiza? Gi ölöp miangö könanji jinöy mötpi.” ³⁵ Qesim wañgiiga kezapqetok yengörej Buzup Kimbinöhök könahiba Jisösgö Ölöwak Buña mi köñañambuk jim asarii mörök.

³⁶ Mewö eraum möta könanöy anda o kösutñe añgorohotka qin jembonñan jiyök, “Eknöy, o töwatñi ki ahöza. Miangöra gi ölöp o melun mem niñgiman. Keu kunöy añañgön kölgihiza me qahö?” ³⁷ (Mewö jiiga Filipnöy jiyök, “Gi keu jibi mötzani, mi urugi jömkuk Anutugörej ala möt narizan ewö, mi ölöp akñam.” Jiiga keu kewö melenñök, “Jisös Kraistnöy Anutugö Nahöññi akza, nöñön mi möt narizal.”

³⁸ Mewö melenña jim kutuiga hos kare jöhögetka mohotñañpire oe geba Filipnöy o melun mem wañgiyök. ³⁹ Mi mem wañgiiga onöhök korohotka Kembugö Uña Töröñan Filip wañgiri öngöba sök aliga qin jembonñan i kunbuk qahö ehök. Qahö ehökmö, toroqeba sösongai qakñe miri gölmeñe Etiopia anök. ⁴⁰ Filipnöy sök ala anda taon qetñi Asdod miangörej asuhui miwikñaiget. Miangörejök toroqeba taonñi taonñi liliköba miangörej Ölöwak

* 8:32: Ais 53.7-8

Buŋa keunöŋ ambazip uruŋini kuŋguba anda mala Sisaria taonöŋ kaŋgorök. Mewö.

9

Kembunöŋ Sol asuhum waŋgiiga uruŋi meleŋnök.

Apo 22.6-16; 26.12-18

¹ Nalö sutŋe miangöreŋ Solnöŋ urukönöp qakŋe kinda uru silenŋi bölam tepköiga Kembugö gwarekurupŋi eŋgum ureim eŋgiba malök. Mewö mala jike nup galöm bohonŋi yaŋgöreŋ anök. ² Yaŋgöreŋ anda kewö kuŋguba qesiyök, “Köna dölökŋi wuatangöba maljei, yengöreŋök tosatŋan Damaskus sitinöŋ köröwen malje. Miangöra nöŋön ölop endu anda jarum eŋgiba kun miwikŋaimami, i mönö jöhöba waŋgita Jerusalem sitinöŋ kamam. Damaskus sitinöŋ Juda nengö köuluk miri galöm kölakzei, yeŋön i angön köl eŋgibepuköra mönö jimtekötekö kimbi ohoba niŋginöŋga memba anda kondel eŋgimam.” Mewö jii ohoi memba anök.

³ Könanöŋ anda mala Damaskus siti dopdowimangö aiga yuai kun wölaŋ kewö asuhuyök: Asakmararaŋ kun Suepnöhök wölbilik ewö asuhuba eta liliköm waŋgiyök. ⁴ Liliköm waŋgii tala gölmenöŋ geba ahöba kouruk kun möriŋa keu kewö jii mörök, “Sol Sol, gi mönö wuanöŋgöra sesewerowero qakŋe al niŋgizan?”

⁵ Mewö jiiga Solnöŋ qesiba jiyök, “Kembu, gi daŋön?” Mewö jiiga meleŋnök, “Ni Jisös sesewerowero qakŋe al niŋgimakzani, ni mönö mi. ⁶ Mi akzalmö, ölop wahöta sitinöŋ anman. Miangöreŋ anda wani yuai akŋani, kuŋnan miangö buzupŋi jii mötman.”

⁷ Azi yambuk köna anda malgeri, yeŋön keunŋini qahöwahiga tömtömimba kinget. Yeŋön keu kouruk ölja mötketmö, azi kun qahö eket. ⁸ Keu meleŋniga Solnöŋ gölmenöhök wahörökmö, jeŋi uba yuai kun qahö eka jipjap kinök. Mewö kiniga böröŋe memba Damaskus sitinöŋ waŋgita anget. ⁹ Angetka wehön karöbut miangö dop jipjap mala o me nene kun qahö nempa öne malök. Mewö.

Ananiasnöŋ Sol o melun mem waŋgiyök.

¹⁰ Damaskus sitinöŋ Jisösgö gwarekŋi kun qetŋi Ananias malök. Kembunöŋ kutum wasöriŋa imut ehiga “Ananias!” qerök. Qetŋi qeriga jiyök, “O Kembu, ni ki maljal.”

¹¹ Mewö jiiga jii mörök, “Gi mönö wahöta köna qetŋi Köna Diŋdiŋi jimakzei, miangöreŋ anman. Miangöreŋ anda Judasgö mire öngöba Tarsus azi qetŋi Solgöra qesiman. Mötnöŋ, yaŋön ni köuluköm niŋgiba tatza. ¹² Köuluköba tata uruŋan imut kun kewö ehök: Azi qetŋi Ananiasnöŋ mirinŋi uruŋe kaŋgota jeŋi kunbuk tohomapköra böröŋi nööröŋe alma.”

¹³ Kembunöŋ keu mewö jii möta meleŋnök, “O Kembu, ambazip gwötpukŋan azi miangö kösohotŋi lök jiget möral. Yaŋön Jerusalem sitinöŋ göhöreŋ könagesöurup sarakŋi mi gwötpuk eŋgum ureim ak eŋgiba malök. ¹⁴ Jike nup galöm bohonŋi yeŋön nam köla kukösum waŋgigetka Damaskus siti kiangöreŋ mewöyök nup miyök memangöra kayök. Ambazip göhö qetki qeta köulukömakzani, yaŋön mönö nini körek pakpak nengömempa jöhöm nengimangö mötza.”

¹⁵ Mewö meleŋnökmö, Kembunöŋ jii mörök, “Nöŋön azi mi meköm waŋgibiga qetni bisiba nöŋgöra bim qeba malma. Mewö mala gölmeŋi gölmeŋi liliköba Buŋani jim sehiiga Israel aka kian kantri ambazipnöŋ

mötme. Keu jakenj jakenj miangörej örögetka azi kembu gwötpuk yengö jenjine angota Buñani jii mötme. Miangöra mönö tondup anöj. ¹⁶ Yanön qetni bisiba miangöra sihimbölo gwötpuk mötma. Nöjön miangö arenj kondel wanjimamgö mötzal.”

¹⁷ Mewö jii möta Ananaiasnöj anda miri miangö urunje öngöba böröyahötñj Solgö nööröñje ala jiyök, “Sol alani, köna namñe kanöñga Jisösnöj asuhum gihiyöhi, Kembu mianön mönö melaim ninggiiga kazal. Göhö jegan kunbuk tohoiga Unja Töröñan urugi kokolak qemawangöra jiiga kazal.” ¹⁸ Mewö jiiga miangörejök yuai sönuetñambuk tandök mianön jenjeyök tala et teköi jenj tohoyök. Jenj tohoiga ui asariiga wahörök. Wahöta jiiga o melun mem wanjiyök. ¹⁹ O melun mem wanjiiga nene nempa köhöiyök. Solnöj köhöiba gwarek yengö sutñjine Damaskus sitinöj wehön tosatñj malök. Mewö.

Solnöj Damaskus sitinöj Buñanup meyo.

²⁰ Mala miangörejök wahöta Juda yengö köuluk mirinñ mirinñ miangörej öngöba Jisösgö könanñ jim asariba ambazip urunñi kunjuba kewö jiyök, “Jisösnöj mönö Anutugö nahönñj akza.”

²¹ Mewö jii möta körek yenön auruba welipköba jiget, “Jerusalem sitinöj qet mia qet köulukögeri, azi kianön mi engum ureiba malök me qahö? Mewöñanök kianjörej kayöhi, mi mönö nini jöhöba nenguanjita jike nup galöm bohönñj yengö böröñjine al nengimangöra kayök. Miangöra mönö denöwö letota nanjak Anutugö keu miyök nanjöba jiza?”

²² Mewö jigetmö, Anutunöj Sol ösum-mumu wangii kunbuk köhöiba malök. Köhöiba mala Juda ambazip Damaskus sitinöj malgeri, yengö urunñi kunjuba kewö jiba malök, “Jisösnöj ölnja Anutugörej Amötqeqe Tonj Kraist akza.” Keu mi jim köhöiba könanñ kondela maliga yenön köñkun aka keu mi qeapköbingö osiba malget.

²³ *Silim gwötpuk teköiga miangörej Juda yenön tokoba keu nup memba Sol qeget kömumapkö angönanñ alget. ²⁴ Angönanñ algetmö, miangö buzupñj mi Solgö kezapñje gei mörök. Solnöj Damaskus siti mosötmamgö aiga miangörej qeget kömumapköra siti kiripo nanñunje yanjöra sunjem asak je galöm memba malget. ²⁵ Mewö memba malgetmö, gwarekurupñan sunjem kunöñ sakap (misak) ketanñ memba kösönöñ jöhöba Sol sakapnöñ ala siti selgö kinimñeyök alget geba anök. Mewö.

Solnöj Jerusalem kusukñanök anda malök.

²⁶ Solnöj anda Jerusalem sitinöj angota Jisösgö gwarekurup yembuk esapköba toroqeyökmö, körek yenön Sol gwarek aka malöhi, mi qahö möt narigeranjöra aka yanjöra kenjötnini mötket. ²⁷ Kenjötnini mötketmö, azi qetñj Barnabas yanön ala ak wanjiba köyan köla wanjita aposol yengörej anda kondela kösohotñj kewö jim asarim engiyök, “Sol azi kianön könanöñ kaiga Kembunöñ asuhum wangii ehiga keunñ jii mörök aka könanjep Jisösgö qetñj mi Damaskus sitinöj jim asariba köhöikñanök uru kunjüm engiba malök.”

²⁸ Kösohotñj mewö jim asarim engiiga yembuk toroqeba Jerusalem siti urunje liliköba awösamakakak kinda Kembugö qetñj aukñje qeta ambazip urukunjunñ köhöikñj al engiba malök. ²⁹ Mi al engiba mala Juda ambazip Grik keu möta malgeri, yembuk eraum möta möndömkösök keu melenqelenñ ahökmö, yenön Sol kapan köla qeget kömumapkö mötket. ³⁰ Mi esapkögetka

* 9:23: 2 Kor 11.32-33

alaurupɲan Sol miwikɲaiba waɲgita Sisaria taonöŋ anda kinda melaigetka nanɲök toroqeba ahuahua taonɲi qetɲi Tarsus miangören anök. Mewö.

Urumelenj kambu yeŋön luainöŋ malget.

³¹ Solnöŋ uruɲi melenɲiga miangö andöŋe urumelenj könagesö pakpak Judia, Galili aka Samaria prowins dop köla malgeri, yeŋön luai miwikɲaigetka Uɲa Töröŋan i mem köhöiba nanɲöm enɲiiga malget. Mewö mutulanɲöba Kembugö keunɲi oŋgitpinbuköra kenɲötɲini möta nup megetka urumelenj könagesöŋinan qarim sehiiga malget. Mewö.

Pitönöŋ Lida azi kun mem ölöwahök.

³² Pitönöŋ miriɲi miriɲi liliköba Jisösgö könagesö sarakɲi enɲeka anda mala nalö kunöŋ taon qetɲi Lida miangören anɲorök. ³³ Anɲota miangören azi kun qetɲi Ainias miwikɲaiyök. Likeɲɲi kömukömuɲi aiga dumnöhök ahöba mali (yara) yambu 8 teköyök. ³⁴ Pitönöŋ i miwikɲaiba kewö jiyök, “Ainias, Jisös Kraistnöŋ gi mem ölöwak gihiza. Miangöra mönö wahöta tumbulahöpki qezaköman.” Mewö jiiga miangörenök wahörök. ³⁵ Mewö asuhuiga Lida aka Saron ambazip pakpak yeŋön i eka uruɲini melenɲa Kembugören gekötahöget. Mewö.

Pitönöŋ Jopa anda Tabita mem guliyök.

³⁶ Jopa taonöŋ gwarek ambi kun qetɲi Tabita malök. (Qet mi Grik keunöŋ Dorkas, nanine keunöŋ teu, Inklus keunöŋ deer.) Yaŋön nalö dop nup ölöɲɲi ölöɲɲi memba kalem sehisehiɲi mendenɲa ambazip etqeqeɲi bauköm engiba malök. ³⁷ Pitönöŋ gölme miangören mali Tabitanöŋ nalö miangören kawöl asuhum waɲgii kömuyök. Kömui qamötɲi sanɲonɲa memba miri uruɲi kunöŋ öngöba alget.

³⁸ Lida mi Jopa taon kösutɲe tarök. Miangöra Pitönöŋ Lida malöhi, gwarek yeŋön mi möta azi yahöt melaim etkigetka anda Pitö kewö qesim waɲgiyohot, “Gi mönö zilan kanöŋga netpuk Jopa taonöŋ anbin.” ³⁹ Qesim waɲgiyohotka miangörenök amqeba yetpuk anget. Anda anɲotketka qamöt miri uruɲe ahöyöhanɲören waɲgita öngöget. Öngögetka ambi malö pakpak Pitö liliköba sahöta Dorkasnöŋ yembuk mala opo maluku uhum memba enɲiyöhi, mi kondel waɲgiget. ⁴⁰ Kondel waɲgigetmö, Pitönöŋ jii körek yeŋön gem tekögetka simin köla köuluköyök. Köuluköm teköba qamöt mesohol köla kewö jiyök, “Tabita, mönö wahötnöŋ.” Mewö jiiga jeɲi uba Pitö eka wahöta tarök.

⁴¹ Tariga Pitönöŋ böröŋe memba kököbihiiga wahöta kinök. Kiniga urumelenj alaurupɲi aka ambi malö enɲoholi öngöget. Öngögetka kömupnöhök guliba wahöröhi, ambi mi jemesoholɲine ali eket. ⁴² Miangö keu buzupɲi mi Jopa uruɲe miri dop ani möta ambazip gwötɲukɲan könahiba Kembu möt narim waɲgiget. ⁴³ Pitönöŋ Jopa miangören sömanɲi tosatɲi toroqeba mala Saimongö mire tata ahöyök. Azi mi köna esu memegöra bulmakau silenɲi urasiba sanɲonɲa möhamgöba malök. Mewö.

10

Korniliusnöŋ Pitö ohola uruɲi melenɲök.

¹ Taon qetɲi Sisaria miangörenj suahö galöm kiannɲi kun qetɲi Kornilius malök. Yaŋön yarö kambu bahöŋi kun qetɲi “Italigö yarö kambu” qetkeri, miangörenj yarö azi 100 yeŋö galömɲina malök. ² Yaŋön saiwaurupɲi pakpak yembuk Anutu göda qeba waikɲi memba möpöseiba malget. Mewö

malgetka Juda ambazip wanapņi yeņgöra kalem sehisehiņi eņgiba Anutu qösösök (qörörök) köuluköba malök. ³ Mare kunöņ 3 kilok mianğö dop aiga Kembunöņ Kornilius kutum wasöriga imut kun ehök. Imut törörök eka mianğoreņ Anutugöreņ garata kunņan miriņe öņgöi ehök. Garata mianğön öņgöba “Kornilius!” jiba qetņi qerök.

⁴ Mewö qeriga garata ehiba sömbuņi möta jiyök, “Ketaņamni, wanigöra ki kazan?” Mewö jiiga melenök, “Gi köuluköba malnöņga keugi Anutugöreņ öņgöiga möri ölöwakza. Gi ambazip wanapņi kalemņi kalemņi menden eņgimakzani, mi Anutunöņ möta aņğön köla göhöra mötmöriba melaim niņgiiga kazal. ⁵ Mianğöra mönö dölki kolek alnöņga Jopa taonöņ aniga azi qetņi Saimon, qetņi kun Pitö qetzei, ia waņgita kame. ⁶ Yaņön sömbup sileņaņğö nup meme azi qetņi Saimon yaņğö mire köwet jitņe mianğoreņ malja.”

⁷ Suep garatanöņ Korniliusgöra keu mewö jibagun mosöta anök. Mosöta aniga welenqeceņi yahöt etkoholi kayohot. Kayohotka yarö azi kun kösutņeyök kapaņ köla Anutu göda qeba malohori, i mewöyök oholi kayök. ⁸ Kagetka garatagöreņ keu mi körek jii mötketka melaim eņgii Jopa taonöņ anget. Mewö.

Kembunöņ Pitö kutum wasöriga imut ehök.

⁹ Azi yeņön könanöņ angetka miri giani taon dopdowigetka silim bibiņe mianğoreņ Pitönöņ miri uruņi kun eu mianğoreņ öņgöba kinda köuluköyök.

¹⁰ Kinda köuluköba nenegö kömumba yuai nemangö möta jii ohoget. Ohogetka nalö mianğoreņ Kembangö alburupņan qeiga tata imut kun kewö ehök: ¹¹ Suepnöņ anaņiiga kände ketaņi kun erök. Kände mi opo tuatņi ketaņaņğö tandök ewö ahök. Garata yeņön yuai mianğö waņğömi 4 mianğoreņ mamba naņğöbeak, mianğö tandök ewö gölmenöņ erök. ¹² Yuai mianğö uruņe sömbup könaņi könaņi tatket. Sömbup tosatņan köna 4:ņan tiba anakze. Tosatņan wösönöņ ölölöngöba anakze. Mewöyök neiņi neiņi könakemba bölbölgöba anakzei, yuai mewöņi mewöņi mi kände mianğö uruņe mohotņe etket. ¹³ Etketka mianğoreņ qet kun asuhuba keu kewö jii mörök, “Pitö, gi mönö wahöta yuai ki qeba ohoba nenöņ.”

¹⁴ Mewö jii mörökmö, Pitönöņ jiyök, “O Kembu, mewö qahö kötökņi! Mi dönqizinņambuk. Ni nalö kunöņ yuai aņğöjörakņambuk mi kude neal. Ni mianğöra imbilonļoņ mötzal.”

¹⁵ Mewö jiiga qet mianğön kunbuk asuhuba yaņğöra jiyök, “Anutunöņ yuai jim köņjörari ahözawi, göņön mianğö qetņi aņğöjörakņambuk mewö qetnöņga qahö dop kölja.” ¹⁶ Yuai mewöņi mi kunbuk asuhui indimņi karöbut ahök. Indimņi karöbut aiga mianğoreņök kände mi kunbuk örögetka Suepnöņ öņgöyök.

¹⁷ Pitönöņ imut mi eka mianğö könaņağöra köņkuņ aka mötmamğö möt bibihiba tarök. Mewö tariga nalö mianğoreņök Korniliusnöņ azi melaim eņgii kaba Saimongö miri jaruba mianğöra qequesi aka miwikņaiba kaņgota miri naņguņe kinget. ¹⁸ Miri naņguņe kinda kewö qeta qesiget, “Saimon qetņi alaņi Pitö qetzei, yaņön miri kianğoreņ malja me qahö?”

¹⁹ Pitönöņ toroqeba imut mianğö könaņağöra möt bibihiba tariga Uņa Töröņan kewö jii mörök, “Mötnöņ, azi karöbutņan kaba gi jarum gihize.

²⁰ Nöņön azi mi melaim eņgigiba ki kaze. Mianğöra mönö dölki wahöta geba uruyahöt mosöta yembuk anman.” ²¹ Mewö jiiga Pitönöņ azi miengöreņ geba jiyök, “Mötket, iņini azi jaruzei, nöņön mia akzal. Mönö denöwögöra kaze?”

²² Jiiga melenget, “Suahö galöm Kornilius mi azi diņdiņi akza. Yaņön Anutu waikņi mamba möpöseiba mali Juda ambazip kambu körek yeņön göda

öngöngöni qem wanjimakze. Anutugö garata töröni kunjan asuhum wanjiba kewö jim kutui mörök, 'Gi mönö kolek ala Pitö köl öröm wanjinönga mirige öngöba keu uruñeyök jimawi, mi kezap ala mötman.'²³ Mewö melengetka öröm enjii miri uruñe öngögetka köyan köl enjii köisirik tata ahöget. Ahögetka miri gianjiiga Pitönöñ wahöta yembuk anök. Jopa taon miangöreñök ala tosatni enjömeiga yambuk mohotje anget. Mewö.

Pitönöñ kian ambazip yembuk tokoget.

²⁴ Mohotje anda sömañi mohot ahöba anda mala Sisaria taonöñ angotket. Angotketka Korniliusnöñ yengö mamböt aka malök. Mewö mala tinitosolom aka alaurupñi ölöpñi mi köl öröm enjii miriñe tokoba tatket. ²⁵ Angota Pitönöñ mire öngömangö aiga Korniliusnöñ wahöta eta jölöñi jiba könañe geba sipköm wanjiyök. ²⁶ Sipköm wanjiyökmö, Pitönöñ böröñe memba kökobihiiga wahöri kewö jiyök, "Mönö wahötnöñ, nia kun gölme aziyök akzal."

²⁷ Mewö jii yambuk eraum möta miri uruñe öngöyohotka ambazip gwötpukñan tokoba tatkeri, mi engehök. ²⁸ Engeka kewö jii mötket, "Injini Juda ambazip nenjö könañamnini mötze. Juda nini ambazip kianñi enjö mire öngöba embuk köisirik tatatkö soñgo ahöi osizin. Mi osizinmö, Anutunöñ keunji kun kondel niñgiba kewö jiyök, 'Göñön ambazip inji waiñi yengö qetñini mi angöjörak imbilonlonambuk mewö kude qetman.'²⁹ Miangöra injini kolek ala köl öröm niñgigetka nöñön qahö qetala kaba kangetzal. Kangota kewö qesizal: Injini mönö wuanöngöra kolek ala köl öröm niñgiget? Mi ölöp jiget mötpi."

³⁰ Mewö jiiga Korniliusnöñ melemök, "Ni mare kunöñ nalö kewöñe 3 kilok miangöreñ mirine tata köuluk nup memba mala kotpi merak sömañi 4 akza. Köuluk nup memba malbiga miangöreñök azi kun sileötañi asakmararañambuk mianön asuhuba wösöne kinök. ³¹ "Wösöne kinda kewö jiyök, 'Kornilius, gi köuluköba malnönga keugi Anutugöreñ öngöiga möri ölöwakza. Gi kalemñi kalemñi ambazip wanapñi mender enjimakzani, mi Anutunöñ möta anöñ köla göhöra mötmöriba melaim niñgiiga kazal. ³² Miangöra mönö döлки kolek alnönga Jopa taonöñ aniga azi qetñi Saimon, qetñi kun Pitö qetzei, ia wangeta kame. Yañön sömbup silenangö nup meme azi Saimon yangö mire köwet jitñe malja."

³³ "Mewö jiyöhanğöra aka nöñön miangöreñök kolek albiga göhöreñ kaget. Göñön keuni möta kazañgöra uruni ölöwakza. Kembunöñ keu pakpak jimangö jim kutum gihiyöhi, göñön mi ölöp jinöñ mötpin. Nini pakpak döлки mianğöra tokoba Anutugö jemesoholñe ki tatzin." Mewö.

Pitönöñ Korniliusgö mire Buña keu jiyök.

³⁴ *Korniliusnöñ mewö jiiga Pitönöñ könahiba kewö jiyök, "Aha! Anutunöñ ambazip tosatñi qahö engek soriba tosatñi qahö qepureim enjimakzapmö, dop mohotnöñ kewöt nenjimakza. Yangö jene kunjan angöjörakñambuk qahö akza. Nöñön mi döлки ölna möt kutuzal.

³⁵ "Mewö qahöpmö, ambazip kambuñi kambuñi körek yengö sutñine denike yengöreñök kunjan Anutu waiñi memba möpöseiba aiakanjan köna diñdiñi wuatangözawi, yañön mönö Anutugö jene dop kölja. ³⁶ Jisös Kraistnöñ ambazip körek nenjö Kembuya aka luai qem nenjimakzawi, Anutunöñ Buña keunji mi Israel könagesö nenğöreñ ali kayök. Buña mianön kaiga nini mianğö Ölöwak Buñañi jim asariba maljin. ³⁷ Jonöñ ambazip uruñini kunğuba kewö

* 10:34: Dut 10.17

jiyök, 'Injini mönö uruñini melengetka nöñön o melun mem engimam.' Mewö jiuga miangö andöñe keu mi Galili prowinsnöñ könahiba jiget sehiba anda Judia prowinsnöñ angota körek dop kölök. Injini mi lök mötze.

³⁸ "Anutunöñ Uña Töröñi Nazaret azi Jisösgö uruñe mokoiga kukösum buña qem anguba gölme dop liliköba malöhi, mi yambuk kiniga anda ambazip ak kömum enjiyök. Bölönangö Toñan ambazip ösumñan jöhöba öröm enji gegeri, yanön mi pakpak mem ölöwak engim teköyök. ³⁹ Yuai mi Juda nenjö gölmenöñ aka Jerusalem sitinöñ aka memba maliga ip kemañe ala qeget kömuyök. Nini mi pakpak eka nanjöba jiba dangununji aka kinjin. ⁴⁰ Kömumba ahöi sömañi karöbut aiga Anutunöñ mem gulli wahörök. Wahöta indimñi gwötpuk ambazip asuhum enjiyök.

⁴¹ "Yañön ambazip kambu pakpak yengöra qahö asuhuyökmö, Anutunöñ mutuhök nini möwölöhöm nenjiiga Jisösnöñ kömupnöñök wahöta malöhi, nalö miangörej yambuk keu eraum möta nene angum nem malini, mönö nenjöra asuhuiga nini miangö keunji nanjöba jiba kinjin. ⁴² Mewö kininga Jisösnöñ kewö jim kutum nenjiyök, 'Anutunöñ kungum nenjiiga nöñön ambazip maljei aka kömuger, yengörej jimtekötekö Toñina akzal. Miangöra enjön mönö nöñgö könañamni mi ambazip kambu dop yengöra nanjöba jim asariba malme.' ⁴³ Ambazip denike yenön Jisös möt narim wanjiba qetñi qerakzei, Anutunöñ mönö qet mi möta yengö singisöndokñini mosöta sanjoñmakza. Yañgö könañamni mewö ahözawi, mi kezapqetok ambazip körek yenön nanjöba jim asariba ohoget ahöza." Mewö

Uña Töröñan kian ambazip yengörej erök

⁴⁴ Pitönöñ keu mewö jibayök kiniga Uña Töröñan ambazip kezap ala mötkeri, yengö uruñine geyök. ⁴⁵ Anutunöñ Uña Töröñ kalemñi mi kian ambazip yengö uruñine mewöyök moko geyöhi, mi Pitögö alaurupñan eka auruget. Juda ambazip silenine Anutugö aiwesökñi yandigetka uruñini melenja Jisös möt nariba Pitö wuatangöba kaba tatkeri, mienön mönö auruba kewögöra welipköget: ⁴⁶ Yenön kantri tosatñi yengö keunji murutñi murutñi könahiba jiba Anutu möpöseiget. Miangöra welipkögetka Pitönöñ kewö qesiba jiyök, ⁴⁷ "Yenön Uña Töröñi mi nenjön ahin ewö angön köla buña qem anguzei, mi mötzin. Miangöra i ölop o melun mem enjiinga dop kölma. Mi ahinga danön qetal nenjibawak?"

⁴⁸ Mewö jiba jim kutum enjiiga Pitögö alaurupñan kinda Jisös Kraistkö qetñe Kornilius saiwaurupñi o melun mem engiget. O melun mem engigetka Pitö angön köl wanjigetka toroqeba silim tosatñi yembuk malök. Mewö.

11

Pitönöñ Jerusalem anda nupñangö kösohotñi jiyök

¹ Kian kantri yenön mewöyök Anutugörej keu memba angön kölgeri, miangö buzupñi mi aposol aka urumelen alaurup Judia prowins dop köla mala mötket. ² Miangöra Pitönöñ Jerusalem sitinöñ lilingöba öngöiga Juda silenine Anutugö aiwesök yandigetka uruñini melenjeri, yenön jijiwilit (jellikit) aka jim wangiget. ³ Jim wanjiba kewö jiget, "Kian kantri azi Anutugö aiwesökpak qahö maljei, gi mönö wuanöngöra anda yembuk köisirik tata nene nenöñ? Mi qahö dop kölja." ⁴ Mewö jigetka könakönahineyök könahiba yuai asuhuyöhi, mi körek pakpak arenjambuk jim asarim engiba kewö jiyök,

⁵ “Nöñon Jopa sitinön mala köuluköbige Kembugö alburupñan nunñuiga tata imut kun kewö ehal: Suepnön anañjiiga könde ketanji kun erök. Könde mi opo tuatñi ketanjanjö tandök ewö ahök. Garata yeñon yuai miangö wañgömñi 4 miangörej memba nañgöbeak, miangö tandök ewö nöñgö kösutneyök eta ahöyök. ⁶ Eta ahöiga yuai miangö uruñe törörök ekiga sömbup könanji könanji miangörej tatket. Sömbup tosatñi mi gölmenön köna 4:ñan tiba anakze. Tosatñi kalñi köñöñinambuk akze. Tosatñan wösöñinan ölölöngöba anakze. Mewöyök nei könanji könanji könakemba bölbölgöba anakzei, yuai mewö mi könde miangö uruñe mohotñe etketka engehal. ⁷ Engekiga qet kun mewöyök asuhuba kewö jii möral, ‘Pitö, mönö wahöta yuai ki qeba ohoba nenöñ.’

⁸ “Mewö möralmö, nöñon kewö jial, ‘O Kembu, ni miangöra imbilonñon mötzal. Yuai dönqizin anğöjörakñambuk mewöñi mi nalö kungen nöñgö num-bunan qahö oseiyök. Miangöra mi mönö qahö kötokñi nemam.’ ⁹ Mewö jibiga qet miangön kunbuk Suepnöhök asuhuba kewö jiyök, ‘Anutunön yuai jim köñjörari ahözawi, göñon miangö qetñi anğöjörakñambuk mewö kude qetman.’ ¹⁰ Yuai mewöñi mi indimñi karöbut asuhuyök. Mewö asuhuiga yuai pakpak mi kunbuk örögetka Suepnön lilingöba öñgöyök. ¹¹ Öngöba atatop (jataton) köliga nalö miangörejök Korniliusnön Sisaria taonöhök azi karöbut melaim enñii nöñgörej kageri, yeñon miri tarini, miangö nañgunje kinget.

¹² “Nañgunje kingetka Uñanön keu jim kutum niñii möral, ‘Gi mönö uruyahöt yaköriba yembuk anman.’ Keu mi mötpiga urumelenj alaurupni 6 yeñon mewöyök Jopa mosöta nömbuk Sisaria taonön anin. Sisaria anğota suahö galöm miangö mire öñgöin. ¹³ Öngöinga keu kösohot kewö ak nengiyök, ‘Garata kunñan nöñgö mire asuhuiga ekiga kinda kewö jii möral: Gi mönö Jopa mire kolek ala azi qetñi Saimon, qetñi kun Pitö i wañgita kaget. ¹⁴ Yanñon kaiga Buña keu jiiga gi aka saiwaurupkan mi möt nariba uruñini melengetka körek amöt qem enñiiga letotme.’

¹⁵ “Kösohot mi ak neñgiiga nöñon könahiba Buña keu jial. Mi jibi mötketka Uña Töröñan könakönahine neñgö urunine geyöhi, mönö miangö dop kezap ala mötketka yeñgö uruñine mohot geyök. ¹⁶ *Yanñon geiga ekiga miangörejök Kembugö keu kun nöñgö mötmötnön kanğori mötmörial. Keu mi kewö, ‘Jonön o töhönön melun mem enñiyökmö, nöñon Uña Töröñi uruñine ala miangön melun mem enñimam.’ ¹⁷ Neñon Kembu Jisös Kraist möt narim wañgiinga Anutunön kalemnji nengiyöhi aka yeñon möt narigetka Anutunön kalemnji miyök enğö uruñine mewöyök alök. Miangöra aka ni ewöñan mönö denöwö Anutu kukösum Tonji esapköba qetal wañgibileñak? Yanñon mewö ak enñiiga nöñon anğön köl wañgimangö osial.”

¹⁸ Pitönön kösohotñi mewö jii möta uruñini amörii böñjön aiga Anutu möpöseiba kewö jiget, “Ölña, nini urunini melenđa malmal köhöikñanjö buñaya akzin mötzinmö, Anutunön köna mohot mi kian kantri ambazip yeñgöra mewöyök al enñii ahöza. Mi mönö döлки asariba möt kutuzin.” Mewö.

Kian kantrinön urumelenj kambu mutukñi asuhuyök.

¹⁹ *Stiwen qeget kömuyöhañgöra aka kahasililinj asuhuiga urumelenj ambazipnön denđa liliköba anda kaget. Anda kagetka tosatñan köwet jitre Fonisia gölmenön anget. Tosatñan köwet kutuba gölme gölannji qetñi Saiprus miangörej anget. Tosatñan Siria prowingsö sitinji qetñi Antiokia anget.

* 11:16: Apo 1.5 * 11:19: Apo 8.1-4

Mewö denja angetmö, ambazip sutjine Jisösgö Buja keu mi Juda ambazip yengörök jigetka mötket. Kian kantri yengöra mi qahö jiget. ²⁰ Qahö jigetmö, Saiprus aka Sairini azi tosatjan yengö sutjine malget. Yeñon kian gölmenöñ qariba Antiokia sitinöñ kangota gölme tonji yembuk Grik keunöñ eraum möta Kembu Jisösgö Ölöwak Buja mi mewö Juda qahö yengöra mewöyök jim asarim engiget. ²¹ Mi jim asarim engigetka Kembunöñ yembuk mali ösumjan ambazip urunji kungum engii gwötpuk yeñon Kembu Jisös möt nariba urunji melenja yanğoreñ qekötahögetka kambunji qariiga ketanji ahök.

²² Mewö aiga miangö buzupjan anda Jerusalem könagesö yengö kezapjine gei mötket. Mi möta Barnabas melaigetka Antiokia sitinöñ anök. ²³ Anda angota Anutunöñ kalem möriamni ambazip engii ölöwakeri, mi jeñan eka möri öngöi söñgaiba qambañ kewö jiyök, “Inji mönö körek pakpak urunji qezaköba köhöiba Kembubuk qekötahöba kinme.” ²⁴ Barnabasnöñ azi ölöpnji aiga Uja Töröñan urunji kokolak qeiga uruyahöt andö qeba urunji jömk miangön Jisös möt narim wanğiba malök. Miangöra ambazip gwötpukjan urunji melenja Kembugö kambunöñ toroqegotka qariyök.

²⁵ Barnabasnöñ Antiokia mosöta Sol jarumangöra Tarsus taonöñ anök. ²⁶ Anda miwikñaiba wanğiri Antiokia sitinöñ kayohot. Kaba miangöreñ mohotjanjire (yara) yambu mohot jömkjanök mala zioz nup memba urunji melenjeri, mi kambunji kambunji köla kusum engiyohotka ambazip gwötpukjan mötmöt memba urukönömjine alget. Antiokia ambazipnöñ mutukñi könahiba gwarek qetjini Kraistkö alaurup (kristen, Kraistkö buja) qeta malget. Mewö.

Kian kantrigö urumelen yeñon Juda nanğöm engiget.

²⁷ Nalö miangöreñ kezapqetok ambazip tosatjan Jerusalem mosöta Antiokia sitinöñ eta kangotket. ²⁸ *Yengöreñök kun qetji Agabus mi wahöta Uja Töröñan sölölohöi buzup keu kewö jii mötket, “Bödi ketanjan asuhuba gölmenji gölmenji dop köla ahöma.” Mewö jiiga miangö dop sisa kin qetji Klodius yanğö galömkölköl nalöñe asuhuyök. ²⁹ Mi asuhuiga gwarek yeñon mindiriba urumelen alaurupjini Judia prowinsnöñ malgeri, mi nanğöm engiba mindimindiri naluk ketanji alget anmapkö keu jöhöget. ³⁰ Keu mi jöhöget aka miangö dop ölna aket. Yeñon monen aka yuai tokoba Barnabas Sol yetkö böröñjire ala melaim etkigetka Jerusalem anda urumelen könagesö yengö jitmemeurupjini engeka engiyohot. Mewö.

12

Herodnöñ Jeims qeba Pitö kösö mire alök.

¹ Nalö miangöreñ kin Herodnöñ* urumelen könagesö sesewerowero mem engibingö möta jiiga urumelen ambazip tosatji engimemba jöhöm engiget. ² Kinöñ jiiga Jongö datnji Jeims mi bimgö sou ketanjan qegetka kömuyök.

³ Mewö jii kömuiga Juda ambazip tosatjan mi mötket ölöwahiga ehök. Mi eka miangöra toroqeba jiiga Pitö mewöyök memba jöhöget. Yuai mi beret yistnji qahöpkö kendon nalöñe jiiga asuhuyök. ⁴ *Miangöra kinöñ kewö

* **11:28:** Apo 21.10 * **12:1:** Kin Herod Agripa I (mutukñi) yanğon (yara) yambu 37-44 miangöreñ Palestain pakpak galöm köl engiba malök. * **12:4:** Eks 12.1-27

jiyök, “Nöhön ak-kömükömu kendon† teköiga Juda yengö keu jakenje almam.” Mewö jiba jii kösö mire alget. Algetka yarö azi 16 yeñön sutñine kambu 4 köla nalö utekutek aketka azi 4:ñan sundan suñgem asak kinda galöm mem wañgiba malget. ⁵ Pitö mewö galöm mem wañgiba malgetka kösö mire ahöyökmö, urumelenj könagesö yeñön sundan dop yanggöra aka Anutu kapan köla köuluköba malget. Mewö.

Suep garatanöy Pitö pösata wañgita erök.

⁶ Köuluköba malgetka ak-kömükömu (Pasowa) kendon teköiga suñgem miangörej yarö azi yahötñan Pitö tapep (muñgamuñga) yahötñöh jöhöm köhöiyohotka sutñire gaun ahöyök aka wahibuk tosatñan nanju andöñe kinda kösö miri galöm meget. Kin Herodnöh miri gianjiiga Pitö wañgita keu jakenje almangö mötmöriba areñ ali gaun ahöget. ⁷ Gaun ahögetmö, Kembugö garata kunñan wölan asuhuba Pitö qöhöröñe kini kösö mirigö uruñi asarim teköi Pitögö nambulñe qeba jiyök, “Mönö zilañ wahötñöh.” Mewö jii tapep (muñgamuñga) yahötñan miangörejök Pitögö böröñeyök öne sulohot. ⁸ Sulohotka garatanöy jii mörök, “Mönö opogi jöhöba köna esugi utnöh.” Mi möta mewö ahök. Mi aiga toroqeba jii mörök, “Mönö malukugi kölnöh geiga ni nuatanögöba kaman.”

⁹ Mewö jii möta miri uruñi mosöta wuatangöyök. I wuatangöba anökmö, garatanöy yuai ahöhi, mi ölna asuhuyök me qahö, yanön miangöra möri janjuñ ahök. Yanön gaun ahöba imut ehöhi, miangö tandöktandök möri ahök. ¹⁰ Miri uruñi mosöta nanju mutukñe galöm memba kinohori, mi etkonjita nanju kunöh angota etkonjita öne kutuba anda kösö miri silenangö ain kiripone angorohot. Angorohotka nanju köhöikñi ketanji miangön mönö nanjök öne taliga yaigepñe siti köna numbuñe geyohot. Geba köna namñi strit kun toroqeba anohotka garatanöy wölan Pitö mosöta sök alök.

¹¹ Sök aliga Pitögö uruñi tohoiga kewö jiyök, “O Kembunöh mönö garatanji melaii kaba Herodgö böröñeyök meköm niñgiza, mi mötzal. Juda ambazipnöh nöngö silene yuai asuhumapköra mambötzei, yanön mönö yuai pakpak miangörejök bohoni jöhöza. Nöhön dölkü mi ölna möt kutuzal.”

¹² Mewö möt kutui asariiga Jongö namñi Mariagö mirinöh göröken anök. Jon miangö qetñi kun Mak qetket. Miri miangörej ambazip gwötpukñan tokoba Anutu köuluköba malget. ¹³ Mewö malgetka Pitönöh kaba söndakñöh kinda nangunöh qeyök. Nangunöh qeiga welenqeçe ambi qetñi Roda yanön kaba “Gi danön?” jiba qesiyök. ¹⁴ Qesiba kinda Pitögö jölñi möt kutuba “I-ia kazan!” jiba söñgaiba luhuba nanju qahö öröba ösumñan miri uruñe öngöba jiyök, “Pitönöh kaba nangunöh kinja.” ¹⁵ Jii möta yanggöra “Urugi sohoi jizan,” jiget. Jigetmö, yanön bohon köla “Keu ölna jizal!” jiyök. Mewö jiiga jiget, “Mi mönö Pitögö garatanan kinja.”

¹⁶ Mewö eramum mötkekmö, Pitönöh nanju qebayök kiniga öröba eka au-ruget. ¹⁷ Aurugetka böröñan söpsöp ala ölöñ almegö jiyök. Jiba Kembunöh kösö mireyök wañgiri yaigepñe eröhi, kösohot mi jiyök, “Injini buzup ki mönö bisop Jeims aka urumelenj alaurup tosatñi yenggöra jigetka mötme.” Mewö jiba enjömosöta miri kungen anök. Mewö.

Pitönöh kösö miri mosöriiga Herodgö irimñi sehöliyök.

† 12:4: Pasowa nanine keunöh qetñi alanji mi walöñsörak aka goukölköl. Israel ambazip yeñön Ijiti mala nangunini sepnöh mirigetka Anutuögö garatanöy neñgehoriha neñgonjita morö mutukñini qahö enjuji kömuget.

18 Miri gianjiiga yarö azi yenjon Pitö jaruba “Denike sömuniba sök ala anja?” jiba miangöra kahasililin aka waimanjat ketanji mötket.† 19 Herodnöj mewöyök Pitö miwiknaimegö jii jarum bibihiba qahö miwiknagetka azi wahibuk Pitögö galöm megeri, mi keu jakene ala gwötpuk qesim engiba jim teköba enguanjiita enguget kömumegö jim kutum enjiyök. Miangö andöñe Judia prowins mosöta Sisaria taonöñ geba miangören malök. Mewö.

Anutunöñ kin Herod kitipni wanji kömuyök.

20 Fonisia prowinsgö taon qetnjiri Taiö aka Saidon yenjon nenegö nupnjini membängö osiba kin Herodkö kantri yengörenök nene yuainjini bohonji memba malget. Mewö malgetka Herodkö irimni seholiiga Taiö Saidon kerök ak engiba nene engimegö songo alök. Miangöra yenjon mindiriba jitmemeurupnjini melaim engigetka kambu köla kin Herod ekingöra anget. Angetka jembonji qetnji Blastus jakömbuak mirinangö galömñan i mutuk engehök. Engehiga jiget, “Nini keu jim solaniinga luai ahumapkö qesibingöra kazin.” Mewö jiba jim mölöwörim ak wanjiagetka jiyök, “Ölöp keunjini kötöngöba andöñine kinmam.”

21 Mewö jiiga kinnöñ keu melen enjimangö nalö mem enjiiga miangören tokogetka nanji silenji menjölöba kin azi kembangö malukunji köla eta jakömbuak dum tatatje tata yengöra sösongai keu jiyök. 22 Jiiga ambazip kambu yenjon möta kewö jiba qetket, “Keu mi Anutugören keuya. Mi gölme azigö keuya qahö.” 23 Mewö qetketmö, kinnöñ mewö aka Anutugö qetbunaji qanj köla qahö möpöseiba nanji möri öngöyök. Miangöra Kembangören Suep garata kunñan miangörenök qei döhöñöñ yöhösii kömuyök. 24 Mewö asuhuyökmö, Anutugören Buja keu mi jiba malgetka töhötmöriamñambuk aka sehüyök.

25 Antiokia siti yenjon Barnabas aka Sol nangönangö misin nup kun setkigeri, yetkön mi Jerusalem mala meköyohot teköyök. Mi teköiga Jon qetnji kun Mak qetkeri, i wanjiita mohotje Jerusalem mosöta Antiokia sitinöñ lilingöba kaget. Mewö.

13

Barnabas Sol yetkön misin nupkö könahiba anohot.

1 Antiokia sitinöñ tosatñan urunji melenja urumelen könagesö aketka jitmemeurupnjini kewöñan kezapqetok keu jiba kusum engiba malget: Qetnjini Barnabas aka Simeon qetnji kun Injanji (Grik keunöñ Naijö) aka Lusius (Sairini gölmegöra), Manain (mi kembu gawönö Herod* yambuk öröröñ mala qariyohot) aka Sol. 2 Urumelen könagesö yenjon Kembangö waikni memba möpöseiba nene singi malgetka miangören Uña Töröñan kewö jiyök, “Nöñon Barnabas aka Sol nup qainji kun memahotköra etkoholal. Miangöra enjon mönö i jim teköba melaim etkigetka anmahot.”

3 Mewö jiiga köulukömegöra nene singi mala böröñini nöropñire algetka Kembangö ösumñan etkualöñniga melaim etkigetka anohot. Mewö.

† **12:18:** Köso azinöñ ölöñ kölbawak, azi wahibuk mi mönö engugetka kömuzema. Rom gawman nupkö arenji mewö. Miangöra kahasililin aka waimanjat ketanji mötket. § **12:25:** Antiokia yengören nangönangö monenji mi memba anda Jerusalem urumelen könagesögö jitmemeurup yengö böröñine alohot. Miangöra qetnji nangönangö misin nup kun jizin. Apo 11.30 * **13:1:** Herod Antipas yanjon (yara) yambu 4 B.K.-39 A.D. miangören Galili aka Perea prowins yahöt mi galöm köl engiba malök.

Saiprus gölme jölanje anda nup meget.

⁴ Uña Töröñan mewö melaim etkiiga miri qetnji Selusia miangörej geyhot. Miangörej geba wañgenöñ öngöyohotka opo seri öröba möröñgögetka luhutnöñ nanjöi anda gölme jölanñi Saiprus miangö wehön kotkotnje angotket.

⁵ Angotketka siti qetnji Salamis miangörej anda Juda ambazip yengö köuluk mirinj mirinj miangörej öngöba Anutugö Buña keu jiba uru kungum enjihohot. Azi qetnji Jon i mewöyök wañgirohokka yetpuk anda kaba al-abauknjira malök. ⁶ Mewö mala gölme jölanñi jömuknji liliköba kutuba likepñe wehön gegeñe Pafos sitinöñ angotket. Miangörej angota Juda azi qetnji Barjisós miwikñaiget. Yanñon sunja jinan azia aka kezapqetok azi takapulakanñi malök.

⁷ Sunja azi mi gölme jölanñi miangö kiapñi qetnji Sergius Pol yanjö mire tata malök. Kiap mianñon mötkutukutu azia malök. Mewö mala Anutugörej Buña keu mötmangö sihimñi ahöiga Barnabas Sol köl öröm etki yanjörej kayohot.

⁸ Kayohotmö, Elimas, (sunja memegöra qetnji Grik keunöñ mewö jimalgeri,) yanñon kiapnöñ Anutu möt narim wañgabapuköra tuarenjöñ ak etkiba kiap urunji keunöñ enololoñ memangö esapköyök. ⁹ Esapköiga Sol, qetnji alanñi Pol qetkeri, Uña Töröñan yanjö urunji kokolak qei Elimas törörök ek kutuyök.

¹⁰ Ek kutuba kewö jiyök, “Ye! Timbiqimbilim azi gi mönö Bölöñi Tonangö moröya akzan! Satanöñ urugi isimkakaleknöñ kokolak qeiga silenöñ alal könanñi könanñi aka malakzan. Keu diñdijñi pakpakö kerökñi aka Kembugörej köna diñdijñi möwöramgönöñga gongimakzawi, mi mönö mosötman me? ¹¹ Miangöra mötnöñ! Kembunöñ mönö böröñi qake aliga ösumñan turum gihiiga jegi gömölii wehön asakñi ekñangö osiman. Yanñon nalö meyöhangö dop mönö janjuñ aka malman.” Jii miangörejök söñaupnöñ qakñe eta turui ömun köla jipjap aka ilingösöñ anda kaba böröñe memegö qesiba böröñan mezanqezan ahök. ¹² Yuai mi asuhuiga kiapnöñ mi eka Kembugö Buña keu mötmötñangöra welipköba möt narim wañgiyök. Mewö.

Pisidiagö Antiokia taonöñ misin nup meget.

¹³ Polnöñ nenakurupñi yembuk Pafos miri mosöta wañgenöñ öngögetka opo seri öröba möröñgögetka luhutnöñ nanjöiga anda mala Pamfilia prowingsö siti qetnji Perga miangörej angotket. Miangörej angota kinda Jonöñ etkömosöta elenja Jerusalem sitinöñ lilingöyök. ¹⁴ Lilingöyökmö, yetköñ Perga siti mosöta torogeba anda Pisidia prowingsö taon qetnji Antiokia miangörej angorohot. Miangörej angota Sabat kendonöñ köuluk mirinjine öngöba tarohot. ¹⁵ Tarohotka köuluk mirigö galöm yenñon Mosesgö Köna keu aka kezapqetok yengörej Buzup Kimbi oyonñda welen algetka eta kewö qesim etkiget, “Azi alayahöt, etköreñ keu kun köñagesö urunini kungubingöra ahöza ewö, mi mönö ölop jiyohot mötpin.”

¹⁶ Mewö jigetka Polnöñ wahöta börö misiba kewö jiyök, “Israel kianurup aka gölme tonji nembuk Anutu waikñi memba möpöseimakzei, inñini mönö kezap ala mötket. ¹⁷ *Israel ambazip kambu nanine bennini mi Anutu. Yanñon bömönurupnini möwölöhöm enjiiga ambösakonurupninan Ijpt gölmenöñ anda kian aka malget. Anutunöñ nalö miangörej Israel ambazip kambu mi töhötmöriam enjiiga sehiba qetbuñanñinambuk aket. Mewö aketka Anutunöñ angöletot aka kukösumñi kondela mianñon enjguanñgiri Ijpt kantri mosöta yaigep kaget.

* 13:17: Eks 1.7; 12.51

18 *¹⁸“Kaba mala gölme qararančkölkölne kutuba kaba ahakmeme bölöñj aka malgetka Anutugö irimñan seholiiga (yara) yambu 40:gö dop urubölö möta malök. 19 *¹⁹Möta malökmö, tøndup kaba mala Kenan gölmenöñ kanğotket. Kanğotketka miangöreñ ambazip kambu 7 közöla köñdeñ engiba gölmenjini memba mendeñda isikurupnini toñe toñe akñegö buña qem engiyök. 20 *²⁰“Mewö asuhuiga (yara) yambu 450 miangö dop anök. Miangö andöñe Anutunöñ jimtekötekögö azi kembuñj kembuñj kuñgum engiyök. Mi kuñgum engii mala kotketka Samuelnöñ asuhuyök. Yanöñ jimtekötekögö azi kembu qöñdökñi aka kezapqetok azia malök.

21 *²¹“Samuelnöñ asuhaba mali nalö miangöreñ kin kembugöra uletketka Anutunöñ azi qetñi Sol engiyök. Sol yanöñ Benjamin isikurup yengöreñök azi qetñi Kis yangö nahönña ahök aka (yara) yambu 40:gö dop kin kembuñjina malök. 22 *²²Mi malökmö, Anutunöñ Sol uteköba salupñe azi qetñi Deiwid kin azi kembuñjini akñapköra möwölöhöba kuñguyök. Kuñguba köñanmñj jim asariba kewö jiyök, ‘Nöñön Jesigö nahönñi Deiwid miwikñaizal. Yangö uruñj kewöta mötpi ölöp dop köl niñgiza. Yanöñ möñö ahakmemeni pakpak miangöreñ nongö jitni tem köla malma.’ 23 Anutunöñ möñöwök Amötqeeq Tonj melaim neñgimapkö jiyöhi, jöhöjöhö keu miangö öñan möñö kewö asuhuyök: Deiwidkö gwölöñarökurupñi yengöreñök azi qetñi Jisös asuhuiga Anutunöñ i Israel kambu neñgö Amötqeeq Tonini aka malmapköra kuñguyök.

24 *²⁴“Jisösnöñ qahö asuhuiga qeljine miangöreñ Jonöñ mutuk kaba kewö jiba malök, ‘Injini möñö uruñjini melenget. Uruñjini melengetka nöñön o melun mem engimam.’ Mewö jiba Israel ambazip kambu pakpak uru kuñgum engiba malök. 25 *²⁵Mewö malökmö, yanöñ mirililik nupñi mem tekömangö aka miangöreñ kewö jii mötket, ‘Injini nöñgöra denöwö mötmörize? Yuai mötmörizei, nöñön mia qahöpmö, mötket, nöñgö andöne azi kun kama. Yanöñ kaiga nöñön yangö qöhöröñe eretñi maljalangöra wayangösöñi teñgöba köna esu kösöñi pösatmamgö qötötangömam.’

26 “O alaurupni, Abrahamgö gwölöñarökurupñi aka gölme toñj enöñ nem-buk Anutu waikñj memba möpöseimakzei, Anutunöñ amöt qem neñgimapkö Buñaji mi ali neñgöreñ kaza. 27 Miangö köñanji kewö: Jerusalem toñj aka galömurupnini yeñön Jisösgö köñanji qahö möt kutuget. Kezapqetok yengöreñ Buzup Kimbi Sabat kendon dop oyoñmakzemö, miangö köñanji qahö möt asarimakze. Mewö töñpin maljemö, tøndup galömkölköl aziurupninan Jisös kömumapkö keunji jim tekögetka kezapqetok ambazip yengöreñ keu mi mewö miangöñ öñjambuk ahök. 28 *²⁸Yeñön Jisös kömupkö buña akñawanğö dop keu köñanji jaruba kun qahö miwikñaiba tøndup “Yapmakek!” qetket. Qeta Pailötnöñ jim teköi kömumapkö qeta uletket.

29 *²⁹“Yangöra keu pakpak ohoget ahözawi, yeñön möñö miangö dop aketka öñji ahum teköiga Jisös ipñöhök meköba eta qaksirinöñ anda köt köteñ uruñe alget. 30 Algetmö, Anutunöñ i kömupñöhök mem gulii wahörök. 31 *³¹Wahöri yambuk Galili prowinsñöhök Jerusalem sitinöñ kageri, yengöra möñö silim gwötpuk miangöreñ asuhum engiyök. Alaurupñi asuhum engiyöhi, yeñön

* **13:18:** Jañ 14.34; Dut 1.31 * **13:19:** Dut 7.1; Jos 14.1 * **13:20:** Kemb 2.16; 1 Sml 3.20 * **13:21:** 1 Sml 8.5; 10.21 * **13:22:** 1 Sml 13.14; 16.12; Sum 89.20 * **13:24:** Mak 1.4; Luk 3.3 * **13:25:** Mat 3.11; Mak 1.7; Luk 3.16; Jon 1.20, 27 * **13:28:** Mat 27.22-23; Mak 15.13-14; Luk 23.21-23; Jon 19.15 * **13:29:** Mat 27.57-61; Mak 15.42-47; Luk 23.50-56; Jon 19.38-42 * **13:31:** Apo 1.3

nalö kewöŋe ambazip sutŋine dangunu ewö kinda kōnaŋi nanŋōba jim asariba malje. ³² Anutunōŋ Juda ambōsakonurupnini yembuk yuai akŋamgō keu jim jōhöiga nini yeŋgō gwōlōnarōkurupŋini ahinga keu walŋi miangō ōlŋan mōnō nalö kewöŋe neŋgōra kewō asuhuyōk: Yaŋōn Jisōs mem gulii wahōta malja. Miangōra neŋōn miangō Buŋa ōlōpŋi mi jim asarim eŋgizin.

³³ * “Anutunōŋ Jisōsgōra keu jii Deiwidnōŋ mōri Sumbara (Buŋa liŋet Sam) jaŋgō yahōt miangōreŋ kewō ohoi ahōza, ‘Gōŋōn nani nahōna akzani, nōŋōn mi merak ambazip eŋgōra kondelbiga eka mōtze.’

Yaŋōn keu miangō dop Jisōs mem gulii wahōrōk.

³⁴ * Jisōs mem gulii kōmupnōhōk wahōta kōhöiba mala kōnaŋep kunbuk qahō kōmuma. Miangō keuŋi Anutunōŋ kewō jii ahōza, ‘Ni kalem mōriamni kiŋ Deiwid waŋgiba malbiga sarakŋi aka pōwōwōm kōhöiba kinōhi, miangō dop mi mōnō eŋgōra tōkōm eŋgimam.’

³⁵ * Deiwidnōŋ miangō keuŋi mi Sumbara (Buŋa liŋet Sam) kun miangōreŋ mewōyōk kewō ali ahōza, ‘Nangahō wōlbōt azigi sarakŋi i mōnō qahō mosōtnōŋga kōmupkō lōmnōŋ qahō gisahōma.’

³⁶ Nini kiŋ Deiwidkō kōnaŋi mōtzin: Yaŋōn malmalŋi mala Anutugō jitŋi wuatangōba nup waŋgiyōhi, mi mem tekōba nōŋ qeba kōmuyōk. Kōmui ambōsakonurupŋi yeŋgō kōsutŋine lōm kōlgetka qamōtŋan ahōba gisahōba qahōwahōk. ³⁷ Deiwidnōŋ gisahōba qahōwahōkmō, Anutunōŋ azi mem gulii wahōrōhi, yaŋōn mōnō qahō gisahōyōk.

³⁸ “Azi alaurupni, miangōra keu ki mōnō mōtket: Anutunōŋ Jisōsgōra aka siŋgisōndokŋini mosōta saŋgoŋma. Neŋōn miangō Buŋaŋi jim asarim eŋgizin.

³⁹ Mutuk ‘Mosesgōreŋ Kōna keu wuatangōba mewō miangōn solanŋi akin,’ jinnmō, mi inōŋ wainōŋ qakōba osiba malin. Mewō malinmō, nalö kewöŋe denike yeŋōn Jisōs mōt nariba yambuk qekōtahōmek, Anutunōŋ mōnō kōrek yeŋgō keuŋini jim tekōga solanime. ⁴⁰ Kezapqetok ambazipnōŋ keu jiba ohoget ahōzawi, Anutunōŋ miangō dop likepŋi melenŋi qakŋine ōŋgōbapukōra mōnō galōmŋini mem aŋgume. Keu mewōŋi kun kewō,

⁴¹ * “Nōŋōn eŋgō malmal nalōŋe aŋgōletot qainŋi kun memam.

Kunŋan miangō keu buzupŋi jii mōtpeak, mi ōlŋi akŋapkō qahō mōt naribeak. Miangōra keu mi memba et ala jijiwilit ahakzei, iŋini mōnō ōne uba eka welipkōba ayuhume.’”

⁴² Polnōŋ mewō jūga Barnabasbuk kōuluk miri mosōta erohotka tosatŋan kewō qesim etkiŋet, “Nini keu ki kunbuk mōtŋingō mōtzin. Miangōra mi Sabat kendon euneanōn ōlōp toroqeba jiyohot mōtŋinak.” ⁴³ Kōuluk mireyōk eta dengetka ambazip gwōtŋupkŋan Pol aka Barnabas kōnaŋire etkuatangōget. Tosatŋan Juda ahuba malget aka tosatŋan kian kantrinōŋ ahuba kōnaŋep Juda ambazip aka malget. Yeŋōn etkuatangōgetka eraum mōta qambaŋ keu kewō eŋgiyohot, “Anutunōŋ kalem mōriam eŋgiyōhi, miangōreŋ mōnō bōŋ qeba kinme.”

⁴⁴ Sabat kendon kun kam kuŋguyōhi, miangōreŋ taon gölme miangō ambazipŋi mi kōlōlohoba “Anutugō Buŋa keu mōtŋin!” jiba kangota tokoget. ⁴⁵ Kangota tokogetka Juda yeŋōn ambazip kambuŋi kambuŋi eŋgeka irimŋini

* 13:33: Sum 2.7 * 13:34: Ais 55.3 * 13:35: Sum 16.10 * 13:41: Hab 1.5

seholim teköyök. Seholim teköiga Polgö keunji qemegö jtnakölik aka gora-nora (noragora) jiba mepaqepaik ak etikiget. ⁴⁶ Mewö ak etikigetka Pol Barnabas yetkôn awösamkakak kinda köhöiba keu kewö jiyohot, “Anutunöñ nup netkiiga Buñaji mutuk Juda ambazip engöra jiinga dop kölbawakmö, injini mi andö qeba lañ kewö jize, ‘Nini malmal köhöikñe angotpingö dop qahö.’ Mianğora mötket, netkôn mönö engömosöta kian kantriji kantriji yengören eleden anbit. ⁴⁷ *Kembunöñ mianğö keunji kewö jiba jim kutum nenğiyök, ‘Nöñön kuñğum gihibiga kian kantri yengö asakñina aka amötqeqegö könañ jim asariba malnöñga gölme gorañi gorañi dop köl teköi likepliket eu emu yeyön letota Suepkö buñaya akñe.’ ”

⁴⁸ Mewö jiyohotka gölme tonji Juda qahö malgeri, yeyön möta uruñini ölöwahi Kembugören Buñaji möpöseiget. Möpöseiba malmal köhöikñangö buña akñegöra Anutunöñ möt kewöt engiyöhi, yeyön mianğö dop uruñini melenđa Jisösgö Buñaji möt nariget.

⁴⁹ Möt narigetka Kembugö Buña keu jim sehigetka prowins pakpak mi dop köla anök. ⁵⁰ Ölop anökmö, Juda yeyön taongö azi ipñi aka ambi öngöñgöñi Anutu göda qeba malgeri, miengö uruñini esiba kuñğuba Pol Barnabas mo-hotñe sesewerowero ak etkiba miri gölmenjeyök etkuatangöget. ⁵¹ *Anbitkö aka nesampurekñini kondela kewö jiyohot, “Netkôn engö gölmenöñ kaziga sölbuham köna tambönire ahözawi, mi mönö tim tönjöratziga nanñine lilinğöba gema.” Mewö jiyohotka könañamniri solannji möt kutugetka anda Galesia prowins uruñe siti qetñi Aikoniam mianğören angorohot. ⁵² Angorohotmö, gwarekurup Antiokia taonöñ malgeri, Uña Töröñan yengö uruñini kokolak qei önöñi qahö söñgaiba malget. Mewö.

14

Aikoniam sitinöñ uru kuñğum enğiyohot.

¹ Pol Barnabas yetkôn Aikoniam sitinöñ anğota mewöñanök Juda yengö köuluk mire öngöba Buña keu jiyohot. Jiyohotka Juda aka kian kantri ambazip yengörenök kambu sehisehijñi yeyön uruñini melenđa Jisös möt nariget. ² Möt narigetmö, Juda ambazip qahö möt narigeri, yeyön gölme tonji Juda qahö malgeri, miengö uruñini esiba aposol urunöñ gege ak etkimegöra uruñini kuñğuet. ³ Kuñğuetka töndup nalö köröpñi mianğören mala Kembu möt nariba awösamkakak kinda Buñaji jiba malohot. Kembu kalem möriamñangö keunji jim asariyohotka keunjiri nangöba ösumñi böröñire ali aiwesök anğöletot meyohotka asuhuget. ⁴ Mewö asuhugetka taongö ambazipñan jula denget. Tosatñan Juda jtnjememe yembuk öröröñ jöhögetka tosatñan aposol yetpuk toroqeba kinget.

⁵ Mewö aröñda kingetka gölme tonji aka Juda ambazip kiannji yeyön wahöta jtnjememurupñini yembuk urumohot aka melaimelai azi aposol mi “Kötnöñ gila etkubin!” jiba mötmöriget. ⁶ Mewö mötmörigetka möta ölöñ köla tököba Likaonia prowinsnöñ anohot. Mianğören anda taon qetñiri Listra aka Derbe aka miri liliköm etkiba tat angeri, mianğören angorohot. ⁷ Mianğören anğota Ölöwak Buña jim asariba uru kuñğum enğiba malohot. Mewö.

Listra taonöñ Pol Barnabasgöra bem qetket.

* 13:47: Ais 42.6; 49.6 * 13:51: Mat 10.14; Mak 6.11; Luk 9.5; 10.11

⁸ Lистра taonöŋ azi kun köna yahötŋi kömukömuŋi malök. Mi nam körö uruŋeyök lokon asuhuba nalö kungen köna qahö tiba öne tatmalök. ⁹ Polnöŋ Buŋa keu jii möta tari uba könaŋamŋi kewö eka mötmöriyök, “Yanŋö uruŋe mötnariŋŋi ahöm waŋgiyöhaŋgöra aka ölöp ölöwakŋa,” mewö jiyök. ¹⁰ Mewö mötmöriba qet ketanŋi qeta jii mörök, “Mönö wahöta kinöŋ.” Mewö jii pöraŋ ala wahöta anda kaba kinök.

¹¹ Polnöŋ mewö aiga ambazip kambu yeŋön mi eka Likaonia keuŋine kewö silata jiget, “Bem yetköŋ letota azi silebuk aka sutnine asuhuba neŋgöreŋ eta maljahot.” ¹² Mewö jiba Barnabas qetŋi bem bohönŋini qetŋi Zus qetket aka Polnöŋ jitŋe memba keu jiyöhaŋgöra aka bem qetŋi Hermes qetket. ¹³ Mewö qetketka bem Zus yanŋö jöwöwöl jikenŋi taon wösöŋe ahöyöhi, mianŋö jike nup galömŋan bulmakau azinŋi enŋuaŋgita kayök. Mewö kaba ila kösasorom memba kaba taon kiripou nanŋuŋe kindu ambazip kambu yembuk jakenöŋ ala jöwöwöl ohom etkibingö aket.

¹⁴ Mewö aketka aposolyahöt yetköŋ mi möta “Qahö dop kölja,” jiba qe-tala silepökeŋiri munjurata ösumŋiran ambazip kambu uruŋe anda qerohot.

¹⁵ *Qeta kewö jiyohot, “Aziurup, inŋini mönö denöwögöra aka yuai mewöŋi akze? Niri mewöyök inŋini ewö gölme azi töhöna akzit. Niri Anutugö Ölöwak Buŋa jim asarim enŋizit. Mianŋöra inŋini mönö bem omanŋi andö enŋume aka uruŋini melenŋa Anutu malmal Toŋaŋgöreŋ qekötahöme. Anutu malmal Toŋan Suep, gölme, köwet aka miengö uruŋine yuai pakpak ahözawi, mi miwikŋaim enŋii malje. ¹⁶ Gölmene gölmene pakpak yeŋön mönöwök mala kotkeri, Anutunöŋ i qahö anŋön köl enŋii nanŋini imbiŋinanŋö dop mal-malŋini ilingösöŋ malget.

¹⁷ “Qahö anŋön köl enŋiyökmö, töndup tönpin jipjap qahö malget. Qahöpmö, Anutunöŋ yuai ölöpŋi ölöpŋi ak enŋiba malök. Yanŋön jiiŋa kie yöhöi wehöŋ qei töhötmöriamŋan nalöŋi nalöŋi asuhui nem söŋgaip aka mewö mianŋön uruŋini kuŋgum enŋii malget. Mewö malgetka nanŋi könaŋi mötmegöra kalemŋi mi kondel enŋiba mewö mianŋön dangununŋi ali malget.” ¹⁸ Yetköŋ mewö jiba ambazip kambu jöwöwöl ohom etkibepuköra jaraŋbaraŋ tiba jim susuhum enŋiyohotka löwöriba mosötket. Mewö.

¹⁹ Lистра yeŋön Pol Barnabas etkömosötketmö, Juda ambazip tosatŋan Antiokia taon aka Aikoniam siti mietköreŋök kaŋgota ambazip kambu urunöŋ gege ak enŋiget. Ak enŋiba yembuk öröröŋ luhuba Pol kötnöŋ qeba “Mönö kömuzal!” jiget. Mewö jiba örörahöba taon andöŋe eta mosötket ahöyök.

²⁰ Ahöyökmö, gwarek yeŋön kaŋgota liliköm waŋgigetka wahöta anda taonöŋ öŋgöyök. Mianŋöreŋ öŋgöiga ahöyohot miri gianŋiŋa Barnabasbuk Derbe sitinöŋ anohot.

Siriagö Antiokia sitinöŋ lilingöba kayohot.

²¹ Derbe sitinöŋ Ölöwak Buŋa jim asariba uruŋini kuŋgum enŋiyohotka gwötpukŋan uruŋini melenŋa Jisösgö gwarekurupŋi aket. Mewö aketka Derbe taon mosöta Lистра Aikoniam aka Antiokia taon miengöreŋ lilingöba anda enŋehot. ²² Enŋeka tata miri dop liliköba Jisösgö gwarekurup yeŋgö uruŋini nanŋöba mem köhöiyohot. Kambu möt narigeri, yambuk qekötahöba kinmegö qambaŋ keuŋi enŋiba kewö jiyohot, “Nini mönö iririkwarörök qakŋe (lömböt könaŋi könaŋi miwikŋaiba) mala paŋpaŋgöba Anutugö bemtohoŋnöŋ eu aŋgotpin.” ²³ Urumelen könaŋesö dop jitŋememurupŋini

* 14:15: Eks 20.11; Sum 146.6

möwölöhöba galöm malmegö könani kusum enggiba kuḅgum enggiyohot. Kuḅgum enggiba Anutugöra nene siḅgi mala gwarek kambu yeḅgöra köuluköba Kembu möt narigeri, yangö böröje al enggiyohot.

²⁴ Al enggiba enggömosöta Pisidia prowins kutuba anda Pamfilia prowinsnöh angorohot. ²⁵ Miangören angota Perga sitinöh tata Buḅa keu jiba urujini kuḅgum enggiba Atalia taonöh geyohot. ²⁶ Miangören geba waḅḅenöh öngöyohotka opo seri öröba möröngögetka luhutnöh nanḅöi anda mala Antiokia sitinöh angorohot. Antiokia urumelen könagesö yeḅön i Anutugö kalem möriam uruḅe misin nup memahotköra mutuk Anutugö böröje al etkigetka enggömosöta anohot. Anda liliköba nupjiri mi mem teköba kunbuk nanjire sitinöh liliḅgöba kayohot.

²⁷ Miangören kaba urumelen könagesö köl öröm enggiyohot. Köl öröm enggiyohot tokogetka keu kösohotnjiri kewö jiyohot, “Anutunöh netpuk mala angöletot ketanji ketanji aka memba malök. Yanön nam köl netkii nup meziga kian kantrinji kantrinji yeḅön Jisös möt narimegöra nanḅu öröm engii urujini melenḅet.” ²⁸ Kösohotnjiri mewö jiba gwarek kambu yembuk nalö köröpji gem köriba tata malohot. Mewö.

15

Kian kantri yeḅgöra aka zioznöh julmamgö ahök.

¹ *Antiokia malohotmö, Judia prowinsnöhök ambazip tosatḅan eta kaba könahiba urumelen ambazip kewö kusum engiget, “Injini Mosesgören Köna keugö dop Anutugö aiwesökni silenine qahö yandime ewö, mewö mönö Suepkö buḅaya akingö osime.” ² Mewö kusum engigeranḅgöra aka anḅururuk ahuiga Pol Barnabas yetkön tuarenjoh ak enggiba könöpḅambuk jim enggiyohot. Jim enggiyohotka urumohot qahö aka keu kewö jöhöba jiget, “Nini mönö Pol Barnabas aka jitḅememe tosatḅi melaim engiinga Jerusalem sitinöh öḅgöba keu mi memba aposol aka Jerusalem urumelen könagesögö jitḅememe yeḅgören anda jime.”

³ Keu mewö jöhöba jigetka urumelen könagesö yeḅön i melaim engigetka könanöh anget. Anda mala Fonisia aka Samaria prowins yahöt mi kutuba könanöh könagesöḅi könagesöḅi enḅeket. Enḅeka kian kantri tosatḅi yeḅön urujini melenḅeranḅö buzupji jiba urumelen kambu yeḅgöra sösoḅgai ketanji al engiget. ⁴ Al enggiba anda mala Jerusalem sitinöh angotket. Angotketka aposol aka jitḅememe yeḅön urumelen könagesö yembuk köl öröm engiget. Köl öröm engigetka kösohotnjini kewö jiget, “Anutunöh nam köl nenḅii misin nup meinga nembuk mala angöletot ketanji ketanji aka memba malök.” ⁵ Kösohot mi jigetmö, Farisi (Köna keugö kapaḅkölköl) kambunöhök urumelen azi tosatḅan wahöta kewö jiget, “Kian kantri yeḅön urujini melenḅeri, yeḅgöra mönö kewö jim kutubin: Yeḅön mönö Anutugö aiwesök silenine yandiba Mosesgören Köna keu pakpak wuatangöba malme.” Mewö.

Jerusalem totoko ala anḅururuk keu mindiḅgöget.

⁶ Mewö jigetka aposol aka jitḅememe yeḅön keu mi jim kewötḅpingö tokoget. ⁷ *Tokoba goranora (noragora) keu gwötḅuk jiba jitnakölik aket. Mi aketka Pitönöh wahöta kewö jii mötket, “Azi alaurupni, Anutunöh mutuhök sutnine nup mendenḅa möwölöhöm niḅgiba nöḅgöra kewö jiyök, ‘Gi mönö kian kantrinöh anda Ölöwak Buḅa keu jim asarim enginöhga yeḅön urujini

melenja Kembu möt narime.’ Injini keu mi mötze. ⁸ *Anutunöj ambazip pakpak urunini möt kutuzawañon kõnañamñi kondela Uña Töröñi Juda ambazip nenğora melaiiga eröhi, miangö dop mönö kian kantri ambazip yengöra mewöñanök i melaii uruñine geyök.

⁹ “Melaii geiga mewö mianñon Juda ambazip qahö engek soriba kantri tosatñi qahö qepureim enğiyök. Qahöpmö, yenñon Anutu möt narigetka singisöndokñini mosöta uruñini sanğotñiga sarakñi aket. ¹⁰ Mianğora injini mönö wuanöñğora Anutu esapesapnöñ al wañgibeak? Wuanöñğora gwarek dölökñi yengö qakñine tem kõnjöñ toroqeba alinga anğubeak? Tem kõnjöñ mewöñi mi nanine amböskoninan me naninak mewöyök anğubingö dop qahö akmalin. ¹¹ Mewö qahöpmö, kewö möt narizin: Kembu Jisösgö kalem möriamñan mönö Anutu nam köl wañgiiga amöt qem nenğgiiga Suepkö buñaya akin. Kian kantri yenñon mewöyök kõna mohot miyök wuatañğöba letota Suepkö buñaya akingö möt narimakze.”

¹² Mewö jiiga kambu yenñon lökñanök keu jaruba bök tatket. Tatketka Pol Barnabas yetkñon keu kõsohotñiri kewö jiyohot, “Anutunöj nam köl netkii kian kantrinöj anda sutñine misin nup meziga aiwesök anğöletot ketanñi ketanñi asuhuget.” Mewö jiyohotka kezap ala mötket. Mewö.

*Bisop *Jeimsnöj keu jii mötket.*

¹³ Pol Barnabas yetkñon kõsohotñiri jim teköyohot mötketka Jeimsnöj keu kewö jiyök, “Azi alaurupni, nöñon keu jibi kezap ala mötket. ¹⁴ Anutunöj nalö mutukñi kian kantri ambazip mesohol köl enğiba sutñineyök ambazip nanñanğora möwölöhöm enğgiiga qetñi bisiba kõnagesöñi toroqeeget. Anutunöj mewö aka kõnañamñi kondel nenğiyöhi, Saimon Pitönöj mianğö keuñi jii mötzin. ¹⁵ Keu mewöñi mi kezapqetok ambazip yenñon mewöyök nanğöba jize. Yenñon keu kun kewö ohoget ahöza,

¹⁶ *Mianğö andöñe nöñon lilingöba kaba kin Deiwidkö kantri tohoñi kunbuk memba wahötmam.

Yañon mutuk jakömbuak kounñi qeba amböskonini galöm köl enğgiiga kounñan buratiba tinğita erökmö, nöñon mi kunbuk möhamğöba kunğubiga kantrinöj ölöwaka kinma.

¹⁷ Mi kewö asuhumapköra akñam: Ambazip kambu tosatñi pakpak yenñon Kembu jarume.

Kian kantri pakpak nani buñani akñegöra enğoholali, yenñon Kembu ni göraim ninğime.

Kembu nöñon mewö jizal aka mianğö dop kantrinñini mem ölöwakñam.

¹⁸ Mewö ahakzalı, mi mönö möpñangö möpñeyök möta kota malje.’

¹⁹ “Mianğora Jeims nöñon keu mi kewöta mötmötnan kewö möta jizal: Kian kantri ambazip uruñini Anutugöreñ melenjei, nenñon mönö lömböt kõnjöñ ketanñi yengö qakñine alinga qahö dop kölma. ²⁰ *Mewö qahöpmö, yengöra kimbi kewö ohoinga dop kölma: Yenñon sömbup busuñi bem lopioñğö naluk buña qeba kõnañine algetka ösumñinan walöñnöhi, mi kude neme. Sero yonğorö kude akñe. Sömbup jölñi qeçenangö busuñi aka sep mi kude neme. Yuai 4 mi mosötmegöra jim köhöbinak. ²¹ Mosesgö Kõna keu mi mönö möpñangö möpñeyök miri dop jim asariba kota maljin. Mi Sabat kendon dop

* **15:8:** Apo 2.4; 10.44 * **15:12:** Bisop, Grik keunöj episkopos, nanine keunöj jegalöm me inspekta. Yañon zioz nup pakpakö mindimindiri galömnji akza. Jeims kianñon Jisösgö gwarekñi qahöpmö, Jisösgö munñi. * **15:16:** Amos 9.11-12 * **15:20:** Eks 34.15-17; Lew 17.10-16; 18.6-23

köuluk mirinine oyonḁa mörakzin. Mianḁöra keu 4 mi ölop qahö mosötpin.” Mewö.

Jerusalem totokonöḁ kian kantri yengöra kimbi ohoget.

²² Jeimsnöḁ mewö jiiga aposol aka jitnememe yeḁön könagesö pakpak yembuk keu mi mötket dop kölök. Mötket dop köliga sutḁineyök azi tosatḁi möwölöhöm enḁiba Pol Barnabas yetpuk mohotḁe Antiokia sitinöḁ melaim enḁibingöra jiget. Mewö jiba azi qetḁi Judas qetḁi alaḁi Barsabas aka Sailas möwölöhöm etkiget. Azi yahöt mi urumelen kambugö jitnememe azia ahot.

²³ Azi mi melaim etkibin jiba kimbi kun kewö ohoba böröḁire alget, “Mötnaripkö kian alaurupnini, Antiokia siti aka Siria aka Silisia gölmenöḁ maljei, neḁön enḁö jölöḁjini jizin. Aposol neḁön mötnarip könagesöḁö jitnememe yembuk enḁö urumelen alaurupḁina akzin. Mewö embuk keu eram mötḁingöra kimbi al enḁizin.

²⁴ Nanine ambazip tosatḁi qahö jim kutum enḁiinga nanḁinök neḁḁomosöta enḁöḁen kaba uruḁini kuḁguba keu murutḁi kekelolo enḁigetka uru mötmötḁjini siksauk aiga mörin.

²⁵ Mianḁöra nini körekḁanök totoko ala urumohot ahin dop kölök. Dop köliga azi yahöt meköba melaim etkiinga wölböt alayahöt Barnabas Pol yetpuk enḁöḁen kame.

²⁶ Barnabas Pol yetköḁ nanine Kembu Jisös Kraistkö qetḁanḁöra aka malmalḁiri köleḁnohotka tosatḁan etkuget kömumbitkö ahot.

²⁷ Nini Judas Sailas melaim etkiinga kaba keu miyök toroqeba jitnöḁ jiyohotka mötme.

²⁸ Uḁa Töröḁi aka neḁön keu kewögöra urumohot ahinga dop kölja: Enḁö qakḁine lömböt könjöḁ qahö toroqeba albin. Keu bohonḁi 4 miyök wuatangöme. Mi enḁitketka julbinbuk.

²⁹ Keu 4 mi kewö: Sömbup busuḁi bem lopionḁö naluk buḁa qeba köḁanḁine algetka ösumḁinan walöḁnöhi, mi kude neme. Mewöyök sep me sömbup jölḁi qeḁenḁö busuḁi mi kude neme. Sero yonḁorö kude akḁe. Yuai 4 mi mosöta andö qegetka urumohot ahinga Anutunöḁ kötuetaköm enḁiiga ölöwaka malme. Mönö uru böḁjöḁ malme.” Mewö.

Keu memba angetka Antiokia siti yeḁön söḁgaiget.

³⁰ Kimbi mewö ohoba melaim enḁigetka anget. Köna anda geba Antiokia sitinöḁ anḁotket. Anḁota urumelen könagesö köl öröm enḁigetka tokoget. Tokogetka kimbi mi enḁigetka oyonḁet. ³¹ Mi oyonḁetka mianḁöra amqeba urukölalep möta söḁgaiget. ³² Judas Sailas yetköḁ nanḁirak kezapqetok azia mala goro keu gwötpuk enḁiba urugö nanḁonanḁö keu jiba mem köhöim enḁiyohot. ³³ Mem köhöim enḁiba nalö tosatḁi mianḁöḁen toroqeba malohot. Malohot teköiga urumelen alaurup yeḁön “Luaibuk anmahot,” jiba melaim etkiget. Jerusalem malohotka melaim etkigeri, Judasnöḁ mönö yengöḁen lilingöyök. ³⁴ (-)†

³⁵ Pol aka Barnabas yetköḁ toroqeba Antiokia sitinöḁ mala ambazip tosatḁi gwötpuk yembuk Kembugöḁen Buḁa keu kusum enḁiba uruḁini kuḁum enḁiba malget. Mewö.

Pol aka Barnabas yetköḁ denḁohot.

† 15:34: Tosatḁan toroqeba jabö v 34 kewö alje: Lilingöyökmö, Sailasnöḁ keuḁi jöhöba toroqeba mianḁöḁen malök.

³⁶ Mewö malgetmö, nalö tosatnji teköiga Polnönj Barnabasgöra kewö jiyök, “Netkôn taon miri pakpak liliköba Kembugörej Buña keu jim asariba maliri, mönö miangörej lilingöba urumelenj alaurupniran denöwö maljei, mi ölop anda eka mötpit.” ³⁷ Mewö jiiga Barnabasnönj Jon qetnji alanj Mak qetkeri, i mewöyök wangita mohotnje anbingö mörök.

³⁸ *Mewö mörökmö, Jonönj mutuk Pamfilia taonönj löwöriba etkömosöta yetpuk toroqeba nup qahö meyök. Miangöra Polnönj i wangita anbingö möri qahö dop kölök. ³⁹ Qahö dop kölīga angururuk aka urunjiri könöp jeiga dennohot. Denja Barnabasnönj Mak wangita geba wangenönj öngöyohotka opo seri öröba möröngögetka luhutnönj nangöi gölme jölanñi Sairpus miangörej anohot. ⁴⁰ Anohotmö, Polnönj azi qetnji Sailas meköiga urumelenj alaurup yenhön Kembugö böröñe al etkiba kalem möriamñan sel jöhöm etkimapköra jigetka mosöta anohot. ⁴¹ Anda mala Siria aka Silisia prowins yahöt mi kutuba liliköyohot. Liliköba Polnönj urumelenj könagesöñi könagesöñi engeka mem köhöim enjiba malök. Mewö.

16

Timotinönj Pol aka Sailas yetpuk toroqeyök.

¹ Polnönj liliköba anda mala taon qetnjiri Derbe aka Listra miangörej angorök. Listra angota miangörej gwarek kun qetnji Timoti miwikñaiyök. Namñan Juda urumelenj ambia ahökmö, iwiñan Grik azia. ² Polgö azi alaurupñan Listra aka Aikoniam malgeri, yenhön Timotigö könaji jim ölöwaka jiget mörök. ³ Mewö jiget möta wangiri mohotnje anmamgö mörök. Mi mörökmö, Timotigö iwiñan Grik azia malöhi, mi körekñan möt teköget aka miri gölme miangörej Juda ambazip gwötpuk malget. Miangöra yenhön Pol jim wangibepüköra Timoti wangita Anutugö aiwesökñi silenje yandiyök. ⁴ Yandiiga anda taon aka miri dop angotkeri, miangörej Jerusalem mindimindiri totokogö keunji jiget. Aposol aka Jerusalem urumelenj könagesögö jittjememe yenhön keu jöhöm köhöigeri, mi wuatangömegöra jim kutum enjiget. ⁵ Mewö lilikögetka Jisösgö könagesöñi könagesöñi miri dop malgeri, yengö mötnaripñinan köhöiyök. Mewö köhöiba Buña keu jigetka tosatñan urunjini melenja wehön dop kam toroqetgetka kambuñinanjö jangöñan qariba öngöyök. Mewö.

Anutunönj Pol gaunönj kutum wasöriга Yurop anget.

⁶ Liliköba mala “Eisia prowinsnönj anda Buña keu jim asaribin,” jigetmö, Uña Töröñan sonjo ala anjön köl enjiyök. Miangöra yenhön toroqeba anda Frigia aka Galesia prowins yahöt mi öne kutuba etkongita anget. ⁷ Anda mala Misia gölme görañe angota Bitinia prowinsnönj angotpingö mötketmö, Jisösgö Uña Töröñan miangörej anmegö urumohot qahö ahök. ⁸ Urumohot qahö aiga mosöta anda Misia gölme öne kutuba köwet jitne geba Troas taonönj angotket. ⁹ Troas angota sungem gaun ahögetka Anutunönj Pol kutum wasöriга imut kun kewö ehök: Yurop azi kunñan Masedonia likepñe kinda ohola kewö jiba köuluköm wangiyök, “Gi mönö köwet kutuba Masedonia gölmenönj kaba bauköm nenjiman.”

¹⁰ Polnönj jemelenj imut mi ehiga nini miangö könaji kewö möt kutuba jiin, “Anutunönj mönö nenjohola köwet kutuba Yurop urunje anda Ölöwak

* 15:38: Apo 13.13

Buňa Masedonia prowinsnõj jim asarim engibingõra jiza.” Mewõ jiba miangõrenõk mosõta anbingõ mötmõriba amqein. Mewõ.

Filipai ambi Lidianõj uruji melejñõk.

¹¹ Nejnõn amqeba geba waŋgenõj õngõinga opo seri õrõba mörõrenjõgetka luhutnõj nanjõi Troas siti mosõta anda diŋdiŋanõk Samotres gõlme jõlanje angorin. Anjota ahõba miri gianjiiga toroqeba anda Neapolis sitinõj angorin. ¹² Mianjõrenj anjota waŋgenõhõk eta kõna anda Filipai sitinõj angorin. Rom ambazip yejnõn mõnõwõk kaba Filipai siti mi memba miangõrenj malmal tatatjini algetka Masedonia prowinsgõ siti ketanj ahõk.* Nini Filipai anjota wehõn tosatj miangõrenj malin.

¹³ Mianjõrenj mala Sabat kendonõj siti kiripo yaigepje anin. Mianjõrenj anda Juda yejnõn o sakne tokoba Anutu kõulukõmakzei, mewõ mötmõriba geba rowõnqeqe kunõj anin. Anda ambi tokoba tatkeri, i engeka tata eraum mõta Anutugõrenj Buňa keu yengõra jiinga mötket. ¹⁴ Mötkeri, yengõ sutjine ambi kun qetj Lidia malõk. Yanjõn Taiataira sitinõhõk Filipai kaba opo pisiknj gugakgugak akõdamunjambuk tokoba bohõnji memegõra ala malõk aka Anutu waiknj memba möpõseiba malõk. Kembunõj uruji mem amqeiiga Polnõj keu jiyõhi, miangõra sihimjan ahui kezap ala mõta anjõn kõlõk. ¹⁵ Anjõn kõli nanji aka saiwaurupji o melun mem engiinga qesim nenjiba kewõ jiyõk, “Injini nõngõra ‘Kembu möt narizal,’ jize ewõ, mõnõ õlõp kaba nõngõ mire õngõba tata nene memba ahõme.” Mewõ jiba kapan kõla qesim nenjijõk. Mewõ.

Pol Sailas yetkõn kõsõ mire tarohot.

¹⁶ Nini nalõ kunõj kõuluk rowõnqeqeje gebingõ kõna namje aninga welenqeqe ambi kunõj miwiknjaim nenjijõk. Ambi mi andõ lawõnjambuk mala ambazip kõnanjini aukje jim miwiknjaimangõ mörõk. Mi mõta kezapqetok keu asambõtjnj jim miwiknjaiba mewõ mianjõn moner yuai mi gwõtjuk õrõba mali tourupji yengõ bõrõjine geyõk. ¹⁷ Yanjõn Pol aka nini nenjeka nenjõ andõnne kaba kewõ jiba qerõk, “Azi kienjõn Anutu õngõngõji ketanjõgõ welenji qeba Suepkõ buŋaya akingõ kõnanj jim asarim enjimakze.” ¹⁸ Mewõ jiba sõmanj gwõtjuk qeta malõk. Mi malõkmõ, Polnõj tõkõba miangõra sihibõlõ mörõk. Mi mõta nalõ kunõj lilingõba õmerj kewõ jim kutum waŋjijõk, “Ni Jisõs Kraistkõ qetje jizal: Gi mõnõ ambi kianjõ uruneyõk kota anõj.” Mewõ jim kutum waŋjii miangõrenjõk kota mosõta anõk.

¹⁹ Mi anõkmõ, ambi tourupjan mi mõta moner yuai õrõbingõ kõnanj jõpkõyõhi, mi miwiknjaiba irimnjini sehõliyõk. Irimnjini sehõliiga Pol Sailas etkõmemba jõhõba maket sombemje õrõm etkiba galõm azi yengõ jeŋine etkuangita anget. ²⁰ Etkuangita anda keu jake galõm yengõ jeŋine al etkiba silenire keu kewõ ala jiget, “Nini siti kianjõrenj luainõj maljinmõ, azi yahõt kietkõn kaba enjolojõ ak nenjimakzahot. Yetkõn Juda azia akzahot ²¹ aka Juda siliknjini kusum nenjimakzahot. Nini Rom mindimindiri kantrigõ tohonj tonj akzin. Mianjõra nini siliknjini mi õlõp qahõ möt anjõn kõlbin. Mi memba wuatangõbingõ soŋgo ahõi osizin.”

²² Silenire keu mewõ aka jim etkigetka ambazip kambu yejnõn mewõyõk wahõta mindiriba qetal etkim kõhõiget. Qetal etkim kõhõigetka galõm

* **16:12:** Masedonia prowinsgõ siti bohõnji mi Tesalonaika. Distrik mutuknjangõ siti bohõnji mi Amfipolis aka siti keta bõlõkni kun Filipai. Rom yejnõn Filipai mi Itali ewõ galõm kõl enjiget. Grik miri tonj yejnõn nanjine gõlmenõj kian ewõ aka malget.

yeñon kunjum engigetka sileotanjiri öröba munjukunjuritket aka jim kutum engigetka arawambu kömbinöñ etkuget. ²³ Gwötpuk etkum teköba kösö mire al etkibingö etkuangita wahibuknön ölopñanök galöm mem etkimapkö jim kutum wanjiget. ²⁴ Mewö jim kutum wanjigetka möta etkömembra kösö miri bibiñe miri uruñi kunöñ anda könayahötñiri ip özöpañ† sutñire ala kösönön jöhöba miri uruñi miangö nanñuñi yahöt mi ki misigetka tarohot. Mewö.

Kösö miri galömñan uruñi melenök.

²⁵ Pol Sailas yetköñ mewö tarohot. Tata mala sunjem bibiñi aiga miangöreñ Anutu köuluköba liñet köla möpöseiba malohotka kösö azi körekñan kezap ala mötket.

²⁶ Mewö aketka miangöreñök wölañ kenöñ (nañ) ketanji giliga kösö mirigö tandöñi pakpak anjanñanjan kölget. Mewö kölgetka miangöreñök nanju pakpak talgetka kösö azi pakpak yeñgö ain tapeññinan (munjamunja) lolohoba erök. ²⁷ Mewö asuhaiga kösö miri galöm yañon gaun uruñeyök wahörök. Wahöta kösö mirigö nanñuñi pakpak tal tekögeri, mi eka jiyök, “Kösö azinöñ an teköze me denöwö?” Mewö jiba mötmöriba jönömñi unduiga bimgö sou ketanji mi kupinñeyök öröba nanñi aumangö ahök.† ²⁸ Nanñi aumangö ahökmö, Polnön paunpaun teringöba kewö jiyök, “Nini körekñanök ki tatzin. Mönö nangi silegi öne kude ayuhuman.”

²⁹ Mewö jii möta kiwa wanjimegöra qesii wanjigetka ösumñan kösö miri uruñe anda jönömñi unduiga Pol Sailas yetkö kösutñire anda simin köl etkiyök. ³⁰ Simin köl etkiba kösö mireyök etkuangita eta kewö qesim etkiyök, “Azi ketanji yahöt, ni mönö denöwö akiga Anutunöñ amöt qem ningiiga letotpileñak?”

³¹ Qesim etkiiga jiyohot, “Mönö urugi melenja Kembu Jisös möt narim wanjinöñga gi aka saiwaurupkan mewöyök letota Suepkö buñaya akñe.”

³² Mewö jiyohotka miriñe angetka könagesöurupñi pakpak yembuk tokogetka Anutugöreñ Buña keu jiyohot mötket. ³³ Jiyohot möta sunjemgö aua miangöreñök etkuangita anda uzinñiri sangonök. Sangonñiga miangöreñök i aka saiwaurupñi pakpak mi o melun mem enjiyohot. ³⁴ O melun mem enjiyohotka etkuangiri nene mire öngöba nene ohoba ala etkiyök. Etkiba nanñi aka saiwaurupñi yeñon körek Anutu möt narigerangöra sösoñgai aket. Mewö.

Kösö mireyök közöl etkigetka erohot.

³⁵ Miri gianjiiga keu jake galöm (majistreit) yeñon opotöröp melaim enjigetka kösö mire kaba kewö jiget, “Azi yahöt mi mönö pösat etkinöñga etmahot.”

³⁶ Mewö jigetka wahibuknön kaba buzup mi Polgöra kewö jii mörök, “Majistreit galöm yeñon keu kewö alget kaza: Injiri mönö kösönñiri pösatpiga etmahot. Miangöra etkön mönö döлки mosöta eta luainöñ anmahot.”

³⁷ Mewö jii mörökmö, Polnön opotöröp yeñgöra kewö jiyök, “Rom mindimindiri gawmanöñ sel jöhöm netkiba miangö (jimkutukutu) paspot netkigetka maljit. Miangöra yeñon keuniri qahö kewöta jim teköba töndup aukñe ambazip jeñine öne lañ arawambu kömbinöñ netkuba kösö mire al netkiget. Mi gamunjabuk. Mewö al netkiget tatziga döлки denöwögöra

† 16:24: Ip özöpañnön könanjiri yöhöraköiga osiba tarohot. Imutñi ekñan. † 16:27: Kösö azinöñ ölöñ köliga galömñi mi keu jakeña ala qegetka salupñe sihimbölä möta kömuzapma. Nanñi gamunji möta aubawak, mewö amqeba kömumbawak.

melaime netkiget öne ölöŋ etpirak? Mi qahö dop kölja. Niri qahöpmahöp etpitmö, yeñön mönö nanjinak kaba netkömegetka etpirak.”

³⁸ Polnön opotöröp yeñgöra mewö jiiga keu mi memba majistreit galöm yeñgöreŋ anda jiget mötket. Mi möta Rom gawmangö (jimkutukutu) paspot memba malohori, mi möta auruba sömbuñini mötket. ³⁹ Sömbuñini möta kösö mire kaba ösön susuhaba kelök ala kungum etkigetka geyohot. Geyohotka Filipai siti mosötmahotkö ulet etkiget. ⁴⁰ Ulet etkigetka Pol Sailas yetkön kösö miri mosöta Lidiagö mire anohot. Miangöreŋ anda urumelen alaurupñiri engeka urugö nanğonanğö keu jiba enğömosöta anohot. Mewö.

17

Tesalonaika nup megetka sesewerowo aket.

¹ Anda mala Amfipolis aka Apolonia siti yahöt mi kutuba Tesalonaika sitinön anğotket. Siti bohonji miangöreŋ Juda yeñön köuluk miriñini meget kinök. ² Polnön ahakmemenji aka malöhi, miangö dop köuluk miriñine öngöba Sabat kendon karöbut miangöreŋ yembuk Urumelenğö Buña Kimbi oyoŋda könañi eraum möta malget. ³ Mewö mala Buña Kimbigö könañi jim asariba kewö jiyök, “Anutunön areŋ ala Amötqeŋe Tonjan sihimbölo möta kömumba kömupnöhök wahötmapkö jiyök.” Mewö jiba miangö könañi Buña Kimbinöhök kondala uruñini kunguba kewö jiyök, “Azi Jisös jim asarim enğizali, yeñön mönö Amötqeŋe Tonji Kraist akza.”

⁴ Mewö jiiga Juda könagesö yeñgöreñök tosatñan möt nariba uruñini melenđa Pol Sailas yetpuk toroqeŋa kinget. Grik ambazip tosatñan Anutu waikñi memba möpösegeri, yeñgöreñök mewöyök kambu ketanji yeñön yembuk toroqeŋet aka ambi öngöŋgöñi qetbuñaninambuk yeñgöreñök gwötpukñan uruñini melenğet.

⁵ Uruñini melenğetmö, Juda ipñi yeñön uruñini seholiiga urunön mututqutut möta andöqeŋe aket. Mi aketka injarere ambazip rowoŋqeŋenön laŋ malgeri, yeñgöreŋ anda azi goŋgoŋi tosatñi enğömeget. Mi enğömemba mindiriba ambazip kambu uruñini kunguba öröm enğigetka tokoget. Tokoba laŋ qetketka qeburuŋ göjupmajup ahuiga siti dop köl teköyök. Laŋ qeta luhuba azi qetñi Jeison yangök miri töungöba (töwöngöba) Pol Sailas ambazip kambu jeñine al etkibingöra jarum etkiget. ⁶ Jarum etkigetmö, qahö miwikñaim etkiba Jeison aka urumelen alaurup tosatñi jöhöm öröm enğiba sitigö galömkölköl azi yeñgö jeñine anğota kewö qetket, “Ye! Azi gölmeñi gölmeñi liliköba miri dop uru kungum enğigetka kahapmahap aka sohomakzei, yeñön mönö ki mewöyök kayohot. ⁷ Kiangöreŋ kayohotka Jeisonön i etkömemba anğön köl etkiyök. Ambazip pakpak mienön kewö jimakze, ‘Azi kun qetñi Jisös yeñön kiŋ kembunini akza.’ Mewö jiba Rom sisa kingö jimkutukutuñi qetala memba eta alakze.”

⁸ Mewö qetketka ambazip kambu aka galömkölköl azi yeñön mötketka uruñinan eta raidimbom ewö siksauk ahök. ⁹ Siksauk aiga Jeison aka urumelen alaurup tosatñi kunguba qesim enğigetka monen ala meköm etkiba pösatketka eta anget. Mewö.

Berea angetka Baiböl stadi ala keuñiri kewötket.

¹⁰ Eta angetmö, urumelen alaurup yeñön Pol aka Sailas miangöreñök melaime etkigetka mosöta sunğem miri qetñi Berea miangöreŋ anohot. Anda anğota Juda yeñgö köuluk miriñine öngöyohot. ¹¹ Köuluk miriñine öngöba Buña keu jiyohori, mi sihim ketanji möta möt anğön kölget. Juda könagesö

Berea malgeri, yeñon Tesalonaika könagesö enğongita ölop sorokni aket. Keu törörök jiyohot me qahö, mi wehön dop Buña Kimbigö keunöñ kewöta oyonđa eraum möta malget.* Silik ölopñi mewöñi wuatangöba Juda ambazip Tesalonaika malgeri, mi luhut al engiget. ¹² Buña keu jiyohotka Juda yeñgöreñök jesöñgöreñan möt nariba uruñini melenget. Grik ambazip yeñgöreñök mewöyök gwötpukñan Jisös möt narigetka sutñine ambi öngöñgöñi qetbuñaninambuk mi gwötpuk malget.

¹³ Jisös möt narigetmö, Polnöñ Berea miangöreñ mewöyök Anutugöreñ Buña keu jim asariba malöhi, miangö buzupñan sehiba Tesalonaika anda Juda jitnememe yeñgö kezapñine geyök. Kezapñine gei möta wahöta Berea kaba mewöñanök ambazip uruñini esiba kuñguget. ¹⁴ Kuñgugetka urumelen alaurup yeñon mi möta miangöreñök Pol melaigetka köwet jitne geyök. Geyökmö, Sailas Timoti yetkön toroqeba Berea malohot. ¹⁵ Azi Pol umbulgeri, yeñon toroqeba wangita anda Atens sitinöñ anğotket. Anğotketka kewö jim kutum enğıga mötket, “Injini mönö lilingöba Sailas aka Timoti jigetka ösumok nöñgöreñ kamahot.” Keu mi möta mosöta anget. Mewö.

Polnöñ Atens sitinöñ mala nup meyök.

¹⁶ Polnöñ Atens sitinöñ tata Sailas Timoti yetkö mamböta mala liliköyök. Liliköba siti mi tandö lopionji lopionji mienön kokolak qegetka kóna töwokñe töwokñe kingetka enğeka awöwöliba tembula uruñi könöp jeyök. ¹⁷ Polnöñ Juda yeñgö köuluk mirinñine öngöba Juda kian ambazip aka gölme tonji Anutu waikñi memba möpöseigeri, yembuk kinda eraum mötket. Polnöñ wehön dop rowonqeqe sombemñini dop anda ambazip miwikñaim enğiba yembuk aitonğöba eraum mötket.

¹⁸ Eraum mötketka Epikuros aka Stoik mötmöt jake yahöt mietköreñök böhi tosatñan kaba Polbuk keu siñginñi siñginñi jiba goranora aka jitnakölik erauget.† Tosatñan toroqeba Polgö keuñi möta kewö jiget, “Mötmöt kitipñi kitipñi zezeñgok ewö usuñda um jaruba lañ qezaköba mohot yahöt miwikñaim bibihiba memba kaza. Mi memba kaba sesekñai ewö lañ jarapmö, keuñangö ölni wania jimamgö mötzawi, mi qahö mötzin.”

Polnöñ Jisösgö Buñanji jim asariba uruñini kuñguba kömupnöhök wahörök‡ jiyök. Miangöra tosatñan toroqeba kewö jiget, “Bem kianñi memba kaba mietkö könanjiri jim asariza, miangö tandök ewö akza, ekzin.”

¹⁹ Mewö lanlan jigetka Pol wangita maket sombem ketanji Areopagus§ miangöreñ öngöba kaunsöl yeñgö jeñine alget kini kewö jiget, “Gi mötmöt areñ dölöknji aukñe kusum nengimakzani, miangö könani denöwö? Mi ölop jinöñga mötpin. ²⁰ Göñon kian kantri yeñgöreñ keu murutñi memba kaba jinöñga kezapñine gei mötzin. Miangöra göhö keu areñgahö könani mi törörök mötpingö mötzin.” ²¹ Atens tonji aka kian miangöreñ malgeri, yeñon pakpak öne lanlan mala mötmöt keu dölöknji dölöknji ongitgongit aka jiba möta uruñini miangöreñ ala nalöñini ayuhuba malget. Mewö.

Polnöñ Areopagus sombemñöñ kinda keu jiyök.

* **17:11:** Berea yeñon Baiböl stadi ölopñi alget. † **17:18:** Mötkutukutu böhi qetñi Epikuros yanñon uruölowak mötpingö könani kusum enğiyök. Stoik mötmöt jake (akademi) miangö böhinji qetñi Zeno yanñon sihim ölopñi aka bölöñi qömbököba böñ qeba köhöiba kinbingö könani kusum enğiyök. ‡ **17:18:** Jisös aka Kömupnöhök wahötwahöt keu yahöt mi qahö möt asariba tönpin kinda kewö jiget, ‘Yanñon mönö bem azi ambi yahöt yetkö qetñiri mewö qetza.’ § **17:19:** Areopagus miangö könani mi yarögö bemñi qetñi Ares yanğö kunduja.

²² Polnõj wahõta Areopagus sombem bibine anda kaunsõl yengõ jeñine kinda kewõ jiyök, “Atens aziurup, nõjõn ki kaba yuai pakpak eka kõnanjini kewõ ahõi mõtzal: Injini bemurupnjini göda ölöpnj qeba möpõseim engiba malje. ²³ Nõjõn lilikõba engõrej miri kõmbukñi kõmbukñi eka miengõ sutñine alta kulemñambuk kun miwikñaijal. Miangõrej kewõ ohoget ahõi ehal, ‘Bem kõnanj qahõ mõtzini, yangõra mein.’ Miangõra injini bem kun kõnanj qahõ möta tandõp waikñi memba möpõseimakzei, nõjõn mõnõ yangõ kõnanj indela jibi mõtme.

²⁴ * “Bem Anutunõj Suep gölme aka yuai pakpak mietkö uruñire ahõzawi, mi miwikñaim engiyök. Yanõn Suep gölmegõ Kembuñja akza. Yanõn jõwõwõl jike börõnõj memenj miangõrej qahõ tata malja. ²⁵ Yanõn nanñak malmalgõ kõnanj akza. Mi aka neñõn gölmenõj malbinangõra sile, uña (imut) aka yuai tosatñi pakpak nenjiiga sõngõrõ õsum örõmakzin. Mewõ nenjimakzawangõra aka nanñak nene me yuai kungõra qahõ osiza. Miangõra ambazip nini gumohom wangjibingõ osizin. Nini börõninan yuai qahõ memba naluk al wangjin ewõ, yanõn mõnõ qahõ kõmuma. Yanõn azi tandõk qahõ malja. Qahõ.

²⁶ “Yanõn mutuk azi mohot miwikñaiiga yangõrejõk sehiba denja gwala injanj aka sile tosatñi aka gölmenj gölmenj pakpak dop kõla maljin. Yanõn nalõnini pakpak törörök arengõm nenjiiga miangõ dop maljin aka miri gölme denike denike ahõm tat ala maljini, miangõ gõranj aka aiwesõkñi ala jim kutuiga miangõ dop maljin. ²⁷ Nini mõnõ Anutu nanñi mõt jarum wangjibingõra yuai pakpak mi arengõba al nenjiyök. Yanõn kõrek pakpak kõsutninyõk maljapmõ, tondup mezanqezan ala Anutu jaruba mala miwikñaiabin me qahõ? ²⁸ Nanñini Grik mõtmõt ambazipnõj keu kõtñi arengõba ohogeri, yengõrejõk yahõtñan mewõyök keu kõtñi kun kewõ jiyohot, ‘Ninia kun yangõ gwölõnarõkurupñi maljin.’

Azi mewõñi kunñan keu kõtñi kun kewõ ohoyök, ‘Yanõn mõnõ mem letot nenjiiga yangõ aumñe malmalnini malakzin, kõnanini anda kamakzin aka ahõm wahõtnini ahakzin.’**

²⁹ Keu miengõ dop nini mõnõ Anutugõ gwölõnarõkurupñi mala kõsutneyõk kinjin. Kõsutneyõk kinjinmõ, tondup yangõ kõnanj mõt sohoba janñun ak-inbuk. Imut ohoho azi yanõn mõtmõt qakñe kinda bem kungõ tandõkñi mõtmõriba goul, silwõ me köt jamõnjij memba urorohoba tandõ lop-ionj sõhõba menjõlõba memakzei, yanõn mõnõ mewõ tandõk qahõ akza. ³⁰ Ambazipnõj gukmaulem aka jipñap mala kotketka Anutunõj nalõ miangõrej ahakmemenjini mõt böliiga likepnj qahõ melenja malõkmõ, nalõ kewõñe keunj indela kewõ jiza, ‘Ambazip kõrek pakpak mirinjini dop tat anjei, injini mõnõ urujini melenja nõngõrej kaget.’

³¹ “Anutunõj nalõ ketanj ali kam kunguma. Yanõn nalõ miangõrej ambazip gölmenj gölmenj pakpak mal anjei, mi tokom nenjiba keunini kewõta törörök jim tekõma. Yanõn azi kun keunini jim tekõmapkõra möwõlõhõba jimtekõtekõgõ kukõsumñi börõñe alõk. Yanõn azi mi mem gulii kõmupnõhõk wahõriga mewõ mianõn kukõsumñi ketanj mi ambazip pakpak kondel nenjiiga eka mõtzin. Azi kõmupnõhõk wahõrõhi, yanõn mõnõ jimtekõtekõ Tonina akza.”

* **17:24:** 1 Kij 8.27; Ais 42.5; Apo 7.48 ** **17:28:** Mõtmõt azi ketanj Pol yanõn mõtmõt jakenj jakenj õngõba Grik yengõrej buk murutñi murutñi oyonja mõt kutuba miangõrejõk keu kõtñi kõtñi amqeba memba aukñe jiyök.

³² ‘Anutunöy azi kun kömupnöhök mem gullii wahöröhi,’ tosatñan keu mi möta mepaqepaiköget. Mewö aketmö, tosatñan kewö jiget, “Keu jizani, nini mi kunbuk mötpingö mötzin. Mianğora gi ölop nalö kunöñ keu mi toroqeba jim tuariman.” ³³ Mewö aketka Polnön yengö sutñineyök wahöta engömosöta anök. ³⁴ Anökmö, tosatñan kaba Jisös möt nariba yambuk toroqeket. Möt narigeri, yengö sutñine Areopagus kaunsöl kambu yengö jitrjememe azi kun qetñi Dionisius malök. Mewöyök ambi ketanji kun qetñi Damaris aka tosatñan yetpuk toroqeba möt nariget. Mewö.

18

Polnöy Korint sitinöñ ani uruñini melenget.

¹ Yuai mi asuhuiga Polnöy Atens siti mosöta Grik siti kun qetñi Korint mianğoreñ anök. ² Korint anda Juda azi kun qetñi Aqila miwikñaiyök. Aqila yañön Eisiagö prowinsñi qetñi Pontus mianğoreñ ahuba kōnanğep mindimindiri siti Rom anda malök. Mianğoreñ mali sisa kiñ qetñi Klodius yañön jimkutukutuñi kewö alök, “Juda ambazip iñini mönö körek pakpak Rom siti mosöta deñme.” Mewö jiyöhanğora aka Itali kantri mosöta Grik geba nalö mianğoreñ Korint kanğorök. Kanğoriga Polnöy miwikñaiya i aka anömñi qetñi Prisila yetköreñ anök. ³ Malmalñiri nangöbitköra opo kounñi kounñi meyohot. Polnöy mewöyök opo seri koun meme asia. Mianğora yetköreñ ani nupñini öröröñ ahöiga yetpuk mala ahöba opo seri koun nup mohotñe meget. ⁴ Mema malgetka Sabat kendon dop köuluk mire öngöba Juda aka Grik ambazip yembuk Jisösgö kōnanji erauba mesinđa uruñini melenmegöra kunğum engiba malök.

⁵ Kunğuba mali alayahötñi Sailas Timoti yetkön Masedonia prowinsnöhök kanğorohotka Jisösgö Buñanji nalö dop jim asariba malök. Mewö mala Jisösnöñ Amötqeqe Tonji Kraist akzawi, mianğö kōnanji aukñe kondela keu mianñon Juda ambazip uruñini kunğuyök. ⁶ Uruñini kunğuyökmö, Pol tuarenjon aka uruqete keu töhöreñ jim wangigetka böröñan jeñine kunğuba sölburañni tōnjörari eriga kewö jiyök, “Nöñön köpösihit qahö akiga iñini ayuhuba mianğö likepñi mi mönö nöñgö qakne albingö osime. Mi nanñinak bisime. Iñini Buña keu qetalgetka nöñön ölop engömosöta merak kinda öngömawi, mianğoreñ kian kantri ambazip yengöreñ elenđa anmam.”

⁷ Mewö jiba engömosöta köuluk miri görañe azi kun qetñi Titius Jastus yangö mire öngöba malök. Yañön Juda asia qahöpmö, tōndup Anutugö waikñi memba möpöseiba malök. ⁸ Görañe anökmö, köuluk mirigö galöm qetñi Krispus aka yangö anöm-moröñi yēñön körek uruñini melenđa Kembu möt nariget. Mewöñanök Korint ambazip tosatñi Polğoreñ keu mötkeri, yengöreñök gwötpukñan Jisös möt nariba uruñini melengetka o melun mem engiget.

⁹ Polnöy sunğem kunöñ gaun ahöiga Kembunöñ kutum wasöriğa imut ehiga kewö jii mörök, “Gi kenğotki kude mötmanmö, Buña keu mönö köhöiba jiba malman. ¹⁰ Siti kianğoreñ ambazip kambu gwötpuk yēñön nöñgö buñaya akze. Mianğora nöñön göbuk malbiga kunñan yuai kun qahö kōnahiba meme bölim gihima.” ¹¹ Mewöğora Polnöy nalöñi mem köriiba yengö sutñine (yara) yambu mohot aka köiñ 6 mianğö dop mala Anutugöreñ Buña keu kusum engimalök.

¹² Kusum enġimalökmö, Rom yeñon azi Galio kuñgugetka Akaia prowinsġo kiap gawönö malöhi, nalö miangöreñ Juda jitjememe yeñon mindiriba Pol tuarenjoñ ak wañgiba öröba keu jakeñe al wañgiget. ¹³ Keu kewögöra al wañgiget, “Azi kianjoñ ambazip enjololoñ ak enġimakza. Rom yeñon jimkutukutuñjini alget ahözawi, yañon ambazip köna mi qösököba Anutugö waikñi memba möpöseimegöra uru kuñgum nenġimakza.”

¹⁴ Keu mewö silenje ala jigetka Polnöñ keu jimamgö aiga kiap gawönö Galio yañon Juda ambazip yeñgöra jiyök, “Juda ambazip enġö sutñine kuñjan azi qei kömumbawak me pinjit bölöñi kötökñi kun akawak ewö, miangöra nöñon ölop keuñini kezap ala mötpileñak. ¹⁵ Mimö, enġö sutñine mötnaripkö keu asuhuiga qet murutñi murutñi qeta anġururuk aka jimkutukutuñjini denöwö akñei, mi mönö nanñini lömbötñina. Nöñon yuai mewöñi mi kewötä jim tekömamañgö dop qahö akzal.” ¹⁶ Mewö jiba keu jakeñeyök enġuatangöiga etket. ¹⁷ Eta nanñinök mindiriba mohotñe luhuba köuluk mirigö galöm qetñi Sostenes mi qeraköba memba kaba keu jakeñangö köna numbuñe ala qeget. Qegetka kiap gawönö Galionöñ mi eka miangöra möriga ölni kun qahö ahök. Mewö.

Polnöñ nanñi miriñe Antiokia sitinöñ liliñgöyök.

¹⁸ *Polnöñ töndup toroqeba Korint sitinöñ silim gwötpuk malök. Mal teköba urumelen alaurupñi yaizözkök keuñini jiba enġömosöta Prisila aka Aqila etkömemba köwetnöñ geba wañgegöra mamböta tatket. Mutuk Anutugö jeñe kewö jiyök, “Nöñon Anutugö nupñi pöndañ kapañ köla memam.” Keu mewö jiba mi jöjöpañ keunöñ jöhöba malök. Nalö mi teköiga köwetnöñ miri qetñi Senkria miangöreñ geba jöjöpañ keuñangöra juiga nörop jupñi mitiget. Wañge kun Siria prowinsnöñ anmangö ahöhi, mi miwikñaiba miangöreñ öñgöba opo seri öröba möröreñgögetka luhutnöñ nanñi Efesus mosöta anget.

¹⁹ Anda Efesus taonöñ anġota Polnöñ Prisila aka Aqila etkömosörökmö, nanñak köuluk mire öñgöba Juda yembuk Jisösgö könañi eraum mötket. ²⁰ Eraum möta kewö qesim wañgiget, “Gi ölop nalö köröppñi nembuk malman.” Mewö qesim wañgigetmö, Polnöñ miangö urumohot qahö ahök. ²¹ Miangöra yaizözkök kewö jiyök, “Anutunöñ miangö On! jima ewö, mönö ölop liliñgöba enġöreñ kamam.” Mewö jiba wañge kunöñ öñgögetka opo seri öröba möröreñgögetka luhutnöñ nanñi Efesus mosöta anget.

²² Anda taon kun qetñi Sisaria miangöreñ anġota wañge mosöta gölme köna Jerusalem öñgöyök. Öñgöba liliñgöba urumelen könagesö jölöñini jiyök. Mi jiba tata wahöta geba Antiokia sitinöñ anök. ²³ Antiokia sitinöñ anda mali sonda tosatñi teköiga enġömosöta könanöñ anök. Könanöñ anda Galesia aka Frigia prowins yahöt mi onġita miri dop liliköba gwarek pakpak enġeka köl gulim enġii köhöiget. Mewö.

Apolosnöñ Efesus aka Korint nup meyök.

²⁴ Nalö miangöreñ Juda azi kun qetñi Apolos mi Efesus kayök. Apolos yañon Ijiptkö taon qetñi Aleksandria miangöreñ ahuba mala mötmöt mire öñgöi teköiga Buña Kimbi Walhañgö keuñi ölöppanök möt kutuyök. Mi möt kutuba könañi jii keuñi tandökñi miangöra ambazip miri dop sihim gwötpuk möta söñgaiget. ²⁵ Kembangö könañi wuatangöbingö könañi kusum wañgigetka Anutugöreñ könöp bölamñan uruñe jeyök. Jisösgö könañi törörök diñdiñi kusum enġiba Jonöñ o melun mem enġiyöhi, miangö könañi ölop möt

* 18:18: Jan 6:18

sölöngöba jiyök. Mi jiyökmö, miangö likepnji kun mosörök. Uña Töröñan melun mem nenjizawi, mi qahö mörök.

²⁶ Yañon kaba köuluk miri uruñe könahiba keu ösum-mumuñambuk jiyök. Jiiga Prisila Aqila yetkөн keuñi möta kinda wañgirohotka yetkө mire anget. Anda Anutugö kónañi ölöpnanök toroqeba jim asariba jiyohotka mörök. ²⁷ Aposlonñ Grik kantrigö bahöñi qetñi Akaia miangörej anmamgö möriga Efesus urumelenj alaurup yeñon kötöngöm wañgiget. Kötöngöm wañgiba Akaia gwarekurup yeñora kimbi kewö ohoget, “Azi ki mönө köl öröm wañgime.” Aposlonñ kimbi mi memba Akaia prowinsnөñ anda ambazip Anutugö kalem möriamñi möt asariba uruñini melenjeri, mi gwötputk baukөm enjgiyök. ²⁸ Baukөm enjgiba “Jisösnөñ Amötqeqe Tonj akza,” jiba miangö kónañi mi Buña Kimbigö keuñi keuñi oyonđa manora kondel enjii mötket. Juda yeñon keu mi möta jitnakölik aketka goranora (noragora) ahuyökmö, Aposlonñ Anutugö kukösum qakñe kinda keuñini aukñe qeapköiga etket. Mewö.

19

Polnөñ Efesus mala nup meyök.

¹ Aposlonñ Korint sitinөñ maliga Polnөñ Antiokia siti mosöta prowins tosatñi* oñgita mala mala köwet görañe Efesus sitinөñ añgorök. Añgota miangörej gwarek tosatñi miwikñeaba enjgehök. ² Enjgeka kewö qesim enjgiyök, “Injini möt nariba uruñini melenjeri, Uña Töröñan mönө nalö miangörej uruñine geyök me qahö?” Mewö qesim enjgiiga kewö melenđa jiget, “Uña Töröñan maljawi, nini miangö keuñi qahöpmañöp mörin.”

³ Melenđa jigetka kewö jiyök, “Injini mönө wani o melun mem enjgigerawa malje?” Mewö jiiga melenjet, “Nini Jonñ o melungöra jiba malöhi, mönө mi mem nenjiget mein.”

⁴* Mewö melenjetka Polnөñ jiyök, “Jonñ Jisösgöra keu jiba ambazip kambu uruñini kuñguiga kewö mötket, ‘Nöngö andöne azi kun kamawi, injini mönө i möt nariba uruñini melenjet.’ Mewö jii möta uruñini melenjeri, Jonñ i o melun mem enjgiba malök.”

⁵ Mewö jii mötketka Polnөñ Kembu Jisösgö qetñe o melun mem enjgiyök. ⁶ Mem enjgiba böröñi nöropñine aliga Uña Töröñan uruñine geiga kantri tosatñangö keu murutñi murutñi könahiba jiba kezapqetok keu jiget. ⁷ Azi mi mindiriba 12 miangö dop malget.

⁸ Polnөñ köuluk mire öngöba kinda Anutugö bemtohoñangö kónañi eraum möta awösamkakak kinda suahö ewö uruñini kuñgui keuñi qeapköbingö osiba malget. Mewö malgetka köiñ karöbut teköyök. ⁹ Qeapköbingö osigetmö, tosatñan yangiseñ aka qahö möt nariba Kembugörej kónañi aukñe jim böliba ambazip jenjene luasö jiba kinget. Mewö jiba kingetka Polnөñ kewöta mendenj enjgiba enjgömosöta gwarekurupñi enjguañgiriga tikep anget. Tikep anda azi qetñi Tiranus yangö qenjarök mötmöt jakenөñ silim dop (aua 5 tokoba) kusum enjgiiga eraum-mötmöt aka malget. ¹⁰ Mewö aka malgetka Kembugö Buña keuñan sehiiga (yara) yambu yahöt teköyök. Mi teköiga Buña keu mi Eisia prowins uruñe miri tonj aka Juda ambazip pakpak yeñgö kezapñine gei möt teköget. Mewö.

* **19:1:** Gölme mi nalö kewöñe kantri qetñi Töki (Turkey) miangö uruñe ahöza. * **19:4:** Mat 3.11; Mak 1.4, 7-8; Luk 3.4, 16; Jon 1.26-27

Sewa nahönurupñan öme közölbängö osiget.

11 Anutugö kukösumñan Polgörenñ angoriga nup memba böröñi ambazip nöröpñine ali Anutunöñ anğöletot murutñi murutñi meiga asuhuget. 12 Mewö mali ambazip kawöl enğöhöi malgeri, tosatñan Polgö sileneyök nongöp mitimiti aka opo jöhanñi tosatñi mewöyök memba anda kaba qakñine algetka kawölñini enğömosöri ömenjini kota angetka ölöwaket. 13 Juda sile galöm tosatñan liliköba öme enğuatangöba anda kaba malgeri, yeñön mewöñanök könahiba ömenöñ kölköljinñi mem enğigeri, yeñgö qakñine Kembu Jisösgö qetñi qeta ösumñi köl öröbingö esapköget. Esapköba kewö jiget, “Polnöñ Jisösgö qetñi qeta uru kuñgum neñgimakzawi, nöñön mönö Kembu miangö qetñe öme kota kesalmegöra jim kutum enğizal.” 14 Jisösgö qetñi mewö qetkeri, yeñgö sutñine Juda jike nup galöm bohonñi qetñi Sewa yeñgö nahönurupñi 7 yeñön mewöyök malget.

15 Yeñön ömewöröme kun mewö jim kutum wañgigetmö, yeñön melenđa kewö jim enğiyök, “Ni Jisös möt wañgizal aka Pol möt wañgizalmö, inñini mönö niñia?”

16 Mewö jim enğiba azi uruñe kinöhanñön mönö luhuba qakñine öngöba qeraköba enğömeyök. Mewö körek pakpak luhut ala yayjapaleñeñ mem enğiba silenjini kutumutuba opo malukuñini munjukunjurariyök. Munjukunjurariga nanñik nanñik silenjine sepgwörörök eta kini tököba kesala miri uruñi mi mosöta silenjini gwamöññi aukñe eta angaiget. 17 Mewö asuhuiga Juda kian aka gölme toñi Efesus malgeri, körek yeñön miangö buzupñi möta gwötpuk auruba awöwöliget. Awöwöligetka tosatñan Kembu Jisösgö qetñi kapan köla möpöseigetka aködamanñambuk ahök. 18 Möt nariba uruñini melenğeri, yeñgörenök gwötpukñan anda siñgisöndokñini indela jim kölenget. 19 Tosatñan qarösoñgo amötqeqe memba malgeri, yeñgörenök gwötpukñan buk papiañini memba kaba tokoba ambazip pakpak yeñgö jeñne kinda aukñe köñöpnöñ gilget jeyök. Buk papia miengö söñgööröñini oyoñda mindirigetka mindimindiri jañgöñini mi silwö monen (Kina) 50.000 miangö dop ahök. 20 Tandök mewö aketka Kembangö Buña keuñan mönö ösum-mumuñambuk sehiba köhöiba anök. Mewö.

Polnöñ nupñangö areñi alök.

21 Yuai pakpak mi asuhum teköiga Uña Töröñan Pol sölölohöm wañgii keunji jöhöba kewö jiyök, “Ni köwet kutuba Grik kantrigö likepñi yahöt Masedonia aka Akai miangörenñ liliköbi teköiga mosöta Jerusalem sitinöñ anmam.” Mewö jiba toroqeyök, “Miangörenñ anda tata Jerusalem mosöta Rom siti mewöñanök anda ekñam.” 22 Mewö jiba neñakñi yahöt Timoti aka Erastus melaim etkiiga Masedonia anohotka nanñak toroqeba nalö tosatñi Eisia prowins uruñe malök. Mewö.

Efesus yeñön bim karim aket.

23 Efesus sitinöñ Kembangörenñ köna wuatangögetka miangöra nalö miangörenñ enololon göjupmajup keta bölökñi asuhuyök. 24 Silwö nup meme azi kun qetñi Demetrius yeñön silwö ohoiga kolkolgöiga qekötahöba bem ambi qetñi Artemis yeñgö jöwöwöl jikegö dop imut morömorö memba malök. Mi meiga bohonñi memba malgetka monen öñgöñgöñi öroi kölköl-örörö alaurupñan mendenđa meget. 25 Megetka Demetrius aka kambu tosatñan nup mewöñi memba malgeri, mi mohotñe enğoholi kaba tokogetka kewö jii mötket, “Azi alaurup, nini nup ki meinga bohonñi ölöpnji asuhuba kamakza,

mi mötzin. ²⁶ Mi mötzinmö, Pol azi mianjön Efesus kianjören kanjota ambazip urujini esiba ki aka Eisia prowins pakpak dop köla ambazip kambunji kambunji kunjum engii janjuj akzei, mi nalö kewöje ölop eka mötze. Yanjön kewö jimakza, ‘Bem börönöj memenji mi bem ölnji qahö.’

²⁷ “Mewö jiba maliga nini kölköl-örörö nupnini memakzini, miangö qetnji mem böli jijiwilit akepukö urulömböt akza. Aka miyöhök qahöpmö, urulömböt kun kewö ahöza: Ambazip pakpak Eisia prowins uruje aka gölmeñi gölmeñi pakpak miangören bem ambi öngöngöñi Artemis waikñi memba möpöseimakzei, yangö bem qetbunjan ketanjan ayuhuba ösumjan etapapak aka jöwöwöl jikenangö qetnan böliba ambazip jenje eta omanji akapuk. Urulömböt mewö ahöza. Miangöra waimanjat möta keu ki jizal.”

²⁸ Demitriusnöj mewö jiiga sunjorum alaurupnan mi möta irimjini seholiiga kewö jiba qet gigilahöget, “Efesus nenjören Artemis mi öngöngöñi!”

²⁹ Qet gigilahögetka enololon göjupmajup mianjön sehiba sehiba siti körek dop kölok. Mewö aiga Masedonia azi yahöt qetnjiri Gaius aka Aristarkus Polgö sunjorumyahötñi mi qeraköba etkömembra örörähöm etkiba qezakqezak mirinöj anda totoko alget. ³⁰ Totoko algetka Polnöj mewöyök ambazip kambulembe yengö sutjine anmamgö mörökmö, urumelen ambazipnöj i anjön köl wanjiget.

³¹ Eisia prowinsgö galömkölköl azi tosatjan Polgö alaurupnji akeri, yenjön mewöyök kolek ala kewö ulet wanjiget, “Qezakqezak mirinöj totoko aljei, gi mönö nangi miangören kude kondel engiman.” ³² Totoko algeri, miangören ambazip gwötpuknan kinda tokogerangö könani kun qahö mötkerangöra nanjik nanjik lanjan qet gigilahöba siksauk enololon ketanji megetka sehiba anök. ³³ Mewö ani Juda yenjön azi qetnji Aleksander kunjuba nangögetka kambu yenjön öröba köna algetka qaikne eu öngöba kinök. Öngöba kinda ambazip jemesoholjine keu likepnji meköba jimamgö möta börö pözöj misiba aiwesök mem engiyök.

³⁴ Aiwesök mem engiyökmö, Juda azia akzawi, mewö möt kutuba miangörenök numbuñini mindiriba köreknan könahiba keu kewö qetket, “Efesus nenjören Artemis mi öngöngöñi!” Mewö qeta mala aua yahötkö dop silata qeta kinget.

³⁵ Qeta kingetka siti pomnan ambazip kambu urujine memba eta ali göröñ algetka kinda kewö jiyök, “Efesus ambazip, nini nanine siti kianjören Artemis öngöngöñi mi möpöseiba maljin. Nini yangören jöwöwöl jike aka köt imutnji kömbukñi Suepnöhök eröhi, mi galöm köla maljin. Keu mi injini körek ölop mötze. ³⁶ Mi kunjan qan kölmawanjögö dop qahö. Miangöra injini mönö urujini ösöj memba eta ala böñjöh malme. Kezapjupjup yuai kun keu akñe. ³⁷ Azi ki jöwöwöl jikenöj öngöba yuai kun qahö kiom qeba mem böliyohot. Bem ambinini qahö ilit wanjiyohot. Injini töndup i etkuangitketka ki kinjahot.

³⁸ “Demitrius aka yangö kölköl-örörö alaurupnan tosatnji yembuk anjururuk aka keu jim angubeak ewö, kiap mönö ahöze aka keu jakegö totokonji totokonji mi keu mindingöbingöra alakze. Miangöra mönö ölop miangören anda keu jakene al anguba arönda kingetka dop kölma. ³⁹ Injini yuai kun toroqeba jibingö mötpeak ewö, siti kianjögö tonjan mönö ölop könagesö öröm engiiga qenjarök sombemnöj tokoba keu kewöta jim teköme.

⁴⁰ Merak enololon göjupmajup ketanji ki könani qahöpmö, töndup imbisölöm asuhuzawi, mi Rom gawman yenjön möta kewö jibepuk, ‘Efesus yenjön Rom mindimindiri gawman qetala bim karim akze.’ Mewö jiba keu jakene al

nenjibepuk. Miangö urulömbötñi akza, mi mötzal. Keu jakenje al nenjiba karim kiangö könanangöra qesim nenjibeak ewö, nini mönö likepnji gagabe köla jibinanangö dop qahö mötzin.” ⁴¹ Efesus siti pomñan keu mewö jiba ambazip kambu köndenjen giiga söörauba denja anget. Mewö.

20

Polnøj Masedonia aka Grik anda nup meyök.

¹ Efesus miangörenjen göjupmajup mianjön sörauba teköiga Polnøj gwarekurupñi engoholi kagetka urugö nanjönangö keu qambañ engiba yaizözkök jiba engömosöta Masedonia prowinsnøj anök. ² Masedonia anda gölmenji gölmenji kutuba liliköba miangörenjen qambañ keu gwötpuk jiba mala Grik kantrinøj kayök. ³ Grik kaba köinj karöbut malök. Mi mal teköiga wanje memba köwet kutuba Siria anmamgö mörök. Mewö mörökmö, Juda jitñememe yenjön könanøj qebingö anjönani algetka kezapñe gei mörök. Mi möta miangöra Masedonia prowins kutuba gölme köna mirinje lilingömamgö keunji uruñan jöhöyök.

⁴ Keunji jöhöi sunğurumurupñi kewöñan yambuk anget: Berea azi qetñi Sopater Pirusgö nahönñi, Tesalonaika azi qetñiri Aristarkus aka Sekundus, Derbe azi qetñi Gaius, Timoti aka Eisia prowinsgö azi qetñiri Tikikus aka Trofimus. ⁵ Yenjön qeljijne Troas anda miangörenjen nenğöra mamböta malget. ⁶ Troas anda malgetmö, Luk ni aka tosatñi nenjön beret yistñi qahöpko kendon mi Filipai sitinøj tarin. Mi tarin teköiga wanjenøj öngöinga opo seri öröba mörörenğögetka luhutnøj nanğoi anda wehön 5 aiga Troas yenğörenjen anğorin. Troas anğota miangörenjen wehön 7 toroqeba malin. Mewö.

Polnøj nalö kondikñi Troas malök.

⁷ Wehön 7 malin teköiga Polnøj wehön 8 miangörenjen engömosöta anmamgö mörök. Mi möta sunğem kondikñi Sondagie miangörenjen tokoba Jisös mötmöriba beret mindipköbingöra tarin. Mewö taringa Polnøj yembuk eraum möta keunji jim köriba mali mali sunğem bibinji ahök. ⁸ Nini miri uruñi kungö qakñe eu öngöba tokoba taringa lambe gwötpukñan jeba asariget. ⁹ Tokoba taringa azi gwabö kun qetñi Yutikus yanjön jenjenanñnøj tarök. Tari Polnøj keu jiba mali möri nalö köriiga gaunñangö möta ahöba gwörörök öröba könakembayök tala imbinji qahö möta miri uruñi karöbut onğita gölmenøj geba geyök. Geba qeiga luhuba geba memba wahöringa kömuyöhi, ehin.

¹⁰ Mewö ehinmö, Polnøj geba kepölaköba jiyök, “Kunbuk söngörö ösum ala guliza. Miangöra kude awöwöliget.” ¹¹ Mewö jiba kunbuk eröhanğörenjen öngöba beret mindipköba neyök. Nemba yembuk nalö köröpñi keu jiba mala mala miri gianjiigun engömosöta könanøj anök. ¹² Aniga azi gwabö mi wanğitketka guliba malöhi, mi eka urukölalep ketanji möta anget. Mewö.

Polnøj Troas mosöta Miletus anök.

¹³ Yenjön angetmö, Polnøj nanñak gölme köna anmamgö möta kewö jim kutum nenjiyök, “Injini mönö qeljijne köwet köna miri qetñi Asos miangörenjen angetka aitonğöba noanğitketka wanjenøj öngöbin.” Miangöra nenjön mosöta wanjenøj öngöinga opo seri öröba mörörenğögetka luhutnøj nanğoi anda Asos miangörenjen anğorin. ¹⁴ Asos anğota nembuk aitonğöba Pol wanğiringa wanjenøj öngöba miri qetñi Mitilini miangörenjen anin. ¹⁵ Mitilini anda miangörenjen opo seri kunbuk öröba mörörenğögetka luhutnøj nanğoi anda mala ahöba wahöta gölme jöhanñi qetñi Kios miangö kösutñe anğorin. Anğota

toroqeba kutuba anda ahöba wahötagun miri qetji Samos miangörej geba kunbuk anda ahöba wahöta miri qetji Miletus miangörej kewögöra angorin: 16 Polnöh “Yambu dölokji (Pentekost) mi esapköba Jerusalem sitinöh tammam,” jiba nalö ayuhubinbuköra ösumok anbingö mörök. Miangöra Eisia prowinsnöh nalö köröpnji ayuhubinbuköra möta wanngenöh öngöba Efesus siti ongitpingö keunji jöhöi malin. Mewö.

Polnöh Efesus yengöra keu kondiknji jiyök.

17 Miletus angoringa Polnöh Efesus yengöra kolek ala urumelenj könagesögö jitrjememeurup yenjön eta kamegöra köl öröm enjgiyök. 18 Köl öröm enjii miri qetji Miletus miangörej kangotketka engeka kewö jii mötket, “Nöhön nalö mutuknji Eisia prowinsnöh kayali, miangörejök könahiba nalö pakpak embuk mala kota nup meali, injini miangö tandökni ölop möt yaköze. 19 Nöhön Kembugö jeje uruni mem et al anjum teköba nupni denöwö memba kota malali, injini mi ölop mötze. Nupni memba ambazip engöra sahöta imbilni eriga malal. Juda yenjön urujini qahö melegenji, yenjön nalö tosattji miangörej silenöh alal aket aka nungubingöra arej asa-asambötjni ala malget. Mi ala malgerangöra aka esapesap murutnji murutnji miwikñaiba sihimbölä möta malal.

20 “Nöhön Buja keu mem ölowak engimakzawi, mi jim asarim engiba malal. Mi qenjaröknöh tokoba aka mirinji mirinji miangörej öngöba kusum engiba malal. Nöhön miangöra poraiba nup qahö mosöral. 21 Nup qahö mosöralmö, Juda kian aka gölme tonji engöra mewöyök keu kötnji kewö nangöba jiba malal, ‘Injini mönöh urujini melengda Anutugörej qekötahöba Kembunini Jisös Kraist möt narim wangime.’ Injini mi pakpak ölop möt teköze.

22 “Mötket, merak Uja Töröñan ni Jerusalem sitinöh anmamgö kunjum ningiza. Miangörej anbi wani yuai asuhum ningimawi, mi qahö mötzal. 23 Mohok-kun kewö mötzal: Nöhön taon denike denike anda malali, Uja Töröñan miangörej sanep ala kewö nangöba jii möta malal, ‘Gi mönöh kahasililih möta malnönga kösö mire al gihigetka tatman.’ 24 *Mewö jii möta malalmö, muat. Nöhön toroqeba malbilenjak me kömumbilenjak, mi keu kun qahö ak ningiza. Mi qahöpmahöpmö, Kembu Jisösnöh nup al ningiyöhi, nöñöh mönöh mia mem yakömamgö möt köhöizal. Yanön nöñgöra kewö jiyök, ‘Anutunöh kalem möriamnji ambazip engimamgö mötzawi, gi mönöh miangö Ölowak Buñani jim asariba malman.’ Miangöra gölmenöh malmami me kömumami, mi mönöh yuai omani kötökni ak ningiza. Ambazip mönahotkö aongit akzei, kunjum miangörej kembangan kutuba luhut qahö alma. Nöhön mönöh miangö dop nupni memba kembangan kutuba mosötpilenjuköra ösumni pakpakñan kapan köla anda malmam.

25 “Mewö malmam-mö, mötket, nöñöh engö sutñine anda kaba Anutu bemtohoñangö könanji jim asaribi mötkeri, injini nöñgö jesöñgöroni mi kunbuk qahö ekñe. Engörejök kunjum kun qahö nekñawi, merak mewö mötzal. 26-27 Miangöra nöñöh injini Anutugö jitrji pakpak wuatangömegöra jiba uru kunjum engiba malal. Mi mönöh qahö poraiba mosöral. Miangöra engörejök kunjum kun singisöndokñangöra sohoba kömumba köñöp sianöh gema ewö, injini mönöh ni jim ningibingö osime. Nöhön mi merak engöra aukñe nangöba jim köhöizal.

* 20:24: 2 Tim 4.7

²⁸ “Kembunöj nanñi sepñi mokoba mianñon könagesöurupñi bohonnini meiga buñani ak teközei, inñi mönö i lama ewö galöm köla köyan köl engiba malme. Uña Töröñi yañon nanñak nup mi al engiyök. Mianğöra inñi mönö nanñini aka Kembugörej lama kambu yengöra galömnini mem anguba malme. ²⁹ Nöñon anbiga mianğö andöñe ambazip kanjamñinambuk mi kiam kalñi ewö engö sutñine asuhume. Yeñon asububa lama kambu engöra qahö möta piakñi aka lañ kaba engöhöme, mi mötzal. ³⁰ Nanñini sutñineyök azi tosatñan wahöta kinda Jisös gwarekurupñan görañe anmegöra öröm engiba muney keu jiba malme. ³¹ Mianğöra inñi mönö uruguliguli mala keu ki uru könömnine ala mötmörime: Nöñon (yara) yambu karöbutkö dop sunğem asak qambañ keuñi keuñi mi inñi mohot mohot qösösök (qörörök) kusum engiba malbiga imbilni erök.

³² “Nöñon merak inñi Anutugö böröñe al engiba kewö jizal: Yangö Buña keuñan mönö kalem möriamñi indela köyan köl engimakña. Anutunöñ köhöiba uruñini nanğöba möhamğöiga ölöp köhököhöi miwikñaiba mutulanğömakñe. Inñi Anutubuk lapingögetka alaurupñi pakpak tök kutum engiiga sarakñi akzei, mönö yengö sutñine angota dum tatatñini memba oyaenköyaen aka malme. ³³ Ni engörejök kungö guli jalö me moneñ opo mi qahö buña qem angumangö möta malal. ³⁴ Ni aka sunğurumurupñan yuaigöra osiba malini, mi mönö nani böröni kianñon nup memba miwikñaiba malal.

³⁵ “Mi pakpak aka memba silik ölöpñi kondel engial. Inñi mönö mewöñanök nup memba malme. Mewö mala ambazip löwöröba nup memegö osizei, mi ölöp köyan köl engiba malme. Nup megetka öñi ahuiga Kembu Jisösgörej keu ki mötmörime: Yangñon nanñak keu kun kewö jiyök, ‘Inap yuai buña qem angugetka teköba pömsöm qeiga öne malmemö, tosatñi yengöra yuai kalemñina engigetka Anutunöñ likepñi melenñiga oyaenköyaen akñe.’ Mewö.”

³⁶ Polnöj keu mewö jiba eta simin köla körek yembuk Anutu köuluköyök. ³⁷ Köuluköiga körek yeñon amburereñ aka urusahöt qeba angum wañgiba numbuñi yöhötüm neget. ³⁸ Polnöj mutuk keu kun kewö jii mötket, “Inñi nöngö jesöñgöroni kunbuk qahö ekñe.” Keu mewö möta mianğöra wösöbirik öñgöñgöñi möta kinda wañgita wañgenöñ öñgöba yaizözkök jiba umbulget. Mewö.

21

Polnöj Jerusalem anök.

¹ Yaizözkök jiba nengömosötkeka opo seri öröba mörörengögetka luhutnöñ nanğöi anda gölme jölanñi qetñi Kos mianğöreñ göröken diñdiñanök anda anğorin. Angota ahöba wahöta toroqeba gölme jölanñi qetñi Patara mianğöreñ anin. Mianğöreñök toroqeba Lisia prowinsgö mirinñi qetñi Patara mianğöreñ anğorin. ² Angota kinda wange kun Fonisia gölmenöñ anmamgö ahiga mi miwikñaiba mianğöreñ öñgöinga opo seri öröba mörörengögetka luhutnöñ nanğöi anin.

³ Anda mala gölme jölanñi qetñi Saiprus mianğö kösutñe kaba eka mösököba Saut görökenök oñgita toroqeba luhutnöñ nanğöiga Siria prowins göröken anin. Anda “Wanğegö inapñi mi Taiö taonöñ anda wañgenöhök memba albin,” jigeranğöra mianğöreñ anin. Mianğöreñ anda wange mosöta gein. ⁴ Geba gwarekurup miwikñaim engiba yembuk toroqeba wehön 7 malin. Mianğöreñ malinga Uña Töröñan sölölohöm engii Pol Jerusalem sitinöñ anba-puköra galöm meme keu jiget. ⁵ Mi jigetmö, nini wehön 7 mi yembuk malin

teköiga engömosöta köna anin. Köna anbin jiinga yeñon körek pakpak anöm-moröurupñinambuk neñgubula taon mosöta silenje kaget. Taon silenje kaba köwet sakje eta simin köla Anutu köuluköin. ⁶ Köuluköba yaizözköknini jim angingua Jerusalem anbingöra wanjenöñ öngöinga yeñon mirinjine lilingöget.

⁷ Pol aka nini yanjö sungurumurupñan mewö Taiö mosöta toroqeba anda miri qetñi Tolemes miangörej angota wanje mosörin. Wanje mosöta urumelen alaurup jölöñjini jiin aka yembuk wehön mohot malin.

⁸ *Mala ahöba wahöta engömosöta gölme köna anda Sisaria taonöñ kanjorin. Jerusalem urumelen kambu uruje urukunjukunju azi (ewanjelis) sewen meköm engigeri, *yengörejök kun qetñi Filip yanjö Sisaria malök. Neñon Sisaria kangota yanjö mire anda tata ahöin. ⁹ Filipkö böraturupñi 4 malget. Anutunöñ ambi seram miengö urujine kezapqetok keu jijigö mötmöta kalem aliga malget.

¹⁰ *Neñon Sisaria taon miangörej wehön gwötpuk toroqeba malin. Miangörej malinga Juda prowinsnöhök kezapqetok azi kun qetñi Agabus erök. ¹¹ Neñgörej eta Polgörej örigit memba miangöñ nanñi köna böröñi jöhöba kewö jiyök, “Uña Töröñan kewö jiza, ‘Juda jitmeme yeñon örigit kianjö tonji mi Jerusalem sitinöñ kewö jöhöba kian kantrigö galöm† yengö böröñine alme.’” ¹² Mewö jii möta nini aka urumelen alaurup miangörej malgeri, yeñon mohot Polnöñ Jerusalem anhapuköra uleta qetal wanjiin. ¹³ Qetal wanjiinga kewö melenja jiyök, “Inini mönö denöwö anke? Sahöta keu jiba mewö miangöñ uruni munjuritze. Nöñon Jerusalem anbi gwaröhöm ninjimegöra jöjörözal aka miyök qahöpmö, Kembu Jisös qetñangöra aka nunjugetka kömumbileñak, nöñon mönö miangöra mewöyök jöjöröba kinjal.”

¹⁴ Mewö jiiga mölöwörim wanjibingö osiba urunini böñjöñ köliga kewö jiin, “Mi mönö Kembugö jitsihitñangö dop asuhuma.”

¹⁵ Sisaria taonöñ malin nalö mi teköiga amgöba mözözmögöba engömosöta anda Jerusalem sitinöñ öngöin. ¹⁶ Sisaria miangörejök gwarek tosatñan mewöyök neñgö köinini kaget. Kaget yeñon kewö jiget, “Inini Saiprus azi qetñi Nason yanjö mire ahöba malme.” Mewö jiba neñguanñita yanjö mire anin. Nasonöñ mutuhök urunji melenja Jisösgö gwarekñi aka mala korök. Mewö.

Polnöñ Jerusalem sitinöñ kanjorök.

¹⁷ Neñon Jerusalem angoringa urumelen alaurup yeñon neñgömembra söñgaiba jölöñjini jiget. ¹⁸ Jölöñjini jigetka ahöba wahöta Polnöñ nembuk bisop Jeims ekingö möta anin. Aninga urumelen könagesögö jitmeme yeñon körek pakpak miangörej kangota tatket.

¹⁹ Tatketka Polnöñ jölöñjini jiba kösohotñi alök. Anutunöñ köiput aka nam köl neñgiiga kian kantri yengö sutñine anda liliköba misin nup meinga ölnji ahuyöhi, miangö kösohotñi mesinja mohot mohot mi körekñanök jii mötket.

²⁰ Mi jii möta Anutu möpöseigetka azi ipñi kunñan kewö jiyök, “Pol alanini, Juda ambazip tausenni tausenni yeñon Jisös möt nariba urujini melenja töndup körek pakpak toroqeba Mosesgö Köna keu mi törörök wuatangöbingö kapan kölje. ²¹ Mewö kapan köljemö, göhö buzupki mi kewö lan jiget mötket, ‘Juda ambazip denja kian kantri yengö sutñine anda maljei, göñon liliköba

* **21:8:** Apo 6.5; 8.5 * **21:8:** Aposol nup meme böñ 6 miangörej azi 7 mi meköm engigetka nanjonañgö nup aka ewanjelis nup mi mindiriba meget. * **21:10:** Apo 11.28 † **21:11:** Kian kantri yengö böröñine alget, mi Rom gawman yengöra jiza.

i kewö kusum enggiba maljan, jimakze, “Injini mönö Mosesgö köna keu andö qeba Anutugöreñ aiwesök mi azi morosepsep silenine kude yandime aka Juda ahakmeme tosatnji mi kude wuatangöme.”

²² “Mi jimakzeangöra aka göñön kazani, yeñön mi möta miangöreñök öröba kambu ketanji köla tokobeak. Miangöra nini waimanjat möta mönö denewö ahinga dop kölbawak? ²³ *Miangöra neñön döлки keu göhöra jibini, göñön mönö miangö dop akñan. Azi 4:ñan yuai akingö keunjni Anutugöreñ jiba jöjopañ keunöñ jöhöget. ²⁴ Mi keunöñ jöhögetmö, monengöra osiba mamböta sutnine ki malje. Miangöra göñön mönö i engömemba yembuk köl könjorat ak anguba yengöra aka naluk alnönga dop köli ölop nörop junjini mitigetka keunjni köhöima. Göñön mewö aka Mosesgö Köna keu tem köla wuatangöba maljani, körek pakpak göhö könanjamgi mi törörök eka möt asarime. Mi möt asariba göhöra keu jiget mötkeri, mi ölni kun qahö miwukñagetka omanji aiga kömuma. ²⁵ *Göhöreñ keu kömumapmö, kian kantri yeñön Jisös möt nariba urunjni melengeri, neñön yengöra keu kewö jöhöba kimbi ohoba alin anök, ‘Sömbup busunji bem lopioñ yengö naluk buña qeba könanjine algetka ösumñinan walöñnöhi, mi mönö kude neme. Mewöyök sep me sömbup jölñini qeqeñji miangö busunji mi kude neme. Serowilin kude akñe. Yuai kanjamñambuk 4 mi mönö mosöta andö qegetka dop köлма.’”

²⁶ Jitñememe yeñön mewö jigetka Polnöñ azi 4 mi engömemba ahöba wahöta yembuk köl könjorat ak angugget. Ak anguggetka jöwöwöl jikenöñ öngöba azi mohot mohot engöra naluk ala jöwöwöl ohogetka köl könjorat nalöñini tekömawi, miangö nalö buzupñi jii mötket. Mewö.

Jöwöwöl jikegö tohoñ uruñe Pol memba jöhöget.

²⁷ Polnöñ mi jii mötketmö, silim 7 mi tekömamgö aiga Juda tosatnji Eisia prowinsnöhöc kageri, yeñön Pol jöwöwöl jikenöñ öngöi eket. Eka ambazip kambu körek urunjni kungum engiget wahöri Pol qeraköba meget. ²⁸ Qeraköba memba kewö qetket, “Israel ambazip, mönö baukóm nenngiget! Azi kianñön mönö gölmeñji gölmeñji liliköba miri dop kusum engiba urunjni kewö kungum engimakza: Injini pakpak mönö Israel ambazip kambu qetala mem bölim nenngime. Nanine Köna keu mosöta jöwöwöl jikenine lañ öngöba iwilele aka malme. Mewö kusum enggiba malök aka merak Grik azi mi tok wangita jöwöwöl jikenöñ öngögiga miri kömbukñji kianñön mönö töwiba kölköljinñambuk akapuk.” ²⁹ *Mi kewögöra qetket: Efesus azi Trofimus yanñön mutuk siti könanöñ Polbuk ani etkeka kewö mötmöriget: Polnöñ i wangiri mohotñe jöwöwöl jikenöñ öngöbahotpak.

³⁰ Mewö qetketka ambazipnöñ enololoñ aka ösumñinan luluñda kaba tokoba göjupmajup aketka qeburuñ ketanji yöhöi siti körek dop kölöc. Mewö aiga Pol qeraköba jöhöba jöwöwöl jikenöhök öröba yaigep eta miangöreñök jikegö kiripo nangunji pakpak mi miangöreñök köla jöhöget. ³¹ Pol jöhöba qebingö kapañ kölgetka buzupñi sehiba Rom yarö kambugö suahö galöm bohonñi yanñö kezapñe keu kewö geiga mörök, “Jerusalem pakpak yanñön karim aka him ceze.” ³² Mewö möta miangöreñök yarö azi kambu tosatñji suahö galömnñambuk enguangita luhuba yengöreñ geget. Gegetka i engeka Pol qegeri, mi mosötket.

³³ Mosötketka suahö galöm bohonñan sutñine anda jim kutuiga Pol memba tapep (mungamunja) yahötnöñ jöhöget. Jöhögetka kewö jiba qesim engiyök,

“Azi ki ninja?” aiga “Wania aiga qeze?” ³⁴ Qesim engiyökmö, ambazip kambunöhök keu murutnji murutnji melenja lanlan qetket. Mewö lanlan qeta göju megerangöra aka kónanji törörök mötmangö osiyök. Mi osiba miangöra jim kutuiga Pol wangita yarö azi yengö ain kiripo uruje anget. ³⁵⁻³⁶ Wangita angetka ambazip kambu ketanji yenön kónanjiine enguatangöba kaba kewö qetket, “Mönö qeget kömuma. Yapmakek!” Mewö qetketka yarö azi yengö ain kiripo nangune angoriga könöpuk anda kaba göjupmajup ketanji akerangöra aka gwötpuk lömbörüyök. Miangöra yarö azi yenön Pol memba anguba anget. Mewö.

Polnøj keuanjögö likepni kónahiba melenja jiyök.

³⁷ Anguba kaba yarö azi yengö sel uruje öngöbingö aketka Polnøj suahö galöm bohonji kewö qesim wangiyök, “Ni göhöra keu kun ölop jimam me qahö?” Qesim wangiiga möta könkun aka jiyök, “O, gi Grik keu mötzan me?” ³⁸ Miangöra gi Ijpt azia akzan me qahö? Ijpt azi kunjan uruwale tuarenjon azi timbinambuk 4000 mi enololon ak engiiga Rom gawman tuarenjon aka bim karim kónahiba aka enguanjiri gölme qararanjökölne anget. Gi galöm azi mia akzan me qahö?”

³⁹ Mewö jiiga Polnøj jiyök, “Ni Juda azia. Ni Silisia prowinsgö taon qetnji Tarsus mötzani, mönö miangören ahuba mala koral. Miangöra qesim gihibi: Gi ölop jinönga nöjön ambazip kambu kiengöra keu jibi mötme.”

⁴⁰ Mewö jiiga “Ölop jiman,” jiiga Polnøj döpnönj kinda ambazip engöra börö misiyök. Börö misiiga göju mosöta keu bök kingetka Hibru keunöj keu kewö jii mötket,

22

¹ Polnøj kinda kewö jiyök, “Azi alaurupni, nöjön keugö likepni jimami, mi mönö kezap ala mötket.” ² Hibru keunöj keu jii möta keunji körek bököm teköi kingetka toroqeba jiyök,

³ “Ni Juda azia. Ni Silisia prowinsgö taon qetnji Tarsus miangören ahubiga Jerusalem siti kiangören galöm köl ninjigetka mala qarial. Mala qariba kota böhi qetnji Gamaliel yangö keu bapne tatpiga yanön Juda ambösakonurupnini yengören Köna keu aka ahakmeme mi törörök kusum ninjiiga miangö mötmötji möta malal. Merak enön körek pakpak Anutugö keu bapne anggota kapan köla yangöra bim qeba maljei, nöjön mönö miangö dop aka malal.

⁴ *Mewö mala ambazip Kembangö kónanji wuatangöba maljei, mi köndenja sesewerowero ak engibiga sihimbölö möta tosatjan kömuget. Nöjön ambazipni ambazipni enguanjita tapepnøj (mungamunga) jöhöba kösö mire al engial. ⁵ Jike nup galöm bohonji aka jitmeme pakpak yenön mi ölop mötze aka yengören anda qesim engiiga mi ölop nangöba jibeak. Yenön Juda azi ipnji Damaskus sitinøj maljei, yengöra kimbi ohoba ninjiget memba malal. Miangören ambazip Kembangö kónanji wuatangöba maljei, nöjön mönö mi mewöjanök ‘Likepni melenj engimegöra gwaröhöm engiba Jerusalem ki enguanjitmam,’ jiba kónanøj anal.”

Polnøj nanji urumelenjangö kónanji jiyök.

Apo 9.1-19; 26.12-18

⁶ “Kónanøj analmö, Damaskus siti dopdowibiga miangören yuai kun kewö asuhuyök: Silim bibine miangören asakmaran ketanji kun Suepnöhök

* 22:3: Apo 5.34-39 * 22:4: Apo 8.3; 26.9-11

wölbilik ewö asuhuba wölanj eta turum ningiyök. ⁷ Turum ningiiga tala gölmenöj eta ahöbiga Suepnöhök keu kun kewö asuhui möral, ‘Sol Sol, gi mönö wuanöngöra sesewerowero qaknje al ningimakzan?’ ⁸ Mi möta melenjal, ‘Kembu, gi danön?’ Mewö melenbiga jiyök, ‘Ni Nazaret azi Jisös, sesewerowero qaknje al ningimakzani, nia mönö mi.’ ⁹ Azi nömbuk kaba kingeri, yejön asakmararaj mia eketmö, keu nöngöra jiyöhi, miangö kouruknji kun qahö mötket. ¹⁰ Mewö jiiga nöjön qesiba jial, ‘Kembu, mönö nöjön denöwö akjam?’ Jibiga jiyök, ‘Gi mönö döлки wahöta Damaskus sitinöj anönga Anutunöj wani yuaia akjangö jimawi, mi kunjan jiiga mötman.’ ¹¹ Asakmararaj mianön jeni qeiga janjuj aka kinbiga azi nömbuk malgeri, yejön böröne memba noangitketka Damaskus sitinöj anin.

¹² ‘Miangörej azi kun qetnji Ananias malök. Yejön Anutu göda qeba Mosesgörej Köna keu törörök wuatangöba malök. Miangöra Juda ambazip Damaskus malgeri, yejön körek gödanji ölöpnji ak wangiba malget. ¹³ Yejön nöngörej kaba kösutne kinda nöngöra kewö jiyök, ‘Sol alani, jegi mönö kunbuk tohöyök.’ Mewö jiiga aua nalö miangörejök jeni tohoiga uba ehal. ¹⁴ Ekiga Ananiasnöj jiyök, ‘Göhön ahakmeme dindinj solanjangö Toja eknönga keu jitnan jii könömni mötnöj. Nanine ambösakonini yejörej Anutu yejön gi möwölöhöm gihiiga yangö jitsihitnji möt kutuman. ¹⁵ Gi wani yuai eka mötzani, mönö mi nangöba jiba yangö jitne memenji aka gölmenji gölmenji ambazip jejine dangunu ewö kinda malman. ¹⁶ Mewögöra gi wuanöngöra mambötzan? Mönö wahöta yangö qetnji qeta köuluköba jinönga o melun mem gihiinga singisöndoki sanjonjiga solanima.’ Ananiasnöj mewö jiyök.”

Misin nup kian kantri yembuk memangöra noholök.

¹⁷ ‘Damaskus siti mosöta Jerusalem sitinöj lilingöba jöwöwöl jikenöj köuluköbiga Kembangö alburupnan (anjsumbemnan) nungui kinda imut kun ehal. ¹⁸ Imut miangörej Jisös ekiga nöngörej kaba kewö jiba jii möral, ‘Gi kantri kiangörej nöngö könani aka Buja keuni mi kude jiba malman. Mi nangöba jinönga nesampurek aka andö qeme. Miangöra Jerusalem siti ki mönö ösumok mosöta anman.’

¹⁹ ‘Mewö jiiga jial, ‘Kembu, yejön könajamni mötze. Nöjön mutuk liliköba ambazip gi möt narim gihizei, mi köuluk mirinji mirinji miangörej öngöba miwiknajim engiba jöhöba ihilek wahinambuknöj tauköm engiba tosatnji kösö mire al engiba malal. ²⁰ *Göhörej nupbauk azi Stiwenöj könagi nangöba jiiga qeget sepnji mokoi eri nöjön nalö miangörej mewöyök kösutnjine kinda imbi köla malukunini galöm memba kinbiga qeget kömuyök.’ ²¹ Mewö jibiga Kembunöj nöngöra jiyök, ‘Nöjön melaim gihizalawa gi mönö köröwen kian kantri ambazip yejörej anman.’ Mewö.”

Romgö yarö azi yejön Pol galöm kölget.

²² Polnöj keu likepnji jiyöhi, mi ambazip kambu yejön kezap ala mötketmö, (Kembunöj kian kantri ambazip yejörej anmangö jiiga jiyöhi,) keu mi möta miangörejök köhöiknanök silata jiget, “Yapmakek! Azi mewöni mi qeget kömuma. Mi gölmenöj nembuk malmawangö dop qahö.” ²³ Mewö jiba qeta opo kerej qeköba gila (könaninan börömböröm tiba) sömsöm urata könakemba lanlan gilget. ²⁴ Mewö aketka Rom engö suahö galöm bohonnan jim kutuiga yarö azi yejön Pol wangita anda yarö azi yejö ain kiripo urune alget. Kiripo urune algetka Juda yejön i wanigöra aka göju memba qetzei,

* 22:20: Apo 7.58

mianğö kónanji mötmamğöra kewö jim kutuyök, “İnini mönö Pol memba ihilek wahınambuknöñ qeba qesim wañğigetka kónanji aukñe jii mötpin.”²⁵ Mewö jim kutuyökmö, Pol memba jöhöba ihilek wahınambuknöñ qebingö aketka Rom suahö galöm kunjan kösutñe kini Polnöñ kewö jiyök, “Rom mindimindiri gawman yeñön sel jöhöm niñğigetka böröñine maljal. Nöñön mianğö (jimkutukutu) paspot memba maljal. Mianğöra inini nöñğö keuni qahö möta kewöta lañ jim teköba öne ihilek wahınambuknöñ nungumei, mi mönö Rom jimkutukutu tonji yeñğö jeñjine dop kölma me qahö?”

²⁶ Polnöñ mewö jiiga suahö galömnöñ möta mianğöreñğök suahö galöm bohonñi yañğöreñ anda buzup wañğiba kewö jiyök, “Azi mianğön mönö Rom gawmangö (jimkutukutu) paspot memba malja. Mianğöra gi mönö denöwö akñan?”

²⁷ Mewö jiiga suahö galöm bohonñan Polğöreñ anda qesiba jiyök, “Gi öñña Rom gawmangö (jimkutukutu) paspot memba maljan me qahö? Mi jinöñ mötpi.” Jiiga Polnöñ melenñök, “Öñña, nöñön mi memba maljal.”

²⁸ Mewö melenñiga jiyök, “Ni moneñ ketanji gila Rom mindimindiri gawmangö (jimkutukutu) paspot bohonñi membi niñğigetka maljal.” Jiiga Polnöñ jiyök, “Mi ölöpmö, nöñğö iwinan Rom gawmangöreñ paspot memba malja nöñön yañğö nahöññi ahuba mianğöreñğök qet mi memba maljal.”

²⁹ Mewö jiiga azi qesim wañğibingö akeri, yeñön mianğöreñğök mösöta lilingöba anget. Polnöñ “Ni Rom gawmangö paspot memba maljal,” jiiga suahö galöm bohonñan mi möta Rom azia gwaröhöm wañğiyöhanğöra aka awöwöliba sömbuñi mörök.* Mewö.

Polnöñ jike kaunsöl kambu yeñğö jeñjine kinök.

³⁰ Miri gianjiiga suahö galöm bohonñan wahöta Juda yeñön wuanöñğöra Pol keunöñ al wañğiba jigeri, mianğö kónanji törörök mötmamğöra möta jike nup galöm bohonñi aka jike kaunsöl kambu pakpak yeñön tokomeğöra jim kutum enğiyök. Mewö tokogetka jiiga Polğö tapepñi (munğamunğa) pösatketka wañğita eta yeñğö jemesoholñine ali kinök. Mewö.

23

¹ Polnöñ kindi jike kaunsöl kambu mi uba enğeka kewö jiyök, “Azi alaurupni, nöñön ahakmemeni pakpak mi Anutugö jemesoholñe aka memba malbiga yañön eka ‘Dop kölja,’ jiiga urunañğö kezapnan möta ölöwaka kota mala merak ki kinjal.”² Polnöñ mewö jiyökmö, jike nup galöm bohonñi qetñi Ananaias yañön kösutñe kingeri, i jim kutum enğiiga nungulumñe qekötahöget.³ *Qekötahögetka Polnöñ jii mörök, “Anutunöñ mönö gi qekötahöm gihima. Göñön miri sel tuatñanğö dop akzan. Silenji mundanöñ ohogetka tuatñi akzapmö, uruñi sewön memba injanji akza. Göñön Mosesğö Köna keu memba mianğön kewöt niñğiba keuni jim tekömamğöra tatzanmö, tøndup nangak Mosesğö Köna keu miyök qeba jim kutum enğinöñga nuñğuze. Mi qahö dop kölja.”

⁴ Polnöñ mewö jiiga kösutñe kingeri, yeñön jiget, “Gi Anutugöreñ jike nup galöm bohonñi mepaqepaik aka gamu qem wañğizan me?”

* **22:29:** Kun Rom gawmangö paspot memba malöhi, mi kösönöñ gwaröhöm wañğibepukö sonğö ahöyök. Kunñan sonğö mi walöññök ewö, i mönö keunöñ al wañğizema. Mianğöra sömbuñi mörök.

* **23:3:** Mat 23.27-28

5* Mewö jigetka jiyök, “O alaurupni, yanön jike nup galöm bohonji akzawi, mi qahö möta jizal. Buña Kimbigö keu kun kewö ahöza, ‘Gi mönö könagesö kambugahö azi kembuñi kude qesuahöman.’”

6* Mewö jiyökmö, jike kaunsöl kambu yengörenök tosatñan Sadyusi (Jike nupkö kapankölköl) pati qekötahögetka tosatñan Farisi (Köna keugö kapankölköl) pati azia malget. Polnön mi möta miangöra jike kaunsöl kambu yengö jenine keu kewö qerök, “Azi alaurupni, nönön Farisi azia akzal. Iwinan mewöyök Farisi pati azia. Kömukömuñi yenön guliba wahötmei, nönön mewö asuhumapkö al mamböta jörömqöröm aka maljal. Mewö maljalangöra aka keu jakenje al ninjigetka kewöt ninjiba jize.”

7 Mewö jiiga miangörenök Farisi aka Sadyusi pati miengö sutñine angururuk ahui jike kaunsöl kambu yenön jula kambu yahöt aket. 8* Sadyusi (Jike nupkö kapankölköl) yenön kewö jizema, “Ambazip kömukömuñi yenön kude guliba wahötme. Suep garata qahö malje. Öme aka uña mi qahö malje.” Mewö jigetmö, Farisi (Köna keugö kapankölköl) pati yenön keu karöbut miangören qekötahöba miangö dop möt nariba kinjema. 9 Kambu yahöt mewö aka qetketka göju ketanji ahuiga Köna keugö böhi tosatñan Farisi kambu yengö sutñineyök wahöta könöpñambuk terengöba kewö jiget, “Nini azi kiangö bölöñamñi kun qahö miwikñaizin. Suep garata me uña kunñan keu kutum wasöta yangö uruñe ali jibawak, mi mönö denöwö dop köl engibawak?”

10 Mewö jigetka angururuk mianön kunbuk könöwiba qariyök. Qariiga aworangöba Pol likeplikep örögetka anda kaiga mesin taköget. Mewö tandök ahök. Mewö aiga suahö galöm bohonñan miangö kengötnji möta yarö kambu kun jim kutum enguiga geba Pol sutñineyök öröba wanjita yarö azi yengö ain kiripo uruñe alget.

11 Algetmö, sunjem miangören gaun ahöiga Kembunön Polgö qöhöröñe kinda kewö jiyök, “Mönö ewebibigabuk aka saitingit malman. Nöngö könanamni Jerusalem kiangören nanngöba jiba malnöñi, miangö dop mönö Rom sitinön mewöyök anda mi nanngöba jim asariba malman.” Mewö.

Pol qebingö angönan meget.

12 Kembunön mewö jiyökmö, miri gianjiiga miangören Juda azi tosatñan ölöñ tokoba Pol kömumapkö angönan meget. Yenön areñ mi alget aka mi jöjöpañ keunön jöhöm köhöiba kewö jiget, “Nini Pol kömumapköra mamböta nalö sutñe kiangören nene singi malbin. Singi mala qein kömuiga miangö andöñe ölöp nene me o kun kunbuk nembin.” 13 Azi 40 aka jañgö mi ongitkeri, yenön mindiriba jöjöpañ keu mi jöhöm köhöiba jiget.

14 Mi jibagun jitñememe aka jike nup galöm yengören anda kewö jiget, “Nini Pol kömumapköra mamböta nalö sutñe kiangören nene singi malbin. Polnön qahö kömuma ewö, ambazipnön mönö ölna qesuahöm nenjigetka dop kölma. Miangöra nini mönö mindiriba jöjöpañ keu kewö jöhöm köhöiba maljin: Pol qein kömuiga miangö andöñe ölöp nene me o kun kunbuk nembra malbin. 15 Miangöra aka injini mönö dölkö jike kaunsöl kambu yembuk mohotñe mindiriba suahö galöm bohonñangören anda keu kewö ala qesime, ‘Nini Polgören keu könanji kunbuk qesiinga jii ölna mötpingö mötzin.’ Mewö tandök aiga qesigetka ölöp Pol wanjiriga engören etna. Etpawakmö, könanön kaba

enğörej kanğotmamgö akñawi, mianğörej mönö i qein kömumapkö jöjöröba malbin.”

¹⁶ Mewö jigetmö, qein kömumapkö anğönañ algeranğö buzupñi mi Pol behötñanğö kezapñe gei mörök. Mi möta yarö azi yengö ain kiripo uruñe anda Pol taröhanğörej öngöba jii mörök. ¹⁷ Jii möta suahö galöm kun qeri kaiga kewö jiyök, “Azi gwabö kianğon keu kun memba kazawanğöra göñon i ölop wangita suahö galöm bohonnañğörej anöñga keu mi jii mötma.” ¹⁸ Mewö jiiga i memba wangita suahö galöm bohonnañğörej anohotka jiyök, “Kösö azi Polnönñ noholi yangörej anbiga azi gwabö ki wangita göhörej kamapköra qesim niñgiza. Yanğon göhöra keu kun memba kaza.”

¹⁹ Mewö jiba aniga galöm bohonnañ böröñe memba wangita göranje anda qesim wangiyök, “Gi wani keuya memba kazan?”

²⁰ Qesim wangiiğa jiyök, “Juda jitñememe yeñon keu kun qesim gihibingöra jöhöba göhörej kaba kewö jime: Nini Polgö keu könani törörök qahö möt kömuzin. Mianğöra gi ölop Pol uran wangitnönnga jike kaunsöl kambu yengörej eriga kunbuk qesim wanginönnga jii könanaññi ölni mötpin. Yeñon mewö asuhumapköra mötze. ²¹ Mewö kaba jimemö, göñon keu mianğö imbi ölop kude kölman. Juda könagesö yengö sutñineyök azi 40 aka janğö mi onğitkeri, yeñon mindiriba Polğöra kewö jiba mi jöjopañ keunönñ jöhöm köhöiget, ‘Nini Pol kömumapköra mamböta nalö sutñe kianğörej nene sinği malbin. Sinği mala qein kömuiga mianğö andöñe ölop nene me o kun kunbuk nembin.’ Mewö jiba göñon imbi kölmangöra mamböta jöjöröba mönöze.”

²² Mewö jiiga azi gwabö mi melaiba kewö jii mörök, “Buzup ki jinönñ mötzali, mi kun kude jinönñ mötma.” Mewö.

Pol wangitketka Sisaria taonöñ anök.

²³ Suahö galöm bohonnañ mi möta suahö galömyahötñi etkoholi kayohotka kewö jii mörohot, “Injiri mönö timbi azi 200, hos yarö azi 70 aka lingip yarö azi 200 mi jim kutum enğiyohotka merak sunğemgö 9 kilok mianğörej Sisaria anmegöra jöjöröme. ²⁴ Mewöyök hos tosatñi meköba möhangöm enğiba Pol kungö qakñe ala köyan kölgetka sunğem kianğörejök premiö Feliksgörej anma.” ²⁵ Mewö jii mörohotka premiögöra kimbi kun kewö ohoyök,

²⁶ “O Öñgöñgöñamni sorok premiö Feliks! Klodius Lisias, nöñon jölönği jizal.

²⁷ “Juda yeñon azi ki memba jöhöba qein kömumapköra aket. Mewö aketmö, Rom mindimindiri gawmangö (jimkutukutu) paspot memba maljawi, nöñon mi möta mianğörejök yarö kambu yembuk kanğota sel jöhöm wangiba meköba bohonnañ jöhöyal.

²⁸ Wani keugöra keu jakenje aljei, nöñon mianğö könani mötmamgö möta wangita Juda yengö jike kaunsöl kambu yengö jenjine al wangial.

²⁹ Al wangibiga keu jakenje ala nanñini Köna keugö kösawörañ keunji keunji mianğöra anğururuk aka tuarenjonñ aka jim wangigetka miwikñaijal. Mi miwikñaijalmö, yuai bölönñi kömumapkö dop me kösö mire alin tatmawanğö dop mi qahö ahök. Yeñon keu mewöña kun qahö jiget möral.

³⁰ Mi qahö möralmö, kunönñ yanğö buzup keunji kewö indeli möral: Tosatñan ‘Azi mi qein kömuma,’ jiba anğönañ alget ahöza. Buzup keu mi möta dölkianğörejök melaibiga göhörej kaza. Keu jakenje al wangibingö mötzei, nöñon i mewöyök jim kutum enğibiga göhö jemesoholge kanğota keunñini pakpak aukñe jim miwikñaigetka mötman.”

³¹ Kimbi mewö ohoiga yarö azi jim kutum engigeri, yeñon keu mi wu-
 atangöba Pol memba wangita söñaupnönj miri qetnj Antipatris miangörej
 anget. ³² Anda miri gianjiga yarö azi hosñinambuk yeñon Pol wangita köna
 toroqeba angetmö, timbi azi yeñon nanjinak lilingöba yarö azi yengö ain
 kiripo uruje kaget. ³³ Yarö azi hosñinambuk yeñon Sisaria taonönj angota
 kimbi mi premiö wangiba Pol mewöyök yangö jeñe alget. ³⁴ Algetka kimbi
 oyonða “Pol mi wani prowinsgöra?” jiba qesiyök. Qesiiga “Silisia prowins
 azia,” mewö jiget mörök. ³⁵ Mewö jiget möta jiyök, “Keu jakenje al gihibingö
 mötzei, yeñon mewöyök kangetketka miangörej ölop qesim gihimam.” Mewö
 jiba jim kutuiga Pol wangita kin Herodkö jakömbuak mirigö kiripo uruje ala
 jegalöm mem wangiget. Mewö.

24

Pol keunöj algetka premiö Filiksgö jeñe kinö.

¹ Wehön nup memenj 5 teköiga jike nup galöm bohonji qetnj Ananias
 yanön jitnememe tosatnj aka loya (Köna keugö mötmöt azi) qetnj Tertulus
 yembuk aitonjöba Sisaria taonönj geba premiö Filiksgö jeñe öngöba Pol keu
 jakenje albingö keunji jiget mörök.

² Mi möta Pol köl öroi kangori loya Tertulusnönj könahiba Polgö silenje keu
 ala premiögö jemesoholje keu kewö jiyök, “O Filiks, göñon galöm köl nenjiba
 malnönji, nini nalö miangörej luai ketanj möta gunbönjönjönj malin. Göñon
 ölopñanök köyan köla jim kutum nenjinönnga malmal tatatnini likeplikep
 möhangögetka kantri kianön uteköba wahöri ölöwakzin. ³ O ketanjamnini Filiks,
 nini mi miri dop ölopñanök möt kutuba göhöra söngaiba kilik-kalukni kun
 qahö möta saiwap jim gihizin. ⁴ Saiwap jim gihizimö, nöñon keu köröñji
 jibi ölan göhöbapuköra kewö qesim gihizal: Nini keu memba kainga kötoñanök
 jimami, mi mönö nenjgöra ak ghiuga kezap ala mötman.

⁵ “Nini azi kiangö könanji kewö eka miwikñainin: Yanön kegwek-kahasilinj
 azi kenget kotkotñambuk akza. Yanön gölmenji gölmenji liliköba Juda am-
 bazip urujini esiba kunjum enjiiga karimni karimni miri dop asuhugetka
 göjupmajup qeta alakze. Tosatñan tuaköpek aka Nazaret azi kungö qetnje pati
 aljei, yanön mönö yengö ketanjamnina akza. ⁶ Yanön jöwöwöl jike mi mewöyök
 kapan köla mem töwiba memba et almangö ahök. Miangöra nini i memba
 jöhöin. Nini keunji kewöta nanine Köna keu wuatangöba jim teköbingö mörin.

⁷ (Mi mörinmö, suahö galöm bohonji Lisias yanön yarö azi yembuk kaba
 kukösum ketanj mianön könöpuk böröñneyök meköba wangitket.* ⁸ Wangita
 keu silenje ala jim wangizei, i göhö jemesoholge kangetmegöra jim kutum
 nenjiyök.) Göñon nangak qesim wanginönnga könanji indela jima. Mi jiuga keu
 memba kazini, miangö ölni pakpak ölop auknje asuhuiga mötman.” ⁹ Mewö
 jiuga Juda ambazip yeñon mewöyök “Keu pakpak mi ölna,” jiba imbi köla mi
 nangöba toroqeba silenje ala jim wangiget. Mewö.

Polnönj keu likepni meleñni Filiksnönj mörök.

¹⁰ Pol jim wangigetka premiönönj keu jimapköra böröjöpan kunjuiga kewö
 melenða jiyök, “Göñon (yara) yambu gwötpuk ambazip kambu kiangö
 jimtekötekö tonji aka malnönj mötzal. Miangöra nöñon keunangö likepni mi
 göhö jege awösamakak jimam. ¹¹ Nöñon uruwale Anutu waikñi memba

* **24:7:** Keu sel uruje ahözawi, mi mötmöt ambazip yeñon kewöta Luknönj mi könakönahije ohoyök
 aka tosatñan mi qahö ohoyök, mewö jigetka uruyahötñambuk akza.

möpöseimangöra Jerusalem sitinöŋ öngöyal. Mi wehön 12 miyök teköiga merak ki kinjal. Nangak qesim engibanak ewö, mi ölop nangöba jime. ¹²Nöŋön jöwöwöl jikenöŋ me köuluk miri kungen öngöba azi me ambi kunbuk goranora (noragora) keu jiba jitnakölik akiga mewö qahö miwikŋaim niŋgiget. Siti uruŋe köna me sombang kunöŋ ambazip uruŋini kuŋgubi ölököba liliköm niŋgigeri, mewö qahö neket.

¹³ “Mewö qahö neka döлки keu silene ala jim niŋgizei, yeŋön miangö ölni kondel gihibingö osize. Keu omani jize. ¹⁴ Mi osizemö, keu kun mi ölna jim miwikŋaim gihimam: Yeŋön Nazaret pati qetŋi qetzei, nöŋön mönö miangö köna wuatangöba mala nanine ambösakonurup yeŋgöreŋ bem Anutu mi waikŋi memba möpöseimakzal aka Mosesgöreŋ Köna keu aka kezapqetok yeŋgöreŋ Buzup Kimbi miangöreŋ keu ohoget ahözawi, mi pakpak möt narim köhöizal. ¹⁵ Anutunöŋ ambazip diŋdiŋi aka gonŋonŋi mi körek pakpak mem gulim engii kömupnöhök wahötmei, Juda azi kienöŋ miangöra mambötze. Nöŋön yembuk toroqeba öröröŋ kinda mewö asuhumapköra jörömqöröm aka mamböta maljal. ¹⁶ Mewö mala Anutu aka ambazip jeŋine diŋdiŋi kinbiga Anutunöŋ keuni nangöba jiiga urunangö kezapŋan mörakzal. Jönömnan qahö unduza. Mönö sarakŋi aka malmangöra nalö dop kapan köla köhöiba malakzal.

¹⁷ * “Nöŋön kungen malbiga (yara) yambu tosatŋi teköi lilingöba miri tosatŋi yeŋgöreŋök kalem memba uruwale kayal. Mewö kaba ‘Mi nani könagesöurup wanapŋi yeŋgöra mendeŋ engimam,’ jiba Anutugö jöwöwöl ohoba naluk al wangimangöra Jerusalem öngöyal. ¹⁸ Miangöreŋ öngöba kök könjörat ak anguba solanŋi mala jöwöwöl jikenöŋ öngöyal. Yuai mi ohoba Anutu al wangibiga miwikŋaim niŋgiget. Miwikŋaim niŋgigeri, miangöreŋ ambazip tosatŋan qahö kaba liliköba ölököm niŋgiba göju meget. ¹⁹ Juda ambazip tosatŋan Eisia prowinsnöhök kaba jikenöŋ öngöba nekeri, yeŋön mönö döлки göhö jege kiangöreŋ kaŋgota kinda keu kun ahöm engibawak, mi aukŋe silene ala jim niŋgigetka dop kölbawak.

²⁰ “Me jike kaunsöl kambu yeŋgö jeŋine kinda keu jiali, mi wani Köna keu onŋita pinjit akiga keu jakeŋe alalgö keuni miwikŋaiget? Azi ki tatzei, yeŋön mönö mi jigetka dop kölma. ²¹ *Nöŋön yeŋgö sutŋine kinda keu mohok-kun jiba töhöreŋ qetpiga lömböriyök. Köpösihit mewö kun ahal me qahö? Mi denöwö kewötket ahöza? Keu kewö qeta jial, ‘Kömükömuŋi yeŋön guliba wahötmei, nöŋön mewö möt narizalangöra aka keu jakeŋe al niŋgigetka merak keuni kewöta jim teköm niŋgibingö akze.’ ” Mewö.

Polgö keuŋi qahö jim teköba kösö mire alget.

²² Polnöŋ mewö jiiga premiö Filiksnöŋ Jisösgö könanŋi wuatangöba maljei, miangö könanŋi ölop möt soroköba Polgö keuŋi kembangan kutuba kewö jiyök, “Suahö galöm bohonŋi Lisiasnöŋ kaŋgoriga nalö miangöreŋ Polgö keuŋi jim tekömam.” ²³ Mewö jiba suahö galöm jim kutuiga Pol qahö jöhöba öne jegalöm meiga kösö mire tarök. Tinitosolomurupŋan Pol köyan köla yuai osiyöhi, mi memba wangimegöra qahö qetal engiyök.

Polnöŋ keuŋi jiiga Filiks aka Drusila mörohot.

²⁴ Wehön tosatŋi teköiga Filiksnöŋ anömnŋi qetŋi Drusila, Juda ambi mi wangita kayohotka Polgöra keu ali kaiga keuŋangöra kezap ali Kraist Jisös möt narim wangibingö könanŋi jim asariiga mörök. ²⁵ Mi mörökmö, Anutugö keu

* 24:17: Apo 21.17-28 * 24:21: Apo 23.6

tosatnji toroqeba eraum mötketka lömböriyök. Polnönj Anutugö jeñe solanib-ingö könanji jim asariba nanine ahakmemenini galöm köl angubingöra jiyök aka Anutunönj nalö kun ali miangörenj kewöt nengiba keunini jim tekömawi, keu karöbut mianön urunji kunguyök. Polnönj keu mewöñi jiiga töwöratiba bökö qesinö jiyök, “Yapmakek! Muat mosötnönj. Dölki ölop mosöta anöñga nalö kun mötji dop kölmawi, miangörenj ölop kunbuk köl öröm gihibi kaman.” ²⁶ Mewö jiba töndup toroqeba Pol nanji töwaya moneñ wanjimapköra mötmöriyök. Mewö al mamböta jörömqöröm aka sömanji gwötpuk köl öröm wanjii kaiga keukeu jiba tarohot.

²⁷ Polnönj kösö mire tari (yara) yambu yahöt teköyök. Mi teköiga azi qetnji Porsius Festus yanön Filiksgö undumña premiö akrjamgö ahök. Mewö aiga Filiksnönj Juda ambazipnönj nek sorimegöra möta Pol qahö pösari kösö mire toroqeba tarök. Mewö.

25

Polnönj premiö Festusgö jeñe keu likepñi jiyök.

¹ Festusnönj premiö aka prowins urunje angota tariga wehön karöbut teköiga Sisaria taon mosöta Jerusalem sitinönj öngöyök. ² Öngöiga jike nup galöm bohonji aka Juda jitnememe yeñön jemesoholne kangota Pol keu jakenje albingö jiba aröñda kinget. ³ Aröñda kinda kewö jiba uletket, “O premiö, göñön ölop neñön möringa dop kölmapköra jim tekönöñga keu algetka Pol wanjita Jerusalem sitinönj ki kame.” Yeñön mutuk keu kewö jöhöba jiget, “Polnönj könanönj kaiga miangörenj mönö qein kömuma.” Mewö jiba jöjöröba mönögerangöra kaba uletket. ⁴ Mewö uletketmö, Festusnönj kewö melenj engiyök, “Pol mi Sisaria taongö kösö mire tari galöm kölje. Ni nanak nalö kude köriiga miangörenj lilingöba anmamgö mötzal.” ⁵ Mewö jiba toroqeyök, “Miangöra azi mianön bölöñi kun akawak ewö, ölop engö jitnememeurup tosatñan nömbuk Sisaria geba miangörenj keunini silenje ala jim wanjigetka mötmam.”

⁶ Mewö jiba wehön 8 me 10 miangö dop Jerusalem sitinönj yembuk mali teköiga lilingöba Sisaria taonönj geyök. Geba ahöba wahöta miangörenjök keu jimtekötekögö dum tatatnje tata jim kutuiga Pol wanjita kagetka jeñe kangota kinök. ⁷ Polnönj kangota kiniga Juda jitnememe yeñön Jerusalem sitinöhök kageri, yeñön liliköm wanjiba kinda kazik qakñe keu bölöñi gwötpuk silenje ala jiget. Mi jigetmö, keuninanjö ölnji mi kondelbingö osiget. ⁸ Kazik keu öne jiba kingetmö, Polnönj mi qeapköba kewö jiyök, “Nöñön yuai bölöñi kun qahö ahal. Juda nengörenj Köna keu qahö qetalal. Jöwöwöl jike qahö mem töwial aka Rom sisa kingörenj keugöra tuarenjon qahö ahal.”

⁹ Mewö jiiga Festusnönj Juda yeñön nanjanjö mötket öngömöpkö möta Pol kewö qesim wanjiyök, “Silenönj alal keu ki jizei, gi ölop miangö likepñi mi Jerusalem öngöba miangörenj nöñgö jemesoholne kinda jiman me qahö?”

¹⁰ Qesim wanjiyökmö, Polnönj jiyök, “Rom sisa kinñönj jim kutuiga keu jake ki kungugera ki kinbiga kewöt niñgiba keuni jim tekönöñga dop kölma. Ni Juda ambazip yengöra bölöñi kun qahö ahal. Mia nangak ölop möt yaközan. Mönö Wuanöñgöra kunbuk yengörenj anbilenjak? ¹¹ Bölöñi kun qahö ahalmö, Köna keu kun qösököba yuai kun ak böliba miangöra kömupkö buñaya akilenjak ewö, ‘Nöñön kömumbilenjuk,’ jiba qahö ölöñ köla anmam. Mi qahöpmö, yeñön kazik keu öne töhöntöhön jiba keuninanjö könanji kondelbingö osize ewö, keu omanangöra aka kunnjan nömimba yengö böröñine almapkö osima. Rom sisa

kiñnōñ mōnō keuni mindiñgōba jim tekōi diñgima. Mianğōra nōñōn mōnō yañğō jeñe anmamğō kōhōiba qesizal.”

¹² Mewō jiiga Festusnōñ jembonurupñi yembuk qambañ keu jaruba kewōta kewō melej wañgiyōk, “Gi sisa kiñğōreñ anmamğō mōta qesizani, mianğōra mōnō ölöp Rom anda yañğō jeñe kinman.” Mewō.

Polnōñ kiñ Agripagō jeñe kinōk.

¹³ Wehōn tosatñi tekōiga kiñ Agripa aka nenni Bernaisi yetkōn Festus eka gōdanjiri kondelbitkōra Sisaria taonōñ kayohot. ¹⁴ Kaba mianğōreñ wehōn gwōtpuk malohotka Festusnōñ Polğōreñ keu mi kiñbuk eraum mōta kewō jiyōk, “Filiksñōñ azi kun qahō pōsari kōsō mire kianğōreñ tata malja. ¹⁵ Nōñōn Jerusalem anbiga Juda yañğō jike nup galōm bohōññi aka jittjememurupñinan nōñğōreñ kañgota kewō qesim niñgiget, ‘Nini azi mianğō keu memba kainga gōñōn mōnō ölöp yañğō kōnañi kewōta keuñi jim tekōman.’

¹⁶ “Mewō qesim niñgigetmō, nōñōn yañğōra kewō jibiga mōtket, ‘Rom gawman nengōreñ kōna mi kewō: Kungō silenje keu bōlōñi ala jizei, nini ambazip kun yañğō keuñi mi lañ kude jim tekōmakzin. Mutuk örōba keu jakenje alin kazikurupñan kagetka likepliket örōrōñ arōñda kingetka keu silenje ala jim wañgigetka likepñi ölöp jima. Keu likepñi jiiga mi kewōta öñji ahuiga mianğō dop ölöp keuñi jim tekōmakzin.’ ¹⁷ Yeñōn ki kaba tokogetka nōñōn nalō qahō kōriiga ahōba wahōta mianğōreñōk jimtekōtekegō dum tatatñe tata jim kutubiga azi mi wañgita kagetka nōñğō jene kañğorōk.

¹⁸ “Kañğorōkmō, keu memba kageri, yeñōn lilikōm wañgiba arōñda kinda keu silenje ala jim wañgiget. Mewō aketka yuai bōlōñi kōtōkñi kun akawak, mewō jimeğōra mambōralmō, keu mewōñi kun qahō jiget mōral. ¹⁹ Mi qahō jiget mōralmō, salupñe azi mi qetala nanñini mōtnaripñinañğō keu kemañi tosatñi aka azi kun qetñi Jisōs yañğōra añğururuk aket. ‘Jisōsnōñ kōmuyōk,’ jigetmō, Polnōñ ‘Guliba malja,’ jiba kapañ kōla kōhōiyōk. ²⁰ Mewō jiba kazik algetka nōñōn ‘Keu mewōñi mi denōwō kewōtpileñak?’ jiba kōna jaruba uruyahōt mōral. Mi mōta kinda kewō qesim wañgial, ‘Silenōñ alal keu jizei, gi ölöp mianğō likepñi mi Jerusalem öñgōba mianğōreñ jibanak me qahō?’ ²¹ Qesim wañgialmō, Polnōñ Öñgōñğōñamniñğō jeñe anmamğō kapañ kōla kewō qesiyōk, ‘Mōnō jinōñga galōm kōl niñgigetka sisa kiñğōreñ anbiga keuni mindiñgōiga diñgima.’ Mewō qesiiga wahip azi jim kutum eñgibiga galōm kōlgetka tatza. Bian melaim wañgibiga sisa kiñğō jemesoholñe anma.”

²² Festusnōñ mewō jiiga Agripanōñ jii mōrōk, “Nia kun azi mianñōn keuñi jii mōtmamğō silimñi mōtzal.” Jiiga melejñōk, “Urangun ölöp keuñi mōtman.”

²³ Mewō jiiga ahōba wahōtketka kantrigō jembon, suahō galōm ketañi aka jittjememe öñgōñğōñi yeñōn kaba Agripa aka Bernaisi yetkōra jura sorom jōñjire uta sōsōñgai liñet kōla kōl örōm etkigetka keugō jake miri öñgōñğōñi mianğō uruñe añgotket. Festusnōñ jim kutuiga Pol wañgiketka mianğōreñ kañğorōk. ²⁴ Polnōñ kañğoriga Festusnōñ wahōta kinda kewō jiyōk, “Kiñ Agripa aka azi ketañi pakpak nembuk ki tatzei, inñi mōnō azi ki eket. Juda ambazip kambu pakpak yeñōn yañğōra aka uruni kuñguget. Sisaria taon kianğōreñ aka Jerusalem siti mianğōreñ öñja keunōñ kuñgum niñgiba qet giğilahōba kewō jiba malget, ‘Azi kianñōn gōlmenōñ malmawañğō dop qahō. Mōnō yapmakek!’

²⁵ “Mewō qeta malgetmō, nōñōn kewōtpiga yuai kun kōmupkō buña akñawañğō dop mi qahō ahōk. Nōñōn kōnañi mewō miwikñaiiba ehalmō,

nannak Rom Öngöngöñamminangö jeñe ani keunji mindingöiga dingimapköra kapan köla qesiyök. Miangöra keu jöhöba melaibiga Rom anma. ²⁶ Rom sitinöñ anmapmö, yangören keu mi denöwö ohoba Rom azi kembunangöra albi anbak? Yangöra keu lar jizemö, keu kónañambuk kun mi törörök qahö möt asarizal. Miangöra jibi wangita kaba kinj Agripa göhö jege aka injini tosatnji kinjö andöñe ki tatzei, engö jemesoholjine algetka kinja. Injini ölop böröñan memba keunji kewötketka ölnj asuhui mönö mi möta ölop kimbinöñ ohobileñak. ²⁷ Azi kun kösönöñ jöhöba keu jakeñe alalgö keunji denöwö jizej, mi aukñe jibingö osiba töndup öne melaibinbuk. Silik mi nöñgö mötmötnöñ kezapjupjup tandök ewö akza.” Mewö.

26

Polnöñ keunangö likepñi kinj Agripagö jeñe jiyök.

¹ Mewö tatketka kinj Agripañ Polgöra jiyök, “Gi ölop nangahö keu likepñi jinöñga mötpi.” Mewö jiiga Polnöñ kinda börö kutum wangiba nannj keunji angön köla kewö kónahiba jiyök,

² “O kinj Agripa! Juda jittjememe yeñön keu silene ala jim ningizej, nöñön keu pakpak miangö likepñi mi merak ölop göhö jege aukñe jimangö simbawon mötzal. ³ Göñön Juda nenğören ahakmeme aka angururuk keunini pakpak mi törörök möt yaközan. Miangöra nöñön ölnj simbawon mötzal. Mewö aiga qesim gihizal: Keu jimami, mi ölop möta mököşöñda kezap alman.

⁴ “Nöñön Juda ambazip kambu uruñe ahuba kónakónahinçyök kónahiba nani kantri ki aka sitinini Jerusalem miangören mala koral. Miangöra Juda ambazip pakpak yeñön malmalni gwaböneyök denöwö kota malali, mi ölop möt kutuze. ⁵ *Yeñön kónañamni nalö köröñji möt kutuze. Sihinñini ahöi mi ölop kewö nangöba jibeak: Nanine jike nup uruñe Farisi patu nenñön asa yeñören jike mötmöt mi törörök kötökñi wuatangöba maljin. Nöñön mutuk yeñgö kambu patinöñ angota Köna keu kapan köla wuatangöba malal. ⁶ Anutunöñ ambösakonurupnini yeñgöra jöhöjöhö keu alöhi, nöñön miangö ölnj ahumapköra al mamböta jörömçöröm aka maljal. Miangöra aka merak keu jakeñe al ningigetka kinjal.

⁷ “Nanine Israel ambazip kambu 12 nenñön körek pakpak jöhöjöhö keu miangö ölnj asuhumapköra mambörakzin. Mi mamböta jörömçöröm aka çösösök (çörörök) sungem asak Anutu waikñi memba möpöseimakzin. O Öngöngöñamni, nöñön jörömçöröm mewö ahakzalangöra Juda jittjememe yeñön keu bölöñi bölöñi silene ala jim ningimakze. ⁸ Anutunöñ ambazip kömukömuñji mem gulim engii wahötmei, injini mi mönö denöwögöra aka qahö möt narize?

⁹ * “Nanak mewöyök kewö mötmöröba malal, ‘Ni Jisös Nazaret azigö qet-bunaji sañgolbi qahöwakñapköra bim gwötpuk qemamangö dop akal.’ Mewö mötmöröba kazik aka malal. ¹⁰ Kazik aka Jerusalem miangören ölnj bim qeba malal. Jike nup galöm bohonñi yeñön nam köl ningiget jim kutubiga Anutugö ambazip sarakñi mi gwötpuk engömembra kösö mire al engiget aka tosatñi kömumegö keu jigetka nöñön mewöyök keu mi kötöngöba imbi köla (wout ala) malal. ¹¹ Nalöñi nalöñi liliköba köuluk miri dop böröñan mem engibiga uruñini melençeri, mienñön asuhuget. Asuhugetka Jisös çañ köla ilit wangimegöra kuñguba töhören çöröm ureim engjal. Mewö ak engibiga ihileknöñ

könöpuk tauköba enjgugetka sihimbölö kahasililih möta malget. Urunan könöp jem sölönggöiga sesewerowero ak enjgimamgöra köröwen kötökñi kian kantrigö sitiñi sitiñi miangören anda malal.” Mewö.

Polnöh uruñi melenñöhängö kösohotñi jiyök.

Apo 9.1-19; 22.6-16

¹² “Kaisilik mewö aka malbiga nalö kunöñ jike nup galöm bohonnñi yeñön nömbuk urumohot aka nam köl niñgigetka Damaskus sitinöñ annamgöra könanöñ anal. ¹³ O Öngöñgöñamni, nöñön könanöñ anbiga silim bibiñe miangörenñ Suepnöhök asakmararanñ kun wölañ erök. Eta wölbilik ewö asuhuba wehön jeñi ongita asariiga ehal. Asak miangön mönö ni aka azi nömbuk anini, nini turum neñgiyök. ¹⁴ Turum neñgiiga körek tala gölmenöñ eta kölin. Eta köla ahöinga nöngöra keu kun kaiga Hibru keunöñ kewö jii möral, ‘Sol, Sol, gi wuanöngöra sesewerowero ak niñgizan? Gi mönö bulmakau aziñi ewö akanbuk. Toñan gölme mözö zamgömapköra bulmakau aziñi kinöñnöh jöhöi ösöh öriiga dop köljapmö, lañ öböba könöpuk yaköriba örom ureiiga kerösuap jitñan uiga sihimbölö mörakza. Gi mönö miangö dop lañ luhuba nangi könisemgi öne töhön kutubanbuk.’

¹⁵ “Mi möta qesial, ‘O Kembu, gi danöñ?’ Qesibiga jiyök, ‘Ni Jisös sesewerowero qakñe al niñgimakzani, mönö mia akzal. ¹⁶ Mi akzalmö, ölöp wahöta kinöñ. Ni aka yuai ekzani aka könangep toroqeba asuhuba kondel gihimami, mi mönö nangöba jiba dangunu ewö kinda nöngö jittjememeni aka weleni qeba malman. Gi nup mi memba malman. Nöñön miangöra aka asuhum gihizal. ¹⁷ Nöñön mönö nangi Israel ambazip kambu yeñgö böronineyök meköm gihimam aka kian kantri ambazip yeñgören melaim gihibiga anmani, yeñön guhubepuköra mewöyök galöm mem gihimam. ¹⁸ Nöñön melaim gihibiga anda ambazip jeñini metohonöngga uruñini melenja söñaupnöhök asakñe kangotme. Jeñini tohoiga imbiñini melenja Satangö kukösumnöhök lolohoba Anutugö sel uruñe kame. Mewö kaba möt narim niñgigetka singisöndokñini sanöñda mosötmmam. Mosötpiga Anutunöñ alaurupñi tök kutum enñgiiga sarakñi akzei, mönö yeñgö sutñine angota dum tatatñini memba oyaenköyaen aka malme.’ Jisösnöh mewö kutum nuasöta jiyök.”

Polnöh urugö nupñangö kösohotñi jiyök.

¹⁹ “O kin Agripa, Jisösnöh mewö jiiga nöñön Suepnöhök jemelenñ imut eka könanñ möta mi köyatiba malmamgö mötpiga osiyök. Miangöra nöñön imut miangö keunñi mi tem köla nup memba malal. ²⁰ *Mi tem köla liliköba Buña keu kewö jim sehiba malal: Injini mönö uruñini melenja Anutugörenñ lilingöba kaba uru melengerangö ölnñi mi ahakmemeninan kondela malme. Buña keu mi mutuk Damaskus aka Jerusalem siti yahöt miangörenñ maljei, yeñgöra jim asariba malal. Miangö andöñe Juda kantri pakpak yeñgöra jial aka kian kantri yeñgöra jiba uruñini kuñguba malal. ²¹ Könanñ miangöra aka Juda ambazip tosatanñ jöwöwöl jikenöñ öngöba miangörenñ qeraköba nömmimba kapan köla köhömunñ nuñgubingö aket.

²² “Mewö aketmö, uruni melenñalagörenñök mala kotpiga Anutunöñ bauköm niñgiba maliga nalö kewöñe toroqeba ölöp maljal. Baukbauk miangöra aka ki kinda öngöñgöñi aka eretñi engö jeñine keuni ki jizal. Moses aka kezapqetok ambazip yeñön yuai asuhumapkö jigeri, nöñön mönö yeñgö

* 26:20: Apo 9.20, 28-29

keunjini miyök törörök wuatangöba keu kewö nangöba jizal: ²³ *Anutunöj arenj ali Amötqege Tonj Kraist yanön sihimbölo möta kömumba azi mutuknj kömupnöhök wahöتما. Wahöta Anutu asakjanjö könanji mi Juda kambu nenjöra aka kian kantri yengöra indela jim tuarim engiba malmangö jiyök.”

²⁴ Polnöj keuanjö likepni mewö jüga premiö Festusnöh terengöba keu kembane kutuba jiyök, “Pol, gi kahapmahap akzan. Papia mirinj mirinj miangörej öngönönga mötmötkan sehiba nöropsohop mem gihii maljan.”

²⁵ Mewö jiyökmö, Polnöh melenök, “O kembu sorokni Festus, nöjön nöropsohop qahö akzal. Keu jizali, mi mötkutukutu keu ölna akza. ²⁶ Kinj Agripanöh keu kianjö könanji möt soroköza, mewö mötzal. Yuai pakpak mi tölapne wangöm kunöh qahö asuhuyök. Mianjöra keu buzupni pakpak mi mönö kinjö kezapne gei möt teközawi, mewö möt köhöizal. Mianjöra nöjön keuni ki ölop awösamakak qakne kindi jibiga mötzan. ²⁷ O kinj Agripa, Juda azi gi kezapqetok yengörej Buzup Kimbigö keunji möt narizan me qahö? Mi möt narizan, mewö mötzal.”

²⁸ Polnöh mewö jüga Agripanöh melenöda jiyök, “O Pol, göjön nalö töröptökni kianjörej uruni kungunönga nöjön uruni melenöda Kraistkö alanji akilenjakjö mötzan me? Mewö mötmörizan me?”

²⁹ Mewö jüga Polnöh melenök, “O kinj, keu köröpni me kötonji jibilenjak, mi muatmö, göjönök qahöpmö, döлки keuni kezap ala mötzei, körek enön mewöyök Kraistkö alaurupni aknjögöra urusihimnan möta kewö köuluközal: O Anutu, uruniji melenj enginönga nöjön ki maljali, mönö mianjö dop aknje. Tapep (mungamunja) miyök al engimapköra qahö köuluközal.”

³⁰ Mewö jüga kinjöj wahöriga premiö aka Bernaisi yetkөн mewöyök wahörohot aka yembuk tatkeri, yenjön körek wahötket. ³¹ Wahöta mosöta angetka azi ipnan nanjinök eraum möta kewö jiget, “Azi kianön bölöni kun qahö aiga wuanöngöra mönö gwaröhöm wangiget? Yanön kömupkö buña aknjawanjö dop qahö akza, mi mötzin.” ³² Mewö jiba eraum möta Agripanöh Festusgöra jiyök, “Sisa kinjörej anbiga keuni mindingöi dingimapköra qahö kapanj köla qesiba jibawak ewö, mönö ölop pösaringa gebawak.” Mewö.

27

Pol wangenöh algetka könahiba Rom anök.

¹ Azi ipni yenjön nenjöra keu kewö jöhöget: Nini wangenöh öngöinga luhutnöh nangöi Itali kantrinöh anbin. Keu mewö jöhögetka Pol aka kösö miri azi tosatni mi suahö galöm kun qetnji Julius yangö böröje al engiget. Julius yanön yarö kambu bahöjji kun qetnji “Rom sisa kinjö yarö kambu” qetkeri, miangörej yarö azi 100 yengö galömjina malök. ² Miri kun qetnji Adramitium miangörejök wange kun kaba Eisia prowingsö köwet jitni mötöteiba wange döpnji mohot mohot miangörej anmapkö aka jöjöröyöhi, miangörej öngöin. Öngöinga opo seri öröba mörörengögetka luhutnöh nangöi köwetnöh anin. Masedonia prowingsö siti qetnji Tesalonaika miangörejök azi kun qetnji Aristarkus yanön sungurummini aiga mohotje anin.

³ Anda ahöm wahöta miangörej Saidon mire angorin. Angoringa Juliusnöh Pol ala ak wangiba jim teköiga wange mosöta alaurupni yengörej anda engehiga wani yuaigöra osiyöhi, mi bauköm wangiget. ⁴ Mianjörejök kunbuk köwetnöh aninga luhutnöh köna anbin jiini, miangörej görökenök qeba gilöhanjöra lömböriiga toroqeba gölme jölanji qetnji Sairpus mianjö tölapne

* 26:23: Ais 42.6; 49.6; 1 Kor 15.20

geba qöhöröngöba mötöteiba anin. ⁵ Aninga luhutnöj nanjöi köwet kutuba Silisia aka Pamfilia prowins yahöt mi etkonjita Lisia prowinsgö siti qetji Maira miangörej angorin. ⁶ Angota miangörej suahö galömminan wange kun miwikñajyök. Wange mianjön Ijptkö siti qetji Aleksandria miangörejök kaba Itali kantrinöj anmamgö aka jöjöröyök. Mi miwikñajiba jim kutum nenjiiga miangörej öngöin.

⁷ Öngöba köwetnöj aninga luhutnöj ölop qahö nanjöi wehön gwötpuk mi ösöjösöj anda malin. Mewö malin teköiga miangörej kupuk-kapak aka köwet miangörej Nidas taon kösutje angorin. Kösutje angoringa luhut köhöikñanök gila miangörej göröken toroqeba anbinanjö könanji jöhöyök. Jöhöiga lömböriiga Krit gölme jölananjö jitlej kööröpi qetji Salmone mi onjita anda gölme jöhananjö tölapje geba qöhöröngöba mötöteiba anin. ⁸ Köwet jitlej dowe mötöteiba osikosibuk anda mala Lasea taon kösutje miri qetji “Wange surusuruñi eksihimñambuk, Fair Hafens” qerakzei, miangörej angorin.

⁹ Miangörej angota nalö kööröpi mösöhöba malin. Mewö malinga singgisöndok sanjonjanjögö kendonji qetji Yom Kippur* miangö nalöjan teköiga luhutqege nalöjan lök kam kungui angorin. Luhutqege nalöje ambazip köwetnöj anda “Ayuhubimbuk,” jiba wangenjini jöhözema. Miangöra Polnöj galöm meme keu kun kewö jii mötket, ¹⁰ “Aziurup, nini köwet qakje toroqeba anbinbuk. Mönö kupuk-kapak qakje anda ayuayuhu miwikñajimbuk. Wangenini raidimbomnöj qei jömgöiga sukinañi geñmororoñ öngöngöñi aiga naninak mewöyök kömumbimbuk. Miri tandökñan mewö ahiga ekzal.”

¹¹ Galöm meme keu mewö jiyökmö, suahö galömminan Polgörej keu mi qetala wange tonji aka stia (möñaqöñai lökuat) galömñi yetkön “Ölop anbin,” jiyohori, suahö galömminan keunjiri mi möt nariyök. ¹² Miri qetji “Wange surusuruñi eksihimñambuk” miangö wange döpnji mi luhutqege nalö tatatkö dop qahö ahök. Miangöra aka azi gwötpukñan anbingö keu kötöngöba kewö jiget, “Ki tatpingö ölan nenjöhöza. Ölop opo seri öröba mörörengögetka köwetnöj anbin. Anda kapañ köla mala köna ahuiga Finiks wange döpnöj angotpinak. Miangörej angota luhutqege nalö ki ölop tata malin teköma.” Wange döp qetji Finiks mi Krit gölme jölanji miangö jitlej wehön gegeni göröken ahöza. Mewö.

Raidimbomnöj köwet meiga böliyök.

¹³ Anbingö keu mewö jigetka luhutnöj ösöjösöj könahiba Saut görökenök gilök. Giliga “Ölop anda areñnini wuatangöba Finiks ekin,” jiba mötmöriba kinda wangegö kösö mendannji musulgetka korök. Koriga wangenöj lolohoiga luhutnöj nanjöi ösöj nenjuanjiriga Krit gölme jölananjö jitlej mötöteiba dowe anin. ¹⁴ Mewö aninmö, nalö kude köriiga luhut ösumñi köhöikñi qetji mura (yoware, Not Istkö raidimbom (piwi)lilililikñi) mianjön mönö gölme jölanji miangö qakñeyök qeba gila nenjuba kayök.

¹⁵ Nenjuba kaiga wangenjini galöm köl wanjibingö mem bibihigetka luhut qeba kayöhanjögörej göröken anmamgö osiyök. Osiiga mosötketka luhutnöhök wange kunguba memba wanjiriga nanjak öne ani utuköm nenjiiga lan malin. ¹⁶ Utuköm nenjiiga mala gölme jölanji moröñi kun qetji Kauda miangö tölapje Saut göröken anin. Miangörej anda gomba kösönöj jöhögetka

* 27:9: Yom Kippur sösongai kendon mi Septembe teteköje me Oktobe könakönañi alakze.

wanje andöŋe o kutuba kayöhi, mi aum-möriba köwetnöhök öröŋga gwötpuk lömböriiga töndup kapan köla öröŋga korök.

17 Gomba mi öröin koriga wanje ketane alin. Wanjenöŋ utuköba jömgöbapuköra möriŋga kösö memba wanje köpeiba jöhöm köhöiget. Mewö anda mala sak qetŋi Sirtis† miangörej köwet röndumŋi köröpŋi qahö ahözawanjörej kuŋguba qaköbinbuköra kenjöŋtŋini mörin. Mewö möriŋgöra aka wanjegö opo seri yuaiŋi mi meköba eta ala wanje galömkölköl mosötket. Mi mosötketka luhutnöŋ wanje kuŋguba nenjömiŋga öne laŋ anin. 18 Öne laŋ aninmö, raidimbom miangö mönö könöpŋambuk toroqeba gila utuköm nenjiyök. Mewö utuköm nenjiŋga miri gianjiŋga miangörej könahiba wanjegö sukinap tosatŋi memba köwetnöŋ gilget geyök. 19 Wehön karöbut aiga miangörej wanjegö öröyuaŋi aködamunŋambuk mi nanŋinjak memba gilgetka köwetnöŋ geyök. 20 Mewö memenjaliba anda mala suŋgem silim gwötpuk miangörej wehön me sengelau kun qahö ehin. Raidimbom miangö mewöyök köhöikŋanök toroqeba gila ahöyök. Gilayök ahöiga lömböriiga “Mönö qahöwakin!” jiba malmal jöhöjöhögö möta uruninan eri tötbörömnini tali tarin.

21 Raidimbom uruŋe nalö köröpŋi kaba mala nene kun qahö nein. Miangöra aka Polnöŋ sutŋine wahöta kinda kewö jiyök, “Aziurup, nöŋön Krit gölme jölanŋi qahö mosötŋingö goro jiali, iŋini nöŋgörej keu mi wu-ataŋgögetka dop kölbawak. Mewö ahinga geŋmororöŋ aka ayuayuhu kianön mönö qaknine qahö öŋgöbawak. 22 Goroni mosötketmö, dölkö qambaŋ keu kewö engizal: Engörejök kunŋan kun malmalŋi qahö ayuhuma. Mi qahöpmö, wanjegyök ayuhuma. Miangöra iŋini mönö ewebibiŋini möta tatme.

23 “Nöŋön bem qetŋi Anutu yanjö buŋaya aka welenŋi qeba maljal. Suŋgem gaun ahöbige yanön Suep garatanŋi kun melaiŋga nöŋgö kösutne kaba kinja. 24 Kinda kewö jiza, ‘Pol, gi kenjöŋtŋi kude mötman! Gi ölöp Rom sisa kinjö jemesoholŋe anöŋga kewöt gihima. Mötnöŋ! Anutunöŋ körö ölöwakŋi kondel gihiba ambazip pakpak göbuk wanjenöŋ mohotŋe maljei, yenjö malmalŋini mönö göhö böröge ali göbuk kinda kunŋan qahö kömuma.’ 25 Suep garatanöŋ nöŋgöra keu jizawi, mönö miangö dop asuhuma. Nöŋön Anutu mewö möt narim wanizal. Miangöra aziurup, iŋini mönö ewenŋini möta tatme. 26 Mewö asuhumapmö, luhutnöŋ gila muwutapköm nenjiŋga gölme jöhannŋi kungö jitŋe aŋgotpinaŋgö dop akza.” Mewö.

Suŋgem 14 aiga gölme dopdowiget.

27 Wanjeninan Gölme Sutŋire Köwetkö (Mediterranean Sea) bahöŋi qetŋi Adria Köwet miangörej öne laŋ aniga suŋgem 14 ahök. Mi aiga suŋgem bibiŋe miangörej wanje nup meme azi yenön “Mönö gölme kun dopdowizin,” jiba uruŋinan mewö mötket. 28 Mewö möta kinda kösö kun lömbötŋambuk jöhöba gilgetka geba köwet dutŋi misiriyök. Misiriŋga köwet röndumgö qötöŋi ahuyöhi, mi 40 mita (120 fit) miangö dop ahök. Borom kun toroqeba anda tandök mohot miyök aketka qötöŋi miangö 30 mita (90 fit) miangö dop aiga miwikŋaiget. 29 Mi miwikŋaiba wanjeninan köt törom kemaŋe kuŋgubapuköra kenjöŋtŋini mötket. Mewö möta wanjegö kösö mendannŋi 4 mi wanje andöŋeyök pösata ösöŋ memba eta alget aka asarimapkö miri qeba mamböta köuluköba tatket.

† 27:17: Sirtis mi Afrika kantri qetŋi Libia miangörej göröken ahöza. Sirtis miangörej köwet dutŋe sak kukundu ahöza.

³⁰ Mewö tatketmö, waŋgegö nup meme azi yeŋön kewö möndöba jiget, “Nini mönö waŋge numbuŋe göröken waŋgegö kösö mendanŋi tosatŋi gilinga gema.” Mewö möndöba jiba waŋge moröŋi gomba kun waŋgenöhök meköba mem et algetka köwetnöŋ eri waŋge mosöta esapköba tölapŋe ölöŋ köla anbingö aket. ³¹ Mewö aketmö, Polnöŋ suahö galölm aka yarö azi yeŋgöra kewö jiyök, “Yeŋön waŋgenöŋ qahö mösölatiba kinme ewö, eŋgö malmal jöhöjöhögö könaŋi kun qahö ahuma.” ³² Mewö juiga yarö azi yeŋön anda gombagö kösöŋi yandigetka nanŋök aniga nup meme azi yeŋön ölöŋ köla anbingö osiget.

³³ Waŋgaranŋ suruiga miangöreŋ Polnöŋ körek pakpak nene nemegö qambaŋ keu jim kutum eŋgiba kewö jiyök, “Injini lök nalö köröpŋi uruyahöt mamböta nene kun qahö yöhösöröba malgetka merak wehön 14:ŋi akza. ³⁴ Miangöra kewö jim kutum eŋgizal: Nini malmal jöhöbingö aum-mörübini, miangöreŋ ösumnini etrapuköra mönö köhöiba kinda ölöwahinga dop kölma. Miangöra injini mönö nene neme. Eŋgöreŋök kunŋan kun silenŋi qahö qema. Nöröp juŋŋini moröŋa kun mi qahö kötökŋi sohoma.” ³⁵ Mewö jiba Polnöŋ beret memba körek pakpak yeŋgö jemesoholŋine Anutugö saiwap jiba mindipköba könahiba neyök. ³⁶ Mewö neiga eka körek yeŋön awösamŋini geiga mewöyök nene memba neget. ³⁷ Nini waŋge uruŋe mindiriba jaŋgö 276 miangö dop malin. ³⁸ Yeŋön körek pakpak nene memba nem timbireŋ aket. Mewö aka waŋgenöŋ amqemapköra wit padi toru memba gilgetka köwetnöŋ geyök. Mewö.

Waŋgenöŋ köwet töromnöŋ kuŋguba qaköba jömgöyök.

³⁹ Miri gianŋiga gölme eka mi qahö möt kutuget. Qahö möt kutugetmö, köwet waŋgöŋŋi (bay) kun sakŋambuk miwikŋaiba eket. Mi eka “Mönö waŋge melaŋda esapköba miangöreŋ aŋgotpinak,” jiba keu jöhöget. ⁴⁰ Keu mewö jöhöba kinda waŋgegö kösö mendanŋaŋgö kösöŋi yandigetka suliga mosötketka köwet dutŋe ahöyök. Mi yandiba miangöreŋök likeplikep stia (möŋaqöŋai) lökuat yahöt ahöyöhi, mietkö kösöŋiri pösatketka lolohoyök. Mi pösata waŋge wösöŋaŋgö opo serinŋi öröba möröreŋgögetka luhutnöŋ naŋgöi waŋge möŋaigetka saknöŋ göröken anin. ⁴¹ Mewö aninmö, waŋgenöŋ köwet töromnöŋ anapuköra jöhöbingö osiba mosöta gilgetka anda kuŋguyök. Miangöreŋ kuŋguba waŋge giliŋan töromnöŋ qeba qaköba anda kamamgö osiba tarök. Mewö tariga köwet siriŋan waŋgegö andö likepŋi gila kinda ösum köhöikŋi mianöŋ qeba qesiŋmesinökö.

⁴² Mewö ahiga jiget, “Kösö miri azi yeŋgöreŋök kunŋan o qeba kutuba ölöŋ köla anapuk.” Mewö jigetka yarö azi yeŋön kösö azi nini körek neŋgubingö mötket. ⁴³ Mewö jigetmö, suahö galölmninan Polgö malmalŋi jöhömamgö möta yarö aziurupŋan mewö akepeköra aŋgön köl eŋgiyök. Aŋgön köl eŋgiba kewö jim kutum neŋgiyök, “Denike eŋön köwet qeba anangö könaŋi mötzei, injini mönö mutuk luhuba geba köwet qeba anda körökŋe öŋgöme. ⁴⁴ Yeŋön mutuk angetka tosatŋan andöŋine katapa sahötŋi qelanjiba meme me waŋgegö kitipŋi könaŋi könaŋi miwikŋaiba miangö qakŋe ahöba köwet qeba anme.” Mewö jim kutum neŋgiiga tandök mewö aka körekŋan malmalnini jöhöba köwet jitŋe aŋgot teköin. Mewö.

¹ Malmalnini jöhöba köwet jitje kaŋgota miangörej gölme jöhanji qetji Malta qetketka mörin. ² Kaŋgoringa kienöj könahiba eri miri amöriyökmö, Malta ambazipnöj ala-ala tandök ölop kötöki kondel neŋgiba könöp ohoba neŋguanŋitketka körekjanök könöp kösutje anda jömöta tarin. ³ Polnöj könöp omajarek qezaköba börangöba könöpnöj alök. Mi ali jeiga qatö kunöj könöp umjan kösuiga kota böröje jöhöba yöhöyök. ⁴ Mokolepnöj mewö jöhöba böröje möndöba eta kiniga gölme jölanjanŋö tonjan eka nanjini eram möta kewö jiget, “Azi ki köwetnöhök malmalni jöhöba korökmö, Songoriŋnöj töndup likepni melejnda malmalni kutum wanŋii kömuma. Mianŋöra mönö enŋui kömükömu azia akza. Mewö möt köhöizin.”

⁵ Mewö jigetmö, Polnöj sora men utuköba kinda giliga könöp uruŋe geiga silene geŋmororöj kun qahö ahuyök. ⁶ Mewö jiba ehiba “Sileni qariba pisihima me wölan kömumba gölmenöj tala eta kölma,” mewö jiba ek tiba mamböta kinget. Nalö köröpni mamböta kingetmö, Polgö silene yuai bölöni kun qahö ahuyök. Mewö aiga mötmötjini melejniga jiget, “O, azi ki mönö bem azia akza.”

⁷ Malta saknöj kaŋgota lan uba kösutje nene nup gölme körö jajapini aka bau bulmakau kambunji kambunji ahögetka ehin. Mi gölme jöhanjanŋö azi kembunji qetji Publius yanŋö bunŋaya ahöyök. Gölme tonji mianjön köl öröm neŋgii mirine öngöinga urukalem qakne köyan köl neŋgiiga yambuk köisirik taringa wehön karöbutkö dop anök. ⁸ Taringa Publius iwiŋan silekönöp aka irip suaip sepŋambuk kawöl (dysentery) mianjön yöhöiga dumnöhök ahöyök. ⁹ Higa Polnöj yangörej anda köuluköba böröni nööröje ala mem ölöwahök. ¹⁰ Mewö asuhuiga miangörejök kawöl ambazip tosatji pakpak gölme jöhanje ahögeri, yejön mewöyök kaŋgotketka Polnöj Anutu köuluköiga ölöwaket. ¹¹ Yejön kalem könanji könanji gwötpuk neŋgiba mewö mianjön göda qem neŋgiba malget. Könanŋep wanŋenöj öngöbingö ahini, nalö miangörej köwet qakne köna malmalgö yuaijanŋö osiini, mi memba neŋgöra wanŋenöj alget. Mewö.

Malta mosöta anda Rom sitinöj anŋorin.

¹¹ Köin karöbut teköiga wanŋe kun qetji “Bem Siwisiwi” miwikŋaiget. Wanŋe miangö nunduje siwisiwi bemyahöt qetjiri Kastor aka Poluks mietkö imutjira memba meŋölöba alget kinohot. Wanŋe mianjön Ijpt kantrigö siti qetji Aleksandria miangörejök kaiga gölme jöhanje jöhöba luhutqeŋe nalöni mi tatket. Mi tatket teköiga öngöinga opo seri öröba möröreŋgögetka luhutnöj nangöi mosöta anin. ¹² Anda mala siti qetji Sairakyus miangörej anŋgota gölmenöj eta wehön karöbut tarin. ¹³ Tata wanŋenöj öngöinga opo seri öröba möröreŋgögetka anda Regium sitinöj anŋorin. Anŋgota ahöm wahöta luhut Saut görökenök könahiba gilök. Gili anda silimni yahöt aiga miangörej Rom likepne Puteoli taongö wanŋe döpnöj anŋorin.

¹⁴ Anŋgota miangörej urumelen alaurup tosatji miwikŋaiba enŋehin. Enŋehinga kewö qesim neŋgiget, “Injini ölop nembuk sonda mohot mal-beak me qahö?” Qesim neŋgigetka “Ölop!” jiba yembuk malin. Malin teköiga enŋömosöta Rom sitinöj öngöin. ¹⁵ Urumelen alaurupninan Rom siti malgeri, yejön kainanŋö keu buzupni mötket. Mi möta miwikŋaim enŋebingöra tosatjan wahöta (köna 43 mail kaba) miri qetji Apius Forum maket miangörej kaŋget. Tosatjan (33 mail kaba) miri qetji Kian miri karöbut, miangörej kaba miwikŋaim neŋgiba anŋehin. Anŋeka Polnöj “Anutu saiwap!” jiba möpöseiba urunji amqeiga ölöwahök. Mewö.

Polnōj Rom tata Juda ambazip urujini kunḡuyōk.

¹⁶ Rom sitinōj kanḡota miangōreḡ Polnōj miri kunōj nanḡōk malmapkō jim tekōm wanḡigetka yarō azi kunḡan galōm memba yambuk malōk.

¹⁷ Mewō jim tekōm wanḡigetka miri miangōreḡ tari silim karōbut tekōiga Juda ambazip ipḡi kōl örōm enḡii kaba tokoget. Tokogetka Polnōj kewō jii mōtket, “Iwi alaurupni, nōḡōn nanine Juda ambazip kambunini qahō qetala kazik ak enḡial me ambōsakonurupnini yenḡōreḡōk ahakmeme mōta maljini, mi qahō ak bōlial. Mewō qahōpmō, tōndup Jerusalem sitinōj qerakōba nōmimba jōhōm niḡgiba kōsō mire al niḡgiget tatpiga Rom gawman yenḡō bōrōjine al niḡgiget. ¹⁸ Al niḡgigetka bōrōjaḡ memba kōnarḡamḡō qesiba kewōtketka olōwahōk. Nōḡōn yuai bōlōḡi kun qahō aka kōmupkō buḡaya akilenjakō dop qahō ahal. Yenḡōn mewō eka pōsat niḡgibingō mōtket.

¹⁹ *Mewō mōtketmō, Juda jitḡememe yenḡōn Judia miangōreḡ keu mi qetala tuarenḡōj aket. Mewō aketka siksauk aka lōmbōriiga nōḡōn kōna jaruba kun qahō miwikḡaiba kewō kapaḡ kōla qesial, ‘Ni olōp Rom sitinōj anbiga sisa kiḡnōḡ keuni mindiḡōi diḡgima.’ Mewō qesibiga melaim niḡgigetka ki kayal. Nani Juda kambu yenḡōn kazik al niḡgigetmō, tōndup yenḡō sileḡine keu bōlōḡi kun ala jim enḡimamḡō qahō mōtzal. Mewō qahō. ²⁰ Anutunōḡ azi kun asuhumapkō jōhōjōhō keu al nenḡiiga Israel nenḡōn keu miangō olḡi ahumapkōra mambōta jōrōmqōrōm ahakzini, nōḡōn mōnō azi sorokḡi yanḡōra aka gwarōhōm niḡgigetka tapep (munḡamuḡa) ki bisizal. Kōnarḡamni mewō. Miangōra aka merak enḡeka keukeu eraum mōtḡingōra kōl örōm enḡibiga ki kaba tokoze.”

²¹ Mewō jiḡa jiḡet, “Judia gōlmenōḡ gōhōra keu jiba malgetmō, nenḡōra kimbi kun qahō alget kaiga ehin. Mewōyōk alaurupninan miangōreḡōk ki kageri, yenḡōreḡōk kunḡan gōhō keu buzup me kōsohot bōlōḡi kun qahō jii mōrin. ²² Mi kun qahō jiḡet mōrinmō, uruge keu ahōzawi, nini mi olōp mōtḡingō mōtzin. Gōhōreḡ Nazaret pati kambu miangō keuḡi mi gōlme dop jiḡetka ambazipnōḡ qetalgetka likeplikēp miangōreḡ goranora keu gwōtḡuk jiba kazik ahakze. Pati kambu miangō buzupḡan mewō kezapnine gei mōtzin.”

²³ Mewō jiba Polnōj keu kunbuk jimapkōra nalō kun arenḡōget. Mi arenḡōgetka Juda ambazip jesōḡḡōḡan nalō miangōreḡ kaba Pol miri malōhanḡōreḡ tokoget. Tokogetka sōḡanōk kōnahiba Anutu bemtohoḡanḡō kōnaḡi jim asariba mali miri sōḡauyōk. Jisōsḡō kōnaḡi mōt yakōba mōt nariba uruyahōt mosōtmegōra kapaḡ kōla uru kunḡum enḡiba malōk. Mutuk Mosesōreḡ Kōna keu aka kezapḡetok ambazip yenḡōreḡ Buzup Kimbi oyoḡda keu miangōreḡōk kōnahiba Jisōsḡō kōnaḡi indela mianḡōn kondela nanḡōba jiba malōk. ²⁴ Buḡa keu mewō jiba maliga tosatḡan uruyahōt mosōta mōt narigetmō, tosatḡan mi qahō mōt nariba tōḡpin malget. ²⁵ Nanḡini urumohōt qahō ak aḡḡuba sutḡine mōtmōt kambu yahōt aka deḡbingō aket. Deḡbingō aketka Polnōj keu kewōyōk jii mōtket, “Uḡa Tōrōḡan keu kun kezapḡetok azi Aisaiḡō uruḡe saḡep ali ambōsakonḡini jii mōtkeri, mi mōnō enḡōra dopḡine tōrōrōk jiyōk. ²⁶ *Aisiaianōḡ keu mi kewō jii ahōza,

‘Gi mōnō ambazip kambu kienḡōreḡ anda kewō jinōḡ mōtme:
Iḡini mōnō kezapḡini ala keu olḡa mōtagun kōnaḡi mōt bibihiba tōndup qahō mōt asarime.

Jenḡan uba yuai olḡa ekagun kōnaḡi ek bibihiba tōndup qahō ek kutume.

* **28:19:** Apo 25.11 * **28:26:** Ais 6.9-10

²⁷ Ambazip kambu kiengö uruñinan mönö köhöiba gwözöñda ahöza. Kezapñinan keu möt bibihiba jeñjini kömaziliköba malje. Mewö qahö akeak ewö, mönö jeñinan yuai ölop ek kutuba kezapñinan keu möta uruñinan könañi möt asariba uruñini melengetka nõñõn i ölop mem ölöwak engibileñjak.’ ”

²⁸ Polnõñ keu mi jim teköba kewö jiyök, “Miangöra inñini mönö keu kötñi ki ölop möt yaköme: Anutunõñ amõtqeqegö Buña keuñi mi mönö kian kantri yengöreñ ali anma. Yengöreñ aniga yeñõn mi ölop kezap ala mötme.”

²⁹ (Polnõñ mewö jim teköiga Juda yeñõn nanñinök könöpuk jitnakölik aka goranora erauget öñgöba eriga mosöta anget.) *

³⁰ Polnõñ nanñanğöra miri kun kusuk söñgörõñi memba miangö uruñe (yara) yambu yahöt jömukñanök ahöm malök. Miangöreñ mala ambazip denike yeñõn ekingö kageri, yañõn mi pakpak ölop köl öröm engiba malök.

³¹ Awösamkakak qakñe kinda Anutu bemtohoñangö könañi jim asariba uru kuñgum engiba malök. Kambu Jisös Kraist möt wañgimeğöra Anutu amõtqeqegö könañi kusum engiba malök. Mewö maliga kuññan kun qahö qetal wañgiiga mala kota malök. Mewö.

* **28:29:** Mötmöt ambazip yeñõn Jabö 29:gö keuñi kewöta tosatñan Luknõñ mi könakönahije qahö ohoyök jizemö, tosatñan keu miambuk urumohot qahö akze. Miangöra jabö 29 mi sel uruñe ahöza.

Rom kimbi Polnõj Rom yengõra kimbi alök. Jim-asa-asari

Jim-asa-asari Rom sitinõj kopa malgetka urumelen kambuñi kambuñi yenõn sutñine simbisembel denða malget. Juda tosatñan uruñini melenða Juda ahakmemenõj aka Kõna keunõj qekõtahõba silenini yandiba sömbup qahõ nembra malget. Kian kantrigõ urumelen kambu yenõn Anutugõ kalem möriamñi qekõtahõba Anutugõ Kõna keu bapñe qahõ anda söngöröqök aka siñgisöndok amqeba akingõ mötket. (6.15) Anutunõj Juda kõnagesõ öñji andõ enguba salupñine kian ambazip engoholi buñañi akeri, miangõra sönggaiba ilit engiget. (11.18-20) Mewõ aka Juda urumelen yenõn silikñini walñi mewöyök wuatangõgerangõra aka jijiwilit ak engiba malget. Juda kambu yenõn kian kantrigõ urumelen alaurupñini qepureim engiba Juda silikñini qahõ wuatangõgerangõra aka keuñini töhörenj jim tekõba söngöröqök aket. (2.17-20; 14.3)

Mindirim engimangõra Polnõj kambu yahõt yengõra goro keu nanñök nanñök engimakza. Juda yengõ kõnañini indeliga (2.21-27) kian kantri yenõn sönggaiget. Keu bohonnji kewõ jiyök, 'Jisõs möt nariinga Anutunõj mötnariñini eka keunini jim tekõga solanibin. Kõna murutñi kun qahõ ahõza.' (1.17) Kian kantri ambazip söngöröqökñini qekõmapkõra kõnañini indela kewõ jiyök: "Anutunõj nanñini ölöpñinañgõra aka qahõpmõ, nanñi ak-kõmukõmuñangõra aka inñini möwölöhõm engiyök. (11.30-32) Miangõra mönõ kapanj kõla Kõna keu tem kõla malme. (7.12-24) Körekmakõrek siñgisöndokõ kõsõ gwarönõj mala ayuhubingõ akzinmõ, (3.23; 5.12) Anutunõj nanñi irinsesewölñan etmapkõra aka Kraist melaiyök. (5.8-9) Uña Törõñan mekõba siñgisöndok aka kõmupkõ kukõsumnöhök pösat nenjima. Miangõra siñgisöndok ahakmemes mösõta (6.11-14) mindiriba jöpakõm anguba kopa yengõ sutñine kopa tandök kude malme." Goro mewõ engiiga ösõñjõsõj tem kõla mindiriba malget. Polnõj nalõ mutukñi Rom ani nanñgõm wangigetka toroqeba Spein kantrinõj anmamgõ möta mewõ ohoyök.

Buk kiangõ bahõñi bohonnji 7 mi kewõ:

Jim asa-asari keu aka keu bohonnji *1.1-17*

Kõrekñan siñgisöndokõ amõtqeqegõra osizin *1.18-3.20*

Anutunõj amõt qem nenjimakzawangõ kõnañi *3.21-4.25*

Kraistpuk malmal dölökñangõ kõnañi *5.1-8.39*

Israel yenõn Anutugõ mötmõt arenñõj malje *9.1-11.36*

Urumelen nenñgõ silik ahakmemegõ keu *12.1-15.13*

Keu tetekõñi aka nanñi yaizözkök keuñi *15.14-16.27*

¹ Pol ni Jisõs Kraistkõ nup meme azia aka Rom urumelen ambazip embuk keu eraum mötpingõra kaba kimbi ohozal. Anutunõj noholiga melaimelai azi aposol akzal. Anutunõj Ölöwak Buñañi jim sehimangõra möwölöhõm niñgiiga maljal.

² Anutunõj oyaenñkoyaenñ akingõ Ölöwak Buñañi indelmapkõ keuñi mi qeljiñe jöhõba jiiga kezapqetok ambazipñõj möta Buña Kimbi törõñi miangõrenñ ohogetka ahõza. ³ Ölöwak Buñañi mi nanñi nahõñni Jisõs

Kraist. Yanjōn gölme azi ewō kiŋ Deiwidkō gwölōnarōkurupŋi yengōrenjōk asuhuyōk.

⁴ Suep azi ewō Uŋaŋan solanŋi törōŋi ahōk. Anutunōŋ i mem guliiga kōmupnōhōk wahōriga kukōsumŋan aukŋe asuhuyōk. Anutunōŋ mewō mi-anjōn nanŋi Nahōnŋi akzawanjō keuŋi mi jim kōhōiba kuŋgum wanjuyōk. Kembuninanjō kōnaŋi mewō. ⁵ Kraistnōŋ nupkō ōlŋi kewō asuhumapkōra mōrōk: Neŋjōn kian kantriŋi kantriŋi lilikōba Jisōsgō qetŋi sutŋine jim sehiinga mōta uruŋini melenja mōt narim wanjiba keuŋi tem kōla malme. Miangōra aposol nupŋi aka kalem mōriamŋi mi neŋgiiga memba maljin. ⁶ Anutunōŋ ambazip Jisōs Kraistkō buŋaya aka malmegōra engoholōhi, Rom iŋini mewōyōk yengō sutŋine malje.

⁷ Uruŋini melenja Rom sitinōŋ maljei, nōjōn kōrek engōra kimbi ki ohozal. Anutunōŋ iŋini nanŋi ambazip sarakŋi malmegōra engohola jōpakōm engimakza. Anutu Iwinini aka Kambu Jisōs Kraist yetkōn mōnō kalem mōriam engiyohotka luainōŋ malme. Mewō kōulukōmakzal.

Polnōŋ Anutu mōpōseiba kewō kōulukōyōk:

⁸ Gōlmeŋi gōlmeŋi pakpak yengōn Rom engō mōtnariŋinanjō kōsohotŋi jigetka mōrakzal. Miangōra keuni kōnahiba Jisōs Kraistnōŋ nam kōl niŋgiiga kōrek engōra aka Anutuni saiwap jimakzal. ⁹ Nōjōn mōtmōt sihimni pakpak Anutugō nupnōŋ ala welenŋi qeba Nahōnŋanjō Ōlōwak Buŋaŋi jim asarimakzal. Miangōrenjō sundan iŋini mōtmōrim engimakzali, mi Anutunōŋ nanjōba jimakza.

¹⁰ Nalō dop kewō jiba kōulukōmakzal, “O Anutu, nōjōn Rom yengōrenjō anmangō mōta nalō kōrōpŋi lōk mambōtzal. Miangōra mōnō sihingahō dop jinōŋga kōna asuhuiga nalō kewōŋe ōlōp anmam.” Mewō. ¹¹ Engeka mōtnariŋinanjō kōhōimapkōra mōta ōlōp nup memegō mōtmōt kalem kun engimam. Miangōra nalō mutukŋa yengōrenjō kaba engekŋamgō awōwenjōba maljal. ¹² Kewō akingō awōwenjōmakzal: Nōjōn engekiga mutulanjōba ni aka iŋini denōwō mōt narimakzini, mi eraum mōta urunōŋ nanjōba kōrō-ōlōwak qem anjabin.

¹³ *O urumelenjō alaurupni, iŋini mōnō kewō mōtmōriba malme: Nōjōn kian kantri tosatŋi yengō sutŋine lilikōba uruŋini kuŋgum engibiga melenjeri, miangō dop engō sutŋine mewōyōk ōlŋi asuhui ekŋamgō mōtzal. Miangōra nalō gwōtpuk lōk engōrenjō kusuk kamamgō arenjō ala malalmō, yuai tosatŋan mōnō nalōŋi nalōŋi jōhōm niŋgiiga osial. ¹⁴ Anutugō jeŋe tosa kewō ahōm niŋgiza: Ambazip kambu kōnaŋi kōnaŋi baukōm engimamangō keuŋan mōnō nōnjō qakne ahōza. Mōtmōt ambazip aka gukmaulem ambazip miengō welenqeqenjōi ōrōrōŋi akzal. Mindimindiri keu Grik mōtzei aka qandam *mala nanŋini keuŋine irohwaroho jimakzei, mi kōrek baukōm engimamgō mōtzal. ¹⁵ Mewō mōta Ōlōwak Buŋa mi Rom siti engōra mewōyōk jim asarimamgō amqeba urukōnōp ahakzal. Mewō.

Ōlōwak Buŋagō kukōsumŋi kewō:

¹⁶ *Anutugō kukōsumŋan nini kōrek mem letot neŋgiiga nalō kewōŋe Suepkō buŋaya akzin. Juda neŋjōn mutuk urunini melenja mi mōt nariin

* **1:13:** Apo 19.21 * **1:14:** Qandam, Siawari imbinōŋ qandak, Nei keunōŋ bus kanaka, ambazip arōkŋe nanŋinōk tōnŋin mala mōtmōt miriŋini qahō gukmaulemnōŋ malget. * **1:16:** Mak 8.38

aka nenjö andönine kantri tosatñi yeñon mewöyök mi möt nariget. Mianğora Anutunöñ kukösumñi Ölöwak Buñanöñ ali ahözawañğora mi algamusum qahö ahakzal. ¹⁷ *Ölöwak Buñanöñ mönö solannñi akingö könañi indelakza. Buña keu kun kewö ohoget ahöza, “Solannñi akzawi, yañon mönö Anutu möt nariba mewö mianñon köhöiba mal öñğöma. Keu mianğö könañi kewö: Nini Anutu könahiba möt nariinga mötnaripnini eka keunini jim teköiga solaniin aka gölmenöñ malbinañğö dop toroqeba möt narim wañgiba jeñe solanimakin.” Mewö.

Nenjö siñgisöndoköra Anutugö irimñan seholimakza.

¹⁸ Ölöp solanibinakmö, ambazip keu ölni ahakmemeñinan közañğöba sikkauk memakzei, Anutunöñ mi Suepnöñ euyañ-göreñök uba ehi qahö dop köliga irimñi seholimakza. Ambazip mewöñi pakpak engeka añğöjörakñini qetala silikñini bölöñañğöra aka kazikñi indeli asuhumakza. ¹⁹ Mi kewögöra: Anutugö könañi möt kutubinañğö dop akzawi, mi mönö nanñak indel enjiiga sutnime aukñeyök ahöiga mörakze.

²⁰ Anutugö malmalñi qahö ehakzinmö, kukösumñi mi Suep gölme miwikñaim etkiba mianğöreñök könahiba kondela mala koriga nalö teteköñi qahö asuhumakza. Mianğöra Anutugö börösöwöñi törörök ehinga bem aködamunñambuk akzawañğö könañan mönö ölöp möt kutubinañğö dop akza. Mianğöra ambazipnöñ yuai kunöñ möndöba nanñine keuñinañğö likepñi nañğöba jibingö osimakze. ²¹ *Anutugö könañi möt kutuba malgetmö, töndup “Yañon bemnina,” mewö qahö jiba i qahö möpöseigetka qetbuñañi sutñine qahö ahöyök. Mewö qahö ahöyökmö, keu omanñi lanñaj mötmörigetka mötmötñinan löwöriiga mötök aket. Uru mötkutukutunñi qahö mianñon mönö ömuñ köla pandaman meiga jipjap malje. Mianğöra “Anutugö könañi qahö mötzin,” jiba möndö möndö lanñ aketka qahö dop kölja.

²² “Mötkutukutu ambazip maljin,” jiba silenñi memba öñğöba malgetmö, mewö mianñon uruqahö ambazip akze. ²³ *Anutu qetbuñañi asakmararañambuk nalö teteköñi qahö mal öñğömawi, i qahö möpöseiba waikñi qahö memba malgetmö, i mosöta salupñe tandö lopion aka imut tosatñi kuñguget. Tandö lopion söhögetka kaisoñgolomñinan azi kömukömuñañğö dop akze. Imut tosatñi megetka nei sömbup aka gölmenöñ bapñinan köla ölölöñğömakzei, miengö dop akze. Yeñon mi sipköba bem ewö möpöseim enğiba malget.

²⁴ Mewö aka malgerañğöra Anutunöñ i andö enjiiga nanñini uruñinañğö sihim kömbönañini lanñ wuatañğöba serowilin aka nanñini silenñi gamu qeba mem et al añguba malje. ²⁵ Anutugö keu ölni mosöta salupñe keu munenñi qekötahöget. Miwimiwikñai Tonñi ölna qahö göda qeba welenñi qahö qeba malgetmö, yuai miwikñaiyöhi me nanñini böröñinan megeri, mianğö sihimñi asuhui möta börösöwö miengö waikñini memba möpöseim enğiba malget. Mewö malgetmö, nenñon miwimiwikñai Tonini mi nalö teteköñi qahö möpöseimakin. Keu mi ölna.

²⁶ Mewö aka malgerañğöra Anutunöñ i andö enjiiga nanñini sihim kömbönañini gamuñambuk mi lanñ wuatañğöba kewö aket: Yenğö ambiurupñinan awanöm köna diñdiñi mosöta nanñinak melenja amimba malget. ²⁷ Azi yeñon mewöyök ambibuk amimba malmal mosöta goñgiget. Kaisero akitkö sihim kömbönañini mi azi sutñine örom añguba mötketka könöñambuk

* 1:17: Hab 2.4 * 1:21: Ef 4.17-18 * 1:23: Dut 4.16-18

aiga nanñinak melenḁa amimba anğöjörakñinambuk aka malget. Gonñiba jaubatbat malgeranğö likepñi mi Anutunönj dopñine melenj enğıiga qakñine öngöiga böliget.

²⁸ Anutugö könani möt kutubingöra mötketka eretñi aiga mosötketka Anutunönj mönö mewöñanök i andö enğıiga nanñini mötmötnjini gonğonjan galöm köl enğıiga ahakmeme gamuñambuk aka memba malget. ²⁹ Ahakmeme gonğonji aka silik bölönji könani könani mianñon uruñini kokolak qeiga kewö ahakze: Yuaigö nepaqepalok membagun memingö köpösönğöba isimkakalek ahakze. Tosatñi yengören yuaigöra körögisigisi ahakze. Ambazip enğugət kömumakze. Anğururuk aka tosatñi tilipköm enğimakze. Ambazip tosatñi jiliwitin qakñe bölönji ak enğibingö mörakze. Keu ambazip kezapñine sanep alget geiga diwonḁawon anakza.

³⁰ Andöqeqe keu jimakze. Anutugö yom jimakze. Silik bölönji könöñambuk tem köla wuatangömakze. Jakbak-öranjböranj aka silenñini memba wahörakze. Silenönj alal aka silik bölönji murutñi murutñi miwikñaimakze. Iwinam keuñini qahö tem kölakze.

³¹ Mötmötnjini qahö tohoiga uruqahö mala keu lanj jöhöba qahö wuatangömakze. Ala-ala qahö aka tosatñi yengöra wösömötmöt qahö ak enğimakze. ³² Anutunönj köna diñdiñi kewö jim kutui ahöza: Ambazip bölönji mewöñi ahakzei, yeñon mönö kömup köhöikñanğö buñaya akñeanğö dop akze. Yeñon jimkutukutu mi möt asarizemö, tondup nanñinak bölönji mi ahakze aka miyök qahöpmö, tosatñan mewö aketka “Ölöp!” jiba imbi köla nanğöm enğimakze. Mewö.

2

Anutunönj keunini kewöta diñdiñanök jim tekömakza.

¹* O alani, gi tosatñi yengö keunini jim tekömakzan me qahö? Gi tosatñi yengö keunini jim teköba nangak ahakmeme miyöhök ahakzan. Mianğöra alagahö keunji kun jim teközan ewö, mönö nangahö keu mewöyök jim tekönönğa mianğö lömbötñan nangi qake öngöma. Mianğöra öngöngöñi me eretñi akzani, mi tondup mönö yuai kunönj möndöba nangahö keugö likepñi nanğöba jimangö osimakzan. ² Ambazip ahakmeme bölönji mewöñi ahakzei, Anutunönj yengö keunini keu ölnanğö dop kewöta jim tekömakza, mi mötzin.

³ Mianğöra denöwö mötmörizan? Gi gölme azia aka tondup yuai mewöñi ahakzei, yengö keunini jim teköba nangak ahakmeme miyöhök aknönğa dop kölja me qahö? Anutunönj keugi kewöta jim teköba likepñi melenj gihiiga ölna göhö qake öngöma. Anutugöra jeñe qahö mömölaköba asambötman.

⁴ Anutunönj ala ak nengiba bölönjanninanğö likepñi zilan qahö melenjmapmö, mamböta möta mökösoñmakzawi, keu mianğöra jijiwilit akzan me? Anutunönj uruölöpnji kondela urugi melenj-mangöra öröm gihimakzawi, mianğöra tönpin malbanbuk. ⁵ Gi kezapjupjup aka urugi qahö melenmani, mewö mianñon Anutugö jeñe qahö mömölakömanmö, irimsesewölñan göhö qake sehiba öngöma. Kazik nalöñan kam kuñguiga keunini diñdiñanök jim teköma. Likepñi melenj nengimawi, nalö mianğören irimsesewölñi mönö aukñe indeliga eka mötpin.

⁶* Anutunönj mönö “Ahakmemeninanğö dop mohot mohot nengöra likepñi melenj nengimawi,” mi kewö: ⁷ Anutunönj qetbuñanji nengimapköra mamböta

* **2:1:** Mat 7.1; Luk 6.37 * **2:6:** Sum 62.12; Qam 24.12

aködamuninambuk akingöra kapan köla pöndanj kinda nup ölöpnj ölöpnj memba maljini, nenğöra malmal köhöiknjenenğima. Mi nenğiiga nalö tetekönj qahö oyaenjkoyaeñ mal öngöbin. ⁸ Mewö mal öngöbinmö, ambazip nanñinanğörök mötmöriba girinjabak memba Buña keu ölnj andö qeba keu bölöñj wuatangömakzei, Anutugö irimñan mönö mianğöra seholliga kaziknjen ali qakñine öngöma. ⁹ Kaziknjen mi mutuk Juda nenğö qakñine öngöma nenğö andönine kantri tosatñjen aiaka bölöñjen ahakzei, körek yenğö qakñine mewöyök öngöma sihimbölö kahasililij möta malme.

¹⁰ Mewö malmemö, Juda aka nenğö andönine kantri tosatñjen mewöyök urunini melenđa aiaka ölöpnjen ahakzini, Anutugö aködamunñan mönö körek nenğö qakñine öngöma qetbuña nenğiiga luainöñ malbin. ¹¹ *Anutunöñ ambazip tosatñjen qahö nenğek soriba tosatñjen qahö qepureim enğimakzapmö, dop mohotnöñ kewöt nenğimakza.

¹² Mianğö könajjen kewö: Kantri tosatñjen yenñon Anutugöreñ Köna keu qahö oyoñđa möta siñgisöndok lañ ahakzei, yenñon mönö körekñanök tönpin mala ayuhume. Juda nenñon Anutugöreñ Köna keu oyoñđa möta töndup siñgisöndok ahakzini, Anutunöñ mönö keu mianğö dop körek kewöt nenğiba keunini jim teköma. ¹³ Ambazip Anutugöreñ Köna keu öne mörakzei, yenñon Anutugö jeñe solannjen qahö akze. Qahöpmö, Köna keu tem köla wuatangömakzei, Anutunöñ mönö yenğö keunjen jim teköma solanize. ¹⁴ Kantri tosatñjen Anutugöreñ Köna keu qahö memba maljemö, tosatñjen töndup lañ nanñini imbi mianğö dop mötmöriba ahakze. Anutugö köna keunjen qahö mötzemö, töndup mötmötñinan jim kutum enğiiga Anutugö köna keugö dop aka mianğö bapñe malje.

¹⁵ Mewö maljeañğö könajjen mi aukñe asuhuba kewö ahöza: Anutunöñ ambazip miwikñaim nenğiba mianğöreñ Köna keu añğö jimkutukutunjen mi körek nenğö urunine ali ahöza. Mianğöra Anutunöñ keunjen jiba sanjep alakzawi, mi kian kantri yenñon mewöyök mörakze. Mi urunjanğö kezapñan mötketka keunjen jiiğa Anutubuk öröröñ mörakze. Anutunöñ urumötmöt enğiyöhi, mianñon nalö tosatñjen keu jakenjen ala kuñgum enğiiga möt bölimahakze aka nalö tosatñjen keunjen nanğöba jiiğa möt ölöwahakze. ¹⁶ Ölöwak Buña jim asarimakzali, mianğö dop nalö ketanjen kewö asuhuma: Kraist Jisösnöñ Anutu bauköm wanğiiga ambazip nenğöreñ keu tölapñjen tölapñjen kewöta jim teköm nenğima. Mewö.

Köna keu mianñon könajamnini denöwö indelja?

¹⁷ Gi nangi qetki Juda azia qeta Köna keunöñ amöt qem gihimapkö möt nariba “Anutugö buñaya akzal,” jiba silegi möpöseinöñğa dop kölja me qahö? ¹⁸ Gi Anutugö jitrjanğö dop malmalgö keunjen möt sölöngöba maljan. Anutugö Köna keu kusum gihigerañğöra aka köna qetpuk sorok wuatangömamğö jiba keu pakpak kewöta ölnjen aka munenjen mendenjmakzan. ¹⁹ Gi “Ölöp jegömöl ambazip alabauknjen aka enğuanğitmam,” jiba aiweliköm anğumakzan. Şöñaupnöñ maljei, mi mem asarim enğimanañğö dop awösamkakak akzan.

²⁰ Mewö aka kewö jimakzan, “Köna keu kusum niñğigetka mötkutukutu lök miwikñaiaba keu ölnjanğö könajjen mötzal.” Mewö jiba amqeba kewö jimakzan, “Ni ölöp ambazip mötmötñini qahö yenğö böhiñina akñam. Ölöp mönö namande yenğö qaçazuñina aka kusum enğimakñam.” ²¹ Mewö jiba tosatñjen kusum enğiba wuanöñğöra nangi qahö kusum anğumakzan? “Yonğorö

* 2:11: Dut 10.17

kude meman,” jiba ambazip urunini kunjum engimakzanmö, nangak yongorö meme aknönga qahö dop kölja.

²² “Sero yongorö kude aknan,” mewö jinöy mötketka nangak kaisero akzan me qahö? Tandö lopion sisit mem engimakzanmö, töndup nangak jöwöwöl jikenöy öngöba yuaini angön köla kiom qeba memakzan. Mi qahö dop kölja.

²³ Anutugörej Köna keubuk maljanağöra silegi lan memba öngömakanmö, nangak mi walönda mewö mianön Anutugö qetburaji memba et ala malnönga gamunambuk ahakza. ²⁴ *Miangö keuji mi Buja Kimbinöy kewö ohoget ahöza, “Engö silikninağöra aka kian kantri könagesö yenön Anutugö qetnji ilita sutnjine mepaqepaik ahakze.”

²⁵ Anutugörej Köna keu wuatangöba maljan ewö, Anutugö aiwesökni silege yandigeri, mianön mönö bauköm gihiiga dop kölja. Mi dop köljamö, köna keu walönda sinjisöndok ahakan ewö, mönö aiwesöki qahö memenji mewö tandök aka öne lan maljan. ²⁶ Tosatjan Anutugö aiwesökni silenine qahö yandigetka töndup köna keugö jimkutukutunji wuatangömakze ewö, Anutunöy aiwesök mi silenine ahözawangö dop ewö engehiga dop kölja.

²⁷ Mewö engehiga yengöreñök kunjan ölop Köna keugö dop göhö keugi töhöñji kewöta jim teköiga etman. Anutugö aiwesökni silege yandigetka Köna keugö bohonñi mohot mohot möt angön köla maljanmö, mi walönda sinjisöndok ahakzanağöra aka etman. ²⁸ Azi kunjan silenöhök Juda azia akza ewö, yanön mönö Juda azi ölnji qahö akza. Mewöyök Anutugö aiwesökni sileneyök yandigetka yangiseñ ahakze ewö, mi mönö aiwesök omani, ölnji qahö.

²⁹ *Ölnji qahöpmö, azi kun urunan Juda azia akzawi, yanön mönö Juda azi ölnji akza. Mewöhanök Anutunöy urunini qesönda Uñani Töröñji miangörej ali maljawi, mianön mönö aiwesök ölnji akza. Köna keugö bohonñi wuatangöba azi silenji yandigetka gölme ambazipnöy mötketka öngömakzapmö, Anutunöy aiwesökni urunine kinjawangöra möri öngöi möpöseim nenjimakza. Mewö.

3

Anutunöy keuji pöndañ wuatangömakza.

¹ Mewö ahöiga Juda ambazip maljini, mianön mönö denöwö bauköm nenjibawak? Anutugö aiwesökni silenine yandigeri, miangö ölnan mönö denöwö ahum nenjiza? ² Ölnan mönö malmal pakpak miangörej gwötpuk ahuba ölna bauköm nenjimakza. Miangö keuji mutukni kewö: Anutunöy Buja keuji nenjiiga burjanina aiga maljin.

³ Mewö maljinmö, nenjörejök tosatjan Anutu qahö möt narim wangiba malgetka denöwö ak engima? Yangiseñ malgerangö likepni melenđa mönö denöwö ak nenjiza? Urukalemñi jöhöba angön köliga omani akña me denöwö? ⁴ *Mi qahöpmahöp! Nini körek pakpak munen ambazip akzinmö, Anutunöy öl töhöñji akza. Anutugö könani mi Buja Kimbinöy kewö ohoget ahöza,

“Keu jakeñe ala qesim gihigetka keugahö likepni jim asariba miangörej diñdini aka luhut al engiba kinman. Göhö könanamgi mewö miwikñaiba nangöba jime.”

⁵ Nenön ahakmeme gonjonji wuatangöinga Anutunöy qindinjaim nenjiiga ahakmemenji diñdijan mewö aukne asuhuza ewö, nenön keu miangöra

* 2:24: Ais 52.5 * 2:29: Dut 30.6 * 3:4: Sum 51.4

mönö denöwö jibinak? Ni keu mi gölme ambazip mötmötkö dop kewö jizal: Anutunöŋ likepŋi melenŋiga irimsesewölnan qaknine öngözawi, yangö mötmötŋan mewö gongiza me qahö? ⁶ Qahö, mi yapmakek! Anutunöŋ goŋgoŋi akawak ewö, yanŋön gölmeŋi gölmeŋi neŋgö keunini mönö denöwö kewöta törörök jim teköbawak?

⁷ Nöŋön muneŋ azia akiga Anutunöŋ keuŋi ölnan qindinaim niŋgiiga yangö qetbuŋaŋan mewö aukŋe asuhum tiŋgitza. Mewö aiga nöŋön siŋgisöndok ahali, Anutunöŋ mianŋö keuŋi mönö denöwögöra jim teköza? Nömosöri nani imbi-imbi malbi dop kölbawak me qahö? Keuŋan mönö qahö löwöriba etma. ⁸ Mönö kewö jiingda dop kölbawak, “Nini ölop bölöŋi toroqeba ahinga Anutunöŋ mi qindinaiga ölopŋaŋgö ölnan asuhaiga keuŋan qetbuŋaŋambuk akŋa.” Tosatŋan neŋgöra keu sirongen mewö jiba toroqeba kewö jimakze, “Polnöŋ keu mewö jiba mianŋö dop laŋ ahakza.” Mewö aka jigerangö keuŋi mi Anutunöŋ kewöta dopŋine jim teköm enŋima, mötzal. Mewö.

Ambazip kunŋan solanŋi qahö akza.

⁹ Keu mewö eraum möta mi denöwö jim teköbinak? Juda neŋön kantri tosatiŋ enŋoŋgita Anutugö jeŋe diŋdiŋi akzin me qahö? Saubanŋ! Mianŋö keuŋi lök qelŋiŋe kewö jim köhöinin: Juda me kantri tosatiŋi akinak, nini körekmakörek siŋgisöndok ahinga köpeim neŋgiiga maljin. Mianŋöra silenini memba öngöbingö osimakzin. ¹⁰ *Mianŋö keuŋi mi Buŋa Kimbinöŋ kewö ohoget ahöza,

“Kunŋan kun solanŋi diŋdiŋi qahö kötökŋi akza.

¹¹ Kungö uruŋe mötmöt qahö ahum kutui laŋ malje. Kunŋan kun Anutu miwikŋaimamgö qahö kapan kölakza.

¹² Qahöpö, körekŋan mönö köna oŋgita janjuŋ aka malje.

Körekmakörekŋan mönö böliba Anutugö jeŋe aŋgöjörakŋinambuk akze. Ölopŋi ahakzawi, mohot-töwa kun mi qahöpmaŋöp miwikŋaizal.

¹³ *Nesilamŋinan isimkakalek ahakze.

Jöl ginaginaŋinan qaksirigö löm ewö anaŋjiba kiniga kömupkö qösösökŋi ewö mianŋön ambazip laŋ ayuhum enŋimakze. Keu bölöŋi mi qatögö jitiŋi möröm warabe ewö numbuŋine kokolak qeba ahöiga jitiŋinan ambazip laŋ enŋöhömakze.

¹⁴ *Sait keu kömbukŋambuknöŋ mönö numbuŋini kokolak qeiga ambazip laŋ qesuahöm enŋimakze.

¹⁵ *Ambazip laŋ enŋuba seŋŋini mokomegöra könaŋinan kik-kek ösumok anda kamakze.

¹⁶ Könaŋini goŋgii maljeaŋgö aiwesökŋini kewö akza: Denike lilikömakzei, mianŋöreŋ mönö könder-mönder aketka ambazip uruŋinan böliba kömbuhi-makza.

¹⁷ Luainöŋ malmalgö könaŋi mi qahö möt kutum yaköze.

¹⁸ *Anutu göda qebingö keuŋi mi uruŋine qahö ahöza. Jitiŋi oŋgitpinbuköra keŋgötŋini qahö möta önewat laŋ malje.”

Anutugöreŋ keu mewö ahöza.

¹⁹ Anutunöŋ Köna keu kewögöra neŋgiyök, mi mötzin: Köna keu pakpak mianŋön gölme dop jöhöm neŋgimakza. Nini keu mianŋö bapŋe anda tem köla malinga dop kölma. Qahö tem kölbini ewö, Anutunöŋ mönö likepŋi melenŋ

* **3:10:** Sum 14.1-3; 53.1-3 * **3:13:** Sum 5.9; 140.3 * **3:14:** Sum 10.7 * **3:15:** Ais 59.7-8

* **3:18:** Sum 36.1

nenjji ayuhubin. Mianğöra sömbunini möta möndömmöndönini mosöta keu bök mala tem köl wanğiinga dop kölma. Anutunöŋ ambazip könanini mewö indelöha ahöza.

²⁰ *Köna keunöŋ jöhöm nenjimakzapmö, nini lökñanök mi wuatangöbingö osimakzin. Anutugöreŋ Köna keunöŋ siŋgisöndok qiwikñaiiga aukñe eka ölop möt kutubinmö, köna mianğön Anutugö jeŋe solanñi akingö osibin. Mewö.

Solanñi akinangö könañi mi mötnariŋ.

²¹ Naninak osimakzinmö, Anutunöŋ Köna keu wuatangöba solanñi akingöra mi qahö jiyökmö, köna murutñi kewö arengöba jii ahöza: Anutunöŋ nanñak keunini jim teköiga yanğö jeŋe solanibin. Anutunöŋ keu mi Moses aka kezapqetok ambazip yanğöra indeliga nangöba jiba Buña Kimbinöŋ ohogetka nalö kewöŋe aukñe asuhuiga mötzin.

²² *Mianğöra denike denike nenjön Jisös Kraist möt narizini, Anutunöŋ mönö körek nenğö keunini jim teköiga solanibin. Ambazip kambu murutñi murutñi nenjön Anutugö jeŋe öröröŋ akzin. ²³ Ambazip körek nenjön siŋgisöndok aka Anutugö asakmararayangöra osizin.

²⁴ Mi osizinmö, Anutugö kalem mianğöra aka keunini jim teköiga solanibin. ²⁵ Mutuk siŋgisöndok aka malgeri, Anutunöŋ mi möta mökösoŋda likepñi zilaŋ qahö meleş enğiyök. Mi qahö meleş enğiba nanñi ahakmeme solanñan aukñe asuhumapköra möta Kraist Jisös jöwöwöl sömbup ewö aliga qeget kömuiga Anutugö jeŋe köl könjorat nenjimapkö könaña ahök. Sepñi mokoyöhi, mi möt nariinga mewö mianğön siŋgisöndoknini mosöri solanibin. ²⁶ Könañi mi nalö kewöŋe aukñe asuhumapköra möta Jisös mewö ak wanğiyök. Anutugö ahakmeme solanñi mi kewö: Nanñak solanñi akza aka kunñan Jisös möt narizawi, mönö yanğö keuñi jim teköiga solanimakza.

²⁷ Mewö aiga mönö wanigöra silenini mem öngöbinak? Yuai kungöra aka qahöpmahöp. Köna keu wuatangöba solanñi akingöra mi osizin. Mewö solanñi qahö akinmö, Jisös möt nariinga Anutunöŋ nenjeka keunini jim teköiga solanimakin. ²⁸ Keu ki jim teköba kötnji kewö jim köhöizin: Köna keu wuatangömakzinangöra qahöpmö, Jisös möt narim wanğizinağöra aka Anutunöŋ keunini jim teköiga solanimakin. ²⁹ Anutunöŋ Juda nenğö Anutunanök qahö akza. Mönö kantri tosatñi yanğö Anutuñina mewöyök akza me qahö? Mönö yanğö Anutuñina mohot akza.

³⁰ *Anutunöŋ mohot akza. Mianğöra silenini yandiget maljini, nenjön möt narim wanğiinga mem solanin nenjimakza aka silenini qahö yandiget maljei, mi mewöyök möt narim wanğigerangöra aka mem solanin enğimakza.

³¹ Mötnarimegö keu jiba mianğön kuŋgum enğiba mewö mianğön Köna keu memba et alinga omanñi akña me qahö? Mi yapmakek qahöpmö, Anutugöreŋ Köna keu mi qahö qeapkömakzinmö, mi mem köhöimakzin. Mewö.

4

Abrahamnöŋ Anutu möt nariba solanñi ahök.

¹ Nini bömöñ jalöñini Abrahamgö könañangöra denöwö jibin? Yanğön Anutugö könañi denöwö miwikñaiiba yanğö jeŋe solanñi ahök? ² Ölna, Anutunöŋ yanğö keuñi ahakmemeñi ölopñangöra aka jim teköiga solanibawak ewö,

* 3:20: Sum 143.2; Gal 2.16

* 3:22: Gal 2.16

* 3:30: Dut 6.4; Gal 3.20

yañön میانگۆرا ölöp silenji memba öngöbawakmö, mi Anutugö jeñe qahö.
 3 *Miangö keunji Buña Kimbinöñ kewö ohoget ahöza, “Abrahamnöñ Anutu möt nariiga mötnaripñi ehi dop köliga keunji jim teköiga solaniyök.” Keu mewö ahöza.

4 Keunji mönö kalema jim teköiga solaniyökmö, kunñan nup meiga galömnjan töwanji kalema qahöpmö, nup memakzawañgö dop ek kewöta töwanji wangimakza. 5 Gölme galömnöñ mewö wañgimakzapmö, Anutunöñ añgöjörak ambazip neñgö keunini jim teköiga solanimakin. Miangöra kunñan oyaenköyaen akñamgöra nup qahö memba Anutu öne möt narim wañgizawi, Anutunöñ mönö mötnaripñi mi ehi dop köliga keunji jim teköiga solanima.

6 Deiwidnöñ mewöyök keu miangö könañi nañgöba keu kewö indela jiyök, “Kunñan oyaenköyaen akñamgöra nup qahö meiga Anutunöñ mötnaripñi ehi dop köliga keunji jim teköiga solanzawi, yañön mönö simbawoñ akza.”

7 *Mewö jiiga keunji mi kewö ohoget ahöza, “Ambazip Köna keu walöñgetka Anutunöñ siñgisöndokñini mosöta köl köñjörari maljei, yeñön mönö simbawoñ akze.

8 Kembunöñ kungö siñgisöndokñi sañgoñda ehi dop köliga likepñi qakñe qahö ali öngömawi, yañön mönö oyaenköyaen akza.”

Keu mewö ahöza.

9 Anutunöñ oyaenköyaen akingö könañi mewö indela Anutugö aiwesökñinambuk neñgörok jii ahöza me qahö? Mi qahö. Mi mönö kantri tosatñi aiwesökñini qahö yeñgöra mewöyök ahöza. Neñön lök kewö jiba ohozin, “Abrahamnöñ Anutu möt nariiga mötnaripñi ehi dop köliga keunji jim teköiga solaniyök.”

10 Mönö wani nalönöñ ehi dop köliga keunji jim teköiga solaniyök? Anutugö aiwesökñi silenje yandiget malöhi, nalö miangöreñ qahöpmö, mutuk öne malöhi, Anutunöñ mönö nalö miangöreñ mötnaripñi ehi dop köliga keunji jim teköiga solaniyök.

11 *Mutuk öne mala Anutu möt nariiga keunji jim teköiga solaniyök. Miangö andöñe dop köljawañgö aiwesökñi mi silenje yandimegöra jiiga muñgem supap ewö ahök. Mewö aiga yañgö andöñe Anutugö aiwesökñinambuk qahö mala möt narim wañgiinga mötnaripñini ehi dop köliga keunini jim teköiga solanibini, Abrahamnöñ körek neñgö bömöñ jalönina ahök. 12 Bömöñ jalönini yañön öne mala nalö miangöreñ uruñi melenñda Anutu möt nariba malöhi, nini aiwesökñinambuk yañgö dop aka maljin. Anutugö aiwesökñinambuk mala urunini melenñda maljini, mönö neñgö bömöñina mewöyök ahök. Aiwesök yandim neñgigetka öne lañ qahö maljinmö, Abrahamgö köna lasupñi wuatañgöba möt narimakzin. Mewö.

Anutugö jöhöjöhö keu möt nariinga öljambuk akña.

13 *Anutunöñ Abraham gölme buña qem wañgiiga tonji aiga gwölönarökurupñan yañgö andöñe mewö mal öngömegö keunji jiba jöhöyök. Keu mi Köna keu wuatangöyöhañgöra aka qahö jiyökmö, Anutunöñ mötnaripñi ehi dop köliga keunji jim teköi solanñi ahöhañgöra keu mi jiyök.

14 *Tosatñan oyaenköyaen akingöra Köna keunöñ qekötahöba mewö میانön Anutugöreñ yuai mi buña qem añgubeak ewö, yeñön mönö möt naribingö keunji qeapkögetka omanji akawak. Mewö Anutugö jöhöjöhö keugöra qahö

* 4:3: Jen 15:6; Gal 3:6 * 4:7: Sum 32:1-2 * 4:11: Jen 17:10 * 4:13: Jen 17:4-6; 22:17-18;

Gal 3:29 * 4:14: Gal 3:18

osiinga keu mianjön omanj akapuk. ¹⁵ Anutugörenj Köna keu walöjninga irimj seholiiga kazikjan qaknine öngömazapmö, Köna keu qahö ahöbawak, mewö sinjisöndokö keunji qahö jibinak.

¹⁶ *Abrahamnönj mewö mindirim nenjiba körek nenjög bömöni akza. Mianjöra jöhöjöhö keunji nenjyöhi, mi Köna keunöj qekötahömazkei, yengörök qahöpmö, Abraham ahök ewö möt narimakzini, nenjörenj mewöyök öljambuk akjapköra mörök. Mianjöra Anutunöj jöhöjöhö keunji mi kewö arenjögba alök: Mi möt nariinga ölnj körek nenjögöra kalema nenjiiga kalem möriamjan aukje asuhumakza.

¹⁷ *Abrahamgö keunji kun mi Buja Kimbinöj kewö ohoget ahöza, “Nöjön gi kungum ghibiga ambazip könagesö gwötpuk yengö iwinjina akjan.” Keu mianjög dop Abrahamnönj Anutugö jeje iwi ak nenjimakza. Anutunöj kömükömuji mem gulim enjimakza. Könagesö malmaljni qahö, mi jebuk maljeanjög tandök ewö engehöli asuhumakze. Abrahamnönj mönö Anutu mewöni möt narim wanjyök.

¹⁸ *Anutunöj mutuk Abrahamgöra kewö jii mörök, “Göhö gwölönarökurupkan ahum sehigetka janjögini senjelau ewö aiga malme.” Jöhöjöhö keu mi möta denöwö öljambuk asuhubawak, mi qahö mörökmö, mi töndup jörömöröm aka ambazip könagesö gwötpuk yengö iwinjini akjanjög mamböta malök. Jöhöjöhö keu mutukjanjög dop asuhumapköra mönö Anutu möt narim wanjiba malök. ¹⁹ *Saragö köröjan morö memegö dop qahö aiga nanjak yambuji lök 100:kö dop ahök. Mianjöra nanji mötmöriiga lök azi nanji silenji waziba sohohohöli ahökmö, töndup Anutugörenj keunöj öljambuk akjapköra möt narim wanjiba maliga Abrahamgö mötnaripjan qahö sörauba löwöriyök.

²⁰ Qahö löwöriyökmö, keujan öljambuk akjapkö möt nariba mianjörenj köhöiba kinök. Anutugö jöhöjöhö keugöra urujan an qem kam qem uruyahöt qahö ahökmö, mötnaripjan köhöiiga Anutu möpöseiba maliga Anutugö qet-bujanjan sehiyök. ²¹ Anutunöj yuai asuhumapkö keunji jiba jöhöba mi ak tekömangö köhöimazkawi, mi möt köhöim teköba uruyahöt kun qahö aka malök. ²² Mewö aka malöhanjögöra Anutunöj Abrahamgö mötnaripni ehi dop köliga keunji jim teköiga solaniyök. ²³ Mötnaripni ehi dop köliga keunji jim teköiga solaniyöhi, keu mi Abrahamgörök qahö ohoget ahöza.

²⁴ Abrahamgörök qahöpmö, nenjögöra aka mewöyök mi ohoget ahöza. Nini Kembunini Jisös mem gulli kömupnöhök wahöröhi, Anutu ia möt narim wanjiinga mötnaripni ehi dop köliga jim teköm nenjiiga solanibin.

²⁵ *Anutunöj nenjög sinjisöndok-ninanjögöra aka Jisös qahö anjögön köli kömuyök aka solanji akingöra aka mem guliiga kömupnöhök wahöta malja. Mewö.

5

Anutugö jeje solaniba söjgaiba luainöj maljin.

¹ Nenjön Anutu möt nariinga keunini jim teköiga solanizin. Mianjögöra Kembunini Jisös Kraistnönj mönö nam köl nenjiiga Anutubuk luai miwiknjaiba maljin. ² Mewöyök Jisös Kraist möt nariinga nam köl nenjiiga kalem möriam buja qem anjübingö könanji miwiknjaiba nalö kewöje kalem möriam

* 4:16: Gal 3.7 * 4:17: Jen 17.5 * 4:18: Jen 15.5 * 4:19: Jen 17.17 * 4:25: Ais 53.4-5

uruje maljin. Anutugö asakmararan uruje angotpingö jörömqöröm aka söngaimakzin.

³ Mianğörök qahö söngaimakzinmö, wahöjalij möta mianğöra mewöyök söngaimakzin. Könjilij möta mököşönda mewö mianjön kapančkölköl miwikñaibin. Mi möta mianğöra söngaimakzin. ⁴ Kapančkölköl miwikñaiba esapesapnöh köhöiba kinbin. Esapesap-nöh köhöiba kinga jörömqörömminan köhöimakña. ⁵ Anutunöj Uña Töröj al neñgiiga köna asuhuiga urukalemñi mokoiga urunine geiga maljin. Mianğöra jörömqöröm aka oyaenköyaen akingö al mamböta gamumamusum qahö miwikñaibin.

⁶ Mianğö könañi kewö: Nini mutuk lölöwöröj ösumnini qahö malini, Kraistnöh mönö nalö diñdij mianğoreñök kömumba ambazip anğöjörakninambuk neñgö sohopnini meyök. ⁷ Kunöj Köna keu törörök wuatangöba diñdij akzawi, ala mewöñangöra kunjan ölop qahö kömumbawak? Mi möriğa osibawakmö, kunöj urukalem gwötpuk ambazip ak enğimakzawi, alañi kunjan yanğöra aka ölop silenji kölenđa kömumamğö mötpawak.

⁸ Ambazipnöh mewö ahakzinmö, Anutunöj urunan jöpaköm neñgimakzawi, yanjön mi kewö kondelök: Yanjön Kraist melaiiğa eta mutuk anğöjörak ambazip malini, nalö mianğoreñök mönö neñgöra aka kömuyök. ⁹ Kömuiga nalö kewöje seņjan sanğonđa jim teköm neñgiiga solaniba maljin. Töndup mi korembenji ewö aiga öljän mönö könanğep kewö asuhuma: Anutunöj siņgisön-dokö urukönöpñi aukñe kondeliga yuai kanjamñambuk gölmenöh asuhuma. Mi asuhuiga Anutugö jeñe solanñi akzinanğöra Jisösnöh mönö jenberereñ mianğoreñök meköm neñgiiga oyaenköyaen akin.

¹⁰ Nini mutuk Anutugö kerökurupñi malini, nalö mianğoreñ nanñi Nahönñi melaii kömumba mianjön töwanini ahiga Anutubuk ala-ala ahin. Ahini, mianjön korembenji akzapmö, öljñi bohonñan könanğep kewö asuhuma: Töwanini ali Anutugö alaurupñi malinga Jisösnöh köhöiba maljawangöra mönö anğeba meköm neñgiiga oyaenköyaen akin. ¹¹ Kembunini Jisösnöh Anutugö amötqeqe nupñi meiga Anutunöj töwanini ali yambuk ala-ala ahini, miyöhök qahöpmö, öljña Anutubuk jöpaköm anğuba kinda köiran köla söngaimakzin. Mewö.

Adamğöra aka köhömuñi akzinmö, Kraistköra aka gulibin.

¹² *Azi mohotnöh siņgisöndok gölmenöh kondoriga asuhuyök. Anutunöj siņgisöndok mianğö likepñi aliga kömup asuhuyök. Mianğö dop ambazip körek neñön siņgisöndok aka malinga kömupnöh mianğöra ambazip körek pakpak dop köl neñgii maljin. ¹³ Mutuk Köna keu qahö asuhuiga nalö mianğoreñ mewöyök siņgisöndok lök aukñe asuhuba ahöyökmö, Köna keu qahö ahöiğa siņgisöndokö keunji mi qahö jim kewöta lañ malget.

¹⁴ Adamğö nalöneyök könahiba lañ mala kotketka Mosesğö nalöñe Köna keu asuhuyök. Ambazip nalö sutñe mianğoreñ siņgisöndok aketmö, Adamnöh köna walöñnöhi, mianğö dowök qahö walöñđa malgetmö, kömupnöh töndup i mewöyök galöm köl enğii malget.

Adam, azi mutukñi yanjön mönö azi kun kamawanğö söpsöpñja ahök.

¹⁵ Söpsöpñja ahökmö, könanñi mi öröröh qahö akzahot. Adamnöh Köna keu walöñđa eri siņgisöndok asuhum sehiba ambazip gwötpuk dop köl enğiiga kömumba malget. Mi kömupkö könañi akzapmö, oyaenköyaen akingö könañi

* 5:12: Jen 3.6

mi kun. Mi kewö: Azi mohot Jisös Kraist yanjon nam köl nenjiba kalem möriamni indeliga Anutugö kalemnan aukne asuhuba ambazip gwötpuk dop köla qesalöpköm nenjiyök. ¹⁶ Toroqeba kewö jimam: Köna yahöt mi örörön qahö akzahot. Azi mohotnöñ sinjisöndok aiga Anutunöñ keunji jim teköiga sinjisöndok ambazip körek nenön könöp siagö buñaya akzin. Mi gölme azigö könanj akzapmö, Suep azigö könanj mi kun. Mi kewö: Nalö gwötpuk Anutugö Köna keu walöñninga kalemni kondela jim teköm nenjiiga solanimakzin.

¹⁷ Mi dunge jimam: Azi mohotnöñ Köna keu walöñda kömup kondoriga ambazip körek makörek kömumba maljin. Adamgö sinjisöndoköra aka kömupnöñ körek dop köla galöm köl nenji lañ malin. Mi köna etqeqen akzapmö, Anutu ösum-mumuñangö könanj mi kewö: Ambazip nini solanji akingö kalemni mi keñmalelej buña qem anguba kalem möriamñangö uruñe maljini, nenön mönö oyaenköyaer akin. Azi mohot Jisös Kraist yanjon nanjöba inahöm nenjiiga suahö *

¹⁸ Dunge kunbuk jimam: Azi mohotnöñ Anutugö Köna keu walöñda eri Anutunöñ keunji jim teköiga ambazip körek nenön könöp siagö buñaya ahin. Mewöñanök azi kunjan solanji akingö kondoriga urunini melenninga Anutunöñ ölöp ambazip pakpak nenjö keunini jim teköiga solaniba köhöiba mal öñgöbin. ¹⁹ Dunge kunbuk kewö jimam: Azi mohotnöñ qeqetal aka sinjisöndok bohon köli sehiiga ambazip sehisehinji nenön melenja sinjisöndok ambazip ahin. Mewöñanök azi kunjan Anutugö jitji tem köla sinjisöndokninañgö töwanji aliga köna asuhuiga Anutunöñ ambazip sehisehinji nenjö keunini jim teköiga solanibin.

²⁰ Mutuk öne lañ mala kotketmö, Mosesgö nalöñe Anutunöñ Köna keu ambazip sinjisöndoknini möt kutumegöra toroqem enjiyök. Mi toroqem enjiyökmö, mi mötketka sinjisöndokninan sehiba aukne asuhuyök. Mewö aiga Anutunöñ mönö kalem möriamni mewöyök mem sehiiga sinjisöndok onjita asuhuyök. ²¹ Sinjisöndokö kukösumni mi ketanji. Mianjöra sinjisöndok ahinga mianjon galöm köl nenjiiga köhömuñi mala kömumba mala korin. Anutugö kalem möriamni mianjon mönö mewöñanök kukösumñambuk akza. Jisös Kraist Kembuninan solanibingö kondoriga Anutunöñ keunini jim teköiga diñgiba malmal köhöikni miwikñaiba nalö teteköñi qahö mal öñgöbin. Mewö.

6

Sinjisöndok andö qeba Kraistpuk guliba malm.

¹ Anutunöñ kalem möriamni nenji sehimapköra sinjisöndok toroqeba aka malbin me qahö? Mianjöra mönö denöwö jünga dop kölma? ² Sinjisöndok yapmake! Nini sinjisöndokö kösönöhök lolohoba urunini waljan qamöt ewö aiga sinjisöndok akingö tököba maljin ewö, mönö denöwögöra sinjisöndoknön toroqeba galöm köl nenji malbinak?

³ Keu ki mötze me qahö: Nini körek Kraistköreñ qeköta-höbingöra aka o melun mem nenjiget. Mianjöreñ urunini waljan mönö Jisös qeget kömuyöhangö tandök kömui malbingöra o melun mi mem nenjiget.

⁴ *Iwinöñ asakmararanj kondela Kraist mem guli kömupnöñöhök wahöröhi, nenjö uruninan mewöyök kölöñaiiga dölöknj aka malinga dop kölma. Iwininan nini Kraistkö tandök ewö guliba wahöta ahakmeme dölöknj aka memba

* **5:17:** Jembon onji nene (Siawari keunöñ qariwe ilikni nene) ewö köhöiba mal öñgöbin. * **6:4:** Kol 2.12

malbingöra mötza. Mianğöra o melun mi kewögöra mem nenğiget: Urunini waljan Jisösbuk mohotne kömumba ahömapköra urunini walji mi mewö löm kölget.

⁵ Urunini waljan Kraistpuk öröröñ kömui mianğöreñ yambuk qekötahöba maljin ewö, Iwininan nini mewöyök Kraistpuk kinbingöra mötza. Kraistnöñ kömupnöñök wahöröhi, mönö yanğö tandök öröröñ guliba malinga dop kölma. ⁶ Urusilegö sihim kömbönañnini bölöñan singisöndok akingö köpösöñgömakzawi, Anutunöñ sihim mi köndeñni gemapköra mörakza. Anutunöñ singisöndoknöñ toroqeba galöm köl nenğii welenñi qeba malbinbuköra mötza. Mianğöra urunini walji mi Kraistpuk maripomnöñ lök qeiga kömuyök. Mianğö dop maljin, mi mötzin.

⁷ Kungö uruñi waljan kömuiga yanñ mönö singisöndokö kösönöhök lolohoba malja. ⁸ Urunini waljan Kraistpuk kömuyök ewö, mewöñanök yambuk guliba mal köhöibingö möt narizin.

⁹ Mewö möt nariba Kraistkö könañi kewö ahöi möt yaközin: Anutunöñ i mem gulli kömupnöñök wahöta mal köhöiba kunbuk qahö kömuma. Kömupnöñ i qahö toroqeba galöm köliga mal öñgöma. ¹⁰ Kömup kömuyöhi, mewö mianñön mönö nalö mohot mianğöreñ singisöndokö kukösumñi köndeñniga nalö teteköñi qahö lölöwöröñi ahöm öñgöma. Malmal köhöikñi maljawi, mi mönö Anutugöra mala mal öñgöma. ¹¹ Qamötnöñ singisöndok akingö osime. Injini mönö mewöñanök nanñinanğö mötketka qamöt ewö aiga Kraist Jisösbuk qekötahöba kinda Anutugöra köhöiba malm.

¹² Sileñini kömumawi, mianğö sihim kömbönañi bölöñan galöm köl enğiiga i tem köl wanğiba singisöndok akepuköra mi mönö jöhöba malm. ¹³ Mianğöra sile kitipñini pakpak mi mönö singisöndok Toñanğö böröñe kude alme. Mala mewö algetka buñani aiga bohon köliga anğöjörak asuhubapuk. Mewö qahöpmö, köhömuñeyök gulibagun mönö nanñini Anutu tököm wanğime. Sile kitipñini pakpak mi Anutugö böröñe algetka buñani aiga bohon köliga ahakmeme solanñi asuhumakña. ¹⁴ Injini Köna keu bapñe qahöpmö, kalem möriam uruñe malje. Mianğöra singisöndoknöñ mönö öne jöhöba galöm köl enğii malbepuk. Mewö.

Solanñi malmalgö Toñi welen qeba malm.

¹⁵ Mianğöra denöwö jibinak? Nini Köna keu bapñe qahöpmö, kalem möriam uruñe mala singisöndok ahinga dop kölja me qahö? Mi yapmakek! ¹⁶ To yahöt akzahot. Nanñini yetköreñök kungö böröñe al anğuba jitñi tem köla welenñi qemakzei, mianğöra mönö keu ki möt yaköme: Injini kun jitñi tem kölakzei, mönö yanğö welenqeçeurupñi akze. Singisöndok Toñanğö welenqeçeurupñi akze ewö, yanñön mönö enğuanğiriga kömum köhöime. Anutugö jitñi tem köla welenñi qemakze ewö, yanñön mönö keuñini jim teköiga solanñi aka mal öñgöme.

¹⁷ Injini mutuk singisöndok Toñanğö welenqeçeurupñi aka malget. Mewö malgetka Buña keu mindiñgöm enğimakñapköra kusum enğigetka mötket. Mi möta mianğö dop uruñini melenđa nalö kewöñe Buña keu törörök tem köla Anutugö könañi wuatangömakze. Mewö möta enğöra “Anutu saiwap!” jiba maljin. ¹⁸ Mi wuatangöba singisöndokö kösönöhök lolohoba Anutugö welenñi qeba ahakmeme solanñi aka mamba malje.

¹⁹ Urusileninan lölöwöröñi akzawanğöra aka keu mianğö könañi mi mönö gölme ambazip nenğö keu jijigö dop nöñön kewö jimam: Injini mutuk sile kitipñini pakpak tököba iwilele Toñanğö (Satangö) böröñe ala welenñi qeba

malget. Mewö malgetka ahakmeme angjöörakñambuk asuhuiga uruñinan tölöhoi malget. Mewö malgetmö, nalö kewöñe sile kitipñini pakpak mi mönö tököba Anutugö böröñe alme. Mewö ala welenñi qegetka ahakmeme solanñi asuhuiga sarakñi ahakñe.

²⁰ Injini singisöndok Tonangö welenqequeurupñi malgeri, nalö miangöreñ ahakmeme solanñi mi qahö wuatangögetmö, nanñini imbi-imbilaj malget.

²¹ Nalö kewöñe ahakmeme miangöra gamuñini mötzmö, nalö miangöreñ mewö aka mala ölni mönö denöwö miwikñajaget? Ahakmeme gamuñambuk miangö ölni mi kömup köhöikñi.

²² Nalö kewöñe Anutunöñ singisöndokö kösönöhök pösat enñiiga lolohoba Anutugö welenqequeurupñi agetka ölni asuhuiga sarakñi ahakze. Mewö aka malmal köhöikñi mala teteköñe oyaenköyaen aka mal öngöme. ²³ Singisöndok ahinga Tonjan töwa nenñiiga kömup köhöikñi miwikñabinmö, Anutugö kalemñi mi oyaenköyaen malmal. Kraist Jisös Kembuninambuk qekötahöba kinbin ewö, mönö köhöiba teteköñi qahö mal öngöbin. Mewö.

7

Awanöm malmalgö söpsöp keu

¹ O urumelenj alaurupni, injini Köna keu mötzeangö dop engöra kewö jimam: Köna keunöñ ambazip jöhöm nenñiza. Gölmönöñ mal öngöbinañgö dop mönö miangö bapñe malbin, injini mi mötze me qahö? ² Miangö söpsöpñi kun kewö: Köna keunöñ ambi apñambuk jöhöiga azinöñ malmawangö dop awanöm malmahotmö, apñan kömuma ewö, anömñan mönö awanöm malmalgö Köna keunöhök lolohoma.

³ Miangöra apñan jebuk maliga azi kungöra On! jiiga mema ewö, yanğö getñi mönö qesabulum ambia jimakzin. Mewö jimakzinmö, apñan kömuma ewö, Köna keu miangön qahö toroqeba jöhöi malma. Mewö mala azi kun memawi, yanğön mönö qesabulum ambia qahö akña.

⁴ Miangöra urumelenj alaurupni, engö könañamñinan mönö mewöñanök ahöza. Injini mewöyök azi kungö buñaji akñegöra Kraistpuk qekötahöget. Anutunöñ i mem guli kömupnöhök wahöriга malmalninan ölni Anutugöra miwikñaii asuhumapköra mörakza. Kraistnöñ kömuiga uruñini walñan yambuk kömuiga qamöt ewö aka Köna keugö buñaji qahö malje. ⁵ Mutuk urusilegö sihim kömböñañi bölöñan galöm köl nenñiiga lañ malin. Nalö miangöreñ Köna keunöñ sölölohöba kungum nenñiiga singisöndok akingö sihim kömböñañini bölöñan asuhum tñgita galöm köl nenñiget. Miangöra urusileninan wahöriга malmalninan kömup köhöikñangö ölni miwikñaiiba lañ malin.

⁶ Mewö malinmö, mutuk keu miangön jöhöm nenñiiga gwaröñe mala köna keugö bohonñi mohot mohot wuatangöbingö kapan köla nupñi memba malin. Kraistpuk qekötahöba kininga urunini walñan yambuk kömuiga nalö kewöñe köna keugö buña ahinañgöreñök lolohoba kumbuk welenñi qahö qe-amkzin. Nalö kewöñe könañamninan kölöñaiiga Unja Töröñan inahöm nenñiiga amqeba Anutugö nupñi memakzin. Mewö.

Singisöndok akinbukö kapan köla aum-mörimakzin.

⁷* Miangöra denöwö jibinak? Köna keu nanñak singisöndok-ñambuk akza me qahö? Mi yapmakek! Köna keunöñ mönö singisöndokö könañi kondel ninñiiga möral. Köna keu kun kewö ahöza, “Kungöreñ yuaigöra kude köpösöngöman.”

* 7:7: Eks 20.17; Dut 5.21

Mewö qahö jibawak ewö, nöñon yuaigö köpösöñgömakzali, mianğö kónañi qahö möt kutubilenjak. Mianğöra Kóna keu qahö möt kutubilenjak, mewö siñgisöndok qahö möt yaköbilenjak.

⁸ Kóna keu qahö ahöbawak, siñgisöndoknöñ mönö keu omanj aka köhömuñi akawak. Mewö akawakmö, jöjöpañ keu mötpiga sel jöhöm niñgiiga mi walöñmamañgö kónañi ahuiğa siñgisöndok aki asuhuyök. Jöjöpañ keunöñ mönö kuñgum niñgiiga urunan wahöriğa sihim kömböñañni bölöñi kónañi kónañi asuhum tiñgitketka bölöñağöra lañ köpösöñgömakzal. ⁹ Mutuk Kóna keu qahö möta tönpin malalmö, jöjöpañ keu mötpiga mianñon añañon köl niñgiyöñağöra siñgisöndokö sihimnan guliğa urunan wahöri mi ahal. Siñgisöndok akiga mem kömum niñgiiga köhömuñi ahal.

¹⁰ Anutanöñ jöjöpañ keu mi wuatangağa mal köhöimamğöra aka al niñgiyökmö, keu mi wuatangağomangö esapköbiga mem kömum niñgiiga köhömuñi ahal. Köhömuñi ahali, mianñon mönö aukñe asuhui miwikñajal.

¹¹ *Jöjöpañ keu möt kutubiga sel jöhöm niñgiiga mi walöñmamañgö kónañi ahui jöjöpañ keunöñ kuñgum niñgiiga siñgisöndoknöñ tilipköm niñgiiga mi ahal. Siñgisöndok aka keunambuk ahal. Mewö mianñon Anutugö jöjöpañ keu mianñon siñgisöndok bohon köliğa aki mem kömum niñgiiga köhömuñi ahal.

¹² Mewö ahalmö, töndup Kóna keu mianñon mönö kömbukñi aka sarakñi akza. Mianğö jöjöpañ keunan mönö diññi aka ölöñni akza. ¹³ Mewö aiga jöjöpañ keu ölöñni mianñon mem kömum niñgiiga köhömuñi ahal me qahö? Mi yapmakek! Keu ölöñjan qahöpmö, Kóna keunöñ mönö nani siñgisöndoknağö kónañi indeli möt kutuyal. Siñgisöndokö gamuñi aukñe asuhui kanjamñambuk mötmamğöra aka jöjöpañ keu mianñon siñgisöndokö selñi jöhöiga urunan wahöri walöñda siñgisöndok ahal. Nani siñgisöndokni mianñon mönö mem kömum niñgiiga köhömuñi ahal. Mewö.

Urune siñgisöndokö yarö ahöi maljal.

¹⁴ Uña Töröñan Kóna keu neñgiiga diññi akzawi, mi mötziñmö, nöñon siñgisöndok azia aka sihim kömböñañni bölöñambuk akzal. Eta kölbiga siñgisöndoknöñ galöm köl niñgiiga tem köla welenni qeba siñgisöndok ahakzal.

¹⁵ *Mianğöra yuai ölöñni akñamğö mörakzali, mi qahö ahakzal. Mimö, yuai bölöñni akñamğö tököba sisitñi memakzali, mönö mia ahakzal. Mianğöra yuai ahakzali, nöñon mianğö kónañi ölöñ qahö möt kutumakzal. ¹⁶ Mianğöra yuai bölöñni akñamğö ölan aka mia ahakzal ewö, Kóna keunöñ mönö töndup ölöñni akza. Kóna keugöra mönö urumohot akzal.

¹⁷ Mewö aiga nöñon nanak mi qahö toroqeba ahakzalmö, siñgisöndok urune ahözawañon mönö kuñgum niñgiiga mi ahakzal. ¹⁸ Ahakmeme ölöñni akñamğö sihimñi öñja mörakzalmö, mi akñamğö ösumnan qahö asuhum niñgimakza. Mianğöra nöñgö urune yuai ölöñni kun qahö ahözapmö, urusilenan mönö siñgisöndok akñamğö kuñgum niñgimakza, mewö mötzal. ¹⁹ Mianğöra yuai ölöñni akñamğö sihimñi mörakzali, mia qahö ahakzalmö, yuai bölöñni qahö akñamğö mörakzali, mönö mia ahakzal. ²⁰ Mewö aiga yuai akñamğö tökömakzali, mia töndup ahakzal ewö, mi nanak qahö toroqeba ahakzalmö, siñgisöndok urune ahözawañon mönö kuñgum niñgiiga mia ahakzal.

²¹ Mianğöra nani kónani kewö ahöi miwikñaimakzal: Yuai ölöñni akñamğö sihimñi mötpiga bölöñağö sihimñan mönö uruni jöhöiga qakömakzal. ²² Mianğö

kōnaŋi kewō: Uroneyōk görōken Anutugōreŋ Kōna keugōra urumohot aka tem kōlmamgō mōrakzal.

²³ Mewō mōrakzalmō, sileneyōk görōken nani kōnaŋamni kewō ahōi miwikŋajimazal: Silenaŋgō kitipŋi mienōn siŋgisōndokō bohonŋi aketka akŋamgō mōrakzal. Siŋgisōndok akŋamgō sihimnan mōnō urusihimni ōlōpŋi mi memba et almapkōra mōri auba yarō qemakzahot. Siŋgisōndok akŋamgō sihim kōmbōnaŋnan mōnō silenanaŋgō kitipŋi kitipŋi sōlōlōhōm enŋgiba jōhōm niŋgiiga kōsō gwarōnōŋ maljal. ²⁴ O nōŋōn bōlim tekōba anaŋgōjōraknambuk akzal. Urusilenaŋgō sihimŋi bōlōŋan noaŋgiri kōmup kōhōikŋi kōmumbilenbukōra mōnō danōn sohopni memba amōt qem niŋbibawak?

²⁵ O Jisōs Kraist Kembuni, mōnō yambuk nam kōla “Anutu saiwap!” jizal. Kōnaŋamnan mewō aiga nanak urunanōhōk Anutugōreŋ Kōna keugō bapŋe anda welenŋi qemakzalmō, sileni siŋgisōndokŋambuk mianaŋgōreŋ görōken siŋgisōndok akŋamgō sihim kōmbōnaŋnan jōhōm niŋgiiga mianaŋgō kōsō gwarōnōŋ maljal. Mewō.

8

Uŋa Tōrōŋan tim tōndanini aiga mal kōhōizin.

¹ Mianaŋgōra ambazip Kraist Jisōsbuk qekōtahōba kinjini, Anutunōŋ mōnō nenŋō keunini jim tekōiga nalō kewōŋe kōnōp siaŋō buŋa qahō aka maljin.

² Mianaŋgō kōnaŋi kewō: Gi siŋgisōndokō sihimŋi tem kōla malnōŋanaŋgōra aka kōmup kōhōik-ŋaŋgō buŋaya aka malnōŋ. Mewō malnōŋmō, Kraist Jisōsbuk qekōtahōba kinōŋga malmal kōhōikŋaŋgō Uŋaŋan mōnō kōmup kōhōikŋaŋgō kōsōnōhōk pōsat gihiiga maljan.

³ Ambazip urusilenine sihim kōmbōnaŋnini bōlōŋi mi ahōza. Mi wu-ataŋgōina Kōna keugō ōsumŋan lōwōriba malmal kōhōikŋi nenŋimapkō ōsiiga qakōin. Qakōba urusileninan siŋgisōndok aka malini, Anutunōŋ siŋgisōndok mianaŋgō keuŋi jim tekōba likepŋi kewō meleŋnōk: Yarōn nanŋi Nahōŋŋi melaiiga gōlmenōŋ eta siŋgisōndok azigō sile tandōk ahōk. Toroqeba siŋgisōndokō jōwōwōl tandōk ewō aiga ohogetka kōmuyōk. Anutunōŋ malmal kōhōikŋaŋgō kōnaŋi mewō mesarōk.

⁴ Anutunōŋ kōnaŋi mi kewōgōra mesarōk: Kōna keunōŋ nini solanŋi aka diŋdiŋi malbingōra jim kutum nenŋimakzawi, Anutunōŋ keu mianaŋgō ōlŋan nenŋōreŋ asuhum tekōmapkōra mōrōk. Mianaŋgōra nini urusileninaŋgō sihim kōmbōnaŋnini bōlōŋi wuatanaŋgōbingō tōkōba Uŋa Tōrōŋanaŋgōreŋ nanaŋgōba jitsihitŋi wuatanaŋgōba ahakzin. ⁵ Ambazip urusileninaŋgō sihim kōmbōnaŋi bōlōŋi wuatanaŋgōmakzei, yenŋō uruŋinan mōnō siŋgisōndokōreŋ görōken akingō ahōza. Ambazip Uŋa Tōrōŋanaŋgōreŋ nanaŋgōba jitsihitŋi wuatanaŋgōba ahakzini, nenŋō uruninan mōnō Uŋa Tōrōŋanaŋgōreŋ görōken akingō ahōza.

⁶ Urusileninaŋgō sihim kōmbōnaŋnini bōlōŋan mōnō ōrōm nenŋiiga kōmup kōhōik-ŋaŋgōreŋ anbingōra ahōzapmō, Uŋa Tōrōŋan urunine luai qeiga mal kōhōibingō sihimŋi mōrakza.

⁷ Anutunōŋ Kōna keu nenŋiiga siŋgisōndok akingō sihim kōmbōnaŋninan mōnō keu mianaŋgō bapŋe qahō anakza. Mi anmamgō ōsiiza. Mi ōsiiga laŋ mala uruninan Anutu qetala kerōk ak waŋgimakzin. ⁸ Ambazip urusilegō sihim kōmbōnaŋinan galōm kōl enŋigetka laŋ maljei, yenōn mōnō Anutugō jeŋe dop kōlbingō jiiga qakōme.

⁹ Yeñön qakömemö, Anutugö Uña Töröñan enğö uruñine malja ewö, yañön mönö galöm köl enğii malje. Urusilegö sihim kömbönañini bölöñi mienjön mönö iñini qahö galöm köl enğimakze. Kraistkö Uña Töröñan kungö uruñe qahö geiga öne maljawi, yañön Kraistkö buñañi qahö akza. ¹⁰ Qahö akzapmö, Kraistnöñ enğö uruñine malja ewö, silenjanan sinğisöndoköra aka kömumemö, uñañinan solanñi akzeangöra aka mal köhöim öngöme. ¹¹ *Anutunöñ Kraist Jisös mem gulli kömupnöñök wahöröhi, yañög Uñañan uruñine malja ewö, yetköñ iñini Anutubuk qekötahöba kingetka silenini köhömuñi mi mewöyök mem gulimahot.

¹² O urumelenñ alaurupni, guliba maljinañgöra neñön mönö Anutugöreñ tosabuk maljin. Urusilegö sihim kömbönañini bölöñi wuatangöbinañgö tosañi qahöpmö, Uña Töröñangö jitleñi tem köla malbingö tosañan mönö ahöm nenğiza. Mianğöra nanini imbi-imbi lañ malbinbuk. ¹³ Urusilegö sihim kömbönañini bölöñi wuatangöba malje ewö, iñini mönö kömup köhöikñañgö buñañi akñe. Mewö akñemö, Anutugö köulukögetka Uña Töröñan urusileninañgö ahakmeme bölöñi mem kömumakña ewö, mewö mianjön mönö guliba mal köhöiba malme. ¹⁴ Anutugö Uñañan ambazip enğuañgiri maljei, yeñön körek Anutugö nahönbö-raturupñi akze.

¹⁵ **Ömewöröme yeñön ambazip sölölohöm enğigetka jönömñini undui welenqeçe omanñi aka maljemö, iñini öme mewöñi mia kun qahöpmö, Uña Töröñi i buña qem anğuba malje. Mianğöra iñini mönö kunbuk toroqeba kenğöt qakñe malbepuk. Uña Töröñi yañön mönö mem letot enğiiga Anutugö nahönböraturupñi akze. Uña mianjön sölölohöm nenğiiga Anutugöra “Aba * ¹⁶ Anutugö nahönböraturupñi akzini, keu mi Uña Töröñan nanñak nanini uñañinambuk imbi köla mohotñe nañgöba jimakzahot.

¹⁷ Anutugö nahönböraturupñi akzin ewö, yañön nanñi ambazipurupñi nenğöra oyaenñkoyaen mözözömgöi ahözawi, mi mewöyök buña qem anğubin. Anutunöñ Kraistköra yuai mözözöm-göi ahözawi, mi mönö mewöyök Kraistkö qöhöröñe kindu buña qem anğubin. Kraistpuk mohotñe sihimbölö mörakzin ewö, mönö mewöyök Kraistkö asakmararañnöñ öngöba yambuk mohotñe asariba malbin. Mewö.

Malmal asakmararañambuknöñ öngöba malbin.

¹⁸ Nalö kewöñe sihimbölö möta maljini, mianjön malmal eretñi akza. Könañep Kraistkö asakmararañnöñ öngöba asariba oyaenñkoyaen malbini, mianjön mönö malmal öngöñgöñi aködamurañambuk akña. Malmal yahöt mi likeplikap ala kewöt-pinañgö dop qahö. Mewö mötmörizal. ¹⁹ Anutunöñ sömbup aka yuai pakpak miwikñaiyöha ahözei, mienjön mönö mamböta Kraistnöñ kaba Anutugö nahönböraturupñi meköba kondel enğiiga asakmararañ asuhum enğimapköra awöweñgömakze.

²⁰ *Anutunöñ sömbup aka yuai pakpak miwikñaiyökmö, mienjön mala kömumba ayapköme. Nanñini sihimñañgö dop qahöpmö, Anutunöñ mönö nanñi sihimñañgö dop mewö arengöyök. Yuai pakpak ayapkömemö, töndup jörömqöröm enğiiga oyaenñkoyaen kewö asuhumapköra al mambörakze: ²¹ Anutunöñ sömbup aka yuai pakpak miwikñaiyöha ahözei, mienjön mönö

* **8:11:** 1 Kor 3.16 * **8:15:** Mak 14.36; Gal 4.6 * **8:15:** Gal 4.5-7 * **8:15:** Aba mi Arameik keunöwi iw. Iwini!” gerakzin. * **8:20:** Jen 3.17-19

mewöyök kewögöra mambörakze: Anutunöŋ i mewöyök aŋgöjörak mal-malgö kösöneyök pösat enŋiiga qahö kömumba gisahöba ayapkömemö, Anutugö nahönbörat ewö lolohoba asakmararajinambuk asariba ahöm öŋgöme.

²² Miangö könanji kewö: Anutunöŋ sömbup aka yuai pakpak miwikŋaiyöha ahözei, mienjön körek pakpak mönö mohotŋe osongom köla morö memegö masö tandök möta ahöba kota nalö kewöŋe mewöyök ahakze. Mi mötzin.

²³ *Anutunöŋ sömbup aka yuai pakpak miwikŋaiyöha ahözei, mienjönöhök qahöpmö, Anutugö yambu jeniqeŋe ahinga Uŋanji kalema nenŋii maljini, nenjön mönö mewöyök uruninan osongom köla maljin. Anutunöŋ nenŋuanŋiri nahönböraturupŋi qainŋi kun akingö mamböta mala osongom ahakzin. Nenŋuanŋita sile sohpnini meiga kunbuk letotpingöra awöwenŋöba maljin.

²⁴ Mewö letotpingö jörömqöröm aka urunini melenja Suepkö bunjaya ahin. Yuaigöra jörömqöröm ahakzini, miangö ölnji asuhui ehinga jörömqörömmni mewö mianjön teköma. Kunöŋ kun yuaigö ölnji asuhui eka miangö jörömqörömmji mi qahö toroqeba mala mambörakza. Mi qahö. ²⁵ Yuaigö ölnjan qahö asuhui ehakzini, miangöra jörömqöröm akzin ewö, mi mönö kapan köla asuhumapköra al mamböringa uruninan qahö erakza.

²⁶ Mewöŋanök löwöriinga Uŋa Töröŋan bauköm nenŋimakza. Denöwö köuluköinga dop kölbawak, mi qahö mötzinmö, Uŋa Töröŋan mönö nanŋak köuluk nupnibe bauköm nenŋiba nenŋöra aka köuluköba keu jitŋi aukŋe qahöpmö, osongom aka saŋepnöŋ alakza. ²⁷ Saŋepnöŋ ala Anutugö jitsi-hitŋaŋgö dop ambazip sarakŋi nenŋöra aka köulukömakza. Anutunöŋ ambazip urunini ek kewörakzawi, yaŋjön mönö amqeba Uŋa Töröŋaŋgö uru mötmötŋi mörakza.

²⁸ Anutunöŋ köulukŋi möta öröyuai pakpak galöm köliga miangö mindi-mindiri ölnjan mönö nanŋi alaurupŋan ölöwakŋegöra asuhumakza. Mi mötzin. Ölnji mianjön ambazip amötqeqe arenjaŋgö dop enŋoholi jöpaköm wanŋimakzei, mönö i mewö me mewö bauköm enŋimakza. ²⁹ Anutugö arenjaŋgö könanji kewö: Nanŋi nahöŋnan urumelen alaurup sehisehiŋi nenŋö sutnibe mutknini ak nenŋimapköra mörakza. Miangöra qeljiŋe arenj ala nini tandökninan Nahöŋnaŋgö dop akingöra mörök. Miangöra ambazip qeljiŋe möt nenŋiyöhi, nini mewöyök mewö akingöra jim möwölöhöm nenŋiyök. ³⁰ Qeljiŋe jim möwölöhöm nenŋiyöhi, nini mewöyök nenŋoholök. Nenŋoholöhi, nenŋö keunini mewöyök jim teköiga solaniin. Solaniini, nenŋöra mewöyök köna kandeliga nanŋe asakmararajönŋ öŋgöba oyaenŋkoyaeŋ akin. Mewö.

Anutugö urukalemŋaŋgö möpömpösei liŋet.

³¹ Keu mi möta miangöra denöwö jibinak? Anutunöŋ sel jöhöm nenŋiba likepnibe malja ewö, danjön mönö qetal nenŋibawak? ³² Anutunöŋ nanŋi Nahöŋnji tok qahö aŋgön kölökmö, i jim teköiga malmalŋi körek nenŋöra aka köleŋnök. Mi köleŋniga Anutunöŋ yambuk kalem korembenji tosatŋi pakpak mi mewöyök amqeba nenŋigima.

³³ Anutunöŋ ambazip nanŋaŋgöra möwölöhöm nenŋiba keunini jim teköiga solanimakzini, miangöra danjön mönö keu jakeŋe al nenŋibawak? ³⁴ Kraist Jisösnöŋ kömuiga Anutunöŋ kunbuk mem guliiga Suepnöŋ öŋgöba Anutugö böronji ölnje tata toroqeba nenŋöra aka köulukömakza. Miangöra kunŋan kun keunini kewöta könöp sianöŋ gebingöra jim teköm nenŋimangö osima.

* 8:23: 2 Kor 5:2-4

35 Kraistkō urukalem uruŋe malinga daŋōn mōnō miangōreŋōk mendeŋ neŋgiiga etpinak? Kahasililiŋ ak neŋgigetka wahōjaliŋ mötpinakmō, Kraistkō urukalemŋeyōk ölöp qahō etpin. Sese-werowero ak neŋgibeakmō, miangōreŋōk ölöp qahō etpin. Bödi akinak me opo sörōninan qahōwahi malbinak, mōnō ölöp qahō etpin. Kōmumbinbukō keŋgöt qakŋe malbinak me yarō gilgetka kazik asuhubawakmō, mōnō ölöp qahō etpin. 36 *Miangō keuŋi Buŋa Kimbinōŋ kewō ohoget ahōza, “Nalō dop sōŋanōk kōnahiba kōmumbingōra neŋgugetka anda mala suŋgem ahakza. Lamaya eŋgum nembinaŋgōrōk maljei, neŋgōra miangō tandōk mötmōrimakze.”

37 Keu miangō dop ak neŋgibeakmō, Kraistnōŋ urukalemŋi indeli mōrini, yaŋōn tōngum neŋgiiga lömböt pakpak miangōreŋ mōnō luhut ala kōiraŋ kōla malbin. 38 Yuai kunōŋ mōnō Kraistkō urukalemŋeyōk mendeŋ neŋgimangō osima. Mi ölä töhöŋŋa möt yakōzal. Kōmupnōŋ me malmalgō yuaini kunōŋ mōnō mendeŋ neŋgimangō osima. Suep garata me ömewörōme yeŋōn mōnō nalō kewōŋe me kōnaŋep nini mendeŋ neŋgibingō osime. Bem suahō kukōsumŋinambuk yeŋōn mi osime.

39 Euyangō euŋe me emuyangō emuŋe maljei, yeŋōn mōnō mendeŋ neŋgibingō osime. Anutunōŋ öroyuai tosatŋi kun miwikŋaiyōha ahōzei, mieŋōn mōnō mewōyōk Anutugō urukalem miangōreŋōk mendeŋ neŋgibingō osime. Anutugō urukalemŋi miaŋōn mōnō Kraist Jisōs Kembunini yaŋgōreŋ asuhui indeli, mi mötzin. Mewō.

9

Anutunōŋ sihimŋaŋgō dop Israel möwölöhōm eŋgiyōk.

1 Nōŋōn Kraistpuk qekōtahōba kinda muney keu qahōpmō, keu ölä töhöŋŋi kun jimam. Uŋa Törōŋaŋgō keugōra kezap albi keuni naŋgōba jim köhöiba saŋep urune ali kewō möta jizal: 2 Nōŋōn Juda ambazip tosatŋi yeŋgō wōsōbirikŋinan nuŋguiga urunan sihimbölō ketanŋi tetekōŋi qahō kewōgōra mōrakzal:

3 Yeŋōn nömbuk gölme silenōŋ Israel kōnaŋesōya mohot akzinmō, uruŋinan Kraistpuk qahō qekōtahōba laŋ malje. Nōŋōn Israel alaumurupnan uruŋini melenŋmegōra aum-mōrimakzal. Anutunōŋ yeŋgō keuŋini kewōriga nanak yeŋgō salupŋini akiga likepŋi melenŋda nöŋgō qakne kewō öŋgōmapkō mötzal: Yaŋōn ni Kraistkōreŋōk mendeŋ niŋgii kōnōp siaŋō buŋaya akŋamgō mötzal.

4 *Yeŋōn Israel kambu uruŋe malgetka Anutunōŋ eŋguaŋgiri buŋaŋi akze. Anutugō qetbuŋaŋi bisiba akōdamuŋinambuk akze. Anutunōŋ yembuk oyaenŋkoyaenŋ akingō jöhōjöhō walŋi aka dölökŋi aka Kōna keuŋi al eŋgiyōk. Miangōra jōwōwöl jikenōŋ öŋgōba Anutugō waikŋi memba möpōseimakze. Anutunōŋ kōtumōtuetŋi sehimapkō keu jöhōyōhi, miangō ölnaŋ asuhumapkōra mambōrakze. 5 Yeŋōn bömōn jalōnini Abrahamgō gwölōnarōk-urupŋi yeŋgō isi morōurupŋina malje. Kraistnōŋ yeŋgōreŋōk gölme sile memba azia asuhuyōk. Kraistnōŋ Anutunina aka yuai pakpak galōm kōliga qetŋi nalō tetekōŋi qahō möpōseimakin. Keu mi ölna.

6 Mewō maljemō, Israel kōnaŋesōnöhōk asuhum sehiba maljini, neŋōn pakpak mōnō töndup Israel ambazip ölni qahō akzin. Miangōra Anutugō keuŋan siŋgiiga ösumŋan erōk tandōk ahakza me? Mewō jibinak, mi keu

* 8:36: Sum 44.22 * 9:4: Eks 9.4

ölna qahö. ⁷ *Abrahamgö gwölönarök-urupni yengörenök ahuzinangöra aka körek neñon mönö Anutugö nahönböratuрупña qahö akzin. Mewö qahöpmö, Anutunöñ Abrahamgöra kewö jiyök, “Aisako isimoröurupñan mönö göhörej toroqeba qetki bisiba mal öngöme.”

⁸ Keu miangö könanj kewö: Abrahamgö gwölönarökurup gölme ambazip siliknöñ morö ahumakzini, körek neñon mönö Anutugö nahönböratuрупña qahö akzin. Mewö qahöpmö, Anutunöñ keu jöhöi ahözawañgö dop ahuini, Anutunöñ mönö ninia möt neñgiiga Abrahamgö gwölönarökurupni ölni akzin.

⁹ *Jöhöjöhö keu mianjön Abrahamgöreñ kewö kaiga mörök, “Yambu mohot teköiga miangöreñ kunbuk kaba gekiga Saranöñ mönö morö nahöñjambuk akña.”

¹⁰ Keu mewö möri yangöreñ mewö asuhuyökmö, miangöreñök qahö teköyök. Yangö andöñe Rebekagöreñ mewöñanök Anutugö keugö dop asuhuyök. Bömonini Aisak yanön anömni mi gölöm wañgiiga nahönyahötñiri siwisiwi asuhuyohot. ¹¹ Siwisiwi yetkөн gölömñe tata qahö asuhuba yuai ölöpnj me bölöñi kun qahö ahoñi, Anutunöñ mönö nalö miangöreñ nahön yetköreñök kun nanñangöra möwölöhöyök. Nanñi mötmöt areñan köhöiba ölnjambuk ak tekömapköra aka munñi möwölöhöyök.

¹² *Nanñi jitsihitjan ölnjambuk akñapköra Rebekagöra kewö jiyök, “Datñan mönö munñangö welenqeçenji aka nembö bapñe malma.” Anutunöñ mewö jiba ahakmemeñiri akahorahi, miangö dopñe i qahö kewöt etkiyökmö, nanñi mötmöt sihimñi miyök wuatangöba munñi oholiga datñangö ketanjamñi ahök. ¹³ *Miangö keunji Buña Kimbinöñ kewö ohoget ahöza, “Jeikob urunan jöpaköba malalmö, Iso (Esau) mi tököba kazik ak wañgiba malal.”

¹⁴ Keu miangöra mönö denöwö jibinak? Anutunöñ diñdiñi qahö akza me? Mewö qahöpmahöp! ¹⁵ *Anutunöñ Mosesgöra keu kewö jii ahöza, “Nöñon mönö nani jitsihitni wuatangöba kun ninia ehoriba ak kömumamgö mötzali, ia mönö ak kömum wañji-makzal. Kun dagöra wösö mötmöt ak wañgimamgö jizali, yangöra mönö wösöni mörakzal.” ¹⁶ Keu miangöra aka gölme azinöñ Anutu qahö galöm kölakzapmö, yuaigö sihimñi möta akñamgö esapköm bibihibawakmö, mi töndup Anutu qahö ongitma. Anutu nanñak kalem möriamñangö dop yuai pakpak galöm köliga yangö böröñe ahöza.

¹⁷ *Anutunöñ farao kiñgöra keu jiiga Buña Kimbinöñ kewö ahöza, “Nani qetbuñani jim sehigetka gölme körek pakpak dop kölmapköra mötzal. Mewö möta kukösumni kondelbi aukñe asuhumapköra kungum gihibiga göñon asuhum tinjitröñ. Asuhum tinjita mala tuarenjön ak niñgiba malnöñga mönö luhut al gihial.” ¹⁸ Keu miangö dop Anutunöñ nanñi jitsihitni wuatangöba kun ehoriba ak kömumamgö mötzawi, ia mönö ak kömum wañgimakña aka kungö urunji mem gwözöñmamgö jizawi, ia mönö mem gwözöñniga yangiseñ ahakña. Mewö.

Anutugöreñ irimsesewöl aka ak-kömukömu

¹⁹ Engöreñök kunñan nöngöra kewö jibawak, “Mewö aiga körek neñon mönö Anutugö jitsihitni tuarenjön ak wañgibingö osimakzin. Mewö aigun Anutunöñ mönö wuanöngöra toroqeba jim neñgimakza?” ²⁰ *Kunñan mewö jibawakmö, gölme azi gi mönö ninia aka Anutu tuarenjön aka anjururuk ak

* 9:7: Jen 21.12 * 9:9: Jen 18.10 * 9:12: Jen 25.23 * 9:13: Mal 1.2-3 * 9:15: Eks 33.19

* 9:17: Eks 9.16 * 9:20: Ais 29.16; 45.9

wanḡibanak? Börösöwönöḡ mönö nanḡi miwimiwikḡai Toḡi kewö ölop qahö jim wanḡima, “Gi mönö wuanöḡḡora tandök kewönḡi miwikḡaim niḡḡinöḡ?”
 21 Kimbut meme azinöḡ mönö nanḡi kukösum qakḡe sihimḡaḡḡö dop gwaköm melenḡa möwölöhöba gwaköm mohot miaḡḡoreḡḡök kouranḡen murutḡi murutḡi memakza. Tosatḡi nalö dop memba nupnöḡ alakzin aka tosatḡi aködahunḡinambuk mi mönö sösoḡḡai nalöḡeyök nupnöḡ alakzin.

22 Anutu miwimiwikḡai Toninan mönö mewöḡanök ak nenḡimakza. Yaḡön irimesewölḡi ambazip kondel nenḡiḡa kukösumḡi eka mötḡingöra mörakza. Mewö möta irimḡan seheliḡa kazikḡan ambazip tosatḡi yeḡḡö qakḡine öḡḡoḡa jöjöröba köndenḡ enḡimamḡö aka malök. Mi töndup likeḡḡi zilanjök qahö melenḡ enḡiyökmö, yeḡḡora aka sihimböölö gwötḡuk möta mökösoḡḡa urunḡi melenḡmegöra mamböta malök.

23 Mewöḡanök kalem möriamḡi indeli kelenmaleḡen asuhu-mapköra mörakza. Mewö möta ambazip aködahunḡi buḡa qem anḡubingöra möwölöhöm nenḡiyöhi, nini mönö nenḡehoriḡa aködahunḡambuk asarimakzin. 24 Nini mewöyök mewö akingöra nenḡoholök. Juda ambaziwök qahöpmö, kian kantriḡi kantriḡi i mewöyök mewö akḡegöra enḡoholök.
 25 *Anutunöḡ miaḡḡö keunḡi jiḡa kezapqetok azi Hoseaḡö kimbinöḡ kewö ahöza,

“Ambazip nani köḡagesöurupni qahö aka malgeri, nöḡön mönö i enḡoholbiga nani köḡagesöni akḡe. Tosatḡan nani wölböt alani qahö malgeri, yeḡḡora mönö ‘Nani wölböt alaurupni,’ mewö jiba malmam.

26 *Nöḡön gölme kungö ambazip yeḡḡora kewö jiba malal,
 ‘Inḡi nani köḡagesöurupni qahö malje.’ Mewö jiba malalmö, i mönö gölmeḡine miaḡḡoreḡḡök enḡohola qetḡini kewö qetḡmam: Inḡi mönö Anutu mal-mal Toḡaḡḡö nahönböraturupḡi akze. Utekutek mewö asuhuma.”

27 *Aisiaianöḡ mewöyök Israel ambazip nenḡöra aka kewö sahöta jiyök, “Israel ambazip jaḡḡönini köwet sak ewö akawak ewö, mia kun töndup nenḡoreḡḡök awamḡi nenḡönök mönö urunḡi melenḡninga amöt qem nenḡima.
 28 Kembunöḡ gölmeḡi gölmeḡi pakpak nenḡö keunḡi zilanzilaḡ kewöta jim teköba likeḡḡi körek melenḡ nenḡim teköma.”

29 *Aisiaianöḡ mewö jiba qelḡine keu kun jiyöhi, miaḡḡö ölnḡan mönö nenḡoreḡ kewö asuhuza, “Kembu kukösum pakpak Toninan gwölönarökurupni tosatḡi qahö enḡehori urunḡi melenḡbeak ewö, gölmeninan lök Sodom ewö melenḡni geḡa köḡöp jebawak. Nenḡön mönö Gomora ambazip ewö ayuhubinak. Anutunöḡ lök mewö ak nenḡibawak.” Mewö jiyök.

Israel jesöḡḡan Anutu yanḡiseḡ ak wanḡimakze.

30 Miaḡḡora mönö denöwö jibinak? Kantri tosatḡan Anutugö jeḡe solanḡi akingö nupḡi qahö kapaḡ köla megeri, yeḡön mönö Anutugö jeḡe solaniget. Urunḡi melenḡa Anutu möt narigetka miaḡḡora keunḡi jim teköḡa solaniba malje. 31 Mewö maljemö, Israel nenḡön solanḡi akingöra Köna keu wu-atangöbingö kapaḡ köla mala kota mi töndup Anutugö jeḡe qahö solaniin.

32 Miaḡḡö köḡanḡi kewö: Nanḡinanök esapköba ahakmeme diḡdiḡi aka mewö miaḡön solanḡi akingö kapaḡ köla Jiśös qahö möt narim wanḡiget. Yaḡön köt pöwöwöm ewö akzawi, mönö yanḡoreḡ tötaḡöba enḡui qaköba

* 9:25: Hos 2.23 * 9:26: Hos 1.10 * 9:27: Ais 10.22-23 * 9:29: Ais 1.9

andö qeget. Mianğöra solanņi qahö aket. ³³ *Mianğö keuņi Buņa Kimbinöy kewö ohoget ahöza,
 “Eket, Anutu nöhön mönö ain köt kun Zaion kundunę Israel kambu uruņine kunğubiga yeņön mianğöreņ tötanğöba et enğui andö qemakņe. Kunņan azi ip pöwöwöm köhöikņi mi möt narim waņğimawi, yaņön mönö nalö kunöy yaņğöra gamu qahö miwikņaima.” Mewö.

10

¹ O urumeleņ alaurupni, nöhön nani könagesöurupnan uruņini melenęmegöra awöweņğömakzal. Anutunöy amöt qem enğimapköra uruni qezaköba yeņğöra aka Anutu köuluköm waņğimakzal. ² Yeņğö könajamņinan kewö ahöza: Yeņön Anutugöra urukönöp ahakzemö, mi gukmaulem qakņe ahakze. Yeņğö keuņini mewö naņğöba jizal.

³ Anutunöy keunini jim teköiga solanizini, mianğö könaj qahö möt yaköba nanņinanök esapköba solanņi akingö kaparį kolakze. Mewö aka Anutunöy keunini jim teköiga solanibingö jimakzawi, keu mianğö bapņe qahö anda qaköba öne laņ malje. ⁴ Kraistnöy nanņök Köna keu wuatangöm teköyök. Nini tosatņan mi osiba Kraist möt nariba urunini melenęjini, mewö mönö Kraistköra aka Anutugö jeņe solaniba dop köljin. Mewö.

Anutunöy nini körek amöt qem neņğimamğö mötza.

⁵ *Mosesnöy Köna keu wuatangöba mewö mianğön solanņi akingö keuņi mi kewö ohoi ahöza, “Köna keu wuatangöm tekömawaņön mönö mianğöra aka mal köhöima.” ⁶ *Keu mewö ahözapmö, urunini melenęda möt nariinga Anutunöy keunini jim teköiga solanimakzini, Mosesnöy mianğöra keu kewö jii ahöza, “Urugan kewö mötmöriba jibanbuk: Azi daņön mönö Suep mire öngöbawak?” Ambazipnöy mi Kraist waņğita etmapköra laņ jiget. ⁷ me “Azi daņön mönö kömup mirigö dutņe gebawak?” Ambazipnöy mi Kraist waņğita kömupnöhök wahötmapköra laņ jiget.

⁸ Mewö jiba toroqeba kewö jiyök, “Buņa keu mi köröwen qahöpmö, mönö göhö numbuge aka uruge ahöza.” Buņa keu mi möt naribingöra aka ahöza. Neņön keu mianğön ambazip uru kunğum enğiba kewö jim asarim enğimakzin: ⁹ Anutunöy Jisös mem gulii kömupnöhök wahörök. Göņön keu mi urugan möt nariba numbu jitkan “Jisösnöy Kembuni akza,” mewö jim miwikņaizań ewö, mönö amöt qem gihiiga letotman.

¹⁰ Gi urugan Buņa keu möt narinönga Anutunöy keugi jim teköiga solaniman aka numbu jitkan Jisös jim miwikņainönga amöt qem gihiiga letotman.

¹¹ *Buņa Kimbigö keu kun kewö jiget ahöza, “Daņön i möt narim waņğimawi, yaņön mönö gamu qahö miwikņaima.” ¹² Anutunöy Juda ambazip qahö neņgek soriba kantri tosatņi qahö qepureim enğimakza. Kambu mohot yaņön mönö körek neņğö Kembunini aka dop mohotnöy kewöt neņğimakza. Ambazip i qeta köulukömakzini, yaņön mönö kötümütuetņi nini körek kelenę-maleleņ neņğimakza.

¹³ *Mianğö keuņi mi Buņa Kimbinöy kewö ahöza, “Ambazip denike yeņön Kembugö qetņi qeta köulukömei, yaņön mönö i körek amöt qem enğiiga letotme.”

¹⁴ Ambazipnöy Kambu qahö möt narim waņğiba yaņğö qetņi mönö denöwö qeta köuluköbeak? Yaņğö könaj qahö jiget mötkeri, i mönö denöwö möt

* 9:33: Ais 28.16 * 10:5: Lew 18.5 * 10:6: Dut 30.12-14 * 10:11: Ais 28.16 * 10:13: Joel 2.32

narim wangibeak? Kunjan Buja keu qahö jim asarima ewö, yeñön mi mönö denöwö mötpeak? ¹⁵* Ambazip kun Buja keugöra qahö melaibin ewö, yeñön mönö denöwö anda mi jim asaribawak? Miangö keunji Buja Kimbinöñ kewö ohoget ahöza, “Ambazip Buja keu ölöpnji memba kamakzei, yeñgö köna ötöñjini möringa qetpuk sorokñi akza.”

¹⁶* Mewö ohoget ahözapmö, nöñgö Israel könagesö ölnji yeñön Ölöwak Buja qahö tem köla malje. Miangö keunji mi kezapqetok azi Aisaianöñ kewö jii ahöza, “O Kambu, nini Buja keu jim sehiinga danön mönö urunji melenja mi möt naribawakto?” ¹⁷ Keu miangö dop Kraistkö keunji jim sehiinga kezapñine geiga mötketka mötnaripñinan mönö mewö asuhuma.

¹⁸* Mötnarip mewö asuhumapmö, kewö qesim engizal: Buja keu mianjön mönö Juda yeñgö kezapñine qahö geiga mötket me? Qahö, mi mönö mötket. Miangö keunji mi kewö jigetka Buja Kimbinöñ ahöza, “Keu jigetka keu kourukñinan mönö anda anda gölme pakpak dop kölökö. Mi gölmeñi eu emu likeplikep miangöreñ mötket.”

¹⁹* Keu miangö dop Buja keu lök mötketmö, kunbu toroqeba kewö qesim engizal: Israel ambazipnöñ mi qahö möt asariget me? Mosesnöñ mutuk keu kewö jiyök, “Ambazip könagesö ölnji qahö nöñön mi amöt qem engibiga engö uru mututututñinan mönö miangöra aka asuhuma. Kian kambu gukmaulem maljei, yeñön injini engongitketka silik mianjön mönö Juda engö urunjini kunjubiga irimñini seholiiga urunjan wahötma.”

²⁰* Aisaianöñ mönö köhöiba kinda kewö jii ahöza, “Ambazip ni qahö jarum ninjiba lan malgeri, yeñön mönö ni miwikñaim ninjiget.

Ambazip nöñgö könanañgöra qahö qesiba malgeri, nöñön könanamni mönö yeñgöra indelbi mötket.”

²¹* Yeñgöra mewö jiyökmö, Israel neñgöra mönö keu kewö jii ahöza, “Silim dop söñanök könahiba qeçetal könagesö kezapjupjup ahakzei, injini nöñgöreñ kamegöra engohola engöra böro kaek köla malbiga sunjem ahakza.” Mewö.

11

Israel urunje urumelen kambu moröñi ahöza.

¹* Miangöra kewö qesizal: Anutunöñ nanñi könagesöñi andö qem neñgiyök me qahö? Mi qahöpmañöp! Nöñön mewöyök Abrahamgö gwölöñarökñi kun akzal. Nanak Israel könagesögö kambu qetñi Benjamin miangö urunje maljal. ² Anutunöñ nanñi könagesöñi qeljine möwölöhöm neñgiyöhi, nini mönö qahö andö qem neñgiiga maljin. Kezapqetok azi Elaijagö (Eliagö) kösohotñi mi Buja Kimbinöñ ohogetka ahöza. Yeñön Anutugö jeñe Israel ambazip jim engiba köuluköyöhi, injini keu kemañi mi mötze me qahö? Keu mi kewö, ³* “O Kambu, yeñön mönö göhö kezapqetok ambazipurupki enguget kömugetka göhöreñ jöwöwöl ohoho altañi altañi köndeñmöndeñget. Ni mohot nömosötket malbiga mömö-laköba mönömba nunjubingö jöjöröze.”

⁴* Mewö jiyökmö, Anutunöñ mi möta mönö kewö melen wangiba jiyök, “Gi nangok qahö maljanmö, nöñön azi 7000 mewöñanök sel jöhöm engibiga nani

* **10:15:** Ais 52.7 * **10:16:** Ais 53.1 * **10:18:** Sum 19.4 * **10:19:** Dut 32.21 * **10:20:** Ais 65.1 * **10:21:** Ais 65.2 * **11:1:** Fil 3.5 * **11:3:** 1 Kij 19.10, 14 * **11:4:** 1 Kij 19.18

buñani aka bem munenji Bal i qahö simin köl wanğiba göbuk toroqeba malje.”
 5 Keu mianğö dop nalö kewöñje mewöñjanök Anutugö kambu moröñji ahöza. Anutunöñ kalem möriamñanğö dop ambazip awamñi möwölöhöm nenğiiga maljin.

6 Kalem möriamñan mönö nam köl wanğiiga möwölöhöm nenğiyök. Nini ahakmeme ölöñji aka memba malbinahi, mianğöra aka qahö möwölöhöm nenğiyök. Göłme ambazip ahakmemeninan nam köl wanğiiga möwölöhöm nenğibawak ewö, yanğö kalem möriamñan mönö yuai omanñi akawak.

7 Mianğöra mönö denöwö jibinak? Israel könagesönöñ solanñi akingö kapan köla malgetmö, solanibingö könanñi mi qahö miwikñaiget. Yeñön qahöpmö, Anutunöñ kambu moröñji möwölöhöm nenğiyöhi, neñön kalemñi mi miwikñaiba solanñi ahin. Tosatñan mötmöt bölöñjan uruñini gwözöñni öne lañ malje. 8 *Mianğö keuñi mi Buña Kimbinöñ kewö ohoget ahöza, “Gauñ jeje malgetka Anutunöñ öme qahö jöhöiga uruñine geiga köhömuñi aket. Yuai eka könanñi ek kutubepuköra jeñini mem sohoiga ömuñ kölöc. Keu kezapñinan möta möt asaribepuköra mi mem gwözöñnök. Mewö tönpin mala kota nalö kewöñje mewöyök öne lañ malje.” 9 *Kiñ Deiwidnöñ mianğö keuñi kewö jii ahöza,

“O Anutu, yeñön közölömbuan ala nembra lañ söñgaimakze. Mianğöreñ mönö enğek miwikñaiba siñgisöndokñinanğöra simba alnöñga enğimema.

Mönö nanñini dumñine tötañğöba et enğiiga likepñi melen enğinöñga si-himbölä mötme.

10 O Anutu, gi mönö jeñini mömbauba mem gömölinöñga uba ekingö osime. Mönö likepñi melen enğinöñga qakñine öñğöba lömböriiga sundan dop upköba malme.”

Deiwidnöñ mewö köuluköyök.

Kian kantri yeñön Anutugö ipñi öñji aket.

11 Toroqeba kewö qesizal: Juda könagesö öñji yeñön tötañğöba et enğiiga uruñinan gwözöñniga ölöwakingö osime me qahö? Mi qahö osime! Et enğuyöhi, mianğön mönö Anutu möt kutubingö awöweñğömegöra aka asuhuyök. Juda könagesö öñji yeñön köna onğita et enğiiga kian kantri yeñön salupñini aka uruñini melenđa Anutugö buñanñi aket. Mewö akeri, mianğön uruñini kuñguiga mianğöra irimñini sehöliiga uruñini melenğmegö sihimñan asuhumapköra aka mewö asuhuyök.

12 Juda könagesö öñji yeñön köna siñgiba et enğiiga mianğöra kian gölmeñi gölmeñi yeñön oyaenğkoyaeñ akingö könanñi miwikñaiget. Mi miwikñaiba uruñini melenđa kötümötuet uruñe maljemö, Juda könagesö öñji yeñön tönpin mala Anutugö jeñe qahö dop kölje. Könañjep Juda yeñön mewöyök körek uruñini melenğme. Mewö asuhuiğa Anutugö kötümötuetñan sehiba keleñmaleleñ aukñe asuhuma.

13 Nöñön keuni ki Juda enğöra qahöpmö, kian kantri könagesö enğöra jizal. Nöñön kian kantri enğöreñ melaimelai azi aposol akzalanğöra “Nupni getbuñañambuk akza,” jiba mewö mötmörizal. 14 Nupni mi membi öñji asuhuiğa uruñini melenğmakzei, nani Israel könagesöurupnan mianğö buzupñi mötmegöra kapan köla awöweñğömakzal. Buzup keu mianğön mohot mohot yeñğö uruñini kuñguiga mianğöra irimñini sehöliiga uruñini melenğbingö

* 11:8: Dut 29.4; Ais 29.10 * 11:9: Sum 69.22-23

sihimñan asuhui melengetka Anutunöñ amöt qem engima. Nupni qet-bunñambuk mi mönö miangöra aka kian kantri engö sutñine memakzal.

¹⁵ Anutunöñ Juda kambu andö qem neñgiiga miangö öññan mönö kewö asuhuyök: Kian kantriñi kantriñi eññon salupñine aketka Anutunöñ töwanjini qeba engömeiga alaurupñi aket. Juda könagesö öññi yeññon uruñjini melengetka Anutunöñ amöt qem engiba möt angön köñ engimawi, miangö öññan mönö kömupñöhök guliba mal köhöimeangö dop akña.

¹⁶ Yambu jenjigeqe dölökñe nene Anutugöra kewöta ala sösoñgai ahinga sarakñi akza ewö, nupkö numbu neneñi pakpak mönö mewöyök sarakñi akza. Ip jalöññan töröñi akza ewö, böröññan mönö mewöyök töröñi akze. ¹⁷ Juda kambu mi Anutu nanñangö oil ipñi akza. Anutunöñ nanñi oil ipñi mi öñböñi memba böröñi tosatñi mitii etiket aka arökñangö oil ip böröñi memba kaba sutñine ali toroqeba qarimakze. Kantri tosatñi iñjini arökñangö oil ip miangö dop akzemö, Anutunöñ töndup engömeiga nalö kewöñe ip börö qainñi kun mienjöñ sutñine mal köhöimakze. Iñjini mönö Juda kambugö oil ip jalöñeyök nene onñi öröba memba qarimakze.

¹⁸ Iñjini Juda nembuk kinjemö, töndup Juda neñgoñgita silenjini memba öñgöbepuk. Silenjini mem öñgöbeak ewö, mönö keu ki mötme: Kantri tosatñi iñjini ip böröññanök ewö akze. Iñjini jalöñnini qahö bisimakzemö, nanine ip jalöññan mönö iñjini engömisigi kinje.

¹⁹ Keu kewö jibeak, “Anutunöñ nini nanñi ip kemañe al neñgimapköra aka ip böröñi mi kutui eriga tiñi asuhuyök.” ²⁰ Keu mi öñña. Anutunöñ Juda ambazip uruñjini qahö melenña möt narigerangöra aka kutum engii etiketmö, iñjini mönö mötnaripñinan töndangöm engiiga zeñ kinje. Mewö kinda jakbak-örarñbörarñ kude aka aiweliköba malmemö, mönö kewö et engubapüköra sömbunñini möta malme: ²¹ Anutunöñ nanñi ipñangö böröñi öññi qahö engehoriga Juda könagesö kutum engiyök ewö, iñjini mönö “Ölöp neñgehoriga,” mewö jibepuk. Öne mewö mötmöröba lañ malbepuk. ²² Miangöra kian kantri iñjini Anutugö könañi mötmöröba kewö jime, “Juda ambazip köna singgiba et enguyöhi, Anutunöñ miangö likepñi melenña mönö öñña köñörñambuk ak engimakzapmö, nini ölöwak Toñambuk qekötahöba kininga mem ölöwak neñgimakza. Yambuk qahö toroqeba kinbin ewö, mönö kantri tosatñi nini mewöyök kutum neñgii etpin.”

²³ Mewö ölöp jimemö, Anutunöñ ambazip köna singgigeri, mi mewöyök ölöp köhöiba ip kemañe kunbuk toroqem engima. Miangöra Juda könagesö yeññon yanggisenjini mosöta uruñjini melenñe ewö, i mönö ölöp Jisösbuk toroqem engima. ²⁴ Anutunöñ iñjini arökñangö oil ip miangöreñök kutum engiba kölkömötkö könañi onñgita oil ip qainñi kungö kemañe al engii toroqet. Kantri tosatñi iñjini mewö ak engiyök ewö, miangöra nanñi ip böröñi öññi Juda könagesö öññi mi mönö amqeba engömemba sihimñan nanñi oil ipñangö kemañe al engii kunbuk toroqeme. Mewö.

Anutunöñ Israel körek ak kömum neñgimangö mötza.

²⁵ O urumelenñ alaurupni, nanñjini mötkutukutu qakñe lañ malbepüköra mönö keu tölapñi kun indela möt asarimegöra mötza. Keu mi kewö: Mötmöt bölöññan Israel könagesögö bahöñi kun yeñgö uruñjini gwözöñni maljemö, nalö teteköñi qahö yanggisenñ qahö toroqeba malme. Qahöpmö, mutuk kian kantri yeñgöreñök jesöñgöññan uruñjini melenña Anutugö bemtohoñ uruñe kangotme. Mewö aketka Anutunöñ jangöñjini ehi dop kölmawi, nalö miangöreñ Juda

könagesö nenjö yangisen nalöninan teköiga körek urunjini melenje. ²⁶*Urunjini melengetka Anutunöj Israel könagesö pakpak amöt qem enjiiga letotme. Miangö keunji mi Buja Kimbinöj kewö ohoget ahöza, “Amötqeqe Tonjan mönö Zaijon kunduneyök asuhuba Jeikob kambu nenjö ahakmemenini anjöjörakjambuk mi köl könjöratma.

²⁷*Anutu nöjön singisöndoknjini köl könjörata oyaenköyaen akingö jöhöjöhö arenji mi yembuk akiga mohotje malbin.”

Keu mewö ahöza.

²⁸Juda könagesö ölnji yenön Ölöwak Buja andö qeba Anutugö kerökurupnji akeranjöra kantri tosatnji enön salupnjine Anutugö alaurupnji akze. Mewö akzemö, Anutunöj Israel bömön jalö-urupnini möwölöhöm enjiyöhanjöra Juda nenjön mönö toroqeba wölböt alaurupnji ölbölnji akzin. ²⁹Anutunöj ambazip ninja möwölöhöba engohola kalem enjimakzawi, keu mi mönö kunbuk urunji mönjaiiga utekömawanjö dop qahö. ³⁰Kian kantri injini mewöyök mutuk Anutugö jitnji qahö tem köla lan malgetmö, Juda könagesö ölnji yenön yangisen akeranjöra aka Anutunöj injini ak kömum enjiiga letotket.

³¹Juda könagesö ölnji yenön nalö kewöje Anutugö jitnji qetala lan mala kotzemö, enön letotkeranjöra aka Anutunöj Juda könagesö nini mewöjanök nalö kewöje ak kömum nenjimangö mötza. Kian kantri enön urunjini melenja letotketka miangö silikjan urunjini kunjumakzawi, miangöra yenön mönö mewö-ñanök amqeba urunjini melenja ak-kömukömunji buja qem anjume.

³²Ambazip lökjanök pakpak nini Anutu qetala lan malinga qeqetalnini miwikñaiiba gwaröhöm nenjiyök. Körek pakpak ak kömum nenjimapköra aka kösönöj gwaröhöm nenjiyök. Mewö.

Anutu möpöseiba omsa lijat kewö kölakzin:

³³*Anutu kalem möriamnanjö köwenjan mönö keta bölöknji akza. Iwinanjö jitnji, mötmötjni mönö gegenji teteköjni qahö. Mötkutukutujan nenjonjita öngöngöjni ketanji akza. Yanön keunini kewöta jim tekömakzawi, nenjön mi lökjanök jim asarim teköbingö osibin. Malmalninanjö köna arenjömakzawi, miangö könanji mönö möt kewöta miwikñaim teköbinanjö dop qahö.

³⁴*“Kembugö urukönömnanjö arenji mi ambazip köreknan möt yaköbingö osiba mala korin. Kunjan kun goro wanjimawanjö dop qahö.”

³⁵*“Gölme ambazip kalem anjumakzinmö, yambuk mewö akingö osiba mala korin.

Yuai wangiinga kitipnji qahö melenjenjiiga ölop dop köl wanjiza. Yuai kun bianjenjimapkö tosa wanjibingö osimakzin.”

³⁶*Mi kewögöra osimakzin: Yanön yuai pakpakö Tonji aka bömön jalöni akza. Yanön yuai pakpak nam köliga asuhuyök. Mi nanji aködamun miwikñaim wanjimapköra aka asuhuyök. Miangöra nenjön qetbujanji möpöseininga teteköjni qahö aködamunñambuk ahöba öngöba ahöma. Keu mi ölnja.

12

Malmalnini denöwö malinga Anutugörej dop kölma?

¹ O urumelenjen alaurupni, Anutunöj mewö ak kömum nenjiyö-hanjöra nöjön mönö urunjini kewö kunjum enjizal: Injini mönö ak-kömukömunji mi

* 11:26: Ais 59.20 * 11:27: Jer 31.33-34 * 11:33: Ais 55.8 * 11:34: Ais 40.13 * 11:35:

urukönömñinan mötmörība miangö dop kitipñi melen wangiba waikñi memba möpöseiba malme. Mewöyök nanñini silenini mi Anutugö kötön naluha alme. Mewö alme ewö, inñini mönö guliba sarakñi aketka Anutunöñ nalukñini mi ehi dop köli sihimñi mörakña.

² Mutuk gölmegö ahakmeme bölöñangö arenñi wuatangöba malgetmö, nalö kewöñe mewö kude toroqeba ahakñe. Mewö qahöpmö, mönö urumötmötñinan kölönaiiga letota malme. Mewö mala Anutunöñ engöra sihimñi denöwö mötzawi, mi jaruba ölop köhöiba kewöta miwikñaimi. Mi miwikñaiba miangö dop ahakñe ewö, mönö köna ölopñi wuatangögetka dop köl wangii aködamunñinambuk ahakñe.

³ Siksauk lañ malbepuköra keu kun jimam. Anutunöñ kalem möriam ninñiiga miangö qakñe kinda körek engöra kewö jizal: Inñini mönö nanñini mötket öngöñgöñi qahö akñapmö, mohot mohot inñini mönö törörök möt kutum anguba malme. Anutunöñ mötnarip nenñiiga miangö ölni asuhumakzawangö dop mönö nanñini kewöt anguba miangö dopkeu jiba malme.

⁴ *Miangö könañi kewö: Sileninan mohot akzapmö, sile kitipnini mi gwötpuk. Kitipñi pakpak miyenön nup mohot miyöhök qahö memakze. ⁵Miangö dop urumelen ambazip nenñon mewöyök gwötpuk maljinmö, töndup Kraistpuk qekötahöba kinda sile ewö ölni mohot akzin. Mohot akzinmö, nanñök nanñök nenñon mönö toroqem anguba mohotñe nup meinga dop köli kinjin.

⁶ *Anutunöñ kalem möriamñi nenñiyöhangö dop nup memegö mötmöt kalem murutñi murutñi buña qem anguba maljin. Kunöñ kezapqetok nupkö mötmöt kalemñi buña qem anguba ewö, yanñon mi mönö nupnöñ alakña. Mötnaripñan töndangöm wang-i-makzawangö dop nupnöñ ala Anutugö keuñi jiba malma. ⁷Kungöra welenqeqe nupkö mötmöt kalemñi wangiyök ewö, miangö dop mönö tosatñi pöndañ bauköm engiba malma. Kungöra böhi qaqazu nup memapkö mötmöt kalemñi wangiyök ewö, yanñon mönö memburik-qemburikñi qahö pöndañ tosatñi kusum engiba malma.

⁸ Kungöra uru nanñonangö nupkö mötmöt kalemñi wangiyök ewö, yanñon mönö pöndañ kapan köla ambazip uruñini kunğuba nanğöm engiba malma. Tosatñan yuaigöra mözöröñgöba osigetka kungöra i nanğöm engimapkö mötmöt kalemñi wangiyök ewö, yanñon mönö kongwarakñi qahö pöndañ nanğöm engiba malma. Kungöra galömkölköl nupkö mötmöt kalemñi wangiyök ewö, yanñon mönö zeñ kinda tosatñi galöm köl engiba malma. Kungöra urukalem nupkö mötmöt kalemñi wangiyök ewö, yanñon nup mi mönö sösongai qakñe memba malma. Mewö.

Urukalemö könañi törörök wuatangöme.

⁹ Mönö geñmon mosöta törörök urukalem ak anguba malme. Bölöñi sisit memba andö qeba malme. Ölopñangöra ak engiiga miangören mönö qekötahöba malme. ¹⁰Urumelen alaurupñini mi mönö gunbönjönjön qakñe ak engiba törörök jöpaköm anguba malme. Göda qem angubingö kapan kölakzei, miangören mönö awöwengöba möpöseim anguba malme.

¹¹ Uruñinan mönö kude sörauba löwörimapmö, köulukögetka Uña Töröñan inahöm engiiga urukönöpñöñ kinda Kembangö nup memba malme. ¹²Jörömqöröm aka sösongainöñ malme. Kahasililij möta mökösoñda malme. Mönö böñ kinda Anutu köuluköba malme. ¹³ Anutugö ambazip sarakñan

yuaigöra osizei, i mönö baukôm engiba malme. Mönö ambazip köl öröm engiba mohotje tata nene nem sösöngai ahakje.

¹⁴ *Sesewerowo ak engimakzei, ambazip mi mönö kude qesuahöm engimemö, mönö Anutu köulukögetka kötuetkôm engimakja. ¹⁵ Söngaizei, yembuk mönö baukôba söngai. Sahötzei, yembuk mönö baukôba sahötme.

¹⁶ *Mönö urumohot ak anguba luainöj malme. Nanjinangöra mönö kude mötket öngöma. Jakbak-öranjöra kude akjemö, ambazip eretji mönö ala ak engiba malme. Nanjinangöra mötketka mötkutukutu ambaziwa maljeangö dop kude akja.

¹⁷ Jinöj jibi, nunjunöj guhubi, aknöj aki mi kungöra kude akje. Ambazip köreknan silik tosatji miengöra mötketka ahakmeme ölöpnji akzei, mi mönö kapan köla memba malme. ¹⁸ Yuai kungörej qahö qaköze ewö, mönö köhököhöi ahöm engizawangö dop kapan köla ambazip körek yembuk luainöj malme.

¹⁹ *Keu kun mi Buja Kimbinöj kewö ohoget ahöza, “Nöjön mönö bölöngö likepnji melenbiga qakjine öngöma. Mi nöngö nuwa. Kambu nöjön mewö jizal.” Miangöra wölböt alaurupni, injini nanjinak bölöngö likepnji kude melenmemö, mi Anutugöra mosötketka irimjan seholiiga engö kitipni melenja meköm engima.

²⁰ *Miangöra mi nanjinak kude melenmemö, Buja keu ki mönö wuatangöba malme, “Kerökan nenegö kömuza ewö, i mönö nene gumohom wangiman. Göhö kerökan ogö mötza ewö, i mönö o wanginöngga nema. Mewö aka göhörej silik ölöpnji mianön mönö uru kungum wanginöngga gamunji möta mosötpawak.” Keu mi mönö wuatangöba malme. ²¹ Kunjan silik bölöj mianön luhut al gihibapukmö, nangak mönö silik ölöpnji aka mianön luhut al wangiba siliknji bölöj mi koyonaniman. Mewö.

13

Gawman yengö keu bapjine anda tem köla malme.

¹ Gawman kun mi nanjök qahö asuhuyökmö, Anutu, kukösum Tonji yanön mönö gawman kungui miangö dop ketanjanninan kukösum qakje kinda galöm köl engimakze. Jimkutukutu nupkö kondotkondotji mi Anutu. Miangöra injini körek mönö nanjini gawman yengö keu bapje anda malme. ² Könanji mewö mötzeangöra aka kunjan jimkutukutu galöm yengö kukösumjini qetaljawi, yanön Anutunöj malmalgö areni alohi, mönö mi qetalja. Jimkutukutu Tonji qetaljei, Anutunöj yengö keunini jim teköba likepnji melenj engiiga lömböt miwikjaime.

³ Galömkölköl yenön ambazip ahakmeme bölöj ahakzei, mi kenjöt mötmöt ak engimakzemö, ölöpnji ahakzei, mi mewö qahö ak engimakze. Miangöra galöm kukösumjinambuk yengö kenjötki mötmamgö mötzan qahö? Mi qahö mötmamgö mötzan ewö, mönö ahakmeme ölöpnji aka memba malnöngga möpöseim gihimakje.

⁴ Gawman yanön mönö Anutu welenji qeba mem ölöwak gihibingö mötze. Mewö mötzeangöra ambazip bölöj akzei, mönö miangö likepnji melenja qakjine öngö lömböt mötmegöra kinje. Anutugö welenqeueurupni aketka buldömingö sou ketanji engiyöhi, mi öne töhön qahö memba malje. Miangöra yuai bölöj akzan ewö, mönö kenjötki möta malman. ⁵ Lömböt qakjine öngöi

* 12:14: Mat 5.44; Luk 6.28 * 12:16: Qam 3.7 * 12:19: Dut 32.35 * 12:20: Qam 25.21-22

mötpepuköra mönō gawman jitḡjini tem köla malme. Mianḡörök qahöpmō, Anutugō jeje mohot dop kölmapköra mönō mewō ahakḡe. Qahō tem kölgetka Anutugō irimḡan sehōlii jii urukōnōmḡjanan mewō mötketka urunḡinan bölibapuköra mönō mewōyök gawman yengō keu bapḡe anda malme.

⁶ *Gawman yenjōn mönō Anutugō nup bahōḡi kun memba mianḡōrej zej kinda galōm köl enḡimakze. Nupḡjini mi memegōra enḡōn mönō baukōm enḡiba takis mewōyök alakze. ⁷ Gawmangō takis aka kötōn kōnaḡi kōnaḡi dawik enḡimegō jimakzei, mi mönō körek mianḡō dop enḡimakḡe. Gawmangō takis kōnaḡi kōnaḡi pakpak mi mönō törörök enḡimakḡe. Gawmangō nup meme ambazip yengōra mönō ewe ala göda qem enḡimakḡe. Mewō.

Nalō ketanḡan dopdowiḡa mönō jōpakōm anḡuba malme.

⁸ Mewō aka kungōrej tosa kun embuk kude ahōi malme. Tōndup enḡō tosanḡini mohok-kun mi nalō dop kewō ahōza: Inḡini mönō uru jōpakōm anḡuba malme. Kunḡan tosatḡi jōpakōba urukalem ak enḡimakzawi, yanḡōn mönō Kōna keu wuatḡḡōm tekōmakza.

⁹ *Jōjōpaḡ keu bohōḡi kewō, “Nangi jōpakōm anḡumakzani, mianḡō dop mönō tosatḡi pakpak jōpakōm enḡimakḡan.” Keu mianḡō uruḡe jōjōpaḡ keu kewōḡi ahōze, “Sero yonḡorō kude akḡan,” “Ambazip kun kude qenōḡ kōmuma,” “Yonḡorō kude meman,” “Yuaigōra mönō kude kōpōsōḡḡōman.” Mi aka jōjōpaḡ keu tosatḡi pakpak mi mönō keu bohōḡi mianḡō nembōḡe akze.

¹⁰ Ambazip kun jōpakōm wanḡizan ewō, yanḡōra mönō yuai bölōḡi kun kude ak wanḡiman. Mianḡōra urukalem aka mewō mianḡōn mönō jōjōpaḡ keu körek pakpak tem köla wuatḡḡō-makzan.

¹¹ Nalō kianḡō kōnaḡi mötzeanḡōra mönō ahakmeme mewōḡi aka memba malme. Mutuk Kraist möt nariba urunini melenḡnini, nalō mianḡōrejōk kōnahiba mala koringa Kembunōḡ mekōm nenḡii Suepnōḡ ḡḡōbini, mianḡō nalōḡan mönō dowe ahōza. Mianḡōra inḡini gaun ahōzei, mianḡōrejōk imbiḡjini möta wahōtmeanḡō nalōḡan mönō lōk kam kunḡuza. ¹² Sunḡem körōḡi malinga wehōn jeḡi jililingōba koriga asarimangō akza. Mianḡōra sōḡaḡpkō ahakmeme mi mönō tōmbulunḡaniget geiga asakḡanḡō bim qebingō akōdamunḡi mi mönō memba kölget geiga kinbin.

¹³ Asakḡanḡō uruḡe malḡinanḡō dop mönō ahakmeme sarakḡi aka memba malbin. Tosatḡan kōzōlōmbuanḡ pati ala bau numbu nempa o kōhōikḡanḡōra enḡolōḡ ahakze. Sero nambōḡnambōḡ aka lanḡ ambi yonḡorō örōmakze. Jula denḡa anḡururuk aka anḡōhōba urunōḡ mututqutut möta andōnōḡ qem anḡumakze. Ahakmeme mewōḡan mönō qahō dop kölja. ¹⁴ Urusileḡō sihim kōmbōnaḡjini bölōḡan guliba wahōtketka miengō sihimḡjini tem köl enḡibepukōra mönō mi kude kezap ala mötmōrim enḡimakḡe. Mewō qahōpmō, Kembu Jisōs Kraistkō ahakmemenḡan mönō timbi saiwāḡjini aiga mi maluku ewō lōḡḡōt anḡuba malme. Mewō.

14

Alaurup lölöwōrōḡi i kude jim enḡiba malme.

¹ *Kungō mötnariḡan lölöwōrōḡi aiga i mönō köyan köla köl örōm wanḡiba malme. Yambuk eraum möta kōsawōraḡ keugōra jitnakōlik kude ahakḡe.

² Tosatḡan mötnariḡinanḡō dop nene pakpak ölop nemakzemō, tosatḡi

* **13:6:** Mat 22.21; Mak 12.17; Luk 20.25 * **13:9:** Eks 20.13-15, 17; Dut 5.17-19, 21; Lew 19.18

* **14:1:** Kol 2.16

yenğö mötnaripñinan lölöwöröñi aiga nene piakñanök nemakze. Uruñinan tölöhobapuköra uruyahöt aka sömbup tandö lopionğö naluk alalñi mi sisitñi memba yöha töhöñök inañjik ohom nemakze. ³Nene pakpak nemakzeaññon mönö alaurupñini yöhayök nemakzei, mi jijiwilit kude ak engimakñe. Anutunöñ alaurupñini nene pakpak nemakzei, mi mewöyök “Dop kölje,” jiba köyan köl engimakza. Mianğöra yöhayök nemakzei, eññon mönö alaurupñini yenğö keuñini kude jim teköme.

⁴Göññon mönö niñia aka kungö welenqeqeñi jim teköm wanğibanak? Yanñon mönö nanñi tonğö jeñe keuñanğö likepñi jiiga kewöta jim teköiga dop kölga kinma me lömböt çakñe öngöiga etma. Kembunöñ mönö köhöiba böñ qeba kinmapköra nanğöm wanğimakña. Mianğöra mönö ölop böñ qeba kinma.

⁵Tosatñan silim pakpaköra mötmörigetka tandökñini öröröñ ahözemö, tosatñan silimñi silimñi kewöta silim kungö mötket öngöiga çainñi kun aiga silim tosatñan mianğö nemböñe akze. Inñini mohot mohot mönö nanñini mötmötñini çekötahöba mianğoreñ uruyahöt körek yaköriba awösamkakak kinda malme. ⁶Tosatñan silimñi silimñi kewöta öngöba eta alakzei, yenñon mi mönö Kembu çetbuña wanğimapköra aka ahakze. Tosatñan sömbup nemakzei, yenñon mönö Anutu möpöseiba Kembunöñ mewö çetbuñambuk akñapaköra nemakze. Tosatñan sömbupkö sinği malakzei, yenñon mönö Kembunöñ çetbuñambuk akñapaköra aka mi ahakze aka mewö mala Anutu möpöseimakze. ⁷Neñğoreñök kunnñan kun mönö nanñanğörök qahö malja aka nanñanğörök qahö kömuma.

⁸Mianğö könanñi kewö: Jebuk malbin ewö, mönö malmalnini Kembugöra kölenđa malbin. Kömumbin ewö, mönö Kembugöra kömumbin. Mianğöra malbin me kömumbin ewö, mönö Kembugö buñaya akzin. ⁹Kraistnöñ mönö kömugeri aka jebuk maljini, körek neñğö Kembunini aka malmapköra kömumba guliyoç. ¹⁰*Anutunöñ mönö körek neñğuanğita nanñi keu jakeñe al neñgiiga kinbin. Mianğöra tosatñi eññon mönö niñia aka urumelen alaurupñini jim teköm engimakze? Mewöyök alaurupni tosatñi eññon mönö wuanöñğöra urumelen alaurupñini tosatñi mi jijiwilit ak engimakze? Jujul silikñini mianñon mönö qahö dop kölja. ¹¹*Mianğö keuñi mi Buña Kimbinöñ kewö ohoget ahöza,

“Kembu nöññon mal köhöizali, mianğö dopkeu öl töhöññi kewö jizal: Ambazip körek pakpak inñini mönö nöñğö jemesoholne simin köla jitñinan Anutu ni möpöseim niñgime.”

¹²Keu mianğö dop nini körekñan mönö inaññök inaññök ahakmemeni-nanğö kösohotnini mi Anutugöra jim asariinga kewöt neñgima. Mewö.

Kunöñ tötanğöba et qebapuköra mötmörime.

¹³Mianğöra mönö kude toroqeba jim bölim anğuba keuñini jim teköme. Urumelen alaurup yenğö könanöñ tötanğöba et engubapukö yuai kun mönö kude alakñe. Mianğö keuñi mönö kapan köla jiba jöhöme. ¹⁴Nene yuai kunöñ nanñanök anğöjörakñambuk qahö akzapmö, ambazipnöñ yuaigö mötketka anğöjörakñambuk akzawi, yenğöröhök mi anğöjörakñambuk akza. Nöññon Kembu Jisösbuk kinda keu mi möta mianğöra uruyahöt kun qahö akzal. ¹⁵Anutunöñ nene pakpak amöt çem teköi sarakñi akzemö, töndup alaurup tosatñan dönqiziziniñi aka sömbup qahö nemakze. Kraistnöñ yenğöra aka kömuiga tosatñi eññon mönö wuanöñğöra sömbup nembra mewö mianñon yenğö

uruñini mem bölimakze? Mewö nanñini imbi-imbi aketka urumelen alaurupñinan miangöra wösöbirik ahakzei, mewö mönö urukalemgö könani mi qahö toroqeba wuatangömakze.

¹⁶ Mötmöt ölöpnji ahöm engizapmö, miangö qakñe ahak-memenñinan lañ aketka tosatñan miangöra sirongen keu jiba jim engimakze. Mewö asuhubapüköra galöm mem anguba malme. ¹⁷ Wani neneya nembini aka wani oya nembini, mianñon Anutu bemtohoñangö aiwesökñi qahö akza. Yuai mianñon mönö eretñi akza. Yangö bemtohoñ uruñe malmalgö ölnji mi kewö: Uña Töröñan inahöm nenñiiga ahakmeme diñdñi wuatangöinga luai qem nenñiiga söñgaiba maljin. Mianñon mönö aiwesök munğemñi akza. ¹⁸ Denike yeñon mewö aka Kraistkö welennji qemakzei, yeñon mönö Anutugö jeñe dop kölgetka ambazipnön keunji mötkeka dop köl engimakza.

¹⁹ Mianğöra nini luai qem anguinga urumohot sehimapköra kapan kölbin. Mewö mianñon mönö urunini möhamgöba mem köhöim angubin. ²⁰ Anutunön nene pakpak amöt qem teköi sarakñi akze, mi mötzinmö, kunön sömbup me nene kun neiga alañangö uruñan miangöra böliiga urukönöpñi ahuiga siñgisön-dokpuk akzawi, mianñon mönö qahö dop kölja. Kunñan tosatñi yeğöra qahö mötmöriba nanñangörök möta lañ nezawi, yañon mönö mewöyök siñgisöndokpuk akña. Mianğöra Anutunön yeğö uruñine nupñi meyöhi, tosatñi eñon mönö nupñi ölöpnji mi nenegöra aka kude mem bölime.

²¹ Mianğöra urumelen alaurupñini yeğöra aka sömbupkö siñgi mala wain o mi kude nempa malme. Mewö mianñon mönö mohotñe ölöwakñe. Mewöyök uruñinan yuaigöra aka böliiga siñgisöndokpuk aka löwöribawak, eñon mi kude akñe. Mewö mönö mohotñe ölöwakñe. ²² Kösäwöran keugö mötnariñni mewö me mewö ahöm gihizawi, mi mönö Anutugö jemesoholñe angön köla malman. Kunñan keu kungöra “Dop kölja,” jiba miangören qekötahöba möt köhöiba miangöra nanñi qahö jim teköm anguzawi, yañon mönö simbawon akza.

²³ I me wai mötnariñ qakñe qahö kinda ahakzini, mi pakpak mönö siñgisöndok akza. Mianğöra kunñan nene kungöra uruyahöt aka töndup mi neza ewö, yañon mönö mewö siñgisöndok akña. Mötnariñ qakñe qahö kinda nezawangöra Anutunön mönö yangö keunji jim teköi qaköba lömböt miwikñajima. Mewö.

15

Mönö Kraistkö mötmötñi wuatangöba malme.

¹ Mötnariñninan köhöikñi akzawi, neñon mönö naninangörök lañ söñgaiba nanini imbi-imbi malbinbuk. Tosatñi yeğö mötnariññinan lölöwörönji aiga tötöpinpinön köna onğita törörök qahö wuatangömakzei, neñon i urukalem ak engiba lömbötñini bisimegö bauköm engibin. ² Nini mohot mohot mönö alaurup-ninan ölöwakñeangö dop mötmöriba ak engimakin. Mewö ak engiba uruñini möhamğögetka köhököhöi miwikñajime. ³ *Kraistnön mewöyök nanñangörök nanñi imbi-imbi qahö söñgaiba ahökmö, Buña keu kiangö dop ak wanğigetka malök, “Ambazip keu töhören jiba gi jim gihimakzei, yeğö keunjan mönö nuñguiga sihimbölöñji mörakzal.” Keu mewö ahöza.

⁴ Anutunön neğöra sihimñi kewö mörakza: Neñon kapan köla köhöiba kinda Buña Kimbi oyoñninga urunini nanğöiga mewö mianñon jörömqöröm aka malbin. Mianğöra Buña keu pakpak mönöwök ohogeri, Anutunön

* 15:3: Sum 69.9

mönö mianğö dop kusum neŋgimamğö môtza. Mianğöra mi ohoget ahöza. ⁵ Anutunöŋ mönö nanŋak uruŋini nanğögiğa ölop kapaŋ köla kin köhöime. Yaŋön mönö Uŋaŋi enğiiga inahöm enğiiga sutŋine uru jöhöjöhö aka Kraist Jisösgö mötmötŋi wuatangöba malme.

⁶ Mewö mala ölop urumohot qakŋe numbuŋini mindiriba Anutu, Kembunini Jisös Kraistkö Iwiŋi mi möpöseiba malme. Anutunöŋ enğön mewö aka malmegöra mörakza. Mewö.

Ölöwak Buŋanöŋ kantri tosatŋe anda kayök.

⁷ Kraistnöŋ iŋini möt anğön köla köyan köl enğimakzawi, mianğö dop iŋini mönö mewöyök köyan köl anğuba malme. Anutugö qetbuŋaŋan sehimapköra mönö mewö aka malme. ⁸ Nöŋön keu öŋji ki jimam: Anutunöŋ keuŋi keuŋi Juda könagesö neŋğö bömönrupnini yeŋğöra jiba jöhöyöhi, mianğön öŋjambuk akŋapköra mörök. Mianğöra Kraist melaiiga Anutugö Buŋa keu öŋjan köhöimapköra aka Juda neŋğö sutnine eta welen qem neŋgiba malök.

⁹ *Juda nini welen qem neŋgiba malökmö, kantri tosatŋi yeŋön mewöyök yaŋğö ak-kömukömuŋi möta mianğöra Anutu möpöseiba malje. Mianğö keuŋi mi Buŋa Kimbinöŋ kewö ohoget ahöza,

“Mianğöra nöŋön kantri tosatŋi yeŋğö sutŋine mala möpöseim gihiba qetbuŋagan sehimapköra liŋet kölakŋam.”

¹⁰ *Mianğö keuŋi kun mi kewö jiba ohoget ahöza,

“Anutunöŋ Juda nini möwölöhöm neŋğiiga könagesöŋi aka söŋgaimakzin. Kantri tosatŋi iŋini mönö nembuk toroqeba söŋgaiba köiraŋ ala malme.”

¹¹ *Mianğö keuŋi kun mi kewö,

“Kian kantrigö kambu pakpak iŋini mönö Kembu möpöseiba malme. Gölme dop maljei, iŋini mönö körek ‘Anutu saiwap!’ jiba liŋet köla malme.”

¹² *Kezapqetok azi Aisaia yaŋön mewöyök mianğö keuŋi kewö jii ahöza,

“Azi qetŋi Jesi yaŋğö andöjalöŋan mönö söŋŋi jula wahöta ambazip gölme dop galöm köl enğima.

Mewö ak enğiiga jörömqöröŋini yaŋğöreŋ ala bauköm enğimapköra mamböta malme.”

Keu walŋi mianğön mönö nalö kewöŋe öŋjambuk ahakza.

¹³ Uŋa Töröŋaŋğö ösumjan mönö nanğöm enğiiga jöröm-qöröŋinan köhöiba pöwöwöm akŋapköra mötzal. Mianğöra jörömqöröm Tonj Anutu yaŋön mönö luai qem enğiba sö söŋgai pakpak mianğön uruŋini kokolak qema. Mewö köuluköbiga ölop Anutu möt narim waŋgiba oyaenŋoyaen akingö mamböta malme. Mewö.

Keu köhöikŋi mi denöwögöra ohozal?

¹⁴ O urumelen alaurupni, nanak enğöra kewö möt köhöizal: Iŋini mönö töŋpin qahö maljemö, Anutunöŋ yuai pakpak öloŋŋi uruŋine ali kokolak qeiga mötmöt könaŋi könaŋi miwikŋaiba mianğön ölop goro qeba kusum anğubinaŋğö dop akze. ¹⁵ Mewö akzemö, töndup keu mi ölum enğubapaköra möta mienğö könaŋini mi kunbuk köl gulim enğizal. Anutunöŋ kalem möriam niŋğiiga mianğö qakŋe kinjalaŋğöra mönö awösamakak qakŋe keu köhöikŋi tosatŋi ohom enğizal.

* 15:9: 2 Sml 22.50; Sum 18.49 * 15:10: Dut 32.43 * 15:11: Sum 117.1 * 15:12: Ais 11.10

¹⁶ Mianğö kōnanj kewō: Anutunōj kian kantri enjōn uruñini melengetka Uña Tōrōñan mem sarahim enjgimapkōra mōrakza. Mutuk jōwōwōl ohogetka kōwakñan ōngōi Anutunōj sōngaizapma, mianğö dop nalō kewōñe Anutunōj ambazip gōlme dop buñañi aketka engeka sōngaimangōra awōweñgōmakza. Mianğōra Ōlōwak Buñañi kantri tosatñi yeñgō sutñine jim sehimamgō jiba nupñi qakne aliga mianğö dop urugō nup galōm aka Kraist Jisōsgō welenni gemakzal.

¹⁷ Mianğōra Kraist Jisōsbuk qekōtahōba kinda Anutugō nupñi membiga qetbuña niñgiiga sileni mēmba ōngōba awōsamkakak kinjal. ¹⁸ Kraistnōj kantri tosatñi yeñōn Anutugō jitñi tem kōlmegōra mōta sōlōlōhōba kuñgum niñgimakzawi, mianğōn mōnō nam kōl niñgiiga keuni jiba ahakmemeni ahakzal. Keu tosatñi lañ jim sehisehigō awōsamkakakñi mi qahō ahōm niñgiza.

¹⁹ Uña Tōrōñanğō ōsumñan mōnō nam kōl niñgiiga anğōletot aiwesōk kukōsumñinambuk asuhuget. Nōñōn Jerusalem siti mosōta kantrinji kantrinji lilikōba anda mala mala Yuropkō siti qetñi Ilirikum mianğōreñ anğoral. Mewō gōlme dop lilikōba Kraistkō Ōlōwak Buña mi jim asarim enjim tekōyal.

²⁰ Kunōj tandō kuñguiga kunñan kaba nanñi mirinji mianğö qakñe mēmba mōnō keuñambuk akña. Mianğö dop kunōj Kraistkō keuñan mōtnaripkō tandō lōk kuñgui kinōhi, nōñōn mōnō kaba yangō tandō qakñe tōndangōba kinda uruñini toroqēba mōhangōba mem kōhōim enjgimamgō tōkōba malal. Urugō nup mutukñi mēmba mianğōn akōdamuni miwikñaimamgō kapan kōla malal. Mianğōra ambazip denike yeñōn Kraistkō qetñi qahō mōta tōnpin malgeri, nōñōn Ōlōwak Buña yeñgōra jim asarimamgō awōweñgōba malal. ²¹ *Mianğö keunji Buña Kimbinōj kewō ohoget ahōza,

“Denike yeñōn keunji qahō jiget mōtkeri, yeñōn mōnō mala i ekñe. Denike yeñōn kōnanji mutuk qahō mōta tōnpin malgeri, yeñōn mōnō mala mi mōt asarime.”

²² *Nup mewōñan jōhōm niñgiyōhanğōra mōnō nalō dop enğōreñ kamamgō osiba malal. Mewō.

Polnōj Rom anmamgō areñi alōk.

²³ Mewō malalmō, lilikōba urukuñgukuñgu nup mutukñi mēmba gōlme pakpak mōt enjizini, mianğōreñ mi mem tekōba malal. Urugō nup mutukñi memamanğō gōlmeñi mi nalō kewōñe kunbuk qahō ahōza. Mewōyōk inñi engeknamgō sihimñi mōta malbiga yambu (yara) gwōtpuk lōk tekōyōk.

²⁴ Mianğōra kantri qetñi Spein anmami, mianğö kōnanje mōnō enğōreñ kamamgō areñi ala engeknamgō jōrōmqōrōm aka kewō mōtzal: Engeka embuk sōsōngai aka borom kun kōisirik tatpiga baukōm niñgigetka ōlōp kōna toroqēba Spein anmam.

²⁵ *Mewō mōtzalmō, nalō kewōñe Jerusalem sitigō kōnagesō sarakñi nanğōm enjibingōra mianğōreñ anmam. Mianğōreñ andagun enğōreñ kamam. ²⁶ Masedonia aka Akaia prowins yahōt mietkō urumeleñ kōnagesō kambuñi kambuñi yeñōn mōnō Jerusalem sitigō ambazip sarakñi baukōm enjibingō keu jōhōget. Anutugō ambazip sarakñi wanapñi maljei, mōnō yeñgōra keu jōhōba naluk gwōtpuk ketañi ala mindirigetka mi mēmbagun anda enjgimam.

* 15:21: Ais 52.15 * 15:22: Rom 1.13 * 15:25: 1 Kor 16.1-4

²⁷* Mewö akingö uru sösöngai möta keu jöhöba mindimindiri naluk ketanji mi alget. Mewö almegö tosa ahöm enğiiga algetka ölña dop kölja. Anutunöñ Juda könagesö kötuetakom neñgimangö keunji jii ahöiga kötumötuet mianjñn kian kantriñi kantriñi dop köla qakñine öñgöi malje. Mianğöra kian kantri yengörej tosa ahöiga likepñi melenđa kalemñinan Juda könagesöğö wanapñi bauköm enğigetka dop kölja. ²⁸ Nöññ kalem mi memba anda böröñine albi nupni mianjñn teköiga mianğö andöñe enğemosöta kusukñanök enğörej kaba enğekagun toroqeba Spein anmam. ²⁹ Enğörej kamami, nalö mianğörej mönö Kraistkö kötumötuetñi mi körek memba kaba enğimam. Mewö möt yaközal.

³⁰ O urumelenj alaurupni, nöññn Kembu Jisös Kraistpuk qekötahöba kinda kewö uru kungum enğizal: Uña Töröñan jöpaköba nangöm enğimakzawañğö dop mönö nöñğöra Anutu köuluköba malme. Aum-mörimakzali, mianğörej mönö uruka-lemñinan bauköm niñgiba malme.

³¹ Judia prowinsnöñ anda ambazip Kraistköra yañgisenj ahakzei, yengö böröñine gebilenj buköra mönö Anutugö köulukögetka sel jöhöm niñgibawak. Mewöyök naluk kalem ketanji memba Jerusalem anda ambazip sarakñi yengö böröñine albiga dop köli sihimñi mötmegöra mönö köuluköba malme.

³² Mewö köulukö-getka Anutunöñ sihimñi mötza ewö, nöññn mönö sösöngai qakñe enğörej kaba embuk köisirik tata körö-ölöwak qem niñgigetka malmam.

³³ Luai Tonji Anutu yaññn mönö körek embuk kinma. Keu mi ölña.

16

Yaizözkök keu teteköñi

¹ Alanini Fibi (Foibe) yaññn Senkria urumelenj könagesöğö nup meme ambia akza. Yaññn Rom enğörej kamawi, i köyan kölmegöra mönö qesim enğiba böröñine aljal. ² Yaññn ambazip gwötpuk aka ni mewöyök bauköm niñgiba malök. Mianğöra Anutugö ambazip sarakñan alaurupnini köl öröm enğimakzini, mianğö dop Fabinöñ kaiga i mönö Kembugö qetñe köuluköba köl öröm wañgime. Enğörej kaba yuai kungöra osibawak, mianğörej mönö bauköm wañgime.

³* Awanömyahöt Prisila aka Aqila Kraist Jisösbuk kinjahori, neñakyahötñi yetköra mönö nöñğörej yaizözkökni jigetka mötmahot. ⁴ Yetköñ mönö nöñğöra aka malmalñiri kölenđa kömumbitkö ahot. Nöññnök qahö möpösem etkizalmö, kantri tosatñe urumelenj könagesö kambunji kambunji yeyññn mönö mewöyök yetköra saiwap jimakze.

⁵ Urumelenj könagesö mirinire tokomakzei, yengöra mewöyök mönö nöñğö yaizözkökni jigetka mötme. Eisia prowinsnöñ nup membiba ölñi mutukñan asuhuiga Epainetus yaññn urunji melenđa Kraistkö buña ahöhi, wölböt alani yañğöra mönö nöñğörej yaizözkökni jigetka mötma. ⁶ Marianöñ enğöra aka nup ketanji memba malöhi, yañğöra mönö nöñğörej yaizözkökni jigetka mötma. ⁷ Andronikus aka Junias tinitosolomyahötñi yetköñ mutuk Kraistkörej qekötahöyohotka nöññn yetkö andöñire urunji melenjbiga mianğö andöñe nömbuk kösö mire malin. Aposol yeyññn yetköra mötketka sutñine öñgöñgöñi akzahot. Yetköra mönö nöñğörej yaizözkökni jigetka mötmahot.

⁸ Wölböt alani Ampliatus Kembubuk kinjawi, yañğöra mönö nöñğörej yaizözkökni jigetka mötma. ⁹ Neñakniñi Urbanus Kraistpuk kinjawi aka

wölböt alani Stakis yetköra mönö nongörej yaizözköknijigetka mötmahot. ¹⁰ Apeles Anutunöj esapesap wanjiiga dop köli Kraistpuk qekötahöba kinjawi, yangöra mönö nongö yaizözköknijigetka mötma. Aristobulusbuk miri mohot maljei, yengöra mönö nongörej yaizözköknijigetka mötme. ¹¹ Tinitosolomni Herodion yangöra mönö nongörej yaizözköknijigetka mötma. Narsisusbuk Kembu qekötahöba miri mohot maljei, yengöra mönö nongörej yaizözköknijigetka mötme.

¹² Trifina aka Trifosa ambi yahöt mietkôn nup ketanji memba Kembubuk kinjahori, yetköra mönö nongörej yaizözköknijigetka mötmahot. Wölböt ambi alani Persis yanön Kembugöra nup keta bölökñijemba maljawi, yangöra mönö nongörej yaizözköknijigetka mötma. ¹³ *Rufus yanön Kembugö nupñi ölop kötökñijemmakzawi aka yangö namñi nalö dop ni tok nahönñi ewö köyan köl ningiba malöhi, yetköra mönö nongörej yaizözköknijigetka mötmahot.

¹⁴ Asinkritus, Flegon, Hermes, Patrobas, Hermas aka urumelenj alaurup tosatñijembuk maljei, yengöra mönö nongö yaizözköknijigetka mötme. ¹⁵ Filologus, Julia, Nereus nenñambuk aka Olimp as aka ambazip sarakñijetosatñijepakpak yembuk maljei, yengöra mönö nongörej yaizözköknijigetka mötme.

¹⁶ Urumelenj alaurup sutñijine mönö anjum anjuba nemböñijini suhuba jölöñijini jiba malme. Kraistkö urumelenj könagesö pakpak yanön mönö yaizözköknijinalgetka engörej kaza. Mewö.

Qambanj keu teteköñij

¹⁷ O urumelenj alaurupni, nönön urunijini kewö kunguba jizal: Ambazip tosatñjan uru mendermenderj asuhumapkö nam kölakzei, yengöra mönö je galöm mem anjuba malme. Urumohotkö silik ölöpnijikusun engijetka mötzemö, keu mi qetala kösawöraj keu tosatñijimianön urunijini kunjugetka bölöj qaköba erakze. Ambazip mewöñijimi mönö engömosöta tikep malme. ¹⁸ Ambazip mewöñjan mönö nanini Kembunini Kraistkö nupñijiqahö memakzemö, nanñijini sihimñinanjögö dop asuhumapköra tuaköpek jiba nanñijini welen qem anjumakze. Kelök keu ölöpnijiolöpnijinahömñambuk jiba ambazip genmonñijini qahö yengö urunijini kunguba tilipköm engimakze.

¹⁹ Inijini Ölöwak Buñja tem köla wuatañögömakzei, keu mi körek nenjö kezapnine geiga mötzin. Mianjöra nönön engöra aka önönijiqahö söngaimakzal. Mewö akzalmö, inijini kewö aka malmegöra mötjal: Mönö bölöñijikingö mötkutukutunijini mosötetka etma. Ölöpnijikingö mötkutukutunijini mi mönö pöndañjokol guliba mem qarime. ²⁰ Luai Tonji Anutu yanön mönö Satan ösumok töjöhöhi engö bapñijine eri köiranj köla söngaiba malme.

Kembunini Jisösgö kalem möriamñjan mönö embuk ahöma.

²¹ *Nongö nenakni Timoti yanön mönö yaizözköknijialienjörej kaza. Nongö tinitosolomurupni Lusius, Jeison aka Sosipater yanön mewöyök yaizözköknijinalgetka engörej kaza.

²² Tertius nönön Polgö keunji möta kimbi ki ohozali, nönön mewöyök Kembubuk kindaj yaizözköknialbiga engörej kaza.

²³ *Gaiusnönjimirinijijim teköimalbija urumelenj könagesö pakpak yanön mewöyök ki kaba tokogetka nene köisirik al nenjimakzawi, yanön mönö

* 16:13: Mak 15.21 * 16:21: Apo 16.1 * 16:23: Apo 19.29; 1 Kor 1.14; 2 Tim 4.20

yaizözköknji aliga enğörej kaza. Erastus yañon siti pomnañgö ofis uruñe takis moneñ galöm kölakzawi aka urumelen alanini Qartus yetkön mönö yaizözköknjiri alohotka enğörej kaza. ²⁴ Kembunini Jisös Kraistkö kalem möriamñan mönö embuk ahöma. Keu mi ölnja.

Kembu möpöseiba kewö köulukömakzal:

²⁵ Ölöwak Buña keu ölnji mi möpnañgö möpñeyök mala kotketka mianğoreñ tölapñe ahöyök. Mewö ahöiga Jisösnöñ eta indela jim asariiga möta jim sehimakzal. Buña keu mianğö dop Anutunöñ mönö köhöiba mötnaripñini mem köhöiiga ölop zeñ kin köhöime. Mianğöra neñon mönö Anutugö qetbuñaji möpöseininga sehimakñja.

²⁶ Mutuk Buña keu ölnjan asa-asambötñe ahöba korökmö, nalö kewöñe kezapqetok ambazip kulem ohoget ahözawañgö dop mönö aukñe asuhuyök. Anutunöñ nalö dop mala kota teteköñji qahö mal öñgömawi, yañon ambazip kambuñi kambuñi neñon urunini melenja Buña keu möt nariba tem köla malbingöra mötza. Mianğöra nup kewö memingö jim kutum neñgiyök, “Injini mönö anda gölme dop liliköba Buña keu jim asariba malme.” Keu mianğö dop neñon Buña keu mi ambazip kambu pakpak mötmegöra jim asariba malin.

²⁷ Anutu nanñök mötkutukutu Tonji akzawi, neñon mönö Jisös Kraistkö qetñe yañgö qetbuñaji möpöseininga nalö teteköñji qahö aködamunñambuk ahöm öñgöba ahöma. Keu mi ölnja.

Korint Kimbi 1 Polnõj Korint yeŋgõra Kimbi mutukji alök. Jim-asa-asari

Polnõj misin nup memba lilikõiga indimji yahõt ahõi Grik siti Korint miangõreŋ anök. Korint mi Akaia prowinsgõ siti bohonji. Miangõ kösohotji mi (Apo 18.1-6) eka oyoŋme. Nalõ miangõreŋ Korint mi siti keta bölökji. Bisnisjnini kõnaŋi kõnaŋi gwõtputk ala meget. Korint yeŋõn tandõ lopioŋ aka bem kõnaŋi kõnaŋi waikjnini memba möpõseiba malget. Mõnahotjnini kõnaŋi kõnaŋi ala sõŋgaiget. Gwõtputkjan serowilin aka malget.

Kimbi ki kewõgõra ohoyök: Polnõj misin nup memba lilikõiga indimji karõbut ahõi Efesus sitinõj maliga tosatjan Korintnõhök kaba sutnjine lömbõt asuhuyõhi, miangõ buzupni jigetka mörök. Lömbõt tosatni kewõ: Urumelen kambu yeŋõn denja simbisembel malget (1.10–4.21), serowilin laŋ aket (5.1-13), awanõm malmalgõ kõnaŋan sohojök (Boŋ 7), tandõ lopioŋgõ bau nenegõ goranora aket (Boŋ 8), semõn törõni nenegõ eŋololoŋ aket (11.17-34), zioz malmalgõ areŋ qahõ wuatangõba ilingõsõŋ malget, kantri tosatjanjõ keunji keunji aonjit aka jiget (12-14). Tosatjan keu kewõ jiget: “Kömugeri, yeŋõn kunbuk qahõ wahõtme.” (15.12-33) Korint yeŋõn kimbi kun mewõyök ohogetka Polgõreŋ kayõhi, miangõreŋ qeqesi tosatni al wanjiget, (mi 7.1; 8.1; 12.1; 16.1 miangõreŋ oyoŋman).

Polnõj qeqesijnini mi melenja lömbõtjinangõ qamban keu eŋgiba kimbi ki ohoyök. Urukalemgõ keu (Boŋ 13 mi qetpuk sorokji. Kõnaŋep nanjak Korint anda eŋgekmanjõ keunji jiba ohoyök (16.5-7).

Buk kianjõ bahõni bohonji 8 mi kewõ:

Jim-asa-asari keu 1.1-9

Denja kambunji kambunji malget 1.10–4.21

Serowilin aka awanõm malmal 5.1–7.40

Urumelenjõ aka urumelenjõ kopa malmal 8.1–11.1

Urumelenjõ malmal aka möpõmöpõsei areŋ 11.2–14.40

Kraist aka körek neŋõn kömupnõhök wahõtpin 15.1-58

Judia urumelenjõ kambu yeŋgõra naluk alget 16.1-4

Polgõ areŋi aka yaizökzök keunji tetekõj 16.5-24

¹ Kraist Jisõsnõj Pol ni noholiga Anutugõ jitnjangõ dop melaimelai azi aposol akzal. Nõjõn urumelenjõ alani Sostenes yambuk tatzi.

² *Anutugõreŋ kõnagesõ Korint sitinõj maljei, nõjõn embuk Buŋa keu er-aum mötpingõra kazal. Kraist Jisõsnõj Injini eŋgoholiga yambuk qekõtahõgetka tøk kutum eŋgiiga sarakji akze. Mewõyök ambazip denike yeŋõn gölme dop Kembunini Jisõs Kraistkõ qetnji qeta köulukõgetka i aka nini mohok kembu ak neŋgimazawi, mõnõ körek eŋgõra Buŋa Kimbi ki ohozit.

³ Anutu Iwinini aka Kembu Jisõs Kraist yetkõn mõnõ kalem mõriam eŋgyihotka luainõj malme. Mewõ.

Polnõj Korint yeŋgõra Anutu kewõ möpõseiza:

⁴ Injini Kraist Jisõsbuk qekõtahõba kingetka Anutunõj kalem mõriamni eŋgyõhi, miangõra mõnõ nalõ dop eŋgõra Anutuni saiwap jiba möpõseimakzal. ⁵ Injini Kraistpuk qekõtahõba kingetka nup memgõ mötmõt

* 1:2: Apo 18.1

kalemñi kelenmaleleñ engiiga mötmöt kõnañi kõnañi buña qem anguba ölop
Buña keugö kõnañi pakpak jimakze.

⁶ Nini Kraistkö kõnañi nanğöba jiinga keu miangö ölñan ahuba köhöii kinjeangö dop mötmöt kalem pakpak mi engiyök. Miangöra Anutu möpöseimakzal. ⁷ Miangöra nup memegö mötmöt kalem kungöra qahö osiba kinda Kembunini Jisös Kraistnøj kunbuk asuhumapköra mambörakze.

⁸ Kembunini Jisös Kraistnøj mem köhöim engiiga nalö teteköñe aukñe asuhumawi, nalö miangöreñ injini solanñi aka keuñini qahö kinda i ekñe. ⁹ Anutunøj keuñi törörök wuatangöba bauköm engimakña. Yañon injini nanñi Nahönñi Jisös Kraist Kembuninambuk toroqeba malmegöra engoholök. Mewö.

Könagesöjnan denđa kambuñi kambuñi ala kinje.

¹⁰ O urumelen alaurupni, nõñon Kembunini Jisös Kraistkö qetñe kewö uru kungum engizal: Injini mönö körekñanök urumohot aka sutñine jujul kude aka malmemö, uruñini mindirigetka mohot aiga mötmöt mohot wuatangöba malme. ¹¹ O urumelen alaurupni, injini sutñine angururuk gwötpuk aka maljei, miangö buzup keuñi ambi Kloegö saiwaurup tosatñan mönö jigetka möral.

¹² *Kewögöra mi jizal: Engöreñök tosatñan kewö jimakze, “Neñon Polgö keuñi wuatangömakzin.” Tosatñan “Neñon Apolosgö keuñi wuatangömakzin,” jimakze. Toroqeba tosatñan kewö jimakze, “Neñon Pitögö keuñi wuatangömakzin.” Dumñe kunbuk tosatñan kewö jimakze, “Neñon mönö Kraistkö keuñi wuatangömakzin.” ¹³ Kraistnøj jula gwötpuk ahök me? Pol nõñon mönö engöra aka maripomnøj kömuyal me? Pol nõñgö qetne o melun mem engiget me? Mewö möt sohobepuk?

¹⁴ *Nõñon engöreñök Gaius aka Krispus o melun mem etkialmö, tosatñi mi qahö mem engialangöra “Anutu saiwap!” jizal. ¹⁵ Miangöra “Polgö qetñe o melun mem neñiget,” kunñan keu omanñi mewö jibapuk.

¹⁶ *Ö ölña, Stefanas aka yangö saiwaurupñi mi mewöyök o melun mem engialmö, yeñgö andõñine kun o melun mem wanñial me qahöpto, mi törörök qahö mötzal. ¹⁷ Kraistnøj ni ambazip o melun mem engimangöra aka qahö melaim niñgiyökmö, Ölöwak Buña jim sehimangöra jiiga anda kamakzal. Kraistnøj neñgöra aka maripomnøj kömuyöhi, nup miangö ösumñan eta omanñi akapuk. Miangöra Buña keu mi gölme azigö mötkutukutu qakñe lanğ qahö jimakzal. Mewö.

Kraistnøj Anutugö kukösümñi aka mötmöt areñi indelök.

¹⁸ Ambazip könöp siagö buñaya akñei, yeñon maripomñangö Buña keuñi möta miangöra mötket uruqahö keuya akza. Mewö akzapmö, Suepkö buñaya akzini, neñgöra keu miangön mönö Anutugö kukösümñi indeli mörakzin.

¹⁹ *Miangö keuñi Buña Kimbinøj kewö ohoget ahöza, “Nõñon mötmöt ambazip mötkutukutuñini köndenbiga sohoma. ‘Möt asarim yakömakzin,’ jimakzei, yeñgö mötmötñini mönö mem sohobiga söroraua omanñi akña.”

²⁰ *Mötkutukutu ambazip ölñi mi denike malje? Buk oyoñda mötmötkö kõnañi miwikñajeri, mi denike? Gölmönøj jtnakölikö böhi aka keu melenqeleñda jimakzei, mi mönö ölña qetpuk akze me? Gölmönøj mötkutukutu ketanñi

* **1:12:** Apo 18.24 * **1:14:** Apo 18.8; 19.29; Rom 16.23 * **1:16:** 1 Kor 16.15 * **1:19:** Ais 29.14

* **1:20:** Job 12.17; Ais 19.12; 33.18; 44.25

ahözawi, Anutunöŋ mönö mi mem kaheiiga (sahahaiiga) uruqahö mötmöra akza. Keu mi ölna.

²¹ Anutunöŋ nanŋi mötkutukutuŋaŋgö dop gölmenöŋ malmalgö arenŋi alökmö, ambazipnöŋ nanŋini mötkutukutuŋine nanŋöba mewö mianŋön Anutugö könaŋi möt kutubingö osiba tönpin malget. Osiba mala Kraistnöŋ maripomnöŋ kömuyöhi, miangöra “Uruqahö keuya!” jiba mötketmö, Anutunöŋ Buŋa keu mi neŋön jim sehibingöra jiyök. Mi jim asariinga denike yeŋön uruŋini melenŋa möt narizei, mi dom-amöt qem enggimangö möri dop kölök. ²² Juda yeŋön aiwesök aŋgöletot asuhumegöra kapan kölakzemö, Grik kantri yeŋön mötkutukutuŋinan sehimapköra jarumakze.

²³ Mi jarumakzemö, neŋön Kraist maripomnöŋ qeget kömuyöhaŋgö Buŋa keuŋi jim sehimakzin. Juda yeŋön keu mi mötketka uruŋini bölliŋa miangöreŋ qaköba uruŋini qahö melenŋakze. Kian kantri yeŋön miangöra mötketka uruqahö keuya akza.

²⁴ Gwötpukŋan mewö mötzmö, Anutunöŋ neŋgoholi urunini melenŋini, neŋgöra Kraistnöŋ mönö Anutugö mötkutukutuŋi indela Anutugö kukösumŋi neŋgimakza. Juda me kantri tosatŋi akzini, mi töndup Kraistpuk qekötahöba kinda mohot akzin.

²⁵ Ambazip neŋgö mötkutukutunini aka ösumnini mi eretŋi. Anutunöŋ uruqahö akawak, mianŋön mönö töndup ambazip mötkutukutunini oŋgita öŋgöŋgöŋi ketanŋi akawak. Anutunöŋ lölöwöröŋi akawak, mianŋön mönö töndup ambazip ösumnini oŋgita köhöikŋi kötökŋi akawak.

²⁶ Urumelenŋ alaurupni, nanŋini könaŋini denöwö ahöiga Anutunöŋ enggohölöhi, mi mötmöriget? Inŋi gwötpukŋan gölmegö mötkutukutu ketanŋi qahö memba malget. Gwötpukŋan kukösum qakŋe sukinapŋinambuk qahö malget. Iwiurupŋini gwötpukŋan qetbuŋaŋinambuk qahö malget. ²⁷ Mewö qahöpmö, gölme ambazipnöŋ engöra mötketka uruqahö ambazip omanŋi akzei, Anutunöŋ mönö inŋini mewöŋi möwölöhöm engiyök. Gölmegö mötmöt ambazip ipŋi mi gamu qem engiyök. Gölme ambazipnöŋ engöra mötketka lölöwöröŋi akzei, Anutunöŋ mönö inŋini mewöŋi möwölöhöm engiyök. Gölmegö kukösum ambazip ipŋi mi gamu qem engiyök.

²⁸ Gölme ambazipnöŋ jijiwilit ak engiba könaŋinaŋgöra mötketka etqeŋeŋi akzei, Anutunöŋ mönö inŋini mewöŋi möwölöhöm engiyök. Gölmenöŋ yuai akzei, yeŋgö qetbuŋaŋini mem solaniŋi qahöwakŋapköra yuai kun qahö akzei, mönö mi möwölöhöm engiyök.

²⁹ Kunöŋ Anutugö jemesoholŋe silenŋi memba öŋgöbapuköra mönö mewö meköba möwölöhöm engiyök. ³⁰ Anutunöŋ nam köl engiba enguanŋiriga Kraist Jisösbuk qekötahöba mal köhöimakze. Yaŋön Anutugö mötkutukutuŋi qainŋi kun indeli mörakzin. Kraistnöŋ sohohnini memba keunini jim teköi solaniba maljin aka tök kutum neŋgiiga sarakŋi akzin. ³¹ *Buŋa Kimbinöŋ keu kewö ohoget ahöza, “Kunŋan silenŋi memba öŋgömawi, yaŋön mönö Kembu möt waŋgizawaŋgöra aka silenŋi mem öŋgöma.” Keu miangö dop ahinga dop kölma. Mewö.

2

Kraist maripomnöŋ kömuyöhaŋgö keuŋi jial.

¹ Urumelenŋ alaurupni, nöŋön engöreŋ kaba Anutugö könaŋi nanŋöba jim asarim engjali, mi keuni nahöm sorokŋambuk akŋapköra qahö jiba malal me

* 1:31: Jer 9.24

gölmegö mötkutukutu öngöngöñi kondela میانön sileni qahö memba öngöba malal. ²Nöñön engö sutñine mötmöt murutñi pakpak görañe ala Jisös Kraistkö keunji aka maripomnöñ kömuyöhanğö könañi miyök möt kutuba mi jim sehiamangö keu jöhöyal.

³*Keu mewö jöhöba engöreñ kayali, nalö میانğöreñ azi lölöwöröñi aka jönömmi gwötpuk undui kenğöt qakñe malal. ⁴Nöñön Buña keu jim asarim engiali, mi mötkutukutu ketanağö kelök keunji qahö jiba malal. Mi qahöpmö, Uña Töröñan sölölohöm engii ösum-mumuñan uruñine inahömapköra kapan köla jiba malal. ⁵Gölme ambazipkö mötkutukutuñinan qahöpmö, Anutugö kukösumñan nam köl engiiga möt narimeğöra kapan köla malal. Mewö.

Uña Töröñanğö mötkutukutu mi qainñi kun.

⁶Nöñön töndup urumelen alaurup aködamunñinambuk maljei, yeğö sutñine tatpiga Anutugö mötkutukutuñi gegenji mi ölop eraum mörakzin. Gölmegö mötkutukutuñi mi qahö eraum mörakzin. Gölmeñi gölmeñi galöm köl engiba malgetka kukösumñinan qahöwakñawi, yeğö mötkutukutuñini mi mewöyök qahö eraum mörakzin.

⁷Mi qahöpmö, Anutugö mötkutukutu tölapñi mönö mi eraum mörakzin. Anutunöñ Suep gölme qahö miwikñaim etkiiga میانğöreñ mönöwök qeljine lök arenji kewö ala jöhöyök, “Ambazipnöñ bian ahuba aködamun miwikñaiaba oyaenköyaen akñegöra mönö mötkutukutuni qainñi kun mi engimam.” Mewö jiba tölapñe ali ahöyök. ⁸Gölmegö azi kembuñi kembuñi mala kotkeri, yeğöreñök kunñan mönö mötkutukutu mi qahö möt kutuyök. Mi möt kutubeak ewö, Kembunini asakmararañambuk i mönö maripomnöñ qahö qegetka kömumbawak. ⁹*Mötkutukutu qainñi kun میانğöra keu kewö ohoget ahöza,

“Kunñan yuai mi je kezapñan qahö eka mörök. Miangö mötmötñan kungö uruñe qahö asuhui mörökmö, ambazip Anutu uruñinan jöpaköm wangimakzei, yeğöra mi mönö mözözömgöiga jöjöröba ahöza.”

¹⁰Gölme ambazip yuai mi qahö möta jipjap malgetmö, Anutunöñ mi mönö Uñañi melaiiga neğöra indeli mörin. Yanñon keu pakpakö könañi jaruba miwikñaimakza. Anutugö mötmöt gegenji mewöyök möt teközawañon mönö mi sölölohöm neñgiiga mörin.

¹¹Kungö uruñi kunöñ qahö mötza. Uruñağö uñañi yanñonök mönö mi möt yaköza. Mewöñanök Anutugö uruñi mi kunñan qahö mötzapmö, Anutu nanñi Uñañi Töröñi yanñonök mi möt yaköza. ¹²Neñön gölmegö ahakmeme bölöñağö ömeñi kun qahö buña qem anğuinmö, Anutunöñ yuai kalem neñgiyöhi, میانğö könañi mötpingöra mönö nanñi Uñañi melaii urunine geiga maljin.

¹³Miangö könañi gegenji tokoba eraum mörakzin. Gölme ambazipnöñ mötkutukutuñinağö qakñe keu kusum neñgigetka میانğö dop mi qahö eraum mörakzin. Mewö qahöpmö, Uña Töröñan keu kusum neñgiyöhi, میانğö dop mönö urugö keu ölnji kewöringa sölölohöm neñgi jim asarimakzin.

¹⁴Uña Töröñan sölölohöm neñgiiga keu mi mewö kewöztzin ewö, könañi mönö miwikñaiaba möt asaribinağö dop akza. Miangöra Uña Töröñan denike yeğö uruñine qahö mali öne lañ maljei, yeñon Anutu Uñañağö buñañi mi möt anğon kölbिंगö osimakze. Yeñon Buña میانğöra mötketka uruqahö keu tandök aiga könañi möt asaribingö osize.

* 2:3: Apo 18.9 * 2:9: Ais 64.4

¹⁵ Yenön osizemö, Uña Töröñan sölölohöm neñgiza ewö, mönö keu pakpakö könañi kewöta jim teköbinangö dop akzin. Mewö akzinmö, urumelen ambazip kungö könañamñi mi gölme ambazip köreñan törörök jim teköbingö osimakze. ¹⁶*Miangö könañi mi Buña Kimbinöñ kewö ohoget ahöza, “Kembugö urumötmötñi mi azi kunñan kun qahö mörök. Miangöra kunñan i goro qamban wañgimawanğö dop qahö.” Kunñan mi qahö mörökmö, neñön Kraistkö urumötmötñi memba maljin. Mewö.

3

Anutugö nup meme ambazip

¹ O urumelen alaurupni, inini namande ewö Kraistpuk qekötahöba kinget. Miangöra nöñön inini gölmeğö ahakmeme mötöteimakzeangö tandök malgetka Buña keu mi jim asarim enggiba sutñine malal. Uña Töröñan sölölohöm enggi maljeangö tandök ewö engöra jimangö osiba malal. ²*Nöñön keu möt asarimeangö dop juzu onji ewö gumohom enggiba malal. Nene öñji nembangö dop qahö akerangöra keu gegenji mi qahö engial. Nalö miangöreñ nene öñji nembangö osiget aka nalö kewöñe mewöyök mi ölöp qahö nemakze.

³ Inini toroqeba gölmeğö ahakmeme bölöñi mötöteiba malje. Inini urunöñ mututqutut möta angururuk aka keu jjiñöñ nonğitnöñ gonğitpi ahakze. Mewö aketka uru sileğö sihim kömbönañini bölöñan galöm köl enggiiga urumelenğö kopa ambazip omani yeñğö tandök ahakze. ⁴*Tosatñi inini kewö jimakze, “Nini Polgö keuñi wuatañğömakzin.” Tosatñan kewö jimakze, “Nini Apolosğö keuñi wuatañğömakzin.” Mewö mewö jiba mönö gölme ambazip omanan ahakzeangö tandök aka malje.

⁵ Apolosnöñ niñia akza aka Pol nöñön niñia akzal? Niri mönö Anutugö nuwa memba maljit. Kembunöñ nannik nannik netköra nup netkiyöhi, miangö dop bauköm enggiziga uruñini melenja Kembu möt nariba malje.

⁶*Nöñön kötni kömötpiga Apolosnöñ o memba kaba miangöreñ mokoyökmö, Anutunöñ mönö meiga töhötmöriam asuhuyök. ⁷ Miangöra kömörohü, yañön qetñambuk qahö akza. O mokoyöhi, yañön mewöyök qetñambuk qahö akzapmö, Anutunöñ kötuetsköiga töhötmöriamñi kota qarimakzei, yañönök mönö qetbuñañambuk akza. ⁸ Mewö akzapmö, kömörakzali aka o mokomakzawi, netkön mönö dop mohot akzit. Mohot akzitmö, mi töndup töwaniri mi mönö nupniri memakzirangö dop nannök nannök membit.

⁹ Netkön Anutugö nup neñakyahötñi aka yambuk nup memakzit. Engö uruñini mi Anutugö arö ewö aiga kölkömöt nupñi miangöreñ memakza. Anutunöñ miri ewö uruñini inahöba mindirim enggiiga köhöiba wahörakze. ¹⁰ Anutunöñ kalem möriam niñgiyöhi, nöñön miangö dop miri memegö mötmöt azi ewö aka Anutugö tandö kömbönañi uruñine kuñguba kömötpiga kunöñ miangö qakñe miri memakza. Ölöp memakzapmö, mohot mohot neñön mirigö nupñi ölöpñanök membinangö dop akzin. Ek kutuba memb-ingöra mönö je galöm mem angubin. ¹¹ Urugö tandöñi mi Jisös Kraist. Nöñön mi lök uruñine kömötpiga kunñan mötnaripkö tandö kun miwikñaimangö osima.

* **2:16:** Ais 40.13 * **3:2:** Hib 5.12-13 * **3:4:** 1 Kor 1.12 * **3:6:** Apo 18.4-11.24-28

¹² Tandö mohot akzappmö, miangö qakne tosatnan mirinjini goul silwönöñ me köt ölnjanambuk tosatni miangön memakze. Tosatnan mirinjini ip kösönöñ, tömbö bohöm sinjan me senngwenöñ memakze. Siliknini mewö me mewö memakzin ewö, ¹³ urugö nupninangö ölnjan mönö inanñök inanñök aukne asuhuma. Kembunöñ nalöñan kam kunjuiga miangören mönö mirigö esunji lulunma. Miri esuninan mönö Anutugö könöp bölamñan asuhuiga jeba eriga ölnjan aukne ekingö dop akña. Könöp miangön mönö mohot mohot neñgö mirininangö tandökñi ölnji mi esapesapnöñ ala kewötma.

¹⁴ Könöpñöñ jeba miri pakpak kewöt enjiiga megetka ölnjan köhöiba kinme ewö, yeñön mönö nupninangö töwanji buña qem angume. ¹⁵ Tosatnan mirinjini megetka ölnjan jeba etme ewö, yeñön mönö töwa qahöpmö, genmororöñ miwikñajime. Mi miwikñaimemö, nanñinak töndup Suepkö buñaya malme. Könöp bölamñöñ jem engehöiga miangö tandök ongitpingö jaram tiba kök alal ewö aketka Anutunöñ meköm enjiiga Suepnöñ öngöme.

¹⁶ *Nanñinak Anutugö Buña jike (tempöl) aketka Anutugö Unjan urujine maljawi, mi mötze me qahö? ¹⁷ Anutugö Buña jikenji mi kömbukñi akzawi, miangö dop enñön sarakñi akze. Miangöra kunjan Anutugö jike mem böliza ewö, Anutunöñ mönö i nanji mem bölim wangima.

¹⁸ Kunjan nanji gölmegö mötmötñi wuatangöba tilipköm angubapuk. Engö sutjine kunjan nanjangöra möri “Gölmegö mötkutukutu öngöñgöñji memba maljal,” jiza ewö, yanñön mönö mutuk uruqahö aka mewö miangön mötkutukutu ölnji miwikñajibawak.

¹⁹ *Anutunöñ gölmegö mötkutukutu öngöñgöñji miangöra möri uruqahö keuya akza. Miangö keunji Buña Kimbinöñ kewö ohoget ahöza, “Anutunöñ mötkutukutu öngöñgöñji memba maljei, mi gwaröhöm enjiiga nanñini mötmöt imbi-imbinöñ supapköba qaköme.” ²⁰ *Miangö keunji kun kewö ahöza, “Kembunöñ mötkutukutu ambazip yeñgö mötmöt arenjanangöra möri omanji akza.” ²¹ Miangöra engörenök kunjan mönö ambazip neñgöra aka silenji memba wahötpapuk. Körek neñön mönö engö buñaya akzin.

²² Pol, Apolos, Pitö* neñön mönö engö buñaya akzin. Ambazip gölme dop maljini, neñön mönö körek engö buñaya akzin. Miangöra ölop keu mi me mi kewöta memba mewö miangön malmalñini malme aka kömupñini kömume. Nalö kewöñe maljini, körek neñön mönö engö buñaya akzin aka könangep nup meme ambazip malmei, yeñön mönö mewöyök engö buñaya akne. ²³ Mewö ak engizimö, enñön Kraistkö buñaya aketka Kraistnöñ Anutugö buñaji akza. Mewö.

4

Nini Kraistkö aposolurupñi akzin.

¹ Miangöra ambazip körekñan mönö neñgöra kewö mötketka dop kölma: Kraistnöñ jim kutum neñgiiga nupñi memakzin. Anutunöñ keunji tölapñi neñgiiga buñanini aiga galöm kölakzin. Neñön miri galömñangö tandök ewö akzin. ² Galöm yeñgö toñinan miri yuainji galöm kölmegöra böröñine aljawi, yanñön mönö keu bohonñi kewö kapan köla jim kutum engimakza, “Nupñini mönö misila pöñdan memba malme. Memburik-qemburik kude akne. Mewö miwikñaim engigiba dop kölma.” ³ Korint enñön me gölmegö keu jake kungö galömñan ni kewöta jim teköm niñgibeak ewö, nöñön mönö keu miangöra

* 3:16: 1 Kor 6:19; 2 Kor 6:16

* 3:19: Job 5:13

* 3:20: Sum 94.11

* 3:22: Pitö qetñi alanji

mötpi eretnji kötökñi akza. Nanak mewöyök nani keuni qahö jim teközal. ⁴Uruni kewöta keu kun qahö mötpiga mem lömbörim niñgizapmö, miangöra töndup solanñi qahö akzal. Ambazipnönj qahöpmö, Kembunönj mönö nönjö keuni kewöta jim teköm niñgimakza.

⁵Miangöra injini mönö nalö kewöñe kungö keunji kun mi kude jim teköme. Kembunönj nalönji ali kam kunjgumapköra mönö mambötme. Mamböta malgetka miangörej kaba keu yuai ömukñe asambötket ahözawi, mi mönö asakñan indeliga aukñe asuhuma. Yanjön kaba ambazip urunini mem asariiga könañamnini öljän aukñe ekñamgö dop akña. Könañamnini öljä eka mohot mohot kewöt nenjiiga Anutunönj mönö miangö dop nalö miangörej möpöseim nenjibawak.

⁶O urumelenj alaurupni, injini jula jakbak-öranböranj aka lañ likeplikep arönja kinda qetal anjumakze. Mewö malbepuköra mönö Apolos niri mötmörim netkiba nanñini imbi-imbi mosöta keu kiangö könañi mötme, “Buña keu ohoget ahözawi, mi mönö kude ongitme.” Keu mi mötket urunine ahöi tem kölgetka ölwakñegöra mönö kösohotniri mewö ohozal. Mi nani aka Apolos netkö könañamniri kewöta mötmöriba möt asarimegöra ohozal. Jujulñinan mewö teköma.

⁷Gölmegö kunñan mönö qahö mem letot gihiiga tosatanji enjogñita qainñi kun akanak me qahö? Mi qahö. Yuai pakpak ahöm gihizawi, mi mönö Anutunönj kalem gihiiga buña qem anjunönj me qahö? Mi kalema buña qem anjunönj ewö, mönö wuanöñgöra kalem qahöpkö tandök ewö silegi memba öñgömakzan? Mi qahö dop kölja.

⁸Yuai pakpak memba malbingö sihimñi mötzei, mi mönö lök ahöm enjim teköza. Anutunönj Sup köweñeyök kalemñi kalemñi mokom enjiiga lök simbawonj akze. Neñön qahö bauköm enjiinga nanñinak töndup mötnaripkö azi kembu tandök akze. Nanñinañgöra mewö mötmörim anjguz. O enjön öljä kinj aketka dop kölbawak. Mewö aketka neñön mönö mewöyök azi kembu-urupñini aka enjö qöhörönjine ölop silenini memba öñgöba aiweliköm anjubinak. Nöñön mewö akingö sihimñi mötzal.

⁹Nöñön mewö mötzalmö, nanini könañamnini eki tandök kewö akza: Anutunönj aposol nini al nenjiiga ambazip jeñine etqegeñi töhön aka maljin. Ambazip enjuget kömumegö jim tekögerañgö tandök aukñe anda kainga lañ qeta gamu qem nenjimakze. Yuai ehekñi qainñi kun ahinga gölme dop miengö tonji aka Sup jakenji jakenji miengö pom garatanji mienjön mönö jeñinan nenjek kutuba nengehimakze.

¹⁰Kraistköra aka uruni sohoi maljali, nönjöra mewö jimakzemö, enjön Kraistpuk kinda mötmöt ambazip aködamunñinambuk akzeañgö tandök akze. Nöñön lölöwörönji akzalmö, enjön “Ambazip köhöikñi akzin,” jize. Ambazipnönj injini göda qem enjimakzemö, nönjöra mötket eriga jijiwilit ak niñgimakze. ¹¹Nalö dölkewöñe mewöyök nenegö kömumba ogöra ak nenjiiga opo walñi jujuratñi löngöta malinga binnönj lañ nenjugetka dum mirinini qahö mala toroqeba anda kamakzin.

¹²*Nanini böröninan sileqege tandök nup memakzin. Ambazipnönj lañ qesuahöm nenjimakzemö, neñön mönö kötuatköm enjiba yengöra köulukömakzin. Sesewerowero ak nenjimakzemö, neñön mönö mi möta mökösonda kapan köla maljin. ¹³Uruqege keu töhörej jim nenjimakzemö, neñön mönö gunböñönjönj qakñe ösöñnönj melenmakzin. Neñön gölmegö nesak lömñañgö tandök ewö

* 4:12: Apo 18.3

ahinga gölmeŋi gölmeŋi yeŋön sisitnini memba andö qem neŋgimakze. Mewö mala kota nalö dölkewöŋe mewö toroqeŋba maljin.

14 Gamu qem eŋgimamgöra keu ki qahö ohozalmö, wölböt nahön böratuŋrupni ewö mönö goro qambaŋ eŋgimamgö mötzal. 15 Mötnaripkö böhi 10.000 yeŋön Kraistpuk qekötahöba köyan köla kusum eŋgibeak ewö, mi töndup nöŋön mönö Kraist Jisösbuk qekötahöba Ölöwak Buŋa jim asariba iwiŋini akiga uruŋini melenget. Miangöra iwiurupŋini gwötpuk qahö malje.

16 *Miangöra uruŋini kewö kuŋum eŋgizal: Nöŋön silik ahakzali, miangö dop eŋön mönö nöŋgö silikni mi wuatangöba malme. 17 Nöŋön silikni Kraist Jisösbuk qekötahöba aka memba gölmeŋi gölmeŋi liliköba urumelen könagesö dop kusum eŋgimakzali, miangöra mönö ölum eŋgubapuk. Nöŋön miangöra aka wölböt nahöni Timoti melaibiga eŋgöreŋ kama. Yaŋön nömbuk pöndaŋ mala Kembubuk qekötahöba kinda kaba könaŋamni jiba köl gulim eŋgima.

18 Eŋgöreŋök tosatŋan nöŋön eŋgöreŋ qahö kabilenak ewö möta silenini möpöseiba jakbak-öraŋböraŋ aka laŋ malje. 19 Mewö maljemö, Kembunöŋ sihimŋan ni kamamgö mötma ewö, mönö ösumök eŋgöreŋ kamam. Kamami, nalö miangöreŋ jakbak-öraŋböraŋ ambazip yeŋgö kukösumŋinangöra qesim eŋgibiga jim miwikŋaigetka mötmam. Silenini memba wahöta keu ketanji ketanji laŋ jimakzei, mianön nöŋgöreŋ eretŋi akza. 20 Anutugö bemtohoŋ mi keuyök jijiŋgö yuaia qahöpmö, ölni mi Anutugö kukösum. Mianön mönö nam köl neŋgiza.

21 Miangöra uruŋini qahö melenŋa laŋ malme ewö, nöŋön mönö kömbin memba kaba keunöŋ eŋgohotirimam. Uruŋini melenme ewö, mönö uruböŋjöŋ qakŋe urukalem ak eŋgimamgöra kamam? Keu yahöt mi kewöta nöŋgöra sihimŋini denöwö mötzei, mi möt kewöta jime. Mewö.

5

Kunöŋ serowilin ahöhi, i mönö sutŋineyök közölme.

1 *Keu kun kewö jigetka nöŋgö kezapne geyök: Tosatŋan urumelen könagesö sutŋine serowilin ahakze. Kunŋan iwiŋaŋgö anömnji memba malja. Serowilin mewöŋi mi urumelenŋö kopa ambazip yeŋgö sutŋine mewöyök kun qahö ahöza. 2 Kunŋan mewö aiga iŋini töndup silenini memba öŋgöba laŋ jakbak-öraŋböraŋ ahakze. Mi qahö dop köljapmö, silikŋaŋgö wösöbiriknöŋ mönö mem kömum eŋgiga dop kölbawak. Mewö aka ölöp azi siŋgisöndok mewö ahöhi, i mönö sutŋineyök közölgetka yaigep etma. I denöwö aka qahö közöljeŋe?

3 Nöŋön ölna eŋgöreŋök körowen malbi sileni qahö nehakzemö, töndup uŋanan mönö embuk maljal. Kunŋan ahakmeme kanŋamŋambuk ahöhi, nöŋön lök yaŋgö keuŋi kewöta sutŋine maljalaŋgö tandök möta jim teköba kewö jizal: 4 Iŋini mönö Kembunini Jisösgö qetŋe totoko algetka nöŋgö uŋanan embuk toroqeiga Kembunini Jisösgö kukösumŋan nam köl eŋgiga öröröŋ kinda keuŋi jiba mönö kewö jöhöme: 5 Satanöŋ silenangö sihim kömbönaŋi bölöŋi qei etmapköra mönö andö qem waŋgiba yaŋgö böroŋe algetka mindiŋgöm waŋgima. Mindingöm waŋgiiga löwöriba uruŋi melenji Anutunöŋ amöt qem waŋgiba Kembugö nalöŋe uŋaŋi meköiga Suepkö buŋaya akawak.

* 4:16: 1 Kor 11.1; Fil 3.17 * 5:1: Dut 22.30

6 *Silenjini memba öngömakzei, mi ölöpnj qahö. Injini keu yahöt ki möt yaköze, “Yist kitipnjin moröni obuk mindiriba plauanöj alinga mem qariiga dis kokolak qemakza. Mewöyök bau wösö kömbuknjan tinjirakzawi, mianjön mönö busu pakpak mem bölimakza.”

7 *Keu mianjögö dop injini lök plaua dis saraknji ewö aketmö, sinjisöndokö yistnji kun mi ket ewö sutnjine kanjuta engöhömakza. Körek bölibepuköra mönö yistnjini walnji mi kewöt uteköme. Azi mi wösö kömbuk ewö közöla mönö dumnje kunbuk yambu jenjiqueqe dölöknanjögö plaua dis saraknji ewö aka malme. Ak-kömukömu kendon nalöje lama jöwöwöl ohoba beret yistnji qahö nemakzei, mianjögö dop Kraistnöj nanine ak-kömukömu lamanini aiga lök qeget kömuyök. Mianjögöra injini ölöp plaua dis saraknji yistnji qahö ewö aknje aka kunbuk oyaenköyaen uruje kanjuta malme.

8 *Kraist kömuyöhanjögöra mönö sösongai kendon aka malbin. Yist me wösö kömbuknji mi ahakme bölöni injonmanjonjambuk. Mianjögö qaknje mönö sösongai kendon kude akin. Mianjögöra mönö gejnöj mosöta keu ölnji wuatanjögöba beret yistnji qahö ewö aka mianjögö qaknje sösongai kendon aka malbin.

9 Nönjön Buja Kimbi ohom engiba kewö jial: Injini serowilin ahakzei, yembuk mönö kude köisirik tata eraum mötme. ¹⁰Gölmenöj urujini qahö melenja ahakme bölöni ahakzei, yengöra keu mi qahö ohoyal. Yenjön serowilin aka yuaigö nepaqepalok membagan membingö köpösöngömakze. Yuai kalöpköba yonjorö memakze aka tandö lopionj waiknjini memba möpöseim engimakze. Yengöra aka mewö ohom engibilejak ewö, injini mönö gölmenöj malbingö osibeak.

11 Yengöra aka qahöpmö, könanji kewögöra keu mi ohom enjial: Kunjan nanjni qetjni urumelenj ala jiba töndup serowilin akza me yuaigö nepaqepalok membagan memangö kösösöngömakza me tandö lopionj waiknji memba möpöseimakzawi, yambuk mönö kude köisirik tata eraum mötme. Mötnarip kambu enjögö sutnjine kunjan mepaqepaik ahakza me o köhöiknji namba enjolölnj ahakza me yuai kalöpköba yonjorö memakza ewö, yambuk tata nene kun kude neme.

12 Yaigep maljei, nönjön yengö keunjini qahö jim tekömakzal. Mi nönjögörej nuwa qahö. Injini mewöyök könagesö pakpakö keunjini qahöpmö, urujini melenja sel uruje maljei, mönö yengö keunjini miyök kewöta jim tekömakze.

13 *Yaigep lanj maljei, Anutunöj mönö yengö keunjini kewöta jim teköma. Mianjögöra mönö Buja keu kianjögö dop aknje, “Azi bölöni mi mönö sutnjineyök közölme.” Mewö.

6

Urumelenj alanjini mi yaigep yengö keu jakenje kude alme.

1 Urumelenj ambazip sutnjine kunjan alanj keu jakenje almangö mötza ewö, yanjön Anutugö ambazip saraknji enjonjita ambazip gonjonji yengö jenjine aniga qahö dop kölja. Qahö! Urumelenjögö kopa ambazip bauköm wanjimegöra qesim enjiiga gamunjambuk akza. ²Anutugö ambazip saraknji nenjön kantrinji kantrinji yengö keunjini kewöta jim teköbini, mi lök mötze. Injini gölme pakpak yengö keunjini jim teköbingö dop akze ewö, mönö denöwö aka keu morömorö kewöta jim tekömeanjögö dop qahö akze? Injini mönö

* 5:6: Gal 5.9 * 5:7: Eks 12.5 * 5:8: Eks 13.7; Dut 16.3 * 5:13: Dut 13.5; 17.7

ölña mianğö dop akze. ³ Urumelen ambazip neñon Suep garataurup yeñğö keunji kewöta jim teköbini, mi lök mötze. Mianğö dop akzin ewö, gölmenöñ malmalgö keunji mi mönö amqeba kewöta ölop jim tekömakin.

⁴ Mianğöra gölmenöñ malmalgö keunji sutjine asuhumakzawi, keunji mi mönö wuanöngöra silenye yeñğö keu jakenye öngöba jim tekömegö qesim engimakze? Urumelenğö kopa ambazip sutjine jijiwilit ak engimakzei, yeñğöra töndup keu nalöñe mötketka öngömakza. Mi qahö dop kölja.

⁵ Keu mi gamu qem engimamğöra jizal. Mötnarip ambazip engö sutjine keu ahözawi, engörenök kungö mötkutukutuñi dop köliga keu mi ölop jim tekömawanğö dop akza me qahö? Mönö ölop sutjineyök azi mewöñi mi-wikñaim. ⁶ Qahö tandök aiga urumelen ala kunöñ alañi silenye yeñğö keu jakenye alakza. Mewö ala ambazip Anutu qahö möt narize, mönö yeñğö jejine anda keu nupkóra qesim engimakza. Mi qahö dop kölja.

⁷ Sutjine keu jakenye al anğumakzei, mewö mianön mönö nanñini eta enguiga Kraistkö qetbuñan lök eretñi aiga malje. Ambazipnöñ ak bölim engigetka uruñini mianğöra wahöri keunöñ al engigetka Anutugö jeñe qahö dop kölja. Tilipqilip aka yuainjini öröba megetka inñi likepñi qahö melen engigetka mewö mianön Kraistkö könanjan mönö aködamunñambuk akña.

⁸ Inñi Kraistkö qetñi kewö mem bölimakze: Mönö nanñinak tilipqilip aka ambazip ak bölim engiba yuainjini öröba memakze. Urumelen alaurupñini yeñğöra mewöyök mewö ak engimakze.

⁹ Irimqirim ambazip yeñon mönö Anutu bemtohoñanğö uruñe öngöba dum qahö meme. Mi mötze. Ahakmemenjan mönö tilipköm anğuba janñun akepuk. Tosatñan serowilin aka tandö lopion waikñini memba möpösemakze. Tosatñan awanöm malmal onğita qesabulum ahakze. Tosatñan moneñğöra lañ amimba malje aka azi nanñirök ambi nanñirök amimba malje. Mewöñi mienön mönö Anutu bemtohoñanğö buñanji qahö akñe.

¹⁰ Tosatñan yoñgorö memba yuaigö nepaqepalok membagun memingö köpösöngömakze. Tosatñan o köhöikñi memba enjololon aka lañ mepaqepaik ahakze. Tosatñan yuai kalöpköba yoñgorö memakze. Ambazip mewöñan mönö Anutugö bemtohoñi buña qahö qem anğume. ¹¹ Engörenök tosatñan mutuk mewö aka malgetmö, könanğep Kembunini Jisös Kraist buña qem anğugetka sepñan sanğonđa tök kutum engiba yangö qetñe sarakñi aket. Mem solanim enguiga Anutuninangö Uñanjan mönö inahöm enguiga dinqiba malje. Mewö.

Silenjan Anutugö jike kömbukñi akza.

¹² *Nöñon yuai pakpak ölop memamanğö dop akzalmö, yuai pakpaknöñ mönö qahö mem ölöwak niñgiza. Yuai pakpak ölop memamanğö dop akzalmö, yuai kunöñ kembu ak niñgibapuköra mönö galöm mem anğumakzal.

¹³ “Nene mi neneyök. Mi kömoñgokninanğöra aka ahöza. Kömoñgoknini mi nene nein gemapköra aka ahöza.” Kunöñ mewö jibawakmö, Anutunöñ mönö nene aka kömoñgok mi mohotñe jim teköi qahöwakñahot. Silenini mi serowilin akingöra qahöpmö, Kembugö nupñi memingöra aka ahöza. Mewö ahöiga nanñan silenini ölöwakñapköra nene yuai nengimakza. ¹⁴ Anutunöñ nanñi kukösumñan Kemu mem gulii kömupnöhök wahöröhi, yanñon mönö nini mewöyök mem gulim nenñi wahötpin.

* 6:12: 1 Kor 10.23

¹⁵ Engö sileninan Kraistpuk toroqeba silenangö kitipni akzei, mi mötze me qahö? Mianğora nöñon Kraist silenangö kitipni kun memba köna ketanji ambibuk qekötahömam me qahö? Mi qahöpmahöp! Mönö yapmakek! ¹⁶ *Anutunöñ keunji kewö jii ahöza, “Yetkön mönö sile mohot akñahot.” Mianğora kunñan köna ketanji ambibuk qekötahözawi, yanñon mönö yambuk sile mohot akñahot. Mi mötze me qahö? ¹⁷ Mohot akñahotmö, kunñan Kembubuk qekötahözawi, yanğö unjanjan mönö Kembugö Unjanambuk mindiriiga mohok aka malmahot.

¹⁸ Serowilin mi mönö misinğöba mosötme. Singisöndok tosatni mi me mi ahakzini, mi pakpak mönö sileninanğö yaigepñe asuhumakza. Kunñan serowilin ahakzawi, yanñon mönö nanñi silenji mem böliba singisöndok ahakza. ¹⁹ *Sileninan mönö Unja Töröñanğö Buña jikenji (tempöl) akza. Anutunöñ Unjanji enğiiga buña qem anğugetka urunine malja. Mianğora nanñini buñaya qahö akzei, mi mötze me qahö?

²⁰ Nanñini buñaya qahöpmö, Kraistnöñ söñğöröñini ketanjan bohonñini meiga yanğö buñaya akze. Mianğora sileninan mönö ahakmeme sarakñi aketka Anutugö qetbuñajan sehimakña. Mewö.

7

Awanöm aka gwabö seram malmal tatat

¹ Injini keu tosatni ohoba qesigeri, mi jim asarimam. Azinöñ ambi qahö memba gwaböya maljawi, mi ölop. ² Mi ölopñi akzapmö, silegö sihimñan sero yonğorö akepuköra injini mohot mohot mönö nanñik nanñik awanöm amemba malme. ³ Azinöñ mönö anömñanğö sihimñanğö dop awanöm malmalgö arenji wuatangöma. Anömñan mewöyök mönö apñanğö sihimñi wuatangöba malma.

⁴ Anömñanğö silenjan mönö nanñi buñanji qahö aiga nanñök mi qahö galöm kölakzapmö, apñan mi galöm kölakza. Apñanğö silenjan mewöyök nanñi buñaya qahö aiga nanñanök qahö galöm kölakzapmö, anömñan mi galöm kölakza. ⁵ Mianğora nanñiri mönö kude anğön köl anğuba malmahot. Nanñirök urumohot aka pöndan köuluk nup membitköra ölop nanñök nanñök malmahotmö, nalö tosatni mewö malagun mönö kunbuk mindiriba mohotñe malmahot. Urunjiri ölop qahö galöm kölohotka Satanöñ esapköm etkiiga singisöndoknöñ etpahotpuköra mönö mewö aka malmahot.

⁶ Mewö akñahotköra ölop jizalmö, jöjöpañ keu mewöñi mi qahö al enğizal. ⁷ Nöñon ambazip körek pakpak ni ewö gwabulum malmegöra mötzalmö, injini tosatni Anutugö nup memegöra mötmöt kalem mewöñi mi qahö memba malje. Anutunöñ mötmöt kalemñi mendenñiga mohot mohot nenñon mi me mi nanñök nanñök buña qem anğuba maljin.

⁸ Awanöm qahö aka malö maljei, enğöra kewö jizal: Enñon ni ewö toroqeba awanöm qahöpmö, solannji malmei, mi mönö ölopñi akza. ⁹ Ölopñi akzapmö, awanöm akingö urunini könöp jeiga malbepuköra mönö ölop awanöm aketka amqema. Mianğora yenñon urunini galöm kölbingö osize ewö, mönö ölop awanöm akñe.

¹⁰ *Awanöm maljei, enğöra kewö jim kutuzal, nöñonök qahöpmö, Kembunöñ nanñak mönö keu ki jiza: Anömñan apñi kude mosötma. ¹¹ Mewö jizapmö, töndup apñi mosötma ewö, mönö azi kun kude memba öne malma

* **6:16:** Jen 2.24 * **6:19:** 1 Kor 3.16; 2 Kor 6.16 * **7:10:** Mat 5.32; 19.9; Mak 10.11-12; Luk 16.18

me apɲambuk kunbuk eraum möta urumohot aka malmahot. Mewöyök apɲan anömɲi kude mosötma.

¹² Mi Kembugö keuyapmö, awanöm tosatɲi engö goronjini mi Kembunöŋ qahö jizapmö, nanak mi kewö jizal: Urumeleŋ azi kungö anömɲan uruŋi qahö melenɲda töndup yambuk malmamgö mötzawi, yaŋön mönö anömɲi mi kude mosötma. ¹³ Mewöŋanök urumeleŋ ambi kungö apɲan uruŋi qahö melenɲda töndup yambuk malmamgö mötzawi, yaŋön mönö apɲi mi kude mosötma. ¹⁴ Miangö könaj kewö: Kungö apɲan urumeleŋgö kopa azia aiga Anutunöŋ i töndup urumeleŋ anömɲi qekötahözawaŋgöra aka tök kutum waŋgiiga sarakɲi akza. Mewöŋanök kungö anömɲan mötnaripɲi qahöpmö, urumeleŋ apɲi qekötahözawaŋgöra aka Anutunöŋ i tök kutum waŋgiiga sarakɲi akza. Kunöŋ sarakɲi qahö akawak ewö, nahönböratɲiran mönö Anutugö sel yaigeɲe malbeak. Mewö malbeakmö, Anutunöŋ mohotɲe tök kutum engiyöhaŋgöra mönö sarakɲi akze.

¹⁵ Sarakɲi akzemö, kunɲan qahö möt nariba apɲi me anömɲi mosötmanamgö mötza ewö, mönö ölöp mosötma. Mewö asuhuiga nöŋgö keunan urumeleŋ alanini mi qahö jöhöma. Anutunöŋ iɲini luainöŋ malmegöra enggoholök. ¹⁶ Ambi, gi apki uru kuŋgum waŋginöŋga uruŋi melenɲma me qahöwi, mi mönö denöwö mötpanak? Me azi, gi anömgi uru kuŋgum waŋginöŋga uruŋi melenɲma me qahöwi, mi mönö denöwö mötpanak? Miangöra mönö luainöŋ malme. Mewö.

Anutunöŋ enggoholöhaŋgö dop mönö toroqeba malme.

¹⁷ Kembunöŋ mohot mohot engö malmalɲini areŋ aliga awanöm me solanɲi malgetka Anutunöŋ enggoholöhi, miangö dop mönö toroqeba mala malmalɲinanagö könaj kude uteköme. Urumeleŋ könagesöŋi könagesöŋi liliköba miri dop mewö jim kutum enggimakzal.

¹⁸ Anutugö aiwesökɲi azi kungö silenɲe yaŋdiget maliga mewö oholök ewö, mi mönö kutumamgö kude kapaŋ kölma. Anutugö aiwesökɲi kungö silenɲe qahö yaŋdiget maliga mewö oholök ewö, mönö mi yandimegö kude kapaŋ kölma. ¹⁹ Anutugö aiwesökɲi silenine yaŋdiget ahöza me qahöwi, mianöŋ Anutugö jeŋe yuai omanj akzapmö, jöjöpaj keunj tem köla wuatangöingä ölnj akza.

²⁰ Anutunöŋ enggoholiga nalö miangöreŋ awanöm me solanɲi malgeri, iɲini mohot mohot mönö miangö dop toroqeba malme. ²¹ Kungö welenqeqe omanj aknöŋga Anutunöŋ goholök ewö, miangöra mönö waimanjat kude aka malman. Urugi melenɲda ölöp solanɲi aka nup kun miwikɲaibanak ewö, mi mönö ölöp miwikɲaiman me urugi amqeiga ölöp toroqeba welenqeqe omanj malman.*

²² Mi kewögöra: Kunöŋ welenqeqe omanj aiga Kembunöŋ mewö oholi uruŋi melenɲniga siŋgisöndokɲaŋgö kösöŋi pösariga solanɲi aka malja. Mewöŋanök kunɲan solanɲi aiga Kembunöŋ mewö oholi uruŋi melenɲniga nanɲi imbi-imbi qahöpmö, Kraistkö jitɲi tem kölmapkö kösönöŋ kindä welenɲi qeba malja. ²³ Kraistnöŋ bohonɲi ketanɲan söŋgöronjini meiga maljeaŋgöra mönö gölme ambazip yeŋgö keu kengöt bapɲe anda welenqeqeɲini omanj aka malbepuk. ²⁴ Miangöra urumeleŋ alaurupni, Anutunöŋ enggoholiga nalö miangöreŋ solanɲi kösöŋini qahö me welenqeqe

* **7:21:** Keu miangö könaj kun kewö: Urugi melenɲda ölöp solanɲi aka nup kun miwikɲaibanak ewö, gi ölöp toroqeba welenqeqe omanj malman.

tonjanğö kösö gwarönöñ malgeri, injini mohot mohot mönö miangö dop Anutugö jeñe toroqeba malme. Mewö.

Gwabö seram aka malö yengö goro keunjini

²⁵ Ambi seram jömukñi† engö goroya mi Kembunöñ qahö jim kutui mötzal. Mianğöra Kembunöñ ak kömum niñgiiga keuni lañ qahöpmö, möt nariget dop köljawanğö dop jimakzali, mönö miangö dop kewöta nani mötmötñan kewö jimam:

²⁶ Kahasililiñ nalöñi dopdowizawanğöra gwabö seram maljei, körek enjön mönö miangö dop toroqeba malgetka ölöwakza. Mewö mötmörizal. ²⁷ Ambi memba maljan ewö, anömgi mosötmangö kude akñan. Anömgi qahö solanñi maljan ewö, mönö ambigöra kude jaruman. ²⁸ Töndup ambi memani, mianjön mönö siñgisöndokñi qahö akña. Mewöñanök ambi seramnöñ azi memawı, yanön siñgisöndok qahö akña. Siñgisöndok qahöpmö, mewö akñei, yenön mönö sileñinan kahasililiñ gwötpuk miwikñaiba mötme. Enjön mi mötpepuköra mönö anğön köñ engimamğö mötzal.

²⁹ Mewö möta goro engizalmö, urumelenñ alaurupni, keu kun kewö jimam: Kembu kamawanğö nalöñan törizawanğöra aka ambi memba maljei, enjön mönö mewöyök nalö kianğoreñök könahiba anömñini qahö tandök ewö aka malme. ³⁰ Wösöbirik aka sahötzei, enjön mönö qahö sahötmeangö tandök ewö aka malme. Uruñini ölöwahiga söñgaizei, enjön mönö qahö söñgaimeangö tandök ewö aka malme. Yuai bohonñi mezei, enjön mönö mi qahö buña qem anğumeangö tandök ewö aka malme.

³¹ Gölmenöñ nalö kewöñe arenñ wuatangömakzei, mianjön mönö ayapkömawanğö dop akza. Mianğöra gölmegö öroyuainñi kölköl-örörö aka nupköra alakzei, enjön mönö mianjön uruñini jöhömakzawanğö tandök ewö kude aka malme.

³² Injini gölmegö lömbötköra waimanjat qahö malmegö sihimni mötzal. Awanöm qahö solanñi maljawanjön mönö Kembugö öroyuaigöra waimanjat mörakza. Mi möta “Denöwö akiga Kembugö uruñan ölöwahi dop kölbawak,” nanñanğöra mewö jimakza. ³³ Mewö jimakzapmö, ambi memba maljawanjön mönö gölmegö öroyuaigöra waimanjat mörakza. Mi möta “Denöwö akiga anömnanğö uruñan ölöwahi dop kölbawak,” nanñanğöra mewö jimakza.

³⁴ Kembunöñ likep anömñan likep mötmötñi öroyohotka urudenñenñ aka malja. Mewöñanök ambi apñi qahö aka ambi seram solanñi maljahoranjön mönö Kembugö öroyuaigöra waimanjat mörakzahot. Mi möta “Denöwö akiga uñani aka silenı sarakñi aiga Kembugöra dop kölbawak,” nanñiranğöra mewö jimakzahot. Mewö jimakzahotmö, azi memba maljawanjön mönö gölmegö öroyuaigöra waimanjat mörakza. Mi möta “Denöwö akiga apnanğö uruñan ölöwahi dop kölbawak,” nanñanğöra mewö jimakza.

³⁵ Nanñini bauköm engimamğö möta goro mi engizal. Mi tosatñi kösö ewö jöhöm engibi lömböt miwikñaimegöra qahöpmö, könanñi kewögöra mi engizal: Nöñön injini ahakmeme diñdiñi wuatangöba urudenñenñ qahöpmö, pöndanñ Kembubuk qekötahöba kin köhöimegöra mötzal. Mianğöra goroñini mi jizal. Mewö.

³⁶ Azi kunñan ambi serambuk buña qeba malagun anğömosötpitkö mötmörizahori, yetkö goroñiri kewö jimam: Azi mianjön kewö mötmöriba jiza, “Ambi mi memba mewö törörök qahö ak wanğibileñak.” Mewö jiğa ambi memawanğö sihimñi möt köhöiiga ambigö yambuñi azi memegö dop

† 7:25: qesabulum qahö qeçenji

akza ewö, yanön mönö ölop sihimñangö dop aiga ameyohotka dop kölma. Mewö mianön siñgisöndokñiri qahö akña. ³⁷ Qahö akñapmö, azinöñ ambi mi qahö memapkö keunji nanji uruñan jöhöba möt köhöizawi, mianğöra kewö jimam: Kunñan azi mi kungui qahö qaközapmö, ölop nanji sihimñangö dop wuatangöba keunöñ qahö jöhöi ahakza ewö, yanön mönö ölop sihimñangö dop aka ambi mi qahö mema.

³⁸ Mewö aiga ambi seram mezawañön mönö dopñe akzapmö, i qahö mezawañön mönö kóna ölop sorokñi wuatangöba törörök akza. Mewö.† (v 37b) Qahö akñapmö, iwiñan böratñi azi qahö wañgimapkö keunji nanji uruñan jöhöba möt köhöizawi, mianğöra kewö jimam: Kunñan iwi mi qahö kungui qaközapmö, ölop nanji sihimñangö dop wuatangöba keunöñ qahö jöhöi ahakza ewö, yanön mönö ölop sihimñangö dop aka böratñi angön kölma. (v 38b) Mewö aiga börat seramñi azi wañgizawañön mönö dopñe akzapmö, i qahö wañgizawañön mönö kóna ölop sorokñi wuatangöğa törörök akza. Mewö.

³⁹ Ambinöñ apñan jebuk malmawañgö dop amöamögö keuñan jöhöi maljapmö, apñan kömuma ewö, keu mianön mewöñanök kömuiga ölop azi sihimñan jimawañgö dop mema. Urumelenğö kopa azia qahöpmö, azi Kem-bubuk qekötahözawi, miyök mema. ⁴⁰ Ölop azi memba sösöñgai qorembenji miwikñaimapmö, toroqeba solanñi malma ewö, mönö urusösöñgai ölnji miwikñaiba söñgaimakña. Nöñön keu mi kewöta mewö jizal. Anutugö Uñanñan nöngö urune mewöyök maljawi, mianğöra mönö mewö mötmöröba jizal. Mewö.

8

Nene tandö lopionğö naluk alalñi mi nembin me qahö?

¹ Injini nene tandö lopionğö naluk alalñi mianğöra ohogetka goro kewö jimam: Urukalemnöñ mönö bauköm engima. Goranora jigetka tosatñan kewö jimakze, “Körek neñön tandö lopionğö kónañini möt yaköinga omanji akza.” Keu mi ölbölna akza, mi mötzin. Injini mötmöt mewöñi jiba malgetka uruñinan wahöriga konañ ewö tererengöba aiwelikömakze. Mewö aka denja siksauk malje. Kóna bohonñi mi urukalem. Kóna mewö mianön mönö nanini urunini möhamğöba mem köhöim angubin. ² Kunöñ “Keu kungö kónañi möt yaközal,” mi jitnöñ jizawi, yanğö mötkutukutuñi ölnan mönö qahö asuhuiga toroqeba tönpin malja. ³ Mi keunöhök jizapmö, kunñan Anutu uruñan jöpakömakzawi, Anutunöñ mönö yanğöra möri ölnji akza.

⁴ Nene tandö lopion yengöra naluk algeri, mi nembin me qahöpto? Keu kewö jimakze, “Tandö lopion mi bem ölnji qahö maljeangö kaisöpsöññini akze,” aka keu kun kewö, “Anutu mohotnöñ malja. Alañi kun qahö.” Keu yahöt mi ölna akzahot, mi mötzin. ⁵ Keu mianğö kónañi kewö, “Öme bemñi bemñi,” qetñini mewö qerakzei, mi gwötpuk malje. Suepnöñ me gölmenöñ maljei, mi ölop qahö mötzin. Ölna ömewöröme, bem aka azi kembu mi gwötpuk malje.

† **7:38:** 36b Azi kunöñ böratñi azi wañgimamğö uruyahöt mötzawi, yanğö goronji kewö jimam: Iwiñan kewö mötmöröba jiza, “Böratni wañgiba mewö törörök qahö ak wañgibileñak.” Mewö jiga böratñangö yambunji azi memegö dop aiga azi wañgimamğö sihimñi möt köhöiza ewö, yanön mönö ölop sihimñangö dop aka mosöriga azi meiga dop kölma. Iwiñan mewö mianön siñgisöndok qahö akña.

⁶ Mi maljemö, mi töndup Anutu mohot yangönök nanini bemnini aka Iwinini akza. Yangön yuai pakpak miwikñaii asuhuyök. Malmalnini yangöra malbingöra aka al nenngii maljin. Mewöyök Kembu mohot Jisös Kraist malja. Yangön Anutu bauköiga yuai pakpak miwikñaiyohot. Nini mewöyök bauköm nenngiiga mal köhöimakzin.

⁷ Mewö möt narizinmö, ambazip köreknjan mönö mötkutukutu mewöñi mi qahö memba malje. Mi qahöpmö, tosatnjan mutuk tandö lopionj waikñini memba möt köhöigerangöra aka dölkewöñe mewöyök toroqeba nene tandö lopionjö naluk alalñi mi memba mewö mianjön amqeba bemurup mi mötmöriba malje. Uruñjan lölöwöröñi aiga uruyahöt aka negetka uruñjan mianjöra tölöhomakza. ⁸ Tölöhomakzäpmö, nenenöñ nenngiangita Anutu kösutñe qahö al nenngimakza. Nene sinji malbini, mewö genjmororoñ qahö miwikñabin. Nene memba malbini, qetburaninan mewö qahö qarima.

⁹ Mi töndup nene pakpak nembangö amqezei, enjön mönö jaubatbat lañ malbepuköra galöm mem anguba malme. Mewö malgetka tosatnjan engeka uruñjan lölöwörö aka bölii et engubapuk. ¹⁰ Mianjö könañi kewö: Göñön mötkutukutu ölni memba mala amqeba tandö lopionj jikenje anda tata nene nenöñga alagi kunñan gehi kewö lömbörima: Uruñjan lölöwöröñi aiga uruyahöt akzawi, yangön mewö geke uruñjan wahöri amqeba nene tandö lopionjö naluk alalñi mi memba et qebawak.

¹¹ Göhö mötkutukutugi ölni mianjön mönö nangi urumelenj alagi kunñuiga uruyahöt qakñe lölöwöröñi akzawangöra mönö amqeba memba et qebawak. Kraistnöñ yangöra aka kömuyökmö, nene mi memba mewö et qeba ayuhuiga qahö dop kölma.

¹² Ayuhumapmö, urumelenj alaurupñini mewö mem bölim enqiba uruñini lölöwöröñi mi qeba könderda singisöndok ahakzei, mewö mianjön mönö Kraist nanñi qetala singisöndok ahakze. ¹³ Mianjöra nöñön nene kun nembiga mianjön urumelenj alani kölgorom wangñiiga et qeba singisöndok akza ewö, nöñön mönö nalö kunöñ nene mi qahö toroqeba nemam. Nöñön alani jölöngöba kölgorom wangñibilenbuköra kapan köla kinjal. Mewö.

9

Aposol denöwö akiga dop kölbawak?

¹ Wani kösönöñ jöhöm ninñiiga solanñi qahö akilenjak? Enjön kewöt ninñigetka aposol akzal me qahö? Kembunini Jisösnöñ asuhum ninñiiga ehal me qahö? Nöñön Kembangörej nanñöba nup membiga inñini nup mianjö ölni akze. ² Kembunöñ nanñak aposol nup ninñi yambuk kinda membiga inñini uruñini melenja nöñgö munngem supapni akze. Mianjöra tosatnjan kewöt ninñigetka aposol qahö akilenjak ewö, enjön mönö könañamni mewö möt yaköze. Mi mönö amqeba nanñöba jigetka dop kölma.

³ Ambazip tosatnjan nöñgöra “Aposola qahö akza,” jiba tokoba andönöñ qeçe ak ninngimakzemö, nöñön mönö enqörej kösohot jiba mianjön nani könañamni nanñöba jimakzal. ⁴ Mianjöra köñöp numbu nene nenngigetka nenakurupni yembuk memba memba malbinak, mianjön mönö dopñe akawak. ⁵ Pitö, aposol tosatñi aka Kembu Jisösgö munurupñi yenñon anömurupñini mötnaripñinambuha ennguangita mohotñe anda kamakze. Nöñön mewöyök mianjö dop akilenjak ewö, silik mianjön mönö köna walöñda qötöñgatpilenjak me qahö? Mi qahöpmahöp.

⁶ Silegö malmalhe inini ambazip ipni nangöm engimakzemö, ni aka Barnabas qahö. Niri töwa qahö netkigetka öne malakzit. Mi mötketka dop kölja me qahö? Tosatjan urugö nup megetka töwa engigetka silenjanğö nup qahö memakzemö, netköröhök mönö nangönanğöniri nanirak miwikñaibitkö dop jize me? ⁷ Gawmangö yarö nup memakzei, yengörenök kunjan nanñi malmalñi nangöm anğba memakza me qahö? Wain nup kömörakzei, yeñön körek mianğö ölni memba nemakze me qahö? Mewöñanök bulmakau galöm kölakzei, yeñön körek mianğö juzu onj nemakze me qahö?

⁸ Keu mi gölme ambazip nanine mötmötnöhök mötöteiba qahö jizal. Anutunöñ mewöyök mönö keu miyök Mosesgö Köna keunöñ jiza. ⁹* Mosesgö Köna keunöñ Juda yeñgö nup meme silikñini mi jim asariba kewö ohoget ahöza, “Wit padigö kötni aka kamböñi kewötpingöra bulmakau azinñi wañgitetka padi kambu qakñe tiba tözö zamğö makzawi, yanğö numbuñi mönö kude mözöpköme. Mewö gumohom wañgigetka ölop nene kitipñi neiga dop kölma.” Mianğö dop kiamnöñ böröjan memba sömbup meköi qeba nene kitipñi wañgiget neiga dop kölma. Anutunöñ kiam bulmakau miengöra waimanjat qahö möta mewö jiza. Mi qahö.

¹⁰ Sömbupköra qahöpmö, keu mi mönö neñgöra jii ahöza. Keu mi neñön kewö akingöra aka ohoget ahöza: Kinonöñ nup barözawañön mönö ölni asuhumapkö jörömqöröm qakñe nupñi memakña. Mewöyök padi dudutnöñ qeba ölni aka kamböñi kewötwawañön mönö bahöñi memba nemapak al mamböta nupñi memakña. ¹¹* Neñön urugö keu kötni sutñine qesin gila malinga eñön malmalgö nanğönanğö yuai qahö neñgigetka gamunambuk akza. Nöñön mem ölöwak engibiga eñön mianğö likepñi melenđa niñgigetka dopñe akña.

¹² Tosatjan sutñine urugö nup megetka nangöm engigetka dopñe akza ewö, ni mönö dop mi onğita nangöm niñgigetka dop kölma. Likepñi engiinga mianğö likepñi neñgigetka dop kölbawakmö, nöñön mianğö dop akñgöra qahö qesim enğjal. Kraistkö Ölöwak Buña keu sehimapkö könanñi jöhöbinbuköra mönö yuai neñgimegöra qahö qesim enğiin. Qahöpmö, naninahök mönö kapan kölma köhöiba lömböt pakpak bisiba malin.

¹³* Keu ki mönö mötmörime: Jöwöwöl jikenöñ nup memakzei, yeñön mönö jike mianğörenök numbu neneñini memba nemakze. Jöwöwöl ohoba altagö könöpñi galöm kölmegöra kungum engigetka kinjei, yeñön ambazip nene nalukñini altagören algetka nene mianğö kitipñi tosatñi mi mianğörenök buña qem anğumakze. ¹⁴* Keu mianğö dop Kembunöñ mewöyök jim kutuba keu kewö jiyök, “Ölöwak Buña jim sehiğetka ambazipnöñ mötmei, yeñön mönö Ölöwak Buñagö likepñi kötön naluk algetka malmalñinanğö nanğönanğöñini miwikñaiba malm.”

¹⁵ Nöñön ölop keu mianğö dop mötmöriba urugö nup memba töwa niñgimegöra qesim engibileñakmö, kötön naluk almeañgö keu pakpak mi mönö mosöral. Monen almeañgö keu ohozali, mi eñön mewö ak niñgimegöra aka qahö ohozal. Töwa memañgö mötmöriba lömböriiga kömukömugö mötpiga amqeza. Nanañğöra mi keu omanñi qahöpmö, töwa qahö niñgimegö keunñi mi mönö sileni möpöseiba jizal. Nöñgören keu mi kunöñ kun qeapkömamğö osiiga malmam.

* 9:9: Dut 25.4; 1 Tim 5.18 * 9:11: Rom 15.27 * 9:13: Dut 18.1 * 9:14: Mat 10.10; Luk 10.7

16 Ölöwak Buña jim sehimakzali, miangöra sileni möpöseimamgö dop qahö akzal. Nöñön Anutugö jimkutukutu bapne mala mi jim sehimamgö dop akzal. Nup mi mönö mosötmamgö osizal. Ölöwak Buña qahö jim sehibilenjak ewö, miangöra lömbötnöñ qakne öñgöiga neka pölzik jimeangö dop akilenjak.

17 Nani sihimnañgö dop nup mi möwölöhöba membilenjak ewö, mönö ölop töwa ningimegöra mambötpilenjak. Mimö, Anutunöñ kungum ningiiga nani sihimni qahö mötöteiba Buñaji galöm kölakzal ewö, mi mönö Anutunöñ möt narim ningiba nupni ningii maljalanö dop memakzal. 18 Mewö aiga wanatnöñ mönö töwa ak ningimakza? Ölöwak Buña jim sehiba mi söñgöronji qahö ahakzali, mianön mönö töwa ak ningimakza. Anutunöñ nupñañgö likepni ningimegöra jim kutui Buña Kimbinöñ ahözawi, keu miangö dop töwagöra qahö kapan kölakzal.

19 Ambazip kunñan kun qahö jöhöm ningiiga ölop nani imbi-imbi malbilenjakmö, mi töndup mönö nani memba et al anguba maljal. Ambazip körekñan uruñini melenmegöra kapan kölakzal. Mewö akñegöra ambazip körek welennini qeba maljalmö, sehisehijni yeñön töndup Kraistkö buñaya qahö akñañgö dop akze. 20 Juda yeñön uruñini melenmegö bauköm engiba sutñine Juda tandök aka malal. Mosesgö Köna keu bapne maljeañön uruñini melenmegö bauköm engiba nanak Köna keu miangö bapne qahö mala töndup keu miangö gwaröñe maljal tandök aka sutñine malal.

21 Mosesgö Köna keu qahö möta maljeañön uruñini melenmegöra bauköm engiba sutñine Köna keu qahö möta maljalanö tandök aka malal. Nanak Anutugö Köna keugöra tönpin qahö maljalmö, Kraistkö Köna keu bapne anda mi tem kölakzal. Mi töndup yeñgö sutñine Anutugö Köna keu qahö mötmöt tandök aka malal. Ambazip sehisehijñan uruñini melenmegöra mewö aka malal.

22 Mötnaripnöñ lölöwöronji maljeañön uruñini melenja köhöimegö bauköm engiba sutñine lölöwöronji tandök aka malal. Ambazip tosatñi wani awamñan köna inöñ me wainöñ uruñini melenmegö meköm engiba ambazip könañi könañi yeñgö sutñine tandök könañi könañi aka malal.

23 Tandök pakpak mi Ölöwak Buñanöñ sehimapköra aka ahakzal. Sehiiga kötumötuetñan nani qakne öñgöi nanak mewöyök oyaenköyaen akñamgöra aka mewö ahakzal. 24 Keu ki mönö mötmöriime: Ösumtiti nalöñe körek yeñön luhut almegöra ösumñini qezaköba anakzemö, mohot kunñan mönö luhut ala töwa mema. Inini mönö mohot miangö dop ösumñinan anda töwa memingöra kapan köla malme. Mönö miangö dop mötnarip köl guliba malme.

25 Ambazip mönahotnöñ luhut albingö anakzei, yeñön mönö körekñan nanñini törorök galöm köl angubingö köl gulimakze. Yeñön kösasorom julkula gororöñgömawi, miyök memingö kapan kölakzemö, neñön ila jalö qahö ayapkömawi, mönö töwa mi memingö kapan kölakzin. 26 Miangöra nöñön ösumnan lanlan an köl kam köl qahö anakzal. Böröni misiba bim lanlan qahö qemakzalmö, aonjit alaurupni luhut al engimamgöra mönö diñdiñanök törorök qemakzal.

27 Nöñön ambazip tosatñi Buña keunöñ uruñini kunguba malbi teköiga Anutunöñ mönö andö nuñgui nanak ila jalöñi qahö membilenbuk. Miangöra mönö nani sileni mindingöba törorök köl guliba galöm kölakzal. Mewö.

10

Israel mutuk malgeri, yeñgörej galöm meme keu

1 *O urumelenj alaurupni, Israel nenjö ambösakoninan Mosesgö andöje kaba wuatangögetka yuai asuhuyöhi, miangöra mönö gukmaulem malbepuk. Miangöra Israel nenjö könanini kewö suariba ohozal: Yeñön mönö körek kousu bapnje kaba mala Köwet Pisikni kutugetka yeñgöreñök kunñan kun qahö ayuhuyök. 2 Anutunöj o melunñi kousunöj aka köwetnöj aliga mi kutuba kaba körekñan urunji melenja Mosesgö könagesöñi aket. 3 *Mewö aka körek yeñön urugö nene miyöhök miwikñaiba namba malget.

4 *Mewöyök körek yeñön urugö onji miyöhök miwikñaiba namba malget. Urugö onji mi köt ketanji kunöj enjuatangöba könajine kayöhi, mönö miangöreñök miwikñaiget. Köt ketanji mi Kraistkö söpsöpñi. 5 *Mewö malgetmö, mi töndup Anutunöj könagesö öljö miengöra urusösöngai qahö möta maliga gölme qararankölkölñe ayuhuggetka qamötñinan qeqelanñan ahöba gisahöget.

6 *Mewö asuhuyöhi, mi nanini kezapqetoknina akza. Anutunöj mönö söpsöp mi nenjöra aka aliga galöm meme keunina kewö akza: Yeñön urunji qahö galöm köla bölöñangöra köpösöñgögeri, nenjön mönö miangö dop aka ayuhubimbuk. 7 *Mewöyök Israel yeñgöreñök tosatñan tandö lopionj waikñini namba möpöseiba malgeri, enjön mönö miangö dop aka malbepuk. Yeñgöra Buja Kimbinöj keu kewö ohoget ahöza, “Könagesö yeñön nem söösöngai ala tokoba tatketka urunjinan wahöriga mianjön melenja kezapjupjup kewö ahök: Yeñön linjet gwawet unduba o köhöikñi namba serowilin lañ aket.” Keu mewö ahöza.

8 *Yeñgöreñök tosatñan serowilin aketka Anutugö irimesewölñangöra aka ambazip 23.000 miangö dop silim mohotkö uruje kömumba etket. Nenjön mönö tosatñi miengö dop serowilin akinbuk. 9 *Mewöyök Israel yeñgöreñök tosatñan Kembu esapköm wañgigetka mokolenñöj enjöhögetka kömuget. Nenjön mönö tosatñi miengö dop Kembu esapköm wañgibimbuk. 10 *Yeñgöreñök tosatñan galömurupñini irikuruk jimongot aka andö enguba malgetka mem ayuayuhu garatanöj mönö engui kömuget. Nenjön mönö tosatñi miengö dop irikuruk jimongot lañ aka malbinbuk.

11 Mewö asuhum engiyöhi, söpsöp keu mi mönö nanini kezapqetoknina akza. Gölmenöj malmalgö nalö teteköñan kam kunjum nenji maljini, kösohot mi mönö nenjöra aka ohogetka galöm meme keunina akza. 12 Miangöra kin köhöimangö jizani, mönö et guhubapüköra galöm mem anguba malman.

13 Esapesap qakñine öngömakzei, mi gölme ambazip körek nenjö qaknine öngömakze. Esapesap qainji kun miwikñaibeak, miangöreñ ösumñinan qahö dop köljawangöra etpeakmö, Anutunöj keunji jöhöyöhangö dop mi pöndañ wuatangöba ahakza. Yanjön esapesap Tonji angön köliga esapesap ösumñini qahö dop kölmawangö dop mi al engimangö osimakza. Mewögöra esapesap mötketka Anutunöj ösumñi engiba mewö mianjön öljö kölbingsö köna mewöyök mesat enji asuhumakza. Miangöra enjön gölmegö esapesapñi mi ölp kin köhöiba luhut almeangö dop akze. Mewö.

Tandö lopionjö lömbuanj aka Kembugö semön kömbukñi

* 10:1: Eks 13.21-22; 14.22-29 * 10:3: Eks 16.35 * 10:4: Eks 17.6; Jan 20.11 * 10:5: Jan 14.29-30 * 10:6: Jan 11.4 * 10:7: Eks 32.6 * 10:8: Jan 25.1-18 * 10:9: Jan 21.5-6
* 10:10: Jan 16.41-49

14 Mianğöra wölböt alaurupni, tosatan tandö lopion waikjni memba möpöseim engimakzemö, enjon mi kök ala mosötme. 15 Nöñon mötmöt ambazip aködamunjinambuk akzeangö dopkeu jimami, mi mönö nanjinak kewöta mianğö öljni miwikjaime.

16 **“Kembugö semön nene nembin,”* jiba kötümötuetkö gambigöra Anutu saiwap jiba köuluköba qambi mianğörenjök nemakzinağörenjök mönö Kraistkörenj toroqeba seppi nemakzin. Beret mindipköba mianğörenjök nemakzinağörenj mönö Kraistkörenj toroqeba busunji nemakzin. Mianğöra ölüm engubapuk. 17 Körek nenjon beret mohot mianğörenjök nemakzin. Beret mi mohot akzawağöra aka gwötpuk nenjon mönö Kraistkö öljni mohot akzin.

18 **“Injini mönö Israel könagesögö malmalni mötmörime.* Ambazip jöwöwöl ohomegöra nene algetka tosatan mianğö kitipni nemakzei, yenjon mönö altagörenj toroqeba nupni Anutugöra nemakze. 19 Keu mianğö könani öljni mi mönö denöwö jibileñak? Tandö lopion engöra bau qegetka seppi eri jöwöwöl ohomakzei, mianjon öljambuk akzawağöra jiza me qahö? Tandö lopion mi öljni akzeangöra jiza me qahö? Keu mianğö könani denöwö?

20 **“Tandö lopion mi öljni qahöpmö, urumelengö kopa yenjon töndup jöwöwölnjini ömewöröme yenğöra ala ohomakze. Mi Anutugöra qahö. Nöñon injini ömewöröme yembuk toroqeba malbepüköra waimanjat mötzal. 21 Injini Kembugö qambinöhök aka ömewöröme yenğö qambinöhök öröröñ nemingö osime. Mewöyök Kembugö nene dum aka ömewöröme yenğörenj nene dum mi öröröñ toroqebingö osime. 22 **Ahakmeme mewöñan mönö Kembugö urunji qei böliiga irimjni seholimapköra mötzin me? Kukösunnin mönö Kembu onğita onğöba maljin me?**

Nanine imbi-imbimosa Kembu möpöseibin.

23 **“Tosatan kewö jimakze, “Nini ölöp nanine imbi-imbim yuai pakpak ahakzin.” Keu mi öljnapmö, ahakmeme pakpak mianjon mönö qahö bauköm nenjimakza. “Nini ölöp nanine imbi-imbim yuai pakpak ahakzin,” mewö jimakzemö, ahakmeme pakpaknön mönö urunini qahö nanğöba mem köhöim nenjimakza. 24 Kunñan kun nanñangörök mötmöröba ölöwakñamğöra kapan kölbapukmö, alaurupñan ölöwakñegöra kapan köli dop kölma.*

25 Sömbup i me wai maketnönj aka qeköm nene mire bohonñi memegöra alakzei, mi mönö uruyahöt mosöta nemakñe. Sömbupköra urunjan tölöhobapukö qesiqesinji kun mönö kude akñe. Qahö! 26 **Keu mianğö könani mi Bunja Kimbinönj kewö ohoget ahöza, “Gölme aka yuai pakpak mianğörenj ahözawi, mi Kembugö bunja akza.”*

27 Kun Kraist qahö möt narizawañon engoholiga yanğörenj anbingö möta anda tatketka nene i me wai jenine al engimei, mi mönö uruyahöt mosöta neme. Nenegöra urunjan tölöhobapukö qesiqesinji mi mönö kude akñe. Qahö! 28 Nanñinağöra qahöpmö, “Nene ki mönö tandö lopion yenğö naluk alalni akza,” kunönj mewö jii mötme ewö, mi jiyöhi, yanğöra aka urunjan bölibapuköra mönö galöm mem anğuba kude neme.

29 Nangi urugan tölöhobapuköra qahö jizalmö, alagahö urunjan bölibapuköra mi jizal. Nöñon nani imbi-imbim yuai akiga alanağö urunjan böliiga kewöt ninğiba Anutunönj keuni jim teköba likepni melenj ningibapuk. Öne mewö

* 10:16: Mat 26.26-28; Mak 14.22-24; Luk 22.19-20 * 10:18: Lew 7.6 * 10:20: Dut 32.17

* 10:22: Dut 32.21 * 10:23: 1 Kor 6.12 * 10:26: Sum 24.1

menderj anginga jabö ahuiga qahö dop kölja. ³⁰ Nöñön ambazip yembuk toroqeba tata nenenjanğöra “Anutu pipsaiwap!” jiba sömbup nemami, tosatjan mewö neka miangöra andö nuñgugetka qahö dop kölma. Sömbupköra Anutu möpöseizali, miangöra mönö keu töhörej jim niñgigetka qahö dop kölja.

³¹ Miangöra o me nene nemei aka i me wai akñei, mi pakpak mönö Anutugö qetbuñanjan sehimapköra aka ahakñe. ³² Yuai kun kude aketka kungö uruñan miangöra bölüiga mötnaripñan söörörauba etpapuk. Juda me kantri tosatjanğö ambazip me Anutugö könagesö miengö sutñine kungö uruñan mönö engöra aka bölüipapuk. ³³ Nöñön mewöyök yuai pakpak ahakzali, miangörej mönö ambazip körek pakpak uruñinan ölöwakñapköra kapan köla maljal. Nanök ölöwakñamğöra qahö kinjalmö, ambazip sehisehiñan ölöwakñegöra jaram tibiga kunbuk letota Suepkö buñaya akñegöra kapan kölakzal. Mewö.

11

¹* Nöñön Kraistkö silik ewö ahakzali, miangö dop enñon mönö nöñgö silikni wuatangöba malme. Mewö.

Ambi enñon mönö nööröñjini esuhuba Kembu möpöseime.

² Nöñön yuai pakpak ahakzali, injini miangörej mötmörim niñgimakzeangöra saiwap jim enğizal. Injini kusun enğialangö dopkeuni tem köla wuatangömakzei, miangöra mönö möpöseim enğizal. ³ Nöñön injini keu ki möt kutumegöra mötzal: Kraistnöñ azi körek neñgö bohonini akza. Azinöñ ambigö bohonñi akza aiga Anutunöñ Kraistkö bohonñi akza. ⁴ Miangöra azi injini mönö duhuñini qeköba köuluköba Anutugö keu jigetka dop kölja. Azi körekñan nööröñjini turuba köuluközei me Anutugö kezapqetok keu jim asarizei, Anutunöñ mönö yeñgö mötmötnjanğöra möri gamuñambuk aiga nanñini memba et al anğumakze.

⁵ Mewömö, ambi kunñan nööröñjini qahö esuhuba qenjarök totokonöñ köuluközawi me Anutugö kezapqetok keu jim asarizawi, yañon mönö apñi nööröñjini akzawi, mi gamu qeba nanñi memba et alja. Mewö aka nööröp jupñi körek mitigetka aukñe öne maljawañgö dop akza. ⁶ Ambinöñ nööröñjini qahö esuhuba ewö, yañon mönö nööröp jupñi mewöyök jiiga mitigetka dop kölja. Mi dop köljamö, ambinöñ nööröp jupñi jiiga mitigetka gamuñambuk akapuk. Miangöra mönö nööröñjini esuhuba mali dop kölja. ⁷* Ambinöñ apñanğö aködammunñi akzampö, azinöñ Anutugö imutñi aka aködammunñi akza. Miangöra azinöñ mönö nööröñjini kude esuhui dop kölma.

⁸* Mi kewögöra: Mutuhök azinöñ ambinöhök qahö asuhuyökmö, ambinöñ azigörejök asuhuyök. ⁹ Anutunöñ azi mi ambigöra qahöpmö, ambi mi azigöra miwikñajaiiga malje. ¹⁰ Könanñi miangöra aka ambinöñ mönö kukösum bapñe malmalgö aiwesökñi mi nööröñjini esuhuba maliga dop kölja. Mewö aiga Suep garata yeñon gödaqeğegö silik ölöpñi ehakze.

¹¹ Mewö dop köljamö, Kembubuk qekötahöba malinga ambinöñ mönö azigö keuñi qahö onğita nanñi imbi-imbi lañ kude malma. Azinöñ mewöyök ambigö keuñi qahö onğita nanñi imbi-imbi lañ kude malma. ¹² Ambinöñ azigö sihitneyök asuhuiğa miangö dop azinöñ mewöyök ambigö körö uruñeyök asuhuba maljinmö, öroyuai pakpakö könanñi mi Anutu.

¹³ Miangöra ambinöñ nööröñjini qahö esuhuba Anutu köuluköiga dop kölja me qahö? Keu mi mönö nanñinak kewöta jöhöme. ¹⁴ Anutunöñ ambazip

* 11:1: 1 Kor 4.16; Fil 3.17 * 11:7: Jen 1.26-27 * 11:8: Jen 2.18-23

miwikñaim nenñgiba gölmenöñ mohotñe malmal arengöyöhi, areñ mi eka kewöta silik kewöñi mönö möt asarizin me qahö? Azinöñ nöröp juññi qahö mitiiga köriza ewö, miangön mönö gamu qem wanñgiza.

¹⁵ Anutunöñ ambigö nöröp juññi köröpñi mi esunñi akñapköra wanñii malja. Miangöra ambinöñ nöröp juññi qahö mitiiga köriza ewö, miangön mönö aködamunñi ak wanñgiza. ¹⁶ Kunöñ keu miangöra goranora akñamgö mötza ewö, nöññon miangöra keu mohok-kun kewö jimam: Anutugö könagesöñi könagesöñi Anutu möpöseibingö tokomakzei, yerñon mönö nembuk urumohot aka silik miyöhök wuatangöba silik tosatñi tökömakze. Mewö.

Kembugö semön töröñi nemegö silikñi

Mat 26.26-29; Mak 14.22-25; Luk 22.14-20

¹⁷ Inñi urumelenñ totokonöñ tokoba miangörenñ qahö ölöwahakzemö, mönö toroqeba böliqölimakze. Miangöra qahö möpöseim enñgalzmö, areñ ala jim kutum enñgizal. ¹⁸ Keu mutukñi kun kezapne gei kewö möral, “Inñi urumelenñ könagesögö totokonöñ tokomakzei, miangörenñ mönö sutñine anñgururuk ahakze.” Keu mi jiget möta bahöñanök ölnñi akzawi, mewö möt narizal.

¹⁹ Sutñine denña kambu morömorö aketka Anutunöñ enñgehiga denike enñon mötnaripkö esapesapnöñ kin köhöize aka denike enñon qahö dop köljei, keu miangön mönö aukñe asuhumakza. Miangöra uruyahöt qahö mötzal. ²⁰ Urumelenñ totokonöñ tokomakzei, miangörenñ mönö Kembugö semön töröñi nembingö silikñi qahö wuatangömakze.

²¹ Mi kewögöra jizal: Semön töröñi nemakzei, miangörenñ öröröñ qahöpmö, nanñök nanñök nenenñini memba könahiba lanñ neget teköiga tosatñan toroqeba wösöñini aliga tosatñan o köhöikñi gwötpuk memba enñololonñ akze.

²² Ahöahö mirinñini ahöm enñgiza me qahö? Miangörenñ ölöp nene aka o neme. Anutugö urumelenñ könagesö jijiwilit ak enñgibingö mötze me ambazip wanapñi nenenñini qahö mi memba et al enñgibingö mötze me? Miangöra nöññon inñi möpöseim enñgimangöra mötze me? Mewö qahöpmahöpmö, denöwö jim enñgibileñak?

²³ Kembunöñ keu ninñgiyöhi, nöññon mönö enñon mewöyök mi mötmegöra kewö jimam: Kembu Jisös mamalolo mem wanñgigetka sunñgem miangörenñ beret meyök. ²⁴ Mi memba kötuatköba saiwap jiba mindipköba kewö jiyök, “Ki nani busuna. Mi enñgöra aka tököm enñgizal. Mi memba mönö ni mötmörim ninñgiba malme.” ²⁵ *Mewö jiiga neget teköiga mewöñanök qambi memba kewö jiyök, “Qambi ki mönö jöhöjöhö dölköñi akza. Nöñgö sepnñi kianñon mönö Anutugö jöhöjöhöñi mem köhöii ahöma. Mi nemakñeangö dop mönö ni mötmörim ninñgiba malme.”

²⁶ Beret aka qambi miangörenñök nemakñei, miangörenñ mönö nalö dop Kembunöñ kömuyöhi, miangö buñañi mem asariba mal öñgögetka lilingöba kaiga teköma. ²⁷ Miangöra kunñan beret me Kembugö qambi miangörenñök iwilele qakñe nezawi, yanñon mönö Kembugö busunñi aka sepnñi memba et ala sinñgisöndokñambuk akza. ²⁸ Miangöra ambazip neññon nanini uruninangö könanñi kewötagun mönö beret aka qambi miangörenñök neinga dop kölma.

²⁹ Kunñan Kembugö busunñi aka sepnñi qahö göda qeba nene töhön ewö lanñ nezawi, Kembunöñ mönö yanñgö keunñi jim teköiga lömböt qakñe öñgöma. ³⁰ Lanñ memba malgerangöra aka ambazip sehiseññan mönö sutñine löwöriba kawöl miwikñagetka gwötpukñan lök nöñ qeba kömuget.

* 11:25: Eks 24.6-8; Jer 31.31-34

³¹ Kömugetmö, nanini urunini kewötpinak ewö, Anutunöŋ mönö keunini kewöta jim teköiga lömböt qahö miwikŋaibin. ³² Mi qahö miwikŋaibinmö, Kembunöŋ keunini kewöta jim teköba mewö mönö nalö kewöŋe mindiŋgöm neŋgimakza. Könaŋgep jim teköm neŋgiiga ambazip uruŋini qahö melenŋeri, yembuk öröröŋ könöp sianöŋ gebinbuköra mönö mindiŋgöm neŋgimakza.

³³ Miangöra urumelenj alaurupni, nene nemegöra tokomakŋei, miangöreŋ mönö nanŋinaŋgöra mamböt aŋguba öröröŋ nemakŋe. ³⁴ Kunöŋ wösöŋi alja ewö, yaŋön mönö nanŋe mire neneŋi nema. Tokoba laŋ negetka Anutunöŋ eŋgeka keuŋini jim teköi lömböt miwikŋaibepuköra mi jizal. Keu tosatŋi eŋgöreŋ kamami, nalö miangöreŋ jim kutum eŋgimam. Mewö.

12

Nup memegö mötmöt kalem miengö könaŋini

¹ O urumelenj alaurupni, nöŋön Uŋa Töröŋaŋgö mötmöt kalemŋi kalemŋi miangö keugöra gukmaulem malbepuköra mötzal. ² Urumelenŋö kopa malgeri, nalö miangöreŋ inöŋ me wainöŋ eŋguaŋgiriga tandö lopioŋ omaŋi waikŋini memba möpöseiba malget. Mewö me mewö janjuŋ anda laŋ malgeri, mi ölop mötze.

³ Miangöra iŋini keu ki mötmegöra jizal: Anutugö Uŋaŋan kun sölölohöiga “Jisös qesuahözal,” keu mi qahö jiza. Mewöyök Uŋa Töröŋan azi me ambi kun qahö sölölohöm waŋgiza ewö, yaŋön mönö “Jisösnöŋ Kembu ak niŋgiza,” keu mi jimangö osiza.

⁴* Nup memegö mötmöt kalemŋi mi könaŋi könaŋi akzemö, Uŋa Töröŋan mönö mohot akza. ⁵ Urumelenj könagesö welen qem eŋgingöŋgöra nup könaŋi könaŋi memakzinmö, Kembunöŋ mönö mohot akza. ⁶ Welen qem eŋgingöŋgöra Anutunöŋ kukösumŋi körek neŋgöra mendeŋ neŋgiiga amqeba köhöiba nup meinga öŋi könaŋi könaŋi asuhumakza. Öŋi pakpak mi Anutugöreŋök kamakzapmö, Anutunöŋ mönö mohot akza.

⁷ Uŋa Töröŋan könagesö urunini naŋgöi köhöibingöŋgöra möta nup memegö mötmöt kalemŋi indeliga öŋan mönö mohot mohot neŋgöreŋ kewö me kewö asuhumakza: ⁸ Uŋa Töröŋan kungö uruŋe geba Anutu nam köliga mötkutukutu keu jijiŋö kalemŋi waŋgiza. Uŋa mohot mianŋönök mönö kun sölölohöiga mötmöt qainŋi kun möt yaközawaŋgö kalemŋi buŋa qem aŋguza.

⁹ Kunöŋ Uŋa mohot mi qekötahöba mötnariŋkö kalemŋi buŋa qem aŋguza. Toroqeba kunöŋ Uŋa Töröŋi miyöhök qekötahöba mem ölö-ölowakö kalemŋi kalemŋi buŋa qem aŋguza.

¹⁰ Kungöra aŋgöletot memegö ösumŋi waŋgiza. Kungöra Anutugö kezapqetok keu jijiŋö kalemŋi waŋgiza. Kungöra uŋa aka öme mendeŋbingö kalemŋi waŋgiiga uŋa ölopŋan me ömewöröme kunöŋ sölölohöiga maljawi, mi ölop kewörakza. Kungöra keuŋi keuŋi qainŋi kun jijiŋö kalemŋi waŋgiza. Toroqeba kunöŋ keu qainŋi kun jüga kungöra mi melenmapkö kalemŋi waŋgiza. ¹¹ Nup memegö mötmöt kalem pakpak mi Uŋa Töröŋi mohot mianŋönök mönö sölölohöba möri dop köljawaŋgö dop mendeŋniga körek neŋön nanŋök nanŋök buŋa qem aŋguba maljin. Mewö.

Kraistkö öŋi mohotmö, kitipurupŋi gwötpuk.

* 12:4: Rom 12.6-8

12 *Silenini mohot akzapmō, tōndup miangō uruṇe silegō kitipurupṇi mi gwōtpuk akze. Kitipṇi pakpak mi gwōtpuk akzemō, tōndup mi mindiriba sile mohot akze. Kraistkō ḡḡan mewōyōk mōnō miangō dop akza. 13 Miangō kōnaṇi kewō: Uṇa mohotnōṇ mōnō kōrek nini sōlōlōhōba melun mem nenḡiiga Kraistkō ḡḡi mohot akzin. Nini Juda me kantri tosatṇangō toni maljini, nanini nupnini memakzini me tonini ḡne welen qem enḡimakzini, mi tōndup kōrek nini mōnō Uṇa miyōk buṇa qem anḡuinga urunine geiga mōt wanḡizin.

14 Sileninan mōnō sile kitipṇi mohotkō dop qahō akzapmō, miangō uruṇe kitipurupṇi mi gwōtpuk akze. 15 Kōnaninan kewō jibawak, “Ni bōrōya qahō. Miangōra sile qahō toroqeba maljal.” Mewō jibawak ewō, miangōra mōnō tōndup sile mosōta nanṇōk qahō malbawak. 16 Kezapninan kewō jibawak, “Ni jeya qahō. Miangōra sile qahō toroqeba maljal.” Mewō jibawak ewō, miangōra mōnō tōndup sile mosōta nanṇōk qahō malbawak.

17 Sileninan jōmuk je akawak ewō, keu mōtmōtkō kezapninan mōnō denike tatpawak? Mewōyōk jōmukṇanōk kezap akawak, mewō wōrōn mōtmōtkō sōḡgōrōninan mōnō denike tatpawak?

18 Nanṇōk nanṇōk qahōpmō, Anutunōṇ sile kitip mohot mohot mi areḡōba mōri dop kōljawangō dop mindirim enḡiiga sile mohot akze. 19 Sile kitip pakpak mi kitip mohot akeak ewō, mōnō denōwō sile mohot akawak? 20 Mewō qahōpmō, sile kitipnini mi gwōtpukmō, silenōṇ mōnō mohok akza.

21 Miangōra jenōṇ bōrōgōra kewō jimangō osiza, “Ni gōhōra qahō osizal.” Mewōyōk nōrōpnōṇ kōnagōra “Ni gōhōra qahō osizal,” mewō jimangō osiza. 22 Simbisembel qahōpmō, sile kitipnini mōringa lōlōwōrōṇi akzei, mienṇōn qahōwaketka jebuk malbingō osibin. 23 Sile kitipnini mōringa qetbuṇaṇini eretṇi akzei, mi mōnō esuhuinga qetbuṇaṇinambuk akze. Sile kitipnini mōringa gamuṇinambuk akzei, mi mōnō tōrōrōk esuhuinga ambazip jenjine dop kōlja.

24 Sile kitipnini aukṇe kondelbingō gamu qahō mōtzini, mi mōnō qahō esuhuinga dop kōlja. Mewō ahakzinmō, Anutunōṇ sile kitipṇi kitipṇi mindiriba jōhōm enḡiba kitipṇi omanṇi mi qetbuṇa ketanṇi wanḡiiga ḡrōrōṇ akze. 25 Sile kitip yeṇōn sutṇine jula anḡururuk akepukmō, tandōk mohot kōyan kōl anḡumegōra mōnō areḡōḡiga ḡrōrōṇ akze. 26 Sile kitip kunṇan si-himbōlō mōtzawi, tosatṇi pakpak mōnō yambuk sihimbōlō mōrakze. Sile kitip kunōṇ qetbuṇa miwikṇaizawi, tosatṇi pakpak mōnō yambuk sōḡgaimakze.

27 Eṇōn Kraistkō ḡḡi akze aka mohot mohot eṇōn mōnō yanḡō ḡḡanḡō sile kitipṇi akze. 28 *Miangō dop Anutunōṇ al enḡiiga urumelen kōnagesōḡō nup kewō memakze: Mutuk tosatṇi kunḡum enḡiiga melaimelai azi aposol akze. Miangō andōṇe kambu yahōtṇi kunḡum enḡiiga kezapqetok ambazip akze. Kambu karōbutṇi yeṇōn bōhi qaḡazu akze. Miangō andōṇe tosatṇan anḡōletot meme ambazip akze. Tosatṇi yeṇḡōra mōtmōt kalem enḡiiga kawōḡṇi kawōḡṇi mem ḡlōwahakze. Tosatṇan anḡeba kōhōiba tosatṇi alabauk ak enḡimakze. Tosatṇi yeṇḡōra kalem enḡiiga galōmkōlkōl nup memakze. Tosatṇan keu qainṇi kun jimakze.

29 Kōrek eṇōn mōnō melaimelai azi aposol qahō akze. Saumban! Kōrek eṇōn mōnō kezapqetok ambazip qahō akze. Kōrek eṇōn bōhi qaḡazu akze me qahō? Kōrek eṇōn anḡōletot meme ambazip akze me qahō?

30 Kawōl mem ḡlōwakingō mōtmōt kalemṇi kalemṇi mi kōrek enḡōren ahōza me qahō? Kōrek eṇōn mōnō keu qainṇi kun qahō jimakze. Qahō. Keuṇi

keunji qainnji kun jigetka enjon monö körek mi melenbingö amqeze me qahö?
 31 Enjon monö nup memegö mötmöt kalemni kalemni ölop sorokni mi bunja qem anjubingöra awöweñgömakne. Mewö awöweñgögetka nöñon kona qetpuk sorokni kondela mianjö mötmöt kalemni mi kewö jim asarimam:

13

Jöpaköm anjuatjugö kalemni

1 Nöñon ambazip aka Suet garata weñgö keunji keunji qainnji kun mianjon keu jiba malbilenakmö, urukalemnan qahö asuhuza, monö töndup kewö akilenjak: Gon qegetka gongon qeri anjötömualni mörakzini me göjon (biret) uturukögetka kinqororon qerakzawi, monö mianjö dop akilenjak.

2 *Kezapqetok keu jijigö mötmöt kalemni ahöm niñgiiga keu asa-asambötñi pakpak mötpilenak aka keu pakpakö könanji möt yaköbilenjak, mianjon monö dopne akza me qahö? Mi töndup urukalemnanjö öljan qahö asuhuiga mewö monö yuai omananök aka öne töhön malbilenjak. Mötnarip köhöikni kötökni miwikñaiba mianjö qakne kundunanjö Tonji jim kutubiga ölop tem köla kundunji qeköba kungen albawakmö, urukalemni qahö asuhuza, mewö töndup monö yuai omananök aka öne töhön malbilenjak.

3 Sukinapni pakpak ambazip wanapni weñgöra menden enjibilenjak aka sileni tosatñan ohoget jemapköra tököm enjibilenjakmö, urukalemnanjö öljan qahö asuhuza ewö, mianjon monö qahö kötökni bauköm niñgima.

4 Kunñan alanji urunjan jöpaközawi, yanjon monö urukönöpñi qahöpmö, urubönjön qakne ala ak wanñimakza. Körogisigisi qahö möta yuainanjöra qahö köpösöñgömakza. Silenji qahö mem wahöta jakbak-öranböran qahö malja. 5 Ahakmemeñan alananjö urunji qahö mem bölimakza. Nanñi ölöwakanjögörök qahö kapan kölakza. Uruqege ak wanñigetka urukönöp zilan qahö ahakza. Mem bölim wanñigetka sihimbölo möröhi, mi qahö mötmöröba mosörakza.

6 Tosatñan bölöñi akzei, mianjöra qahö söñgaizapmö, keu ölni wu-atanjögökzei, monö yembuk mohotne söñgaimakza. 7 Nalö dop alanji sel jöhöba qöhöröne kin köhöiba möt narim wanñimakza. Mewö me mewö asuhuiga Anutugö jörömqöröm aka al mamböta awösamakak kinda sihimbölo pakpak möta mököösöñgömakza.

8 Urukalem ahakmeme mi nalö teteköñi qahö ahöm öñgöma. Kezapqetok keu jiba keunji keunji qainnji kun jimakzei, mianjon qahöwakña aka mötmöt qainnji kun mianjon monö mewöyök omanji ak teköma. 9 Mötmöt qainnji kun mi bahösapsap möt yakömakzin aka kezapqetok keu mi bahösapsap jimakzin. 10 Bahösapsap ahakzinmö, Anutugö kalemni kalemni aködamunñinambuk asuhumei, nalö mianjöreñ bahösapsap malmalinan monö qahöwahiga oy-aeñkoyaen siyonşayonji qahö malbin.

11 Nöñon namande malali, nalö mianjöreñ namande keu jiba malal. Urumötmötñan namande aiga mianjö dopkeu kewöta mötmöröba malal. Azi ketanji aka mianjöreñ namandegöreñ ahakmeme mi mosöta andö qeal.

12 Mianjö dop nalö kewöñe Anutugö aködamunñi mi ölop qahö ehakzin. Mi piliknön uba ehök tandök ek bibihiba tandökni törörök qahö möta öne mötmörömakzin. Mewö mötmörömakzinmö, könanjep Anutubuk mesohol kölanjuba ek soroköbin. Nalö kewöñe mötmöt qainnji kun mi bahösapsap möt yaközalmö, nalö mianjöreñ mi monö körek möt yaköm tekömam. Anutunön

* 13:2: Mat 17:20; 21:21; Mak 11:23

ni môt kômum ningizawi, nõhõn mianğõ dop yangõ kõnanamni môt kômum tekômam.

¹³ Keu ki jim kõhöizin: Kalem karõbut môt narip, jörõmqörõm aka urukalem mi kõhöiba ahõm õngõmemõ, urukalem ahakmeme mianğõn mõnõ sutnjine õngõngõnji akza. Mewõ.

14

Kezapqetok keu aka keu qainni kun jijigõ kalemni

¹ Urukalemğõ kõnanji mõnõ wuatangõba malme aka nup memegõ mõtmõt kalem kõnanji kõnanji mi mõnõ buņa qem angubingõ kapanj kõla malme. Mianğõn õlõpmõ, kezapqetok keu jijigõ kalemni memingõra mõnõ kõhöiba kapanj kõla malme. ² Kunõj keu qainni kun jizawañõn mõnõ ambazip neñgõra qahõpmõ, mõnõ Anutugörök mi jimakza. Uņa Törõğan sölõlõhöiga keu asa-asambõtñi asuhui jimakzawañgõra tosatñi neñõn keu mi qahõ môt asarim wañgimaksin. Mõnõ nanñanõk baukõm angumakza.

³ Tõnpin maljinmõ, kezapqetok keu jimakzawañõn mõnõ ambazip urunini mem kõhöiba nanğõba urukõlalep ak neñgimamğõra aka keu jimakza.

⁴ Kunñan keu qainni kun jiba mianğõn mõnõ nanñi uruñi mõhamğõba kõhökõhöi miwikñaimakzapmõ, kezapqetok keu jimakzawañõn mõnõ urumelenj kõnagesõ pakpak urunini mõhamğõba mem kõhöim neñgimakza.

⁵ Injini kõrekñan keu qainni kun jimeğõra mõtzalmõ, kezapqetok keu jimeğõra mõnõ kapanj kõla gwõtputk mõtzal. Kezapqetok keu jimakzawañõn mõnõ keu qainni kun jimakzawi, mi õngitza. Keu qainni kun jiba mi mianğõrenjõk nanine keunõj melenjawı, mewõ mõnõ örörõj akzahot. Mewõ aiga keuñan mõnõ urumelenj kõnagesõ urunini mõhamğõba mem kõhöim neñgiiga dop kõlja.

⁶ O urumelenj alaurupni, nõhõn engõrenj kaba keunji keunji qainni kun jibilenjak, mewõ mõnõ denõwõ mem õlõwak engibilenjak? Mewõ qahõpmõ, Anutugõrenj keu indelmam me mõtmõt qainni kun engimam me kezapqetok keu jimam me goro kusum engimam ewõ, mianğõn mõnõ mem õlõwak engimam.

⁷ Awõlop me gita kulele me yuai kunõj lijetkõ imbinji miwikñaimakzini, mienğõn mõnõ malmalñini qahõpmõ, kõnanjini mõnõ mewõñanõk kewõ ahõza: Kunñan awõlop lañ uba me gita kulele lañ qeiga mianğõn qetjini nanjõk nanjõk qahõ miwikñaimakza ewõ, lijetkõ imbinji mõnõ denõwõ môt asarib-inak? ⁸ Mewõyõk tõmun um bõligetka qetñi törörök qahõ môt asarizin ewõ, dañõn mõnõ bim qeqegõra jõjörõbawak?

⁹ Engõ kõnanjinan mewõñanõk ahõza: Nesilamñinan ambazip qahõ môt asarimeañğõ dopkeu lañ jize ewõ, kunñan keu mewõñi mõnõ denõwõ môt asaribawak? Keu mewõ jizei, mianğõn mõnõ õne lañ luhutnõj anakza.

¹⁰ Gõlmeñi gõlmeñi mianğõrenj keu murutñi murutñi dawik jimakzini, mi dañõn mõtpawakmõ, tõndup kõrek mienğõn mõnõ keugõ kõnanji môt asarib-ingõra aka ahõze.

¹¹ Kõnanji mianğõra aka jimakzinmõ, kunõj keu jiiga keuñangõ kõnanji qahõ mõtzal ewõ, nõhõn yangõ keuñangõ kianñi akiga yañõn mewõyõk nõhğõ keuñangõ kiani akza. ¹² Engõ kõnanjinan mewõñanõk ahõza: Injini nup memegõ mõtmõt kalemni kalemni buņa qem angubingõ awõwengõgetka dop kõlja. Mianğõrenj mõnõ kalem kewõñi memingõra kapanj kõla malme: Mõtmõt kalem urumelenj kõnagesõ uruñini mõhamğõba mem kõhöimakzei, mõnõ mi buņa qem anguba nupnõj algetka qetputk akña.

13 Mianğöra keu qainji kun jimakzawanjon mönö kewö köuluköiga dop kölma, “O Anutu, keu jizali, mi melenmamgö mötmöt kalemni ninjiman.”
 14 Mianğö könani kewö: Nöñon keu qainji kun jiba köuluközal ewö, nöngö unjanan keuyök jiba köuluközapmö, urumötmötnan mönö ölni kun qahö mi-wikñaiza.

15 Mianğöra mönö denöwö akiga dop kölma? Nöñon mönö unjananöhök qahöpmö, urumötmötni mewöyök mianğörenj ala köulukömakñam. Liñet köla möpöseimakzali, mi unjananöhök qahöpmö, urumötmötni mönö mewöyök mianğörenj ala kölakñam. 16 Gi Anutu unjanan möpöseim wangizan ewö, ambazip omanj kunjan totokonjine kaba tata möpöseizanañgö könani qahö möt kutumawi, yanjon mönö “Keu mi ölna,” mi denöwö jibawak? Wania jizani, yanjon mi qahö möt asariba öne tönpin tatza. 17 Gi ölop Anutu möpöseizanzmö, keugan tosatni yengö urunini qahö möhamgöba mem köhöim engiza.

18 Nöñon körek injini engongita keunji keunji qainji kun mi gwötpuk jimakzali, mianğöra Anutu möpöseizal. 19 Anutu möpöseizalmö, urumelenj könagesö urunje ambazip kusum engimamgöra kapañ köla möt asarimegöra keu jitñi 5 jimamgö mötpi ölni akza. Keunji keunji qainji kunöñ keu jitñi 10.000 nanangörök jimamgö mötpi eretñi akza.

20 Urumelenj alaurupni, injini keu kewöta mötmörimakzei, mianğörenj mönö namande tandök mosöta ambazip ketani yengö dop mötmörriba malme. Bölöñi akin jigetka mianğörenj mönö morösepsep ewö aka osimemö, mötkutukutuñinan mönö ambazip ketani aka malme. 21 *Mosesgö Köna keunöñ keu kun kewö ohoget ahöza,

“Nöñon kian ambazip kunğum engibiga könagesö kienğörenj kaba jitñinan keu tandökñi kun jigetka lanj welipkömakñemö, mi töndup nöngö keuni qahö mötme. Kembu nöñon mewö jizal.”

22 Keu mianğö dopkeu qainji kun jiinga urunini qahö melenget yenon mötketka Anutugö aiwesökñi ak engizapmö, mötnarip ambazip nenğöra mianjon mönö aiwesökñi kun qahö akza. Mi qahöpmö, kezapqetok keu jiinga mianjon mötnarip ambazip nenğöra Anutugö aiwesökñi akza. Urumelenğö kopa yenon mi mötketka Anutugö aiwesökñi kun qahö ak engiza.

23 Urumelenj könagesö enjon tokoba körek enjon keunji keunji qainji kun mianğörenj jigetka tosatñan Buña keu qahö kusum engigetka urunini qahö melenjda öne mianğörenj öngömei, yenon mönö auruba kewö jibeak me qahö, “Nöröpninan mönö sohoi kahalalom akze.”

24 Mewö jibeakmö, körek enjon kezapqetok keunji keunji jigetka kunjan Buña keu qahö kusum wangigetka mötnaripñi qahö öne totokonjine öngöma ewö, körek enjon mönö sinğisöndokñi indela urunij qahö melenñöhangö keunji jim tekögetka könanamñi möt kutuiga aukñe asuhuma. 25 Urunañgö keu tölapñi tölapñi aukñe asuhuiga yanjon mönö dapköba eta Anutu waikñi memba möpöseiba kewö jim miwikñaiba qetma, “Anutunöñ ölna engö sutñine malja.” Mewö.

Urumelenj totokogö areñi kewö:

26 O urumelenj alaurupni, mewögöra nini mönö denöwö jiinga dop kölma? Injini Buña keugö tokomakñei, mianğörenj mohot mohot enjon mönö körek areñini kun me kun mi kewö ahakñe: Kunöñ Buña liñetkö areñi aliga kunöñ Buña keu kusum enjiiga kunöñ Anutugö goro dölokñi indeliga kunöñ keu

* 14:21: Ais 28.11-12

gainji kun jiiga kunöŋ mi melenma. Areŋ pakpak mi mönö urumelen könagesö urunini kunguget köhöibingöra aka ahakŋe.

²⁷ Tosatŋan keu qainji kun jime ewö, ambazip 4 qahöpmö, yahöt me karöbut yeŋönök mönö totoko mohotkö uruŋe mewö jime. Yeŋönök mönö arenjanöŋö dop awataŋ jigetka kunŋan mi melenma. ²⁸ Kunŋan keu melenmamöŋö dop qahö akza ewö, yeŋön mönö urumelen könagesöŋö totokonöŋ keu bökö tata nanŋinanöŋörök keuŋini qainji kun jigetka Anutunöŋ mötma. ²⁹ Kezapqetok ambazip yeŋöŋöŋök yahöt me karöbut yeŋöŋörök mönö areŋ enjigetka keu jigetka tosataŋ mönö keuŋini kewötme.

³⁰ Mewö akŋemö, kunŋan totokonöŋ tariga Anutunöŋ goro keu uruŋe indeli mötza ewö, yaŋön mönö mi jiiga kezapqetok keu mutuk jizawaŋön keuŋi mösöta bökö tatma. ³¹ Ambazip köreŋan Anutugö goroŋi mötketka uruŋini nanöŋi ölöwakŋegöra iŋini mönö körek pakpak ölöŋ nalöŋini memba arenjanöŋö dop kezapqetok keu jime. ³² Kezapqetok ambazip yeŋön mönö ölöŋ uŋaŋini galöm köŋgetka uŋaŋinan keu bapŋe anjeangö dop akze.

³³ Anutunöŋ kizik-kazuk Toŋi qahöpmö, luai Toŋi akza. Mianöŋöra totokonŋini mönö arenöŋöŋ wuatangöba ahakŋe. Ambazip sarakŋi yeŋöŋö sutŋine könagesö dop ahakzei, iŋini mewöyök mönö mianöŋö dop kewö ahakŋe: ³⁴ Ambi enöŋ mönö urumelen könagesöŋö totokonŋine keu bökö tatme. Yeŋön keu jimeangö dop qahö akzemö, Köna keu ahözawaŋö dop mönö keu bapŋe anda malme.

³⁵ Ambinöŋ urumelen könagesöŋö keu jim kutuba kusum enjigiga qahö dop kölja. Mianöŋöra keu kungö könaŋi mötŋingö mötze ewö, yeŋön mönö mirinŋine anda tata nanŋini apurupŋini qesim enjime.

³⁶ Anutugöreŋ Buŋa keu mianöŋ mönö enöŋö sutŋineyök ahuyök me qahö? Keu mianöŋ ahuba sehiba mala enöŋöreŋ kaba enöŋö buŋayök akza me qahö? ³⁷ Kunöŋ kewö jibawak, “Nöŋön kezapqetok keu jibiga Uŋa Töröŋan sölölohöm niŋgiiga keu miambuk urumohot qahö akzal.” Mewö jizawaŋön mönö keu ki möt yaköma: Nöŋön ambigöra keu ohom enjizali, mianöŋ mönö Kembugö jöjöpaŋ keu akza. ³⁸ Kunŋan keu mianöŋö kezap qahö ala silebile malja ewö, iŋini mönö azi yaŋöŋö keugö kude kezap al wangiba malme.

³⁹ Mianöŋöra urumelen alaurupni, iŋini mönö kezapqetok keu jibingöra awöweŋgöba malme aka keu qainji kun jimegö soŋöŋi mi kude alme. ⁴⁰ Mi kude almemo, yuai pakpak mönö törörök areŋ ala wuatangöba ahakŋe. Mewö.

15

Kraistnöŋ kömupnöhökö wahörök.

¹ O urumelen alaurupni, nöŋön Ölöwak Buŋa jim asarim enjiali, mi ölum enjubapuköra mönö köŋö gulim enjimam. Iŋini mi buŋa qem anöŋuba mötnariŋini mianöŋöreŋ ala töndangöba kinje. ² Nöŋön Ölöwak Buŋa jim asarim enjiali, iŋini mi mianöŋö dop töŋ memba anöŋön köŋöme ewö, mianöŋ mönö mem letot enjigiga Suepkö buŋaya akŋe. Mewö qahö akŋe ewö, uruŋini mönö öne töhöŋ melennda malje.

³ *Nöŋön keu tosataŋi pakpak göraŋe ala nanak Buŋa keu möt anöŋön köŋöli, mi mötŋi öngöŋiga mianöŋö keu köŋni mötmegöra mi kewö enjial: Kraistnöŋ mönö Buŋa Kimbi ahözawaŋö dop nenöŋö singisöndokninanöŋöra aka kömuyök.

* 15:3: Ais 53.5-12

4 *Kömuiga Buña Kimbi ahözawaŋgö dop löm kölgetka sömaŋi karöbut aiga kömupnöhök wahörök. 5 *Kömupnöhök wahöta Pitögöreŋ asuhuyök aka mianğö andöŋe gwarekurupŋi 12 yeŋgöreŋ asuhuyök.

6 Mianğö andöŋe nalö mohot mianğöreŋök urumeleŋ alaurupnini qötöŋini 500 oŋgiröhi, mönö yeŋgöreŋ asuhuyök. Yeŋgöreŋök ambazip ölni yeŋön toroqeba nalö kewöŋe mewöyök maljemö, tosatŋan lök kömuget. 7 Mianğö andöŋe munŋi Jeimsgöreŋ asuhuyök aka mianğö andöŋe aposol pakpak yeŋgöreŋ asuhuyök.

8 *Mieŋgöreŋ körek asuhubagun qöndökŋi mönö nöŋgöreŋ mewöyök asuhuyök. Nöŋön aposol mi asai ewö öröpköba aluŋi asuhuyal. 9 *Mianğö könaŋi kewö: Nöŋön aposol yeŋgö sutŋine mötpi eriga dagibezupŋini akzal. Anutugö urumeleŋ könagesö sesewerowero ak eŋgiba malali, mianğöra nöŋgö qetni aposol qetketka mötpi gamuŋambuk akza.

10 Gamuŋambuk akzapmö, nalö kewöŋe yuai akzali, mi mönö Anutugö kalem möriamŋan mem letota nam köl niŋgiiga maljal. Yaŋön kalem möriamŋi niŋgiiga liklak qahö akiga eta qeba omani qahö ahökmö, nöŋön mönö aposol körek luhut al eŋgiba köhöiba nup memba malal. Mi nanak qahöpmö, Anutugö kalem möriamŋan mönö inahöm niŋgiiga nupnaŋgö ölni mewö asuhuba sehiyök.

11 Nöŋön meali me yeŋön megetka ölni asuhuyöhi, mi muat. Neŋön mönö Ölöwak Buña keu mewö jim asarimakzin aka iŋini mianğö dop uruŋini melenđa Kraist möt nariba malje. Mewö.

Nini kömupnöhök denöwö guliba wahötŋin!

12 Mötket! Kraistnöŋ guliba kömupnöhök wahöröhi, yaŋgö könaŋi mewö jim asarimakzin ewö, eŋgöreŋök tosatŋan mönö denöwö aka kewö jimakze, “Kömukömuŋi yeŋön qahö guliba wahötme.” 13 Mewö jimakzemö, kömukömuŋi yeŋön qahö guliba wahötpeak ewö, Kraistnöŋ mönö mewöyök qahö guliba mal köhöibawak. 14 Anutunöŋ Kraist qahö mem guli kömupnöhök wahötpawak ewö, nini Buña keuŋi mi jim asarimakzini mi omani akawak. Mi möt narigetka mianğön mewöyök pömsöm qeba omani akawak.

15 Anutunöŋ ölna kömukömuŋi qahö mem gulim eŋgii wahötpeak ewö, Kraistnöŋ mönö mewöyök qahö mem guli wahötpawak. Nini mi töndup Anutugö könaŋi kewö naŋgöba jimakzin, “Anutunöŋ mönö Kraist mem guli kömupnöhök wahörök.” Keu mi ölni qahö akawak, ambazipnöŋ mönö mianğöra aka könaŋamnini miwikŋaigetka muneni aiga ölop nöŋgöra kewö jibeak, “Anutugö könaŋi mönö naŋgöba jim sohomakza.” Keu mianğön mönö gamuŋamjuk akawak. 16 Anutunöŋ kömukömuŋi qahö mem gulim eŋgii wahötme ewö, Kraistnöŋ mönö mewöŋanök qahö guliba wahötpawak.

17 Anutunöŋ Kraist qahö mem guli wahötpawak ewö, iŋini mönö öne töhöntöhön möt narim waŋgiba toroqeba siŋgisöndokŋinaŋgö kösögwarönöŋ malbeak. 18 Mewö aiga alaurupninan Kraistpuk qekötahöba kömuger, yeŋön mönö mewöyök sohoba könöp siagö buŋaya akeak. 19 Nini Kraist jörömqöröm ak waŋgiba gölmenöŋ malbinğöŋ dop galöm köl neŋgii mianğöreŋ tekömapköra mambötzin ewö, nini mönö ambazip tosatŋi pakpak eŋgoŋgita baŋŋine geba öngöpŋi daböŋi malinga köreŋan wösö mötmöt ak neŋgimakzeanğö dop akinak.

* 15:4: Sum 16.8-10; Mat 12.40; Apo 2.24-32

* 15:5: Mat 28.16-17; Mak 16.14; Luk 24.34, 36; Jon

20.19 * 15:8: Apo 9.3-6 * 15:9: Apo 8.3

²⁰ Mewö akinakmö, Kraistnöj mönö ölŋa guliba kömukömuŋi yeŋgö jitŋe memeniŋi aka kömupnöhök wahörök. ²¹ Miangö könaŋi kewö: Azinöj kömup kondoriga asuhui könahiba kömumba mala korin. Kömumba maljinangöra aka azi kunŋan kömumba guliba malmal köhöikŋi kondoriga asuhuyök. Miangöra nini körekŋan mönö mewöyök guliba kömupnöhök wahötpin. ²² Körek neŋön Adam ewö aka kömumbini, mewöŋanök Kraistpuk çekötahözini, Anutunöj nini körek mal köhöibingöra mem gulim neŋgima.

²³ Mem gulim neŋgimapmö, körek neŋön mönö Anutunöj nalö alöhanğö dop guliba wahötpin. Kraistnöj jitŋememeniŋi aka guliiga miangö andöŋe yangö buŋaŋi akzini, neŋön lilingöba kaiga nalö miangöreŋ guliba wahötpin.

²⁴ Kraistnöj mönö lilingöba kaba ömewöröme pakpak gölme dop ösummumu qakŋe galöm kölakzei, miengö kukŋini memba et ala ösumŋini körek köndenŋa. Mi köndenŋa bemtohoŋi Anutu Iwigö böröŋe aliga gölmenöŋ malmal miangöreŋ teköma.

²⁵ *Kraistnöj galöm köla mal öngöiga Anutunöj Buŋa keu ahözawangö dop “mönö kerökurupŋi körek luhut ala nanŋi köna bapŋe al engima.” Kraistkö galömkölköl nupŋan mönö miangöreŋ teköma. ²⁶ Kerökurupŋi luhut al engiiga miangöreŋ kömup Toŋan mönö qöndökŋi aiga memba et al wangima.

²⁷ *Miangö könaŋi mi Buŋa Kimbinöj kewö ahöza, “Anutunöj mönö yuai pakpak yangö köna bapŋe ali ahöza.” Keu mewö ahözapmö, “Yuai pakpak ali ahöza,” keu mewö jiiga könaŋi mönö aukŋe kewö ahöza: Anutunöj yuai pakpak Kraistkö bapŋe ali ahöiga nanŋi mönö qahö memba eta Kraistkö bapŋe al anguyök. ²⁸ Mewö qahöpmö, Anutunöj yuai pakpak Nahöŋangö bapŋe aliga galöm köla kerökurupŋi pakpak nanŋi kukösumŋangö bapŋe al engima. Mi teköiga miangöreŋ Anutunöj mönö Nahöŋni mewöyök nanŋi kukösumŋangö bapŋe ala galöm köl wangima. Mewö aka Anutunöj yuai pakpakö Kembunŋi ak teköba mal öngöma.

²⁹ Keu kun kewö: Ambazip tosatŋan uruŋini qahö melenŋa öne kömugerangöra tosatŋan kömukömuŋi mi bauköm engimegöra jiba salupŋini aketka dumŋe kunbuk o melun mem engimakze. Kömukömuŋi yeŋön qahö guliba wahötpeak ewö, yeŋgö nup ölŋan mönö denöwö asuhubawak? Anutunöj kömugeri, mi qahöpmahöp mem gulim engii wahötpeak ewö, ambazip mewöŋan mönö denöwögöra aka jigetka yeŋgö salupŋine o melun mem engimakze? Nupŋini mi mönö öne membepuk.

³⁰ Kömumba qahö wahötpinak ewö, neŋön mewöyök mönö urunini Anutugö nupnöj qahö ala jöhöbinak. Anutugö nupköra aka kömumbinbukö lömböt bapŋe sundan qahö anda malbinak. Qahö.

³¹ Kömupnöj mönö nalö dop gwahöt ningimangö dop akza. Keu mi ölŋa. O urumeleŋ alaurupni, nöŋön Kraist Jisös Kembunini yambuk kinda engöra aka sileni memba öngömakzali, miangö dopkeu ölŋi mi aukŋe jibi mötmegöra mötzal.

³² *Nani imbi-imbi wuatangöba nup ki memangö mötmörize ewö, yuai kianön mönö denöwö bauköm ningima? Mewö qesim engigiba mi mönö mötmöriba melenŋe: Nöŋön Efesus siti kiangöreŋ ambazip ubibi kanŋanŋinambuk ewö miwikŋaiba kömumbileŋbuköra yembuk auba malal. Mönö tötböröm aka auba malal. Kömumbagun qahö guliba wahötpini, mewö mönö

qahö aubilenak. Qahö! Mewö aiga ölöp tosatnji yembuk kewö jibilenak, “Uran kômumbinanğora mönö ölöp nene sôsöngai ala o köhöiknji nembra malbin.”

³³ Janjuj kude aknje. “Ambazip bölöngi yembuk köisirik tatketka ahakmeme ölöpñan bölöma.” Keu kun mewö ahöza. ³⁴ Engö sutñine tosatñan Anutu qahö möt wañgizei, mianğora gamuñini mötmegöra mi jizal. Mianğora mönö gukmaulemñini mosötmë. Imbiñinan letoriga törörök möta sinğisöndok kude toroqeba ahaknje. Mewö.

Sileninan guliba wahöta tandökñi kun akña.

³⁵ Kunöñ kewö qesibawak, “Anutunöñ kômükömuñi mi denöwö mem gulim engii wahötme? Sileninan mönö tandök denöwö melenñiga asuhume?”

³⁶ Mewö qesibawak, mönö uruqahö keuya jibawak. Injini sehoñ kötnji qahö kömuiga öne qesin gilme ewö, mianğon mönö qahö jula wahötma. ³⁷ Kötnjanğö ipñi wahötmawi, mi qahö kömötzanmö, kötnjanök qesin giljan. Wit me sehoñ kötnji me kötnji tosatnji gilakzan.

³⁸ Miyök gilakzanmö, Anutunöñ mönö sihimñanğö dop ipñi wañgima. Kötnji tandökñi nanñök nanñök mi nanñini ipñi engimakza.

³⁹ Yuai busuñini mi tandökñini mohot qahö. Ambazip busuñini nanñök, sömbup busuñini nanñök, nei busuñini nanñök aka söra busuñini mi nanñök.

⁴⁰ Mianğö dop Suepnöñ malmalgö sile mi nanñök akza aka gölmenöñ malmalgö sile mi nanñök akza. Nanñök nanñök akzahötmö, Suep silegö aködamunñi mi gölme silegö aködamunñi oñgita qainñi kun akza. ⁴¹ Wehöngö asakmararañi mi nanñök, köinğö asakmararañi nanñök aka senğelau miengö asakmararañini mi nanñök. Senğelau asarigetka tosatnji miengö asakmararañini mi senğelau tosatnji miengö asakmararañini oñgirakza.

⁴² Guliba kömupnöhök wahötpini, mianğö könañan mönö mianğö dop ahöza. Sile löm kölbini, mianğon gisahöba qahöwakñapmö, Anutunöñ mi mem guli wahötmawi, mianğon mönö qahö kömuma. ⁴³ Sile löm kölbini, mianğon lölöwöröñi aködamunñi qahö akzapmö, Anutunöñ mi mem guli wahöta mianğoreñ mönö köhöiknji aka asakmararañambuk akña.

⁴⁴ Sile löm kölbini, mianğon gölmenöñ malmalgö sileya akzapmö, Anutunöñ mi mem guli wahöta mianğoreñ mönö uña mire malmalgö sileya akña. Gölmegö sile ahöza ewö, mianğö dop uñagö silenji mi mewöyök ahöza. ⁴⁵ *Mianğö keunji mi Buña Kimbinöñ mewöyök kewö ohoget ahöza, “Azi mutukñi Adam yañon letota uñaji miwikñai ba söngörö ösumñi öröba malmalñambuk ahök.” Keu mi möringa likepñi kewö asuhuyök: Adam qöndökñan mönö memguliguligö uñaji ahök. ⁴⁶ Uñagö yuainji mi mutuk qahö asuhuyökmö, gölmegö yuainji mianğon mönö mutukñi akza. Uñagö yuainjan mönö mianğö andöñe asuhuyök.

⁴⁷ Anutunöñ azi mutukñi sömsömnöhök miwikñaiiga gölme asia asuhuyök. Azi könañgepñi yañon mönö Suepnöhök eta sutñine asuhuyök. ⁴⁸ Gölme ambazipnöñ azi gölmenöhök asuhuyöhi, mönö yanğö dop akze. Suepkö buña akzinañon azi Suepnöhök eta asuhuyöhi, mönö yanğö dop akzin. ⁴⁹ Nini gölme azi mutukñanğö kaisongolomñi memba maljini, mianğö dop Sup azigö kaisongolomñi mi mewöyök memba malbin. Mewö.

* 15:45: Jen 2.7

⁵⁰ O urumelenj alaurupni, nõjõn keu kewõ jibi mõtme: Sep busuninan mõnõ Anutugõ bemtohoj uruñe aņgota dum memegõ dop qahõ. Mi osima-hot. Sile kianjõn gisahõba qahõwakñawi, mianjõn mõnõ oyaenjkoyaeñ qahõ akña. Suepkõ dum qahõ ayapkõmawi, sile kianjõn mõnõ mi memamgõ osima.

⁵¹ *Mõtket! Nõjõn keu tõlapñi kun kewõ indelmam: Kõrek neñjõn mõnõ qahõ nõj qeba kõmumbin. Qahõpmõ, kõmukõmuñi yeñõn letotketka tosatñi neñjõn mõnõ sileninambuk letotpin. ⁵² Anutunõj kõmukõmuñi mem gulim enjiiga tõmun qainñi kun qõndõkñan qeriga mianjõrenj wahõtketka neñjõn biliksik aliga wõlanõk letotpin. Mutuk kõmugeri, yeñjõn mõnõ kunbuk qahõ kõmume.

⁵³ Sep busu ki gisahõba qahõwakñawi, mianjõn mõnõ letota qahõ ayapkõmawanjõ dop akña. Sile ki kõmumawi, Anutunõj mi mõnõ opo ewõ qekõba mianjõ salupñe sile qahõ kõmumawi, mi neñgii memba maluku ewõ lõngõtpin.

⁵⁴ *Mewõ akzapmõ, letotletot mi ak tekõiga silenini qainñi kun meinga qahõ kõmumba gisahõmawi, nalõ mianjõrenj mõnõ sõņgaibin. Buña Kimbinõj keu ohoget ahõzawi, mianjõn mõnõ õļjambuk aiga mianjõ dop kewõ jime, “Yañjõn mõnõ kõmup Toñi kõdenjda luhut aliga kõirañ aljin.”

⁵⁵ *Keu mianjõ alañi kun kewõ, “O kõmup Toñi, gõjõn mõnõ luhut almananjõ dop qahõ. O kõmup Toñi, gõhõrenj lõņip jitñi mianjõn mõnõ neñgõhõmamgõ osima.”

⁵⁶ Keu mewõ ahõzapmõ, kõmupkõ lõņip jitñi mi siņgisõndok ahakmeme. Jõjõpañ keuñan mõnõ siņgisõndok akinbukõ sonjo aliga tõndup ahinga kukñambuk ahakza. ⁵⁷ Kukñambuk ahakzapmõ, Kembunini Jisõs Kraistnõj mõnõ Anutugõrenj bohon kõliğa alabauknini aiga yangõra aka luhut ala malbin. Mianjõra “Anutu saiwap!” jizal.

⁵⁸ O wõlbõt alaurupni, luhut albinanjõra enjõn mõnõ kin kõhõiba anjanbanjanj mosõta uruñini kude õņgõba eta ahakña. Kembugõrenj qekõtahõba nupñi megetka õļjan mõnõ eta omanj qahõ akña. Mi mõt yakõba Kembugõ nupñi mi mõnõ urukõnõp* qakñe bõj qeba põndanj memba malme. Mewõ.

16

Jerusalem alabauk enjimegõ jimkutukutunji

¹ *Judia kõnagesõ sarakñi yeñjõra alabauk monenj tokomegõra qesim niņgigeri, mianjõra kewõ jim kutum enjizal: Nõjõn Galesia prowinsgõ urumelenj kõnagesõñi kõnagesõñi jim kutum enjiali, enjõn tok mõnõ mianjõ dop kewõ ahakñe:

² Sonda dop wehõn mutukñi mianjõrenj injini kõrek nanjõk nanjõk mõnõ naluk alakñe. Tõhõtmõriam memakzeanjõ dop monenjini bahõñi mi kõweñjini gõrañe ala galõm kõla malme. Mewõ aketka nalõ engõrenj kabiga mianjõrenj naluk sanjabanja almeanjõ dop qahõ akñemõ, mi õļõp kõweñjineyõk memba altanõj alme.

³ Mewõ aketka engõrenj kamami, nõjõn nalõ mianjõrenj õļõp jim-asasari kimbi ohoba azi nup mianjõ mõtket dop kõļjawi, mõnõ yeñjõ bõrõñjine ala melaim enjigiba mindimindiri kalemñini mi memba Jerusalem anme.

* **15:51:** 1 Tes 4.15-17 * **15:54:** Ais 25.8 * **15:55:** Hos 13.14 * **15:58:** Urukõnõp mi Kembugõrenj õļõpñanjõra jiza. Urukõnõp bõlõñi mi qahõ. * **16:1:** Rom 15.25-26

4 Nöñön yembuk mohotñe anmamgö anmam ewö, yeñön mönö ölöp nömbuk toroqeba mohotñe köwet kutuba anbin. Mewö.

Polgö nupñangö aka köna anangö areñi

5 *Nöñön Masedonia prowins onñgita anmam. Miangöra Masedonia mosötagun mönö engörej kamamgö mötzal. 6 Engörej kaba nalö tosatñi embuk tatpileñak me kömunñan kie nalöñi (winter) mi mewöyök engö sutñine toroqeba mal teköbilenñak. Mewö malbi ölöp bauköm niñgigetka denike denike anbilenñak, miangörej mönö amqeba köna toroqeba anmam. 7 Nalö kewöñe engörej kaba kusukñanök engoka engongita anmamgö qahö mötzalmö, Kembunöñ onñ jima ewö, mönö nalö tosatñi embuk tatmamgö jöjörözal.

8 **Mewö jöjörözal, mutuk Efesus siti kiangörej toroqeba malbi yambu jeniqe qe dölokñi (pentekost) mianñön kam kuñguma. 9 Anutunöñ nöñgöra nupkö nañgunñi ketanñi öroi ölöp nup ketanñi membi ölni asuhum sehimakzalmö, gwötpukñan tuarenñon ak niñgimakze. Miangöra kiangörej toroqeba malmamgö mötzal.

10 *Timotinöñ ni ewö Kembugö azi ipñi aka nupñi memba malja. Miangöra yañön engörej kama ewö, iñini mönö köyan köl wañgigetka kengöt mötmötñi qahö engö sutñine malma. 11 Kunñan kun kude ek sirik kölmapmö, embuk mal teköba nöñgörej kamamgö jimawi, miangörej mönö bauköm wañgigetka luainöñ engömosöta lilingöba kama. Nöñön urumelenñ alaurup yembuk i ekingö mambötzin.

12 Urumelenñ alanini Apolos yañgö keuñi kewö jimam: Yañön urumelenñ alaurup yembuk engörej kamegöra jiba köhöikñanök uru kuñgum wañgial. Mi wañgialmö, nalö kewöñe engörej kamamgö tököm köhöiza. Könañgep nalöñi ölöp ahöm wañgimawi, mönö miangörej kama. Mewö.

Yaizözkök keu teteköñi

13 Iñini mönö uruguliguli mala mötnariñini köl guliba kin köhöiba malme. Azi köhöikñangö döp mönö urugö nañgönañgö ambazip aka Kembugö kukösumñambuk kinme. 14 Yuañi pakpak aka memei, mi mönö urukalemñonñ aketka asuhuma.

15 *Stefanas yañgö mire maljei, iñini mi möt engize. Akaia prowinsnöñ nup meinga uruñini melengetka nupninañgö ölni mutukñi mewö asuhuyöhi, mötze. Yeñön ambazip sarakñi mi pöndañ welen qem engiba uruñini miangörej jöhöba ala maljei, mi mötze. O urumelenñ alaurupni, nöñön uruñini kewö kuñgum engizal: 16 Iñini tok ambazip mewöñi aka yembuk toroqeba nup mohotñe memba Anutu welenni qemakzei, mönö körek yañgö keuñini bapñe anda malme.

17 Nöñön Stefanus Fortunatus aka Akaikus ki kagerañgöra söñgaimakzal. Iñini nömbuk Efesus ki qahö malgetka yeñön mönö engö salupñini aka köisirik ak niñgigetka döp kölja. 18 Yeñön engö uñañini köro-ölöwak qeba maljei, miangö döp mönö nöñgö uñañi mewöyök köro-ölöwak qem niñgiba malget. Miangöra iñini mönö azi mewöñi yañgöra mötket öngöiga mi aukñeyök jiba keuñinañgöra törörök kezap ala malme.

19 *Urumelenñ könagesöñi könagesöñi Eisia prowins kiangörej maljei, yeñön mönö yaizözkökñini algetka engörej kaza. Aqila Prisila aka urumelenñ

* 16:5: Apo 19.21 * 16:8: Lew 23.15-21; Dut 16.9-11 * 16:8: Apo 19.8-10 * 16:10: 1 Kor 4.17 * 16:15: 1 Kor 1.16 * 16:19: Apo 18.2

könagesö yetkö mire tokomakzei, yeñön mönö Kembedugö qetne yaizözkökñini gwötpuk algetka engörej kaza. ²⁰Urumelen alaurup pakpak Efesus ki maljei, yeñön mönö yaizözkökñini algetka engörej kaza. Injini mönö urumelen alaurupñini yembuk jölöñini jiba anğum anğuba numbunñini yöhötim namba malme.

²¹ Nani yaizözkökni engörej ala qetni nani börönan kewö ohozal: Pol.

²² Kunñan Kembedu qahö jöpaköba urukalem qahö aka malja ewö, Kembedunöñ mönö qesuakñi yangö qakne ali öngöma. Kembedunini, gi mönö kanöñ!

²³ Kembedu Jisösgö kalem möriamñan mönö embuk ahöma.

²⁴ Kraist Jisösbuk qekötahöba kinjei, nöngö urujöpaknan mönö körek embuk ahöba kötuatköm enjii malme. Keu mi ölna. Mewö.

Korint Kimbi 2 Polnöy Korint yengöra kimbi aliga 2 ahök. Jim-asa-asari

Pol aka Korint urumelen könagesö yeñon urumohot ölopñi qahö aketka nalö miangörey Polnöy Masedonia mala kimbiñi ki ohoyök. Tosatñan Pol tuarenjon köhöikñi ak wañgetmä, Polnöy töndup anğururuk memba et ala yembuk urumohot akingö kapan kölök. Anğururukñini tekömapkö urusösöngaini kondel engiyök.

Kimbi bahöñi mutukñi (Boñ 1-7) miangörey Polnöy Korint urumelen könagesö yembuk jöhöjöhö ahöhangö keuñi jiza. Könañi denöwögöra urumelen könagesö mi köhöikñanök jim engiyök? Mewö aiga uruñini melenja urumohot akeri, miangö sösongaini kondela jim asariza.

Kimbi bahöñi 2 (Boñ 8-9) miangörey Judia urumelen könagesö bauköm engiba naluk engimegöra kuñgum engiza.

Kimbi bahöñi 3 (Boñ 10-13) miangö keuñi kewö: Böhi takapulakanñi tosatñan nanñini getñini 'Aposol ölni' jiba Polgöra aposol munenñi jigetka Polnöy keu miangö likepñi melen engiyök.

Buk kiangö bahöñi bohonñi 5 mi kewö:

Jim-asa-asari keu 1.1-11

Pol aka Korint urumelen könagesö 1.12-7.16

Judia urumelen kambu yengöra naluk alme 8.1-9.15

Polnöy aposol ölni akzawangö kukösumñi 10.1-13.10

Keu teteköñi 13.11-13

1 *Anutunöy sihimñangö dop Pol ni kuñgum niñgiiga Kraist Jisösgö melaimelai azi aposol akzal. Nöñon urumelen alanini Timotibuk tatzit. Korint sitinöy Anutugö urumelen könagesö maljei aka ambazip sarakñi pakpak Akaiia prowinsñini dop köla maljei, netkön embuk Buña keu eraum mötpingöra kaba kimbi ki ohozit.

2 Anutu Iwinini aka Kembu Jisös Kraist yetkön mönö kalem möriam engiyohotka luainöy malme.

Polnöy Anutu uruköleptangöra möpöseiza.

3 Nini Kembunini Jisös Kraistkö Anutu Iwiñi möpöseimakzin. Yanñon mönö ak-kömükömu Tonñi aka urukölelep pakpak nenğimakzawangö Anutuñi akza.

4 Nini kahasililij könañi könañi miwikñaimakzini, nalö miangörey Anutunöy uruqesawölim nenğimakza. Uruqesawölim nenğii möta miangö qakñe kininga tosatñan kahasililij könañi könañi miwikñaimakzei, mi mönö ölop amqeba uruqesawölim engimakin. 5 Miangö könañi kewö: Kraistpuk qekötahöinga yangö sihimböloñan qaknine öñgöi keleymaleley mörakzinmö, miangö dop uruqesawölim mewöñanök nenğii Kraist qekötahöinga uruköleptan urunine geiga keleymaleley mörakzin.

6 Neñon köñjilij uruñe maljin ewö, Anutunöy mönö iñini uru qesawölim nenğii uruñini kunbuk melenja oyaenköyaen akñegöra mötza. Anutunöy uru qesawölim nenğii ga enñon mi eka nanñinak uru qesawölim miwikñaima. Uru qesawölim nenğimakzawangö ölnan mönö uruñine kewö asuhumakza: Nini sihimbölo möringa enñon tok sihimbölo miyöhök miwikñaima ewö, mi mönö ölop

* 1:1: Apo 18.1

möta mököşönda kin köhöiba malme. ⁷ Sihimbölonöñ qakñine öngöi mörakzei, uru kölalepnöñ mönö mewöñanök qakñine öngöi malje, mötzin. Mi möta miangöra enön kin köhöimegöra mamböta jörömqöröm köhöikñi ahakzin.

⁸ *O urumelen alaurupni, nini Eisia prowins uruñe nup memba mala nupkö sihimbölo möta kahasililiñ miwikñaiba mörini, inini miangöra gukmaulem malbepuköra mötzin. Nupkö lömbötñan ösumnini ongita öngöngöñi aka mulungöm neñgiiga kin köhöibingö osiinnö, töndup kapan kölinga mem et al neñgiiga malin. Mewö asuhuiga toroqeba malbin me qahöwi, miangöra mewöyök tötböröm aka malin.

⁹ Mewö mala uruninan kewö mötmöriin: Kunöñ kömumbingö keuñi lök jim teköi keu miangön qaknine öngöi ayuhubingö mambörin. Nanini ösumnön nariba malbinbukmö, Anutu kukösum qakñe nariba malbingöra aka mewö asuhuyök. Anutunöñ kömükömuñi mem gulim enñii wahötmei, yañön mönö amqeba nini mewöyök bauköm nengimakña.

¹⁰ Kömumbinbukö keñgöt mötmöt öngöngöñi ahinmö, Anutunöñ mönö miangörenök meköm neñgiyök. Meköm neñgiyök aka toroqeba meköm nengimakña. Nini jörömqörömmi Anutugöreñ ala mewö möt narim wanñiba kinjin. ¹¹ Inini mewöyök bauköm neñgiba neñgöra aka köulukögetka meköm nengimakña. Gwötpukñan neñgöra aka köulukögetka Anutunöñ möta miangö likepñi meleni kalem möriamñan dop köl neñgii neñgehorimakña. Mewö meköm neñgiiga alaurup gwötpukñan mi möta neñgöra aka mindiriba möpöseigetka köirañ köulukñinan öngöba Anutugö kezapñe gemakña. Miangöra mönö toroqeba nöngöra aka Anutu köulukömakñe. Mewö qesizal.

Polnöñ köna anangö areñi uteköyök.

¹² Tosatñi inini nöngö könañamnanğöra uruyahöt akzei, miangöra keu kewö jimam: Anutunöñ solanñi malbingö mörakzawi, neñön miangö dop gölmeñi gölmeñi liliköba miangöreñ ahakmeme sarakñi mi pöndañ wuatangöba malin. Enğö sutñine mi mönö kapan köla törörök wuatangöba malin. Mi gölme ambazip mötkutukutuninanğö dop qahöpmö, Anutugö kalem möriamñan inahöm neñgiyöhangö dop mi aka memba malin. Anutunöñ ahakmeme mi eka nanğöba “Dop kölja,” jiiga urukezapan keu mi mörakzal aiga miangöra silenini memba öngömakzin.

¹³ Kulem ohomakzali, miangö keuñi pakpak mönö ölop oyoñda möt asarimeangö dop akza. Keuni mi geñmoñi qahö. Keu könañi asa-asambötñi kun qahö ohomakzal. Mi aukñeyök ahöza. Miangöra nöngö könani mi körek möt asarim tekömegöra möta jörömqöröm akzal. ¹⁴ Nöngö könani mi lök bahösapsap kewö möt asarize: Kembunini Jisösnöñ kunbuk kamawi, nöñön mönö nalö miangöreñ enğöra aka sileni memba öngömam. Miangö dop inini mewöyök ölop nöngöra aka silenini möpöseigetka dop kölma. Inini nöngö könani mewö möt asarim tekömegöra mötzal.

¹⁵ Nöñön keu miangö qakñe awösamkakak kinalangöra aka mutuk enğöreñ kaba enğekñangö areñi alal. Indimñi yahöt enğekiga kötumötuet mötmegöra aka köna anmamğö areñi kewö albi ahöyök: ¹⁶ *Masedonia prowinsnöñ anmamğö könanöñ mutuk inini enğeka toroqeba Masedonia anda lilingöba kunbuk enğöreñ kamamğö jial. Kaba malbi yuai tosattñi bauköm niñgiba melaim niñgigetka enğömosöta Judia prowinsnöñ anmamğö möral.

* 1:8: 1 Kor 15.32 * 1:16: Apo 19.21

17 Arenni mewö albi ahöyökmö, mi uteköyal. Mewö aka an köl kam köl qakŋe möndöba laŋ qahö ahal. Nani arenni mi gölme ambazipkö dop nanangöra laŋ mötmöriba qahö ahal. Mewö kude mötmörime. Numbu ösum mohot mianjönök “On, ölop kamam!” aka “Qahö kamam!” keu yahöt mi mindiriba qahö jial. Mönö ahakmeme sarakŋi wuatangömakzal.

18 Anutunöŋ keu jiba miangö dop pöndaŋ ahakzawi, neŋön mönö yanğö jeŋe kewö jim köhöizin: Neŋön nalö kunöŋ “On, mi ölop akin,” jim jöhöba miangö andöŋe “Mi qahö akin,” pötagororoŋ keu mewö melenqelen qahö jiba malin.

19* Anutu Nahönŋangö könaŋi kewö: Nöŋön Sailas aka Timoti yetpuk enğö sutŋine Kraist Jisösgö könaŋi jim asariba malinga yanğön “Anutugö jitŋi tem kölmam!” aka “Qahö tem kölmam!” keu jöl yahötyahötkö qakŋe melenqelen da qahö kaba malökmö, Anutugöra keu jiba jöhöyöhi, miangöra mönö “On!” jiba miangö dop aka memba malök.

20 Anutunöŋ jöhöjöhö keu (promis) sehisehiŋi dawik neŋgiyöhi, qötöŋini qahö mötzinmö, Kraistnöŋ keu körek miengöra “On!” jiba mem köhöiiga pöwöwöm ahöza. Miangöra Kraistnöŋ mewöyök nam köl neŋgii keu miengö öŋinan asuhui möta “Keu mi ölna,” jibin. Mewö ahinga Anutugö qetbunjaŋan sehimakŋa.

21 Anutu nannak mönö nini aka iŋini mohot mem köhöim neŋgiiga Kraist-puk qekötahöba kin köhöibin. Yanğön mönö Buŋa keu jim sehibingöra aka bedu mem neŋgii maljin. 22 Anutunöŋ urunine Unja Töröŋi mekötahöiga yanğön oyaenköyaen malbingö keuŋi nanğöba jim köhöimakza. Anutunöŋ mewö aka bunjaŋi akzinaŋgö mungem supapŋi mi mekötahöm neŋgiyök.

23 Nöŋön tembula lömböt enğibilenbuköra möta zilaŋ Korint enğöreŋ qahö lilingöba kayal. Mewö jiba Anutugö qetŋi qetpi ölop keuni mi nanğöba jima.

24 Silik denöwö aka Anutu möt narimakzei, miangöreŋ kembu ak enğimamgö qahö mötzal. Mötnariŋinan lök töndangöm enğiiga kin köhöimakze. Miangöra sösongai qakŋe malmegöra bauköm enğimamgö möta embuk mohotŋe urugö nup memakin. Mewö.

2

1 Mutuk enğöreŋ kaba siksauk akerangöra jim enğibiga gamuŋini möta wösöbirik aket. Miangöra enğöreŋ kabiga kunbuk mewö akepuköra möta urunan keu jöhöba köna anangö arenni uteköyal. 2 Miangö könaŋi kewö: Gamu qem enğibi wösöbirik akeak ewö, daŋön ölop uruni qesawölim niŋgiiga kunbuk sösongai miwikŋaibilenak? Janjuŋinanğöra aka jim enğibi wösöbirik akeak ewö, tosatŋan sösongai ak niŋgibingö osigetka nanak mewöyök wösöbirik aka malbilenbuk. Miangöra zilaŋ kaba gamu qem enğimamgö töközal.

3 Kimbi köhöikŋi mi könaŋi kewögöra ohoba alal: Nöŋön söngaibiga körek enğön mönö nömbuk söngaime. Nöŋön iŋini körek mewö uruyahöŋi qahö möt narim enğizal. Nöŋön tosatŋi enğöra sösongai miwikŋaimamgö mötzalmö, kabiga könaŋamŋini sohoi laŋ malgetka engeka wösöbirik akilenbuk.

4 Wösöbirik akŋegöra kimbi mi qahö ohoyalmö, önöŋi qahö uru jöpaköm enğimakzali, iŋini miangö könaŋi möt yakömegöra mönö keu köhöikŋi mi kimbinöŋ ohoyal. Urunan enğöra aka waimanjat ketanŋi möta köŋjiliŋ qakŋe tata imbilnan eriga ohoyal. Mewö.

* 1:19: Apo 18.5

Kunjan kõna ongirõhi, yanggõ singisöndokji mönõ mosötme.

⁵ Kunõnj singisöndok aiga gamu aka wösöbirik asuhuyõhi, mianjõn mönõ nõngõ qakneyök qahöpmõ, körek enjõ qaknjine mewöyök õngöyök. Keu mi jim qaribi sohobapukõra mönõ kewöyök jimam: Gamu mianjõn mönõ körek dop kõl enjii miangõra gwötpuk me borom kun wösöbirik aket. ⁶ Könagesõ õljan keuanjõgõ likepji melej wanjigeri, mianjõn mönõ dop kõl wanjii urunji kunbuk melejnök.

⁷ Nalõ kewõje gamu aka wösöbirik keta bölökji möriga mianjõn jem kelelengöbapukõra mönõ lömböt kude toroqem wanjime. Lömböt qahöpmõ, mönõ kapan kõla singisöndokji mosöta urukölalep ak wanjime. ⁸ Miangõra kewõ uru kunjum enjizal: Injini mönõ keu johõba urukalemjnini kunbuk toroqeba kõhöiba kondel wanjiba malme. ⁹ Nõnjõn kimbini mi kewögõra ohoyal: Injini nõngõ keuni pakpak tem kõla esapesapnõnj kin kõhöime me qahõ tem kõla tötekõba etme, mianjõn kõnanji kewöta mötmangõra möta mi ohoyal.

¹⁰ Injini kungõ singisöndokji mosötze ewõ, nõnjõn mi mewöyök mosöt wanjizal. Bölõnji ak ninjiyõhi, miangõra qahõ mötpi õngözapmõ, enjõn kunbuk ölöwaka mindirim anjumejõra mötzal. Miangõra bölõnjanji mi lõk Kraistkõ jeje õlja mosöt wanjibiga teköyök. ¹¹ Satanõnj arenji ala silenõnj alal kõnanji kõnanji ahakzawi, mianjõra tõnpin qahõ maljal. Mianjõra Satanõnj luhut al nenjibapukõra aka azi mianjõ singisöndokji mönõ mosöt tekõme. Mewõ.

Polnõnj Troas mala Taitusgõra waimanjat mörök.

¹² *Nõnjõn Kraistkõ Ölöwak Buñanji jim sehimangõra aka Troas taonõnj anbiga Kembunõnj nangu örõm ninjiiga nupnji mianjõrenj memangõ amqeyök. ¹³ Mewõ amqeyökmõ, urumelenj alani Taitus qahõ miwikñaibi keunjini qahõ jii möralanjõra aka waimanjat möta luainõnj urune qahõ ahöyök. Mianjõra yaizözköknini jiba enjõmosöta Taitus jarumangõra Masedonia prowinsnõnj anal. Mewõ.

Kraistnõnj ösum nenjiiga luhut alakzin.

¹⁴ Nenjõn Anutu kewögõra möpõseimakin: Kraistkõ buña aka welennji qeinga Anutunõnj nalõ dop suahõ galõm ewõ aka nenjuañgiriga anda köiranj kõlakzin. Luhutnõnj plaua jurananjõgõ wõrõnnji ölöpnji memba kaiga mörakzin. Mianjõn dop Anutunõnj nam kõl nenjiiga denike denike lilikõba Kraistkõ kõnanji jim asariinga aukje asuhum sehiba aniga gölme dop mörakze. Mianjõra Anutu möpõseimakin.

¹⁵ Mianjõn kõnanji kewõ: Nenjõn ambazip Suep mire õngõmei aka kõnõp sianõnj gemei, yenjõ sutnjine anda kainga wõrõnini saraknji mörakze. Kraistkõ kõnanji jim sehiinga Anutunõnj nupninanjõgõ wõrõnnji möt ölöwahakza.

¹⁶ Kõnõp sianõnj gemei, yenjõn Buña keunini mötketka mianjõn keunjini jim tekõiga kõmum kõhöimegõ möta mönõ qamötkõ mumu wõrõnnji ewõ akza. Suep mire õngõmei, yenjõn Buña keunini mötketka oyaenkyoayen enjimapkõ möta mönõ malmal kõmbõnananjõgõ wõrõnnji umkõhöwakñambuk ewõ akza. Dañõn nup mewõnji memawanjõgõ dop akza? ¹⁷ Ambazip tosatnji gwötpukñan mönõ ni ewõ qahõ akze. Yenjõn malmalnini nanjõbingõra möta Anutugõrenj keu mi kõlkõl-örörõ ewõ lañ memba ala jimakze. Nõnjõn yenjõ dop qahõ ahakzalmõ, Kraist qekõtahõba kõñbij mosöta uruni saraknji aiga kinjal. Anutunõnj melaim ninjiyõhi, mi möta yanggõ jemesoholje kinda Buña keunji törörök jim sehimakzal. Mewõ.

* 2:12: Apo 20.1

3

Jöhöjöhö arej dölökñangö nup meme ambazip akzin.

¹ Nanak kõnañamni kunbuk kõnahiba jim ölöwakñamanğöra mötmörize me? Mi qahö. Nup meme ambazip tosatñan Korint eñön yeñgö kõnañini mötmegöra möta jim ölöwak kimbi ohobingö kapañ kölakze. Tosatñan Korint eñön yeñgö kõnañini nanğöba jiba jim ölöwak kimbiñi kimbiñi ohomeğöra iñini kuñgum eñgimakze. Nöñön nupni diñdiñanök mealanğöra jim ölöwak kimbi mewöñanğöra qahö osizal. ² Anutunöñ Korint iñini böröne al eñgii letota wölböt kötñi aka nanñinak nöñgö jim ölöwak kimbini ewö akze. Anutunöñ nöñgö jim ölöwak kimbini mewö ohoiga ambazip körekñan silik tandökñini dölökñi mi eka oyoñmakze.

³ *Iñini Kraistkö papia kimbi ewö akzei, mianñön aukñe ahöza. Mosesnöñ Köna keuñi nanñim oñi iñk mianñön köt tafenöñ ohoyöhi, iñini mianğö dop qahö akzemö, Kraistnöñ kimbiñi eñgö uruñinanğö tafene kewö ohoi kinje: Neñön nup meinga öñji asuhui Kraistnöñ Anutu malmal köhöikñi Toñanğö Uñaji uruñine ali letotket. Ambazipnöñ nupninanğö öñji mi eketka mianñön bauköm eñgiiga nupninanğö kõnañi möt asarimakze.

⁴ Kraistpuk qekötahöinga Anutunöñ nupninanğö tandökñi mötza. Mianğöra nup meinga iñini Kraistkö buñaji akeri, mi ölöp Anutugö jeñe awösamkakak kinda jizin. ⁵ Nanini köhököhöi qakñe nup ölöpñi ki Anutugö jeñe membinanğö dop akzini, mewö ölöp qahö jibin. Nanini yuai kunöñ qahö lap-ingömakzinmö, Anutunöñ nanñök inahöba mötmöt neñgiiga nup ki memakzin.

⁶ *Anutunöñ inahöba mötmöt neñgiiga jöhöjöhö arej dölökñangö nup meme ambazip akzin. Mosesgö Köna keuñanğö kulemñi mohot mohotköra urukönöp akinak ewö, keu mianñön mönö keunini jim teköiga kömum köhöibinak. Uña Töröñanğö nup areñi jim asariinga yañön mem gulim neñgiiga mal köhöibin. Mianğöra Köna keugö areñi miyök wuatangömeğöra qahö kapañ kölakzinmö, Uña Töröñi möt anğön kölmegöra uru kuñgum eñgimakzin. Mewö.

Jöhöjöhö arej dölökñangö nupñi mi aködamunñambuk.

⁷ *Anutunöñ Köna keuñi jiba kulemñi kötnöñ möndömgöba ohoyökmö, ambazipnöñ mi qahö tem kölgetka Anutunöñ keu mianğö dop kewöta likepñi melen eñgiiga kömumba köhömuñi mala kotket. Anutunöñ mutuk Köna keuñi neñgiiga nalö mianğöreñ asakmararanñan Mosesgö jemesoholñi qei asariyök. Asakmararanñ mianñön waziba ayapkömawanğö dop ahökmö, mi töndup Israel ambazipnöñ jemesoholñi törörök uba ekingö dop qahö aket. Gwötpuk asariyöhanğöra mi osiget. Köna keugö Buña areñ walñan lök mewö asakmararanñambuk asuhuyök.

⁸ Mewö asuhuyökmö, Uña Töröñan Buña areñ dölökñi neñgii mianğö asakmararanñan asuhumawi, mianñön mönö jöhöjöhö areñ walñanğö asakmararanñi oñgita öññi qahö asariba jenini gamugamu ahakña. ⁹ Mutuk Mosesgö Köna keu asuhuba kewöt neñgiiga mianğö dop könöp siagö buñaya akzin. Buña keu mi lök aködamunñambuk asuhuyök. Mianğöra Anutunöñ keunini kewöta jim teköi solanibini, Buña keu mianğö aködamunñan mönö keta bölökñi akza. Mianñön jöhöjöhö areñ walñanğö aködamunñi mi gwötpuk oñgita qetbuñanñambuk akza.

* 3:3: Eks 24.12; Jer 31.33; Eze 11.19; 36.26

* 3:6: Jer 31.31

* 3:7: Eks 34.29

¹⁰ Buṇa nup walḥan mutuk akōdamunḡambuk ahōkmō, mi Buṇa nup areṇ dōlōkḡambuk mindiriba kewōringa walḡi mianḡōn mōnō qetbuṇaṇi qahō akza. Uṇa Tōrōṇaṅḡō nup areṇ mianḡō akōdamunḡan ḡṅḡōṅḡōṇi akzawaṅḡōra nup areṇ walḡan mōnō yuai omanḡi ewō akza.

¹¹ Anutu amōtqeqeṇaṅḡō kōna walḡan lōk waziba ayapkōmawaṅḡō dop ahōk. Mianḡōn lōk asakmararaṅambuk asuhuyōk. Mianḡōra kōna dōlōkḡi tetekōṇi qahō ahōm ḡṅḡōmawi, mianḡō asakmararaṅan mōnō kōna mutukḡaṅḡō asakmararaṅi mi ḡnōṇi qahō ḡṅḡita jenini gamugamu ahakza.

¹² Jōhōjōhō dōlōkḡan tetekōṇi qahō baukōm neṅḡiiga asakmararaṅan asuhumawi, mewō Anutu jōrōmqōrōm al waṅḡimakzin. Mianḡōra kenḡōtnini qahōpmahōp mōta awōsamkakak kinda keu mi kusum eṅḡimakzin.

¹³ *Mosesnōṅ Israel ambazip asakmararaṅ waziba ayapkōyōhi, mi ehibepukōra manḡat mōta jemesoholḡi opo jahōṅḡan esuhuyōk. Neṅḡōn mianḡō dop qahō ahakzinmō, Buṇanini aukḡeyōk jimakzin.

¹⁴ Buṇa walḡaṅḡō asakmararaṅi eketmō, uruṅḡan tōndup gwōzōṅḡi laṅ mala kotket. Nalō kewōṅe mewōyōk yuai kunḡan mōnō opo jōhan mianḡō dop Juda ambazip gwōtpuk yeṅḡō uruṅḡi gwōzōṅḡi malje. Mianḡōra Jōhōjōhō Walḡaṅḡō Buṇa keuṅi keuṅi oyoṅḡei, mi eṅḡō kōnaṅḡi mi tōrōrōk qahō mōt asarimakze. Uruṅḡi melenḡa Kraistpuk toroqetka mewō mianḡōnōk mōnō opo jōhanḡi mi qekōi mōt asarime. ¹⁵ Nalō kewōṅe mewōyōk Mosesḡō Kōna keuṅi oyoṅḡetka yuai kunḡan mōnō opo jōhan ewō uruṅḡi gwōzōṅḡi mōtmōṅḡinan lōmbōri malje.

¹⁶ *Mewō maljemō, Buṇa Kimbigō keu kun kewō ahōza, “Mosesnōṅ ‘Kembubuk eraum mōtpit,’ jiba opo jōhanḡi mesoholḡeyōk qekōzapma.” Keu mewō ahōiga yeṅḡōreṅḡōk kunḡan uruṅḡi melenḡa Kembubuk toroqezawi, nalō mianḡōreṅḡōk mōnō yuai opo jōhanḡaṅḡō dop mi qekōi Anutugō amōtqeqeṇaṅḡō kōnaḡi mōt asarima. ¹⁷ Keu mianḡōn “Kembugōra” jiba mi mōnō Kembugō Uṇaṅḡōra jiza. Kembugō Uṇa Tōrōṅḡan denike yeṅḡō uruṅḡi maljawi, yaṅḡōn mōnō siṅḡisōndokḡinaṅḡō kōsōṅḡi pōsariga solanḡi (fri) malje. (Mewō mala solanḡi diṅḡiṅḡi akingōra Kōna keu wuatḡaṅḡōbingō qahō kaparḡ kōlakze.)

¹⁸ Mianḡō dop urunini melenḡiṅḡa Kembugō asakmararaṅan kōrek neṅḡō je mesoholḡine kuṅḡuiga bilikbilik aliga jenini qahō esuhuinga ambazipnōṅ neṅḡeka Anutugō akōdamunḡi qetpuk mi piliknōṅ uba ehēkō tandōk ehakze. Nini mi qarim sehiba ehakḡeṅḡō dop letorakin. Mewō letota akōdamunḡi qetpuk mi qariba asariba Kembugō tandōktandōk ahakin. Kembunōṅ Uṇaya akzawi, yaṅḡō asakmararaṅan mōnō mewō mem letot neṅḡimakza. Mewō.

4

Nini kouranḡen ewō ahinga Uṇa Tōrōṅḡan ḡlḡi akza.

¹ Anutonōṅ ak kōmum neṅḡiyōḡaṅḡō dop nup ki qaknine ali memakzini, mianḡōra mōnō bōṅ kininga uruninan qahō etma. Qahō! ² Neṅḡōn nup memegō kōna tōlapḡi gamuṅḡinambuk mi kōrek andō qein. Tilipḡilip qahō aka Anutugō keuṅi qahō mōwōramḡōmakzinmō, keu ḡlḡi mi aukḡeyōk alakzin. Mewō Anutugō jemesoholḡe ambazip uruōlōwak mōt neṅḡimeḡōra kininga jim ḡlōwak keuninan asuhui kōrekḡan keunōṅ tōrōrōk jim neṅḡibingō osimakze.

* 3:13: Eks 34.33 * 3:16: Eks 34.34

³ Mewö ahakzinmö, injini tosatñan kewö jimakze, “Polnöy Ölöwak Buñanji mi esuñambuk jimakza.” Mewö jibilenjak ewö, esu mianñon könöp sianöy gemei, mönö yenjö uruñine ahöba mianğora gwözöñniga qakömakze.

⁴ Kraistnöy Anutugö imutñi akza. Kraistkö aködamunñi mi nanñi Ölöwak Buñanjan indela asakñi ewö asarimakzapmö, yenjö jeñinan ömuñ köli jipjap ahakza. Nalö kewöñe bölöñanğö Kembuñi gölme dop galöm köl enğimakzawi, yanñon urumelenğö kopa ambazip yenjö mötmöt jeñini mem gömöliiga lan malje. Mianğora Ölöwak Buñagö asakñi ek asaribingö osimakze.

⁵ Nani qetbuñanan qarimapkö Buña keuñi qahö jim asarimakzalmö, eñon Kembu Jisös Kraistkö könanañi möta jitñi tem kölmegöra uru kuñgum enğimakzal. Neñon Kembugö jitñi wuatangöba injini welen qem enğimakzin. ⁶ *Könañi kewögöra welen qem enğimakzin: Anutunöy mutuk kewö jim kutuyök, “Asakan mönö söñaup qeiga asarima.” Mewö jiyöhañon mönö Buñanjanğö asakñi ali urunini qeiga asariyök. Kraistnöy ahakmemeñi aka meiga Anutugö asakmararanjan jemesoholñe asari ekeri, Anutunöy nini mianğö könanañi möt kutubingöra kapan kölakza. Asakñanğö könanañi jim sehibingöra aka asakñi mi nenjiyök.

⁷ Asakñan urunini qei asaringa mötkutukutu mianğö bohonñi mi milyön kina onğita öngöñgöñi akzapmö, silenini mi kouranen ewö anqeba julakza. Anutu asakñan mönö sile mewöñanğö uruñe ahöza. Ambazipnöy mianğö könanañi ekñegöra Anutunöy areñi al nenjiyök. Dopkeu mianğö könanañi kewö: Kukösum öñonñi qahö al nenğimakzawi, mi nenğoreñök öne asuhumakzawanğö dop qahöpmö, Anutunöy mönö mianğö Tonji akza.

⁸ Eu emu likep likep mianğoreñök lömböt könanañi könanañi qaknine öngöba qölölömbörim nenğigetka wahöjalij mörakzin. Mi mörakzinmö, töndup mienñon qahö qözöjahöm nenğigetka erakzin. Nalö tosatñe juñ ewö wanğömmje qaköba köna qahö miwikñajimakzinmö, töndup tötböröm qahö ahakzin.

⁹ Ambazipnöy sesewerowo ak nenğimakzemö, Anutunöy andö qahö nenğumakza. Ambazipnöy mulungöm nenğimakzemö, töndup qahö ayuhumakzin. ¹⁰ Jisös qem kömugeri, mianğö dop nini mewöñanök buñanji jim sehimakzianğöra aka nenğuet kömumbinbukö möta anda kaba maljin. Jisösbuk mal köhöininga inahöm nenğimakzawi, ambazipnöy mianğö könanañi möt kutumegöra aka mewö malbingö urumohot akzin.

¹¹ Gölmenöy jebuk mala Jisösgö nupñi memakzianğöra aka nalö dop kömumbingö dop akzin. Sileninan kömumawanğö dop akzapmö, Jisösnöy urunine mal köhöiba silenini mem gulimakzawi, ambazipnöy mianğö ölnji ek asarimegöra aka kinjin. ¹² Nini nalö dop sihimbölö möta kömumbingö dop ahakzinmö, nöñon enğö sutñine nup memba malali, eñon mianğöra aka guliba malmal köhöikñe anğota mal öngöme.

¹³ *Sumbara (Sam) kunöy keu kewö ohoget ahöza, “Anutu möt nariba kömupnöñök meköm niñimapkö köluluköba malal.” Neñon keu mianğö dop kömupnöñök meköm nenğimapkö möt narizin. Mötnaripkö Uña Töröñi miyök buña qem anğuzianğöra neñon mönö mewöyök keunini jiba kölulukömakzin.

¹⁴ Anutunöy Kembu Jisös mem guli kömupnöñök wahöröhi, yanñon mönö nini mewöyök mem gulim nenñii wahöta Jisösbuk öngöinga jemesoholñe al nenñii embuk mohotñe mal öngöbin. Mi mötziñanğöra aka keunini jiba kölulukömakzin.

¹⁵ Keunini jiba köuluköinga Anutugö kalem möriamñan toroqeba ambazip sehisehñi dop köl enjgima. Mewö aiga yeñon amqeba Anutu kelenmaleleñ möpöseigetka qetbuñan sehimakza. Enñon mewöyök Anutu möpöseim sehimegöra mötzal. Mianğöra lömböt könañi könañi bisiba aum-möriba maljin.

Mötnariþ malmalñanğö tandök mi kewö:

¹⁶ Nini mem gulim neñgimapkö möta mönö böñ qeba kininga uruninan qahö etma. Öñja silenini ewö waziba soholimakzinmö, mi töndup urunini ewö nalö dop kölönaimakzin. ¹⁷ Mi kewögöra: Gölmenöñ kahasililiñ nalö töröptökñi möta malbinmö, mianğö andöñe asakmararañ önöñi qahö miwikñaiba teteköñi qahö oyaenkyoaen malbin. Asakmararañ aka kahasililiñ yahöt mi kewöt etkiinga asakmararañ mianñon mönö öñgöñgöñi aiga gölmegö kahasililiñ könañi könañi mi möringa awamñi aka eretñi akza.

¹⁸ Ambazip aka öroyuai jenöñ ehəkñi mi nalöñini teköi ayapkömemö, Suep mirigö öroyuaiñi nalö kewöñe qahö ehakzini, mienñon mönö nalö teteköñi qahö ahöm öñgöme. Mianğöra neñon jeninan ehəkñi mia qahöpmö, qahö ehəkñi mönö mienğoreñ göröken uba engehakzin. Mewö.

5

Polnöñ Suepkö oyaenkyoaen kounnöñ anmamğö mörök.

¹ Neñon keu ki mötzin: Gölme silegö opo seri kounne malinga kömupnöñ mi ködeñniga etmawi, Anutunöñ nalö mianğoreñ silegö miri dölöknñi nanñak meiga Suepnöñ ahömawi, mi buña qem neñgiiga mianğoreñ malbin. Silegö miri qainñi kun mi teteköñi qahö köhöikñi ahöm öñgöma.

² Keu mi möta nalö sutñe kianğoreñ letotpingö osonjom köla Suep malmal mirinine öñgöbingö möta awöweñgömakzin. ³ Suepnöñ öñgöinga sile qainñi kunöñ löngöt neñgi tatpini, nalö mianğoreñ mönö uña sile meinga kunñan aukñe qahö miwikñaim neñgima.

⁴ Gölme sile ki qekömegöra qahö mötzinmö, Suep malmal mirinine öñgöba silenini dölöknñi memingö awöweñgömakzin. Sile ki kömumawi, mi malmal köhöikñan gwahöri qahöwahiga Anutunöñ salupñe oyaenkyoaen sileya neñgimapkö mötzin. Mianğöra nalö kewöñe seri koun kianğö uruñe mala urulömbötnini bisiba letotpingö osonjom ahakzin. ⁵ Anutu nanñak Suep sile memingöra möta miwikñaim neñgiba Uña Töröñi urunine aliga oyaenkyoaen akingö dangunuñi akza.

⁶ Mianğöra neñon mönö nalö dop ewebibininambuk saitingit mal köhöiba kewö mörakzin: Silenianğö malmal kounnine ki malbini, nalö mianğö dop eu Suep malmal mirinine Kembu Jisösbuk qahö malbin. ⁷ Nalö kewöñe Suep mirigö öroyuaiñi qahö uba engehakzinmö, töndup mi möt nariba mianğö dop aka memba malinga nam köl neñgimakze. ⁸ Mianğöra ewebibininambuk köhöiba silenianğö malmal kounñi ki mosötpingö kaparañ köla mirinini öññi eu öñgöba Kembubuk malbingö mötzin.

⁹ Mianğöra mirinine ki me eu malbini, neñon mönö urunini Kembu Jisös uruölöwak ak wangibingöra jöhöba mianğöra köhöiba kaparañ kölakzin.

¹⁰ *Mianğö könañi kewö: Körek neñon mönö Kraistkö keu jakenje asuhubin. Gölmenöñ silebuk mala Kembugö jitsihitñi dopñe tem kölini me qötömötötañ ahini me önewat lañ malini, nanñak mönö keunini mi kewöta mianğö dop töwanini nanñök nanñök neñgi buña qem angubin. Mewö.

* 5:10: Rom 14.10

Ambazip Anutubuk urumohot akjegö nupji memakzin.

11 Kraistkö keu jakeje kinbini, neñon mi möta Kembangö mötmötñi ongitpinbuköra kenğotnini mörakzin. Mi mötzinağöra ambazip kōnanini sarakñi mötmegöra kapan köla uru kungum engimakzin. Kōnaninan mönō Anutugō jeje aukñe ahōza. Nōñon tilipqilip azia qahō, eñon mewōyök mi uruñinan möt yakōmegöra möta jōrōmqōrōm akzal.

12 Mewō jiba nanini jim ölwak keunini mötmegöra kunbuk qahō kapan kölakzalmō, kōnanini miyök jim asarim engimangö mötzal. Injini mi möta ölöp neñgō silenini mi böhi takapulakanj yengö jeñine möpōseigetka dop kölma. Yeñon yuai engö uruñine ahōzawi, mianğöra qahōpmō, sileninağö yuainj jenōñ ekingö dop akzawi, mönō mianğöra aiwelikōba nanñini silenini memba öngöba keu lañ jimakze. Mianğöra keuni ki jizal. Eñon yengö keuñini gilipitñi (ambetakñi) mötzeanğöra mönō neñgō kōnanini jim asariba törörök melen engime.

13 Eñon nōñgōra “Urusohop tandök ewō akza,” jiget ewō, nōñon mönō Anutu nupñağöra aka urukōnöp aka malal. Tosatñan nōñgōra kewō jize, “Urukōnöpñi qahōpmō, keuñi ösōñök jimakza,” Mewō jize ewō, mi mönō injini baukōm engibingöra aka ahal. Mianğöra ölum engubapak.

14 Mianğö kōnañi kewō: Kraistnōñ jōpakōm neñgimakzawi, mianñon mönō kondota kungum neñgiiga nupji memakzin. Azi mohotnōñ körek neñgō salupnine neñgō kömupnina kömuyök. Mianğöra siñgisöndokninağö likepñi qahō melen neñgiyökmō, körek neñgō siñgisöndoknini mosōri toroqeba köhōmuñi qahō akzin. Keu mi möt asariba möt yakōzini, Kraistkö urukalemñan mönō körek nini jölōngöba nupji memingöra kungum neñgimakza.

15 Yañon mönō kewögöra körek neñgō salupnine kömuyök: Gölmenōñ jebuk maljini, neñon mönō malmalnini toroqeba naninağörök malbinbuk. Mewō qahōpmō, kun neñgöra aka kömumba wahörōhi, malmalnini mönō yañgöra tököba ala malbingöra kömuyök.

16 Mianğöra urunini melenñini, nalō mianğöreñök kōnahiba ambazip silesile qahō kewöt engizin. Ambazip kun gölmenōñ siliknağö dowök qahō möt kutum wañgizin. Mutuk Kraist kewōta mōringa gölme azi töhōn ahökmō, nalō kewōje möt kutum wañgiinga Suepkō Amötqeqe Tonina akza. 17 Mianğöra kunnñan Kraistpuk qekōtahōza ewō, yañon mönō ahuahu dölökñi ahuba dömjñi dölökñi akza. Malmal walñan ayapkōiga malmal dölökñan mönō salupñe asuhum wañgiza.

18 Mewō maljapmō, yuai pakpak mianğö kondotkondot Tonji mi Anutu. Yañon Kraist melaiiga töwanini qeba neñgōmeiga Anutu nanñambuk urumohot akingö kōnañi möwölöhōyök. Kōna mewō asuhuiga Anutunōñ nup neñgiiga neñon ambazip Anutugō alaurupñi akjegöra jölōngöba kungum engimakzin.

19 Anutubuk urumohot akingö kōnañi kewō: Kraistnōñ eta gölmenj gölmenj neñgō töwanini qeiga dop köli Anutunōñ neñgōmeiga alaurupñi ahin. Kōna ongita mala korini, siñgisöndok miengö keuñini qahō oyoñda mötmörība likepñi qahō melen neñgiyök. Anutugō alaurupñi ahinga möt narim neñgiba Kraistkö töwagöra aka Anutubuk urumohot akingö Buña keuñi mi börōnine alök.

20 Mi aliga Kraistkö jitñememeurupñi akzin. Anutunōñ keu sañep al neñgi mianğö dop ambazip uruñini kungum engimakzin. Kraistkö jitñi memba

kaparj köla kewö qesim enġimakzin: Mönö Kraistkö töwanj buña qem anġuba Anutugö alaurupnġ akŋe. ²¹ Anutunöŋ körek neŋġö sinġisöndokninanġö keunġi jim teköba likepnġi melenġa Kraist sinġisöndok kun qahö ahöhanġö qakŋe ali öŋġöiga salupnine sihimbölö mörök. Kraistkö sihimbölöŋi miangöra aka yanġörej qekötahöŋga Anutunöŋ ölop keunini jim teköi solanibin. Mewö.

6

¹ Nini Anutu nanġanġö nup meme alaurupnġi akzinanġöra aka urunġini kewö kuŋguzin: Anutugö kalem möriamŋan omanġi akapuköra mi mönö buña qem anġuba malme. ² *Anutunöŋ keu kun kewö jii Buña Kimbinöŋ ahöza, “Gehorimangö nalönan kam kuŋguiga nöŋön köuluki möral. Amötqeŋe nalönan kam kuŋguiga miangörej bauköm gihial.” Keu mewö ahöiga mötke! Nalö dölkianöŋ mönö Anutugö amötqeŋe nalöŋi akza. Anutunöŋ enġehorimangö möri nalöŋan kam kuŋguiga ak-kömükömuŋi mi mönö döлки buña qem anġume. Mewö.

Polnöŋ kahasililij könanġi könanġi miwikŋajöŋk.

³ Neŋön mönö kungö uruŋan neŋöra aka bölli etpapuköra galömnini mem anġumakzin. Jim neŋġigetka nupninan keunġambuk aka etpapuköra mewö ahakzin. ⁴ Anutugö nup meme ambazip ölop sorokŋi akzini, ahakmeme pakpakninan mönö mi kondelakza. Kahasililij aka janġauranġa könanġi könanġi ak neŋġigetka wahöjalij uruŋe maljinmö, miangörej mönö mökösoŋda kaparj köla kin köhöimakzin.

⁵ *Ihilek wahinġambuknöŋ neŋguba kösö mirinġi mirinġi miangörej al neŋġigetka malin. Karimŋi karimŋi asuhugetka miangö uruŋe kömumbinbukö keŋġötnini möta malin. Gaun guli aka nenegöra wösönini aliga malinmö, töndup silenini qeba nup memba malin.

⁶ Ahakmeme sarakŋi wuatanġöba Anutugö sihimŋi möt asariba lömböt möta mökösoŋda ambazip ala ak enġimakzin. Uŋa Töröŋan urunini kokolak qeiga sutŋine geŋmoŋi qahö jöpaköm enġiba maljin. ⁷ Keu ölanök jiinga Anutugö kukösumŋan bohön köl neŋġiiga ahakmeme solanġanġö timbi saiwanġi meinga böro ölnine aka qaninine ahöiga kinjin. Mewö kinda likep Buña keu jim sehiba likep keu munenġi silenine algetka miangö likepnġi jim mindinġöba malin.

⁸ Qetbuña neŋġigetka silenini qahö möpöseimakzin. Yom jiba gamu qem neŋġigetka uruninan qahö erakza. Neŋöra kösohot ölopŋi kösohot bölöŋi mi lanġ jimakze. Munenġi jiji ambazip ewö ak neŋġimakzemö, töndup keu ölanök pakpak jimakzin.

⁹ Ambazipnöŋ könanini ölop möt kutumakzemö, töndup tosatŋan nönöŋgan aka nesampurek ak neŋġimakze. Nalö tosatŋe kömumbingö aka malinmö, töndup toroqeba jebuk maljin. Kegwek-kahasililij ewö neŋguba malgetmö, töndup qahö kömuin. ¹⁰ Wösöbiriknöŋ neŋġiiga töndup nalö dop söŋgaiba maljin. Wanapŋi mala töndup ambazip gwötpuk bauköm enġiinga uruŋinan pomŋi ahakze. Gölmegö sukinapnini qahöpmö, töndup oyaenġoyaenġi pakpak buña qem anġuba pipsimbawonġi maljin.

¹¹ 10 Korint ambazip, neŋön mönö uruninanġö nanġuŋi enġöra öröba keu kun qahö kölin geiga könanini aukŋeyök jibiga mötze. ¹² Enöŋ neŋġö

* 6:2: Ais 49.8 * 6:5: Apo 16.23

urumötmötnini mötpepuköra mi qahö anğön kölakzinmö, neñön enğö uruñjini mötpinbuköra mönö nanñinanök anğön köl anğumakze.

13 Nöñön urumötmötni enğibiga enñön mönö miangö likepñi mewöyök törörök niñgime. Nöñön nahönböraturupni ewö tandök keu enğöra kewö jiba ohozal: Injini mewöyök mönö nanñini uruñjanğö nanñunji öröba urukalemñjini mi sehiba kondel neñgime. Mewö.

Mötnariñjini qahö yembuk kude qekötahöme.

14 Ambazip uruñjini qahö melenğeri, yembuk mönö uruñjini kude jöhöba* öröröñ kude malme. Malmal solanñi aka malmal gonğonji mi nanñök nanñök akzahot. Mi mindirim etkibingö osibin. Söñaup aka asakñi mi mohotñe qahö akzahot. Qahö! 15 Kraist aka Katakömulat (Satan) yetkөн mönö urumohot aka mohotñe malbitkө osimahot. Mianğöra urumelenğ ambazip kunñan ahakmemenji urumelenğö kopa ambazip kun yambuk mohotñe mindiriba akitkө osimakñahot. 16* Anutu nanñak keuñi kun kewö jii ahöza, “Nöñön könagesöni yenğö uruñjine mala sutñine anda kaba Kembuñjini ak enğibiga yenñön nöñgö weleni qeba möpöseim niñgiba malme.” Keu miangö dop Anutugö Uñanjan uruñjine maliga sileninan Anutu malmal köhöikñi Tonanğö jikenji akza. Anutunöñ nanñi jöwöwöl jikenje tandö lopion möpöseibingö sonjo ali ahöi osimakzin. Anutugö jikenji aka asa jikenji mi inanñök inanñök. Mianğö dop neñön urumelenğö kopa ambazip yembuk qekötahöbingö sonjo ali ahöi osimakzin.

17 Mianğöra injini mönö Kembunöñ keu kewö jiyöhanğö dop akñe, “I mönö enğömosöta yaigep kaba kambu nanñi kun malme. Anğöjörakñinambuk ahakzei, mi mönö kude enğoseigetka nöñön möt anğön köla köyan köl enğiba malmam.

18 Nöñön mönö Iwiñjini akiga injini nöñgö nahönböraturupni aka malme. Kembu kukösüm pakpakö Tonjan mewö jiza.” Mewö.

7

1 O wölböt alaurupni, Anutunöñ mönö köyan köl nenğimamğö keuñi mewö jöhöm nenğii ahöza. Mianğöra yuai sile uñanini mem tölöhozawi, neñön mönö mi körek qeköbingöra Kraist köuluköinga amöt qem nenğima. Anutugö jitñi enğitpinbuköra mönö kenğötnini möta kapanğ kölinga mem solanim nenğiiga sarakñi ak teköbin. Mewö.

Uruñjini melenğeranğöra Polnöñ uruölöwak mörök.

2 Neñön kun qahö mem bölim wanğiinga ayuhuyök. Kun qahö geñmororoñ ak wanğiin. Mianğöra enñön mönö uruñjanğö nanñunji öröba nini urunöñ jöhöm nenğiba malme. 3 Tosatñan sutñine nup memba silenöñ alal keu mewö jiba jim nenğigetmö, nöñön keu mi enğö keuñjini jim teköba likepñi melenğ enğimamğöra aka qahö jizal. Nöñön lök keu kewö jibi mötket: Neñön uruninangö nanñunji öröba injini uruninan jöhöm enğimaksin. Mewö aka ölop embuk öröröñ jöhöba kömumbin aka öröröñ mal köhöibin.

4 Enğö uruyahöt qahö mötnariñjini ketanji enğiba maljal. Enğö silenini mönö gwötpuk möpöseimakzal. Enğöra aka urukölalepni ketanji miwikñaizalanğöra kahasililij könani könani möta mianğöreñ mönö töndup öñnji qahö söñgaizal.

* **6:14:** Köñjöh me mötöp (yoke) mi hos me bulkamau yahötkö imbinjire alget geiga kare me kinon yuai örömakzahot. Mewö nanñiri imbi-imbi akitkө osimakzahot. Mewö janjuñ anbanbuk. * **6:16:** Lew 26.12; Eze 37.27; 1 Kor 3.16; 6.19; Ais 52.11; 2 Sml 7.14; 1 Hist 17.13; Ais 43.6; Jer 31.9

Masedonia prowinsnõj anda Taitusbuk aitorjõit.

5 *Taitus jaruba malalaŋgõra* jiali, keu mi toroqeba jimam. Masedonia prowinsnõj kaŋgota miangõren mõnõ mewõyõk uruluai miwikŋaimamgõ osial. Denike denike anali, miangõren mõnõ kõnjilij kõnaŋi kõnaŋi miwikŋaial. Anutugõ bim qeba tosatŋi yembuk aŋgururuk aka eŋgõra waimaŋjat mõta malal. 6 Mewõ malalmõ, Anutunõj urueret ambazip naŋgõm neŋgimakzawi, yaŋõn mõnõ Taitus kayõhi, miãŋõnõk urukõlalep ak niŋgiyõk.

7 Taitusnõj kayõhi, miãŋõnõk qahõpmõ, Korint eŋõn urukõlalep ak waŋgigetka yaŋõn jii mõtpiga Anutunõj miãŋõn mewõyõk urukõlalep ak niŋgiyõk. Eŋgõ kõsohotŋini kewõ jiyõk, “Eŋõn ni nekingõ kõpõsõŋgõba kinje. Wõsõŋini õlŋa mõt niŋgiba lõmbõt niŋgieraŋgõ keuŋi jiba nõŋgõ likepne naŋgõba jibingõ jõjõrõmakze.” Kõsohot mi jii mõta urusõsõŋgai keta bõlõkŋi mõral.

8 Nõjõn uruŋini Buŋa keunõj kuŋguba kimbi mi ohobi oyoŋda nanŋini mõt bõlim aŋgugeri, miãŋõra qahõ mõt bõlim aŋguzal. Mutuk mõt bõlim aŋguyali, mi tõndup nalõ kewõŋe kewõgõra kunbuk sõŋgaizal: Kimbi keunan uruŋini mem bõlii wõsõbirik aketmõ, wõsõbirik miãŋõn mõnõ melenja nalõ tõrõptõkŋanõk ahõba tekõyõk. Kõnaŋini mewõ ehal.

9 Nalõ kewõŋe iŋini mõt bõlim aŋgugeraŋgõra aka qahõ sõŋgaizalmõ, kewõgõra sõŋgaizal: Iŋini ahakmemenjaŋgõra aka mõt bõlim aŋgugetka gamu wõsõbirikŋinan baukõm eŋgiiga uruŋini kunbuk melenja diŋgiget. Mi Anutugõ jittjaŋgõ dop asuhuiga uruŋinan mõnõ neŋgõra aka qahõ bõliyõkmõ, õlŋa baukõm eŋgial.

10 Siŋgisõndõkninaŋgõra aka mõt bõlim aŋguzin ewõ, gamu wõsõbirik miãŋõn mõnõ baukõm eŋgiiga urunini kunbuk melenja diŋgibin. Diŋgibinaŋgõren Anutunõj mõnõ neŋguaŋgiri Suepnõj õŋgõbin. Miãŋõra kunŋan uruŋi melenja miãŋõra qahõ mõt bõlim aŋguma. Gõlme ambazip tosatŋan siŋgisõndõkŋinaŋgõ wõsõbirik mõrakzemõ, Anutunõj mi mosõtmapkõ qahõ qesime ewõ, yaŋõn mõnõ likepŋi melenja eŋgiiga kõmum kõhõime.

11 Eŋõn Anutugõ sihimjaŋgõ dop wõsõbirik aketka gamu miãŋõ õlŋan uruŋine ahui letokteri, mi kewõta ek welipkõba kewõ jime, “Nini gõnmõnahotŋini mosõta urunini tokoba urukõnõp qakŋe wahõta kõnanini sohosohõŋi kewõta mindiŋõin. Ambazip siŋgisõndõk akeri, miãŋõra uruninan wahõri sisit memba jim eŋgiin. Anutugõ jittŋi õŋgitpinbukõra auruba keŋgõtnini mõta Polnõj kaba uru melenjaŋgõ õlŋi eŋŋapkõ kõpõsõŋgõba malin. Urunini ahakmeme diŋdiŋi akingõra alin aka kunõj kõna qiwitipkõyõhi, mi mindiŋõm waŋgibingõ jõjõrõba malin.” Mewõ jigetka dop kõlma. Nalõ kewõŋe kõna diŋdiŋi wuatãŋgõzei, mi kondel niŋgigetka ehal.

12 Miãŋõra kunŋan sutŋine bõliyõhi, iyõk mindiŋõm waŋgimegõra aka kimbini qahõ ohoyal me kun i mem bõlim waŋgiyõhi, iyõk baukõm eŋgimegõra kimbi mi qahõ ohoba alal. Mi kewõgõra ohoyal: Iŋini Anutugõ jemesohõlje nõmbuk urumohot akingõ kapaŋ kõlakzei, silik miãŋõn mõnõ aukŋe asuhumapkõra kimbi mi ohoyal.

13 Nani urukõlalepni miyõk qahõ mõtzalmõ, Taitusgõ uruŋan sutŋine õlõwahi ehinga miãŋõn mewõyõk uruni naŋgõi õnõŋi qahõ sõŋgaimakzal. Eŋõn kõreŋanõk Taitus kõrõ-õlõwak qem waŋgieraŋgõra sõŋgaimakzawi, sõsõŋgai miãŋõn mõnõ mewõyõk naŋgõm kõl niŋgii miãŋõra õnõŋi qahõ sõŋgaizal. 14 Nõjõn silikjaŋgõra silenini Taitusgõ jeŋe mõpõseiba malali,

* 7:5: 2 Kor 2.13 * 7:5: 2 Kor 2.13 miãŋõren Taitusgõra jiyõk.

enön miangöra gamu qahö ningget. Nöñon engö sutjine mala keu pakpak jibi mötkeri, mi öljänök jial. Miangö dop engö keunini Taitusgö jeñe jim möpöseiba malali, keu mianjón mönó mewöñanök könanjini mindingögetka öljñ ahök.

¹⁵ Injini körek pakpak mönó nöñgö keuni tem köla Taitusnöñ kaiga sömbuñinambuk möta jönömñjini undui köl öröm wangiget. Taitusnöñ silikñjini mi mötmöröiba keu jiiga uru ölöwakñan engöra aka qariga köhöiba möpöseim engimakza. ¹⁶ Nöñon ahakmemerñjini pakpak mötmöröiba miangöreñ mönó ölöp engöra aka ewebibinambuk möt köhöiba saitingit malmam. Miangöra söñgaimakzal. Mewö.

8

Urumelenj alaurup nangöm engibingö keunji

¹*O urumelenj alaurupni, Anutunöñ kalem möriamñjini urumelenj könagesöñjini könagesöñjini miangöreñ nenñji öljän mönó Masedonia prowins uruñe ölöpñanök asuhuyök. Nöñon injini miangöra gukmaulem malbepuköra möta kösohotñjini kewö jimam: ² Yejön kahasililih miwikñjaiba mötketka lömbötñambuk esapköm enñjiiga wanapñjini kötökñjini maljemö, mi töndup önöñjini qahö söñgaigeranğöra aka urumelenj alaurup nangöm engibingöra monerñ naluk keta bölökñjini alget.

³ Yengö könanjini kewö nangöba jimam: Kunñan qahö kuñgum enñji nannjini sihimñinan töndup ahuiga amqeba ösumñjanğö dop nalukñjini alget aka mi tok onğita enñiget. ⁴ Yejön mönó kapan köla gwötpuk kuñgum nenñjiba kewö uleta jiget, “Nini tok Judia prowinsgö ambazip sarakñjini bauköm enñgibingö mötzin. Miangöra Pol, gi ölöp Onj! jinöñga mönó simbawon möta nup miangö bahöñjini amqeba membin.”

⁵ Mewö jiget jibiga naluk almegö mambörali, miangö dowök qahöpmö, mi onğita kewö aket: Yejön mutuk nangönanğö Kembugö jeñe dop köljawi, mi akingöra uruñjini jöhöget aka miangö andöñe Anutugö jittjini tem köljingö möta nannjini malmalñjini mi mewöyök nenñgö börönine alget. ⁶ Miangöra Taitus kewö jim kutum wangial, “Gi mönó nangönanğö nup mi lök könahiba menöñ. Miangöra mi mönó toroqeba Korint könagesö bauköm enñginöñga urukalemñjini kondela monerñ naluk ketanji mi kunbuk toroqeba algetka sutjine teköma.”

⁷ Urugö yuai könanji könanji mi kelenmaleleñ buña qem anguba kewö aka malje: Ölöpñanök Kraist möt nariba Buña keu öljñ jim soroköba Anutugö sihimñjini möt kutuba tosatñjini nangöm enñgibingö pöndañjini köpösöngömakze. Enön mönó tosatñjini enğongita ölöpñanök jöpaköm nenñjiba qetpuk akze. Miangö dop nangönanğö nup ki mewöyök mönó ölöp mem soroköba tosatñjini enğongitketka qetpuk akña.

⁸ Mewö jiba monerñ almegöra qahö jim kutum enñgizal. Mi qahöpmö, urukalemñjini geñmoñambuk akza me qahöwi, mönó mi esapesapnöñjini ala könanjini mötmangö mötzal. Könagesö tosatñjan gönmönahot mosöta nangönanğö nupñjini ölö töhöñña memba zeñ kinjei, keu mi jiba mianjón injini esapköm enñgizal.

⁹ Naluk dawik almegöra kewötmei, miangöreñ mönó Kembunini Jisös Kraistkö könanğandö tandökñjini mötmörime. Injini yangö kalem möriamñjini ketanji mi kewö mötze: Yanñon Suepkö öröyuai pakpakö Tonji öñgöngöñjini ahökmö,

* 8:1: Rom 15.26; Eks 16.18

²³ Nöjñon Taitus kewögöra möwölöhöyal: Yanñon nöngö alabaukni aka nup meme nejakni akza. Urumeleñ könagesöñi könagesöñi yeñon alayahötñini yahöt mi möwölöhöm etkigetka jitñememeñini akzahot. Kraistkö qetbuñañan mönö yetköra aka qarimakza. ²⁴ Mianğöra azi karöbut mi kamei, i mönö urukalem ak engiba könañini mewö kondelgetka ekñe. Mewö akñe ewö, neñon silikñinağöra silenini möpöseinini, keu mianğö öljñan mönö aukñe asuhuiga eketka urumeleñ könagesö gwötpuk yeñon mötme. Mewö.

9

Mönö urumeleñ alaurupñini bauköm engime.

¹ Anutugö ambazip sarakñi alabauk moneñ engimeğöra ohomamgö mötzalmö, inñini keu mi lök möta mianğöra qahö osize. ² Inñini alabauk akingö sihimñinan ahui mötze. Nöjñon mi möta engö silenini mi mianğöra Masedonia urumeleñ ambazip yeñgö jeñine möpöseiba kewö jial, “Korint aka Akaia urumeleñ alaurup tosatñan mönö yambu emuneyök könahiba Judia alabauk ak engibingö jöjöröba malje.” Mewö jibiga engö urukönöpñinağöra mötketka keu mianñon mönö kuñgum engiyök. Mianğöra könagesö öljñi yeñgö uruñinan mönö amqeba alabauk akingö urukönöp aket.

³ Engö sihimñinan ahui mötzemö, töndup nejakurupni karöbut ki melaim engizal. “Korint yeñon mönö moneñ tokobingöra jöjöröba malje,” mewö jial aka keu mianğöra engö silenini möpöseial. Keu mianñon omanñi aiga gwötpukñan ekepukmö, keuñinağö dop moneñ öljñi algetka kahaimök tari körekan mewö engekjegöra mötzal.

⁴ Keu mianñon omanñi aiga moneñinan qahö kahaimök tari öne malgetka Masedonia nejakurup tosatñan nömbuk kaba mewö miwikñaim engibeak ewö, nöjñon mönö engöra aka gamu miwikñabileñbuk. Tem kölmegö möt narim engiba malbiga öljñi qahö asuhubawak ewö, inñini mönö mewöñanök keuñini omanğöra aka gamu miwikñaiabepuk.

⁵ Mianğöra urumeleñ alaurupñini karöbut mi uru kuñgum engimamgö mötpi dop köli kewö jial, “Inñini mönö qeljine Korint yeñgöreñ anda nanğönanğö naluk ketanñi almegö keu jöhögeri, areñ mi wuatangöba al tekömegöra mönö kuñgum engime. Mewö aketka alabauk nalukñini mi kik-kukñambuk ekbonep qakñe qahöpmö, mönö sakalakñi aka amqeba gwötpuk alme. Mi mindirigetka zioz köwenöñ kahaimök tari kabiga ölöp membñin.” Mewö jial.

Kötñi mönö amqeba gwötpuk qesinđa gilme.

⁶ Keu ki mönö mötmöriiba malme: Nene kötñi awamñanök qesinđa gil-jawanñon mönö öljñi mewöyök awamñanök mema. Nene kötñi gwötpuk qesinđa giljawanñon mönö öljñi mewöyök gwötpuk mema. Mianğöra gwötpuk algetka Anutunöñ salupñe gwötpuk engima. ⁷ Inñini nanñök nanñök nalukñini mönö uruñinan jöhögerangö dop alakñe. Sösöngainöñ amqeba mözöközöröñ ambazip kalem engizei, Anutunöñ mönö i jöpaköm engimakza. Mianğöra nalukñini kunñan kuñgum engizawanğöra aka uruyahöt qakñe kude alme. Mi kik-kukñinambuk kude alme.

⁸ Uruawam qakñe kötöññini gwötpuk algetka Anutunöñ mönö köhöiba kalem möriamñi pakpak mem sehim engimakñya. Mewö engiiga malmal pakpak mianğöreñ yuaigöra osime, mi pakpak mönö nalö dop buñya qem angugetka dop köli engimakñya. Mewö aiga nup ölöpñi könanñi könanñi mi ölöp

megetka ölni kelemaleleñ asuhuma. ⁹*Ekbonep mosöta naluk ketanji ketanji alakzei, mi Buña Kimbi keu ki ohoget ahözawañgö dop akze, “Yañön amqeba kalemñi kalemñi mendenja ambazip wanapñi engimakza. Ahakmemeñi diñdñi kik-kukñi qahö mianñön mönö nalö teteköñi qahö Anutugö jene ahöm öñgöma.”

¹⁰ *Anutunöñ qesin gilgil azigöra nene kötni wanggiiga nene asuhui nemakzini, yañön mönö neneğö mözöközöröñ ahakñei, mi mewöyök engimakña. Mi engii uruñinan lolohoiga ölop amqeba keu kötni qesin sehiba gilgetka ahakmeme solanñañgö ölni asuhui Anutunöñ mi mem qarui sehimakña. ¹¹ Mewö aketka Anutunöñ mönö malmal pakpak miangöreñ sehiba kötuetköm enggiiga ölöwahakñe. Mewö ölop amqeba ambazip nalö dop geñmoñi qahö kalem gwötpuk engimakñe. Mewö aketka mi memba (Jerusalem anda) engginga ambazip gwötpukñan kötönñinañgöra aka Anutu möpöseigetka ölni engöreñ asuhumakña.

¹² Nañgöñañgö nup ki memakñei, mianñön mönö Anutugö ambazip sarakñan yuaigöra mözöközöröñ aketka bauköm engimakña. Miyök qahöpmö, miangöra “Anutu saiwap!” keu mi gwötpuk jimegöra aka ölni engöreñ asuhumakña.

¹³ Miangö könañi kewö: Nañgöñañgö nup ki memba mewö mianñön mötnariñinañgö könañi kondelgetka ambazip gwötpukñan mi eka Anutu tem kölmeañgöra möpöseim wangiba kewö jime, “Korint yeñön mönö Kraistkö Ölöwak Buñañi keunöhök qahö jim miwikñaizemö, Polgö keunji geñmoñi qahö tem köla amqeba sakalakñi aka nengöra aka tosatñi pakpak yengöra kalem jesöñgö engimakze.”

¹⁴ Mewö jiba engöra köuluköba miangöreñ waikñini gwötpuk mem engiba kewö jime, “Ta! Anutunöñ mönö kalem möriamñi kelemaleleñ Korint enggiiga urukalemñinañgö ölni gwötpuk nengiget.” Mewö jigetka Anutugö kalemñan aukñe asuhuma. ¹⁵ O nini Anutu kalemñañgöra aka möpöseimakin. Yangö kalemñi Jisös Kraistnöñ mönö qetpuk sorok akza. Nañgöñañgö almeañgö keunji mi mewö kaba teköza.

10

Polgö nupköra keu jigetka likepñi melepñök.

¹ Tosatñan engö sutñine nöñgöra kewö jimakze: Mesohol köl anguba köhöikñi tandök qahö akzapmö, kungen anda miangöreñ mönö keu köhöikñanök jim nengimakza. Mewö jimakzemö, Kraistnöñ ak kömumba guñböñjöröñ niñgimakzawi, nöñön mönö miangö qakñe nanak uruñini kewögöra kungumam:

² Tosatñi mienñön nengöra kewö tandök mötmöriba jimakze, “Pol aka yangö nenakurupñi yeñön gölmegö ahakmeme tandök wuatangöba nanñinañgöra mötmöriba ahakze.” Nöñön engöreñ kaba keu mewö jimakzei, i mönö tembul engiba awösamakak kinda jim engimamgö mötzalmö, töndup uruñini köhöikñi kötökñi kunguba jim engimamgö töközal. Miangöra inñi ambazip nöñgöra keu mewö jimakzei, i mönö zilar andö engume. Keuñini mewö mindiñgögetka engeki urunan mönö luai qei sutñine kaba böñjöröñ malmam.

³ Ölnja, ahakmemeni gölmenöñ ahakzalmö, mi töndup nanañgöra aka gölmegö ahakmeme bölöñañgö dop bim qahö qemakzal. Mewö qahöpmö,

* 9:9: Sum 112.9 * 9:10: Ais 55.10

Anutugö suahö galöm aka kerökurupni kiripo kungum engiba miangörej aren sarakni wuatangöba bim qemakzal. ⁴ Gölmé ambazip urunini walhangö dop bimgö yuaini pakpak miambuk bim qemakzin. Yarö azi yejön jakömbuak ain selni selni eriba köndengetka erakzemö, Anutunöj timbi sawani kukninambuk nenjii inahöm nenjigetka miangön mönö kerök yengö keu arejni powöwöm köhöikni kunguba qeapköinga erakze.

⁵ Urumelengö kopa yejön Anutugö könanj möt kutubepuköra aka nanjnini silenini memba öngöba mötmötjnini közamböta liklak ahakzemö, nenjön yengö kiripo arenjini gongonj pakpak mi qeapköba köndenninga erakze. Ambazipnönj keu mötmötjnini bölöni meraköba jöhömegöra köna kondel engiinga ölop keunjini pakpak Kraist tem köl wangimakingö dop mötmörimakje.

⁶ Mewö mötmöriba Korint injini mutuk Kraistkö keu pakpak tem köla aposol nupni nangömegöra mambötzin. Injini urunini mewö kunkub melengetkun nini mönö qegetal ambazip yengö keunjini pakpak kewöta jim teköba likepni melenj engibingö jöjöröba maljin. Mewö.

⁷ Injini yuai pakpak mönö silegörök kude eka kewötmé. Sutjnine ahakmeme sohomakzawi, miangö könanj ölnj mönö mötmörime. Tosatjan sutjnine ni memba et ala nanjnini Kraistkö jitjememeurupni akzeangöra uruyahöt qahö aka möt köhöize ewö, yejön mönö toroqeba nöngöra mewöyök kewö mötmörime: Yejön Kraistkö bunaji akzei, nöjön mönö mewöyök Kraistkö bunaya akzal.

⁸ Kembunöj kewögöra kukösum ningiyök: Injini mem et al engimangöra qahöpmö, mönö urunini möhangöbi köhöimegöra aka maljal. Miangöra kukösum miangöra aiweliköba konaej ewö sileni memba öngöba terereibilejak ewö, mi töndup mönö gamu kun qahö miwikjaibilejak.

⁹ Kimbinji kimbinji ohoba albi oyonja kukösumni mötketka kengöt mötmöt mem engibilejbuk. Miangöra keu mi nalö kewöje qahö toroqeba jimam. Mewö.

¹⁰ Tosatjan keu kewö jimakze: Polnöj kimbinji miangörej mönö keu lömbötjambuk ohoba urunini ölnja kungumakzapmö, sutnine kini ehinga azi löwötjni akza aka keunji jii möringa qetpuk qahö akza. ¹¹ Nöjön keu miangö likepni kewö jimam: Keunjini omanj mönö mosöta nöngö könaanangöra kewö mötmörime: Ni kungen anda kimbinöj keuni köhöikni ohomakzali, miangö dop mönö sutjnine mala mewöyök köhöikjanök mindingöm engimam.

¹² Timbiqimibilim mienön nanjnini jim ölöwak ak angumakzemö, ölnja ni nonjita aposol qetpuk akeak ewö, nöjön mönö gamuni mötpilejak. Mewö aiga nani aka engö silikjnini likeplikep ala kewötmangö qötötangöba kölköldömdöm akilenakmö, yejön mönö mötmötjnini töröpnj wuatangöba nanjnini imbinjanangö dop urunini dop ala kewörakze. Ahakmemejnini mewö lanj kewöta “Pol ongitzin,” jiba uruölöwak mörakze. Keu omanj mewö jiba uruqahö akze. Anutugö dopnönj kewöt ningigetka ölop engongita maljal.

¹³ Anutunöj nup memegö jaböni al ningiyöhi, mi qahö onjita sileni gwötpuk möpöseimangöra qahö mötzal. Anutunöj nup meme arenjini al ningii memakzali, miangö dop mönö engö sutjnine mewöyök nup memakzal aka miangö ölnjanangö mönö sileni möpöseimakzal.

¹⁴ Tosatjan keu kewö jim sohomakze, “Polnöj Korint sutjnine nup meyöhangöra silenj möpöseiga qahö dop kölja. Anutunöj gölmé mesinja nup memapkö jabö al wangiyöhi, Polnöj mi onjita lanlan walöjmakza.” Yejön mutuhök nup sutjnine qahö megetmö, töndup ni mem et al ningiba nanjnini

sileni keunöhök jiba möpöseimakze. Nöñon Kraistkö Ölöwak Buña jim sehiba anda mala mutuk Korint engörej kaba urugö nup meal. Mutuk qahö kabilerjak ewö, timbiqimibilim böhi mienön nöngö keuni mewö jigetka dop köli nöñon nani könananğö könanj jiba jim sohobilerjak.

¹⁵ Anutunöñ gölme mesinđa nup memegö jabö al engiyöhi, yeñon seljini mi walöñđa engö sutjine kaba urugö nup memakze. Nanak selni qahö walöñđa tosatj yeñgö sutjine nup mealanğöra sileni qahö möpöseimakzal. Böhi tosatjan urugö nup memba malgeri, miangöra mewöyök sileni qahö möpöseimakzal. Engö sutjine mutuk nup mealanğöra mewö akiga ölöp dop kölja. Anutugö arenj wuatañğöba sutjine nup memba malinga mötnaripjinan toroqeba qariiga nanğöm nenğimeğöra mamböta jörömqöröm akzal.

¹⁶ Nanğöm nenğigetka ölöp gölmenj gölmenj Korint likepñine Not göröken ahözei, mönö enduyañğoreñ mewöyök anda Ölöwak Buña jim asaribin. Nupninan mewö qariiga andöqeçe keujinan teköma. Anutunöñ tosatj yeñgö nup meme jaböñini al engji megetka ölnj lök asuhuyöhi, miangöra nani sileni möpöseimangöra qahö mötzal.

¹⁷ *Mewö qahöpmö, Buña keu kianğö dop akñamğö mötzal, “Kunñan silenj möpöseimangö mötzawi, yañon mönö Kembugö nupkö ölnañğöra aka silenj möpöseii dop kölma.” ¹⁸ Keu miangö könanj kewö: Nanñini jim ölöwak ak añğumakzeañon mönö Anutugö jeñe qahö dop köljemö, Kembunöñ ninja jim ölöwak ak wañgimawi, yañon mönö esapesapnöñ köhöiba kinma. Mewö.

11

Aposol takapulakanj yeñon tilipköm engibepuk.

¹ Nöñon borom kun uruqahö keu qakñe silememe aki miangöra mönö kude möt lömbörime. Mi töndup ni kude andö nuñguze, mötzal. ² Nöñon injini azi mohot Kraist yangö buñanj aketka ambi seram jömuksj sarakñi ewö engibiga yañönök engömemapkö keunj jiba jöhöyal. Miangöra Anutunöñ uruñan engöra aka mututqutut mörakzawi, nöñon mönö miangö dop tosatjan kelök keunöñ jiba engömeget bölibepuköra waimanjat mörakzal.

³ *Kewögöra waimanjat mörakzal: Mokoleñnöñ isimkakalek aiga Iwnöñ (Ewanöñ) böliyöhi, miangö dop timbiqimibilim yeñon mewö me mewö jiba tilipköba engömegetka uruñinan tölöhoiga janjuñ akepuk.

⁴ Miangö könanj kewö: Tosatjan kaba Jisös jim asariini, mi qahöpmö, Jisös murutñ kungö könanj jim sehiba malgetka yeñğöra qahö mötket lömböriza. Uña Töröñj buña qem añğugeri, mi qahöpmö, öme kunöñ tosatñ yeñgö uruñine gei lolonqalon mala miangöra töndup köñjilij qahö mötze. Ölöwak Buña möt añğön kölgeri, mi qahöpmö, keu tandökñj kun qetjanök Ölöwak Buña qeta lan jigetka tosatjan mi awamñanök möt añğön kölakze. Mewö asuhumakzawangöra mönö töndup waimanjat kun qahö akze.

⁵ Miangöra waimanjat mörakzalmö, ahakmemeni mewö me mewö kewötketka etqeqeñj qahö akzal. Tosatjan aposol qet memba timbiqimibilim lan ahakzei, nöñon mönö yeñgö nembö bapñine qahöpmahöp maljal. ⁶ Keu niñgizei, miangö likepñj kewö jizal: Keu ölöp sorokñj jijigö tandökñj mi ölöp qahö mötzalmö, Buña keugö könanj mönö möt soroközal. Mi mönö nalö dop pöñdar aukñe indelbiga möt yaköze.

* 10:17: Jer 9.24 * 11:3: Jen 3.1-5, 13

7 Injini mem wahöt engimamgö möta nani mem et al anguba malmalni nangömamgöra nup memba malal. Miangöra Anutugö Ölöwak Buja mi engöra söngöröñi qahö jim asarim engiba malal. Mewö aka malalangöra tosatñan nöngöra uruqahö keu kewö jimakze, “Polnöh mönö kóna ongita singisöndok ahakza.”⁸ Urumelen könagesö tosatñe nup qahö membiga töndup nalukñini öne ningigetka membi nangöm ninggiiga injini welen qem engiba malal. Tosatñan miangöra kewö jimakze, “Polnöh yongorö nene silik tandök ak engiba malja. Miangöra aposol qahö akzapmö, nanñi nupña memakza.” Nöngöra mewö jiba jim sohomakze.

9 *Embuk mala yuaigöra osiba mözöröngöba miangören mönö engörenök kun qahö kuñguba mem lömböriba nene yuaini qahö memba malal. Mewö qahöpmö, urumelen alaurup Masedonia prowinsnöhök kaba yuaigöra osiali, mi ek asariba moneñ ningigetka dop kölö. Ahakmemeni pakpak miangören mem lömbörim engibilenbuköra möta galöm mem anguba malal aka mewö toroqeba malmam.

10 Mem lömbörim engibilenbukö keuni miangöra mönö nani sileni memba öngöba maljal. Kunñan keuni mi Akaia prowinsñinangö gölmeñi gölmeñi pakpak miangören qeapkömamgö osima. Kraistkö keu ölnan mönö nam kölö ninggiiga keu mewö jöhöba jiba kinjal. 11 Mi wuanöngöra? Mi injini qahö jöpaköm engibilenak, miangöra me? Mönö ölna jöpaköm engimakzali, mi Anutunöh mötza.

12 Aposol sesekñai ewö ahakzei, yeñön nembuk “Öröröh akingö nup tandök miyöhök memakzin,” mewö jibingö mötze. Miangöra kewö kuñgum engimakze, “Polgö tandök ewö nup memakzinangöra mönö Pol ewö nangöm neñgime.” Nupñinangöra silenini möpöseibingö möta miangö könañi jarumakzemö, mi ölop qahö miwikñaima. Nöñön i ewö qahö akzal. Miangöra mem lömbörim engibilenbuköra mönö nani galöm mem anguba maljal aka toroqeba mewö malmam.

13 Yeñön aposol ölni qahöpmö, mönö aposol takapulakanñi aka nup meme ambazip isimkakalekñinambuk akze. Kraistkö aposol neñgö tandök kondel anguba nup lañ memakze. 14 Satanöh nanñak asakñangö garata tandök ewö kondel anguba nup lañ memakza. Miangöra timbiqimibilim mienñön mewö akerangöra qahö welipkömakin.

15 Miangöra Satangö welenqeçe ambazipurup mienñön ambazip welennini qebingö tandöktandök aka Köna keu wuatangöba mewö mianñön solanñi akñegöra jim sohoba kondel angumakze. Mewö nup lañ memakzeangöra mönö qahö auruba welipkömakzin. Silememe mewö ahakzemö, nalö teteköñe Anutunöh mönö likepñi ahakmemenjanangö dop melen engima. Mewö.

Polnöh aposol nup memba sihimbölö gwötpuk mörök.

16 Keuni kunbuk kewö jimam: Engörenök tosatñan nöñön uruqahö maljal, mewö mötmöribeak. Mewö mötmöribeak ewö, ni mönö uruqahö azigö tandök kölö öröm ningime. Mewö aketka ölop i ewö nani sileni memba öngöba sutñine malmam. 17 Awösamakak ketanñi möta sileni memba öngöba keuni jizali, mi Kembugö mötmöt sihimñangö dop qahöpmö, mi uruqahö azigö tandök ewö jizal.

18 Ambazip gwötpukñan sutñine gölmegö ahakmeme bölöñi wuatangöba silenini memba öngömakzei, miangöra nöñön mönö mewöñanök aka keuni

* 11:9: Fil 4.15-18

mianğö dop jizal. ¹⁹ Nannınak “Mötmöt ambazip öngöngöni akzin,” jizeangöra mönö uruqahö ambazip yengöra mötketka qahö lömbörimakza.

²⁰ Injini ö! közömja kewö akze: Ambazip kewöni yengöra mötketka urunjan qahö lömbörimakza: Kunjan engömemba jöhöiga welenqegeurupni etqeçeni akze. Kunjan tutuhum engiba nenenjini nem tekömakza. Kunjan jim kelök ak ençiiga buñani akze. Kunjan nannı silenı memba öngöba keu töhören jiba nunğulumjnı qekötahömakza.

²¹ I ewö öröm ureim ak engimamğöra mönö lölöwöröni aka malal. Ösön ak engialangöra “Kenğöt moröya akza,” jiba nöngöra mewö mötmörize me qahö? Keu mewö jiba mianön ölop gamu qem niñgimeangö dop akzal me? Keu jimami, mi mönö uruqahö azigö dop jimam. Timbiqimbilim yeñön nup memakzeangöra silenini memba öngömegöra gamuñini qahö mötze ewö, nöñön mönö mewöyök nupnanğöra aka sileni memba öngömamğö möt köhöimakzal.

²² Yeñön keu kewö jiba silenini memba öngömakze, “Nini juda ambazip aka Hıbru keu jimakzin.” Mewö jimakzemö, nia kun mewöyök akzal. “Israel ambazip akzin,” jimakzemö, nia kun mewöyök akzal. “Abrahamğö isi amböurupni akzin,” jimakzemö, nia kun mewöyök akzal.

²³ *Keu kun mi uruqahö azigö keu tandök ewö jimam, “Yeñön Kraıstkö nupni memakzin,” jimakzemö, nöñön mi mönö i luhut ala engongita memakzal. Nöñön mönö ambazip mi engongita nup köhöiba memba malal. Kraıstkö nupköra aka kösö mire al niñgigetka miangörej i engongita nalö gwötpuk taral. İhilek wahınambuknöñ mönö könöpuk könöpuk nunğuba mal- get. Nalöni nalöni lömböt miwikñaiba kömumamğö dop aka malal.

²⁴ *Juda jike galöm tosatñan jigetka arawambu kömbinöñ nunğuetka arenı 39 awa sıhimbölöni möta malal. Mewö ak niñgigetka indimni 5 ahök. ²⁵ *Rom gawnan yeñön jigetka ihilek wölzıknöñ nunğuetka indimni karöbut ahök. Sömañi mohot kötnöñ nunğuetka kömumamğöra ahal. Wançe ketanje malbiga köwet töromnöñ kunğuba qaköba jömgöiga indimni karöbut ahök. Nalö kunöñ wançe jömgöiga köwetnöñ geba silimni mohot aka sungemni kun köwet qakñe lanğ malal.

²⁶ *Nalöni nalöni köna anda kaba malal. O töwatni töwatni (göwöni göwöni) kutuba miangörej lömböt miwikñaiba ayuhumamğö dop aka malal. Kegwek-kahasılılıñ ambazip yengöra aka kömumamğö kenğötmi möta malal. Juda könagesöurupni yengöra aka lömböt miwikñaiba ayuhumamğö dop aka malal. Kian kantri yengöra aka lömböt miwikñaiba ayuhumamğö dop aka malal. Taonni taonni miangörej lömböt miwikñaiba ayuhumamğö dop aka malal. Arökñangö miriñi miriñi miangörej lömböt miwikñaiba ayuhumamğö dop aka malal. Köwet kutuba anda miangörej lömböt miwikñaiba ayuhumamğö dop aka malal. Alaurup takapulakanı yeñön nunğuet kömumbilenbuköra wösöni kot gwözöñnıga malal.

²⁷ Malmalni nanğömamğöra nup köhöiba memba malal. Gaun guli gwötpuk malal. Nup gwötpuk mealangöra nenegö nalöni qahö ahöiga nenegö kömumba ogö kömumba malal. Nene qahöwahıga nalö gwötpuk bödi aka malal. Opo malukğöra osıba sanğenni möta malal. ²⁸ Miyök pakpak qahöp mö, toroqeba kewö möta malal: Urumelen könagesöni könagesöni pakpak yeñön waiman- jatjnı jigetka urunan mönö nalö dop möt lömböriba malal.

* 11:23: Apo 16.23 * 11:24: Dut 25.3 * 11:25: Apo 16.22; 14.19 * 11:26: Apo 9.23; 14.15

²⁹ Möt narip alaurup denike yejõn sörauba löwörize ewö, nõjõn mõnõ mewõjanõk i uru al enjizal. Kunjan kõlgõrom aliga urumelenj alanan sijisõndok akzawi, sijisõndok miangõ kõnõpjan mõnõ nõjõgõ uruni mewõyõk nohoiga tembulakzal.

³⁰ Silememe keuyõk mõnõ mõtpingõ ak enjiza. Miangõra sileni memba õngõmamañgõ dop akilenjak ewö, ni memba et al ningigetka õsumeret tandõk akzali mõnõ miangõra aka sileni memba õngõmakzal. ³¹ Kembu Jisõsgõ Iwi Anutuñi nalõ dop möpõseininga tetekõñi qahõ akõdamunñambuk mal õngõmawi, yañõn mõnõ nõjõgõ kõnañamni mõri muneñ keu qahõpmõ, keu õlñi mi jizal.

³² *Damaskus sitinõj malbiga kiñ Aretasgõ kiapñan mõnõ buldõmin azurupñan nõmimba jõhõm niñgimegõ jim kutum enjiiga Damaskus ambazip yeñgõ siti sel nanuñe mõnimba õlõj kõla anbilenbukõra galõm memba kinget. ³³ Mewõ kingetmõ, alaurupnan nõmembra sakapñõj al niñgiba kõsõnõj jõhõba siti sel jeñgenañeyõk õsõjõsõj algetka gõlmenõj eta kõla bõrõneyõk õlõj kõla kayal. Mewõ.

12

Polnõj jemelej imut eka indelindel keu mõrõk.

¹ Enjõ silememe alaurupñinan jemelenjõ keuñi keuñi jimakzei, miangõra nõjõn mewõyõk sileni möpõseiba jemelenjõ keuni jimam. Keu mi õlõp qahõ baukõm enjimapmõ, tõndup keu toroqeba jemelej imutñi imutñi eki Kembunõj keuñini indeli mõrali, miangõ kõsohotñi jimam. ² Azi kun mõt wañgibi Kraistpuk qekõtahõba malja. Uña Tõrõjan i wañgiriga gõlme gõ kousu luhut jabõñi õngita õngõba sengelau jabõñi õngita õngõba Anutu nanñangõ Suep miri uruñe eu õngõyõk. Nalõ miangõrenjõk yambu 14 lõk tekõi maljin. Silebuk me silenji qahõ uñañanõk õngõyõhi, mi qahõ mõtzal. Anutunõj mi mõtza.

³⁻⁴ Uña Tõrõjan azi mi wañgiri Anutugõ oyaenkyoaen miriñe õngõi keu qainñi kun jigetka mõrõk. Gõlme azi nõjõn keu mi jimamgõ songõ ahõza aka keu mi gõlme ambazip neñgõ keuninan jibinangõ dop qahõ. Silebuk me silenji qahõ õngõyõhi, mi Anutunõj mõtza. Nõjõn mi qahõ mõtzalmõ, yañgõ kõsohotñi mõtzal.

⁵ Nõjõn azi yañgõrenj yuai asuhuyõhi, miangõra sileni memba õngõmamañgõ dop akzal. Nanañgõra mi asuhuyõkmõ, tõndup miangõra aka nani sileni qahõ möpõseimakzal. Miangõra qahõpmõ, õsumeret akzalanjõrõk mõnõ mewõ ahakzal.

⁶ Nanañgõra sileni mewõyõk memba õngõmamgõ mõtpilenjak ewö, keuni mõnõ keu õlñangõ dop jibilenjak. Mewõ keu omanj jiji asia qahõ akilenjakmõ, mi kewõgõra kõyatim anjumatkal: Kõrek enjõn jemelej mi ehalanjõra keu diñdiñi õngita nõjõgõra mõtket õngõngõñi akilenjuk. Ahakmemeni aki eketka keu jibi mõtkeri, mõnõ miangõ dowõk kewõt niñgimegõra mõtzal.

⁷ Indelindel keu õngõngõñi mõtpi keu tosatñi õngirakzawi, miangõra aiwelikõm anjubilenukõra Anutunõj yuai jitñambuk nõjõgõ silene aliga kondi sõtmangõ dop nuñgumakza. Satangõ garatanõj sihimbõlõ mi niñgiiga mõrakzal. ⁸ Miangõra Kembunõj mi sileneyõk mem gilmapkõra koulukõbiga indimñi karõbut ahõk.

* 11:32: Apo 9.23-25

⁹ Mewö köuluköyalmö, keu kewö jii möral, “Qahö. Ösummeret aknönnga nöngö kukösumnan mönö amqeba urugi kokolak qeiga aködamungabuk ahaknan. Mianğöra nöngö kalem möriamni mönö buña qem anğunönnga dop kölma.” Keu mi jii möta Kraistkö kukösumnan çakne öngömapköra mörakzal. Mianğöra ösummeret ahakzalangöra sileni möpöseimakzal. Lömböt mi qahöwaktapköra qahö toroqeba köulükömakzal.

¹⁰ Kraistnöñ ni ösummeret ahakzali, nalö mianğörej ösum niñgiiga köhöiba kinakzal. Mianğöra ösummeret akzalangöra tøndup mötpi dop köli siksuk qahö akzal. Tosatjan uruqeçe keu töhörej jim niñgigetka mötpi dop köl niñgiza. Kraistköra aka kahasilin sesewerowero ak niñgigetka wahöjalin möta mianğörej tøndup urubönjöñ miwikñaimakzal. Mewö.

Polnöñ Korint yenğöra waimanjat mörök?

¹¹ Sileni memba öngöba mönö uruqahö tandök akzal. Diñgimeğöra aka köna murutji kun qahö miwikñaiba nöngöra mötket öngömapköra mi jizal. Ölna, Anutunöñ qahö bauköm niñgibawak ewö, nanak mönö yuai kun qahö aki andöqeçe keujinan ölni akawak. Ölni akawakmö, ahakmemeni mewö me mewö kewötzali, mönö etqeçeñi qahö akzal. Tosatjan aposol çetpukö çet memba timbiçimbilim lañ maljei, nöñön mönö yenğö nembö bapñine qahöpmañöp maljal.

¹² Enğö sutñine nup memba lömböt gwötpuk möta mökösoñda malali, mianğörej Anutugö kukösumnan sölölohöm niñgiiga anğöletet aiwesök könañi könañi asuhuget. Ahakmeme mianjön mönö aposol akzalangö könañi kondel enğiiga eket.

¹³ İjini bauköm enğial aka urumelen könagesö tosatji mi embuk örörön ak enğial. Tosatji enğömembi wahötketka ijini mönö denöwö enğömosötpi öne malbeak? Ölna, nangöm niñgimeğö lömbötñi mi enğö çakñine qahö alal. Aposol takapulakanji yenjön lömböt mi enğö çakñine alakzemö, nöñön mi tosatji yenğö çakñine albi bisimakze. Nangöm niñgimeğöra qahö kuñgum enğiba mewö köpösihit ak enğial me? Mianğöra “Polnöñ köpösihit azia akza,” jibeak, mönö pinjitni mi mosötmegöra qesim enğial.

¹⁴ Mötket, nalö kewöñe kunbuk enğörej kamamğö jöjöröbiga indimñi karöbut akña. Kaba nupni nangömegö lömbötñi mi dumñe kunbuk enğö çakñine qahö almam. Mi qahö. Nanñini sukinapñinanğöra qahö köpösönğömakzalmö, nanñinak mönö nöngöra ak enğimapköra mötzal. Nahönbörat yenjön iwinamurupñini nangöba inap tokoba enğimeangö dop qahö akzemö, iwinam yenjön mönö mi nahönböraturupñini yenğöra tokogetka dop kölja. Mianğö dop urugö nupnöñ göröken nöñön iwinini akzal. Mianğöra urunöñ göröken bauköm enğimamğö mötzal.

¹⁵ Mianğöra enjön ölöwakñegöra yuaini pakpak mi sösoñgai çakñe tököm enğibi enğö buña aktapköra mötzal. Nani malmalni mewöñanök ölöwakñegöra mosötmamğö mötzal. Mewö öñöñi qahö jöpaköm enğibi urukalemnan qari-makzapmö, enğö urukalemñinan mönö tøndup wuanönğöra wazimakza?

¹⁶ Ölna, nangöm niñgimeğö lömbötñi mi enğö çakñine qahö alal. Nöngö tuarenjoñurupnan keu mianğöra urumohot akzemö, tosatjan kewö jibeak, “Pol mi mötmök azia aka tilipçilipñambuk urunini mezanña köpeim enğiba monerjini mewö me mewö örömakza.” Keu mianjön ölni qahö. ¹⁷ Mi denöwögöra jize? Neñakurupni melaim enğibiga enğörej kageri, yenğörejök kunñan Pol inap wanğimeğöra kuñgum enğiyök me qahö? Qahö. ¹⁸ Taitus

engörej kamapkö kuṅgum waṅgiba urumelen ala kun yambuk melaibi kay-ohot. Taitusnōṅ ni inap niṅgimegö kuṅgum enṅiyök me qahö? Qahö. Uṅa mohot mianṅön mönō sölölohöm netkiiga nup nanṅönanṅögö köna mohot anda kaba malit. Mewö.

Polnōṅ mönō Anutugö kukösum qakṅe kama.

¹⁹ Kimbi ki oyoṅda mianṅörej nōṅgöra kewö mötmöribepuk, “Keu jim enṅiinga mianṅö likeṅṅa kapaṅ köla jiba mewö ohoza.” O wölböt alaurupni, mianṅöra kewö jimam: Mönō Kraistpuk qekötahöba keuni Anutugö jemesoholṅe jiba ohoyal. Nupnini pakpak mi enṅön uruṅini möhamgöba köhököhöi miwikṅaimegöra memakzin.

²⁰ Enṅörej kaba eki ahakmemeṅini tökömakzali, mi wuatangöba malbepuk. Mewö miwikṅaim enṅibileṅbuköra waimanjat mötzal. Ahakmemeṅinaṅgö likeṅṅi melen enṅibi qakṅine öṅgömawi, enṅön mönō tandök akṅami, mi tökömegöra mötzal. Sutṅine ahakmeme kewö akepuköra goro mötzal: Uruṅöṅ mututqutut aka aṅgururuk akepuk. Urusingok aka yom jibepuk. Silenōṅ alal ak aṅguba deṅda nanṅini kambugörök mötmöriba malbepuk. Andöqeṅe keu töhörej jiba mianṅön mem bölim aṅgubepuk. Tosatṅi yeṅgö keuṅini tölapṅe jigetka diwoṅdawoṅ anbaṅpuk. Jakbak-oraṅböraṅ aka areṅi törörök qahö wuatangöba nanṅini imbi-imbi laṅ malbepuk.

²¹ Mewö aka malme ewö, nōṅön mönō kewö asuhumapköra waimanjat möta kamam: Ambazip gwötpukṅan mutuk siṅgisöndok aka malgeri, yeṅgöra mönō urukömbuk aka sahötpileṅbuk. Ahakmeme töwötṅambuk laṅ wuatangöba sihimṅini kömbönaṅi miwikṅaimegöra serowilin akerangöra gamu qahö möta qahö möt bölim aṅguget. Sutṅine kabiga uruṅini kunbuk qahö melenṅet enṅekiga Anutunōṅ mönō uruni kuṅgui kunbuk urueret akileṅbuk. Mewö.

13

Galöm meme keu qöndökṅi

¹ *Nalö kewöṅe enṅörej kabiga indimṅi karöbut akṅa. “Keugö jakenṅe alalgö keuṅi pakpak mi mönō ambazip yahöt me karöbutṅan nanṅöba jigetka köhöimakza.” ² Nōṅön Buṅa keu mianṅö dop akal. Enṅö sutṅine malbi indimṅi yahöt aiga mianṅörej lök galöm meme keu enṅial. Keu mi nalö kewöṅe kunbuk köi guliba qelijneyök jizali, mianṅön teköza. Mianṅöra kunbuk kamami, nalö mianṅörej ambazip siṅgisöndok mutuk akeri me akzei, mi mönō qahö enṅehorimam. Bölöṅamṅinambuk iṅini mönō körek mindiṅgöm enṅimam.

³ Kraistnōṅ mönō ösumeret qakṅe qahö ak enṅimakzapmö, kukösumṅi sutṅine kondelakza. Kraist mianṅönök mönō sölölohöm niṅgiiga aposol aka keu jimakzali, iṅini mianṅö könaṅangöra uruyahöt aka kapaṅ köla qesim aṅgumakze. Mianṅöra silikṅinaṅgö dop mönō keu enṅiba mindiṅgöm enṅimam.

⁴ Kraist maripomnōṅ qegetka kömuyöhi, nalö mianṅörej mönō ösumeret tandök malökmö, töndup Anutugö kukösumṅan nam köi waṅgiiga mal köhöiza. Nōṅön mewöṅanök yambuk qekötahöba nani ösumeret aka maljalmö, Anutugö kukösumṅan mönō nam köi niṅgiiga Kraistkö jitiṅi memba mindiṅgöm enṅimangö mal köhöizal.

Mönö nanṅini kewöt aṅguba uruṅini melenṅe.

* 13:1: Dut 17:6; 19:15

⁵ Mönö nanñini törörök kewöt anğume. Uruñini melenđa ölnja Kraist möt narize me qahö, mianğöra mönö esapesapnörj ala kewöt anğume. Kraist Jisösgö Uruñan uruñine mal köhöizawi, mi möt kutuze me qahö? Uruñine qahö malja ewö, inñini mönö esapesap mianğörej et enğuga Kraistkö buñaya qahö akze. ⁶ Nöñön enğörej aposol ölni akzal me qahö, inñini mewö kewöt niñgigetka esapesap mianğörej kude eta nunğuma, mewö mötzal. Inñini nöñgö könani mewö aukñe eka möt kutumegöra jörömqöröm aka maljal. Mianğöra mindiñgöm enğibi ölnja dop kölma.

⁷ Keu pakpak ohoba kotzali, mi ak sohobepuköra Anutu köuluközin. Keu kun jim sohoba malgetka kaba mindiñgöm enğibiga tuarenjonurupnan mönö aposol kukösumni ölnja eka ek asarime. Mewö asuhumapköra qahö köuluközal. Inñini qahö mindiñgöm enğimamañgö dop nekepuköra qahö köuluközalmö, enñön urumelenj diñdiñi akñegöra köuluközal. Uruñini ölnja melenme ewö, nöñön mönö qahö mindiñgöm enğibi tuarenjonurupnan nöñgöra toroqeba azi lölöwöröñi tandök ewö mötpeakmö, mi muat.

⁸ Nini keu ölni qetala kun uteköbingö osibinmö, keu ölnjan sehimapköra ölöp kinbin. ⁹ Nöñön kukösumni qahö kondela ösumeret tandök malbiga enñön köhöiba kinmei, nalö mewöñe mönö sösongai ahakin. Urumelenğö aködamunñini körek miwikñeiba köhöiba kinmegöra neñön Anutu köulukömakzin. ¹⁰ Kembunöñ inñini memba et al enğimamgöra qahöpmö, uruñini möhamgöbi köhöimegöra möta kukösumñi mi al niñgiyök. Kukösum mianğö qakñe kinda enğörej kamami, nalö mianğörej könöpuk ak enğibileñbuköra mönö keu ki köröwen mala enğöra kimbi ohozal. Nanñinak mindiñgöm anğume ewö, mönö ösöñ ak enğimam. Mewö.

Yaizökzök keu teteköñi

¹¹ O urumelenj alaurupni, keuni jim teköba qambañ kewö enğizal: Mönö söñgaiba malme. Könañamñini sohoyöhi, mi mönö körek mindiñgöm teköme. Urukunğukunğuju keu enğizali, mi mönö buña qem anğuba tem kölme. Keu jiali, mianğörej mönö urumohot aka luainöñ malme. Mewö aketka Anutu jöpaköm anğumegöra inahöm nenğiba luai qem nenğimawi, yanñön mönö embuk malma.

¹² Inñini urumelenj alaurupñini yembuk jölöñini jiba mönö köna sarakñi wuatangöba jölöñini jiba anğum anğuba numbuñini yöhötim nemba malme. Anutugö ambazip sarakñi pakpak ki maljei, yenñön yaizökzökñini algetka enğörej kaza.

¹³⁻¹⁴ Kembu Jisös Kraistnöñ mönö kalem möriamñi enğuga Anutugö urujöpakñan nam köl enğuga Uña Töröñan körek inahöm enğuga urumohot aka köisirik malme. Mewö.

Galesia Kimbi Polnöŋ Galesia yeŋgöra Kimbi alök. Jim-asa-asari

Polnöŋ Buŋa Kimbi ki Galesia prowinsgö urumelenŋ könagesö yeŋgöra ohoyök. Galesia prowins mi Eisia Mainö (Töki) uruŋe Rom yeŋgö bapŋine malget.

Aposol yeŋön Anutugö Buŋa keu jim sehigetka mutuk Juda tosatŋi aka könanŋep kian kantri tosatŋan mewöyök uruŋini melenget. Nalö mianŋörenŋ Juda yeŋön kapanŋ köla keu yahöt kewö jigetka lömböriyök:

- 1) “Kian kantri yeŋön Mosesgörenŋ Köna keugö dop Anutugö aiwesökŋi silenŋine qahö yandime ewö, yeŋön mönö urumelenŋ könagesö ölnŋ qahö akŋe.” Anutunöŋ ambazip nanŋanŋöra möwölöhöm engiyöhi, yeŋgö aiwesökŋi mi sile yandiyandi. Jen 17.10–12. Polnöŋ mi möta “Keu mi ölnŋ qahö!” jiba kewö jim kutum engiyök, “Kian kantri yeŋön Jisös möt narigetka Anutunöŋ mötnariŋŋini mianŋöra aka keuŋini jim teköi solaniba urumelenŋ kambu ölnŋ akŋe.”
- 2) Böhi takapulakanŋi yeŋön Polnöŋ Uŋa Töröŋanŋö ösumnöŋ nup meyöhi, mi memba et ala kewö jiget, “Pol mi aposol ölnŋ qahö akzawanŋöra keuŋi kude mötme.” Mewö jigetmö, Polnöŋ köhöiba jiyök, “Nöŋön Jisösgö Ölöwak Buŋa jiji azia aka Anutunöŋ meköba kuŋum niŋgiiga aposol ölnŋa maljal.” Mewö jiba Galesia yeŋgö urumelenŋ kambuŋi kambuŋi ahakmemegö qambaŋ keu ohoyök. Urunini melenŋbin ewö, mönö amqeba Kraist jöpaköba nupŋi meinga ölnŋ asuhuma.

Buk kianŋö bahöŋi bohonŋi 5 mi kewö:

Keu mutukŋi 1.1-10

Pol ni aposol ölnŋi akzal 1.11–2.21

Anutu kalem möriamŋanŋö Buŋa keu 3.1–4.31

Nanini imbi-imbi akinbukö sonŋo 5.1–6.10

Kimbigö keu kötnŋi bohonŋi 6.11-18

¹ Pol nöŋön keu eraum mötpingöra Galesia urumelenŋ könagesö engöra kimbi ki ohozal. Melaimelai azi akzalangö könanŋi kewö: Ambazipnöŋ aposol nupköra qahö kuŋum niŋgigetka memba maljal. Gölmö azi kunnŋan qahö melaim niŋgiyökmö, Jisös Kraist aka Iwi Anutu i kömupnöhök mem guliyöhi, yetkön mönö arengöba aposol nup al niŋgiyohotka kinjal. ² Neŋakurup pakpak nömbuk kinjei, yeŋön ni kötöngöm niŋgigetka kimbi ki albi Galesia provinŋsnöŋ anda urumelenŋ könagesö kambuŋi kambuŋi engörenŋ kaza.

³ Anutu Iwinini aka Kembu Jisös Kraist yetkön mönö kalem möriam engiyohotka luainöŋ malme.

⁴ Jisösnöŋ nanine Anutu aka Iwi yanŋö numbu jitŋi wuatangöba neŋgö siŋgisöndokninanŋöra aka malmalnŋi köleŋniga qeget. Nalö kewöŋe gölmegö nalö bölöŋe malakzini, yanŋön mönö kianŋörenŋök amöt qeba meköm neŋgimapköra aka kömuyök. ⁵ Mianŋöra Anutugö qetbuŋanŋi nalöŋi nalöŋi möpöseininga teteköŋi qahö aködamunŋambuk ahöba ahöm öngöma! Keu mi ölnŋa.

Ölöwak Buŋa mi kude jim sohoba mondokqondoköme.

⁶ Nōñōn enğō kōnañinañğōra aka aaurubiga je kōtni jōlja. Anutunōñ Kraistkō kalem mōriamñi buña qem anğumegōra enğoholiga yambuk malgetmō, nōñōn enğōmosōtpiga tosatñan kaba Ōlōwak Buña murutñi jigetka nalō qahō kōriiga elenđa keu goñgoñi mianğōreñ qekōtahōba enjololoñ malje. Mianğōra mōnō ōlña auruzal. ⁷ Keuñini mi Ōlōwak Buña ōlñi qahōpmahōp akzapmō, ambazip tosatñan Kraistkō Ōlōwak Buñañi mi enjololoñ memba melenqeleñ aketka mōwōkōwōramğōiga goñgiza. Mewō aiga lan lilikōba ambazip kunğum enğigetka uruñjan siksauk aiga malje.

⁸ Ambazip mewōñi mi yapmakek! Neñōn Ōlōwak Buña lōk jim asarim enğiba malini, kunñan mi qeapkōba buña keu murutñi jim asaribawak ewō, yañōn mōnō Anutugō jeñe kōnōp siagō buñaya akza. Mi nengōreñōk kunñan me Suepkō garata kunñan eta jibawak, mi tōndup keu mewōñi mōnō qahōpmahōp tem kōlme. Keu goñgoñi mi muat. ⁹ Keu mutuhōk jiba malini, miyōhōk mōnō dōlki kunbuk jizal: Enñōn Ōlōwak Buña lōk mōt anğōn kōlgeri, kunñōñ mi qeapkōba buña keu murutñi jim asaribawak ewō, Anutunōñ mōnō i jōrahōm wañgiiga kōnōp sianōñ gema.

¹⁰ Keu mewō jizali, mi ambazipnōñ nek soriget nanak jeñine dop kōlmamğōra aka qahō jizalmō, Anutunōñ nehi yañō jeñe dop kōlmamğōra aka mi jizal. Nōñōn gōlme ambazip uru ōlōwak mōt niñgimeğōra qahōpmahōp kapañ kōlakzal. Toroqeba ambazip kelōk ak enğiba sipkōbilenjak ewō, nōñōn mōnō Kraistkōreñ nup memamğō osibilenjak. Mewō.

Kraistnōñ mem letot niñgiiga aposol ahal.

¹¹ O alaurupni, Ōlōwak Buñağō kōnañi mi kewō mōt yakōme: Buña keu jim asarimakzali, mi gōlme azi kunñan qahō jimburen jiyōha ahōza. ¹² Kunñan kun mi qahō kumun niñgiyōk. Mi gōlme azi kungōreñōk qahō mōt anğōn kōlalmō, Jisōs Kraistnōñ nanñak asuhum niñgiba Ōlōwak Buñañi indeliga mōt asaribiga nōñğō buñaya ahōk.

¹³ *Enñōn nōñğō kōnañamni ōlōp mōtze. Juda ambazipnōñ Anutugō Kōna keugōra urukōnōp ahakzei, nōñōn mutuhōk yengō mōtmōtñini wuatangōba yengō dop aka memba malal. Mewō mala Anutugōreñ urumelen kōnagesō mi enğum ureiba janğauranğa mem enğiba malal. Kōnōpñambuk sesewerowero ak enğiba mem aylum enğimamğō esapkōba malal. ¹⁴ *Juda ambazip gwabō alaurupni qōtōnini mohot kota malini, nōñōn yengōreñōk sehisehiñi mi luhut al enğiba Kōna keugōra urukōnōp aka malal. Mewō mala Juda ahakmemegō kōnañi tōrōrōk wuatangōba ambōsakoninañğō jimkutukutu keu etpapukōra mōnō ōnōñi qahō kapañ kōla malal.

¹⁵ *Mewō aka malalmō, Anutunōñ mutuhōk nam kōrō uruñeyōk neka nanñangōra mōwōlōhōba al niñgiyōk aka kōnañgep kalem mōriamñangōra aka noholōk. Noholōhi, yañōn mōnō nōñğōra areñ kewō mōri dop kōlōk: ¹⁶ Yañōn Nahōnñangō kōnañi nōñğōra indeli mōtmamğō mōta Jisōsgō Ōlōwak Buñañi memba kian kantri tosatñe anda yengō sutñine jim asariba malmamğō jiyōk. Yañōn mewō jiyōhanğōra aka nōñōn wahōta kōnakōnahiñeyōk kōnahiba gōlme ambazip yengō goro keuñinañğōra mōnō qahōpmahōp jaruba qesim enğiba mala koral.

¹⁷ Mewōñanōk Jerusalem sitinōñ qahō ōñğōba melaimelai azi aposol mutuk mala kotkeri, yengōreñ qahō anda asuhuyal. Mewō qahōpmō,

* **1:13:** Apo 8.3; 22.4-5; 26.9-11 * **1:14:** Apo 22.3 * **1:15:** Apo 9.3-6; 22.6-10; 26.13-18

miaᅅgöreᅅök Arebia gölmenöᅅ anda mala kunbuk Damaskus sitinöᅅ lilingöyala. ¹⁸ *Damaskus lilingöbiba yambu (yara) karöbut teköiga “Pitö eka möt kutumam,” jiba Jerusalem sitinöᅅ öᅅgöba yambuk sömaᅅi 15 miaᅅgö dop malal. ¹⁹ Miaᅅgöreᅅ malalmö, melaimelai azi aposol tosatᅅi i qahö engehal. Kembugö munᅅi Jeims iyök ehal.

²⁰ Miaᅅgöra mötket, keu ohom enᅅizali, mi keu ölnᅅi akza. Munenᅅi kun qahö. Keu mi Anutugö jemesoholᅅe jizal.

²¹ Jerusalem mosöta Siria aka Silisia gölmenöᅅ anda miri tosatᅅi liliköba malal. ²² Mewö anda malalmö, Judia prowinsgö urumelenᅅ könagesö kambunᅅi kambunᅅi Kraistpuk qekötahöba kinjei, yeᅅön qahö nekeranᅅöra nalö miaᅅgöreᅅ ni qahö möt kutum niᅅgiba malget. ²³ Nöᅅgöreᅅ buzup keu kewöyöktöp yeᅅgö kezapᅅine geiga mötket, “Mutuk sesewerowero ak neᅅgiba malöhi, yaᅅön mönö letota malja. Mötnarip keu ayapkömapköra janᅅgauranᅅa mem neᅅiyöhi, yaᅅön nalö dölkewöᅅe nanᅅak keu miyöhök jim asarimakza.” ²⁴ Mewö möta nöᅅgöra aka Anutu möpöseim wanᅅgiba malget. Mewö.

2

Aposol yeᅅön Pol örögetka sutᅅine kayök.

¹ *Miaᅅgö andöᅅe yambu (yara) 14 teköiga miaᅅgöreᅅ “Barnabasbuk Jerusalem sitinöᅅ kunbuk öᅅgömam,” jiba Taitus mewöyök wanᅅitpiga mohotᅅe öᅅgöin.

² Anutunöᅅ mutuk nöᅅgöra asuhuba anmamgö keu indelöhanᅅöra aka yetpuk anda Jerusalem anᅅota nupnanᅅö könaᅅi jim asarim enᅅjal. Nup pöndaᅅ memba kota maljali, miaᅅön aposol yeᅅgöra qahö dop köliga nupnanᅅö ölnᅅan eta qeiga pöröpköbapuk. Mewö mötmöriba kösohotni ambazip omanᅅi yeᅅgöra lanᅅ qahö jialmö, jitᅅememeurupnini göda qem enᅅimakzini, iyök öröm enᅅibiga tokoget. Tokogetka miaᅅgöreᅅ Ölöwak Buᅅa kian kantri sutᅅine liliköba jim sehimakzali, mi aukᅅe al enᅅigibiga mötket. ³ Yeᅅön mi möta “Ölöp!” jiget. Mewö jiba neᅅakni Taitus Grik azi yaᅅön nömbuk malökmö, töndup ketanᅅaminan Anutugö aiwesökᅅi silenᅅe yandimegö qahö jim kutum wanᅅiget. Juda neᅅgöreᅅ Köna keu mi qahö al köhöim wanᅅiget.

⁴ Juda ketanᅅi yeᅅön qahöpmö, tosatᅅan silenᅅi yandibingö möta sutᅅe sutᅅe kunᅅuba jigeri, böhi takapulakanᅅi miᅅᅅgö könanᅅini kewö: Yeᅅön “Urunini melenᅅjin,” jiba mewö möndöba neᅅgö könanᅅini ek kutumegöra ölöᅅ janᅅan kaba ala tandök sutᅅine kanᅅota malget. Nini Kraist Jisösbuk qekötahöingma malmal walᅅanᅅö kösönöhök pösat neᅅᅅiiga solanᅅi maljini, miaᅅgö silikᅅi ek kutumegöra kinget. Yeᅅön neᅅgöra kewö möta köpösöᅅgöget: Ölöp malgetka enᅅömeingma nanine sel uruᅅe kagetka Mosesgö Köna keu bapᅅe al enᅅiingma nanine welenᅅeᅅeurupnini akᅅe. ⁵ Mewö köpösöᅅgöba metal neᅅigetmö, neᅅön mönö Ölöwak Buᅅagö keu ölnᅅan lolonᅅqalonᅅ akapuköra kinᅅin. Mi enᅅö sutᅅine kahaimök ahöm köhöimapköra kinᅅin. Miaᅅgöra nalö kunöᅅ qahö löwöriba keunᅅinanᅅö bapᅅe anbingö qahöpmaᅅöp imbi köl wanᅅiin.

⁶ *Totokonöᅅ nöᅅgö Buᅅa keuni jim asaribiga jitᅅememe yeᅅön “Ölöp!” jiba nöᅅön keu kun toroᅅeba jimamᅅö qahö jiget. Azi mi ipᅅina aketka göda qem enᅅimakze. Qetbunᅅanᅅini mewö me mewö akzawi, nöᅅön miaᅅgö mötpi dop mohot akza. Anutanöᅅ ambazip tosatᅅi qahö neᅅᅅek soriba tosatᅅi

* 1:18: Apo 9.26-30 * 2:1: Apo 11.30; 15.2 * 2:6: Dut 10.17

qahö qepureim enġimakza. Dop mohotnõġ kewõt nenġimakza. ⁷ Buña keuni qahõpmahõp utekõgetmõ, Anutugõ nup arenġi miangõra mõnõ “Aha!” jiba kewõ ek asariget: Anutunõġ mõt narim nenġiba Ölöwak Buña jim asaribingõ nupġi mi kewõ mendenõk: Nõġõn mi kian kantri sutġine jim sehibiga Pitõnõġ Buña keu miyõk Juda kõnagesõ yengõra jim asariba urunġini kuġgum enġimakza.

⁸ Nupġi mewõ mendenġa aposol Pitõ inahõm wanġiiga Juda azi silenġini yandigeri, yengõ sutġine urukuġgukuġgu nup memakza aka ni mewõġanõk inahõm niġgiiga melaimelai azia aka kian kantri sutġine lilikõba nup miyõhõk memakzal. ⁹ Miangõra Jeims, Pitõ aka Jon, azi ipġi qetbuñaġinambuk yenõn Kembunõġ kalem mõriam mewõġi niġgi malali, keu mi mõt kutugetka urumohot ahin. Nup mewõ mendenġa miangõ kaisõpsõpġa Barnabas niri bõrõniri qegetka kewõ jim kõhõinin, “Niri kian kantri yengõreġ anda nup meziga nanġini Juda kõnagesõ yengõ sutġine toroqeba nup memakġe.” ¹⁰ Mohot-kungõra qesim netkiba kewõ toroqeba jiget, “Ambazip wanapġi baukõm enġibitkõra mõnõ toroqeba mõtmõriba malmahot.” Mewõ jigetka mõnõ mewõyõk ak enġimamġõ kapan kõla maljal. Mewõ.

Polnõġ Pitõ qetala jim wanġiyõk.

¹¹ Mewõ jim kõhõininmõ, Pitõnõġ Antiokia sitinõġ kaba mõġaqõġai aiga ambazip urunġinan gwõtputk bõliyõk. Miangõra Pitõnõġ kaiga ehali, nalõ miangõreġ mõnõ jeġe kuġguba kewõgõra tuarenġõġ ak wanġal: ¹² Pitõnõġ mutuk kian kantri yembuk mala nene mohokġe nema malgetmõ, azi tosatġan Jeims mosõta Jerusalemõk kagetka miangõ andõġe ambazip mi enġek sirikõba tikeptikep kinõk. Anutugõ aiwesõkġi silenġine yandiget yengõra kenġõtġi mõta ziriġziriġ aka Juda kambu yembuk qekõtahõba malõk.

¹³ Mewõ kian kantri ambazip mi õlan enġuba koġgwarak aiga Juda urumelenġ ambazip tosatġan mewõyõk Pitõbuk qekõtahõba silesile silik aket. Silesile silik aka Barnabas mewõyõk õrõgetka yembuk janġuġ ahõk. ¹⁴ Mewõ aka ahakmemenġinan Buña keu õġi diġdiġanõk qahõ wuatangõgeri, nõġõn mi eka ambazip kõrek yengõ jemesoholġine kinda kewõ jial, “Pitõ, ġi Juda aziapmõ, tõndup kian kantri yengõ ahakmemenġini wuatangõba maljan. Nangak Juda nanine ahakmeme qahõ wuatangõba tõndup kian kantri ambazip mi wuatangõba kinmegõra kuġgum enġiba urukõnõp ahakzan? Mi qahõ dop kõlġa.” Mewõ.

Juda aka kian kantri nenġõn Anutugõ jeġe õrõrõġ akzin.

¹⁵ Juda asuħuba urunġini melenġini, nenġõn mõnõ kian kantri ambazip siġsiõndokġinambuk qahõ aka malġin. ¹⁶ *Mewõ malġinmõ, amõtqeqegõ kõnanġi mi kewõ ahõi mõt yakõzin: Jisõs Kraist mõt nariinga keunġini jim tekõi solanizin. Kunġan Kõna keu wuatangõba mewõ miangõn solanġi qahõ akġa. Miangõra nenġõn tok solanġi akingõ mõta Kraist Jisõs mõt narim wanġiinga keunġini jim tekõi solanġin. Mi Kõna keu tem kõlbinahangõra aka qahõ.

¹⁷ Mewõ Kraist qekõtahõba Anutugõ jeġe solanibingõ kapan kõlinga Anutunõġ tõndup miwikġaim nenġiiga naninak kantri tosatġi tandõk siġsiõndokġinambuk malġin ewõ, Kraistnõġ mõnõ siġsiõndok akingõ nam kõl nenġiza me qahõ? Qahõpmahõp! Keu mi yapmakek! ¹⁸ Kõna keu wuatangõba solanġi akingõ keunġi lõk kõndenġa qeapköyal. Qeapköyalmõ, mi kunbuk esapkõba jim kuġgubilenġak ewõ, mõnõ Kõna keu miyõk qetala siġsiõndok

* 2:16: Sum 143.2; Rom 3.20, 22

azia aka kõnanamni kunbuk mewö miwikñaibilenbuk. ¹⁹ Mutuk kõnanamni mewö miwikñaiba Kõna keugöra aka kõmukõmunji tandök ewö ahal. Mewö akiga Kõna keunöñ mönö qahö toroqeba galöm köl niñgiiga solanji maljal. Nöñön malmalni Anutugörej albiga Kraistpuk maripomnöñ nuñguget ewö kõmumba kinda yambuk kõhöiba maljal.

²⁰ Mianğöra nanak qahö toroqeba maljalmö, Kraistkö Uñajan mönö nöñgö urune kõhöiba malja. Kraistnöñ uru jöpaköm niñgiba malmalni nöñgöra kölenda sohopni meyök. Mianğöra toroqeba silebuk malmal malmami, mi mönö Anutugö Nahönji möt narim wanğiba malmam. ²¹ Kõna keu wuatangöba mewö mianjön solanji akinak ewö, Kraistnöñ mönö öne töhön kõmumbawak. Kömuyöhi, mi möt nariba Anutugö kalem möriamni mewö qahö qeapkömakzal. Mianjön mönö nam köl neñgiiga solanimakzin. Mewö.

3

Kõna keugörök kinme me Jisös möt narime?

¹ O Galesia kahapmahap ambazip, urunini qahö! Nöñön Jisös Kraist maripomnöñ qegerangö kõnanji mi jerjine ala jim kondel engjialmö, kunjan nöñgö andöne kaba kahalalom mem engjiiga janjun akze. Mi qahö dop kölja. ² Yuai mohot-töp qesim engbiga jiget mötmangö mötzal: Enjön Uña Törönji mi mönö denöwö aka buña qem anjuget? I Kõna keu wuatangögerangöra aka qahöpmö, Ölöwak Buña möta Jisös möt narigetka Uña mi urunine ali buña qem anjuget. Nöñön keu mia ölum engubapuköra kinda urunini kunjuzal. ³ Mia ölum enguyök tandöktandök melenđa mötmötñini mosöta kahalalom akze. Mutuk Uña Töröñan urunine geba inahöm engjiiga kõnanji kõnahiba angetmö, kunbuk Mosesgö Kõna keugö kõnanje geba anakze. Nalö kewöñe nanjini ösum qakñe solanji akingö esapkömakze me? Ösumjini mianjön mönö qahö dop kölja.

⁴ Kraistköra aka sihimbölä gwötpuk ak engigetka qakñine öngöyöhi, mi mönö öne töhön möta bisiba malget me? Ölnji qahö aiga mi mönö ölnja öne töhön bisiget. Mianğöra injini mönö uruqahö ambaziwa malje. ⁵ Mianğöra Anutunöñ Uña Törönji engiba sutñine angöletot ösum-mumuñambuk memakzawi, mi enjön Buña keunji möta Jisös möt narimakzeangöra aka memakza. Kõna keu wuatangömakzeangöra aka mi qahö memakza. Qahö. Keu mi kude ölum enguma. Mewö.

Abrahamgö kõna wuatangöinga dop kölma.

⁶ *Keu mianğö dop Anutunöñ Abraham ak wanğiiga mi Buña keunöñ kewö ohoget ahöza, “Abrahamnöñ Anutu möt narim wanğiiga eka keunji jim teköiga solaniyök.” ⁷ Mianğöra Abrahamgö kõnanji mötmöriba kewö mötme: Denike yerjön Anutu möt narimakzei, yerjön mönö Abrahamgö undumurunji aka malje. ⁸ *Anutunöñ qeljiñe arenji kewö alök, “Ambazip Juda qahö yerjön ni möt narim niñgigetka keunjini jim teköbi solanime.” Arenji mewö ala mianğö dop Abrahamgöra Ölöwak Buña keu qeljiñe kewö jii mörök, “Göhöra aka nöñgö kötuetnan mönö gölmegö ambazip kambu pakpak yengö qakñine öngöma.” Tosatñan keu mi qeljiñe ek asariba Buña keunöñ ohoget. ⁹ Abrahamnöñ Anutu möt narim wanğiiga kötuetköm wanğiiga mötnaripkö bömönjalöñi ahök. Mianğö dop denike yerjön Abrahamgö dop möt narizei, Anutunöñ i mewöyök kötuetköm engjiiga Abrahamgö undumurunji akñe.

* 3:6 Jen 15.6; Rom 4.3, 7; Rom 4.16

* 3:8 Jen 12.3

Jisösnöj salupnine qesuahöp buña qem anguyök.

¹⁰* Mewö aknemö, körek yerön Köna keu wuatangöba miangö qakne nariba maljei, Anutunöj mönö jörahöm engiiga malme. Keu mi Buña keunöj kewö ohoget ahöza, “Köna keu Kimbinöj keu pakpak ohoget ahözawi, kunñan kun mi körek qahö tem köla wuatangömakzawi, Anutunöj mönö i qesuahöm wanggiiga malma.” ¹¹* Buña keu kun kewö ohoget ahöza, “Ambazip solanji kungö mötnaripñan mönö nam köl wanggiiga köhöiba malma.” Miangöra kunñan Köna keu wuatangöba mianön solanji akñamgö mötzawi, yanön mönö Anutugö jeje qahö solanima. Qahö. Keu mi lök aukne kondel enggibiga teköza.

¹²* Mötnaripnöj Mosesgö Köna keu qahö nam kölja. Keu mianön jöjöpan keu pakpak tem köl teköbingöra urunini kunjumakza. Köna yahöt mi nanjök nanjök. Köna keugö könanji mi kewö jii ohoget ahöza, “Köna keu pakpak tem köla wuatangömakzawanön mönö köhöiba malma.”

¹³* Köna keu qahö walöjbinak, mewö malmal köhöikni miwikñai binak. Mewömö, Anutunöj nini nanji Köna keunangö dop qesuahö mamgö tököba Kraist melaiiga alabauknini aka sohpnini meyök. Buña Kimbinöj keu kun kewö ohoget ahöza, “Ambazip ip kembangan möndöm enggizei, Anutunöj mi körek qesuahöm engiiga malje.” Miangö dop Kraist ipnöj möndögetka nanini salupnini aiga Anutunöj qesuahöm wanggiiga mewö mianön sohpnini meyök. Jöramörähöp nenjö qaknine öngöyöhi, mi qeköyök.

¹⁴ Bömönini Abrahamnöj Anutu möt nariiga kötuëtköm wanggiyöhi, miangö dop kötumötuet mianön kian kantri pakpak dop köla yengö buñanina akñapkö mörök. Mewö möta körek nenjö sohpnini meyök. Sohpnini meiga Kraist möt nariinga köna kewö ahuma: Anutunöj Uñanji nenjimamgö keunji jöhöyöhi, nini urunini melenja Uña mi ölöp buña qem angubin. Mewö.

Köna keu aka oyaenköyaen akingö jöhöjöhö keu

¹⁵ O urumelenj alaurupni, nöjön gölmenöj malmalgö söpsöp keunji kun kewö jimam: Kunöj börösamotni tosatni yengö buñanina akñapkö keunji kambunöj jiiga jöhögetka ahözawi, mi kunñan kun qeapköba könanjep keu kun qakne toroqemamgö osima. ¹⁶* Mötket, Anutunöj jöhöjöhögö keunji mi Abraham aka yangö gwölönarökni yetköra jiba jöhöi ahöza. Buña keu mianön “gwölönarökurupki” nenjöra gwötpuk tandök ewö qahö jizapmö, azi mohotkö tandököra kewö jiza, “Mi göhö gwölönaröki wangjimam.” Azi mohot mi Kraist.

¹⁷* Keu miangö könanjangöra kewö jizal: Jöhöjöhögö keu miangö öljän mönö etmapkö osima. Anutunöj mi mutuhök jiba jöhöba yambu (yara) 430 teköiga miangörenj Köna keunji miwikñai ba Moses wanggiyök. Köna keu mianön mönö jöhöjöhö keunji mutuk jiyöhi, mi qeapkömamgö osima. ¹⁸* Oyaenköyaen akingö kötumötuetni mi Köna keu wuatangöba miwikñai binak ewö, Anutugö jöhöjöhö keugöra qahö toroqeba osiinga öne töhön ahöbapuk. Buña keunji Abraham wanggiyöhi, mi öne töhön qahö ahöyökmö, Anutunöj keunji miangö dop Abraham kötuëtköm wanggiiga oyaenköyaen ahök.

¹⁹ Abraham öne kötuëtköm wanggiba Köna keu mi mönö denöwögöra ali ahöza? Miangö könanji kewö: Ambazipnöj köna ongita janjuñ aka malgerangöra Anutunöj Köna keu mi könanjep toroqeba jim miwikñaiyök. Jim miwikñaiiga Suep garata yerön mi memba eta alabauk azi (namel man,

* 3:10: Dut 27.26 * 3:11: Hab 2.4 * 3:12: Lew 18.5 * 3:13: Dut 21.23 * 3:16: Jen 12.7

* 3:17: Eks 12.40 * 3:18: Rom 4.14

mediator) Mosesgöra indela böröñje algetka Anutugö jítñje memba ambazip sutnine kinda jim kutuyök. Köna keu mianñon nalö dop ahöm öñgöba galöm köl neñgimapköra aka qahöpmö, könañgep Köna keugö ösumñan etmapköra mi neñgiyök. Abrahamgö gwölöñarök kungö jöhöjöhö keunji neñgiiga azi mianñon asuhuyöhi, nalö mianñoreñ Köna keugö ösumñan eri teköyök.

²⁰ Alabauk azi yanñon Anutu aka ambazip sutnine kinda keu nup memakza. Anutunöñ jöhöjöhö keunji mi alabaukñi qahöpmö, mönö nanñak Abraham wanñgiyök. Mianñöra oyaenköyaen akingö jöhöjöhö keunji mi öñgöñgöñi aiga Köna keunji mianñon nemböñi akza. Mewö.

Köna keugö nupñi öñji mi denöwö?

²¹ Mewö aiga Köna keu aka oyaenköyaen akingö jöhöjöhö keu mi auzahot me qahö? Saumbañ! Anutunöñ mal köhöibingö Köna keunji neñgibawak ewö, mönö öñña Köna keu wuatangöba Anutugö jeñje solanñi akinak. Mianñöra keu yahöt mi qahö auzahot. ²² Qahöpmö, keu yahöt mi nanñök nanñök. Anutunöñ jöhöjöhö keunji mi mötnarip ambazip oyaenköyaen ak neñgimangöra aka ali ahöza. Jöhöjöhö keu mianñon Jisös Kraist möt narizini, mönö neñgöreñ öññambuk akñapköra möta kewö arengöba jiyök, “Singisöndok ambazipnöñ urunñi qahö melenme ewö, mönö öne töhön Anutugö jeñje qahö solanime.” Mianñö könañi mi Buña keunöñ kewö jii ahöza, “Singisöndoknöñ mönö gölme dop ambazip pakpak gwaröhöm neñgiiga maljin.”

²³ Mutuk urunini qahö melenninga mötnaripninan qahö asuhuiga Köna keunöñ jöhöba galöm köl neñgiba gwarö urunje misim neñgiyök. Könañgep Anutunöñ mötnaripkö könañi indeli asuhuyöhi, nalö mianñoreñ kösö gwarö malmalninan teköyök.

²⁴ Mewö taringa Köna keunöñ mönö böhinina aka Kraistkö könañi mötpingöra kusum neñgimakza. Böhi leuam kusum engigeri, mianñö dop keu mianñon mönö neñguangita solanñi akingö mindingöba galöm köl neñgimakza. Mewö aka Kraistkö könañi möt asariba möt narim wanñiinga keunini jim teköi solanibingöra kungum neñgimakza. Urunini melenninga böhigö nupñan mönö nalö mianñoreñ teköza. ²⁵ Urunini melenninga mötnaripninan asuhuiga Köna keu bapñe qahö malinga mianñon böhi ewö qahö toroqeba galöm köl neñgimakza. Mewö.

Anutugö nahönböraturupñi aka maljin.

²⁶ Körek enñon mönö Jisös möt narim wanñigetka ahuahu dölökñi enñiiga Anutugö nahönböraturupñi aka Kraistpuk qekötahöba kinje. ²⁷ Kraistpuk kinmegöra o melun mem engigeri, körek enñon mönö Kraist möt anñon köla mianñon maluku tuatñi ewö esuhum anñuba yambuk qekötahöba kinje. ²⁸ Inñini körek pakpak Kraist Jisösbuk qekötahöba kingetka mindirim enñiiga mohot aka malje. Mianñöra Juda aka kantri tosatñi enñon Anutugö jeñje kambu yahöt mi kunbuk qahö akze. Nanñini nupñini memakzei aka welenqege omanñi akzei, Anutunöñ enñehiga kambu yahöt qahö toroqeba akze. Azi ambi enñon Anutugö jeñje kambu yahöt qahö toroqeba akze.

²⁹ *Inñini Kraistkö buñaya akze ewö, mönö Abrahamgö gwölöñarökñi yangöreñök ahuba tinibanurupñi malje. Mewö ahuba jöhöjöhö keunñangö öñji oyaenköyaen mi buña qem anñumeanñö dop akze. Mewö.

* 3:29: Rom 4.13

4

Nejñon Kraistkõra aka Anutugõ nahõnbõratñi ahin.

¹ Keu mi toroqeba kõnanji kewõ jimam: Nahõnõñ iwiñangõ bõrõsamotñi buña qem anjumarangõ dop akzapmõ, morõ gwabõ mala nalõ miangõrenj welenqeqe omanji yembuk örõrõñ tandõk akza. Iwiñangõ bõrõsamot yuai pakpakõ tonji akñapmõ, tõndup welenqeqe yengõ qõhõrõñine alañina aka nup tõwanji qahõ memakza.

² Mewõ morõ mala galõmñi yengõ nembõ bapñine kiniga yeyñon malmalñi pakpak arengõba galõm kõla jim kutum wangim�akze. Iwiñan nalõ al wangii kam kuñgumawi, miangõrenjõk kõnahiba nanñak bõrõsamot tonji aka malma.

³ Nanini mewõñanõk mutuk urugõ likepñe morõ gwabõ ewõ malin. Nalõ miangõrenj bem suahõ galõm Sup gõlme sutñire yuai pakpak galõm kõl engim�akzei, mienñon mõnõ nini mewõyõk galõm kõl nenñigetka õne yengõ welenñini qeba nembõñini bapñe malin.

⁴ Mewõ malinmõ, Anutugõ nalõñan kam kuñguiga Nahõnñi melaiiga ambigõrenjõk asuhuyõk. Juda nenñõ Kõna keu bapñe malmamgõra asuhuyõk.

⁵ *Kõna keu bapñeyõk põsat nenñigiba sohõpnini memamgõra asuhuyõk. Mewõ Anutugõ nahõnbõraturupñi aka buñanji mõt angõn kõl tekõba maljin.

⁶ Mewõ Anutugõ nahõnbõratñi akzeangõra aka Anutunõñ Nahõnñangõ Uñanji melaiiga urunine geba kewõ qerakza, “O Aba Iwini!”* ⁷ Mewõ qerakzawangõra aka qahõ toroqeba welenqeqe omanji akzanmõ, Anutugõ nahõnbõratñi aka maljan. Mewõ maljanangõra aka Anutunõñ oyaenñkoyaen Buñanji gihiiiga buña qem anjuba galõm kõla malman. Mewõ.

Polnõñ Galesia yengõra waimanjat mõrõk.

⁸ Injini mutuk Anutu qahõ mõt kutuba malget. Nalõ miangõrenj tandõ lopion aka bem suahõ galõm bem õlñangõ malmalñi qahõ memba maljei, mi tõwanjini qahõ welen qem engiba etqeqenji malget. ⁹ Mewõ malgetmõ, urunjini melejda nalõ kewõñe Anutugõ kõnanji mõt kutuba malgetka Anutunõñ mõt kutum enñiiga malje. Anutunõñ mõt enñizawi, keu mianñon bohõnñi ak enñiza. Mewõ maljemõ, wuanõngõra dumñe kunbuk bem suahõ galõm yuai pakpak galõm kõlakzei, mõnõ yengõrenj melejda mesohol kõl engiba malje? Bem suahõ galõm mi õsumñini eretñi akzemõ, enñon mõnõ tõndup mi welen qem engiba etqeqenji akingõ sihimñi mõtze. Mi qahõ dop kõlja.

¹⁰ Mi welen qem engiba kendon tatat nalõ kõnanji kõnanji mi mõtket õngõiga tõrõrõk wuatangõmakze. Sabat kendon tarakze. Kõiñ dõlõkñi koriga bemñini mõtmõriba kõiñ dop sõngaimakze. Yambu jeniqeqe sõsõngai aka sõsõngai tosatñi mi yambu (yara) dop tõrõrõk wuatangõmakze. ¹¹ Nõñon enñõra aka kenñõtni kewõgõra mõtzal: Nõñon enñõ sutñine nup membiba õlñi qahõ ahuiga õne tõhõn sileqeqe akilenbuk.

Galesia yeyñon Pol andõ qebingõ aket.

¹² O urumelenj alaurupni, nõñon kewõ kuñguba qesim enñizal: Nõñon injini ewõ aka malalanğõra enñon mõnõ nõngõ dop akñe. Yuai bõlõñi kun kude ak niññiget. ¹³ Nõñon mutuk enñõrenj kaba kawõl nõhõi sileni eri malali, kõnanji mewõgõra tata Òlõwak Buña jim asaribiga mõtket. Enñon mi mõt kõmuze. ¹⁴ Nõñon sile-eret malbiga andõ nunñubingõ esapesapñi miwikñajaget, mi mõtzalmõ, tõndup qahõ jijiwilil aka qepureim niññiget. Mewõ qahõpmõ,

* 4:5: Rom 8.15-17 * 4:6: Aba mi Arameik keunõñ Iwi.

ni neketka Anutugö garata ewö akiga nömeget. Opopon, nõngöra Kraist Jisös nanjanğö tandök mötmöriba öröm niņgiba “Owe owe!” jiget.

¹⁵ “Owe owe!” jiba silene pölpöl qeba je kötņini uzula niņgibingö mötketmö, mi qahö dop köliga mosötket. Eņgö kõnanjanņini möta mi öļņa mewö nanğöba jizal. Yei! Nalö میانğoreņ jim sösöņgai önöņi qahö akeri, mi mönö denöwögöra nalö kewöņe qahöwahi öne malje? Mi qahö dop köļja. ¹⁶ Eņgöra Buņa keu öļņi jimakzalanğöra mönö kerök ak niņgize me?

¹⁷ Ambazip tosatņi mienön eņgöra aka urukönöp ahakzemö, mi urukönöp ölöpņi qahö. Mi ölöpņi qahöpmö, yeņön iņini neņgöreņök eņguanğita sutnine jabö ala tököm niņgimegöra mötze. Mewö menden neņgigetka urukönöp qakņe nanņini nanğöm eņgimegöra kapan kölakze. ¹⁸ Iņini ahakmeme ölöpņi akņegöra urukönöp ahakzei, mi mönö qetpuk. Nöņön eņgö sutņine malbiga nalö میانğoreņök qahöpmö, mönö nalö dop mewö aketka dop kölma.

¹⁹ O gömokurupni, ni ahuahu dölökņi ahumegöra masö tandök nuņguiga sihibölö mörali, miyöhök mönö dumņe kunbuk mötza. Kraistkö ahakmemeņan eņgöreņ ahum kutumapköra sihibölö mi möta maljal. ²⁰ Nöņgö urunan mönö eņgöra aka lalalulu siksauk akza. Miangöra nöņön nalö kewöņe eņgö sutņine malmamgö mötkurumkurum akzal. Embuk mala keu imbini memba eta ala keu ösöņ jimamgö ak niņgiza. Mewö.

Hagar aka Sara yetkö söpsöp keuņiri

²¹ Tosatņi eņön Juda neņgö Kõna keu Kimbi wuatangöbingö mötze, keu میانğö kõnaņi mi öļņa möt kutuze me qahö? Kõnaņi mi möt asarimegöra qesiba kuņgum eņgizal. ²² *Buņa keu kun kewö ohoget ahöza: Abrahamgö nahönyahötņi yahöt ahuyohot: Kun welenqege ambi etqegeņan (sleiw) meyök aka kun mi nanņi soņgojariņ anömņi solanņi (fri) malmalņan meyök. ²³ Welenqege ambinöņ nahöņņi meyöhi, میانğön morö ahuahugö kõnanöņ ahuyökmö, kun ambi solanņi (fri) malmalņan meyöhi, yeņön Anutunöņ morö nahön ahumapkö keu jöhöyöhi, mönö keu میانğö öļņan asuhumapköra ahuyök.

²⁴ Keu میانğö kõnaņi mi tölapņi. Ambi yahöt mi Anutunöņ ambazip nembuk jöhöjöhö areņ yahöt alöhi, mönö mietkö söpsöpņira. Jöhöjöhö areņ kun mi Sainai (Sinai) kundune alöhi, میانğö söpsöpņi mi ambi qetņi Hagar. Ambazip jöhöjöhö areņ mi wuatangömakzei, yeņön mönö Kõna keugö jimkutukutu bapņe malje aiga gwölonarökurupņinan keu میانğö welenņi qemakņegöra ahumakze.

²⁵ Hagar mi Sainai kundunji, Arebia gölmenöņ kinjawanğö söpsöpņi akza. Sainai میانğö alaņi mi Juda gölmegö siti qetņi Jerusalem. Siti میانğö kõnagesögö ketanji moröņi yeņön nalö kewöņe Kõna keu bapņe malgetka jöhöm eņgi solanņi (fri) qahö akze. Miangöra dopņiri mohok akzahot. ²⁶ Solanņi (fri) qahö akzemö, Jerusalem siti kun euyangöreņ maljei, yeņön mönö kösö gwaröņini qahö solanņi malje. Neņgö namnini Sara yeņön mönö siti میانğö söpsöpņi akza. ²⁷ *Miangö kezapqetok keuņi mi kewö ohoget ahöza,

“Ambi azinöņ ölan qeyöhi, yeņön mönö nahönbörat eņgömiiga sehigetka mewö ambi apņambuk mi luhut alma.
Miangöra ambi köpin morö qahö menöņi, gi mönö töndup söņgaiba malman.

* 4:22: Jen 16.15; 21.2 * 4:27: Ais 54.1

Masö qahö guhui malnönji, gi mönö töndup qet gigilahöba morö ahumapköra köirañ ala malman.”

28 O urumelenj alaurupni, injini mönö Aisakö dowä Anutugö jöhöjöhö keujan nam köl enjiiga ahuahü dölökñi ahuba malje. 29 *Nalö میانگören morö ahuahugö kōnanōñ ahuyōhi, yañōn munñi Uña Törōñan nam köl wañgiiga ahuyōhi, mi sesewerowero ak wañgiba malök. Nalö kewōñje mewōñjanök sesewerowero mewōñji mi ahōza.

30 *Mewö ahōzapmō, Buña keu kun mi toroqeba kewö jigetka ahōza, “Welenqeçe ambigö nahōññan mönö Iwiñañgören börösamotñi qahö mema. Ambi solanñi malmalñi yañgö nahōññambuk mi mohotñje qahö mendenja añañ kölmahot. Miangaöra welenqeçe ambi etqeçenji mi mönö közōlnōñga nahōññambuk anmahot.” 31 O urumelenj alaurupni, söpsöp keu mewōñañgö dop neñōn mönö welenqeçe ambigö undumurupñi gwarōninambuk qahö akzinmō, ambi solanñi malmalñañgö undumurupñi akzin. Miangaöra lolonqalōñ ahakmeme mi közōlme. Mewö.

5

Lolongöba Kraistpuk kinkin solanñe kinme.

1 Kraistnōñ Köna keu baññeyök pōsat neñgiiga solanñi maljin. Mewö mala tosatan injini kunbuk örōba Köna keugö mötōpnōñ *jöhöm enjibepuköra mönö galöm mem anguba malme. Welenqeçe omanñi ewö akepuköra mönö köhöiba böñ qeba kinme.

2 Mötket! Pol nōñōn kewö jibi mötket: Tosatan Anutugö aiwesökñi silenine yandimegö mötketka imbi kölme ewö, Kraistnōñ mönö baukōm enjigimangö osima. 3 Keu mi toroqeba kewö wañgōba jimam: Azi pakpak silenine aiwesök yandimegö mötketka imbi kölmei, yeñōn mönö Köna keu pakpak tem köla wuatangōme. Mi qahö wuatangōgetka qahö dop kölma. 4 Köna keu tem köla wuatangōba mewö mianōñ solanñi akingö mötzei, eñōn mönö Kraistkö selñi qōsōköba yambuk qahö toroqeba kinje. Eñōn mönö Anutugö kalem möriamñi mosōta yaigep eta lañ malje.

5 Lanj maljemō, neñōn mönö Anutugö jeñe diñdiñ akingö jörōmqörōmñi aka awōweñgōmakzin. Mewö ahinga Uña Törōñan inahōm neñgiiga Anutu möt narim wañgiiga keunini jim tekōi solanibingōra mambōrakzin. 6 Kraist Jisōsbuk kininga urugö öñji mötnarip mi mohotñan mönö baukōm enjigimakza. Anutu möt nariinga inahōm neñgiiga amqeba urukalem ak anguinga dop kölñjapmō, mötnarip öñji qahö mi qahö baukōm enjigimakza. Mewōyök Anutugö aiwesökñi silenine yandiget ahōza me qahö, mi mönö dop mohot akza. Silegö kun me kun mi Anutugö jeñe qahö baukōm enjigima.

7 Mutuk uru melenmelenğö aongitnōñ mönahot ewö ösumñinan anget. Ölöññanök angetmō, böhi takapulakanñi kunōñ kaba siksauk mem enjiba kembangan kutuiga keu öñji qahö toroqeba tem kölakze. 8 Kun danñōn enğoholakzawī, yañōn mönö kembangan kutumegōra qahö tutuħuba kuñgum enjigimakza. Mi qahö. 9 *Yist boromdökñi kimbutnōñ ala plauabuk melenñinga körek pakpak meiga qariba wahōrakza. Miangaö dop siksauk morōñan mönö dop köl enjiiga körekmakōrek janñuñ akepuk.

* 4:29: Jen 21.9 * 4:30: Jen 21.10 * 5:1: Ip kembangan (yoke) mi bulmakau yahōtkö jöññire ala jöhōgetka mindirim etkiiga mianōñ mohotñje kare me gölmeqeçegö kinōñ örōmakzahot. Miangaö dop Köna keu gwarōnōñ maljan ewö, nupñi mönö töp meman. * 5:9: 1 Kor 5.6

¹⁰ Böhi takapulakanji yanön siksauk mem engiiga janjuñ ahakzei, Anutunöñ mönö yangö ahakmemeñangö likepñi melenj wanjiiga sihimbölonji möta malma. Nöñon Kembubuk kinda möt narim engiba engöra kewö möta awösamakak akal: Injini Kraistkö Buña keu törörök wuatangöba mötmöt murutñi pakpak yaköribingö möt köhöiba malme.

¹¹ O urumelenj alaurupni, injini mewö malmemö, nöñon Kraist maripomnöñ kömuyöhangö könanji jim sehibiga Juda yenjö uruñinan mianjöra bölimakza. Maripomgö keunji mosötpilenjak ewö, mönö sesewerowero qahö ak ningibeak. Anutugö aiwesök azi silenjine yandiyandimegö Buña keunji toroqeba jiba uru kuñgum engibileñak ewö, mönö kahasililij qahö ak ningibeak. ¹² Tosatñan kuñgum engiba siksauk memakzei, yenön mönö yandiyandigö keunjini wuatangöm teköba nanñini sile kitipñini körek yandim angugetka mötpi dop kölbawak.

¹³ O urumelenj alaurupni, Anutunöñ injini köna walñangö keunöhök lolohoba gwaröñini qahö malmegöra engoholökmö, kewögöra mönö galöm mem anguba malme, “Mönö lolohoba solanji maljin,” mewö jiba möndöba uruñinan wahöri silegö sihim kömbönanjini bölöñan mönö galöm köl engibapuk. Nanñini imbi-imbi qahöpmö, mönö urukalem qakñe kinda welen qem anguba malme. ¹⁴* Köna keu bohonji mohot wuatangögetka Anutugörej keu pakpak mönö mewöyök öñinambuk akñe. Keu bohonji mohok mi kewö, “Nangi jöpaköm angumakzani, mianjö dop mönö ambazip pakpak urugan jöpaköm engimakñan.” ¹⁵ Mewö jizapmö, bau kiam ewö angöhöm söksök aka aumakze ewö, mönö nanñini ayuhum angubepuköra töhötnjini pöndañ möta malme. Mewö.

Uña Töröñan galöm köl engiiga malme.

¹⁶ Nöñon kewö jimam: Uña Töröñan mönö ahakmemeñini galöm köliga malme. Mewö malgetka urusilegö sihim kömbönanjini bölöñi qei eri kude tem köla wuatangömakñe. ¹⁷* Mianjö könanji kewö: Urusilegö sihim kömbönanji bölöñan mönö Uña Töröñi qetala lañ köpösöngögiga Uña Töröñan uru walñangö kukñi qemangö möriga sutñire jujul ahöi aumakzahot. Mewö aumakzahorangöra enön yuai ölöññi aka memingö möta mi osimakze. ¹⁸ Mi osimakzemö, Uña Töröñan enguangiriga anda malje ewö, mönö Köna keu bapñe qahö malje.

¹⁹ Urusilegö ahakmeme walñangö nup öñji mi aukñe ahöi mötzin. Mi kewö: Kaisero namböñnamböñ lañ aketka uruñinan tölöhoiga serowilin ahakze. ²⁰ Tandö lopionj waikñini memba bemñini möpöseim engigetka uruñini sölölohöm engii suña jinanj ahakze. Kerök asuhui angururuk aka aumakze. Kungörej yuaigöra urunöñ mututqutut möta eröm ota yom jiba urusingok ahakze. Nanñinanjöörök mötmöröba yuai öröba girinjabak memakze. Jula mendenj anguba kambuñi kambuñi ala jijiwilit ak angumakze.

²¹ Tosatñi yenjö yuaigöra eksihim möta körögisisisi aka közölömbuanj pati ala bau numbu nempa o köhöikñangöra enjolöñ ahakze. Mi aka silik tosatñi mewöñi ahakzei, yenjöra mutuk jial aka mianjö dop galöm meme keu mi qeljine dumñe kunbuk kewö jizal: Ambazip silik mewöñi ahakzei, yenön mönö Anutugö bemtohoñ uruñe qahö öngöme.

²² Yenön qahöpmö, Uña Töröñan nup memakzawangö öñji mi urukalem, sösongai, luai aka ahakmeme ölöññi kewö: Lömböt pakpak möta mökösonda

* **5:14:** Lew 19.18 * **5:17:** Rom 7.15-23

tosatnji ala ak engiba ahakmeme sakalaknji ahakze. Keunji misila pöndañ wuatangömakze. ²³ Gunböñjönjönj qakñe tosatnji ak engiba nanñini törörök galöm köl angumakze. Ambazip silik mewö ahakzei, yeñön Köna keu qahö qetalakze. ²⁴ Ambazip Kraist Jisösgö buñaya aka maljei, yeñön uru silenjanangö sihim kömbönanjini bölöñji aka bölöñangö urukönöpñjini mi körek Jisösbuk maripomnöñ algetka mem kömuyöhawa malje.

²⁵ Uña Töröñan urunine geiga maljin ewö, ahakmemenini mönö mewöyök Uña mianjön galöm köl neñji aka memba malbin. ²⁶ Mewö mala qetbuña omanji neñgimegö kude kapan köla öne töhön kude aiweliköm angumakñe. Urubölö ak angubepuköra mönö uruköñganj kude aka uruöngöp qakñe kude ak angumakñe. Mewöyök köroñgisigisi kude ahakñe. Mewö.

6

Lömbötñjini mönö bisiba bauköm angumakñe.

¹ O urumelenj alaurupni, kunñan köna öñgita singisöndok aiga miwikñaize ewö, urumelenj alaurup enjön mönö mökököli qakñe ala ewö mindingöm wanñigetka kunbuk köna miwikñajima. Mewö aka nangak mewöyök esape-sapnöñ et guhubapuköra mönö galöm mem anguba malman. ² Lömbötñjini mönö bauköm anguba bisimakñe. Mewö mianjön Kraistkö Köna keunji wuatangögetka öñhambuk ahakñe. ³ Kunñan eretñji mala töndup nanñangö möri öñgöñgöñji akzawi, yanjön mönö nanñi tilipköm angumakza.

⁴ Mewö kude akñemö, mohot mohot enjön mönö nanñini ahakmemenini kewöta esapkögetka dop köлма. Mewö aka alañjini öñgita qetbuñanambuk akzeangöra kude aiwelikömemö, mönö nanñini könanjanangörök silenjini möpöseigetka dop köлма. ⁵ Anutunöñ lömbötñjini murutñji murutñji mendenj neñgiiga nanñök nanñök bisimakzin. Miangöra nanini tosatnji yembuk likeplik ep ala kewöt angubingö osimakzin.

⁶ Böhi qaçazunöñ kungöra Buña keu kusum wanñimakzawi, yanjön mönö mianjög töwanji melenja yuainji ölöpnji pakpak mendenja bahöñji wanñimakñe.

⁷ Nanñjini mönö kude tilipköm angumakñe. Kunöñ nene warökñji kömöriña öñji mianjög dop ahui miwikñajima. Keu mianjög dop Anutunöñ bölöñamnini eka likepnji mianjög dop neñgima. Miangöra Anutu mi azi omanji ewö mepaqepaik ak wanñibingö osimakzin. ⁸ Urusilegö sihim kömbönanji bölöñan kun nam köl wanñiiga mianjög warökñji lanj kömörakzawi, yanjön mönö mianjög köndeñmöñdenji miwikñajiba bölimakñe. Yanjön bölimakñapmö, Uña Töröñan kun sölölohöm wanñiiga mianjög warökñji kömörakzawi, yanjön mönö öñji mianjög dop miwikñajiba malmal köhöikñangö buñaya aka malma.

⁹ Nini jejep kinda nup ölöpnji ölöpnji memba mala miangöreñ mönö löwöriba zölöczölök kude akñe. Tanqanñ aka nup qahö mosötpin ewö, öñji meme nalöñan kam kuñguiga nupninanangö töwanji mönö miwikñajibin. ¹⁰ Miangöra gölmenöñ malbinangö dop neñön mönö ambazip ölöpnji ak engibingö jejep kinda malbin. Urumelenj köñagesö uruñe maljei, i mutuk alabauk ak engimakin aka yeñgö andöñjine ambazip tosatnji pakpak köna asuhuiga mem ölöwak engimakin.

Galöm meme aka yaizökzök keu teteköñji

¹¹ Pol nöñön kirifi memba nani böröñan kulem je ketanji ki engöra ohozali, mi ekñe. ¹² Ambazip Anutugö aiwesökñji silenjine yandimegöra kuñgum engimakzei, yeñön mönö körek sile megetka gölme ambazipnöñ yeñgöra

mötket öngömapkörä kapan kölakze. Kraistnöj maripomnöj kömuyöhi, keu miangöra sesewerowero ak engibepüköra mönö mewö kuŋgum engimakze. Miangö könaŋi murutŋi kun qahö. ¹³ Anutugö aiwesökŋinambuk mienjön mönö nanŋinak mewöyök Köna keu qahö wuatangöm teköba malje. Mewö qahöpmö, engö silenini yandimegö mötzeanjon mönö engö sile kitipŋinanğöra aka nanŋini silenini mem öngöba qetbuŋaŋinambuk akingö mörakze.

¹⁴ Mewö mörakzemö, nöjön Kembunini Jisös Kraist maripomnöj kömuyöhi, mönö Buŋa miangöra aka sileni möpöseimakzal. Qetbuŋa murutŋi kun qahö jarumakzal. Mi yapmakek! Kraistnöj maripomnöj kömuiga yambuk toroqebiga mötmöt areŋnan uteköiga silik bölöŋaŋgö sisitŋi memakzal. Gölme ambazipnöj silegö ahakmeme bölöŋi memingö mötmöriba keu jimakzei, nöjön mönö miangörej göröken köhömuŋi tandök akzal. Möpöseim niŋgimei me silene keu almei, miangö likeŋi mi qahö melenmam. Gölmenöj keu kewöta tosatŋi mötket öngöi tosatŋi mötket eretŋi akzawi, mi mönö nöjgö mötmöt areŋbuk dop mohot qahö akzahot.

¹⁵ Silenine aiwesök yandiget me qahöwi, miangön mönö dop mohot akza. Miangön gorosonŋi akzapmö, ahuaŋu dölöŋaŋgö dömnŋi akzini, miangön mönö öl töhöŋŋi akza. ¹⁶ Ambazip ahuaŋu dölöŋaŋgö jimkutukutu keu wuatangöba maljei, Anutunöj Juda körek mi aka Anutugö urumelen könagesö pakpak inini mönö ak kömum engiiga luainöj malme.

¹⁷ Keu teteköŋi kewö jizal: Nöjön Jisös qegeraŋgö löpötŋi mi nani silene ahöiga bisimakzalaŋğöra kunöj mönö urulömböt kude toroqem niŋgima.

¹⁸ O urumelen alaurupni, Kembunini Jisös Kraistkö kalem möriamŋan mönö embuk ahöba uŋaŋini kötuetkömakŋa. Keu mi öŋa.

Efesus Kimbi Polnöŋ Efesus yengöra Kimbi alök. Jim-asa-asari keu

Polnöŋ Rom sitigö kösö mire tata Efesus urumelen kambu yengöra Kimbi ki ohoyök. Efesus mi Eisia prowinsgö siti bohonji. Siti mianğö uruje kölköl-örörö gwötpuk ahömalget. Polnöŋ misin nup memba liliköi indimji karöbut ahiga Efesus kaba yambu karöbut mianğören Buŋa keu jiba malök. Efesus sitinöŋ Juda ambazip tosatji miri tonji yengö sutnjine malgerangöra Polnöŋ kimbi ki ohoba kewö kusum engiyök, “Kraistnöŋ lök kambu yahöt toroqeiga urumelen kambu mohok-kun akzahot.” (2.15-16), (3.6) Anutunöŋ jitsihitji aka kalem möriamji urumelen kambu nengöra denöwö ali ahözawi, mi gwötpuk jim asariza. (3.10) Mianğö dopkeu karöbut kewö jiyök:

1. Urumelen könagesö enön sile sep busu mohot aketka Kraistnöŋ nanjak nööröŋjini akza. (1.23; 4.15-16)

2. Urumelen könagesö enön miri mohot tandök aketka Kraistnöŋ engö tandöŋjini kömbönaŋi akza. (2.21-22)

3. Urumelen könagesö enön ambi buŋa ewö aketka Kraistnöŋ apŋangö tandök akza. (5.25-27) Mewöyök Kraistnöŋ Efesus engö kambu yahöt toroqem etkiiga mianğöra sile sep busu mohot akze. Asakŋangö ambazip akeraŋgöra malmalnjanangö goro keunji keunji ohoyök. Mewö.

Buk kianğö bahöŋi bohonji 4 mi kewö:

Keu mutukji keu 1.1-2

Kraist aka urumelen könagesö 1.3-3.21

Kraistpuk malmal dölökji 4.1-6.20

Kimbigö keu kötnji bohonji 6.21-24

¹ *Anutunöŋ Pol ni jitsihitŋangö dop melaim ninğiiga Kraist Jisösgö aposol akzal. Mötnarip alaurup sarakŋi Kraist Jisösbuk qekötahöba Efesus sitinöŋ maljei, nöŋön embuk keu eraum mötpingöra kimbi ki ohozal.

² Anutu Iwinini aka Kambu Jisös Kraist yetkön mönö kalem möriam engiyohotka luainöŋ malme.

Kraistnöŋ Anutugö kötümötuetti neŋgimakza.

³ Neŋön Kembunini Jisös Kraistkö Iwi Anutuŋi möpöseimakin. Yanön nini Kraistpuk qekötahöinga uruninan ölöwakŋapaköra Suep mirigö kötümötuetti aka kalemji könaŋi könaŋi mi urunine alöha kayambu asuhui mala kotket.

⁴ Anutunöŋ nini mutuk möpŋangö möpŋeyök kewö akingöra möwölöhöm neŋgiyök: Kraistnöŋ nam köl neŋgiiga neŋön yanğö buŋaŋi sarakŋi aka Anutugö jemesoholje keunini qahö kinbin. Mewö möwölöhöm neŋgiba mianğö andöŋje Suep gölme miwikŋaiba al etkiyök. Nalö mianğörenök könahiba ambazip jöpaköm neŋgiba mala korök.

⁵ Jöpaköm neŋgiba urusihimŋangö dop qeljiŋe keu jit arenji ala keunini kewö jim teköyök: Jisös Kraistnöŋ nam köl neŋgiiga Anutunöŋ neŋgömeiga nanji nahönböratuŋjini akin. ⁶ Wölböt Nahönŋi neŋgöra melaiiga eta Anutugö kalem möriamŋangö kukösümüŋi buŋabuŋaŋambuk kölenđa söŋgöŋŋi qahö öne neŋgiyök. Nini mönö kalem möriamji mianğöra Anutu möpöseim wanğimakin.

* 1:1: Apo 18.19-21; 19.1

7* Anutugö kalem möriamnanjög köwenji mi keta bölökñi. Mianjög dop Jisösnöñ sepnji mokoba mianjön sohohnini meyoök. Mi meyoñangöra Anutunöñ ölop sinjisöndoknini mosöta sanjogñ neñjimakza.

8 Yanjön kalem möriamñi mi köwenjeyök kelenmalelej mokoiga qaknine öngöyök. Mötkutukutuñi öngöñgöñi pakpak mianjög dop kewö möt asarim neñgiyök: 9 Anutunöñ mutuk nanñi uruñe keu areñ jöhöba möri ölöwahiga tölapñe ahöi öne mala kökmetmö, Kraistnöñ Anutugö keu jitñanjög dop wu-atanjögba eta neñgöreñ indeliga eka mörin. 10 Anutunöñ mutuhök kalem möriam areñanjög könanñi kewö mötmöriyök, “Anutu nöñön areñ mi wu-atanjögba mala malbiga nalöñi törörök kam kuñguiga mianjögöreñ öljambuk aiga kewö asuhuma: Körek Suep mirigö jakenñi jakenñi mianjögöreñ me gölmenöñ ahuba malje, nöñön mönö mi pakpak mindiriba jöhöm engimam aka Kraist kuñgum wanjigiba körek yengö bohonnini mohot aka malja.”

11 Anutunöñ mutuhök nanñi uruñanjög dop keu jöhöi ahözawi, mönö areñ mianjög dop kuñgukuñgu keuñi jiiga yuai pakpak asuhumakza. Nanñi areñ mianjög dop qeljine Juda könagesö nini nanñi buñanñi aka malbingöra jim teköba al neñgiyök. Mianjög dop nini tosatñan Kraistpuk qekötahöinga meköm neñgiiga buñanñi börösamot ewö anjön köla memba maljin. 12 Juda könagesö neñön Kraistnöñ galöm köl neñgimapkö mamböta qeljine jörömqöröm ak wanjiba mala korini, yanjön nini Anutugö kukösumñi buñabuñanjambuk möpöseiba malbingöra aka möwölöhöm neñgiyök.

13 Kian kantri engörejök tosatñan mewöyök Kraistpuk toroqeba qekötahöget. Amötqeqegö Ölöwak Buñanñi jigetka keu öñji mi möta uruñini melenget. Uña Töröñi yanjön Anutu buñanjög muñgem aiwesökñi akza. Uña mi melaii etmapkö keu jöhöyöhi, yanjön mönö mi uruñine ali geyök. Kraist möt narim wanjigetka Anutunöñ aiwesökñi kömbönanñi mi mekötahöm engiiga malje. 14 Anutunöñ könagesöurupñi Suep Buña neñgimangö keu jöhöyöhi, mi membingö aiwesökñi Uña Töröñi mi mutuk al neñgiyök. Uña Töröñi urunine ali maljawanjögba mönö kewö möt köhöizin: Anutunöñ lök sohohnini memba buñaurupñi ahinga bian gölmenöhök neñguanñiriga Suepnöñ öngöba oyaenköyaenñi akin. Mianjögba mönö Anutugö kukösumñi buñabuñanjambuk möpöseimakin. Mewö.

Polnöñ Anutu möpöseiba kewö köuluköyök:

15 Mewö oyaenköyaenñi akingöra aka nöñön Efesus engöra köulukömakzal. Enjön Kembu Jisös pöndanñi möt nariba ambazip sarakñi pakpak uruñinan jöpaköm engimakzei, tosatñan mianjög buzup keuñi jigetka möral. 16 Mianjögba buzup keu mi mörali, nöñön mewöyök engöra aka Anutu möpöseiba mala qahö mesöral. Qahö. Nöñön köuluköba mianjögöreñ mötmörim engimakzal.

17 Mötmörim engiba Kembunini Jisös Kraistkö Anutuñi mi kewö köulukömb wanjimakzal, “O Iwi kukösum Tonji, gi mönö Uñagi Töröñi Efesus alaurup engiman. Uña mi uruñine alnöñga mötkutukutuñini qainñi kun asuhuiga Anutugö könanñi ölopñanök indeliga möt yaköme. 18 Anutu, gi mönö uru jeñini mem asarinöñga nangi Buñagahö könanñi möt yaköme.” Anutunöñ nanñi ambazip sarakñi neñgöra Suep Buña kukösumñi buñabuñanjambuk mi neñgimangö keu jöhöiga inñini yuai mi asuhumapkö al mamböta jörömqöröm akñegöra engoholök. Jörömqöröm aketka Jisösnöñ kunbuk

* 1:7: Kol 1.14

asuhuiga aködamunjinambuk aknei, injini oyaenkyoaen mianjö könanji möt söljögömögöra köulukömakzal.

¹⁹ Möt narim wanjiinga Anutugö kukösum köhöiknan urunine sehiba nup memakzawi, mianjön mönö keta bölökji teteköji qahö akza. Injini mianjö könanji möt kutumegöra köulukömakzal. Ösum-mumuñi wewelipnambuk mianjön silenini kutuba inahöm nenjimakzawi, Anutunöj mianjö kuknji kewö kondel nenjiyök:

²⁰ *Anutunöj kukösumnji nupnöj ala Kraist mem gulim wanji kömupnöhök wahörök aka wanjiriga Suep mire öngöba selji selji liliköba jakenji jakenji enjonjiriga Anutunöj böröji ölje dum tatat mutukje ali tatza. ²¹ Ali jakömbuak dumje tata öroyuai pakpakö bohonina kinja. Bem suahö galöm aka yengö nemböjine jembon pom aka gawman kiap öngöngöñi eretji kukösumjinambuk kembu ak nenjimakzei, Kraistnöj mönö mi körek pakpak galöm köi enjimakza. Suep mire, gölmenöj aka mietkö sutjire galöm qet pakpak qet enjigetka bisizei, Kraistnöj mi körek enjonjita öngöza. Gölmegö nalö kewöneyök qahöpmö, könanjep nalö qainnji kun asuhuiga mal öngöbini, mianjörej mewöyök öroyuai pakpak galöm köla mal öngöma.

²² **Anutunöj uña, ömewöröme, ambazip aka öroyuai pakpak mi memba eta Kraistkö bapje al nenji malinga Kembunini öngöngöñi akza. Anutunöj Kraist mi urumelej könagesö nenjiba bohonini kinmapköra kungum wanjiiga malja. ²³ Yanjön kötal nenjiba bohonini aiga nenjön yanjö öljanjö köna börö su-urupnji akzin. Kraistnöj nörowök aiga qahö dop kölbawakmö, nenjön yanjö törömunji aka toroqeinga öljan asuhum tingiriga dop kölja. Kraistnöj mewöjanök öroyuai pakpakö törömunjina kun aka toroqeiga körek pakpak mienjön mönö Anutugö aködamunjinambuk asuhuba dop köla anakze. Mewö.

2

Köhömunjeyök guliba Kraistpuk köhöiba maljin.

¹ *Mutuhök köna onjita sinjisöndoknji sinjisöndoknji akerangöra malmal köhömunji mala kotket. ² Injini nalö mianjörej gölmegö ahakmeme bölöñi wuatangöget. Ömewöröme yengö Kembuninan nalö kewöje Suep gölme sutjire mala qegetal ambazip urunini sölölohöba galöm köi enjimakzawi, mönö yanjörej qekötahöba tem köi wanjiba malget.

³ Nenjön körek mewöjanök mutuk yengö sutjine silebile aka lanj malin. Uru silegö sihim kömbönanjini bölöñi wuatangöba nanine imbi-imbi malin. Mewö lanj malinga Anutunöj nengehi qahö dop köliga irimesewölñi qaknine ali malin. Qegetal ambazip tosati yengö dowök Anutugö irimesewölñanjö bunjaya aka malin.

⁴ Mewö malinmö, nalö kewöje mewö qahö. Anutunöj ak-kömukömunji teteköji qahö mianjön mönö jöpaköm nenjiyök. ⁵ Köna onjita Anutu qetala mianjöra köhömunji aka malinmö, Anutunöj Kraist mem guliyöhi, nini mewöyök mönö mewöjanök mem gulim nenjiiga köhöiba maljin. Yanjö kalem möriamnan mönö amöt qem enjiiga kunbuk letotket.

⁶ Kraistnöj wahöröhi, nini mewöyök mönö mewöjanök nenjömindiiga köhömunjeyök wahörin. Anutunöj Kraist Jisös wanjiriga Suep mire öngöyöhi,

nini mewöyök mönö mewöñanök Suep malmalgö jake ahözei, mönö miangörej al nenñgiiga yambuk tosatñi galöm köl engiba maljin.

⁷ Anutunöñ kewögöra mewö al nenñgiyök: Anutunöñ kalem möriamñangö köwenji teteköñi qahö mianñon aukñe asuhui möt asaribingöra mörök. Möt asariba könangep nalöñi nalöñi qainñi kun asuhugetka teteköñi qahö mal öngöbini, nalö miangörej nani nenñim qarimapköra mörök. Anutunöñ Kraist Jisös melaiiga kaba urukalemñi mewö kondel nenñgiyök. ⁸ Anutu möt narim wangigetka kalem möriamñan mönö amöt qem engiiga kunbuk letotket. Nanñini nam köl anguba mewö mianñon qahö letotketmö, Anutunöñ mi kalemña ak engiyök. ⁹ Nanñinak yuai kun ak sorokögerangöra aka qahö letotket. Kunöñ kun nanñi silenji memba öngöbapuköra mönö kalem möriamñangörök aka mewö ak engiyök.

¹⁰ Nini Anutugö börösöwöya maljin. Kraist Jisösbuk qekötahöinga Anutunöñ uru dölöknji miwikñaiba al nenñgiyök. Anutunöñ qeljinje nup ölöpnji ölöpnji möwölöhöba mözözmögyöhi, nenñon mi memba malbingöra mewö miwikñaim nenñgiiga maljin. Mewö.

Kraistpuk qekötahöba ölnji mohot akzin.

¹¹ Miangöra aka Efesus injini mutuk Juda ambazip qahö ahuba Anutugö könagesö qahö malgeri, mönö mi mötmöriba malme. Tosatñan engöra kewö jiba jim engimalget, “Nini Anutugö aiwesökninambuk maljinmö, kantri tosatñi injini ambazip omani aiwesöknjini qahö!” Qet mi azi börönöñ aiwesök silenine yandimakzei, mönö mi mötmöriba jimalget. ¹² Injini nalö miangörej uruñji Kraistpuk qahö jöhöba öne yaigep malget. Kian kantri injini Juda könagesö nenñgö kau likepurupnina malget. Anutunöñ ambazip nanñangöra möwölöhöm nenñii maljini, injini nenñgö sutnine qetñjini qahö malget. Anutunöñ Buñanji alaurupñi engimangö jiba keu jöhöyöhi, injini mi qahöpmañöp möt kutuba tönpin malget. Oyaenköyaen akingö jörömçörömñjini qahö. Anutunñi qahö tandök gölmenöñ önewat lañ malget. Mönö mia mötmöriba malme.

¹³ Injini mutuk tikep malgetmö, Kraist Jisösbuk qekötahögetka sepñan sanjonj engiiga nalö kewöñje amqeba Anutugö kösutñe kaba malje. ¹⁴ Kraistnöñ nanñak luai Tonini akza. Yañon Juda könagesö aka kian kantri ambazip kambu yahöt nini mindirim nenñgiiga kutulangömakzin. Sutnine kerök ahöba sel paset köhöikñi ewö menderj nenñgiyöhi, yañon mönö sonjo mi tumbaköba luluñniga urumelenj könagesö mohot akzin. ¹⁵ *Jisösnöñ nanñi gölme silenjan kömuiga mewö mianñon Juda nenñgörej Köna keu aka miangö jöjöpñ keunji aka jimkutukutu tosatñi mi könderñök. Sile kambu yahöt mindirim nengiba könagesö dölöknji mohot akingöra mi könderñök. Miangöra uru dölöknji miwikñaiba al nenñgiiga Kraistpuk qekötahöinga sutnine luai qei asuhum nenñgiyök.

¹⁶ *Kraistnöñ kömumba keröknini maripomnöñ qem kömui erök. Silenji mohot miangö sepñan mönö ambazip kambu yahöt nenñgungiriga ölop lilingöba Anutugö kösutñe kabin. Mewö mindirim nenñgiiga ölop böröqeqe akin. Mi ak teköba Kraistkö ölnji mohot aka maljin. ¹⁷ *Kraistnöñ kaba luai asuhumapkö Buñanji mi kian kantri ambazip Anutu andö qeba tikep malgeri, engöra jim asarim engiyök aka Juda ambazip Anutugö kösutñe malini, mönö nenñgöra mohot jim asarim nengiba malök. ¹⁸ Kraistnöñ Juda aka kian kantri ambazip

* 2:15: Kol 2.14 * 2:16: Kol 1.20 * 2:17: Ais 57.19

nini körek nam köl nenjiiga Uña Töröñi mohotñan kõna kondel nenjiiga ölop amqeba Iwigö jemesoholñe angotpin.

¹⁹ Mianğora injini Juda ambazip qahöpmö, tøndup kian ambazip qandakñi mi qahö toroqeba malje. Anutugö miri gölme tonji sarakñi aketka nembuk mohotñe Anutugö urumelen kõnagesö akzin.

²⁰ Kezapqetok ambazip yeñön mutuhök Anutugö keunöñ tandö esim kunğugetka Kraist Jisösnöñ nanñak kaba tandö kõmbönañnini aka aposol melaim nenjiba bohonini kiniga Anutugö urumelen jikeya akzin. Injini mewöyök tandö mianğoreñ angota nanğönağö ak anguba kõhököhöi miwikñaimakze. ²¹ Yanñon mönö miri mi jömukñanök mindirim jöhöiga kinakza. Nini Kembubuk qekötahöba kinda kutulağöinga mötnariñninan kõhöim qariga Anutugö urumelen jike kõmbukñi akzin. aka ²² Injini mewöyök Kembugoreñ qekötahöba urumelen alaurup tosatñi yembuk kutulağöba mohotñe kinda uruñini nanğöm anguba kõhököhöi miwikñaimakze. Mewö kinda Anutugö urumelen jike aketka Uña Töröñi uruñine ala mianñon nanñak jikenji mianğö uruñe malja. Mewö.

3

Polnöñ kian kantri yeğöreñ anda Buña nup meyök.

¹ Könañi mianğora aka Pol nöñon kian kantri ambazip injini bauköm engimamğora nup memba maljal. Mewö malbiga Kraist Jisösgö nupñi mealanğora kösö mire al niñgetka tata simin köla köulukömakzal. ² Anutunöñ kalem möriamñi kantri tosatñi enğöra menden enğiga ölöwakñegö nup niñgyöhi, injini mi ölna möt teköze. ³ Anutunöñ keu areñi tolapñi indela jiiga möt yaközali, keu mianğö könañi lök töröpñanök ohom enğjal. ^{4*} Ohom enğjali, injini kulem mi oyoñda ölop nöñgö könani kewö möt asarime: Nöñon Kraistkö könañi tolapñi mi ölopñanök möt kutuzal.

⁵ Möpñanğö möpñeyök ambazipnöñ kõnahiba mala kota malgeri, yeñön nalö mianğoreñ Buña tolapñi mianğöra tönpin malget. Mewö mala kotketmö, nalö kewöñe Uña Töröñan mi Anutugö aposol aka kezapqetok ambazip tök-kutukutuñi nenğöra jim indeli mötzin. ⁶ Buña tolapñi mi kewö: Kraist Jisösnöñ Buña nenjimapkö jiba keu jöhöyöhi, injini mi Juda nembuk öröröñ angön köla memba malje. Ölöwak Buñanöñ mianğö könañi mi kian kantri ambazip enğöra mewöyök kondel engimakza. Injini uruñini melenđa ölop nembuk mohotñe kötümötuetñanğö Buñanji dop mohot memba malje. Uruñini Anutubuk jöhöba mohotñe Kraistkö ölni aka nembuk kambu mohot kinjin.

⁷ Yanğö kukösumñan mönö nöñgö uruni sölölöhöiga uruni melenbiga Anutunöñ kalem möriamñi söngöröñi qahö niñgyök. Mi niñgiiga kõna asuhuiga Ölöwak Buñagö nup meme azia ahal. ⁸ Nöñon Anutugö kõnagesö sarakñi pakpak enğö nembö bapñine eretñi kötökñi maljal. Mewö maljalmö, Anutunöñ tøndup kalemñi öngöngöñi kewöñi niñgyök: Nöñon Kraistkö oyaenköyaen Buñanji mi kian kantri ambazip enğöra jim asarimangö simbawoñ mötzal. Oyaenköyaen mianğö könañi mi körek esiba möt kutum teköbinanğö dop qahö.

⁹ Anutunöñ möpñanğö möpñe yuai pakpak miwikñaiaba Buñanji tolapñi közamböriğa ambazipnöñ mala kota malgetka nalö mianğoreñ tönpin malget. Mianğöra nöñon Anutugö Buña areñ tolapñi mi galöm köla malbiga

* 3:4: Kol 1.26-27

ölnambuk ahakza. Nöñön miangö könani aukne jibiga ambazip köreknan möt sölöngömögöra simbawon mötzal.

¹⁰ Anutunöñ mötkutukutuñ qainñi kun könani könani indel nenñiiga nalö kewöñe urumelej zioz kambu sutnine eraum möringa aukne ahum sehimakza. Anutunöñ urusihimñan kewö mörakza: Bem suahö galöm aka pom garata öngöñgöñi eretñi Suep gölme sutñire öroyuai pakpak galöm kölakzei, yeññon mewöyök Anutugö mötkutukutuñ mi kezap ala mötmögöra mörakza.

¹¹ Yeññon mi mötmögöra Anutunöñ Buña arenñi mi möpñangö möpñeyök nalö qahöñne uruñan jim köhöiba ali ahöyök. Miangö dop Kembunini Kraist Jisös melaiiga ölni miwikñaiiga könagesöurupñi aka mindiriba kinjin.

¹² Kraistpuk qekötahöba kinda möt narim wañgiinga Anutugö nañgunan mewö taliga ölop yangö jemesoholne angotpingöra awösamakak kinjin.

¹³ Miangöra kewö ulet engizal: Nöñön kösö mire tata enñon ölöwakñegöra aka köñjilij möta malakzali, miangöra uruñinan mönö kude etma. Injini nöñgö sihimbölöni miangöra aka ölop aködamunñinambuk akñe. Mewö.

Polnöñ Efesus yengöra kewö köuluköyök:

¹⁴ Könani miangöra nöñön Iwinini simin köl wañgiba köulukömakzal.

¹⁵ Yaññonök mönö iwinini mutukñi akza. Yangö dop Suep aka gölmegö könagesö pakpak neññon iwi qet memba qerakzin. ¹⁶ Kewö köulukömakzal, “Anutu, gi mönö Uñagi Töröñi al enñinöñga uruñinan köhöimakña. Göhö Buñagi kukösumñi buñabuñañambuk mi teteköñi qahö köwege ahözawi, gi mönö kukösumgi miangö dop mem köhöim enñimakñan. ¹⁷ Mem köhöim enñinöñga ölop Kraist möt narim wañgetka uruñine dumñi memba malma. Mewö maliga kesötñini Kraistkö urukalemñöñ möndömgöba mendawölget geiga töndangöba kinme.

¹⁸ Urukalemñan nam köl enñiiga könagesö sarakñi pakpak yembuk ölop Kraistkö urukalemñangö könani möt kutume. Jöpaköm nenñimakzawi, urukalem miangö dopñi kewö: Görañi likeplikep teteköñi qahö an bibihiza. Kööröñi enduyangö enduñe angaiza. Kööröñi euyangö euñe öngöza. Mewöyök dutñe emuyangö emuñe geba ahöza. ¹⁹ Kraistkö urukalemñan mönö gölmegö mötmötninañgö dopñi ongtza. Mi möt kömumegöra kewö köulukömakzal: Anutu, gi mönö aködamungi pakpakö dop mötmöt Buñagan uruñini kokolak qeba musulumgöm enñiman.”

²⁰ Anutu mewö köuluköba kewögöra möpöseimakzal: Nini mötmötnini ongtita yuaigöra köuluköba qesibinak me jemelen imut ala mötmöribinak ewö, yaññon mönö yuai mi ölop köhöiba nenñima. Anutu kukösumñan urunine nup memakzawi, yaññon mönö miangö dop köuluk aka mötmöt dopnini ongtit teköba amqeba yuai pakpak ölop ak nenñimakña. Miangöra möpöseim wañgimakin. ²¹ Urumelen könagesö neññon tokoba Kraist Jisösgöra aka Anutugö qetbuñañi möpöseininga aködamunñambuk aka ahöma. Mi gwöt isik ahöm köhöiba teteköñi qahö ahöba öngömei, nalö miangöreñ mönö mewöñanök aködamunñambuk aka ahöma. Keu mi ölna.

4

Kraistnöñ mindirim nenñiiga ölni mohot akzin.

¹ Nöñön Kembubuk qekötahöba kinda nupñi mealangöra kösö miri azia akzal. Keu mi jim teköba uruñini keu kewö jiba kuñguzal: Anutunöñ ahakmeme aködamunñambuk aka memba malmegöra enñoholöhi, miangö dop injini

mönö malmal qainji kun malme. ²* Mönö uruñini memba et ala keu bapñe anda guñböñjñjñ qakñe ambazip ak enñgiba malme. Lömböt mökösonđa malme. Mönö lolongöba bölöñanğö kitipñi kude mememö, qaqaenñgiba jöpaköm anğuba malme. ³ Uña Töröñan uruñini qezaköba luaigö kösonññ jöhöba mindirim enñgimazawi, inñini mönö uru jöhöjöhö mi sutñine ahömapköra kapañ köla kinme.

⁴ Anutunöñ enğoholöhi, میانğoreñ mönö öröröñ oyaenñkoyaen akingö jörömqörörmñini mohot miyök al enñgiiga al mamböta malje. Mianğö dop inñini mewöñanök Kraistkö öl kembangan mohot aketka Uña Töröñi mohotnöñ mönö inahöm enñgiiga malme. ⁵ Kembunini mohotnöñ galöm köl enñgiiga öröröñ möt narim wañgigetka o melun mohot miyöhök mem enñgigetka mohot aka malje. ⁶ Anutunini mohotnöñ körek iwi ak enñgimakza. Yaññon yuai pakpak körek nenğonğita Kembu öngöñğöñi ak nenñgimakza. Mewö aka jittñi tem kölbingöra körek kuñguba inahöm nenñgiba urunini dop malmal tatat ak nenñgimakza.

⁷ Mianğö dop öröröñ Kraistkö ölnji mohot maljinmö, Kraistnöñ kalem möriamñi mokoba sihimñanğö dop nenñgiyök. Nup memegö mötmöt kalem könanji könanji mi mohot mohot nenğöra dopnine menden enñgiiga maljin.

⁸* Mianğö keuñi mi kewö jigetka Buña Kimbinöñ ahöza, “Yaññon euyangörej öngöba kinda kösö ambazip gwötñuk enğömeiga buñaurupñi aketka kalemñi kalemñi mi ambazip nenğöra nenñgiyök.”

⁹ “Euyangörej öngöyök,” Anutunöñ keu mi mönö denöwögöra jiyök? Mianğö könanji kewö: Kraistnöñ mutuk Suepnöhök erök. Mönö gölme dutñe emuyangörej geyök. ¹⁰ Eröhi, yaññon mönö mewöyök lilingöba eu öngöyök. Öngöba Suep mirigö jakenji pakpak enğonğita qakñe euyangörej öngöba malja. Mianğoreñ mala Suep gölmeğö öryuainiri pakpak mi ösumñan kokolak qeba jömuk dop köl teköba malja. ¹¹ Kraistnöñ ambazip nenğöra mötmöt kalemñi könanji könanji kewö menden nenñgiyök: Nupñi menden enñgiiga tosatñan melaimelai ambazip bohonñi (apostol) aket. Tosatñan kezapçetok ambazip (profet) aket. Tosatñan urukunğukunğu ambazip (ewanjelis) aket. Tosatñan lama galöm (pasto) aka kusum nenñginenñi böhi qaqaazu aket.

¹² Kraistkö ölnji mi urumelen ambazip. Neññon yenğö uruñini nanğöinga köhököhöi miwikñaibingöra nupñi mewö mendenđa kuñgum nenñgiyök. Könagesö sarakñi nenñon körek urugö nupñi membingö jöjöröm teköba malbingöra aka mewö inahöm nenñgiyök. ¹³ Mewöña mewö nup murutñi murutñi memba mala Anutu möt nariba könanğep Nahönñi möt yaköm soroköba میانğoreñ qezaköm anğuba mohot aka kinbin. Anutugö mötmötñi aka aködamun yuainji pakpak mi mönö körekñanök Kraistkörej ahöza. Neññon Kraistkö köwenñeyök mötmöt ösumñi öroinga musulumğöm enñgiiga qarim sehiba köhöiba malinga aködamunñi köl nenñgi körek asuhui malbin.

¹⁴ Toroqeba namande tandök malbinbuköra Kraistnöñ urunini kuñguba nanñi ewö aködamuninambuk akingöra inahöm nenñgimakza. Namande tandök malinga qewöloñ ambazipnöñ areñ i me wai ala möndöba tutuhum nenñgigetka tala et nenñguyöhi, inñini mönö میانğö dop aka lañ malbepuk. Luhutnöñ lilikçilik qeiga köwetnöñ kunduriga sirinöñ gödöwöröt lañ wañgiriga an qem kam qem aka simbiñsambañ ahakza. Mianğö dop gölme ambazipnöñ silenöñ alal aka unji memba tilipmötömöt miwikñaiba ambazip lañ kusum enñgigetka janjuñ ahakze.

* 4:2: Kol 3.12-13 * 4:8: Sum 68.18

15 Mianğö dop laŋ kude malmemö, keu ölnanök töp jiba jöpaköm anğuba malme. Mewö mala Kraistnöŋ nöröpnini akzawi, kesötŋini mönö yangğoreŋ möndömgöget geiga töndangöba yuai pakpak mianğoreŋ qarim köhöiba aködamunŋinambuk aka malme. 16 *Kraistnöŋ nöröpnini aka ölni jömuhök galöm köl neŋgiiga ginimuramŋi köreŋan mönö ölnanğö köna böröŋi mindiriba jöhöm neŋgigetka kutulanğömakzin. Ösum mohot mohot ahöm neŋgizawanğö dop mönö nupnini memba kötöngöba jöpaköm anğuinga ölni mianğön köhöiba qarimakza. Mewö.

Asaknanğö ahakmeme döläkŋi aka memba malme.

17 Mewö akzinanğöra nöŋön Kembangö jitŋe memba galöm meme keu kewö jibi möt yaköme: Urumelenğö kopa ambazip uru mötmötŋini sohoiga nesak ewö aka öne omanŋi laŋ malakzei, iŋini yeŋğö tandök bölöŋi kude toroqeba aka memba malme. 18 Urumelenğö kopa ambazip yeŋğö urumötmötŋinan söŋnauiga Anutubuk malmalgöra siksauk aka sohoze. Mötmöt bölöŋan uruŋini gwözöŋda duhuyoħanğöra aka gukmaulem aka tönpin malje. Mianğöra Anutugöreŋ malmal köhöikŋe qahö qekötahömakzemö, nanŋinök laŋ töhöŋ malje. 19 Galömnŋini qahö mem anğugetka uruŋini gwözöŋ teköiga gamu tanğer malje. Uruŋini kaiseröŋ jöhöba qewöloŋ yuaigöra laŋ söŋgaiba tölöhomakze. Yuai membagun membिंगö nepaqepalok köpösöŋgömakze.

20 Yeŋön mewö ahakzemö, iŋini Kraistpuk malmalgö könanŋi mi mewö qahö kusum enğiget mötket. 21 Iŋini keu ölnanğö Tonŋi Jisösbuk qekötahögetka mianğö dop könanŋi kusum enğigetka ölni kewö möt yaköget: 22 *Mutuk ahakmemeŋini walŋi wuatanağögetka sihim kömbönanŋini bölöŋan isimkakalek ak enğiiga ayuhum anğubingö aket. Köna kusum enğiget mötkeri, mianğö dop mönö uruŋini walŋi meteköm gila andö qeme.

23 Urumötmötŋini mem guliget kölöŋaiba malmegöra köna kusum enğiget.

24 *Anutunöŋ nini nanŋi kaisoŋgolomnanğö dop sarakŋi aka mal köhöibingöra miwikŋaim neŋgiyök. Uru döläknanğö malmal solanŋi wuatanağöbingöra mönö al neŋgiyök. Mianğöra uru döläkŋi miyöhök mönö bök kölget geiga malme. Köna mi mönö mewö kusum enğigetka möt yaköget.

25 *Köna mewö ahöiga nini Kraistkö ölni mohot mianğö uruŋe darumun ewö mindiriba ala-ala aka maljin. Mianğöra munenŋi mi mönö meteköm gilget geiga sutŋine keu ölnanök pakpak eraum möta malme. 26 *Tembula kukpiriŋnöŋ akŋe ewö, mönö töndup siŋgisöndok kude akŋe. Irimŋini seholidawi, keuŋini mi mönö zilaŋ wehöŋ jeŋan qahö teköba geiga jim tekögetka solanima. 27 Mewö Bölönanğö Tonjan sutŋine kanğotpapuköra qeapköba nalö kun kude wanğiba zilaŋ yakörime.

28 Kunŋan yoŋğorö meme malöhi, yanğön mewö kunbuk kude akŋa. Mewö qahöpmö, mönö nanŋi böröŋan nup kapan köla memba malma. Nup memba nanŋi nene inapŋi miwikŋaiba öläp amqeba ambazip wanapŋi nanğöm enğimakŋa.

29 Keu lösö kun jitŋineyök kude etmapmö, keu ambazip uruŋini nanğöba mem köhöimawi, mönö miyöhök jiba malme. Ambazip keuŋini möta uruŋini ahözawanğö dop qambanğöra osizei, mönö mianğö dop goro enğigetka keu nahömnŋi möta ölöwakeak. 30 Anutunöŋ buŋaurupŋi sohoppni meiga Suepnöŋ öŋgöbini, nalö mianğöra aiwesöŋŋi kömbönanŋi mekötahöm enğiiga uruŋine

* 4:16: Kol 2.19 * 4:22: Kol 3.9 * 4:24: Jen 1.26; Kol 3.10 * 4:25: Zek 8.16 * 4:26: Sum

geba Anutugö munjemni akza. Mianğora Anutugö munjemni Uña Töröñi mi mönö wösöbirik kude qem wanğime.

³¹ İjini mönö urukömbuk, urukondum aka urusingok pakpak mi qeköba gilget köröwen tatma. Urukönöpnöñ kude jula engohoiga uruñinan auba yom qeta jim anğubepuk. Mewöyök andöqeçe keu töhöreñ mi kude jime. Anğöjörak könañi könañi uruñini tölöhöbapüköra mi mönö körek andö qegetka tikep ahöma. ³² *Tikep ahömampö, ala-ala ak anğuba mököliba guñböñjönjöh qakñe ak anğuba malme. Kraistpuk qekötahögetka Anutunöñ singisöndokñini mosöta sanğon enğiyöhi, ijini mönö mianğö dop toroqeba köpösihitñini mosöt anğuba malme. Mewö.

5

Anutugö asakñe malmal mi kewö:

¹ Anutugö wölböt nahönböratuñi akzeanğora silikñini mönö kapan köla Anutunöñ ahakzawanğö dop aka wuatangöba malme. ² *Kraistnöh jöpaköm nenğiba malmalñi nenğöra aka köleñda mosörök. Jöwöwöl ohogetka köwakñan öngözapma, Anutunöñ mianğö dop Kraist malmalñanğö kalemni mi möt anğön köli wörönñi umköhöwakñambuk ewö aka yanğö jeñe pukpuköiga söñgaiyök. İjini mönö mewöyök urukalemnöh kinda Kraistkö dop jöpaköm anğuba aka memba malme.

³ Serowilin, qewöloñ anğöjörakñambuk könañi könañi me yuai membagun memingö nepaqepalok (gridi) silikñi mi Anutugö jeñe qahö dop kölja. Mianğöra Anutugö ambazip sarakñi akzeanğö dop yuai mewöñanğö keuñi kun mi sutñine kude misiriba jigetka mötme. Saumban!

⁴ Anğögönahitnöh löso keu imbilonñambuk aka uruqahö keu sinñi sinñi mi kude jime. Mianğon uruñini tölöhoiga qahö dop kölja. Mianğöra mi mönö mosöt teköba möpömöpösei keu jim sehiba malme.

⁵ Keu köñji ki mönö möt kömume: Kunñan serowilin me qewöloñ anğöjörakñambuk me membagun memingö nepaqepalok köpösöngömakzawi, yanğon mönö Anutugö bemtohoñi buña qem anğumamğö osima. Ahakmeme mianğon bem munenji me tandö lopioñ möpöseim enğimakzeanğö tandökñi akza. Mewö akzawanğon mönö Kraist aka Anutu yetkö bemtohoñ uruñe anğotpingö osima.

⁶ Anutunöñ singisöndok mewöñanğöra aka tembula irimsesewölñi qeçetal ambazip yanğö qakñine ali öngömakza. Mianğöra kunñan keu omanji mewöñi jiba kelök ala tutuhuba tilipköm engibapuk. ⁷ Mianğöra ambazip mewöñi mönö andö anğuba yembuk köisirik kude malme. ⁸ Mutuk söñaupuk malgetmö, nalö kewöñe Kembubuk qekötahöba kinda yanğö asakñambuk malje. Ahakmemeñini mönö asakñanğö buñaya akzeanğö dop aka memba malme. ⁹ Asakñanğö buña akzeanğö töhötmöriam ölnji mi kewö: İjini ahakmeme ölöpnji wuatangögetka Anutunöñ keuñini jim teköi solanime aka keu öl töhöñnanök jiba malme. ¹⁰ Wani yuai Kembugö jeñe dop kölmawi, mianğö könañi mönö jaruba kewöta möt asarime.

¹¹ Söñaupkö ahakmeme gilipitñi (ambetakñi) aka memakzei, yembuk mönö köisirik kude toroqeba malme. Yanğö bölöñamñini mi mönö indela asakñe ala jim enğime. ¹² Tosatñan singisöndok tölapñe ahakzei, mi mönö aukñe jibingö gamuñambuk akapuk. ¹³ Anutugö asakñan singisöndokñini pakpak

* 4:32: Kol 3.13 * 5:2: Eks 29.18; Sum 40.6

mem asariiga kõnəamɲini ɔlɲan mɔnɔ aukɲeyɔk asuhuma. ¹⁴ Asakɲəŋgɔ Tonɲan mɔnɔ tɔlapɲəŋgɔ yuainɲi pakpak indeliga asakɲe aukɲeyɔk ahɔma. Mianɲgɔra keu kun kewɔ jigetka ahɔza, “Gauɲ ahɔzani, gi mɔnɔ imbigi mɔtnɔŋ.

Mɔnɔ kɔhɔmuneyɔk guliba wahɔtnɔŋga Kraistnɔŋ mem asarim gihima.”

¹⁵ Keu mianɲgɔ dop ahakmemenɲini mɔnɔ mɔtkutukutu qakɲe aka memba malme. Morop aka tɔɲpin malbepukɔra mɔnɔ ɔlɔɲɲanɔk galɔm mem aŋguba malme. ¹⁶ *Kewɔŋe nalɔ bɔlizawanɲgɔra aka urugɔ nup membingɔ kɔna kun ahumawi, nalɔ mi mɔnɔ kude mɔsɔhɔba ayuhumemɔ, ambazip qɔhɔrɔŋine anda ɔsɔŋ qambaɲ kɔl ɲɛgime. ¹⁷ Mianɲgɔra uruqahɔ ewɔ laɲ kude malmemɔ, Kembugɔ jitsihitɲi mi ɔlɔɲɲanɔk mɔt asariba kinme.

¹⁸ Wain o kɔhɔikɲi nembra ɲɔlɔlɔŋ akepak. Nanɲini imbi-imbi malgetka mɔtmɔɲɲini bɔlɔŋan asuhugetka sɔŋaup malmalnɔŋ titekɔba geba ayuhubepuk. Mianɲgɔra ɲɔlɔlɔŋ akepakmɔ, Uɲan Tɔrɔŋan mɔnɔ uruɲini kokolak qemapkɔra kapaɲ kɔla kinme. ¹⁹ *Mɔnɔ Buɲa keu eraum mɔta Sumbara (sam), mɔpɔmɔpɔsei liɲet (omsa) aka urugɔ liɲet tosatiɲi mi urukɔnɔmɲinan kɔla Kumbu mɔpɔseimakɲe. ²⁰ Mewɔ me mewɔ asuhuiga mianɲgɔra mɔnɔ Kembunini Jisɔs Kraistkɔ qetɲi qeta Iwi Anutu sundan saiwap jim wanɲgiba malme. Mewɔ.

Awanɔm yengɔ goro qambaɲ keu

²¹ Kraistkɔ jitiɲi ɔŋgitpukupɔra kengɔɲɲini mɔta mɔnɔ sutɲine keu bapɲe anan ak aŋguba malme.

²²⁻²³ *Kraistkɔ ɔlɲi mi urumelen kɔnagesɔ. Yanɔn mianɲgɔ nɔrɔɲɲi aka Amɔtqeqe Tonɲi akza. Mianɲgɔ dop azinɔŋ mewɔyɔk anɔmɲəŋgɔ nɔrɔɲɲi akza. Mianɲgɔra ambi iɲini mɔnɔ Kembugɔ keu bapɲe anangɔ dop nanɲini apurupɲini gɔda qem ɲɛgiba keuɲini bapɲe anda malme. ²⁴ Urumelen kɔnagesɔ neɲɔn Kraistkɔ keu bapɲe kinɲini, mianɲgɔ dop ambi ɲɔn mewɔyɔk mɔnɔ apurupɲinaɲgɔ keu pakpak wuatəŋgɔba malme.

²⁵ *Kraistnɔŋ nanɲi kɔnagesɔɲi jɔpakɔm neɲgɔra aka malmalnɲi tɔkɔba kɔleɲnɔhi, mianɲgɔ tandɔk azi ɲɔn mɔnɔ mewɔyɔk anɔmurupɲini jɔpakɔba urukalem ak ɲɛgiba malme. ²⁶ Kraistnɔŋ kɔnagesɔɲi Buɲa keuɲan tɔk kutuba ambi buɲaɲi sarakɲi akingɔra o ewɔ mianɲɔn saɲŋɔnda mɔsɔlɔɲanim neɲgiyɔk. ²⁷ Yanɔn nini ɔlulup sorok akingɔra mɔta uru sɔnuetnini mɔsɔlɔɲaniba tɔwɔt boromɲi kun qahɔ akingɔra kapaɲ kɔlakza. Kɔnagesɔ sarakɲi kɔpɔsihitkɔ keunini qahɔ akingɔra mɔrakza. Kraistnɔŋ kaba neɲɲaŋgiriɲa asakmararaɲe eu aɲgoringa jihilalomɲan neɲɲuiga ambi buɲaɲi ewɔ nini nanɲi jemesoholɲe al neɲgiiga akɔdamuninambuk kinbin.

²⁸ Azi iɲini mewɔyɔk mɔnɔ Kraistkɔ tandɔkɲi mewɔɲi wuatəŋgɔba anɔmurupɲini jɔpakɔm ɲɛgɔba malme. Anɔmɲi jɔpakɔmakzawanɔn mɔnɔ nanɲi kɔyan kɔl aɲɲumakza. Mianɲgɔra nanɲini silenɲini kɔyan kɔl aɲɲumakzəŋgɔ tandɔk mɔnɔ anɔmurupɲini kɔyan kɔl ɲɛgigetka dop kɔlma. ²⁹ Kunɲan kun nanɲi silenɲi nalɔ kunɔŋ kazik qahɔ ak wanɲiyɔkmɔ, kɔrek neɲɔn silenɲini gumohoba kɔyan kɔlakzin. Kraistnɔŋ mewɔyɔk kɔnagesɔurupɲi nini silenɲi ewɔ keuɲan gumohoba kɔyan kɔl neɲɲimakza.

³⁰ Urumelen kɔnagesɔ neɲɔn Kraistkɔ ɔlɲi akzin. Neɲɔn Kraist ɔlɲəŋgɔ tɔrɔmunɲi aka malɲin. Mianɲgɔra gumohom neɲɲimakza. ³¹ *Buɲa keu kun

* 5:16: Kol 4.5 * 5:19: Kol 3.16-17 * 5:22-23: Kol 3.18; 1 Pitɔ 3.1 * 5:25: Kol 3.19; 1 Pitɔ

3.7 * 5:31: Jen 2.24

kewö ahöza, “Miangöra azinöy mönö iwinamji etkömosöta anömñambuk qekötahöba yahöt yetköñ silemohot aka malmahot.”³² Keu mi söpsöp keu tölapñi. Mi Kraist aka urumelen könagesö nenjö uru jöhöjöhöninangöra jiba ohozal. Keu areñ miangö könani mi tölapñi aka dutji gegenji.³³ Mewö akzampö, engöra keu mi kewö jizal: Injini mohot mohotñan mönö mewöyök anömurupñini nanñini köyan köl anjumakzeangö dop jöpaköm engiba malme. Anöm enjön mönö mewöyök apurupñini göda qem engiba malme. Mewö.

6

Nahönbörat aka iwinam yenjö uru jöhöjöhö

¹ *Nahönbörat engöreñ ahakmeme diñdini mi kewö: Injini mönö Kembubuk qekötahöba iwinamyahötñini yetkö jitñiri tem köla wuatañgöba malme.

² *Anutunöy jöjöpañ keu 1-2-3 mienjö teteköñe töwa likepñi nenjimamgö qahö jii ahözapmö, jöjöpañ keu jañgö 4 mi törömunñambuk. Mutuk kewö jiza, “Iwinamyahötki mönö göda qem etkiba malman.” Keu mi tem kölinga Anutunöy töwa likepñi nenjimamgö keuñi kewö jöhöi ohoget ahöza,³ “Göda qem etkinöñga Anutunöy töhötmöriam gihiiga toroqeba gölmenöy nalö köröpñi malman.”

⁴ Nahönbörat urupñinan irimsesewöl akepuköra iwi enjön mönö urukanjam kude ak engiba malme. Mewö qahöpmö, Kembugö Köna keu tem kölmegöra kusum engiba miangö dop mindingöm engigetka qarime. Mewö.

Welenqege aka galöm yenjö qambañ keuñi

⁵ *Welenqege injini mönö gölme qakñe galömurupñini yenjö keuñi Kraistkö keu ewö tem köla jöranñtauat kude ahakñe. Keuñi ongitpepuköra sömbuñini möta jönömñinambuk undui malme. Urugenmon kude aka böñ kinda aka memba malme.⁶ Köñdöwoñ aketka ambazipnöy engek sorimegöra qahöpmö, uruñini nupnöy ala memba Anutugö jitsihitñi wuatañgöba Kraistkö welenqege tandök ahakñe.⁷ Gölme ambazip welen qem engiba mewö mianjön Kembugö welenji qemakzin. Mewö möta nupñini mönö Kembugö jeñe dop kölmawanjö dop uruölöwakpak memba malme.

⁸ Keu ki mönö mötme: Engö sutñine tosatñan nup tonji malje aka tosatñan tonjini töwa qahö öne welen qem engiba etqegeñi malje. Mi töndup denike yenjön nup ölöpñi mi me mi memakzei, Anutunöy mönö miangö töwanji al enjiiga buña qem angume. Keu mia mönö mötmöriba malme.

⁹ *Tourup aka welenqege engö Kembuñini mohot yanjön Suep mire malja. Yanjön ambazip tosatñi qahö engek soriba tosatñi qahö qepureim enjimazapmö, dop mohotnöy kewöta keunini jim teköm nenjima. Galöm injini mi möt kutuzeangöra mönö welenqege alaurupñini simin titit ölöpñi dop mohot ak engiba öröm könöpkönöp memtöröp qemtöröp mosöta malme. Mewö.

Anutugö jurujamba jömk memba malme.

¹⁰ Kimbini tekömamgö aiga keu kewö ohozal: Injini Kembubuk qekötahöba kingetka kukösumñi ketanjan mönö inahöba töngum enjiiga köhöimakñe.

¹¹ Bölöñanjö Tonjan silenöy alalgö mötmöt areñ könani könani alakzawi, injini mi mesohol köla kin köhöimegöra mönö Anutugö wahijamba pakpak memba kölget gem anjum teköiga malme.

* 6:1: Kol 3.20

* 6:2: Eks 20.12; Dut 5.16; Kol 3.21

* 6:5: Kol 3.22-25

* 6:9: Dut 10.17; Kol

3.25; 4.1

¹² Nini gölme ambazip sep busuninambuk yembuk bim qahö aumakzinmö, bem suahö galöm aka iwiluhut bölöni bölöni tuarenjon ak engbingöra kinjin. Bem suahö galöm bölöni Suep gölme sutjire jaköm buak dumñine kinda kembu ahakzei, mönö mi qetal engimakzin. Mewöyök pom böhi önggöngöni eretnji sutnine panamangö öme tohonjö azi ipni mala öroyuai pakpak galöm kölakzei, neñön mönö yembuk yarö gilakzin. ¹³ Mianğora tuarenjon ak engbingöra mönö Anutugö jurujamba lökñanök memba kölget gem anğuiga kinme. Mewö kingetka kerökñinan nalö bölöñe engubingö gangömakñei, nalö mianğoreñ mönö ölop amqeba yarö gila tötal engime aka yarö mi teköiga ölop miri gölmeñine kanjam köla kinme.

¹⁴ *Wahijambañini mönö kewö löngöt anğume: Keu ölnanök jijigö irimunğani mönö anjöñine jöhöba kinme. Ahakmeme solan sorokni mi töptöpñine göwangöwañ (kapa maluku) ewö köla sel jöhöm anğuba kinme.

¹⁵ *Köna esu böñtönök löngöta ölop töndangöba tiba anakzin. Mianğö dop inini mönö luaigö Buñani jim sehibingö jöjörögetka mianön bohon köl enggima.

¹⁶ Jurujamba miembuk toroqeba saiwa bohonñi qetnji mötnarip mi mönö buña qem anğuba sundan teñgöba kinakñe. Bölönanğö Tonjan neñgeriba qönsihim neñgimamğöra möta timbi liñgipñi mulahakzawi, mianğö esapesap könöpñi pakpak mönö suman mianön qeapköba anğön köl anğumakñe.

¹⁷ *Anutugö Amötqeqe Tonji i mönö buña qem anğume. Buña qem anğuba kunbuk letotmei, dom-amöt mianön mönö nöropñini ain irikmarik ewö turuba anğön köl engimakña. Uña Töröñan bimgö sou ketanji neñgizawi, mi Anutugöreñ Buña keu. Mi mewöyök mönö buña qem anğuba urukönömñine ala bimñini mianön qemakñe. ¹⁸ Wahöjambañini pakpak mi löngöt anğuba mönö nalö dop Anutu köuluköba qesiba malme. Uña Töröñan enğuasöta inahöm engimakzawañgö dop mönö uletnöñ sahöt wañgimakñe. Mönö pöndañ uruguliguli mala sundan Anutugö ambazip sarakñi pakpak yengöra aka kapan köla köulukömakñe.

¹⁹ Nöngöra mewöyök kewö köulukömakñe, “Anutu, gi mönö keu kötni diñdini Pol wañginöñga göhö Ölöwak Buñagi tölapñi mi keu jitñan jimawañgö dop jim asariba awösamkakahök kinda uru kuñgum engimakña.” ²⁰ Nöñön Ölöwak Buña mianğöra aka Anutugö jitñememe azi bohonñi akzalmö, nupñi memakzalañgöra aka nalö kewöñe kösö mire tatzal. Mianğöra Buña keu mi Anutugö jeñe dop kölmawañgö dop awösamkakahök jiba malmamğöra mönö köuluköba malme. Mewö.

Yaizökzök keu teteköñi

²¹ Wölböt alani Tikikus yañön nöngö kösohotni alma. Yañön Kembubuk qekötahöba nupñi memburiq-qemburiqñi qahö memakza. Kianğoreñ denöwö aka memba tarakzali, mi pakpak jiiga inini mewöyök mi mötme.

²² Neñön denöwö maljin tatzin, inini kösohot mi mötmeğöra Tikikus melaim wañgibiga Efesus engöreñ kama. Yañön kaba urukölalep enğiiga ölop böñjöñ malme.

²³ Iwi Anutu aka Kembu Jisös Kraist yetkөн mönö urumeleñ alaurup engöreñ luai qeba urukalem ak engiba mötnaripñini mem köhöimakña.

²⁴ Ambazip Kembunini Jisös Kraist nalö teteköñi qahö jöpaköba malmei, Anutugö kalem möriamñan mönö körek embuk ahöba ahöm öngöma. Mewö.

* 6:14: Ais 11.5; 59.17 * 6:15: Ais 52.7 * 6:17: Ais 59.17

Filipai Kimbi Polnõη Filipai yengõra Kimbi alök. Jim-asa-asari

Polnõη misin nup lilikõba meiga indimn̄i yahõt aiga Eisia Mainö (Töki) mosöta Yuröp gölmenõη anök. Anda Rom prowins qetn̄i Masedonia miangõren̄ urun̄jini kun̄gui melen̄getka Kraistkõ kõnagesö mutukn̄i mi Filipai sitinõη asuhuyök. Kõnan̄gep aposol Pol mi Rom sitigö kösö mire alget sihimbölö qakn̄e tariga nup meme ambazip tosatn̄an tuaren̄jon̄ ak wan̄giget. Mi ak wan̄gigetka tosatn̄an Filipai urun̄e mewõnanök keu gon̄gon̄i kusum en̄gigeran̄gõra waiman̄jat mörök. Nalö miangõren̄ Buᶇa Kimbin̄i ki Filipai mötnarip kõnagesö yengõra ohoyök. Waiman̄jat mörökmö, töndup urukölalep keu aka urunan̄gõnan̄gö keu ki sösõngai qakn̄e ohoba alök.

Polnõη kösö mire tariga Filipai mötnarip kõnagesö yeñon̄ baukõm wan̄gibingõra kalem alget kayõhi, yan̄on̄ miangö saiwap jim en̄gimangõra Kimbi ki ohoyök. Mi ohoba toroqeba urunan̄gõnan̄gö keun̄i gwõtputk mohotn̄e alök. Nann̄ak kõñjilin̄ kõnan̄i kõnan̄i möriga Filipai yeñon̄ Polgö keun̄i mi mötketka töndup kõhöiba awõsamkakak kinmegõra uru nan̄gõm en̄giyök. Goro keu tosatn̄i kewö: Nann̄ini silen̄jini memba õngõba aiwelikõbepukõra mönõ galõm memba malme. Dogo jimamon̄ möta toroqeba nepaqepalök kõpösõngõbepukmö, Jisös ewö urun̄jini mem et al anguba malme. Keu ki ölum en̄gubapuk: Kraistputk qekõtahõba kin̄jei, mi Anutugö kalemn̄i akza. Juda yeñon̄ Mosesgõren̄ Kõna keu aren̄i tem kõla wuatangõba Anutugõra silik yuai ahakzemö, urumelen̄ alaurup en̄on̄ mewö qahö. En̄on̄ mönõ Anutu möt narim wan̄gigetka kalem möriam̄n̄i sõngörõn̄i qahö en̄giiga buᶇa qem anguba mewö miangõn̄ malmal dölökn̄i miwikñaiba malje. Denike yeñon̄ Kraistputk qekõtahõba malje, Anutunõη mönõ i luai qem en̄giiga sõngaiiba malme.

Kraist möt nariinga Anutunõη urusõsõngai nen̄giiga ölöp awõsamkakak qakn̄e mal kõhöibin̄ aka urumelen̄ alaurup yembuk mohotn̄e kapaᶇ kõla kõhöiba kinbin̄. Polnõη miangö keun̄i mi gwõtputk ohoyök. Polnõη Filipai kõnagesö yengö waikn̄ini kõhöikn̄i memingö möta malõhi, miangö keun̄i mi mewöyök aukn̄e ohoyök.

Buk kian̄gö bahõn̄i bohonn̄i 7 mi kewö:

Keu mutukn̄i 1.1-11

Polnõη denõwö aka malök 1.12-26

Kraistputk malmalgö kõnan̄i 1.27-2.18

Timoti Epafroditus yetkõ nup aren̄i 2.19-30

Tuaren̄jon̄ yeñon̄ tilipkõm en̄gigetka etpepuk 3.1-4.9

Polgö alaurup Filipai malgeri, yengö keun̄jini 4.10-20

Kimbigö keu kõtn̄i bohonn̄i 4.21-23

1*Pol Timoti netkõn̄ Kraist Jisös welenn̄i qeba maljit.

Urumelen̄ kõnagesö sarakn̄i pakpak Kraist Jisösbuk qekõtahõba kinda Filipai sitinõη maljei, niri embuk aka en̄gö bohonn̄ini (bisop, pastö) aka Buᶇa nup meme ambazip tosatn̄i (dikon) embuk keu eraum mötpingõra möta kimbi ki ohozal.

* 1:1: Apo 16.12

² Anutu Iwinini aka Kembu Jisös Kraist yetkön kalem möriam enjyohotka luainöŋ malmegöra mötzal.

Polnöŋ Anutu möpöseiba köuluköza.

³ Nöŋön mötmörim enjimakzalaŋgö dop Anutu möpöseimakzal. ⁴ Nalö dop körek pakpak engöra Anutu köulukömakzali, mi mönö sösoŋgai qakŋe köulukömakzal. ⁵ Nöŋön Anutu kewögöra möpöseimakzal: Injini Ölöwak Buŋanöŋ qekötahögeri, nalö mutukŋi miangöreŋök könahiba nömbuk bim qeba kötöngöm niŋgiba mala kota malje. ⁶ Anutunöŋ uruŋine nup ölöŋŋi könahiba memba maljawi, mi mönö toroqeba meiga Kraist Jisösnöŋ kunbuk asuhumapkö nalöŋe teköma. Mewö möt narim köhöiba Anutu möpöseimakzal.

⁷ O seŋŋini nemi, wölböt alaurupni akzeangöra körek injini mewö mötmörim enjibiga ölöŋŋanök dop kölja. Anutunöŋ nup niŋgiiga kösö mire tarakzal me awörök nöŋön Ölöwak Buŋagöra bim qeba enololon keu qeapköba keu ölnan jalöŋi memba köhöimapköra lilikömakzal. Mewö me mewö ahakzali, körek enjön mönö nömbuk kingetka kalem möriam miyöknöŋ dop köl enjiiga nupni naŋgögetka mohotŋe simbawon akzin. ⁸ Kraist Jisösnöŋ injini jöpaköba inahöm enjimakzawi, nöŋön mi möta miangö qakŋe kinda körek engöra ak niŋgiiga engekŋamgö kapaŋ köla maljal. Mewö jibiga keu ölni jizali, mi Anutu nanŋak ölöŋ naŋgöm niŋgiba jima.

⁹ Nöŋön engöra kewö köulukömakzal: Anutu, gi mönö Filipai alaurup inahöm enjinöŋga toroqeba köhöiba jöpaköm anjugetka urukalemŋinan qarim sehima. Mewö aiga ölöŋ köna ölni ek kutuba enololon keu mosöta malme. ¹⁰ Mewö mala ölöŋ keu kewöta köna ölöŋ sorokŋi möwölöhöba sarakŋi aka köpösihitkö keuŋini qahö mal öŋgöme. Kraistnöŋ liliŋgöba kamawi, nalö miangöreŋ lömbötŋinan teköma. ¹¹ Jisös Kraistnöŋ ahakmeme solanŋi nam köliga miangö ölni asuhumakŋa. Ölni miangön uruŋini kokolak qeiga ambazipnöŋ mewö engeka Anutu möpöseigetka qetbuŋanan sehimapköra köulukömakzal. Keu mi ölna.

Pol kösö mire algetka Buŋa keunöŋ köhöiyök.

¹² O urumelen alaurupni, enjön nöŋgö könan mi möt kutumegöra kewö möta ohozal: Yuai bölöŋi nöŋgöreŋ asuhuyöhi, miangö buzupŋan sehiiga Ölöwak Buŋaninan ambazip dop köl enjiiga nupninan töhötmöriamŋambuk akza.

¹³ *Ni Kraistköra aka kösönöŋ gwaröhöm niŋigetka Rom kiangöreŋ tatzali, keu mi yarö azi pakpak sisa-kingö jakömbuak miri galöm memakzei, yeŋön mötze aka mewöyök ambazip tosatŋi gwötpuk yeŋgö kezapŋine geiga möt teköze.

¹⁴ Toroqeba ölni kewö asuhuyök: Urumelen alaurupninan kösö mire tatpi Kembunöŋ bauköm niŋjimakzawaŋgö keuŋi mötket. Mi möta sehisehiŋan Kembubuk qekötahöba kinda köhöiba kapaŋ köla awösamakak aket. Mewö aka Anutugöreŋ keu keŋgötŋi qahö jim sehigetka toroqeba anakza.

¹⁵ Tosatŋan nöŋgöra mötket öŋgöiga urusihim sarakŋe kinda Kraistkö könanŋi jim asarimakzemö, tosatŋan nöŋgöra aka uruŋinan mututqutut möta andö nuŋguba anjururuk akingö mötze. ¹⁶ Alaurupni ölni yeŋön nöŋgö könan mi mötze: Anutunöŋ kuŋgum niŋgiiga awörök nöŋön Ölöwak Buŋagöra bim qeba enololon keu qeapkömakzal. Mewö möta jöpaköm niŋgiba naŋgöm niŋgimakze. ¹⁷ Andöqege ambazip yeŋön nanŋiangörök mötmöriba töwagöra möndögetka

uruņinan tölöhoiga Kraistkö kōnaņi mewō jim asarimakze. Mewō aka kōsō mire tatzali, nalō kewōņe aņģōsirip toroqeba ak niņģibingō mōtze.

¹⁸ Mewō mōtzemō, mi muat. Kraistkö kōnaņi mi yuaigōra mōndōba silebile aka me Anutu törōrōk tem kōla jim asarigetka mōtpi dop kōlja. Mewō me mewō ahakze, urunan mōnō mianģōra ölöwahiga ölna sōņgaizala sōņgaimakņam. ¹⁹ Sōņgaibiga nōņģōra kōulukōgetka Jisōs Kraistkö Uņa Tōrōņan naņģōm niņģiiga ölop pōsat niņģigetka etmamģō tandōk mōtzał. Mewō asuhumapkōra mōta mianģōra mewōyōk sōņgaimakzał. ²⁰ Yuai kun aka gamu miwikņabilenģukōra mōnō jōrōmqōrōm aka maljal. Gamu qahōpmō, nalō dop Kraist mōpōseiba malali, mianģō dop nalō kewōņe mewōyōk asuhumapkōra mōtzał. Silenan kōmuma me malmawi, mi tōndup mōnō awōsamkakak pakpak qakņe Kraist mōpōseibiga qetbuņāņan qarimakņja.

²¹ Malmam ewō, malmalni mōnō Kraistkö qetbuņāņan qarimapkōra aka malmam. Nuņģuget kōmumbilenģak ewō, mianģōn mōnō mem ölöwak niņģiiga oyaekoyaek akņam. ²² Mewō akilenģakmō, gōlmenōņ silebuk malmam ewō, mōnō urugō nup membiga toroqeba ölnambuk ahakņja. Mi mōtmōriba nanaņģōra malmal me kōmuwa mōwōlöhöbilenģak, mi ölop qahō mōtzał. ²³ Malmal aka kōmup sutņire paņņanģōba maljal. Kraistpuk ewo malbilenģak, mianģōn mōnō yuai pakpak oņģita mōriam ketanņi ak niņģibawak. Mianģōra gōlme mosōtmamģō sihimņi mōta maljal.

²⁴ Mewō maljal mō, silebuk qekōriba malmam ewō, mianģōn mōnō iņini baukōm eņģibiga ölni eņģōreņ asuhuma. Kōmumbilenģak, mianģōn mōnō iņini qahō baukōm eņģibawak. ²⁵ Mewō mōt narim kōhöiba mianģōra nehorigetka toroqeba mala kōrek iņini baukōm eņģiba malmamģō mōtzał. Baukōm eņģibiga mōtnariņņinaņģō ölnan mōnō qarim kōhöiiga ölop önöņi qahō sōņgaiba malme. ²⁶ Mewōyōk Kraistnōņ nehořiiga kunbuk eņģōreņ kabiga iņini ölop nōņģōra aka Kraist Jisōs önöņi qahō mōpōseim waņģiba malme. Mewō.

Mōtnariņņinan kōhöimapkōra bim qeba malme.

²⁷ Ahakmemeņini mi mōnō Kraistkö Ölöwak Buņāņan akōdamunņambuk akņawaņģō dop aka memba malme. Mewō malgetka eņģōreņ kaba eņģekņami me qahō kaba sikep mala keu buzupņini mōtpi kōnaņini kewō ahōi dop kōlma: Iņini mindimindiri areņ mohotkō keu jōhöba urumohot aka kinme. Mewō kinda Ölöwak Buņagō keu ölnan sōmbōleibapukōra örōrōņ jōhöba bim qeba malme. ²⁸ Mewōyōk tosatņan tuarenņoņ ak eņģimakņei, eņōn mōnō keu jitņini kōnaņi kōnaņi mianģōra kude tōwōratigetka uruņinan kude etma. Kōnaņamņini mewō mōtpi dop kōlma. Anutunōņ kukōsum eņģiiga tuarenņoņ ambazip yeņōn kōnaņamņini eka kewō mōt asarime: Nanņini et eņģuiga ayuhugetka Anutunōņ mekōm neņģiiga oyaekoyaek aka malbin.

²⁹ Anutunōņ areņi al eņģiyōhi, mi kewō: Iņini Kraist mōt narim waņģiba likeņņi sōņgaiba likeņņi yaņģōra aka sihimbōlō mōta malme. ³⁰ *Nōņōn mōtnaripkō bim mutuk embuk mala qeali, neket aka nalō kewōņe toroqeba qemakzalaņģō keu buzupņi ki mōtzei, iņini mōnō bim miyōhök nōmbuk tōnguba qeba malje, mi mōtzał. Mewō.

2

Kraistkö dop nanņini mem et al aņģuba malme.

* 1:30: Apo 16.19-40

¹ Injini Kraistpuk qekõtahöba kinjeangöra mönö urunjini nangöm angubingö qambañ miwikñaime. Urukalemñini mianjon mönö urukölalep ak angumakñe. Uña Töröñambuk ösupköba kinda waikñjini memba ak kömum angumakñe. ² Mewö akzeangöra mönö mötmöt mohot wuatangöba öröröñ jöpaköm anguba luainöñ malme. Urusihimñjini mönö mötmöt areñ mohot akingöra jöhöme. Keu mewö jöhöba urumohot aketka ölnji asuhui möta nöñon engöra öñöñi qahö söñgaiba malmam.

³ Öroyuai nanñinanangörök öröbingö sihimñan mönö kude nam köl engima. Nanñjini qetbuñanjan qarimapköra mönö silenjini kude memba öngömömö, urunjini memba et ala tosatñi yeñgöra mötketka öngömakña. ⁴ Injini mohot mohot mönö nanñjini urunjanök ölöwakñapköra kude mötmörimemö, tosatñi yeñgö urunjan ölöwakñapköra mewöyök kapañ köla mötmörim yaköme. ⁵ Kraist Jisösnöñ gölmenöñ maliga imbi mötmöt ahöm wañgiyöhi, miyöhök mönö engöreñ ahöi mi wuatangöba malme.

⁶ Anutugö kaisongolom tandökñi ahöm wañgii malökmö, töndup Anutugö dop malöhangöreñ qahö möndöba aiweliköba malök.

⁷ Mewö qahöpmö, nanñak amqeba Anutugö asakmararañi mosöta eta meleñda azi tandök asuhuba welenqeqegö kaisongolomñi memba malök.

Mönö gölme azi nanini tandök aka malök.

⁸ Mewö mala urunji memba et al anguba Iwiñangö keu jitñi nalö dop tem köla malök. Mewö maliga gamu qem wañgiba “Maripomnöñ qebin,” jigetmö, nalö miangöreñ mewöyök tem köl teköyök.

⁹ Mewö tem köla malöhangöra aka Anutunöñ wañgiriga euyangöreñ öngöba tariga qetbuña wañgiyöhi, mianjon qet tosatñi pakpak engongita aködamanñambuk akza.

¹⁰ *Anutunöñ qetbuña öngöñgöñi mi kewögöra wañgiyök:

Ambazip körek pakpak neñon mönö qet miangöra aka nalö kunöñ simin köla möpöseim wañgibin. Tosatñan Suep mire euyangöreñ malje. Tosatñan gölmenöñ ki maljin. Tosatñan kömumba uñem mire me senjom mire malje. Neñon mönö körekmakörek mindiriba sipköba simin köl wañgibin.

¹¹ Körek nini simin köl wañgiba numbu nesilam dop Iwi Anutu aukñe göda qebingöra qetñi jim miwikñaiba kewö jibin, “Jisös Kraistnöñ mönö Kembu ak neñgiza.” Mewö.

Jisösgö asakñi mi ambazip sutñine kondela malme.

¹² Miangöra wölböt alaurupni, injini mönö Kraistkö söpsöpñi wuatangöba miangöreñ kude sörauba etme. Nalö dop Anutugö keu tem köla letota malgeri, miangö dop silik urumelen ambazip engöreñ dop köljawi, mi mönö kapañ köla wuatangöba urugö nup memba malme. Nöñon embuk malali, nalö miangöreñ Buña keu ölöpñanök köl guliba zeñ kinda malget. Engömosöta sikep maljalangöreñ mönö mewöñanök Anutugö jeñe sömbunñambuk möta jöñömñjini unduiga pöndañ nup mi mem soroköba malme.

¹³ Anutunöñ nanñak mönö injini sundan sölölohöba nam köl engiba nanñi areñangö dop urunji kuñgumakza. Mewö urusihimñjini Anutu dop köl wañgimawañgö dop ahuiga inahöm engiiga nupñi megetka ölnji asuhumakña.

¹⁴ Galömurupñjini yembuk keu mekömpötak kude aka malme. Jimongot aka urunöñ ihururuk lañ kude ahakñemö, areñjini pakpak mönö uruyahöt

* 2:10: Ais 45.23

ziakpiak mosöta töp memba malme. ¹⁵* Ahakmemeñinan mönö köpösihitkö keunji qahö sarakñi aka memba malme. Ambazip gonxonji misimkaulup merak gölmenöñ maljei, inini mönö yengö sutñine Anutugö nahönbörat solan sorokñi malme. Sengelau suepnöñ eu asarizei, inini mönö mewöñanök gölmenöñ silik ölöñji aka mianñon ambazip asarim engiba malme.

¹⁶ Mewö mala malmal köhöikñangö Buña keunji töp memba ambazip engibingö jöjöröba malme. Mewö malgetka Kraistnöñ lilingöba kamawi, nalö miangöreñ nöngö könañamnan aukñe kewö asuhuma, “Mönahot azinöñ aonñitnöñ luhut almamgöra ösumñi qezaköba anakzawi, nöñon miangö dop urugö nupköra sile qeba mem köhöiba malal. Mi öne töhöntöhön qahö memba malalmö, öñji asuhuyök.” Könañamni mewö asuhuiga ölöp nani sileni engöra aka möpöseimam.

¹⁷ Nöñon malmalni köleñda tököba engiba Anutugö nupñi tem köla memba malal. Mewö malbi inini uruñini melenña Anutu möt narigetka miangö öñji asuhumakza. Miangöra Rom gawman yeñon keuni jim teköba sömbup ewö nuñguba jöwöwöl ohoho ewö ak niñgibeak. Silenangö sepnü mewö mokobilenak ewö, mi mönö o ewö öne töhöñ qahö gebawak. Engö mötnarip nupñinanğö öññanğöra aka mi mönö aködamunñambuk ahiga dop kölbawak. Miangöra nuñguget kömumbilenakmö, urunan mönö töndup söñgaimakzal aka körek embuk mohotñe söñgaimakin. ¹⁸ Mewöñanök inini tok mönö söñgaime aka nömbuk köiranj ala söngaiba malbin. Mewö.

Timoti melaibiga Filipai engöreñ kama.

¹⁹ Kembu Jisösnöñ nöngöra möri dop kölma ewö, mönö zilañ Timoti melaimangö möta jörömqöröm akzal. Engöreñ kaba denöwö maljei, mi möta lilingöba kaba jii möta nöngö imbinan mewöyök ölöwak soroköbawak. ²⁰ Mötnaripñine köhöize me löwörizei, yanñon nanñök engöra waimanjat mewö möta nöngö qöhöröñne kinja. Tosatñan ki maljei, yeñon mönö “Nanñini manjatñina,” jiba qahöpmañöp kötöngöm engibingö mörakze. ²¹ Yeñon körek nanñinanğö yuaigöra möta mi köl öröba mem qaribingöra jaram timakzemö, Kraist Jisösgö nupñan öññambuk ahakñapaköra qahö kapan kölakze. Mönö qemasolokep lañ malje.

²² Lañ maljemö, Timotinöñ könañi ölöñji kondelöhi, mi nanñinak möt yaköze. Nahöñöñ nanñi iwñji welen qem wanñimakzawi, yanñon mönö miangö dop ni Ölöwak Buña nupkö bauköm niñgiba malök. ²³ Miangöra Rom gawman yeñon nöngö keu denöwö ak niñgibingö jöhömei, mi mötagun mönö ölöp Timoti melaibiga zilañ engöreñ kamapakö jörömqöröm akzal. ²⁴ Nanak mewöñanök Kembubuk kinda nalö kude köriiga engöreñ kamangö awösamkakak mewö möt narizal.

Epafroditus melaibiga Filipai engöreñ kama.

²⁵ Nöñon yuai jaruba osiba malbiga eñon neñakni Epafroditus melaigetka kaba nanğöba bauköm niñgiyök. Yanñon nöngö qöhöröñne nup memba bim qeba malökmö, toroqeba jöhöm wanñibilenak, mianñon qahö dop kölbawak. Mewö mötmöröba urumelenj alani i nalö kewöñeyök melaibiga engöreñ lilingöba kama. ²⁶ Yanñon körek inini engekeñangö kapan köla malja. Kawöl yöhöi ahöyöhi, inini keu mi mötket engöreñ lömböröiga möta miangöra urueret malja. ²⁷ Yanñon öñña kawölbuk ahöba kömupkö jitñe ahöyökmö, Anutunöñ ak kömum wanñiiga ölöwahök. Anutunöñ Epafroditus iyök qahö ak

* 2:15: Dut 32.5

kömum wanɣiyökmö, ni mewöyök nehoriba mem amqem niɣiyök. Yañon kömumbawak ewö, nõngö wösöbiriknan mönö sehii qaknõj qaknõj õngöi malbilenjak.

²⁸ Injini Epafroditus eka kunbuk sõngaigetka nõngö wösöbiriknan mewöyök amqemapkörä mötzal. Mianğöra nalö kewõñeyök zilañ melaibiga engõreñ kama. ²⁹ Injini Kembugö ambazipkörä õnõñi qahö sõngaimakzei, sösõngai mianğö qakñe mönö yañon kaiga kõi öröm wangime aka nup meme ambazip mewõñi mi mönö göda qem engiba malme. ³⁰ Yañon Kraistkö nupkörä aka kömupkö jittneyök õngöba kömum taköyök. Injini ni nanğöba baukõm niñgibingö mötketmö, mi osigeranğöra yañon engö salupñine mewö ak niñgimamğöra kaba malmalñi mosöta ayuhum taköyök. Mewö.

3

Solanñi akingö kõna õlñi mi kewö:

¹ O urumelenɣ alaurupni, keu kötñi kewö toroqeba jimam: Mönö Kembubuk qekõtahöba sõngaiba malme. Keu mi dumñe kunbuk ohom engimamğöra qahö õlan nõhöza. Ambazip tosatñan tilipkõm engibepüköra mi ohom engibiga õlöp dop kõlja. ² Zioz nup meme ambazip hõlõñi yenğöra mönö galõmñini memba malme. Yenñon urumelenğö kopa ambazip sutñine liliköba uruñini kuñguba kewö jimakze, “Anutugö buñañi akñegöra mönö aiwesõkñi silenine yandime.” Mewö kapañ kõla keuyök jiba kiam ewö kohop kõla “Kõnagesö walñi akzin,” jiba õne tõhõn jimakze.

³ Yenñon Anutugö jeje qahö diñgize. Silenine aiwesök miyök yandim engigetmö, õlñan mönö nenğoreñ kewö asuhuyök: Anutugö Buña keuñan urunini mesinõhi, nenñon mönö yanğö urumelenɣ kõnagesö õlbõlñi aka maljin. Anutugö qetñe silenine aiwesök al nenğigeri, nenñon mianğö qakñe qahö kinda tõnguba möt narimakzinmö, Kraist Jisõsnõñ amöt qem nenğiyõhi, mianğöra mönö silenini mem õngõmakzin. Anutugö Uña Tõrõñan inahõm nenğiiga amqeba Anutugö waikñi memba möpõseimakzin.

⁴ Tosatñan sileninañğö yuainõñ tõnguba Anutugö buñañi akingö möt narizei, nõñõn mönö i engongitzal. Mianğöra õlõpñanök korua ewö tererenğöba gingini memba wahöta aiwelikõbilenjak. ⁵ *Nõngö akõdamuni kewö: Nõñõn Israel ambazip kambu uruñe jittmememe kun akzal. Isik bõmöni qetñi Benjamin. Iwinamni Hibur ambaziwa. Nõñõn yetkõreñök ahuba Hibur azi õlñi akzal. Asuhuba ahõbiga wehõn 8 aiga mianğoreñ sileni yandiget. Farisi aka malalanğöra Mosesğoreñ Kõna keu mi tõrörök wuatangõmamğö kapañ kõla malal. ⁶ Farisi mala urunan uturungöba kõnõwiiga urumelenɣ kõnagesö mi õlña sesewerowero ak engiba malal. Mosesğoreñ Kõna keu tem kõla wuatangöba diñdiñi akinak ewö, nõñõn mönö mianğö dop köpõsihitkö keuñi qahö solanñi malal.

⁷ Yuai mi mötpi õngõgiga mianğoreñ tõnguba möt nariba malalmö, uruni melenɣa mi pakpak mosöta zuen jizal. Nalö kewõñe Kraistnõñ amöt qem niñgii letoralı, mianğöra mönö mötpi õngõmakza. ⁸ Kembuni Kraist Jisõs möt kutuba oyaenğoyaen akñami, mi möt kewõtpiga bohõnñi õngõngõñi ewö akza. Mianğöra malmalni walñanğö akõdamun yuaini pakpak mi Kraist toroqeba mianğoreñ mosöta zuen jizal. Kraist miwikñaiba nõngõreñ yuai pakpak mi mötpiga nesak irip tõhõn ewö aiga qepureiba andõne gilal.

* 3:5: Apo 23.6; 26.5; Rom 11.1, 6; Apo 8.3; 22.4; 26.9-11

⁹ Tosatjan “Mosesgörej Köna keu tem köl teköba mewö mianjon naninak diñdijni akin,” jizemö, nõjon dop miangörej solanji kunbuk qahö maljal. Nalö kewöje Kraist möt naribiga Anutunöj mewö mianjon keuni jim teköi solaniba maljal. Mötnarip qakje malbiga Anutunöj ak kömum niñgiba jim kutuiga singisöndoknanjö keujan kömuiga maljal. Kraistpuk qekötahöba kinda malbiga Anutunöj nõngö könañamni mewö miwikñajmapköra kapan kölakzal.

¹⁰ Nõjon Kraist kewö möt kutumangöra kapan kölakzal: Sihimbölo möröhanjörej yambuk toroqemangö jöjörözal. Sihimbölo möta kömuyöhi, nõjon tandök miyöhök kömumba mewö mianjon yanjö tandök ewö akñamgö jöjörözal. Kömumba wahöröhi, yanjö ösumnji mianjon mönö tilimgöni niñgiiga köhöimangö mötzal. ¹¹ Kömumbiga Anutunöj mem gulim niñgii kömupnöhök wahötmangö jörömqöröm akzal. Mewö.

Mönö aonjitnöj kapan köla tohotnöj anme.

¹² Nanangöra kewö qahö jizal, “Anutunöj tohot alöhi, miangörej lök kanjuta urumelenjö aködamunji pakpak miwikñaiba maljal.” Mewö qahö aka maljalmö, Kraist Jisösnöj luhut ala nõmeyöhanjöra mönö oyaenköyaenji buña qem anjumangöra kapan kölakzal.

¹³ O urumelenj alaurupni, Anutugö tohot miangörej qahö anjot teközali, mi mötjal. Mohot kewöya möta ahakzal: Yuai köteköba andö qeali, mi ölum nuñguiga Anutunöj yuai mesoholne ali ahözawi, mönö miangörej göröken ösumnan anmamgö awöwengömakzal. ¹⁴ Anutunöj euyangörej öngömangö nohola tohotji mewö al niñgiyök. Mianjöra Kraist Jisösnöj amöt qem niñgiyöhanjöra nõjon esapesapnöj köhöiba luhut ala Anutugö tohotnöj anjotpiga yanjon ila jalö nõröjne köl niñgima. Mi memangöra awöwengöba tohot miangörej göröken diñdijanök uraköba ösumni qezaköba kinjingömakzal.

¹⁵ Mianjöra urugö aködamuninambuk akzini, Anutunöj nini körek mötmöt mohotkö qakje Kraist möt kutuba malbingö mötza. Keu kungöra mötmöt imbi murütji kun ahöm engibawak ewö, Anutunöj mönö keu mianjöra denöwö mötketka dop köljawi, mi mewöyök jim indel engima. ¹⁶ Mewö qahöpmö, engörej waimanjat bohonji mi kewö aiga dop kölma: Nini nalö köröñji me töröñji urunini melenja Anutugö könanöj mala korini, mönö ahakmemegö köna mohot miyök toroqeba aninga dop kölma.

¹⁷ *O urumelenj alaurupni, nõjon ahakmemeni ahakzali, injini mönö ni neka nõngö silikni mi wuatangöba malme. Nejon silik ölöñji kondel engiinga tosatjan miangö dop tiba öröm engimakzei, injini mönö yengörej uba engek kutuba malme. ¹⁸ Ambazip kelenmalelenj yenön ahakmemeninan Kraist kerök ak wangiba nanjni imbi-imbi laj malje. Maripomnöj kömuyöhi, miangö könanji tim koyonjaniba malje. Keu mi nalö gwötpuk janjun akepuköra jibi mötketmö, nalö kewöje mi sahöta imbilni eriga jizal.

¹⁹ Silenjanangö sihim kömbönanjini bölöñan bemñini akza. Yuai gamunambuk ahakzei, mianjöra mötket öngöiga aködamunñina aiga söngöröqök akze. Urumötmötñini gölmegö yuainöj jöhögetka gwaröhöm engii laj mala teteköje könöp sianöj geme. ²⁰ Yenön emu gememö, tosatji nengö mindimindiri tohotnini mi Suepnöj eu ahöza. Gölmenöj kiannji aka kusukñanök mala Kembu Jisös Kraist Amötqeqe Toninan kunbuk asuhuba nenñuanjitmapköra mambörakzin. ²¹ Yanjon nengörej gölme silenini etqeqenji ki melenñiga nanji Suep sile asakmararanambukö tandök akña. Kukösum mewöñji mi Kraist

* 3:17: 1 Kor 4.16; 11.1

ahöm wanğiza. Yanğon kukösum mewöñi mianğon ambazip aka gölme Suepkö öröyuai pakpak mi ölop köhöiba memba et al nenğiiga yangö nembö bapņe aninga galöm köl nenğiiga malbin. Mewö.

4

Qambaņ keu tosatņi

¹ O wölböt alaurupni, mewö asuhumapköra Kembunöñ mönö bauköm enğiiga böñ qeba köhöiba kinme. Nöñon enğöra ak ninggiiga enğekņamğöra kapan kölakzal. Injini sösöñgai ak ningiget. Sutņine nup mealanğö öñņi asuhui kondelgetka Anutunöñ mianğö töwa nenğimawi, mianğöra mönö sönğöröqök aka sönğaimakzal.

² Jitņememe ambi yahöt Yuodia Sintike, etkön jula anğururuk aka maljahot, mewö möräl. Mianğöra nöñon uruñjiri kewö kuņğuzal: Injiri Kembubuk mohot kinjahot, mianğöra mönö urumohot aka malmahot. ³ O neņakni öñņi, nupkö könjilij mohotņe bisiba maliri, gi mewöyök kewö qesim gihizal: Ambi yahöt mietskön urumohot akņajahotköra mönö bauköm etkiman. Yetkön nömbuk Ölöwak Buņa köhöiba sehimapköra bim qeba malohot. Yetkön Klemen aka neņakurupni tosatņi yenğö qöhöröñine mohotņe bim qeba malohot. Tosatņi yenğö qetņini mi malmal köhöikņanğö buk papianöñ eu ahöza.

⁴ Nalö dop mönö Kembubuk kinda sönğaiiba malme. Sönğaiime! keu mi dumņe kunbuk jizal.

⁵ Injini mönö kuņbönjönjön qakņe ambazip ak enğigetka körekņan tandökņini mi mötme. Kembunöñ lök kamangö dopdowiza. ⁶ Yuai kungöra mönö könjilij kude möta malmemö, yuai pakpak mianğöreñ qeqesinini mönö Anutugöra jigetka mötma. Mewö me mewö asuhumawi, mönö Anutu köuluköba uleta saiwap jiba malme. ⁷ Anutunöñ uruluai enğizawi, nini mianğö könanji möt kutubingö osimakzin. Mi mötkutukutunini pakpak oņgita qainņi kun akza. Kraist Jisösbuk kingetka Anutunöñ mönö uruñjini aka keu mötmötņini sel jöhöba kölközizip mem enğiiga malme.

⁸ O urumelenj alaurupni, keuni jim tekömangö aka qambaņ keu kewö jizal: Anğöjörak keu kude mötmörimemö, yuai pakpak göda qeinga aködamanņambuk akzawi, uruñjini mönö mianğöreñ jöhöba malme. Keu öñņi, keu diñđinji aka sarakņi mia mönö mötmöriba malme. Keu ehöehölöñņi sihimninan mörakzini, mianğon mönö uruñjini kokolak qeiga kinme. Keu ewebibinambuk möpömpösei ahumawangö dop akzawi, uruñjini mönö mianğöreñ qekötahöba malme. ⁹ Nöñğö ahakmemeni eka Buņa keuni möta uru könömņine ala buņa qem anğugeri, injini mönö mi köl guliba aka memba malme. Mewö malgetka luai Tonji Anutu yanğon embuk kinma. Mewö.

Polnöñ Filipai yenğö kalemņinañğöra saiwap jiza.

¹⁰ Nöñon Kembubuk qekötahöba kinda enğöra uruölöwak ketanji mötzal. Injini mutuhök ni köyan köla monen ningibingö sihim möta malgetmö, denöwö akingö köna jaruba osiget. Nalö köröpņi osiba malgetka Kembunöñ nalö kewöñe uruñjini mem guliiga amqeba kunbuk bauköm ningiget. ¹¹ Silenanğö lömbötnöñ tata osibilenak, mianğöra keu ki qahö jizal. Nönğöreñ yuai ahözawi, nöñon mönö miambuk uruluainöñ böñjönj malmamğö mötzal. ¹² Ni jaram tiba luainöñ malal aka malmal pomņi siyonșayonņi qahö mala luainöñ malal. Miri dop nalö dop uruni böñjönj köli malmamğö mötzal. Nem timbirenj akilenak me bödi (buörö) tatpileņak, mianğöra mönö uruni qahö memba et

al angumakzal. Yuaini kelenmaleleŋ me boromŋi ahöm niŋgibawak, mi muat. Mönö ölöp bönjöŋ malmam. ¹³ I me wai kun asuhubawak, Kraistnöŋ mem köhöim niŋgiiga yuai kunŋan kun mönö qahö memba et al niŋgiiga ölöp malmam.

¹⁴ Töndup köŋjiliŋni miangö uruŋeyök alabauk aka mem amqem niŋgigetka dop kölöc. ¹⁵ *Filipai iŋini mewöyök nöŋgö könani möt kömuze. Nöŋön könahiba liliköba Ölöwak Buŋa nup memba embuk Masedonia prowinsnöŋ mala engömosörali, nalö miangöreŋök könahiba mötnariŋ könaŋesö tosatŋan ni silegö yuaiŋinan qahö naŋgöm niŋgiget. Nöŋön urugö Buŋa engibiga buŋa qem angugetmö, silegö likepŋi kun qahö meleni niŋgiget. Filipai urumeleni könaŋesö iŋini mohotŋan mönö nömbuk jöhöjöhö aka malmalni naŋgögetka naluk moneniŋi buŋa qem anguba malal.

¹⁶ Nöŋön yuaigöra osiba malali, iŋini mi nöŋgöra algetka Tesalonaika sitinöŋ kayök. Indim mohot qahöpmö, indim yahöt silenangö yuaigöra osiali, mi algetka nöŋgöreŋ kayök. ¹⁷ Engö inap kalemŋinanangöra köpösöŋgöbilenak, miangöra keu ki qahö ohozal. Anutunöŋ engö alabaukŋinanangö likepŋi meleni engimakŋawi, nöŋön mönö öljä mi engöreŋ sehimapköra mötzal. ¹⁸ *Enjön nalö kewöŋe yuai algeri, mi buŋa qem anguba nöŋgöreŋ yuai pakpak mi-anjön mönö dopni onŋita gwötpuk ahöm niŋgiza. Epafroditus yanjön engö alabauk kalemŋini memba kaba niŋgiiga möriammbuk aka maljal. Iŋini naluk kötinŋini algetka yanjön memba kayöhi, Anutunöŋ miangö sihimŋi möri ölöp dop kölja. Anutunöŋ engö nalukŋini möt angön köli wöronŋi ölöpŋi umköhöwakŋambuk aka yangö jeŋe pukpuköiga söŋgaimakza.

¹⁹ Nöŋgö Anutunan töhötmöriam pakpakö Toŋi akza. Yangö köweŋe yuai pakpak mi teteköŋi qahö ahöza. Miangöra iŋini Kraist Jisösbuk qekötahöba kinda yuaigöra osizei, mi pakpak mönö ahöm wanŋizawangö dop engimakŋa. ²⁰ Miangöra Anutu Iwinini mönö nalö dop möpöseimakin. Mewö ahinga Anutugö qetbuŋan nalö teteköŋi qahö sehimakŋa. Keu mi öljä.

Yaizöczök teteköŋi

²¹ Nöŋön yaizöczökni alaurup sarakŋi Kraist Jisösbuk mohot kinjei, körek engöra albi kaza. Neŋakurup nömbuk ki maljei, yeŋön yaizöczökŋini algetka engöreŋ kaza. ²² Anutugöreŋ ambazip sarakŋi tosatŋi pakpak ki maljei, yeŋön yaizöczökŋini algetka engöreŋ kaza. Yeŋgöreŋök tosatŋan sisa kingö jakömbuak mire nup memakzei, yeŋön mönö mewö möta kapan köla jize.

²³ Kambu Jisös Kraistkö kalem möriamŋan mönö embuk ahöm öŋgöba uŋaŋjini kötuetkömakŋa.

Kolosi Kimbi Polnõη Kolosi yeηgõra Kimbi alõk. Jim-asa-asari

Kolosi mi Eisia prowinsgõ taon kun. Mi Efesus siti miangõreηjõk wehõn kotkotje görõken ahõyõk. Polnõη Kolosi nalõ kungen qahõ anõkmõ, Eisiagõ siti ketanji Efesus miangõreη yambu karõbut Buηa nup memba Kolosi yeηgõra mewõηanõk waimanjatηji mõta malõk. Kõnanηep Kolosi tosatηjan uruηjini melenget (1.7; Apo 19.10). Polnõη Rom sitigõ kõsõ mire tariga nenakηji Epafraſas yaηõn Kolosi urumelenη kambugõ buzup keuηji memba yaηgõreη kayõk. (1.7-8) Kõsohotηjini tosatηji mi õlõpηji aketmõ, Kolosi miangõreη bõhi takapulakanji tok malget.

Bõhi mienõn ambazip kewõ kusum sohom enjimalget: “Urumelenη kõnagesõ enõn Anutu waikηji memingõ kõna keu kõnanji kõnanji mi õlõp wuatangõme. Enjõn õlõp uruηjini memba et ala silenji qeba sihibõlõ mõtme.” (2.16, 20-21, 23) Toroqeba kewõ jim kutum enjiget, “Mõt narip enjõn mõnõ simin kõla garata waikηjini memba malme.” (2.18) Jisõs mewõyõk mem et al wangiba kewõ jiget, “I Anutugõ Nahõnηji qahõpmõ, garata bohõnηji kun.” Mewõ jiba kewõ toroqet, “Nenjõ keunini wuatangõmei, yeηõn mõnõ mõtmõt tõlapηji qainηji kun miwikηaime.”

Miangõra Polnõη Kimbi ki ohoba Kolosi urumelenη kambu kewõ kusum enjyõk, “Yuai pakpak mõnõ Jisõsgõ bapηje ahõiga yaηõn Anutu õl tõhõnηji aka (1.15-17) urumelenη kambu nenjõ Bohõnina malja.” (1.18) Toroqeba keu kewõ kondel enjyõk, “Kraist Jisõs mõt narigetka yaηõn Anutugõ mõtmõt aka mõtkutukutu tõlapηji õlõp kondel enjima. Anutugõ mõtmõtηji mi mõtmõt tosatηji pakpak onjita qainηji kun akza.” (2.2-3, 9-10) Polnõη mewõyõk urumelenη ambazip malmalηinanjõ jimkutukutu keu tosatηji ohoba al enjyõk. (3.1–4.1)

Buk kianjõ bahõnηi bohõnηi 4 mi kewõ:

Keu mutukηji 1.1-8

Kraistkõ malmalηi aka nupηji 1.9–2.19

Kraistpuk malmal dõlõkηji 2.20–4.6

Kimbigõ keu kõtηji bohõnηji 4.7-18

¹ Anutunõη Pol ni melaim ninjiga jitηangõ dop Kraist Jisõsgõ aposol akzal. Urumelenη alanini Timoti yaηõn nõmbuk tatza.

² O urumelenη alaurupnini sarakηji Kolosi taonõη mala Kraistpuk qekõtahõgetka mõtnaripηinan qahõ sõrauiga zeη kinjei, nõhõn embuk keu eraum mõtpingõra kimbi ki ohozal. Anutu Iwininan mõnõ kalem mõriam enjiga luainõη malme.

Enjõra Anutu mõpõseiba kõulukõmakzin.

³⁻⁴ Injini Kraist Jisõs põndanη mõt nariba ambazip sarakηji pakpak uru kõnõmηinan jõpakõmi enjimakzei, miangõ keu buzupηji jiget mõrin. Miangõra engõra kõulukõmakzin, miangõreη mõnõ nalõ dop Anutu, Kembunini Jisõs Kraistkõ Iwinjini mõpõseimakin. ⁵ Õlõwak Buηagõ keu õlηan mutuk engõreη kaiga jigetka jõrõmqõrõmninanjõ kõnanji lõk mõta mõt asariget. Mõt asariba Anutunõη engõra yuai ali Suep mire kahaimõk ahõzawi, injini mi buηa qem anjubingõ al mambõta jõrõmqõrõm akze. Jõrõmqõrõm miangõn nam kõl enjiga

amqeba Anutu möt nariba uru jöpaköm anquba maljei, mönö miangöra möpöseim wanjimakzin.

⁶ Ölöwak Buja keu miangön sehiba gölmenji gölmenji dop köla öljambuk aka qarimakza. Miangö dop engörenj kaiga injini Anutugö kalem möriamjangö könanji ölnji möta möt asariget. Mi mutuhök möt asarigeri, wehön miangörenjök könahiba engö sutnjine mewöjanök öljambuk aka kötuetsköm engimakza. ⁷ *Wölböt nejaknini Epafras yanön Kolosi engöra Ölöwak Buja mi kusum engiiga mötket. Epafras yanön nenjö salupnine kinda Kraistkö nupnji pöndañ kapañ köla memakza. ⁸ Uña Töröñan sölölohöm engiiga jöpaköm anqumakzei, Epafrasnöñ engö könanjamnjini mewö eka nini jii mörin.

⁹ Miangöra buzup keu mi mörini, nenjön mewöyök nalö miangörenjök könahiba engöra Anutu köuluköba mala kotzin. Enjön Anutugö jitsihitnji möt yakögetka mötmöt miangön urunjini kokolak qemapköra ulet wanjimakzin. Miangön kokolak qem engiiga Uña Töröñan mönö sölölohöba mötmöt engimakña. Mewö miangön mönö ölop Anutugö sihimnji pakpak diñdiñanök möt kutuba malme.

¹⁰ Engöra kewö köulukömakzin: Mötkutukutu miangön nam köl engiiga mewö ölop malmalnjini Kembangö jeñe dop kölmawangö dop malme. Jitsihitnji ahözawangö dop ahakmemenjini pakpak aka memba malme. Mewö ölop nup ölopñi könanji könanji pöndañ megetka miangö ölnji asuhumakña. Mötkutukutunjni mewö köl guligetka ölop köhöimakñe aka Anutugö könanji toroqeba möt yaköm soroköba malme.

¹¹ Anutugö kukösumnji mi aködamanjambuk. Miangö dop nanñi ösummumunji pakpak al engiiga engualönda mem köhöim engimakñapköra köulukömakzin. Anutonöñ mewö mem köhöim engiiga ölop köhöiba nalö dop kapañ köla uruböñjörnöñ kinda lömböt möta mökösoñda söñgaiba malme. ¹² Söñgaiba mala Iwigö saiwap jiba malmegöra köulukömakzal. Iwininan alaurupñi sarakñi nenjöra buja yuainji arengöba ali asakmararanjangö uruñe ahöza. Yanön injini mewöyök letotqetot mem engiiga bujanji mi buja qem angumeangö dop akze.

¹³ Pandamanöñ galöm köl nenjyöhi, Iwinöñ miangörenjök meköba nenjuañgita kaba wölböt Nahönñangö bemtohoñ uruñe al nenjyök.

¹⁴ *Nahönñi yanön sohoppnini memba siñgisöndoknini sanjoñda mosötmapkö mörakza. Miangöra mönö saiwap jim wanjimakzin. Keu mi ölnja.

Kraistnöñ yuai pakpakö könanji aka bohönñi akza.

¹⁵ Kraistnöñ Anutu qahö ehakñi yangö imutnji akza. Möpñangö möpñe malmal pakpak qahö asuhuiga Kraistnöñ mönö mutuhök Iwiñambuk azi bohönña malök. Mewö Iwi Anutu bauköm wanjiiga öröyuai pakpak miwikñaim engiyotka ahuget.

¹⁶ Nahönñan Anutu bauköm wanjiiga öröyuai pakpak miwikñaim engiyohot. Yuai tosatñi Suep mirigö jakenji jakenji miangörenj ahögetka qahö engehakzini aka yuai tosatñi gölmenöñ ahögetka engehakzini, mi Kraistnöñ jiiga letotket. Yuai pakpak mi galöm köl engimegöra uña suahö galömñi galömñi miwikñaim engiiga Suep gölme sutnjire jakömbuakñine kinda jimkutukutunjni alakze. Yenjö nemböñine pom jembonñini öngöñgöñi eretnji mi al engiiga jakenjine kukösumñinambuk kinda tosatñi kumbu ak engimakze. Nahönñan yuai pakpak

asuhumapkö bömön jalöñji aiga Anutunöñ miwikñaim enjyöhi, mi mönö Kraist aködamun miwikñaim wañgimegöra al enjii ahöze.

17 Kraistnöñ mutuhök maligun öroyuai pakpak miangö andöñe asuhuget. Yañön mönö yuai pakpak mindiriba nam köl enjiiga kutulangöba yangörenj töndangöba kinje. 18 *Kraistnöñ bömön jalönini akza. Öroyuai pakpak nenjö örom nenjenengi bohonina aka malmapköra kömupnöhök wahörök. Kömugeri, yengö sutñineyök jittjememenjina aka guliba wahörök. Mewö mutukñamnini aiga nini könagesö walñangö zioz döläk-kunñi asuhuba kinjin. Miangöra urugö, silögö, yuai pakpakö nörop bohonini aiga urumelenj könagesö nenñon yangö öl kembangan akzin.

19 Anutunöñ Nahönñi nanñangö dop köröndöñ aka malmapkö möt teköi dop köläk. Miangöra nanñi mötmötñi aka aködamun yuaiñi pakpak mi körek pakpak Kraistpuk qekötahöba kinjawangöra körö-ölöwak möta malja.

20 *Öroyuai pakpak gölmenöñ aka Suepnöñ Anutubuk kazik ahakzei, Anutunöñ mi pakpak töwanjini ala enjuangiriga nanñambuk qekötahöba urumohot akñegöra möta kewö jim teköi dop köläk, “Mönö nani Nahöni melaibi geba maripomnöñ kömumba sepñi mokoba luaigö nam köli asuhuma.”

21 Injini mewöyök mutuk ahakmemenjini bölöñi ahöyöhangöra aka urujinan Anutubuk urumohot qahö aka kerök möt wañgiba tikep malget. 22 Mutuk mewö malgetmö, nalö kewöñe Anutunöñ nanñambuk urumohot aka kinmegöra Nahönñi melaiga gölme silebuk kömumba köl könjörat mem enjyök. Mewö kingetka qewölonjini sanjonña mala enjuangita nanñi jenje sarakñi köpösihitkö keunñi qahö al enjii angotmegöra al mamböta jörömqöröm ahakze.

23 Jörömqöröm ahakzemö, mala anjanbanjan köla et enjgubapaköra mönö Kraist pöndañ möt nariba kinme. Anutunöñ Ölöwak Buñajan tandö kuñguyöhi, injini miangö keunñi mötket. Urujanan miangörenj nangöba töndangöba kin köhöiba malme ewö, mönö oyaenjkoyaeñ akñe. Nini Ölöwak Buñaji mi jim sehimakzin. Anutunöñ ambazip miwikñaim enjiiga Suep bapñe mal anjei, yengö sutñine mi liliköba jim asariba maljin. Pol nöñon mewöyök Ölöwak Buñagö nupñi mi memba maljal. Mewö.

Polnöñ zioz kambugö nup denöwö memba malök?

24 Kraistkö ölnji mi urumelenj könagesö nenñon akzin. Kraistnöñ nenjöra aka könjiliñ möriga kitipñi ahöba urumelenj könagesö qaknine öngömakzawi, mia Kraistkö ölnji bauköm enjgimangöra aka silenana meköba möta malakzal. Mewö aiga engöra aka sihimbölo möta malali, miangöra nalö kewöñe söngaimakzal.

25 Anutunöñ kuñgum ninjiiga urumelenj könagesöñi könagesöñi welennjini qeba nup memba maljal. Anutunöñ kalem möriamñi ambazip mendenj nenjgimangö arenj alöhi, miangö dop Buñaja keunñi körek jim sehim tekömamgöra jiyök. Enñon ölöwaka köhöimegöra nup al ninjiyök. 26 Anutunöñ Buñaja keu mi möpñangö möpñeyök asamböriga ambazip julkösöñ aka kömugetka gwölönarökñi wahöta kömugetka mewö mewö aka mala kota tönpin malget. Malgetka nalöñi nalöñi tölapñe ahöyökmö, nalö kewöñe könagesöñi könagesöñi sarakñi nenjöra indel nenjiiga mötzin.

27 Anutunöñ kalem möriamñangö arenj kewö jiba ali ahöza, “Nöñon keuni tölapñi mi nani könagesöurupni engöra indelbi mötmegöra mötzal. Yenñon mi

möt yaköba anda jim sehigetka Buñani tölöpñangö aködamunñan mönö kian kantrinji kantrinji yengö sutñine qariba qetbuñañambuk akña.” Keu kötñi tölöpñi mi kewö: Kraistnöh engö uruñine malja ewö, mönö asakmararane añgotpingö jörömqörömñi al engimakña.

²⁸ Neñon Anutugö arenj miangö dop Kraistkö kónañi ambazip pakpak engöra jim asariba maljin. Yeñon körek Kraistpuk qekötahöba kin köhöiba aködamunñinambuk akñegöra kusum engimakzin. Mewö enguanñiringa Anutugö jemesoholñe añgotmegöra mötzin. Miangöra mötkutukutunini pakpak qezaköba qambañ keuñi keuñi engimakzin. ²⁹ Nöhön miangöra aum-mörimakzal. Kraistnöh kukösumñangö qakñe sölölohöba inahöm ningimakzawi, nöñon mönö miangö dop bim qeba malakzal. Mewö.

2

Polnöh Kolosi yengöra waimañjat mörök.

¹ Nöhön Kolosi engöra aka bim qeba maljal. Mewöyök Laodisia sitinöh maljei aka urumelenj alaurup tosatñan silenangö jemesoholñi qahö nekeri, mönö körek yengöra köuluköba gwötpuk aum-mörimakzal. Nöhön inini miangö kónañi mötmegöra mötzal.

² Kewö köulukömakzal: Anutu, gi mönö uruñini nangöm enginöhga öröröh jöhöba jöpaköm anguba mohotñe urugö aködamunñini pakpak miwikñaime. Mi miwikñaiba ölop köhöiba yuai pakpak möt kutum teköme. Mewö aka ölop Anutugö Buña tölöpñi, Kraistkö kónañi mi körek möt asarim teköme.

³ Anutunöh mötmötñi aka mötkutukutuñi mi körek Kraistköreñ ala asamböriğa ahöza. Anutu mötkutukutuñangö köwenji mi guli dötnam ewö köwe tölöpñe ahöiga Kraistnöh miangö kinji moröhji akza. Kraist tem köla mewö mianñon ölop mötkutukutuñi miwikñaibin.

⁴ Kunñan mondoqondoronj ala kelök keu jiba uruñini kuñguba tilipköm engibapüköra Kraistköra keu mi jizal. ⁵ Silenan engö kösutñine qahö maljalmo, urumötmötñan mönö embuk kinja. Inini köhöiba Kraist möt nariba tem köla sutñine arenjanangö dop böñjöh maljei, engöra mewö möta mötmöriğa söngaimakzal. Mewö.

Gölmeğö mötmötñan jöhöm engibapükö galöm meme keu

⁶ Miangöra inini Kraist Jisös möt angön kölgetka Kembuñini aka kinjawi, mönö yambuk qekötahömakzeangö dop ahakmemeñini aka memba malme.

⁷ Keu kusum engigeri, miangö dop mönö kesötñini Kraistköreñ möndömgöba mendawöla yambuk qekötahöba kinda uruñini nangöm anguba mötnaripkö köhöhöñi toroqeba miwikñaiba malme. Saiwapñini mönö o saksaköba erakwawangö dop jiba möpöseiba malme.

⁸ Ambösakon yeñon gölmeğö mötkutukutu kusum engigetka köna walñi miwikñaiba tosatñan mi wuatangömakze. Mewöyök bem suahö galöm Suep gölme sutñire mala mietkö öryuainjiri pakpak galöm köl engimakzei, tosatñan Kraist onğita yengöreñ qekötahöba keu kusum engimakze. Mewö ahakzei, yengöreñök kunñan engömemba tilipqilip omanji miangö kösöñan jöhöm engiğa eta böhi miengö buñaya akepak.

⁹ Anutugö mötmötñi aka aködamun yuainji pakpak mi körekmakörek Kraistköreñ ahöiga gölme sile memba asuhuyök. Miangöra böhi takapulakanji mewöhji yengöra mönö galömnini mem anguba malme. ¹⁰ Kraistnöh unja suahö galöm aka pom jembon pakpak miengö nörop bohonnini akza. Kraistpuk

qekötahögetka yañön Anutugö mötmötñi aka aködamun yuainji pakpak mi ölop dopñine engiiga malje.

11 Mewö mala Kraistpuk qekötahögetka yañön aiwesökñi ölnji mi engören mewöyök yandim engiiga malje. Aiwesök mi börönöñ silenine yandimakzeañgö dop qahöpmö, Kraistnöñ sile yandiyandi qainñi kun ak engiyök. Mi kewö: Yañön silegö ahakmeme walñan galöm köl engibapuköra mönö sihim kömbönañini bölöñi jöhöiga malje. 12 *Kraistkö qamötñi lömnöñ algeri, engö uru walñan mönö mewö tandöktandök kömumba o melun miangören kömup lömnöñ geyök. Mewö geyökmö, Anutunöñ Kraist mem guliiga kömupnöhök wahöröhi, yañgö kukösumñan mönö injini mewöñanök inahöba o melun miangören nam köl engiiga guliget. Injini Anutugö kukösumñi mi möt angön köla möt narim wañgigerañgöra aka Kraistkö qöhöröñe guliba köhöiba malje.

13 *Mutuk kunöñ engö sihim kömbönañini bölöñi mi qahö jöhöiga uru walñinan galöm köl engiiga malget. Singisöndok akerañgöra aka uru köhömuñ malgetmö, Kraistpuk qekötahögetka Anutunöñ yañgö qöhöröñe mem gulim engiyök. Singisöndoknini mönö körek sanjoñ teköiga köhöiba maljin. 14 *Bölöñamnini aka miengö likepñangö jimkutukutunji mi Suep mire löpöt kimbinöñ ohogetka ahöyök. Kraistnöñ löpöt mi körek pakpak kutuba qeapköyök. Löpöt mianñön Anutubuk kinda andönine qeba tuarenjoñ ak nengiba ahöyöhi, yañön mi köteköba maripomnöñ kösököi teköyök.

15 Maripomnöñ kömumba bem suahö galöm aka uña pom Suep gölme sutñire öroyuai pakpak galöm kölakzei, Kraistnöñ miengö kukösumñini luak jaugem jitñi ewö qeapköba tölököba tözamgöm teköyök. Mewö kazikurupñi kösö gwarö memba gamu qem engiyök. Mewö aka enguanjita köirañ ala rendun köliga qenjarökñe kagetka luhut al engiyöhangö könañi mi aukñe asuhuiga eket.

16 *Kraistnöñ luhut al engiyöhi, miangöra injini mönö Kraistpuk kinda ewebibininaambuk saitingit malme. Mewö malgetka engö sutñine kunñan wani onji aka ölnji ohoba nemakzei, miangöra öne dönqizizin ala jim kutum engibapuk. Yambu (yara) dop kendon kömbukñi kun aka köiñ dop köiñ dölöknji kotzawañgö söñgaipñi mi alakze me qahö, miangöra öne jim bölim engibepuk. Sabat kendon mi Sondagienöñ me silim kunöñ tarakzei, miangöra öne mesoholñine qeba jim engibepuköra mönö galömnjini mem anguba malme. 17 Sonjo mewöñi miengöra mönö kezap kude alme. Mi söpsöp yuayök akze. Ölnjan dopdowiba imutñi gilakzawi, miangö dop ölnji mi Kraist. Nenegö me kendon tatatkö keunji mi Kraistkö söpsöpñi aka eretñi akza. Kraistnöñ lök kaiga mala öne köna söpsöpñi walñe qekötahöbepuk.

18 Tosatñi yengö sihimñini mi nanñini urunini memba et ala Suep garata waikñini memba bem ewö möpösem engibingöra ahöza. Mewöyök jerñini melenñi imutimutñini eka miengöra söngöröqök ahakze. Mewö nanñine gölmegegö mötmötñan kuñgum engiiga silenjini öne töhön memba öngöba tiwokmawok ahakze. Yengörenök kunñan tilipköm engiba Kraistkörenök utum engibapuk. Mewö mötnaripkö aonjitnöñ luhut qahö ala töwanjini qahö membepuk. Miangöra mönö galömnjini mem anguba malme. 19 *Yenñön Kraist nööröpnini akzawi, yambuk qekötahöba kinkinñini mosöta lan malje. Kraistnöñ nööröpnini aka nanñi ölnji körek nini galöm köl nengiiga ölop

* 2:12: Rom 6.4 * 2:13: Ef 2.1-5 * 2:14: Ef 2.15 * 2:16: Rom 14.1-6 * 2:19: Ef 4.16

mösölatim anguba maljin. Sihit toroqeqeñi aka ginimuramñi mienjôn mönô ölnjanğö köna böröurupñi mindiriba jöhöm nenjigetka kutulanğöba mohot akzin. Mewö aka Anutunöñ nam köl nenjimakzawanğö dop qarim köhöimakzin.

Kraistpuk kingetka gölmegö mötmötñan galöm ak enjibapuk.

²⁰ Injini Kraistköreñ qekötahögetka uru walñinan kömuiga bem suahö galöm yengö kösö gwarönöhök lök lolohoget. Mienjôn Suep gölme sutñire mala yuainjiri pakpak galöm köl enjimakzemö, injini qahö galöm köl enjigetka malje. Mianğöra böhi takapulakanjı mewöñan jimkutukutu lañ al enjimakzei, mi mönô wuanöñğöra öne wuatangömakze? Suepkö buñaya akzemö, töndup gölmegö keuya wuatangögetka siksauk ahakza.

²¹ Sonğonjini kewö alakze, “Mi kude gøjupköba meman. Kun mi kude yöhösöröman. Yuai mi kude misiriman.” ²² Gölme ambazipnöñ nanñini nöörpñinan mewö jim kutuba tosatñi kusum enjimakzemö, Anutunöñ mewö qahö. Yanjôn yuai pakpak mi lökñanök aka membingöra jüiga nupñini enjigetka qahöwakñegöra ali ahöze.

²³ Mi töndup tosatñan bem suahö galöm aka garata waikñini memba bem ewö möpöseim enjimegöra kapanj kölakze. Mi kapanj köla “Nanini urunini memba eta aljin,” jıba mianğöreñ möndöba silegö sihim kömbönañini bölöñan galöm köl enjibapuköra sonğonjı sonğonjı ala silenjini qeba qölsihim angumakze. Mewö aka jimkutukutunjini alakzei, mi mönô mötkutukutu qakñe alaljanğö tandök aiga gwötpukñan mi möta mötket öngömakza. Öngömakzapmö, mi töndup mewö silegö sihim kömbönañini bölöñi angön kölbingö osiba mi lañ wuatangömakze. Mianğöra jimkutukutunjini mienjôn mönô yuai omanjı kötökñi akze. Mewö.

3

Kraistnöñ malmal döläkñe malbingö ösumñi nenjimakza.

¹ *Kraistnöñ euyangöreñ öngöba Anutugö böröñi ölnjanğö jakömbuak jakenjı memba qetbuñanjambuk tatza. Anutunöñ Kraist mem gulim wanğiyöhi, mianğö tandök injini mewöyök mem gulim enjiiga köhömuñeyök wahöta malje. Mianğöra injini Suep mire eu öroyuai ahözawi, urunjini mönô mianğöreñ jöhöba malme.

² Gölmeğö öroyuaigöreñ qahöpmö, euyangöreñ öroyuai ahözawi, urunjini mönô mianğöreñ jöhöm köhöiba malme. ³ Engö urunjini walñan mönô kömuiga Anutugöreñ tönguba malje. Mewö Anutugö aumñe anda malmal köhöikñanğö könanjı miwikñaiget. Kraistnöñ Suep malmal tölapñe maljawı, engö urumal-malñinan mönô mianğö dop asa-asambötñe ahöza. Mianğöra urunjini mönô Kraistpuk jöhöba malme. ⁴ Kraist malmal köhöikñanğö Toninan kunbuk kaiga asakmararñan asuhumawi, nalö mianğöreñ injini mönô mewöyök asuhugetka enğuanğiriga yambuk Anutugö asakmararñe anğotme.

Uru walñi aka uru döläkñi awöranğözahot.

⁵ Gölmeğö sihim kömbönañini bölöñi könanjı könanjı mi urunjine kinda yayasenşejı mem enjimakzei, mienğö nöörpñini mönô körek tözamgöm teköme. Bau kiam tandök serowilin aka qewöloñ angöjörakñambuk mi mönô andö qeme. Urusilegö sihim kömbönañi bölöñi mi mosöta urukönöp bölöñi mi mönô qömbökögetka bököma. Yuai membagun membingö

* 3:1: Sum 110.1

nepaqepalok k p s ngg makzei, mian n tand  lopion waiknjini memba m p seim  ngizeang  tand kni akza. ⁶ Mi akerang ra aka Anutug  irimjan seholiiga urukazikni qaknjine ali  ngg makza.

⁷ Sihim k mb nanjini b l nji mew jan m n  mutuk nanjni malmalnini mew y k gal m k liga k na b l nji mi tiba wuatang ba maljema.

⁸ Mew  malgetm , nal  kew je injini mew y k yuai kew ni pakpak mi m n  gilget anma: Urusingok m ta uruk n pn nj jula  ngohoiga urunjan auba urub l  m tzm , mi uzeta gilget anma. Mew y k uruqege keu t h re j aka keu ang j raknjambuk jiba urunini t l hozei, mi m n  k rek and  qeba mos tme. ⁹ *Injini uru walni aka miang  ahakmeme ang j raknjambuk mi k tek ba mem k mumba malje ew , keu munenji m n  kude eraum m tme.

¹⁰ *Injini uru walni k tek ba kunbuk letota uru d l kni l ngg ta malje. Miwimiwiknjai Toninan nanji k nanji m t tek m wanjibing ra s ps p al hi, yan n m n  miang  dop uru d l kni mi letot wanjiiga toroqeba k l njaimakza. ¹¹ Miang ra nini Juda me kantri tosatnanj  ambazip maljini, mi m n  dop mohot akza. Anutug  aiwes kni silenine yandiget me qah , mi t ndup Anutug  jeje dop mohot akzin. Taon ambazip m tm tninambuk me qandam (bus kanaka) mala nanjni keunje irohwaroho jiba gukmaulem maljei, mi t ndup Kraistn j urunine kiniga mohot akzin. Nanini nupnini memakzin me toninanj  welenjini t wanji qah  qemakzini, mian n yuai korembenji akzapm ,  lb l ji mi Kraist. Yan n kutulang ba k rek nenjonjita  ng ba Kin Kembunini bohonnji mohot akza.

¹² *Anuton j m w l h m  ngiiga uru d l kni wuatang ba Anutug  w lb t alaurupni sarakni akze. Miang ra injini m n  sutjne ak k mumba ala ak anguba malme. Urunini memba et ala tosatni gunj nj nj j qakne ak  ngiba l mb t m ta m k s nda malme. Silik mian n m n  malukuinjini aiga k lget geiga mi t p memba malme.

¹³ *M n  lolong ba b l nanj  kitipni kude memem , m n  qaqaengim anguba malme. K yan k l angugetka sutjne keu k p sihit ahuiga kunjan alani jim wanjimang  m tzawi, mi m n  mos t angume. Kembun j sinjis ndoknjini sanjonja mos r hi, injini m n  sutjne mew nan k ak angumakne. ¹⁴ Mew  aka urukalemg  malukuinjini mi k lget geiga miang  qakne m n  urukalem aka j pak m angugetka qetpuk akna. Urukalem mian n m n  ak damun tosatni pakpak ra jizali, mi k yamg ba mindiriba bohonnina kinja.

¹⁵ Kraistn j injini luain j silemohot malmeg ra  ngohol k. Miang ra yang  luainan m n  urunine ah ba  l ppnanj  injup l kuatni ak  ngiiga urub nj nn j jim m p seip aka malme.

¹⁶ *Kraistk re j Buja keu mian n m n  urunine kinda sutjne gw tpuk asuhum sehima. M n  m tkutukutu keu pakpak jiba kusum anguba qamban qem angumakne. Uja T r nan s l l h m  ngimakzawanj  dop m n  Buja Linet Sumbara (Sam), m p m p sei linet (omsa) aka urug  linet tosatni mi uruk n mjanan Anutu m p seiba k lakne. ¹⁷ Ahakmeme mi me mi jitn j me silikn j aka memei, mi pakpak m n  Kembu Jis sg  qetne ahakne. Mew  aketka Kraistn j nam k l  ngiiga Iwi Anutu pipsimbawon jim wanjiba malme. Mew .

* 3:9: Ef4.22 * 3:10: Jen 1.26; Ef4.24 * 3:12: Ef4.2 * 3:13: Ef4.32 * 3:16: Ef5.19-20

Awanöm, iwinam aka welenqeqe engörej qambar keu

18 *Ambi injini mönö apurupñini yengö keu bapñe anda malme. Kembugö buñaya akzeangöra mönö mewö aketka dop kölma.

19 *Azi injini mönö anömurupñini urukalemnöñ jöpaköm engiba urupik wösökömbuk qakñe kude ak engiba malme.

20 *Nahönbörat injini Kembubuk qekötahöba kinda iwinamyahötnini yetkö jitñiri wuatangögetka Kembunöñ engehiga dop kölma. Miangöra injini mönö keunini jimeangö dop pakpak tem köl engiba malme.

21 *Iwiurup engö nahönbörataturupñinan awösamakakñjini mosötpepuköra mönö kude engum ureim ak engiba malme.

22 *Welenqeqe injini mönö gölme qakñe galömurupñini yengö keunini pakpak tem köla ahakñe. Köñdöwoñ aketka ambazipnöñ engek sorimegöra qahöpmö, genmoñ mosöta Kembugö jitñi ongitpinbukö sömbunini möta urujini nupnöñ ala memba malme. 23 Yua! aka memakñei, urujini mönö miangörej jöhöba kewö mötmörime: Gölme ambaziwök qahöpmö, Kembu nanñi mönö welen qeba malje.

24 *Kembu Kraist welenni qeba malgetka yañön töwanjini Suep mire ali ahözawi, mi mönö enjiiga buñanjini akña. Mönö mewö mötmöriba malme.

25 *Kunñan nupñi mem sohomawi, Anutunöñ mewöñanök mem sohosohonangö likepñi melen wangima. Anutunöñ tosatñi qahö engek soriba tosatñi qahö qepureim engimakzapmö, körek nini dop mohotnöñ kewöt nenjiba keunini jim teköma.

4

1 *Galömurup engörej Kembu ketanji mi Suep mire malja, mi möt kutzeangöra mönö welenqequeurupñini titit diñdijni aka dop mohot ak engiba malme. Mewö.

Goro qambar keu tosatñi

2 Köuluk nup mönö kapan köla memba malme. Miangörej mönö uruguliguli mala jim möpöseip aka malme. 3 Möpöseip akñei, miangörej mönö nenjö mohotñe kewö köuluköba malme, “Anutu, gi mönö Pol neñakurupñi köna mem enjinöñga ölop Kraistkö Buña keu tölapñi mi jim asarigetka sehima.” Nöñön mönö Buña nup miangöra aka kösö gwarönöñ tatzal. 4 Nöñön Buña keu Anutugö sihimñangö dop jibi asarimegöra mönö köulukñinan töngum niñgiba malme.

5 *Ambazip urumelen qahö aka yaigep maljei, i mönö mötkutukutu qakñe ak engiba malme. Urugö nup membängö köna kun ahumawi, nalö mi mönö kude mösöhöba ayuhumemö, ambazip qöhöröñine anda ösöñ qambar köl engime. 6 Keu eraum mötmei, mi mönö nalö dop howenambuk mindiriba jigetka nahömñambuk ahakña. Jigetka mohot mohot nahömñini ahuiga körek yengöra keu denöwö melen engime, mi mönö ölop möt yaköba miangö dop jimakñe. Mewö.

Polnöy Tikikus Onesimus melaim etkiiga kamahot.

7 *Wölböt alani Tikikus yañön Kembubuk qekötahöba kinda nömbuk nupñi törörök memba neñakni akza. Yañön engörej kaba denöwö aka malakzali,

* 3:18: Ef 5.22; 1 Pitö 3.1 * 3:19: Ef 5.25; 1 Pitö 3.7 * 3:20: Ef 6.1 * 3:21: Ef 6.4 * 3:22: Ef 6.5-8 * 3:25: Dut 10.17; Ef 6.9 * 4:1: Ef 6.9 * 4:5: Ef 5.16 * 4:7: Apo 20.4; 2 Tim 4.12; Ef 6.21-22

mianğö kösohotnji körek jii mötme. ⁸ Denöwö aka memba tata maljini, injini mönö kösohot mi mötmegöra melaim waŋgibiga engören kama. Yaŋön kaba ölop urukölalep ak engima. ⁹ *Mewöyök wölböt alanini Onesimus Kolosi engörenök kaba Kembangö keuji pöndaŋ wuatangöba mem yakömakzawi, nöŋön i melaibiga lilingöba kama. Azi yahöt mietkön kaba kiangören yuai pakpak denöwö asuhui maljini, mianğö kösohotnji ölop jim teköyohotka mötme. Mewö.

Yaizözkök keu teteköŋi

¹⁰ *Aristarkus nömbuk kösö mire tatzawi aka Barnabasgö numbutnji Mak yetkön yaizözkökŋiri jiba alohotka engören kaza. Maköra lök keuni kewö jim kutubiga mötket: Engören kaba kaŋgotma ewö, mönö ölop köl öröba ala ak waŋgime. ¹¹ Josua qetnji kun Jastus qetzei, yaŋön mewöyök yaizözkökŋi jiba ali engören kaza. Neŋakurupnan nömbuk Anutugö bemtohoŋaŋgö nup memba maljei, yeŋgö sutŋine azi karöbut mienjönök Juda asia malje. Yeŋön mönö urukölalep ak niŋgimalget.

¹² *Nanŋine azi Epafras Kraist Jisös welenni qemakzawi, yaŋön mönö yaizözkökŋi jiba aliga engören kaza. Yaŋön nalö dop engöra aka köulukömakza. Keu pakpak Anutugö jitŋaŋgö dop akzawi, injini mianğören töndangöba kin köhöiba aködamunŋinambuk aka malmegöra aum-mörimakza. ¹³ Nöŋön yaŋgö könaŋi möta kewö naŋgöba jizal: Yaŋön injini bauköm engimangöra nup gwötpuk memakza. Mewöyök Laodisia aka Hierapolis taon yahöt mianğören möt nariba maljei, yeŋgöra aka wani awamŋi nup memba aum-mörimakza.

¹⁴ *Wölböt doktanini Luk aka Demas yetkön mewöyök yaizözkökŋini jiba alohotka engören kaza.

¹⁵ Nöŋön yaizözkökŋini jiba ohozali, mi mönö urumelen alaurup Laodisia taonöŋ maljei, yeŋgöra jiget mötme. Mewöyök Nimfa aka yaŋgö mire könagesö tokomakzei, mönö yeŋgöra jiget mötme. ¹⁶ Kimbi ki oyoŋ engigetka mötket teköiga mianğö andöŋe mi mönö algetka Laodisia urumelen könagesö yeŋgören aniga oyoŋme. Laodisia yeŋgöra kimbi kun ohobiga anöhi, mi alget engören kaiga injini mi mewöyök oyoŋme. ¹⁷ Arkipus azi mi mönö kewö jigetka mötma, “Kembunöŋ Buŋa nup memangö jim kutuba köiputki tariga maljani, göŋön mönö mi mötmöriba körek mem teköman.”

¹⁸ Pol nöŋön yaizözkökŋi jiba nane börönan qetni kewö ohozal: Pol. Injini mönö kösö gwarö azi ni mötmörim niŋgiba malme. Kalem möriamnöŋ mönö embuk ahöma. Mewö.

* **4:9:** Flm 10-12 * **4:10:** Apo 19.29; 27.2; Flm 24; Apo 12.12, 25; 13.13; 15.37-39 * **4:12:** Kol 1.7; Flm 23 * **4:14:** 2 Tim 4.10, 11; Flm 24; Flm 2

Tesalonaika Kimbi 1

Polnöŋ Tesalonaika yeŋgöra Kimbi mutukŋi alök.

Jim-asa-asari

Rom mindimindiri kantrigö prowins qetŋi Masedonia miangö siti bohonŋi mi Tesalonaika. Polnöŋ misin nup memba liliköba Filipai siti mosöta Tesalonaika kaba nup meiga tosatŋan uruŋini melengetka kusum enggi urumelen kambu alget. Mi algetmö, tuarenöŋ mi mianggörenök asuhuyök. Polnöŋ Kraistkören Buŋa keu jim asariba uruŋini kunguiga mianggören Grik ambazip Juda akeri, yeŋgörenök gwötpukŋan uruŋini melengetka kambu mianjön sehiyök. Mianggöra Juda ambazip uruŋini qahö melenja uruŋinan böliiga Pol andö qem waŋgiget. Andö qem waŋgigerangöra lömböriiga köna jaruba engömosöta Berea taonöŋ anök. Könaŋgep Korint sitinöŋ maliga neŋakŋi Timotinöŋ alabaukŋi aka Tesalonaika sitiyök kaba denöwö möt narigeri, miangö kösohotŋi ali mörök.

Polnöŋ Kimbiŋi mutukŋi Tesalonaika alöhi, mi Kraistkö alaurupŋi yeŋgö uruŋini naŋgöba mötnariŋŋini mem köhöimapköra ohoyök. Kambu möt nariba urukalem ak aŋgumakzei, miangö buzupŋi mötagun yeŋgöra Anutu möpöseiza. Nanjak malmal yembuk denöwö aka malöhi, mia ölum engubapuköra mi papianöŋ ohoza. Tesalonaika urumelen kambu sutŋine keu tosatŋi asuhui jigeri, Polnöŋ mi melenja jim asariba ohoza. Keu tosatŋi mi kewö: Kraistnöŋ lilingöba kaiga Suep malmalnöŋ aŋgotpini, mianggören tosatŋan uruŋini melenja kömupnöŋ ahözei, yeŋgöra mön denöwö asuhuma? Kraistnöŋ wani nalönöŋ lilingöba kama? Keu mi melenja kewö jim kutum engiyök, “Injini Kraist kunbuk kamapkö jörömqröm aka al mamböta mala mianggören mönö nup ölöpŋi ölöpŋi mi jegep kinda pöndaŋ memba malme.”

Buk kianjö bahöŋi bohonŋi 6 mi kewö:

Keu mutukŋi 1.1

Saiwap jiba söŋgaiba möpöseiza 1.2–3.13

Ahakmeme diŋdiŋi akŋegö kuŋgum engiza 4.1–12

Kraistnöŋ kamapkö keuŋi kusum engiza 4.13–5.11

Qambaŋ keu teteköŋi tosatŋi 5.12–22

Kimbiŋö keu köŋi bohonŋi 5.22–28

1 *Pol, Sailas, Timoti neŋön Tesalonaika urumelen könaŋesö embuk keu eraum mötpingöra kimbi ki ohozin.

Injini Iwi Anutu aka Kambu Jisös Kraist yetpuk qekötahöba kingetka yetkön mönö kalem möriam engiyohotka luainöŋ malme.

Mötnariŋ köl gulizeangöra söŋgaizin.

2 Neŋön qösösök mötmörim engiba körek engöra “Anutu pipsaiwap!” jiba möpöseimakzin aka köuluk nup memba mianggören nalö dop qetŋini qerakzin.

3 Injini Jisös Kraist jöpaköba möt narigetka urukalemŋan nam köl engiiga nupŋi köhöiba memakzei aka Kembuninan lilingöba kamapkö jörömqröm aka kapŋ köla mambörakze. Neŋön mi pakpak Anutu Iwininaŋgö jemesoholŋe ölöp mötmörimakzin.

* 1:1: Apo 17.1

⁴Urumelenj alaurupnini, Anutunöj jöpaköm engiba injini nanjanjgöra kewö möwölöhöm engiyöhi, mi mötzin. ⁵Nejñon Jisösgö Ölöwak Buñaji memba engörej kaba sutjine denöwö aka malini, injini mi mötze. Nejñon Buñaji mi keu töhönök qahö jiin mötketmö, Uña Töröñan mönö sölölohöm nenjii awösamakak kinda ösum-mumunjambuk urunijini kunjuba malin. ⁶*Mewö malinga injini könjilinj ketanjängö uruje mala Buñaji keu möt angön kölget. Mi angö kölgetka Uña Töröñan sösongai engiiga Kumbu aka nenjö siliknini wuatangöba malje. Mi denöwö asuhuyöhi, nejñon mi ölop mötzin. ⁷Mewö andöñine kaba mala Masedonia Akaia prowins yahöt miangörej Jisös möt narizei, körek pakpak yengöra silik ölopñi kondel engimakze.

⁸Mi kewö: Injini Kembangörej keu möta angön köla jiba malgetka tosatñan mi angötömual ewö toroqeba jim sehigetka anök. Anda mala Masedonia aka Akaia prowins yahöt mi dop köl teköyök. Mi dop köl teköyökmö, miyök qahö. Injini Anutu möt nariba nupñi megeri, miangö ölnan mönö gölme dop anda kaba sehiiga gwötpukñan urunijini melenget. Mi kilik-kalukñi qahö. Miangöra nini miangö keunji kun qahö toroqeba jibin.

⁹Nini engörej kainga denöwö asuhuyöhi, miangö kösohotñi mi miri tosatñi yengön jigetka angötömual ewö mörakzin. Injini tandö lopionj aka bem munenji andö enguba Anutu ölbölnji aka malmal Tonji yangörej melenja nupñi memba malje. ¹⁰Anutunöj Nahöññi mem gulii kömupñöhök wahöröhi, injini yangön Suep mireyök eta asuhumapköra mambörakze. Anutugö irimsesewölnjan könanjep aukñe asuhuiga Jisösnöj mönö eta jenbererej kanjamjambuk miangörejök meköm nenjima. Mewö.

2

Polnöj Tesalonaika uruje nup denöwö meyök?

¹O urumelenj alaurupnini, nini engörej kaba nup meini, miangön mönö qahö pömsöm qeyökmö, ölnji ölop asuhuyök. Nanjinak mi mewöyök ölop mötze. ²*Qahö pömsöm qeyökmö, mutuk Filipai sitinöj nup meinga örom ureim ak nenjigetka sihimbölo mörini, mi mötze. Sihimbölo mi mötagun engörej kainga tosatñan tuarenjon köhöikñi ak nenjigetmö, mi töndup Anutunöj awösamakak nenjii kinda Ölöwak Buñaji jim asarim engiba malin.

³Nengö könanini kewö: Urukungukungu keunini mi isimkakalek qakñe qahö jimakzin. Naninak janjuñ ahinga uruninan tölöhobawak, mewö mi qahö jimakzin. ⁴Mewö qahöpmö, Anutunöj Ölöwak Buñaji jim sehibingöra nenjeka urunini kewöri dop köliga möt narim nenjiba Buñaji nenjyöhi, miangö dop mönö keunji memba jim asarimakzin. Anutunöj urunini esapköba kewörakza. Miangöra nejñon yuai pakpak Anutugö jene dop kölböngöra ahakzin. Mi ambazip sihimñini wuatangöbingöra aka qahö. ⁵Nejñon nalö kungen ambazip kelewele keu kelök ak engibingöra qahö anda kaini, mi mötze. Nini nepaqepalok dogonini esuhuba monen yuai nenjimegö möndömöndö keu sinjinnji qahö jiin. Anutunöj könanamnini mi ölop jim nangöma. ⁶Enjñon me ambazip tosatñan qetbuñaji nenjimegöra qahö kapan köla malin.

⁷Kraistkö aposolurupñi akzinangöra ölop urunijini kewö kunjubinak, “Injini mönö nangöm nenjigetka sutjine urugö nup membin.” Mewö juinga dop kölbawakmö, nejñon engö sutjine mököqököli aka malin. Nahönbörat

* **1:6:** Apo 17.5-9 * **2:2:** Apo 16.19-24; 17.1-9, 14; Apo 17.5

namñinan juzu engiba köyan köl engimakzawi, miangö dop mönö nanini memba et al anguba ösöñ ak engiba malin. ⁸ Neñön iwinam ewö mökökölim ak engiba malinangöra Anutugöreñ Ölöwak Buña engiin aka toroqeba nanine malmalnini mewöyök köleñ engibingö jöjöröba malin. Injini ölna wölböt nahönböraturupnini aket.

⁹ O urumelen alaurupnini, neñön engöra aka nup memba silenini qeba malini, mönö mi mötmörime. Nangöm neñgimegö lömbötñan engöreneñök kungö qakñe öngöbapuköra sungem asak nanine börönninan nup memba Anutugö Ölöwak Buñañi jim asarim engiba malin. Mi mönö ölum engubapuk.

¹⁰ Jisös möt narizei, neñön engö keuñini pakpak diñdiñanök kewöta sarakñi köpösihitkö keunini qahö malin. Injini mi eka möta nangöba jim nangömeanjö dop akze. Anutunöñ mewöyök mi jim nangöba dangunu ewö kinja. ¹¹ Iwinöñ nanñi nahönböraturupñi ösöñ ak engimakzawi, miangö dop neñön injini mohot mohot ak engiba malin. Mi mewöñanök ölop mötze. ¹² Neñön urugö nangönanjö keu jiba urukölalep ak engiba malin. Anutunöñ injini nanñe bemtohoññöñ angota asakmararane asarimegöra engoholök. Miangöra neñön uruñini kunguba keu kewö jim tuariba malin, “Ahakmemeñini mönö Anutugö jeñe dop kölmawanjö dop sarak sorokñi aka memba malme.”

¹³ Miangöra neñön mewöyök sundan Anutu kewögöra möpöseimakzin: Anutugö Buña keu engiini, mi gölme ambazipkö keu ewö qahö buña qem angugetmö, ölna Anutugö keu jitkö dowä möta mi angön kölget. Mi möt narigetka miangön mönö kölöñaim engiiga letorakze. ¹⁴ Juda ambazip Judia prowinsnöñ uruñini melengetka Juda tosatñan angösirip ak engigetka sihimbölö mötket. Yeñön mi möta töndup Kraist Jisösbuk qekötahöba kindä Anutugö urumelen könagesöñi aket. Urumelen alaurupnini, engö sutñine mönö mewöñanök asuhuyök: Nanñini Grik ambazipnöñ Juda yeñö tandök ewö ak engigetka injini sihimbölö öröröñ möta Anutugö könagesöñi aket.

¹⁵ *Juda yeñön kezapqetok ambazip enguget kömugetka Kembu Jisös mewöyök qegetka kömui nini sesewerowero ak neñgiba malget. Yeñön Anutugö jeñe qahö dop köla ambazip pakpak kerök ak neñgimakze. ¹⁶ Neñön kian kantri eñön uruñini melenä letotmegöra Buña jibinbukö angön köl neñgimakze. Mewö siñgisöndok sundan aka qerakögetka qakñine öngömakza. Siñgisöndokñini qerakögetka dopñi Anutugö jeñe kokolak qeiga irimsesewölñi toroqeba angön kölmangö osiba nalö kewöñe kondeli qakñine lök öngöza. Mewö.

Polnöñ Tesalonaika kunbuk anmamgö mörök.

¹⁷ O urumelen alaurupnini, neñön nalö kewöñe nalö töröppñi denä maljin. Sileninän denä maljinmö, uruninan jöhöba mohotñe maljin. Miangöra engö jesöñgöroröñini ekingöra mönö kapañ köla awöwengöba maljin. ¹⁸ Miangöra engöreñ kabingö möta malin. Pol nöñön sömañ mohot-töp qahöpmö, indimñi yahöt kamamgö esapköyalmö, Satanöñ jöhöm neñgiiga osiin. ¹⁹ Injini nanine ila jalö soroknini ewö kinje. Kembunini Jisösñöñ lilingöba kaiga yangö jemesoholñe angota kinbini, miangöreneñ engeka “Urugö nup önewat qahö memba malin,” mewö jibingö mötzin. Neñön keu mi injini aka tosatñi yeñöra aka awamñanök jibingö jörömqöröm akzin. Miangöra engöra öñöñi qahö söñgaiba silenini memba öngömakzin. ²⁰ Neñön engöra aka qetbuña miwikñaininga sösoñgai ak neñgimakze. Mewö.

* 2:15: Apo 9.23, 29; 13.45, 50; 14.2, 5, 19; 17.5, 13; 18.12

3

Timoti melaiyohotka Tesalonaika anök.

¹* Injini denöwö aka maljei, mi mötpingö mötkurumkurum ketanji ak bibihiba toroqeba öne malbingö osiin. Mianğöra nanirök Atens sitinöy malbitkö keu jöhöba ² alaniri Timoti melaiziga engörej kayök. Yanjon Anutugö nup memba netpuk Kraistkö Ölöwak Buja jim sehimakza. Yanjon uru nanğönanğö keu engiba mötnaripjini mem köhöimapköra kayök. ³ Anutunöy arejnini jim teköiga tosatnan angösirip ak engimakze, mi nanjinak ölop mötze. Engörejök kunnan könjilinj uruñe kongwarak aka löwöribapuköra jiinga kayök.

⁴ Nejon Tesalonaika embuk mala nalö mianğörej engöra qeljine keu kewö jiin, “Kembugö jitsihitji tem kölinga ambazipnöy sesewerowo ak nenğigetka wahöjalinj miwikjaibin.” Mewö jiinga mianğö dop ölna asuhuyöhi, mi ölop mötze. ⁵ Mewö asuhuiga esapesap Tonan esapköm engii löwöriba etketka nupninangö ölnan eta pömsöm qebapuk. Mianğöra denöwö möt nariba maljei, mi mötpingö mötkurumkurum ketanji ahin lömbörii kunbuk öne malmamgö osiba Timoti melaibiga qesiba mötmamgöra kayök. Mewö.

Timotinöy kösohotjni ali möt ölöwahin.

⁶* Mötkurumkurum aka malinmö, Timotinöy anda engömosöta lilingöba kaba bujanjini öloppji memba kaba kewö jiyök: Injini Kambu ölop möt nariba urukalem ak angumakze aka nalö dop nenğöra mötmöriba ölöwahakze. Nejon enğekingö sihimji möringa enjon mewöyök nini nenğekingö kapan kolakze.

⁷ O urumelenj alaurupnini, nejon sesewerowo könjilinj könanj könanj möringa nalö mianğörej kaba möt narizeangö kösohotjni öloppji jii mötziga keu mianjon mönö ölna urukölalep ak nenğiyök. Mianğöra nalö kewöñe engöra aka amgeba luainöy ölöwaka maljin. ⁸ Injini Kembubuk qekötahöba böñ qeba kinmeangöra nejon mönö ölna köhöiba maljin. ⁹ Engöra aka Anutugö jemesoholne önöñi qahö söngaimakzini, sösongai pakpak mianğöra mönö denöwö Anutu möpöseiba saiwap jiinga dopñe akawak?

¹⁰ Nejon sungem asak urunini qezaköba kapan köla kewö köulukömakzin, ‘Anutu, mönö bauköm nenğinöñga Tesalonaika anda jesöñğöröjini eka mutulangöba mötnaripjinangö yuaigöra osizei, mönö mi engibin. Keu mi ölna.’

¹¹ Mewö köuluköinga Anutu Iwinini nanji aka Kembunini Jisös yetkön mönö köna mesat nenğiyohotka ölop engörej kabin. ¹² Toroqeba kewö köulukömakzin, ‘Nini urukalem önöñi qahö ak engimakzini, Kambu göñön mönö urukalemgi toroqeba kondel enginöñga sutjine sehiiga kondel angumakñe aka ambazip pakpak kondel engimakñe. ¹³ Kambu, göñön mönö urujini mem köhöimaknan. Kembunini Jisös göñön könanğep könagesögi sarakñi pakpak yembuk kunbuk kamani, nalö mianğörej Tesalonaika yenjon sarakñi köpösihitkö keunji qahö Iwinini Anutugö jeñe kinme.’ Mewö köulukömakzin.

4

Ahakmeme solanji urukalemñambuk mi dop kölma.

¹ Urumelenj alaurupnini, keu kun kewö: Ahakmemenjini Anutugö jeñe aket dop kölmawangö könanji kusum engiinga mi lök köi guliba wuatangömakzemö, mi toroqeba gwötpuk ahakñegöra urujini kunğuzin. Nejon qamban keu mi

Kembu Jisösgö qetnje engizin. ² Neñön Kembu Jisösgö kukösüm qaknje kinda jöjöpañ keuñi jim kutum enjiini, injini keu mohot mohot mi lök möt teköze.

³ Anutunöñ engöra jitsihitñi kewö mötza: Injini mönö sero yonçorö andö geba sarakñi aka tök-kutukutuñi aka malme. ⁴ Anutugöreñ köna diñdiñi mi mönö kewö möt kutume: Uru silenjanğö sihim kömbönanjini galöm köla sarakñi (mala nanñini anömñini nanjik nanjik memba) malgetka aködamanñambuk akña. ⁵ Urumelenğö kopa yeñön Anutugö könañi qahö möt kutuba uruñini könöp jeiga ambi lañ memakze. Mianğö dop kude aka malme.

⁶ Mewö qahöpmö, ambi apñan kungen aniga kunöñ ölöñ kaba ambi kude saitköma. Kunöñ bölöñi mewöñi ahiga uruñiran kömbuhibapuk. Mutuk qambañ keu mi jiba galöm mem enjiini, mianğö dop kunöñ ambi mem böliiga Kembunöñ singisöndokñi pakpakö likepñi melen wangima. ⁷ Anutunöñ nini qewöloñ malbingöra qahöpmö, malmal sarakñi malbingöra nençoholök. ⁸ Mianğöra jöjöpañ keu mi mosötmawañön mönö gölme ambaziwa qahöpmö, Anutu nanña andö qema. Anutu Uñañi Töröñi engimazkawi, ia mönö andö qebepuk.

⁹ Sutñine jöpaköm ançumakzei, mianğö könañi Anutunöñ kusum enji nanñinak lök möta malje. Mianğöra neñön urukalem ak ançubingö keuñi kunbuk ohom ençibingö qahö osizin. ¹⁰ Masedonia prowins uruñe urumelen alaurup pakpak uruñinan jöpaköm ençiba maljemö, urumelen alaurupni, mi mönö toroqeba gwötpuk ahakñegöra uruñini kuñguzin. ¹¹ Mönö ösöñ mala nanñini malmal nanğönanğöñini galöm köla böroñinan nup memba malme. Mewö aka aködamanñambuk akingö kapañ köla kinme. Mutuk mewö jim kutum ençiinga mianğö dop mönö aka memba malme.

¹² Mewö aketka uruñini qahö melenđa yaigep kinjei, yeñön ahakmemenñini solanñi ek yaköba göda qem ençiba malme. Injarere lañ mala nene yuaigö uleta kungö qaknje kude malme. Mewö.

Kembugö kaka nalöñe kewö asuhuma:

¹³ Urumelen alaurupnini! “Tosatñan uruñini melenđa kömumba ahözei, yeñğöra denöwö asuhubawak?” Injini keu mewö jiba mianğöra gukmaulem malbepuk. Ambazip uruñini qahö melenđa jörömqöröm qahö maljei, yeñön kömukömuñi yeñğöra aka wösöbirik maljemö, enñön i ewö wösöbirik malbepüköra keu kewö jibin: ¹⁴ Jisösnöñ kömumba wahöröhi, nini keu mi möt nariba kewö jizin: Anutunöñ Jisös mem guliyök. Mianğöra ambazip yambuk kömumba nöñ qegeri, Anutunöñ mönö i mewöyök mem guliba Jisösbuk mo-hotje ençuançiri aukñe asuhume. Keu likepñi möt narizin ewö, likepñi kun mi mewöyök möt nariinga dop kölma.

¹⁵ *Kembunöñ keu kusum nençiiga neñön yanğö jitñi mi enğöra kewö jibin: Tosatñi neñön qahö kömumba toroqeba silebuk malinga Kembunöñ lilingöba kamawi, nini nalö mianğöreñ mutuk qahö öngöbin. Nini ambazip kömukömuñi qahö ençonçitpin. Qahö. ¹⁶ Mianğö arenji kewö: Anutunöñ tömunñi qainñi kun uiga ötoñi asuhuiga Suep garata bohonñan jimkutukutuñi qeriga ambazipnöñ kourukñiri mötketka Kembunöñ nanñak Suepnöhök etma. Kraistnöñ eriga i möt narim wançiba kömugeri, yeñön mönö mutuk kömupnöhök wahötme.

¹⁷ Yeñön mutuk wahötketkun nini qahö kömumba jebuk malbini, Anutunöñ mönö nençuançiri könakemba öngöbin. Wahötkeri yembuk öröröñ

* 4:15: 1 Kor 15.51-52

kousunöy öngöba Kembubuk aitonöba yambuk Suep mire sundan dop malbin. ¹⁸ Mianöra keu mewöyji jiba mianön mönö uruñini nanögm anöba malme. Mewö.

5

Kembunöy kamapköra mönö jöjöröba malme.

¹ O urumelen alaurupnini, Kraistnöy lilingöba kamapmö, wani yambunöy aka wani nalönöy asuhumawi, nini mianö keunji ohom engibingöra qahö osizin. ² *Injini nanñinak keu mi ölöpñanök kewö möt kömuze: Yonögorö memenöy sunögem ölöy kanögorakzawi, Kembugö kaka nalöñan mönö mianö dop wölan kam kunguma.

³ Ambazipnöy kewö jime, “Merak luai qem nenñii siyonşayonji qahö maljin.” Mewö jigetka mianöörenök köndenmönden asuhuba qakñine öngöma. Ambinöy morö memangö masöñi qei mörakzawi, mönö mianö dop asuhuiga misinöba anbingö osime. ⁴ Yeñön osimemö, urumelen alaurupnini, enön pandaman uruñe jipjap qahö maljeanöra nalö mianön mönö sanöabanöga yonögorö meme ewö engö qakñine öngömapkö osima. ⁵ Körek enön mönö asakñanö ambaziwa akze aka yuai pakpak aukñe akingö ak engimakza. Nini söñaupkö ambaziwa qahö akzin aka ömukñanöy yuainji tököba sisit memakzin.

⁶ Mianöra tosatñi i ewö uruninan gaun ahöbapuk. Mewö qahöpmö, nanini galöm köl anöba uruguliguli malbin. ⁷ Gaun ahözei, yeñön sunögem gaun ahökakze. Ambazip o köhöikñi nempa enölolöñ ahakzei, yeñön mönö söñaupnöy mewö aka malje.

⁸ *Söñaup uruñe mewö ahakzemö, asakñanöy ambazip nenön mönö nanini galöm köl anömakin. Wahöjambanini mönö opo maluku ewö kewö löngöta kinbin: Neñön mötnarip aka urukalem köl guliba mewö mianön töptöpnine göwanöwanöy kepölaköba (suman ewö köla) sel jöhöm anöba kinbin aka Suep mire öngöbingö mamböta jörömöröm aka mewö mianön nööröpnini ain irikmarik ewö esuhuba turubin.*

⁹ Anutunöy nini et nenñui irimesewölñi mötpingöra qahö jim teköyökmö, Kembunini Jisös Kraistnöy mem letot nenñii oyaenköyaen buña qem anöbingöra jim teköiga maljin. ¹⁰ Jisösnöy nenöra aka kömuyöhanöra malmalnini gölmenöy malbini me kömumba nöy qeba ahöbini, mi mönö Jisösbuk köhöiba malbin. ¹¹ Mianöra uru nanönanöy aka möhamögm anöba köhököhöi miwikñaiaba mutulanömakzei, mi mönö toroqeba memba malme. Mewö.

Qamban aka goro keu qöndökñi

¹² Urumelen alaurupnini, nenön kewö jim kutum enögin: Galömñinan Kembubuk qekötahöba kinda sutñine nup memba qamban enöginakzei, i mönö göda qem enöba malme. ¹³ Göda qem enöba nupñini memakzeanöra mönö ölna jöpaköm enöba yeñöra mötket öngöma. Könagesö sutñine mönö luai qem anöba malme.

* 5:2: Mat 24.43; Luk 12.39; 2 Pitö 3.10

* 5:8: Ais 59.17; Ef 6.13-17

* 5:8: Ömewöröme

yeñön sölölöhöm nenñimegöra yuai bölöñi bölöñi mi lingip kesarek ewö gila nenöra mulahakzemö, mianö jittñi mi ölöp Jisös möt nariba urukalem kondela kinda likeplikp suman ewö közamböt anöba közanögmakin. Mötmötninan siksauk aiga janjun anbinpuköra ölöp Anutubuk ösupköinga kalem möriamñan nööröpnini irikmarik ewö sel jöhöm nenñiiga amöriiga Suepkö könanji wuatangömakin.

¹⁴ Urumelenj alaurup, neñon urukunḡukunḡu keu tosatnji kewö enḡizin: Tosatñan nanñini imbi-imbi wuatangöba injarere lañ maljei, mi mönö jim enḡiba galöm meme keu enḡime. Zirinzirin ambazip yenḡöra mönö uru nanḡonanḡö keu jigetka köhöiba awösamakak akñe. Ambazip urunini löwöriiga maljei, i mönö köyan köl enḡime. Urukönöp kude akñemö, ambazip pakpak mönö urubönjönḡ qakñe ak enḡime. ¹⁵ Jinönḡ jibi, nunḡunönḡ guhubi me aknönḡ aki mi kunñan kude akñe. Soḡgo mi walönḡbepuköra mönö galöm mem anḡuba malme. Nalö dop yuai ölöpnji ölöpnji mi kapanḡ köla ak anḡumakñe aka ambazip tosatnji pakpak ak enḡiba malme.

¹⁶ Mönö nalö dop sösoḡgai aka malme. ¹⁷ Sundan dop Anutu köuluköba malme. ¹⁸ Mewö me mewö asuhumawi, mianḡöreñ mönö Anutu möpöseiba malme. Kraist Jisösbuk gekötahöba kinjei, Anutunönḡ enḡöra jitsihitnji mewö mörakza.

¹⁹ Uña Törönḡanḡö bölamñi mönö kude qömbököme. ²⁰ Anutugöreñ kezapqetok keu jimakzei, mianḡö jijiwilitnji mönö kude akñe. ²¹ Keu pakpak mönö kewöta esapköme. Esapkögetka keu ölöpnji asuhumawi, mi mönö anḡön köla malme. ²² Keu aka ahakmeme bölöñi könanji könanji mi mönö andö qeba malme.

²³ Nönḡon enḡöra kewö köulukömakzal, 'Luaigö bemñi Anutu, gi nangak mönö lökñanök tök kutum enḡinönḡa sarakñi aka malme. Göñon mönö urunini, uñañini aka silenñini mi lökñanök sel jöhöm enḡinönḡa köpösihitkö keunji qahö aka malme. Mewö nalö dop malgetka Kembunini Jisös Kraistnönḡ lilingöba kaba mewö miwikñaim enḡima. Keu mi ölnja.' ²⁴ Enḡoholjawi, yanñon keunji pöndañ wuatangömakza. Mianḡöra mönö köuluk mianḡö dop ak enḡim teköma.

²⁵ Urumelenj alaurupnini, enñon mönö nenḡöra aka Anutu köuluköba malme.

²⁶ Urumelenj alaurup pakpak sutñine mönö anḡum anḡuba numbuñini yöhötim namba malme.

²⁷ Nönḡon Kembugö qetñe jim kutum enḡiba jöjöpañ keunönḡ jöhöba kewö ohozal: Kimbi ki mönö urumelenj alaurup pakpak yenḡöra algetka oyon enḡigetka mötme.

²⁸ Kembunini Jisös Kraistkö kalem möriamñan mönö embuk ahöma. Mewö.

Tesalonaika Kimbi 2 Polnöy Tesalonaika yengöra Kimbi aliga 2 ahök. Jim-asa-asari

Tesalonaika urumelenj kambu uruñe Kraist kamapköra mambötetka tosatñan “Löök kayök,” jigetka tosatñan “Keu mi munenja,” mewö lanlanj jiba siksauk aka malget. Tosatñan “Kembugö kaka nalöñan löök kam kunyuyök,” jiba möt nariget. Miangöra “Polnöy Kimbi Tesalonaika aliga 2 ahök,” buk mi ohoba keu mi jim tuariyök. Polnöy keu munenji mi mindingöba könanji kewö indelök: Kraistkö kaka nalöñan dopdowimawi, nalö miangörey ambazip ahakmemerjinan gonggiba bölima. Mewö böliiga azi tandökñi kun qetñi lwilele Tonj yanön asuhuba mutuk tölapñe mala könanjgep Kraist aukñe tuarenjonj ak wanjiba ambazip kantri dop galöm köl engjima.

Tosatñan Tesalonaika urumelenj kambu kahasililinj mem engigetka sihimbölö möta malget. Miangöra aposol Polnöy keu bohonñi tosatñi kewö jim tuarim engiyök, “Injini mönö kapanj köla köhöiba Kembubuk qekötahöba kinda möt nariba malme.” Keu kötnji kun kewö jim tuariyök, “Nöñön neñakurupni yembuk malmalnini nanjöm anjgubingöra nup memba malini, injini mönö miangö dop injarere malmal mosöta nanñini nene yaka miwikñaiba mi namba malme aka nup ölöpnji ölöpnji kapanj köla jejep kinda memba malme.”

Buk kianjö bahöñi bohonñi 5 mi kewö:

Keu mutukñi 1.1-2

Uruölöwak ak engjiba söñgaiba möpöseiza 1.3-12

Kraistnöy kamapkö keunji kusum engiza 2.1-17

Ahakmeme diñdiñi akñjegöra kunjum engiza 3.1-15

Kimbigö keu kötnji bohonñi 3.16-18

¹*Pol, Sailas aka Timoti neñön Tesalonaika urumelenj könagesö embuk keu eraum mötpingöra kimbi ohozin. Enjön Iwinini Anutu aka Kembu Jisös Kraist yetpuk qekötahöba kinje.

²Iwi Anutu aka Kembu Jisös Kraist yetkön mönö kalem möriam engiyohotka luainöñ malme. Mewö.

Sihimbölö mötagun mönö oyaenjkoyaeñj aka malbin.

³Urumelenj alaurupnini, engö mötnariñinan gwötputk köhöitiga körek pakpak urukalem ak anjumakzei, silik mianjön mohot mohot engö uruñine sehimakza. Miangöra neñön engöra nalö dop “Anutu saiwap!” jiba möpöseim wanjimakzini, mi ölöpñanök dop kölja. Buñja keu köl guligeranjöra saiwap jimakzini, mi mönö nupnina. ⁴Sesewerowero anjösirip könanji könanji ak engigetka mörakzei, mi pakpak kapanj köla mökösonda böñ qeba kingetka mötnariñinan qahö sörauba löwöriza. Naninak mewöyök miangö kösohotñi mi Anutugö könagesöñi könagesöñi yengö jenjine jiba engöra aka silenini möpöseimaksin.

⁵Anutunöñ keu diñdiñanök kewöta jim tekömakzawi, anjösirip mötmötñinan mönö miangö aiwesökñi akza. Anutugö bemtohoñ uruñe kanjota maljeanjöra sihimbölö mötketka engehiga Suep mire öngömeanjö dop sarak sorokñi akñjegöra kapanj kölakza. Miangöra köñjilinj qahö anjön köliga

* 1:1: Apo 17.1

nalö kewöŋe qakŋine öŋgömakza. ⁶ Anutunöŋ diŋdiŋi akzawaŋgöra kinda kahasililiŋ ak enŋimakzei, i mönö kahasililiŋ miyöhök melenŋiga qakŋine öŋgöma.

⁷ Qakŋine öŋgömapmö, kahasililiŋ möta maljei, enŋön mönö oyaenŋkoyaenŋ akŋe. Kambu Jiösönöŋ garataurupŋi kukösumŋinambuk enŋuaŋgita yembuk Suepnöhök eta asuhumei, nalö miangöreŋ mönö nembuk mohotŋe luhut meme. ⁸ Jiösönöŋ könöp bölam uruŋe etma. Mewö eta ambazip Anutu qahö möt waŋgiba Kembunini Jiösöŋ Ölöwak Buŋaŋi qahö tem kölakzei, i mönö likepŋi melenŋ enŋiiga sihimbölö kewö möta malme: ⁹ *Kembunöŋ mönö “Yapmakek!” jiba jemesoholŋeyök közöl enŋiiga Anutugö kukösumŋi asakmararaŋambuknöŋ qahö öŋgömemö, yaigeŋe mala könöp siagö sihimbölöŋi teteköŋi qahö möta malme.

¹⁰ Kembunöŋ liliŋgöba kamawi, nalö miangöreŋ kambu-urupŋi sarakŋi neŋön mönö yaŋgö asakmararaŋi eka miangö dop letota “Owe, Jiös Kembunini owe!” jibin. Möt narim waŋgiini, körek neŋön mewö welipköinga ambazip omanan neŋgeka Yei! jiba auruba kinme. Neŋön Jiösöŋ könaŋi naŋgöba jiinga enŋön mewöyök mi möt nariba uruŋini melenŋeraŋgöra mönö letota jihilalomŋinambuk asariba nembuk mohotŋe kinme.

¹¹ Mewö asuhumapköra neŋön nalö dop enŋöra kewö köulukömakzin, “Anutunini, nangak enŋohola miangö dop mönö nam köl enŋinöŋga sarak sorokŋi aka malme. Mönö kukösumgi ala inahöm enŋinöŋga yuai ölöŋŋi pakpak aka membingö sihimŋini körek asuhum teköma. Mewö mötnariŋkö nupŋini megetka öŋŋi körek asuhuma.” ¹² Mewö köuluköinga Kembunini Jiös möpöseigetka qetŋan enŋöra aka sutŋine aködamunŋambuk akŋe. Nanine Anutu aka Kambu Jiös Kraist yetkön kalem möriam enŋiyohot maljeaŋgö dop mönö nanŋinak mewöyök aködamunŋinambuk akŋe. Mewö.

2

Kembunöŋ kamangö aiga Iwilele Toŋan asuhuma.

¹ *Urumelenŋ alaurupnini, Kembunini Jiös Kraistnöŋ liliŋgöba kaba neŋuaŋgiriga yaŋgöreŋ eu tokobini, injini keu mi mötzmö, neŋön kewö qesiba qambaŋ enŋizini:

² Kembugö kaka nalöŋan lök kam kuŋguzawaŋgö tandök tötbörömŋinan mönö miangöreŋök kaiga siksauk möta tatpepuk. Keu mi denöwö asuhuyök? Uŋa kunöŋ azi kun alburup qeiga imutimut eka kezapqetok keu jim siŋgiyök me kunöŋ “Uruŋini kuŋgumam,” jiba keu jim siŋgiiga asuhuyök? Tosatŋan kewö jibepuk, “Pol alaurup yeŋön keu mi kimbinöŋ ohoba alget kayök.” Keu omanŋ miangöra mönö öne töhön töwöratiba jönmŋini undui malbepuk.

³ Kunŋan kun mewö me mewö tilipköm enŋibapüköra mönö galöŋŋini mem aŋguba malme. Mi kewögöra: Mutuk aiwesök yahöt kewö asuhuyohotka Kembunöŋ miangö andöŋe kama: Ambazip keleŋmaleleŋ yeŋön Kambu iwilele aka andö qeme aka Iwilele Toŋan nanŋak mewöyök aukŋe asuhuma. Anutunöŋ i jim teköiga könöp sianöŋ gema. Aiwesök yahöt mi mutuk asuhuyohotka miangö andöŋe nalö ketanaŋ kama. ⁴ *Tuarenjoŋ Toŋi yaŋön jakbak-öraŋböraŋ aka nanŋi silenŋi mem öŋgöm teköma. Ambazipnöŋ yuaigö waikŋi memba möpöseimakzei me qetŋi bem qetzei, yaŋön mönö mi pakpak

* 1:9: Ais 2.10 * 2:1: 1 Tes 4.15-17 * 2:4: Dan 11.36; Eze 28.2, 8; Ais 11.4, 9; Mat 24.24

engongita silenji memba öngöba malma. Mewö mala Anutugö jöwöwöl jikenöy öngöba jakömbuak dumnji ala “Anutu akzal,” jiba kantri pakpak galöm köl nenjiba malma.

⁵ Nöñön Tesalonaika embuk malali, nalö miangörej keu mi lök jibi mötket. Injini mi ölum engubapuk. ⁶ Iwilele Tonjan zilaranzilar asuhumapkö osima. Wani yuainöy könanji angön kölakzawi, enön mi nalö kewöñe mötze. Nalöñi törörök kam kunjumawi, miangörejök mönö asuhuma.

⁷ Nalö kewöñe Iwilele Tonjangö ösumnji tölapñan lök asuhuba ambazip sölölohöm engimakza. Aukñe asuhubapukö könanji angön köljawanön mi mosöri köna ahumapköra mamböta malja. ⁸⁻⁹ Mamböri könanji asuhuiga miangörejök mönö amqeba asuhuma. Satanöy Iwilele Tonji sölölohöba nam köl wangii angöletot munenji aka aiwesök kimbi könanji könanji meiga eka malme. Mi eka malmemö, Kembu Jisösnöy asakmararajambuk asuhuba auyohotka i numbu ösumñan qeba yayiapalelej mem wangima.

¹⁰ Ambazip Anutunöy amöt qem engimapköra tököba keu ölnji buña qem angubingö qahö ak engiiga lan mala könöp sianöy gemei, yenön Iwilele Tonjangö angöletotñi eketka kölgorom könanji könanji engiiga janjuñ ahakñe.

¹¹ Miangöra Anutunöy mötmöt janjuñ kawikñambuk ali asuhuiga ambazipnöy mi kukösumñinambuk jim sehigetka sesegilgil yenön keu kelökñi gwahöta munenji möt narime. ¹² Könanjamñinan aukñe asuhumapköra Anutunöy janjuñ al engii qaköme. Ambazip keu ölnji qahö möt nariba urusihimñini ahakmeme gonjonje ala qakögeri, Anutunöy mönö körek yenjö keunji jim teköiga könöp sianöy geme. Mewö.

Keu ölnji tem köla kapan köla köhöiba kinme.

¹³ Yengörej mewö asuhumapmö, Kembugö wölböt alaurup, engöra mönö nalö dop “Anutu saiwap!” jiba möpöseininga dop kölja. Mi nupnina. Anutunöy injini könakönahineyök Suepkö buñaya aka letotmegöra möwölohöm engiyök. Miangö dop keu ölnji möt narigetka Uña Töröñan mem sarahim engiiga malje. ¹⁴ Mewö malmegöra Ölöwak Buña al nenji jim asariinga miangön injini engohölök. Mewö toroqeba mala Kembunini Jisös Kraistkö asakmarararñöy öngöba aködammunñinambuk akñe.

¹⁵ Miangöra urumelej alaurup, konjwarak mönö kude aka malme. Neñön keu kusum engiba jitininan jin me kimbinöy ohoinga mötkeri, keu kötnji mi mönö qekötahöba wuatangöba malme. Mewö.

¹⁶ Kembunini Jisös Kraist nanñak aka Anutu Iwinini yetkön jöpaköm nenjiba kalem möriam qakñe oyaenköyaen akingö jörömqrörmñi nenjiyohotka miangöra mamböta urukölalep teteköñi qahö möta maljin. ¹⁷ Yetkön mönö uruñini nangöba nup ölöpnji pakpak memba keu ölöpnji pakpak jiba malmei, miangörej mönö mem köhöim engiiga malme. Mewö.

3

Ölöp nenjöra köuluköba malme.

¹ Keu teteköñi kun ki: Kembugö keunjan sehiba engö sutñine aködammunñambuk ahöhi, miangö dop mönö zilanj miri tosattje mewöñanök anda jim sehiinga ölnjambuk ahuba anma. Miangöra urumelej alaurup, enön mönö nenjöra aka Anutu köuluköba malme. ² Ambazip sesegilgilñan Anutu qahö möt narimakze. Miangöra misimkaulup ambazip gonjonji aka

bölöŋji meme yeŋön kahasililiŋ ak neŋgibepuköra mönö Anutugö köuluköba malgetka sel jöhöm neŋgima.

³ Sesegilgil yeŋön bölizemö, Kembu keuŋi pöndaŋ wuatangömakzawaŋön mönö mem köhöim engiba bölöŋjeyök sel jöhöm engima. ⁴ Keu jim kutum engiini, eŋön mi nalö kewöŋe aka könaŋgep tem köla malmei, mi möta uruyahötŋi qahö akzin. Neŋön Kembubuk qekötahöba kinda mewö mötzin.

⁵ Kembunöŋ mönö uruŋini möŋaiba Anutubuk jöhöiga urukalemŋi möt yaköba Kraist ewö kapaŋ köla mökösoŋda malme. Mewö.

Injarere malbinbukö galöm meme keu

⁶ Urumeleŋ alaurup, iŋini nanŋini imbi-imbi wuatangöba laŋlaŋ malbepuköra kusum engiinmö, tosatŋan keu bapŋe qahö anda önewat laŋ malje. Miangöra nini Kembu Jisös Kraistkö qetŋe kewö jim kutum engizin: Inini mönö urumeleŋ alaurup mewöŋi pakpak mi engömosöta misingöba tikep malme. ⁷ Neŋön engö sutŋine nanini imbi-imbi laŋ qahöpmö, keu bapŋe malin. Miangöra nengö köna lasupnini wuatangömegö könaŋi mi nanŋinak ölöp mötze. ⁸ Nini injarere qahö malin aka engöreŋök kungö nene yuai mi öne qahö nempa malin. Qahö! Nanŋöm neŋgimegö lömbötŋan engöreŋök kungö qakŋe öngöbapuköra mönö sunŋem asak nup sundansundan memba silenini qeba malin.

⁹ Anutunöŋ nupŋi mendingö kukösumŋi neŋgii maljinaŋgöra ölöp nanŋöm neŋgimegö keunöŋ uruŋini kuŋum engibinakmö, nengö köna lasupnini wuatangömegö silik ölöpŋi kondel engibingö mötzin. ¹⁰ Embuk malini, nalö miangöreŋ lök kewö jim kutum engiin: Nup memangö töközawaŋön mönö nene mewöyök kude nema.

¹¹ Engö sutŋine tosatŋan keu bapŋe qahö anda nanŋini imbi-imbi wuatangöba laŋ malje. Yeŋön nup öŋji qahö memakzemö, nup meme tandöktandök öne laŋ memba inöŋ wainöŋ möndöba tosatŋi yeŋgöreŋ yuai mem sohoba qewöloŋ silekmalek laŋ malakze. Engöreŋ keu kun mi mewö kaiga mörin. ¹² Neŋön ambazip mewöŋi mi Kembu Jisös Kraistkö qetŋe jim kutuba uruŋini kewö kuŋum engizin: Inini mönö an qekötahöm kam qekötahöm mosöta zeŋ mala nup megetka öŋji asuhuiga nanŋini nene yakanŋini nempa malme.

¹³ O urumeleŋ alaurupnini, eŋön nup ölöpŋi ölöpŋi memba miangöreŋ mönö taŋqaŋ kude akŋe. ¹⁴ Neŋön kimbi ki ohoba jim kutum engizini, kuŋan mi qahö tem kölma ewö, iŋini mönö uruŋi meŋmapköra gamu qem waŋgiba ehöröŋ köla yambuk keukeu jiba köisirik kude tata malme. ¹⁵ Mewö mala kerök qahöpmö, ala ewö ak waŋgiba qambaŋ köŋ waŋgiba malme. Mewö.

Köuluk aka yaizökzök keu teteköŋi

¹⁶ Kembu luai Toŋan nanŋak mönö nalö dop ahakmeme pakpak miangöreŋ luai qem engiiga böŋjöŋ malme. Kembunöŋ mönö körek embuk malma.

¹⁷ Pol nanak yaizökzökni nani börönan ohozal. Kimbi pakpak ohomakzali, miangöreŋ nani yaizökzök qet kimbi ki nanak alakzal. Qetni kewö ohozal: Pol*

¹⁸ Kembunini Jisös Kraistkö kalem möriamŋan mönö körek embuk ahöma. Mewö.

* **3:17:** Mutuk kunöŋ tilipköba Polgö qetŋe kimbi kun aliga uru siksauk asuhuyök. Miangöra nanŋe böröŋan qetŋi ohoyök.

Timotigö Kimbi 1

Polnöñ Timotigöra Kimbi mutukñi alök.

Jim-asa-asari

Timoti sepguli azi yangö namñi Juda ambi aka iwiñi Grik azi. Yangön Eisia prowinsnöñ mala uruñi melenđa Kraistkö alañi aka malök. Mewö mala Polgö nenakñi aka bauköm wanğiiga mohotñe liliköba misin nup memba malohot. Polnöñ lömbötnöñ memba et al wanğibapuköra waimanjat keu bohonñi karöbut mötmöriba Buña Kimbi ki ohoyök.

Waimanjat bohonñi ketanñi mi böhi takapulakanñi. Tosatñan zioz uruñe kinda keu gonğonñi kusum sohom engiba malgeri, Polnöñ yengöra aka galöm meme keu köhöikñi ohoyök. Böhi mienjön Juda yengören mötmöt aka gölmegö mötmöt tosatñi mindirigetka könanamñini lolonqalon aiga kewö möt nariba jiba ambazip kusum engiba malget: “Gölme aka yuai pakpak ehakzini, mi bölöñi akza. Mianğöra tosatñan Suepkö buña akingö kapan köla mötmöt asa-asambötñi qainñi kun qahö buña qem anguba nenegö dönqizizin aka sonğo tosatñi walöñda awanöm akze ewö, Anutunöñ mönö keu mianğoren qaköba amöt qem engimangö osima.”

Waimanjat keu bohonñi kun mi: Denöwö urumelen könağesö galöm köl engiinga törörök Anutugö waikñi memba möpöseibeak. Polnöñ mianğö qamban keuñi papianöñ ohoyök. Mewöñanök zioz galöm, babafi aka nup meme ambazip tosatñan denöwö aka malgetka dop köljawi, mianğö keu arenñi mi jim asariba ohoyök.

Teteköñe keu bohonñi karöbutñi mianğoren Timotigöra goro keu tosatñi ohoyök. Undumñi yangön mönö denöwö Jisös Kraistkö welenqeçe ölöññi aka mötnarip ambazip kambunñi kambunñi engöbisiba bauköm engiiga dop kölmasi, mianğö goronñi ohom wanğiyök.

Buk kianğö bahöñi bohonñi 3 mi kewö:

Keu mutukñi 1.1-2

Ziozgö nup meme yengören jimkutukutu 1.3-3.16

Timotinöñ nupñi memapkö jimkutukutunñi 4.1-6.21

¹ Anutu, Amötqeçe Tonini aka Kraist Jisösnöñ galöm köl nenğimapkö jörömçöröm al mamböt ak wanğizini, yetkөн Pol nönğöra jim kutuba kunğuba melaim ninğiyohotka aposol maljal. Kraist Jisösgö jitnememe mewöñi aka göbuk keu eram mötpiköra kimbi ki ohozal.

² *O Timoti! Gi urugi melenđa Jisös möt nariba mötnaripkö nahön sorokni aka maljan. Iwi Anutu aka Kembunini Kraist Jisös, yetkөн mönö ak kömumba kalem möriam gihiyohotka luainöñ malman.

Enjololon kusum engibepukö galöm meme keu

³ Masedonia prowinsnöñ anmangö ahali, nalö mianğoren kewö jim kutum gihial, ‘Gi mönö Efesus sitinöñ toroqeça mala urumelen kambu bauköm engimakñan. Tosatñan mötnaripkö keu kembanñi tosatñi kusum sohomakzei, mi toroqeça akepuköra galöm mem anguba malme.’ Mewö jim kutum engiba malmangöra jial. ⁴ Tosatñan bem sambannñi sambannñi aka ambösakon yengö qet arenñi arenñi mi teteköñi qahö eram mötketka supapköiga anğururuk aka keu qeçesi omanñi asuhui mötmörimakze. Yenjön urunñi mianğoren ala

* 1:2: Apo 16.1

sohobepuk. Keu sinji sinji jiji mewöni mi qahöpmahöp bauköm engimapmö, Anutugö malmal areni mi kewö ahöza, 'Kunjan Jisös möt nariba uruji melejniga yanjon mönö i amöt qem wanjiiga letotma.' Merak mewö ak engimangöra kunbuk uruwahöt keu jim gihizal.

⁵ Jim kutum gihizali, mianjö tohotji mi urujopak. Nöjon urukalem ahumapköra bim qeba kewö jim tuarim engiba malmangö kunjum gihizal: Yenjon urujinan sarakji ahömapköra galöm köl angugetka mötmöt bölönan mi qahö gwözöjma. Qahö gwözöjniga Anutunöj sanep alakzawi, mi urukezapjnan ölop möta malme. Mewö mala Kraist törörök möt narigetka Anutunöj mönö urukalemji urujine ali ölop ahumaknja. Urujopak mianjon sutjine ahumapkö kapan kölakzal.

⁶ Tosatjan Anutugö malmal areni mi singiba janjuj aka oyondewedewet keu omanji omanji lan jimakze. ⁷ Yenjon Anutugö Köna keugö böhi malbingö mötzemö, nanjinak keugö könanji qahö möt asariba mesohol kölâyök jimakze. Öne ambazip jejine awösamkakak kinda keu lanlan köhöiba jiba bim qemakze.

⁸ Anutugö Köna keu mianjon mönö ölop sorokji akza. Mi könananjö dop törörök kusun anguba wuatangöinga ölop möhamgöm nenjimakza, mi mötzin. ⁹ Anutu Köna keuanjögö könanji mönö kewö möt yaköme: Mi ambazip solanji dijdini yengöra aka qahöpmö, Anutunöj mi ambazip gongonji mindingöm engimapköra aka ali ahöza. Tosatjan gongiba kewö ahakze: Iwilele jaubatbat aka keu qeba yangisej qakne aum jesöksök ahakze. Angöjörak aka singisöndokjinambuk mala töndup Anutu nesampurek ak wanjigetka urujini tölöhoba nöngnan malje. Iwinamjni ini aka tosatji enguget kömumakze.

¹⁰ Serowilin ahakze. Sodom taonöj akeri, mianjö dop köna ongita azi nanjörök aka ambi nanjörök amimakze. Ambazip mem bölim engimegöra qeraköba jöhömakze. Keu munen jimakze. Keu jiba jöjöpan keunöj jöhöba töndup tilipkömakze. Anutunöj ahakmeme dijdini akingöra Ölöwak Buja nenjiyöhi, mi inji wainji aka memba mianjon qetalakze. Anutugö Köna keu mianjon ambazip mötnaripkö köna dijdini singimakzei, mönö i mindingöm engimapköra aka ahöza. ¹¹ Anutu, oyaenjkoyaen Tonji yanjon mötnaripkö köna dijdini mi Buja keunöj ali ahöza. Nöjon Ölöwak Bujanji aködamunjabuk jim sehimmangö möt narim ningiba Buja keunji mi al ningiyök. Mewö.

Polnöj Kembu kalem möriamjanjögöra möpöseiza.

¹² Kraist Jisösnöj uruni kewöriга nupji pöndanj memamanjö dop nehi dop köliga nupji ningiiga memakzal. Nup memangöra kukösum ningiba mala kotzawi, miangöra Kembunini möpöseiba maljal. ¹³ *Nöjon mutuk Jisös mepaiköba alaurupji ilita sesewerowero könöpuk ak engiba malal. Mewö malalmö, yuai mi Jisös qahö möt nariba silebile tönpin mala lan aka memba malal. Singisöndok mewö aka malalanjögöra mönö ak kömum ningiiga kölönaiba letoral.

¹⁴ Kembuninan kalem möriamni ningiba kelenmalelej mokoiga nöngö qakne öngöyök. Mewö öngöiga mötnaripnan asuhuiga urujopakö kondotkondot Tonji Kraist Jisös miwikjaial. Yambuk qekötahöba kinda urukalemni buja qem anguba ambazip tosatji urunan jöpaköm nenjimakzal.

¹⁵ Nöjon ambazip tosatji pakpak engongita singisöndokö ambazip yengö sutjine ketanjanjni aka malal. Mewö malalmö, Kraist Jisösnöj singisöndok ambazip amöt qem nenjimangöra aka gölmenöj erök. Keu kötnji mi nöngörej

* 1:13: Apo 8.3; 9.4-5

ölnambuk ahök. Mianğöra keu kötñi mianñon mönö pöwöwöm köhöikñi akza. Mi ambazip körekmakörek möt nariba anğon kölbinanğö dop akza.

¹⁶ Siñgisöndokö ambazip yengö ketarjamñini aka malalmö, Kraist Jisösnöñ ni kewögöra ak kömum niñgiyök: Yanñon nömbuk uruluai qakñe amöt qem niñgiba Anutugö uru tandökñi aukñe asuhumapkö möt köhöiyök. Nöñğö könane ambazip tosatñan Jisös möt narimei, tandökñi mi yengöra kondel enğimamğö mörök. Mi kondel enğiiga ölöp amqeba uruñini melenđa malmal köhöikñanğö buñaya akñe. ¹⁷ Ak kömum niñgiyöhanğöra aka Anutu möpöseimakzal. Yanñon Kiñ Kembu teteköñi qahö aka malma. Anutu mohotñan qahö göröñ qeiga kaisoñgolomñi qahö ehakzin. Nöñon yanğö qetbuñani nalö dop möpöseibiga teteköñi qahö aködamunñambuk aka ahöma. Keu mi ölnja.

¹⁸ O mötnaripkö nahöni Timoti! Mutuk kezapqetok keu tosatñi göhöra jigeri, keu mianñon kötöngöm gihiğa ölöp aködamungabuk aka malman. Keu mianğö dop kewö jim kutum giñizal: Göñon mönö malmal sarakñi malmangöra bim köhöikñi qeba malman.

¹⁹ Bim qeba mianğöreñ mötnaripki söörauba sohobapuköra mönö töp man. Urugi köyan köl anğunöñga mötmöt bölöñan qahö gwözöñniga Anutunöñ urukezapñöñ sañep alakzawi, mi ölöp möta malman. Ambazip tosatñan uru köyankölkölñini mosöta lañ malgetka mötnaripñinan löwöriba köhömuñi aka pömsöm qeyök. Wanğenöñ köwet töromnöñ kuñguba jömgözawi, mönö mianğö dop kumkanjan aka böliget. ²⁰ Mötnaripñinan pömsöm qeyöhi, yengö sutñine azi yahöt qetñiri Himeneus aka Aleksander maljahot. Nanak mindiñgöm etkimamğö osiba uruñiri melenmahotköra i Satangö böroñe al etkial. Al etkiğiga Satangö kukösumñi ahakmemenjanğö dop möta uruñiran sihimbölogöra löwöriiga melenđa mepaqepaik kunbuk qahö akahorak. Mewö.

2

Buñ nupkö köuluk aren

¹ Yuai bohonñi mi köuluk nup. Nöñon mianğö uruwahöt keuñi jiba uruñini kewö kuñguzal: Injini mönö ambazip körek pakpak enğöra köuluköba kapan köla uleta Anutu qesim wanğiba saiwap jiba malme.

² Kiñ azi kembu aka gawmangö galöm ambazip könani könani yengöra aka köuluköba malme. Mewö kötöngöm enğigetka diñdiñanök galöm köl nenğigetka luai qakñe guñböñjönjön malbin. Mewö mala Anutugö jitñi wuatangöba ahakmeme diñdiñi aka memba malinga aködamunñambuk ahakña. ³ Köuluk nup mewöñi mianñon ölöp sorokñi akza. Mi Anutu, Amötqeqe Toninangö jemesoholñe ölöp dop kölja. ⁴ Yanñon ambazip körekñan Buñ keu ölni möt kutuba uruñini melengetka amöt qem enğii letotmegöra jitsihitñi mörakza.

⁵ Anutu mohok-kun ahöza aka ambazip Anutubuk mindirim nenğimapköra azi mohok-kun mewöyök ahöza. Azi mohot Jisös Kraist yanñon mönö mi köhöiiga tosatñan mi osimakze. ⁶ Yanñon siñgisöndok ambazip pakpak nenğö sohoppini memapköra malmalñi kölenda mosörök. Buñ keu mi Anutunöñ nalö ali tosatñan nalö törörök mianğöreñ könahiba nanğöba jim asarigetka nenğöreñ kayök. ⁷* Mianğöra aka Anutunöñ aposol akrjamğö kuñguba melaim niñgiiga kantri dop lilikömakzal. Ambazip Jisös möt narimeğöra Buñ keu ölbölni jim asariba kusum enğiba uruñini kuñgum enğimakzal. Könani mewö jiba munerñ kun qahöpmö, keu ölnja mewö jizal. Mewö.

* 2:7: 2 Tim 1.11

Azi aka ambi yengö malmal arejini

⁸ Mianğöra jitsihitnan kewö jizal: Azi enjon mönö pöndañ miri dop tokoba köuluk nup töp memba malme. Yom kazik aka anğururuk mosötketka urunjan sarahiiga ölop böröñini mem wahöta Anutu köulukömakñe. ⁹*Ambi engö qambañ keunji kewö jizal: Enjon mönö kinisöröñini löngöta silenji törörök turuba malme. Opo söro sorokñi aködamunñambuk mi mosötme. Nöröp jupñini qeba gawasu könañi könañi kude ala minjñda öñböñ meme. Kösasorom me goul mianjon kude menjölöm anğume aka löngölöngöt söngöröñi ketanji mianjon memba aiwelikqaiwelik kude akñe.

¹⁰ Aködamunñini ölnji mi ahakmeme ölopñi. Ambi Anutugö jitñi onğitpinbukö keñğötñini möta qetñi jim aumakzei, enjon mönö nup ölopñi ölopñi jegep kinda memakñe. ¹¹ Azinöñ kusum engigetka ambi enjon mönö urunji memba et al anğuba Buña keu ösöñ möta nesilam qakñe takpararak aka jitröñ söhöp kude melenmemö, mi urukönömñine ala malme.

¹² Ambi enjon azi galöm köla kusum engimeğöra nöñon 'Onj' qahö jizalmö, tokogetka ösöñ keu böc tatme. ¹³*Anutunöñ mutuk Adam miwikñaiaba yangö andöñe Iw (Ewa) miwikñaiyök. ¹⁴*Mokolenöñ Adam qahö tilipköyökmö, ambi mi tilipköm wañgiiga keu onğita siñgisöndok ahök. ¹⁵Töndup ambi yenjon nup arejini wuatangöba morö memba Kraist möt nariba ahakmeme sarakñi wuatangöba urumelen alaurupñini urunöñ jöpaköm engiba ösöñ malme ewö, Anutunöñ mönö ölop amöt qem engiiga letota Suepnöñ öñgöme. Mewö.

3

Ziozgö nup galöm yengö keu arej

¹ Kunjan urumelen könagesögö uru galöm pasto akñamgö ak wañgizawi, yañon mönö nup sorokñi aködamunñambuk miwikñaima. Keu mi öi töhöñña.

²*Mianğöra urumelen könagesögö uru galöm nupköra mönö azi kewöñi möwölöhöba kuñgugetka dop kölma: Kungö silenjö köpösihitkö keunji qahö, ambi mohot-kungö aña, kekpurikñi qahö, ahakmemeñi törörök galöm köl anğuiğa göda qem wañgimakze. Yangörej kamei, i ölop köl öröba köyan köl engiba mötmöt törörök kusum engimakza.

³Kunöñ o köhöikñi nemba bim lan qeba anğururuk aka moneñ membagun memamgö köpösöngömakzawi, i qahöpmö, kunjan ölop ambazip mutulangöba mökölim engiba guñböñjönjön ak engimazawi, mönö azi mi kungume. ⁴Kunöñ nanñi anöm-moröurupñi ölop galöm köla goro engiiga nahönböraturupñan göda qem wañgiba keunji pakpak tem köla maljei, mönö ia kuñgugetka kinma.

⁵Galöm azi kunjan nanñi saiwaurupñi galöm köl engimamgö qötötangöza ewö, yañon Anutugö urumelen könagesöurupñi mönö denöwö köyan köl engibawak? Mi mönö osibawak.

⁶Azi kunjan nalö köröñi urunji melenđa zen kinjawi, yañon ölop kutukutulan galöm nup memeneña aka malma. Kunjan nalö töröpnji urunji melenđa an köl kam köl aka tiwokmawok aka töptöpñe qeba silenji memba öñgöbapuk. Bölöñangö Tonjan kezapjupjup aiga Anutunöñ keunji jim teköba közöl wañgii erök. Mianğö dop engö galömñinan silenji memba öñgöiga Anutunöñ i Satan ewö jim teköiga etpapuk. ⁷Galöm kunjan urumelenğö kopa yengö sutñine qetbuña ölopñi qahö bisibawak ewö, ambazipnöñ i lan jim

* 2:9: 1 Pitö 3.3 * 2:13: Jen 2.7, 21-22 * 2:14: Jen 3.1-6 * 3:2: Tai 1.6-9

böligetka Bölönangö Tonjan mötöp simbanji ali mianjon tötököi qeiga etpapuk. Mewö.

Ewanjelis aka Buja nup ambazip yengö keu

⁸ Buja nup ambazip* yenön mewöyök ambazipnönj göda qem engimeangö dop tanörakjini qahö aka malme. Tosatjan keu jöl yahötyahöt jiba wain o gwötpuk nembra möndömöndö qakne injarere mala monen yuaigöra kapan kölakzei, i mönö kude kungum engigetka kinme.

⁹ I qahöpmö, ambazipnönj mötnaripkö keu ölni asa-asambötñi Anutunönj indelöhi, mi nöm tik memba mianjörenj qekötahöba urunjan tölöhhobapüköra galöm mem anguba sarakñi maljei, mönö ia kungum engime. ¹⁰ I mewöyök mönö mutuk kewöt engigetka keu jizalangö dop köhöiba kingetka dop köлма ewö, mönö ölop kungum engigetka kinda Buja nupkö ambazipñini aka malme. ¹¹ Yengö ambiurupñinan† mewöyök ambazipnönj göda qem engimeangö dop tanörakjini qahö aka andöqeqe keu jitnönj yöhösan qahö jiba malmemö, kekpurikñini qahö mala yuai pakpak memburik-qemburikñini qahö memba malme.

¹² Buja nup azinönj mönö ambi mohot-kungö apñi aka nanñi anöm-morö aka welenqequeurupñi ölop galöm köл engimakña. ¹³ Buja nup ambazip nupñini ölopñanök memakzei, ambazipnönj i göda qem engigetka qetbuja ölopñi miwikñaime. Mi miwikñaiba ölop awösamakak kinda ambazip urunñini kunguba jisös Kraist möt naribingö keu mi köhöiba jimakñe. Mewö.

Anutunönj Bujan asa-asambötñi indelök.

¹⁴ O Timoti, nöñön zilañ göhörenj kaba gekñangö jörömqröm al mamböt akzalmö, töndup kimbi ki göhöra ohozal. ¹⁵ Nalöni qeköriiga kabilenbuköra mutuk kimbi ki kewögöra ohobi kaza: Gi Anutugö urumelenj könagesourupñi denöwö galöm köл enginönga ahakmemenjan dinqiba ölöwakñawi, mönö qambar keu mi oyonja mötman. Anutugö könagesourupñi nenön Anutugö mindimindiri zioz selñi akzin. Malmal Tonji yangörenj qekötahöinga mindirim nenjiiga miri dop tokoba keu ölni jim sehimakzin. Keu ölnjan böliba ösumñi etpapüköra mianjög wötñi aka tandönj akzin. ¹⁶ Anutunönj amötqepegö könanji asa-asambötñi indelöhi, nenön Buja keu mi möt asariba kewö jim miwikñaimakzin:

Buja Tonji yanjon nanñak gölme azia aka sutnine asuhuyök.

Asuhuiga keu jakenje albingö keunji lan jarum bibihigetka Urja Töröñan könanji solanñi aukñe kondelök. Mi kondela meiga Kembu aka wahöta Suep garata galöm köл engiiga aködamunñi uba eket.

Mi eketka Anutunönj wanjiri Suepnönj öngöba Anutubuk tata galöm köл nenjimakza. Galöm köл nenjiiga Buja keunji mi kantrinji kantrinji liliköba jim asarigetka gwötpuk yenön gölme dop möt narim wanjimakze.

Mewö jim miwikñaininga ölnja aködamunñambuk akza. Mewö.

4

Keu munenji kusum engigetka enjololoy akza.

* **3:8:** Dikon mi azi aka dikones mi ambi, yenön pasto qöhöröjine bauköba nup memba urumelenj kambu köyan köл engiba Buja keunönj gumohoba silegö nup tosatñi memba mianjon nanjöm engimakze. Ewanjelis me urukungukungu ambazip yenön sel yaigepñe kinjei, yenön urunñini melenmegöra Buja keu kusuba mianjon urunñini kunguba goro engimakze. † **3:11:** Buja nup ambi aka Buja nup azigö anömñi yengö jimkutukutunñini jiza.

¹ Anutugö Uñanjan keu kewö jim asariiga törörök möt yaközin: Gölmegö nalöñjan tekömamgö akñawi, nalö mianğoreñ ambazip kelenmaleñ yenñon mötnarip mosöta Kembu andö qeba ömewöröme yenğö böröñine geme. Mewö gegetka ömenöñ sölölöhöba kusum enğimakzei, mönö yenğoreñ mötmöt wuatangöba enjololöñ aka siksauk malme.

² Siksauk mi kewö asuhuma: Tosatjan urumelen silesile aketka Satanöñ aiwesökñi uruñine ain könöpñambukñöñ qekötahöba urukezapñini gwözöñniga köhömunji aiga keu munenji lan jim sohomakze. ³ Yenñon ambazip kewö kusum sohom enğimakze, 'Urumelen ambazip enñon mönö awanöm anğömeme kude akñe aka nene tosatñi kude nempa malme.' Mewö kusum sohom enğimakzemö, Anutunöñ nene pakpak mi nembangöra miwikñaiyök. Mi ambazip Anutu möt nariba keu öñji möt yaközini, yanñon mi kötuetköiga ölop saiwap jiba nembangöra al nenğiyök.

⁴ Anutunöñ yuai pakpak miwikñaiyöhi, mienñon mönö ölopñi akze. Mi andö qebinağö dop qahöpmö, yuai al nenğimawi, mi ölop saiwap jiba buña qem anğubin. ⁵ Yuai ambazip jenine dönqizinñambuk akawak ewö, mi mönö ölop Anutugö keu jiba köuluköinga ösumñan walöñda dom-amöt qeiga sawölñi akña. Mewö.

Kraist Jisösgö welenqeçe ölopñi mi kewö:

⁶ Göñon urumelen ambazip mewö kusum enğiba mala Kraist Jisösgöreñ Buña nup meme azi ölopñi aka malman. Göñon Buña keu wuatangöba mala kotzani, mi tosatñi kusum enğiba nangak mewöñanök keu ölopñi mi aka mötnaripkö qambañ keu pakpak oyonnda mötmöröba mianñon urugi gumohom anğuba malman. ⁷ Gölmegö ambazipñöñ bem samban keunji oyondewedewet jigetka Anutugö Buña keunöñ böbölohot akñamgö akzawi, mi mönö yaköröba andö qeman. Mi andö qeba Kraist ewö aka malmangöra urugö kölguliguli aka malman.

⁸ Anutunöñ malmal nalö kewöñe gölmenöñ maljini, mi kötuetköm nenğiiga könanğep oyaenköyaen malbingö jöhöjöhö alök. Mönahot anğolat mi boromdökñanök sile guliguligöra bauköm nenğiba eretñi akzapmö, urugö kölguligulini mi tandönini bohonñi akza. Mianğöra urugö likepñi pöndañ kölguliba malnönğa mianñon mönö yuai pakpak mianğoreñ bohon köla nangöm gihimakña. ⁹ Keu jizali, mi ambazip körekñanök möt anğon kölbinanğö dop pöwöwöm köhöikñi akza. Keu pöwöwöm köhöikñi kun mi kewö,

¹⁰ "Anutu malmal Tonji yanñon ambazip körek pakpak amöt qem nenğimamgö mötza. Urunini melennda möt narim wanğimakin ewö, mönö ölna amöt qem nenğimakña. Mewö möt narizin. Nini tosatñan mewö asuhumapköra jörömğöröm mewöñi Anutu al wanğiba kindanupñi memba silenini qeba aum-mörimakzin."

¹¹ Ambazip keu mianğö dop aka memegöra jim kutuba kusum enğiba malman. ¹² O Timoti, kunöñ sepgwölö maljanangöra memba et al gihibapüköra mönö mötnarip ambazip sutñine silik ölopñi kewö kondel enğiba malman: Keu ölopñanök jiba ahakmeme diñdiñ wuatangöba ambazip törörök jöpaköm enğiba malman. Mötnaripkö kölguliguli pöndañ memba Anutugö nupñi mem sorokönönğa mianğöra möt narim gihiba malme. Mewö sarakñanök aka menönğa ambazipñöñ ölop göda qem gihigetka malman.

¹³ Mönö pöndañ Urumelenğö Buña Kimbi mi jegep oyonnda kapañ köla jim asariba könagesö uruñini mianñon kuñguba kusum enğiba malman. Nalö sutñi kianğoreñ mewö aka malnönğa nöñon kabiga dop kölma. ¹⁴ Jitnememe

yeñön böröjnini göhö qake ala köulukögetka Anutugö kezapçetok keu göhöra asuhuiga Anutunöñ nup memegö mötmöt kalem gihiiga uruge ahözawi, mi kude köyatimanmö, miangö qakçe nup memba malman. ¹⁵ Kude köyatimanmö, Buña Kimbi oyonđa jim asariba kusum engiba malman. Yuai karöbut mi mönö kapan köla jegep köl guliba malman. Tanqan qahö akñan ewö, urugahö töhötmöriamñan mönö qariiga köhöiba awösamkakak akñani, mi köreknan ek kutume.

¹⁶ O Timoti, mönö nangi uru silegi galöm köl anğuba urumelen nup törörök kusum engimangöra galöm mem anğuba malman. Mewö aka malman ewö, mönö nangi oyaenköyaen ak anğuman aka keugi mörakzei, mi mohotçe oyaenköyaen ak enğinöñga Suepnöñ öñgöme. Mewö.

5

Malö aka ambazip namñi mi kewö galöm köl engime:

¹ Azi namñi mi köhöikñanök kude mindiñgöba jim wanğimanmö, iwiki ewö qamban keu ösöñ jinöñga mötma. Azi sepgwölö mi darumungi ewö ak engiba malman. ² Ambi namñi mi namurupki ewö qamban engiman. Ambi seram mi nenurupki ewö ahakmeme sarakñi wuatangöba göda qem engiba malman.

³ Malö tinitosolomñini qahö mi mönö gödaqeçe qakçe ak engiba malman. ⁴ Malö kungö isimoröurupñi malje ewö, yeñön mönö mutukñi aka bohon köla i galöm köl wanğime. Anutunöñ jim kutum neñgiyöhi, yeñön mönö miangö dop nanñini saiwaurupñini köyan köl engibingö könañi mötme. Iwinamurupñinan mutuk nalö köröpñi köyan köl engiba malgetka yeñön miangö kitipñi melenđa tosanjini meköm engigetka Anutugö jeñe dop kölma.

⁵ Malö ambi öñji, tinitosolomñi qahö nanñök maljawi, yeñön mönö jörömqörömñi Anutu al wanğiba i sundan dop sunğem asak qesiba köuluköm wanğimakza. ⁶ Yeñön mewö maljapmö, ambi malö tosatñan uruñinan könöwiiga sihim kömbönañinangö dop yuai lanğangöra böröñan suhumakzei, yeñön gölmenöñ silebuk maljemö, töndup köhömuñi akze. ⁷ Miangöra malö yeñön silenjine köpösihitkö keuñi qahö ahöi malmegöra mönö mewöyök jim tuarim engiba malman.

⁸ Kunñan nanñi tinitosolomurupñi qahö köyan köla engömosöri garömisin maljei, yanğö ahakmemeñan mönö bölim teköza. Yeñön Kembu möt narizawanğö keuñi mi silikñan qan köla urumelenğö kopa tandök onğita böliqöliba malja.

⁹ Urumelen könagesö enñon malö tosatñi kutukutulan aka köyan köl engimakzei, malö kunñan yeñgö areñnöñ kanğotmapköra qeçesi alma ewö, ambi mi mönö kewötme. Kewötkeka kewö asuhuiga iyök mönö qet areñ miangöreñ toroqeba ohoba alme: Kunöñ yambunji (yarañi) 60 onğita azi mohotkö anömña malök. ¹⁰ Mewö maliga tosatñan könañangöra kewö nanğöba jimakze: Yeñön nup ölöpnji ölöpnji memba mala morö galöm köla goro engiiga qariget. Ambazip kiannji miriñe köl öröba köyan köl engiiga Kraistkö alaurupñi sarakñan kagetka uziñini sanğonđa esuhuba yaka tawen engiba malök. Wahöjalij uruñe malgeri, mi mem ölöwaka nup ölöpnji pakpak memangöra uruñi pöndañ jöhöba jegep kinda malök. Malö mewöñi mönö areñ papianöñ ohoba köyan köla malme.

¹¹ Malö ambi namñi qahö, yeñgö qetñini mönö qet areñ papia miangöreñ kude alman. Mi albanak ewö, yeñgö sihim kömbönañinan könöp jeiga azi

kunbuk membingö mötmötņini ahum köhöiiga Kraist silekmalek ak waņgiba zioz nup mosötpepuk. ¹² Mi mosöta mutuk Kraist tem kölbingöra jöjöpaņ keuņini aukņe jim jöhögeri, mi qegetka pömsöm qeiga Kraistnöņ keuņini jim teköba gamu qem enņiiga önewat laņ malbepuk.

¹³ Önewat laņ mala toroqeba kewö bölibepuk: Miriņi miriņi laņ liliköba nalö ayuhumegö könaņi möt angön kölbepuk. Toroqeba böliba luasö keu laņ jiba keu bapņe qahö anda nanņini imbi-imbi wuatangöba nup meme tandöktandök lilikqilik akepuk. Inöņ wainöņ laņ möndöba nup öļņi qahö memba tosatņi yeņgöreņ yuai mem sohobepuk. Keu tosatņi yeņgöreņ yuaia qahöpmö, töndup mi öne laņ jim sehibepuk.

¹⁴ Mewö akepuköra sihimni kewö möta jizal: Malö ambi namņi qahö yeņön mönö azi memba morö memba nup miriņini galöm köla malgetka dop kölma. Mewö aketka tuarenjoņninan jim bölim neņņimangö könaņi jaruba mi qahö miwikņajama.

¹⁵ Malö tosatņan galöm qahö mem anguba lök Kraist andö qeba eta Satangö könaņe wuatangöba malje. ¹⁶ Urumelen könagesö neņön mönö malö ambi öļņi, tinitosolomņini qahö maljei, mi köyan köl enņibingöra ahakzin. Mianğöra mötnariņ ambi kungö tinitosolomurupņan malöya akzei, yeņön mönö mi köyan köl enņiba malma. Mianğö lömbötņan mönö zioz kambu enğö qakņine kude öngöma. Mewö.

Ziozgö jitņememe mi kewö köyan köl enņibin:

¹⁷ Jitņememurup urumelen könagesö ölöp galöm köl enņimakzei, enjön mönö mianğö likeņņi melenđa gödaqeçe öngöngöņi kondel enņiba malme. Yeņgöreņök tosatņan Buņa keu jim asariba kusum enņimakzei, mianğöra mönö kötöņņini toroqeget öngöi enņiba malme. ¹⁸ *Buņa Kimbigö keu kunņan mianğö könaņi kewö jiza,

“Wit padigö kötni aka kamböņi mendenbingöra bulmakau azinji waņgitketka padi kambu qakņe tiba tözözamgömakzawi, yaņğö numbuņi mönö kude muzupköme. Mewö gumohom waņgigetka ölöp nene kitipņi neiga dop kölma.”

(Mianğö dop kiamnöņ böröjaņ memba sömbup meköi qegetka kitipņi waņgiget neiga dop kölma.) Keu kun kewö ahöza, “Kunöņ nup meiga tosatņan töwaņi waņgigetka dop kölma.”

¹⁹ *Jitņememe kungö sileņe keu laņ ala jim waņgigetka yahöt me karöbutņan mi qahö nangöbeak ewö, i mönö keu jakeņe kude alman. ²⁰ Denike yeņön siņgisöndök ahakzei, göņön mönö i aukņe tembula jim enņinöņga körek pakpak keugi mi möta siņgisöndök akinbukö keņgötņini möta galömnini mem aņņumakņe.

²¹ O Timoti, keu ohoba jim kutum gihizali, mi mönö tem köla wuatangöba malman. Azi me ambi kun kude ek soriba tosatņi kude qepureim enņiman. Mianğöra kungö keuņi mi qeljine laņ kude jöhöman. Ambazip körek pakpak mönö öröröņ kewöta ak enņiman. Mewö akņangö keuņi mi mönö Anutu, Kraist Jisös aka Suep garataurup sarakņi yeņğö jemesoholņine jiba mi jöjöpaņ keuņöņ jöhönöņga mötpi dop kölma.

²² Tosatņi yeņğö siņgisöndökņinan göhö qake öņğögetka gamu miwikņajabanbuk. Mianğöra kunņan “Kembugö nup memam,” me “Urumelen kambu toroqemam,” jizawi, yaņğö könaņamņi mutuk qahö kewöta börögi

* 5:18: Dut 25.4; Mat 10.10; Luk 10.7 * 5:19: Dut 17.6; 19.15

zilarzilar yangö qakne kude ala kötuatköm wangiman. Nangak saraknji malmangöra mönö galöm köl anguba malman.

²³ O Timoti, gi nalö tosatnji kawöl ahum ghiiga “Yainmain!” qeta ahakzan. Miangöra mönö oyök kude nemanmö, wain o tosatnji mewöyök nenönga kömöngoki bauköiga amqema.

²⁴ Keu kun kewö: Ambazip tosatjan singisöndok aketka zilar aukne asuhugetka ambazipnöj eka qeljine jim tekögetka nalö kewöne gamuñinambuk kinje. Mewö kinjemö, tosatjan singisöndok aka tölapköba mala könanjep Anutugö jeje angotketka aukne asuhui jim teköm engima.

²⁵ Ambazip nup ölöpnji aködamunñambuk memakzei, nup mianön mewöyök nalö kewöne aukneyök ahöza. Nup ölöpnji tosatnji aukne qahö ahöbeak ewö, mi mönö mewöyök tölapne ahöbingö osiba könanjep asuhugetka ekin. Mewö.

6

Welenqege yengörej qamban aren

¹ Welenqegeurupñini pakpak tonjanängö mötöp bisiba nup töwanjini qahö memakzei, enön mönö tourupñini iwilele lanj kude ak engimemö, gödaqege pakpak kondel engibingö dop engeka malme. Enön mönö tosatjan Anutugö qetnji mepaiköba jibepüköra kapan köla kinme. Anutugö Buña keunji ambazip kusum engiinga mi engö ahakmemenjanängöra aka andö qegetka bölibapuk. ² Tourupñini tosatjan urumelen alaurupñini akzei, miangöra mönö gödaqegeñini mötket eretnji akapuk. Mewö qahöpmö, tourupñini welen qem engigetka nupñini ölöwahakzawi, yenön Kraist möt narigetka wölböt ala ak engigetka miangöra mönö kapan köla tourupñinängö keu bapne anda urupñini nupnöj ala ölöpñanök memba malme. Mönö mewö jim kutuba kusum engiba malman. Mewö.

Buña keu jim sohogetka urukönöp akepu.

³ Kembunini Jisös Kraistnöj urugö kölguliguli akingöra Buña keunji nengiyöhi, nenön mönö miangö dop ambazip ölöwaknegöra kusum engimakzin. Kunñan Buña keu ölnj qiwitipköba keu kembanganj murutnji ambazip kusum engimakzawi, yanön mönö kopa akza.

⁴ Yanön silenj mem öngömakzapmö, keugö könanji qahö möt kutuza. Qahö möt kutuba mötnaripkö keu kembanganj kembanganj jim melenqelenja jtnakölik ahumapkö köpösöngömakza. Mewö möta tosatnji yembuk möndömkösök aketka ölnj kewö asuhuma: Likeplikep urunöj mututqutut angururuk ak anguba uruqege keu töhörej jiba mem bölim angubepukö sömbu mötmöt akze.

⁵ Mewö aka mötmötñini sohoi kahapmahap aka malmal ölnjanängö könanji siñgiba kewö mötmörimakze, ‘Urunöj kölguliguli ahinga mianön döpnini aiga miangörej tiba monej inap miwikñaibin.’ Mewö mötmöriba tokoba sundan dop jtnakölik eraumakze.

⁶ Mewö ahakzemö, nenön Anutu Buñanängö kölguliguli aka monej inap ahöm nengizawi, mianön uru luai qem angumakzin. Uña Töröñan döpnini aka mem bönjöñ ak nengimakzawanängöra mönö ölnja oyaenköyaen ketanji miwikñaiba simbawonj maljin. ⁷ Miangö könanji kewö: Nini mutuk böröñinan yuai kun qahö memba öne töhöñ gölmenöñ asuhuin. Könanjep mewöyök börötak kömumba gölme ki mesöta anbin. ⁸ Mewö anbinmö, nalö kewöne nene aka opo maluku ahöm nenggiiga miambuk mönö mem bönjöñ aka luai qem angumakin.

⁹ Mewö akindmō, ambazip moneŋ inap ketanŋ miwikŋaibingō mōtzei, yeŋōn mōnō esapesapnōŋ simba ewō tōtekōgetka eta enġumakza. Eta enġuiga sihim kömbōnaŋini bölōŋi bölōŋi mi gwōtpuk ahuba uru enġololōŋ mem enġigetka kezapujpup ahakŋe. Sihim kömbōnaŋini goŋgoŋi mienōn mōnō örōm jōhōm enġigetka ulupkōba köndenmōndenŋ miwikŋaiba ayuhume. ¹⁰ Moneŋ inapkö sihim kömbōnaŋi mianōn mōnō yuai bölōŋi pakpakō jalōŋi akza. Gwōtpuk yeŋōn moneŋ inapkö urukōnōp mōta lilikġilik aka janjuŋ aketka mōtnariŋŋinan pōmsōm qeiga laŋ malje. Urukōnōp mōt bibihigetka mianōn mōnō wōsōŋini qōsōŋniga sihimbölō gwōtpuk mōta malje. Mewō.

Polnōŋ Timoti nupkōra jim kutum waŋġiyōk.

¹¹ Gwōtpukŋan mewō maljemō, Anutugōreŋ azi gi mōnō yuai mewōŋi mi qizingōba andō qeba malmal kewōŋi malmangōra kapariŋ köla malman: Ahakmeme diŋdiŋi wuatangōba Anutugō malmal köhöikŋi köl guliba malman. Mōtnariŋkö kölguliguli pōndaŋ memba ambazip ōlŋa jōpakōm enġiba malman. Mōnō kapariŋ köla köhöiba kinda ambazip guŋbōŋjōŋjōŋ qakŋe ek enġiba malman.

¹² Mōnahot angolat azinōŋ aonġit mianġōreŋ luhut almapkōra ösumŋi pakpak qezakōba anjawi, gi mōnō mianġō dop mōtnariŋ köl guliba aonġit akōdamunġambuk mianġōreŋ köhöiba pōndaŋ bim qeba malman. Anutunōŋ malmal köhöikŋe anġotmangōra goholōhi, gi mōnō malmal mi buŋa qem anġuba qekōtahōba malman. Malmal köhöikŋangō buŋaya akzani, gōŋōn keu mi ölöŋŋanök jim miwikŋainōŋga gwōtpukŋan mi mōta ölöŋ nanġōba jimakze.

^{13*} Anutu yuai pakpak mem gulimakzawi, gi mōnō yanġō jeŋe könaŋamġi jim miwikŋainōŋ aka Kraist Jisōsgō jeŋe mi mewōyök jim miwikŋainōŋga mōrök. Jisōsnōŋ premiō Pontius Pailōtkō jemesoholŋe könaŋamġi jiba keu ölöŋŋi jim miwikŋaiyōhi, mōnō Kraist yanġō jeŋe kewō jim kutum gihizal:

¹⁴ Gi mōnō Buŋa keu köl guliba pōndaŋ tem köla wuatangōba malman. Mewō malnōŋga kunŋan ŋingiba bölimanangōra aka keu jim gihimangō osima. Kembunini Jisōs Kraistnōŋ kunbuk asuhumawi, nalō sutŋi kianġōreŋ mōnō urugō nup mewō memba malman.

¹⁵ Anutunōŋ oyaenġoyaenŋ Toŋi aka nalōŋi ali kam kuŋguiga mianġōreŋ Jisōs Kraist melaiġa aukŋe asuhiġa ekin. Anutunōŋ nanġök Öŋgōŋgōŋamnini aiga köreŋŋan yanġō nembō bapŋe kinjin. Yanġōn kinġ kembu yeŋgō Kembunini aka pom jembon yeŋgō bohōŋŋini akza. ¹⁶ Anutu, oyaenġoyaenŋ Toŋi yanġōn mohot nalō kunōŋ qahō kömuma. Yanġōn asakmaranġ mire euyanġōreŋ maliga körek neŋōn naninak mianġōreŋ öŋgōbingō qakōzin. Gölmegō kunŋan i jeŋan qahō uba ehök aka ekŋamgō osiza. Yanġō qetbuŋanġi mōpōseininga kukōsum Toŋi akōdamunġambuk aka nalō tetekōŋi qahō yuai pakpak galōm köla malma. Keu mi ölŋa.

¹⁷ Ambazip pomŋi nalō kewōŋe gölmenōŋ öŋgōŋgōŋi maljei, gōŋōn mōnō i kewō jim kutum enġiba malman: Sukinapnōŋ nalō kungen qahōwak tekōma. Mianġōra yeŋōn mōnō uruŋini mianġōreŋ kude ala malme. Sukinap qakŋe kinda aiwelikōba söŋgōrōqök akze ewō, jörōmqörōmŋinan mōnō pōmsōm qema. Uruŋini gölmegō ainemalukunōŋ kude almemo, Anutunōŋ yuai pakpak mianġōreŋ köyan köl enġimapkōra al mambötketka dop kölma. Anutubuk qekōtahōba kingetka ölöŋ yuai könaŋi könaŋi malmal söŋgaibingōra kelenmaleŋenŋ enġimakza.

* **6:13:** Jon 18.37

¹⁸ Kewö jim kutum engiba malman: Yeñön mönö nup ölöpnji ölöpnji jegep kinda memba mewö mianjön aködamunñinambuk akñe. Anutugö jeñe aködamunñinambuk aka anqeba jöjöröba tosatñi baukôm engiba kalem sehiba mendenja malme. ¹⁹ Mewö Anutugö jeñe qetbunñinambuk aka malmalgö guli dötnam ölnji miwikñaiba mem sehimakñe. Guli dötnam mewöñi mi malmalgö tandö wötñi köhöikñi akza. Mi mem sehiba galöm köla ölop könanqep tandö wötñi miangöreñ nangöba kinda malmal ölbölnji buña qem anquba malme.

²⁰ O Timoti, Anutunöñ möt narim gihiba nup memegö mötmöt kalem uruge alöhi, mi mönö nupnöñ ala sohobapuköra galöm memba malman. Gölmegö keu oyondewedewet omani aka anqururuk supapköba jigetka sohomakzawi, mi mönö mosöta andö qeba malman. Tosatñan “Mötkutukutu eraum mötpin,” jiba keu sinnji sinnji jim sehigetka anakza. Mötkutukutu ölnji mi mewö jim sohomakze. ²¹ Tosatñan mötmöt sohosohonji buña qem anquba jim miwikñaiba janjun aketka mötnariñinan söörauba löwöriba sohayök.

Anutugö kalem möriamñan mönö embuk ahöma.

Timotigö Kimbi 2

Polnöŋ Timotigöra Kimbi aliga 2 ahök.

Jim-asa-asari

Polnöŋ undumŋi aka gwabö alabaukŋi Timotigöra “Andö qambaŋni göndökŋi waŋgimam,” jiba Buŋa Kimbi ki ohoyök. Keu arenŋi bohonnŋi mi kapaŋkölköl. Polnöŋ mi jim asariba uruŋi naŋgöba qambaŋi kewö waŋgiba ohoyök: Timoti göŋön mönö pöndaŋ kinda Jisös Kraistkö könaŋi naŋgöba jiba malman. Ölöwak Buŋa aka Jöhöjöhö Arenŋ Walŋi mötzani, mönö mianŋöreŋ qekötahöba mianŋö keuŋi ölböŋŋi mi ambazip kusum eŋgiba urukuŋgukuŋgu nup memakŋan. Tuarenŋon ak gihigetka sihimbölä könaŋi könaŋi miwikŋaiba mötpanak ewö, mönö töndup Anutunöŋ nup gihiyöhaŋgö dop mi kapaŋ köla memakŋan.

Polnöŋ galöm meme keu köhöikŋi Timoti kewö waŋgiyök: Tosatŋan “gukmaulem qakŋe aŋgururuk omani aka kezapjupjup ahakzei,” göŋön mönö mianŋö keunöŋ aŋgota nalögi mösöhöba ayuhubanbuk. Aŋgururuk keu mewöŋi mienöŋ ambazip qahöpmahöp bauköm eŋgimazemö, ambazip kezap ala mörakzei, mönö i mem bölim eŋgiiga ayuhume.

Polnöŋ qambaŋ keuŋi pakpak naŋgömamgöra nanŋi malmalŋaŋgö kösohotŋi ohoyök. Wuanöŋgöra aka denöwö nup arenŋi ala bim qeba malöhi, Timotinöŋ mianŋö keuŋi ölum qebapüköra mi kewö jim asariyök, “Nöŋön Jisös möt nariba lömböt möta mökösoŋda urukalem aka malal. Sesewerowero ak niŋgigetka sihimbölä möta kapaŋ köla köhöiba kinal.”

Buk kiaŋgö bahöŋi bohonnŋi 5 mi kewö:

Keu mutukŋi 1.1-2

Anutu möpöseiba Timoti qambaŋ waŋgiyök 1.3-2.13

Goro aka galöm meme keu tosatŋi 2.14-4.5

Pol öröm ureim ak waŋgigetka malök 4.6-18

Kimbigö keu kötŋi bohonnŋi 4.19-22

¹ Anutunöŋ jitsihitŋi jim kutuba Pol ni kuŋgum niŋgiiga Kraist Jisösgö aposol akzal. Kraist Jisösbuk qekötahöba kininga malmal köhöikŋi neŋgimapkö keu jöhöyöhi, mianŋö Buŋa keuŋi jim asarimamgöra melaim niŋgiiga maljal.

² *Timoti göŋön mötnaripkö wölböt nahöni akzan. Nöŋön göbuk keu eraum mötpitköra kimbi ki ohozal.

Iwi Anutu aka Kembunini Kraist Jisös, yetkön mönö ak kömumba kalem möriam gihiyohotka luainöŋ malman.

Polnöŋ Timoti uruŋi naŋgöba keu jiyök.

³ Nöŋgö ambösakonon Anutu welenni qeba malgetka nöŋön toroqeba nupŋi membiga Anutunöŋ “Dop kölja,” jiiga urukezapnan mewö mörakzal. Uruni sarakŋi aiga Anutu möpöseimakzal. Möpöseiba suŋgem asak köuluköba gi qösösök mötmörim gihimakzal. ⁴ Gömosötpiga sahötnöŋga imbilgi eröhi, nöŋön mi mötmöriba gekŋamgö awöweŋgöba kapaŋ kölakzal. Geka köisirik tatziga sösoŋgainöŋ uruni kokolak qemapköra mötzal.

* 1:2: Apo 16.1

⁵* Gõrjõn geŋmõrj qahõ õlŋa Jisõs mõt nariba maljani, keu mi urukõnõmne ahõiga mõtmõrimakzal. Mutuk abugi Lois aka namgi Yunis yetkõn urunjiri melenjohotka mõtnaripjiran ahuyõk. Yetkõ andõnjire gõrjõn mewõyõk aka maljani, mewõ mõt narim kõhõizal.

⁶ Miangõra ikmaõk malbanbukõra keu kewõ kõl gulim gihizal: Nõrjõn mutuk bõrõni nõrõpke ala kõulukõbiga Anutunõrj nup memegõ mõtmõt kalem gihiga uruge ahõzawi, mi mõnõ mem gulinõrjga kõnõp bõlam ewõ kõhõiba jeba qahõ ilin alma. ⁷ Keu ki mõtmõrinõrj anõk: Anutunõrj Uŋa Tõrõrj mi zirinjirinj aka qarõsõmbu mõtpingõra qahõpmõ, nanjji kukõsumgõ Uŋanji nenjiiga õlõp uruninan jõpakõm anjuba ahakmemenini tõrõrõk galõm kõl anjuba kinbin.

⁸ Miangõra Kembuninangõ keunji nangõba jim sehimangõ tanqan kude akjan. Mewõ qahõpmõ, mõnõ ni ewõ aka malman. Nõrjõn Kembangõ nupnji memba malbiga miangõra kõsõ mire al ninjigetka tatzalmõ, tõndup nõngõra aka gamu kude mõta malman. Mõnõ kõhõiba ni ewõ awõsamkakak kinda urugõ nup memba malman. Õlõwak Buŋagõra aka anjõsirip ak gihibeak ewõ, mõnõ miangõ sihimbõlõrj mõta mõkõsõrjda bisiba malman. Anutunõrj kukõsum gihimakzawangõ dop mi õlõp nõmbuk mohõtje kapan kõla bisiba malbit.

⁹ Anutunõrj mõrjanjõ mõrje Suep gõlme qahõ miwikŋaim etkiba nalõ miangõrenj nenjõra mõtmõriba arenj kewõ alõk: Anutunõrj Kraist Jisõsgõra aka kalem mõriam nenjima. Arenj mi ali ahõiga mala kota malgetka nini ahuin. Ahuinga Anutunõrj nini yangõ buŋanji aka saraknji malbingõra nenjohola amõt qem nenjiyõk. Naninak yuai õlõrjji ahinanjõra aka qahõ mõwõlõhõm nenjiba nenjoholõkmõ, nanjji arenj waljji mi wuatangõba kinda nenjoholõk. ¹⁰ Arenj waljji miangõ õlŋi mi nalõ kewõrje aukje asuhuyõk. Amõtqeqe Toninan asuhuba Anutugõ kalem mõriamnji mokom nenjiyõk. Kraist Jisõsnõrj asuhuba kõmupkõ õsumnji qeba tulungõi eriga Õlõwak Buŋanji indeliga asariyõk. Buŋa keu mi mõt nariba õlõp malmal kõmbõnanji miwikŋaiba tetekõrj qahõ kõhõiba mala nalõ kunõrj qahõ kõmum kõhõibin.

¹¹ Anutunõrj ni Õlõwak Buŋa jim asariba ambazip kusum enjimangõra kunjum ninjiiga melaimelai azi aposol akzal. ¹² Aposol akzalangõra aka nupnji kõhõiba membiba anjõsiripnji bisiba sihimbõlõ mõrakzal. Suep Azi mõt narim wangimakzali, nõrjõn yangõ kõnanji õlõp mõt yakõzal. Miangõra awõsamkakak kinda gamuni qahõ mõrakzal. Qahõ! Anutunõrj mõt narim ninjiba Buŋa nupnji al ninjiyõhangõ dop ni galõm kõl ningimapkõ kõhõiba malma. Mewõ maliga nupjan qahõ sohoba eriga mal õngõba nalõ ketane anjõtpin. Mewõ mõt narim kõhõizal. ¹³ Mõtnaripkõ keu urunini mõhangõmapkõ kõhõizawi, nõrjõn keu õlŋi mi kusum gihiba silik õlõrjji kandel gihiba malal. Mi mõnõ uru kõnõmge ala wuatangõba malman. Nini Kraist Jisõsbuk mohõt kininga jõpakõm nenjimakzawi, gõrjõn mõnõ urukalem miangõ uruje malman.

¹⁴ Anutunõrj geke mõt narim gihiba yuai õlõrjji pakpak gihiga buŋaji akzawi, mianjõn lolõqalõrj aka sohobapukõra mõnõ mi galõm memba malman. Uŋa Tõrõrjan urunine kinda maljawi, mõnõ yangõ kukõsum qakje yuai õlŋi mi galõm kõlnõrjga kahaimõk ahõma.

¹⁵ Eisia prowinsgõ nenjakurupni yejõn kõrek nõmosõta andõ nunjuget, mi mõtzan. Azi qetjiri Figelus aka Hermogenes yetkõn yejõgõ sutjine maljahot.

* 1:5: Apo 16.1, 11; 1 Tim 2.7

¹⁶ Tosatŋan nōmosōtketmō, Onesiforus yaŋōn qahō. Mianğōra Kembu, gi mōnō Onesiforusgō saiwaurupŋi ak kōmum enğinōŋga malme. Azi mianjōn mōnō nōŋgō tapepnaŋğōra (muŋgamuŋga) sisit gamu qahō ak niŋgimakzapmō, nalō gwōtpuk mianğōreŋ kōrō-ōlōwak qem niŋgiiga imbini bōnjōŋ kōlōk. ¹⁷ Onesiforusnōŋ Rom sitinōŋ ki kaŋgota nalō mianğōreŋōk nōŋğōra kapaŋ kōla jaruba mala miwikŋjaim niŋgiyōk. ¹⁸ Yaŋōn mutuk Efesus sitinōŋ denōwō baukbauk ketaŋŋi ketaŋŋi aka mem amqem niŋgiba malōhi, mi nangak ōlōp mōt kōmuzan. Mianğōra nalō ketaŋŋe Kembugō qōhōrōŋe aŋgoringa Onesiforusnōŋ ak-kōmukōmugō tōwaŋŋi miwikŋjaimapğōra kōululokōzal. Mewō.

2

Kraist Jisōsgōra mōnō bim qeba malman.

¹ O mōtnarip nahōni Timoti, gi mōnō Kraist Jisōsbuk qekōtahōba kalem mōriam uruŋe bōŋ qeba kōhōiba kinman. ² Nōŋōn Buŋa keu kusum gihibiga gwōtpukŋan neka naŋğōba jiget mōtnōŋŋi, mi ambazip mōt narim enğienğigō dop akzei, mōnō yeŋgō buŋaya ahōmapğōra al enğiman. Mewō al enğinōŋga ahōi ōlōp ambazip tosatŋŋi toroqeba kusum enğimeaŋgō dop akŋe.

³ O Timoti, gi mōnō Kraist Jisōsbuk kinda yarō azinŋi akōdamunğambuk aka kapaŋ kōla kōhōikŋanōk bim qeba malman. Aŋğōsirip ak gihimei, mianğō sihibōlōŋŋi mōnō mōta mōkōsōŋda bisiba malman. ⁴ Yarō azigō tandōkŋŋi kewō: Suahō galōm bohonŋinan azi enğōmeiga yarō kambugō areŋnōŋ aŋgota anda kaba nup tōp memba maljei, yeŋōn mōnō kōrek galōmŋinan jim kutumakzawaŋgō dop tem kōla akingō jōjōrōba kinje. Mewō kinda nanŋŋini malmalgō naŋğōnaŋğōgōra yuai kun qahō memba malje. Uru denqen qahō malje.

⁵ Mianğō dopkeuŋŋi kun kewō: Mōnahot aŋgolat azinōŋ aonğitnōŋ aŋgota jimkutukutu galōmgō keuŋŋi oŋgita ōsumŋan laŋ anjawi, yaŋōn mōnō akōdamunğambuk qahō akŋa. Yaŋgō nōrōpŋe luhut alalgō ila kun qahō kōlgetka gema. Mianğōra gi mōnō diŋdiŋanōk anman. ⁶ Mewōŋanōk kōlkōmōt azinōŋ nup lōmbōtŋŋi meiga ōlŋŋi asuhiiga mutuk anda yeŋi qeba neiga dop kōlma. Tosatŋan lōwōrigeri, yeŋōn yaŋgō andōŋe kame. Gi mōnō mianğō dop kōhōiba nup memba malman. ⁷ Keu ohozali, mi oyoŋnōŋ lōmbōriiga Kembunōŋ mōnō mōtkutukutu gihiiga mi pakpak ōlōp mōt asariman. Mianğōra mi mōnō uru kōnōmge ala mōtmōriiba malman.

⁸ Mōnō Jisōs Kraist mōtmōriiba malman. Nōŋōn Ōlōwak Buŋa jim asari-makzali, Jisōsnōŋ keu mianğō dop kiŋ Deiwidkō gwōlōnarōkŋa ahuba Amōtqege Toŋŋi aiga Anutunōŋ mem guli kōmupnōhōk wahōrōk.

⁹ Nōŋōn Ōlōwak Buŋa keu kapaŋ kōla jim asariba aŋğōsiripkō sihibōlōŋŋi mōtpiga kegwek-kahasililŋŋi azi ewō kōsō gwarō mem niŋgigetka tatzal. Mewō tatzalmō, Anutuğō Buŋa keuŋŋi mi mōnō qahō jōhōba mianğōhōget. ¹⁰ Kōnaŋŋi mianğōra aka nōŋōn sihibōlō pakpak mōta mōkōsōŋda kōhōiba kiŋjal. Anutunōŋ ambazip nanŋaŋğōra mōwōlōhōm enğiyōhi, nōŋōn mōnō yeŋğōra aka kapaŋ kōla bim qeba maljal. Kraist Jisōsnōŋ amōt qem enğii yeŋōn mewōyōk letota oyaenğoyaeŋ akŋegōra mōtzal. Uruŋŋini melenğda malme ewō, mōnō Suepkō asakmararaŋnōŋ ōngōba tetekōŋŋi qahō kōhōiba mala mal ōŋğōme. ¹¹ Keu ki mōnō pōwōwōm kōhōikŋŋi akza, “Nini urunini walŋan yambuk mohotŋe kōmui maljin ewō, mōnō mewōŋanōk yambuk kōhōiba malbin.

12 *Yambuk mohotne sihimbölo möta mökösoṅda maljin ewö, mönö mewöṅanök yaṅgö bemtohoṅ uruṅe yambuk galömkölköl akin. Nini i qaṅ köljün ewö, yaṅön mönö mewöṅanök qaṅ köl nenḡiba nenḡehöroṅ kölma.

13 Nini andö qem waṅgiinga likepṅi melenḡ nenḡimapkö keu jöhöi ahözawi, yaṅön mi qeapkömamgö osima. Mindiṅqindiṅ aka nanṅi könaṅi utekömamgö qötötaṅgömakza. Miangöra peksek aka keunini põndaṅ qahö wuatangöbin ewö, yaṅön mönö töndup (misila) keuṅi põndaṅ wuatangöba miangö dop ak nenḡima.” Mewö.

Anutugö Buṅa nup azi kewö aka malman:

14 O Timoti, keu ki ölum enḡubapüköra mi mönö jim gulim enḡiba Anutugö jemesoholṅe kewö jim kutum enḡiba malman: Mötnariṅkö keu imbiṅi imbiṅi mi mönö melenḡelenḡda möndömkösök kude akṅe. Jitnakölik mönö qahöpmaḡöp bauköm nenḡimakzapmö, tosatṅan goranora keu mewöṅi möta enḡololonḡ aketka mötnariṅṅinan sohoi ayuhubepuk. 15 Göṅön mönö Buṅa nupkö esapesap könaṅi könaṅi mi luhut alnöṅga Anutunöṅ geke “Dop köljün,” jimapköra kapaṅ köla kinman. Gi Kraistkö nupköra gamu kude möta malmanmö, Buṅa keu öṅi mönö törorök mendenḡda uruṅini kuṅgum enḡiba malman.

16 Gölmegö keu oyoṅdewedewet omaṅi omaṅi mi mönö yaköriba andö qe-man. Tosatṅan mi sehiba jiba mala mewö mianḡön gölmegö aṅgöjörakṅe qekötahöba Anutu toroqeba nönöṅgan aka kahapmahap ahakze. 17 Uzi köhöikṅi (qetṅi kensö) mianḡön busu siribuk qem qariba yöhöba anakzawi, yeṅön mianḡö dop keu omaṅi jiba mianḡön ambazip mem bölim enḡimakze. Yeṅö kambunöṅ azi yahöt qetṅiri Himeneus aka Filetus maljahot. 18 Yetkön keu öṅṅaṅö könaṅi mosöta janjuṅ aka keu sinṅi kewö jimakzahot, “Urumeṅ enḡambazip nenḡön lök guliba wahöta maljin. Miangöra könaṅep kömupnöhök kunbuk qahö guliba wahötpin.” Mewö jiba tosatṅi enḡololonḡ mem enḡiyohotka mötnariṅṅinan bölimakza.

19 *Mewö bölimakzapmö, Anutunöṅ tandö põwöwöm köhöikṅi kuṅguyöhi, mianḡön mönö töndup qahö uruba kinja. Miangö muṅgemṅi mi kewö ohoget ahöza, “Kembunöṅ nanṅi buṅaṅi akzei, mi ölop möt kutum enḡiza.” Muṅgemṅi kun kewö, “Ambazip Kembangö qetṅi memba qetzei, yeṅön körek mönö ahakmeme bölöṅi qem yaköriba malme.”

20 Miri ketanṅi mianḡorenḡ jout, kimbut, alnene, umnene könaṅi könaṅi ahöza. Tosatṅan ipnöṅ aka gwaköṅ gölmenöṅ memeni, mi nalö dop memba nupnöṅ alakzin. Tosatṅan goul aka silwönöṅ memeni. Aködamuraṅṅinambuk mewöṅi mi sösoṅgai nalöṅeyök nupnöṅ alakzin. 21 Miangö dop kuṅṅan keu omaṅi mosöta nanṅi köl könjörat mem aṅguzawi, yaṅön mönö kimbut goulnöṅ memeni kun ewö akṅa. Toṅan i memba nup aködamuraṅṅinambuknöṅ ali memakṅa. Mi meiga töhötmöriamuraṅṅinambuk aiga Ketanṅanṅan yaṅgöra söṅgaimakṅa. Anutunöṅ mem sarahim waṅgiinga titiṅṅitṅi kinda nup ölöṅṅi pakpak memamgö jöjöröba kinma.

22 Seḡguli malmalgö sihim kömbönaṅi bölöṅan galöm ak gihibapüköra mönö galöm mem aṅguba malman. (Nupkahö öṅṅan etpapüköra mi jizal.) Esapesapnöṅ örom gihimakzei, mi mönö qizingöba andö qeba malmal kewöṅi malmangöra kapaṅ köla malman: Ambazip uru sarakṅaṅgö qakṅe

Kembu baukõm engimapkõra qerakzei, yembuk mõnõ ahakmeme diñdini wuatangõba Anutu tõrörök mõt nariba õlña jõpakõm anguba luainõj malme.

²³ Tosatñan kezapjupjup keu jiba oyoñdewedewet ala jtnakõlik aketka goranora angururuk asuhumakza, mi õlña mõtzan. Miangõra mi mõnõ yakõriba andõ qeba malman.

²⁴ Kembangõ nup meme azi akzawanõn mõnõ angururuk akñawanõj dop qahõpmõ, ambazip kõrek gunbõnjõnjõj qakñe ak engiba amqeba kusum engiba malma. Angõsirip ak wanjigetka mi kõhöiba mõkõsõjda malma.

²⁵ Tosatñan tuarenjõj ak wanjigetka i õlõp uruluai qakñe mutulanõgõba mindingõm engimakña. Mewõ ak engiiga Anutunõj uru mõlõwõrim engiiga õlõp Buña keu mõt kutuba urujini melenbeak. ²⁶ Tuarenjõj ambazip yenjõn Bõlõj Toñangõ mõtõp simbanõj tõtekõgetka gwarõhõm engii jiti tem kõla ahakze. Mewõ aka imbiñini mõta urumõtmõtñini ahuiga yangõ kõsõnõhõk lolohoba etpeak. Mewõ.

3

Nalõ tetekõje malmal bõliba angjõjõrakñambuk akña.

¹ Keu kõtñi ki mõnõ mõt kutuba malman: Jisõs kaka nalõñan tõriiga ambazip kõnañamñinan bõliiga tetekõje malmal kanjamñambuk kewõ asuhuma:

² Ambazipnõj nanñinañgõrök mõtmõriba moner yuai girinjabak membagun membingõ nepaqepalok (gridi) kõpõsõngõmakñe. Silenñini mõpõseiba korua ewõ ginginñini tõrõreiba sõngõrõqõk mala uruqeqe keu tõhörej lañ jimakñe. Iwinamñini yengõ jitiñini qahõ tem kõla yuai õlõpñangõra saiwap qahõ jiba nemsep-pamsep (nem-hõlõlõk) ahakñe. Anutugõ nesampurek nõnõñgan ahakñe.

³ “Nanñi lõmbõra,” jiba wõsõ mõtmõt qahõ ahakñe. Tosatñi yengõ siñgisõndokñini qahõ mosõta miangõ urubõlõjõ bisimakñe. Andõqeqe keu yõhösañ jiba nanñini qahõ galõm kõl anguba ambazip lapkõba õrõm ureim ak engimakñe. Ahakmeme õlõpñi tõkõba miangõ õlan engõhõmakña.

⁴ Mamalolo aka nanñini imbi-imbi wuatangõba jaubatbat ahakñe. Sõngõrõqõk mala jakbak-õrañbõrañnõj urujini uwutapkõiga urukõnõp ahakñe. Silengõ sihim sõsõngaiñinañgõra gwõtputk ak engiiga Anutugõra mõtket eretñi aiga gõragõra ahakñe. ⁵ Anutugõ Buña nup bahõsapsap bisiba silebile memba Sonda areñ lañ wuatangõba mõndõmakzemõ, ahakmemenñinan Anutugõ kukõsumñi mi je kõndat qeba qañ kõlakze. Ambazip mewõñi mi mõnõ jabõ ala qizingõba andõ enguba malman. ⁶ Yengõreñõk tosatñan lañ lilikõba ambazip mirinjine õngõba kelõk keunõj uruqeqe mem engiba kezapñini kumbaumakze. Kumbaugetka ambi tosatñan lõwõriba yengõreñ qekõtahõmakze. Ambi siñgisõndokñinañgõ gamugõra et enguiga sihim kõmbõnanñini kõnanñi kõnanñi mienjõn yeyasenñen mem engigetka siksauk akzei, yenjõn i bawian mõnera aka kõpeim engigetka keu mõtõpñine et engumakza.

⁷ Ambi mewõñi mienjõn mõt lõmbõriba sundan keu kusum engimegõ mõndõba mõrakzemõ, Buña keu õlñangõ kõnanñi mi nalõ dop mõt kutubingõ osimakze. ⁸ *Ijpt kantrigõ tirip qõzõlqõzõl azi qetñiri Janes aka Jambres yetkõn Moses tuarenjõj ak wanjiyohot. Takapulaka ambazip yenjõn mietkõ dop Buña õlñangõ tuarenjõj ahakze. Ambazip mewõñi yengõ mõtmõtñinan sohoiga kahapmahap akzei, mienjõn Anutunõj mõtnaripñini esapkõi et enguiga Kembubuk kinkinñinan sõrõreima.

* 3:8: Eks 7.11

⁹ Nalö töröpñi silenini memba önggömëmö, nupñinanğö ölni mi nalö qahö köriiga pömsöm qema. Ijpt azi yetkö kónañamñiran aukñe asuhuyöhi, yeñğö uruqahöpñinanğö kónañan mönö miangö dop aukñe asuhui ambazip körekñan ek asarime. Mewö.

Polgöreñ jimkutukutu keu teteköñi

¹⁰ Yeñğöreñ mewö asuhumapmö, nöñön malmalnanğö tohotñi murutñi kunguba areñ alal. Ambazip Buña keu kusum engiba ahakmemeni aka memba malali, göñön mi lök eka möt kömuzan. Malmalnanğö tohotñi wu-atanğöba mötnaripkö kölguliguli pöndan memba sihimbölö mökösöñda malali, miangö kösohotñi jiba jigetka möt sölöñgözan. Urumeleñ alaurup urunan jöpaköm engiba malal. Tuarenjon angösirip ak niñgigetka miangöreñ kapan köla köhöiba kinda malal. ¹¹ *Sesewerowo kahasililin kónañi kónañi ak niñgiba malgeri, mi mötzan. Antiokia, Aikoniam aka Listra taon karöbut miangöreñ sihimbölö nöñğö qakne öngöiga wahöjalij mörali, mi yuai kan-jamñambuk ahök. Iwinanğö jitñi! Angösirip mökösöñda bisiba malalmö, Kembunöñ mi pakpak miangöreñök meköm niñgiyök.

¹² Keu ki mötnöñ: Ambazip Kraist Jisösbuk mohot kinda malmal köhöikñi mala miangö kölguligulini akingö mötzei, yeñön körek sesewerowo mi-wikñaime. Ni angösirip ak niñgiget ewö, tosatñi inini mewöyök ak engime.

¹³ Tirip qözölqözöl ambazip bölöñi Buña nup silesile memba öñömböböp akzei, yeñön toroqeba bölimqölimakñe. Yeñön ambazip tosatñi tilipköm engiba nanñini mewöyök tilipköm anğuba malme.

¹⁴ Yeñön mewö malmemö, Timoti gi Buña keu ölni möta uru könömge ala möt narim köhöizani, mönö miangöreñ toroqeba böñ qeba kin köhöiba malman. Denike yeñön kusum gihigeri, göñön yeñğö kónañamñini möt kutuzan. I möt narim engizananğöra mönö Buña keu töp memba kude söroraua mosötman. ¹⁵ Urumeleñğö Buña Kimbi Töröñi mi morökötkeyök möt sölöñgöba mala kotzan. Göñön mönö mi oyoñda mötmörinöñga mötkutukutugi asariiga miangö qakñe kinda Amötqeçe Tonanğö kónañi möt asariman. Mi möt asariba Kraist Jisös möt narim wanñinöñga amöt qem gihuiga toroqeba letota malman.

¹⁶ Anutunöñ Buña Kimbigö keunji pakpak mi ambazip tosatñi sölölohöm engii ohogetka kewö mem ölöwak neñgimapköra aka ahöza: Mi oyoñninga Anutunöñ urunine sölölohöba köna ölni kusum neñgiba bölöñamnananğöra tembula jim neñgiba mindingöm neñgimakza aka malmal solanni malbingöra goro neñgiba köl gulim neñgimakza. ¹⁷ Anutugö ambazip neñön mi oyoñda köl guliba Anutu jitñanğö dop köhöiba aködaminambuk aka nup ölöpnji pakpak mbingö jöjöröba malbin. Mewö.

4

Polnöñ nupñi undumñi Timotigö qakñe alök.

¹ Kin Kembunini Kraist Jisösnöñ asuhuba jebuk malbini me kömumba ahöbini, neñğö keunini kewöta jim teköba tosatñi nini bemtohoñe ala galöm köl neñgima. Nöñön Jisös mi aka Anutu yetkö jemesoholñire kinda gi urugö nup memangöra jim kutum gihizal. Mi wuatanğömanğö jiba keu mi jöjöpñ keunöñ jöhönöñga mötpi dop kölma.

* 3:11: Apo 13.14-52; 14.1-20

² Kewö jim kutum gihizal: Göjön Buña keu jiba ambazip uru kuŋgum enġiba malman. Mötmegö nalöjini dop köl enġiza me qahö dop köl enġiza, mönö töndup kapan köla wahöta keu jim asariba malman. Ambazip bölöŋamŋinanġöra jim enġiba mindinġindin aka galöm meme keu jiba uruwahöt keu enġiba malman. Keu mötme me qahö mötmea kun, mi töndup mönö mökösoġda kinda köna ölni nalö dop kusum enġiba malman.

³ Nejön mötnaripkö keu nalö kewöje ambazip ölöwakġegöra kusum enġimakzinmö, nalö murutji kun kam kuŋguiga miangören mötnaripkö keu kembangan kun mötpepeköra tököba kezapjini gwözöŋ akne. Keu murutji murutji mötpingö kezapjini köröpji köröpji aka aziña azi sesegilgil öröm enġigetka kaba ambazip keu i me wai mötpingö sihimji mötzei, miangö dop kusum enġigetka malme.

⁴ Mewö mala Buña keu ölni mötpinbuköra nöŋŋan aka kezapjini gwözöŋda bem sambanji sambanji lan jiji jimakzeanġören göröken melenġda mi kezap ala möta malme. ⁵ Malmal mewö me mewö uteköba asuhumawi, Timoti gi mönö töndup böŋ qeba zeŋ kinda ahakmemegi törörök galöm köl anġuba malman. Anġösirip ak gihimei, miangö sihimbölöŋi mönö mökösoġda bisiba malman. Urukunġukunġu (ewanjelis) azigö nup areŋ mi körek dop köla mem teköman.

⁶ Nalö köröpji bauköm gihimangö osimamaŋgöra mewö jizal. Tandö lopion möpöseibingöra sömbup qeba jakenöŋ ala ohogetka köwaknöŋ öŋgözapma. Miangö dop nöŋön malmalni Anutugöra ala kölenġda nupji memba malalaŋgöra gawman yeŋön keuni jöhöba nunġugetka nani sepni mokumangö dopdowizal. Gölme ki mosötmami, miangö nalöŋan lök kam kuŋgumangö dopdowiiga mötzal.

⁷ Mönahot anġolat azinöŋ ösumtiti aonġit nalöje luhut almamaŋgöra ösumŋi pakpak qezaköba tiba anjawi, nöŋön miangö dop mötnarip köl guliba aonġit aködamanġambuk ak teközal. Kraist möt narimangö keu jim jöhöyali, mi qahö köyatiba qan kölalmö, miangö bimŋi mönö pöndaŋ köhöiba qeba malal.

⁸ Kembunöŋ jimtekötekö Tonji diŋdiŋi aka malmalni kewöta solanji aka malali, miangö ila soromŋi mi jim teköm niŋgiiga nöŋgö mamböt ahöza. Kembunöŋ lilingöba kamawi, nalö miangören mi niŋgiiga imbine köli geiga qetbuŋanambuk akŋam. Mi nöŋgörök qahö niŋgimapmö, ambazip jöpaköm waŋgiba kunbuk asuhumapkö al mambörakzei, mi yeŋgö imbiŋine mewöyök köli gem enġima. Mewö.

Neġakurupnan nömosöta qeŋgalaŋga kölġet.

⁹⁻¹⁰ *Nalö kewöje gölmeġö ahakmeme aka memakzei, neġakni Demas yaŋön uruŋi miangören jöhöba nömosöta Tesalonaika sitinöŋ anök. Neġakni Kresens yaŋön Galesia prowinsnöŋ anök. Taitusnöŋ Dalmesia gölmenöŋ anök. Miangöra gi mönö zilanaŋ nöŋgören kamangö kapan kölman. ¹¹ *Luk yaŋön nanjök nömbuk maljit. Maknöŋ welen qem niŋgimapköra gwötputk möta yaŋgöra osizal. Miangöra Mak waŋgita mohotje kamahot. ¹² *Neġakni Tikikus melaim waŋgibiga Efesus sitinöŋ anök. ¹³ Troas taonöŋ mala malukuni azi qetŋi Karpus yaŋgö mire mosörali, mönö mi memba kaman. Mewöyök kulem lama silenje ohoba lipiŋeri, nöŋgören lama sile mi mönö

* **4:9-10:** Kol 4.14; Flm 24; 2 Kor 8.23; Gal 2.3; Tai 1.4 * **4:11:** Kol 4.14; Flm 24; Apo 12.12, 25; 13.13; 15.37-39; Kol 4.10 * **4:12:** Apo 20.4; Ef 6.21-22; Kol 4.7-8; Apo 20.6

kapan kōla meman aka mianḡō andōḡe buk tosatḡi mi mohotḡe memba kaman.

¹⁴ *Aleksander, silwō kopō ohom qekōqekōtahō azi mötzani, yaḡōn bölōḡi kōnaḡi kōnaḡi ḡwōḡpuk ak niḡgiba malōk. Kembunōḡ ahakmemenḡi kewōta mianḡō dop likepḡi melen waḡḡiḡa qakḡe ḡḡōi sihimbōlō mötmawi, mi mötzal. ¹⁵ Yaḡōn keuninaḡōra ḡwōḡpuk tuarenḡōḡ ak neḡgiba malōk. Mianḡōra ḡi mewōyōk mōnō yaḡōra ḡalōm mem aḡguba malman.

¹⁶ Indim mutukḡi kutukutulaḡ keu jake bohonne al niḡḡigetka keuni likepḡi jibiga kunḡan kun qahō kaba ni naḡḡōm niḡgiba jiyōkmō, alaurup pak-pak yeḡōn buratiba nōmosōtket. Anutunōḡ siḡḡisōndokḡini mianḡō likepḡi qakḡiḡe alpapukōra kōulukōzal.

¹⁷ Yeḡōn nōmosōtketmō, Kembunōḡ baukōm niḡḡiyōk. Nōḡōn Buḡa keu jiba ambazip uru kuḡḡum eḡgiba nup mi kōrek mem tekōmamḡōra aka mem kōhōim niḡḡiyōk. Kantri pakpak yeḡōn Buḡa mi mötmegōra möta baukōm niḡgiba laion sōmbup kalḡi yeḡō numbuḡiḡe ḡil niḡḡibepukō aḡḡōn kōla jitiḡineyōk mekōm niḡḡiḡa eral.

¹⁸ Kembunōḡ bölōḡi kōnaḡi kōnaḡi mem niḡḡibepukōra mekōm niḡḡiḡa ḡlōp Suep bemtohoḡaḡḡō uruḡe eu ḡḡḡōmam. Kembuḡō qetḡi mōnō sundan möpōseininga nalō tetekōḡi qahō akōdamunḡambuk aka ahōba ḡḡḡōma. Keu mi ḡḡa.

Yaizōkzōk keu tetekōḡi

¹⁹ *ḡi mōnō nōḡḡō yaizōkzōkni Prisila aka apḡi Aḡila yetkōra aka Onesiforusḡō saiwaurupḡi yeḡōra jinōḡ mötme. ²⁰ *Neḡakni Erastus mosōḡpiga Korint sitinōḡ malja. Trofimus i Miletus sitinōḡ mosōḡpiga kawōl yōhōi ahōza. ²¹ Mianḡōra kōmunḡaḡ kie uru nalō qahō kaiga mōnō bapḡe kianḡōreḡ nōḡḡōreḡ kamamḡō kapan kōlman. Azi qetḡiḡi Yubulus, Pudens, Linus, Klodia aka urumelen alaurup pakpak yeḡōn yaizōkzōkḡini jiba algetka ḡōhōreḡ kaza.

²² O Timoti, Kembunōḡ uḡaḡi kōtuetkōba ḡōbuk kinma.

Anutugō kalem möriamḡan mōnō embuk ahōma. Mewō.

* **4:14:** 1 Tim 1.20; Sum 62.12; Rom 2.6
Rom 16.23; Apo 20.4; 21.29

* **4:19:** Apo 18.2; 2 Tim 1.16-17

* **4:20:** Apo 19.22;

Taitusgö Kimbi Polnöŋ Taitusgöra Kimbi alök. Jim-asa-asari

Azi gwabö qetŋi Taitus yaŋön uruŋi melenċa Polbuk öröröŋ jöhöba bauköba misin nup meyoht. Memba köwet sutŋe gölme jölanni qetŋi Krit (Arete) miangöreŋ malohotka Polnöŋ kemaŋe kutuba alabaukŋi mosöriga zioz nup arengöba ek kewöta galöm kölok. Polnöŋ mosöta anda yaŋgöra köuluköba mala Buŋa Kimbi ki ohoyök.

Krit mi keu Grik miambuk mindiribanbuk. Krit mi köwet sutŋe gölme jölanni kun aka Grik (Greece) mi kantri kun.

Polnöŋ Taitusgöra waimanċat karöbut möta qambaŋ keu kewö ohom waŋgiyök: Krit yeŋgö könaŋini mi goŋim teköi baunam jegömöl aka malċet. Tosatŋan uruŋini melenċetka malmalŋinan diŋgiyöhi, yeŋön kunbuk bölibepuk. Miangöra yeŋgö jitmemeŋinan silik ölop kötökŋi kondela köuluk aka Baiböl stadi nup qahö mosöta kambuŋini mindiŋgöba malmegöra jiza. Uru melenċet yeŋgö sutŋine kambu morömorö mi denöwö mindiŋgöba kusum eŋgiba malme? Azi namŋi, ambi namŋi, ambi seram, azi gwabö aka welenċeŋe yeŋgö goro keuŋini mi nanjök nanjök kewö jim asariza, “Uruŋini melenċa Buŋa keu wuatangöba luainöŋ mala ketanŋi yeŋgö keu bapŋe anda jeger uruk nup ölpŋanök memba kinda julbepuköra kazik aŋgururuk mosöta malme.”

Buk kiangö bahöŋi bohonnŋi 5 mi kewö:

Polnöŋ aposol nupŋangö könaŋi jiza 1.1-4

Anutugö jitmeme yeŋgö goro keuŋini 1.5-16

Ambazip kambu morömorö yeŋgö goro keuŋini 2.1-15

Urukunċukunċu aka galöm meme keu 3.1-11

Yaizöczök aka keu teteköŋi tosatŋi 3.12-15

Polnöŋ aposol nupŋangö könaŋi jiza.

¹ Anutunöŋ ambazip möwölöhöm eŋgiyöhi, eŋgö mötnariŋinan asuhuba qarimapköra aka Jisös Kraistnöŋ Pol ni melaim niŋgiiga yaŋgö aposolŋi akzal.

Nöŋön Anutu welenŋi qeba keu ölnŋi kusum eŋgimakzal. Keu ölnŋi mi möt kutuba köl gulime ewö, eŋgö malmalŋinan mönö uteköba letorakŋa. Miangöra kimbi ki ohozal.

² Anutunöŋ keu muneŋi jimawaŋgö dop qahö yaŋön möpŋangö möpŋe malmal köhöikŋi nengimangö jim jöhöba miangö andöŋe yuai pakpak mi-wikŋaiyök. Eŋön keu ölnŋi möt kutuba möt narigetka miangön mönö nam köl eŋgiiga malmal köhöikŋe aŋgotpiŋgöra al mamböta jörömqöröm ahakze.

³ Anutu, Amötqeqe Toninan oyaenċoyaenċö keuŋi jim jöhöba miangö nalöŋi diŋdiŋi ali kam kuŋguiga miangöreŋ Buŋa keuŋi indela mi jim sehibingö jimkutukutuŋi alök. Miangö dop mi jim asarigetka Anutunöŋ nöŋön mi jim sehimamgö möt narim niŋgiba kuŋgum niŋgiyök.

⁴ *O mötnariŋ nahön sorokni Taitus! Nöŋön bauköm gihibi urugi melenċa alabaukni aka mohotŋe Kembu möt nariba maljit.

* 1:4: 2 Kor 8.23; Gal 2.3; 2 Tim 4.10

Iwi Anutu aka nanini Amötqeqe Tonini Jisös Kraist yetkön mönö kalem möriam gihyohotka luainöj malman.

Galöm jitrjememe yengörej keu arenj

⁵ Köwet jölanñi Krit (Crete) miangörej mohotje misin nup memba kembangan gömosötmangö aka kewö jim kutum gihial, “Uruñini melenget yengön ilingösöñ lañ maljei, i mönö arengöm engiba (pasta aka) jitrje memenini miri taon dop kunguba kusum enginönga arenjambuk zioz nup memba malme.” Mewö jiba denjit.

⁶ *Uruñini melenjeri, yengö sutnjeiyök azi kewöñi möwölöhöman: Kungö silenje pinjitrkö keuñi qahö, anömñi mohok-kun memba mali nahönböraturupñan uruñini melenja Anutu möt nariba yangiseñ kezapjupjup silikö keu silenje qahö ala jim engimakze.

⁷ Urumelenj könagesögö ketanamñini pasta (bisop)* yanön Anutugö könagesö galöm köl engimakñawi, miangöra mönö azi kewöñi kunguman: Kungö silenje pinjitrkö keuñi qahö, jakbak-öranjöranj qahö aka urupik qahö. O köhöikñi qahö nempa bim lañ qahö qeba möndömöndö qakñe injarere mala moneñ yuaigöra qahö kapanj kölakza. ⁸ Yangörej kamei, i ölöp köl öröba köyan köl engiba keu ahakmeme ölöpnangö sihimñi möta uruñi miangörej ala malma. Kilik-kaluk kekpurikñi qahö, keu pakpak diñdianök kewöta sarakñi töröñi qainñi kun aka nanñi ahakmemeñi törörök galöm köl angumakña.

⁹ Buña keu kusum nenjigetka tandö söran ewö malmal töngumangöra ahözawi, pastonöñ mi mönö töp memba miangörej qekötahöba kinma. Mewö kinda ölöp Buña Kimbigö dop mötnaripkö keu kembangan kembangan ambazip kusum engiba mianön uruñini kungumakña aka tosatñan Buña keu möwörangöba qetalakñei, yengö keuñini gonjonji ölöp qeapköba mindingömakña. Mewö.

Böhi takapulakanj mönö qetal engime.

¹⁰ Ambazip gwötpukñan keu qetala kezapjupjup aka sesekñai ewö keu sinñi sinñi jiba ambazip tilipköm engimakze. Anutugö aiwesökñi silenje yandigeri, yengö kambunöhök ambazip jesöngöñan mewö ahakze.

¹¹ Ambazip mewö miengö keuñini mönö qömbököme. Yengön Buña keu kusum engibingö möndöba moneñ yuainñi öröbingö möta kösawöraj keu lañ jigetka gamuñambuk ahakza. Mewö aka saiwa tosatñi lök körekñanök mem sohom engigetka enololon aket. ¹² Krit nanñiwe kezapqetok azi kunnjan aiakanjangöra kewö jiba ohoyök, “Krit ambazipnöñ mönö nalö dop keu muneñ jiba injarere qölzöm mala ubibi kömböt ewö lilikqilik aka bau numbu nemakze.” ¹³ Yengöra keu mewö nangöba jiyöhi, mianön mönö ölnja. Miangöra kawölñinan qahöwahi mötnaripñinan asuhuba ölnjambuk akñapköra i mönö köhöikñanök terengöba jim engimakñan.

¹⁴ Mötnaripñinan ölnjambuk aiga Juda nengö bem samanini aka ambazip keu ölnji singiba jimkutukutu alakzei, keu mewö miangö kezap kude alme. ¹⁵ Urunini melenñinga Uña Töröñan köl könjörat ak nenñiga sarakñi akzini, nengöra nene kungö dönqizizinnji qahö ahöza. Nenñon nene pakpak ölöp nembinanjö dop akzappmö, qewölon ambazip keu ölnjangö yangiseñ ahakzei, yengön i me wai aketka uruñinan töndup tölohomakza. Uruñinan

* **1:6:** 1 Tim 3:2-7 * **1:7:** ouwösiö, zioz paris lida, bisop, nup meme bohonñi yanön qet ketanj öne qahö bisimappmö, paris kambu-urupñi yengöra köuluköba kusum engiba uruñini kunguba nupñinatjö arenñi engiba goro qambanj qakñe galöm köla mindingöm engimakña.

kölköljinjinambuk aiga urunjanğö kezapınan duhui mönö bau jegömöl tandök malje.

¹⁶ Yeñon “Anutugö könanı möt yaközin,” jitrınan mewö jigetka aiakanınan mi qar köla qeapkömakze. Mewö aka Anutugö keunı qetalgetka imbilonlon möt enğıga ahakmeme ölöpnı kun memeanğö dop qahö akze. Mewö.

2

Ambazip ketanı yeñğö qamban keu

¹ Göñon mewö qahö maljananğöra mönö mötnarıpkö keu kembangan kembangan mi Buña Kimbigö dop kewö kusum enğimakınan: ² Azi nanını yeñon mönö kilik-kalukını qahö malgetka göda qem enğibinanğö dop akne. Nanını ahakmemeını törörök galöm köl anğugetka mötnarıpnınanğö kawölınınan qahöwahi ölnı urukalem asuhamakın. Ölnı asuhı ambazip törörök jöpaköm enğiba malme aka kapan köla böñ qeba kinme. Mewö malmegöra kusum enğimakınan.

³ Ambi nanını yeñon mewöyök Anutugören ambi sarakını yeñğö dop ahakmemeını aka memba malme. Andöqe qe keu yöhösan kude ahakne. Wain o gwötpek nemegö mötöp simbanı kude anğota qaköme. Urumelen ahakmemeğö siliknı ölöpnı kondela tosatnı kusum enğimakne.

⁴ Mewö aka mala ambi nembö bapını maljei, yeñğöra ölöp goro enğiba malgetka yeñon mewöyök apmoröurupnı urukönömınınan jöpaköm enğiba malme. ⁵ Jöpaköm enğiba nanını ahakmemeını törörök galöm köl anğuba sarakını aka mirigö nupnı nem qerak aka nöngöp törön qakne memba apmoröurupnı köyan köl enğiba apurupnınanğö keu bapını anda kötöngöm enğimakne. Mewö kusum enğigetka aka memba malgetka tosatınan Anutugö Buña keu mi mepaiköba ilitnön albıngö osime. Mewö.

Azi gwabö aka welenqe qe yeñğö qamban keunı

⁶ Azi gwabö yeñğö urunı mewöyök kewö kuñum enğimakınan: Yeñon mönö ölöpnanğö oyankasak mala nanını ahakmemeını törörök galöm köl anğumakne. ⁷ Urunı mewö kuñum enğiba nangak ahakmeme pakpak mianğören silik ölöpnı kondel enğiba malman. Mönö geñmon qahö böñ qeba kindan törörök qahö kusum enğimakınan. ⁸ Keu mötsihimnambuk jiba malnöñga ambazipnöñ mepaiköba memba et al gihıbingö osime. Mewö jiba malnöñga tuarenjonurupnı keu bölöñ jim nenğibingö keu jaruba ölnı qahö miwikıaıba gamunı mötme. Mewö kusum enğimakınan.

⁹ Welenqe qe keu mi kewö kusum enğimakınan: Yeñon ketanınnı yeñğö keunı pakpak tem köla keu bapını anda malme. Sösöñgai ak enğibingö kapan köla kinme. Keu jimei, mi nesilam qakınan kude melen enğimakne. ¹⁰ Ketanınnınanğö mireyök yuai mohot-hök yahöt-hök mi ölöñ kude memaknemö, ketanınnınan engeka möt narim enğimakınapköra mönö kapan köla kinme. Nupnı pakpak mönö geñmon qahö pöndan memba malme. Mewö mala Anutu Amötqe Tonınanğö Buña keu kusum enğimakzei, mi kötön kölgetka ölnı ahı nahömambuk ahakın. Mewö.

Malmal sarakınanğö nam köipitnı mi kalem möriam.

¹¹ Malmal sarakınanğö nam köipitnı kewö: Anutonñ ambazip körek amöt qem nenğimapköra aka kalem möriamnı indeli gölme dop asuhuyök. ¹² Kalem möriam mianñon mönö kopa anğöjörak malmalgöra “Qahö,” jibingö köna kondela gölmeğö silim kömbönanı bölöñ qömbököbingöra köl kusuba mindıñgöm

nenjimakza. Ahakmemenini törörök galöm köl anğuba keu pakpak diñdiñanök kewöta malbingöra köl gulim nenjimakza. Mewö mianjon Anutugö malmal köhöikñi mi nalö kewöñe köl guliba gölmenöñ malbin.

¹³ Mewö malinga Jisös Kraistnöñ kunbuk kamawi, nini nalö mianğoreñ Anutu qetbuñambuk aka Amötqeqe Tonini yetkö asakmararanjiri asuhuiga ekin. Nini oyaenköyaen nalöñi mi kam kuñgumapköra jörömqöröm al mamböt aka maljin.

¹⁴ *Jisös Kraistnöñ mönö nenğöra aka nanñi malmalñi köleñda mosörök. Nini ahakmeme bölöñi kónañi kónañi mianğoreñök meköm nenğiba sohopnini memamgö möta köl köñjörat ak nenğiba nanñi buñañi sarakñi akingöra aka malmalñi köleñda mosörök. Mi mosöta qewöloñnini sanğonñiga nanñi kónagesöñi aka ölop nup ölopñi ölopñi memingö urukönöp aka jöjörömakin.

¹⁵ Mianğö keuñi mönö kusum enğiba ambazip uruñini nangöba köna siñgimei, mi kukösüm pakpakö qakñe tembula jim enğimakñan. Mewö aknöñga kunñan jijiwilit ak ghibapuköra galöm mem anğuba malman. Mewö.

3

Urumelen enjon mönö silik kewö aka memba malme:

¹ Kusum enğiba keu ki mönö köl gulim enğinöñga ölop urukönömñine ala mötmörime: Urumelen kónagesö yeñon mönö kiap gawman aka ketañamñini tosatñi yeñö böpñine anda keuñini tem köla malme. Mindimindiri nup ölopñi memegöra jigetka mi pakpak mönö jöjöröba memakñe. ² Uruqeqe keu töhöreñ mi kungöra kude jim wañgime. Anğururuk kude akñemö, ala ak anğuba urumohot malmegöra kinme. Ambazip pakpak mi guñböñjönjönj pakpak ak enğiba uruluai qakñe mutulañğöm anğuba malme. Mewö.

³ Nini mewöyök mutuk uruqahö mala qegetal aka janjuñ malin. Sihim kömböñañnini bölöñi kónañi kónañi miengö mötöp simbañe qaköinga galöm köl nenğigetka silegö sihim sösoñganiñ lañ jarubingöra malin. Kórögisigisi qakñe kegwek-kahasililiñ aka mianğoreñ malmalnini ayuhuba malin. Tosatñan imbilonloñ möta kazik ak nenğigetka sutnine urukerök ak anğuba malin.

⁴ Mewö malinmö, Anutu Amötqeqe Toninan ahakmemeñi ölopñi köleñda indeliga urukalemñan asuhum tuñgiriga kötala uruñan jöpaköm nenğiyök.

⁵ Jöpaköm nenğiba bohonini jöhöba amöt qem nenğiyök. Naninak diñdiñi mala nup ölopñi ölopñi memba malbinahi, mianğöra aka qahö nenğehoriyök. Mianğöra qahöpmö, nanñi ak-kömükömuñan mönö nam köl wañgiiga siñgisöndoknini sanğonñiga ahuañu dölokñi ahuinga Uñañi Töröñi urunine aliga kölöñaim nenğiyök. ⁶ Anutunöñ amöt qem nenğiba Amötqeqe Tonini Jisös Kraistköra jiuga Uñañi Töröñi melaiba kelenmaleleñ mokoiga urunine geiga maljin.

⁷ Anutugö kalem möriamñan nam köl wañgiiga keunini jim teköi solanibingöra aka Uñañi Töröñan urunine geiga kölöñainin. Kölöñaiña kinda oyaenköyaen malmal teteköñi qahö malbingö jörömqöröm al mamböt akzini, mi ölop buña qem anğubin. Mewö.

⁸ Keu ohozali, mianjon öl töhöñña. Göñon mönö keu kewö kapan köla jim tuarim enğiba malman: Ambazip Anutu möt narizei, yeñon mönö jegep aka kindu uruñini pöndañ nup ölopñi ölopñi memegöra ala malme. Mewö akñei, mianjon mönö ambazip bauköm enğiiga nupñinanğö öñji eka “Qetpuk!” jiba

* **2:14:** Sum 130.8; Eks 19.5; Dut 4.20; 7.6; 14.2; 1 Pitö 2.9

malme. ⁹ Tosatjan uruqahö keu aka ambösakon yeŋgö qet areni areni eraum mötketka goranora anjururuk asuhumakzawi, göñön mönö mi yaköriba andö qeman. Mewöyök Mosesnöñ Köna keu neŋgiyöhi, tosatjan keu mohot mohot mianğöra möndömkösök aketka supapköiga sohomakza. Jitnakölik mewöñi mi yuai omani töhön aka qahöp mahöp bauköm eŋgimakza. Mianğöra mi mönö andö qeba mosötman.

¹⁰ Kunjan keu mewö jim öröba mianğön urujjul mem eŋgimakzawi, i mönö galöm meme keu jim waŋginöŋga qahö tem köliga kunbuk jim waŋginöŋga yahöt aiga töndup yaŋgiseŋ akña ewö, i mönö közölnöŋga urumelen kambu mosöta yaigepñe malma. ¹¹ Yanğö könañi kewö ahöi möt yaközan: Yanğön köna siŋgiba öñömböböp köla lolonqalon aka siŋgisöndok ahakmeme ahakza. Siŋgisöndokñi mianğön mönö könañi kondeli sohom teköi Anutunöñ keuñi jim teköi könöp siagö bujaya akña. Mewö.

Yaizözkök keu teteköñi

¹² *Ni kömunjan kie uru nalö ki siti qetñi Nikopolis Grik mianğöreñ mösöhöba malmangö mötzal. Mianğöra Artemas me Tikikus salupke malmapköra melaibi göhöreñ kaŋgotmawi, nalö mianğöreñ mönö nalö kude qem körimanmö, zilaŋ mosöta Nikopolis kaba miwikñaim niŋgiman. ¹³ *Köna keugö mötmöt azi (loya) qetñi Zenas aka Apolos yetköñ yuai kungöra osiba mözöqözöröñ aka Krit mianğöreñ qaköba tatpahotpuk. Mianğöra mönö kapan köla öryuai tosatjan dopñire naŋgöm etkinöŋga ölop toroqeba anmahot. ¹⁴ Alaurupninan mönö nup ölopñi ölopñi memegö könañi möt soroköba pöndaŋ jegep aka zeŋ kindu uruñini mianğöreñ ala malme. Mewö aketka tosatjan lömböt keta bölökñi saŋgabaŋga miwikñaimi, i ölop naŋgöm eŋgimakñe. Mötnaripkö ölni mewö ahuiga malmal gilipitñi (ambetakñi) önewat qahö malme.

¹⁵ Nömbuk ki maljei, yeŋön körek yaizözkökñini jigetka göhöreñ kaza. Göñön alaurupnini Krit mianğöreñ Kembu möt nariba uruñinan jöpaköm neŋgimakzei, yeŋgöra mönö nöŋgö yaizözkökni jinöŋga mötme.

Kalem möriamnöñ mönö körek embuk ahöma.

* **3:12:** Apo 20.4; Ef 6.21-22; Kol 4.7-8; 2 Tim 4.12

* **3:13:** Apo 18.24; 1 Kor 16.12

Filemongö Kimbi Polnöŋ Filemongöra Kimbi alök. Jim-asa-asari

Azi öngöngöŋi Filemon mi Kolosi sitinöŋ mala uruŋi melenŋa zioz nup memba welenqeŋeŋi qetŋi Onesimus galöm köliga töndup unjurata Rom sitinöŋ anök. Mianŋöreŋ anda Polbuk mutulaŋgöba keuŋi möta uruŋi melenŋa Polbuk Buŋa nup meyoŋot. Polnöŋ kösö mire tata Onesimus toŋaŋgöra Kimbi ki ohoba böröŋe ala melaiiga Kolosi lilingöyök. Kimbi kianŋöreŋ uruŋi melenöŋhi, mianŋö buzupŋi indela Filemon uruŋi kewö kuŋguyök: “Gi mönö welenqeŋegahö pinjitŋi mosöta yambuk urumohok aka köl öröm waŋginöŋga urumelenŋi lagi ewö qöhöröŋge kiniga yaŋgöra söŋgaiba malman.”

Buk kianŋö bahöŋi bohönŋi 4 mi kewö:

Keu mutukŋi 1-3

Polnöŋ Filemon möpöseiza 4-7

Onesimusgöra Filemongö uruŋi kuŋguyök 8-22

Kimbigö keu kötŋi bohönŋi 23-25

¹ O wölböt alani aka neŋakni Filemon!

Pol nöŋön Jisös Kraistkö nupŋi memakzalaŋgöra aka gwaröhöm niŋgigetka kösö mire tatzal. Urumelenŋi alani Timoti yaŋön nömbuk tariga nöŋön göbuk keu eraum mötpitköra kimbi ki ohozal.

² *Mewöyök ambi ketaŋi urumelenŋi nenini Apia aka Arkipus urumelenŋö bimqeŋe azinini aka urumelenŋi könagesö göhö mire tokomakzei, nöŋön kimbi ki eŋgöra ohozal.

³ Anutu Iwinini aka Kembu Jisös Kraist yetköŋ kalem möriam eŋgiyohotka lainöŋ malme.

Filemongö urukalemŋaŋgöra möpöseiza.

⁴ Nöŋön nalö dop köuluköba gi mötmörim gihimakzalaŋgö dop kewögöra Anutuni saiwap jim waŋgimakzal: ⁵ Gi Kembu Jisös möt nariba jöpaköm waŋgiba Anutugö ambazip sarakŋi pakpak jöpaköba urukalem ak eŋgiba maljan.

⁶ Saiwap jiba kewö köulukömakzal: Mötnariŋkan mönö köhöiba pöwöwöm aiga ölop qöhöröŋnine kinda nembuk mötnariŋkö keuŋi jim sehiba malman. Mewö Kraistpuk qekötahöba kininga kalem öloŋŋi öloŋŋi neŋgimakzawi, gi mianŋö könaŋi köreŋanök möt sölöŋöman. ⁷ O urumelenŋi alani, gi ambazip sarakŋi köro-ölöwak qem eŋginöŋga amgöba malje. Urukalemgi mianŋöra nöŋön gwötpuk söŋgaibiga mianŋön uruni naŋgömakza.

Filemonöŋ Onesimus köl örömapköra qesiza.

⁸ Mewö malnöŋga Kraistpuk qekötahöziga ölop awösamakak aka kukösum qakŋe kinda yuai akŋangö jim kutum gihibileŋak. ⁹ Mi töndup Anutunöŋ uruŋan jöpaköm netkizawaŋgöra aka ölop jimkutukutuni mosöta ulet miyök ulet gihimam. Gi Pol nöŋgö silikni mötzan. Nöŋön azi namŋi akal aka Kraist Jisösgö nupköra aka nalö kewöŋe kösö miri asia mewöyök akal. ¹⁰ *Ni kösö miri kianŋöreŋi lagi qetŋi Onesimus aitonŋgöba bauköm waŋgibiga

* 1:2: Kol 4.17 * 1:10: Kol 4.9

uruŋi melenja mōtnaripkō nahōni ahōk. Mianğōra merak yaŋgō numbu jit memba yaŋgōra aka ulet gihizal. ¹¹ Yaŋōn mutuk welen qeba laŋ mōndōba injarere mala qemasolokep ak gihiba malōkmō, nalō kewōŋe letota gi aka ni ōlōpŋanōk baukōm netkiiga ōlŋi asuhumakŋawaŋgō dop akza.

¹² Yaŋōn nani wōlbōt nahōni akza aiga nani wōlbōtŋi ewō melaim waŋgibi lilingōba gōhōreŋ kaza. ¹³ Nōŋōn Ōlōwak Buŋagōra aka kōsō mire tatzal. Mianğōra Onesimus jōhōbi nōmbuk mala gōhō salupke baukōm niŋgimapkō mōtzal. ¹⁴ Mewō mōtzalmō, baukōm niŋgimapkō qahō kuŋgum gihizal. Sihim-gan jiiga baukōm niŋginōŋga dop kōlŋapmō, gōŋōn welenqeqegi niŋgiman me aŋgōn kōlman, mianğōra Oŋ! qahō jinōŋga nanōk jōhōm waŋgimamgō osizal.

¹⁵ Onesimusnōŋ kewōgōra aka gōmosōrōk me? Yaŋōn nalō tōrōptōkŋi yaigep mala kunbuk lilingōba kaba gōbuk nalō tetekōŋi qahō malma. ¹⁶ Mutuk welenqeqe omaŋi aka malōkmō, nalō kewōŋe mi oŋgita azi qainŋi kun akza. Uruŋi melenja mōnō wōlbōt alanina akza. Nōŋōn yaŋgōra gwōtpuk ak niŋgiiga gōŋōn azi mi eknōŋga Kembugō buŋaŋi aiga yaŋgōra mewō ni noŋgita ōnōŋi qahō ak gihimakŋa.

¹⁷ Gōŋōn nōmbuk ala-ala aka maljit mōtnōŋga nōŋōn kabi kōl ōrōm niŋgibanak ewō, mōnō Onesimusnōŋ kaiga mewō kōl ōrōm waŋgiman. ¹⁸ Yuai kun ak bōlim gihiyōk me yaŋgōreŋ tosa kun gōhōreŋ ahōza ewō, mia mōnō nōŋgō tosa ya jinōŋ ahōma. ¹⁹ Ni Pol mōnō nani bōrōnan kewō ohozal, “Nōŋōn mi mekōmam.” Nōŋōn baukōm gihibi urugi melenjōŋga tosaŋi ketanŋi mi mekōmangōra nangi mewōŋanōk nōŋgō buŋaya jim tekōm aŋgunōŋga dop kōlbawak. Mianğōra ōlōp kewō jibilenak: Onesimusgō tosaŋi mi mōnō jinōŋga nange tosa ya ahōma. ²⁰ O urumelen alani, Kembugō Buŋa gihiali, mi mōnō melenja baukōm niŋgimangō ak niŋgiza. Kraist qekōtahōzani, mianğō dop mōnō Onesimus kōl ōrōnōŋga nōŋgō urunan amgōba ōlōwakŋa.

²¹ Keuni tem kōlmani, mi mōt nariba keuni ohoba kōnaŋamgi kewō ahōi mōtzal: Keu jizali, mi mōnō oŋgita qetpuk ak sorokōman. Mewō. ²² Keu kun ki: Eŋōn kōulukōgetka Kembunōŋ ni melen niŋgi engōreŋ kamamgō al mambōta jōrōmqōrōm akzal. Mianğōra mōnō miri uruŋi kun nōŋgōra mem kelōtman.

Yaizōkzōk aka kōtuetmōtuet keu tetekōŋi

²³ *Alani Epafras yaŋōn Jiśōs Kraistkō nupkōra aka nōmbuk kōsō mire tata yaizōkzōkŋi ali gōhōreŋ kaza. ²⁴ *Neŋakurupni nup mohotŋe memakzini Mak, Aristarkus, Demas aka Luk yeŋōn mewōyōk yaizōkzōkŋini algetka gōhōreŋ kaza.

²⁵ Kembu Jiśōs Kraistkō kalem mōriamnōŋ mōnō uŋaŋini kōtuetkōba embuk ahōma. Mewō.

* **1:23:** Kol 1.7; 4.12 * **1:24:** Apo 12.12, 25; 13.13; 15.37-39; 19.29; 27.2; Kol 4.10, 14; 2 Tim 4.10-11

Hibru Kimbi Kunöŋ Hibru yenğöra Kimbi alök. Jim-asa-asari

Jisösnöŋ Suepnöŋ öŋgöi miangö andöŋe yambu 35 miangö dop teköiga azi kun qetŋi qahö mötzini, yaŋön Kimbi ki ohoba Juda urumelen ambazip yenğoren alök. Juda yenön Hibru (kian) keu jigeranğöra qetŋini Hibru qetket. Tosatŋan Juda urumelen ambazip mi sesewerowo gwötpuk ak enğigetka Jisösgö köna diŋdiŋi mosötpingö mötmöriba Juda yenğö köna walŋe dumŋe kunbuk anğotpingö mötket. Köna walŋi mi Köna keugö kapanğölköl.

Kimbi kianğö keu kötŋi 3 mi kewö:

1. Jisös, Anutugö Nahönŋi yaŋön sihimbölö ketanŋi möta mewö mianğön Iwiŋi tem kölmangö könanŋi mörök. Mianğöra Suep garata, Moses aka keza-pqetok ambazip pakpak enğonğita öŋgöŋgöŋi akza.

2. Anutunöŋ Jisös kuŋguiga nalö teteköŋi qahö jike nup galömnini bohönŋi aka malma. Nanŋi sepŋi mokoyöhanğöra jöwöwöl ohohonöŋ teköiga jike nup galöm tosatŋi yenğöra qahö osibin.

3. Urumelen neŋön Jisös möt nariinga siŋgisöndoknini mosöta amöt qem nenğiba kömupnöhök meköm nenğiiga kenğötnini qahö mötzin. Jike nup walŋi mi imutum ewö aiga megetka Jisösnöŋ amötqeqegö könanŋi öŋŋi indela nanŋi jöwöwöl ohoho ewö akŋegöra al anğuyök.

Mötnariŋ ambazip ketanŋi yenğö silikŋinanğö kösohotŋi mi teteköŋe (Boŋ 11) ohoba mötnariŋŋinan söroaubapüköra kewö kungum enğiza, “Sesewerowo ak enğigetka mianğö sihimbölöŋi mi mönö kapan köla mököşöŋda möta Jisösbuk luhut alme.” Buk kianğö qambaŋi aka galöm meme keuŋi mi nahömŋambuk.

Buk kianğö bahöŋi bohönŋi 10 mi kewö:

Keu mutukŋi: Kraistnöŋ Anutugö könanŋi indel teköyök 1.1-3

Kraistnöŋ garata pakpak enğonğitza 1.4-2.18

Kraistnöŋ Moses aka Josua etkoŋitza 3.1-4.13

Kraistnöŋ jike nup galöm pakpak enğonğitza 4.14-7.28

Kraistkö jöhöjöhö arenŋi mi jöhöjöhö arenŋ walŋi onğitza 8.1-9.28

Kraistkö sep busuŋan jöwöwöl pakpak enğonğitza 10.1-39

Mötnariŋ mi yuai mutukŋi aka bohönŋi 11.1-12.29

Ahakmemeninan Anutu uru ölöwak mem wanğime 13.1-19

Köuluk teteköŋi 13.20-21

Uruwahöt keu aka yaizökzök keu teteköŋi 13.22-25

Anutunöŋ Nahönŋi melaiiga keuŋi indelök.

¹ Anutunöŋ mönö möpŋanğö möpŋeyök könahiba köna murutŋi murutŋi wuatangöba keuŋi indelmangö mörök. Mewö möta keuŋi nalö gwötpuk kezapqetok ambazip yenğö uruŋine aliga aukŋe jigetka ambösakonurupninan möta mala kotket. ² Mewö mala kotketmö, nalö teteköŋe malinga kewöŋe mönö Nahönŋi melaiiga keuŋi indela aukŋe jiiga mörin. Nahönŋi yaŋön Iwiŋi bauköiga Suep gölme aka mietkö öroyuaiŋiri pakpak miwikŋaiyohotka Nahönŋan nalö teteköŋe yuai pakpakö Toŋi akŋapkö jim teköi malja. ³ Anutugö kaisonğolomŋan Nahönŋi ahöm wanğiiga eta kondelök. Anutugö asakmararaŋan mönö i kuŋguiga biliksik aliga imutum ewö ehin.

Singisöndoknini köl könjörat teköbagun mönö Suep mire öngöba dumñi memba Öngöngöñamminañgö böröñi ölnje tatza. Mianğoreñ tata Suep gölmegö öröyuai pakpak mi keunji kukösumñambuknöñ bisiba galöm köla malja.

Anutugö Nahönñan Suep garata enğonğitza.

4 Anutunöñ Nahönñi qet wañgiiga mianñon mönö Suep garata yengö qetñini onğita aködamunñambuk akzawi, mianğö dop Nahönñan Suep garata enğonğita ketanñamñini aiga nembö bapñe malje. 5 *Anutunöñ nalö kunöñ Suep garataurupñi yengörenök kungöra keu kewö qahö jiyök,

“Göñön nöngö Nahöni aknönğa nöñön merak göhö Iwigi akzal.”

Mewöyök keu kun kewö jii ahöza, “Nöñön yanğö Iwinji akiga yanñon nöngö Nahöni akña.”

6 *Keu mi dumñe kunbuk Nahönñi mutukñi jim teköiga gölmenöñ etmamgö ahöhi, nalö mianğoreñ mönö qeljñe kewö jiyök, “O Suep garataurupni, injini mönö körek pakpak yanğö waikñi memba möpöseiba malme.”

7 *Suep garata yengöra keu kewö jii ahöza, “Anutunöñ mönö garataurupñi mem letot enğiiga luhut ewö aka anda kame. Welenqeçeurupñan mönö letota könöp bölam ewö aka anda kame.”

8 *Yengöra mewö jiyökmö, Nahönñanğöra keu kun kewö jii ahöza, “O Kembu, göñön mönö jakömbuak dum tatatke nalö teteköñi qahö tat öngöman. Öröpki kukösum-ñambuk mianñon qindñajim neñginönğa ahakmeme diñdiñan mönö bemtohonğahö muñgemñi aka ahöm öngöma.

9 Göñön ahakmeme solanñanğöra ak gihiiga ahakmeme gonğonñanğöra irimgi seholiiga kazik aka mala kotnöñ. Mianğöra göhö bemgi Anutu yanñon mönö al gihiiga alaurupki enğonğita sösongai kelöknöñ gömirii maljan.”

10 *Nahönñanğö keunji kun mi kewö, “O Kembu, göñön könakönahñe gölmegö tandöñi kuñgunönğa Suepkö jakenji jakenji mienñon mönö göhö börösöwögi akze.

11 Suep gölme pakpak mienñon opo maluku ewö walñi aka ayapkömemö, göñön mönö köhöiba kin öngöman.

12 Möki köpeimazkini, göñön mönö mianğö dop suep ehekñi mi opo söro jöhözin ewö köpeim enğinönğa letotme. Yuai pakpak utekömapmö, göñön mönö tandök mohot miyök aka yambuği (yaragi) teteköñi qahö mal öngöman.”

13 *Anutunöñ nalö kunöñ Suep garataurupñi yengörenök kungöra keu kewö qahö jiyök, “Göñön mönö kaba böröni ölnje tatnönğa nöñön mönö tuarenjorupki nalö sutñi kianğoreñ tim tötal enğibiga et enğuiğa göhö könagahö döññi aketka köirañ albin.”

14 Nahönñanğöra keunji keunji mewö jiyökmö, Suep garata i mönö niñja akze? Körek yenñon Anutugö welenqeçe unñaurupñi akze. Mewö aka ambazip oyaenköyaen buña qem anğumei, i bauköm enğimeğöra melaim enğii malje. Mewö.

2

Urunini qahö melenbinbukö galöm meme keu

* 1:5: Sum 2.7; 2 Sml 7.14; 1 Hist 17.13 * 1:6: Dut 32.43 * 1:7: Sum 104.4 * 1:8: Sum 45.6-7 * 1:10: Sum 102.25-27 * 1:13: Sum 110.1

¹ Mianğöra Buña keu mörini, mi mönö törörök möt asaribingö kapan köla kezap alme. Gölmenöñ malmalgö inji me wainji kunñan nenğuanğiri lañ anda kaba liklak malbin ewö, mönö Jisösgö amötqeqe nupñi oñgita öne mala ayuhubinbuk. ² Keu mi kewö jim tuarimam: Mutuk Suep garata yeñön Buña keu jigetka ambazip jöhöm enğii malget. Mewö mala denike yeñöni Köna keu qahö tem köla selñi walöñgeri, Anutunöñ mönö körek yeñgö keunñi diñdiñanök jim teköba likepñi meley enğii lömböt qakñine öñgöi mala kotket.

³ Yeñön lömböt miwikñajetka neñön mewöñanök akzin ewö, lömbötköra mönö denöwö ölöñ kölbinak? Amötqeqe nup ketanji mi nesampurek qakñje nönöñgan akin ewö, mönö lömbötnöhök ölöñ kölbingö osibin. Kembunöñ könahiba amötqeqegö könanji indeliga tosatñan keu mi jitñeyök möta nañgöba jim köhöigetka sehiba dop köl neñgiyök. ⁴ Mi nañgöba jim köhöigetka Anutunöñ yembuk mohotñe kinda keunñi nañgöba jiiga angöletot aiwesök könanji könanji mi kukösumñinambuk asuhugetka Uña Töröñi mokoba jitsihitñangö dop mendenñiga dop köl neñgiyök. Mewö.

Jisösnöñ datnini aka Suepnöñ nenğuanğitmamgö mötza.

⁵ Suep gölme dölöknji asuhumegö keunji jimakzini, Anutunöñ nini mianğöreñ Suep garata nembö bapñine malbingö arenji qahö ala jim kutuyök. ⁶ *Mewö qahöpmö, keu mi kunñan nañgöba jiiga Buña Kimbigö kembanganji kunöñ kewö ahöza, “Gölme azinöñ mönö niñja aiga i mötmörim wañgimakzan? Suep gölmeğö azi öñjan mönö niñja aiga i köyan kölakzan?”

⁷ Göñön i memba et al wañginöñga nalö töröpñi Suep garata yeñgö nembö bapñine eta eretñi aka malök. Mali wañgitnöñga asakmararanöñ öñgöiga kösasorom ila jalö wañginöñga aködamunñambuk aka qetbuñañambuk malja. Mewö mala öroyuai pakpak galöm köla malja.

⁸ Börösöwögi pakpak mönö yañgö jimkutukutuñangö bapñe malmegöra memba et al enğinöñga malme.”

Keu mianğö dop yuai pakpak mi yañgö kukösum bapñe malmegöra memba et al enğiba mianğöreñ yuai kun qahö mosöriga yañgö keuñangö bapñe qahö ahöbawak. Arenj mewö alökmö, nalö kewöñe börösöwöñi pakpak mi yañgö kukösum bapñe memba et al enğii tem kölakzeañgö dop qahö enğehakzin.

⁹ Mewö qahö enğehakzinmö, Jisösnöñ mönö kewö letota mali ehakzin: Kömupkö sihimbölöñi möröhanğöra Anutunöñ wañğiri asakmararanöñ öñgöiga kösasorom ila jalö wañgiiga ehinga aködamunñambuk aka qetbuñañambuk malja. Anutunöñ kalem möriamñi kondel nenğimamgö möta körek nenğöra aka kömupkö sihimbölöñi mötmapkö jim teköyök. Mianğöra memba et al wañgiiga nalö töröpñi Suep garata yeñgö nembö bapñine eta eretñi aka malök. Mewö malökmö, nalö kewöñe qetbuña öñgöñgöñi memba malja. ¹⁰ Anutunöñ mönö öroyuai pakpak könanji akza. Yañön körek nini nanñi möpöseim wañgibingöra aka miwikñaim nenğiiiga maljin. Yañön ambazip sehisehñi nenğuanğiri asakmararanöñ öñgöbingöra mötza. Mewö möta amötqeqeninangö Tonji mi qahö angön köliga sihimbölö möta mewö mianğön nupñi mi mem teköi asakmaranji pakpak miwikñaimapkö möri dop kölö.

¹¹ Kunöñ mem sarahim nenğimakzawi aka ambazip sarakñi ahakzini, körek nenğö kondotkondot Toninan mönö mohot akza. Mianğöra Jisösnöñ qetnini “Alaurupni,” mewö qetmamgö gamunji qahö mötza. ¹² *Könaninangöra Buña

* 2:6: Sum 8.4-6 * 2:12: Sum 22.22

keu kun kewö jii ahöza, “Nöñön mönö göhö qetki mi nani alaurupni yengöra qet asarim engiba urumelen könagesö sutñine kinda möpöseim gihimakñam.”

¹³* Mewöyök miangö Buña keunji kun kewö jii ahöza, “Nöñön mönö mötnaripni Anutugörej ala malmam.” Dumñe kunbuk miangö Buña keunji kun mi kewö jii ahöza, “Mötnöñ, ni aka Anutunöñ nahönbörat niñgiyöhi, neñön mönö ki maljin.”

¹⁴ Kunöñ mem kömum neñgimangö kukñi memba maljawi, Jisösnöñ mönö i tulumgöi gemapköra aka kömumba miangön luhut alök. “Bölöñangö Tonji tulumgömam,” jiba ambazip sep busuni-nambuk maljini, miangöra yanñön mönö mewöyök nembuk tandök mohot miyöhök gölme asia ahök. ¹⁵ Ambazip malmaljni gölmenöñ maljeangö dop kömumbingö kenğötñinan jöhöm engii mala kotkeri, mi mönö körek pösat engii solanimegöra aka gölme asia ahök. ¹⁶ Suep garata köyan köl engimapköra gölme asia qahö ahökmö, Abrahamgö gwölönarökurupñi nini möt angön köla bauköm neñgimakñapköra mönö mewö ahök.

¹⁷ Könañ miangöra aka yanñön öröyui pakpak miangörej alaurupñi nembuk tandök mohot miyöhök ahök. Jike nup galömnini bohonñi aka nupñi nömtik memba ak kömum neñgiba malmapköra mönö nembuk tandök mohot ahök. Tandök mohot akagun mönö ölop jitñememenini aka jike galöm bohonñangö nupñi memakza. Mi memangöra siñgisöndokninañgö töwanji ala Anutugö jeñe mi köl köñjörarök. ¹⁸ Gölme asia aiga esapköm wañgigetka nanjak sihimbölo möta malöhi, miangöra ambazip esapköm neñgimakzei, nini mönö ölop bauköm neñgimakña. Mewö.

3

Jisösnöñ Moses onğita öñgöñgöñi akza.

¹ Miangöra urumelen alaurupnini sarakñi, Suep Tonjan engoholi nembuk kambu mohot maljei, eñön mönö urumötmötñini pöndañ Jisösgörej ala malme. Anutunöñ i melaiğa aposol aka jike nup galömnini bohonñi akzawi, yangöra mewö jim miwikñaimakzin. ²* Mosesnöñ Anutugö könagesöñi pakpak mi memburikñi qahöpmö, pöndañ galöm köl engiba malök. Miangö dop Jisösnöñ mewöyök kun kuñgum wañgiyöhi, yangö keunji (misila) törörök wu-atañgöba memburikñi qahöpmö, pöndañ nömtik memba malök. ³ Miri aka azi miri meyöhi, mi kewöt etkiinga mitimqege azigö qetbuñan mönö mirigö qetbuñanji gwötpuk onğitza. Miangö dop Moses aka Jisös kewöt etkiinga Jisösgö asakmararanji öñgöñgöñan mönö Moses gwötpuk onğitza. Könañ mewö eka miwikñaimakzin.

⁴ Miri pakpak mi kungö börösöwöya akzemö, yui pakpak mi mönö Anutugö börösöwöñi akza. ⁵ Mosesnöñ Anutugö könagesöñi pakpak mi memburikñi qahöpmö, pöndañ welen qem engiba malök. Mewö mala Anutunöñ könañgep azi kungöra jiyöhi, mönö keu miangö söpsöpñi mi qeljine indela dangunuña kinök. ⁶ Mewö kinökmö, Kraistnöñ mönö Anutugö Nahönñi aka Iwiñangö keunji (misila) nömtik memba könagesöñi pöndañ galöm köl neñgiba malja. Anutugö könagesöñi mi neñön akzin. Oyaenköyaen akingö jörömqöröm aka miangörej qekötahöba silenini memba öngöba awösamkakak kin köhöim teköbin ewö, mönö Anutugö urumelen könagesöñi aka malbin. Mewö.

Yangisen aka malbinbukö galöm meme keu

* **2:13:** Ais 8.17, 18 * **3:2:** Jañ 12.7

- ⁷ *Miangöra injini mönö Urja Töröñan keu kewö jimakzawangö dop akñe, “Dölkewöñe Anutunöñ engohola keuñi sanep ali mötze ewö,
⁸ uruñjini mönö mötmöt hölöñan kude gwözöñme. Engö ambösakonurupñinan gölme qararañkölkölñe kaba nalö kunöñ Anutu qetala esapköm wangiba karim akeri, injini mönö miangö dop Anutu qetala akepuk.
⁹ Yeñön gölme qararañkölkölñe kaba Anutu ni esapköm niñgiba malget. Anjöletot aka memba malali, injini mi yambu (yara) 40 miangö dop eka mala mi töndup ni qahö möt narim niñgigetka urunan böliiga malal.
¹⁰ Miangöra ambazip kambu nalö miangöreñ gölmenöñ malgeri, yeñgöra aka irimni seholiiga kewö jial, ‘Yeñön mönö sundan uruñinan kahapmahap aka janjuñ anakze. Malmalgö köna kusum engiba malalmö, mi qahö möt kutuget. Qahö!’
¹¹ Mewö jiba irimsesewöl qakñe keuni jim kutuba jöjöpañ keunan mi jöhöba kewö jial, ‘Luhut memba malmegö areñ al engjialmö, yeñön mönö oyaenköyaen miangöreñ qahö angotme.’ ”
¹² O urumelen alaurupni, injini mönö kewögöra galöm mem anguba malme: Engöreñök kungö uruñan gonggiiga mötnaripñan sörauba eri Anutu malmal Tonj andö qeba malbapuk. ¹³ Mewö qahöpmö, singisöndokö isimkakalekñan tilipköm engii mianön engöreñök kungö uruñi gwözöñbapuköra mönö silim dop sutñine uru kuñgum anguba malme. “Merak” keu mi jimakzini, miangö dop mönö jölöngöm anguba malme. ¹⁴ Nini Kraist möt angön köla yambuk kambu mohot aka maljin. Mutuk urunini melenða uruyahöt yaköriba wöösamakak miwikñaiba malini, mewö gölmenöñ malbinañgö dop kapañ köla köhöiba kinbin ewö, mönö oyaenköyaen akin.

¹⁵ *Buña keu mi kunbuk jiba kewö ohozal, “Merak Anutunöñ engohola keuñi sanep ali mötze ewö, uruñjini mönö kude gwözöñme. Engö ambösakonurupñinan Anutu qetala karim akeri, injini mönö Anutu miangö dop qetala akepuk.”

¹⁶ *Ambazip denike yeñön Buña keu möta Anutu qetala karim aket? Mosesnöñ köñagesö enguanjiri Ijüpt mosöta kageri, yeñön mönö körek mewö aket. ¹⁷ Ambazip denike yeñgöra aka yambu (yara) 40 miangö dop irimni seholiiga kazik ak engii malget? Ambazip singisöndok aketka mem kömum engii silenjanan gölme qararañkölkölñe eta kölgeri, yeñgöreñ mönö mewö asuhuyök. ¹⁸ Luainöñ luhut memba malmegö areñ ala nanñini gölmenjine kude angotmegö keuñi jim kutuba jöjöpañ keuñan jöhöyöhi, keu mi mönö dagöra jiyök? Ambazip keuñi qetala yanjiseñ malgeri, mi mönö yeñgöra aka jiyök. ¹⁹ Keu miangö könañi mi kewö ek asarizin: Yeñön Anutu qahö möt nariba yanjiseñ akerangöra aka nanñini gölmenjine angotpingö osiget. Mewö.

4

Anutunöñ köñagesöñi sonda kendon neñgima.

¹ Anutugöreñ angota luainöñ luhut memba malbingö keu jöhöyöhi, keu mianön mönö pöwöwöm köhöikñi ahöm neñgiza. Miangöra engöreñök kunñan löwöriba nanñi Suep köna ananñi mi kembanje kutui mewö miwikñaim wangibinbuk. Miangöra mönö sutnine galöm mem angubin. ² Gölme qararañkölkölñe kagetka Ölöwak Buña jim asarim neñgiget ewö jiget mötketmö, keu mi mönö silesile mötketka uruñjine qahö geyök. Miangöra

mötnaripñini qahö qiwikñaiiga tönpin öne malgetka qahö bauköm engiba pömsöm qeyök. ³ *Urunini melenða möt nariba maljini, neñön mönö Anutugörej angota luhut memba oyaenköyaen malbin, mi mötzin. Anutunöñ miangö Buña keunji mi kewö jii ahöza, “Mewö jiba irimesesewöl qakñe keuni jim kutuba jöjöpañ keunan mi jöhöba kewö jial, ‘Luhut memba malmegö areñ al engialmö, yeñön mönö oyaenkö-yaen miangörej qahö angotme.’” Anutunöñ Suep gölme miwikñaim etkiil nalö miangörejök könahiba oyaenköyaen mirinjan lök memteköteköñi ahözapmö, tøndup keu mewö jiyök. ⁴ *Anutunöñ silim 7:ñangö keunji jiiga Buña Kimbigö kempañi kunöñ kewö ahöza, “Sömañi 7 aiga Anutunöñ nupñi pakpak mem teköyöhañgö luhut memba kendon tarök.” ⁵ *Anutunöñ Buña keu mi toroqeba kewö jii ahöza, “Luhut memba malmegö areñ al engialmö, yeñön mönö oyaenköyaen miangörej qahö angotme.”

⁶ Ambazip tosatan Anutugö oyaenköyaen miwikñaiiba luhut memba malmei, keu miangöñ mönö pöwöwöm köhöikñi ahöm nengiza. Ölöwak Buña mutuk könagesö jim asarim engigeri, yeñön mönö qegetalñinanğöra aka oyaenköyaenñöñ qahö angota luhut qahö meget. ⁷ *Luhut qahö megerağöra aka Anutunöñ mönö kunbuk nalö kun ala qetñi Nalö dölkewöñi qerök. Nalö köroññi teköiga nalö miangö Buña keunji döлки jiba ohozali, mi mönö Deiwidkörej indeli kewö jiyök, “Dölkewöñe Anutunöñ engohola keunji sañep ali mötze ewö, uruñini mönö kude gwözöñme.”

⁸ *Mewö jiiga Josuanöñ enguañgiri oyaenköyaenñöñ angota luhut membeak ewö, Anutunöñ mönö nalö kungö keunji mi könangep qahö jibawak. ⁹ Mi qahö jibawakmö, Anutunöñ mönö ölna könagesö luhut me nengii oyaenköyaen miwikñabin. Keu miangöñ mönö pöwöwöm köhöikñi ahöm nengiza. ¹⁰ *Miangö könañi kewö: Anutunöñ nannji nupñi meyöhañgö luhut memba kendon taröhi, miangö dop kunöñ Anutugö oyaenköyaenñöñ angota luhut memawi, yañön mönö nannji nupñi meyöhañgö luhutñi mi mewöñanök memba oyaenköyaen malma. ¹¹ Miangöra nini mönö Anutugö oyaenköyaenñöñ angota luhut memenji miwikñainingö kapañ kölbün. Engörejök kunöñ et qeba könagesö walñi yeñgö qegetal tandökñini miyöhök wuatangöbapuköra mönö kapañ kölbün.

¹² Anutugö keunji mi memguliguligö könañi aka kukösum-ñambuk akza. Bimgö sou ketañi mi likep likep jitñirambuk akzapmö, Anutu keuñangö jitñan mönö sou ketañi pakpak engoñgita jit kötök aiga jitñi bahöbahö mi maunñambuk akzahot. Keu miangöñ mönö uru uñanini kutuba ömenöñ me Anutugö Uñañan inahöm nengimakzawi, mi uñenða kungum nengimakza. Sile kitip toroqeqenini aka sihitninangö digonñi mi mewöyök kewöta (keunini asa-asambötñi miwikñaiiba) ölöññi aka bölöññi menden etkimakza. Urukönömnini aka mötkutukutu areññini mi kewöta keunini jim tekömakza.

¹³ Anutunöñ yuai pakpak miwikñaii ahözawi, miangörejök yuai kun mi asa-asambötñe qahö ahöiga ölöññanök ehakza. Yuai kun esuhuinga Anutunöñ esunini mi ölöp luluñða ehi yañgö jemesoholñe aukñeyök ahöza. Ahakmemeninangö kösohot pakpak mi mönö yañgöra jim asaribinanğö dop akzin. Mewö.

Jisösnöñ jike nup galömnini öngöñgöñi akza.

* 4:3: Sum 95.11 * 4:4: Jen 2.2 * 4:5: Sum 95.11 * 4:7: Sum 95.7-8 * 4:8: Dut 31.7;

¹⁴ Jisösnöj jike nup galöm bohönji öngöngöri ak nenggiza-wangöra aka neñön “Möt narim wangizin,” jiba jim miwik-ñaimakzini, miangören mönö köhöiba kinbin. Jisös Anutugö Nahönñan mönö Suep jakeni jakeni engongita öngöba tatza. ¹⁵ Urumötmötnini tosatñan lölöwöröji aketka jike nup galöm tosatñan miangöra wösömötmöt qahö ak nengimakzemö, nanine jike nup galömninan mönö qainji kun kewö akza: Yanön mönö nini ewö ahakmeme pakpak miangören nembuk tandök mohot esapköm wangiba malgetmö, mi töndup singisöndok kun qahö ahök.

¹⁶ Jike galömninan mönö eu kalem möriamgö dum tatatñe tata ak kömum nengimangö mörakza. Miangöra mönö awösamakak qakñe kinda yangö kösutñe anbin. Yangö kösutñe aninga kalem möriamgöra osizini, miangö nalö diñdiñe mönö bauköm neñgiiga mi ölop miwikñaibin. Mewö.

5

Galöm bohonini Jisösnöj mönö bauköm nengimakza.

¹ Gölmegö jike nup galöm bohönji pakpak mi ambazip sutñineyök möwölöhöm engiba nup kewö memegöra kungum engimakzin: Yanön ambazip jitñememenini aka Anutubuk urumohot aka malbingö nupñi memba singisöndok ahinanö sömbup kalemñi mi Anutugöra ala mianön jöwöwöl ohomakza. ² Nanñi urumöt-mötñi tosatñan mewöyök lölö-wöröji akza. Miangöra ambazip gukmaulem qakñe janjuñ ahakzei, mi ölop wösömötmöt qakñe ak nengimakza. ³ *Lölöwöröji akza-wangöra mönö nanñi singisön-dokñi aka könagesöurupñi yengö singisöndokñini mewöyök köl könjöratmapköra sömbupnöj jöwöwöl ohomakza. ⁴ *Kunñan qetbuña mi nanñangöra qahö buña qem anjumapmö, Anutu-nöj Aron oholöhi, miangö dop mönö i mewöyök ohölja.

⁵ *Miangö dop Kraistnöj mewöyök nanñak jike nup galöm bohönji akñapkö qetbuñaji mi nanñangöra qahö buña qem anjuyökmö, Anutunöj kewö jim kutum wangiyök, “Göñön nöngö Nahöni aknönga nöñön mönö merak göhö Iwigi akzal.” Keu miangö dop jike nup galöm bohonini ahök.

⁶ *Keu miyöhök jii Buña Kimbigö kemañi kunöñ kewö ahöza, “Göñön mönö Melkizedek ewö jike nup galöm aka nalö teteköñi qahö mal öngöman.”

⁷ *Jisösnöj silebuk gölmenöj mala miangören mönö nalöñi nalöñi köuluköba köhöikñanök qeriga imbilñan eri Anutu kömupnöhök mekömapkö köhöiyöhi, i qesim wangiba malök. Qesim wangiba mala Anutu göda qeba keunangö bapñe al anquba malöhangöra Anutunöj köulukñi mörök. ⁸ Nahönñi ahökmö, Anutunöj mi töndup sihimbölo qahö jöhöi qakñe öngöi möta miangören temkölkölgö könañi miwikñaiba möt soroköyök. ⁹ Mi möta aködamunñi pakpak miwikñaibagun mönö oyaenköyaen teteköñi qahö malbingö kondotkondot Tonji ahök. Miangöra ambazip yangö jitñi tem köla maljei, mi pakpak mönö ölop kondot engiiga oyaenköyaen akñe. ¹⁰ Tonji mi aiga Anutunöj i Melkizedek ewö jike nup galöm bohönñi akñapkö jim teköba al wangiyök. Mewö.

Mötnaripkö öljñi sohobapukö galöm meme keu

¹¹ Keu mi ölop toroqeba gwötpuk jim qaribinakmö, eñön keu möta wu-atañgöbingö tañqañ aka gaunjeje akze. Miangöra mi jim asarim engibingö

* 5:3: Lew 9.7 * 5:4: Eks 28.1 * 5:5: Sum 2.7 * 5:6: Sum 110.4 * 5:7: Mat 26.36-46; Mak 14.32-42; Luk 22.39-46

osikosi akzin. ^{12*} Injini nalö köröpñi könagesö walñi mala ölop nalö kewöñe lök böhi qaçazu akñeangö dop akeakmö, nanñinak Anutugö keu kötñi mutukñi mi kunñan dumñe kunbuk kusum enjimapkörä osimakze. Injini mönö qaköba Buña keu mi juzu ewö nemingö mötze. Nene köhöikñi ewö mi nemingö osimakze. ¹³ Kunñan mi juzu ewö nembra maljawi, yañön mönö toroqeba morösepsep ewö akza. Anutugö jeñe solanñi akingö keu kusum enjiimmö, yañön mianğö könañi qahö möt kutuba tönpin malja.

¹⁴ Morösepsep ewö maljapmö, nene köhöikñi mi ambazip mötmötñinan qariyöhi, mönö yañön nemegöra aka ahöza. Ambazip Buña keu sundan köl guliba malgetka urumötmötñinan lök möñaiiga ölop amqeba silik pakpak kewöta ölopñi aka bölöñi mendenj etkiba ölopñi wuatangömakze. Nene köhöikñi mi yengöra aka ahöza.

6

¹ Mianğöra Kraist könañangö keu kötñi mutukñi lök möta mianğoreñ mönö kude qaköbin. Mewö qahöpmö, mönö toroqeba qariba aködamuninambuk akingö kapan köla malbin. Mötnaripkö tandöñi lök kuñguba mi mönö dumñe kunbuk könahiba kuñgubinbuk. Tandö mi uruñine kewö kuñguin: Ahakmemenini köhömuñi mosöta urunini melenja Anutu möt narim wañgiin.

² Urunini melenjina mötnaripkö keu kemañi kemañi kewö kusum nenjigetka mörin: Singisöndoknini köl köñjöratmegöra o melun aka amötqeçe könañi könañi miengö könañini kusum nenjiget. Böröñini qaknina alalgö könañi kusum nenjiget. Guliba kömupnöhök wahötpingö könañi kusum nenjiget. Anutunöñ keunini jim teköi teteköñi qahö köhöikñi ahömapkö könañi kusum nenjiget. ³ Mötnaripkö tandöñi mewö kuñgubagun mönö toroqeba möt qaribingö mötzin. Anutunöñ ösum-mumu nenjimakzawangö dop mönö aködamunini pakpak miwikñaibingö kapan köla kinbin.

⁴ Mewö kinbingö möta mianğoreñ qaköba etpinbuköra aka kinjin. Ambazip kewöñi mi uruñini melenjimegöra enjuañgitpingö osimakzin: Tosatñan uruñini nalö kunöñ asariiga Anutunöñ Suep kalemñi enjii möta söngaigetka Uña Töröñan ösupköm enjii malget. ⁵ Anutu Buña keuañğö nahömñi mötketka oyaenköyaen nalö könañgepñangö kukösumñan mönö uruñine gei mötket. ⁶ Mi pakpak mötagun mönö mötnaripñini mosöta Anutu andö qeget. Ambazip mi uruñini kunbuk melenjimegöra enjuañgitpingö osimakzin. Yeñön Anutugö Nahöññi ilita dumñe kunbuk maripomnöñ qeçe ewö memba et ala aukñe gamu qem wañjimakze. Mewö mianjön mönö nanñini geñmororöñ ak anğumakze.

⁷ Mi söpsöp keu kiangö dop: Kienöñ nalö gwötpuk yöhöba gölme qakñe eta uruñe geba gölme mem kelöriga nup toñangö welenqeçeurupñan nene kömötetka Anutunöñ gölme kötuetsköiga ölni asuhui kölkömöt toni yeñön mi memba köweñine alakze. ^{8*} Mewö alakzemö, koururuk aka siriuret wahinambuk mianjön gölmenöñ asuhuba wahörakzawi, gölme mianjön mönö nesakñi akza. Tonñi yeñön mi saiköbingö mötze aka kapan köla mambötetka ölni qahö asuhui eka teteköñe mönö kuñgugetka jema.

⁹ O wölböt alaurupni, neñön söpsöp keu mewö jizinmö, mi töndup injini uruñini melenja malmeañgöra mönö uruyahöt qahö akzin. Enğö uruñine Buña keugö ölnan mönö asuhum qarimapkörä möta awösamakak kinjin. Anutunöñ ölni mi eka mönö meköm enjii letota Suepnöñ öngöme.

* 5:12: 1 Kor 3.2 * 6:8: Jen 3.17-18

¹⁰ Anutunöŋ mönö ekbonep qakŋe gonŋonŋi qahö akza. Injini Anutugö ambazip sarakŋi bauköm enŋiba mala kota toroqeba bauköm enŋiba nup memba malakze. Mewö urukalemŋini Anutu kondel waŋigetka qetbuŋaŋan qarimakzawi, yaŋön nupŋini aka urukalemŋini mianŋöra mönö qahö ölum qeiga kitipŋi melen enŋima.

¹¹ Nini oyaenŋoyaeŋ akingö jörömqöröm aka mianŋöreŋ awösamakak uruyahöt qahö kinmegö sihimnini möta kewö awöwenŋömakzin: Injini nanŋök nanŋök Anutugö urukönöp ahakzei, miyöhök mönö toroqeba kondela malme. Aködamun-ŋinambuk akingö kapaŋ köla gölmenöŋ mal tekömeanŋö dop mianŋöreŋ mönö kude löwörime. ¹² Qölmöm akepuköra mönö awöwenŋömakzin. Anutunöŋ oyaenŋoyaeŋ yuai nenŋimamgö keu jöhöyöhi, tosatŋan Anutu möt nariba sihibölöŋini möta mököstöŋda mewö mianŋön mi buŋa qem anŋumakze. Injini yeŋgö silikŋini wuatanaŋömegöra mötzin. Mewö.

Anutugö jöhöjöhö keu mi uruyahöŋi qahö.

¹³ Anutunöŋ Abraham jöhöjöhö keu waŋgiba mi nanŋi qetŋi qeta jöjöpaŋ keuŋan jim köhöiyök. Kunöŋ Anutu onŋita öngöngöŋi malbawak, ölöp yaŋgö qetŋi qetpawakmö, mewöŋi kun qahö maliga mianŋöra mönö nanŋi qetŋi qeta jöjöpaŋ keuŋi jiiga köhöiyök. ¹⁴ *Jöhöjöhö keuŋi mi Abrahamgöra kewö jiba jiyök, “Nöŋön mönö ölna kötuatköm gihimam. Mönö ölna gwölönarök gihibiga sehime.”

¹⁵ Mewö jiiga Abraham yuai waŋgimapkö keu jöhöi ahöyöhi, yaŋön mi ölnambuk akŋapakö kapaŋ köla mamböta mala ölni buŋa qem anŋuyök. ¹⁶ Ambazipnöŋ ketanaŋinaŋgö qetŋi qeta jöjöpaŋ keu jiget mörakze. Jöjöpaŋ keuŋinan keu jizei, mi mem köhöiiga qeapköbingö osigetka keu jijiŋinan teköza. ¹⁷ Mianŋö dop Anutunöŋ keuŋi Abrahamgö gwölönarökurupŋi neŋön mötpingöra jöhöba jiyök. Keu areŋi mi kunöŋ qeapköba utekömamgö osizawi, gwölönarökurupŋi neŋön jöhöjöhö keu mianŋö könaŋi mi törörök möt yaköbingö mörök. Mianŋöra jöhöjöhö keuŋi jiiga mutukŋi aiga keu mi kunbuk jöjöpaŋ keuŋan jim köhöiiga indimŋi yahöt ahök.

¹⁸ Anutunöŋ keu mi jiba mianŋö munenŋ jimamgö osiyök. Yaŋön keu utekutekŋi qahö mi jibagun jim köhöiyöhi, mianŋön mönö urunini nanŋömapköra mörök. Mianŋöra mi jibagun jim köhöiyök. Neŋön gölmeŋö ahakmeme bölöŋeyök ölöŋ köla Anutugöreŋ angota oyaenŋoyaeŋ nenŋimapkö jörömqöröm nenŋiyöhi, mi mönö töp memba mamböta maljin. ¹⁹ *Oyaenŋoyaeŋ akingö al mamböta mianŋö uruyahöŋi kun qahö ahakzin. Jörömqörömmi mianŋön uruninaŋgö kösö mendannŋi tandök ewö aka nini jisösbuk jöhöm nenŋimakza. Jörömqörömminaŋgö kösö mendannŋi köröpŋi mianŋön mönö nenŋöreŋök könahiba Suep jikegö uruŋe öngöba jike olenŋi yahötkö sutŋire opo sel ahözawi, mi mewöyök kutuba toroqeba jisös jakömbuak dum kömbukŋe tatzawaŋgöreŋ anja. ²⁰ *Jisösnöŋ mönö jitŋememenini aka mutuk euyaŋgöreŋ öngöba jakömbuak dumŋi memba nalö teteköŋi qahö tat öngöma. Mewö Melkizedek ewö jike nup galömmi bohonŋi aka malja. Mewö.

7

Jike nup galöm Melkizedekö kösohot

* 6:14: Jen 22.16-17 * 6:19: Lew 16.2 * 6:20: Sum 110.4

¹ *Melkizedek azi mi miri qetnji Salem miangö kiñ kembuñi aka Anutu öngöngöñangö jike nup galömjña malök. Mewö maliga Abrahamnönj kiñ kembuñi kembuñi bim qeba luhut al engiba lilingöba miriñe kayöhi, nalö miangörenj kaba Abraham miwikñaiba kötuatköm wanjgiyök.

² Kötuatköm wanjiiga sukinapñi pakpak mendenjda ten miengörenjök mohot mohot (1/10) memba nalukña al wanjgiyök. Melkizedek qet miangö könañi mi “ahakmeme solanñangö kiñ kembuñi.” Qetñangö dop mutuk “ahakmeme solanñangö kiñ kembuñi” ahök aka toroqeba mewöyök “Salemgö kiñ kembuñi” malök. Salemgö kiñ kembu qet miangö könañi mi “luaigö kiñ kembu”.

³ Melkizedeknönj iwinamñi aka saiwaurupñi qahö, ahuahu nalöñi qahö aka kömukömuñi qahö.* Mewö jike nup galöm bohonñi aka nalö teteköñi qahö mal öngöma. Yanön Anutugö Nahönñangö tandök ewö akza.

⁴ Bömönjalöñini Abrahamgö gödaqece silikñan Melkizedekö könañi kondeli mi kewö ek asarime: Abraham nanñak sukinap yuai aködamunñambuk kalöpköba memba kayöhi, miengörenjök börö yahöt (10) pakpak kewöta bahöñi mohot memba Anutugö nalukña al wanji miangöra Melkizedeknönj mönö ölnja öngöngöñi ketanji qainñi kun akza. ⁵ *Anutunönj Köna keuñan keu kewö jim kutum neñgii ahöza, “Liwaigö gwölönarökurup al engigetka jike nup meme azi (Liwait) aketka könagesö enjön mönö sukinapñini börö yahöt (10) pakpak kewöta miengörenjök bahöñi mohot memba Anutugö naluha al engimakñe.” Yenön injini ewö Abrahamgö gwölönarökurupñi akzemö, mi töndup nanñini könagesöurupñini engö böröñineyök naluknini mi buña qem angumakñe.

⁶ Jimkutukutu keu mewö ahözapmö, Melkizedeknönj Liwaigö gwölönarökñi kun qahö akza. Mi töndup Abrahamnönj Anutugö jöhöjöhö keu möt angön köla mala sukinapñi kewöta tenöhök mohot memba Anutugö nalukña alöhi, mi mönö buña qem anguba kötuatköm wanjgiyök. ⁷ Ketanjamninangö nembö bapñine maljini, yeñön mönö kötuatköm neñgigetka maljin. Keu mi qañ kölbingö osimakzin.

⁸ Könagesö neñön tenöhök mohot memba Anutugö naluha alakzini, mi gölmegö jike nup meme (Liwait) ambazipnönj buña qem angumakze. Yenön gölmenönj mala kömumakzemö, Suep mire euyangörenj kungöra nangöba jigetka köhöiba mal öngömawi, yanön mönö mi buña qem angumakza.

⁹ Abrahamnönj sukinapñi kewöta börö yahöt (10) pakpak miengörenjök bahöñi mohot memba Anutugö nalukña alöhi, yanön mi gwölönarökñi Liwaigöra mewöyök qeljine alök. Mewö jiinga ölop dop kölbawak. Nalö kewöñe tenöhök mohot memba Anutugö nalukña alakzini, mi bömönini Liwaigö gwölönarökurupñan buña qem angumakze. ¹⁰ Liwaigö salupñe mewöyök naluk alöhi, miangö könañi kewö: Liwainönj amböñangö körö uruñe tariga Melkizedeknönj mönö nalö miangörenj kaba Abraham miwikñaiyök. Mewö.

Melkizedek mi Jisösgö söpsöpñi akza.

¹¹ Anutunönj Köna keuñan Israel ambazip jim kutum neñgiiga miangö dop Liwai kambunöhök azi kungum engiinga jike nup galömnina aket. Nup mi megetka mewö miangön aködamunini pakpak miwikñaibinak ewö, nini mönö jike nup galöm qainñi kungöra qahö osibinak. Nup miangö ölnjan

* **7:1:** Jen 14.17-20 * **7:3:** Buña Keunönj Melkizedekö iwinamñi aka saiwaurupñi, ahuahu aka kömukömu nalöñi mi qahö jim asariza. * **7:5:** Jan 18.21

qahö dop kölöhängöra aka Jisösnöj mönö Melkizedek ewö asuhuyök. Ambazipnöj i Arongö arenangö dop qahö kungugetka asuhuyök. ¹² Jike nup galöm nupnangö könanan uteközawi, nalö miangörej köna keuninan mönö mewöñanök utekoza. ¹³ Jike nup galöm qainji kun keu mi Kembuni-nangöra jizinmö, yanöj Liwai kambunöhök qahöpmö, mönö kambu kunöhök asuhuyök. Kambu miangö azi kunjan mönö jöwöwöl jikegö altanöj kinda nup qahö memba malök. ¹⁴ Kembuninan Juda kambunöhök asuhuyöhi, keu mi aukne ahöza. Mosesnöj Juda kambu yenön jike nup galöm kölmegö keu kun qahö jiyök.

Jike nup galöm Melkizedek ewö kun

¹⁵ Miangöra jike nup galöm kun Melkizedekö tandök ewö asuhuzawi, mianön mönö keu jizinanöj ölnji mi aukneyök kondeliga dopne akza. ¹⁶ Yanön gölme ambazipnöj Köna keu wuatangöba kambunangö dop jim kutugerangöra aka jike nup galöm qahö ahökmö, malmal köhöikni qahö ayapkömawi, miangö kukösumjan mönö nam köl wanggiiga jike nup galöm ahök. ¹⁷ *Kunöj yangö könanj nangöba jiiga Buja Kimbinöj kewö ahöza, “Göñön Melkizedek ewö jike nup galöm aka nalö teteköni qahö mal öngöman.” ¹⁸ Anutunöj mewö jiba jimkutukutu mutukni mi qeapköyök. Keu miangö kukösumjan qahöwahiga bauköm nenjimapkö osimakzawi, miangöra mi qeapköyök. ¹⁹ Köna keunöj ambazip aködaminini miwikñaibingö qahö bauköm nenjiyök. Qahö. Miangöra keu arenj mutukni qeköba salupne jörömqöröm qetpuk sorok nenjiza. Nini jörömqöröm miangö qakne kinda ölop Anutugö kösutne anda köulukömakin.

²⁰ Anutunöj jike nup galöm dölokñangö keunji jiba mi jöjöpanj keujan jim köhöiyök. Mewö ahökmö, jike nup galöm tosatni yengö keunini mi jöjöpanj keunöj qahö jim köhöigetka töndup mewö aket. ²¹ *Tosatnan jike nup galöm öne aketmö, Anutunöj Jisös kunguba keunji mi jöjöpanj keujan jim köhöiba yangöra kewö jiyök, “Gi mönö jike nup galöm aka nalö teteköni qahö mal öngöman.” Kembunöj keunji mi jöjöpanj keujan jim köhöiba urujan mi qahö uteköma.”

²² Jöjöpanj keu miangöra aka Jisösnöj mönö jöhöjöhö arenj dölokñangö ölnji asuhumapkö galömñi akza. Mewö Anutu aka ambazip sutnine nup memba malja. Jöhöjöhö arenj mianön walñi ongita qetpuk sorok akza.

²³ Jike nup galöm tosatni mi mönöwök gwötpuk malget. Kömumba nupñini toroqeba memingö osigeri, miangöra mi mönö gwötpuk malget. ²⁴ Yenön gwötpuk malgetmö, Jisösnöj nalö teteköni qahö mal öngömawi, miangöra jikegö galöm nup mi mönö teteköni qahö memba mal öngöma. ²⁵ Nup mi memba maljawangöra Jisösnöj ambazip yangörej kagetka enjuangiri Anutugö kösutne anakzei, mi ölop köhöiba amöt qem enji keuninan kömumakza. Nalö dop yengöra aka Anutu köulukömak-ñapköra maljawi, miangöra mönö ölop amöt qem nenjim tekömakza.

²⁶ Jike nup galöm bohonji mewöñan mönö ölop dop köl nenjiza. Yanön töröni köpösihitkö keunji qahö aka sarakñi akza. Anutunöj Jisös sinjisöndok ambazip nenjörejök tirinj kutuba wangiri Suep jakenji pakpak kutuba eu-yangörej öngöba qainji kun akza. ²⁷ *Jike nup galöm tosatnan sömanji sömanji mutuk nanjini sinjisöndokñinanangöra aka miangö andöne könagesö yengö sinjisöndokñinanangöra aka sömbunöj jöwöwöl ohoba maljema. Jisösnöj nanji

silenji kölejniga jöwöwöl ohoho ewö ak wanğigetka mewö mianjon könagesö neğgö sinğisöndoknini mi indim mohot mianğoreñök lök köl könjörari dop köl teköza. Mianğöra Jisösnöñ mi jike nup galöm tosatñi ewö nalö dop ahakñapakö qahö osiza.

²⁸ Anutunöñ Köna keuñi Moses wanğiiga mianğö dop ambazipnöñ azi mi kuñgum engigetka jike nup galöm bohonñi ahakze. Gölmö azi yeñon kukösurnjini qahö maljemö, Anutunöñ oyaenköyaen akingö keuñi mi könañgep neñgiba mi jöjopañ keuñan jim köhöiyöhi, mianğö dop Nahönñi kuñguiga bohonini akza. Bohonini yañon mönö aködamunñi körek pakpak lök miwikñaiba nalö teteköñi qahö köhöikñi mal öngöba malma. Mewö.

8

Jöhöjöhö areñ döläkñangö jike nup galöm bohonñi

¹ *Keu jizini, mianğö keu kötni bohonñi mi kewö: Nini mönö jike nup galöm bohoninambuk akzin. Bohonini yañon mönö Suep mire öngöba Öngöñgöñamnini yañgö jakömbuak dum tatat qöhöröñe böröñi öñe tatza.

² Opo seri jike öñi mi Suepnöñ ahöza. Mi gölmö azinöñ memenji qahöpmö, Kembunöñ nanñak mi meyök. Jike nup galöm bohonini yañon mönö opo seri jikegö olenji töröñi kötökñi mianğoreñ mala Anutu welenni qemamgö nupñi memakza.

³ Gölmegö jike nup galöm bohonñi pakpak mi naluk kalem Anutugöra ala sömbupnöñ jöwöwöl ohoba malmegöra kuñgum engimakzin. Mianğö dop jike nup galöm bohonini Jisösnöñ mewöñanök nanñi Anutugö nalukña al wanğiyök. ⁴ Mosesgö Köna keugö dop naluk kalem Anutugöra alakingöra azi lök kuñgum engigetka malje. Mianğöra jike nup galöm bohonini mianjon gölmenöñ malbawak ewö, yañon mönö gölmegö jike nup galömñi akñamgö osibawak.

⁵ *Gölmegö jike nup galöm yeñon gölmegö jöwöwöl jikenöñ Anutu welenni qebingö nupñi memakze. Jike mianjon mönö Suep jike kömbukñangö söpsöpñi aka imutñi akza. Mosesnöñ jike kömbukñi opo serinöñ memamgö ahöhi, nalö mianğoreñ Anutunöñ Suep jikenangö areñi mi indelök. Indel teköba galöm meme keuñi kewö jii mörök, “Mötnöñ, kundunje malnöñga areñ kondel gi-hiali, yuai pakpak mönö mianğö dop törörök wuatangöba memam.” Mianğö dop opo serinöñ jöwöwöl jike meiga mianjon mönö Suep jikegö korembinji ahök. ⁶ Anutunöñ oyaenköyaen akingö jöhöjöhö keu döläkñi neñgiiga mianjon jöhöjöhö keu walñi onğita ölöp sorokñi akza. Jöhöjöhö keu mianjon areñ döläkñangö tandöñi akza. Jöhöjöhö areñ döläkñi mianjon mönö areñ walñi onğita qetbuñañambuk akza. Qetbuña mianğö dop Jisösnöñ jöhöjöhö areñ döläkñangö nupñi ölöp sorokñi mi buña qem anguba Anutu aka ambazip sutnine kindä bauköm neñgimakza. Nupñi mianjon mönö gölmegö jike nup memenji mi gwötpuk onğita aködamunñambuk akza.

⁷ Jöhöjöhö areñ mutukñan keuñi qahö aka dop kölbawak ewö, jöhöjöhö areñ könañgepñan asuhumapköra öne qahö mamböt-pinak. ⁸ *Mewömö, ambazipnöñ töndup böligetka Anutunöñ könañini miwikñaiba jim enğiba kewö jiyök, “Kembu nöñon kewö jizal: Mötket! Nalö kun kam kuñgumawi, mianğoreñ Israel kambu aka Juda kambu embuk jöhöjöhö areñ döläkñi akñam.

* 8:1: Sum 110.1 * 8:5: Eks 25.40 * 8:8: Jer 31.31-34

- ⁹ Nöjön ambösakonurupñini böröjine memba Ijpt kantrinöhök enğuangitpiga yaigep kagetka yembuk jöhöjöhö areñ ahalmo, yeñon nöngö jöhöjöhö areñ mi qahö qekötahöba tem kölget. Mianğora nöñon mewöñanök i andö enğuyal. Kembu nöñon mewö jizal. Jöhöjöhö areñ dölökñi akñami, mi Buña keu walñangö dop qahö.
- ¹⁰ Mewö qahöpmö, nalö mianñon kam kuñguiga Kembu nöñon mönö Israel könagesö yembuk jöhöjöhö areñ dölökñi kewö aka jimam: Nöñon mönö nani Köna keuni pakpak mi yeñgö mötmötñine ala uruñine kimbi ewö ohobi ahöma. Mewö aka yeñgö Anutuñini akiga yeñon mönö nöngö könagesöni aka malme.
- ¹¹ Nalö mianğoreñ ketañi moröñi mi körekmakörek nöngö könani möt yaköba malme. Mianğora böhi kunöñ Kembangö könañi mötmegöra sutñine qahö kusum enğiba malma. Datñan munñangöra kewö qahö jima, 'Gi mönö Kembu möt yaköman.'
- ¹² Kewögöra ni möt yaköm niñgiba malme: Nöñon ahakmemeñini bölöñi mi sanğonđa mosötmam. Singisöndokñinañgöra mönö ölum nuñgui mi qahö toroqeba mötmörimam."
- ¹³ Anutunöñ jöhöjöhögöra "Dölökñi" jiba mewö mianñon jöhöjöhö areñ mutukñağöra "Mönö walñi ahök," jiiga könañi mewö asuhuyök. Keu areñ kunöñ nalö köröpnji ahöba walñi akzawi, mianñon mönö ayapkömamgö dop akza. Mewö.

9

Gölmegö opo seri jikenöj Anutu kewö möpöseiget:

¹ Anutunöñ jöhöjöhö areñ mutukñi aka mianğoreñ mewöyök waikñi memba möpöseibingö areñi mi jim kutui wuatangöget. Mi wuatangöba gölmenöñ opo seri jike megetka ahöyök. ²* Anutugö opo seri jike kömbukñi mi kewö meget: Jike olenji mutukñi mianğoreñ lambegö dum tatatñi aka beret kömbukñi mi Anutugö jemesoholñe tebolnöñ buñaña alget tarök. Jike uruñi mianğö qetñi mi jike olenji kömbukñi. ³* Mianğö andöñe jike uru qetñi jike olenji töröñi kötökñi mi ahöyök. Jike olenji yahöt mietkö sutñire opo sel kinök.

⁴* Jike olenji töröñi kötökñi mianğoreñ jiniñ ohohogö altañi aka jöhöjöhö arengö bokisñi mi ahöyohot. Altañi mi goulnöñ memeñi aiga bokis silerñi mi körek goulnöñ turuturuñi ahök. Paura qetñi mana mi goul kumbutnöñ ala bokis mianğö urune galöm kölget. Mewöyök Arangö öröpnji sötni jujulñi aka Anutunöñ jöhöjöhö areñi kötnöñ ohoi ilanji mi bokis mianğö urune galöm kölget. Bokis urune yuai karöbut mi mewö ahöget. ⁵* Bokis qakñe imut yahöt goulnöñ memeñi mi Anutunöñ dowe mali asakmararañangö söpsöpñi aka kinohot. Imut yahöt mi ginginnjiri kötula bokis önunñi turuba kinohot. Bokis önunñi mi Anutugö köl köñjorat dumñi ahök. Keu mohot mohot mi nalö kewöñe nanñök nanñök törörök eraum mötpinañgö dop qahö.

⁶* Anutugö opo seri jike kömbukñañgö yuai pakpak mi mönö mewö arengögetka ahöiga jike nup galöm yeñon nalö dop jike olenji mutukñi mianğoreñ öngöba Anutu welenni qeba nupñini memba malget. ⁷* Mewö malgetmö, jike nup galöm bohonñi yañönök (yara) yambu dop indimñi

* **9:2:** Eks 26.1-30; 25.23-40 * **9:3:** Eks 26.31-33 * **9:4:** Eks 30.1-6; 25.10-16; 16.33; Jan 17.8-10; Eks 25.16; Dut 10.3-5 * **9:5:** Eks 25.18-22 * **9:6:** Jan 18.2-6 * **9:7:** Lew 16.2-34

mohot mianğoreñ jike oleni töröñi kötökñi mianğoreñ öngöba malök. Sep memba mianğoreñ öngöba nanñanğöra aka könagesö yeñon gukmaulem qakñe singisöndok akeri, mönö mianğöra aka jöwöwöl ohoba sepñi mokoï erök.

⁸ Mewö arengöba aketka Uña Töröñan söpsöp mi kondela mianñon ambazip kewö kusum nenğiba malök: Jike oleni mutukñan toroqeba kinjawï, nalö mianğoreñ Anutunöñ jike oleni töröñi kötökñanğö könani mi aukñe qahö indeliga malget. ⁹ Keu mi nalö kewöñanğö söpsöpñi akza. Könani kewö: Ambazipnönñ kalemñi kalemñi naluk ala jöwöwöl memba kagetka ohomakzemö, uruñinan töndup luai miwikñaibingö osimakze. Uruñinan singisön-dok ak-eranğöra aka tölöhoi jöwöwöl memba kaba Anutugö jike kömbukñe öngöba köulökömakzemö, mianñon mönö singisöndok-ñini köl könjöratpingö osimakze.

¹⁰ Nene kalem aka o kalem memba kaba an köl kam köl aketka o melun könani könani mem enğimakzemö, mewö silegö jimkutukutunñi miyök wuatangömakze. Yuai mi mutuk dop köli aka malgetmö, Anutugö areñ döläkñanğö nalöñan kam kuñguiga mianğoreñök könahiba qahö toroqeba dop kölma. Mewö.

Kraïtkö sepñanğö könani

¹¹ Kraïstnönñ kaba oyaenköyaen nenğimakzawangö jike nup galöm bohonñi ahöhi, yanñon gölmegö opo seri jike kömbukñi azinönñ memenñi mianğoreñ qahö öngöyökmö, mönö Suepkö jike kömbukñe öngöyök. Jike kömbukñi mianñon öngöñgöñi akza. Aködamunñan mönö asakmararanambuk. ¹² Mianğoreñ öngöba uruñi mutukñi kutuba meme (noniñ) aka bulmakau moröñi mienğö sepñini qahö memba anökmö, nanñi sepñi mokoïga mianñon nam köl wanğiiga Suepkö jike oleni töröñi kötökñi mianğoreñ öngöyök. Mianğoreñ nalö mo-hotkö dop öngöiiga dop köl teköza. Sohöpñini mewö memba oyaenköyaen akingö kondoriga nalö teteköñi qahö dop köla ahöm öngöma.

¹³ *Mutuk meme (noniñ) aka bulmakau aziñi enguba sepñini memba kaba bulmakau ambi seramñi mianñon jöwöwöl ohoba mianğö bupgahajöñi mewöyök memba kaba ambazip kölköl-jinjinambuk mianñon qewösahöba enğömirigetka dop köl enğiyök. Mewö amöt qem engigetka mianñon silenini sanğonđa mem sarahim enğii malget. ¹⁴ Mewö aket ewö, Kraïtkö sepñan mönö amötqeqe tandök mi gwötpuk onğita kewö ak nenğimakza: Sepñan mönö urunini tölöhoi sanğonđa kömup köhöikñanğö buña akingö ahakmemenini mi köl könjörarakza. Mewö ak nenğiiga malmal Tonñi Anutu welenñi qebingö nupñi mi amqeba memba malbin. Uña Töröñan mala kota teteköñi qahö mal öngömawi, yanñon mönö Kraïst bauköm wanğiiga köpösihitñi qahö malökmö, nenğöra aka nanñi kölen anguba Anutugö jöwöwöl lamanñi ahök.

¹⁵ Könani kewögöra Kraïstnönñ jöhöjöhö areñ döläkñanğö galöm bohonñi akza: Anutunöñ ambazip oyaenköyaen aka nalö teteköñi qahö mewö malbingö keu jöhöba enğoholöhi, mienñon Anutugö Buñanñi mi buña qem angumegöra mötza. Mianğöra Kraïst aliga Anutu aka ambazip sutnine uru-mohot akingö nupñi memba malja. Jöhöjöhö areñ mutukñanğö nalöñe ambazipnönñ köna onğita singisöndok aketka mianñon jöhöm enğii malgeri, Kraïstnönñ i mienğoreñök pösat enğimamğöra aka kömumba sohöpñini meyök.

¹⁶ Kunñan öroyuaiñi pakpak malmalñi tekömawi, mianğoreñ alañanğö buñanñi akrapak jim kutui keu ahözawi, alañan buña mi zilañ qahö mema.

* 9:13: Lew 16.15-16; Jan 19.9, 17-19

Zilan qahöpmö, keu tonjan kömui könanan aukne asuhui eketka miangörej mi ölop bunja qema. ¹⁷ Jebuk maliga nalö miangörej keunji mianön öljambuk qahö aknapmö, keu tonjan kömuigun keunan mönö kukjambuk aknja. ¹⁸ Keu miangö dop jöhöjöhö arej mutuknji mi mewöyök sep qahö öne öljambuk qahö ahök.

¹⁹ *Öljambuk kewö ahök: Mosesnön Köna keugö jöjöpañ keu pakpak mi könagesö körek yeñgöra oyoñdagun mönö bulmakau moröñi aka meme (nonin) enjuiga sepninan erök. Eri mi memba obuk mindiriba lama jupñi pisikñi gugakgugak memba songorep sunje jöhöba sepnön kundumgöba qewösahöi Köna keu Kimbi lama silenje ohoba lipingögeri, mi miriyök. Mi miribagun könagesö pakpak sutñine liliköba sep onöñ kundumgöba giliga mianön qewösahöi enjömiriyök. ²⁰ Mewö enjömiriba kewö jiyök, “Anutunön keunji tem kölmegöra jim kutum engiba embuk jöhöjöhö akzawi, mönö miangö sepnja ki.”

²¹ *Mewöñanök opo seri jike kömbuknji mi tok sepnön kundumgöba giliga mianön kundumgöba miriyök. Amötqeçe nup memegö aködamun yuainji pakpak mi mewöyök kundumgöba gili miriyök. ²² *Köna keunön jim kutuza-wañgö dop i me wai pakpak mi mönö sepnön sanjoñninga saraknji ahakza. Kunön sep qahö mokoza ewö, Anutunön mönö siñgisöndoknini qahö mosötma. Mewö.

Kraistkö sepnjan siñgisöndoknini köi köñjörarakza.

²³ Suep jike kömbukñangö söpsöp imutñi imutñi mi gölmenön jöwöwöl ohoho aka mewö mianön amöt enjugetka saraknji aketka dop köljapmö, Suepkö öröyuaigöra mi qahö dop kölja. Miangöra Kraistnön jöwöwöl ohoho qainñi kun aka mianön Suep jikegö öröyuañji pakpak mi mönö amöt enjuiga saraknji aketka dop kölök. Jöwöwöl ohoho qainñi kun mianön mönö gölmegö jöwöwöl ohohonji ongita aködamunñambuk akza. ²⁴ Miangö könanji kewö: Kraistnön jöwöwöl jike olenji töröñi kötökñi azinön memenji miangörej qahö öngöyök. Mi Anutugö jike öljañgö söpsöpñi miyök ahök. Kraistnön mönö Suep miri ölnji miangörej öngöba nalö kewöñe bauköm nenjimakñapaköra jitñememenini aka Anutugö jemesoholñe asuhumakza.

²⁵ Jike nup galöm bohonñan yambu (yara) dop sömbup sepnini memba jöwöwöl jike olenji töröñi kötökñi miangörej öngöba malök. Kraistnön miangö dop qahö ahakza. Yanön Suep mire indimñi gwötpuk qahö öngöyök. Anutugö jöwöwöl lamanji aiga yambu (yara) dop qemakñegöra aka eu qahö öngöyök.

²⁶ Indimñi mohotñan qahö dop kölbawak ewö, yanön mönö Anutunön Suep gölme miwikñaim etkiyöhi, nalö miangörejök könahiba sihimbölonji bölonji möri indimñi sehisehñi akawak. Mewö qahöpmö, gölmegö nalöñan tekömangö aiga nalö kewöñe indim mohot miyök siñgisöndok köi köñjöratmapköra aka asuhuyök. Asuhuba nanñi jöwöwöl ohoho ewö ak wanjimegöra al angyuyök. ²⁷ Gölme ambazip nenjö areñnini kewö ahöza: Nini nalö kunön kömumbin aka miangö andöñe Anutunön keunini kewöta jim teköm nenjima.

²⁸ *Arej miangö dop Kraistnön mewöñanök ambazip sehisehñi nenjö siñgisöndoknini köi köñjöratmapköra indim mohotkö dop kaba nanñi jöwöwöl ohoho ewö ak wanjimegöra al angyuyök. Yanön nalö kunön lilinjöba kama. Siñgisöndoköra aka kunbuk qahö kamapmö, ambazip asuhumapkö

mambörakzini, mönö nini oyaen̄koyaen̄ nen̄giba nen̄guaŋgitmapkörä aka asuhuma. Mewö.

10

Indim mohot kömupnöŋ al an̄gui dop köl teköza.

¹ Kōna keu wal̄ŋi mian̄ŋön oyaen̄koyaen̄ akingö kōnaŋi öln̄ŋi qahö akzapmō, oyaen̄koyaen̄ asuhumawaŋgö imutimut̄ŋi miyök ahöza. Kōna keugö kōnaŋi mewö ahözawaŋgöra aka ambazip Anutu möpöseibingöra jike kömbuk̄ŋe nalö dop öngömakzei, yeŋön mönö letota aködämun̄ŋinambuk akingö osimakze. Yeŋön nalö teteköŋi qahö naluk kalem waŋgita ala jöwöwöl ohoho miyök yambu (yara) dop toroqeba aka malgetmō, mian̄ŋön qahö dop kölök. ² Mian̄ŋön dop köl̄bawak ewö, jöwöwöl ohoho mi ölop mosötpeak. Jike kömbuk̄ŋe Anutu waik̄ŋi memba möpöseigeri, yeŋön indim mohot amöt en̄gugetka sarak̄ŋi ak teköbeak, mewö mönö siŋgisön-dok̄ŋinaŋgö gamuŋi mi qahö toroqeba mötpeakmō, mi toroqeba mötket. Mian̄göra sömbup kalem mi toroqeba naluk̄ŋina almalget.

³ Yambu (yara) dop jöwöwöl ohoba malgeri, mian̄ŋön mönö toroqeba siŋgisöndok̄ŋinaŋgö gamuŋi mi jim gulim en̄ŋi malget. ⁴ Bulmakau aziŋi aka meme (noniŋ) yeŋgö seprjinan mönö siŋgisöndok köl könjöratmapkö osiza. Mi esapkögetmō, qaköba mala kotket.

⁵* Mian̄göra Kraistnöŋ gölmenöŋ eta asuhuyöhi, nalö mian̄göreŋ kewö jiyök, “Anutu, göŋön naluk kalemgöra aka jöwöwöl ohome-göra qahö köpösöŋgöba malnöŋmō, gölmenöŋ malmalgö silen̄ŋi mi mözözömgöba niŋginöŋ.

⁶ Jöwöwöl ohoba siŋgisöndok̄ŋinaŋgöra aka naluk kalem̄ŋi kalem̄ŋi ala malgeri, mi eka mian̄göra qahö söŋgaiba malnöŋ.

⁷ Nalö mian̄göreŋ kewö jial, ‘Anutu, mötnöŋ, nöŋön ki kazal. Nöŋgö kōnani mi papia lipin̄lipin̄i mian̄göreŋ ohogetka ahöza. Mian̄gö dop mönö göhö sihimgahö dop aka memba malmam.’”

⁸ Mutuk kewö jiyök, “Naluk kalem ala jöwöwöl ohoba siŋgisöndok̄ŋinan solanimapköra yuai kōnaŋi kōnaŋi aka malgeri, mian̄göra mönö sihimgan qahö asuhui möta malnöŋ. Mi eka mian̄göra qahö söŋgaiba malnöŋ.” Yuai mi Kōna keu wal̄ŋaŋgö dop toroqeba ahakzemö, mi töndup mewö jiyök.

⁹ Mian̄gö andöŋe keu kewö jiyök, “Anutu mötnöŋ, nöŋön mönö ki kaba göhö jitsihitkahö dop aka memba malmam.” Mewö jiba Anutu waik̄ŋi memba möpöseibingö kōnaŋi mutuk̄ŋi mi ceapköba kōna dölökn̄ŋi kun̄guyök.

¹⁰ Anutugö jitsihitnan nam köl waŋgiiga silen̄ŋan jöwöwöl ohoho ewö aket teköi mian̄göra mönö tök kutum nen̄ŋii sarak̄ŋi ak teközin. Indim mohotkö dop silen̄ŋi köleŋniga mian̄ŋön nalö dop mönö söp köla ahöm öngöma.

¹¹* Nalöŋi nalöŋi jike nup galöm pakpak mien̄ŋön kinda jike nup̄ŋini memakze. Sundan dop jöwöwöl ohoho miyöhök dum̄ŋe kunbuk ahakzemö, mien̄ŋön siŋgisöndok̄ŋini köl könjöratpingö osimakze. ¹²* Mien̄ŋön osimakzemö, Suepkö jike nup galöm bohon̄ŋan mönö indim mohotkö dop siŋgisöndok̄ŋöra aka silen̄ŋi köleŋniga nalö teteköŋi qahö dop köla ahöm öngöma. Jöwöwöl ohoho ewö aka waŋgigetka Suep jikenöŋ öngöba Anutugö böroröŋ öln̄ŋe tatza. ¹³ Mian̄göreŋ tata nalö sut̄ŋi kian̄göreŋ Anutunöŋ tuaren̄ŋon̄urup̄ŋi tötäli et

* 10:5: Sum 40.6-8 * 10:11: Eks 29.38 * 10:12: Sum 110.1

enjuiga Kraist könananğö döpnj^{*} aketka köiranj kölbिंगö mamböta malja. ¹⁴ Indim mohotkö dop kömupnöñ al anğui jöwöwöl ohoho ewö ak wanğigetka mianğön dop köl teköi ölop ambazip tök kutum nenğii sarakñi akingö dop akzin. Mewö ölop mem letot nenğiiğa aködamunini pakpak miwikñaiba nalö teteköñi qahö mewö mal öñğöbin.

¹⁵ Uña Töröñan mewöyök keu mi nanğöba jiğa mötzin. Mutuk keu kewö jii ahöza:

¹⁶ ^{*}“Kembu nöñön kewö jizal: Nalö tosatñan tekögetka mianğoreñ mönö jöhöjöhö areñ yembuk akñami, mi kewö: Nöñön Köna keuni pakpak mi mönö uru könömñine ala mötmötñine kimbi ewö ohomam.”

¹⁷ ^{*}Mewö jiba kewö toroqeyök, “Nöñön mönö yenğö sinğisöndok-ñini aka ahakmemenini iwilelebuk akeri, mianğöra ölum nuñgui mi qahö toroqeba mötmöröiba malmam.” ¹⁸ Keu mianğö dop Anutunöñ mi mosöri keuninan kömuyöhi, sinğisöndok miengöra jöwöwöl ohobinanğö dop qahö akzin. Mewö.

Anutubuk kapanj köla malbingöra nenğoholök.

¹⁹ Mianğöra urumelenj alaurupnini, Jisösgö sepñan sanğonj nenğiiğa mönö ölop Anutugö jike olenj töröñi kötökñi mianğoreñ öñğöbin. Mewö möt narim köhöiba uruyahöt qahö ahakzin. ²⁰ Jisösnöñ köna ananğö köna dölöknj mesariga nanñak malmal köhöikñanğö könanj ak nenğiza. Köna mi nanñi silenj kölenjda mewö mianğön mesari ahöza. Köna mi tiba Anutugö jikenanğö opo selñi kutuba jike olenj töröñi kötökñi mianğoreñ öñğöbin. Jisösgö silenjan nam köl nenğiiğa opo selñi mi ölop kutubin. ²¹ Jisösnöñ jike nup galöm öñğöñğöñi ak nenğimakza. Yanğön Anutugö könagesöñi pakpak galöm köl nenğiba malja.

²² ^{*}Mewö maljawanğöra nenñön mönö geñmonj mosöta uruyahöt körek yaköröiba pöndanğök mötnarip qakñe kinda Anutugö kösutñe anda köuluköba malbin. Sepñan qewösahöi nenğömiriba uru tölöhopnini sanğonñiga sarakñi aka malbin. Urununan qahö toroqeba jim nenğiiğa mönö awösamkakak malbin. O sarakñi ariinga mem tuarim nenğiiğa mewö mönö Anutubuk qekötahöba malbin. ²³ Anutunöñ oyaenjkoyaeñ akingö keu jöhöba nenğiyöhi, yanğön mönö keunj pöndanj wuatangöba nembuk kinja. Mewö kinjawanğöra aka mewö akingö mamböta jörömqörömñi jim miwikñaimakzin. Mianğoreñ mönö konğwarak mosöta zenj kin köhöiba malbin. ²⁴ Urukalem aka ahakmeme ölopñi akingöra mönö uru kungum aka nanğöm anğuba malbin. Mewö malbingöra mönö pöndanj galöm mem anğuba malbin. ²⁵ Tosatñan nanñini urumelenj könagesögö totokonñini mosörakzei, nenñön mönö silik mianğö dop kude aka malbin. Mewö qahöpmö, Kembu kamawanğö aiwesökñi eka nalöñan dopdowimapkö mötzini, mianğö dop mönö kapanj köla köhöiba uru kungum anğuba malbin.

²⁶ Buña keu ölnj mötagun nanini imbi-imbi qakñe sinğisöndok lanj akin ewö, sinğisöndoknini mianğöra mönö naluk jöwöwöl kun albingö osibin. Jöwöwöl ohoho kun mi qahö bauköm nenğima. ²⁷ ^{*}Mi qahö bauköm nenğimappmö, Anutunöñ keunini mi jim teköba likepnj meleşni qakñine öñğömapkö mamböringa jönömminan undui kenğötnini möta malbin. Anutugö könöpnjan tuarenjon-urupñi enğohomawi, mianğö kukñi miyök asuhumapköra mönö mamböta

^{*} **10:13:** Kerökurupñi memba et al enğiba luhut ala gamu qem enğibingöra könanjanan tuapköba qakñine döp ewö tölanjiba malget. Juda yenğoreñ köna mewö. ^{*} **10:16:** Jer 31.33 ^{*} **10:17:** Jer 31.34

^{*} **10:22:** Lew 8.30; Eze 36.25 ^{*} **10:27:** Ais 26.11

malbin. ²⁸ *Kunñan Mosesgö Köna keu andö qezawi, i mönö keu jakenje algetka yahöt karöbutñan keunji nanğöba jigetka keunambuk akña ewö, i mönö kude ak kömum wanğigetka kömupkö buñaya akña.

²⁹ *Mewö akñapmö, ambazip kun kewöñangö keunñangöra mönö denöwö mötmörize? Kunöñ Anutu Nahöññangö keunji könañan tökötahöba gilakza. Jöhöjöhö areñ dölökñangö sepñan lök tök kutum wanğii sarakñi ahökmö, sep mi yuai omanji ewö memba et alakza aka kalem möriam Tonji Uña Töröñi mi ilita mepaqepaik ak wanğimakza. Kunñan mewö aiga Anutunöñ keunji kewöta likepñi dawikö dop wanğii dop kölbawak? Köna keu qetala kömupkö buñaya akingö dop akzinmö, Anutunöñ ambazip mewöñangö likepñi mi mönö könöpuk ak wanğii qakñe öñgöi sihimbölö öñöñi qahö möta malma. Wani sihimbölonöñ mönö dop köl wanğibawak? Yanğö könañangöra mönö denöwö mötmörize?

³⁰ *Keu kun kewö ahöza, “Jinöñ jibi, nuñgunöñ guhubi, aknöñ aki mi nöñgö nuwa. Nöñön mönö ambazip keunñanğö likepñi melenmam.” Toroqeba keu kun kewö jii ahöza, “Kembunöñ könagesourupñi engö keunñi kewöta jim teköma.” Kun danön mewö jiyöhi, neñön i möt wanğizin. ³¹ Anutu malmal Tonñangö jeñe kinda et neñgui böröñan neñgumawi, mianñön mönö kanjamñambuk kötökñi akña. Mewö.

³² Löwöribepüköra kewö jizal: Anutugö asakñan kaiga buña qem anguba asarigeri, mönö nalö mutukñi mi mötmöriba malme. Nalö mianğöreñ mötnaripkö bim qeba sihimbölö gwötpuk miwikñaiba mi töndup aum-möriba aonğit aka kin köhöiget. Mi mönö kude ölum enguma. ³³ Nalö tosatñe gamu qem engiget köñjilij mötketka qenjaröknöñ engehiba malget. Nalö tosatñe alaurupñini tandök mewöyök ak engigetka yengö qöhöröñine kinget. ³⁴ Tosatñi kösö mire alget takeri, mönö i enğeka sihimbölonöñi mohotñe möta malget. Sukinapñini kiom qeba megeri, mi mönö sösongai qakñe möt angön köla malget. Suepkö ainemaluku qainñi kun qahö ayapkömawi, mi ahöm engizawanğö möta mianğöra urukölalep möta malget.

³⁵ Mianğöra awösamkakakñini mönö nalö kewöñe kude gila mosötme. Mi kude mosötketka Anutunöñ mönö mianğö töwanji ketanji engima. ³⁶ Anutunöñ yuai engimapkö keu jöhöi ahözawi, enñön mi buña qem angumegöra kinje. Mianğöra Anutugö jitsihitñi wuatangöba lömböt möta mökösonđa kapan köla malme ewö, Suepkö buñanji mianñön mönö engö buña akña. ³⁷ *Kewögöra mönö kin köhöiba malme: Nalö töröptökñi miyök mönö toroqeba mamböringa “Kunbuk kamawanñön mönö kam kunguma. Nalöñi qahö qem körii öñgömapmö, nalöñangö dop törörök kama.

³⁸ Törörök kamapmö, nöñgö alanan ahakmeme diñdijni wuatangömakzawi, yanğö mötnaripñan mönö nam köl wanğii mal köhöim öñgöma. Kunbuk eleñda mötnaripñi mosötma ewö, mi qahö dop köli urunan mönö yanğöra qahö söñgaima.”

³⁹ Keu mewö ahözapmö, neñön ambazip uruñini kunbuk eleñda mötnaripñini mosöta könöp siagö buñaya akñei, mönö yengö kambunöñ qahö kinjin. Mewö qahöpmö, mötnaripñini mi mönö galöm kölinga Anutunöñ amöt qem neñgii mala Suep mire öñgöbinanğö dop akzin. Mewö.

* **10:28:** Dut 17.6; 19.15 * **10:29:** Eks 24.8 * **10:30:** Dut 32.35, 36 * **10:37:** Hab 2.3-4

11

Ambazip mötnaripköra aka yuai kewö asuhuyök:

¹ Mötnaripkö könañi kewö: Yuaigö jörömqöröm akzini, mi asuhumapköra mönö köhöiba uruyahötñi qahö möt narizin. Yuai qahö ehəkñi میانگۆ dop aka memba ölni ekingö mamböta awösamkakak kinjin. ² Möpñangö möpñeyök könahiba ambazip mötnaripñinan nam köl enğiiga uruñini melengetka Anutunöñ engehi dop köliga jim ölöwak enğiiga malget. ³ *Mötnaripñinan nam köl enğiiga yuai pakpakö könañi kewö möt asarimakzin: Anutunöñ keuñi jim kutuba میانجۆن Suep gölmegö öröyuarñi pakpak miwikñaiyök. Miangöra nalö kewöñe yuai ehakzini, mi yuai ehəkñi میانگۆرهۆک qahö letota asuhuyök.

Abel, Enok, Noa yeñgö mötnaripñini

⁴ *Kein (Kain) Abel yetkön Anutugöra jöwöwöl ohoyohotka Abelnöñ uruñi melenñiga mötnaripñan nam köl wanğii törörök tem köliga köwakñan diñdiñi öngöyök. Mewö öngöiga Anutunöñ jöwöwölñi ehi dop köli jim ölöwahök. Jim ölöwaka Abelnöñ solanñi ahöhi, Anutunöñ keuñi mi nanğöba jüiga mötnaripñan nam köl wanğii mörök. Mewö möta mala kömuyökmö, mi tøndup nalö kewöñe ahakmemenji möringa keu میانجۆن mönö toroqeba urunini kuñguba nanğöm neñgimakza.

⁵ *Azi qetñi Enok yañön mönöwök uruñi melenñiga Anutunöñ keuñi nanğöba jim ölöwahiga möta yanğö jeñe dop köla malök. Mewö mala mali mötnaripñan Anutu nam köl wanğiiga wanğiri jebuk öngöyök. “Anutunöñ wanğiri öngöiga toroqeba miwik-ñaibingö osiget.” Buña Kimbi میانگۆ dop Enok mötnaripñan anğön köl wanğiiga qahö kömuyök. ⁶ Uruñi Anutugöreñ melenjawañön mönö keu kewö möt narima: Anutunöñ malja aka Anutunöñ ambazip yanğö jeñe dop kölbingö jaruzei, mi töwa qem engima. Keu yahöt mi möt nariba ölop Anutugö kösutñe kamapmö, qahö möt narim wanğiba öne yanğö jeñe dop kölbingöra mönö osibin.

⁷ *Anutunöñ Noagöra yuai asuhumapkö galöm meme keuñi indelök. Indeli Noanöñ möt asariba sömbuñi qainñi kun möta ölni qahö ehiga mötnaripñan nam köl wanğiiga tem köla wanğe meyök. Anutunöñ nanñi aka saiwaurupñi anğön köl enğimapköra möta wanğe mi meyök. Noa mötnaripñan nam köl wanğiiga wanğe meyöhi, ahakmeme میانجۆن mönö gölme ambazip könañamñini gonğonji indeli Anutunöñ keuñini jim teköiga ayuhuget. Uruñini qahö melenñda ayuhugetmö, Noagö mötnaripñan nam köl wanğiiga Anutugö jeñe solanñi akingö kalemñi mi buña qem anguyök. Ambazip Anutu möt narim wanğiinga keunini jim teköi solanimakzini, Noanöñ mönö میانگۆ dop solanñi ahök. Mewö.

Abraham Sara yetkö mötnaripñiri

⁸ *Anutunöñ Abraham gölme yanğö buña akñapakö jiyöhi, mönö میانگۆرهۆک anmapkö oholök. Oholi mötnaripñan nam köl wanğiiga keu mi tem kölöc. Denikeanğöreñ anda anğotpwak mi qahö mörökmö, mi tøndup nanñi gölmenji mosöta anök.

⁹ *Anda Anutunöñ gölme yanğö buña akñapakö jim jöhöi ahöyöhi, mönö میانگۆرهۆک anğorök. Anğota kian aka ambazip ahakmemenji qahö mörökmö, mötnaripñan nam köl wanğiyö-hanğöra mönö tøndup opo kounñi kuñguba ali

* **11:3:** Jen 1.1; Sum 33.6, 9; Jon 1.3 * **11:4:** Jen 4.3-10 * **11:5:** Jen 5.21-24 * **11:7:** Jen 6.13-22 * **11:8:** Jen 12.1-5 * **11:9:** Jen 35.27

mianğoreñ ahöba malget. Isimoröñi Aisak Jeikob yetköñ mewöyök Anutunöñ gölme engimapkö jöhöjöhö keuñi miyök buña qem anguba gölme mianğoreñ toroqeba opo koumñini kuñguba ala ahöba malget. ¹⁰ Suep siti tandöñan qahö gisahömawi, Abrahamnöñ mi ekñangö mamböta malök. Anutunöñ siti mianğö areñi ala imutñi memba miri tandöñini esiba meiga pöwöwöm köhöikñi ahöm öñgömawi, mönö mianğoreñ anğotmamğö al mamböta opo koumñi malök.

¹¹ *Mewö mala lök azi namñi aiga mötnariñan nam köl wañgiiga köhöiba iwi ahök. Abrahamğö anömñi Sara yañön köpin malökmö, mi töndup gölöm ala morö meyök. Anutunöñ Abrahamğö könagesöñi ketañi akñapkö keu jöhöm wañgiyöhi, yañğora aka keuñan öññambuk akñapkö möt nariba malök. Mötnariñi mianñon mönö nam köl wañgiiga nahöñña asuhui ehök. ¹² *Azi mohot mianğö mötnariñan nam köl wañgiiga lök kömukömugö dop ahökmö, mi töndup yañğoreñök könagesö keta bölöknñi asuhuet. Senğelau suepnöñ asarigetka jañğöñini oyoñbingö osizini, me sak köwet jitñe ahözei, gwölönarökurupñan mönö mianğö dop sehiba asuhuet.

Ambazip kewöñan Suep mirigöra awöweñğöba malget:

¹³ *Ambazip kösohotñini lök jizini, mi körek uruñi melenđa Anutu möt narim wañgiba mala kömuget. Anutunöñ gölme engimapkö keu jöhöm engii malgetmö, gölme mianğoreñ qahö anğotket. Mewö qahöpmö, gölmeñini mi körowen kindu uba eka waikñi memba söñgaiget. Eka öne söñgaiba kewö jim miwikñaiba jiget, “Gölmenöñ mönö kiana aka qandak maljin.” ¹⁴ Ambazip nanñine miri gölmeñine anğotpingö jaram timakzei, yeñön mönö keu mewö jimakze. ¹⁵ Gölme mosötkeri, mianğö mötmöriba keuñi jibeak ewö, yeñön mönö ölop lilingöba mianğoreñ angetka uruñinan teköbawak.

¹⁶ Mönö ölop lilingöbeakmö, yeñön mianğöra qahö mötmöriba malget. Mianğöra qahöpmö, kantri qainñi kun Suepnöñ ahözawi, mönö mianğoreñ anğotpingö awöweñğöba malget. Anutunöñ yeñğöra siti kun meiga ahözawi, mianğöra qetñi “Nanine Anutu!” qetketka mi möta söñgaiba yeñğöra aka gamu kun qahö mörakza.

Abraham, Aisak, Jeikob, Josef yeñğö mötnariñini

¹⁷ *Anutunöñ Abraham esapesapnöñ al wañgiiga mötnariñan nam köl wañgiiga Aisak Anutu kalema wañgiyök. Anutunöñ Aisaköra gölme wañgamğö jüiga Abrahamnöñ jöhöjöhö keu mi buña qem anguyökmö, töndup nahöñi mohok-kun mi mosöta mianñon jöwöwöl ohomamğö ahök. ¹⁸ *Anutunöñ Abrahamğöra keu kewö jii mörök, “Aisaknöñ mönö gwölönarökurupki nam köl engiiga asuhuba göhö qetki bisiba malme.” Keu mi mörökmö, töndup nahöñi altanöñ ala mosörök. ¹⁹ Mosöta kewö kewöta mötmöriyök, “Kömumapmö, Anutunöñ ölop köhöiba mem gulli kömupnöhök wahötma.” Söpsöp keu mewö jiyöhi, mianğö dop nahöñnan dumñe kunbuk kömupnöhök ewö wahöri wañgirök.

²⁰ *Mötnariñan Aisak nam köl wañgiiga nahönyahötñi Jeikob aka Iso (Esau) mi kötuetsköm etkiiyök. Anutugö kötumötuettñi mianñon mönö nalö könanğepñe mewöyök dop köl etkii qakñire öñğömakñapköra köuluköyök.

* **11:11:** Jen 18.11-14; 21.2 * **11:12:** Jen 15.5; 22.17; 32.12 * **11:13:** Jen 23.4; 1 Hist 29.15; Sum 39.12 * **11:17:** Jen 22.1-14 * **11:18:** Jen 21.12 * **11:20:** Jen 27.27-29, 39-40

21 *Jeikobnõj kõmumangö ahõhi, nalö miangõrenj mötnaripñan nam köl wañgiiga nahõnñi Josefgö nahõnyahõtñi yahõt mi kõtuetakõm etkiba örõpñangö kitipñe nariba Anutu waikñi memba möpõseyiök.

22 *Josefgö kõmupñan dopdowiyõhi, nalö miangõrenj möt-naripñan nam köl wañgiiga Israel kõnagesö Ijpt mosöta kageri, miangö kõsohotñi mi jim guliba jiyök. Mewö jiba kõnangep qamõtñi denike lõm kõlmegö keunji mi jim kutum enjiyök. Mewö.

Mosesgö mötnaripñi

23 *Mötnaripñiran Mosesgö iwinamñi nam köl etkiiga Mosesnõj asuhuyõhi, i nalö miangõrenjök kõnahiba kõiñ karõbutkö dop asambõrohot. Morö mi eksihimñambuk tandõkñi kun ahõhi, mi eka kinj kembangö jimkutukutunji õngitpitpukõra kenjõtnjiri qahö möta morõjniri asambõta galõm kõlohot.

24 *Mosesnõj qariiga qetñi farao kinj bõratñangö nahõnñi qetketka mötnaripñan nam köl wañgiiga qet mi bisimangö tököba farao kingö miriñi mosöta angaiyök. 25 Ölop toroqeba Ijpt yembuk siñgisõndokö sösõngainji miwikñaiba mi nalö törõpñi lañ sõngaibawakmö, malmalñi mi andö qeyök. Mi andö qeba Anutugö urumelenj kõnagesö yembuk toroqei kahasililij ak engigetka mi mohotñe möta aum-mõribingö möri õngõngõñi ahök. 26 Anutunõj tõwa wañgimapkõrenj görõken uba kin kõhöiyök. Miangõra Ijpt yeñõn guli dötnamñinambuk aka siyõnsayõñi qahö malgeri, miangö möri yuai eretñi ahök. Miangõn yuai eretñi aiga andö qeba Amõtqeqe Tonjambuk toroqeiga yangõra aka mepaqepaik ak wañgiba malgetmö, mi möri tõndup õlñi aka õngõngõñi ahök.

27 Mötnaripñan Moses nam köl wañgiiga Ijpt kinj kemburñinangö irimñi seholibapukõra kenjõtni qahö möta kantrijni mosöta kayök. Anutu ehokñi qahö mi ehok tandök mötmõrim wañgiba malõhi, miangõra mönõ kapanj kõla kin kõhöiyök. 28 *Mötnaripñan nam köl wañgiiga ak-kõmukõmu kendon* ala miangõ areñi jim kutum enjiiga sõngaiba tatket. Kõmupkö garatanõj Ijpt urunje nahõnñini mutukñi enjugetka Israel yeñgö nahõnurupñinan kõmumbepukõra mönõ jim kutum enjiiga nangunine sep miriget.

29 *Mötnaripñinan Israel ambazip nam köl enjiiga Kõwet Pisikñi mi gölme örõnñe anangö dop kutuba kaget. Ijpt yarö azi yeñõn mi kutubingö esapkõgetmö, mönõ onõj nemulahõba ayuhuget.

Rahab aka mötnaripkö ambazip ipñi tosatñi

30 *Mötnaripñinan Israel kõnagesö nam köl enjiiga Jeriko taonõj kaba kiripo selñi silim 7:gö dop lilikõba mohotñe anda kagetka kiripo selñi selñi kõhöikñan mönõ gororõngõba etket. 31 *Mötnaripñan kõna ketanji ambi Rahab nam köl wañgiiga kewö aiga Anutunõj ehoriyök: Israel jittjememe yetkõn gölme ek miwikñaibitkõra õlõñ kayohotka ala aka köl örõm etkiyök. Anutunõj mi eka kõnangep yangisenj ambazip enjui ayuhugetka Rahab ehori yembuk mohotñe qahö kõmuyök. Mewö.

* **11:21:** Jen 47.31–48.20 * **11:22:** Jen 50.24-25; Eks 13.19 * **11:23:** Eks 2.2; 1.22 * **11:24:** Eks 2.10-12 * **11:28:** Eks 12.21-30 * **11:28:** Anutugö garatanõj Israel ambazip enjehoriba enjõngirõhi, miangö kendonñi mi nanine keunõj ak-kõmukõmu kendon jinga Nei keunõj Pasowa jize. * **11:29:** Eks 14.21-31 * **11:30:** Jos 6.12-21 * **11:31:** Jos 2.1-21; 6.22-25

³² *Wani keuya kunbuk toroqeba jibilenak? Gideon, Barak, Samson, Jefta, Deiwid, Samuel aka kezapqetok ambazip tosatnji yengö kösohotnjini toroqeba jibilenak ewö, nöngö nalönan mönö qahö dop kölbawak. ³³ *Mötnaripnjinan tosatnji nam köl engiiga jakömbuak tohoni tohoni tulumgöba memba ambazip mindingöm engigetka ahakmeme dijdiji wuatangöba malget. Anutunöy yuai nenjimapkö keu jöhöi ahözawi, gwötpukñan keu mianjö dop köuluköba möt narigetka ölni asuhui meget. Tosatñan laion sömbup sutñine köuluköba möt narigetka Anutunöy laion numbuñini jöhöyök.

³⁴ *Tosatñan könöp bölam uruñe köuluköba möt narigetka Anutunöy könöp ösumñi qömbököiga qahö engohoyök. Tosatñi bimgö sou ketanji mianjön engubingö aketka Anutunöy yengö souñini jitiñi jöhöiga kök alget. Gwötpukñan lölöwöröñi aka köuluköba möt narigetka Anutunöy ösum engiiga köhöiget. Tosatñan bim qeba köuluköba möt narigetka Anutunöy kuk engiiga suahö köhöikñi aket. Kian yengö yarö kambuñinan kagetka tosatñan köuluköba möt nariba mewö mönö enguatangögetka unjurata anget.

³⁵ *Ambi tosatñan kitipñinan kömui köuluköba möt narigetka Anutunöy mem gulim wanñii kömupnöhök wahöriga kunbuk toroqeba aitonjöget. Ambazip tosatñan kömup andöñe oyaenköyaen öngöngöñi miwikñaibingöra möta kapan köla kinget. Mewö kingetka ihileknöñ enguba kahasililin könanji könanji ak engiba kewö jii mötket, “Anutu qañ kölnöña zilan pösat gihibin.” Mewö jii mötketmö, yeyön mi tökögetka toroqeba janğauranja mem engiba malget.

³⁶ *Tosatñan Anutu möt narigetka mepaqepaik aka ihilek wahinambuknöñ engugetka sihimbölö könanji könanji miwikñaiba malget. Toroqeba tosatñi gwaröhöba kösö mirinji mirinji mianğoreñ al engiget malget.

³⁷ *Tosatñi kötnöñ engugetka kömuget. Tosatñi segenöñ mitim engigetka yahöt aket. Tosatñi bimgö sou ketanji mianjön engugetka kömuget. Tosatñan lama silenji aka meme (nonin) silenji mianjön opo ewö löngöta lañ anda liliköget. Mewö wanapñi töhöñ aketka sesewerowo aka kahasililin lañ mem engigetka malget. ³⁸ Suepkö aködamunñinambuk aka gölmegö ahakmeme bölöñanğöra mötketka qahö dop köl engiiga mianğoreñ qahö toroqeget. Qahö toroqeba lañ liliköba gölme qararankölkölñe anda kaba kundunji kundunji öngöba eta banjet me gölme titiñgit uruñe ahöba malget. Mewö.

³⁹ Ambazip kösohotnjini jizali, körek mi mötnaripñinan nam köl engiiga uruñini melengetka Anutunöy engehi dop köliga jim ölöwak engiiga malget. Mewö malgetmö, mi töndup Anutunöy oyaenköyaen qainñi kun nenjimapkö keu jöhöi ahözawi, mianğoreñ yengörenjökö kunöñ kun mönö qahö anğorök. Qahö! ⁴⁰ Anutunöy i nanñinök qahöpmö, mönö nembuk mohotñe aködamuninambuk ak teköbingöra mötza. Mewö möta mianğöra oyaenköyaen qainñi kun nenji miwikñaibingö keu areñi ali ahöza. Mewö.

12

Anutunöy iwi aka mindingöm nenjimakza.

¹ Ambazip kambu keta bölöknji mewanñan mötnaripkö könanji nanğöba jiba kousu ewö liliköm nenjiba kinjei, mi mötzin. Mianğöra neñön mewöñanök mönö lömbötñini pakpak aka sinğisöndok awamñanök köpeim nenjimakzawi,

* 11:32: Kemb 6.11–8.32; 4.6–5.31; 13.2–16.31; 11.1–12.7; 1 Sml 16.1; 1 Kin 2.11; 1 Sml 1.1–25.1

* 11:33: Dan 6.1–27 * 11:34: Dan 3.1–30 * 11:35: 1 Kin 17.17–24; 2 Kin 4.25–37 * 11:36: 1

Kin 22.26–27; 2 Hist 18.25–26; Jer 20.2; 37.15; 38.6 * 11:37: 2 Hist 24.21

mi gilin anma. Anutunöy nini mötnaripkö bimñi qeba Satan luhut al wañgingö arenji ali ahöza. Miangöra malmal sutñi ki malagun kömumbini, sutñi mi mönö aonjit tandök kapan köla bim qeba ösumninan anbin. ²Jisösnöy mötnaripñini mem letori ahui mem qarui köhöiba aködamanñambuk ahakzawi, Toñi mi mönö jeninan uba törörök ehakin. Yanñon ölop toroqeba Suep mire mala söngaibawakmö, mi mosöta eta miangö salupñe sihimbölo mörök. Maripomnöy kegwek-kahasililij ewö kömumangö gamu möta qahö tököyökmö, mi qenjarökñöy möta mökösoñda kömuyök. Kömumba Anutugö jakömbuak dum tatatnöy öngöba böroñi öljeta.

³Singisöndok ambazip yenñon mewö tuarenjoñ ak wañgigetka sihimbölo mörohi, enñon mönö i mötmöriba malme. Sörauba löwöriba urueret aka kinda mötnaripñini aka jörömçörömñini mosötpepuköra mönö mewö ahakñe.

⁴Singisöndok akinbuköra aum-möriba bim qeba malgetka miangörey singisöndokö Toñan mönö sepgwörörök (gulibambam) qahö enguyök.

⁵*Iwinöy nahönböratuñupñi yenñora qambañ keu engizawi, Anutunöy miangö dop keu kun engöra kewö jiiga mönö mi ölum engui malje, “O nahöni, Kembunöy mindingöm gihimakzawi, miangöra mönö mötnöñga silebile kude akña. Keu jim ghihiya miangörey mönö urueret kude aka malman.

⁶Kembunöy ambazip jöpaköm engimakzawi, ia mindingöm engimakza. Ambazip morö ewö engömembra köyan köl engimakzawi, mi körek kömbinöy engumakza.”

⁷Morö kun iwinan qahö mindingöi lañ malbawak, mewö mönö yangö moröñi qahö akawak. Miangöra Anutunöy inñini nahönböratñi ewö tandök ak engimakza. Miangöra lömböt engii mi mönö mindingöm engimapkö tandök mötmöriba möta mökösoñda dñngiba malme. ⁸Anutunöy nahönböratuñupñi pakpak mindingöm engimakzawañgö dop inñini qahö mindingöm engibawak ewö, mönö yangö nahönböratuñupñi öljeta qahö akeak. Mewö mönö iwi qahö wilin morö (bastet) akeak.

⁹Keu mi kunbuk kewö jimam: Gölmegö iwininan mindingöm nenngigetka yenñora göda qem engiba malin. Silögö iwininan korembinji akzemö, urun-yanñö iwininan mönö öljeta aka öngöñgöñi akza. Miangöra mönö yangö keu bapñe anda dñngiba mal köhöininga dop kölma. ¹⁰Silögö iwininan mönö nanñini mötmötñinangö dop kapan köla gölmenöy nalö töröpñi malbingöra aka mindingöm nenngiba malakze. Yenñon mewö malakzemö, Anutunöy mönö tök kutum nenngii yangö dop sarakñi akingöra aka mindingöm nenngimakza. Mewö aka öljeta ölöwaka oyaenñkoyaenñ akingöra mötza.

¹¹Kunöy mindingöm nenngiiga nalö miangöreyök mönö sösoñgai tandök qahö ahakzinmö, wösöbirik sihimbölöñambuk mörakzin. Keu mi öljapmö, miangö öljeta mönö könanñep kewö asuhuma: Anutunöy ambazip mewö miangö köl gulim engimakzawi, yenñö ahakmemenjan dñngiiga luai qem engii möta malme. Mewö.

Qambañ aka galöm meme keu tosatñi

¹²*Miangöra “awötñini teköi böroñini lömböriba söro-rauba kinjawi, mi mönö memba wahöta mindingöme. Tambuñini jula siminñini suljawi, mi mönö mem köhöime.” Buña keu kun mewö ahöza. ¹³*Kekporörökñambukñöy (kerekporikñambukñöy) töwölatiba eta qeiga könanñan sula bölim teköbapuk. Keu miangö dop alañini angösirip kude ak wañgimemö, mönö ölöwakñapköra

* 12:5: Job 5.17; Qam 3.11-12 * 12:12: Ais 35.3 * 12:13: Qam 4.26

kapaŋ köla malme. Buŋa keu kun kewö ahöza, “Köna tiba anangö könaŋini mönö mem qölöleigetka diŋdiŋi akŋe.”

Keu mianŋö dop mönö uru ölöwak qem aŋguba malme.

¹⁴ Ambazip körek yembuk luainöŋ urumohot malmegöra mönö köhöiba kapaŋ köla malme. Kunŋan malmal sarakŋi qahö miwikŋaimawi, mönö öne Kembu qahö ekŋa. Mianŋöra Anutunöŋ mem sarahim enŋimapköra mönö kapaŋ köla kinme. ¹⁵ *Kunöŋ Anutugö kalem möriamŋi ŋgita qahö buŋa qem aŋgubapuköra mönö galöm mem aŋguba malme. Nene nupnöŋ siriuret kömbukŋambuk mi jalöŋinambuk qözölmakzin. Mianŋö dop uru mötökömbukö könaŋi pakpak mi qeapköme. Qahö qeapkögetka mianŋön qariba kota enjololoŋ mem enŋii gwötŋuk enŋö uruŋinan tölöhhobapuk.

¹⁶ *Mewöyök kunöŋ kaisero akapuk me Iso (Esau) ewö aŋgöjörakŋambuk malbapuköra mönö galöm mem aŋguba malme. Isonöŋ morönahön mutukŋi ahöhaŋgö börösamot tonji ahökmö, keu mi nene indim mohot nemapköra aka qeapköyök. Qeapköiga munŋi Jeikobnöŋ börösamotkö keuŋi mi nene mianŋön bohonŋi memba buŋa qem aŋguyök. ¹⁷ *Könaŋgep jöhöjöhö keuŋiraŋgö dop asuhui Iwiŋaŋgö kötumötuetŋan mönö Jeikob qakŋe öŋgöyök, mi mötze. Mewö öŋgöi Isonöŋ kötumötuet mi buŋa qem aŋgumamgö möta uleta sahöri imbilŋan erök. Mewö kapaŋ köla ulerökmö, töndup keu munŋambuk jöhöyohori, mi utekömamgö köna kun qahö miwikŋaiyök. Mianŋöra morö mutukŋaŋgö kötumötuetŋi mi buŋa qem aŋgumamgö mörökmö, mianŋöŋen qaköba osiyök.

¹⁸ *Mönöwök Israel könaŋesö yeŋön Sainai (Sinai) kösutŋe kaba kingetka kundunŋi mianŋön köhöp bölamnöŋ jeyök. Jeba köwak-köwak eta panaman meiga raidimbom qeiga Anutunöŋ mianŋöŋen yembuk jöhöjöhö areŋ ahök. Sainai (Sinai) kundunŋi mianŋön börönöŋ oseibinaŋgö dop akzapmö, enŋön kundunŋi mewö mianŋö kösutŋe qahö kaba malje. ¹⁹ Anutunöŋ jöhöjöhö areŋi mi Sainai kundunŋe kewö ahök: Garataurupŋan tömun qainŋi kun ugetka aŋgötömalŋi azöŋda kaiga keu köhöikŋi jiyöhaŋgö kourukŋi mötket. Mi möta keu mewöŋi kunbuk kude jii mötmegöra uletket. Enŋön kundunŋi mewö mianŋö kösutŋe qahö kaba malje. ²⁰ *Anutunöŋ keu köhöikŋi jiba kewö jim kutum enŋiyök, “Kunŋan kun ambazip me bau sömbup kunöŋ kundunŋi mi oseima ewö, i mönö kötnöŋ qegetka kömuma.” Mewö jim kutum enŋiiga keu mi wuatangöbingö möt lömböriba osiget. Mianŋöra keu kunbuk kude jimapköra uletket. ²¹ *Yuai kanŋamŋambuk kötökŋi mi uba etikta Mosesnöŋ kewö jiyök, “Ni mönö keŋgötŋi möta jönömmi undui kinjal.”

²² Enŋön mewö qahöpmö, mönö uruŋini melenŋa Zaion kundunŋi dopdowiba kaŋgota malje. Anutu malmal Toŋaŋgö sitiŋi qetŋi Jerusalem Suepnöŋ ahözawi, mianŋöŋen garataurupŋi ten tausenni ten tausenni yeŋön kambuŋi kambuŋi köla unduba sösoŋgai ahakzei, enŋön mönö siti mi dopdowiba malje.

²³ Mutuk ahuahü dölöŋki ahuba urumelen könaŋesö aketka qetŋini malmalgö buknoŋ ohogetka Suepnöŋ ahözawi, enŋön mönö yeŋgö kambuŋini toroqeba malje. Anutunöŋ ambazip körek neŋgö keunini kewöta jim tekömakzawi, enŋön mönö bemnini yambuk toroqeba malje. Anutunöŋ ambazip solanŋi mem letot enŋiiga aködamunŋinambuk aka kömugeri, enŋön mönö yeŋgö uŋaŋinambuk toroqeba malje. ²⁴ *Enŋön jöhöjöhö areŋ dölöŋkaŋgö

* **12:15:** Dut 29.18 * **12:16:** Jen 25.29-34 * **12:17:** Jen 27.30-40 * **12:18:** Eks 19.16-22; 20.18-21; Dut 4.11-12; 5.22-27 * **12:20:** Eks 19.12-13 * **12:21:** Dut 9.19 * **12:24:** Jen 4.10

galömni Jisös yangörej kaba yambuk qekötahöba kinje. Yanön sepnjan qewösahöi engömirimakzawi, mönö malmal mewöñje kañgota malje. Abelnöñ sepnji mokoyökmö, Jisösgö sepnjan Abelgö sepnji ongita keu aködamanñambukö muñgemñi akza.

25* Mutuk azi kunöñ gölmenöñ mala Anutugö keu jitsihitñi ambazip indel engiiga gwötpukñan mi mötpingö tökögetka Anutunöñ likepñi meleni qakñine öngöyök. Yenön mianğoreñök kök albingö osiget ewö, neñön mönö denöwö kök albinak? Nalö kewöñje alanini kunöñ Anutugö keu jitsihitñi Suepnöhök indela jimakzawi, nini i nönöñgan aka mosötzin ewö, mönö lömbötnöhök kök qahöpmahöp albin. Qegetalninanğö likepñi mönö ölna qaknine öngömapkö mötzin. Mianğöra kunñan sañep qei mötzei, eñön keu mi mötpingö kezapölok kude akñje. Kezapölok malbepuköra mönö galöm mem añguba malme.

26* Mönöwök keuñi jiiga mötketka gölme utuköba memenjalivyökmö, keza-
pçetok keuñi kun jiba jöhöiga nalö kewöñje kewö ahöza, “Nalö kungen
dumñe kunbuk gölme utuköba memenjalimam. Gölmeyök qahöpmö, yuai
akiga suepnöñ mewöyök utuköma.” 27 Keu mewö ahözapmö, “Nalö kungen
mönö dumñe kunbuk” jizawi, keu mianğö könañi kewö: Anutunöñ öröyui
miwikñaiiga ahözawi, mianğönök mönö utuköba utekömapmö, Suep mirigö
öröyui qahö utukömawi, mianğön mönö kin köhöiba ahöm öngöma.

28 Neñön bemtohon qahö utukömawi, mia buña qem añguba kinjin. Mianğöra mönö “Anutu saiwap!” jiba mewö mianğön waikñi memba möpöseiba uru ölöwak mem wañgimakin. Mi jitñi onğitpinbuköra kenğötnini möta aka gödañi qeba malbin. 29* Neñgö Anutuninan mönö köñöp bölam ewö akza. Mianğöra neñgohoi sihimbölö mötpinbuköra mönö kenğöt mötmöt qakñje göda qem wañgimakin. Mewö.

13

Qambañ keu teteköñi

1 Urumelen alaurup nanñini mönö jöpaköm añguba malme. 2* Kian ambazip sutñine kamei, mi mönö köyan köl engigetka köisirik miwikñaimakñje. Mewö akingö mönö kude ölum engumakñja. Tosatñan mewö akeri, mianğön Suep garata tosati qahö möt asariba mohot köl öröm engigetka miriñine malget. 3 Tosatñan kösö mire maljei, mi mötmörim engimakñje. Nanñinak yembuk gwaröhöm engigetka malbeak tandök möta mönö i mötmörim engimakñje. Tosati ak bölim engigetka mianğö sihimbölöñi mötzei, mi mönö nanñinak mewö malbeak ewö möta mötmörim engimakñje.

4 Ambazip qesabulum aka serowilin akzei, Anutunöñ i jim teköm engima. Mianğöra körek eñön mönö awanöm malmal göda qegetka sarakñi aiga awanöm sutñire tötekqötek töwötñi kun qahö ahöma.

5* Anutunöñ nanñak keu kun kewö jii ahöza, “Nöñön mönö nalö kunöñ qahö gömosöta andö guhumam.” Keu mianğöra aka ahakmemeñjan membagun memböng nepaqepalok kude köpösöngömapmömö, yuai ahöm engizawi, mianğöra mönö mötket dop köl engiiga sösongaibuk malme. 6* Mewö möta ölop ewebibininambuk saitingit kindi kewö jiba malbin, “Kembunöñ

* 12:25: Eks 20.22 * 12:26: Hag 2.6 * 12:29: Dut 4.24 * 13:2: Jen 18.1-8; 19.1-3 * 13:5: Dut 31.6, 8; Jos 1.5 * 13:6: Sum 118.6

baukbaukni aiga gölme ambazipnõj ayuhum niñgimeañgö dop qahö akze. Mianğöra kenğötni kun qahö möta maljal.”

7 Galömurupñinan Anutugö keu jiget mötkeri, i mönö mötmörim engiba malme. Ahakmemenini denöwö aka megetka malmalñinan teköyöhi, mönö mi mötmöriba mötnaripñinañgö silikñini wuatañgöba malme. 8 Jisös Kraist utekutekñi qahö. Mutuk malöhi, miyök merak malja aka nalö teteköñi qahö mal öngöma. 9 Kalem möriam toroqeba buña qem anjuinga urunini mem köhöitiiga ölöwahakñapmö, nene nemingö silikñi mi me mi mianñon mönö urunini mem köhöimapkö osimakza. Tosatñan nenegö dönqizizin könanji könanji wuatañgögetka ahakmeme mianñon mönö qahöpmañöp bauköm engiiga pöröpköyök. Mianğöra tosatñan dönqizizin murutñi murutñi ambazip kusum engimakzei, eññon mönö keu mi mosötme. (Silikö keunöj mönö janjun kude ak engima.)

10 Jöwöwöl ohoho alta qainñi kun mi neñgöreñ ahöza. Gölmenöj opo seri jikegö nup memakzei, yeññon jöwöwöl qainñi kun mianğö bahöñi memba nemingö osimakze. Anutunöj yeñğöra keu mewö qahö jim teköi ahöza.

11 *Gölmeğö jike nup galöm bohonñan kinda ambazip siñgisöndokñini köl köñjöratmapköra aka sömbup qeba sepnji memba jike olenji töröñi kötökñi mianğöreñ öñgömakzapmö, sömbup öñjini mi memba miri qandak maljei, mianğö sel yaigepñe anda mianğöreñ ohogetka jeba ayapkömakze. 12 Mianğö dop Jisös mewöyök könahesöurupñi nanñi sepnjan mem sarahim engimapköra aka siti selgö nanju yaigepñe qegetka sihimbölö möta kömuyök.

13 Mianğöra miri qandak* maljini, neññon mönö mianğö sel yaigepñe anda Jisösgöreñ toroqebin. Yañğöra aka mepaqepaik ak neñgimakzei, mönö mi bisiba malbin. 14 Mi kewögöra: Siti teteköñi qahö ahöm öngömawi, mi gölmenöj qahö ahöm neñgizapmö, siti könanjep asuhum neñgimawi, mi ekingö mönö jaram tiba maljin. 15 Mianğöra mönö qösösök Jisösnöñ nam köl neñgiiga Anutugöra möpömöpösei naluk ala malbin. Jisös qetñi möpöseimakzei, yeñğö numbu jittñinañgö öñjan mönö Anutugö nalukñi akza. 16 Yuai ahöm engizawi, mi mendeñ anğuba mem ölöwak anğumakzei, mianñon mönö Anutugö nalukñi kun akza. Anutunöj naluk mi ehi uruñan ölöwahiga dop kölakza. Mianğöra mewö akñegöra mönö kude ölum engumakña.

17 Galömurupñini mönö tem köl engiba kukösumñini bapñe anda malme. Nup megerañgö kösohotñini Anutugö jeñe almei, yeññon mönö mianğö tandök engeka uruñini galöm kölakze. Yeññon nupñini mi urulömböt qakñe membepuk. Mianñon inñi qahö bauköm engibawak. Mianğöra mönö keuñinañgö bapñe anda malgetka sösoñgai qakñe nupñini megetka dop kölma.

18 Mönö neñğöra aka Anutu köulukömakñe. Yuai pakpak mianğöreñ ahakmeme qetbuñañambuk akingö sihimñi ahöm neñgiiga Anutunöj neñgeka “Dop kölja,” jiiga urukezapninan möringa ölöwahakza. Keu mi möt yaközin. 19 Nöñğöra köulukömakñegöra mönö kapan köla kewögöra kuñgum engizal: Inñi köulukögetka Anutunöj nalö qahö mem köriiga ölöwaka ölop kunbuk engöreñ kamam.

Kewö köulukömakzin:

20 Jisösnöñ kömuyöhañğöra aka lama galöm qetbuñañambuk aka malja. Sepñi mokoba mianğö muñgem silimbanñan Anutugö jöhöjöhö arenji

* 13:11: Lew 16.27 * 13:13: Gölmenöj kusus maljini, mianğö qetñi qandak.

qekötahöba mem köhöiiga nalö teteköñi qahö ahöm öñgöma. Anutunöñ Kembunini mi mem guliiga kömupnöhök wahöta köhöiba malja.

²¹ Anutu luai Toñan mönö inahöm engiba jitsihitñañgö dop aka memba malmegö aködamunñi pakpak engimakñja. Mewö ölop köhöiba nup ölopñi könañi könañi memba malme. Yanñon mönö möwölöhöba kuñgum engiiga Jisös Kraistköreñ nanğöba malmal Anutugöreñ dop köljawi, mewö malme. Kraistkö qetbuñaji mönö nalö dop möpöseininga nalö teteköñi qahö aködamunñambuk ahöm öñgöma. Keu mi ölja.

Keu teteköñi

²² O urumeleñ alaurupni, nöñön kewö qesim engizal: Buña Kimbi töröpñi kiyök ohom engizal. Mianğöra andö qambañ keuni ki mönö kapañ köla buña qem anğume. ²³ Buzup ki mötme: Urumeleñ alanini Timoti i kösö mireyök pösatketka erök. Ösumok ki kañgotma ewö, mönö yambuk kaba enğekit.

²⁴ Yaizözkök keuni albiga galömurupñini pakpak aka Anutugö ambazip sarakñi körek yeñğöra jigetka mötme. Itali alaurupninan yaizözkökñini algetka enğöreñ kaza.

²⁵ Anutugö kalem möriamñan mönö körek embuk ahöm öñgöba ahöma.

Jeimsgörej Kimbi Jeimsnöj Kimbinj alök. Jim-asa-asari

Gölmeji gölmeji miangörej ambazip könañi könañi uruñini melenja letorakzei, yengö ahakmemeñinan siksauk lolonqalon aiga tönangöba et enğuiga Anutugö qetbuñajan etpapak. Miangöra Jerusalem bisop Jeims yanön goro keu murutji murutji qezaköba ki ohoza. Goro keunji tosatñi kewö: Mötikutukutu ölnji mi denöwö? Zioz nup ölnji aka muneñi. Esapesap uruñe malmal. Tosatñi kude engek qepureime. Numbu jit galömkölköl. Silenji möpöseime me uruñini memba et al anjume? Anjururuk me alabauk akñe? Kapankapan aka köuluk nup meme.

Waimanjatñi bohonñi kewö: Kraistkö Buñajan qariba aködamun-ñambuk akñapakora qetñi bisiba keunji köl guliba meinga ölnji asuhuma me qahö? Numbu jitinanök möt nariinga qahö dop kölja. Zioz ölnji qahö mi köhömunji qamöt tandök ewö akza.

Kimbi kiangö bahöji bohonñi 10 mi kewö:

Keu mutukñi 1.1

Mötnarip aka mötkutukutu 1.2-8

Ambazip wanapñi aka pomñi 1.9-11

Esapesap (manambatok) ölöpnji aka bölöñi 1.12-18

Buñ kezapnöhök mötmöt aka temkölköl 1.19-27

Etqeqeñi mi kude engek qepureime 2.1-13

Mötnarip nupñi qahö mi omanji akza 2.14-26

Numbu nesilamninan ayuhum neñgibapak 3.1-18

Luainöñ malmal me gölmegö ahakmeme 4.1-5.6

Lömböt bisiba köuluköiga ölnji asuhuma 5.7-20

1 *Jeims nöñön Anutu aka Kembu Jisös Kraistkö nupñi memba maljal.

Israel kambu 12 neñgöreñök tosatñi injini Israel mosöta gölmeji gölmeji denja anda maljei, nöñön embuk keu eraum mötpingöra kimbi ki ohoba jölöñini jizal.

Möt nariba köuluköba mötmöt ölnji miwikñaibin.

2 O urumelenj alaurupni! Esapesap könañi könañi qakñine öngömakzawi, miangöra uruñinan mönö kude eri simbawon miyök möta söñgaiba malme.

3 Esapesapnöñ qakñine öngögiga mötnarip-ñinan miangörej köhöimakña ewö, mönö kapan köla kin köhöimakñe. Mi mötzeangöra mönö söñgaiba malme.

4 Kapan köla kin köhöimakñe ewö, mianön mönö toroqeba mem letet enğuiga ahakmemeñinanöñ ölnji pakpak mi aködamunñambuk ahumakña. Mianön ahuiga Anutunöñ oyaenköyaen uruñini kokolak qeiga urugö yuai kungöra (meme amgöba) mözöqözöröñ qahö aka malme.

5 Engöreñök kunñan "Denöwö akñam," jiba mötkutukutugöra osizawi, yanön mönö Anutu köuluköiga mi wangima. Anutunöñ kalemñi sakalakñi amqeba körek neñgöra neñgiba sirongen qahö jim neñgimamgö mörakza. Miangöra mi ölöp wangüiga buñ qem anjuma. 6 Köulukömaawi, miangörej mönö niñgimapkö möt nariba uruyahöt qahöpmahöp akña. Uruyahöt akzawañön mönö köwet

* 1:1: Mat 13.55; Mak 6.3; Apo 15.13; Gal 1.19

sirigö dop öngöba eta ahakza. Luhutnöj köwet kunduriga lanlan anda kamakza. Mianjö dop akapuköra köuluknangö uruyahöt kude akña.

7 Uruyahöt ambazip mewöni kunöj mönö Kembunöj yuai wangimapkö kude mötmörima. 8 Yanjö urujan mönö julkuliga aiakanj pakpak mianjören kökölolon aka konḡwarak qeba anqem-kamqem keu jimakza. Mewö.

Wanapji malmal aka pomji malmal

9 Urumelenj alaurupni, enḡö sutjine tosatñan etqeqeni malgetka Anutunöj enḡöra möri öngöngöni akze. Mianjöra mönö ölöp nanñini möpöseim anḡumakñe. 10 *Tosatñan öngöngöni maljemö, monen inapñinangöra qahö mötket öngömakzawanjöra aka etqeqeni tandök mala mönö nanñini möpöseim anḡumakñe. Yenḡö malmalñinan mönö buörö (roro) juranji ewö aka soholima. Etqeqeni aka öngöngöni neñön kömumba mianjören öröröj akin. 11 Wehönöj kota roro ohotiriiga qararanj köla soholiba juranjan bölonanimakza. Juranan eriga kembanganj kaisongolomñi eksihimñambuk mianjön piahimakza. Pomñi yenjön sukinnapñini mem sehibingö lilikqilik ahakzemö, mala buörögö (rorogö) dop gororongöme. Mewö.

Esapesap (manambatok) ölöpñi aka bölöñi.

12 Anutunöj keunji kewö jöhöi ahöza, “Ambazip urujanin jöpaköm niñgimakzei, nöñön i malmal köhöikñi enḡiba nöropñine goul ila köl enḡimam.” Keu mianjö dop bölöñangö esapesapnöj kungö qakñe öngöiga mianjören kapañ köla köhöii teköiga mönö malmal köhöikñangö ila sorom buña qem anḡuba oyaenḡoyaen akña. Yanjöra “I-ia simbawon!” jizin. 13 Bölöñangö Toñan Anutu esapköm wangimawangö dop qahö aiga Anutunöj kun siñgisöndok akñapkö qahö esapköm wangiza. Mianjöra kunñan esapesap urujen mala kewö kude jima, “Anutunöj esapköm niñgiiga siñgisöndok akñamgö akzal.”

14 Anutunöj qahöpmö, nanini sihim kömbönañini bölöñan mönö töpötñi (nemban, pöran) ewö öröm neñgiiga mötöp bitimnöj qaköinga siñgisöndokö esapesapñi mewö mohot mohot neñgorenj asuhumakze. 15 Kunñan sihim kömbönañi bölöñi qahö jöhöba siñgisöndok kondotza. Kondoriga sihim kömbönañan gölömnji ala siñgisöndok mi morö ewö meiga ahumakze. Siñgisöndoknöj ahuha qarim teköba kömup köhöikñi ahum wangimakza.

16 O wölböt alaurupni, sihim kömbönañini bölöñan mönö kude tilipköm enḡima. 17 Kalem ölöpñi aködamunñinambuk pakpak mi Anutunöj ali Suep euyangörenjök asuhumakza. Köñ wehön jenjiri kota kutuba geyohotka imutimutñiran körim türim ahakzappmö, asakñi pakpakö Toñan mönö nannak qahö uteköma. Imutimut me söñaup kun mi yanjörenj qahö ahöza. 18 Anutunöj yuai pakpak miwikñaiyöhi, nini mienḡö sutjine yambu dölöknji jenjiquee aka malbingöra mörök. Mianjöra nanñi sihimñangö dop keu ölnjanḡö kötnji urunine aliga mianjön ahuahu dölöknji neñgii ahuin. Mewö.

Buña keu öne mötpin me tem köla membün?

19 O wölböt alaurupni, mönö keu ki mötmöriba kude ölum enḡuma: Injini mönö körek keu mötpingö kezap köröpñi zilañ alme. Keu lan mi ösumök kude jime. Irimñinan mönö zilañ kude seholima. 20 Anutunöj ahakmeme diñdiñi akingö sihimñi mörakzappmö, irimesesewölnöj mia qahö kondorakza. Mianjöra mönö irimesesewöl mosöta keu ösön jiba malm. 21 Qewölonj könani könani aka ahakmeme töwötñambuknöj qekötahözei, mia mosötme. Mönö

* 1:10: Ais 40.6-7

yanjisenjini mosöta Anutugö keu bapje anda keu kötnj urunjne kömörazkawi, mi möt anjön köla malme. Mewö aketka keu mianjön ölop amöt qem enjiiga letota Suepnöj öngöme.

²² Buja keu mi öne töhön mötketka ölnj qahö ahubapuk. Mewö silebile aka tilipköm angubepukmö, keu mi mönö köl guliba malme. ²³ Kunjan keu öne töhöntöhön möta mianjögö dop qahö ahakzawi, yanjön mönö azi kianjögö dop akza: Kunjan jemesoholnj piliknöj uba angehakza. ²⁴ Uba anjeka mosöta kungen anda kaisongolomnj denöwö, mi ösumok ölum qemakza. ²⁵ Mi ölopnj qahöpmö, kunjan köna keu aködamunjabuköra kezap ala ehiba mianjögörej qekötahöba singisöndokö kösönöhök lolohomakzawi, yanjögö ahakmemegöra mönö “Esop simbawonj!” jibin. Yanjön keu möta mi qahö ölum qemakzappmö, mi ölnja tem köla mianjögö dop ahakza.

²⁶ Kunjan urumelenjögö köl guliguli akjanjögö jiba numbu jitnj qahö galöm köla nanjn mewö tilipköm angumakzawi, yanjögö linet köuluknan mönö yuai omanj, ölnj qahö akza. ²⁷ Anutu lwigahö jemesoholje Buja nup saraknj silebilenj qahö memanjögö jiba mönö kewö akjan: Gwani morö aka malö könjilinj qaknje maljei, mönö i anda enjeka köyan köl enjiba malman aka gölmegö ahakmemenjanjögö qewölonjan urugi tölohobapuköra galöm mem anjguba malman. Mewö.

2

Etqeqenji mi kude enjek qepureime.

¹ O urumelenj alaurupni! Jisös Kraist Kembunini qetbujanjam-buk möt naribingö jize ewö, mönö ambazip tosatnj kude enjek soriba tosatnj kude qepureim engimemö, dop mohotnöj ak enjiba malme.

² Mianjögö dopkeunj kewö: Azi pomnj kun, kesötjn goul binenjabuk aka opo malukuunj ekjeritjabuk, yanjön kambu mirinjine öngögöga azi wanapnj kun sileötanj jujuratnj töwötjabuk yanjön mewöyök öngöbawak. ³ Öngöyohotka injini azi ipnj ekjeritjabuk mi köl öröm wanjiba kewö jibeak, “Ketanammni, gi ölop qaiknje eu anda dum tatat löwötjn mianjögörej tatman.” Mewö jiba azi etqeqenji mi ehöröj köla jime, “Gi ölop göranje anda kinman me köna kutukutunine eta tatman.” ⁴ Silik mewönan asuhuiga injini könagesö sutnjine könjabö ala menderj anjguba qemasolokep aka keunjabuk akze. Mötmötnjini bölönj wuataj-göba jimtekötekö ambazip gonjonj akze.

⁵ O wölböt alaurupni, mötket! Anutunöj bemtohoj ambazip jöpaköm wanjimakzei, yanjögö buja ahömapkö keunj jim köhöiba jöhöyök. Keu mianjögö dop tosatjan gölme ambazip jejine etqeqenji akzemö, Anutunöj mi nanjanjögöra jim möwölöhöm enjiiga mötnaripninanjögöra aka öngöngöj akze. Yanjön bemtohojanjögö uruje anjotketka galöm köl enjiiga sukinapninjabuk akje.

⁶ Ölnja öngöngöj akzemö, injini ambazip wanapnj engehöröj köla enjek siriba malje. Ambazip pomnj yanjön mönö monenj inapnjini qahöpköra kewöta mem et al enjigetka etqeqenji akze. Yanjön mönö injini örörahöm enjigetka keu jakenj jakenj mianjögörej anjgorakze. ⁷ Injini Kraistkö bujanj aketka qet ölop soroknj mi enjiba mianjögö dop enjgoholakzemö, pomnj yanjön mönö qet mi luasönöj ala lan jimakze? Gölmegö öngöngöj yanjön mönö mi pakpak ahakze.

8 *Mewö ahakzemö, enön Anutu bemtohoñangö jöjöpañ keu bohonñi tem köla wuatangögetka dop kölma. Anutugöreñ keuñi mi Buña Kimbinöñ kewö ahöza: “Nangi jöpaköm angumakzani, mianğö dop mönö ambazip tosatñi mewöñanök urugan jöpaköm engimakñan.” 9 Mianğön dop kölmapmö, injini ambazip tosatñi engek soriba tosatñi qepureim engiba dop mohotnöñ qahö ak engimakze ewö, mönö sinğisöndok ahakze. Anutugöreñ jöjöpañ keu walönggetka yañön mönö keuñini mi miwikñaiba jim teköm engima. 10 Kunñan jöjöpañ keu pakpak tem köla wuatangöba mienğöreñök mohotnöñ eta qezawi, yañön mönö jöjöpañ keu körek pakpak walönda keuñambuk akza.

11 *Mianğö könañi kewö: Anutu “Sero yoñgorö kude akñan,” jiyöhañön mönö mewöñanök jöjöpañ keu kewö jiyök, “Ambazip kun kude qenöñ kömuma.” Gi sero yoñgorö qahö akzanmö, töndup kun köhömuñi qezani, mianğön mönö jöjöpañ keu körek walöñ teköba maljan. 12 Anutugöreñ köna keu mi sinğisöndokö kösönöhök lolohoba malbingöra ahöza. Anutunöñ köna keu mianğön kewöt neñgiba keunini jim teköi solanimeğöra mötmöriba keuñini mianğö dop jimakñe aka ahakmemenini urukalem qakñe ahakñe. 13 Kunñan urukalem qakñe ambazip qahö ak kömum engiba maliga Anutunöñ keuñi kewöta jim teteköñi ak kömukömu qakñe qahö ak wañgima. Kunñan urukalem kondela malöhi, Anutunöñ i kewöt wañgiba ölop ak kömum wañgiiga simba-woñ aka silenji memba öñğöma. Mewö.

Mötnarip ölnji qahö mi köhömuñi akza.

14 O urumelen alaurupni, kunñan “Jisös möt narizal,” jiba mianğö nupñi qahö meiga mötnaripñi mianğön mönö denöwö bauköm wañgibawak? Keuñanök möt nariiga Anutunöñ eka amöt qei letotma me qahö? Mi qahö! 15 Mianğö keuñi kun kewö: Uruñini melenğeri, engö sutñine ambazip kunñan opo kereñğöra osiba mözöröngöba nenenji wehön kungöra qahö malbawak. 16 Mewö maliga engöreñök kunñan yambuk aitonğöba silegö nañğönañğö qahö wañgiba kewö jii mötpawak, “Gi ölop anda nene memba könöp jömöta böñjöt tatman.” Keu töhön mi möriğa mianğön mönö denöwö bauköm wañgibawak? Mi qahö!

17 Mewöñanök mötnarip töhönök mi köhömuñi akza. Mötnaripkö nupñi ölnji qahö mezaawanğö mötnaripñan mönö qamöt ewö akza.

18 Kunñan kewö jibawak, “Göñön mötnaripuk aknöñga nöñön ahakmeme diñdiñ wuatangömakzal.” Nöñön mianğöra kewö jimam, “Göñön ‘Anutu möt narizal,’ jiba mianğö nupñi qahö memba öne mötnaripkahö ölnji mönö denöwö kondel niñgibanak? Nöñön ahakmeme aka membi eknöñga mianğön mönö ölop nani mötnaripnañğö ölnji kondel gihima.” 19 Gi “Anutu mohok akzawi, mi möt narizal,” jizani, mi ölop! Ömewöröme yeñön mewöyök mi möt narize. Mi möt narizemö, mianğön kundut engiiga Anutugöra jönömñini undumakza.

20 O uruqahö azi, gi ömewöröme yeñğö tandök möt narizan me? Mötnaripkö nupñi qahö menöñga ölnji qahö ahui keu mi öne töhöntöhön jinöñga mötnaripkan mönö yuai omanji, ölnji qahö akza. Mianğö könañi söpsöp keuni mianğön kondel gihiza me qahö? 21 *“Qahö!” jibanbuköra söpsöp keu kun jimam. Mötnaripkö bömön jalönini Abraham yañön mönö denöwö diñdiñ ahök? Yañön Anutugö jitñi tem köla nahönñi Aisak wañgita altanöñ ala mianğön jöwöwöl ohomamğö ahök. Mewö aka mötnarip qakñe

* 2:8: Lew 19.18 * 2:11: Eks 20.13, 14; Dut 5.17, 18 * 2:21: Jen 22.1-14

nup meiga Anutunöŋ mi eka keuŋi jim teköi solaniyök. ²² Söpsöp keu miangö kōnaŋi ek asarizan me qahö? Abrahamnöŋ möt nariba keuyök qahö jiyökmö, mötnarip qakŋe kindā miangö silikŋi mewöyök ahiga nam kölīga dop kölök. Ahakmeme diŋdiŋi aka memba maliga mötnaripŋan mewö qariba akōdamunŋambuk ahök.

²³ *Buŋa Kimbinöŋ keu kun kewö ahöza, “Abrahamnöŋ Anutu möt narim wanŋiiga qetŋi Azi Diŋdiŋi jiyök.” Keu mi mönōwök ölnambuk ahuyöhanŋö dop mi ohoget aka tosatŋan Abrahamgö qetŋi “Anutugö alaŋa!” mewö qeta jimalget. ²⁴ Solanŋi akingöra mötnaripkö keu jitninanöhök jiinga qahö dop kölja. Silikninan mötnaripkö ahakmeme ölni akin ewö, Anutunöŋ mönō keunini jim teköiga solanibin. Kösohotnan mönō miangö kōnaŋi kondelja.

²⁵ *Söpsöp keu kun mewöyök jibiga mi kondelma: Israel yeŋön gölme ek kutubingöra azi yahöt melaim etkiŋet anohotka kōna ketanŋi ambi qetŋi Reihab yaŋön etkuangita köyan köl etkiba kōna kunöŋ etkumbuliga moŋöta anohot. Yaŋön mötnaripkö ahakmeme mewö ahiga Anutunöŋ mi eka keuŋi jim teköi solaniyök. Mewö.

²⁶ Nöŋön keuni ki kewö jim tekōmam: Azi uŋaŋi qahö mi qamötŋi. Miangö dop mötnarip ahakmemeŋi qahö mianŋön mönō köhömuŋi akza. Mewö.

3

Numbu nesilamninan ayuhum neŋgibapuk.

¹ O urumelenŋ alaurupni, engöreŋök gwötpukŋan uruŋini wahöriga (“Tosatŋi yengöreŋ pinjit mindiŋgöbin,” jiba) kusum engiŋeŋi böhi akingö akepek. Nini tosatŋi kusum engiba nanini mötmötnini qahö mindiŋgöbin ewö, Anutunöŋ mi ehi qahö dop kölīga keunini kewöta köhöikŋanök jim teköba miangö dop likepŋi oŋgita ak neŋgima. ² Mi kewögöra jizal: Nini körekŋan kōna keu gwötpuk qiwitipkömakzin. Kunŋan nesilamŋi galöm köla keu qahö qiwitipkömakzawi, yaŋön mönō azi akōdamunŋambuk sorokŋi akza. Yaŋön ölöp köhöiba malmalŋi pakpak mewöyök galöm köla malma.

³ Hosnöŋ (beosi) sihimnini tem kölmegöra ain injup numbuŋine ala kösönöŋ öröba mianŋön ölöp ölni ketanŋi jömuk mi mindiŋqindiŋ ak engiŋga anakze.

⁴ Mewöyök wanŋe ketanŋi miengö silikŋini mötmörime. Mienŋön ketanŋi aketka luhut köhöik-ŋan nanŋöm engigetka köwet kutuba anakze. Keta bölökŋi akzemö, mi tōndup anangö galömŋi pailöt yaŋön wanŋe gilŋe tata sihimŋi wuatangöba stia lökuatŋi moröŋi miyök melenqelenŋ aiga wanŋe ketanŋan miangö dop melenŋa anakza.

⁵ Nesilamgö kōnaŋi mi mewöŋanök. Mi sileninaŋgö kitipŋi morörökŋa kun akzapmö, tōndup ölöp keu ketanŋi kōnaŋi kōnaŋi mianŋön silenini memba öngöba jimakzin. Mönō ki mötmörinöŋ anök:

Könöp jit-tökŋi moröŋan terenŋa geba ölöp jölöm jitŋe möndöba arökŋi keta bölökŋi jem kutuiga etpawak.

⁶ Nesilamninan mewöyök könöp bölam ewö akza. Mi sileninaŋgö kitipŋi kitipŋi miengö sutŋine tata qewölonŋö kondotkondot namŋi akza. Mewö aiga könöp siagö Toŋan jönbölanŋan ohotiriba miangöreŋ uwulamgöiga awamŋanök urukönöpŋöŋ möndöba jeiga uru pakpak kutumutuba tölöhoiga malmalŋe ahakmemeŋi pakpak mi sanjöp ewö töwima. ⁷ Anutunöŋ yuai pakpak miwikŋaiyöhi, mi sömbup kōnaŋi kōnaŋi, nei me yuai bapŋinan köla

* 2:23: Jen 15.6; 2 Hist 20.7; Ais 41.8 * 2:25: Jos 2.1-21

ölölöngömakzei me köwetnōj maljei, mi ambazipnōj mölöwōrim engimeangō dop akze. Mi lōk köl tutuhuba mölöwōrim engigetka mire (köhōmgep) akze.

⁸ Mewō akzemō, nesilamninan mōnō sömbup kalji tandök akza. Mi mörōm warabe (rōbek) mianjōn kokolak qeçerji aka aņamumu ewō öņöņgōba neņgōhōba mem kömum neņgimangō jōjōrōmakza. Ambazip körekņan mi mölöwōriba jōhōm waņgi-bingō osimakze. ⁹* Nesilamninan Kembu Iwinini möpōseim etkimakzin aka likeņje ambazip nanņi kaisoņgolom ewō miwik-ņaim eņgiyōhi, mi sait keunōj laņ qesuahōm eņgimakzin.

¹⁰ Numbu nesilam mohok mianjōn Anutugō qetņi möpōsei-makzin aka sait keunōj tosatņi qesuahōm eņgiba jimakzin. O urumeleņ alaurupni, kōnaņamņinan mewō ahōi qahō dop kölja. ¹¹ O sawōlņi aka kömbukņambuk mi o jeņi mohok mianjōreņök uzumgōba korakzahot me qahō? Mewō qahō. ¹² O urumeleņ alaurupni, jogaņ ipņeyök danam (sam) mi ölöp asuhumakze me qahō? Mewōyök jaunōhök mandarina ölöp asuhumakze me qahō? Mianjō dop o sawōlņan kōwuk kömbukņambuknōhök uzumgō-mangō osimakza. Mōnō mi.

Mōtkutukutu öļņi aka munerji

¹³ Eņgō sutņine daņōn mōtkutukutubuk aka keu mindiņgō-mawaņgō dop akza? Kunōj “Mewō akza,” jime ewō, yaņōn mōnō uruņi mōtkutukutuņangō dop memba et ala silikņan guņbōņjōņjōj ahakmemerji kondeli aukņe asuhui ehinga dop kölma. ¹⁴ Mianjōn dop kölmapmō, uruņine mututqutut ahōiga irimsesewōl mōtökōm-bukņambuk mōta körōgisigisi aka nanņini yuainōj qarimapkōra köpōsōņgōba andōqeçe ahakze ewō, mōtkutukutuņini mianjōra mōnō silenini öne kude memba öņgōme. “Keu öļņi wuatangōzin,” jiba mōnō öļņi kōyatibepuk. ¹⁵ Yengōreņ mōtkutukutu mewōņi mi gölmegō mōtkutukutuya akza. Mi Suepnōhök qahō erakzapmō, ömewōrōme yeņōn ambazip sölölohōm eņget jigetka Uņa Tōrōņan mianjōra wōsōbirik ahakza.

¹⁶ Denike yengō uruņine mututqutut ahōiga irimsesewōl mōta körōgisigisi aka nanņini yuainōj qarimapkōra köpōsōņgōmakzei, yengō malmalņine siksauk ilingōsōj ahōiga silik aņgōjōrakņambuk kōnaņi kōnaņi wuatangōmakze. ¹⁷ Mi wuatangōmakzemō, mōt-kutukutu Suepnōhök erakzawi, mianjō kōnaņi mutukņi mi ahakmeme sarakņi. Mōtkutukutu sarakņangō silikņi tosatņi mi kewō: Luainōj malbingō ak eņgiiga guņbōņjōņjōj qakņe tosatņi ak eņgiba keu bapņe angetka Uņa Tōrōņan uruņini kokolak qeiga tosatņi baukōm eņgibingō sihimņi gwōtpuk mōtketka urumōt-mōtņinanangō öļņi ölöpņi ölöpņi mi gwōtpuk asuhumakze. Geņmoņ mosōta ambazip keuņini bahōsapsap qahō kewōta silesile silik qahō malje. ¹⁸ Luaiqeçe ambazipnōj luainōj malbingō mōta mianjō kötņi kömōtketka öļņi ahakmeme diņdiņi ahuiga oyaeņkoyaeņ malakze. Mewō.

4

Gölmegō mōtkutukutu mosōta Anutugō ala aka malme.

¹ Wani yuainōj bim aka aņgururuk sutņine kondori ahumakze? Nanņini sihim kömbōnaņinan mōnō wahōta silenini dop kölīga ölöpņi bölōņan awōraņgōyohotka bim aka aņgururuk ahumakze. ² Inņi yuai kōnaņi kōnaņi mēmbingōra sihimņi köhöikņi bökbök mōrakzemō, mi eņgō buņaya qahō ahakza. Yuaigō eksihim mōta erōm ota uruņinan kōņōp jeiga ambazip eņgugetka kömumak-zemō, tōndup mi qahō memakze. Mianjōra yom jiba

* 3:9; Jen 1.26

anğururuk aka bim qemakze. Injini Anutugörej qahö köuluköba nanñinak öne memingö mötzeanğöra mi qahö buña qem anğumakze.

³ Anutugörej köulukömakzemö, töndup mi kewögöra qahö memakze: Uruñinan qahö diñgiiga yuai enğiiga mi mösöhöba nanñini sihim kömbönanjini bölöñi meköba silenjanğö sösongai akingöra möta ulerakze. Mi qahö dop köliga Anutunöñ mi anğön kölakza. ⁴ O injini qesabulum ambazip ewö akze. Awanöm köna diñdiñi mösöta serowilin ahakze, injini mönö miangö dop Anutu mösöta urumelenğö kopa ambazip yembuk ala-ala aka moneñ inapnönğ göröken uruñini jöhöba malje. Tandök mewöñi aka mianğön mönö Anutubuk kerök-kerök ahakze. Mi möt kutuze me qahö? Mianğöra kunñan gölmegö sihim kömbönanji bölöñi mekömamğöra uruñi alakzawi, yañön mönö Anutugö kerökña akza.

⁵ Buña Kimbigö keu kun kewö ohoget ahöza, “Uñanji Töröñi urunine al neñgii maljawi, Anutunöñ i sihim kömbönanji mienğön kokolak qem wañgiiga malja.”* Keu mi omaña könanji qahö mötmöribepuk. ⁶ *Keu mi omaña qahöpmö, injini miangö dop sihimñini törörök Anutugörej alme ewö, yañön mönö kalem möriamñi önöñi qahö enğimakña. Mianğöra Buña Kimbi ki jiba ohoget ahöza: “Anutunöñ söngöröqök ambazip tuarenjon ak enğimakzapmö, uruñini memba et alakzei, ia kalem möriam enğimakza.”

⁷ Mianğö dop injini mönö uruñini kewöta Anutugö keu bapñe anda malmemö, Bölöñanğö Tonji tuarenjon ak wañgigetka enğömosöta sööröiba misinğöba anma. ⁸ Mönö Anutubuk jöhöjöhö aka kösutñe kagetka yañön embuk jöhöjöhö aka kösutñine kinma. Singisöndok megetka böröñinan töwiiga Jisösgö sepiñan mi sanğonmapkö köuluköme. Uruñinan julkuliga an qem kam qem lañ aketka uruñinan tölöhoiga köl könjörat enği sarakñi akñegöra köulukömakña. ⁹ Mönö dabökokorokñini möt kutuba jingen köla wösöbirik möta silata sahötme. Gön köisirikñini mösöta meledenja amburereñ akñe. Sösongainjini mösöta wösöbirik möt anğume. ¹⁰ Mönö Kembugö jeñe memba et al anğuetka yañön mem wahöt enğima. Mewö.

Urumelenj alaurup kewöta keuñini kude jim teköme.

¹¹ Urumelenj alaurup, andönöñ qeçe keu mönö kude jim anğuba malme. Kunñan keu mewö yöhösañ jiba urumelenj alañanğö keuñi jim teközawi, yañön mönö Anutugörej köna keu jim teköba memba et alja. Gi Anutugörej köna keu jim teköba görögöra ala mewö mianğön mi qahö tem kölakzanmö, mi silebile memba timbiqimbilim azia aka maljan. ¹² Anutunöñ köna keu jim kutum neñgiba miangö dop mönö keunini kewöta jim teköiga ayuhubin me ak kömum neñgiiga oyaenköyaen akin. Yañönök jimtekötekö Tonini akzapmö, gi mönö nangahöra “Niñja akzal?” jiba alagi kewöta keuñi jim tekömakzan? Mewö.

Sile memegö galöm keu

¹³ *Mönö kezap alget! Tosatñi injini sile memba kewö jimakze, “Nini merak me uran ki mösöta taon mi me mi miangörej anda kölköl-örörö aka moneñ ketanji öröba yambu (yara) mohok malin teköiga miangörej lilingöba kabin.” Nöñön miangöra kewö jibi mötme: ¹⁴ Malmalñini uran denöwö malmei, injini mi qahö möt kutuze. Enğö malmalñinanğö könanji mi denöwö? Mi köwak

* **4:5:** Buña Kimbigö keu miangö könanji kun kewö, “Uña Töröñi uruñine ali maljawi, yañön jöpaköm neñgimangö sihim kömbönanji möta nengöra mututqutut mörakza.” * **4:6:** Qam 3.34 * **4:13:** Qam 27.1

kousugö dowä ahözawä, nalö töröptökñi asuhubä ayapkömä. ¹⁵ Mianğöra enğön mönö kewö jigetka dop kölma, “Kembugö jit sihitñan nengöra mewö ahöiga jebuk malbin ewö, mönö mewö mewö aka membin.” ¹⁶ Mewö qahö jimakzemö, öne töhön jakbak-öranğborañ aka nanñini silerñini memba öngöba möpösei-makze. Ahakmeme pakpak mewöñi mianğön mönö bölöñi akza.

¹⁷ Keuni jim tekömamğöra kewö jizal: Kunñan silik ölöññi aka memawañğö dop aka mianğö könarñi möt kutubagun mi qahö aka memawä, yañön mönö siñgisöndok akza. Mewö.

5

Ambazip sukinapñinambuk yengö galöm meme keu

¹ O ambazip sukinapñinambuk, inñini kezap ala keuni ki mötket: Kahasililin sihimbölo qakñine öngömawä, mianğöra mönö amburereñ aka silata sahotme.

² *Moneñ sukinapñinan mönö gisahöba gororöngöza. Kezaplonğon jijilukut yengön opo malukunñini yöhöqöhötiba nemakze.

³ Inñini nalö teteköñi kewöñe goul, silwö aka yuäi tosatñi qakñöñ qakñöñ qezaköget ahözawä, mi kahawet muetmuetnöñ turum teköba törom (rust) memba ahöza. Törom kahawet mianğön dangunu ewö ahöba könarñini nalö teteköñe kewö kondelma: Inñini malmalñini moneñ inapñöñ jöhöba mösöhögetka pömsöm qeiga ayuhume. Törom kahawet mianğön mönö könöp bölam ewö sile busunñini mewöyök mem bölöma. ⁴ *Ki mötmöriget: Nup meme ambazip nupñine barö memba siri uret qözöla malgeri, inñini yengö töwarñini ekbonep möta anğön kölget. Inñini yengöreñ sahot irikurukñini mötze me qahö? Silatñini mianğön mönö Kembu Anutu, kukösum pakpakö Tonğöñ kezapñe gem teköiga mötza.

⁵ Inñini gölmenöñ ki yuäi könarñi könarñi sesegilgil buña qem anğuba siyonşayon qahö mala silegö sösongai algetka nahömqñini dop köl enğıiga malget. Gölmegö kelök möriamñan jöhöm enğıiga lañ mala nem qarip ketanñi aka malje. Anutunöñ keunñini jim teköiga enğuet kömumeanğö nalöñinan kam kunğumawä, mönö nalö mianğöra jöjöröba kelökñinambuk aka malje.

⁶ Ambazip qewölöñini qahö inñini qahö tuarenğon ak enğıgetka töndup keunñini jim teköba lañ enğuet kömumba malget. * Mewö.

Lömböt mököşöñda bisiba köuluköba malme.

⁷ O urumelen alaurupni, inñini Kembunöñ kanğotmapköra mamböta nalö sutñe kiangöreñ mönö mököşöñda lömböt bisiba kinme. Mewö kinda kölkömöt azigö tandökñi mötmörime: Yañön nene gölmenöñ kömöta kinda ölni söñğöröñi öngöñğöñi asuhumapköra kapan köla mambörakza. Kapan köla mamböta mali maliga kie bedu nalöñan kaiga kunbuk mamböriga kömunjanñi kie uru nalöñan kam kunğumakza. ⁸ Enğön mewöñanök mönö mököşöñda lömböt bisiba kinme. Kembunöñ kunbuk kamawañğö nalöñan törizawañğöra aka mönö urunñini qezaköba böñ qeba kinme.

⁹ O urumelen alaurupni, Anutunöñ keunñini jim teköi lömböt miwikñibepuköra mönö nanñini sutñine jimongot kude aka urunñinan irikuruk kude jim anğumakñe. Mötket, jimtekötekö Tonjan mönö dopdowiba nanğunöñ kinja. Mewö. ¹⁰ Urumelen alaurupni, kezapqetok ambazip

* **5:2:** Mat 6.19 * **5:4:** Dut 24.14-15 * **5:6:** Keu mianğö könarñi kun kewö: Inñini azi qewölöñ qahö töndup keunñi jim teköba qegetka kömuyöhi, yañön inñini kunbuk qahö qetal enğımakza.

yeñon mönöwök Kembugö qetņe Buņa keu jigetka kahasililij mem enggigetka möta tøndup mökösoņda lömböt bisiba kapaņ köla malget. Eñon mönö yeņgö tandökņini mötmöriba köna lasupņini wuatangöba malme. ¹¹* Tosatņan kapaņ köla lömböt bisiba mala luhut algeri, nini yeņgöra “I-ia simbawoņ!” jizin. Azi qetņi Job (Hiobe) yeñon kahasililij möta tøndup kapaņ köla luhut alöhi, mi mötze. Luhut aliga teteköņe miangöreņ Kembunöņ ak kömukömu Toņi aka neņgehoremakzawi, yeñon mönö oyaenköyaerņi waņgiiga malök. Mönö mi mötmörime. Mewö.

¹²* O urumelen alaurupni! Keu kötni mutukņi kun ki jimam. Injini keu mi me mi jimei, mi jöjopaņ keunöņ kewö kude jim köhöime, “Keuni ölni qahö akza ewö, Suep Toņan ölop lömböt ali qakne öngöma me gölme toņan mereņ mumbaköiga gölmenöņ turum ningima.” Keu mi me jöjopaņ keu tosatņi mewöņi mianöņ mönö keuņini kude jim köhöime. Mewö qahöp-mö, oņ-keugöra möta “Oņ!” miyök jime aka qahöp-keugöra “Qahö!” jime. Pötagororoņ keu jigetka Anutunöņ keuņini jim teköba likepņi meleni qakņine öngöma. Mewö.

Mötnarip qakņe köulukögetka ölni asuhuma.

¹³ Mötnarip ambazip engöreņök kunņan qemjem-mamje-ņambuk malja ewö, yeñon mönö Anutu köuluköma. Kunņan sösoņgainöņ malja ewö, yeñon mönö linet köla Anutu möpöseima. ¹⁴* Engöreņök kunņan kawöl yöhöi malja ewö, yeñon mönö mötnarip könagesögö jitņememe örom enggiiga kaba Kembugö qetņe kelöknöņ silene miriba yeņgöra köuluköme.

¹⁵ Mötnarip qakņe köulukögetka Kembunöņ kawöl ambazip mi amöt qem waņgii ölöwaka kunbuk wahötma. Siņgisöndok aka kawöl miwikņaiyök ewö, Anutunöņ mönö siņgisöndokņi mi saņgoņda mosötma.

¹⁶ Mewö aiga Anutunöņ amöt qem engii ölöwakņegöra mönö siņgisöndokņini jim miwikņaim aņguba bauköm aņguba Anutugö köulukömakņe. Ambazip solanņi kunņan uruņi qezaköba Anutu köuluköma, miangö ölnan mönö weweliņambuk asuhuma. ¹⁷* Mianöņ söpsöpņi kun mi kezapqetok azi qetņi Elaija (Elia). Yeñon gölme azi naninanöņ dowo malök. Yeñon kie qahö kamapköra uruņi qezaköba kapaņ köla köuluköiga kienöņ yambu (yara) karöbut aka köiņ 6 miangö uruņe gölmenöņ qahö erök. ¹⁸* Nalö mi teköiga kunbuk köuluköiga suep injaņ köla kie yöhöba bedu meiga nene kunbuk töņgöniba asuhuyök. Mewö.

Kunöņ janjuņ aniga alanaņ bauköiga dop kölma.

¹⁹ Urumelen alaurupni, engöreņök kunöņ keu ölnaņgö könaņi qiwitipköba janjuņ aniga kunņan i miwikņaiiba köna ölnje kunbuk waņgita alma ewö, ²⁰* mianöra mönö kewö mötmörime: Siņgisöndok ambazip kunņan janjuņ könaņe aniga alanaņ i mianöreņök waņgiriga uruņi löwörii kunbuk melenmawi, yeñon mönö qahö kömum köhöima. Alanaņ i könöp sianöņ gebapuköra aņgön köl waņgiiga Anutunöņ siņgisöndokņi sehisehiņi mi saņgoņda köl turuma. Mewö.

* **5:11:** Job 1.21-22; 2.10; Sum 103.8 * **5:12:** Mat 5.34-37 * **5:14:** Mak 6.13 * **5:17:** 1 Kin 17.1; 18.1 * **5:18:** 1 Kin 18.42-45 * **5:20:** Qam 10.12; 1 Pitö 4.8

Pitögörej Kimbi 1 Pitönöj Kimbinji mutukji alök. Jim-asa-asari

Pitönöj Buja Kimbinji ki ohoba Kraistkö alaurupji Eisia prowinsgö Not likepne denja malgeri, yengöra ali anda liliköyök. Könahiba qetjini kewö qeta ohoyök, “Anutunöj ambazip nanjangöra möwölöhöm engiyöhi, mienön.” Mötnarip ambazip sesewerowero miwikjaiba sihimbölö möta malgeri, yengö urujini nangömapköra aka Kimbi ki ohoyök. Kraistkö Ölöwak Bujağö könanji ölum engubapuköra aka Jisösgö keunji kunbuk kewö jim asariyök, “Jisösnöj kömuyökmö, kunbuk kömupnöhök guliba wahöta kunbuk lilingöba kamamgö jim jöhöba oyaenkoyaej akingö jörömqörömni nenngiiga al mambörakzin. Mianğöra sihimbölö mörakzei, mi mönö möt angön köla kapan köla köhöiba kinda malme. Sihimbölö mianön mötnaripjini kewöriğa ölnambuk akña ewö, Anutunöj mönö likepni melenj engima. Jisös Kraistnöj asuhumawi, nalö mianğöreñök mönö aködamunjinambuk akñe. Keu mi möta awösamkakak kinme.” Mewö qambanj engiba ohoyök.

Wahöjalinj nalöje urujini nangöm engiba toroqeba köhöiba kewö uru kungum engiyök, “Injini Kraistkö bujaya akzeangö dop mönö malmal sarakñi malme.”

Buk kianğö bahöñi bohonji 6 mi kewö:

Keu mutukji 1.1-2

Anutugö amötqeqe nupkö könanji 1.3-12

Malmal sarakñi malbingö jimkutukutu 1.13–2.10

Sihimbölö qakñe nup denöwö bisibin 2.11–4.19

Urujini melenja memba et ala nup meme 5.1-11

Buja kimbi kianğö keu kötnji bohonji 5.12-14

¹ Anutunöj ambazip nanjangöra möwölöhöm nenngiiga nengörejök injini tosatjan Israel mosöta prowins qetjini Pontus, Galesia, Kapadosia, Eisia aka Bitinia mianğöreñ denja anda malje. Pitö nöñön Jisös Kraistkö melaimelai azi aposol aka embuk keu eraum mötpingöra kimbi ki ohozal. ² Iwi Anutunöj qeljine möpñangö möpñe mötmöt areñ ali ahöiga mianğö dop Uña Töröñan injini mem sarahim engiiga Anutugö bujanji aket. Anutunöj injini Jisös Kraistkö jittji tem kölmegöra möwölöhöm engiiga Kraistkö sepñan qewöshahöi engömiriba sanğonj engimakza.

Anutugö kalem möriamñan mönö urujini dop sehiiga luainöj malme. Mewö.

Oyaenkoyaeñgö jörömqörömninanğöra Anutu möpöseibin.

³ Neñön Kembunini Jisös Kraistkö Iwinji Anutu i kewögöra möpöseimakin: Anutunöj ak kömukömu ketanj nenngiba nengömeiga ahuahu dölöknji ahuin. Ahuahu dölöknji ahuba Jisös Kraistnöj guliba kömupnöhök wahöröhi, neñön mianğö dop guliba wahöta oyaenkoyaej akingö jörömqöröm aka maljin.

⁴ Oyaenkoyaej buja qem angubingöra jörömqöröm aka al mambörakzin. Anutunöj oyaenkoyaej mi urumelenj alaurupji nengimapköra Suep mire ali ahöza. Mianğöreñ ahöba qahö sahaha kahawet memba töwiba gisahöba ayapköma. ⁵ Mötnarip köi gulime ewö, Anutugö ösumñan sel jöhöba kölközizip engiiga Suepkö bujaya malgetka Jisösnöj ölöp enguanğiriga Suepnöj öngöba

oyaenko-yaen akne. Anutunöy Amötqece Tonangö könañi nalö teteköñe mewö indel teköiga ambazip jim asarim enjgibingöra aka ahöza.

⁶ Oyaenkoyaeñ akingöra söngaiba maljemö, gölmenöñ malinga Anutunöy esapesap Tonji qahö jöhöiga lömböt anğösirip könañi könañi asuhugetka sihimbölö miwikñaiba möta malje. Nalö töröpñi mewö malmemö, mi töndup sösongai aka malje. ⁷ Anutunöy esapesap qahö jöhöiga qakñine öngöba mötnaripñinañgö tandökñi kewörakza. Köt öñi köhöikñi goul miangö söngöröñan mönö guli dötnam onğitzapmö, töndup nalö kunöy ayapköm teköma. Nalö töröpñangöra aka ambazipnöy goul mia kun könöpnöy delasi ohoba öñan gizikörörök ahöbapuköra kewöta esapkömakze. Miangö dop inñi öñña törörök möt nariba kin köhöimakze me qahö, esapesapnöy mönö miangö könañi kondelakze. Anutunöy uruñini öñi kewöriğa goul kewögöra onğitmapköra mötza: Mötnaripñinan pöwöwöm köhöikñi aiga söngöröñi öngöngöñan goul silwö gwötpuk onğita nalö teteköñi qahö bauköm enñi dop kölma. Mewö engehi dop kölma ewö, Jisös Kraistnöy kunbuk asuhumawangö nalöñe mönö möpöseim enñiğa Anutugö jene qetbuña miwikñaiba aködamunñinambuk akne.

⁸ Inñi Kraist qahö eka töndup jöpaköm wangiba malje. Nalö kewöñe Kraist qahö eka töndup möt narim wangimake. Mewö aka sösongai sorokñi aködamunñinambuk söngaimake. Sösongaiñini miangön mönö jitröy jijigö dop qahö akza. ⁹ Inñi Jisös möt narigetka amöt qem enñiğa letotket. Mötnaripñinañgö tohotñi mi Suep mire eu ahöza. Anutunöy uñañini enğömeiga enñon euyangörej öngöba tohot mi zilañ misirimegö möta sösongai ahakze. Mewö.

Kezapqetok ambazipnöy jörömqöröm aka malget.

¹⁰ Kezapqetok ambazip yeñon amötqegegö könañi jaruba Anutu köuluköba qeçesi ala möt kewöta mala kotket. Mewö mala Anutunöy kalem möriam enğimapkö möt asariba miangö kezapqetok keuñi mi qeljiñe jiba mala kotket.

¹¹ Kraistkö Uña Töröñan kezapqetok ambazip sölölohöm enğiba asuhumapkö keuñi indela sañep ala kewö jii mötket, “Kraistnöy sihimbölö möta miangö andöñe asakmararañ aködamunñinambuk miwikñaiba asariba malma.” Mewö jiğa möta Amötqece Tonjan wani nalönöy aka dendenöwö asuhumawi, miangö könañi jaruba qeçesi ala möt kewöta malget. Mewö mala söpsöp keuñi keuñi qeljiñe nangöba jiba mala kotket.

¹² Amötqece Tonangö könañi jaruba qeçesi ala möt kewöta malgetka Uña Töröñan mötmöt kewö indel enğiba jiyök, “Inñi mönö nanñini welennjina kude qem anğumemö, ambazip könañep ahuba keuñini oyoñmei, mönö i bauköm enğiba malme.” Mewö jiba kezapqetok keu enğiyöhi, nini tosatñan mi nalö kewöñe liliköba jim asarim enñiğa mötket. Kraistnöy Uña Töröñi Suepnöhök melaiğa eta ambazip sölölohöba inahöm enñiğa Ölöwak Buña jiba uru kungum enğiba malgeri, yeñon Buña keu miyöhök jiba malget. Kezapqetok keu miangö öñi asuhuğa Suep garataurupñinan mewöyök mi uba eka könañi möt asaribingö awöwenğöba malje. Mewö.

Anutunöy sarakñi malbingöra neñgoholakza.

¹³ Buña keuñi mewö ahözawangöra enñon mönö uruñini Anutugö nupköra ala oponjini öröget yöhöiga mem kurukñini memba kinme. Mönö böñ qeba nanñini ahakmemenñini galöm köl anğuba malme. Jisös Kraistnöy kunbuk asuhaba miangö nalöñe kalem möriam enğimawi, mönö miangöra al mamböta

jöröm-qörömñini pakpak miangörej ala malme. ¹⁴ Anutugö nahönbörat-urupñan keunji tem kölakzei, enñon mönö miangö dop köna sarakñi wuatangöba malme. Mutuk gukmaulem tönpin malgetka nanñini sihim kömbönañini bölöñan yeyasenñeñ mem enñigetka lanlan malget. Mewö malgetmö, nalö kewöñe ahakmemeñini mönö sihim miengö dop kude toroqeba aka memba malme. Lanj siksauk malbepuköra mönö galömnini mem anğuba malme.

¹⁵ Lanj siksauk qahöpmö, Anutu sarakñan enğoholiga enñon mönö mewöyök yangö dop ahakmemeñini pakpak miangörej sarakñi aka malme. ¹⁶ *Buña Kimbigö keu kun kewö ohoget ahöza, “Nöñon töröñi sarakñi maljalangöra nöñgö buñani enñon mönö sarakñi aka malme.”

¹⁷ Anutugöra “Iwinini!” jiba ösumñi köl örömakzini, yanñon iwi ölöñangö dop ambazip tosatñi qahö neñgek soriba tosatñi qahö qepureim enñimakza. Körek neñgö ahakmemeñini mönö dop mohotnöñ kewöta mohot mohot neñgö keunini jim teköma. Miangöra Anutu töröñangö buñaya akze ewö, mönö gölmenöñ kusukñi malmeangö dop sarakñi aka malme. Jitñinanök qahöpmö, ahakmemeñinan mönö Anutugö jitñi enñitpinpuköra sömbuñini möta malme. ¹⁸ Mewöyök Anutunöñ sohopñini meyöhangö könañi mötagun mönö sarakñi aka malme. Ambösakonurupñinan tandö lopion mötmöt lanj wuatangöba ahakmeme omanñi kondel neñgigeri, Anutunöñ inñini yengö dop toroqeba lanj malbepuköra bohonñini öñgöñgöñi gila sohopñini meyök. Bohonñi mi silwö goul onğita gilöhi, mi mötze. Gölmegö monen inap ayapkömañangö dop akzawi, yuai mewöñi mianñon bohonñini qahö meyök.

¹⁹ Mianñon qahöpmö, Kraistkö sepnji söñgööröñi öñgöñgöñi mianñon mönö bohonñini meyök. Kraistnöñ lama moröñi solanñi uzi poretnji qahö tandök aiga jöwöwöl ohohogö tandök qegetka sepnji mokoyök. Miangöra mönö sarakñi aka malme. ²⁰ Anutunöñ mutuhök Suep gölme qahö miwikñaim etkiba nalö miangörejök Kraist möwölöhöba sohopñini memapkö nup areñ mi lök qeljine ala arengöyök. Mi arengöiga ahöi mala kota malgetmö, nalö teteköñe kianğoreñ inñini ölöwakñegöra aka indeli aukñe asuhuyök. ²¹ Kraistnöñ nam köl enñiiga ölöp Anutu möt narim wañgimakze. Anutunöñ Kraist mem gulim wañgii kömupñöhök wahöriga asakmararan al wañgii malja. Mewö maljawangöra aka inñini Anutu möt nariba kinda yuai pakpak jiyöhi, miangö dop ahakñapkö jörömqöröm ak wañgimakze.

²² Jörömqöröm ak wañgiba keu ölnji tem kölgetka Kraistkö sepnjan köl köñjörat mem enñiiga malme. Mewö mala ölöp urumelen alaurupñini geñmonji qahö jöpaköm enğiba malme. Urukönömnini pakpak mianñon mönö kapañ köla törörök urukalem ak anğuba malme. ²³ Malmal köhöikñangö keunji mianñon mönö nam köl enñiiga ahuahü dölökñi ahugot. Gölmegö keu kusukñi kunñan qahö nam köl enñiiga Iwi ketanangö nahönbörataturupñi aket. Anutugö keunjan mönö qahö ayapkömapmö, teteköñi qahö zeñ ahöm öngöma. ²⁴ *Keu miangö könañi mi Buña Kimbinöñ kewö ohoget ahöza: “Ambazip pakpak inñini mönö gwözözak luplup tandök akze. Aködammunñini pakpak mi juranji asakasakñinambuk tandök akza. Gwözözak luplupnöñ mönö soholiba gororongögetka juranñan buratiba teköqeköba etme.

²⁵ Mewö etmemö, Kembugö Buña keu malmal köhöikñi neñgimakzawi, mianñon mönö teteköñi qahö ahöm köhöiba ahöm öngöma.”

* 1:16: Lew 11.44-45; 19.2 * 1:24: Ais 40.6-8

Buŋa keu mianjön Ölöwak Buŋaya aiga tosatŋan mi jim asarim enġigetka mötze. Mewö.

2

Köt malmalŋambuk yambuk kinda sarakŋi akŋe.

¹ Buŋa keu mötzeanġöra mönö bölöŋamŋini pakpak köteköba gilme. Geŋmoŋ köŋbiŋ pakpak mosötme. Ahakmeme silesile mi sisitŋi memba tököme. Körögisigisi aka andöqeŋe keu yöhösaŋ ahakzei, mi pakpak mönö qekögetka et teköma. ² Moröseŋsep geŋmoŋini qahö yeŋön juzu nembangörök möta awöweŋgömakze. Eŋön mönö mianġö dop Buŋa keu qahö möwöramġögeri, mi urukönömŋine albingö awöweŋgöba malme. Mewö mala möt-naripŋini köl guligetka qarim köhöiiga letota mala oyaenġoyaen akŋe. ³ Buŋa Kimbigö keu kun kewö ahöza, “Nene kun nepöleköba nahömŋi mötkeri, mianġö dop Kembu ölöpŋi yambuk qekötahöba nahömŋi mötket.” Keu mianġö dop Kembugö nahömŋi mötze ewö, mönö Buŋa keunöŋ qarim köhöiba malme.

⁴ Kraistkö söpsöp keuya jimam: Kraistnöŋ wahöta Anutugö tandö kömbönaŋi aka malmal köhöikŋanġö wötŋi akza. Injini mönö yanġöreŋ kaba kunbuk letotme. Ambazipnöŋ tandö kungöra “Köt omanŋi,” jiba andö qeba mosötketmö, Anutunöŋ i Amötqeŋe Toŋi akŋapköra möwölöhöba yanġöra möri bohonŋi öŋgöŋöŋi ketanŋi akza. ⁵ Kraistköreŋ kaba guliba nanŋinak mewöyök köt jamönŋin malmalŋinambuk ewö akŋe. Mewö aka mal köhöigetka Suepkö mitimqeŋe yanön enġömemba uruŋini möhamġöiga köhököhöi miwikŋaiba urugö malmalgö jöwöwöl jike ölnŋi akŋe. Uŋa Töröŋan uruŋine mala sölölohöba mem letot enġiiga jöwöwöl jike mianġö jike nup galöm sarakŋi aka kinme. Uŋa Töröŋan nam köla inahöm enġiiga tem köla Anutugö waikŋi memba möpöseim wanġiba malme. Mewö malgetka Anutunöŋ enġeka Jisös Kraistköra aka ahakmemenŋini mewöŋanġö sihimŋi möta malma. ⁶ Buŋa Kimbinöŋ keu kun kewö ahöza: “Eket, Anutunöŋ mönö köt tandö kun möwölöhöba Zaiön kundunŋe Israel kambu uruŋine kömötpiga tandö kömbönaŋi guli damandanŋ (milyön Kina) ewö akŋa. Denike yeŋön tandö pöwöwöm köhöikŋi mi möt narim wanġimakŋei, yeŋön mönö yanġöra aka gamu qahö möta malme.”

⁷ Möt narim wanġiba maljei, enġö jemesoholŋine mi tandö kömbönaŋi aködamanŋambuk akzapmö, tosatŋan uruŋini qahö melenġa maljei, yeŋgö jeŋje mi Buŋa keu kianġö dop ahöza: “Miri meme yeŋön ‘Köt omanŋi,’ jiba tandö kun andö qeba mosötkeri, tandö mianjön mönö tandö kömbönaŋi ahök. Könanġep tandökŋi ain ewö miwikŋaiget. Tandö pöwöwöm köhöikŋi mewöŋan tinġitpawak ewö, mirinöŋ mönö gororöŋgöba eta kölbawak.”

⁸ aka Buŋa keu kun kewö ahöza, “Ambazipnöŋ köt jamönŋin mianġöreŋ tötanġöba enġuiga mianjön mönö enġum mizit ak enġima.” Yeŋön Buŋa keu qahö tem köla nanŋini imbi wuatangö-makzeanġöra aka tötanġöba erakze. Anutunöŋ mewö areŋgöm enġiyöhanġö dop erakze.

⁹ Yeŋön mewö erakzemö, enjön ambazip kambu qainŋi kun kewö akze: Anutunöŋ injini nanŋanġöra möwölöhöm enġiiga qainŋi kun akze. Anutunöŋ söŋaupnöhök enġoholiga asakŋi wewelip-ŋambuk mianġöreŋ anġota jike nup galöm kambu sarakŋi akze. Anġöletot aködamanŋambuk memba malöhi, mianġö Buŋa keunŋi mi jim asaribingöra enġoholök. Enġoholiga Anutugö buŋa

* 2:3: Sum 34.8 * 2:6: Ais 28.16 * 2:7: Sum 118.22 * 2:8: Ais 8.14-15 * 2:9: Eks 19.5-6; Ais 43.20-21; Dut 4.20; 7.6; 14.2; Tai 2.1; Ais 9.2

könagesöñji mala Kiñ Kembugö jembonurupñji aka nupñji liliköba memakze. ¹⁰ *Mutuk Buña Kimbigö keu kungö dop “simbisembel lañ malgetmö,” nalö kewöñje uru jöhöm anguba kutulañgöba “Anutugö urumelen könagesö kambu” aka malje. Mutuk Anutugö ak kömükömugöra “gukmaulem malgetmö,” nalö kewöñje “eñgehoriiga kalem möriamñji ölöp möt kutuba malje.” Mewö.

Anutugö welenqece ambazip kewö aka malbin:

¹¹ O wölböt alaurupni, Suepkö buñaya aka gölmenöñ ki kusuk kiana maljei, nöñön engö uruñini kewö kuñgumam: Silegö sihim kömbönañini bölöñan galöm köl engibapuköra mönö nanñini angön köl angume. Sihim murutñji murutñji mienön mönö uruñini mem bölimegöra bim qemakze. ¹² Uruñini qahö melenjeri, yengö sutñine ahakmemeñini ölöpñanök aka memba malme. Tosatñan inñini bölöñji meme ambazip ewö keunöñ jim bölim engimakzei, yenön ahakmemeñini ölöpñji eka könañamñini törörök möt asarigetka mötmötñinan uteköma. Mötmötñinan uteköiga nanñini siñgisöndokñini aka möt sohosohonñini ek kutuba uruñini melenja Kraist asuhumawañgö nalöñje engöra aka Anutu möpöseim wangime.

¹³ Anutunöñ malmal areñgöiga ambazip tosatñan galöm köl neñgimakze. Kembugö qetñji bisize ewö, enön mönö körek yengö keu bapñje anda malme. Kiñ aka ministö yenön bohonñini akzei, inñini mönö yengö jitñini tem köla malme. ¹⁴ Kiap aka gawönö yengö jitñini mewöyök tem köla malme. Yenön ambazip bölöñji akzei, yengö keuñini kewöta likepñji melenj engimakzemö, ölöpñji ahakzei, yengö qetñini möpöseimakze. Anutunöñ miangöra aka gawman ambazip al engiiga malje. ¹⁵ Anutugö jit sihitñan mönö kewö ahöza: Kezapjupjup ambazip gukmaulem kinda engöra uruqahö keu omanñi omanñi jimakzei, inñini mönö ahakmeme ölöpñji aka memba mianön yengö numbunñini muhungögetka ölöñ malme.

¹⁶ Anutunöñ bölöñangö kösö gwaröñeyök pösat engiiga lolohogeri, inñini mönö miangö dop ahakmeme solanñi aka memba malme. Mewö malmemö, bölöñamñini turumegöra “Kösö gwarönini qahö solanñi (fri) maljin,” jiba miangöreñ möndöba nanñini imbinñini kude wuatangöme. Mewö qahöpmö, Anutugö jitñi tem köla welenñji qemakzei, mönö miangö dop gwarö qahö malme. ¹⁷ Ambazip körek mönö göda qem engiba malme. Urumelenj alaurupñini mi urukönömñinan jöpaköm engiba malme. Anutugö keuñji ongitpinbuköra mönö sömbunñini möta malme. Kiñ aka ministöurupñini yengöra mönö mötket öñgöiga göda qem engiba malme. Mewö.

Kraistnöñ sihimbölgö silik ölöpñji kondel neñgijyök.

¹⁸ Welenqeceurup inñini mönö ketanñamñinanö keu bapñje anda göda pakpak kondel engiba malme. Urubönjöhñöh galöm ölöpñji ak engimakzei, yengörök qahöpmö, öröm ureim ak engimakzei, mi mewöyök törörök göda qem engiba malme. ¹⁹ Denike yenön Anutugö jitñangö dop ambazip göda qem engiba malgetka töndup könañi qahöpmö, öne kahasililinj ak engigetka sihimbölö möta kapan köla mökösoñmakzei, Anutunöñ mi eka likepñji melenja kötuatköm engiiga simbawoñ akze. ²⁰ Bölöñji aketka kömbinöh engugetka mi möta mökösoñda kinme ewö, nanñinanagöra mönö denewö aka mötket öñgöbawak? Dopñine engugetka qetbuñañi-nambuk qahö akñje. Mewö qahöpmö, ahakmeme ölöpñji akerangöra aka sihimbölö miwikñaiba

* 2:10: Hos 2.23

mökösönda malme ewö, Anutunöy mönö mianjö likepñi melenja kötuetköm enjiiga simbawon akze.

²¹ Kraistnöy mewöñanök enjöra aka sihimbölö möta silik ölöpnji kondel enjiyök. Mianjöra injini mönö yangö köna tamböñi mötöteiba sihimbölö möta mökösönda malmegöra engehölok. Mewö mala simbawon akñe. ²² *Buña Kimbigö keu kun kewö ahöza, “Yañön singisöndok kun qahö ahök aka yangö numbu jitñeyök munen keu kun qahö erök.” Injini keu mianjö dop aketka dop kölma. ²³ *Ambazipnöy uruqege keu töhören Kraist gwötpuk jim wanjigetka kitipñi kun qahö melenñök. Sihimbölö ak wanjigetka möta kitipñi mekömamgö qahö töröpköm enjiyök. Mewö qahöpmö, Anutunöy keu diñdiñanök jim tekömakzawi, mönö i möt nariba keunji yangö böröñe ala jim tekömapkö mambörök.

²⁴ *Kraistnöy nenjöra kapan köla singisöndok andö qeba ahakmeme solanji wuatañöba malbingöra aka sihimbölö mörök. Mi möri Buña Kimbigö dop “silenji qegetka uzi asuhuyöhangöra aka Anutunöy injini mem ölöwak enjiyök.” Ölöwakñegöra mönö “nannak singisöndoknini memba silene anguba” maripomnöy öngöba kömuyök. Mianjöra injini mönö Kraistkö dop sihimbölö möta mökösöngögetka ölöwakña. Singisöndokö esapesapnöy öröm nenjiiga mianjören mönö qamöt tandök aka köhömunji malbin. ²⁵ *Mutuk injini “lama ewö janjuñ anda kaba lanlan malget.” Mewö malgetmö, nalö kewöñe uruñinanjö galömnangören liliñöba kaba malje. Yañön injini lama ewö sel jöhöba köyan köl enjimakza. Mewö.

3

Awanöm yengören qamban keu

¹ *Anutu welen qebingö keunji lök jizalmö, ambi injini mönö mewöñanök apurupñini yengö keu bapñe anda malme. Mewö malgetka apurup tosatñan Buña keu qahö tem köla maljei, yenön mönö mewöñanök anömurupñini yengö ahakmemenji eka uruñini melenbeak. Uruñini melenja malmalñini Kraistkö böröñe almegöra Buña keu jitñinanök qahö jimemö, Kraistkö könanji mönö silikñinan kondel enjigetka ek asaribeak. ² Ahakmeme sarakñi diñdiñi aka memba Anutugö jitñi ongitpepuköra kenjötnini mötketka azinöy mewö engek yakögetka Kraistpuk qekötahöba malbingö sihimñini ahubawak.

³ *Silegö aködämunñinanök mönö kude mem öngömakñe. Nöröp sawañini qeba gawasu könanji könanji kude ala minjinja öñböñ kude memba malme. Kösasorom goul yuainöy silenji kude meñölöm angume. Sileötañ qetpuk sorok aködämunñambuk mi kude mem angume.

⁴ Mewö qahöpmö, aködämunñini öñji mi mönö töp megetka uruñine ahöma. Uñarñinan luainöy böñjöñ malgetka aködämunñini öñji mianjöñ tölapñe ahöba mönö nalö kunöy qahö ayapköma. Urubönjöñ malgetka Anutunöy enjeka möri öngömakñe. ⁵ Mönöwök ambi sarakñi yenön Anutubuk kindä jörömqöröm ak wanjiba yuai pakpaköra mamböta malgeri, yenön mewöyök uruñinanjö aködämunñinan meñölöm anguba apurupñini yengö keu bapñe anda malget. Mönö ambi mienjö dop aka malme. ⁶ *Saranöy apñi Abraham tem köl wanjiba “Azi kembuni!” jiba ohola malök. Injini mewöyök zen

* 2:22: Ais 53.9 * 2:23: Ais 53.7 * 2:24: Ais 53.5 * 2:25: Ais 53.6 * 3:1: Ef 5.22; Kol 3.18 * 3:3: 1 Tim 2.9 * 3:6: Jen 18.12

kinda nup ölöpnj ölöpnj memba awösamkakak kinda yuai kungöra jönömjnini qahö undui apurupnjinambuk malme ewö, mönö Saragö dop ambi aködamunjninambuk aka malme.

7* Ambj yejön ösumjnini eretnji akzemö, töndup malmalgö kalem möriamjni mi azibuk öröröj buña qem anguba malje. Ösumjnini eretnji akzeangöra azi mohot mohot injini mönö anömurupjnini törörök köyan köla lolongöm engiba malme. Anutunöj azi engö köulukjnini qepureibapuköra mönö göda qem engiba malme. Mewö.

Nup ölöpnj memakzemö, sihimbölä töndup mötze.

8 Keuni tekömawanjö qambanji kewö jizal: Injini mönö körek urumohot aka urumelenj alaurupjnini urubönjöhönj jöpaköm anguba malme. Gunbönjöhönj mala nanjnini memba et al anguba urunjanan jöhöm anguba mohotje kinme.

9 Jinöj jibi nuñgunöj guhubi aknöj aki mi kude ahakje. Uruqege keu töhörej jim engigetka kitipnji kude meköme. Mewö qahöpmö, keu bölöñangö likepnji melenda mönö kötuetsköba uruölöwak engiba malme. Mewö aka malgetka Anutunöj likepnji melenjniga kötümötuetni buña qem angumegöra engohölök. Mewö aka mala Kembu asuhumawi, nalö mianjörej mönö oyaenköyaen akje. 10* Mewö akjegö keunji mi Buña Kimbinöj kewö ohoget ahöza: “Kunöj malmal nahömñambuk malmangö ak wanjiiga wehön ölöpnji ölöpnji eka malmangö mötzawi, yanön mönö nesilamjni keu bölöñi jibapuköra jöhöba malma. Numbu suneyök geñmoj keu asuhubapuköra mönö galöm mem anguba malma.

11 Ahakmeme bölöñi mönö andö qeba nup ölöpnji ölöpnji memba malma. Luainöj malmalgö jaruba mi buña qem angumangö kapan köla kinma.

12 Mi kewögöra: Kembangö jeñan ambazip solannji engek galöm aka köulukjinangöra kezap alakzapmö, gonjonji mi qahö mesohol köla engehakza.”

Keu mewö ahöza.

13 Injini nup ölöpnji membingö urukönöp aka malme ewö, ambazip sehisehinjan mönö nupjnini geñmororöj memba mem bölim engibingö qahö mötme.

14* Mi qahö mötmemö, töndup ahakmeme solannji akerangöra aka sihimbölä mötpeak ewö, injini mönö töndup Anutunöj kötuetsköm engiiga oyaenköyaen akje. Kahasililij mem engibepuköra mönö öne töwöratiba kenjötnjini möta urunjni eri möt bölöbölöñinan engubapuk. 15 Urunjanan kude etmapmö, urunjni mönö Kembu Kraistkörej jöhöba könani saraknji pöndan mötmörigetka öngöi malme. Nalö dop jöjöröba Kraistkö könani ambazip jim asarim engiba malme. Oyaenköyaen akingö jörömqöröm akzei, ambazipnöj mianjö könangöra qesim engigetka mönö körek yengöra keu melen engiba malme. Mönö gunbönjöhönj qakje ambazip göda qem engiba uru kuñsum engiba malme.

16 Keunjni mewö galöm kölgetka Anutunöj engeka “Dop kölja,” jiiga urukezapnjan mewö mötmegöra kinme. Kraistpuk qekötahöba kinda ahakmeme ölöpnji aketka uruqege keu töhörej lan jim engimakzei, yejön mönö nanjnini keu bölöñangöra aka gamu miwikñaime. 17 Nup ölöpnji ölöpnji memba malgetka ambazip tosatnan töndup kahasililij ak engigetka Anutugöra sihimbölä mötketka dop kölja. Yuai bölöñi aka memba mianön sihimbölä miwikñaigetka gamunambuk akza. 18 Kraistnöj mewöyök nalö kunöj sinjisöndököra aka kömuyök. Nini gonjonji ahinga Dinjini yanön

nenɣuanɣiriga Anutugöreŋ aŋgotpingöra aka sihimbölo mörök. Gölme azia aiga silenji mem kömugetmö, Uŋa Töröŋan mem gulim waŋgiiga wahöta malja. ¹⁹ Uŋa Töröŋan waŋgiriga nenɣömosöta kömupkö senjom mire geba uŋa kösö gwarönöŋ malgeri, mönö yenɣöra Buŋa keunji jim asarim enɣiyök.

²⁰ *Mönöwök Noagö nalönöŋ waŋge ketanji megetka Anutunöŋ uruŋini melenmegöra kapaŋ köla mökösoŋda mambörökmö, ambazipnöŋ keu qahö tem köla ayuhuba kömupkö kösö gwarönöŋ geget. Ambazip saiwa morörökŋi 8 mewöŋan Anutugö jitŋi tem kölgetka o aliga gölme turuba waŋge siriiga göulunöhök gouŋini köla bohonŋini jöhöyök. ²¹ Yuai mewö asuhuyöhi, mi o melungö söpsöpŋi akza. Jisös Kraistnöŋ kömupnöhök wahöta maljawangöra aka nalö kewöŋe o nenɣömirigetka Kraistkö ösumŋan nenɣualöŋda bohonini jöhömakza. O mi silegö töwötŋi saŋgoŋmapköra aka qahö al nenɣizemö, o melungö öŋi mi kewö: Nini Anutubuk malbingö jöhöjöhö aka jöjöpaŋ keunöŋ jöhöba kewö köulukö-makzin, “Anutu, gi mönö qewöloŋi saŋgoŋnöŋga uruŋan sarakŋi aiga göhö jege dop kölma.”

²² Jisös Kraistnöŋ Suep mire eu öngöba Anutugö böröŋi öŋe buŋabuŋaŋambuk tatza. Anutunöŋ kukösum waŋgiiga tata Suep garata aka Suepkö bem suahö könaŋi könaŋi ösum-mumuŋinan nenɣek galöm aka kuŋgum nenɣimakzei, mi tok galöm köl enɣiiga keunji bapŋe malje. Mewö.

4

Mönö letota malmal qainji kun malme.

¹ Kraistnöŋ silenje sihimbölo mörök. Miangöra inini mewöyök silenjine sihimbölo mötpingö jöjöroba malme. Yambuk mötmöt mohot kewö memba mötmörime: Kunöŋ siŋgisöndok ahakzawi, yaŋön mönö nanji silenjaŋgö sihimjaŋgöra ak waŋgimakza. Kunöŋ Kraistköra aka sihimbölo mörakzawi, yaŋgö sihim kömbönaŋi bölöŋan mönö sörobaa eri siŋgisöndok tököba qahö akŋaŋgö kapaŋ köla malma. Urumötmöt mianöŋ mönö wötŋini mem enɣiiga miangöreŋ töndangöba aködammunŋambuk aka malme.

² Urumötmöt miangöreŋ töndangöba kinda uru silegö sihim kömbönaŋi bölöŋi jöhöba galöm köla malme. Nalö kewöŋeyök könahiba gölmenöŋ toroqeba mal öngömei, miangöreŋ mönö Anutugö jit sihitŋi tem köla wuatangöba malme. ³ Inini nalö mala kotkeri, miangöreŋ aŋgöjörak ambazip uruŋini qahö melenɣa ahakmeme bölöŋi laŋ akingö mötzei, mönö yenɣö dop kewö laŋ malget: Serowilin aka sihim kömbönaŋini bölöŋi laŋ wuatangöba malget. O jawat, gojak daun yuai mi otoŋomboraŋ memba kanjam köla negetka nööröŋini sohoi enɣololoŋ malget. Közölömbuaŋ ala liŋet unduba ambi kenam mem bölim enɣiba kezapjupjup aket. Tandö lopioŋ liliköba simin köl enɣiba yuai kanjamŋambuk aket. Mewö aketmö, nalö kewöŋe ahakmeme mewöŋi mi qahö toroqeba ahakze.

⁴ Aŋgöjörak ambazipnöŋ söŋaup malmalgö sömuk piliŋ-piliŋöba ahözawi, miangöreŋ öroba luhuba gemakze. Inini yembuk kude öroba gegetka eka auruba uruqeŋe keu töhöreŋ jim enɣimakze. ⁵ Mewö ahakzemö, Anutugö jene aŋgotketka qesim enɣiiga könaŋamŋini aukŋe indela jim asarigetka möndömöndöŋini kesalma. Anutunöŋ ambazip maljini aka kömukömuŋi mönö körek nenɣö keunini kewöta jim tekömamgö jöjöroza. ⁶ Sileninan kömumba keuninan miangöreŋ qahö teköma. Miangöra Ölöwak Buŋa mi

* 3:20: Jen 6.1–7.24

kömupkö senjom mire maljei, mienjon mewöyök mötmegöra Kembunöj mutuk jim asariyök. Mi kewögöra: Anutunöj ahakmemenjini kewöta ambazip tosatnji nenjö dowa jim teköm engiiga silebuk malgeranjö likepjni miwikñaimemö, tosatñjan urunjini melenja uñanjinan guliba malmal köhöikñanjö bunjaya aket. Anutunöj nanjak mal köhöimakzawi, miangö dop körekñan malmal köhöikñi mal öngömegöra möt köhöimakza. Tosatñjan Buña keu mi urunjini kunjum engimegöra jiget. Mewö.

Nup memegö mötmöt kalemñi mönö galöm köla malme.

⁷ Yuai pakpakö nalöñjan mönö tekömamgö dopdowiza. Miangöra injini köuluköbingöra mönö ikmaok kude malmemö, nanjini ahakmemenjini galöm köl anguba zej kinda köuluk nup memba malme. ⁸ *Buña Kimbigö keu kun kewö ahöza, “Ambazip uruninan jöpaköm engiba singisöndokñini sehisehñi kölaleiba gamujini turumakzin.” Miangöra alaurup sutñine mönö törörök jöpaköm anguba malme. ⁹ Injini mönö alaurupñini köl öröba mirinjine köisirik tata urunjinan jimongot ihururukñi qahö köyan köl anguba malme.

¹⁰ Anutunöj kalem möriam könañi könañi miangö Tonji akza. Yanjon nup memegö mötmöt kalem murutñi murutñi mendenj engii malje. Injini mohot mohot mönö mötmöt kalemñini ölöññanök galöm köla miangön könagesöurupñini welen qem engiba malme. Mi buña qem angugeranjö dop nupnöj ala kambu sutñine bauköm anguba malme. ¹¹ Nup memegö mötmöt kalem yahöt mi kewö: Denike yeñon Buña keu jim asarimakzei, yeñon mi mönö Anutunöj sölölohöm engimazawanjö dop jiba malme. Denike yeñon alaurup welennjini qeba nangöm engimakzei, yeñon mönö Anutunöj inahöba ösum engimazawanjö dop alabauk ak engiba malme. Jisös Kraistkö buña akzeanjöra yuai pakpak miangörej mönö Anutu möpöseigetka qetbuñanjan aködamunñambuk aka ahöma. Yanjon asakmararaj Tonji aka kukösüm Tonji mi nalöñi nalöñi mala kota malja aka teteköñi qahö mal öngöma. Keu mi ölja.

Kraistpuk kinda sihimbölo möta malme.

¹² O wölböt alaurupni, sihimbölo qakñine öngöi mötketka könöñjan engohotiriba esapköm engimazawä, miangöra mönö kude auruba malme. Yuai asuhum engimazawä, mi upnina, mewö mötmöribepuk. Mi gölmenöj maljinanjö dop asuhumakza. ¹³ Kude aurumemö, Kraistnöj ölöññi aiga kahasililij ak wangigetka möröhi, injini mönö sihimbölo miangö kitipñi mötzeanjö dop sösongai aka malme. Yambuk mewö malgetka lilingöba kaiga asakmararajan asuhuiga nalö miangörej mewöyök söngaiya oyaenköyaen akñe. ¹⁴ Ambazipnöj engeka urunjini Kraistkörej melengeranjöra aka uruqeçe keu töhörej jim engi-makze ewö, enjon mönö simbawon akze. Mewö jim engimakze-angöra aka Anutugö Uña Töröñi asakmararajambuk yanjon mönö qakñine köla ösumñan turum engiba kötuatköm engimakza.

¹⁵ Engörejök kunñan yuai bölöñi ahöhanjöra sihimbölo miwikñaiya mötpapuk. Kunöj kegwek-kahasililij aka ambazip enguba yuai yongorö meyöhi me tosatñi yeñörej keu jim suparköba nup meme tandöktandök möndöba lañ lilikñilik aka lömböt miwikñaimazawä, yanjon mönö sihimbölöñi dopñe mötza. ¹⁶ Kunñan Kraistkö alañi akzawanjöra angösirip miwikñaiya sihimbölo mötza ewö, yanjon mönö miangö gamumamusumñi kun öne kude mötma. Gamu qahöpmö, Kraistkö qetñi bisizawanjöra mönö Anutu möpöseiba malma.

* 4:8: Qam 10.12

¹⁷ Anutunöj ambazip keunini kewötmapkö nalöjan kam kunjuiga nanji urumelen könagesourupji nengö keunini mi mutuk jim teköma. Mutuk nengö keunini jim teköma ewö, ambazip Anutugö Ölöwök Buja qahö tem kölgetka lömböt qakjine öngögiga teteköje mönö denöwö asuhum engibawakto? ^{18*} Buja Kimbinöj keu kun kewö ahöza: “Solanji yeyön Suep mire öngöbingö kupuk-kapak akje ewö, singisöndok ambazip anğöjörakjinambuk yengö keunjini mönö denöwö asuhubawakto?”

¹⁹ Mianğöra alaurup Anutugö jitji tem köla anğösirip miwikñaiba sihimbölö mörakzei, eyön mönö uñajini miwimiwikñai Tonjanğö böröje alme. Tonji yanğön keu jiyöhanğö dop alaurupji sel jöhöba kölközizip aka köyan köl engimakza. Uñajini yanğö böröje ala mönö jegep kinda nup ölöpnji ölöpnji pöndañ memba malme. Mewö.

5

Jitjememe engörej qambañ keu

¹ Nöjön urumelen könagesögö jitjememe kun aka Kraistnöj sihimbölö möröhi, mianğö keunji nanğöba jimakzal. Könanğep lilingöba kaiga asakmararajan asuhuiga qetbuja niñgii miwik-ñaimamgö mötzal. Engö sutjine nöngö jitjememe alaurupni akzei, nöjön engö urujini kewö kunğum engizal:

^{2*} Anutunöj möt narim engiba lama kambuñi böröjine alöhi, eyön mönö i köyan köl engiba malme. Nup mi ölan qakje qahöpö, Anutugö jitjanğö dop urusihimñini nupnöj ala mi amqeba urukönöp qakje zej memba kinme. Möndömöndö qakje injarere mala monen yuaigöra kude kapan kölma malme.

³ Lama kambu bapjine kaba kinjei, i mönö azi kembu tandök kude galöm köl engime. “Zioz galöm akzin,” jiba töptöpnine kude qeba miwidimgöm anğumemö, ahakmemegö silik ölöpnji mi lama kambu kondel engiba malme.

⁴ Ahakmeme ölöpnji aka malgetka lama galöm bohonñan kunbuk asuhumawi, nalö mianğörej mönö sorom jölñine uta ila jalö aködamunñambuk nööröpnine köl engigetka buja qem anğume. Aködamun mianğön mönö nalö kunöj qahö tahöliba piahima. Mewö.

Segguli engörej qambañ keu

^{5*} Segguli injini mewöyök galömurup yengö keunjini bapje anda malme. “Anutunöj söngöröqök ambazip tuarenjoñ ak engimak-zapmö, nanjini memba et al anğumakzei, yengöra mönö kalem möriamñi engimakza.” Mianğöra injini mönö körekmakörek sutjine nanjini memba et al anğuba malme. Tandök mianğön mönö maluku ewö kölget gem engiiga malme.

^{6*} Mianğöra mönö nanjini memba et al anğuba Anutu böröj kukösunñambuk mianğö bapje angetka nalöjan kam kunjuiga ölöp memba öngöba al engima.

⁷ Buja keu kun kewö ahöza, “Yanğön injini köyan köl engimakzawanğöra waimanjatjini pakpak mönö yanğö böröje ala mösötm.”

⁸ Ahakmemeñini galöm köl anğuba zej kinda pöndañ uru guliguli malme. Bölöjanğö Tonjan lañ liliköba ambazip tuarenjoñ aka jarum nengimakza. Kunñan sipkömturuk aiga yanğön mönö laion sömbup ewö gwhöt nengimamgö jöjöröza. (Laionöj görörök qeriga silatñi mötketka böñjni wahörakza.) ⁹ Injini sihimbölö mörakzei, engö urumelen alaurupjina mönö mewöjanök gölme

* 4:18: Qam 11.31 * 5:2: Jon 21.15-17 * 5:5: Qam 3.34 * 5:6: Mat 23.12; Luk 14.11; 18.14

dop kahasililij miyöhök möta mökösöjda malje. Mi mötmöriba kenğötñjini yaköriba mötnaripnöj tøndangöba kinda laion mi köhöikñanök tuarenjon ak wañgiba malme.

¹⁰ İñini nalö töröpñi sihimbölö möta malgetka mösöhöba nañgöm enğiba tóngum enğiiga ölop kin köhöiba malme. Mewö Kraistpuk kingetkun aködamanñi tököm enğiiga asakmararañe öñgöba teteköñi qahö asariba malme. Anutu, kalem möriam pakpakö Tonji akzawañön mönö inñini mewö aka malmegöra enğoholök. ¹¹ Yañön kukösum Tonji mala kota malja aka nalö teteköñi qahö mal öñgöba malma. Keu mi ölna.

Pitönöj yaizözkök keu teteköñi jiyök.

¹² * Anutugö kalem möriamñan mönö ak kömükömu öl töhöññi akza. Nöñön keu mi köhöiba nañgöba jiba enñon kalem möriam miangöreñ tónguba kin köhöiba malmegöra jim kutum enğizal. Miangöra kimbi töröpñi ki jibiga neñakni Sailasnöj ohom enğiyök. Yañön nömbuk pöndañ kinda urumelen neñakni akza. Yañgöra mewö mötmörizal.

¹³ * Anutunöj urumelen könagesö inñini ewö nanñangöra möwölöhöm enğiiga Babilon siti bölöñi miangöreñ* maljei, mienñon mönö yaizözkökñini algetka enğöreñ kaza. Mötnaripkö nahöni Mak yañön mewöyök yaizözkökñi alja. ¹⁴ İñini sutñine urukalem-ñinañgö waikñini memba añgum añguba nemböñjini susuhuba malme.†

Alaurup Kraistpuk qekötahöba kinjei, luainöj mönö körek embuk ahöma. Mewö.

* **5:12:** Apo 15.22, 40 * **5:13:** Apo 12.12, 25; 13.13; 15.37-39; Kol 4.10; Flm 24 * **5:13:** Babilon mi Rom sitigö qet tölapña. İndelindel bukñöñ mewöñanök qet mi miangö dop ohoget ahöza. † **5:14:** Nalö miangöreñ jölöñjini jiba waikñini memba numbuñjini yöhötim memba malgeri, mönö miangöra jiza.

Pitögörej Kimbi 2

Pitönöj Kimbiñ aliga 2 ahök.

Jim-asa-asari

Pitönöj Kimbi ki Kraistkö alaurup gölme dop tat angeri, yengöra ali anda liliköyök. Tosatñan keu sohobo ho miwikñaiba ambazip kusum sohom engigerangöra malmal sarakñi mosöta sero namböñnamböñ yuai lañ aka malget. Böhi takapulakanj mi Anutugö keu bapñe qahö anda (2.10) iwilele (3.17) aka silenini möpöseiba (2.18) jakbak-öranböröñ (2.10) aka nanñini imbi-imbi malget. Aiakanñinan Jisös qañ köñ wanñiget. Yengön lit ambazip gödaqeñeni qahö mala anjanbanjan ambazip (2.3) lölöwöröñi (2.18)janjuñ mem engiget. (3.3-4)

Pitönöj keu aka ahakmeme mianğöra waimanjat ketanji möta diñgimapköra bim qeba amötqeçegö könani jim tuariza. Urunini kunğuba jimkutukutuñi kewö ohoyök, “Anutu aka Kembu Jisös Kraist öñña möt narim etkiba yetpuk qekötahöinga lömböt mi mem et ali anqema. Mötmöt mewöñi mi jimbureñ qahöpmö, ambazip nanñini jeñinan Jisös eka ambazip kusum engiba malöhi, mi möta jiget kaiga mörin. Mianğöra mönö malmal sarakñi mala kopa malmal aka uruyahöt mi andö qeme.”

Tosatñan kapañ köla kewö lañ jiba ambazip kusum sohom engiba malget, “Kraistnöj kunbuk qahö lilingöma.” Keu mi jimbureñ keyua. Pitönöj keu mianğöra waimanjat ketanji möta likepñi kewö melenđa jiba ohoyök, “Kraistnöj nalöñi könjörari öngöiga lilingömawangö tandök akzawi, mi kewögöra: Anutunöj ambazip nenğörejök kunñan ayuhumapkö qahö mötzapmö, körek nenñi urunini melenđa sinğisöndök malmalnini mosötplingö möta kapañ kölakza.”

Buk kianğö bahöñi bohonñi 4 mi kewö:

Keu mutukñi 1.1-2

Anutunöj sarakñi malbingöra nenğohölök 1.3-21

Böhi takapulakanj yengö könani 2.1-22

Teteköñe Kraistnöj lilingöba kama 3.1-18

1 Saimon Pitö nöñon embuk keu eraum mötplingöra kimbi ki ohozal.

Jisös Kraistnöj melaim niñgiiga aposol aka welenni qeba malakzal. Bem Anutuninan Amötqeçe Tonji Jisös Kraist melaiiga eri yanğöra aka keunini jim teköi solaniinga mötnaripninan ahuyök. Injini mötnarip miyök buña qem anğuyetka bohonñi öngöñgöñi aiga nini ewö simbawonñ malje.

² Injini Anutu aka Kembunini Jisös möt kutum etkizei, yetköñ mönö kalem möriamñi kelenmaleleñ engiyohotka luainöñ malme. Mewö.

Anutunöj engohölöhi, mianğörej köhöiba kinme.

³ Anutunöj asakmararañ Tonji aködamunñambuk akza. Mianğö dop nini sarakñi aka malbingöra nenğohölök. Mewö könani möt yaköinga kalem nenğimakzawañgö könani asuhuyök. Nini malmal köhöikñi mala urugö köñ guliguli pitirik akingöra yuai osimakini, yanğö bem ösumñan mönö mi pakpak nenğiiga buñanina ahakña.

⁴ Asakmararañ Tonji yanñon urunine nupñi nupñi wewelip-ñambuk memba kalemñi pakpak nenğimamgö mörakza. Anutunöj jöhöjöhö keunji nenğiyöhi, mianğö söñğöröñan mönö öngöñgöñi akza. Injini mutuk gölmeğö sihim

kömbönañjini bölöñi lañ wuatangöba angöjörak uruñe malgetmö, Anutunöñ inñini miangö-reñök meköba bohonñjini jöhöyök. Mewö aiga kopa mal-mal säröreiba andö qemegöra amötqeeqee areñi ali ahöza. Mötmöt ahak-meme aködamanñambuk Anutugöreñ ahözawí, yañon inñini miangö dop letota kölöñaimegöra kapañ kölakza. Inñi jöhöjöhö keuñi keta bölöknji miangöreñ qekötahöze ewö, yañon mönó inahöm enggiiga kunbuk letota Suepkö aködamanñi miwikñaiba buña qem anguba malme. Aködamanñi mi-añon ölop tönjonjonñgöba dop köl enggima.

⁵ Anutugöreñ jöhöjöhö keu mewö ahözawangöra aka inñini mönó mötnaripkö ölnji ahum enggiiga kondela malme. Mewö malmegöra mönó kapañ köla zerñ kinda bim qeba malme. Ölnji ahum enggimawi, mewö ölop Anutugö könañi toroqeba möt kutume. ⁶ Mötkutukutuñinan qariiga ölop ahakmemenñini toroqeba galöm köl angumakñe. Galöm köl anguanñunñinan qariiga ölop kin köhöiba lömböt mökösöñda bisiba malme. Kin köhököhöinñinan qariiga ölop kunbuk Anutugö jitñangö dop urugö köl guliguli aka malme.

⁷ Urugö köl guligulinñinan ahum qariiga ölop urukalemñinan sehiiga urumelenñ alaurup ala-ala aka köyan köl anguba malme. Urukalemñinan sehiiga ölop ambazipñ pakpak jöpaköm enggiba malme. ⁸ Inñi Anutugö aködaman mewöñi buña qem anguba mem sehiba malme ewö, mönó gilipitñi (ambetakñi) kude malme. Mewö qahöpmö, aködamanñi miñon mönó nam köl enggiiga amqeba Kembunini Jisös Kraistkö könañi möt kutuba ölop nupñi jegep kinda megetka ölnji ahumakña. ⁹ Ölop ahumakñapmö, denike yengöreñ Anutugö aködaman mewöñi qahö ahöm enggiza ewö, yengö mötkutukutuñinan mönó töröpñi aiga bau jegömöl ewö kinñuñ kanñuñ akze. Anutunöñ sinñisöndokñjini walñi sanñonñi sarakñi akeri, mi ölum engui ikmaok malje.

¹⁰ O urumelenñ alaurupni, Anutunöñ möwölöhöm enggiba engoholöhi, inñini miangöreñ tim töndangöba kinme ewö, mönó nalö kunöñ qahö tala kaman kölme. Miangöra eñon mönó miangöreñ köhöikñanök töndangöba kinbingö kapañ köla malme. ¹¹ Mewö aka malgetka Anutunöñ enggehi dop köli köl öröm enggiiga Suep miri nanñunñan lökñanök taliga ölopñanök uruñe öngöme. Kembunini Jisös Kraistnöñ Amötqeeqee aka bemtohoñ Tonñi akza. Yangö bemtohoñ uruñe öngögetka nalö teteköñi qahö galöm köl enggiiga oyaenñkoyaenñ aka malme.

¹² Buña keu ölnjan köna mewö kondel enggizawi, inñini mi lök buña qem anguba miangöreñ böñ qeba kin köhöize. Miangöra keu areñ jizali, mi ölop möt asarizemö, nöñon töndup miangöra nalö dop jim gulim enggimangö mötzal. ¹³ Mewö möta sile kianñö sepö koumnöñ malmamanñö dop keu areñ mi ölum enggabupuköra mötmötñjini jim guliba kuñgum enggimangö mötpi dop kölja. ¹⁴ Nöñon sileni kusukñi ki sepö koumni ewö luluñda zilañ kömumba unñem mire öngömami, mewö möt yaközal. Kembunini Jisös Kraistnöñ mewöyök buzup keu mewöñanök jii möral. ¹⁵ Keu areñ kusum enggiali, miñon urukönömñjine ahöiga nöñon nöñ qeba kömup mire anbiga miangö andöñe mewöyök mi ölop nalö dop mötmöriba malme. Nöñon miangöra köhöiba kapañ kölakzal. Mewö.

Kraistkö asakmararañi mi jeninan eka nanñöba jizin.

¹⁶ Kembunini Jisös Kraistnöñ qetbuñjani öngöñgöñi memba nup kukösumñambuk memba malöhi, neñon mi nanine jeninan uba eka malin. Mewö mala miangö dop kukösumñangö könañi aka lilingöba kamawangö

keuji mi jim asarim enggiba malin. Mi bem samban kösohot* ewö qahö jimburenj ahin. Girabu mötmöt ewö mi laj qahö wuatangöba malin. ¹⁷ *Nöjön Jisösgö qetbuñaji öngöngöñji mi naninak kewö asuhuiga ehin: Asakmararaj Tonj öngöngöñji yanön keu jiiga qet kewö asuhuiga mörök: “Azi ki nani wölböt nahöni aiga yangöra urunan ölöwahiga eknahöm ak wanjizal.” Yanön mi möriga Iwi Anutunöñ asakmararaj wanjiiga aködammunji buña qem anguba malök. ¹⁸ Neñön yambuk kundunaji töröñji miangörej öngöba malinga qet mianön Suepnöhök asuhuiga mörin.

¹⁹ Kezapqetok ambazip mutuhök Buña keu jiba ohogeri, mi nalö kewöñe möt sölöngöba angön kölinga pöwöwöm köhöikñi ak nenggiza. Miangöra Buña Kimbi walñangö keuji mi mönö törörök kezap ala buña qem anguba malme. Kiwanöñ miri söñsöñauñe asarimakzawi, kezapqetok keu mienön mönö miangö dop jim asarim engimakze. Injini miangö asakñe qekötahöba kinme ewö, mönö ölop Anutugö köna öñji eka söñaupkö ahakmemeñi yaköriba mosöta malme. Mewö mal öngöba mambötketka miri wanjaraj suruiga söñangö undinji asuhuiga uruñinan asarima. Kembuninan lilingöba kamawanjög undinjan mönö mem asarim engii eka Anutugö yuai pakpak ek asarim teköme.

²⁰ Keu nööröñji mutukñi ki mönö möt asarigetka kude ölum enguma: Gölme ambazip kunñan Buña Kimbigö kezapqetok keuji mi nanñi mötmöt qakñe jim asarimangö osimakña. ²¹ Mi kewögöra osimakña: Gölme ambazip kungö jit sihitñan nalö kunöñ qahö nam köliga kezapqetok keu asuhui jiget. Mewö qahöpmö, Uña Töröñan kezapqetok ambazip uruñine sölölohöm engiiga Anutugö jitñeyök keu memba mönö mia jiget. Mewö.

2

Böhi takapulakanan mönö mala ayuhume.

¹ Kezapqetok ambazip takapulakanaji mi mewöyök Israel köñagesö sutñine asuhuget. Miangö dop engö sutñine böhi sohoboho mewöyök asuhume. Asuhuba kinda mötnariptñini ayuhumapkö eñololoñ keu kemberaji kemberaji mi tölapköba memba sutñine kame. Ketanjammninan sohoptñini meyöhi, Kambu mi mewöyök qañ köi wanjgiba mewö mianön nanñini könderj anguba wölanj ayuhume.

² Mewömö, mi töndup ambazip sehisehiñan mönö yengörej serowilin silikñini wuatangöba nanñini imbi-imbi malme. Mewö malmeangöra ambazip mötmötñini qötömötötanj aketka urumelenjög köna öñjan mötmötñine gamuñambuk ahakña. ³ Böhi takapulakanaji mienön mönö yuai membagan mendingö köpösöngöba nepaqepalok aka kösohot köñaji köñaji jimburenj (zöm mindiriwa) aka laj jim sehiba malme. Mewö malgetka eñön mi möta amqeba monerj yuai tokogetka laj örömgöjup memgöjup aka malme. Anutunöñ ambazip mewöñji yengö keujini lök möpñangö möpñe jim teköiga likepñi melenjiga qakñine öngömapkö ahöza. Anutunöñ köndermönöñdeñ engimangö tanqañ ikmaok qahö akñapmö, öi töhöñña sihimbölö möta malme.

⁴ Köndermönöñdeñ asuhumapkö galöm meme keu tosatñi kewö: Suep garata tosatñan Anutugö jitñi qetala siñgisöndok akeri, Anutunöñ i qahö engehoriyökmö, aköm engiiga köñöp mire emuyangörej geget. Yaköriba

* **1:16:** Bem samban miengö köñajini kun mi kewö: Mötmöt ambazip yengö uruñine jimburenj mötmöt letoriga keu köñaji köñaji laj mötmöriba numbu o algetka asuhumakze. * **1:17:** Mat 17.1-5; Mak 9.2-7; Luk 9.28-35

panaman miri dutje ala ain tapepnöj (mungamunja) gwaröhöm enjyök. Gwaröhöba galöm köl enjiiga keunjanängö kitipni jim tekömapkö mamböt tatkerata tata kotze. ⁵*Möpnängö möpne ambazip angjöörakñinambuk gölmenöj malgeri, Anutunöj i mewöyök qahö engehoriyökmö, göulu ketanji jiiga wahöta enguba turum enjyök. Turum enjyökmö, töndup azi Noa mianjon urumelenjö keu jiba ahakmeme diñdini aknejö uru kunjum engiba malöhi, i aka ambazip 7 mia malmalnini angön köla sel jöhöm enjyök.

⁶*Mewöyök Sodom Gomora taon yahöt mi ayuhumahotkö keunini jim teköba könöpnöj engohoiga gapñiranök ahöyohot. Ambazip angjöörakñinambuk yengöra yuai denöwö asuhumawi, mianjö söpsöpni ekingöra mi al enjii akzahot. ⁷*Könöpnöj körek engohomangö ahökmö, töndup azi solanji Lot mi mutuk sutñineyök meköba angön köl wañgiyök. Iwilele ambazip sero namböjnamböj aka nanjini imbi-imbi ahakmeme tosatni lanj aket eka yengöra möt böliba urujan eri malök. ⁸Azi solanji mianjon yengö sutñine mala ahakmeme iwilele kanjamñambuk eka möta malöhi, miangöra mönöhön dop möt jinjingöba malök. Uruñi sarakñan mönöhön sundan böliiga malök.

⁹Galöm meme keu jizali, mienjon Anutugö könani kewö kondelakze: Kembunöj ambazip Anutugö malmal köhöikni köl gulimakzini, nini ölop esapesapnöhök meköba bohonini jöhömangö mörakza. Mi mörakzäpmö, ambazip gonjonji mi keunjanängö likepni meleni qakñine öngöiga garataurupñan galöm köl enjigetka malme. Mewö mala öngögetka nalö ketanjan kaiga keunini jim teköiga toroqeba sihimbölo möta malme.

¹⁰Ambazip silenjanängö sihim kömbönanji bölöñi wuatängöba angjöörakñinambuk aka iwilelenöj Anutugö kukösumñi memba et alakzei, Anutunöj mi mönöhön mutuhök jim teköm enjyöhöwa sihimbölo ketanji möta malme. Böhi takapulakanji mienjon mönöhön jakbak-öranjöran qakñe nanjini imbi-imbi mala Suepkö bem suahö asakmaranñinambuk euyangörej maljei, yengöra sömbu-ñini qahö mörakze. Mi qahöpmaöhöpmö, i mewöyök uruqeçe keu töhörej jim enjimakze. ¹¹Mewö ahakzemö, Suep garata kukösumñinambuk böhi sohoboho mi enjonjita öngöngöñi akzei, mi töndup Suepkö bem suahö ambazip mi Kembugö je mesoholje qetala uruqeçe keunöj töhörej qahö jim teköm enjimakze.

¹²Garata yeñon mewö qahö ahakzemö, ambazip mienjon silenini memba öngöba Buña keu qahö möt kutuba mi töndup yengöra uruqeçe keu töhörej lanj jimakze. Sömbup soñ ewö mötkutukutunini ölni qahö asuhuiga sömbup malmalgö sihim yuai korembinji miyök mörakze. Sömbup soñ mi asuhugera ambazipnöj lanj enjuget kömumakzei, yeñon mönöhön mianjö dop lanjan töñpin mala ayuhume. Nanjini sihim mötmötñini gonjonmanjonan mönöhön könder enjigetka ayuhum teköme. ¹³Tosatni örom ureim ak enjigetka kahasilinli mötketmö, Anutunöj nanjini keunjanängö likepni melen enjiiga sihimbölo miyök qakñine öngöma. Urumelen enjon urukalem kondel angubingöra tokoba lömbuan algetka takapulaka böhi mienjon mönöhön mianjörej mewöyök kamakze. Kaba dogonini aukñe kondela bau numbu nemakze. Mewö aka enjö sile töwötñini boromñi boromñi gamunñinambuk ewö akze. Nanjina silenjanängö sihimni meköbingöra totoko yuai asakñe ala sero aukñe aka lanlan söngaimakze. “Ziozgo lama galöm akzin,” jiba ala engöra qahö mötmöriba tilipköm enjibingö sösongai mörakze.*

* 2:5: Jen 6.1-7.24 * 2:6: Jen 19.24 * 2:7: Jen 19.1-16 * 2:13: Böhi mienjon törom ewö asamböta tatzemö, wañgenjan yengörej qaköba jömgöbapuk.

¹⁴ Jenini kaisero jeje aka ambi engehakzei, mi serowilinök akingöra mörakze. Sero singisöndok yuai akingö sihimni mi qahöp mahöp mosöt pingö mörakze. Ambazip kongwarak kölakzei, mi öröm engigetka köna jittje gegetka örömböknöj jölnjini mesinjmakza. Membagun membingö nepaqepalok köpösöngögetka urumötmötjni köhöikni miangöreñ ahöza. Mewö ahakzeangöra Anutunöj saikömi engiiga ayuhume.

¹⁵ *Yenön köna diñdini andö qeba kahalalom janjuñ anda kezapqetok azi Balam Beorgö nahönñi yanğö urukönöp köna wuatangömakze. Kerök azi kembu kunöñ Balam Israel ambazip tilipqilip ak engimapköra töwa wanğiyöhi, urusihimñan mönö monerñ miangöra ak wanğiyök. ¹⁶ Ak wanğiyökmö, donki kunöñ bölöñamñangöra jim bölim wanğiyök. Donki sömbup keu qahö jijñi mi-anñon mönö azi jölnöñ keu jiba kezapqetok azi miangö urusohop ahakmeme mi jöhöm wanğiiga osiyök.

¹⁷ Ambazip mienñon mönö o jeni jöppöpköñi ewö tandök malje. Raidimbom luhutnöñ kousu omani töhöntöhön muwutapköm engimakzawi, mönö miangö dop öne lañlañ anda kamakze. Anutunöñ pandaman göjiwinangö uruñe yenğöra miri arengöm engiyöhi, mönö emuyangöreñ dutñe geba malme. ¹⁸ Yenön kezapjupjup keu omani jiba silenini memba öngöba lañ tiwok-mawok aka terenğömakze. Silegö sihim kömbönañini bölöñi wuatangöba sero namböñnamböñnöñ ambazip lañ öröm engimakze. Janjuñ maljei, tosatñan yenğö sutñineyök ölöñ kölakzei, mönö mi kelök keunöñ kungum engigetka köna jittje gegetka örömböknöj jölnjini mesinjmakza.

¹⁹ Yuai kunöñ ambazip kun jöhöba galöm köl wanğimakzawi, miangö kösöñan mönö i jöhöiga mi töwa qahö öne welen qeba malja. Miangö dop böhi takapulakanj mienñon kelök keu kewö lañ jimakze, “Injini mönö nini toroqem nenğigetka ölöp kösöñini qahö solannj aka nanñini imbi-imbinöñ malme.” Keu mewö jimakzemö, mi töndup nanñinak angjöörakñinanğö welenqeqeñi aka miangö kösönöñ malje.

²⁰ Yenğö könañamñinan kewö gonğiiga malje: Kembunini Jisös Kraist Amötqeqe Tonini i möt kutuba mewö mianñon gölmegö ahakmeme angjöörakñambuk misingöba andö qebagun mönö kunbuk miangö kösönöñ köpeim anguba qaköba tazba. Miangöra könakönahine ölöpölöp malgetmö, teteköñe böliqölim teköba malje. ²¹ Anutunöñ keunini jim teköi solanibingö könañi mutuk qahö möt kutuba tönpin malbeak, mianñon mönö eretñi ak engibawak. Mewö akawakmö, Buña mi ölna jigetka möta könañi möt kutugetka buñañina ahök. Uruñini melenđa miangö andöñe jöjöpñ keu töröñi andö qegeri, mianñon mönö yuai kanjamñambuk aka gamu qem engimakza.

²² *Andö qeba köpeim anguba etkeri, mi uruqesin keu ölböñi yahöt mietkö dop akza. Keu jittñi kun kewö, “Kiamnöñ loñnöhangöreñ lilingöba kamakza.” Keu jittñi kun kewö, “Bau sanğonñinga dumge elenđa sömuk pilinpilinñöñ luhuba geba lömu aumakza.” Mewö.

3

Kembu kamawangö jöhöjöhö keuñi

¹ O wölböt alaurupni, nöñon kimbi yahötñi ki albi engöreñ kaza. Keu jizali, injini mi lök mötzemö, nöñon keugö ölnj ahumapköra uruñini sarakñi kunğuba jim gulim engiba kimbi yahöt ki kewögöra ohozal: ² Kezapqetok

* 2:15: Janj 22.4-35 * 2:22: Qam 26.11

ambazip sarakñi yeñon mönöwök Buja keu jiba malgeri, miangöra mönö ölüm engubapuk. Mewöyök Kembu Amötqeqe Tonjan jimkutukutu nenñiiga nanñini melaimelai azi aposolurupñinan kusum engigeri, mönö mi mötmöriba köl guliba malme. Miangöra nöñon keu miyöhök ohobiga yahöt akña.

3* Keu mutukñi kun kewö möt asarime: Kraistnöñ lilingömamgö aiga nalö teteköñe miangören mepaqepaik ambazip asuha ahakmemenjan nanñini sihim kömbönanjini bölöñi wuatangöba ilit keu jiba malme. **4*** Tosatjan lilingöba kamawangö keuñi kewö jiba qeapköba malme: “Kamawangö jöhöjöhö keuñi mi mönö denikeangören ahöza? Ambösakoninan mala kota kömuger, nalö miangörenök yuai kunñan kun qahö meleni geyök. Anutunöñ Suep gölme miwikñaim etkiiga öroyuai pakpak könahiba ahöyöhi, mi mönö mewöñanök ahöba kori maljin.”

5* Mewö jiba keu köñi ki ölan qemakze: Anutunöñ möpñangö möpñeyök jim kutuba keuñangö ösumñan suep jakeni jakeni miwikñaim engiyök. Mewöyök o jim kutum engiiga denja angetka miangören gölme miwikñaiiga onöhök asuhum tinjirök. Yeñon keu köñi mi mötzmö, mi qahö mötzin tandök möndöba lañ jiba nöñongnan ahakze. **6*** Köñangep jim kutuiga o gölunöñ wahöta gölme turuiga ambazip nalö miangören gölmenöñ malgeri, mi o nempa kömumjaiget. **7*** Yeñon onöñ kömumjaigetmö, suep gölme nalö kewöñe etkehakzini, mi köñöpnöñ ayuhumawangö dop akza. Anutunöñ miangö keuñi lök böñtöñ jim kutuiga ahöza. Miangö öñi asuhumawangö nalöñan kam kuñguiga Anutunöñ ambazip angjöörakñinambuk maljei, yeñgö keuñini jim teköba könder engiiga ayuhume.

8* Mewö asuhumapmö, wölböt alaurupni, naninak ehinga yambu 1000 mi nalö kööröñi akzäpmö, Buja keu mohot ki mönö kude ölüm enguma, “Wehön mohot mi Kembugö je mesoholje yambu 1000:gö dop akza aiga yambu 1000 ehiga wehön mohotkö dop akza.” **9*** Kembugö jöhöjöhö keu miangören öñjambuk akñapmö, miangö nalöñi mi törörök qahö mötzin. Tosatjan nalö mi köñjörari öngömapköra mötmöriba lañ jimakze. Nanjak nalöñi qahö köñjörari öngömapmö, mökösoñda ambazip körekñan urunini melenjbingöra mambörakza. Kunñan köñöp sianöñ gebapüköra kapan kölakza.

10* Keuñangö öñi asuhumapmö, Kembugö kaka nalöñan mönö yongorö meme azigö tandök kam kuñguma. Mi ouk-tuknine tiiga osibin. Nalö miangören suep gölmegö yuai ehokñi pakpak mi mönö köñöwiba jeba gapñanök ahöma. Wehön köñj sengelau aka suepkö yuaiñi pakpak mi julkula ötöñ bölöbölöñambuk ayapköba qahöwakñe. Gölime aka ambazipnöñ yuai pakpak miangören memba alget ahözawi, Anutunöñ mi körek köndermöñdenja meleni gema. Geba jem teköiga yuai kun qahöp mahöp ahöma. Saumban!

11* Öroyuai pakpak mi tandök mewö julkula qahöwakñeangöra enñon mönö ambazip denöwöñi aka malgetka dop kölbawak? Miangöra mönö ahakmeme sarakñi wuatangöba Kraist ewö aka malbingö köl guliba malme. **12*** Injini Anutugö nalö ketanji mi kam kuñgumapköra mamböta zilañ kamapkö nupñi kapan köla memba malje. Nalö miangören gölmegö öroyuaiñi aka wehön köñj sengelau aka mewöñi mi köñöwiba jeba bolbolgöma. Anutunöñ suepkö öroyuaiñi mi körek köndermöñdenja aliga julkula jem teköma. **13*** Mewö jem

* **3:3:** Jud 18 * **3:5:** Jen 1.6-9 * **3:6:** Jen 7.11 * **3:8:** Sum 90.4 * **3:10:** Mat 24.43; Luk 12.39; 1 Tes 5.2; Ind 16.15 * **3:13:** Ais 65.17; 66.22; Ind 21.1

tekömapmö, Anutunöŋ yuai asuhumapkö keu jöhöi ahözawi, neŋön میانگۆ dop Suep gölme döläkŋi miwikŋaim etkimapkö mambörakzin. Mi miwikŋaim etkiiga میانگۆreŋ aŋgota ahakmeme diŋdiŋi wuatangöba malbin.

¹⁴ O wölböt alaurupni, eŋön nalö ketanŋi mi kam kuŋgumapkö mamböta malje. Miangöra mönö kewö akingö kapanŋ köla kinme: Uruŋini sarakŋi aiga Anutunöŋ töwöt boromŋinanğö keuŋi kun qahö miwikŋaiiga yambuk ösupközeangöra luainöŋ malme. ¹⁵ Mamböta Kembuninanğö uru tandökŋanğöra kewö mötmöriba malme: Yanğön inŋini uruŋini melenğda kunbuk letotmegö nalöŋi mem körim al eŋgiba ösöŋ mamböt eŋgiba malja. Wölböt alanini Pol yanğön mewöyök keu miyök ohom eŋgiyökmö, Anutunöŋ mötkutukutu öngöŋgöŋi wanğiiga میانگۆ dop keuŋi ohom eŋgiyök. ¹⁶ Miangö keuŋi mi kimbiŋi pakpak میانگۆreŋ jiba ohomakzapmö, Buŋa Kimbiŋanğö uruŋe keuŋi tosatŋi mi lömbötŋambuk. Miangöra tosatŋan mi möt asaribingö jaram tiba lömbörimakze. Gukmaulem ambazip kuŋgwarak qeba tötöpinpin laŋ malakzei, yeŋön kimbiŋi kimbiŋi mi laŋ möwöramğömakze. Miangö dop Polgö keuŋi mewöyök melenqeleŋ aketka supapköba sohomakza. Mewö möwöramğöba kinda nanŋini mem bölim aŋguba könöp sianöŋ geme.

¹⁷ Yeŋön gememö, wölböt alaurupni, eŋön mewö asuhumapkö keuŋi lök qelŋe möta malje. Miangöra mönö nanŋini galöm mem aŋguba malme. Iwilele ambazip köna siŋgiba qiwitipkömakzei, eŋön mönö yeŋgö kelök keuŋinan örom eŋgii eŋguatangöba jinjauŋ anbepuk. Malmalgö tandö pöwöwöm köhöikŋi میانگۆreŋök mewö tala kaman kölbepuk. ¹⁸ Kembunini Jisösgö kalem möriamŋe kinjei, میانگۆreŋ mönö kunbuk suariba köhöiba malme. Amötqeqe Tonini Kraistkö könaŋi möt kutuzei, mi mönö toroqeba möt yaköm soroköba malme. I möpöseininga qetŋi nalö kewöŋe aködadamunŋambuk aka könaŋep teteköŋi qahö mewö ahöm öngöma. Keu mi ölja.

Jongörej Kimbi 1 Jonöŋ Kimbiŋi mutukŋi alök. Jim-asa-asari

Jonöŋ jöpaköm anġuanġuġö keuŋi köhöiba jiba malök. Urumelerŋ ambazip neŋön Anutu aka Jisös Kraist yetpuk qekötahöba kinda uru jöhöm anġuba mohok aka maljin.

Tosatŋan keu munerŋi ambazip kewö kusum sohom enġiba malget: “Jisösnöŋ Suep aziyök akza. Gölmenöŋ yuai pakpak mi bölöŋi akza. Mianġöra Jisösnöŋ gölme azi ölnŋi qahö aka malök.” Keu mianġöra aka tosatŋan “Anutu möt narizin,” jiba ahakmeme ölöpnŋi mosöta siksaŋk silekmales mala ambazip tosatŋi yom kazik ak enġiget aka qölmöm injarerere malget. Keu sinŋi sinŋi mewöŋan zioz mem bölibapuköra Jonöŋ goro keuŋi kimbinöŋ kewö ohoba ali kayök, “Jisösnöŋ Suep aka gölme azia mohok akza. Gölmenöŋ nup meme aka mötmöt meme mi yuai bölöŋi qahö. Mianġöra ‘Anutu möt narizin,’ jiba Nahönŋi Jisös kude mosötpin aka alaurupnini uruninan jöpaköm anġubin. Urukalem mi mönö kapan köla ak anġumakin.”

Kimbi kianġö bahöŋi bohönŋi 6 mi kewö:

Malmalgö könaŋi mi Jisös 1.1-4

Asak aka söŋaup uruŋe malmal 1.5-2.29

Anutugörej aka Satangörej nahönbörat 3.1-24

Uŋa ölöpnŋi aka öme mi mönö kewötme 4.1-6

Urukalemġö könaŋi aka jimkutukutuŋi 4.7-21

Mötnarip neŋön bölöŋi luhut alakin 5.1-21

Malmal köhöikŋanġö keuŋi mi Jisös Kraist

1 *Neŋön malmal köhöikŋanġö keuŋi jimamgöra kimbi ki ohozal. Mutuhök malmalgö keu Tonjan maliga mianġö könaŋe öroyuai pakpak asuhuyök. Yarŋön mala kota gölmenöŋ eriga i jeninan eka böroninan silenŋi misiriŋga keuŋi jii möta malin. 2 *Oyaenköyaen malmalgö Tonjan asuhuiga neŋön i eka könaŋi nanġöba jiba dangunu ewö kinjin. Malmal teteköŋi qahö mianġö Tonjan Iwibuk mala kota eta asuhum neŋiyöhi, neŋön mianġö Buŋaŋi jim asariba uruŋini kunguzin. 3 Neŋön Iwi aka yanġö Nahönŋi Jisös Kraist yetpuk urunini jöhöba mohot maljin. Injini mewöyök uruŋini nembuk jöhöba mohot malbingöra yuai eka mörini, mi jim tuarim enġizin. 4 Sösöŋgainöŋ urunini kokolak qei malbingöra keu ki jim tuariba ohozin. Mewö.

Kembuġö asakŋe malmal

5 Buŋa keu yanġö Nahönŋanġörejök möta jim tuarim enġizini, mi kewö: Anutunöŋ asakŋanġö Tonji akza aka yanġörej söŋaup kun qahö ahöza.

6 “Neŋön yambuk urunini jöhöba mohot maljin,” mewö jitnöŋ jiba töndup aiakaninan jipjap aka söŋaupnöŋ maljin ewö, mönö keu munerŋ jiba ahakmemeninan keu ölnŋi qahö wuatanaġömakzin. 7 Anutunöŋ asakŋanġö uruŋe maliga neŋön mianġö dop aiakanini asakŋanġö uruŋe ahakzin ewö, mönö sutnine urunini jöhöm anġuba mohok malinga Nahönŋi Jisös Kraistkö seŋŋan mönö sinġisöndoknini pakpak sanġorŋmakza.

* 1:1 Jon 1.1 * 1:2: Jon 1.14

8 Urunine siŋgisöndok qahö ahöza, mewö jibinak ewö, mönö nanini tilipkôm anġuinga keu öljän urunine qahö kinma. Qahö! 9 Siŋgisöndoknini jim miwikŋaizin ewö, yaŋön mönö uruŋi diŋdiŋaŋgö dop jöhöjöhö keuŋi pöndaŋ wuataŋgöba siŋgisön-doknini mosöta ahakmemenini goŋgoŋi pakpak saŋgoŋmakza. 10 “Siŋgisöndok qahö ahin,” mewö jibin ewö, mönö keu Toŋi oŋgiringa Anutunöŋ munen jiji azi tandök aiga keuŋan urunine qahö kinma. Mewö.

2

Jisösnöŋ awörök köiput Tonini akza.

1 O (koko) gömokurupni, iŋini siŋgisöndok akepuköra keu ki ohozal. Mi ohozalmö, kunöŋ töndup siŋgisöndok akawak ewö, awörök köiput Toninan mönö ahöm nenġiza. Jisös Kraist yaŋön Iwigö kösutŋe mala keu pakpak diŋdiŋanök kewöta ak nenġimakza. 2 Awörök köiput Tonini yaŋön siŋgisöndokninaŋgö töwaŋi ala köl könjörat nenġiyök. Mi nenġö siŋgisöndokörök qahöpmö, mönö gölmeŋi gölmeŋi nenġoreŋ siŋgisöndok mi mohotŋe köl könjöratmamgöra kömuyök. Mewö.

Temkölköl mi aiaka diŋdiŋi.

3 Anutugö jöjöpäŋ keuŋi tem kölakin ewö, mewö mianġön i möt waŋgizini, mi ölöp uruyahöŋŋi qahö möt yaközin.

4 Kunŋan “Anutu möt waŋgizal,” jiba jöjöpäŋ keuŋi qahö tem köla wuataŋgömakzawi, yaŋön mönö munen jiji ambaziwa aiga keu öljän yaŋgö uruŋe qahö kinja. 5 Qahöpmö, kunöŋ Anutugö keuŋi tem köla wuataŋgömakzawi, Anutugö urukalemŋan mönö öljä yaŋgö uruŋi kokolak qei aködämunŋambuk malja. Mewö mianġön Anutubuk qekötahöba mohok maljini, mi möt yaközin. 6 Kunŋan “Anutubuk qekötahöba maljal,” jizawi, yaŋön mönö Jisösnöŋ ahakmemeŋi ahök, mönö mianġö dop aka memba malma. Mewö qahö aka maliga qahö dop kölja. Mewö.

Urukalem akingö jöjöpäŋ keu dölökŋi

7* O wölböt alaurupni, nöŋön jöjöpäŋ keu dölök-kunŋi qahöpmö, jöjöpäŋ keu walŋi könakönahieŋyök ahöm enġizawi, mönö mia ohom enġizal. Jöjöpäŋ keu walŋi mianġö Buŋa keuŋi mi lök möta mala kotket. 8 Töndup mianġö jimkutukutuŋi dölökŋi mi enġöra ohozal. Söŋaupaŋöŋ ayapkömmangö aiga asakŋi öljän lök asarim qarimakzawi, mianġöra jöjöpäŋ keu mianġö öljän mönö Anutugöreŋ aka enġöreŋ ahuba ahöza.

9 Kunŋan jitŋan “Asakŋe maljal,” jizapmö, alaŋi kazik ak waŋgizawi, yaŋön mönö toroqeba söŋaup uruŋe malja. 10 Kunŋan alaŋi jöpaköm waŋgimakzawi, yaŋön mönö asakŋaŋgö uruŋe pöndaŋ maliga silikŋan tosätŋi siŋgisöndok akŋegöra qahö kondorakza. 11 Mewömö, kunŋan alaŋi kazik ak waŋgizawi, yaŋön mönö ömuŋe jipjap mala ahakmemeŋi söŋaup uruŋe ahakza. Söŋaupaŋöŋ jeŋi mem sohoiga janjuŋ aka maljawaŋgöra aka denike anmawi, mi nanŋak qahö möt kutumakza. Qahö.

Anutunöŋ siŋgisöndoknini kösöloŋanimakza.

12 O nahönböraturupni, Jisösnöŋ kömumba qet ketanŋi memba maljawaŋgöra aka Anutunöŋ enġö siŋgisöndokŋini mosöta kösöloŋanim teköyök. Mianġöra keu ki enġöra ohozal. 13 O iwiurupni, kunöŋ könakönahieŋyök mala kotzawi,

* 2:7 Jon 13.34

inini i möt wanğiba mala kotze. Mianğöra keu ki engöra ohozal. O gwaböurupni, inini bölöñanğö Tonji luhut al wanğiba maljei, mianğöra keu ki engöra ohozal. Nahönböraturupni, inini Iwigö kōnañi möt kutuba maljei, mianğöra keu ki engöra ohozal.

¹⁴ Iwiurup, kunöñ kōnakōnahiñeyök mala kotzawi, inini i möt wanğiba mala kotze. Mianğöra keu ki ohobiga engören kaza. Azi gwaböurup, inini Anutugören Buña keu uruñine algetka kōhöiba kiniga ösum-mumuñinambuk aka bölöñanğö Tonji luhut al wanğiba malje. Mianğöra keu ki ohobiga engören kaza. Mewö.

Gölmegö ahakmeme bölöñi mi yakörime.

¹⁵ Inini gölmegö ahakmeme bölöñi aka yuai pakpak mianğören ahözawi, mianğöra kude ak engima. Kunñan uruñan gölmegö ahakmemegöra ak wanğiza ewö, Iwigö urukalemñan mönö yanğö uruñe qahö kinja.

¹⁶ Gölmegö ahakmeme mi kewö: Ambazipnöh sileñinanğö sihim kömbōnañini bölöñi mörakze. Yuai jerñinan eka eksihim aka köpösōngömakze aka gölmegö malmalñinanğöra piririkōba töröraiba sileñini memba öñgömakze. Mi aka urukönöp tosatñi mi Iwigörenök qahö kaza. Qahö! Mi mönö gölmegö ahakmeme bölöñi akza. ¹⁷ Gölmegö ahakmemenöh göröh qema aka mianğö sihimñi bölöñi bölöñi mi mewöyök göröh qememö, kunñan Anutugö jit sihitñi tem köla wuatangōmakzawi, yanğön mönö böñ qeba nalö teteköñi qahö mal kōhöima. Mewö.

Kraistkö tuarenjonurupñi lök asuhuze.

¹⁸ O (koko) gömokurupni, Kraistkö salupñe* kinda tuarenjon ak wanğimawanğön nalö teteköñe asuhumawi, mi lök jigetka mötze. Keu mianğö dop nalö kewöñe Kraistkö tuarenjonurupñi gwötpuk lök asuhuba kinje. Keugö öñi mewö asuhuyöhanğöra aka nalö teteköñanğö uruñe lök kanğota maljin, mi mötzin. Mianğö aiwesökñi mewö. ¹⁹ Tuarenjon ambazip mienñon nanine kambunöhök mala neñgōmosöta anget. Uruñini nembuk muney-muney jöhöba mötnarip kōnagesö sutnine lañ mala buratiget. Neñgören kōnagesö öñi akeak ewö, mönö nembuk pōndañ qekötahöba mohokñe malbinak. Neñgōmosöta tikep kinjei, silik mianğön mönö kōnañini kewö kondeliga eka mötzin: Yenğörenök kunöh nembuk öñña mohot qahö aka malök.

²⁰ Yenğön tikep kinjemö, Kraistnöh Uñanji Töröhñi engö uruñine mokoiga bedu memba inahöm engiiga körek enñon keu öñi möt kutuba malje. ²¹ Inini keu öñi qahö möt kutubepuköra aka keu ki qahö ohom engizal. Mewögöra qahöpmö, inini keu öñi möt kutuze aka keu öññan keu muneyni kun kondotmamğö osimakza. Mianğöra keu ki ohom engizal.

²² Jisösnöh Amötqeqe Tonji Kraist akzawmö, kun danğön keu mi qañ köljawi, yanğön mönö isimkakalek ambaziwa akza. Yanğön Kraistkö salupñe kinda tuarenjon ak wanğiba Iwi aka yanğö Nahönñi mi mohokñe qañ köl etkimakza. ²³ Kunñan Iwigö Nahönñi qañ kölakzawi, yanğön Iwiñi qahö öne malja. Kunñan Nahönñi jim miwikñaimakzawi, yanğön mönö Iwi mewöyök miwikñaiiba yambuk malja.

²⁴ Inini Buña keu kōnakōnahiñeyök möta kotkeri, mi uruñine kōhöiba kinmapkōra galömñini meme. Buña keu möta kotkeri, mianğön uruñine

* **2:18:** Kraistkö tuarenjonji mi Antikraist. Grik keu anti, mianğö kōnañi yahöt. Yanğön Kraistkö salupñe kinja aka Kraist öññi tuarenjon ak wanğimakza.

kinma ewö, injini mewöyök mönö böñ qeba Iwi aka yangö Nahönñi yetpuk qekötahöba kinme. ²⁵ Kraistnöñ jöhöjöhö keu kewö neñgii ahöza, “Nömbuk kinme ewö, mönö oyaenköyaen malmal enjigibiga teteköñi qahö mal köhöime.”

²⁶ Tosatñan esapköba janjuñ mem enjimakzei, nöñön yeñgöra aka keu mi ohom enjizal. ²⁷ Tosatñan janjuñ ahakzemö, Kraistnöñ Uña Töröñi enjö uruñine mokoiga bedu memba inahöm enjimakza. Uña yanñon uruñine böñ kini qahö löwörime ewö, enñon mönö böhi kungöra qahö osime. Mi kewögöra: Yangö Uñañan mönö ahakmemegö keu pakpak kusum enjimakña. Bedu memba inahöm enjimakzawi, mianñon yuai munenji kun qahöpmö, mötmöt ösumñi öl töhöññanök akza. Mianñgöra keu öñji kusum enjyöhangö dop mönö keuji pakpak tem köla Kraistpuk töp qekötahöba kinme.

²⁸ O (koko) gömokurupni! Injini mönö Kraistpuk töp qekötahöba kinme. Yam-buk kinda malinga kunbuk asuhumawi, nalö mianñgöreñ qahö közöl neñgiiga gamu qakñe qahö mömölaköba anbinmö, ölop yangö jeñe awösamakak qakñe tamehök kinbin. ²⁹ Kraistnöñ solanñi akzawi, injini keu mi möt kutuze ewö, mönö keu ki mewöyök ölop möt asarime: Ambazip körekñan ahakmeme solanñi ahakzei, yeñon mönö mewöyök Anutugöreñök ahuba nahönböraturupñi akze. Mewö.

3

Neñon Anutugöreñök ahuba nahönböratñi akzin.

¹ *Mötket! Suep Iwininan neñgöra “Nani nahönböraturupni,” mewö neñgohola mianñon urukalemñi ketanji kondel neñgimakza. Nini öñña Anutugö nahönböraturupñi akzin. Mi akzinanñgöra gölme ambazipnöñ könañamnini qahö möt kutuba malje. Anutugö könañi qahö möt kutuzeanñgöra nanine könañamninañgöra mewöyök tötöpinpin malje. ² O wölböt alaurupni, nalö kewöñe nini Anutugö nahönböraturupñi aka maljin. Mewö mala könañgep denöwö aka malbini, mi aukñe qahö asuhuyök. Mohok kun mötzini, mi kewö: Yanñon kunbuk aukñe asuhuiga kaisongolomñi öñji jeninan ekini, nalö mianñgöreñ mönö letota i ewö akin. ³ Denike yeñon Kraistköra jörömqröm mewöñji ak wanñizei, yanñon mönö i köl köñjörat mem enñgiiga yangö tandök ewö sarakñi aka malme.

⁴ Denike yeñon siñgisöndok akzei, yeñon mönö köna keu qeba walöñmakze. Siñgisöndok mi iwilele ahakmemeya. ⁵ *Kraist nanñak siñgisöndokñi kun qahö yanñon nanine siñgisöndoknini köl köñjöratmamgöra eta asuhuyöhi, mi ölop mötze. ⁶ Denike yeñon Kraistpuk böñ qeba kinjei, yeñon siñgisöndok qahö aka malje. Kunñan siñgisöndok toroqeba ahakzawi, yanñon Jisös qahö eka könañi qahö möt kutuba malja. Mewö.

⁷ O (kokourupni) gömökurupni! Kunñan janjuñ mem enjibapaköra mönö galöññini mem anğuba malme. Kraistnöñ solanñi akzawi, yangö dop ahak-meme solanñi törörök wuatañ-gömakzawañon mönö solanñi akza. ⁸ Bölöñanñgö Toñan köna-könahineyök siñgisöndok aka kota malja. Mianñgö dop denike yeñon siñgisöndok ahakzei, yeñon mönö Bölöñi Toñanñgö buñaya akze. Anu-tugö Nahönñan mönö yangö nupñi yaiñ memamgöra eta asuhuyök.

⁹ Denike yeñon Anutugöreñök asuhugeri, yeñgöreñök kunñan malmal gainñi kun uruñe ahözawañgöra mönö siñgisöndok qahö toroqeba ahakza. Ahuahu dölöknji ahuba maljawañgöra aka siñgisöndok toroqeba akñamgö

osimakza. ¹⁰ Denike yeñon Anutugö nahönböratñi aka denike yeñon Bölöñi Tonangö nahönböratñi akzei, mi kewö kewöta möt asaribin: Kunñan ahakmeme solanñi qahö wuatangömakzawi, yanñon mönö Anutugö buñanñi qahö akza. Mewöñanök kunñan alaurupñi qahö jöpaköm engimakzawi, yanñon Anutugö buñaya qahö akza. Mianğö aiwesökñi mewö.

İjini mönö jöpaköm anguba malme.

¹¹ *Buña keugö kötnji könakönahineyök möta kota maljini, mianğö jöjöpañ keuñi kewö: Nini mönö urunöñ jöpaköm anguba malbin. ¹² *Kein (Kain) yanñon Bölöñi Tonangö buñaya mala munñi qei kömuyök. Nini mönö i ewö aka malbinbuk. Yanñon kewögöra munñi qeyök: Nanñi ahakmemeñan bölöñi ahökmö, munñanğ-göreñan solanñi ahök. Mönö mianğöra qeyök.

¹³ O urumelenğ alaurupni, gölme ambazipnöñ kazik ak engime ewö, mianğöra mönö kude welipköme. ¹⁴ *Nini urumelenğ alaurupnini jöpaköm engimakzinağöra aka keu ki möt asarizin: Nini kömup köhöikñangö jaböñi walöñda malmal köhöikñe angota maljin. Kunñan urukalem qahö ahakzawi, yanñon mönö toroqeba kömup köhöikñangö uruñe kinma. ¹⁵ Ambazip alaurupñini kazik ak engimakzei, körek yeñon mönö köhömuñi enguenggu ambaziwa akze. Malmal köhöikñi mi enguenggu ambazip mewöñi kungö uruñe qahö ahöza, mi ölöp möt yaköze.

¹⁶ Jisös Kraistnöñ malmalñi neñğöra aka kölenğda mosöta jöpaköm anguanğugö könanñi mewö kondel neñğiiga eka möt kutuzin. Neñon mönö mewöñanök malmalnini urumelenğ alaurup yeñğöra aka kölenğda mosöringa dop kölma. ¹⁷ Kunñan gölmegö öryuainñi dopñe memba maliga alañan yuaigöra osiba mözöqözöröñ aiga ekzapmö, tündup ekbonep aka uruñi jöhöza ewö, Anutugö urukalemñan mönö yanğö uruñe denöwö kinbawak? ¹⁸ O (koko) gömukurupni, jöpaköm anguanğgu mi numbu jitinan keu töhöñök timbiliba jimakinbukmö, mi mönö ahakmemeñinan keu ölni wuatangöba aka malbin.

Mönö Anutugö jemesoholñe tamehök kinbin.

¹⁹ Nini keu ölnangö buñaya akzin me qahö? Akzin ewö, mönö ölöp urunini böñjöñ köliga Anutugö jemesoholñe awösamakak kinbin. Keu mi nanini kewöt anguba kewö möt kutubin: ²⁰ Uruninan yuai bölöñangöra aka jim neñgiza ewö, nini keu ki ölöp möt yaközin: Anutunöñ kewötkewöt Tonini aka keunini diñdiñanök kewötma. Anutugö mötmötñan mönö nanine mötmötnini onğita öñğöñğöñi aiga keu pakpak ölöp möt teköza. Mianğöra ölöp urunini böñjöñ köliga malbin.

²¹ O wölböt alaurupni, uruninan qahö jim neñgiza ewö, nini mönö Anutugö jemesoholñe awösamakak aka tamehök kinbin. ²² Nini Anutugö jöjöpañ keuñi tem köla ahakmemeñini dop köl wanğimakzawağö dop aka memba malakzin. Mianğöra yuai kungöra köuluköba qesim wanğibini, mönö mia neñgi buña qem angubin.

²³ *Anutugöreñ jöjöpañ keu yahöt mi kewö: Nini mönö Nahöñi Jisös Kraistkö qetñi memba möt nariba urunini meleşbin aka jöjöpañ keu jim kutum neñğiyöhağö dop jöpaköm anguba malbin. Mewö qahö aka malbinak, mi Anutugö jeñe qahö dop kölbawak. ²⁴ Denike yeñon Anutugö jöjöpañ keuñi tem kölakzei, yeñon mönö Anutubuk qekötahöba malgetka Anutunöñ yembuk

* 3:11: Jon 13.34 * 3:12: Jen 4.8 * 3:14: Jon 5.24 * 3:23: Jon 13.34; 15.12, 17

lapingöba kinja. Yanjon nembuk lapingöba kinjawi, mi Unjanj Töröñi nenjiiga urunine sanep ala maljawangöra möt kutuzin. Mewö.

4

Unjaya me ömeya mi mönö kōnanjini kewōta mötme.

¹ O wölböt alaurupni, kezapqetok ambazip takapulakanj gwötpuk mi gölme dop liliköba maljei, miangöra keu pakpak mi zilan kude memba möt narime. Anutugö Unjanan me öme kunnan sölölohöiga asuhuzawi, mi mönö mutuk esapesapnöh ala kewötme. ² Anutugö Unjanangö kōnanj mi mönö kewö kewōta möt miwikñajime, “Jisös Kraistnöh eta silebuk aka malök,” denike yehön keu mi jim miwikñaimakzei, yehön mönö körek Anutugö buñaya akze. ³ Kunnan Jisösgö kōnanj mewö qahö jim miwikñaimakzawi, yanjon Anutugö buñaya qahö akza. Kraist tuarenjonangö ömenan mönö yangö urunji sölölohöiga keu jimakza. Kunöh asuhuba Kraistkö salupñe kinda tuarenjon ak wangimawi,* keu mewö jiget mötketka yanjon lök nalö kewöñe gölmenöh asuhua.

⁴ O (koko) gömokurupni, injini Anutugö buñaya aketka Unja Töröñan urunine kinda gölmegegö ömewörömenji mi engongita luhut al engimakza. Miangöra kezapqetok ambazip takapulakanj mi ölop luhut al engiba malje. ⁵ Yehön gölmegegö buñaya aketka gölmegegö ömenan sölölohöm engimakze. Miangöra gölmegegö ahakmemenji uatangöba keu jigetka urumelenjö kopa ambazip yehön keunjanangöra kezap ala mörakze.

⁶ Nini Anutugö buñaya aHINGA Unja Töröñan sölölohöm nenjimakza. Anutu möt wangizeañon mönö nenjö keuninanangöra kezap ala mörakze. Anutugö buñaya qahö akzei, yehön nenjö keuninanangöra kezap qahö ala mörakze. Keu ölnangö Unjanj aka isimkakalekö ömenji yetkö kōnanjiri mi mönö mewö kewōta möt kutumakzin. Mewö.

Anutunöh urujöpakö kōnanj akza.

⁷ O wölböt alaurupni! Anutunöh jöpaköm anguanjugö jalöñi akza. (Miangöra urukalem mi o jenanangö tandök ewö ahöba korakza.) Miangöra nini mönö jöpaköm anguba malbin. Mewö aka maljini, körek nenjon mönö Anutu möt wangiba yangörenök ahuahu dölokñi ahuha maljin.

⁸ Anutunöh urujöpakö Tonji akza. Mewö akzawangöra kunnan ambazip qahö jöpaköm engimakzawi, yanjon mönö Anutu qahö möt wangiba tönpin malja. ⁹ Anutunöh urukalemñi kewö kondeli sutnine asuhuyök: Yanjon Nahönñi mohok-kunjan nam köl nenjii mal köhöibingöra aka melaiiga gölmenöh erök. ¹⁰ Nini Anutu jöpaköm wangimö, miangön urukalemögö kōnanj qahö. Urujöpakö kōnanj mi kewö: Anutunöh jöpaköm nenjiba singisöndoknini köl könjöratmamgöra Nahönñi melaiiga nenjören erök.

¹¹ O (koko) gömokurupni, Anutunöh mewö önöhj qahö jöpaköm nenjiyöhangöra nenjon mönö mewöñanök uruninan jöpaköm angumakin. Urukalem qahö ak anguinga qahö dop kölja. ¹² *Kunnan kun Anutu nalö kunöh qahö ehökmö, jöpaköm anguba maljin ewö, Anutunöh mönö urunine lapingöba kiniga urukalemñan urunini kokolak qeiga aködaminambuk maljin.

* **4:3:** Kraistkö tuarenjoni mi Antikraist. Grik keu anti, miangö kōnanj yahöt. Yanjon Kraistkö salupñe kinja aka Kraist öñji tuarenjon ak wangimakza. * **4:12:** Jon 1.18

¹³ Nini Anutubuk qekõtahöba malinga yañon urunine lapingöba kinjawi, mi Uñañi Töröñi nenngiyöhangöra aka möt kutuba uruyahöt qahö ahakzin. ¹⁴ Iwinöñ Nahönñi gölmeñi gölmeñi nenngö Amötqeqe Tonini akñapaköra melai-ga erök. Neñon mi eka möta nañgöba jimakzin. ¹⁵ Kunñan “Jisös Anutugö Nahönñi akza,” jiba jim miwikñaimakzawi, Anutunöñ mönö yañgö uruñe lapingöba kiniga yañon Anutubuk qekõtahöba malja.

¹⁶ Anutunöñ uruñan jöpaköm nenngimakzawi, nini miangö könani möta miangöreñ möt narimakzin. Anutunöñ urujöpakö Tonji akza. Mewö akza-wañgöra kunñan ambazip jöpaköm engiba maljawi, yañon mönö Anutubuk qekõtahöba kiniga Anutunöñ yañgö uruñe lapingöba malja. ¹⁷ Mewö malinga köñgörököm nenngiiga Anutugö urukalemñan urunini kokolak qeiga aködamun-ambuk maljin. Nini Kraistkö tandök ewö gölme kusukñi kiangöreñ maljin. Mewö maljinangöra aka Anutugö jimteköteko nalö ketane Kraistkö jeñe angota miangöreñ awösamkakak aka tamehök kinbin.

¹⁸ Anutunöñ jöpaköm nenngiiga kinda öne töhön kenngötñini mötpinbuk. Singisöndok ambazip yeñon Anutunöñ singisöndok-ñinangö likepñi meleñ engibapuköra kenngötñini mörakzemö, Anutugö urujöpakñan urunini kokolak qeza ewö, miangön mönö kenngöt mötmöt pakpak yakörim tekömakza. Miangöra kunñan kenngötñi mörakzawi, yañon jöpaköm nenngimakzawañgö könani mi törörök qahö möt teköza.

¹⁹ Yañon mutuk jöpaköm nenngiyöhangöra aka nini urukalem ahakzin. ²⁰ Kunñan “Anutu jöpaközal,” jizapmö, alañi kazik ak wañgimakzawi, yañon mönö muneñ jiji ambaziwa akza. Miangö könani kewö: Alañi eka töndup qahö jöpaköm wañgiza ewö, yañon Anutu qahö eka i mönö denöwö jöpaköm wañgibawakto? ²¹ Kunñan Anutu jöpaköm wañgimakzawi, yañon mönö alaurupñi mewöyök jöpaköm engiba malma. Anutunöñ jöjöpañ keuñi mewö al nenngiyök. Mewö.

5

Mötnarip ambazip neñon luhut alakin.

¹ Denike yeñon Jisös möt nariba “Amötqeqe Tonina akza,” jimakzei, körek yeñon mönö Anutugöreñök ahuahu dölöknji ahuha malje. Denike yeñon Iwi jöpakömakzei, körek yeñon mönö yañgö Nahönñi mewöyök jöpaköm wañgimakze. ² “Anutugö nahönbörat-urupñi jöpaköm engizin,” jiinga keu miangö ölnji mi nanini kewögöra kewöt anguba mötzin: Anutu jöpaköm wañgiba jöjöpañ keuñi tem köla wuatangömakzin ewö, mönö Anutugö nahönbörat-urupñi mewöyök jöpaköm engimakin. Miangö aiwesökñi mewö.

³ *Anutu jöpaköm wañgibingö ölnji mi temkölköl. Anutugö jöjöpañ keuñi wuatangöinga dop kölja. Jöjöpañ keuñi tem kölinga lömbötñambuk qahö akña.

⁴ Anutugöreñök ahuahu dölöknji ahuini, körek neñon ölop yañgö jittji tem köla gölmeñgö ahakmeme bölöñi luhut alakin. Anutunöñ mötnarip nenngiiga miangö qakñe köuluköinga lök gölmeñgö ahakmeme bölöñi memba et alök. Luhut albingö köna murutñi kun qahö ahöza. ⁵ Neñon luhut qahö albinak ewö, denike yeñon mönö mi akeak? Jisösnöñ Anutugö Nahönñi akzawi, mi möt narizawañon mönö gölmeñgö ahakmeme bölöñi luhut alakza. Mewö.

Anutunöñ Nahönñangö keu kewö nañgöba jiyök:

* 5:3: Jon 14.15

⁶ Jisös Kraistnöḡ Anutugö Nahönḡa akzawi, mi denöwö mötzin? Jisösnöḡ oe geiga Jonöḡ o melun mem waḡḡiiga Anutunöḡ nalö mianḡöreḡ keu mi jiiga mötket aka könḡep sepḡi mokomamḡö aiga mianḡöreḡ qet kun Suepnöhök asuhuiga mötket. Keu onöḡ indim mohok asuhuyöhi, miyök qahö. Suep Toḡan keu naḡböba jiyöhi, mianḡö aiwesökḡi mi o aka sep, yahöt mi. Toroqeba Uḡa Töröḡan keu mi jimakza. Yaḡön keu öḡḡaḡö Toḡi akzawaḡḡöra aka muney jimamḡö osimakza.

⁷ Naḡḡönaḡḡö keu karöbut mi mewö mörin ahöza. ⁸ Keu karöbut mienḡö aiwesökḡini mi Uḡa, o aka sep. Keuḡini mi öröröḡ aukḡe möringa dop köḡ teköza. ⁹ Keu jakene kaḡgota naḡḡönaḡḡö ahakzei, mi öḡöp möt aḡḡön kölakzinmö, Anutugö naḡḡönaḡḡö keuḡan mönö ambazip keunini oḡgita pöwöwöm köhöikḡi akza. Anutunöḡ Nahönḡaḡḡöra “Nani Nahöna!” qeta könaḡi mewö aukḡe naḡḡöba jiyök. Mianḡöra keu mi andö qebinbuk.

¹⁰ Kunḡan Anutugö Nahönḡi möt narimakzawi, naḡḡönaḡḡö keu Toḡan mönö nanḡak yaḡḡö uruḡe maliga yaḡḡö könaḡi öḡöp möt yaköza. Kunḡan Anutu qahö möt narimakzawi, yaḡön mönö naḡḡönaḡḡö keu Toḡi nanḡi memba et aliga muney jiji azia ahakza. Anutunöḡ keu köḡḡi Nahönḡaḡḡöra naḡḡöba jiyöhi, yaḡön keu mi qahö möt narizawaḡḡöra mönö Anutu nanḡi andö qeba qetalakza. ¹¹ *Anutunöḡ keuḡi kewö naḡḡöba jiyök, “Nöḡön malmal köhöikḡi enḡimamḡö jiali, nani Nahöna mönö malmal kömbönaḡi mianḡö kondotkondot Toḡi akza.” ¹² Yaḡḡö Nahönḡambuk maljawaḡön mönö malmal köhöikḡi buḡa qem aḡguba malja. Anutugö Nahönḡambuk qahö maljawaḡön mönö malmal köhöikḡi mi qahö buḡa qem aḡguba malja. Mewö.

Malmal köhöikḡaḡḡö könaḡi

¹³ Uruḡini melenḡa Anutu Nahönḡaḡḡö qetḡi memba möt narimakzei, nöḡön kimbi ki enḡöra ohozal. Malmal köhöikḡaḡḡö buḡaya akzei, iḡini mianḡö könaḡi törörök möt kutumegöra ki ohozal. ¹⁴ Nini öḡöp awösamakak aka Anutugö kösutḡe anda köuluköba kinda kewö möt yaközin: Wani yuaigöra yaḡḡö jḡt sihitḡaḡḡö dop köuluköm waḡḡibini, yaḡön mönö köuluknini mi mötma. ¹⁵ Mi me mi mianḡöra köuluköinga köuluknini mötmapkö mötzin ewö, mönö keu ki mewöyök möt kutuzin: Wani yuaigöra köuluköm waḡḡizini, mi pakpak mönö neḡḡö buḡanina akḡa.

¹⁶ Kunḡan alaḡi ehi siḡḡisöndok ahiga mianḡön kömup köhöikḡaḡḡö buḡaya qahö akḡawi, yaḡön mönö alaḡi mianḡöra Anutu köuluköiga amöt qem waḡḡiiga malmal köhöikḡe aḡgotma. Siḡḡisöndok Anutunöḡ mösötmawaḡḡö dop akeri, keu ki mönö yeḡḡöra jizal. Tosatḡan siḡḡisöndok aketka mianḡön kömup köhöikḡaḡḡö buḡaya akḡei, yeḡḡöra köulukömegöra mi qahö jizal. Qahö. ¹⁷ Ahakmeme böḡöḡi pakpak mi siḡḡisöndok akza. Köpösihit tosatḡi ahinga mianḡön kömup köhöikḡaḡḡö buḡaya qahö akin. Mewö.

Mötnariḡ ambazip neḡön Anutubuk qekötahöba kinjin.

¹⁸ Denike yeḡön Anutugöreḡök ahuaḡu döḡökḡi ahugeri, yeḡöreḡök kunḡan siḡḡisöndok qahö toroqeba ahakzawi, mi mötzin. Anutugöreḡök ahuaḡu döḡökḡi ahuaḡ maljawaḡön mönö nanḡi galöm mem aḡḡiiga Böḡöḡaḡḡö Toḡan i qahö qeraköba mema.

¹⁹ Nini keu ki mötzin: Nini Anutugö buḡaya akzinmö, göḡme dop yeḡön uruḡini qahö melenḡa Böḡöḡi Toḡaḡḡö kukösüm baḡḡe malgetka galöm köḡ enḡimakza.

* 5:11: Jon 3.36

²⁰ Keu ki mewöyök mötzin: Kunöŋ öl töhöŋŋi akzawi, nini i möt waŋgibingöra Anutunöŋ Nahöŋŋi melaiiga eta möt-asa-asari neŋgiyök. Kunöŋ öl töhöŋŋi akzawi, nini yambuk çekötahöba mohok aka maljin. Öl töhöŋŋi yaŋön mönö Anutugö Nahöŋŋi Jisös Kraist. Yaŋön Anutu ölbölŋi aka malmal köhöikŋaŋgö kondotkondot Tonji akza.

²¹ O (koko) gömokurupni, tandö lopion aka bem munenji tosatŋan köpeiba qeraköm eŋgibepuköra mönö nannini galöm mem aŋguba malme. Mewö.

Jongören Kimbi 2 Jonöŋ Kimbiŋi aliga 2 ahök. Jim-asa-asari

Buŋa Kimbi kiangö toni yanjön nanŋi qetŋi “Jitnememe kun,” qerök. Yanjön kimbi mi “Wölböt ambi aka yangö nahönböraturupŋi,” yengöra alök. Keu tölapŋi mi urumelenj könagesö kungö söpsöp keuya. Nahönbörat mi könagesö aiga wölböt ambi mi yengö galömŋina. Buŋa Kimbigö keu töröpŋi kianjön jöpaköm anġubingöra uru kunġum nenġimakza aka böhi takapulakanj yenjön ambazip kusum enġigetka keunjan sehibapukö galöm meme keuya akka.

Buk kiangö bahöŋi bohönŋi 4 mi kewö:

Keu mutukŋi 1-3

Urukalem mi yuai bohönŋi 4-6

Keu goŋgoŋan sehibapukö galöm meme keu 7-11

Kimbigö keu köŋi bohönŋi 12-13

¹ O ambi sorok!

Anutunöŋ möwölöhöm gihiiga urumelenj könagesöurupki galöm köl enġiba kinjan. Nöŋön inŋi keu ölnanġö dop uru könömnan jöpaköm enġimakzal. Nanök qahöpö, ambazip keu ölni möt kutuzei, körek yenjön mönö mewöyök inŋi jöpaköm enġiba malje. Nöŋön jitnememeya akzal aka göbuk keu eraum mötpitköra kaba kimbi ohozal. ² Keu ölnan urunine kinja aka nembuk teteköŋi qahö ahöm öŋgöma. Nöŋön Buŋa keu mianġöra aka jöpaköm enġizal.

³ Nini keu ölni wuatangöba urunöŋ jöpaköm anġuba maljin ewö, Iwi Anutu aka Iwigö Nahönŋi Jisös Kraist yetkön mönö ak kömumba kalem möriam nenġiyohotka luainöŋ malbin.

Urukalem aka keu ölni mi mohotŋe wuatangöme.

⁴ Iwinöŋ urukalemġö jöjöpaŋ keunŋi nenġiyöhi, mianġö dowök göhö könagesöurup tosatŋan keu ölnanġö dop ahakmemenŋi aka memba malje. Nöŋön silikŋini mewöŋi ekiga sösoŋgai ketanŋi ak niŋġimakza. Mewö.

⁵ *O wölböt alani ambi ketanŋi, nalö kewöŋe jöjöpaŋ keu ohom gihizali, mi keu döläkŋi qahö. Keu könakönahinġeyök könahiba mörini, nöŋön mönö keu mi kunbuk ohoba kewö qesim gihizal: Nini mönö uruninan jöpaköm anġuba malbin. ⁶ Jöpaköm anġuba malbingö keunŋi jizali, mianġö ölni kewö: Nini mönö Anutuġö jöjöpaŋ keunŋi pakpak tem köla ahakmemenŋi ak memba malbin. Körek enjön jöjöpaŋ keu könakönahinġeyök möta malgeri, mi kewö: Inŋi mönö uruninan jöpaköm anġuba malme.

⁷ Isimkakalek ambazipnöŋ Jisös Kraistköra kewö jim miwik-ŋaimakze: “Amötqeqe Tonjan gölme azi silebuk asuhumangö osiyök.” Mewö jim miwikŋaiba tilipqilip aketka enjololonj asuhumakza. Ambazip isimkakalek mewöŋi mi Kraistkö salupŋe kinda tuarenjonj ak wanġimakze. Ambazip mewöŋi gwötpukŋan lök gölmenŋi gölmenŋi liliköba lanj anda kaba malje.

⁸ Nenjön urugö nup meinga ölni urunine asuhuyöhi, mianjön sohoba pömsöm qebapuköra mötzal. Mianġöra isimkakalek ambazipnöŋ enjololonj ak enġibepuköra mönö galömŋini mem anġuba malme. Mewö malgetka uruninanġö ölnan qahö sohoiga Kembunöŋ töwanŋini körek enġim teköma.

* 1:5 Jon 13.34; 15.12, 17

⁹ Kraistnöŋ keu kusum neŋgiyöhi, kunŋan mi qahö qekötahözapmö, mi onŋita keu toroqeiga lolonqalon jimakzawi, yaŋön Anutunji qahö. Denike yeŋön Kraistkö Buŋa keuŋe qekötahözei, yeŋön mönö Iwi aka Nahön yetpuk köhöiba malje. ¹⁰ Kunöŋ Buŋa keu jömukŋi mi qahö memba eŋgöreŋ kazawi, iŋini mönö yaŋgö jölöŋi kude jiba miriŋine kude örögetka öŋgöma. ¹¹ Kunŋan yaŋgö jölöŋi jimawi, yaŋön mönö bölöŋamŋaŋgö lömbötŋi öroi qakŋe öŋgöiga öröröŋ bisimahot. Mewö.

Keu teteköŋi

¹² Nöŋön eŋgöra keu sehisehiŋi ohomamgö sihimŋi mötzalmö, mi papia sinŋe iŋknöŋ ohomamgö qahö möta mosötzal. Eŋgöreŋ kusuk kaba mesohol köla keu eraum mötpingö mamböta jörömqöröm akzal. Aitonŋöbini, nalö miangöreŋ köisirik tata eraum möta sösöŋgainini körek ahum teköba urunini kokolak qeiga malbingö mötzal.

¹³ Anutunöŋ ambi alagi galöm nupköra möwölöhöyöhi, ambi sorok yaŋgö könagesöurupŋan yaizözköŋini algetka göhöreŋ kaza.

Jongöreŋ Kimbi 3 Jonöŋ Kimbiŋi aliga 3 ahök. Jim-asa-asari

Burja Kimbi kiangö toni yaŋön nanŋi qetŋi “Jitŋememe kun,” qerök. Yaŋön Kimbi mi urumelen könaŋesö kungö jitŋememe kun qetŋi Gaius yaŋgöra alök. Gaiusnöŋ urumelen ambazip tosatŋi miri aka nene yuai baukôm engiba malök. Miangöra i möpöseim waŋgiyök aka tuaköpek azi kun qetŋi Diotrefes yaŋgöra galôm meme keu jiyök.

Buk kiangö bahöŋi bohonŋi 5 mi kewö:

Keu mutukŋi 1-4

Jonöŋ Gaius möpöseiza 5-8

Diotrefesgö galôm meme keu 9-10

Demetriusgö sösöŋgai keu 11-12

Buk kiangö keu köŋŋi bohonŋi 13-15

¹* O wölböt alani Gaius!

Nöŋön jitŋememe kun aka göbuk keu eraum mötpitköra kaba kimbi ohozal. Nöŋön keu öŋŋaŋgö dop urunan jöpakôm gihiba maljal.

² O wölböt alani, göhö uŋagan Anutubuk qekötahöba ölöwahi maljani, mi mötzal. Mewöŋanök sile unditundit mala yuai pakpak miangöreŋ töhötmöriam miwikŋaiba malmangöra Anutu köuluközal. ³Urumelen alaurup tosatŋan göhöreŋök kaba göhö kösohotki kewö nanŋöba jigetka möral, “Göŋön Anutugö keu öŋŋi pöndaŋ wuatangöba aka memba maljan.” Mewö jiget mötpiga sösöŋgai ketanŋi ak niŋgiyök. ⁴Nöŋgö (koko) gömokurupnan Anutugöreŋ keu öŋŋi wuatangöba aka memba maljei, nöŋön keu buzup mewöŋi möta öŋöŋi qahö söŋgaimakzal. Buzup murutŋi kunöŋ sösöŋgai öŋgöŋgöŋi mi qahö öŋgiri mötzal. Mewö.

Jonöŋ galôm azi qetŋi Gaius möpöseiza.

⁵ O wölböt alani, gi urumelen alaurup welen qem engiba miangöreŋ pöndaŋ kinda malakzan. Yeŋgöreŋök tosatŋan miri liliköba engöreŋ kamakzei, mi köyan köŋ engimakzan. Möt engizani me qahö, mi töndup öŋöŋanök baukôm engimakzan.

⁶ Gi urugan jöpakôm engiba malnöŋi, yeŋgöreŋök tosatŋan ki kaba mötnariŋ kambugö jeŋine könaŋangi mewö nanŋöba jiget mörin. Miangöra alaurup mewöŋan engöreŋ kamei, mi mönö baukôm engiba malnöŋga öŋöp amqeba nup memba könaŋini toroqeba anme. Nup mewöŋi mi Anutugö jeŋe dop köŋ waŋmawaŋgö dop toroqeba memba malman. ⁷Yeŋön Kraistkö buŋaya akzeangöra aka nanŋini miriŋini mosöta liliköba qetbuŋaŋi jim sehimakze. Nup mewö memba urumelenŋö kopa ambazip yeŋgöreŋök nene yuai kun qahö memakze. ⁸Miangöra Jiŋsöŋgö alaurup neŋön naninök alaurup mewöŋi köŋ öroba nanŋöm enŋiinga dop köŋma. Nini nup bahöŋi mi memba mianŋön keu öŋŋaŋgö Tonŋi mohotŋe welen qem waŋgiinga keuŋi öŋŋan sehimakŋa. Mewö.

Diotrefes ewö akanbukö galôm meme keu

* 1:1: Apo 19.29; Rom 16.23; 1 Kor 1.14

⁹Nöjñön mötnarip kambu enğöra kimbi kun ohoyal. Mi ohoyalmö, Diotrefes jitrnememe azi yanñon sutñine galöm bohonñi malmamgö sihimñi mötzawi, yanñon mönö memsepqemsep aka keunanğö kezap qahö ala nesampurek ak nenğimakza. ¹⁰Mianğ-göra nöjñon enğöreñ kabilenjak ewö, mönö yanğö ahakmemeñi bölöñi mi aukñe jibiga kewö mötme: Yanñon nenğöra luasö keu muneñi andönöñ çeçe jimakza aiga keu jijiyök qahö ahakza. Qahö! Urumeleñ alaurupnini miri lilik nup memakzei, yanñon mi qahö köl öröm enğimakza aka alaurup tosatñan köl öröm enğibingö mötzei, yanñon i anğon köl enğiba mötnarip kambuñineyök utal enğiiga yaigep erakze.

¹¹O wölböt alani! Gi ahakmeme bölöñi qahöpñö, ahakmeme ölöpñi mia mönö wuatangöba malman. Denike yeñon ahakmeme ölöpñi aka memba maljei, yeñon Anutugö nahön bóraturupñi akze. Denike yeñon ahakmeme bölöñi aka memba maljei, yeñon Anutugö könanji qahö möt kutuba sel yaigepñe malje.

¹²Demitrius azi mianğö könanji mi ölöpñi. Alaurup körekñan mewö jimakze. Keu ölnanğö Toñan nanñak mi mewöñanök nanğöba jimakza aka nenñon toroqeba yanğöra keu öröröñ jimakzin. Neñon keu jimakzini, mi keu öl töhönñi akza, mi mötzan. Mewö.

Yaizözkök keu teteköñi

¹³Nöjñon göhöra keu sehiseñiñi ohomamgö sihimñi mötzalmö, mi kirifi aka inñknöñ ohom gihimamgö dopñi qahö möta mosötzal. ¹⁴Nöjñon ösumok göhöreñ kaba gekñamgö mamböta jörömqöröm akzal. Aitonğöbini, nalö mianğöreñ ölöp mesohol köl anğuba keukeu eraum mötpin.

¹⁵Anutunöñ luai qem gihiiga malman!

Mötnarip alaurup ki maljei, yeñon yaizözkökñini algetka göhöreñ kaza. Göñon mewöñanök urumeleñ alaurup göbuk kinjei, mi nanñik nanñik yaizözkökñini jinöñga mötme!

Judagörej Kimbi Judanöj Kimbiñi alök. Jim-asa-asari

Juda mi Jisös aka Jeimsgö munñi. Tosatñan “Kraist möt narizin,” jiba keu goñgoñi ambazip kusum sohom engiba malgeri, Judanöj yengöra aka galöm meme keu ohoyök. Buña Kimbi ki töröptökñi. Keuñi mi 2 Pitö 2 keu miangö dop. Judanöj Kraistkö alaurupñi nengö urunini kewö kuñguyök, “Anutunöj nini nalö dop möt naribingöra mötnarip nenggiiga könagesourupñi akzini, enjön mönö mötnaripñinan sehiba köhöimapköra toroqeba bim qeba malme.”

Buk kiangö bahöñi bohonñi 4 mi kewö:

Keu mutukñi 1-2

Böhi sohobo ho yengö könarjini aka jimtektekötököñini 3-16

Toroqeba pöndañ möt naribingö jimkutukutunji 17-23

Kötumötuet keu 24-25

1 *Juda bisop Jeimsgö munñi nöñön Jisös Kraistkö welenñi qeba urumelen alaurup embuk keu eraum mötpingöra kaba kimbi ohozal.

Anutu Iwinöj engohola uru könömñan jöpaköm engii Jisös Kraistnöj sel jöhöm engiiga malje.

2 Anutunöj mönö ak kömumba urukalemñi kelenmaleleñ engiiga luainöj malme. Mewö.

Buña keu möwököwörangö galöm meme keu.

3 O wölböt alaurupni! Anutunöj amöt qem nenggiiga letota mohotñe Suepkö buñaya akzini, nöñön miangö keuñi jim tuariba ohom engimamgö sihimni ketanji möta malal. Mala malbi lömböriiga toroqeba mambötamgö osizal. Miangöra ohoba uruñini kewö kuñgum engizal: Anutunöj mötnaripkö keu kembangan pakpak mi ambazip sarakñi neñön memba galöm kölinga qahö utekömapköra ali buñanina akza. Miangöra böhi takapulakanji tosatñan Buña keu loloñqaloñ akepeköra mönö böñ kinda bim qeba malme.

4 Ambazip tosatñan möndöba urumelen kambu sutñine ölöñ ölölöngöba kanjotketka könarjamñini goñgoñi mi aukñe qahö asuhui malje. Anutunöj ambazip mewöñi yengö keuñini lök mönöwök jim teköiga ohogetka sihibölöñinan qakñine öngö-mamgö akza. Anutuninan keuñi ala kalem möriamñangö könarji ölna indelakzapmö, ambazip anjögjörakñinambuk mieñön mönö nanñini sero namböñnamböñini turumegöra aka kalem möriamgö keuñi mi möwököwörangöba möñaqöñaigetka bölimakza. Mewö aka nanine Ketañamñini mohot Jisös Kraist Kembu ak nenggi-makzawi, i qañ köla andö qemakze.

5 *Iñini keu pakpak mi lök nalö köröpñi möt teköba maljemö, töndup galöm meme keu ki ölum engubapuköra kunbuk kewö jim gulim engimamgö mötzal: Kembunöj könagesourupñi Ijipt kantrinöhök meköm engiiga kagetmö, könangep tosatñan nalö kunöj qahö möt narim wanñigetka mi könderjmönder ak engii ayuhuget. Galöm meme keu mi engöra aka kunbuk jizal.

6 Mewöyök Anutunöj Suep garataurupñi jakömbuak tohonñini al engiiga malgetmö, yengöreñök tosatñan urukönöp aka keu bapñe qahö anda

* 1:1: Mat 13.55; Mak 6.3 * 1:5: Eks 12.51; Jan 14.29-30

nannjini jakömbuak tohonjini galöm köl enjgibingö urumohot qahö aka seljnini kösököget. Qeçetal akerangöra aka Anutunöj i aköm enjiiga jakömbuak mirinjini mosöta etket. Etketka “Nalö ketanje keunjini jim tekömam,” jiba tapepnöj (mungamunga) gwaröhöba pandaman uruje al enjiiga tata kotkera nalö teteköj qahö tat öngöme. Galöm meme keu mi engöra aka kunbuak jizal.

7 *Tandök mohot mianjön Sodom, Gomora aka miri tosatnji liliköba tatkeri, yengören asuhuyök. Ambazip mienjön mewöñanjök serowilin aka silegö sihim kömbönanjini möwöramgöba tandökñi kun kewö aket: Azi nannjirök ambi nannjirök amimba malget. Mewö malgetka Anutunöj likepnjini melenj enjiiga könöp jitñi teteköj qahö engohoi sihimbölö möta mala kota malme. Mewö mala böhi takapulakanj yengö galöm mem angubingö kaisöpsöpnina ahakze.

8 Ambazip takapulakanj mienjön mönö nalö kewöje tandök mohot mewöñanjöhök ahakze. Jenjini melenj imutumutjni lanj eka mianggöra möndöba wuatangöba nannjini silenjanangö malmalnini mem böliba kölköljinjñ miwikñaimakze. Mewö mianjön Anutu jijiwilit aka jimongot jim wangiba kukösumñi memba et alakze. Mewö aka Suepkö bem suahö ambazip asakmararanjambuk euyangören maljei, yengöra uruqeçe keu töhören jim enjimakze.

9 *Mewö ahakzemö, Suep garata bohonj qetñi Maikel yanjön mewöyök mewö akñangö lömböriba osiyök. Maikelnöj Mosesgö qamötñangöra Bölöñangö Tonjambuk angururuk aka möndöm-kösök ahök. Mi aka öngöba erökmö, töndup uruqeçe keu töhören mi jim teköm wangimangöra awösamakak qahö miwikñaiba osiyök. Osiba kewöyök jim wangiyök, “Kembunöj mönö mindin-göm gihima.”

10 Maikelnöj mewöyök mi osiyökmö, ambazip sohoboho mienjön mönö silenjini memba öngöba Buña keu qahö möt kutumakzemö, töndup mianggöra uruqeçe keu töhören lanj jimakze. Tönpin mala sömbup soñ ewö lanlan malje. Mötkutukutuñjini ölnj qahö asuhuiga sömbup malmalgö sihimñjini ko-rembinj miyök mörakze. Nannjini sihim mötmötñjini gonjonmanjonj mienjön mönö könderj enjigetka ayuhume. 11 *Anutunöj böhi takapulakanj miengö likepnj melenj enjiiga sihimbölö ketanj mötmeangöra wöziköba Yei! jizal. Ambazip sohoboho mienjön azi Kein (Kain) yangö könanj mötöteiba anakze. Könanjep kerök azi kembu kunöj azi qetñi Balam töwa wanggiiga Israel ambazip tilipköm enjiiga janjun anget. Böhi takapulakanj mienjön Balamgö silikñi wuatangöba monen miwikñaibingöra urukönöp möta yuai ilinölan ak bibihiba lanj sohomakze. Azi qetñi Kora yanjön Moses aka Aron tuarenjon ak etkiba köndermönderj miwikñaiga ayuhuyöhi, böhi mienjön mönö Kora ewö kezapjunpup aka mala ayuhume.

12 Urumelenj enjön urukalem kondel angubingöra tokoba lömbuanj algetka takapulaka böhi mienjön mönö mianggören mewöyök kamakze. Kaba dogonjini aukñe kondela nannjanöhök gumohom anguba bau numbu nemakze. Mewö aka engö sile töwötñjini boromñi boromñi gamunjanambuk ewö akze. “Ziozgö lama galöm akzin,” jiba ala engöra qahö mötmöröba kelök keu lanj jimakze.* Kousu omanj töhöntöhön kienjini qahö mewö malgetka luhutnöj muwupatköm enjiiga lanlanj anda kamakze. Ölnj ahumapkö nalöje ipñi ipñi araronj ölnjini qahö ewö kinje. Guluj sinnjanök ewö aka mutuk köhömuñi aka

* 1:7: Jen 19.1-24 * 1:9: Dan 10.13, 21; 12.1; Ind 12.7; Dut 34.6; Zek 3.2 * 1:11: Jen 4.3-8; Jan 22.1-35; 16.1-35 * 1:12: Böhi mienjön törom ewö asamböta tatzemö, wangjenjan yengören qaköba jömgöbapuk.

jalöjnini malmal köhöiknangö könañeyök qözöla tala kunbuk kömum köhöigetka yahöt aiga köhömuñi kötökñi aka malje.

¹³ Yeñön köwet siri kukñinambuk ewö lañ kundutketka ahakmemenjan gamuñambuk mi qölqölsöut gödöwörötñambuk ewö aukñe asuhumakza. Senjelau tosatñan könañini siñgiba lañ erakzei, yeñön mönö mianğö dop janjuñ qemakze. Senjelau mienğö dop eta Anutunöñ yeñgöra pandaman göjiwinanğö uruñe miri areñgöm enğiyöhi, mönö emuyanğöreñ dutñe geba nalö teteköñi qahö tat öngöme.

¹⁴* Adamğö sakonñanğö isini qetñi Enok yanñon mewöyök ambazip takapulakanñi mienğö kezapqetok keuñini qeljiñe kewö jii ahöza: “Mötket, Kembunöñ Suep suahö ambazip töröñi tausenni tausenni janğö öngöñgöñi ketanñi mi enğömemba eta asuhume. ¹⁵ Asuhugetka körek pakpak nenğö keunini jim teköma. Ambazip anğöjörakñinambuk yeñön ahakmeme anğöjörakñambuk wuatañ-göba siñgisöndokñini anğöjörakñinambuk aka kotkeri, mi pakpak kewöta mianğö likepñi melen enğiiga körek yeñgö qakñine öngöma. Pinjit ambazip anğöjörakñinambuk mienñon keu jenöñ gege gamuñambuk mianñon Anutu jim qetal wanğiba kotkeri, mianğö likepñi pakpak melen enğiiga sihimbölöñini möta malme.” Enoknöñ galöm meme keu mewö jiyök.

¹⁶ Böhi sohoboho mienñon jimonğot aka sesekñai ewö ihururuk lañ jim anğumakze. Nanñini sihim kömbönañini bölöñi wuatañ-göba terenqereñda silenini memba öngöba jakbak-örañbörañ ahakze. Ambazip tosatñi göda qeba kelök enğuze ewö, mi yuai melenñda nanñine enğimeğö sihimñi möta kelewele ahakze. Mewö malje.

Galöm meme aka qambañ keu tosatñi

¹⁷ Mewö maljemö, wölböt alaurupni, Kembunini Jisös Kraistkö aposolurupñan böhi takapulakanñi yeñgö keuñini lök qeljiñe jiget ahöza. Inini yeñgö keuñini mi ölum enğubapuköra galömñini mem anguba malme.

¹⁸* Aposol yeñön enğöra keu kewö jiget, “Jisösgö kaka nalöñan töröiiga nalö teteköñe mianğöreñ mepaqepaik ambazip asuhume. Yeñön nanñini sihim kömbönañini bölöñi wuatañgöba malmal anğöjörakñambuk malme.” Mewö jiget.

¹⁹ Ambazip takapulakanñi mienñon mönö sutñine urujujul ak enğigetka simbisembel akepek. Uña Töröñan qahö sölölohöm enğiiga gölmeğö sihim kömbönañi bölöñan galöm köi enğiiga mi wuatañgömake. ²⁰ O wölböt alaurupni, Anutunöñ mötnariñ qainñi kun enğiyöhi, mianñon mönö tandöñini bohonñi öngöñgöñi ewö akza. Enñon mönö mötnariñ mianğö qakñe kinda nanğöm anğuba köhököhöi miwikñaimakñe. Uña Töröñan inahöm enğimakzawanğö dop mönö yanğö ösumnöñ kinda köuluköba malme. ²¹ Anutunöñ jöpaköm enğimakzawi, inini mönö yanğö urukalemñe böñ qeba kinme. Kembunini Jisös Kraistnöñ ak-kömükömu enğiba kunbuk asuhuba malmal köhöikñe anğota oyaenköyaen malme. Inini mönö nalö mi kam kunğumapköra kapanñi köla mamböta malme.

²² Ambazip uruñini melenbingö uruyahöt akzei, mi mönö ak kömumba urukalem ak enğiba malme. ²³ Tosatñan köñöp bölamnöñ an taköbingö tandök akzei, i gebepuköra mönö wölañ öröba bohonñini jöhöm enğigetka letotpeak. Tosatñan sihim kömbönañini bölöñan galöm köi enğiiga qemasolokep maljei, i mönö ak kömumba jöpaköm enğiba malme. Mewö malmemö, nanñini

* 1:14: Jen 5.18, 21-24 * 1:18: 2 Pitö 3.3

malmalɲinan bölibapuköra mönö keŋgötɲini möta malme. Qemasolokep yeɲön siŋgisöndokɲi siŋgisöndokɲi aketka mianɲön uruɲini silenɲini kokolak qeiga aukɲe töwiba maljei, yeŋgöra mönö galöɲini mem aŋguba malme. Kölkölɲiɲiɲi akepuköra mönö opo sörorɲini töwötɲinambuk mi tok sisitɲini memba kude misirime. Mewö.

Möpömpösei keu

²⁴ Mönö Anutu möpöseimakin. Yaɲön iɲini tala et enguba-puköra sel jöhöm engimangö köhöiza. Yaɲön ölop enɲuaŋgita nanɲi je mesoholɲe al engii aŋgota solanɲi keuɲini qahö kinda asakmararanɲi eka söŋgaiba köiraɲ köla malme.

²⁵ Anutu mohotɲan Amötqeqe Tonini akza. Kembunini Jisös Kraistnöɲ nam köl neŋgiiga Anutu möpöseim waŋgiinga qetɲi aködamuraɲambuk aka ahöma. Yaɲön möpɲaŋgö möpɲeyök könahiba kota Öŋgöŋgö-ɲamnini kukösumɲambuk akza aiga nalö kewöɲe toroqeba yuai pakpak ösum-mumuraɲ galöm köla nalö teteköɲi qahö Kembu ak neŋgiba malma. Keu mi öɲa.

Indelindel keu Kraistnöŋ keu tölapŋi Jongöŋ indelök. Jim-asa-asari

Jisösnöŋ gölme mosöta Suep mire öngöiga yambu 65 miangö dop teköiga aposol Jonöŋ Kimbi ki ohoyök. Nalö miangöŋ urumelen könagesö Jisös möt narigeri, i sesewerowero ketanji ak engiget. Jon mi gölme jölanŋi qetŋi Patmos miangöŋ al wangigetka kösö mire ewö tarök. Patmos maliga Anutunöŋ jeni melenjiga yuai könangep asuhumapkö imutŋi ehök.

Keu bohonŋi kewö: Jisösnöŋ Satan aka kerökurupŋi pakpak luhut ala memba et al engim teköma. Mewö aka mötnarip ambazip kötuetaköm nenjiiga Suep dölökŋi aka gölme dölökŋi miangöŋ angota teteköŋi qahö oyaenkoyaeŋ malbin. Sesewerowero uruŋe malgeri, yeŋön lömböt möta mököstönda Jisös möt nariba pöndaŋ böŋ qeba kinmegöra kuŋgum engimakza. Jisösnöŋ keuŋi keuŋi mewöŋi jim kutuba indeliga Jonöŋ möta Kimbi ki ohoyök. Mi urumelen ambazip urunini nangömamgöra aka ohoyök. Söpsöp keu aka keu tölapŋi mi gwötŋuk. Keu tosatŋi möt kutubingö möt bibihizin.

Buk kiangö bahöŋi bohonŋi 11 mi kewö:

Keu mutukŋi 1.1-8

Zioz kambu 7 yeŋgö kimbiŋini 1.9-3.22

Kimbi köpöp supap 7:ŋan jöjöhöŋi 4.1-8.1

Tömun qainŋi kun 7 uget 8.2-11.19

Sekak namŋi aka jemnemba yahöt 12.1-13.18

Jemelen imutimut könaŋi könaŋi 14.1-15.8

Anutugöŋ irimsesewöl qambi 7 mokoget 16.1-21

Babilon siti, jemnemba, kezapqetok takapulakanŋi aka Satan yeŋgö ayuayuhu 17.1-20.10

Jimtekötekögö nalö ketanŋi 20.11-15

Suep gölme dölökŋi aka Jerusalem dölökŋi 21.1-22.5

Keu kötŋi teteköŋi 22.6-21

¹ Anutunöŋ yuai könangep zilaŋ asuhumawi, miangö könaŋi nup memeurupŋi nenjöra kondel nengimapkö möta Jisös Kraistköra kondela kezapqetok keu jiba indelök. Indeliga Suep garata kun melaiiga welenqeqeŋi Jon nöŋgöŋ kaba jüga möral.

² Jisös Kraistnöŋ Anutugöŋ Buŋa keu nangöba jim asariba kondel niŋgiiga Jon nöŋön yuai mi jeni melenjiga uba ehali, mi pakpak miangö dop toroqeba nangöba jim asariba ohozal. ³ Kunŋan kezapqetok keu ki oyoŋmawi, yeŋön mönö simbawoŋ aka. Jisösgö kaka nalöŋan töriza. Miangöra kimbi kiangöŋ keu ohoi ahözawi, ambazip mi kezap ala mötmei aka mi möt sölöngöba angön kölmei, yeŋön mewöyök simbawoŋ akze. Mewö.

Jonöŋ Eisia prowinsgö zioz kambu 7 yeŋgö jölöŋini alök.

⁴ *Jon nöŋön Eisia prowinsgö zioz kambu 7 engöra kewö ohozal:

Kunöŋ mal köhöizawi, möpŋangö möpŋeyök mala koröhi, aka kunbuk lilingömawi, yeŋön mönö kalem möriam engiiga luainöŋ malme. Mewöŋanök Anutugö uŋa bohonŋi 7 yeŋgö jakömbuak dum wösöŋe kinjei, yeŋön mönö kalem möriam engigetka luainöŋ malme.

* 1:4: Eks 3.14; Ind 4.5

5 *Jisös Kraistnöj Anutugö könañi pöndañ nanğöba jim asariba mala mutukña kömupnöhök wahörök. Yanñon gölmegö kiñ kembu yengö Kembuñini akza. Yanñon mönö sepñan sanğonđa sinğisöndoknineyök pösat nenğiba jöpaköm nenğimakza. 6 *Yanñon nini nanñi bemtohoñe ala mem letot nenğigiga kiñ ewö akzin. Buña nup galömurupñi (prist) aka nanñi Iwi Anutuñanğö welenni qemakzin. Neñon yanğö qetbuñanñi aka kukösumñi möpöseininga nalö teteköñi qahö aködamunñambuk ahöm öñğöma. Keu mi öñja.

7 *Eket, Kraistnöj mönö kousu uruñe eta kama! Kamawi, nalö mianğoreñ nini körekmakörek i jeninan uba ekin. Börö marömñi qetohogeri, yengö mönö mewöyök i ekñe. Ambazip kambuñi kambuñi gölme dop tat anjini, neñon mönö i eka körekmakörek yanğöra aka jinğen köla amburereñ akin. Keu mi ölböñja, uruyahötñi kun qahö.

8 *Kembu Anutu mal köhöizawañon kewö jiza, “Nöñon mutuhök mala (yuai pakpak miwikañiba könañep jiba qahöwahiga) qöndökña mal öñğömam. Mianğö dop nöñon kulem namñi mutukñi A aka kulem namñi qöndökñi Z akzal.” Nöñon kukösum pakpakö Tonñi möpñanğö möpñeyök mala kota maljal aka kunbuk lilingömam. Mewö.

Suep gölmegö azi öñjanğö tandökñi kewö ehal:

9 Jon nöñon enğö urumelen neñakñini akzal. Kraistpuk qekötahöbiga nanñi bemtohoñe al ninğigiga ambazipnöj sihimbölö ak ninğigetka wahöjalini mörakzal. Mi embuk möta mököşonđa kapañ köla köhöiba kinjal. Anutugoreñ Buña keu jim sehiba Jisösgö könañi nanğöba jim asariba malalanğöra nömemba köwet jölanñi qetñi Patmos* mianğoreñ al ninğiget malal. 10 Kembugö sonda kendon tatat nalö kunöñ Uña Töröñon nömeiga alburup umunñan qakne öñğöiga andöneyök qet ketañi kun möral. Qet kourukñi mi tömun qainñi kun (biugel) qetzawi, mianğö tandöktandök ahöyök.

11 Qet mianñon kewö jiyök, “Öroyuai uba ekñani, mianğö keunñi mönö kimbi köpepnöñ ohoman. Ohoba alnöñga zioz kambu 7 yengöreñ anma. Siti 7 miengö qetñini kewö: Efesus, Smörna, Pergamum, Taiataira, Sardis, Filadelfia aka Laodisia.”

12 Keu mewö jüiga ötöñi mörali, “Mi dañon?” jiba eka mötmamğöra lilingöyal. Lilingöba kinda lambegö dum tatat goulnöj memerñi 7 kingetka ehal. 13 *Lambegö dum tatat miengö sutñine azi kun ekiga kaisongolomñan gölme azigö tandök ahök. Malukuñi köröpñi köla öroiga köna susuñe eta turuyök. Opo jöhan manğihilakñi goulñambuk mi örigit ewö töptöpñe embahöm anğuba kinök.

14 Nöröp jupñan tuat lalamñi kousu köpköp (snow) ewö ahök. Lama jupñi sanğongetka tuarizawi, mönö mianğö dop ehal. Jekötñan könöp bölam ewö jem asariiga kinök. 15 Köna susuñan sösonihiba gohotñi ahök. Ain bras könöpñon ala delasi ohogetka jeiga göğöriñ tohomakzawi, mönö mianğö dop kölköl-bilikbilikñambuk ahöyök. Keu jüi mörali, mi o ketanñan sianöñ giliga

* 1:5: Ais 55.4; Sum 89.27 * 1:6: Eks 19.6; Ind 5.10 * 1:7: Dan 7.13; Mat 24.30; Mak 13.26; Luk

21.27; 1 Tes 4.17; Zek 12.10; Jon 19.34, 37 * 1:8: Ind 22.13; Eks 3.14 * 1:9: Patmos mi köwet jölanñi moröñi (Yurop aka Afrika) Sutñire Köwet mianğoreñ ahöza. Efesus mösöta Saut göröken 80 kilomita anman. Rom gawman yengö kegwek-kahasiliñ ambazip keunñi jim teköba közöla enğuanğitketka mianğö köşö mirinöñ malget. Ölöñ kölbingö osiget. Gölime mi qararanğölköñja, köñi sehisheñi. Jonöñ yengö sutñine maliga sisa-kiñ Nerwagö nalöñe (yara 96-98) pösatketka erök. * 1:13: Dan 7.13; 10.5, 14-15; Dan 7.9; 10.6, 15; Eze 1.24; 43.2, 17; Ais 44.6; 48.12; Ind 2.8; 22.13

ötöŋi ketanji mörakzini, mönö mianğö dop ahöyök. ¹⁶ Böröŋi ölŋan senğelau 7 memba kinök. Numbuŋeyök bingö sou ketanji (bainat) jityahötni likelike zuluk alalŋan erök. Jemesoholŋan wehön jeni körek asarim tekömakzawanğö dop asariğa ehal.

¹⁷ Nöŋön i eka uruni duhui yanğö kónaŋe tala eta kömup tandök ahöyal. Mewö ahöbiga böröŋi ölŋan nöŋöŋ nööröpne ala kewö jiyök, “Mönö keŋğötki kude mötnöŋ! Nöŋön mutuhök mala (yuai pakpak miwıŋıaıba kónaŋgep jıba qahöwahıga) qöndökŋa mala öŋğömam.

¹⁸ “Nöŋön malmal Tonji akzal. Kömumba malalmö, mötnöŋ, nöŋön mönö gulıba wahöta malmal köhöikŋi teteköŋi qahö mal öŋğömam. Nöŋön kömupkö kondotkondot Tonji galöm köla kömupkö uŋem miri Tonji onğita kiŋi moröŋi memba maljal. ¹⁹ Mianğöra yuai nalö kewöŋe asuhuzawi aka kónaŋgepŋe asuhumawi, nöŋön mianğö kónaŋi kondelbi ekŋan. Yuai ekŋani, mi mönö papianöŋ ohonöŋga ahöma. ²⁰ Senğelau 7 böröni ölŋe ahözei aka lambegö dum tatat goulnöŋ memeni 7 ekzani, mienğö kónaŋini tölapŋi kewö: Senğelau 7 mi zioz kambu 7 mienğö garata galömmıanğö söpsöp akze. Lambegö dum tatat goulnöŋ memeni 7 mienğön mönö zioz kambu 7 mienğö söpsöp akze.” Mewö.

2

Efesus urumelen kónagesö yenğö qambaŋ keu

¹ Jısösönöŋ toroqeba jiyök, “Jon göŋön mönö Efesus sitigö zioz kambu yenğö pom garatanıanğöra kimbi kewö ohoman,

“Kunöŋ böröŋi ölŋan senğelau 7 memba lambegö dum tatat goulnöŋ memeni 7 mienğö sutŋine anda kaba kinakzawi, yanğon keu kewö jiza: ² Nöŋön göhö ahakmemegahö kónaŋi möt kutubi kewö ahöza: Göŋön nöŋğöp ariba nupni köhöikŋanök memba malakzan. Anğösirip kapaŋ köla möta mököşöŋda malakzan. Ambazıp goŋgoŋi yembuk ala qahöpmaöhöp aka ölŋa qepureıba közöl enğimakzan, mi mötzal. Tosatŋan melaimelai azi aposol qahö aka töndup qetŋini mewö qerakzei, göŋön i esapesapnöŋ ala kewöt enğinöŋga munen jıjınıanğö kónaŋinan aukŋe asuhuyök.

³ “Tosatŋan nöŋğö qetnanğöra aka kahasililıŋ ak gihigetka sihimbölö kapaŋ köla möta mököşöŋda malnöŋ. Ösummeret ölan qahö aka malnöŋmö, yuai pakpak möt köşöŋda kinda malnöŋ, mi mötzal. ⁴ Mewö malnöŋmö, urugahö keu kun kewö mötŋi qahö dop kölja: Mutuhök urugi melenđa önöŋi qahö jöpaköm niŋgıba malnöŋmö, urugan mönö sörauıga nalö kewöŋe amörıba maljan.

⁵ “Mutuhök urusösöŋgai ketanji möta malnöŋmö, mianğöreŋök löwöriba eta eta amörıba et qeba maljan. Gi mönö nangi kónagi mi mötmörıba möt kutuman. Mianğöra mönö urugi melenman. Mutuhök urumelenğö yuaini aknöŋi, mönö mianğö dop kunbuk suarıba akŋan. Urugi sıŋgisöndok mianğöreŋök qahö melenman ewö, nöŋön mönö göhöreŋ kaba lambegö dum tatatki qeköbiga urumelen kónagesö Efesus mianğöreŋ kunbuk qahö ahöma. ⁶ Et guhuyökmö, göhöra kewö mötŋi ölöwakza: Göŋön Nikolait yenğöreŋ ahakmemeŋini tököba uru önon ahakzan. Nöŋön mewöŋanök mi tököba mianğöra uru önon ahakzal.

⁷ * “Enğöreŋök kunŋan kezapŋambuknöŋ malja ewö, Urja Töröŋan zioz kambuŋi kambuŋi neŋğöra keu jimakzawi, yanğon mönö mi kezap ala möt kutama.

* 2:7: Jen 2.9; Ind 22.2; Eze 28.13; 31.8

“Kunjan esapesap bölöni pakpak ongita luhut almawi, nöñön mönö i wangitpiga Anutugö oyaenköyaen nupnön (paradais) euyangören öngöba malmal köhöiknangö ip aumje tata kötni nemba malma.” Mewö.

Smörna urumelej könagesö yenjörej qambañ keu

8 * “Smörna sitigö zioz kambu yenjö pom garatanjanangöra mönö kimbi kewö ohoman,

“Kömumba guliba mal köhöizawañön mutuhök mala (yuai pakpak miwikñaiba könanjep jii qahöwahiga) qöndökña mal öngömawi, yanñon keu kewö jiza: 9 Göñön wahöjalij möta etqegeñi akzani, mi mötzalmö, Anutugö jeñe qetbujanagan öngöñgöñi aiga simbawon akzan. Tosatjan Juda ambazip qahö aka töndup qetjni mewö qerakzei, yenñon mepaqepaik aka andö qem gihigetka angösirip mörakzani, mi mötzal. Yenñon ‘Köuluk miri ölni akzin,’ jiba aiakanjan Satan möpöseimakze.

10 “Sihimbölö möta malmanmö, miangöra kenjötki kude mötman. Mötnöñ, Bölöñangö Tonjan esapesapnön al engimangöra ambazip kunjum engiiga engörenök tosatni engömema kösö mire al engime. Angösirip ak engime, inini mi silim 10 möta malme. Malbeak me kömumbeak, mönö nömbuk pöndañ kingetka nöñön malmal köhöiknangö ila jalöñi engimam.

11 * “Engörenök kunjan kezapñambuknön malja ewö, Uña Töröñan zioz kambunji kambunji nenjöra keu jimakzawi, yanñon mönö mi kezap ala möt kutuma.

“Kunjan esapesap bölöni pakpak ongita luhut almawi, yangö silenjan kömuiga mohot akñapmö, kömup yahötñi qahö kömumba genmororon qahö miwikñaima.” Mewö.

Pergamum urumelej könagesö yenjö qambañ keu

12 “Pergamum sitigö zioz kambu yenjö pom garatanjanangöra mönö kimbi kewö ohoman,

“Kunöñ bimö sou ketanji (bainat) jityahötñi likelike zuluk alalñi memba maljawi, yanñon keu kewö jiza: 13 Göñön malmal tatatki denike ala maljani, mi mötzal. Satanön nanjak jakömbuak dum tatatñi ali ahözawi, gi mönö miangö kösutñe malakzan. Töndup nöñgö qetni memba nömbuk toroqeba qekötahöba kinakzan. Satangö malmal tatatñi Pergamum siti miangören ahöiga Antipas yanñon nöñgö könanjamni nanjöba jiba jembon onji nene (qariwe ilikñi nene) ewö kinökmö, i engö sutñine miangören qeget kömuyök. Göñön ni möt narim ningimakzani, keu mi nalö miangören mewöyök qahö köyatiba qañ kölnöñ.

14 * “Mewömö, urugahö keu moröñi kun kewö mötpi qahö dop kölja: Göhö könagesö sutñine tosatjan kezapqetok azi takapulakanji qetñi Balam yangö janjuñbuk mala wuatangömakze. Kantri tosatñi yenñon nene memba tandö lopion yenjö naluk kötin bunja qeba könanjne algetka ösumñinan walöñnöhi, Israel ambazipnön mi qahö nezema. Mutuk qahö negetmö, Balamnön azi qetñi Balak kewö kusum wangiyök, ‘Gi mönö Israel ambazip mi nemegöra tutuhum engiman.’ Mewö kusuba kunjum engiba simba ewö utuba alöhi, yanñon mönö miangören qaköba amqeba neget aka serowilin lan aket. Engörenök tosatjan Balamgö mötmöt mi wuatangömakze.

* 2:8: Ais 44.6; 48.12; Ind 1.17; 22.13 * 2:11: Ind 20.14; 21.8 * 2:14: Jan 22.5, 7; 31.16; Dut 23.4; Jan 25.1-3

15 “Mewōñanök göhö könagesö sutñine tosatñan Nikolait yengören mötmöt munenji memba wuatangōmakze. 16 Mianğōra gi mönō urugi melenman. Mewō qahō akñan ewō, nōñon mönō zilañ göhöreñ kaba könagesōurupki mewōñi mi qetal engimam. Numbune bimgō sou ketanji (bainat) ahōzawi, mianñon mönō yarō gil engimam.

17 * “Engörenök kunñan kezapñambukñōñ malja ewō, Uña Törōñan zioz kambuñi kambuñi nenğōra keu jimakzawī, yaññon mönō mi kezap ala möt kutuma.

“Kunñan esapesap bölōñi pakpak oñgita luhut almawi, nōñon mönō nene tōlapñi qetñi mana aka köt tuatñi wañgimam. Yahōt mi wañgibiga köt tuatñi mianğōreñ qetñi dōlōkñi ohogetka ahōmawi, mi nanñök oyoñda mötma. Tosatñan mi qahō mötme.” Mewō.

Taiataira urumelenj könagesö yengō qambañ keu

18 “Taiataira sitigō zioz kambu yengō pom garatanñanğōra mönō kimbi kewō ohoman:

“Anutugō Nahōññangō jekōtñan könöp bölam ewō jem asariiga kōna susuñan sōsōnihibā ain bras ewō kōlkōl-bilikbilikñambuk akzawī, yaññon keu kewō jiza: 19 Nōñon göhö ahakmemegahō kōnañi möt kutubi kewō ahōza: Göñon Anutu jōpakōba möt narim wañgiba nupñi memakzan aka angōsirip kapañ kōla möta mökōsōñda malakzan. Kōnakōnahiñe yuai aka menōñi, mi mönō nalō kewōñe mem sehiba aka memakzan.

20 * “Mewō memakzanmō, urugahō keu kun kewō mötpi qahō dop kōlja: Göñon ambi qetñi Jezebel yambuk urumohot aka i qahōpmahöp qepureim wañgimakzan. Yaññon kezapqetok ambia qahō akzapmō, tōndup nanñi qetñi mewō qerakza. Yaññon ambazip tutuhuba kewō kusum engimakza: Tandō lo-pionğō naluk kōtin neneya buña qeba kōnañine algetka osumñinan walōññōhi, mi mönō ölöp nembra malme. Mewō kusum engiba nup meme alaurupni kunğum engiiga löwōriba janjuñ anda mi nemakze aka serowilin lan ahakze. 21 Nōñon Jezebel uruñi melenmapkōra nalō wangialmō, serowilinñi mosōta uruñi melenmapkō qahō möta tōndup malja.

22 “Mianğōra nōñon ambi mi qeiga kawōl yōhōiga salōkñōñ ahōba sihimbölō mötma. Mewōyök yambuk sero yoñgorō ahakzei, yaññon ahakmemenini bölōñi mi qahō mosōta uruñini melenme ewō, nōñon mönō i mohot engubiga sihimbölō kanjamñambuk mötme. 23 * Yañğō nahōñbōraturupñi i mönō engum kōñjōratpi kōmume. Mewō akiga zioz könagesō körek enñon engeka nōñğō kōnani kewō möt yakōme: Nōñon ambazip urumōtmōtñini kewōta jit aka urusihimñini körek möt kōmumba ahakmemeninañğō dop likepñi melenja körek mohot mohot engō qakñine öñğōma. Nōñonök mönō mianğō Tonji akzal.

24 “Yengōra mewō asuhumapmō, Taiataira engörenök tosatñan Jezebelğō mötmöt areñi mi qahō wuatangōmakze. Mewō qahō aketka engōra mepaqepaik kewō aka jim engimakze, ‘Inini mötmöt öñğōñğōñangō kōnañi qahō möt kutuba yaigep malje.’ Mepaqepaik mewō jiba ak engimakzemō, Satangō buña mötmōtkōra qet mewō qerakze. Nōñon zioz kambu körek engōra kewō jibi mötme: Nōñon lömböt kun qahō suariba albi engō qakñine öñğōma. 25 Inini Buña keu memba maljei, mönō mianğōreñ qekōtahōba malme. Nōñon kunbuk lilingōmamangō dop mönō mia wuatangōba malme.

* 2:17: Eks 16.14-15; 16.33-34; Jon 6.48-50; Ais 62.2; 65.15

* 2:20: 1 Kiñ 16.31; 2 Kiñ 9.22, 30

* 2:23: Sum 7.9; Jer 17.10; Sum 62.12

26 **“Kunḡan esapesap bölöḡi pakpak oḡgita luhut ala kömumawaḡö dop mönö töndup jitni tem köla ahakḡawi, nöḡön i kukösum waḡgibiga kian kantriḡi kantriḡi galöm köl eḡgiba malma. 27 Iwinan kukösum niḡgiiga mi buḡa qem aḡguba Kembu maljal. Mewöḡanök eḡḡöreḡök kunḡan luhut almawi, nöḡön i jakömbuak nupkö ilaḡi aka ain öroḡḡi waḡgimam. Mi waḡgibiga miaḡön gölmeḡi gölmeḡi ambazip galöm köl eḡgiba köhöikḡanök mindiḡöm eḡgiba malma. Gwaköm kimbut öroḡḡi qeba qesinḡei, yaḡön mönö miaḡö dop qeḡetal ambazip öroḡḡi pöwöwöm köhöikḡi miaḡön eḡguba köndeḡda mendeḡ eḡgiiga qeḡelanḡal malme. 28 Mewöyök söḡaḡö undi seḡgelau waḡgimam.*

29 *“Eḡḡöreḡök kunḡan kezapḡambuknöḡ malja ewö, Uḡa Töroḡan zioz kambuḡi kambuḡi neḡḡora keu ḡimakzawi, yaḡön mönö mi kezap ala möt kutuma.” Mewö.*

3

Sardis urumelenḡ könaḡesö yeḡḡö qambaḡ keu

1 Jisösnöḡ toroḡeba kewö ḡiyök, *“Sardis sitigö zioz kambu yeḡḡö pom garataḡinaḡḡora mönö kimbi kewö ohoman,*

“Kunöḡ Anutugö uḡa bohonḡi 7 aka seḡgelau 7 mi böroḡe ahöi memba maljawi, yaḡön keu kewö ḡiza: Nöḡön göhö ahakmemegahö könaḡi möt kutubi kewö ahöza: Göḡön ambazip jeḡine guliba maljanaḡḡö qeḡḡi bisimakzanmö, Anutugö jeḡe köhömuḡi akzan. 2 Miaḡḡora mönö imbiḡi möta wahötman. Göhö ahakmemegan nöḡḡö Anutunaḡḡö jeḡe aködamunḡambuk qahö akza. Göhö könaḡamḡi kewöta mewö miwikḡaijal. Göhö könaḡesö uruḡe urumelenḡ ambazip tosatḡi kunbuk malḡemö, yeḡön mewöyök kömum taköbingö akze. Miaḡḡora göḡön mönö mem köhöim eḡgiba malman.

3 **“Anutugö yuai gihigetka buḡa qem aḡguba mötnöḡi, mi mönö urukönömḡe ḡöhöba mötmöriman. Buḡa mi mönö tem köla urugi melenḡman. Guliguli qahö malman ewö, nöḡön mönö yoḡḡorö meme ewö ölöḡ kaba asuhumam. Kamamaḡḡö aua nalöḡi qahö mötnöḡga keunan mönö zilaḡ qake öḡḡoḡa lömböt miwikḡaiman. 4 Mewömö, Sardis zioz kambu eḡḡö sutḡine ambazip awamdökḡi eḡön opo söroḡḡini ölöḡḡanök galöm kölḡetka töwötḡambuk qahö akze. Miaḡḡora yeḡön ölöḡ maluku tuatḡan sileḡine löḡḡöta nömbuk anda kaba malme. Yeḡön mönö mewö aka malmeaḡḡö dop akze.*

5 *“Kunḡan esapesap bölöḡi pakpak oḡgita luhut almawi, yaḡḡora mönö maluku tuat lalamḡi waḡgigetka köla malma. Yaḡḡö qeḡḡi malmal köhöikḡaḡḡö buk papianöḡ ohoget ahözawi, nöḡön mi qahö kutumam. Iwinanḡḡö jemesoholḡe aḡgoriga Suep garataurupḡan eketka qeḡḡi ölöḡ aukḡe ḡim miwikḡaim eḡgimam.*

6 *“Eḡḡöreḡök kunḡan kezapḡambuknöḡ malja ewö, Uḡa Töroḡan zioz kambuḡi kambuḡi neḡḡora keu ḡimakzawi, yaḡön mönö mi kezap ala möt kutuma.” Mewö.*

Filadelfia urumelenḡ könaḡesö yeḡḡö qambaḡ keu

7 **“Filadelfia sitigö zioz kambu yeḡḡö pom garataḡinaḡḡora mönö kimbi kewö ohoman,*

* 2:26: Sum 2.8-9 * 3:3: Mat 24.43-44; Luk 12.39-40; Ind 16.15; Eks 32.32-33; Sum 69.28; Ind 20.12; Mat 10.32; Luk 12.8 * 3:7: Ais 22.22; Job 12.14

“Kunöŋ Azi Töröŋi aka Ölbölŋi aka kiŋ Deiwidkö ki moröŋi memba galöm köla maljawi, yaŋön keu kewö jiza: Yaŋön nanŋu metaliga kunŋan mi köla kiŋi memangö osima. Yaŋön mi köla jöhöiga kunŋan mi musulmamgö osima. ⁸ Nöŋön göhö ahakmemegahö könäŋi ölop möt kutuzal. Alani mötnöŋ, göhö ösumgan eretŋi akzawi, mi mötzal. Eretŋi akzapmö, göŋön mönö nöŋgö Buŋa keuni tem köla könani wuatangöba qetni qahö qan köla malnöŋ. Miangöra nöŋön nanŋu kun wösöge metalbiga kunŋan mi kölmamgö osima.

⁹ * “Mötnöŋ, kambu kun yeŋön ‘Köuluk mirininambuk akzin,’ jiba aiakanjanan Satan möpöseimakze. Juda ambazip qahö aka töndup qetŋini mewö qeta muneŋ jimakze. Nöŋön ambazip mi kuŋgum engibiga göhö könangami möt asarime. Mi möt asariba kaba göhö könage sipköba eta jöpaköm gihimakzali, mi aukŋe jim miwikŋaime. ¹⁰ Nöŋön kapaŋ köla lömböt möta mökösoŋda kin köhöimangö jiali, göŋön nöŋgö jimkutukutuni mi anŋön köla wuatangöba malnöŋ. Miangöra nöŋön mewöyök gi kewö anŋön kölgihimam: Wahöjalinŋ nalö tandökŋi kun kaba kantriŋi kantriŋi dop köla gölmenöŋ mal anjei, mi esapesapnöŋ al engima. Nalö mianŋön kam kuŋguiga nöŋön gi wahöjalinŋ miangöreŋök meköba bohongi jöhömam.

¹¹ “Nöŋön mönö zilaŋ liliŋgöba kamam. Kunŋan utum gihiba ila jalö memeneŋ luhut al gihibapuköra mönö urugö inap ahöm gihizawi, mi mönö töp memba malnöŋga qahö sohoba kahaimök ahöma. ¹² *Kunŋan esapesap bölöŋi pakpak onŋita luhut almawi, nöŋön mönö i wangita nöŋgö Anutunangö möpömmöpösei jike (tempöl) uruŋe kuŋgubiga tandöŋi akŋa aka nalö kunöŋ mi kunbuk qahö mosötma. Miangöreŋ maliga sileŋe nani Anutunangö qetŋi, Anutugö sitiŋangö qetŋi aka nani qetni döläkŋi qet karöbut mi ohomam. Anutunan Jerusalem sitiŋi döläkŋi mi nanŋi mire euyangöreŋ ali ahözawi, mianŋön Suepnöhök eta gölmenöŋ asuhuma.

¹³ “Engöreŋök kunŋan kezapŋambuknöŋ malja ewö, Uŋa Töröŋan zioz kambuŋi kambuŋi neŋgöra keu jimakzawi, yaŋön mönö mi kezap ala möt kutuma.” Mewö.

Laodisia urumelen könagesö yeŋgö qambaŋ keu

¹⁴ * “Laodisia sitiŋgö zioz kambu yeŋgö pom garatanjanangöra mönö kimbi kewö ohoman,

“Kun qetŋi Amen. Yaŋön Anutugö keuŋi pöndaŋ nanŋöba Dangunu ölbölŋi akza. Anutu bauköiga yuai pakpak miwikŋaiyohotka galöm kölakzawi, yaŋön keu kewö jiza: ¹⁵ Nöŋön göhö ahakmemegahö könäŋi möt kutubi kewö akza: Urugi qahö amöriza aka nöŋgö könöp bölamnan uruge qahö jemakza. O urugan amöribawak me könöwibawak, mianŋön mötŋi dop kölbawakmö, jöŋaŋe malnöŋga qahö dop kölja.

¹⁶ “Kun me kun dop kölbawakmö, urugan borom kun könöpkönöp aiga könöpkan qahö jezawi me uruamöt qahö akzani, mi qahö dop kölja. Könöp aka amöt sutŋire uruyahötnöŋ laŋ maljanangöra mönö numbuneyök söwötköm gihibi geman. ¹⁷ Nangi silegi mem öŋgöba kewö jimakzan: Nöŋön azi kindiŋbirik qetbuŋanambuk akzal. Sukinap mem sehiba dopne miwikŋaizal. Siyonsayonŋi qahö mala yuai kuŋgöra qahö osizal. Mewö jimakzanmö, könangami ölnŋi qahö möt kutuzani, mi kewö: Göŋön mönö kumkanjam aka tapötkokorok (dabökokorok) malnöŋga tosatiŋan wösömötmöt ak gihimakze. Wanapŋi mala jeŋi gömöliiga tiktauk sile aukŋe malakzan.

* **3:9:** Ais 49.23; 60.14; 43.4 * **3:12:** Ind 21.2; Ais 62.2; 65.15 * **3:14:** Qam 8.22

18 “Miangöra qambañ keu kewö gihizal: Göñön nöngöreñök yuai karöbut ki söñgöronji meman: Azi kindiñbirik qetbuñagabuk akñangöra mönö goul könöpnöñ delasi ohoba gödöwörötñi mendenget sösonihiba eta qahöwahöhi, mi mönö bohonñi meman. Sile aukñe malakzani, miangö gamuñi közambötmiangöra mönö maluku tuatñi bohonñi memba löngötman. Jegi gömölizawi, miangöra mönö jepisik kelök mi bohonñi memba jegi törörök umangöra miriman. 19 *Nöñön wölböt alaurupni jöpaköm enjimakzali, mi körek bölöñamñinanğöra tembula jim enğiba mindiñqindiñ ak enjimakzal. Ölöwakñegöra mewö ahakzal. Miangöra gi mönö jaulalan mosöta urugi melenđa singisöndoki andö qeba malman.

20 “Mötnöñ, nöñön nanğunöñ qeba kinjal. Kunñan nöngö keu imbini möta uru nanğunji musulmawi, nöñön mönö yangö miri uruñe öngöba yambuk tatpi yanñon nömbuk köisirik tata mohotñe nene nembit.

21 “Nöñön esapesap bölöñi pampak onğita luhut ala Iwinan noañgiri yangö jakömbuak dumñe eta qöhöröñe tatzal. Miangö dop kunñan esapesap bölöñi pampak onğita luhut almawi, nöñön mönö i wanğitpiga nöngö jakömbuak dumne eta qöhöröñe tatma.

22 “Enğöreñök kunñan kezapñambukñöñ malja ewö, Uña Töröñan zioz kambunji kambunji nenğöra keu jimakzawi, yanñon mönö mi kezap ala möt kutama.” Mewö.

4

Jeni melenñiga kunöñ Suep jakenöñ tariga ehal.

1 Miangö andöñe jemelen kunbuk asuhuiga Suep miri nanğunji kun anañjiiga ehal. Ekiga imbi mutuk tömun qainñi kun (biugel) ewö keu jiiga mörali, yanñon mönö suariba kewö jiyök, “Gi mönö kewö kotnöñga andöñe yuai asuhumawi, mi kandel giñhimam.”

2 *Mewö jiiga miangöreñök Uña Töröñan nömeiga alburupñan qakne öngöiga yuai kewö ehal: Suep miri uruñe jakömbuak dum ahöiga kunñan miangöreñ tarök. 3 Taröhi, yangö jemesoholñangö asakñan mönö eröknam me jamönñiñ qetñi jaspö aka wale bönbönñi me köt qetñi karnilian miangö dop gilikbilikñambuk asariba ahöyök. Kiam nesilam kun kulem mundañi mumunene kamböñi me jamönñiñ qetñi emerald ewö mianñon jakömbuak dum mi lökñanök liliköba töñğönñi göröhiba ahöyök.

Dum bohonñi liliköba dum 24:ñan tatze.

4 Jakömbuak dum tosatñi 24 mienñon dum bohonñi mi liliköba tatketka mienğö qakñine Anutugö jittjememeurup 24 tatket. Yenñon malukunñi tuat lalamñanök öluñ geiga nööröñine goul ila jalö kunduta tatket. 5 *Dum bohonñi miangöreñök wöl bilikbilik jesöñgö asariiga giñgururuñ asuhuiga imbi wölpöndañğö ötöñ kourukñi ewö möral. Dum bohonñangö wösöñe tos kiwa asakñi 7 jeba asariba kinget. Kiwa 7 mi Anutugöreñ uña bohonñi 7 akze. 6 *Mewöñanök jakömbuak jake wösöñe yuai gilikbilikñambuk köwet ewö ehal. Mi kirin jöhanñi jöhanñi kölköl-bilikbilikñambuk melenđa asarimakzei, mönö miangö dop asariyök. Jake bibiñe dum liliköba bem jembon 4 kinget. Andöñini aka wösöñini mi jenñanök dop köliga kinget.

* 3:19: Qam 3.12; Hib 12.6 * 4:2: Eze 1.26-28; 10.1 * 4:5: Eks 19.16; Ind 8.5; 11.19; 16.18; Eze 1.13; Ind 1.4; Zek 4.2 * 4:6: Eze 1.5-10, 22; 10.14; Eze 1.18; 10.12; Ais 6.2-3

7 Bem jembon mutukñan laion sömbup ewö ahök. Alanjan bulmakau aziñi ewö ahök. Alanjiri kungö kaisongolomñi mi azi jesöngöröñangö tandök ahök. Alanjini 4:ñan tukapkap bölbölgömakzawangö tandökña ahök. 8 Bem jembon 4 mohot mohot yengö ginginñini 6 pakpak ahöm engiyök. Silenjini lökñanök aka ginginñini bapñe mewöyök jekötñinanök dop köl enjiiga kinget. Kinda sunjem silim liñet kewö görörök kölakze, “Kembu Anutu kukösum pakpakö Tonji göñön mönö töröñi aka töröñi aka töröñanök akzan.

Malmal Tonji göñön mönö möpñangö möpñeyök mala kota maljan aka kunbuk lilingöba asuhuba mal öñgöman.”

9 Bem jembon 4 mienñön mönö mewö möpömöpöse liñet kölakze. Kunöñ jakömbuak dumnöñ kinda nalö teteköñi qahö mal öñgöba malmawi, i aködamun qetbuña al wangiba saiwap jimakze. 10 Mewö ahakzeangö dop Anutugö jitñememe 24 mienñön eta kun jakömbuak dumnöñ tatzawi, yangö jeñe simin köla sipkömakze. Kunöñ nalö teteköñi qahö mal öñgöba malmawi, yangö waiñki memba möpöseim wangimakze. Möpöseim wangiba ila jalöñini qeköba jakömbuak dum wösöñe ala kewö jimakze,

11 “O Kembu Anutunini, göñön öröyuai pakpak miwikñaim enjinöñ. Göhö jitsihitkan nam köl enjiiga letota malmal miwikñaiba malje. Mianjöra aködamun qetbuña mi al gihiba saiwap jim gihimakzin. Göñön mohotñan mönö möpöqöpöse pakpak angön kölmanangö dop akzan.” Mewö.

5

Lamanöñ Anutugö böröñeyök kimbi köpöp meyök.

1 *Mianjö andöñe kimbi köpöp kun ekiga jakömbuak dumnöñ tatzawangö böröñi öñe ahöyök. Kimbi mianjö sinñi mi likeplikep lökñanök kulemöhök ohoba köpeiba sapönöñ ala munjem supap (sil)* 7:nöñ köla mekötahögetka ahöyök. 2 Mewöyök Suep garata ösum-mumunambuk kun ekiga köhöikñanök qeta buzup keu kewö qesiba jiyök, “Danñon sarak sorokñi aka ölöp kimbi köpöp kiangö munjem supapñi (sil) munjurata kötulmawangö dop akza?”

3 Mewö jiyökmö, Suepnöñ, gölmenöñ aka kömpukö ujem miri mianjöreñ körekmakörek engegetka kunñan kun mi mutula kulemñi ekñawangö dop qahö ahök. 4 Kunñan kun sarak sorokñi aka kimbi mi mutula kulemñi ekñawangö dop qahö miwikñaigeri, mianjöra nöñön gwötpuk sahöt böliäl. 5 *Sahöt bölibiga Anutugö jitñememe yengöreñök kunñan nöñgöra keu kewö jiyök, “Mönö kude sahötnöñ. Mötnöñ, Juda kambunöhök Deiwidkö gwölönarökñi kun ahuba laion sömbup ewö aka Bölöñangö Tonji luhut ala malja. Yanñon mönö ölöp köhöiba kimbi köpöp kiangö munjem supapñi (sil) 7 mi munjurata kötulma.”

6 *Mewö jiiga Lama moröñi ekiga jakömbuak dum bibiñe bem jembon 4 mienjö sutñine kiniga Anutugö jitñememe yenñon liliköm wangiget. Lama moröñi mianñon mönö qeget kömuyöhangö tandökña kinök. Iliñki 7 aka jekötñi 7. Anutunöñ unaurupñi bohonñi 7 melaim enjiiga gölmegeö ambazip

* 5:1: Eze 2.9-10; Ais 29.11 * 5:1: Kantri tosätñe kimbi ohoba esunöñ ala sapö memba kunñan mi kötulbapüköra aka munjem supapñöñ kölakze. Kunñan munjem supap (sil) mi lañ munjurata kulemñi yongörö oyongbawak, mi mönö miwikñaigetka keubuk akña. Kimbi tonanök mi galöm kölakza. Miri mi ki namñi ala misiin gemakzapmö, kimbi mi munjem supapñöñ jöhömakze. * 5:5: Jen 49.9; Ais 11.1,

pakpak yengörej anda maljei, jekötñi 7 mi mönö yengö söpsöpñina akze. ⁷ Lama moröñi mi ekiga kaba kimbi köpöp supapñambuk mi jakömbuak dumnöñ tatzawangö böröñi öljeyök meyök. ⁸ *Mi meiga bem jembon 4 aka Anutugö jitrjememe 24 mienjön mönö miangörejök Lama moröñangö wösöñe sipköba eta simin kölget. Yeñön mohot mohot kulele aka goul qambi memba kinget. Ambazip sarakñan köulukögetka Anutugörej öngömakzawi, mianjön mönö jiniñ ohohogö dop aiga wörönñi umköhöwaktambukñöñ öñgöba pukpukömakza. Wörön mewöñan mönö goul qambiñini kokolak qeiga kinget.

⁹ *Simin köla liñet dölokñi kewö köla jiget, “Göñön qainñi kun akzan. Gi guhugetka kömumba sepki mokoba mianjön ambazip bohonñi memba engömenöñ.

Ambazip mi bem isikñinangö dop, keu jöl jijiñinangö dop, kambuñinangö dop aka kantriñinangö dop. Göñön mönö miengörejök tosatñi engömenöñga Anutugö buñaya akze.

Miangöra göñön mönö sarak sorokñi aka kimbi köpöp supapñambuk memba muñgem supapñi (sil) mutulmanangö dop akzan.

¹⁰ *Yeñön Anutugö buñaya aketka kusum engiba kuñgum enginöñga bem-tohongahö kiñ kembu kambu aka jike nup galömurupñi akze. Yeñön Anutuninangö nupñi memba mala gölme dop ambazip galöm köl engiba mal öngöme.”

¹¹ *Liñet mewö köla jigetka möta toroqeba uba Suep garata jañgöñini tausenni tausenni aka milyönñi milyönñi mi engeka liñet kourukñini möral. Yeñön jakömbuak dum kösutñe kinda bem jembon 4 aka Anutugö jitrjememe 24 mi liliköm engiba liñet kölget. ¹² Liñet köhöikñanök qeta kewö kölget, “O Lama moröñi qeget kömuyöhi, yañön mönö sarak sorokñi aiga Anutunöñ ösum-mumu aka töhötmöriam wañgiiga dopñe akza.

Mötkutukutu öngöngöñi aka kukösum pakpak buña qeiga dopñe akza. Sarak sorokñi aiga ölop qetbuña pakpak wañgiinga asakmararañ buña qeiga möpöseim wañgizín.”

¹³ Mewö köla möpöseigetka liñet kambu kun kewö möral: Anutunöñ mal-malbuk miwikñaim engiyöhi, mienjön mönö körekmakörek liñet kölgetka möral. Suepnöñ maljei, gölmenöñ maljei, kömupkö uñem mire aka köwet qakñe maljei, mienjön mönö körek numbuñini mindiriba liñet kewö kölget, “Jakömbuak dumñe tatzawi aka Lama moröñi neñön injiri möpöseim etkizin. Kötueta Tonji etkö qetbuñajiri jim qarimakzín. Nalö dop asakmararañ etkinga kukösum Tonji mi teteköñi qahö mal öngömahot.”

¹⁴ Mewö kölgetka bem jembon 4 mienjön “Keu mi ölja,” jiget. Jigetka Anutugö jitrjememe yeñön eta dapköba simin köla Anutu waikñi memba möpöseim wañgiget. Mewö.

6

Lama moröñan muñgem supap mohot mohot munjurata.

¹ Mewö möta yuai kewö asuhui ehal: Lama moröñan kimbi köpöp supapñambukö muñgem supapñi (sil) 7 miengörejök mutukñi munjurata kötulök. Kötuliga bem jembon 4 yengörejök kunñan keu kewö jiyök, “Möñö asuhuba kanöñ!” Keuñi mi wölpöndañ tandök ewö köhöikñanök qeri möral.

* 5:8: Sum 141.2 * 5:9: Sum 33.3; 98.1; Ais 42.10 * 5:10: Eks 19.6; Ind 1.6 * 5:11: Dan 7.10

2 *Mewö jiiga möta miangöreñök hos tuatñi kun asuhuiga ehal. Hos miangö qakñe azi kun timbiñambuk tari tosatñan ila jalö wañgigetka nööröñe kölöc. Mi köla yarönöñ luhut ala malöhañön mönö kunbuk hos qakñe yarönöñ luhut almangöra anök. Mewö.

3 Lama moröñan muñgem supap (sil) yahötñi munjurata kötuliga bem jembon yengöreñök yahötñi yañön keu kewö jii möral, “Mönö asuhuba kanöñ!” 4 *Mewö jiiga miangöreñök hos kun silenji pisikñi somabölambuk asuhuiga ehal. Azi kun hos miangö qakñe taröhi, Anutunöñ mönö i yom karim gili luai qahöwakñapkö kukösumñi wañgiyök. Mi wañgiiga gölmenöñ aum angöhöba kömumegöra kuñguiga ambazip uru mem wahöt engimawañgö kukösumñi miwikñaiyök. Mi miwikñaiiga bimgö sou keta bölöknji wañgigetka memba anök. Mewö.

5 *Lama moröñan muñgem supap (sil) karöbutñi munjurata kötuliga bem jembon yengöreñök karöbutñi yañön keu kewö jii möral, “Mönö asuhuba kanöñ!” Mewö jiiga miangöreñök hos injañi kun asuhuiga ehal. Azi kun hos miangö qakñe taröhi, yañön inapkö lömbötñi kewötpingö dop ipñi (skeil) mi bööröñan memba tarök. 6 Mewö tariga bem jembon 4 yengö sutñineyök kunöñ keu jiiga kourukñi tandök ewö kewö möral, “Silim mohotkö töwañi (Kina 5) mianñön ölöp 1 kilogram wit flaua me 3 kilogram bali flaua mi bohonñi meman. Töndup nenegö oil ip aka wain kösö nup mi mönö kude mem bölime.” Mewö.

7 Lama moröñan muñgem supap (sil) 4:ñi munjurata kötuliga bem jembon 4:ñan keu jiiga kourukñi kewö möral, “Mönö asuhuba kanöñ.” 8 *Mewö jiiga miangöreñök hos kun silenji gohotgohot aka kaukañambuha asuhuiga ehal. Hos miangö qakñe taröhañgö qetñi mi kömupkö kondotkondot Tonji. Yangö kösutñe kömupkö unem miri Tonjan mewöñanök i wuatangöba kayök. Gölime mendengetka bahöñi 4 ahöiga miengöreñök kungö ambazipñi mi galöm köl engibitkö kukösumñi mi Anutunöñ etkiyök. Kukösum mi etkiiga ösumñiran gölmegö ambazip bahöñi mi kewö mem kömum engiyohot: Tosatñan sou ketarñan (bainat) auba kömuget. Tosatñan bödinöñ kömuget. Kawöl kanjamñambukñöñ tosatñi engömeiga kömuget aka tosatñi mi gölmegö sömbup kalñi mienñön engöhögetka kömuget. Mewö.

9 Lama moröñan muñgem supap (sil) 5:ñi munjurata kötuliga miangöreñök Anutugö ambazip tosatñi engugetka kömugeri, yengö unañini engahal. Yenñön Anutugö Buña keuñi angö köla nanñöba jim sehiba malgerañgöra engugetka kömumba alta bapñe ahöget. 10 Euyangöreñ ahöba köhöikñanök kewö qetket, “O Kembu kukösum Tonji, göñön diñdiñi aka öbölnji akzan. Mianñgöra mönö nalö dawik mambörin teköiga miangöreñ gölmegö ambazipñi kewöt engiba keuñini jim teköman? Neñön gi welen qem gihiinga nenñugetka sepninanñgö kitipñi mi mönö wani nalönöñ melenñöñga qakñine öñgöma?”

11 Mewö jigetmö, maluku tuatñi kööröñi mi mohot mohot yengöra köl engiget geiga Anutugö jimkutukutu kewö engigetka mötket, “Injini mönö toroqeba nalö tööröptöknji mamböta malme. Mötnarip alaurupñinan toroqeba urugö nup memba malgetka injini ewö mewöñanök engugetka kömume. Yenñön kömugetka jañgö alali, mianñön dopñe aiga nalö miangöreñök mönö engugeri, yengö keuñini jim tekömam.” Mewö.

* 6:2: Zek 1.8; 6.3, 6 * 6:4: Zek 1.8; 6.2 * 6:5: Zek 6.2, 6 * 6:8: Eze 14.21

12 *Lama moröñan muñgem supap (sil) 6:ñi munjurata kötölöhi, mi uba ehal. Mi munjurata kötölöhi, nalö miangöreñ kenöñ tandökñi sohoso-honñi giLöK. Wehön jeñan böuktutuk ala inñan köla wösöbirikö malukunñi sanjöp ewö (meme jupñan memenjanñö tandök) aiga söñauyök. Köiñ jeñan melenñda lökñanök pisihiba sep ewö ahök. 13 *Mewö aiga senğelau suepnöñ ahözei, mienöñ mönö gölmenöñ etket. Newañ köññi gohoriba tatketka luhut köhöikñan qeba utuköba mumburatiiga erakzei, mönö miangö dop buratiba gölmenöñ tata pilpil etket.

14 *Mewö etketka suep ehakzini, mianöñ mönö ayapköyök. Kimbi köpep köpeigetka öröba anakzawanñö dop mönö wölakzak öröba anda ayapköyök. Mi ayapköiga kundunñi pakpak aka köwetkö gölme jölannñi jölannñi mi mönö körek ahöhöñjineyök zilañ kök ala sömuniget.

15 *Mewö asuhuiga gölmeğö kiñ kembunñi kembunñi, azi jembonñi jembonñi aka suahö galömnñi galömnñi mienöñ mönö ölöñ köla asambötket. Ambazip kindiñbirik qetbuñanñinambuk, ambazip kukösümñinambuk mi mönö körek kök ala asambötket. Nanñini nupñini memakzei aka toñjanñö welenñini öne qemakzei, mi mönö körek pakpak banet, köt kinimñi aka kundunñanñö sem siaññi jaruba miangöreñ asambötketka enğehal. 16 *Miangöreñ asamböta kundunñi Toññi aka sem sia Toññi enğehola kewö uletket, “Inñini mönö kundunñi jim tekögetka buaköba kaba turum nenñiget. Jakömbuak dumñe tatzawanñon jemesohol köl nenñibapuköra aka Lama moröñanñö irimsesewölñan nenñubapuköra mönö jim tekögetka közamböt nenñiget.” Mewö uletket. 17 *Yetköñ irim-sesewölñiri aukñe kondeljahori, miangö nalöñi ketanñan mönö kam kuñguba ahöza. Mi kunñan kun mesohol köla kinmawanñö dop qahö. Mewö.

7

Israel ambazip 144.000 mi Anutunöñ asö köL enğima.

1 *Miangö andöñe Suep garata 4 enğekiga gölmeğö wanğömnñi 4 miangöreñ kinget. Yenñon gölmeğö luhut Toññi bohonñi 4 mi jöhöm enğiba anğon kölget. Luhutnöñ gölme qakñe me köwet qakñe lañ gilbapuköra me ip kunñan qebapuköra mönö Toññi 4 mi böröñinan memba jöhöba kinget. 2 Anutunöñ Suep garata 4 mi gölme aka köwet köndenñ enğibingö kukösümñi enğiiga gölme wanğömnñine kinget. Mewö kingetka enğehiga Suep garata kunöñ wehön kotkotñeyök asuhuba wahöri ehal. Yanñon malmalgö Toññi Anutugö muñgem asö öröpñi galöm köla kaba Suep garata 4 yenğöra köhöikñanök qerök.

3 Qeta keu kewö jiyök, “Inñini mönö gölme me köwet mi zilañzilañ kude köndenñ etkime aka ip mi kude ayuhum enğime. Mi qahöpmö, mönö mambötketka mutuk zilañök Anutuninangö muñgem asöñi mi nupñi memakzei, yenğö mesoholñine mekötahöm enğibin. Mi mutuk kösöba mekötahöm enğiingun andöñe mi ölöp köndenñda ayuhume.” 4 Mewö jiiga Anutugö muñgem asöñi mi Israel ambazip tosatñi yenğö mesoholñine kösöm enğiget. Kunöñ yenğö jangöñini jiiga kewö möral: Israel ambazip kambu 12 pakpak miengöreñök mindiriba ambazip 144.000 mi kösöm enğiget.

* 6:12: Ind 11.13; 16.18; Ais 13.10; Joel 2.10, 31; 3.15; Mat 24.29; Mak 13.24-25; Luk 21.25 * 6:13: Ais 34.4 * 6:14: Ind 16.20 * 6:15: Ais 2.19, 21 * 6:16: Hos 10.8; Luk 23.30 * 6:17: Joel 2.11; Mal 3.2 * 7:1: Jer 49.36; Dan 7.2; Zek 6.5; Eze 9.4, 6

⁵ Israel kambu mohot mohot miengöreñök 12.000 mewö mewö kösöm engiget. Juda kambugö 12.000, Ruben kambugö 12.000, Gad kambugö 12.000, ⁶ Aser kambugö 12.000, Naftali kambugö 12.000, Manase kambugö 12.000, ⁷ Simeon kambugö 12.000, Liwai kambugö 12.000, Isakar kambugö 12.000, ⁸ Zebulun kambugö 12.000, Josef kambugö 12.000 aka Benjamin kambugö 12.000. Mewö mewö asö köla mekötahöm engigetka mindiriba 144.000 ahök. Mewö.

Oyaenköyaen malmeanjö kambu ketanji ehal.

⁹ Miangö andöñe kambu jitñi buburatinji jañgöñini kude oyonyoyongö dop mi ehal. Ambazip mi kambuñinanjö dop, bem isikñinanjö dop, kantrinjanjö dop aka keu jöl jijninanjö dop tokoba jakömbuak dum aka Lama moröñi yetkö wösöñire kinget. Miangöreñ kinda maluku köröñji tuatñi köteköm anjuget geiga böröñinan nip sinñanjö böröñi memba kinget. ¹⁰ Mi memba kinda köhöikñanjök qeta kewö jiget, “Anutuninan jakömbuak dumñe tatzawi aka Lama moröñi yetköñ mönö mem letot neñgiyohotka oyaenköyaen akzin.”

¹¹ Mewö qeta jigetka Suep garata pakpak yeñön jakömbuak dum kösutñe areññöñ kinda Anutugö jitmeme aka bem jembon 4 mi liliköm engiget. Mewö kinda jakömbuak dum wösöñe bamgöba eta simin köla Anutu waikñi memba möpöseim wañgiget. ¹² Anutu möpöseim wañgiba kewö jiget, “Keu mi ölna! Anutu gi mönö kötuwet, asakmararan aka mötkutukutu öngöñgöñanjö Toñi akzan. Neñön gi möpöseim gihiba qetbuñagi jim qarimakzin. Anutunini, göñön ösum-mumu aka kukösum Toñi akzan. Neñön nalö dop mewö jim köhöininga Toñi mi teteköñi qahö mal öngöba malman. Keu mi ölna!”

¹³ Mewö möpöseiba jigetka Anutugö jitmeme yeñgöreñök kunñan kewö jiba qesim niñgiyök, “Ambazip maluku köröñji tuatñi löngöta kinjei, mi dañön? Mi mönö denikeyök kaba mewö tokoba kinje?”

¹⁴ *Qesim niñgiiga kewö melen wañgial, “O ketanamni, mi nöñön qahö mötpiga nangok mötzan.” Mewö melen wañgibiga jitmeme yañön kewö jii möral, “Kahasililij keta bölökñanjö sutneyök kotkeri, yeñön mönö mia akze. Lama moröñanjö sepñan mönö opo malukuñini sanjoñni tuariiga malget. ¹⁵ Mewö malgeranjöra aka Anutugö jakömbuak dumñi mesohol köla sunjem silim möpömöpösei jikenje (tempöl) mala Anutugö nupñi memba malme. Mewö malgetka jakömbuak dumñe tatzawañön mönö opo koumñi möröreñgöba köl turum enjiiga malme.

¹⁶ * “Mewö malgetka nalö kunöñ nenegö me ogö qahö kömume. Wehönöñ me yuai könöññambuk kunöñ mönö qahö engohotirima. ¹⁷ *Kewögöra oyaenköyaen malme: Lama moröñan jakömbuak jake bibiñe tata galöm köñ enjiba enjuañgiriga malmal köhöikñanjö o töwatñanjö jeñe anakñe. Anutu nanñak jeñineyök imbilñini pakpak kutuiga teköma.” Mewö.

8

Lama moröñan muñgem supap 7:ñi munjurata.

¹ Lama moröñan muñgem supap (sil) 7:ñi munjurata mutuliga Suep miri miangöreñ kouruk pakpak göröñ ala 30 minitkö dop nöñ qeba ahöyök. ² Mewö asuhiiga Suep garata 7 Anutugö wösöñe kinjei, mi engekiga kunöñ tömun qainñi kun (biugel) 7 mi böröñine ala enjiyök.

* 7:14: Dan 12.1; Mat 24.21; Mak 13.19

* 7:16: Ais 49.10

* 7:17: Sum 23.1; Eze 34.23; Sum

23.2; Ais 49.10; 25.8

³ *Mi engekiga Suep garata kun asuhuba jiniŋ ohohogö goul qambiŋ memba kaba alta kösutŋe kinök. Ambazip sarakŋi pakpak Anutugö köulukögetka yaŋön jiniŋ altanöŋ ohoiga wörönŋi umköhöwakŋambuk mi köulukŋinambuk toroqeba pukpuköba mohotŋe öŋgöba Anutugören anakza. Goul alta mi jakömbuak dum wösöŋe kinjawi, yaŋön mönö miangö kösutŋe kiniga tosatŋan jiniŋ mi gwötpuk ohomapköra waŋgiget. ⁴ Yaŋön jiniŋ mi ohoiga miangö köwakŋan mönö Anutugö ambazip sarakŋi yeŋgö köulukŋinambuk toroqeba Suep garata yaŋgö böröŋeyök wahöta Anutugö jemesoholŋe öŋgöget. ⁵ *Suep garata mianjön jiniŋ qambi mi memba altanöhök könöp jitŋi mei jeiga qambi miangören uiga kokolak qeiga gölmenöŋ gili geyök. Gili geiga miangörenök wölpöndaŋgö göjuŋi göjuŋi asuhuba giŋgururuŋ qerök. Wölbilik ösumŋinambuk asuhugetka kenöŋi kenöŋi nalöŋi nalöŋi meyök. Mewö.

Garata yeŋön tömun qainŋi kun uget.

⁶ Suep garata 7 tömunŋini qainŋi kun (biugel) megeri, yeŋön mi ubingö jöjöröget.

⁷ *Garata mutukŋan wahöta tömunŋi qainŋi kun uyök. Mi uiga ais kötŋi aka könöp bölamŋi mi kie ewö asuhuba sepuk toroqezetka kunöŋ mi mokoiga mohotŋe gölmenöŋ erök. Mianjön könöpŋambuk eta gölme qeiga gölmegö bahöŋi karöbutŋan jem teköyök. Arökŋaŋgö ipŋi miengö bahöŋi karöbutŋan jem teköget aka gwözözak sinŋi görökŋi mi körek jeba jem teköyök.

⁸ Garata yahötŋi yaŋön wahöta tömunŋi qainŋi kun uyök. Mi uiga kunöŋ kundunŋi ketanŋi könöp jejeŋi tandök ewö (wolkeno) yuai mi giliga köwetnöŋ geyök. Geba köwet meiga köwetkö bahöŋi karöbut miengörenök kunŋan melenŋa sep ahök. ⁹ Mewöŋanök Anutunöŋ köwetkö yuaiŋi pakpak mi-wikŋaiiga maljei, miangö bahöŋi karöbut miengörenök kun mi kömuget aka waŋge pakpak miengö bahöŋi karöbut miengö likepŋini kun mi jömgöba ayuhuget.

¹⁰ *Garata karöbutŋan wahöta tömunŋi qainŋi kun (biugel) uyök. Mi uiga seŋgelau ketanŋi kiwa bölamŋi ewö tandök jeba suepnöhök teköba erök. Eta köla gölmegö o töwatŋi eŋguba miengö bahöŋi karöbut miengörenök kun aka o jeŋi pakpak mi dop köl eŋgiyök. ¹¹ *Seŋgelau miangö qetŋi mi röbek kömbukŋambuk. Röbek mianjön eriga onŋi onŋi miengö bahöŋi karöbutŋi mi melenŋa kömbukŋinambuk aket. Kömbukŋinambuk akeranŋöra aka ambazip gwötpukŋan mi nembra kömuget.

¹² *Garata 4:ŋi yaŋön wahöta tömunŋi qainŋi kun uyök. Mi uiga kunöŋ wehön jeŋi aka köiŋ jeŋi mietkö asakŋiraŋgö bahöŋiri karöbutŋi mi etkuiga bahöŋsapsap ömuŋ köla söŋauyohot. Mewöŋanök seŋgelau bahöŋini karöbutŋi eŋguiga melenŋa söŋauget. Mianŋöra silim nalöŋaŋgö bahöŋi karöbutŋan söŋauba pandaman ahök. Mewöŋanök suŋgemgö asakŋan töriiga bahöŋi karöbutŋan söŋauyök.

¹³ Mewö aiga eu uba tukapkap kun eka mötpiga könakembanŋe eu bölbölgöba suep bibiŋe kutuba kaba köhöikŋanök qeta kewö jiyök, “O ambazip gölmenöŋ maljei, Suep garata karöbut yeŋön mönö toroqeba tömunŋini qainŋi kun

* **8:3:** Amos 9.1; Eks 30.1, 3 * **8:5:** Lew 16.12; Eze 10.2; Eks 19.16; Ind 11.19; 16.18 * **8:7:** Eks 9.23-25; Eze 38.22 * **8:10:** Ais 14.12 * **8:11:** Jer 9.15 * **8:12:** Ais 13.10; Eze 32.7; Joel 2.10, 31; 3.15

ubingö dop akze. Tömün karöbut miengö kourukñini mötketka lömböt kanjamñambuk karöbut asuhumei, miangöra mönö wöziköba yei! yei! yei! jiba sahötzal.” Mewö.

9

Suep garata 5:ñan tömunñi qainñi kun uyök.

¹ Suep garata 5:ñi yañön tömunñi qainñi kun (biugel) uiga ekiga suepnöhök senjelau kun teköba gölmenöñ erök. Èriga kunöñ ömewöröme yengö löm dutñi qahö miangö ki moröñi mi senjelau Tonji mi wanñiyök. ² *Mi wanñiiga öme löm dutñi qahö miangö önunñi musuliga miangörejök köwak ketanji söngok imarurubuk jeba köwak wahörakzawi, mönö miangö dop kundungöba wahöta wehön jeñi esuhuba luhut köwaknöhök dop köl teköyök. ³ *Köwak miangö uruñeyök gawötñi gawötñi mosöta gölmenöñ kanñotketka Anutunöñ kukösum enñiyök. Kukösum mi skorpion (omeqaqa) yengöreñ kukösum tandök ewö ahök.

⁴ *Mi enñiiga Anutunöñ kewö jim kutum enñiyök, “Injini mönö gölmeğö yuai görökñi gwözözak me ip mewöñi mi kude ayuhum enñime, ambazip mesoholñine Anutugö muñgem asöñjini qahö miyök mönö mem bölim enñime.” Mewö jim kutum enñiyök. ⁵ Anutunöñ gawöt mi kukösum enñiiga ambazip enñöhögetka köñ 5:gö dop sihimbölo öñöñi qahö mötket. Sihimbölo mi skorpion (omeqaqa) azi yöhöiga sihimñi mötzawi, mönö miangö dop. Sihimbölo mewö mötketmö, Anutunöñ anñön köl enñiiga mem kömum enñimeangö kukösumñi mi gawöt yeñön qahö memba öne enñöhöget. ⁶ *Ambazip enñöhögeri, yeñön nalö miangöreñ kömumbingö jarumemö, kömup mi qahö miwikñajiba kömumbingö osime. Kömumbingö möta qemjen qememö, kömupkö kondotkondot Tonjan mönö kungen anma.

⁷ *Gawöt enñekiga mienjön hos yarögöra aködamunñinambuk jöjörömakzei, mönö miengö dop aket. Nöröñjine yuai mundañi goul ewö kölgeri, mi ila jalö tandöktandök ahök. Jemesoholñinan ambazip jemesohol tandök ewö aket. ⁸ *Gawöt miengö nöröp jupñini mi gwala ambi yengö nöröp jup ewö aket. Gawöt jitñinan laion sömbupkö jitñi ewö aket. ⁹ *Göwanñöwanñini (töptöp maluku) mi ain suman ewö tandök aket. Ginginñini qegetka ötöñ asuhui mörali, mi kewö: Hos sehisehñi yeñön yarögö karenji karenji öröba luhuba binnöñ angetka gingururuñ asuhumakzawi, mönö miangö dop.

¹⁰ Daginñini mi skorpion (omeqaqa, anamumu) ewö jitñinambuk aket. Mienjön ambazip köñ 5:gö dop sihimbölo mötmegöra enñöhögeri, miangö kukösumñan mönö gawöt daginñine ahöm enñiyök. ¹¹ Gawöt miengö kinj kembunñini mi ömewöröme yengö löm dutñi qahö miangö garatanji qetñi Ayuayuhu Tonji. Mi Hibru keunöñ Abadon aka Grik keunöñ Apolion.

¹² Yei wözik mutukñi kanjamñambuk mi mewö teköyök. Mötket, miangö andöñe yei wözik yahöt kanjamñirambuk mi mönö toroqeba könanñep asuhumahot. Mewö.

Suep garata 6:ñan tömunñi qainñi kun uyök.

¹³ *Suep garata 6:ñi yañön tömunñi qainñi kun (biugel) uyök. Mi uiga Anutugö wösöñe goul alta ahözawi, miangö ilikñi 4 miengöreñök kouruk kun

* 9:2: Jen 19.28 * 9:3: Eks 10.12-15 * 9:4: Eze 9.4 * 9:6: Job 3.21; Jer 8.3 * 9:7: Joel 2.4 * 9:8: Joel 1.6 * 9:9: Joel 2.5 * 9:13: Eks 30.1-3

kaiga möral. ¹⁴ Kouruk mianjön Suep garata 6:ni tömunjambuk yangöra kewö jiyök, “Anutunöj garata 4 jöhöba gwaröhöm engiba o töwatni ketani qetni Yufreitis mianjö qöhöröje al engiyöhi, mi mönö pösat engiman.”

¹⁵ Anutunöj garata 4 mi jöhöm engiba gwarönöj tatmegö (yara) yambuñini, köinjini, silimñini aka auanjini mi törörök arengöm engiiga tatket. Yeñon nalöjini mi kam kunjuiga mianjörejök ambazip kantriji kantriji mienjö bahöji karöbutni mi engubingö jöjöröba tata nalöjinañgöra mambötket. Mianjöra Suep garata 6:ñan altanöhök kouruk möta mianjörejök anda garata 4 mi pösat engiyök. ¹⁶ Pösat engiiga yarö kambu keta bölökji mi hosñinambuk asuhuba kaget. Nöñon jañgöjini mötpiga 200 milyön ahök.

¹⁷ Jemelej mianjörej azi hos qakñe tata kageri, mienjö kaisongolomñini ekiga kewö tandök aket: Göwanjöwanjini (töptöpkö ain sumanñini) mi könöp jit pisikji, asonji injañkölköñambuk aka gohotni salfa könöp köt ewö. Hos mienjö kaisongolomñini engekiga nöropñini laion sömbupkö nörop ewö aketka numbuñineyök könöp, köwak aka köt könöpñambuk qetni salfa mi eta kayök.

¹⁸⁻¹⁹ Hos yengö numbuñineyök könöp, köwak aka könöp köt qetni salfa eröhi, mianjön mönö ambazipni ambazipni enguyök. Hos mienjö kukösumñini mi numbuñine aka daginjine ahöyök. Dajinjini mi mokolej ewö aketka daginjinañgö kitipni mi jitñinambuk. Kitipni jitñinambuk mienjön mönö ambazip ihilek ewö engohotirimakze. Lömböt kanjamñinambuk karöbut mi mönö gölmege ambazip pakpak yengö bahöjini karöbutni mi enjuiga kömuget.

²⁰ *Lömböt kanjamñinambuk mienjön ambazip tosatni qahö enguget kömumba toroqeba malgeri, yeñon mönö töndup urujini qahö melenget. Nanjini böröjinan yuai memba waikñini memba möpöseigeri, mianjöra qahö möt bölim anjuget. Ömewöröme aka tandö lopion waikñini memba möpöseim engienji mi qahö mosötket. Tandö lopion tosatni mi goul, silwö me brons ainöñ memenja. Tosatni mi köt urasiba me ip söhöba memenja. Mianjöra tandö lopion mienjön yuai eka mötpingö me anda kabingö osimakze. Töndup ambazipnöj mi qahö mosötket.

²¹ Mewöyök ambazip enguget kömukömu me sait qarösongo amötqeqe mi qahö mosötket. Mi toroqeba aka memba serowilin aket aka yuai lan yongorö memba malget. Mianjöra urujini qahö melenget. Mewö.

10

Suep garata aka kimbi köpep moröji

¹ Mianjö andöje Suep garata kukösumñi ongotongotni kun ekiga Suepnöhök kousunöj esuhum wangiiga erök. Nöropñi kiam nesilamñan kutuba liliköba ahöyök. Jemesoholji wehön jeni ewö aiga könanji yahöt mi tandö könöp bölamñirambuk yahöt ewö jeba kinök. ² Böröñan kimbi köpep moröji meiga kötukötulñi ahök. Könanji öñji köwetnöj ala qanini mi gölmenöñ ala kinök. ³ Mewö kinda laion sömbupnöj görörökömakzawi, qetni mönö mianjö dop köhöikñanök qerök. Qeriga wölpöndañgö giñgururuñ 7 mienjön mönö melenja görörököba keujini qetketka möral.

⁴ Wölpöndañgö giñgururuñ 7 mienjön qeta keujini jigetka mörali, nöñon mi mönö mianjörejök papianöj ohomangö ahal. Kimbi ohomangö ahalmö, kouruk kun Suepnöhök mötpiga keu kewö jiyök, “Wölpöndañgö giñgururuñ 7 keu jizei, mi mönö nangohok ölöñ mötnöñ ahöma. Mi kude ohoman.”

* 9:20: Sum 115.4-7; 135.15-17; Dan 5.23

5* Suep garata kōnanji kōwet aka gōlme qakñire tiba kini ehali, yañōn bōrōñi ōlñi memba wahōta Suepnōñ görōken alōk. 6 Jōjōpañ keu jimamgōra bōrōñi mewō ala mi jim kōhōiba alōk. Kunōñ Suep, gōlme, kōwet aka yuai pakpak miengōreñ ahōzawi, mi miwikñaiba kinda nalō dop tetekōñji qahō kōhōiba mal ōngōmawi, mōnō yañgō qetñe jōjōpañ keu kewō jiyōk, “Anutunōñ mōnō nalō kunbuk qahō qekōrii ōngōma. 7 Mewō qahōpmō, Suep garata 7:ñan tōmunñi qainñi kun (biugel) uiga kourukñi mōtmei, nalō miangōreñōk Anutugō keu areñ asa-asambōtñan mōnō ōlñambuk akña. Kezapqetok ambazip Anutugō nupñi memba mala kotketka yeñgōra Buña keuñi ōlōpñi jim indel engiiga mōta kota malgeri, Buña keu miangō dop mi mōnō zilar ōlñambuk akña.”

8 Miangō andōñe kouruk kun mutuk Suepnōhōk mōtpiga keu jiyōhi, mianñōn mōnō dumñe kunbuk keu jiiga kewō mōral, “Suep garatanōñ kōwet aka gōlme qakñire tiba kinda kimbi kōpep meiga bōrōñe kōtukōtulñi ahōzawi, mi mōnō anda meman.”

9 Mewō mōta Suep garatagōreñ anda kimbi kōpep morōñi mi niñgimapkō gesial. Qesibiga nōngōra kewō jiyōk, “Mi mōnō memba nenōñ! Nenōñga gōlōmge geba melenñiga kōmbuk usukōmapmō, numbuge mi mōnō moronñ oñangō nahōmñi ewō asuhuma.”

10 Mewō jiiga kimbi kōpep morōñi mi yañgō bōrōñeyōk memba neal. Nembiga numbune moronñ oñangō nahōmñi ewō ahōkmō, gwahōtpi gōlōmne geiga melenñiga kōmbuk usukōyōk. 11 Mewō aiga nōñōn keu kewō mōral, “Gi mōnō dumñe kunbuk Anutugō kezapqetok keuñi keuñi jim sehiba malman. Kantriñi kantriñi aka bem isikñi isikñi keu tandōk jjiñinañgō dop maljei, mōnō yeñgō aka yeñgō kiñ kembuñini miengō kezapqetok keuñini mi qeljiñe jiba malman.” Mewō.

11

Anutugō jitñememe yahōtñan keuñi nanñgōba jiyohot.

1* Mewō jii mōta kinbiga Suep garata mianñōn dop alalgō ōrōpñi jehot ewō mi niñgiba kewō jim kutum niñgiyōk, “Gi mōnō wahōta anda Anutugō jōwōwōl jike aka miangō jōwōwōl altanji mi dop ōrōp (rula mesa) Anutugō dopñi ala oyoñman. Mewōyōk miangōreñ ōngōba Anutu mōpōseiba kōulukñini alakzei, mōnō mi kewōta jañgōñini oyoñman. 2 Jōwōwōl jike dopñi ala miangōreñ sambem yaigepñi mi mōnō oñgita mosōtman. Mi kian kantri yeñgōra al engigetka ahōiga yeñōn siti tōrōñi mi kōiñ 42 miangō dop tiba anda kamakñe. Miangōra sambem yaigepñangō dopñi mi kude oyoñman. 3 Nōñōn jitñememe yahōtni melaim etkiba keuni nanñgōba jimahotkō kukōsumñi al etkibiga asuhumahot. Asuhuba wōsōbirikō maluku sanjōp ewō mem aņguba lilikōba (gōlme gwakōtak ariba) silim 1260 nalō miangō dop kezapqetok keu nup memba malmahot.”

4 Oil ip yahōt aka lambe dum tatatñi yahōt gōlmegō Kembugō wōsōñe kinjahori, mi mōnō melenñda eta asuhuba dangunu ewō kinda nōñgō kōnani nanñgōba jiba malmahot. 5 Kunōñ me kunñan etkum mizit ak etkimamgō mōtza ewō, kōñōp bōlamnōñ mōnō numbuñireyōk eta kerōkurupñiri engohoiga ayuhumakñe. Kunōñ me kunñan etkumamgō mōtza ewō, i mōnō kōna mewōñanōk mianñōn qeyohot kōmuma.

* 10:5: Eks 20.11; Dut 32.40; Dan 12.7; Amos 3.7-10; Eze 2.8-3.3 * 11:1: Eze 40.3; Zek 2.1-2; Luk 21.24; Zek 4.3, 11-14; 1 Kiñ 17.1; Eks 7.17-19; 1 Sml 4.8; Dan 7.7, 21; Ind 13.5-7; 17.8; Ais 1.9-10; Eze 37.10; 2 Kiñ 2.11; Ind 6.12; 16.18

⁶ Suepkö kousunji jöhöbitkö kukösumnji mi yetkören ahöiga kezapqetok keu jim sehimahori, nalö miangö dop kie qahö yöhöma. Kukösumnjiran o jeñi pakpak mewöñanök dop köliga miangön ölop o pakpak melenj engigetka sep akñe. Mewöñanök kukösumnjiran öngöngöñi ahözawañgöra aka sihimnjiran jimawañgö dop ölop jigetka lömböt kanjamñinambuk könanji könanji asuhuba gölme mem böliba ambazip enjumatñe.

⁷ Anutugö keunji nangöba jim teköyohotka ömewöröme yengö löm dutñi qahö miangörenjök jemnemba kunöñ wahöta bim qem etkiba luhut ala etkuiga kömumahot. ⁸ Kömuyohotka qamötñiri siti qetbunjañambukö köna namñe etkömosötkeka lañ ahömahot. Siti miangö qetñi tölapñi mi Sodom aka Ijijt qerakze. Kembunñiri Jisö i mönö mewöyök miangörenj maripomnöñ qegetka kömuyök. ⁹ Qamötñiran lañ ahöyohotka ambazip pakpak mi etkehakñe. Gölmönöñ löm köl etkibingö jiba jöhöme. Mewö öne lañ ahöyohotka ambazip kantrñi kantrñi, kambunji kambunji, bem isikñi isikñi keu tandökñini nanjik nanjik jimakzei, yeñön mönö qamötñiri mi silim karöbut aka bahöñi kun miangö dop uba etkehiqet.

¹⁰ Kezapqetok azi yahöt yetköñ ambazip gölme qakñe maljei, mi uru kunjum enjyohotka miangöra sihimbölö öñöñi qahö miwikñaiba malget. Miangöra kömuyohotka qamötñiri etkekñe, miangörenj mönö köirañ ala saurenj unduba nem söñgaip pati ala nanjini kalem könanji könanji angubingö alget anda kama. ¹¹ Silimñi karöbut aka bahöñi kun mi teköiga Anutunöñ söngörö ösum söngörönjire ui geiga guliba wahöta köñgep kinohot. Wahöta kinohotka ambazipnöñ etkeka töwöratiba jönömñini unduiga sömbunñini mötket. ¹² Köñgep kinohotka Suepnöhök qet köhöikñi kun kewö qeta jii mörohot, “Inji mönö kewö korohot.” Mewö jii möta kousu uruñe wahöta Suepnöñ öngöyohotka kerökurupñiran öne etkeka nemböjini teköiga kinget.

¹³ Könanjan gölme mosöta öngöyohotka nalö miangörenjök kenöñ tandökñi sohosohöñi gila siti bahöñi 10% (bahöñi tenöhök mohot) miangö dop kusuba köndenjmöndenjnök. Köndenjmöndenja ambazip 7.000 miangö dop enjui kömuqet. Ambazip qahö kömugeri, mienön mi eka töwöratiba sömbunñini möta Suepkö bemñi Anutu i ösumñañgö möpöseim wañgigetka qetbunjañambuk ahök.

¹⁴ Wölik yei qet kanjamñambuk yahötñan mewö teköyökmö, mötket, wölik yei qet karöbutñañgö ölnan mönö zilañ asuhuba qakñine öngöma. Mewö.

Suep garata 7:ñan tömunji qainji kun uyök.

¹⁵ *Suep garata 7:ñi yañön tömunji qainji kun (biugel) uyök. Mi uiga Suepnöñ keu köhöikñanök eraum mötketka kourukñini mötpi kewö jiget, “Ayop, nanine Kembunini aka yañgö Amötqeqe Tonji Kraist yetköñ mönö gölme pakpak galöm köñ engibitkö kukösumnji mi lökñanök bunja qem anjum teközahot. Yañön mönö nalöñi nalöñi galöm köñ engiba malma, ee-aa-ee. Galömkölkölnan mönö nalö kunöñ qahö teköma, ee-aa-ee.” ¹⁶ Mewö jiget mötpiga Anutugö jittjememe 24 Anutugö jemesoholñe jakömbuak dumñine tatzel, yeñön mönö eta bangöba sipköba Anutugö waikñi memba möpöseim wañgiget. ¹⁷ Möpöseim wañgiba kewö jiget, “O Kembu Anutu kukösum pakpakö Tonji, göñön mönö mala kotnöñ aka mal köhöizan.

* 11:15: Eks 15.18; Dan 2.44; 7.14, 27; Sum 2.5; 110.5; 115.13; Ind 8.5; 16.18, 21

Göñön kukösumgi öngöngöñi memba könahiba gölme pakpak galöm köl engiba kin kembunina aka malman.

Miañgöra neñon mönö möpöseiba saiwap jim gihizin.

¹⁸ Kian kantrinji kantrinji yeñon irimñini seheliiga kazik ak gihiba malgetmō, göhō kazik nalōgan mönō dōlkewōñe kam kuñguba ahōza.

Göñön nalō kewōñe kōmukōmuñi yeñgō keuñini kewōta jim tekōm engiman aka nangi ambazipurupki tōwanjini engiman.

Kezapqetok ambazip aka ambazip sarakñi tosatñi göhō nupki memba malgeri aka öngöngöñi eretñi göhō qetki ayuhubapukō kenğōtñini möta malgeri, i mönō tōwanjini engiman.

Mewōyök tosatñan ambazip enguba kantri kōndenja malgeri, mi mönō kōnden engiman.” Mewō möpöseiba jiget.

¹⁹ Miañgō andōñe Suepnōñ anañjiiga Anutugō möpōmöpōsei jikegō (tempōl) nanğujan tali ekiga jike uruñe Anutugōreñ jōhōjōhō areñ bokis akōdamunñambuk miañon ehekñi ahōyök.* Suepnōñ anañjiiga nalō miañgōreñök wōlbilik aliga wōlpōndan aka giñgururuñ qeriga mōral. Kourukñi kourukñi mi mötpiga kenōñ memba kie rōmbum giliga ais kōtñi ketanji ketanji etket. Mewō.

12

Ambi aka sekak namñi ilikñambuk

¹ Suepnōñ aiwesök ketanji wewelipñambuk kun kewō asuhuiga ehal: Ambi kun wehōn jeñan malukuñi aiga kōiñnōñ kōna tambōñi bapñe asariiga senğelau 12 mi ila jalō ewō nōrōpñe kōlgetka gömgōm-bilikbilikñinambuk tatket.

² Kōrōñambuk (gōlōmñambuk) mala morō memenañgō nalōñan dopdowiiga lömbōriiga masō qeiga sihimbölō möta qet gigilahōyök.

³* Miañgō andōñe aiwesök kun Suepnōñ kewō asuhuiga ehal: Sekak namñi ilikñambuk (dragon), mundañi pisikñi pōtpōt, nōrōpñi 7 aka ilikñi 10. Nōrōpñi 7 miañgōreñ ila jalō 7 kōlgetka tarök. ⁴* Sekak namñi miañon dagañan suep qeapköba senğelau mieñgōreñök bahōñi karōbutñi örōba gili gölmenōñ etket. Etketka ambi nanñi morō memamgō ahōhi, yanğō wōsōñe kinök. Mewō kinda morōñi memawi, mi mönō miañgōreñök gwahōtmamgōra mōrök.

⁵* Ambi miañon morō nahōn azia meyök. Yanñon kantrinji kantrinji pakpak ain örōpñōñ galöm köl engiba malma. Ambinōñ morō meyōhi, garatanōñ mi mönō miañgōreñök zilay memba anda Anutugō jakōmbuak dum qōhōrōñe alök. ⁶ Miañgōreñ aliga ambinōñ nanñök mosōta kōk ala anök. Anutunōñ ambi mi silim 1260 miañgō dop gölme qararañkōlkōlñe kōyan köl wanğiget malmapkōra miri gölme kun möhamgōiga miañgōreñ kōk ala anök.

⁷* Suep uruñe yarō juliga kewō auget: Suep garata bohonñi Maikel aka yanğō garataurupñi yeñon sekak namñi tuarenjon aka i aka yanğō garataurupñi yembuk auget. ⁸ Auba sekak namñi aka yanğō garataurupñi yeñgō ösumñini qahō dop kōliga luhut qahō al engiba miriñini mosōta Suep uruñe toroqeba malbingō osiget. ⁹* Osigetka sekak namñi ilikñambuk mi mönō kōzōla Suepnōñök wuatañgōget. Sekak namñi miañon möpñangō möpñeyök mokoleñ aka Iw (Ewa) isim wanğiyök. Qetñi alañi Bölōñangō Tonji aka Satan.

* **11:19:** Anutugōreñ jōjōpañ keu 10 aka jimkutukutu tosatñi mi kōt ilañan ohoba bokis miañgō uruñe alget tari galöm kōlakze. * **12:3:** Dan 7.7 * **12:4:** Dan 8.10 * **12:5:** Ais 66.7; Sum 2.9 * **12:7:** Dan 10.13, 21; 12.1; Jud 9 * **12:9:** Jen 3.1; Luk 10.18

Yañön kantriñi kantriñi pakpak kuñgum enğiiga janjuñ anda malgeri, mi aka yañgö garataurupñi mi mönö yambuk Suepnöhök közöla aköm enğigetka gölmenöñ etket.

10 *Etiketka Suepnöñ qet ketañi kunöñ kewö jii möral, “Keu silenöñ alal Toñan suñgem asak Anutuninañgö wösöñe kinda urumelen alaurupnini jim enğiba malöhi, mi mönö yaköriba aköm wañgigetka yaigep eriga köirañ köljün. Nanine Anutuninan mönö nalö kewöñe ambazip amöt qem enğiba kukösumñi qakñe galöm köl enğiiga bemtohoñangö ölnan lök asuhuza. Amötqeqe Toñangö ösum-mumuñan lök asuhum teköza. 11 Yañön mötnarip alaurupnini keunöñ al enğiba malökmö, Toñi mi mönö kewö luhut al wañgiget: Lama moröñangö sepnan i amöt qem enğiiga köhöiba Buña keu ölbölni nañgöba jim sehiba malget. Mewö mala jöjöröba silenini tököba böñ kinda bim geba luhut alget.

12 “Miañgöra Suep mire maljei, enjön mönö körek pakpak söñgaiba köirañ ala malme. Mewö malmemö, gölmenöñ aka köwetnöñ maljei, injini mönö lömböt kanjamñambuk bisimei, miañgöra mönö Yei! jiba sahötzal. Bölöñangö Toñan luhuba eta tiba enğöreñ kaba nup meme nalöñi töröptökñi ahöi mötzawañgöra mönö kazik ketañi ahakza.”

13 Sekak namñi ilikñambuk yaköriba aköm wañgigetka gölmenöñ eröhi, mi ek asariba ambi morö nahön meyöhi, mi kazik ak wañgiba wuatangöyök.

14 *Wuatangöyökmö, ambinöñ kök aliga Anutunöñ tukapkap ketañangö ginginñi yahöt wañgiiga miañön bölbölgöba ösumñan anök. Anutunöñ gölme qararanökölñe yañgöra miri gölme kun möhamgöyöhi, mönö miañgöreñ anök. Miañgöreñ anda asamböta maliga (yara) yambu 3 aka bahöñi kun mi köyan köl wañgigetka mokoleñöñ i qahö miwikñaiba qelanjima. 15 Ambinöñ bölbölgöba aniga mokoleñgö irimñi teköiga numbuñeyök ambigö andöñe o gwaulu suaiiga o töwatñi ahök. O miañön ambi mi yöhösañda memba jöhöm wañgimapköra möta mewö söwötököba loñnök.

16 Mewö loñnökö, gölmenöñ ambi mi bauköm wañgiba tiñgiriga löm ahök. Sekak namñan numbuñeyök o suaiiga o töwatñi ahöhi, miañön mönö löm miañgöreñ geba jöpköba qahöwahök. 17 Mewö asuhuiga sekak namñangö irimñi kunöñ ambi miañgöra aka sehöliiga mosöta ambi miañgö gwölönarökurupñi tosatñi qetala yarö gil enğimamgöra anök. Gwölönarökurupñi mieñön Anutugö jöjöpañ keu tem köla Jisösgö Buña keu töp nañgöba jim sehimakzei, mönö yembuk karim aubingö anök. 18 Aubingö anda köwet sakñe añgota kinök. Mewö.

13

Jemnemba köwetnöñhök korök.

1 *Miañgö andöñe jemnemba kun ilikñi 10 aka nööröñi 7 mi köwetnöñhök koriga ehal. Ilikñi 10 miañgöreñ ila jalö 10 kölgetka tatket aiga nööröñi mohot mohot miañgöreñ qet mepaqepaikñinambuk ohogetka ahöyök.

2 Jemnemba mi ekiga kewö ahök: Kaisoñgolomñi mi lepad taigögö tandök ewö ahök. Köna bööröñangö sölöññi mi beö sömbupkö sölöp ewö ahök. Numbuñi mi laion sömbupkö numbuñi ewö tandök. Sekak namñan mönö ösumñi, jakömbuak dumñi aka ambazip galöm köl enğimapkö kukösumñi öñgöñgöñi

* 12:10: Job 1.9-11; Zek 3.1 * 12:14: Dan 7.25; 12.7 * 13:1: Dan 7.3; Ind 17.3, 7-12; Dan 7.4-6

mi jemnemba waŋgiyök. ³ Waŋgiiga nöröpŋi kun mi uzi köhöikŋi kunöŋ mei kömumawaŋgö dop ahökmö, uziŋan misiriiga löpötŋanök tarök. Gölmegö ambazip körek pakpak yeŋön auruba jemnemba mi andöŋe wuatangöba anget. ⁴ Wuatangöba anda sekak namŋaŋgö waikŋi memba möpöseiba malget. Kukösüm mewöŋi mi jemnemba waŋgiyöhaŋgöra i aka jemnembagö waikŋi mewöŋanök memba möpöseiba kewö jiget, “Daŋön jemnembagö dop akawak? Daŋön i tuarenjoŋ ak waŋgiba yambuk aumamgö köhöibawak?”

⁵ *Mewö jigetka Satanöŋ jemnembagö numbuŋi sölölohöiga köhöiba jakbak-öraŋböraŋ qakŋe mepaqepaik keuŋi laŋlaŋ jiba malök. Anutunöŋ Satan qahö aŋgön köliga ilitmamgö kukösümŋi mi köiŋ 42 miangö dop ahöm waŋgimapköra jim teköyök. ⁶ Mi jim teköiga numbuŋan aŋaŋiiga Anutu ilita malök. Anutugö qetŋi, Suep miriŋi aka Suep uruŋe maljei, mi pakpak mönö mepaqepaik ak eŋgiba malök. ⁷ *Mewö maliga Satanöŋ ambazip sarakŋi tuarenjoŋ ak eŋgimamgö kukösümŋi waŋgiiga yembuk bim auba luhut al eŋgiyök. Luhut al eŋgiiga Satanöŋ ambazip isikŋini pakpak kambuŋinaŋgö dop, keu tandökŋinaŋgö dop aka kantriŋinaŋgö dop mi mönö jemnembagö böroŋe al eŋgiyök.

⁸ *Ambazip körekmakörek gölmenöŋ maljei, yeŋön mönö jemnembagö waikŋi memba möpöseiba malme. Anutugö ambazip solanŋi qetŋini Suep mire papianöŋ ohoget ahözawi, yeŋönök mönö jemnemba mi qahö möpöseime. Möpŋaŋgö möpŋe Anutunöŋ Suep gölme miwikŋaim etkiyöhi, nalö miangöreŋök könahiba qetŋini mi malmal köhöikŋaŋgö papia miangöreŋ ohoba mala kotket. Malmal papia mi Lama moröŋi qeget kömuyöhi, mönö yaŋgö buŋaŋi ahöiga galöm kölakza.

⁹ “Kunŋan kezapŋambuknöŋ malja ewö, yaŋön mönö keu ki kezap ala möt kutuma! ¹⁰ *Kun kösö mire anmawaŋgö dop akzawi, yaŋön mönö miangöreŋ anma. Kun bimgö sou ketanŋan ugetka kömumawaŋgö dop akzawi, yaŋön mönö mewö kömuma.* Miangöra ambazip sarakŋi, eŋön mönö kapan köla lömböt memba mökösoŋda pöndaŋ möt nariba malme.” Mewö.

Jemnemba kun gölme uruŋeyök korök.

¹¹ Kunbuk ekiga jemnemba kun gölme uruŋeyök korök. Mi ilikŋi yahöt Lama moröŋaŋgö ilikŋi ewöya aka keuŋi mi sekak namŋi ilikŋambuknöŋ jiyöhi, mönö mewöŋanök jiba malök. ¹² Yaŋön kota alaŋi mutukŋaŋgö jitŋememeni aka kukösümŋi pakpak memba miangön yuai pakpak alaŋaŋgö jeŋe ahök. Mewö aka gölme ambazip kunguba sölölohöm eŋgiiga auruba alaŋi mutukŋaŋgö waikŋi memba möpöseiget. Jemnemba mutukŋi mi uzi köhöikŋan mei kömumamgö ahökmö, misiriiga löpötŋanök tarök.

¹³ Jemnemba yahötŋi yaŋön aŋgöletot ketanŋi tandökŋi könaŋi könaŋi meyök. Kun meyöhi, mi könöp bölamnöŋ suepnöhök eta gölmenöŋ kaba jeiga ambazipnöŋ mi jeŋinan eket. ¹⁴ Anutunöŋ Satan qahö aŋgön köliga kukösüm waŋgiiga jemnemba mutukŋaŋgö jitŋememeni aka yaŋgö jeŋe aŋgöletot könaŋi könaŋi memba malök. Miangön mönö gölmegö ambazip tilipköm eŋgiiga janjuŋ aka sohoget. Sohogetka kewö kunguba jim kutum eŋgiyök, “Inini mönö jemnemba mutukŋaŋgö imutŋi söhöba kunguget kiniga göda qem waŋgiba

* **13:5:** Dan 7.8, 25; 11.36 * **13:7:** Dan 7.21 * **13:8:** Sum 69.28 * **13:10:** Jer 15.2; 43.11

* **13:10:** Tosatŋan keu mi kewö melenje: Kunöŋ bimgö sou ketanŋi (bainat) miangön tosatŋi eŋgiiga kömumei, tosatŋan mönö nanŋi mi sou mewöŋan ugetka kömuma.

malme. Jemnemba mutukñi mi bimgö sou ketanjan (bainat) qegetka uzi mei kömumamgö dop ahökmö, töndup guliba maljawi, mönö yangö imutñi kunjume.”

¹⁵ Mewö aketka Satanöñ kukösum jemnemba könangepñi wanjiiga tandö lopion mi mem gulim wanjiiga könahiba söngörö-ösüm alök. Mewöyök jemnemba mutukñangö imutñi mem letoriga azi keu jiba ambazip kunjum enjiiga kewö asuhuyök: Denike yeñon tandö lopion miangö waikñi qahö memba möpöseigeri, i mönö körek enjugetka kömuget. ¹⁶ Jemnemba könangepñan ambazip körek pakpak kewö kunjum engiba jiyök, “Injini mönö jemnemba mutukñangö munjem supapñi mi jemesoholñine me böröñini ölne mekötahöme.” Mewö jiiga nanñini nupñini memakzei aka tonjinañgö welenñini öne gemakzei, ambazip pomñi aka wanapñi, ketanji aka moröñi yeñon mönö körekmakörek munjem supapñi mi memba silenjine mekötahöba kösöget.

¹⁷ Denike yeñon jemnembagö qetñi me qetñangö jañgöñi silenjine qahö memba malgeri, yeñon mönö nene yuai stuanöñ me maketnöñ söngöröñi membingö aka albingö osiget.

¹⁸ Keu ki möt asaribingö mötkutukutuñi kewö: Kunñan mötkutukutuñambuk maljawi, yanñon mönö jemnembagö jañgöñi oyoñma. Jañgöñi mi gölme azigö jañgöñi akza. Supap jañgöñi mi 666. Mewö.

14

Lama moröñi aka könagesöurupñi 144.000.

¹ *Miangö andöñe uba Lama moröñan Zaion kundunje kini ehal. Yambuk könagesöurupñi jañgöñini 144.000 mi mohotñe kingetka Lama moröñangö qetñi aka yangö iwiñangö qetñi mi körek yeñgö mesoholñine ohohonja ahöi engehal. ² Miangöreñök mötpiga Suepnöhök kouruk kun o ketanangö sia qetñi ewö asuhuyök. Mi wölpöndar gijgururur ketanjanök qetzawanö kourukñi miangö tandök ewö ahök. Kourukñi mi gita kulele gwötpuk qegetka kourukñi asuhumakzawanö dop möral.

³ Anutunöñ ambazip 144.000 mi gölmenöhök söngöröñini memba engömeyöhi, yeñon mönö Anutugö jakömbuak dum wösöñe kangota bem jembon 4 aka jitñe meme bohonñi 24 miengö jemesoholñine kinda linjet dölöknji kölget. Körek yeñon nanñini linjetñini mi kölgetka yaigep yeñon mi kusum anguba mötpingö osiget. ⁴ Yeñon ambazip qainñi kun aka mala kotket. Qahö tölohoba sarakñi malbingöra nanñini galöm köl anguba ambi yembuk töwöt qahö miwikñaiba malget. Lama moröñan denike denike anakzawi, yeñon mönö i wuatangöba miangöreñ anakze. Anutunöñ i ambazip sutñineyök bohonñini memba meköba engömeiga Anutu aka Lama moröñi yetkö yambunñiri dölöknji akze. ⁵ *Yeñgö jitñineyök munen keu kun qahö miwikñaigetka keunñini qahö sarakñi mala kotket. Mewö.

Suep garata karöbut yeñon keunñi jiba bölbölgöget.

⁶ Miangö andöñe Suep garata kun ekiga suep kutuba könakemba bölbölgöyök. Yanñon Ölöwak Buña konkon* memba kaba gölme ambazip yeñgöra jim asarimangöra kayök. Ambazip mi kambunjanö dop, bem

* **14:1:** Eze 9.4; Ind 7.3 * **14:5:** Sef 3.13 * **14:6:** Kembu bem konkon Tonjängöreñ Buña keu tömbunji mi konkon. Mi möpñangö möpñeyök könahiba teteköñi qahö ahöm öngöma.

isikñinanğö dop, keu tandökñi jijiñinanğö dop aka kantriñinanğö dop gölme dop köla tat anjei, mönö körek yengöra jim sehimangöra kayök. ⁷ Kaba köhöikñanök silata kewö qerök, “Anutunöñ ambazip kewöta jim teköm enjimawanğö nalöñan mönö töriba dopdowiza. Mianğöra iñini mönö Anutugö jitiñ onğitpinbuköra kenğötñini möta möpöseiba qetbuñani mem sehime! Kunöñ suep, gölme, köwet aka o jeni miwikñaim enğiyöhi, mönö yanğö waikñi memba möpöseiba malme.”

⁸ *Mewö qeriga yanğö könaje Suep garata alanj kun mutukñi wuatangöba kaba kewö qerök, “Babilon siti ketanj mi melenj geiga ahöza. Babilon ambi qetbuñanjambuk mianön mönö serowilin aka mianön kantri pakpak mem tölohom enğiiga dop köl enğiyök. Yanön wain o ewö nemegöra enğiiga urujini sohoiga kahalalom aka malget. Mewö aka malöhangöra Anutugö irimñi seholiiga kazik aka jiiga siti qetbuñanjambuk mi mönö köndengetka melenj gei ahöza.” Mewö.

⁹ Mewö qeriga yanğö könaje Suep garata karöbutñi kun etkuatangöba bölbölgöba kaba köhöikñanök silata kewö qerök, “Kunñan jemnemba aka yanğö imutñanğö waikñi memba möpöseiba munğem supañi angön köla mesoholñe me böröñe mekötahöba kösöza ewö, ¹⁰ *yanön mönö mewöñanök Anutugö irimsesewölñi mi wain o köhöikñi ewö nemba mötma. Anutunöñ wain o mi o töhönñambuk qahö mindiriba wain köhöikñi töhönök irim-sesewölñanğö qambinöñ mokoi tatzawi, yanön mönö mi nema. Mi nemba Suep garata töröñi aka Lama moröñi yanğö wösöñjine kiniga salfa kötkö könöp bölanñan koasikpuk ohoiga sihimbölö önöñi qahö möta malma.

¹¹ * “Mianön enğohoiga sihimbölö önöñi qahö möta malmei, mianğö köwakñan mönö nalö dop teteköñi qahö wahöta öngömakña. Ambazip jemnemba aka yanğö imutñanğö waikñi memba möpöseimakzei, yanön mönö sunğem asak senjom möta malme. Kunñan munğem supañi angön köla silenje kösözawi, yanön mönö silenjan unduiga qemjen qeba luhut memangö osiba malma.”

¹² Mianğöra ambazip sarakñi Anutugö jöjöpañ keunji tem köla wu-atangömakzei, enön mönö kapanj köla lömböt memba mökösoñda Jisös pöndanj möt nariba malme.

¹³ Mianğö andöñe Suepnöhök keu kun mötpiga kewö jiyök, “Gi mönö kimbi kewö ohoman: Ambazip Kembubuk qekötahöba kinda nalö kewöñeyök könahiba kömumei, yanön mönö oyaenköyaen akñe. Uña Töröñan keu kitipñi mi meköba ‘Keu mi ölna,’ jiza. Yanön nup köhöikñi memba qemjem-mamjen möta kaba malget teköiga nupñinanğö ölni asuhuiga Suep Tonjan kösohotñini möri dop köli mianğöra sösoñgai enğii tata luhut memba öñsöñ malme.” Mewö.

Gölmegö nene möriam ölni memegö nalöñi

¹⁴ *Mewö jiiga uba kousu tuatñi ekiga mianğö qakñe kun kaisongolomñi gölme azigö tandök ewö mianön tarök. Ila jalö goulnoñ memenji mi nöropñe tariga böröñan sou kapenkapenğöñi jitiñambuk mi memba tarök. ¹⁵ *Mi ekiga Suep garata kunñan möpömmöpösei jikenöhök (tempöl) aukñe kanğota kousu qakñe tatzawi, yanğöra keu kewö jiba köhöikñanök qerök, “Gölmenöñ möriam ölni lök öliiga ölni memegö nalöñan mönö akza. Mianğöra göñön mönö

* 14:8: Ais 21.9; Jer 51.8; Ind 18.2 * 14:10: Ais 51.17; Jen 19.24; Eze 38.22 * 14:11: Ais 34.10

* 14:14: Dan 7.13 * 14:15: Joel 3.13

sougi kapenkapengöñi memba nupnöh anda mianön gölmegö möriam ölni mi kutum tokoman.”¹⁶ Kousu qakñe tatzawi, yangöra mewö qeriga souñi kapenkapengöñan gölmenöh gila nupkö möriam ölni kutum tokoyök.

¹⁷ Mi tokoiga Suep garata kunñan Suepkö möpömöpösei jikenöhök (tempöl) aukñe kanğorök. Yanön mewöyök sou kapenkapengöñi jityambuk kun memba kanğorök.

¹⁸ Kanğoriga Suep garata karöbutñi kun Suepkö altagö könöp galömñi aka alta mi mosöta kanğorök. Kanğota köhöikñanök qeta Suep garata sou kapenkapengöñi jityambuk memba kinöhi, yangöra kewö jiyök, “Göñön sougi kapenkapengöñi jityambuk mi mönö memba nupnöh anda mianön gölmegö wain kanğeni kanğeni mi yandiman. Kanğen miengö kötrñi lök ölim yaköba tatze!”

¹⁹ Mewö jiiga souñi kapenkapengöñi gölmenöh gila gölmegö wain kösö ölni mi köteköm tokoba Anutugö wain jout ketanji miangöreñ tözöhölmegöra gilök. Wain jout mi Anutugö irimsesewölñangö kaisöpsöpnñi akza.^{† 20} *Wain bagem ölni mi siti yaigepñe könanöh tiba tözöhölgetka sepñan wain jout ketanñangö numbuñe kota qöl tandök ewö lanlan wahöta kota o töwatñi ahök. Sep miangö diginñi mi wan mita aka bahöñi kun ahök. Hosnöh miangöreñ tiba aniga numbuñe koriga hos injutñangö kösöñan samuruyök. Diginñi mewö aiga köörpnji 300 kilomita miangö dop ahök. Mewö.

15

Suep garata 7 aka lömböt kanjamñinambuk 7.

¹ Miangö andöñe suep uruñe uba anğöletot ketanji kun asuhuiga eka kewö welipköyal: Suep garata 7 mi lömböt kanjamñinambuk (plague) 7 memba kinget. Ambazip singisöndokñinangöra Anutugö irimñi seholiiga jim teköba likepnji melenñi lömböt kanjamñinambuk qakñine öngöi mötketka uruñan amöriiga keuñinan kömuma. Miangöra qetñini lömböt kanjamñinambuk qöndökñi 7 qetket.

² Mi eka yuai gilikbilikñambuk köwet ewö ekiga könöp bölamñambuk lolonqalon ahöyök. Miangö qöhöröñe Anutugö ambazip kingetka enğehal. Yeñön luhut ala jemnembagö keuñi qahö tem köla imutñangö waikñi qahö memba qetñangö jañgöñi silenine qahö anğön köla malget. Anutunöh i mohot mohot kulele enğiiga memba kinget. ³*Miangöreñ kinda Anutugö nup meme azi Mosesgö liñetñi aka Lama moröñangö sauren liñetñi mi kewö kölget, “O Kembu Anutu kukösum pakpakö Tonji, göñön anğöletot ketanji ketanji welipñinambuk ahakzan.

Göñön kantrñi kantrñi mi kin kembu ak enğinöñga ahakmemegahö könanji mi diñdini aka öl töhöññi akza. Miangöra Anutu qainñi kun aka maljan.

⁴ O Kembu, göhöreñ ahakmemegi diñdini mi mönö aukñe asuhuiga mötzin.

Miangöra kantri pakpak yeñön kaba göhö waiki memba möpöseim gihi-makze.

Göñön nangok töröñi akzan. Miangöra aka dañön mönö göhöra kengötrñi qahö mötpawak? Körek neñön göhö qetbuñagi mem sehüba möpöseimakzin.”

[†] **14:19:** Anutugö irimsesewölñi mi wain jout ketanji tözöhölgetka uruñan amöriiba teköma. Indelindel 19.15 mi ekñan. * **14:20:** Ais 63.3; Seru 1.15; Ind 19.15 * **15:3:** Eks 15.1; Jer 10.7; Sum 86.9

⁵ *Miangö andöŋe uba yuai kewö ehal: Suepkö möpömöpösei jikegö (tempöl) nanŋujan taliga miangö uruŋe Anutu dangunuŋangö opo seri jikenan kini ehal. ⁶ Möpömöpösei jike miangörenök Suep garata 7 lömböt kanjamŋinambuk 7 memba kingeri, yeŋön mönö eta aukŋe kaget. Malukuŋini tuat lalamŋi bilikbilikŋinambuk löŋgötketka opo jöhan manŋihilakŋi goulŋambuk mi örigit ewö töptöpŋe embahöm anŋuba kinget.

⁷ Yeŋön kagetka bem jembon 4 miengörenök kunŋan goul qambi 7 enŋiiga Anutugö irimsesewölŋan qambi mi numbuŋe kotket. Anutu irimŋi seholizawi, yeŋön mala kota malja aka teteköŋi qahö mal öŋgöma. ⁸ *Qambi mi enŋiiga Anutunöŋ asakmararaŋi aka kukösumŋi kondeliga miangöra köwak pukpuköba möpömöpösei jike (tempöl) kokolak qeiga kunŋan kun Suep jike mi öŋgö-öŋgögö dop qahö ahök. Suep garata 7 yeŋön mutuk qambiŋini mokogetka lömböt kanjamŋinambuk 7 asuhuba öŋinambuk akŋei, miangö andöŋe ölop kunbuk öŋgöme. Mewö.

16

Qambi 7 mokogetka Anutugö irimsesewölŋan asuhuyök.

¹ Möpömöpösei jike (tempöl) uruŋeyök qet ketanŋi kun asuhuiga Suep garata 7 miengöra keu kewö jim kutuiga möral, “Inŋini anda Anutugö irimsesewölŋan qambi 7 numbuŋe kota ahözawi, miengö öŋŋi mönö gölmenöŋ mokome.”

² *Suep garata mutukŋan mosöta anda qambiŋangö öŋŋi mi gölmenöŋ mokoyök. Mokoiga uzi imbilonloŋambuk sihimbölöŋini tandökŋi sohosoŋi mi qegetal ambazip yeŋgö silenŋine asuhuget. Ambazip jemnembagö müngem supapŋi silenŋine memba imutŋangö waikŋi memba möpöseigeri, mönö yeŋgö silenŋine asuhuget.

³ Yahötŋi yeŋön mosöta anda qambiŋangö öŋŋi mi köwetnöŋ mokoyök. Mokoiga köwetnöŋ melenŋa sep ahök. Mönö azi qeŋeŋangö sepŋi ewö ahök. Mewö aiga köwet uruŋe yuai pakpak malmalŋinambuk malŋei, mi mönö lökŋanök kömum teköget.

⁴ *Suep garata karöbutŋan qambiŋangö öŋŋi mi o töwatŋi aka o jeŋi miangören mokoiga melenŋa sep aka dop kölök. ⁵ Mewö aiga Suep garata o galöm kölakzawaŋön keu kewö jiiga möral, “O Anutu töröŋi, göŋön keu kewöta kewö jim tekönöŋga lömböt ki asuhuzawaŋgöra diŋdiŋi akzan. Mönö solanŋi mala kota maljan. ⁶ Yeŋön göhöreŋ ambazip sarakŋi aka kezapqetok ambazip enŋuba malgetka sepŋinan mokoyök. Göŋön i enŋugerangö likepŋi melenŋa sep enŋinöŋga negeri, mi mönö dopŋe alnöŋga qakŋine öŋgöyök. Miangöra Anutu göŋön mönö diŋdiŋanök akzan.”

⁷ O galöm kölakzawaŋön mewö jiiga keu kun altanöhök kewö kaiga möral, “Keu mi öŋŋa! O Kembu Anutu kukösum pakpakö Tonŋi, göŋön mönö ambazip keuŋini kewöta diŋdiŋanök jim teköm enŋimakzan.”

⁸ Suep garata 4:ŋan qambiŋangö öŋŋi mi wehön jeŋe mokoiga miangön wehön ösum waŋgiiga könöŋŋi kötökŋi aka ambazip könöŋ ewö enŋohoyök. ⁹ Wehön jeŋi könöŋŋambuk miangön enŋohoiga silenŋini dölatiyök. Anutunöŋ lömböt kanjamŋinambuk miengö Tonŋi aka ali qakŋine öŋgöyöhi, ambazipnöŋ mi möta miangöra Anutugö qetŋi jim qesuahöm waŋgiba malget. Mewö

* 15:5: Eks 38.21 * 15:8: Eks 40.34; 1 Kiŋ 8.10-11; 2 Hist 5.13-14; Ais 6.4 * 16:2: Eks 9.10

* 16:4: Eks 7.17-21; Sum 78.44; Eks 10.21

malgetmō, Anutu möpöseiba qetbuñani mem sehimegōra mōnō uruñini qahō melengetmō, toroqeba wañgiseñ aka malget.

¹⁰ Suep garata 5:ñan qambinangō ölni mi jemnembagō jakōmbuak dumnōñ mokoyök. Miangōreñ mokoiga söñaup ketanjan jemnembagō ömetohōñi (kingdom) mi dop köla pandaman meyök. Pandaman meiga ambazip irimñini seholiiga nesilamñini jitiñinan yöhötigetka tiñgirök. ¹¹ Ambazipnōñ sihimbölö aka uzi nömbōñinangō sihimbölōñi ketanji möta miangōra Suepkō Anutuñi mi jim qesuahöm wañgiba malget. Mewō malgetmō, ahakmemenñini bölōñi aka memba malgeri, mi qahō kewōta mosōta uruñini qahō melenget.

¹² *Suep garata 6:ñan qambinangō ölni mi o töwatñi ketanji qetñi Yufreitis miangōreñ mokoiga jöpköyök. Wehōn kotkotñeyök kiñ kembuñi kembuñi kabingō möta jöjöröba malgeri, yeñon o jöpköiga kunbuk qahō pañpañgögetmō, kutuba kamegō könani mōnō asuhuyök. ¹³ Miangōreñök uba öme bölōñi karöbut tandökñini kañ ewō mi engekiga sekak namñi ilikñambuk, jemnemba aka kezapqetok azi takapulakanji yeñgō numbuñineyök kota etket. ¹⁴ Ömewöröme mienñon eta anda angöletotñi könani könani ahakze. Mewō aka gölmenji gölmenji pakpak liliköba kiñ kembuñini engekka Anutu tuarenjoñ akñegōra uruñini kuñguba kewō jiget, “Mōnō mindirim anguba Anutu kukösum pakpakō Toñangō nalō ketanje mohotje bim aubin.”

¹⁵ *Jisösnōñ jiza, “Kezap alget! Nōñon mōnō yoñgorō meme ewō ölöñ kamam! Kunñan uruguliguli malmawī, yeñon mōnō simbawoñ akza. Sile aukñe lañ anda kaiga gamuñi ekepukōra sile esuñi galōm kölakzawañon mōnō oyaenköyaen akña.”

¹⁶ *Öme welenqeqe yeñon kiñ kembuñi kembuñi mi kuñguba enñuanñita gölme körōñi qetñi Hibru keunōñ Armagedon jizeī, miangōreñ qezaköba al enñigetka enñehal. Mewō.

¹⁷ Suep garata 7:ñan qambinangō ölni mi könakemba mokoyök. Mokoiga möpömöpösei jike (tempöl) uruñangō jakōmbuak dumnñeyök qet ketanji kun asuhuba keu kewō kaiga jiyök, “Mi lök mokogetka asuhum teköza.” ¹⁸ *Mewō jiiga miangōreñök wölbilik aiga wölpöndañ giliga giñgururuñ qeta ahōiga kenōñ jitiñi buburatiñi kun meyök. Iw (Ewa) Adam yetkö nalönöhök könahiba gölmenōñ mala korini, nalō miangōreñ kenōñ mewōñi kun qahō gilgilña. Miangō dop tandökñi sohohōñi giliga bölōñi kötökñi ahök.

¹⁹ *Mewō asuhuiga siti ketanji Babilon mianñon jula bahōñi karöbut aket aiga kantriñi kantriñi pakpak miengō sitiñini mi mewōñanök ayuhubina meleñni geget. Anutunōñ siti qetbuñanñambuk Babilon miengō bölōñamñini qahō ölum qeiga likepñamñini meleñ enñiyök. Anutunōñ urukñonöp aka irimesewölñan qambi kokolak qeba tarōhi, mi mōnō mokom enñiiga qakñine öngöiga wain o ewō neget. ²⁰ Köwetnōñ gölme jolanñi pakpak ahōgeri, mi mōnō kök ala sömuniget aiga kunduñi kunduñi kingeri, mi mōnō mewōñanök ayapköba qahōwaket.

²¹ *Mewō asuhuiga ais kötni ketanji lömbötñini 45 kilogram mienñon suepnöhök ambazip qakñine erök. Lömböt kanñamñambuk mi tandökñi sohohōñi ahök. Kie kötni tandökñi mewō mianñon eta enñuiga ambazipnōñ miangōra Anutu jim qesuahöm wañgiget. Mewō.

* **16:12:** Ais 11.15 * **16:15:** Mat 24.43-44; Luk 12.39-40; Ind 3.3 * **16:16:** 2 Kiñ 23.29; Zek 12.11

* **16:18:** Ind 8.5; 11.13, 19 * **16:19:** Ais 51.17; Ind 6.14 * **16:21:** Eks 9.23; Ind 11.19

17

Ambi kunöŋ jemnembagö qakŋe tari ehal.

¹ *Suep garata 7 qambi 7 mi memba kingeri, yeŋgöreŋök kunŋan kaba nöŋgöra keu kewö jiyök, “Gi mönö kanöŋga köna ketanŋgö ambi qet-buŋanambuk o gwötpuk miengö qakŋine tatzawi, mi kondel gihimam. Anu-tunöŋ keunji kewöta likepŋi meleni qakŋe öŋgöi malja. ² *Gölmegö kiŋ kembuŋi kembuŋi yeŋön yambuk serowilin aka malget. Könagesöŋinan gölmenöŋ maljei, yeŋön mönö mewöyök ambi miangö serowilinŋagöra aka uruŋini wahöta sohoiga kahalalom aket. Wain o nempa enololoŋ ahakzei, mönö miangö dop könahiba sero yongorö aka mala kahapmahap aket.”

³ Mewö jiiga Uŋa Töröŋan nömeiga alburupŋan qakne öŋgöiga Suep garata miangön noanŋiriga gölme qararaŋkölkölŋe aŋgoral. Miangöreŋ aŋgota ambi kun jemnemba pisikŋi pötpöt yaŋgö qakŋe tariga ehal. Jemnembagö silenje mepaqepaik qetŋi qetŋi ohogetka kokolak qeiga nööröŋi 7 aka ilikŋi 10 mewö kinök.

⁴ *Ambi miangön opo söro pisikŋi gugakgugak aka pisikŋi pötpöt mi löŋgöta tarök. Aködamunŋi goul, jamönjiŋ ölninambuk aka kösasorom tosatŋi miangön menölöm anŋuiga tandökŋan kölköl-bilikbilikŋambuk ahök. Böröŋe goul qambi memba taröhi, mi serowilin aka malöhangö aŋgöjörakŋi im-bilonŋoŋambuknöŋ kokolak qeŋeŋa. ⁵ Ambi miangö mesoholŋe qetŋi tölapŋi mi kewö ohogetka ahöyök, “Babilon qetbuŋanambuk, gölmegö köna ketanŋi ambazip aka aŋgöjörak imbilonŋoŋambukö namŋini.” ⁶ Qetŋi mewö ahöiga Anutugö ambazip sarakŋan Jisösgö könaŋi naŋgöba böŋ qeba kinda jiba malgeri, mi eŋguba seŋŋini nempa miangöra kahalalom ahöi ehal. Mi eka aurum tililingöyal.

⁷ Aurum tililingöbiga Suep garatanöŋ nöŋgöra keu kewö jii möral, “Gi mönö denöwögöra aurum tililingözan? Nöŋön ölöp ambi kiangö könaŋi tölapŋi indel gihimam aka jemnemba nööröŋi 7 aka ilikŋi 10 ambi mi bisimakzawi, yaŋgö könaŋi tölapŋi mi mewöyök indela jim miwikŋaim gihimam. ⁸ *Jegi meleniŋa jemnemba ekzani, yaŋön mutuk malökmö, nalö kewöŋe jebuk qahö malja. Yaŋön ömewöröme yeŋgö löm dutŋi qahö miangöreŋök guliba wahötmampö, Kraistnöŋ kaköm waŋgiiga könöp sianöŋ gema. Anutunöŋ Suep gölme mi-wikŋaim etkiyöhi, nalö miangöreŋök könahiba gölmenöŋ mala kotketka qetŋini malmal köhöikŋaŋgö papianöŋ qahö ohoget ahözawi, ambazip mienöŋ mönö jemnemba eka aurume. Jebuk malökmö, nalö kewöŋe jebuk qahö malja aka könaŋgep kunbuk guliba asuhumawi, miangöra mönö aurume.

⁹ “Nini keu ki möt asaribingöra möringa mötkutukutuŋan kewö ahöza: Nööröŋi 7 mi ambinöŋ kundunŋi 7: gö qakŋine tatzawi, mönö kundunŋi miengö söpsöpŋi akze. ¹⁰ Nööröŋi 7 mi mewöyök kiŋ kembu 7 miengö kaisöpsöpŋi akze. Yeŋgöreŋök 5 lök kömumba etketka 6:ŋi yaŋön mala ambazip galöm köl eŋgimakza. Qöndökŋan bian asuhumawaŋgö dop akza. Yaŋön asuhumawi, miangöreŋ mönö nalö töröŋi kukösum qakŋe kinmawaŋgö dop akŋa. ¹¹ Jemnemba malökmö, nalö kewöŋe qahö toroqeba maljawi, yaŋön 7 yeŋgöreŋök kun akza. Yaŋön kunbuk guliba nanŋak kiŋ kembu jaŋgöŋi 8 akŋa. Mewö akŋapmö, Kraistnöŋ könden waŋgiiga ayuhuba könöp sianöŋ gema.

* 17:1: Jer 51.13 * 17:2: Ais 23.17; Jer 51.7; Ind 13.1 * 17:4: Jer 51.7 * 17:8: Dan 7.7; Ind 11.7; Sum 69.28

12 *^a“Iliknji 10 engekzani, mi mönö kinj kembu 10 miengö kaisöpsöpñjini akze. Yeñön qahö könahiba ambazip galöm köl enjimakzemö, Anutunöñ könangep kukösum engiiga kinj kembu ewö akñe. Mewö aka jemnembabuk aua mohotkö dop ambazip galöm köl enjgiba malme. 13 Kinj kembu 10 mienjön mötmöt areñ mohot miyök wuatangöba jemnemba nangöba kukösumñjini i wangigetka malma. 14 Ösumñjini mewö mindiriba Lama moröñi tuarenjonj aka bim aumemö, Lama moröñan mönö luhut al engiiga etme. Yeñön kinj yeñö Kinjini aka azi kembu yeñgö Kembuñjini akza. Yeñön nenjgohola möwölöhöm nenjiiga yambuk pöndañ kinda malbini, neñön mönö mohotñe luhut al enjgiba köirañ kölbini.”

15 Suep garatanöñ keunji mewö jiba toroqeba kewö jii möral, “Köna ketanangö ambi ketanjan o gwötpuk miengö qakñine tariga engek teközani, o mi ambazip kantriñi kantriñi miengö kaisöpsöpñjini akze. Yeñön kambuñjini aka bem isikñjanangö dop likeplikep tat angetka silenini könanji könanji aiga keunjini tandökñi murutñi murutñi jimakze. 16 Jegi melenñiga iliknji 10 engekzani, yeñön mönö ösumñjini jemnembabuk mindiriba köna ketanangö ambi mi kazik ak wangigetka kewö asuhuma: Yeñön öröyuanñi pakpak kiom qegetka piromñi aiga opo söroñi köteköm tekögetka sile aukñeyök aiga busuñi nemba sihitñi köñöpnöñ ohogetka jem teköma.

17 *^a“Mewö asuhumawi, mi Anutunöñ kinj kembu miengö uruñjini kuñguba sölölohöm enjiiga urumohot aka mindiriba akñe. Anutugö mötmöt areñ mönö mewö wuatangöme. Miangö dop kukösumñjini jemnemba wangigetka ambazip galöm köl enjgiba malma. Mewö maliga Anutugö keunjan öljambuk akñawi, nalö miangöreñ teköma. 18 Ambi tari ekzani, mi siti qetbuñanambuk toñan gölmegö kinj kembuñi kembuñi galöm köl enjimakzawi, mönö kinj miangö söpsöpñi akza.” Mewö.

18

Babilon siti köndengetka gororöñgöma.

1 Miangö andöñe Suep garata kun kukösumñi öngöñgöñi ekiga Suepnöhök asuhuba eriga asakmararanjan gölme mem asariyök.

2 *^a“Eta köhöikñanök silata kewö qerök, “Babilon siti ketanji mi köndenget. Mi ölna köndengetka gororöñgoyök. Ambazip qahöwaketka öme wöröme könanji könanji yeñönök mönö tokoba miriñjini miangöreñ megetka yeñgö gölmeñjini bohonñi ahök. Neiñi neiñi dönqizinñinambuk aka imbilonñinambuk mienjönök mönö miangöreñ tokoba aipñjini lanj ala öñsöñ malje.

3 *^a“Anutunöñ mi kewögöra jiiga köndenget: Kantri pakpak yeñön ambi miangö serowilinnangöra aka uruñjini wahöriga enjololñi aketka Anutugö irimñi seholidiyök. Irimsesewölñi mi qakñine öngögiga wain o nemakzeangö tandök mötket. Gölmegö kinj kembuñi kembuñi yeñön ambi miambuk sero namböñnamböñ aka malget. Kölköl-öröro ambazipnöñ gölme dop miangöreñök kaba sukinap aködamunñinambuk bohonñi memapköra algetka öñöñi qahö öröba siyonñsayonñi qahö malök. Yangö örömgöjup memgöjupñangöra aka yeñön pomñi kindinñibirik aka öngöñgöñi aket.”

4 *^a“Miangö andöñe Suepnöhök kunöñ keu jiiga kewö möral, “Nöngö könagesöurupni, inñi mönö siti mi mosöta yaigep etket.

* 17:12: Dan 7.24 * 18:2: Ais 13.21; 21.9; Jer 50.39; 51.8; Ind 14.8 * 18:3: Ais 23.17; Jer 51.7

* 18:4: Ais 48.20; Jer 50.8; 51.6, 45

Ambi mianjōn singisōndok ahakzawi, mianjōn mōnō enġualōjni yambuk kinda uruġini tōlohobepuk.

Anutunōj likepni melen enġiiga lömböt kanjamninambuk qakjine öngömei, lömböt mewōj kunōj mōnō nannini qakjine öngöiga mewōyök sihimbölö mötpepuk. Mianġōra yembuk mōnō kude mindiriba malme.

5* Ambi mianjōn singisōndokjı aka qaknōj qaknōj alıga öngöba lök suep misirim teköza.

Kegwek-kahasılılıjı aka malgeri, Anutunōj mi mōnō nannı mötmōtnōj ala mianġōra qahö ölum qema.

6* Ahakmeme gojgojı tosatjı ak enġiba malgeri, injini mōnō mianġö dop melenı ak enġime. Bölöjı aka memba malgeri, injini mōnō mianġö likepni sömañı yahötkö dop melen enġigetka qakjine öngöma.

Singisōndokö qambıñı nemegöra mokoba malgeri, nannıñı qambi mianġöreñök mōnō sömañı yahötkö dop uba melenı wain o kömbukjı kötökjı mi enġöra mokoget neme.

7* Ambi mianjōn sukinap aködamunjinambuk önöñı qahö öröba qetbuña öngöñöñı miwikjaıba sıyoñsayoñı qahö malök. Mianġö likepni mōnō nannı ihileknōj ohotiriba ip özöpañnōj sıhimbölö önöñı qahö ak wañigetka jinġen köla wösöbirik malma. Nannı uruñe kewö mötmörıba lañ jimakza,

‘Nöjōn qın ambi kembugö jakömbuak dum tatatjıe tatzal. Malö qahö akzal aka nalö kunōj jinġen qahö kölmam.’

8 Mewö lañ jimakzawañgöra aka Anutunōj likepni melen wañiiga nalö mohotkö uruñe yañgö qakjıe öngöma.

Kembu Anutunōj keunı kewöta jim teköm wañiyöhi, yañgö kukñan mōnō öngöñöñı akza.

Mianġōra lömböt kanjamninambuk könañı könañı mienjōn mōnō zılañ kewö asuhum wañiime:

Tinitosolomñan kömugetka jinġen köla bödi tarıga nannı könöpnōj ohogetka jema.”

9* Könöpnōj ohogetka jeıga köwak wahötmawi, kantrıñı kantrıñı pakpak mienġö kın kembuñınan mi eka mōnō amburereñı aka sahötmıe. Kın kembu mienjōn yambuk serowılın aka malget. Sukınapñı aködamunjinambuk önöñı qahö mianġö nem söñgaıpnı yambuk ala söñgaıba malgeri, yeñōn mōnō yañgöra aka jinġen kölmıe. 10 Jinġen köla ihileknōj ohotirıgetka ip özöpañnōj sıhimbölö önöñı qahö mötzawi, mianġōra mōnō töwöratıba tıkep kinda kewö sahöta jıme, “O Babilon sıti qetbuñañambuk, lömböt qakjıne öngöyöhangöra mōnō Yeı! Yeı! jıba sahötzın. O sıti kukösumñıni ketanı, Suep Toñan likepni melen enġiiga ösumok aua mohotkö uruñe qakjıne öngöıga sıhimbölö ketanı mötze. Yeı Yeı! jıba sahötzın!”

11* Kantrıñı kantrıñı mienġö kölköl-örörö ambazıp yeñōn mewōyök amburereñı akjıe. Kunñan toroqeba yeñgö inapñıni bohonñı qahö memakñawañgöra mōnō jinġen köla sahötmıe. 12* Aködamunñıni goul, sılwö, jamönjın ölnıambuk aka sorom kötnı mi Babilon yeñōn me tosatñan qahö bohonñı meme. Oponñıni tuat lalamñı, pisıkñı gugakgugak, pisıkñı pötpöt aka opo qetñı sılk mi qahö bohonñı meme. Ip qetpuk könañı könañı mienġö

* 18:5: Jen 18.20-21; Jer 51.9 * 18:6: Sum 137.8; Jer 50.29 * 18:7: Ais 47.7-9 * 18:9: Eze 26.16-17 * 18:11: Eze 27.31, 36 * 18:12: Eze 27.12, 13, 22

kembanjini aka börösöwöjini könarji könarji mi qahö toroqeba bohonji meme. Aködamanjini elefant sihitjan memenji, mi öne ahöme. Dum tebol yuainjini ip söngöröjini ketanji in, qönqön, mihinik, nanjim aka yuari mianjón memenji, mi öne ahöme. Börösöwö ain gohotji brons aka ain injanjan memenji aka köt qetji mabol mianjón memenji mi mönö öne ahöme.

¹³ Babilon yejón kömusönönik (sinamon) aka gipji tosatji mi qahö bohonji meme. Silegö sanda qetji mör, jinij samburup aka sile ömön tosatji mi qahö bohonji meme. Wanafu, berat, wölömjikjik aka wörönji asuhumapkö yuai tosatji mi qahö bohonji meme. Mewöyök wain o, oil ipkö oilji, wit kötji aka flaua nenenji mi qahö bohonji meme. Bulmakau, lama, hos aka hos kare mi qahö bohonji meme. Mutuk welenqege ambazip bohonjini memba nupnöj al engigetka sile me urumötmötjinan böliba ayuhuyök. Mewö qahö toroqeba ahakje.

¹⁴ Kölköl-örörö ambazip yejón Babilon ambi miangöra kewö jime, “Ip ölni nemangö sihimji möta eröm ota malnöji, mi mönö qahöwaketka öne maljan. Töhötmöriamgi aka sukinapki aködamanjinambuk mi mönö körek pakpak gömosöta ayapkögetka tötmömimba maljan. Mi mönö nalö kungen kunbuk miwikñaimanangö dop qahö.” ¹⁵ *Kölköl-örörö ambazip sukinapjini mewö mewö bohonji memegöra ala siti miangöreñök monej goul (guli dötnam) öröba qetbuñanambuk aket. Yejón tikep kingetka tosatjan ihileknöj ohotirigetka ip özöpañnöj sihimbölö öñöji qahö möröhi, miangöra mönö auruba sahöta jinjeñ kölme.

¹⁶ Jinjeñ köla kewö jime, “O siti ketanji, lömböt qakjine öngöyöhangöra mönö yei! yei! qeta jinjeñ köljini. Yejón oponjini tuat lalamni, pisikni gugakgugak aka pisikni pötpöt mi löngötket. Aködamanjini goul, jamönjin ölninambuk aka kösasorom tosatjan menjölöm anjugetka tandökjinan kölköbilikjinambuk aket. ¹⁷ *Mewö aketmö, sukinapjini mewöji öñöji qahö mi mönö ösumok aua mohotkö uruñe ayuhuba ayapköba qahöwaket.” Mewö jiget.

Wañge pailot pakpak aka ambazip wañgenöj anda kamakzei, yejón mewöñanök körek Babilon siti ohoget jeiga köwakji mi tikep kinda ekje. Mewöyök wañge ambazip opo seri möröreñgögetka luhutnöj nanjöi anakzei aka köwetnöj nup tosatji memba malmaljini nanjömakzei, mienjón mönö körek pakpak mi tikep kinda ekje. ¹⁸ *Ambi ketanji qetbuñanambuk ohoget jeiga könöp bölamnanangö köwakji wahötmawi, mi tikep kinda eka amburereñ aka kewö jime, “Siti qetbuñanambuk kianjö alanj mönö nalö kunöj qahö ahöyök.”

¹⁹ *Mewö jiba sömsöm urata kau ariba qeta jinjeñ köla unduba sahöta kewö jiget, “O siti ketanji, aua mohotkö uruñe yuainji pakpak mönö ayuhuba ayapköba qahöwahök. Ambazip wañgeninambuk pakpak köwetnöj anda kaba sukinapjini bohonji memegöra ala miangöreñök monej goul (guli dötnam) sehisehiji örögetka siti mianjón qetbuñanambuk ahök. Lömböt qakjine öngözawangöra mönö yei! yei! jiba sahötzin.” Mewö jiget.

²⁰ *Yejón ahakjime goñonji tosatji ak engiba malgeri, Anutunöj mönö mianjö keunji jim teköba likepni melenniga qakjine öngöiga sihimbölö ketanji mörakze. Miangöra Sup mire maljei, injini mönö yangöra aka köiran kölme. Anutugö ambazip sarakni, aposolurupji aka kezapqetok ambazip injini mönö söngaiba sauren qeba malme.

* **18:15:** Eze 27.31, 36 * **18:17:** Ais 23.14; Eze 27.26-30 * **18:18:** Eze 27.32 * **18:19:** Eze 27.30-34 * **18:20:** Dut 32.43; Jer 51.48

21 *Miangö andöje Suep garata ösumji öngöngöni kunöj kaba köt keta bölökni memba wahöta köwetnöj gili geiga kewö jiyök, “Anutunöj siti ketanji qetbuñanambuk mi mönö kiangö dop könöpuk köndenja melenji geba qahöwak teköma. Qahöwak teköiga könanjep nalö kunöj qahö miwikñameangö dop akña. 22 **Inji siti miangörej kömam köla gita kulele qeba awölop tömun uba liñet köla undumalgeri, miangö kourukni mönö nalö kunöj kunbuk qahö mötme. Babilon engörej ambazip mötmöt nupñini könanji könanji memba malgeri, mi mönö teköyök. Dokta didiman, qaçazu klak aka mewöni mi miangörej kunbuk qahöp mahöp miwikñaim engime. Wit padi kötni jamöninjih yahötkö sutñire möjöhahögetka (mill) kourukni asuhuyöhi, miangö isikusukñan mönö qahöwahiga sitinöj mönö göröj qeba ahöma.

23 “Mutuk sitinjanangö mirinji pakpak mi kiwanjinambuk asarigetmö, asakñi mianjön mönö bököiga pandaman ahöma. Azigö andöurupñinan ambigö mam bohönji bau anguba börum megetka ambigö sepkitipurupñan köiran ala nem jöwösök aka sösongai almalgeri, oköiran mewöjanangö kourukni mi mönö kunbuk mötmeangö dop qahö. Babilon engö kölköl-örörö ambazip mi kantrinji kantrinji miangörej möt engigetka qetbuñanambuk aka malget. Yenjörej qarösoñgo amötqeqe ambazip mi gölme dop ambazip urunji mem sohogetka janjun aka malget.” Suep garatanöj mewö jiyök.

24 *Babilon mi kewögöra ayuhuyök: Kezapqetok ambazip aka Anutugö ambazip sarakñi mi mönö yenjö sutñine töndup taköwölan aka enguget kömugetka sepñinan erök. Yenjörej sep aka gölmenöj ambazip tosatinji engugetka kömumalgeri, körek yenjö sepñinanangö kitipñan mönö yenjö qakñine öngöi malget. Könanjanjini mewö miwikñaignetka ahöyök. Mewö

19

Suep yenjön Babilon geyöhängöra Anutu möpöseiget.

1 Miangö andöje Suepnöhök keu kun mötpiga kambu ketanji yenjön köhöikñanök saurenj liñet köla qetzei, mönö miangö tandöktandök asuhui kewö jiget, “Anutu möpöseizin aleluya! Anutunöj amöt nenjuba nenjömeiga yanjö buñanji akzin. Anutuninan kukösum Tonji aiga möpöseim wanjiinga qetbuñanambuk akza. 2 *Anutunöj mönö keu öljangö dop ambazip keunji kewöta diñdjanök jim teköm nenjimakza. Köna ketanji ambi serowilin aka mewö mianjön ambazip gölme dop mem bölim engiba malöhi, Anutunöj mönö yanjö keunji kewöta jim teköyök. Ambi mianjön Anutugö nup meme ambazip enguiga sepñinan eröhi, miangö likepñi mönö melej wanjiiga qakñe öngöiga sihimbölö möta malja. Miangöra Anutu möpöseim wanjizin.”

3 *Mewö jiba kunbuk qeta kewö jiget, “Ambi mi ohoget jeiga köwakñan mönö nalö dop teteköñi qahö wahöta öngömakña. Miangöra Anutu möpöseim wanjimakzin, aleluya!” 4 Mewö qeta jigetka Anutugö jitrjememe bohönji 24 aka bem jembon 4 mieñön mönö bamgöba simin köla Anutu, jakömbuak dumñe tatzawangö waikñi memba möpöseiba kewö qetket, “Keu mi öljä, aleluya!”

Lama moröjanangö maren lömbuan

* 18:21: Jer 51.63-64; Eze 26.21 * 18:22: Eze 26.13; Ais 24.8 * 18:22: Jer 7.34; 25.10 * 18:24: Jer 51.49 * 19:2: Dut 32.43; 2 Kiñ 9.7 * 19:3: Ais 34.10

⁵ *Mewö qetketka jakömbuak dumnöhök keu kun kewö asuhuyök, “Anutugö nup meme ambazip ketanji moröni jitnji ongitpinbuköra kenjötnjini mörakzei, injini mönö körek pampak Anutunini möpöseiba malme.”

⁶ *Keu mi asuhuiga keu kun mörali, mi kianjö tandöktandök: Kambu ketanji yenön linjet köla qet qerakzei aka o sianöng tongala kiniga ötöni asuhumakzawi aka wölpöndandaj ketanjan qeiga ginjururuj asuhumakzawi, keu mi mönö mianjö tandöktandök ewö asuhuiga kewö jiget, “Kembu Anutunini, kukösum pampakö Tonjan mönö könahiba gölme dop galöm köl engiba kinj Kembuujina aka malma. Mianjöra Anutu möpöseizin, aleluya! ⁷ Lama morönganjö ambi buñajan mönö marengö möta nanñi mözözömgöba jöjöröm anguiga amqeiga ambi memegö nalöñan mönö kam kunjuiga maljin. Mianjöra nenön mönö köiranj köla söngaiaba Anutu möpöseim wanjiinga qetbuñajan sehimakña. ⁸ Anutunöñ maluku tuat lalamñi asakmararajambuk mi enjiiga löngötket.” (Maluku tuat lalamñi mi ambazip sarakñi yenjö ahakmeme solanñanjö kaisöpsöpñi, mönö mianjören löngöt anjuget.)

⁹ *Kambu ketanñanjö tandöktandök mewö qeta jigetka Suep garata qambinambuk mianjön mönö toroqeba kewö jii möral, “Keu ki mönö ohoman: Anutunöñ ambazip engoholiga Lama morönganjö maren (ambi memegö) lömbuanñöñ kanjötmey, yenön mönö simbawon akze.” Mewö jiba dumñe kunbuk nöngöra kewö jiyök, “Keu mi mönö Anutugö keu öl töhöññi akza.”

¹⁰ Suep garatanöñ mewö jiiga nöñön mianjörenök yanjö waikñi memba möpöseim wanjimangö möta yanjö könaje simin köla sipköyalmö, nöngöra kewö jiyök, “Aek! Mewö kude akñan. Gi aka göhö urumelen alaurupkan jisösgö könaji nanjöba jiba malgetka welen qem enjimakzini, nöñön mönö yenjörenök kun akzal. Jisösnöñ Buña keu ölnji indelöhi, mianjö ösumñan mönö kezapqetok ambazip inahöm enjiiga Unja Törönganjö keunji möta jim sehiget. Mianjöra mönö Anutugöra sipköba waikñi memba möpöseiba malman.” Mewö.

Kraistnöñ yarö kambuñi yembuk bim aubingö anget.

¹¹ *Nöñön Suep anañjiiga hos tuatñi kun ekiga kayök. Qakñe tariga kayöhanjö qetñi mi Pöndanj Kinkin (Jembon onji nene) aka Azi Ölbölnji. Qetñi mewö qerakzei, yanjön keu diñdij wuatanjöba keu kewöta jim teköba mianjö dop bim qemakza. ¹² *Jeñan könöp bölam tandök jeiga nöörpñe ila jalö gwötpuk kölgетка qetñi aukñe ohohoña kayök. Qetñi nanñök mötzapmö, kunöñ kun mi qahö mötza. ¹³ Malukuñi sepnöñ kusakusaholñi mi löngöta kayök. Qetñi qerakzei, mi Anutugören keu.

¹⁴ I wuatanjöba kageri, mi Suep mirigö yarö azi kambuñi kambuñi. Yenön hosñini tuatñi engömembra qakñine tata malukuñini tuat lalamñi sarakñi löngöta kaget. ¹⁵ *Suahöñinanjö numbuñeyök bimgö sou ketanji (bainat) jitñi zuluk alalñambuk kunöñ kayök. Mi kantrinji kantrinji enguba luhut al engimapköra aka kayök. Yanjön galömkölkölgö ain öröññan kantri

* **19:5:** Sum 115.13 * **19:6:** Eze 1.24; Sum 93.1; 97.1; 99.1 * **19:9:** Mat 22.2-3 * **19:11:** Eze 1.1; Sum 96.13; Ais 11.4 * **19:12:** Dan 10.6 * **19:15:** Sum 2.9; Ais 63.3; Joel 3.13; Ind 14.20

dop qindinaiba galöm köl engiba malma. Yanön Anutu kukösum pak-pako Toñangö wain joutñi ketañi tözöhölma. Wain jout mi Anutugö irimsesewölñi urupikñambukö kaisöpsöpñi akza.* 16 Malukuñe qetñi kun ohogetka marömñe kewö kinök, “Kinñ yengö Kinjini aka azi kembu yengö Kembuñini.” Mewö.

17 *Miangö andöñe Suep garata kun ekiga wehön jeñe kinök. Euyangörej kinda köhöikñanök qeta neiñi neiñi suep bibiñi kutuba könakemba bölbölgöba anakzei, mönö körek mi engohola kewö jiyök, “Injini mönö kame-e! Anutunöñ közölömbuan ketañi mözözömgöyöhi, mönö miangörej tokome. 18 Kaba tokoba kinñ kembu, suahö galöm aka yarö azi yengö busuñini neme. Hos aka hos qakñine tarakzei, mönö yengö busuñini neme. Ambazip körek yengö busuñini mönö kaba neme. Ambazip öngöñgöñi eretñi, nanñini nupñini memakzei aka toñinañgö welenñini öne qemakzei, mönö körek miengö busuñini neme.”

19 Miangö andöñe jemnemba aka gölmeñi gölmeñi yengö kinñ kembuñini mienñon mönö yarö kambuñini enguanñita kaba tokogetka engahal. Kunöñ hos qakñe tata yarö kambuñi yembuk kinöhi, mönö i tuarenjoñ ak engiba bim aubingöra tokogetka engahal.

20 *Augetka jemnemba memba jöhöget. Kezapqetok azi takapulakanñi jemnembagö jittjememba angöletot aka malöhi, i mewöyök jemnembabuk memba jöhöget. Kezapqetok azi takapulakanñi angöletot aka mianñon ambazip tosatñi kewöñi mi tilipköm engiiga janjuñ aka malget: Ambazip jemnembagö supapñi memba angön kölgeri aka tosatñan imutñangö waikñi memba möpöseiba malgeri, mi mönö tilipköm engiba malök. Etkömemba jöhöba gwölögwölö aköm etkigetka löm salfa kötkö könöp bölanñan koasikpuk jemakzawi, mönö miangö sianöñ geyohot. 21 Geyohotka hos qakñe taröhanñgö numbuneyök bimgö sou ketañi (bainat) kayöhi, mianñon mönö kinñ kembu aka yarö azi pakpak mi enguiga kömuget. Kömugetka nei pakpak yenñon kanñgota busuñini uba nema nem timbireñ aket. Mewö.

20

Satan jöhögetka yara 1.000:gö dop kösö mire tarök.

1 Miangö andöñe Suep garata kun ekiga Suepnöhök erök. Yanñon ömewöröme yengö löm dutñi qahö miangö ki moröñi aka tapep (munñamunña) ketañi kun mi böröñan memba erök. 2 *Garata mianñon eta sekak namñi ilikñambuk (dragon) mi memba (yara) yambu 1.000 tatmawanñgöra jöhöyök. Sekak namñi mi möpñangö möpñeyök mokoleñ aka mala korök. Qetñi alañi mi Bölöñangö Toñi aka Satan. 3 Yambu 1.000:gö uruñe toroqeba ambazip kantri dop kunñguba gölme dop janjuñ akñegöra tilipköm engibapuköra jöhöyök. Jöhöba gili ömewöröme yengö löm dutñi qahö miangörej geiga önunñi köla sapö ala munñgem supapñöñ (sil) qekötahöba ki namñi misii geiga uruñe tarök.

* 19:15: Jisösnöñ Anutugö irimsesewölñi aka urupikñi tözöhölmawi, keu miangö könanñi kewö: Nini sinñisöndok ahinga Anutugö irimñi seholliga irimsesewölñan qaknine öngöba ahöma. Toroqeba sinñisöndok aka urunini qahö meleñninga Anutugö irimñan toroqeba seholliga urupikñambuk akña. Wain kösögö ölni pisikñi (greip) miangö kanñeni mi jout ketane ala tözöhölgetka qösököiga öñan dutñangö kinimñe lalanöñ geiga baket algetka miangö uruñe gemakza. Anutugö irimsesewölñi aka urupikñi miangö söpsöpñi mi wain kösögö ölni. Jisösnöñ miangö sihimbölöñi möta tözöhöli geiga Anutugö uruñan amöröba teköiga luai asuhuma. * 19:17: Eze 39.17-20 * 19:20: Ind 13.1-18

* 20:2: Jen 3.1

Mewö tari Suep garatanöŋ kewö jiyök, “Yambu 1.000 teköiga miangö andöŋe Anutunöŋ jii kunbuk pösatketka nalö töröpŋi nupŋi memba malma.” Mewö jiyök.

4 *Miangö andöŋe jakömbuak dumŋi dumŋi ehal. Anutunöŋ tosatŋi kukösum enŋiiga ambazip keuŋini jim tekömei, yeŋön mönö dumŋi dumŋi miangöreŋ eta tatket. Mewöyök ambazip Jisösgö könani nanŋöba jigeranŋöra aka Anutugö Buŋa keugöra aka jöŋini yandigetka kömugeri, mönö yeŋö uŋaŋini engehal. Mewöyök ambazip jennemba aka yanŋö imutanŋö waiŋŋi qahö memba möpöseigeri aka yanŋö supapŋi mi mesoholŋine me böröŋine qahö memba anŋön kölgeri, mönö yeŋö uŋaŋini engehal. Uŋaŋini mi engekiga mönö guliba wahötket. Wahöta Kraistpuk (yara) yambu 1.000:gö dop yuai pakpak galöm köla malget.

5 Kömugeri, yeŋöreŋök tosatŋan kömupnöhök wahötwhöt mutukŋi miangö nalöŋe qahö guliget. Qahöpmbö, (yara) yambu 1.000 mi mambötket teköiga miangö andöŋe mönö guliba wahötme. 6 Denike yeŋön kömupnöhök wahötwhöt mutukŋanŋö nalöŋe gulimei, yeŋön mönö oyaenŋoyaenŋ aka töröŋi sarakŋi akze. Nalö miangöreŋ gulibagun mönö indimŋi yahöt qahö kömume. Kömup yahötŋanŋö kukösumŋan mönö yeŋö qakŋine qahö öŋgöi kömumbingö osime. Yeŋön mönö Anutu aka Kraist yetkö jike nup galömurupŋiri akŋe. Mi aka Kraistpuk (yara) yambu 1.000 mi yuai pakpak galöm köla mal öŋgöme. Mewö.

Anutunöŋ Satangö keuŋi jim teköiga etma.

7 (Yara) yambu 1.000 mi teköiga Satan kösö mireyök (kopurumŋeyök) pösatketka etma. 8 *Eta anda ambazip kantri dop tilipköm enŋimangöra gölme dop liliköma. Gölme görani likeplikap eu emu anda kaba (uruŋini moŋgosohowa) siksaŋak ak enŋiba kantri qetŋiri Gog aka Magog mi tok dop köla anma. Anutu tuarenŋöŋ aka bim qemegöra kuŋgum enŋiiga tokogetka janŋöŋinan köwetkö sak kösakö dop akŋa. 9 Tokoba kaba kutuba Israel gölme dop köl teköba anda Anutugö könagesö yeŋö selŋini aka Anutugö wölböt sitiŋi (Jerusalem) mi liliköba tatme. Mewö tatmemö, Anutunöŋ könöp bölam aliga suepnöhök eta jem kutum enŋim teköma.

10 Jem kutum enŋim teköiga Bölönanŋö Tonji tilipköm enŋiiga janjuŋ akəri, garata yeŋön i aköm wanŋigetka löm salfa kötkö könöp bölamŋan koasikpuk jemakzawi, mönö miangö sianöŋ geyök. Mutuk jennemba aka keza-pqetok azi takapulakanŋi mewöyök aköm etkigetka miangöreŋ geba maljahöt. Miangöreŋ sungem asak ihileknöŋ ohotirim enŋigetka teteköŋi qahö sihimbölä önöŋi qahö möta mal öŋgöme. Mewö.

Anutunöŋ ambazip kömugeri, yeŋö keuŋini jim teköma.

11 *Miangö andöŋe jakömbuak dum ketanŋi tuatŋi aka miangöreŋ tatzawi, i ehal. Ekiga suep gölme mi yanŋö jemesoholŋeyök qahöwaka angaiyohot. Angaiba kunbuk etkekinanŋö dop qahö ahot. 12 Angaiyohotka ambazip kömukömuŋi öŋgöŋöŋi eretŋi engekiga jakömbuak dum wösöŋe kingetka Anutunöŋ buk papianŋi papianŋi kötulök. Papiya alanŋi kun qetŋi malmal köhöikŋanŋö qet arenŋi papia mi mewöyök kötulök. Kötula ambazip

* 20:4: Dan 7.9, 22 * 20:8: Eze 7.2; 38.2, 9, 15 * 20:11: Dan 7.9-10

kömükömunji yenğö keunjini kewöriğa ahakmemeninanğö kösohotnji buk papi-anöñ ohogetka ahöyöhi, yanñon mönö mianğö dop oyonđa ambazip jim teköm enğiyök.

¹³ Köwetnönj kömumba geba malgeri, mi köwet Tonjan melenj enğiiga Anutugö jeñe kanğotket. Kömupkö kondotkondot Tonjanğö böröñe malgeri, mi Tonji mianñon kölenđa al enğiyök. Kömumba kömupkö uñem mire geba malgeri, mi mianğö Tonjan melenj enğiiga Anutugö jeñe kanğotket. Mewö kanğota asuhugetka Anutunönj keunjini mohot mohot kewöta ahakmemeninanğö dop jim teköm enğiyök. ¹⁴ Jim teköm enğiiga kömupkö kondotkondot Tonji aka kömupkö uñem miri Tonji mi aköm etkigetka löm könöp koasikpuk jemakzawi, mönö mianğö sianönj geyohot. Könöp sia mianğöreñj gegeri, mianñon mönö kömup indimñi yahöt akza.

¹⁵ Anutunönj kungö çetnji malmal köhöiknanğö çet papianönj qahö ohogetka ahöi miwikñaiyöhi, i mönö aköm wangii löm könöp koasikpuk jemakzawi, mianğö sianönj geyök. Mewö.

21

Suep dölökñi aka gölme dölökñi etkehal.

¹ *Suep gölme mutukñi yetkөн mewö qahöwaka ayapköyohotka köwetnönj mewöyök qahö toroqeba ahöyök. Mianğö andöñe Suep gölme dölökñi etkehal.

² *Jerusalem dölökñi, siti töröñi mi Suepnöhök Anutugö mireyök eriga ehal. Siti mi möhamgöm tekögetka eksihimñambuk kewö ahök: Ambi maren wanğigetka maluku eksihimñambuk löñğöta azi buñanambuk aitonğömapköra meñölöm anğuba jöjöröba aködamunñambuk kinjawi, siti mianñon mönö mianğö dop aiga ehal. ³ *Mi eka kinda jakömbuak dumñöhök keu kun asuhui mötpiga köhöiknanök qeta kewö jiyök, “Eknönj, Anutugö mirinönj mönö ambazip sutñine eta ahöza. Anutunönj sutñine maliga yambuk malgetka nanñak bem Anutunjini aka yembuk mal öñğöma. ⁴ *Yembuk mala je imbilñini mi löknanök kutum teköma. Yuai pakpak mutuk ahöyöhi, mianñon mönö qahöwak teköyök. Mianğöra kunbuk qahö kömugetka jinğenkölköl qahö akñe aka toroqeba sihimbölö kun qahö mötme. Yuai kungöra qahö osiba sahötme.”

⁵ Jakömbuak dumñe tatzawanñon kewö jiyök, “Mötnönj, nöñon jibiga öröyuai pakpak mönö kölöñaiğa dölökñi akña.” Mewö jiba jiyök, “Keu mi öl töhöññi uruyahötñi qahö, mianğöra mi mönö papianönj ohoman.” ⁶ *Toroqeba kewö jii möral, “Mi mönö jibiga asuhum teköza. Nöñon mutuhök mala (yuai pakpak miwikñaiba könanğep jibi qahöwahiga) qöndökña mal öñğöba malmam. Mianğö dop nöñon kulem namñi mutukñi A aka kulem namñi tetekönji Z akzal. Kunñan ogöra mötzawi, nöñon mönö malmal köhöiknanğö o jeñeyök o mi kalema wanğibiga mianğöreñjök söñğörönji qahö um nember malma. ⁷ *Kunñan lömböt pakpak onğita luhut almawi, nöñon mönö yanğö Anutunji aka yuai pakpak mi wanğibiga buñanji aiga nöñğö nahönböratni aka çetni bisiba malma.

⁸ “Mewö malmapmö, tosatñan ambazip jeñine zirinñirinj aka böñ qahö kinda mötnariñini mosötketka urunñan tölohozawi, yenğö mirinñan mönö

* **21:1:** Ais 65.17; 66.22; 2 Pitö 3.13 * **21:2:** Ais 52.1; 61.10; Ind 3.12 * **21:3:** Eze 37.27; Lew 26.11, 12 * **21:4:** Ais 25.8; 35.10; 65.19 * **21:6:** Ais 55.1 * **21:7:** 2 Sml 7.14; Sum 89.26-27

löm salfa kötkö könöp* bölamñan koasikpuk jemakzawi, mianğoreñ ahöma. Yeñğoreñ toroqeba ambazip kewöñi yeñön mewöyök mianğoreñ geba malme: Ambazip enguget kömugetka kaisero qarösoñgo amötqeçe aka tandö lopion waikñini memba möpöseiba muney keu jimakzei, nöñön mönö i aköm engigiba sia mianğoreñ geba malme. Mi kömup indimñi yahöt akña.” Jakömbuak dumñeyök keu mewö kaiga möral. Mewö.

Jerusalem siti dölökñi mi qainñi kun.

⁹ Lömböt kanjamñinambuk qöndökñi 7 mianñon qambi 7 kokolak qegetka Suep garata 7 mienñon mi memba kingeri, yeñğoreñök kunñan kaba nöñğöra kewö jiyök, “Mönö kanöñga Lama moröñangö ambi buñañi anömñi akñañgö akzawi, mi kondel gihimam.”

¹⁰ *Mewö jiiga Uña Töröñan nömeiga alburupñan qakne öñğöiga Suep garata mianñon noañgriga kundunñi köröpñi qetbuñañambuk kunöñ öñğöit. Mianğoreñ öñğöba siti töröñi Jerusalem Suepnöhök Anutugö mireyök eröhi, mi kondel niñgiiga kewö ehal:

¹¹ Anutugö asakmararañan mianğoreñ asariiga kölköl-bilikbilikñan goul aka jamönñin ölninambuk söñğöröñini öñğöñgöñi miengö tandök ahök. Jamönñin ölnambuk qetñi jaspö mi kirin jöhanñi jöhanñi kölköl-bilikbilikñinambuk melenđa asarimakzei, mönö mianğö dop tuatñi ahöyök. ¹² *Kiriponñi öñğöñgöñi mi aködamunñambuk. Kiriponñangö nanğunñi 12 kingetka kösutñine Suep garata 12 dop köla kinget. Israel könagesögö kambunñi 12 miengö qetñini mi nanğu miengö silenje ohogetka kinök. ¹³ Nanğu 12 mi likeplik ep eu emu kewö kinget: Wehön kotkotñe karöbut, gegeñe karöbut, Not likepñe karöbut aka Saut likepñe karöbut. ¹⁴ Siti kiripo mi jamönñin tandö welipñinambuk 12 miengö qakñine megetka kinök. Lama moröñangö aposolurupñi 12 yeñğö qetñini 12 mi tandö 12 mianğoreñ ohogetka kinök.

¹⁵ *Suep garata nömbuk keu jiyöhi, yañön siti, mianğö kiriponñi aka nanğunñi 12 miengö dopñini dop ala mötmamğöra jöjöröba dop alalgö goul öröpñi (rula mesa) memba kinök. ¹⁶ Siti mi areñğöba megetka wañğomñi 4 ahök. Likeplik ep eu emu köröpñi mi öröröñ. Köröpñi mohot mohot mi goul öröpñi mianñon dop ala 2400 kilomita mianğö dop ahöi miwikñaiyök.† Andipñi mi mewöyök öröröñ ahöyök. ¹⁷ Suep garatanöñ mewöyök siti kiriponñi mi gölme azigö dopnöñ dop ala 60 mita ahöi miwikñaiyök.

¹⁸ *Siti kiriponñi mi jamönñin ölnambuk qetñi jaspö mianñon memenja. Siti nanğak mi goul töhönöhök megetka asakmararañan mönö kirin tuatñangö dop asakasakñambuk asariyök. ¹⁹ Siti kiriponñangö tandöñi mi jamönñin söñğöröñini öñğöñgöñi könani könani mianñon menölöm engigetka aködamunñinambuk kewö aketka eñgehal: Tandö mutukñi mi jamönñin ölnambuk qetñi jaspö mundañi inñani tandöktandök. Tandö yahötñi mi jamönñin asonñi qetñi safaiö, karöbutñi mi jamönñin töñğöntöñgön qetñi ageit. Tandö 4:ñi mi jamönñin görökñi qetñi emerald.

²⁰ Tandö 5:ñi mi jamönñin pisikpisik qetñi sardoniks. Tandö 6:ñi mi jamönñin pisikñi qetñi karnilian, 7:ñi mi jamönñin qetñi krisolait (qortz), mundañi goul kirin ewö. Tandöñi 8:ñi mi jamönñin asonñi qetñi beril, 9:ñi

* **21:8:** Salfa kötkö könöpñi mi közupkö kötnan jeba göğöriñ qeba jemakzawangö dop akza. * **21:10:**

Eze 40.2 * **21:12:** Eze 48.30-35 * **21:15:** Eze 40.3 † **21:16:** Kambu 12 mohot mohot miengöra

200 kilomita. * **21:18:** Ais 54.11-12

mi jamönjin gohotnji qetnji topaz. Tandö 10:nji mi jamönjin qetnji kalsedoni (krisopreis) mundañi kaukau, 11:nji mi jamönjin gohotgohot qetnji jeisint (turqois). Tandö 12:nji mi jamönjin pisiknji gugakgugak qetnji ametist. ²¹ Siti kiripo nanju 12 mi sorom kötnji welipñinambuk 12 mianjón memenja. Nanju mohot mohot mi sorom kötnji mohot mohot mianjón urasiba memenja. Sitinöñ köna ahözawi, mi goul töhöñöhök megetka kirin tuatnji ewö asariyök.

²² Siti pakpak yeñön Kembu Anutu kukösom pakpakö Tonji aka Lama moröñi törörök etkeka uruñini lök melenja waikñiri memba möpöseimakze. Mianjöra jöwöwöl jike (tempöl) kungöra qahö osimakze. Mi qahö ehal.

²³ *Anutugö asakmararañan siti mem asarim enjiiga Lama moröñan kiwanjini akza. Mianjöra wehön köiñ asarimahotköra qahö osimakze.

²⁴ *Yañön kiwanjini aiga kantriji kantriji yeñön mönö yangö asakñe anda kaba malme. Gölmegö kiñ kembuñi kembuñi yeñön buñajini aködammunñinambuk mi enjuañgita siti mianjörej alme. ²⁵ *Siti söñaupñi qahö, mianjöra kiripo nanjuñi mi nalö kunöñ qahö kölmemö, sundan dop tala kinme.

²⁶ Kantriji kantriji yeñön uruñini melenja aködammunñinangö buñajinangöra aiweliköba qetbuñajinambuk aka malgeri, mi mönö enjuañgita siti mianjörej alme. ²⁷ *Ambazip qetjini malmal köhöikñangö qet areñ papianöñ ohogetka ahözawi, yeñönök mönö siti mianjörej öngöme. Lama moröñan qet areñ papia mi galöm kölakza. Kunñan uruñi tölohozawi me anğöjörak imbilonñambuk aka muney keu jimakzawi, yañön mönö mianjörej öngömamgö osima. Mewö.

22

Malmal köhöikñangö o töwatñi ehal.

¹ *Mianjö andöñe Suep garata mianjón malmal köhöikñangö o jeñi kondel niñjiiga Anutu aka Lama moröñi yetkö jakömbuak dumñöhök uzumgöba kaba o töwatñi ahök. Mianjö onji mi kirin jöhanñi jöhanñi kölköl-bilikbilikñinambuk melenja asarimakzei, mönö mianjö dop tuat lalamñi ahök. ² *O töwatñi mianjón sitigö köna namñi bohonñe eta bibiñi mötöteiba kutuba kayök. O töwatñangö görañe likelike mianjörej malmal köhöikñangö ipñi mi kinök. Ip mianjö öñan mönö (yara) yambu dop sömañi 12, mi köiñ mohot mohotkö dop söhöba asuhumakze. Ip mianjö sinñan mönö ambazip kantri dop ölöwakñegöra aka kinje.

³ *Kunñan kun qahö toroqeba alañi saikköba qesuahöma. Anutu aka Lama moröñi yetkö jakömbuak dumñiran mönö siti mianjörej ahöiga Lama moröñangö nup meme ambazipurupñan welen qem wañgimakze.

⁴ Welen qem wañgiba jemesoholñi eka Anutugö qetnji mesoholñine kösöba mekötahögetka ahöma.

⁵ *Miri qahö toroqeba söñauma. Kembu Anutunöñ mem asarim enjimakzawañgöra kiwa asakñangöra me wehön asakñangöra qahö osime. Mewö oyaenköyaen mala nalö dop teteköñi qahö kiñ kembu ewö galömkölköl nup memba mal öngöme.

* 21:23: Ais 60.19-20 * 21:24: Ais 60.3 * 21:25: Ais 60.11 * 21:27: Ais 52.1; Eze 44.9

* 22:1: Eze 47.1; Zek 14.8 * 22:2: Jen 2.9; Eze 47.12 * 22:3: Zek 14.11 * 22:5: Ais 60.19;

Dan 7.18

6 Mi ekiga Suep garatanöj nõngöra kewö jiyök, “Buña keu mötzani, mi-anön mönõ öl töhönni uruyahötñi qahö akza. Kembu Anutunöj kezapqetok ambazip sölölohöm engimakzawi, yanön mönõ Suep garatani ni melaim niñgiiga asuhum gihiba malal. Yuai pakpak zilarj asuhumeangö dop akzawi, mötnarip ambazipurupñan mi mötmegöra mi asuhuba kondel gihial.” Mewö.

Jisösnöj kunbuk lilingöba kama.

7 Jisösnöj jiza, “Mötket, nõñön mönõ zilarj lilingöba kamam. Tosatñan buk kiangö kezapqetok keunji buña qeba qekötahömakzei, yeñön mönõ simbawon akze.”

8 Jon nõñön Buña keu ki möta jeni meleyeniga imutñi ehal. Mi möta ek teköba Suep garatanöj imut ki kondel niñgiyöhi, nõñön yanğö waikñi memba möpöseimangö möta gölmenöj eta kõnañe simin kölal. 9 Simin kölalmö, nõngöra kewö jiyök, “Aek! Mewö kude aknöj. Nõñön gi aka kezapqetok alaurupki aka ambazip buk kiangö Buña keunji buña qeba qekötahömakzei, mönõ körek enğö qöhöröjine kinda mohotñe Anutu welen qem wanğimakzin. Nia qahöpmö, mönõ Anutu waikñi memba möpöseimakñan.”

10 Mewö jiba nõngöra kewö jiyök, “Nalö töriza. Mianğöra buk kiangö kezapqetok keunjan tölapñe ahöbapüköra mi papianöj ohomanmö, mi mönõ munğem supapnöj (sil) kude qekötahöman. 11 *Bölöñi memakzawañön mönõ toroqeba mewö memba böliqölima. Tölohoba maljawañön mönõ toroqeba tölohoba anğöjörakñambuk aka malma. Ahakmeme diñdiñi ahakzawañön mönõ toroqeba diñdiñanök aka memba malma. Sarakñi ahakzawañön mönõ toroqeba sarakñi kötökñi aka malma.” Suep garatanöj mewö jiyök.

12 *Jisösnöj jiza, “Mötket, nõñön mönõ zilarj lilingöba kamam. Kamami, mianğöreñ mönõ töwanjini memba kamam. Ahakmemeñini aka memba malgeri, mönõ mi kewöta mianğö dop töwanjini mohot mohot al engimam.

13 *Nõñön kõnakönahije mutukñi mala (yuai pakpak miwikñaiba kõnanğep jibi qahöwahiga) teteköñe qöndökña mal öngöba malmam. Mianğö dop nõñön A aka Z, kulem namñi mutukñi aka teteköñi akzal.

14 *Nõñön ambazip malukunjini galöm kölakzei, yeñöra kiripo nanğunji öröbiga ölop siti uruñe öngögetka qahö anğön köl engibiga malmal köhöikñanğö ip ölni neme. Mianğöra opo malukunjini galöm köla sanğonmakzei, ambazip mienön mönõ simbawon aka oyaenkyoaeñ akze.

15 “Yeñön oyaenkyoaeñ akñemö, tosatñi yeñöra nanğu köl jöhöbiga yaigep malmei, mi ambazip kewöñi: Kiam ewö kaisero aka qaröşonjo amötqeçe ahakze. Serowilin aka ambazip enğuget kömumakze. Tandö loşonj waikñini memba möpöseimakze aka isimkakalekö sihimñi möta mi ahakze. Ambazip mewöñi pakpak mi mönõ kiripo yaigepñe (luhutñe) malme.

16 *Jisös nõñön garatani melaibiga liliköba urumelen kõnagesö enğöra kezapqetok keu ki nanğöba jiiga mötme. Nõñön kiñ Deiwidkö bömönjalöñi aka undumñi akzal. Nõñön söñangö undiñi asakmararanñambuk aka asari-makzal.” Jisösnöj mewö jiyök.

17 *Uña Töröñi aka ambi buña yetkön kewö jimakzahot, “Jisös, gi mönõ kanöñ.” Mewö jiyohotka mötmei, iñini mönõ mewöñanök kewö jime, “Jisös, gi mönõ kanöñ.”

* 22:11: Dan 12.10 * 22:12: Ais 40.10; 62.11; Sum 28.4; Jer 17.10 * 22:13: Ind 1.8, 17; 2.8; Ais 44.6; 48.12 * 22:14: Jen 2.9; 3.22 * 22:16: Ais 11.1, 10 * 22:17: Ais 55.1

Kunḡan ogöra mötzawi, yaḡön mönö kama. Kunḡan malmal köhöikḡaḡö ogöra sihimḡi mötzawi, yaḡön mönö kaba mi kalema möt aḡön kölma. Mewö.

Galöm meme aka jöjöpaj keu teteköji

¹⁸* Nöḡön buk kiaḡö kezapqetok keuḡi mötmei, körek enḡöra galöm meme keu kewö jizal: Kunḡan kezapqetok keu kiambuk keu kun toroqeba jimawi, lömböt kanḡamḡinambuk asuhumapkö keuḡi buk kiaḡöreḡ ohoyali, Anutunöḡ mi mönö yaḡö qakḡe ali öḡöme. ¹⁹ Kunḡan buk kiaḡö kezapqetok keuḡi miaḡöreḡök keu kun qekömawi, Anutunöḡ mönö i aḡön köliga malmal köhöikḡaḡö ip öḡi qahö nemba siti töröḡe qahö öḡöma. Miaḡö keuḡi Anutunöḡ jöhöiga buk kiaḡöreḡ ohoyalmö, keu miaḡön mönö yaḡöreḡ öḡambuk qahö akḡa.

²⁰ Buḡa keu ki naḡöba jizawaḡön kewö jiza, “Keu mi öḡa. Nöḡön mönö zilaḡ liliḡöba kamam.”

Mewö jiiga nöḡön kewö jizal, “Keu mi öḡa. O Kembu Jisös, gi mönö kanöḡ.”

²¹ Kembu Jisösḡö kalem möriamḡan mönö körek embuk ahöma. Keu mi öḡa.

* 22:18: Dut 4.2; 12.32